

Dir. Com. I. 1 (13)

BULLARIUM

ROMANUM

PP. I. 13

**BULLARUM
DIPLOMATUM ET PRIVILEGIORUM
SANCTORUM ROMANORUM PONTIFICUM
TAURINENSIS EDITIO**

LOCUPLETIOR FACTA

COLLECTIONE NOVISSIMA PLURIUM BREVIUM, EPISTOLARUM, DECRETORUM ACTORUMQUE S. SEDIS

A S. LEONE MAGNO USQUE AD PRAESENS

CURA ET STUDIO

COLLEGII ADLECTI ROMAE VIROB. S. THEOLOGIAE ET S. CANONUM PERITORUM

QUAM

SS. D. N. PIUS PAPA IX

APOSTOLICA BENEDICTIONE EREXIT

AUSPICANTE

EMO AC REVERENDO DNO S. R. E. CARDINALI

ALOYSIO BILIO.

TOMUS XIII

URBANUS VIII (ab. an. MDCXXIII ad ann. MDCXXVIII).

AUGUSTAE TAURINORUM

A. VECCO ET SOCIIS EDITORIBUS

SUCCESS. SEBASTIANI FRANCO ET FILIORUM

M DCCC LXVIII.

THE NEW YORK PUBLIC LIBRARY

ASTOR LENOX TILDEN FOUNDATION

500 FIFTH AVENUE, NEW YORK, N. Y.

1894

THE NEW YORK PUBLIC LIBRARY

ASTOR LENOX TILDEN FOUNDATION

500 FIFTH AVENUE, NEW YORK, N. Y.

LECTORI BENEVOLO

EDITORES TAURINENSES

S.

Orbitatis plus quam septuennis luctui finem tandem imponimus. En iterum Editio haec nostra prodit inscripta fronti ac nobiliter in conspectu omnium condecorata et aucta titulo Patroni Eminentissimi, cuius nomen amplissima laus, cuius benevolentia dulce solatium, cuius praesidium firma securitas est.

Equidem dicere non possumus quantum nobis non solum doloris sed et iacturae attulerat bonae atque colendae iugiter memoriae FRANCISCI GAUDE ex inclito Praedicatorum Ordine Cardinalis amplissimi praeproperum fatum, qui huius nostrae Editionis nedum Patronus, verum etiam ab ipsius incunabulis, prope dixerim, Parens et Auctor, propter eam, qua nos opusque nostrum prosequebatur, comitatem et benevolentiam, nunquam non nos iuvabat opera, consiliis, auxilio; laborum et ipse una factus nobiscum vigiliarumque particeps, dubia aperiens, operis apud universos Ecclesiae Catholicae Praesules fautor et commendator, et, quod pluris est, innumerum Pontificiorum Diplomatum ad *Appendicem* concinnandam undequaque conquisitor et collector assiduus ac studiosissimus. Ultro enim,

gratissimoque animo profitemur illius potissimum impensioribus curis debitores nos esse ingentis huius, quae apud nos sollicite custoditur, ineditorum adhuc monumentorum copiae, quae, postquam tota fuerit evulgata, miraculo erit.

Ast non in finem deseruit nos D. O. M. ipsiusque in terris Vicarii bona benignaque Providentia; neque sane minora unquam speramus auxilia atque iuvamina ab Eminentissimo ac Reverendissimo Principe ALOYSIO BILIO, cive Alexandrino, totiusque ditionis Subalpinae lumine atque ornamento, quem ipsi primum anno mox elapso, quum Romae fuimus centenniali Bb. Apostolorum Petri et Pauli recurrente celebritate, vehementer flagitavimus, nuper autem suppliciter a nobis exoratus Patronum dedit Pater peramantissimus PIUS PP. IX virum sibi cohaerentem atque unanimem, nobis autem prae ceteris patria necessitudine devinctum, in tota porro Ecclesia virtutum sapientiaeque claritate conspicuum. Equidem, quantum tali Viro adaugenda sit nostra Editio, ipse iam optime noris, Lector benigne; eo praesertim titulo adiuncto, quem ceteris ingenii animique dotibus veluti cumulum superposuit Princeps Eminentissimus, comitatem, inquam, et benevolentiam qua nos operamque nostram suis sub auspiciis libenter excipere ultro professus est ¹. Quae de re dum impensissimas illi grates ex animo heic publice referimus, facere non possumus quin tecum quoque, optime Lector, vehementissime gratulemur: nam reliquis sedulitatis nostrae diligentiaeque argumentis, quae, quatuor intra unius anni spatium evulgatis voluminibus ter circiter paginarum millia simul conficientibus, potissi-

¹ En quibus verbis benignissimis suam nobis animi propensionem testari voluit Princeps Optimus suis Romae datis litteris die 1 martii 1868:

« Pregiatissimi Signori,

« Persuaso del sommo vantaggio che senza dubbio recherà agli studi, principalmente sacri, la nuova e splendida Edizione del gran *Bollario Romano* da Voi continuata, non potei esitare ad accettarne, coll'approvazione della Santità di Nostro Signore, il protetto; e sarò lietissimo di concorrere anch'io, quanto me lo consentiranno le mie forze e le mie occupazioni, al felice compimento di questa insigne e colossale intrapresa, la quale si grandemente onora la vostra casa e la nostra patria ».

mun. dedimus, hoc etiam, quod unum adhuc deerat, omnium maximum postremumque accedit pignus coepti alacriter proseguendi, atque ad ultimum usque certo certius, auxiliante Deo, perducendi, nempe sub tanti Viri nomine et tutela nostram fuisse Editionem ab ipso Supremo Hierarcha constitutam.

Pauca nunc de Volumine isto, totius Operis Decimotertio, quod non serius quadrimestri spatio post Duodecimum evulgamus, proloqui habemus. Parum aequa Mainardianae editionis voluminum distributione per nos in melius redacta et immutata, initium Tomi facimus a magno longoque annorum xxi Urbani VIII Pontificatu, cuius quinque tantummodo annos priores, sed qui Actorum copia pleniores sunt, tibi damus, ea videlicet quae in editione Romana a pagina 117 partis v tomi v usque ad paginam 136 partis i tomi vi discriptim continentur, totum deinde ipsius Urbani Pontificatum, illo etiam per integrum adiecto Innocentii X, tribus voluminibus intra annum edendis complexuri. Quo factum erit ut Magna nostra Bullarum Collectio usque ad annum Reparatae Salutis MDCLV perducatur; id est decem tantummodo Romanorum Pontificum per octuaginta quinque annos Acta supererunt edenda ut ad Benedictum XIV, ubi desinit editio Mainardiana, pertingamus. Istamque nostri Operis Partem priorem, eamque certe graviolem, triennio absolutum iri confidimus. Itaque, Lector benigne, vel hoc pacto totam editionem Mainardianam evulgatam habebimus: non quidem tunc a coepto destituri, sed illius continuationem ad nostra usque tempora, nova alacritate, novisque viribus, Deo iuvante, resumpturi.

Quot quantique ponderis emendationes editioni Romanae adhibuerimus, hic proxime adiectus illarum catalogus satis tibi demonstrabit. Quod si una vel altera vice aqua haesit, hoc ipsum suo loco monuimus, ut per te valeas, quod nos minime potuimus, emendare. Unam etiam Urbani VIII Constitutionem, quam a Romanis editionis illius curatoribus omissam fuisse deprehendimus, integram dare ex Cherubinio nobis curae fuit. Ad ordinem vero chronologicum quod spectat, quem in Pontificiarum Constitutionum dispo-

sitione, quantum possibile fuit, servare studuimus, nil novi addimus iis quae iam in superioribus voluminibus praelocuti sumus.

Sed ista dum omni conatu iterum edenda curamus quae iam edita erant, ineditam quoque APPENDICEM ultra promovere nequaquam negligimus; moxque altero volumini, quod GREGORI PP. I cognomento Magni Pontificatum ex integro referet, concinnando, extremam manum admovemus.

Curas nostras, Lector benevole, comiter excipere ne desinas, diuque te sospitet Deus.

Augustae Taurinorum, kalendis aprilis, ann. MDCCCLXVIII.

A. VECCO ET SOCI.

TABULA

*Quae novum ordinem refert, quo chronologice dispositae sunt
Pontificiae Constitutiones in Editione Taurinensi, collatum cum
veteri ordine Romanae Editionis Hieronymi Mainardi.*

Edit. Taur. Tom. XIII	Edit. Rom. Tom. v, part. v	Edit. Taur. Tom. XIII	Edit. Rom. Tom. v, part. v
	URBANUS VIII.	1624	XLIV Cupientes in hac nostrâ . . 43
1623	I Circumspecta in omnibus . 1	"	XLV Quoniam in presequendo . 43
"	II Rationi congruit et convenit . 2	"	XLVI Officii nostri est pastoralia . 43
"	III Rationi congruit et convenit . 3	"	XLVII Cum in pastorali visitatione . 43
"	IV Rationi congruit et convenit . 4	"	XLVIII Rerum, quae nobis cordi . 43
"	V Ex debito pastoralis officii . 5	"	XLIX Ut in prosequendo . . . 43
"	VI Sacrosancti apostolatus . . 6	"	L Singularia atque eximia . . 44
"	VII In supremo militantis . . . 7	"	LI Universalis Ecclesiae . . . 45
"	VIII Ex iniuncto nobis desuper . 8	"	LII Aliàs a felicis recordationis . 46
"	IX Sanctissimus in Christo . . 9	"	LIII Nuper, cum causa inter . . 22
"	X Aeternus rerum conditor . . 10	"	LIV Aliàs de tua prudentia . . 47
"	XI Decet Romanum Pontificem . 11	"	LV Singularia multiplicum . . 48
"	XII Pastoralis officii nostri cura . 12	"	LVI Exponi nobis nuper fecit . 49
"	XIII Ex iniuncto nobis desuper . 13	"	LVII Omnes gentes plaudite . . 50
"	XIV Caelestis aquae flumen . . 14	"	LVIII Cum nuper iubilaei . . . 50
"	XV In specula milit. Ecclesiae . 15	"	LIX Ex illo die, quo mirabilia . 51
"	XVI Aliàs a felicis recordationis . 16	"	LX Aliàs a felicis recordationis . 52
"	XVII Cum, sicut accepimus . . . 17	"	LXI Aliàs a felicis memoriae . . 53
"	XVIII Decet Romanum Pontificem . 18	"	LXII Ute a quae pro personarum . 54
"	XIX Romanus Pontifex, ad quem . 19	"	LXIII Romani Pontifices, qui . . 55
"	XX Militantis Ecclesiae regimini . 20	"	LXIV Aliàs felicis recordationis . 56
1624	XXI Decet Romanum Pontificem . 21	"	LXV Aliàs felicis recordationis . 57
"	XXII In supremo apostolatus . . 22	"	LXVI Circumspecta Sedis Ap. . 58
"	XXIII Onerosa pastoralis officii . 23	"	LXVII Sacrosanctum apostolatus . 59
"	XXIV Ad aures nostras non sine . 24	"	LXVIII Aliàs pia memoriae . . . 60
"	XXV Aliàs felicis recordationis . 25	"	LXIX Iniuncti nobis apostolici . 61
"	XXVI Cum, sicut dilectus filius . . 26	"	LXX Cum dilectus filius nobilis . 62
"	XXVII Sacrosanctae Romanae . . 27	"	LXXI Cum dilectus filius nobilis . 62
"	XXVIII Sanctissimus D. N. D . . 28	"	LXXII Considerantes ducatum . . 63
"	XXIX Cum, sicut accepimus . . . 29	"	LXXIII Exponi nobis nuper fecit . 64
"	XXX Cum, sicut accepimus . . . 30	"	LXXIV Romanus Pontifex a Salvat. . 65
"	XXXI Cum, sicut accepimus . . . 31	"	LXXV Militantis Ecclesiae regim. . 66
"	XXXII Cum, sicut accepimus . . . 32	"	LXXVI Aliàs a felicis recordationis . 67
"	XXXIII Cum, sicut accepimus . . . 33	"	LXXVII Cum nuper, ob sacri iub. . 68
"	XXXIV Cum, sicut accepimus . . . 34	"	LXXVIII Commissi nobis per . . . 69
"	XXXV Praeclara praedecessorum . 35	"	LXXIX Ut penuriae notariorum . 70
"	XXXVI Imperscrutabili divinatorum . 36	"	LXXX In sede Principis apostol. . 71
"	XXXVII Nuper supplicationibus . 37	"	LXXXI Domini nostri Iesu Christi . 72
"	XXXVIII Nuper supplicationibus . 38	"	LXXXII Sacrosancti apostolatus . . 73
"	XXXIX Aliàs a felicis recordationis . 39	"	LXXXIII Ad audientiam nostram . . 74
"	XL Romanus Pontifex, in quo . 40	"	LXXXIV Accepimus nuper, fratern. . 75
"	XLI Cupientes prospero . . . 41	"	LXXXV Romanus Pontifex, cui . . 76
"	XLII Cum, sicut charissimus . . 42	"	LXXXVI Sacra Congregatio cardin. . 77
"	XLIII Militantem Ecclesiam . . . 43	"	LXXXVII Decet Rom. Pontificem . 78
		"	LXXXVIII Cum nos nuper supplicat. . 79
		"	LXXXIX Superni benignitas Condit. . 80

Edit. Taur.
Tom. III

Edit. Rom.
Tom. v, part. v

Edit. Taur.
Tom. XII

Edit. Rom.
Tom. v, part. v

1624	XC Exponi nobis nuper fecit .	81
"	XCI Nuper, pro parte charissimi	79 ^{1/2}
"	XCII Sacrosanctum apostolatus .	82
"	XCIII Pastoris aeterni, qui pro .	83
"	XCIV Cum nos nuper Militiam .	84
"	XCV Exponi nobis nuper fecisti	85
"	XCVI Onerosa pastoralis officii .	86
"	XCVII Piastatis et christianae . .	87
"	XCVIII Univerſ. Ecclesiae regimini	88
"	XCIX In sede Principis apostol.	89
"	C Nuper a nobis emanarunt .	90
"	CI Inter cetera cordis nostri .	91
"	CII Secretis aeternae providen.	92
"	CIII Nuper accepimus, quod . .	93
"	CIV Insupereminenti Sedis Ap.	94
"	CV Cum dilectus filius nobilis .	95
"	CVI Nuper supplicationibus . .	96
"	CVII Cum, sicut pro parte . . .	97
1625	CVIII Sacrosanctum apostolatus .	98
"	CIX Apostolicam decet	99
"	CX Immortales christianae . .	100
"	CXI Pontificis sollicitudo . . .	101
"	CXII Paterna dominici gregis . .	102
"	CXIII Paterna dominici gregis . .	102
"	CXIV Salvatoris et Domini nostri	103
"	CXV Conservationi et manutent.	104
"	CXVI Cum aliis felicis recordat.	105
"	CXVII Romanus Pontifex a Salvat.	106
"	CXVIII Sacrosanctum apostolatus .	107
"	CXIX Alias a felicis recordationis	108
"	CXX Salvator noster Dominus . .	109
"	CXXI Annonae copiae, quantum .	110
"	CXXII Cum nos hodie motu . . .	111
"	CXXIII Cum nos hodie motu . . .	111
"	CXXIV Sacrosanctum apostolatus .	112
"	CXXV Cum nos nuper ad regimen	113
"	CXXVI Sacrosanctum apostolatus .	114
"	CXXVII Nobis nuper pro parte . .	115
"	CXXVIII Tornitrua ultionis Omnip.	116
"	CXXIX Cum nos nuper te ad . . .	117
"	CXXX Sanctissimus D. N. . . .	118
"	CXXXI Alias a felicis recordationis	129
"	CXXXII Divinae misericordiae . .	120
"	CXXXIII Sedes apostolica pia mater	121
"	CXXXIV Romanus Pontifex in sacra	122
"	CXXXV Orthodoxae fidei, religionis	84
"	CXXXVI Sacrosanctum apostolatus .	123
"	CXXXVII Circumspecta Romani Pont.	124
"	CXXXVIII Alias, supplicationibus .	125
"	CXXXIX Nomine dilecti filii . . .	126
"	CXL Cum nos nuper, occasione .	127
"	CXLI Alias a felicis recordationis	128
"	CXLII In sede Principis apostol. .	129
"	CXLIII Salvator noster Dominus .	130
"	CXLIV Ad audientiam apostolatus	131
"	CXLV Cum saepe contingat . . .	132
"	CXLVI Pro nostro munere in his .	133

1625	CXLVII Cum, sicut dilectus filius .	134
"	CXLVIII Dominici gregis cura . .	135
"	CXLIX Quae ad restituendos in . .	136
"	CL Creditum humilitati nostrae	137
"	CLI In supereminenti Sedis Ap.	138
"	CLII Cum nos nuper in monte . .	139
"	CLIII Alias per nostras in simili	140
"	CLIV Exponi nobis nuper fecit . .	141
"	CLV Alias per felicis recordat.	142
"	CLVI Apostolici muneris sollicit.	143
"	CLVII Alias a felicis recordationis	144
"	CLVIII Alias a nobis emanarunt .	145
"	CLIX Romani Pontificis circum.	146
"	CLX Domini nostri Iesu Christi .	147
"	CLXI Sanctissimus Dominus nost.	148
"	CLXII In specula milit. Ecclesiae.	149
"	CLXIII Sacrosanctum apostolatus .	150
"	CLXIV In supereminenti apostol.	151
"	CLXV Humanae salutis auctor . .	152
"	CLXVI Salvatoris et Domini nostri	153
"	CLXVII Exponi nobis nuper fecit .	154
"	CLXVIII Apostolatus officium, nullo	155
"	CLXIX Exponi nobis nuper fecer.	156
"	CLXX Pastoralis officii nobis . . .	157
"	CLXXI Ex iniuncto nobis desuper .	158
"	CLXXII In supremo apostolatus . .	159
"	CLXXIII Orthodoxae fidei conserv.	159
"	CLXXIV In supremo apostolatus . .	160
"	CLXXV Admonet nos cura	161
"	CLXXVI Iniuncti nobis apostolici .	160
"	CLXXVII Alias felicis recordationis .	*
"	CLXXVIII Exponi nobis nuper . . .	162
1626	CLXXIX Quamvis ab initio nostri .	163
"	CLXXX Singularibus tuae in nos .	164
"	CLXXXI Singularibus tuae in nos .	164
"	CLXXXII Cum, sicut dilectus filius .	165
"	CLXXXIII Ad Romani Pontificis prov.	166
"	CLXXXIV Romanus Pontifex, quem .	167
"	CLXXXV Alias a nobis emanarunt .	163
"	CLXXXVI Romanus Pontifex aequi .	169
"	CLXXXVII Cum, sicut dilectus filius .	170
"	CLXXXVIII Clerum Leodiensem ob .	171
"	CLXXXIX Nuper, nomine dilectorum .	149
"	CXC Cum, sicut dilectus filius . .	172
"	CXCI In cathedra Principis apost.	173
"	CXCII In Sede Principis apostolor.	174
"	CXCIII Exponi nobis nuper fecit .	175
"	CXCIV Onerosa pastoralis officii .	176
"	CXCV Ex iniuncto nobis desuper .	177
"	CXCVI Cum, sicut non sine gravi	178
"	CXCVII Ad apostolatum nostrum . .	178
"	CXCVIII In supremo Apostolicae . .	179
"	CXCIX Exponi nobis nuper . . .	180
"	CC Exponi nobis nuper	180
"	CCI Militant. Ecclesiae, licet . .	181

* Ex Cherub. XXI.

Edit. Taur. Tom. XIII	Edit. Rom. Tom. VI, part. I	Edit. Taur. Tom. XIII	Edit. Rom. Tom. VI, part. I
1626	CCII Sacrosanctum apostolatus . 182	1627	CCL In Sede Priore apostolorum 229
"	CCIII Pastoralis officii nobis . . 183	"	CCLI Exponi nobis nuper fecer. 230
"	CCIV Decet Romanum Pontificem 184	"	CCLII Hodie pro parte dilectorum 231
"	CCV Salvatoris et Domini nostri 185	"	CCLIII Sanctissimus D. N. Urbanus 232
"	CCVI Spirituali christifidelium . 186	"	CCLIV Immortalis Dei filius . . 233
"	CCVII Inuncti nobis apostolici . 187	"	CCLV Si processus inquisitionis . 234
"	CCVIII Aliàs a felicis recordationis 188	"	CCLVI Creditum humilitati nostrae 235
"	CCIX Ad uberes et suaves fructus 189	"	CCLVII Exponi nobis nuper fecit . 236
"	CCX Aliàs, felicis recordationis . 190	"	CCLVIII Pastoralis officii nobis . . 237
"	CCXI Singularibus tuæ in nos . 191	"	CCLIX Salvatoris et Domini nostri 238
"	CCXII Sacrosanctum apostolatus . 192	"	CCLX Salvatoris et Domini nostri 239
"	CCXIII Accepto, quod sanctae . . 193	"	CCLXI Sedes apostolica, pia mater 240
"	CCXIV Licet nullus episcoporum . 194	"	CCLXII Debitum pastoralis officii . 241
"	CCXV In supremamenti Sedis Ap. 195	"	CCLXIII In supremo apostolatus . 242
"	CCXVI Eximius maiestatis tuæ . 196	"	CCLXIV Inter cetera pietatis opera 243
"	CCXVII Muneri nostro apostolico . 197	"	CCLXV In supremâ militantis . . 244
"	CCXVIII Eximius maiestatis tuæ . 198	"	CCLXVI Ad militantis Ecclesiae . . 245
"	CCXIX Cum, sicut nobis nuper . . 199	"	CCLXVII Cum, sicut nobis innotuit . 246
"	CCXX Singulares atque eximiae . 200	"	CCLXVIII De salute domini gregis . 247
"	CCXXI Conservationi et manutent. 201	"	CCLXIX Cum primum ad summam . 248
"	CCXXII Romanus Pontifex æqui . 202	"	CCLXX In supremâ pastoralis . . 249
"	CCXXIII Decet Romanum Pontificem 203	"	CCLXXI Commissi nobis per . . 250
"	CCXXIV Humanarum rerum ea est . 87	"	CCLXXII Romanus Pontifex, cuius . 251
"	CCXXV Cum, sicut accepimus . . 204	"	CCLXXIII Cum nos aliàs facultates . 252
"	CCXXVI Felici ac prospero monast. 205	"	CCLXXIV Aliàs, pro parte dilecti . 253
"	CCXXVII Ex debito apostolicæ serv. 206	1628	CCLXXV Inuncti nobis apostolici . 253
"	CCXXVIII Aliàs a nobis emanarunt . 207	"	CCLXXVI In supereminenti Apostolic. 254
1627	CCXXIX Cum, sicut dilectus filius . 208	"	CCLXXVII Nuper pro parte dilectorum 255
"	CCXXX Aliàs felicis recordationis 209	"	CCLXXVIII Romanus Pontifex, æqui 256
"	CCXXXI In eis præcipue sollicitud. 210	"	CCLXXIX Aliàs a felicis recordationis 256
"	CCXXXII Cum, sicut nobis nuper . 211	"	CCLXXX Exponi nobis nuper . 257
"	CCXXXIII Pastoris æterni, qui pro . 212	"	CCLXXXI Cum, sicut accepimus . 258
"	CCXXXIV Pastoralis officii nobis hec . 213	"	CCLXXXII Aliàs, nomine dilectorum 259
"	CCXXXV Ad uberes et suaves fructus 214	"	CCLXXXIII Apostolatus officium . . 260
"	CCXXXVI Expositum nobis nuper fuit 215	"	CCLXXXIV Æternus rerum Conditor 260
"	CCXXXVII Ut decreta aliàs sub die . 216	"	CCLXXXV Aliàs, pro parte dilecti 261
"	CCXXXVIII Ab illâ die, qua divinæ . . 217	"	CCLXXXVI Quod ab initio pontificatus 262
"	CCXXXIX Romanus Pontifex, æqui . 218	"	CCLXXXVII Militantis Eccl. regimini . 263
"	CCXL Pastoralis Romani Pontif. 219	"	CCLXXXVIII Circumspecta Romani Pont. 264
"	CCXLI Exponi nobis nuper fecit . 220	"	CCLXXXIX Romanus Pontifex, e subl. 265
"	CCXLII In supremo apostolatus . 221	"	CCXC Commissi nobis per . 267
"	CCXLIII Romanus Pontifex, quem . 222	"	CCXCI Militantis Eccl. regimini . 268
"	CCXLIV Zelo domus Dei nos . . 223	"	CCXCII Aliàs a nobis emanarunt . 83
"	CCXLV Decens et æquum esse . 224	"	CCXCIII Aliàs a felicis recordationis 264
"	CCXLVI Quoniam divinæ bonitati . 225	"	CCXCIV Aliàs pro parte bonæ . 270
"	CCXLVII Quoniam divinæ bonitati . 226	"	CCXCV Ex inuncti nobis apostol. 271
"	CCXLVIII Salvatoris et Domini nostri 227	"	CCXCVI In speculâ militantis Eccl. 272
"	CCXLIX Spectata diu circumspect. 228	"	CCXCVII Exponi nobis nuper . . 273

ERRATA-CORRIGE

Pag.	Lege	Pag.	Lege
343 a	CLVI	417 b	CLXII
367 a	CLVIII	419-450	CLXXXVIII CCH
382 b	CLVI	517 a	CXXXI
409 b	CLXXXVI		CCXXXI

INDICULUS

SS. PONTIFICUM CONSTITUTIONUM

QUAE IN HOC TOMO XIII

EXTRA ORDINEM CHRONOLOGICUM VAGANTUR.

PIUS IV.

<i>Datum A. D.</i>	<i>Pag.</i>
11 Martii 1560 De statu ecclesiarum . . .	436

GREGORIUS XIII.

8 Augusti 1584 Quamvis nos pridem . . .	154a
---	------

SIXTUS V.

19 Novembris 1586 Cunctarum orbis ecclesia- rum	632
27 Maii 1587 Nuper a nobis emanarunt	632

CLEMENS VIII.

1 Martii 1594 Inter multiplices . . .	495
5 Februarii 1596 In eminenti Sedis Aposto- licae	311
6 Novembris 1596 Alias per nostras . . .	313
7 Aprilis 1604 Cum, sicut accepimus, . .	154b

PAULUS V.

<i>Datum A. D.</i>	<i>Pag.</i>
26 Augusti 1605 Meritis et supplicationibus vestris	338
9 Decembris 1606 Ex iniuncto nobis . . .	196
26 Septembris 1607 Ad universalis Ecclesiae regimen	284

GREGORIUS XV.

29 Novembris 1621 Ex iniuncto	642
31 Martii 1622 Nuper pro parte	151

URBANUS VIII.

21 Martii 1624 Alias fel. rec. Paulo PP. V. .	417
11 Iulii 1624 Ut in proseguendo	133
Absque data 1625 Quamvis ab initio . . .	421
Absque data 1627 Si processus	581

INDEX

LECTIONUM, VEL MENDOSARUM, VEL DUBIARUM

EDITIONIS ROMANAE

QUIBUS OPPONUNTUR SINGULIS SINGULAE EMENDATIONES VEL LECTIONES

NOSTRAE EDITIONIS.

(Vide Adv. tom. XI pag. XII).

Advert. In numerandis lineis a supra paginarum editionis Romanae nulla habetur ratio rubricarum et titulorum quando ab hisce incipit pagina vel columna. Viceversa in lineis numerandis ab infra nostrae editionis nulla habetur ratio notarum.

<i>Edit. Rom. Main. Tom. v, Part. v.</i>			<i>Edit. Taur. Tom. XIII.</i>		
Pag.			Pag.		
118 b	linea 3	antelationum, antelatio-	2 b	linea 9 ult.	antelationibus
		nibus			
» 119 a	» 27	reservatis	» 3 b	» 2 ult.	reservatis
» 120 b	» 16	existentium	» 6 a	» 16	existentia
» 124 b	» 12 ult.	quam	» 12 b	» 3 ult.	qua
» 125 a	» 18 ult.	vero	» 13 b	» 20	altero
» 125 b	» 15	Non	» 14 a	» 10	Nondum
» 126 a	» 28	revinciendis	» 15 a	» 5	revinciendis
» 127 b	» 30 ult.	aëra	» 17 b	» 11	in aëra
» 128 b	» 28 ult.	ingenti	» 19 a	» 18 ult.	ingens
» 129 a	» 34	erga	» 20 a	» 1	ergo
» 129 a	» 44	affatus	» 20 a	» 11	affatus
» 131 a	» 4 ult.	nec non	» 23 a	» 3 ult.	et non
» 131 b	» 1	illis	» 23 b	» 1	illius
» 134 b	» 36	possent	» 28 b	» 21	posset
» 135 b	» 20	quiescere	» 30 a	» 13	quiescere posset
» 135 b	» 22	et caeca	» 30 a	» 15	caeca
» 137 b	» 9	Patri	» 33 a	» 7 ult.	Patris
» 138 a	» 18-23	etiam... meruerat	» 34 a	» 11-16	ut etiam... meruerit
» 138 a	» 33	ut vere	» 34 a	» 25	vere
» 138 a	» 22 ult.	In primis	» 34 a	» 1	Cumque in primis
» 139 a	» 23 ult.	studium	» 36 a	» 12	stadium
» 139 b	» 26	nullique	» 36 b	» 17	nonnullique
» 146 b	» 38	possessio	» 47 b	» 13 ult.	possessione
» 148 b	» 9 ult.	abbatis	» 51 a	» 11	abbatis
» 150 b	» 4	•	» 53 b	» 22 ult.	ac
» 150 b	» 11	nominumque	» 53 b	» 14 ult.	nominaque
» 151 b	» 5 ult.	et	» 55 b	» 13 ult.	ad
» 154 b	» 22 ult.	quorum	» 59 b	» 8 ult.	quibusvis
» 156 a	» 7	alias	» 61 b	» 10	alias

Edit. Rom. Main., Tom. v. Part. v.			Edit. Four. Tom. xiii.		
Pag.	156 b linea	1 prius	Pag.	62 a linea	21 plus (vel magis)
"	157 a "	10 ult. ei	"	63 a "	11 ult. eis
"	159 b "	18 factis	"	66 a "	9 ult. factas
"	160 a "	15 ult. et de hoc	"	67 a "	15 ult. et, si de hoc
"	160 b "	23 Et ipsum	"	67 b "	19 Et si ipsum
"	162 b "	14 ult. vacaturi	"	70 a "	9 ult. vacaturis
"	163 a "	24 ult. pro expresso	"	71 a "	4 pro expressis
"	163 a "	23 ult. extendendos	"	71 a "	5 (?)
"	163 a "	10 ult. de veritate	"	71 a "	17 ne de veritate
"	163 a "	8 ult. expeditas	"	71 a "	23 expeditis
"	163 b "	12 solita	"	71 a "	3 ult. solitam
"	165 a "	19 valeamus	"	73 b "	19 ult. non valeamus
"	165 b "	1 ult. nec	"	74 b "	1 ult. necnon (?)
"	167 a "	19 ult. xx	"	77 a "	1 x
"	167 a "	5 ult. fuisset	"	77 a "	16 an fuisset
"	169 a "	2 ult. nostra	"	80 a "	8 ult. nostrae
"	171 a "	26 personatus	"	83 a "	2 personas
"	172 b "	13 ult. rerum prout	"	85 b "	14 prout, rerum
"	174 b "	31 natalium	"	88 a "	5 ult. natalium contraxerint
"	175 b "	20 pensionum	"	89 b "	9 ult. pensionum seu fructuum
"	175 b "	32 aliquas	"	90 a "	4 per aliquas
"	175 a "	34 pensiones	"	90 a "	6 ac pensiones
"	176 b "	5 specialibus	"	91 a "	10 ult. editis specialibus
"	177 b "	1 dotata	"	92 b "	8 ult. dotatam
"	177 b "	22 perpetuo	"	93 a "	15 perpetuo pertineat
"	178 a "	15 ult. anteriori	"	94 a "	12 posteriori
"	178 b "	15 publicare	"	94 b "	18 publicantes
"	178 b "	32 aggravandi	"	94 b "	7 ult. aggravando
"	179 b "	25 absolutos	"	96 b "	17 absolutas
"	180 a "	14 ult. praedictis	"	97 b "	9 praedicti
"	184 a "	11 seq. Vicentinae	"	102 a "	13 ult. seq. Vicensis (?)
"	185 a "	41 ult. Legionis regnorum in	"	103 b "	6 ult. Legionis in
"	185 a "	32 ult. supplicant	"	104 a "	5 supplicat
"	185 b "	8 ult. Christi	"	105 a "	5 Christus
"	187 a "	3 indemnitati	"	106 b "	18 indemnitate
"	187 a "	29 factae	"	107 a "	4 facta
"	188 a "	23 episcopum	"	108 b "	7 episcopum pertinere
"	190 a "	16 ult. Sane, licet	"	111 b "	14 ult. Sane, cum licet
"	190 b "	34 ult. elegi	"	112 a "	3 ult. eligi
"	191 a "	13 ult. contenta	"	113 b "	2 contenta sunt
"	191 b "	9 ult. Imperscrutabili	"	114 a "	15 ult. Imperscrutabilis
"	192 a "	26 ult. Nivernensium	"	114 b "	6 ult. Nivernensis
"	193 b "	15 concedere	"	116 b "	2 ult. condere
"	195 a "	31 ult. licet asserta quaedam	"	119 b "	6 asserta quaedam
"	196 a "	10 ult. illisque	"	121 a "	26 illasque
"	196 b "	7 et interdum	"	121 b "	11 interdum
"	196 b "	17 praedecessores	"	121 b "	21 praedecessor
"	196 b "	25 circa	"	121 b "	30 citra
"	197 a "	28 ult. Constitutiones	"	122 b "	16 Constitutionem
"	197 a "	11 ult. 7 ult. eos... qui... volu- erit	"	122 b "	8 ult. 4 ult. eum... qui... volu- erit
"	197 b "	2 ult. vi	"	123 b "	25 vii
"	198 b "	9 militarium	"	124 b "	14 militarium fuerint requi- siti,
"	199 a "	18 ult. a nobis ipsis	"	125 b "	9 ult. nobis ipsi (?)
"	201 b "	4 Ordinis	"	129 a "	18 Ordinis, etiam
"	201 b "	19 ult. erga personas	"	129 b "	17 erga quascumque perso- nas

Edit. Rom. Main., Tom. v, Part. v.			Edit. Taur. Tom. xiii.		
Pag.	129 b linea	18 ult. tam	Pag.	129 b linea	24 etiam (?)
"	202 a	22 ult. cuilibet	"	130 a	16 ult. a quolibet
"	202 b	20 cuiusvis	"	130 b	3 ult. cuius
"	202 b	4 ult. quacumque	"	131 a	1 ult. quaecumque
"	203 a	20 et	"	132 b	1 in
"	204 a	18 ult. ut	"	133 b	7 ac, ut
"	204 b	1 Singulari	"	133 b	2 ult. Singularia
"	204 b	5 annuamus	"	134 a	3 annuamus
"	204 b	17 ult. extra gabellam	"	134 a	11 ult. ex gabella
"	205 a	25 ult. exercent	"	135 a	12 exercerent (?)
"	205 b	17 ult. quae	"	136 a	8 quo
"	207 b	2 ult. 3.	"	139 a	10 ult. 30
"	181 b	86 earum	"	139 b	4 ult. eorum
"	208 b	1 eorumque	"	141 a	15 earumque
"	209 a	80 ult. quae	"	142 a	10 ult. qua
"	210 b	85 ult. reddituram	"	144 b	13 reddituram
"	211 a	12 interpellatos	"	145 a	17 interpolatos
"	211 b	10 ult. existentibus	"	146 b	3 existentium
"	212 a	25 ult. Cum nuper iubilaei celebrationem a vigilia Nativitatis D. N. I. C. anni proxime venturi inchoandam et usque	"	147 a	23 ult. 21 ult. Cum nuper iubilaei celebrationem in annum proxime venturum a vigilia nativitatis D. N. I. C. proxime futurae inchoandam, et usque
"	212 a	17 ult. beatissimi	"	147 a	15 ult. beatissimorum
"	213 b	10 Sedis	"	149 a	19 Sedi
"	214 a	22 percipientium	"	150 a	15 percipientium personis
"	214 a	25 conferenda	"	150 a	18 conferendae
"	214 b	7 persolvenda	"	150 b	19 ult. persolvendae
"	214 b	23 ult. tenoribus	"	151 a	23 tenores
"	214 b	9 ult. eorum	"	151 a	8 ult. eorumque
"	215 a	23 manifestari	"	151 b	7 ult. manifestare
"	215 b	31 ult. qui	"	152 b	20 quae
"	216 b	21 ad lites... extinguendas	"	154 a	14 ac lites... extinguendo
"	217 a	33 ult. nihil omnino teneri, prout in quibusdam, per eius litteras	"	154 b 155 a	nihil omnino per eius litteras
"	217 b	20 innovata	"	155 b	10 innovatum
"	218 a	39 ult. Ut ea	"	156 a	2 ult. Ea (?)
"	218 a	35 ult. ut firma	"	156 b	3 firma
"	218 a	13 ult. quandam	"	156 b	25 quamlibet
"	219 a	14 ult. nempe in antiquiori provincia ex duabus quae venient in ordinem, ad hoc ut votorum sit paritas in qualibet natione, et provincia, in qua non fuit electio pro hac vice carebit suo voto.	"	158 a	1-5 nempe illae duabus antiquioribus provinciis quae venient in ordine (ad hoc ut votorum sit paritas in qualibet natione) pro hac vice carebit suo voto (?).
"	220 a	23-24 deberent... eligent	"	159 a	2-3 deberet... eligeret (?) (**)
"	220 b	12 statuta	"	159 b	1 statutae
"	221 a	8 tam	"	159 b	6 ult. iam

* Alias etiam emendari potest sic: nempe in illa e duabus antiquioribus provinciis quae venient in ordinem (ad hoc ut... natione); et provincia, in qua non fuit electio, pro hac vice carebit suo voto.

** At ista correctio non est admittenda.

Pag.	222 b linea 23	ac propterea
"	222 b " 43	quod uniones
"	222 b " 16 ult.	aestimationem valoris
"	223 a " 17 ult.	quorum
"	224 b " 19	non comedissent
"	224 b " 23 ult.	Ordinum
"	224 b " 27 ult.	earum quae Sedi
"	225 a " 11	regularium
"	225 a " 32	existit
"	225 b " 16	ob idque
"	225 b " 22	quae
"	226 a " 31 ult.	quantocumque
"	227 a " 10 ult.	Ordinibus
"	227 b " 23 ult.	reponi
"	228 b " 14 ult.	maiores
"	229 a " 1	maiores
"	229 a " 15	facere
"	229 a " 19	expedire
"	229 a " 21 ult.	tamen
"	229 a " 1 ult.	profitendum
"	229 b " 11	profitendum
"	230 b " 19 ult.	factis
"	231 a " 34	fuit
"	231 a " 23 ult.	eis
"	232 a " 6 ult.	illosque
"	232 b " 4	reponi
"	233 a " 16	praedictae
"	233 a " 23	intendet
"	234 a " 4	notarium
"	234 a " 11	recipiendis
"	235 b " 9 ult.	gubernatori et praesidi
"	237 a " 28	aut aliud
"	237 b " 20 ult.	quae
"	239 a " 13 ult.	aurei
"	240 a " 1-4	Cum nuper ob sacri iubilaei celebrationem a vigilia Nativitatis D. N. I. C. anni proxime venturi inchoandam
"	243 b " 23	prospicientes
"	243 b " 20 ult.	Ordini
"	245 a " 32 ult.	facere
"	245 a " 14 ult.	possint et consueverint
"	246 b " 8	quae
"	246 b " 13 ult.	erexisti
"	249 a " 12 ult.	redierit
"	250 a " 9	Ne quae
"	250 b " 30 ult.	directeque
"	250 b " 25 ult.	Mendicantium
"	250 b " 19 ult.	quoad eiusdem conventus
"	250 b " 11 ult.	activae
"	250 b " 8 ult.	possessiones
"	251 a " 1 rubr.	revocationis
"	251 a " 5 text.	restitutionibus
"	251 b " 32	Certae vero licentiae sive particulares

Pag.	162 b linea 4	propterea
"	162 b " 14	uniones
"	163 b " 17 ult.	aestimationem
"	163 b " 12	eorum
"	165 b " 8	comedissent
"	165 b " 14 ult.	Ordinis
"	165 b " 10 ult.	earum Sedi
"	166 a " 15	regularum
"	166 b " 7	non existit
"	167 a " 23	ob id
"	167 b " 14	qua
"	168 a " 13 ult.	quantocumque
"	170 a " 3	quae Ordinibus
"	170 b " 17	reponi facientes
"	172 a " 14 ult.	maioris (nempe ecclesiae)
"	172 b " 1	maioris
"	172 b " 16	factae
"	172 b " 20	expediri facere
"	173 a " 13	tam
"	173 a " 8 ult.	profitendi
"	173 b " 4	profitendi
"	175 b " 17	factas
"	176 a " 17 ult.	fuert
"	176 a " 4 ult.	illi
"	178 a " 18	illisque
"	178 a " 26	reponi facientes
"	179 a " 6 ult.	praedictis
"	179 a " 1 ult.	intendat
"	180 b " 13 ult.	notarium
"	180 b " 5 ult.	recipienda
"	181 b " 16 ult.	gubernatoris et praesidis
"	185 b " 16	aut adversus illas aliud
"	186 b " 12	qua
"	189 a " 2	aurei
"	189 b " 3 ult.	Cum nuper, ob sacri iubilaei celebrationem in annum proxime venturum a vigilia Nativitatis D. N. I. C. prossime futurae inchoandam.
"	194 a " 18 ult.	prospicientes
"	194 b " 11	Ordinis
"	196 b " 14 ult.	facere possunt
"	197 a " 5	possit et consueverit
"	198 b " 12 ult.	qua
"	199 a " 7 ult.	erexisse
"	203 a " 10 ult.	redierint
"	204 a " 7 ult.	Ne qua
"	205 b " 12	districteque
"	205 b " 17	etiam Mendicantium
"	205 b " 23	quoadusque iidem conventus
"	205 b " 7 ult.	activae et passivae (?)
"	205 b " 8 ult.	professiones
"	206 a " 6 rubr.	renovationis
"	206 a " 14	restitutioni
"	207 a " 19	Ceteras vero licentias sive generales sive particulares

Pag.	252 a	linea 19	certis
»	252 a	» 25	aut alicui
»	252 a	» 40	quo
»	253 a	» 15 ult.	eadem
»	253 b	» 6 ult.	serventur
»	254 b	» 25 ult.	superioribus
»	255 a	» 12 ult.	generalibus
»	255 b	» 21	iulii
»	255 b	» 31	infrascriptis
»	256 b	» 17 ult.	editum
»	256 a	» 27 ult.	mandat
»	256 a	» 22 ult.	hactenus designandis
»	256 a	» 22 ult.	nullatenus
»	256 b	» 21	10
»	256 b	» 18 ult.	continentur, tam in eis aliis
»	256 b	» 7 ult.	ac
»	257 b	» 7 ult.	orationis
»	259 a	» 6 ult.	in locis, nisi
»	259 b	» 29 ult.	facta
»	260 b	» 1	demandari
»	262 a	» 21 ult.	Nihilominus cum
»	262 a	» 13 ult.	et forsán maiora,
»	263 a	» 9 ult.	intendimus
»	263 b	» 37	alia
»	264 b	» 15	praedictorum
»	264 b	» 24	Clementis III
»	264 b	» 11 ult.	sub
»	265 a	» 20	afferent
»	265 a	» 28 ult.	quoad
»	265 a	» 15 ult.	immediate
»	265 b	» 2	illa
»	265 b	» 20	debent
»	265 b	» 21 ult.	legitimae
»	265 b	» 8 ult.	praedictas
»	265 b	» 7 ult.	tam
»	266 a	» 6	ad praesens
»	266 d	» 35	et pro tempore et per- sonis
»	266 a	» 37	illis
»	266 a	» 20 ult.	omnia illa
»	266 b	» 13	etsi
»	266 b	» 16 ult.	ac etiam supra
»	267 a	» 1	aut illum
»	267 a	» 4	immemorabili
»	242 a	» 33	claritatem
»	270 a	» 5	articulo
»	272 b	» 11	apostolicae
»	275 b	» 15	fuerint
»	275 b	» 3 ult.	mandare
»	276 a	» 33	obtinere
»	278 a	» 23 ult.	accedat
»	278 b	» 7	intelligatur
»	278 b	» 28 ult.	mittant
»	278 b	» 5 ult.	inibi

Pag.	207 b	linea 8 ult. ceteris
»	207 b	» 2 ult. aut eorum alicui
»	208 a	» 14 quominus
»	209 b	» 11 ult. eademque
»	210 b	» 20 ult. servetur
»	212 a	» 17 superiores
»	213 a	» 8 generalis
»	213 b	» 3 iunii
»	213 b	» 14 in infrascriptis
»	213 b	» 6 ult. editas
»	214 b	» 15 mandavit (?)
»	214 b	» 18 hactenus designatis et approbatus, seu impostorum designandis
»	214 b	» 21 ullatenus
»	215 a	» 14 ult. 19 (?)
»	215 b	» 19 continentur, tam in aliis
»	215 b	» 11 ult. an
»	217 b	» 1 orationi
»	219 b	» 10 ult. nisi in locis
»	220 a	» 8 ult. factas
»	221 b	» 5 demandare
»	224 a	» 9 ult. Nihilominus
»	224 a	» 1 ult. haec et forsán maiora
»	226 a	» 11 intendamus
»	226 b	» 13 et alia
»	228 a	» 1 praedictorum mortem (?)
»	228 a	» 10 Clementis VIII
»	228 b	» 7 sui
»	228 b	» 6 ult. afferrent
»	229 a	» 17 etiam quoad
»	229 a	» 9 ult. mediate
»	229 b	» 8 illas
»	229 b	» 25 censeri
»	230 a	» 12 legimus
»	230 a	» 21 praedicta
»	230 a	» 14 ult. tamen
»	230 a	» 2 ult. ad praesens gaudent
»	230 b	» 12 ult. pro tempore personas
»	230 b	» 10 ult. illas (?)
»	231 a	» 2 omnia in illa
»	231 a	» 8 ult. et si
»	231 b	» 6 ult. ac etiam ut supra
»	232 a	» 11 aut contra illum
»	232 a	» 14 immemorabilis
»	234 b	» 4 ult. claritatem ?
»	237 b	» 23 motus articulo
»	239 b	» 11 ult. apostolica
»	243 a	» 7 ult. fuerunt
»	244 a	» 3 mandare compositiones musicales
»	244 a	» 6 ult. obtinere possint
»	246 b	» 13 excedat
»	246 b	» 1 ult. intelligantur
»	247 a	» 10 ult. a hactenus
»	247 b	» 14 ubi

Edit. Rom. Main. Tom. v, Part. v.				Edit. Taur. Tom. xiii.			
Pag.	279 a	linea 80	at exceptis	Pag.	248 a	linea 5	exceptis
"	280 a	" 7	exercitationem	"	249 a	" 11 ult.	exercitationum
"	280 a	" 27	peragendas	"	249 b	" 24	peragenda
"	280 b	" 17	an	"	250 a	" 25	ac
"	280 b	" 6 ult.	quod	"	250 b	" 15 ult.	quae
"	281 a	" 21	sumendi	"	251 a	" 18	sumendi extra collegium
"	281 a	" 32	quae	"	251 a	" 24	qua
"	281 b	" 20 ult.	neque foci modo	"	252 a	" 23	atque iocis, non modo
"	282 a	" 11 ult.	qui	"	253 a	" 12	eorum qui
"	283 a	" 29	non tamen	"	254 a	" 12 ult.	non tam
"	283 a	" 30 ult.	consuletur	"	254 a	" 2 ult. (?)
"	284 a	" 11 ult.	habendum	"	256 a	" 20	habendam
"	285 b	" 4	procurandique	"	257 b	" 8 ult.	procurari
"	285 b	" 6	quae	"	257 b	" 6 ult.	quando
"	285 b	" 29	de Fratris	"	258 a	" 19	de Frattis
"	285 b	" 37	ecclesiam	"	258 a	" 36	ecclesia
"	285 b	" 39	cuius	"	258 a	" 38	cum
"	286 a	" 35	quodquam	"	259 a	" 9	quoddam
"	286 b	" 34	acceptam	"	259 b	" 11 ult.	acceptatam
"	286 b	" 10 ult.	donatione praedictorum	"	260 a	" 15	donatione praedictis (?)
"	287 a	" 16	adhaerendo	"	260 a	" 4 ult.	ei adhaerendo,
"	287 b	" 10	collegio	"	261 a	" 16	collegii
"	287 b	" 35	qualificari	"	261 a	" 4 ult.	qualificati
"	287 b	" 20 ult.	eis	"	261 b	" 12	eo
"	288 a	" 5	illis	"	261 b	" 9	illo
"	288 a	" 36	facientibus	"	262 a	" 21 ult.	faciendis
"	288 b	" 7	superiores	"	262 b	" 19	superioris
"	289 b	" 22	nisi specialem	"	264 a	" 7 ult.	specialem
"	289 b	" 18 ult.	oriundis	"	264 b	" 24	oriundos
"	291 a	" 25	tam	"	266 b	" 8 ult.	tum
"	291 a	" 33	praefatorum	"	267 a	" 2	praefectorum
"	292 a	" 13 ult.	sit	"	268 b	" 12	si
"	292 b	" 1 ult.	impares	"	269 b	" 4	imperes
"	293 a	" 22 ult.	percipiantur	"	270 a	" 8	praecipiantur
"	293 b	" 10	personas	"	270 a	" 4 ult.	per personas
"	294 a	" 2	dices	"	271 a	" 13	dicas
"	296 a	" 30 ult.	primodictam	"	274 b	" 19	ad primodictam
"	297 a	" 1 ult.	opera et condiciones re-	"	276 b	" 10	onera et condiciones ap-
			quisitas				positas
"	297 b	" 16 ult.	dicuntur	"	277 a	" 18 ult.	dicentur (?)
"	299 a	" 1	ob	"	278 b	" 4 ult.	sed ob
"	299 b	" 9	quae	"	280 a	" 1	qua
"	300 a	" 15 ult.	quae	"	281 a	" 11	qua
"	300 b	" 8	Graecis	"	281 a	" 12 ult.	gregis
"	302 a	" 26 ult.	per se	"	284 a	" 5	per te (?)
"	302 b	" 10 ult.	christifideles principes,	"	285 a	" 2	christifideles, principis
			tenebrarum astutia.				tenebrarum astutia
"	303 a	" 18	beneficia	"	285 a	" 17 ult.	ad beneficia
"	303 b	" 20	facta	"	286 a	" 17	factas
"	303 b	" 32 ult.	qui	"	286 a	" 8 ult.	quae
"	303 b	" 10 ult.	ac eadem	"	286 b	" 12	ac si eadem
"	304 a	" 30	habere	"	287 a	" 13	haberi
"	304 a	" 15 ult.	resignantis seu cedentis	"	287 a	" 5 ult.	resignantes seu cedentes
"	304 b	" 5	posse	"	287 b	" 17	non posse
"	304 b	" 31	Calaguritanum	"	287 b	" 6 ult.	Calaritanum (1)

(1) Istam emendationem nunc addimus, etenim *Calaguris* est civitas in Hispania non in Sardinia, et ideo lectio Main. improbabilis videtur.

<i>Edit. Rom. Main., Tom. v, Part. v.</i>			<i>Edit. Thur. Tom. XIII.</i>		
Pag.	304 b linea	6 ult. eius	Pag.	298 a linea	13 ult. eis
"	305 a "	37 idemque	"	298 b "	12 ult. idem
"	305 a "	44 pro	"	299 b "	6 ult. pio
"	305 b "	13 aut	"	299 a "	11 ult. aut contra eas
"	306 a "	29 omnimodo	"	290 a "	14 ult. omnimoda
"	306 a "	40 aut commissarios	"	290 a "	4 ult. non autem per commis- sarios (?)
"	306 b "	21 ult. auctoritatem et etiam	"	291 a "	10 ult. auctoritate et
"	306 b "	1 ult. fungentes	"	291 b "	11 fungenti
"	307 a "	23 ult. Dallato	"	292 a "	10 Pallotto (1)
"	307 b "	21 ad exequutionem	"	292 b "	6 ab exequutione
"	308 a "	1 porrecti	"	293 a "	9 porrectis
"	308 a "	9 confessis unam	"	293 a "	12 confessis, ut unam
"	308 a "	25 visitando	"	293 a "	9 ult. visitandas
"	308 a "	30 remissione	"	293 a "	4 ult. remissione recitando
"	308 a "	25 ult. delegerit	"	293 b "	12 delegerit
"	312 b "	19 ut illud	"	300 a "	7 illud
"	312 b "	25 ult. hebraeorum	"	300 a "	11 ult. hebraeorum stirpe
"	312 b "	9 ult. Quod ad	"	300 b "	7 Quoad (?)
"	313 a "	28 nullo	"	301 a "	1 ullo
"	313 b "	18 ult. petentes	"	302 a "	8 petentis
"	314 a "	20 quod si.	"	302 b "	1 si
"	315 a "	28 ult. eoque	"	304 a "	14 ult. eo
"	315 b "	20 vel ad	"	304 b "	12 ult. vel ante
"	316 a "	13 Romani	"	305 b "	17 Romano
"	317 a "	15 quamcitissime	"	307 a "	7 quamcitissime possumus
"	317 b "	7 ult. assignare	"	308 a "	11 ult. assignare valeas
"	318 a "	2 praebendae	"	308 a "	3 ult. praebenda
"	318 a "	16 abfueris, etsi	"	308 b "	13 abfueris, vacantia, etsi
"	321 b "	20 ult. praestando	"	314 a "	5 ult. praesentando
"	321 b "	16 ult. disponendi	"	314 a "	1 ult. disponendi facultatem
"	322 b "	28 ult. consequimur	"	315 b "	8 ult. consequitur
"	323 b "	19 valeant	"	317 a "	14 valeat
"	324 a "	31 ult. sicut accepimus, charis- simus	"	318 a "	12 sicut charissimús
"	324 a "	10 ult. nunquam	"	318 a "	10 ult. et nunquam
"	324 a "	2 ult. ac	"	318 a "	1 ult. he
"	325 b "	22 ult. divini muneris	"	320 a "	4 ult. divini numinis
"	331 a "	23 ult. quod, cum	"	328 b "	13 ult. quod, etsi, cum
"	331 b "	30 quaecumque... voluit	"	329 b "	1-2 quaecumque... contin- geret
"	331 b "	34 cum	"	329 b "	5 tum
"	331 b "	41 dictas	"	329 b "	12 et dictas
"	332 b "	6 provenientia	"	330 b "	11 ult. provenientium
"	332 b "	33 obtinuerit	"	331 a "	18 obtinuerint
"	333 a "	7 ult. affectum	"	332 a "	20 affectu
"	333 b "	14 ult. Aranciac	"	332 b "	6 ult. Franciac
"	334 a "	12 anno	"	333 a "	20 ut anno
"	334 a "	30 visitando	"	333 a "	5 ult. visitandas
"	334 a "	36 remissione	"	333 b "	1 remissione recitando
"	334 a "	9 ult. absolvi	"	333 b "	16 ult. absolvere
"	334 b "	4 praescribendum	"	333 b "	4 ult. praescribere
"	334 b "	11 inchoandum	"	334 b "	3 inchoandos
"	335 b "	23 tenorem	"	335 b "	19 tenores
"	336 a "	12 aut quod	"	336 a "	14 ult. quod
"	336 a "	15 reductum	"	336 a "	11 ult. reductas

(1) Hanc etiam emendationem de novo addimus ex pag. 334 a lin. 17 et alibi saepe.

Edit. Rom. Main. Tom. v. Part. v.			
Pag.	338 a	linas 20	quod
"	338 b	23	quod
"	339 a	1	cappellani
"	339 b	7	Sanctorum
"	341 a	5	constitutionem
"	341 a	23	prorogatum et extensum
"	341 a	18 ult.	regni
"	342 a	33 ult.	huncupat.
"	343 a	16	eximeretur
"	343 a	13 ult.	alia
"	343 b	35	reduibus quod
"	344 a	12	neque impedit subdele-
			gans
"	344 b	13	omnes
"	344 b	28 ult.	filiis
"	345 a	4-8	compescendo... aggra-
			yando... invocando...
"	345 a	18 ult.	reservata
"	345 b	14 ult.	concessionem
"	346 b	8 ult.	passivae
"	347 a	31 ult.	eisque
"	348 a	16	Clanorum
"	348 a	1 ult.	regis illorum
"	349 b	14	omnibus
"	349 b	34	iniungendi, mandandi,
			iubendi et imperandi
"	353 a	1 ult.	contractis
"	353 a	22 ult.	obligatos
"	355 b	1	extra
"	358 a	3 ult.	reservata
"	359 a	21 ult.	a
"	370 b	1 ult.	studii
"	371 b	30 ult.	studii
"	372 a	28 ult.	lecturae
"	372 a	24 ult.	ob
"	372 b	26 ult.	per hoc
"	373 a	13	legi
"	374 a	26 ult.	praecedente
"	376 a	27	1625
"	378 a	17	aut
"	379 b	23 ult.	quieti
"	380 a	26 ult.	deputandum
"	381 a	17 ult.	superintendentes
"	382 b	27	privatis
"	382 b	26 ult.	amoris
"	383 a	27 ult.	vel etiam conventum
"	383 a	24 ult.	redditus
"	383 a	7 ult.	innitendum
"	384 b	23	nummum
"	385 a	12	aliasque
"	385 a	27 ult.	nullo
"	388 b	13 ult.	annectendum
"	390 b	14	aliisque apostolicis et dic-
			ti collegii constitutioni-
			bus et ordinationibus
"	391 a	21 ult.	ad ea

Edit. Tur. Tom. xiii.			
Pag.	339 b	lines 8	quoad
"	340 b	6	quid
"	340 b	14 ult.	cappellaniae
"	341 b		Fidelium defunctorum (?)
"	343 b	7 ult.	concessionem (?)
"	344 a	14	prorogatum et extensam
"	344 b	4	regnis
"	345 b	8 ult.	(?)
"	347 a	21	eximetur
"	347 b	18	alias
"	348 a	21	reduibus illius quod
"	348 b	17 ult.	neque impedit quominus
			subdelegati
"	349 b	10	omnem
"	349 b	5 ult.	filiis
"	350 a	15 ult.	12 ult. compescendi...
			aggravandi... invocandi
"	350 b	13 ult.	reservatae
"	351 b	13	communione (?)
"	353 a	22	passivae privationis
"	353 b	23	eique (?)
"	355 a	1	priorum (?)
"	355 b	12	regis, dicti et illorum
"	357 a	20 ult.	ut omnibus
"	357 b	1	iniungas, mandas, iubeas
			et imperes
"	363 a	16	contracta
"	365 a	16 ult.	obligatas (?)
"	366 a	15 ult.	citra
"	369 a	22 ult.	reservati
"	370 b	11	ac
"	374 b	8 ult.	studii
"	376 a	11	studii
"	376 b	8 ult.	lectura
"	376 b	3 ult.	hoc
"	377 b	21	super hoc
"	378 a	15	legere
"	379 b	21	procedente
"	382 b	22	1626
"	385 b	11	ut
"	388 a	40	quiete
"	388 b	12 ult.	deputandi
"	390 b	2	superintendente
"	394 a	10	pro privatis
"	394 a	17 ult.	amotis
"	395 a	7	vel etiam ad alium con-
			ventum (aut potius vel
			etiam extra conventum)
"	395 a	11	reditus
"	395 a	17 ult.	enitendum
"	398 b	12 ult.	nummorum
"	399 b	2	alias
"	399 b	9 ult.	ullo
"	405 a	17	annectere
"	407 b	9 ult.	aliisque apostolicis con-
			stitutionibus et ordina-
			tionibus, et dicti collegii
"	409 a	9	ad eas

Edit. Rom. Main., Tom. v, Part. v.			Edit. Tur. Tom. xiii.		
Pag.	305 a linea	8 munimine roboremus	Pag.	409 b linea	8 ult. munimen adliciamus
"	306 a "	34 ult. quae	"	410 b "	7 ult. qua
"	306 a "	11 ult. quae	"	411 a "	18 qua
"	307 b "	1 Ad	"	412 b "	6 ult. Ac
"	308 a "	33 nobis	"	414 a "	7 vobis (?)
"	391 b "	6 ult. capitulum praedicti	"	430 a "	13 ult. capitulum et canonici praedicti
"	396 a "	32 Sedis	"	436 b "	4 ult. Sedi
"	396 b "	21 ult. quod congregatio	"	437 b "	13 ult. congregatio
"	396 b "	19 ult. inhibi	"	437 b "	11 ult. inhibi
"	396 b "	13 ult. intendat	"	437 b "	5 ult. intendat
"	398 a "	26 1625	"	439 b "	8 ult. 1626 (?)
"	401 a "	17 ult. per praesentes	"	434 b "	13 (?)
"	401 b "	7 recipi	"	434 b "	6 ult. recipi (1)
"	402 b "	16 ult. subiecta	"	437 a "	7 subiectae
"	403 a "	9 praesent	"	437 a "	10 ult. praesent, exherat
"	403 a "	15-16 ecclesiis	"	437 a "	2 ult. ecclesiae
"	403 a "	23 ex a die	"	437 b "	7-8 ex ea die
"	403 a "	35 praefatae	"	437 b "	18-19 praefatae effectum sortitae non forant
"	403 b "	Warnestens...	"	438 b "	8 Warnestens... assignaverint
"	404 a "	1 alias	"	438 b "	1 ult. alias
"	404 b "	36 cappellani	"	440 a "	17 cappellani
"	404 b "	2 ult. per civitatem	"	440 b "	6 per civitatem gerat
"	405 a "	28 canonicos	"	440 b "	6 ult. canonicus
"	405 a "	27 ult. comprehensam	"	441 a "	11 comprehensa
"	405 a "	22 ipsas	"	441 b "	18 ipsas quas
"	405 b "	10 ult. sacerdotes	"	442 a "	13 sacerdotales
"	406 b "	35 archipresbyteratus	"	443 a "	3 ult. archipresbyteratibus
"	407 a "	15 praebendae	"	444 a "	2 praebendas
"	407 a "	22 acceptare	"	444 a "	9 acceptari
"	408 b "	10 beneficia	"	446 a "	14 ult. beneficia praedicta
"	408 b "	38 secundo	"	446 b "	14 primo (?)
"	408 b "	8 ult. praedictorum	"	446 b "	4 ult. praedictorum
"	409 a "	29 ult. attentari	"	447 b "	2 attentari statuimus
"	410 b "	10 ult. ac postea	"	449 b "	19 ult. postea
"	410 b "	3 ult. aut personis	"	450 a "	9 aut pro personis
"	411 b "	3 ult. cessionem	"	451 b "	17 cessio
"	361 a "	31 ult. tenore	"	454 a "	3 tenores
"	361 a "	19 ult. requiescit	"	454 a "	15 requiescit confluentibus
"	413 b "	23 ult. capituli	"	455 b "	8 capituli vota
"	413 b "	2 ult. iudicis	"	455 b "	19 ult. iudices
"	414 a "	21 ex	"	456 a "	4 et
"	416 a "	21 seq. Eleborensis	"	459 b "	3 seq. Eborensis (3)
"	416 a "	2 ult. indecisae pendentium	"	459 b "	22 indecisae pendent
"	417 b "	21 ult. illorum	"	461 b "	19 ult. illarum
"	431 b "	12 ut autem fraudibus	"	467 b "	3 ut fraudibus
"	431 b "	31 fecerint	"	467 b "	23 fecerunt
"	422 b "	12 ult. Laudensis et Comensis	"	469 a "	3 Papiensis et Novariensis (?)
"	422 b "	8 ult. eiusdem	"	469 b "	3 eisdem
"	423 a "	21 universitatibus	"	469 b "	13 ult. universitatum (?)
"	423 a "	3 ult. aliis quae	"	470 a "	11 ult. aliis quam quae

(1) Hoc mendum Main. serius deprehendimus.

(2) Ita nunc puto esse corrigendum; nam Eborae est Portugalliae civitas; Elboram vero nullibi notatam reperio.

Edit. Rom. Maim., Tom. v. Part. v.				Edit. Taur. Tom. xii.			
Pag.	423 b linea	8	executio	Pag.	470 b linea	1	exercitio
"	423 b "	22	iurisdictioni	"	470 b "	15	iurisdictionis
Tom. vi. Part. i.							
"	2 a "	24	solutione	"	474 b "	2 ult.	solutiones
"	2 a "	2 ult.	noluerit	"	475 a "	2 ult.	noluerint
"	3 a "	18 ult.	deputatione	"	476 b "	17 ult.	deputatorum
"	7 b "	19	atque ea	"	483 a "	14 ult.	atque secundum ea
"	8 a "	35 ult.	sufficienti facultate	"	484 a "	19 ult.	sufficientem facultatem
"	13 a "	24 ult.	ad id deputandos	"	490 a "	15 ult.	ad id ab eis deputandos
"	14 b "	9	olim ad militiam Teuto- nicorum ex eo	"	492 a "	19	olim ad militiam Teuto- nicorum, nunc autem ad se, ex eo
"	14 b "	11 ult.	approbationem	"	492 b "	20 ult.	appropriationem
"	15 a "	9 ult.	conservationem	"	493 b "	5	conservatione
"	15 b "	11	congregatis	"	493 b "	21 ult.	congregati
"	15 b "	22 ult.	absque conscientiae	"	494 a "	17	absque conscientiae peri- culo (vel scrupulo)
"	16 a "	17	omnino	"	494 b "	9	adimplere omnino
"	16 b "	22	spectantibus	"	495 a "	1 ult.	spectantes
"	16 b "	21 ult.	quibus	"	495 b "	18 ult.	quibusvis
"	17 b "	15	conservationem	"	497 a "	1	conservatione
"	18 a "	9	conscientiae	"	497 b "	6	conscientiae scrupulo
"	18 b "	1	vestrum	"	498 a "	15 ult.	eorum
"	18 b "	5	consequendum	"	498 a "	10 ult.	consignetur
"	29 a "	16 ult.	omnibus	"	501 a "	21	ut omnibus
"	22 a "		suavis	"	504 b "	3	suavi
"	23 a "	4 ult.	nostri	"	506 a "	2	nostro
"	23 b "	6	exerceant	"	506 a "	12	exercere
"	23 b "	28	constitutos	"	506 a "	9 ult.	constitutas
"	27 a "	16	religiosis	"	512 b "	21	religiosis moto
"	32 a "	3	ingredietur	"	520 a "	13	ingredientur
"	32 a "	33	quotidie	"	520 b "	2	quo die
"	32 a "	23 ult.	contigerit	"	526 b "	7 ult.	vacare contigerit
"	36 a "	8 ult.	canonicatum et praeben- dam praedictos	"	527 a "	9	canonicatu et praebenda praedictis
"	46 b "		alumnos	"	541 b "	22	alumnorum
"	46 b "		praecipuam	"	541 b "	2 ult.	praecipue
"	47 b "	17	eorundem	"	543 a "	19	earundem
"	48 a "	18	patrimonii	"	544 a "	3	patrimonii titulo
"	48 a "	39	ut imposterum	"	544 a "	25	et imposterum
"	48 a "	7 ult.	easdem	"	544 b "	6	easdemque
"	48 a "	5	seminariorum	"	544 b "	17	seminaria
"	48 b "	31	aut illa	"	544 b "	1 ult.	ut illas
"	48 b "	32	quoscumque	"	545 a "	1	et quoscumque
"	49 b "	32	servanda, et tenores	"	546 b "	6	servanda foret, tenores
"	50 a "	2 ult.	etiam	"	547 b "	15	etiamsi
"	51 b "	38	eo ipso	"	549 b "	15	ut eo ipso
"	55 b "	7	a nuntio	"	555 a "	3 ult.	ac nuntio
"	57 a "	3 ult.	plenam et liberam facul- tatem et auctoritatem oe- conomos	"	558 a "	8 ult.	oeconomos
"	58 b "	23	quidem	"	560 a "	20	si quidem
"	59 a "	19 ult.	aliis	"	561 a "	18 ult.	aliis
"	61 a "	21-22	illis	"	564 a "	14	illi
"	61 b "	6	te	"	564 b "	3	a te
"	65 b "	20	sive	"	570 b "	5	nomine
"	66 a "	34	absumpissent	"	571 a "	4	absumpisset

Edit. Rom. Main. Tom. vi, Part. 1.			Edit. Taur. Tom. xiii.		
Pag.	66 b linea 15 ult.	quod	Pag.	572 a linea 3 ult.	ut
"	67 a " 11	excederent	"	573 b " 9	excederet
"	70 a " 25 ult.	dataa	"	577 b " 6	dataa
"	71 a " 30	Lateranensem	"	578 b " 3 ult.	Lateranensis
"	71 a " 40	unum	"	579 a " 6	uno
"	72 b " 14	etiam	"	581 a " 7	etiamsi
"	75 b " 3 ult.	saepe dictam	"	585 b " 2 ult.	super dictam
"	77 b " 12 ult.	prioribus ordinum	"	588 b " 12 ult.	priorum ordinum (?)
"	78 b " 4	Nos, ne si quid	"	589 b " 15 ult.	Nos, si quid
"	80 a " 4 ult.	visitantes	"	592 b " 12 ult.	visitantibus
"	80 b " 3-4	remissione	"	592 b " 6 ult.	remissione recitando
"	80 b " 16 ult.	adhiberi	"	593 a " 9 ult.	adhibere
"	83 a " 30 ult.	impositarum	"	597 a " 1	impositiones
"	84 a " 27 ult.	auctoritate iudicari et de- finire debere	"	598 b " 10	auctoritate
"	85 a " 3 ult.	datas, editas	"	600 a " 13	dati editas
"	85 b " 29 ult.	uni	"	600 b " 13	uno
"	86 a " 39-40	committendas	"	601 a " 8 ult.	committendi
"	86 b " 35 ult.	nostrum	"	602 a " 13	nostros
"	86 b " 33 ult.	praefectum	"	602 a " 15	in praefectum
"	87 a " 16 ult.	illorum pro sufficienti	"	603 a " 16	pro sufficienti illorum
"	88 a " 20	libere, licite	"	604 a " 17 ult.	libere et licite
"	88 b " 12 ult.	ac interim spiritualiter consolentur; illos quo- que	"	604 b " 18	ac, ut interim spirituali- ter consolentur, illos quoque
"	90 a " 4 ult.	praesertim cum nobis	"	607 a " 11 (?)
"	91 a " 38 ult.	illud	"	608 a " 20 ult.	illam
"	91 b " 27	quae	"	609 a " 1	qua
"	91 b " 30	nostro	"	609 a " 4	nostris
"	93 b " 23 ult.	actu exercentibus	"	612 a " 9 ult.	actu non exercentibus (*)
"	93 b " 9 ult.	et similiter abbatibus	"	612 b " 5	abbatibus
"	99 a " 6	quae	"	620 a " 5 ult.	qua
"	99 b " 7 ult.	deputatis	"	621 b " 10 ult.	deputatos
"	101 a " 15 ult.	Augustini	"	625 a " 12 ult.	S. Augustini
"	101 a " 13 ult.	Nobiliaco	"	625 a " 10 ult.	Nohaliaco
"	102 b " 2	danda	"	627 a " 12	dandae
"	102 b " 16 ult.	auctoritate	"	627 b " 22	auctoritate factarum
"	108 a " 13	sed	"	628 a " 7	ad
"	108 b " 27 ult.	et	"	629 a " 24	ex
"	104 a " 18-19	quomodolibet	"	629 b " 25	quomodolibet edendis
"	104 b " 20	consuetudinibus	"	630 b " 9	consuetudinibus, privile- giis quoque et indultis
"	106 b " 37 ult.	proponeretur	"	632 b " 2 ult.	postponeretur (?)
"	106 a " 15	lata emanata	"	633 b " 7	lata, emanata
"	106 a " 22 ult.	dominationes	"	633 b " 3 ult.	denominationes
"	106 b " 27	venditorum	"	634 b " 4	venditionis
"	107 b " 34	Quia	"	636 a " 20	Quia vero
"	107 b " 20 ult.	etsi	"	636 a " 8 ult.	et si
"	108 a " 4	iurium eiusdem	"	636 b " 17	iurium, eisdem
"	109 b " 32 ult.	centum	"	639 a " 7 ult.	quinque (?)
"	110 a " 28	erigenda	"	640 a " 10	eligenda
"	112 a " 8 ult.	et sigillo	"	643 b " 6	manu alicuius notarii sub- scriptis, et sigillo
"	112 b " 12	exhausta	"	643 b " 9 ult.	exhaustas
"	114 a " 13 ult.	an. vi	"	647 b " 13	an. v

(*) Sed retinenda est lectio Main. actu exercentibus, et potius hucusque protrahenda parenthesis in qua includuntur exceptiones.

Edi. Rom. Mss., Tom. vi, Part. i.

Pag.	114 b linea	1 ult. xi kal.	
"	117 a "	4 ult. affixa	
"	122 a "	18 Deum	

Tom. v, Part. v.

"	271 a "	5 debere	
"	271 a "	9 canonem	
"	271 a "	11 appositis	

Tom. vi, Part. i.

"	132 b "	20 constitutionem	
"	129 b "	86-87 consuetudinibus etiam im- memorabilibus	
"	429 b "	43 sine	
"	130 b "	16 ult. unite	
"	135 b "	2 (rubr.) bonae memoriae	
"	135 b "	20 ult. pro	

Edi. Taur. Tom. xiii.

Pag.	648 b linea	6 xii kal.	
"	652 a "	2 ult. affixa fuerunt	
"	657 b "	22 in Deum	

"	665 a "	9 ult. debere	
"	665 a "	5 ult. et canonem	
"	665 a "	8 ult. oppositis	

"	668 b "	4 constitutiones	
"	673 b "	10 ult. consuetudinis etiam im- memorabilis	
"	673 b "	4 ult. sive	
"	675 b "	11 unita	
"	677 b "	13 ult. B. Mariae	
"	678 a "	18 ult. pio	

URBANUS VIII

PONT. CCXXXVII.

Anno Christi MDCXXIII.

An. C. 1623 **D**ie vi augusti anni MDCXXIII electus est in Summum Pontificem Maphaeus tituli S. Onuphrii presbiter cardinalis Barberinus Antonii filius, natione Florentinus, et die xxix septembris eiusdem anni sacrâ thiarâ redimitus est. Sedit in pontificatu annos xx, menses xi, dies xxi, temporibus Ferdinandi II et Ferdinandi III imperatorum. Creatisque LXXII cardinalibus, obiit iv kalendas augusti anno MDCXLIV. Sepultus est in Basilica Vaticana ad Cathedram B. Petri. Vacavitque Sedes mense i, dies xvi.

I.

Privilegia et indulta concessa conclavistis, qui inservierunt praecedenti conclavi¹.

¹ Singuli Pontifices post sui ad Summum Apostolatum assumptionem assueverunt nonnulla nedum conclavistis, sed etiam dapiferis, tum suis, tum etiam cardinalium, concedere privilegia, distincta tamen constitutione. Privilegia itaque conclavistarum vide in Constit. II Gregorii XV, tom. XII, pag. 492 et alibi.

Bull. Rom. — Vol. XIII.

Urbanus Episcopus,
Servus Servorum Dei,
ad futuram rei memoriam.

An. C. 1623

Circumspecta in omnibus Romani Pontificis providentia singulorum merita aequâ lance considerans, illos potioribus gratiis et favoribus prosequitur, quos erga se et Sedem Apostolicam benemeritos, et in laboribus et vigiliis pro Sede ipsâ sufferendis indefessos et pluribus cognoscit meritis adjuvari.

Prooemium.

§ 1. Hinc est quod nos, dilectos filios conclavistas, qui in conclavi, in quo nos, divinâ favente clementiâ, ad summi apostolatus apicem assumpti fuimus, nobis et venerabilibus fratribus nostris sanctae Romanae Ecclesiae cardinalibus, uti familiares et continui commensales inserviendo, interfuerunt, quique eâ de causâ labores, vigilias et incommoda plura subierunt, habitâ ratione obsequiorum huiusmodi, favoribus gratiis et privilegiis, pro cuiusque meritis, exornare volentes, ipsosque conclavistas et quemlibet eorum a quibusvis excommunicationis, suspensionis et interdicti, aliisque ecclesiasticis

Conclavistae, donatis hie de rem indle acutis

sententiis, censuris et poenis a iure vel ab homine quavis occasione vel causâ latis, si quibus quomodolibet innodati existunt, ad effectum praesentium dumtaxat consequendum, harum serie absolutos et absolutos fore censentes, motu proprio, non ad ipsorum conclavistarum, vel alicuius eorum, vel alterius pro eis nobis super hoc oblatae petitionis instantiam, sed ex nostra mera liberalitate, ipsos conclavistas et eorum singulos (quibus etiam hodie summam decem millium scutorum auri in auro in tot locis montium vacabilem de Urbe, cum primum illos vacare contigerit, per duos saltem ex deputatis ab ipsis conclavistis inter eosdem conclavistas et per singula eorum capita solitum praescriptum numerum non excedentia, non autem singulas cellulas, aequis portionibus distribuendum, gratiose et irrevocabiler apostolicâ auctoritate donavimus);

Papae familiares, comites Lateranenses et Sedis Apostolicae notarii tres autur.

§ 2. In veros, indubitatos et non fictos familiares continuos commensales nostros, ac eos, qui ex illis clerici existunt, seu militiae clericali adscribi desiderant, quosque tres huiusmodi cardinales singulatim in quolibet ordine antiquiores gradu, nobilitate et aliis meritis dignos tali dignitate iudicaverint, in nostros et Apostolicae Sedis notarios, sine praeiudicio dilectorum filiorum notariorum de numero participantium, recipimus; et tam illos, quam alios conclavistas singulos, qui singulatim ab eisdem tribus cardinalibus digni tali honore reputati fuerint, sacri palatii et aulae lateranensis comites et milites, ac tam illos, quam omnes et quoscumque alios conclavistas indistincte, qui nobiles non sunt, nobiles, quique Urbis vel alicuius alterius ex civitatibus, temporali dominio eiusdem Romanae Ecclesiae mediate vel immediate subiectis, cives esse voluerint, singulos in eâ ipsâ civitate, quam sigillatim quisque eorum elegerit,

et ad quam ab eisdem tribus cardinalibus se admitti petierit, veros cives ad instar et nullâ prorsus differentiâ inter eos et singulos alios veros, originarios et antiquissimos etiam nobiles et participantes cives ipsius Urbis vel civitatis, ita ut ipsum ius civitatis ad quoscumque illorum haeredes eodem modo transeat, creamus, constituimus et assignamus, ac nobilitatis et civitatis titulo, honore et insignibus decoramus, aliorumque familiarium et continuorum commensalium nobis actu in palatio nostro apostolico inservientium, ac illius tinello comedentium et bibentium, ac nostrorum ac Sedis praedictae notariorum, palatiique et aulae praedictorum comitum, militum et nobilium ac civium huiusmodi originariorum numero et consortio favorabiliter aggregamus, ac pro veris, indubitatis et non fictis familiaribus, continuis commensalibus, ac notariis nostris, comitibus, militibus, nobilibus et civibus deinceps haberi et reputari volumus, ac mandamus.

Solitique decorantur privilegiis.

§ 3. Eisque, ut in quibuscumque impetrationibus, concessionibus et litteris, tam gratiam quam iustitiam concernentibus, se familiares continuos commensales nostros, comites, milites, nobiles et cives etiam originarios nominare, nec propterea impetrationes, concessionem et litterae subreptionis vitio subiaceant, sed validae et efficaces existant, ac ex nunc deinceps in perpetuum omnibus et quibuscumque, ac prorsus similibus antelationum¹ antelationibus, praerogativis, privilegiis, libertatibus, immunitatibus, exemptionibus, decretis, declarationibus, derogationibus, mandatis, suspensionibus, favoribus, gratiis, privilegiis, indultis ac iuribus, quibus alii nostri familiares tempore dictae assumptionis nostrae ad summi apostolatus apicem, ac quibus alii eiusdem

¹ Vox antelationum redundat (R. T.).

Sedis notarii etiam de numero participantium existentes, etiamsi habitum et rochetum notariorum ipsius Sedis non deferant, palatiique et aulae praefatorum comites, milites, nobiles etiam originarii ac antiquissimi cives eiusdem Urbis vel civitatis, quam, ut praefertur, elegerint, quique ex utroque parente vere nobili et cive originario et antiquissimo procreati, de iure, statuto, consuetudine, vel alias ex aliquo speciali privilegio, seu alias quomodolibet, etiam quoad assequutionem quorumcumque beneficiorum ecclesiasticorum, etiam per quascumque litteras seu constitutiones apostolicas pro tempore editas, utuntur, fruuntur, potiuntur et gaudent, ac uti, frui, potiri et gaudere poterunt quomodolibet in futurum, ubique locorum in iudicio et extra, sine tamen eorundem notariorum de numero participantium praeiudicio, uti, frui, potiri et gaudere libere et licite valeant, realiter et integre, in omnibus et per omnia, etiamsi in Urbe et civitate huiusmodi non habitaverint, perinde ac si de vere nobili genere et ex utroque parente nobili originario ac antiquissimo cive procreati forent, et huiusmodi praerogativae, privilegia, exemptiones, gratiae, favores, concessionem, indulta et iura, quae pro aliis nobilibus et civibus originariis emanarunt, et quae ratione nobilitatis et civilitatis naturalis et originariae aliis competunt, pro eisdem conclavistis in specie emanassent seu emanarent, et eis naturaliter de iure, statuto, consuetudine, fundatione, vel alias, competerent, auctoritate et tenore similibus indulgemus.

§ 4. Singulosque conclavistas praedictos a solutione et exactione decimarum et cuiuscumque pedagii, subsidii, gabellae, et cuiuscumque oneris tam ordinarii quam extraordinarii, ubique locorum et ex quacumque quantumvis urgentissima et inexcogitabili causa et occasione, etiam ad

instantiam imperatoris, regum et rerum publicarum, etiam Venetiarum, ac aliorum quorumcumque principum impositarum et impositorum pro tempore, ex nunc, prout ex tunc, et e contra, et postquam casus huiusmodi impositionis et solutionis evenierit, liberamus et eximimus, liberosque et exemptos fore et esse ad instar sanctae Romanae Ecclesiae cardinalium decernimus.

§ 5. Ac a quibusvis excommunicationis, suspensionis et interdicti, aliisque ecclesiasticis sententiis, censuris et poenis, si quas quomodolibet propter contraventiones contentorum in constitutionibus super creatione Romani Pontificis pro tempore editis, vel alias quomodolibet incurrerunt, in foro conscientiae tantum absolvimus et liberamus.

§ 6. Ac omnes et quoscumque defectus, si qui forte sint, omnium provisionum beneficiorum, dignitatum ac pensionum eorundem conclavistarum, tam ex multiplicitate titularum, et ob incursionem quarumcumque censurarum et irregularitatis, quam alias ex quavis causa provenientes, sanamus, ac huiusmodi provisiones, vigore eorum privilegiorum, in foro conscientiae tantum, perinde ac si novas provisiones obtinuissent, revalidamus, et, quatenus opus sit, omnibus et singulis eorum de omnibus et singulis dignitatibus et aliis cum cura et sine cura beneficiis ecclesiasticis quomodolibet qualificatis et nuncupatis, etiam cuiusvis Ordinis regularibus, per eos respective obtentis, de novo etiam respective providemus, et omnes et singulas pensiones eis et eorum singulis super quibusvis beneficiis ecclesiasticis quomodolibet qualificatis et nuncupatis, etiam alicuius Ordinis regularibus, respective reservatas¹, similiter de novo reservamus.

A censuris, si quas incurrerunt occasione conclavis, absolvuntur.

Pontifex supplet quoscumque defectus provisionum beneficiorum ecclesiasticorum, etc.

Eximuntur a solutione quorumcumque onerum ad instar cardinalium.

¹ Erronee edit. Main. legit *reservatis* (n. T.).

Fructusque
male perceptos
remittit.

§ 7. Ipsisque conclavistis, eorumque singulis, quoscumque fructus, redditus et proventus ecclesiasticos occasione quarumcumque dignitatum, canonicatum et praebendarum, aliorumque beneficiorum ecclesiasticorum quorumcumque, ac quarumcumque pensionum annuarum ipsis vel eorum cuilibet collatorum et reservatarum, tam ex antedictis, quam ex aliis defectibus et occasionibus, etiam ratione omissionis recitationis horarum canonicarum indebite perceptos, cuiuscumque quantitatis fuerint, gratiose remittimus et condonamus.

Dispensat en-
per inhabilitate
ad sacros ordi-
nes suscipien-
dos.

§ 8. Ac cum eis super inhabilitate et irregularitate per eos propterea quomolibet contracta; vel etiam ex eo, quod censuris huiusmodi ligati missas et alia divina officia, dummodo tamen non in contemptum clavium, celebraverint, aut aliàs in divinis se immiscuerint, quodque illà et aliis praemissis non obstantibus ad omnes etiam sacros et presbyteratus ordines, aliàs rite et dummodo nullum alicui eorum obstat canonicum impedimentum, promoveri, et in illis et in susceptis per eos aliàs rite ordinibus etiam in altaris ministerio ministrare etiam libere et licite valeant, dispensamus.

Et super de-
fectu natalium.

§ 9. Ac eosdem conclavistas, si qui eorum defectum natalium patiuntur, ex quocumque damnato et illicito coitu, etiamsi ex nobilissimis parentibus et vilibus feminis forsitan procreati sint, etiamsi legitimi existant, legitimamus, omnemque ab illis geniturae huiusmodi maculam sive notam abstergimus et abolemus, ac legitimis natalibus restituimus.

Habiles quo-
reddi ad succe-
dendum in bo-
nis consanguineorum.

§ 10. Et cum eorum singulis, ut in quibuscumque bonis paternis et maternis aliorum consanguineorum seu cognatorum, vel aliorum quorumcumque, sine tamen praeiudicio venientium ab intestato, vel ex fideicommisso, seu aliàs de iure validà dispositione, et praeterquam in bonis ec-

clesiasticis et ab Ecclesià provenientibus, succedere, et illa donationis vel alio quovis titulo consequi et habere, ac ad aequales portiones cum legitimis succedere (eos ad omnia iura, legitimas successiones ex testamento, vel ab intestato haereditates, legata, libertates, restituendo realiter et cum effectu),

Et benefi-
cia ecclesiasti-
ca obtinenda.

§ 11. Ac ad dignitates, honores et quaecumque alia officia secularia, publica vel privata, etiam assumi, illaque gerere et exercere, in omnibus et per omnia, ac si de legitimo matrimonio procreati forent, ac eodem defectu non obstante, si aliud canonicum eis non obsistat, ut clericali caractere, qui illo nondum insigniti sint, insigniri, ac ad omnes etiam sacros et presbyteratus ordines, si nondum ad illos promoti sint, promoveri, ac postmodum caractere et ordinibus huiusmodi, illorumque privilegiis uti, ac in eisdem ordinibus etiam in altaris ministerio ministrare, ac quaecumque et qualiacumque cum curà et sine curà beneficia ecclesiastica (etiamsi personatus, administrationes et officia, etiam curata et electiva in cathedralibus et metropolitanis, vel collegiatis ecclesiis, seu parochiales ecclesiae, vel eorum perpetuae vicariae ac canonicae et praebendae dignitates, non tamen maiores post pontificalem aut principales in collegiatis ecclesiis huiusmodi, fuerint), si sibi aliàs canonice conferantur, aut ipsi eligantur, praesententur, vel aliàs assumantur ad illa, et instituantur in eisdem, recipere, et dummodo plura simul non sint, quam quae a Concilio Tridentino permittuntur, retinere libere et licite valeant;

§ 12. Ac eisdem conclavistis, et eorum singulis, ut quicumque loci Ordinarii, vel canonici metropolitanarum, vel cathedralium, seu duarum insignium Urbis collegiarum ecclesiarum, aut personae aliae quaecumque ecclesiasticae in dignitate ec-

Indulget, ut
alii resignare
possint pensio-
nes ecclesiasti-
cas usque ad
summam cen-
tum ducatorum.

eclesiastica constitutae, tam in Romanâ curiâ quam extra eam, ad id per eos et eorum singulos eligendi seu eligendae, quascumque pensiones annuas eis et eorum singulis super quibuscumque fructibus, redditibus et proventibus quorumcumque beneficiorum ecclesiasticorum, etiam per sanctae Romanae Ecclesiae cardinales obtentorum et imposterum obtinendorum, cum curâ et sine curâ, secularium et quorumvis Ordinum regularium, seu fructus, redditus et proventus huiusmodi beneficiorum reservados seu reservandos, etiamsi alias semel aut pluries translatae seu translatae fuerint, usque ad summam centum ducatorum auri de camerâ similium, in toto vel in parte, ac etiam in mortis articulo, cassare et extinguere, et postquam cassatae et extinctae fuerint, alias similes pensiones annuas seu fructus, redditus et proventus huiusmodi, usque ad summam praedictam, uni vel pluribus aliis personis ecclesiasticis, vel etiamsi clericali caractere tunc temporis nondum insigniti sint, cum clausulâ tamen ex tunc, prout postquam dicto caractere rite insigniti fuerint, per eosdem conclavistas et eorum singulos nominandis, etiam quaecumque, quocumque et qualiacumque beneficia ecclesiastica obtinentibus et expectantibus, alias tamen capacibus, similiter eis quoad vixerint, vel eorum procuratoribus legitimis, eisdem modo et formâ, quibus eisdem conclavistis reservatae seu reservati fuerint, etiam absque beneficiis ipsa obtinentium consensu, integre persolvendas, ac per eos propriâ auctoritate percipiendas, exigendas et levandas, reservare, constituere, concedere et assignare valeant, atque in quasi possessione dictas pensiones exigendi, in qua ipsi conclavistae tempore translationis per eos praesentium vigore faciendae existebant, in omnibus et per omnia subrogati esse censeantur, etiam concedimus et indulgemus,

§ 13. Etiamsi similem gratiam a praecessoribus nostris alias forsitan obtinuerint, seu quilibet eorum obtinuerit, tam vigore aliorum privilegiorum conclavistarum, quam ex quocumque alio indulto et privilegio, quorum effectum per hanc novam gratiam et concessionem impediri nolumus, sed cumulative concessam vel concessas esse volumus; ita ut quilibet eorum cumulative et ampliative praedictis facultatibus praesentibus, ac praeteritis privilegiis hac in re concessis, uti, frui et potiri possit; decernentes ipsas translationes et novas reservationes, constitutiones et assignationes pensionum seu fructuum, reddituum et proventuum huiusmodi, ut praefertur faciendas, ex nunc, prout postquam factae fuerint, plenam roboris firmitatem obtinere, ipsosque beneficia, super quorum fructibus, redditibus et proventibus reservatae fuerint, obtinentes, ad illas persolvendas efficaciter obligatos fore.

§ 14. Ac cum eisdem conclavistis, quod, ratione quarumcumque pensionum annuarum eis et eorum cuilibet, super quibuscumque beneficiis ecclesiasticis, etiam cathedralibus, et aliis ecclesiis, seu monasteriis, etiam a praedictis sanctae Romanae Ecclesiae cardinalibus obtinendis, vel alias quomodolibet qualificatis, non tamen ultra summam ducatorum ducentorum parium pro quolibet, nunc et pro tempore reservatarum et reservandarum, habitum et tonsuram clericales gestare, et in illis, dummodo alias ipsi habitum decentem et honestum deferant, incedere minime debeant, nec ad id a quoquam desuper cogi seu compelli, minusque aliquas sententias, censuras, ac etiam privationis seu cassationis ipsarum pensionum poenas occasione praemissorum incurrere possint, sed easdem pensiones ad praedictam summam ducentorum ducatorum ascendentes, et reservatas ut praefertur, etiamsi matrimonium iam contraxerint, vel posthac con-

Præsens indultum cumulative cum praecedentibus censi debet.

Conclavistae dispensantur a per delationem habitus et tonsurae.

trahere voluerint, cum unica tamen et virgine, recipere et libere retinere;

§ 15. Postremo, quod bona quaecumque ad dictos conclavistas, et eorum quolibet spectantia, et per eos, etiam ratione quorumcumque beneficiorum ecclesiasticorum, etiam canonicatum et praebendarum, ac dignitatum, etiam maiorum et principalium, etiam speciali notâ et expressione dignarum quarumcumque, per eos alias obtentorum et obtinendorum, aut alias quomodolibet et quovis quaesito colore vel ingenio, seu eorum industriâ, licitâ tamen, ac alias licite acquisita et acquirenda, etiam in Urbe, eiusque districtu, ac ubique existentia¹, spoliis minime subiaceant; sed conclavistae praedicti, etiamsi religioni alicuius militiae, etiam S. Ioannis Hierosolymitani adscripti fuerint, de illis in favorem quarumcumque personarum, etiamsi curiales esse desiderint, et in quocumque loco quantumvis remoto, etiam extra eorum et cuilibet ipsorum propriam residentiam eos decedere contigerit, testari, et alias disponere, iisque ab intestato decedentibus legitimi eorum haeredes quicumque succedere, libere et licite valeant, simili modo concedimus et indulgemus.

§ 16. Praecipientes ac mandantes, dilectis filiis nunc et pro tempore existentibus sanctae Romanae Ecclesiae camerario et thesaurario, praesidentibus clericis camerae nostrae apostolicae, et quibusvis aliis spoliolum huiusmodi collectoribus et subcollectoribus, ac militiarum praedictarum officialibus et prioribus, ne in huiusmodi bonis manus apponant, neque haeredes praedictorum conclavistarum desuper molestare audeant seu praesument; ac etiam decernentes donationes, etiam per viam testamenti et codicillorum, per ipsos conclavistas de eorum bonis huiusmodi

¹ Erronee ut puto edit. Main. legit *existentium* (R. T.).

faciendas, semper et perpetuo validas et efficaces fore;

§ 17. Nec eosdem conclavistas eorumve aliquem ad praesentes litteras in dictâ camera insinuandum, aut admitti et registrari petendum teneri, nec illas, etiamsi illae intra tempus legitimum insinuatæ, admissæ, seu registratæ non fuerint, propterea minus validas censi, sed suos plenarios effectus sortiri debere;

§ 18. Ac easdem praesentes litteras, et in eis contenta quaecumque, sub quibusvis revocationibus, suspensionibus, limitationibus, modificationibus decretis, constitutionibus apostolicis similium gratiarum revocatoriiis, vel quae eas limitarent, seu moderarentur, quae a nobis et dictâ Sede, et pro tempore, et ex quibusvis causis, etiam urgentissimis, etiam in favorem fidei et divini cultus augmentum, etiam consistorialiter, vel aliâ quavis auctoritate hactenus vel in posterum emanaverint, minime comprehensas esse, sed quoties illae emanabunt toties easdem praesentes in pristinum statum restitutas, repositas et reintegratas esse et censi;

§ 19. Sicque per quoscumque iudices et commissarios, quavis auctoritate fungentes, in quavis causâ et instantiâ (sublatâ eis et eorum cuilibet quavis aliter iudicandi et interpretandi facultate) ubique iudicari et definiri debere, irritumque et inane si secus super his a quoquam, quavis auctoritate, scienter vel ignoranter contigerit attentari.

§ 20. Et insuper dilectis filiis nostro Ludovico tituli S. Laurentii in Damaso presbytero cardinali Ludovisio nuncupato S. R. E. vice-cancellario et litterarum apostolicarum summatori, ac secretariis apostolicis et praesidenti plumbi, aliisque officialibus, ad quos litterarum earundem expeditio per viam secretam spectat, in virtute sanctae obedientiae, et sub poenâ indignationis nostrae, motu simili et ex

Etiamsi praesentes litterae in camera apostolica registratae non fuerint, valeant.

Clausula pro earundem litterarum firmitate.

Clausula sublatâ.

Praesentium expeditio per viam secretam facienda.

Facultas standi de bonis ex redditibus ecclesiasticis acquisitis.

Mandatum spoliolum collectoribus de illis non molestandis.

certâ scientiâ, ac de apostolicae potestatis plenitudine, etiam mandamus, ut easdem praesentes litteras super praemissis omnibus et singulis, tam coniunctim quam separatim, ac pro singulis, quibus concessa fuerunt, ac seorsim et separatim, cum omnibus et quibuscumque derogationibus, decretis et clausulis in eis contentis, gratis etiam quoad compositionem datariae, et per viam secretam absque alio mandato expediant et expediri faciant.

Confirmatio
privilegiorum
quae concessa
sunt ab aliis
Pontificibus.

§ 21. Et insuper omnia et singula privilegia, gratias et concessionem. eisdem conclavistis, et eorum cuilibet a diversis summis Pontificibus praedecessoribus nostris hucusque concessa, motu, scientiâ, et potestatis plenitudine similibus confirmamus et approbamus, ac de novo liberalissime concedimus.

Obstantium
derogatio.

22. Non obstantibus praemissis, ac de certo eorundem notariorum numero, etiam si ad illum nondum sit devenum, cui per hoc aliâs non intendimus derogare, ac nostrâ et cancellariae apostolicae regulâ de praestando consensu in pensionibus ac felicitis recordationis Pii IV de similibus vel dissimilibus gratis in camerâ apostolicâ infra tres menses praesentandis et registrandis, ac Pii V, Romanorum Pontificum praedecessorum nostrorum; contra illegitimos, necnon Pictaviensis concilii, ac nostris et cancellariae praedictae regulis, etiam in crastinum assumptionis nostrae ad summi apostolatus apicem editis, et in praedictâ cancellariâ publicatis, et etiam in universalibus, provincialibusque conciliis editis specialibus vel generalibus constitutionibus et ordinationibus, ac ecclesiarum, monasteriorum, Ordinum etiam S. Ioannis Hierosolomytani, ac etiam Urbis Romanae, et aliarum civitatum, oppidorum et terrarum, camerae praedictae, ac quarumvis universitatum (etiam iuramento, confirmatione apostolicâ, vel quavis firmitate aliâ roboratis) statutis et

consuetudinibus, stabilimentis, usibus, naturis, decretis, etiam novis reformationibus et legibus, tam pontificiis quam imperialibus, regiis et ducalibus, et sacris canonibus, privilegiis quoque, indultis et litteris apostolicis, illis, eorumque superioribus et personis, ac locis quibuscumque, in genere vel in specie, sub quibuscumque tenoribus et formis, ac cum quibusvis derogatoriis derogatoriis, aliisque efficacioribus et insolitis clausulis irritantibus et aliis decretis, etiam vim contractus et statuti perpetui continentibus, ac etiam motu, scientiâ et potestatis plenitudine similibus, etiam consistorialiter et aliâs in contrarium quomodolibet concessis, confirmatis et innovatis. Quibus omnibus, etiam si de illis, eorumque totis tenoribus specialis, specifica, expressa et individua, ac de verbo ad verbum, non autem per clausulas generales idem importantes mentio, seu quaevis alia expressio habenda, aut aliqua alia exquisita forma ad hoc servanda foret, tenores huiusmodi, ac si verbo ad verbum, nihil penitus omisso, et formâ in illis traditâ observatâ, inserti forent, praesentibus pro expressis habentes, illis aliâs in suo robore permansuris, hac vice dumtaxat harum serie specialiter et expresse derogamus, contrariis quibuscunque: aut si quibusvis communiter aut divisim ab eadem sit Sede indultum, quod interdicti, suspendi vel excommunicari non possint per litteras apostolicas non facientes plenam et expressam, ac de verbo ad verbum de indulto huiusmodi mentionem.

Nomina autem conclavistarum, qui in conclavi huiusmodi interfuerunt, sunt haec, videlicet:

Venerabilis frater noster Fulgentius Galutius Ordinis fratrum Eremitarum S. Augustini, episcopus Tagastensis, sacri pontifici sacrista, et dilecti filii Paulus

Conclavistarum nomina.

Alaleo canonicus, Ioannes Baptista etiam Alaleo et Carolus Antonius Vaecarius clerici respective, perpetui beneficiati, beneficiatus et clericus respective nuncupati basilicae Principis apostolorum de Urbe, et Petrus Giammariconus perpetuus beneficiatus ecclesiae Lateranensis, magistri ceremoniarum, Mutius Riccerius Camerinensis canonicus ecclesiae S. Angeli in Foro Piscium, collegii sanctae Romanae Ecclesiae cardinalium secretarius, Franciscus Hadrianus Ceva Montis Regalis, et Antonius Chrysolinus a S. Sofia clerici nostri etiam dum cardinalatus honoreungebamus; Iulius Piccininus Mutinensis, Albertus Danesius clerici Narniensis dioecesis, Antonii Ostiensis Saulii; Marcus Antonius Dognasius Mediolanensis, Sebastianus Brusattus clerici Casalenses, Ioannes Baptista Butus laicus Narniensis dioecesis, Francisci Tusculani Sfortiae; Alphonsus Carandinus clericus coniugatus Mutinensis et miles militiae Iesu Christi, Petrus de Castro Toletanus et Tobias Aldinus Caesenatensis, clerici Odoardi Sabinensis Farnesii; Franciscus Cavalcantes perpetuus commendatarius monasterii S. Petri de Laderchia, aliàs de Riolo Imolensis dioecesis; Soterus Tardettus clericus Sabinensis dioecesis, Octavii Praenestinus Bandini; Ioseph Buccellas presbyter Politianensis; Fabius Tavianus Pistoriensis; Nicolaus Acorsinius de S. Flora clerici, Ioannis Baptistae Albanensis Deti, venerabilium fratrum nostrorum episcoporum; Ioannes Ambrosius Villa presbyter Mediolanensis, Hieronymus Ponzonus laicus etiam Mediolanensis, Federici Borromaei; Petrus Franciscus Bonioannes presbyter Firmanus ecclesiae S. Mariae Maioris de Urbe praepositus, et Franciscus Fracassinus clericus Urbevetanus, Andreae S. Laurentii in Lucina Peretti; Galeottus Oddus laicus Perusinus et miles militiae S. Stephani, Paulus Aemilius Andrutius laicus romanus,

miles militiae Iesu Christi, Pelegrinus Trevesanus clericus Ferrariensis, Bonifacii S. Mariae in Transtyberim Bevilacqua; Aemilius Sperellus laicus Esiniensis, Franciscus Thedeschius Ferrariensis, Guglielmus Valleta Avenionensis clerici, Dominioi sanctorum duodecim Apostolorum Gymnasii; Bernardinus Machanus presbyter Senogalliensis, Caroli sancti Caesarei Madruzzi; Franciscus Ghetthus Faventinus, Thomas Pastorius Vellenensis clerici, Scipionis S. Chrysogoni Burghesii; Petrus Roncius clericus. Nepesinensis dioecesis, Ioannis Garziae sanctorum Quatuor Coronatorum Millini; Ioannes Baptista Laurus Perusinus, Franciscus Baruffaldus Cremonensis clerici, Marcelli sanctorum Quirici et Iulittae Lantis; Alexander Bissius Florentinus, et Ioannes Crisendus Corrigiensis laici, Fabritii S. Augustini Veralli; Alexander Barbantes laicus, sive clericus Urbinatensis, Ioannis Baptistae S. Caeciliae Lenii; Ioannes Restius Ragusinensis, et Vitalis Tovanus, Ravennatensis laici, Aloysii sancti Petri ad Vincula Capponii; Alexander Viola presbyter Aquilanensis, et Ioannes Paulus Leonardus Terrae Camatariae clericus, seu laicus Beneventanae dioecesis, Decii sanctorum Ioannis et Pauli Caraffae; Ludovicus de Horatiis Bononiensis, Gaspar Morellus Romanus, laici, Dominici S. Martini in montibus Rivarolae; Cornelius Henricus Mormannus clericus Leodiensis et Armonius Mancinellus laicus Urbevetanus, Petri Pauli sanctorum Nerei et Achillei Crescentii; Ioannes presbyter Ianuensis, et Ioannes Antonius Pasiadescus laicus Albinganensis dioecesis, Iacobi sanctae Mariae de Pace Serrae; Raynaldus Magnanus Sarsinatensis, canonicus ecclesiae S. Laurentii in Damaso; Petrus Antonius Pugliolus presbyter Mutinensis, Augustini S. Mariae in Ara-Coeli de Ara-Coeli; Ioseph de Haeredia clericus Illerdenensis Gasparis S. Crucis in Hierusalem

Borgiae; Franciscus Maria Costagutus canonicus ecclesiae S. Mariae in Via-Lata, lanuensis, Petrus Settimius Cestarius Narniensis presbyteri, Felicis S. Anastasiae de Ascolo; Andronicus Spinellus clericus Patavinus, Roberti S. Alexii Ubaldini; Aurelius Martignonus Mediolanensis et Iulius Laviorius de Laurino Caputaquensis dioecesis clerici, Tyberii S. Priscæ Muti; Philippus de Escobar, et Benavides clericus Vallisoletanensis, Petrus Muñoz de Castro laicus Clauriensis, Gabrielis S. Bartholomaei in Insula Tressii; Petrus Palla presbyter Reatinensis dioecesis, et Vincentius Benignus clericus Camerinensis. Iulii S. Sabinæ Sabelli; Iacobus Weiskircher Viennensis, Marcus Antonius Guardanilla Romanus, laici, Melchioris S. Sylvestri Klesselli; Michael Angelus Anchianus clericus Lucenensis, Petri S. Thomae in Parione Camporei, Ioannes Dominicus Cera Vincentinus, et Simon Brunus Nonantulanus, presbyteri, Antonius Apastorellius clericus Nursinus, Matthæi S. Marci Prioli; Delius conversus clericus Narniensis dioecesis, Scipionis S. Susannæ Cobellutii; Albertus Mamianus presbyter Parmensis, Ioannes Baptista Mangilius clericus Romanus, Francisci S. Marcelli Cennini; Alderanus Bellactes clericus Lunensis Sarzanensis dioecesis, Ioannes Doupye laicus Leodiensis, Guidonis S. Mariae de Populo Bentivoli; Ioannes Thomas Guglielmus laicus, seu clericus, Pisaurensis, Antonius Benedellus Nonantulanus presbyter nullius dioecesis, ac Annibal Palutius clericus Firmanus, Petri S. Salvatoris in Lauro Valerii; Alexander Simon Antuerpiensis, Carolus Scatz Constantiensis, et Franciscus Antonius Rentinus Tiburtinus, clerici Itali, Frederici S. Laurentii in Pane et Perna Zollerensis; Didacus Busca presbyter Papiensis, Sextilius Balducus de Volsinio clericus Urbevitanus, Iulii S. Mariae supra Minervam Romae; Antonius Grassellus Nuceri-

nus, Germanicus de Leonibus Perusinus, clerici, Laudentius Sellarra clericus Firmanus, Caesaris S. Petri in Monte Aureo Gherardi; Hadrianus Tanus presbyter Nucerinæ dioecesis, Ioannes Baptista Moranus Parmensis, Andreas Morellus Florentinus, clerici, Albertus Burius laicus Urbinatensis dioecesis, Desiderii S. Clementis Scaliae; Hieronymus Lanfrancus clericus Neapolitanus, Vincentius Iacobellus Romanus clericus, Ioannes Baptista Belardus de Monte Castello Tudertinus laicus, Stephani S. Mariae in via Pignatelli; Ioannes Nicolaus Tighettus presbyter Senogalliensis basilicæ S. Petri de Urbe canonice, Epiphanius Rosa clericus Spoletanus, Vincentius Crucius lanuensis et Ioseph de Burgonsonis Bononiensis laici, Ludovici S. Laurentii in Damasco Ludovisi; Franciscus Petrillus presbyter Capuanus, Antonii S. Pudentianæ Cactani, Ludovicus Paulucius clericus Maceratensis, Francisci S. Matthæi in Merulana Sacratæ, Anellus Deamatus et Matthæus Deamatus clerici Campanienses, Dominicus Brindolus de Mancinis clericus Romanus, Lucii sancti Stephani in Monte Coelio Sanseverini; Octavius Placidus presbyter Firmanus, canonicus S. Mariae in Cosmedin nuncupatae de Urbe, et Aurelius Staticus laicus Bononiensis, Marci Antonii S. Eusebii Gozadini; Georgius Cedolinus Iadrensis, commendatarius S. Ambrosii Nonensis, Ricciardus Sissa Placentinus, clerici, Cosmi S. Pancratii de Torres; Monaldus de Monaldis de Aspello Fulginatensis dioecesis, Petrus Franciscus Rinuccinus Florentinus, clerici, Octavii S. Agnetis in Agone, titulorum presbyterorum Rodulphi nuncupatorum; Ioseph Fontanella Regiensis miles militiae S. Iacobi de Spatha, Tyberius Rubeus Ariminensis, et Petrus Paulus Meccis, Anagninensis clerici, Alexandri sanctae Mariae in Via-Lata Estensis; Ambrosius del Pueyo clericus Tirasonensis, Fran-

ciscus Rizzius clericus, seu laicus Ianuensis, Ioannettini S. Hadriani de Auria; Petrus de Notes clericus Papiensis, Lucas Massarentes laicus Reatinus, Caroli Emanuelis S. Nicolai in Carcere Tulliano Pii; Angelus Magnesius Polignanensis perpetuus commendatarius monasterii S. Mariae della Grotella Hidruntinae dioecesis, et Claudius Amadaeus Vibò Gratiopolitanensis clerici, Mauriti Emanuelis S. Eustachii de Sabaudia; Octavianus de Lotto Florentinus miles militiae eiusdem S. Stephani et Franciscus Acursius Bombaglinus laicus, Caroli S. Mariae in Domnica Medices; Fabius Leonidas de S. Flora et Ulixes Severinus clerici Auximanae dioecesis, Francisci S. Angeli in Foro Piscium Boncompagni; Laurentius Bernardinus presbyter Lucensis et Hieronymus Adimarius clericus Florentinus, Hyppoliti S. Mariae Novae Aldobrandini, diaconorum sanctae Romanae Ecclesiae cardinalium, etiam nuncupatorum: Frater Marcus Antonius Vianus Bononiensis cum dicto Fulgentio episcopo, Stephanus de Bubalo Romanus presbyter Societatis Iesu, commissarius, Gabriel Fonsaca laicus Physicus, Prosper Cecchinus chirurgus, Franciscus Amplius clericus Romanus, adiutor dicti secretarii collegii, Fabius Novellus cum dictis magistris coemoniarum, Appollonius de Appolloniis Senensis, aromatarius, Antonius Fernacutus clericus Romanus, Tarquinius Galarus laicus, eius adiutores; Linus Blasipus de S. Oresto nullius dioecesis custos fontis, Franciscus Anna et Ioannes Baptista Carpana, barbitonsores, Iacobus Philippus Tanus et Secundus Tassonus eorum adiutores; Franciscus Soria, faber lignarius, Ioannes Antonius Bernasconus, caementarius, Ioannes Scorcius, Dominicus Tognardellus, Ioannes Augustinus, Simon Petriciolus, Basilius Colarellus, Ioannes Augustinus Laurentii, Petrus Pomol, Andreas Palumbus, Hieronymus Tamansinus, Pe-

trus Fumarettus et Iulianus Fulginatensis, scopatores conclavis.

§ 23. Et insuper, cum dilectus filius Franciscus Viarius, laicus burgi sancti Sepulchri, tanquam dictorum conclavistarum procurator, in praemissis sedulam pro ipsis operam, ut accepimus, navaverit; propterea et aliorum meritorum suorum ac obsequiorum nobis et Sedi Apostolicae impensorum intuitu, volentes ipsum specialibus favoribus et gratiis proseguere, eidem Francisco Viario, quod, licet in conclavi praedicto non inservierit, nihilominus omnibus et singulis supradictis gratiis, privilegiis, facultatibus, immunitatibus, libertatibus, honoribus, praerogativis, praeeminentiis, indultis, exemptionibus, ceterisque praemissis, non tamen quoad participationem decem millium scutorum huiusmodi per nos, ut supra, dictis conclavistis donatorum et inter ipsos, ut praefertur, distribuendorum, tamquam conclavista et unus ipsorum frui et gaudere libere et licite possit et valeat, perinde ac si conclavi huiusmodi vere et realiter interfuisset, constitutionibus et ordinationibus apostolicis, ceterisque supradictis et aliis contrariis nequaquam obstantibus, motu et auctoritate similibus de speciali gratia indulgemus.

Eadem privilegia Francisco Viario conclavistarum procuratori conceduntur.

§ 24. Volumus autem, quod praesentium transumptis impressis, et sigillo alicuius personae in dignitate ecclesiastica constitutae munitis et subscriptis, eadem fides tam in iudicio quam extra illud adhibeatur, quae originalibus litteris adhiberetur, si forent exhibitae vel ostensae.

Transumptis danda fides.

§ 25. Nulli ergo omnino hominum liceat hac paginam nostrae absolutionis, receptionis, creationis, constitutionis, assignationis, decorationis, aggregationis, liberationis, exemptionis, remissionis, condonationis, dispensationis, legitimationis, abstersionis, abolitionis, restitutionis, de-

Sanctio poenalis.

cretorum, concessionum, indultorum, praecceptorum, mandatorum, derogationis et voluntatum infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei, ac beatorum Petri et Pauli apostolorum eius, se noverit incursurum.

Datum Romae apud S. Petrum, anno Incarnationis Dominicae MDCXXIII, VIII idus augusti, pontificatus nostri anno I.

Dat. die 6 augusti 1623, pontif. anno I.

II.

Canonizatio B. Philippi Nerii Congregationis Oratorii fundatoris¹.

Urbanus Episcopus,
servus servorum Dei,
ad perpetuam rei memoriam.

Prooemium.

Rationi congruit et convenit aequitati, ut ea, quae de Romani Pontificis providentiâ processerunt, licet eius superveniente obitu litterae apostolicae desuper confectae non fuerint, suum debitum consequantur effectum.

Gregorius XV
inter Sanctos,
qui ecclesiam
illustrarunt,

§ 1. Dudum siquidem felicitis recordationis Gregorius Papa XV praedecessor noster, pie praemeditatus, quod supremus ille et diligens paterfamilias, qui ab origine mundi plantavit vineam suam, universalem scilicet in eam quotidie non desinat mittere operarios, quorum assiduitate culturae illa vepribus expurgata fructum afferat, vel centesimum, vel sexagesimum, vel trigesimum; quodque ante Incarnationem Verbi misit in eam patriarchas et prophetas, virosque sanctissimos, qui portaverunt pondus diei et aestus; post assumptam vero humanitatis nostrae sub-

¹ Hunc Philippum Gregorius XV retulerat in Sanctorum Confessorum numerum unâ cum sanctis Isidoro, Ignatio Francisco et confessoribus ac Theresia virgine, sed, morte praeventus, bullam desuper expedire non potuit, et ideo iste Pontifex modo illam expedivit (R. T. ex Cherub.).

stantiam, venit vocare novissimos, sanctos videlicet apostolos, qui vineam hanc, et fidei fervore, et praedicationis verbo, per universum propagarunt orbem; iisque adiunxit non solum fortissimorum martyrum exercitus, qui effuso sanguine illam irrigarunt uberrime, sed etiam confessorum laudabilem numerum, quorum sanctitatis exemplo haec vinea ubique terrarum odorem afflat suavissimum,

§ 2. Inter quos paucis ante annis sanctimoniam redolere satis constiterat B. Philippum Nerium, Congregationis Oratorii fundatorem, cuius et vitae puritas et omnium virtutum congeries et miraculorum gloria plurimum elucebat, ipsius B. Philippi catalogo sanctorum adscriptione decrevit intendere.

B. Philippum
Nerium adu-
merare decre-
verat.

§ 3. Cumque iam, ab ipso die quo dictus B. Philippus obdormiverat in Domino, fama sanctitatis et miraculorum eius adeo crevisset, ut statim dignus canonizatione acclamaretur, et multi viri graves de illâ promovendâ cogitassent, et apud piae memoriae Clementem VIII etiam praedecessorem nostrum desuper egissent, et eiusdem Clementis praedecessoris auctoritate, vivae vocis oraculo concessâ, statim, eodem ipsius B. Philippi obitus anno, in Urbe et extra eam fuissent receptae informationes et facti processus super illius virtutibus, sanctitate et miraculis;

Etenim ipso
obitus an-
no confecti sunt
processus super
illius virtutibus
et miraculis.

§ 4. Et successive, coram similis recordationis Paulo V pariter praedecessore nostro, pro eadem canonizatione charissimus in Christo filius noster Ludovicus Franciae et Navarrae rex christianissimus et charissima etiam in Christo filia nostra Maria, eiusdem Ludovici regis mater, ac dilecti filii nobiles viri senatus, populusque Romanus, et Maximilianus utriusque Bavariae, necnon Carolus Gonzaga Niverniensium, et, dum in humanis agerent, Ferdinandus I, et, post eius obitum, Cos-

Nonnulli prin-
cipes eius cano-
nizationem a
Paulo V postu-
larunt.

mus H. magni Hetruriae eis subiectae duces et dilectae in Christo filiae nobiles mulieres Christiana, Cosmi mater, et Catharina, Caroli praefati uxor, ac etiam dilecti filii presbyteri dictae Congregationis institissent;

§ 5. Et Paulus praedecessor praedictus venerabilibus fratribus nostris, tunc suis, S.-R. E. cardinalibus, super sacris ritibus deputatis, per suas in formâ Brevis sub annulo piscatoris desuper expeditas litteras commisisset, ut inquirerent in genere prius, ac deinde in specie super famâ sanctitatis, virtutibus et miraculis dicti B. Philippi formarent, iuris ordine servato, processum;

§ 6. Eoque diligentissime peracto et factâ per bonae memoriae Dominicum ejusdem sanctae Romanae Ecclesiae cardinalem Pinellum nuncupatum relatione, ex processu videlicet in genere facto plene constare de famâ sanctitatis et miraculorum dicti beati Philippi, ac deveniri merito posse ad inquisitionem in specie;

§ 7. Dictus Paulus praedecessor bonae memoriae Francisco Peniae rotae decano et Horatio Lancellotto, ipsoque Horatio promoti ad cardinalatus honorem, Alexandro Ludovisio, tunc in minoribus constituto, qui deinde ad Summi Apostolatus apicem assumptus Gregorius XV praedictus fuit nuncupatus, ac venerabili fratri nostro Dionysio de Marquemont, ecclesiae Lugdunensi postmodum praefecto, omnibus causarum palatii apostolici tunc auditoribus, ut conjunctim, vel saltem duorum procedentes, inquisitiones et probationes huiusmodi facerent, factasque referrent, demandasset;

§ 8. Dictique auditores commissarii, iniuncto sibi officio diligenter perfuncti, totius negotii seriem in scriptis eidem Paulo praedecessori retulissent;

§ 9. Et dictus Paulus praedecessor relationem, ut praefertur factam, unâ cum

iteratis instantiis ac precibus dictorum principum et presbyterorum dictae Congregationis Oratorii, ad praedictos cardinales, ut praefertur deputatos, remisisset, ac omnibus per bonae memoriae Robertum dictae sanctae Romanae Ecclesiae cardinalem Bellarminum nuncupatum, ad id specialiter electum, examinatis et relatis in octo congregationibus diversis temporibus habitis, de validitate processuum in specie factorum, tam in dictâ Urbe, quam extra eam, et de fide, spe, charitate, virginitate, de prophetiâ, aliisque donis et virtutibus, de famâ sanctitatis et miraculis quamplurimis tum in vitâ tum post obitum dicti B. Philippi plene constare, servatis servandis, conclusum, et decretum extitisset;

§ 10. Idem Paulus praedecessor, ut in illius honorem tamquam de Confessore non Pontifice missa celebrari et officium recitari in ecclesiâ Beatissimae Virginis Mariae et S. Gregorii in Vallicella de Urbe licite posset, indulxit, et successive indultum huiusmodi ad alias ejusdem instituti congregationes in aliis ecclesiis extra Urbem canonicè erectas extendit.

§ 11. Dictoque Paulo praedecessore viam universae carnis ingresso, praedictus Gregorius praedecessor, qui illi in apostolatus ministerio successit, beati viri sanctitatem (quippe qui virtutum illius excellentiam in minoribus, ut praefertur, constitutus bene noverat) veneratus et christifidelium devotione, precibusque dictorum principum; instantius quam unquam repetitis, permotus, negotium canonizationis illius perficiendum constituit;

§ 12. Et ad hunc effectum praedictis cardinalibus dictae congregationis sacrorum rituum mandavit, ut praedictos processus omni, qua' decebat, diligentia rursus inspicerent, et universam causam sibi referrent.

1 Edit. Main. legit *quam* (R. T.).

de virtutibus, miraculis et famâ sanctitatis.

Indultum recitandi officium et missam in eius honorem.

Gregorius XV canonizationis negotium perlici statuit.

Mandatum dictae congregationi, ut illud reassumat.

Qui congregationis rituum inquirere in genere commisit.

Decretum quod singulis capituli processum in specie.

Rota auditoribus commissariis relata.

Qui res Pontificis referent.

Decretum congregationis rituum constare.

Decretum con-
gregationis de-
veniri posse ad
canonizationem.

§ 13. Qui quidem cardinales dictum Robertum cardinalem denuo elegerunt, eoque ab humanis exempto, dilectum filium nostrum, tunc eiusdem Gregorii praedecessoris, Petrum Paulum eiusdem S. R. E. cardinalem Crescentium nuncupatum in eius locum subrogarunt, et negotio exactissime disenso, ac diligentissime examinato, servatis similiter servandis, unanimiter congregati censuerunt, plenissime constare tam de validitate processuum, quam de vitae sanctitate, virtutibus et miraculis tum in vita tum post mortem dicti B. Philippi, ita ut si dicto Gregorio praedecessori videretur, posset dictus B. Philippus in Sanctorum numerum adscribi.

His omnibus
in secreto con-
sistorio relat.

§ 14. Cumque nihil iam superesset ulterius, idem Gregorius praedecessor voluit in consistorio suo secreto, de his omnibus relationem fieri, et venerabilis frater noster, tunc suus, Franciscus Maria episcopus Ostiensis, tunc Portuensis, et cardinalis a Monte nuncupatus, suo et aliorum dictae sacrorum rituum congregationis cardinalium nomine, summam processus exposuit, et ex rebus ab ipso B. Philippo praeclare gestis selegit nonnullas, quas disertis plane verbis enarravit, ac se, ceterosque dictae congregationis sacrorum rituum cardinales censuisse asseruit, dictum B. Philippum, si ipsi Gregorio praedecessori visum foret, Sanctorum catalogo aggregari posse: in quorum sententiam reliqui omnes cardinales in dicto consistorio tunc assistentes, de quorum numero nos quoque tunc eramus, suo quisque suffragio ex ordine devenerunt.

Propositisque
in consistorio
publico primum
instansibus:

§ 15. Et successive idem Gregorius praedecessor, ex antiquo Romanorum Pontificum praedecessorum nostrorum, tunc suorum, instituto, publico consistorio, in quo, praeter dictos cardinales, etiam venerabiles fratres nostri patriarchae, archiepiscopi, episcopi, ac alii Romanae curiae

praelati, et dicti Gregorii praedecessoris familiares dilecti filii convenerunt, convocato, dilectus filius magister Ioannes Baptista Spada iunior, in utraque signaturâ referendarius, tunc aulae consistorialis advocatus, de vitâ, virtutibus et miraculis dicti B. Philippi diserte dixit, et nomine praedictorum principum illius canonizationem suppliciter petiit. Quibus auditis, dictus Gregorius praedecessor respondit, se precibus libenter assentire.

§ 16. Sed quoniam non audebat sancta Sedes librum aeternae vitae perscrutari, nisi Spiritu Sancto aperiente, respondit velle se diutius immorari, ac maturius procedere: et propterea omnes in Domino rogavit, ut secum unâ orationibus, ieiuniis ac eleemosynis divinae voluntatis arbitrium explorarent.

Publicisq[ue]
indictis precibus.

§ 17. Denuo vero¹ consistorio, quod semipublicum vocant, indicto, in quo praedicti omnes, ac etiam Sedis Apostolicae notarii, et causarum dicti palatii auditores dilecti filii interfuerunt, omnes beatum virum canonizandum esse publicis suffragiis indicarunt: quorum unanimi consensu audito, ipse Gregorius praedecessor aperiens os suum in benedictiones, gratias egit divinae clementiae, quod tantam contulisset gratiam Servo suo;

Ac habita se
in publico con-
sistorio.

§ 18. Statuitque illum inter Sanctos referre unâ cum B. Isidoro agricola, et Ignatio Loyola, ac Francisco Xaverio, nec non Theresia: de cuius quidem beati viri Philippi origine, vitâ, virtutum donis et miraculis aliqua ex multis in processu deductis recensenda duxit.

Eum etiam
canonizandum.

§ 19. Est igitur natus B. Philippus Florentiae, millesimo quingentesimo decimoquinto salutis anno, sedente Leone X Pontifice Maximo, et in ecclesia S. Ioannis Baptistae baptismali fonte ablutus. Franciscum Nerium, et Lucretiam Soldiam ho-

B. Philippus
flos, atque a
beata.

¹ Videretur legendum altero ut infra pag. 20 l. (n. r.)

nestissimae vitae atque probatae integritatis parentes habuit; a quibus adhuc puerulus optimis moribus imbutus, ab ipsa ineunte aetate, ob praeclaram, quam praeferebat, naturae indolem, non modo aliorum animos in sui rapiebat amorem, ut *Pippus bonus* appellaretur, sed, divinâ in omnibus iuvante gratiâ, videretur de se magnum aliquid praemonere.

A vitae periculo incolumis evadit.

§ 20. Non VIII annos natus, unâ cum asello quem conscenderat, in cellam vinariam praeceps delapsus, atque iumentum onere oppressus, ingenti admiratione, qui mortuus credebatur, extractus est vivus et incolumis.

Mercaturam addiscit.

§ 21. Ubi vero ad annum pervenit aetatis decimum octavum, missus est a patre ad oppidum S. Germani, ut ibi, apud patrum opibus abundantem, mercaturam exerceret: qui adolescentis optimi lactificatus adventu, ipsum brevi propter eius probitatem in haereditatem vocare constituit.

Romam se confert, studioque scientiarum et pietatis animum addicit.

§ 22. At vero Philippus, caelestium desiderio in dies ardentior, a patris gratiâ et benevolentia sibi timere cepit, donec duobus annis transactis, mercaturae nobilioris avidus, contemptâ viginti millium aureorum haereditate ab illo oblata, Romam inde se contulit: ubi, opportunum et aptum ad solida virtutum officia nactus locum, pietatis operibus philosophiae ac theologiae studium adiunxit.

Nonnulla pietatis opera ipsius recensentur.

§ 23. Et interim, arctam vitae viam ingressus, humi plerumque cubare, tenui victu atque assiduo ieiunio delectari, et aliquando per triduum ab omni cibo abstinere, septem praecipuas Urbis ecclesias obire, et in coemeterio Callisti nuncupato in oratione pernoctare saepe consuevit.

Mirabilem patitur palpitatio- nem cordis et fracturam costarum.

§ 24. Ac vix annum aetatis suae vigesimum nonum attigerat, cum inter alia divinitus accepta dona plane mirabilis cordis palpitatio fuit ac fractura constarum: quae publico medicorum testimonio

1 Scilicet nondum (n. r.).

praeter naturae ordinem obligit, quasi mentis dilatato sinu, etiam caro dilataretur et exultaret in Deum vivum.

Quam plurimos Deo lucratur.

§ 25. Et ad animarum propterea subsidium se multo magis vocari sentiens de solitariae vitae severitate divino nutu remittere cepit, atque inter cuiusque conditionis homines eâ mente versari, ut publicis adhortationibus et privatis colloquiis Christo Domino quamplurimos lucraretur, nullo incommodo, nullo penitus devitato labore.

§ 26. Eodemque fere tempore, quo sanctissimae Trinitatis confraternitas, ad peregrinorum et convalescentium commoditatem, ipsius consilio atque operâ fuit instituta, cum unoquoque mense quadraginta horarum supplicatio decreta esset, ipse totas pene noctes deducebat insomnes, et confratres ad orationem hortabatur et exemplo mirifice incitabat.

Coram sanctissimo sacramento noctes deducit insomnes.

§ 27. Cum vero ad quadragesimum fere annum pervenisset, confessarii iussu sacerdos factus, et audiendis fidelium confessionibus praefectus, in aedibus S. Hieronymi de Charitate nuncupati habitavit.

In ecclesia sancti Hieronymi aliorum eruditionem curat.

§ 28. In cuius ecclesiâ ad sacramentorum frequentiam, et ad dandam scientiam salutis semper intentus, in proprio etiam cubiculo piâ de divinis colloquutione illos erudiebat, qui eius sese disciplinae tradiderant.

Sacros ordines suscepit et suae aetatis anno.

§ 29. Et in hoc ipso suorum progressu attendit animum Indias adeundi ad vineam Domini excolendam, et fructus uberiores etiam profuso sanguine reportandos.

Indias adeundi desiderio flagrat.

§ 30. Ut autem eâ de re supernum consilium exploraret, virum Cisterciensis Ordinis pietate insignem consuluit, a quo, revelante Deo, admonitus est, eius Indias Romae futuras.

Sed monitus a Deo, consilium mutat.

§ 31. Quamobrem, maiori succensus ardore, non solum durissimâ peccatorum servitute pressos ad Christi Domini obsequium traducere studuit, verum etiam sedentes in tenebris et umbrâ mortis in-

Nonnullos haereticos ad christianam, illam a ducit

fideles ad clarissimum fidei lumen adduxit, quo illustrati nonnulli hebraei Christum regem recipere, et haeretici ad catholicam veritatem redire non dubitarunt.

Auctor est cardinali Baronio, ut annales ecclesiastici conscribat.

§ 32. Certe de novatoribus revincendis¹, vel ad Romanam Ecclesiam reducendis, maxime visus est fuisse sollicitus, cum bonae memoriae Caesarem presbyterum cardinalem Baronium nuncupatum, adhuc in minoribus constitutum, ad opus *Annalium* per tot annos urgere non destitit, ut ipsemet postea cardinalis scripserit, non se *Annalium Ecclesiasticorum*, sed Philippum auctorem extitisse.

Congregationem Oratorii fundat.

§ 33. Iamque in ecclesia S. Hieronymi prius ac familiaribus colloquiis diu ad virtutes erudierat confluentes, cum ad maiorem fructum ex verbi Dei semine percipiendum, ex filiis, quos Christo genuerat, delectis nonnullis, recolendae memoriae Gregorii XIII etiam praedecessoris nostri auctoritate, apud dictam ecclesiam beatissimae Virginis Mariae et S. Gregorii Congregationem praedictam Oratorii fundavit;

Ipsamque opusculis movit instituta.

§ 34. Et congruentibus institutis, a praedicto Paulo praedecessore postea confirmatis², in presbyterorum secularium statu, absque voti ullius vel promissionis vinculo, ad quatuor familiares sermones singulis in hebdomada feriis, excepta die sabbati, divinis de rebus habendis, ad quotidianam sub vesperam in oratorio publico orationem, ad sacramentorum frequentiam, et ad alias complures christianae pietatis exercitationes retinendas munivit ac stabilivit.

Eius in Deum charitas.

§ 35. Ut autem speciatim tanti viri virtutes agnoscantur, et per viam salutis incedentibus subsidio esse valeant, non est omittendum, quod is fuit in primis charitate in Deum admirabili, ut internus ille ignis nonnunquam, dum attenderet

ad divina, redundaret in corpus, et facies atque oculi scintillis micarent, atque etiam ex improvise illa Apostoli verba saepius usurparet, *Cupio*, sed mox animadvertens, suae in Deum devotionis occultandae gratia, reliquum sententiae retinebat, nimirum, *dissolvi et esse cum Christo*.

§ 36. Perpetuo atque ardenti studio venerandum Eucharistiae colebat sacramentum: vel enim laicus, vel sacerdos celebrans, vel aegrotans in lectulo, illius quotidianam susceptione reficiebatur. Verum inter celebrandum fervidus ligneum altaris gradum quodam exultationis tremore continebat.

Devotio erga SS. Eucharistiae sacramentum.

§ 37. In ipsa dominicae Passionis memoriam, atque iniquorum hominum ingratitudine gemitus fundebat uberrimos, et miraculo tribuebatur, quod prae assidua lachrymandi consuetudine vim oculorum non amisisset.

Et Passionem dominicam.

§ 38. Inter cetera, quibus ad huiusmodi charitatis gradum pervenit Philippus, summum fuit orationis studium, cui inexplacabili desiderio semper addictus, omnia Congregationis exercitia in eam quodammodo tendere curavit, ut inde merito Oratorii Congregatio fuerit appellata.

Studium orationis.

§ 39. Haec ipsa beati viri charitas miris modis redundabat in singulos cuiusque conditionis homines. Nam omnium utilitati ac necessitati expositus, nullum sibi tempus certum esse voluit, in quo suae parceret valetudini, et, quod habitabat cubiculum, non pateret aliorum commoditati, summam lenitate excipiens ad se venientes, factus omnibus omnia, ut omnes Christo lucrificeret.

Charitas in proximos.

§ 40. Singulari praesertim industria per christianae laetitiae semitas deduxit adolescentes, qua, vel septem Urbis ecclesias, vel xenodochia, vel alia pia exercitia frequentantes labore ac molestia ex parte levarentur.

Adolescentium cura.

¹ Edit. Main. habet *revincendis* (R. T.).

² Huiusmodi confirmatio legitur in tom. XII, pag. 36 et seq. nostrae editionis (R. T.).

Atque aegrotorum.

§ 41. Summā item assiduitate visebat aegrotantes, praesertim e suis, nec eos deserebat, dum nosset mortis periculum instare.

Daemones sub voce fugat.

§ 42. Tentationes diaboli repellebat mirabiliter, atque a plurimis laborantibus in extremis, cum ipse accederet, proferretque verba, *Quis est hic?*, daemones ad vocem perterriti, sese in fugam visi sunt conicere.

Largus in pauperum.

§ 43. Curabat autem hominum salutem non solum interno, sed etiam externo subvenire subsidio; et numerosis plerumque familiis necessaria suppeditare, dotem indigentibus virginibus elargiri, egenis religiosorum domibus operam ferre, vinctis in carcere eleemosynas abundanter impertiri, ut merito pater animarum diceretur et corporum. Quem charitatis affectum etiam miraculis Dominus comprobavit.

Angelo sub pauperis specie praebebat eleemosynam.

§ 44. Intempestā enim nocte panem deferens ad familiam in egestate multā constitutam, in profundam foveam incidens, ab angelo incolumis ereptus est, qui etiam aliās angelo sub specie pauperis eleemosynam sibi petenti omnem pecuniam, quam apud se habebat, prompto atque hilari obtulit animo.

Virginitatis donum.

§ 45. Charitati virginitatis donum adiunctum habuit, quo multi, qui cum ipso versabantur, vel vultu atque oculorum intuitu, vel suavi fragrantia, qua illius corpus redolere consueverat, recreabantur.

Impudicos ex foetore cognoscit, contactuque curat.

§ 46. Solitus ipse pudicitiam ex odore, impudicitiam ex foetore dignoscere, soloque manuum contactu impuris tentationibus esse remedio.

Tentationes oratione repellit.

§ 47. Huic integerrimae puritati saepe humani generis hostis per impudicas mulieres tetendit insidias: ipse vero ad orationem semper confugiens victor gloriosus evasit.

Cibi potusque abstinentis.

§ 48. Eam ob causam perpetuae deditus abstinentiae, loco prandii tenui ute-

batur ientaculo, cui coena succedebat non absimpilis. Abstenuit semper a cuiusvis generis lacteiniis: raro pisces, carnes vero rarissime degustavit; potu fuit admodum tenui, aquā magis usus quam vino. Ea demum erat potus, cibique parcitas, ut eā sustentari, medicorum attestatione, naturae viribus non valeret, crederetur tamen (praesertim a suis) Eucharistiae virtute vitam ad senectutem traduxisse.

§ 49. Cum huiusmodi abstinentiā coniunxit etiam rerum omnium mundanarum contemptum: non modo enim haereditatem ac patrimonium respuit et quam multas sibi testamento relictas facultates summā animi constantiā repudiavit, sed etiam, dum in aedibus S. Hieronymi habitaret, nudis contentus cellulis, consueta stipendia recusavit.

Rerum contemptor humanarum.

§ 50. Ab honoribus atque ecclesiasticis dignitatibus alienus, adduci nunquam potuit, ut pensiones atque beneficia reciperet. Canonicatus in Urbe primos, episcopatum et cardinalitiam dignitatem a pia etiam memoriae Gregorio XIV et praedicto Clemente praedecessoribus nostris sibi oblatam omnino recusavit.

Dignitates ecclesiasticas recusat.

§ 51. Humillimus fuit, atque beati Francisci exemplo se maximum ex peccatoribus constanter affirmabat; ideoque contestari quotidie solitus Deum his fere verbis: *A me tibi caveas, Domine, te enim hodie traditurus sum, et omnia perpetraturus mundi peccata, nisi tui me gratiā benigne protexeris.*

Eius humilitas.

§ 52. Cumque aegrotaret aliquando, atque ipsum obsecrarent adstantes, ut, suorum saltem beneficio, illam S. Martini dirigeret ad Deum orationem, *Domine, si adhuc populo tuo sum necessarius, non recuso laborem, summā animi demissione respondit: Non sum ego S. Martinus, nec me talem unquam existimavi; quod si me vobis necessarium reputarem, perditum crederem.*

Praesentibus aegrotans.

Nec patitur
se Congregatio-
nis fundatorem
appellari.

§ 53. Atque hinc est, quod se rectoris et praepositi necnon Congregationis a se erectae fundatoris titulo aegre admodum tulerit appellari. Quinimmo biennio ante obitum Congregationis administrandae munus deposuit.

Somma pa-
tientia.

§ 54. Tanta eius humilitati, patientia non defuit; tranquillo semper animo excitatus, tam adversum se quam Oratorii sui exercitia, persecutiones tolerans, in quibus etiam pro persecutoribus verus Christi imitator assidue deprecabatur; isque fuit precationum fructus, ut ex eis plurimos solâ patientiâ ad Deum converterit, qui vero ab ineptis non destitere, divinam ultionem sint experti.

In perferen-
dis praecipue
infirmatibus.

§ 55. Magnae insuper patientiae extitit in perferendis diuturnis corporis infirmitatibus, quibus singulis fere annis vexabatur, ita ut ad extremum vitae perductus, oleo sancto quater inunctus fuerit. Quo autem tempore aegrotabat, nullâ unquam de doloribus habitâ querimoniâ, sed hilaris facies incredibilē animi laetitiam indicabat; ab ipsâ vero infirmitate, quantumvis gravi, convalescere saepe solebat repente prorsus ac mirabiliter.

Sensuum mor-
tificationis cla-
rus.

§ 56. In christianâ mortificatione adeo praecelebat, ut merito habitus fuerit eiusdem virtutis singularis magister, et in primis mentis discursum, quem ipse rationalem¹ nominare consueverat, assidue comprimere, et captivare intellectum in obsequium Christi studuerit: ideoque ea ipse plerumque faciebat, et facienda proponebat aliis, quae intuentibus animi potius levitatem atque stultitiam saperent.

Extases, ra-
tioque fre-
quenter patie-
batur.

§ 57. Iam vero nonnulla etiam dona recensenda sunt, quibus beati viri virtutes immensa Dei bonitas illustravit. Frequenter enim extasim raptusque divinos patiens, e terrâ sursum totus undique splendore circumfusus elevabatur.

¹ Hic aliquod nomen substantivum deesse videtur (n. r.).

§ 58. Celestibus item visionibus dignabatur assidue. Dominicae etenim Nativitatis nocte Christum in altari pueri specie intuitus est, et aliquando in sacratissimâ hostiâ paradisi gloriam conspexit. Vedit etiam beatissimam Virginem veteris ecclesiae S. Mariae in Vallicella tectum manibus sustententem, donec imminenti casus ademptum est periculum. Eamdem iterum vedit, cum anno ante obitum aegrotaret, quem ipsa sibi obviam sublatum¹ in aëra mirifice recreatum repente sanavit.

Christum et
B. Virginem
saepe intuetur.

§ 59. Quamplurium insuper confitentium atque amicorum animos evolantes in caelum intueri, atque angelos concinentes interim audire solitus erat, quin etiam interiorum eorum pulchritudinem qui essent in statu gratiae divinitus agnoscebat.

Angelos et ami-
corum animas
ad caelum eun-
tes conspiciit.

§ 60. Sanctorum Caroli Borromaei et Ignatii Loyolae facies miris splendoribus vedit coruscantes.

§ 61. Ea erat prudentiâ praeditus, et discretione spirituum ita excelebat, ut propterea cuiusque conditionis homines ad ipsum, tanquam ad oraculum, consulendi gratiâ confluere, et ipsimet summi Pontifices praedecessores nostri eius consilium magni semper facerent.

Prudentia ap-
plicatione sub-
limis.

§ 62. Veras a falsis visiones discernebat, et licet saepissime antiquus nostri generis hostis, horribili se formâ videntum offerens, deterrere ipsum conaretur, semper tamen fortis et invictus de eodem gloriose triumphans, pacem, veramque tranquillitatem, qua fruebatur interius, retinuit.

Veras visiones
a falsis discer-
nit.

§ 63. In prophetiae dono et absentium rerum, ac si praesentes essent, praevisione, occultisque cordis humani divinitus dignoscendis talis erat, ut de ipso vere affirmari possit: *Non est inventus similis illi.*

Propheta ac-
torum praevi-
sione clara.

§ 64. Illud etiam Philippo collatum a
¹ Vocem in addimus ex Cherub. (n. r.)

Diversis in
locis apparet.

Deo fuit, ut, dum uno esset in loco, in alio longe distante, uno eodemque prorsus tempore, nonnullis apparuerit.

§ 65. Quapropter, cum in aedibus sancti Hieronymi commoraretur, cuidam eius, apud dictam ecclesiam Beatissimae Virginis Mariae et S. Gregorii degenti, se praesentem ostendens, subsidio quo indigebat, adfuit.

§ 66. Et Romae alias existens quemdam ex numero sibi consentientium, in mari pene submersum, mediis e fluctibus capillis apprehensum liberavit.

§ 67. Iterumque, cum in Urbe maneret, tunc in humanis agentem Catharinam Ricciam sub regulâ S. Augustini monialem Prati in Hetrutia commorantem longo temporis spatio est alloquutus.

Miraculis clarus.

§ 68. Inter haec miram ad patranda miracula a praepotenti Domino consequutus gratiam, quamplurimos liberavit a quacumque detinerentur infirmitate.

Quam plurimi saluti redditi.

§ 69. Nonnullos enim solo sanctissimae crucis adhibito signo; alios salutari manuum contactu; inter quos Clemens VIII praedecessor noster, gravissimis chiragrae doloribus oppressus, sanus illico factus est; nobilis quidam romanus a pestifera corporis contagione curatus; alios praeterea pristinae sanitati restituit solâ orationis virtute;

Maria Felix a Castro;

§ 70. Alios morbis, quibus tenebantur, tantum imperando, quod praecipue contigit Mariae Felici a Castro in monasterio Turris Speculorum moniali, quae continuâ febris correpta, Philippo iubente, statim convaluit;

Cardinalis Baronius;

§ 71. Alios remediis omnino contrariis curavit, quod dictus Caesar cardinalis est expertus, cui stomachi et capitis debilitate ita laboranti, ut retinere vix cibum, atque orare nullâ ratione posset, imperavit, ut coram se panem integrum cum malo citreo comederet; qui, statim atque servi Dei mandatum exequutus est, sto-

machi atque capitis molestiis sensit se omnino liberatum.

§ 72. Alii vero, rebus, quibus utebatur Philippus, morbo admotis, sanitatem pristinam recepere; inter quos Eugenia Mansueta de Colle Scipionis, naribus ulcere quodam decem et octo mensium spatio horrendum in modum infectis, linteoli parte, servi Dei adhuc viventis sanguine respersâ, ulceri summâ fide appositâ, confestim curata est.

Eugenia Mansueta;

§ 73. Quin etiam constat, mortuos fuisse eius voce vitae restitutos: quod Paulo Fabritii de Maximis filio contigit, qui mortuus, nomen illius inclamante Philippo, illico ad vitam rediit, et confessione peractâ, ab eodem interrogatus, an libens iterum e vitâ decederet, annuens in pace quievit.

Paulus de Maximis vitae restitutus.

§ 74. His virtutibus ac donis, quibus a Deo tam liberaliter auctus est Philippus, tantae extitit mortalibus admirationi, ut qui servum Dei nossent, eius sanctitatem ubique praedicarent, et praedicti praedecessores nostri summo honore ac veneratione prosequerentur. Clemens, praedecessor praedictus, eius manus etiam osculans, et Gabriel Palcottus in libro, quem scripsit *De bono senectutis*, Philippum, adhuc viventem, tamquam verum eximiae sanctitatis, atque virtutum omnium exemplar proposuerit, et Augustinus dictae sanctae Romanae Ecclesiae cardinalis Veronensis nuncupatus libellum, quem composuit, beato viro itidem vivente, *Philippum*, seu de laetitiâ christianâ, inscripserit. Summae etiam venerationis habitus est a sanctis viris et quamplurimis Dei famulis, ut a sancto Carolo, qui, quotiescumque eum adibat, ponere genua et manus eius osculo petere consuevit.

Philippus a summis sanctisque viris maxima in veneratione habitus.

§ 75. Verum, ingravescente iam aetate, cum incitato semper cursu susceptam salutaris vitae rationem feliciter persequutus esset, die mortis suae atque horâ

Eius mors

multifariam praedictis, plenus dierum, octavo kalendas iunii, anno millesimo quingentesimo nonagesimo quinto, qua die Dominici Corporis celebritas contigit, cum mane vehementi devotionis spiritu, quasi prae laetitia concinens, sacrosanctum missae sacrificium celebrasset, et nonnullis adstantium, quorum confessiones audierat, eucharistiae sacramentum ministrasset, consuetis exercitationibus de more expletis, post mediam noctem, eâ qua praedixerat hora, omnipotenti Deo, cui fideliter servierat, spiritum placidissime reddidit, et post obitum quam plurimis, tam Romae quam alibi, gloriae claritate illustris apparuit.

Ad eius corpus
populi frequen-
tia.

§ 76. Et summo mane, servi Dei corpore in ecclesia super feretrum exposito, mortis felicissimae famâ iam divulgata, innumerabilis cuiusque conditionis hominum illuc multitudo convenit; inter quos multi ex viris principibus, praesulibus, atque cardinalibus confluerent; et toto bidui spatio, quo corpus, antequam conderetur, in ecclesia pie reservatum est, ingenti populi frequentia, absque intermissione, manus, pedesque exosculari, coronas atque rosaria venerando corpori admoveere non destitit; et ii, quibus prae multitudine ad corpus non dabatur accessus, feretrum in quo iacebat osculabantur.

Miracula tunc
edita.

§ 77. Eo interim tempore multa sunt, eius suffragantibus meritis, edita miracula.

Strumis labo-
rantes curati.

§ 78. Inter ceteros enim adolescens, unâ cum sorore, strumis diu laborantes, servi Dei manu loco admotâ ubi morbus residebat, extemplo curati sunt.

Multi infirmi
sanati.

§ 79. Quemadmodum et mulier quaedam a diutinâ difficultate respirandi, et alii quamplures a variis infirmitatibus generibus convaluerunt.

Appensa ad
eius sepulchrum

§ 80. Post haec, ubi selectiori in loco

1 Videretur legendum *ingens* vel *ingentis* (A. T.).

corpus reconditum est, ad ipsum venerandum populi concursus fieri, votivae deferri tabellae, donaria permulta appendi, ac suavissimus quidam odor a multis inde percipi cepit.

votivae tabellae.

§ 81. Septem autem post annos intergrum repertum, summâ omnium laetitia translatum est in sacellum erectum atque ornatum a quondam Nerio de Nigris, nobili Florentino et domicello romano, cui Deus sancti huius intercessionem filium concessit Philippum propterea a parentibus nominatum, quem post menses decem et octo gravi morbo correptum, mortique iam proximum, beatus vir sibi commendatum pristinae statim sanitati restituit.

Post septem annos corpus repertum est integrum.

§ 82. Sed ne videamur singula recensere miracula, quibus servus suum mirificavit Altissimus, nosse satis erit, alios praecordiis eiusdem sanatos, ut Theodosiam monialem monasterii S. Luciae in Silice de Urbe, quae, splenis morbo decem et quinque annos afflicta, extemplo curata fuit;

Theodosia monialis splenis morbo liberata.

§ 83. Alios vero capillis, ut puerulum natum mortuum, qui, ut baptismo ablui posset, est revocatus ad vitam;

Puerulus vitam redditus.

§ 84. Alios quibusdam servi Dei coronis, ut Felicem Sebastianam, quae a diuturnis crurum ulceribus statim convaluit;

Felix Sebastianam.

§ 85. Alios linteolis, ut Septimiam Neriam, quae interiori oculi parte ignito ferro incaute a sorore percussa, illaesa omnino remansit;

Septimia Neria.

§ 86. Et Iosephum Sermeium, qui, cum ob gravem infirmitatem eo devenisset, ut omnium iudicio mox efflaturus animam crederetur, sanus repente factus, a lectulo, in quo iacebat, incredibili omnium admiratione surrexit;

Iosephus Sermeius sanatus.

§ 87. Alios, aliis ejusdem reliquiis, gravissimis tentationibus ereptos, ut Stephanum Calcinardum, qui ab impurissimâ quadam femina sollicitatus, sancti viri

Stephanus Calcinardus.

reliquiis, quas devotionis ergo¹ secum deferabat, sibi pectus occultâ quadam vi percussit, et vocem eius audiens increpantis se ut a peccato caveret atque inde festinus abiret, dicto obtemperans, continuo aufugit;

Vincentius Valesius a tentationibus liberatus.

§ 88. Nonnullos solâ eius vitae lectione, ut Vincentium Valesium, qui vehementi vexatus tentatione, supradictum exemplum perlegens, ex animo Philippum compellans, his verbis affatus² est, *cur modo non id ipsum mihi abs te, Pater?*, et eodem temporis instanti discessit omnis illa permolesta mentis agitatio:

Alia patrata miracula.

§ 89. Quamplures miris apparitionibus, ut Drusillam Fantinam, quae praecipiti casu prostrata, ac horribili capitis, oculorum et totius corporis collisione semiviva iacens, tribus servi Dei apparitionibus mirabiliter liberatur; non absimile accidit Leonardo Rovello, cui sanitatem a medicis desperatam petenti Philippus in sui festi pervigilio noctu apparens, pronuntiansque verba illa, *fili vade in pace*, confestim praeiit; et adveniente die Leonardus accepti beneficii memor ad audiendam in eius sacello missam, pro gratiarum actione, ecclesiam adivit;

§ 90. Multos sepulchrum eius visitantes, veluti Claudiam Grignanam, quae, post longam sexennii infirmitatem, non valens in ipsâ summâ dolorum acerbitate loco se penitus movere, ad Philippi sepulchrum aliorum auxilio perducta, vovens de servando singulis annis in vigiliâ festivitatis eius panis et aquae ieiunio, statim doloribus, quibus tenebatur, liberata est, et omnino sana, per ecclesiam nullius adminiculo incessit;

§ 91. Denique fere innumerabiles editis votis, ut fratrem Ioannem Baptistam Masiam de Valentia, Ordinis sanctissimae

¹ Erronee edit. Main. legit *devotionis erga* (R. T.).

² Ibid. legitur *affatus* (R. T.).

Trinitatis Redemptionis Captivorum, qui Neapoli cum esset, annumque ageret supra septuagesimum, vovens se Dei servo eâdem prorsus horâ, qua Romae in eiusdem sacello sacrum votivum peragebatur, tribus desperatis infirmitatibus, quibus toto biennii spatio laboraverat et ita consumptus fuerat ut de facie vix amplius agnosceretur, repente curatus est.

§ 92. Praescripto itaque canonizationis die in festo sancti Gregorii Magni nuncupati, quarto videlicet idus martii, pontificatus ipsius Gregorii praedecessoris anno secundo, iterum dictus Gregorius praedecessor est hortatus ad iteratas preces, ieiunia et eleemosynas, ut in tanto opere exequendo lumen Eius, qui lucem habitat inaccessibilem, implorarent ad ea peragenda, quibus divinae gratiae honor et catholicae Ecclesiae fides augeretur.

Gregorius Papa novas indicit orationes.

§ 93. Omnibus vero iuxta sanctorum patrum traditiones sacrarumque canonum instituta et Romanae Ecclesiae consuetudinem rite et recte peractis, dictâ die, quarto idus martii, idem Gregorius praedecessor, ad Principis apostolorum basilicam, cum cardinalibus, patriarchis, archiepiscopis, episcopis, praelatis et ipsius Gregorii praedecessoris familiaribus, nec non dilectis filiis clero seculari et regulari, ac maximâ populi frequentia convenit, et post iteratas primo, secundo ac tertio pro canonizationis decreto petitiones per dilectum filium nostrum, tunc suum, Ludovicum tituli S. Mariae Transpontinae presbyterum cardinalem Ludovisium nuncupatum, nomine praedictorum, qui pro eâ insteterant, post sacros hymnos, litanias, aliasque preces, et post imploratam Spiritus Sancti gratiam, ad honorem sanctissimae et individuae Trinitatis et fidei catholicae exaltationem, et christianae religionis augmentum, auctoritate eiusdem Dei omnipotentis Patris et Filii et Spiritus Sancti, et beatorum Petri et Pauli apo-

Ac denum B. Philippum Sanctorum albo adscribit.

stolorum decrevit et definivit, dictum Philippum Nerium Florentinum, dictae Congregationis Oratorii fundatorem, unâ cum beatis Isidoro et Ignatio ac Francisco nec non Theresiâ praedictis, Sanctum et Sanctorum catalogo adscribendum esse, prout adscripsit et aggregavit,

Ac declarat,
altaria eius in
honorem erigi.

§ 94. Statuens, ut ab universis christifidelibus in eius honorem ecclesiae et altaria, in quibus sacrificia Deo offerantur, aedificentur;

Postquam
posse celebrari.

§ 95. Et quolibet anno, dictâ die illius obitus, septimo videlicet kalendas iunii, festum ipsius et officium tanquam de Confessore, non Pontifice, ad formam in rubricis romani breviarii praescriptam, solemniter celebrari possit.

Emque visi-
tationis septi-
mum in Indigen-
tis concessit.

§ 96. Insuper eâdem auctoritate omnibus utriusque sexus christifidelibus vere poenitentibus et confessis, qui annis singulis in ipsius festo ad sepulchrum, in quo corpus eius requiescit, visitandum accesserint, unum annum et quadraginta dies; iis vero, qui in eiusdem festi octavâ id fecerint, etiam quadraginta dies de iniunctis eis aut aliâs quomodolibet debitis poenitentis misericorditer in Domino relaxavit.

Missam ipse
solemni pompa
celebravit.

§ 97. Et decantato solemniter hymno *Te Deum laudamus*, et divinâ ope imploratâ sancti Philippi et aliorum Sanctorum praedictorum meritis, per peculiarem ad id orationem, quam dictus Gregorius praedecessor pie et solemniter recitavit, sacrosanctum missae sacrificium, solemnî pompâ et ritu, cum eorundem Sanctorum commemoratione, ad altare Principis apostolorum celebravit; et omnibus christifidelibus, tunc praesentibus, plenariam omnium peccatorum suorum indulgentiam et remissionem ad Dei laudem, et gloriam Sanctorum eius impertitus fuit.

Mortuo Gre-
gorio ante ex-
peditionem bul-
larum, gestae
rei testimonium
ab Urbano per-
hibetur.

§ 98. Ne autem de decreto, definitione, adscriptione, aggregatione, statuto, relaxatione aliisque praemissis, pro eo quod super illis ipsius Gregorii praedecessoris

litterae, eius superveniente obitu, confectae non fuerunt, valeat quomodolibet haesitari, volumus et apostolica auctoritate decernimus quod decretum, definitio, adscriptio, aggregatio, statutum, relaxatio, impartitio, aliaque praemissa, a dictâ die, quarto idus martii, suum debitum sortiantur effectum, ac si super illis ipsius Gregorii praedecessoris litterae, sub datum eiusdem diei, confectae fuissent, prout superius enarratur; quodque praesentes litterae ad probandum plane decretum, definitionem, adscriptionem, aggregationem, statutum, relaxationem, aliaque praemissa, ubique sufficiant, nec ad id probationis alterius adminiculum requiratur.

Transumptis
habita fides

§ 99. Ceterum, quia difficile foret praesentes nostras litteras ad singula loca, ubi opus esset, deferri, volumus, ut earum exemplis, etiam impressis, manu publici notarii subscriptis, et sigillo alicuius personae in dignitate ecclesiasticâ constitutae munitis, eadem ubique fides habeatur, quae ipsis praesentibus adhiberetur, si forent exhibitae vel ostensae.

Clansulae

§ 100. Nulli ergo omnino hominum liceat hanc paginam nostrarum voluntatum et decreti infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursurum.

Datum Romae apud S. Petrum, anno incarnationis Dominicae MDCXXIII, VIII idus augusti, pontificatus nostri anno 1.

Dat. die 6 augusti 1623, pontif. an. 1.

✠ EGO URBANUS

Papae.

CATHOLICAE ECCLESIAE EPISCOPUS.

†

† Ego Franciscus Maria episcopus Portuensis cardinalis a Monte.

Cardinalium
que subscriptio-
nes.

† Ego Odoardus episcopus Tusculanus cardinalis Farnesius.

- | | |
|---|---|
| † Ego Octavius episcopus Praenestinus cardinalis Bandinus. | † Ego Tiberius tituli S. Priscæ presbyter cardinalis Mutus. |
| † Ego Ioannes Baptista episcopus Albanensis cardinalis Detus. | † Ego Gabriel tituli S. Bartholomæi in Insula presbyter cardinalis de Treio. |
| † Ego Federicus tituli S. Mariæ Angelorum presbyter cardinalis Borromæus. | † Ego Iulius tituli S. Sabinae presbyter cardinalis Sabellus. |
| † Ego Andreas tituli S. Laurentii in Lucina presbyter cardinalis Perettus. | † Ego Melchior tituli S. Mariæ de Pace presbyter cardinalis Kleselius. |
| † Ego B. tituli S. Mariæ in Transtiberim presbyter cardinalis Bevilaqua. | † Ego P. tituli S. Thomæ in Parione cardinalis Camporeus. |
| † Ego Dominicus Ss. Apostolorum presbyter cardinalis Gymnasius. | † Ego S. presbyter cardinalis S. Susannæ, S. R. E. bibliothecarius. |
| † Ego Carolus tituli S. Caesaris presbyter cardinalis Madrutius. | † Ego Franciscus Cenninus cardinalis S. Marcelli. |
| † Ego S. cardinalis Burghesius tituli S. Chrysogoni, maior poenitentiarius. | † Ego Guido tituli S. Mariæ de Populo presbyter cardinalis Bentivolus. |
| † Ego Ioannes Garzia tituli Ss. Quatuor Coronatorum presbyter cardinalis Milinus. | † Ego Iulius S. M. supra Minervam presbyter cardinalis Romanus. |
| † Ego M. tituli Ss. Quirici et Iulittæ presbyter cardinalis Lantes. | † Ego Desiderius tituli S. Clementis presbyter cardinalis de Cremona. |
| † Ego Ioannes Baptista tituli S. Caeciliæ presbyter cardinalis Lenius. | † Ego Ludovicus tituli S. Laurentii in Damaso presbyter cardinalis Ludovici S. R. E. vicecancellarius et summator sanctissimus. |
| † Ego A. tituli S. Petri ad Vincula presbyter cardinalis Capponius. | † Ego Cosmus tituli S. Pancratii presbyter cardinalis Torres. |
| † Ego D. tituli S. Martini in Montibus cardinalis Rivarola. | |
| † Ego Petrus Paulus tituli S. Nerei et Achillei presbyter cardinalis Crescentius, eiusdem S. Philippi discipulus. | |
| † Ego Fr. Aug. tituli S. Mariæ de Aracoeli presbyter cardinalis S. R. E. | |
| † Ego G. tituli S. Crucis in Hierusalem cardinalis Borgia. | |
| † Ego F. Felix tituli S. Anastasiæ presbyter cardinalis Asculanus. | |
| † Ego Robertus tituli S. Alexii presbyter cardinalis Ubaldinus. | |

- † Ego M. S. Eustachii diaconus cardinalis de Sabaudia.
 † Ego Carolus S. Mariae in Domnica diaconus cardinalis Medices.
 † Ego Alexander S. Mariae in Cosmedin diaconus cardinalis Ursinus.
 †
 † Ego Fr. S. Angeli in Foro Piscium diaconus cardinalis Boncompagnus.
 † Ego Hippolytus S. Mariae Novae diaconus cardinalis Aldobrandinus S. R. E. camerarius.

†

III.

*Canonizatio beati Ignatii Loiolae
 Societatis Iesu fundatoris.*

**Urbanus Episcopus,
 servus servorum Dei,
 ad perpetuam rei memoriam.**

Rationi congruit et convenit aequitati, ut ea, quae de Romani Pontificis providentiâ processerunt, licet, eius superveniente obitu, litterae apostolicae desuper confectae non fuerint, suum debitum consequantur effectum.

§ 1. Dudum siquidem felicitis recordationis Gregorius Papa XV praedecessor noster, pie attendens, quod ineffabilis Dei bonitas et misericordia, quae miro consilio suis quaeque temporibus apte disponit, et praeteritis seculis, sive ad disseminandum evangelium inter gentes, sive contra subnascentes haeresiarchas, destinavit plures sanctitate ac doctrinâ illustres viros, novissimis temporibus, cum pii Lusitanorum reges in longinquas Indiarum terras ac remotissimas insulas late patentes vineae Domini propagandae aditum aperuissent, nec non¹ minorem catholici Castellae reges novum in orbem ad occidentem repertum patefacere, veterem

autem religionem, omnemque illis¹ sanctitatem ac perfectioris vitae professionem Luterus, monstrum teterrimum, aliaeque detestabiles pestes blasphemis eorum linguis in septemtrionis partibus corrumpere et depravare, ac Sedis Apostolicae auctoritati detrahere conarentur, excitavit spiritum Ignatii Loiolae, qui, ex¹ medio honorum cursu et a seculari et terrenâ militiâ admirabili quadam ratione vocatus, ita se divino imperio regendum et formandum tradidit, ut demum novâ Societatis Iesu, quae, inter alia pietatis et charitatis opera, gentilibus convertendis, haereticis ad fidei veritatem revocandis, et Romani Pontificis potestati tuendae ex instituto se totam impendit, religione fundatâ, vitam admirabili sanctitate traductam sanctissimo pariter concluderet exitu, ac plurimis sit miraculis illustratus, eisdem Ignatii catalogo Sanctorum adscriptioni, de qua dudum agebatur, decrevit intendere.

§ 2. Quippe, increbescente in dies in diversis mundi partibus ipsius Ignatii sanctitatis famâ et miraculorum gloriâ, cum clarae memoriae Philippus II et Philippus III Hispaniarum reges catholici, et Maria similis memoriae Maximiliani II Romanorum regis illustris in imperatorem electi et Margarita dicti Philippi III regis coniuges, necnon plures ecclesiarum praesules et populi, unâ cum dilectis filiis praeposito et aliis dictae Societatis religiosi, apud piaae memoriae Clementem Papam VIII, etiam praedecessorem nostrum, oblatis illi processibus per diversos locorum Ordinarios, etiam auctoritate tunc existentis Sedis Apostolicae in regnis Hispaniarum nuntii, super praedictis sanctitate et miraculis fabricatis, pro litterarum remissorialium et compulsorialium ad faciendos pro canonizatione progressus concessione institissent;

¹ Legendum et non, vel necnon non (R. T.).

¹ Aut potius legendum illius (R. T.).

Id potentibus nobilibus Clemente Papa VIII.

Causae, quibus motus Gregorius XV de beato Ignatio Sanctorum catalogo adscribenda cognovit.

Res congrega-
tioni sacrorum
rituum commis-
sa fuit.

§ 3. Ipseque Clemens praedecessor ob-
latos processus et petitionem ad dilectos
filios nostros, tunc suos, sanctae Romanae
Ecclesiae cardinales super sacris ritibus
deputatos discutiendos commisisset; dicti-
que cardinales petitioni praedictae satis-
faciendum esse censuissent, si ita eidem
Clementi praedecessori placuisset; et dic-
tus Clemens praedecessor morte praeven-
tus nihil desuper constituere potuisset:

Ac deinde ro-
tae auditoribus
per Paulum Pa-
pa V.

§ 4. Similis recordationis Paulus Papa V
similiter praedecessor noster, repetitis per
dictos principes ac praepositum et reli-
giosos ac novis per clarae etiam memo-
riae Henricum IV Francorum et Navarrae
regem christianissimum porrectis instau-
tibus permotus, praedicto Gregorio prae-
decessori, tunc in minoribus constituto,
et officio auditoris causarum palatii apo-
stolici fungenti, ac dilectis filiis Alphonso
Manzanedo et Ioanni Baptistae Pamphilio,
etiam causarum earundem auditoribus,
dedit in mandatis, ut causam huiusmodi,
in statu et terminis quibus reperiabatur,
reassumentes, coniunctimque procedentes,
acta omnia et probationes perpenderent;
et, si opus esset, alios testes super vita
et miraculis eiusdem Ignatii per se et
alios ab eis subdelegandos de novo in
genere reciperent, et super his suum ip-
sorum interponerent iudicium, ut, si ex
iis constaret inquisitiones, probationes ac
processus huiusmodi esse legitime factos,
causamque sufficienter esse instructam,
ea posset ipse Paulus praedecessor exe-
qui quae sanctorum patrum dogmata et
sacrorum canonum postulant instituta.

Et quo refe-
rentibus, idem
Pontifex devo-
nit ad beatifi-
cationem Igna-
ti.

§ 5. Unde dicti auditores, visis et di-
ligenter discussis processibus coram eis
exhibitis, censuerunt cum illis debere
coniungi processus auctoritate apostolica
conficiendos, et ad hunc effectum per se
ipsos in Romanam Curiam, et per nonnullos
archiepiscopos et episcopos extra eam in
diversis mundi partibus ab eis subdele-

gatos, iuridicos processus super praemis-
sis confici curarunt: quibus, iussu eius-
dem Pauli praedecessoris, ad eosdem car-
dinales super sacris ritibus, ut praefertur,
deputatos transmissis, et per eos visis et
perpensis, idem Paulus praedecessor, ex
sententia eorumdem cardinalium, quod dic-
tus Ignatius Beatus nuncupari, et de eo
missa et officium de communi Confesso-
ris non Pontificis celebrari posset, beni-
gne concessit et indulsit.

§ 6. Et deinde, cum preces eorum, qui
pro canonizatione eiusdem beati Ignatii
institerant, fierent in dies auctiores, vo-
lens idem Paulus praedecessor in huius-
modi causam secundum consuetudinem san-
ctae Sedis Apostolicae procedere, eisdem
auditoribus per speciale rescriptum man-
davit, ut processus factos etiam de novo
perpenderent, et alios testes super veri-
tate praemissorum in specie diligentissime
examinarent, et ipsi Paulo praedecessori
referrent.

Deinde novae
datae commis-
siones et proce-
di posset ad san-
ctificationem.

§ 7. Quod quidem mandatum audito-
res praedicti exequi, prout par erat, vo-
lentes, causam similiter de novo excutere
ceperunt, et alios quamplures testes super
eisdem praemissis per se ipsos receperunt
in dicta curia, et per alios ab eis subde-
legatos extra eam examinari curarunt,
ac nonnulla iura ad causam facientia ex
archivio dictae Societatis extraxerunt, et
Alphonsus ac Ioannes Baptista auditores
praedicti, necnon dilectus filius noster
Franciscus eiusdem sanctae Romanae Ec-
clesiae cardinalis Sacratum nuncupatus,
tunc, tamquam archiepiscopus Damasce-
nus, unus ex auditoribus causarum dicti
palatii locumtenens, et in locum dicti
Gregorii praedecessoris, qui iam ad ec-
clesiam Bononiensem assumptus fuerat,
subrogatus, in pluribus congregationibus
inter eos habitis de novo fabricatos et
alios processus praedictos etiam perpen-
derunt: illosque legitime confectos, ac

Rotae audi-
tores Papae re-
ferunt proces-
sus legitime
confectos.

sanctitatem et miracula satis, superque probata fuisse, praedicto Paulo praedecessori retulerunt.

Gregorius rem congrega-
tioni ritum ex-
aminandam re-
mitit.

§ 8. Cumque, ipso Paulo praedecessore viam universae carnis ingresso, dictus praepositus eiusdem Societatis humiliter apud Gregorium praedecessorem praedictum institisset, ut ad ulteriora in canonizatione eiusdem beati Ignatii procedere dignaretur, idem Gregorius praedecessor, illius petitionem benigne audiens, relationem, ut praefertur, factam, ad eosdem cardinales super praedictis sacris ritibus deputatos recognoscendam etiam remisit.

Decretum in
consistorio de-
veniri posse
ad sanctificatio-
nem.

§ 9. Cumque, pendente dictae relationis discussione, supervenissent charissimi in Christo filii nostri Ludovici Francorum et Navarrae regis christianissimi primum, mox vero nobilis viri Maximiliani utriusque Bavariae ducis, et successive etiam charissimi in Christo filii nostri Ferdinandi Romanorum regis in imperatorem electi preces accessissent; dictique cardinales relationem praedictam comprobassent; venerabilis frater noster Franciscus Maria episcopus Portuensis, eiusdem S. R. E. cardinalis a Monte nuncupatus, rei summam, suamque et aliorum, ut praefertur deputatorum, cardinalium sententiam in nostro tunc eiusdem Gregorii praedecessoris consistorio secreto exposuit; et alii, qui in illo consistorio aderant, cardinales, dilecti filii nostri, in eandem sententiam devenerunt; posse videlicet dictum Gregorium praedecessorem, iuxta sacros dictae S. R. E. ritus, dictum beatum Ignatium inter Sanctos referre.

Factaque est
relatio de san-
ctitate et mira-
culis.

§ 10. Quare idem Gregorius praedecessor ad ulteriora procedi mandavit. Voverat autem ipse Gregorius praedecessor nonnulla ex iis, quae in processibus et actis de vita, sanctitate et miraculis eiusdem beati Ignatii constabant, in eodem consistorio recenseri, videlicet:

§ 11. Natus est B. Ignatius in ea Hispaniarum regione, quae ad Pyrenaeum pertinet, ad oppidum Aspeithiae, Pampilonensis dioecesis, anno Domini mcdxci, ex Beltramo Loiola et Maria Sanchez nobilibus, catholicis et piis parentibus, qui simili pietate filium educandum curarunt:

Ignatii nata-
les.

§ 12. Adolescens ille factus, cum esset eximia et animi et corporis indole, missus fuit in clarae similiter memoriae Ferdinandi regis catholici curiam; ubi, cum inter honorarios pueros aliquandiu mansisset, ad tunc existentem Navarrae proregem, in civitate Pampilonensi degentem, se contulit, et rei militari operam dare cepit; cumque dicta civitas ab exercitu Gallorum obsideretur, ipsi Ignatio ante alios dimicanti lapis ex muro bombardae vi excussus laevam laesit tibiam, dexteram vero ita confregit, ut semivivus corruerit; quorum vulnere acerbam, gravem et diuturnam curationem ita patienter tulit, ut omnibus esset domesticis admirationi; cumque eidem, in lecto affixo, libros profanos, tunc sic Deo volente, non reperiros, petenti, nonnulli pii libri legendi causâ porrecti fuissent, ex eorum lectione tam ardentem fuit incensus, ut ingenti sui odio concepto, decreverit Christi et Sanctorum vestigia sequi, Hierosolymam proficisci, ut sacra illa loca veneraretur, et fideles in spiritu promoveret, ac infideles ad Evangelium adduceret:

In lectulo iace-
rens piorum li-
brorum lectione
motus sanctorum
vestigia se-
qui decoravit.

§ 13. Curatis ergo vulneribus, patriam, parentes, res omnes fluxas et caducas reliquit; et Christo deinceps militaturus, ad monasterium B. Mariae de Monte Serrato Ordinis S. Benedicti Vicensis dioecesis perrexit; ibique, generali confessione peractâ, gladio et pugio in templo eiusdem monasterii suspensis, asperâ talari tunicâ indutus, fune praecinctus, nudo capite, baculum manu gestans, totam eam noctem, cui dies festus angelicae salutationis illuxit, ante aram eiusdem B. Ma-

In ecclesia
B. Mariae de
Monte Serrato
divino cultui se
addidit.

riae Virginis inter preces et lachrymas vigilavit, seque penitus divino cultui, novum exinde militiae genus sequuturum, addixit:

Minorasae in hospitali et spe-
cu asperam vi-
tam ducit.

§ 14. Minoressam inde vicinum oppidum petiit; et ad hospitale S. Luciae divertit, et in eo, et quodam specu, ad praeterfluentis amnis ripam sito, faciens dignos poenitentiae fructus, pauperem atque asperam vitam transegit inter egen-tes et sordidos homines, quibus etiam humillimis inserviebat obsequiis:

Studium illa-
rarum operam
dat: sociisque
adscitis vel
se Romano Pon-
tifici exhibere,
ut proximorum
salutem opere-
tur.

§ 15. Post aliquod vero tempus almam Urbem nostram et successive Venetias, ac postmodum Hierosolymam contendit, et perlustratis sacris locis, ibidem permanere et animarum saluti incumbere vetitus, rediit ad partes Hispaniarum; et, quo melius posset in spiritu proximis utilitatem afferre, triginta natus annos, grammaticae primo in civitate Barchinonensi et deinde Compluti philosophiae et theologiae per annum cum dimidio operam dedit; ac demum Parisiis omnia illa studia repetiit, ex eleemosynis victitans, et officia charitatis, humilitatis et poenitentiae non intermittens; sociis eiusdem propositi, inter quos fuit Franciscus Xaverius, vir sanctus et Indiarum apostolus, collectis et voto cum eis nuncupato, ut, consummatis studiis inceptis, evangelicâ contenti paupertate, Hierosolymam omnes adirent unanimi ac summo conati saluti proximorum inservituri; quod si per annum navigandi se non offerret occasio, vel Hierosolymis permanere prohiberentur, illo voto absoluti Romam irent et suam ipsorum operam Summo Pontifici in auxilium spirituale primi offerrent:

In patriam va-
letudinis recu-
perandae causa
revertitur.

§ 16. Verum, cum ex studiorum laboribus et vigiliis gravem stomachi morbum Parisiis contraxisset, iussu medicorum et ex sociorum consilio in patriam rediit, anno eiusdem trigesimo quinto; ibique per tres menses in hospitali S. Mariae

Magdalenae, ostiatim victum emendicans et pauperibus inserviens, tempus sedulo traduxit:

§ 17. Quo transacto, cum convalesceret, Venetias, quo socii ex composito venire debebant, etiam ipse profectus, in eâ civitate ad sacerdotium promoveri voluit, et paupertatis, castitatisque in manibus Hieronymi Veralli archiepiscopi Rossanensis, in eâ tunc Sedis Apostolicae nuntii, votum emisit:

Venetis sa-
cris initiatus
ordinibus pau-
pertatis et ca-
stitatis vota o-
mniuit.

§ 18. Et elapso anno inter eos conducto, et navigatione in Palaestinam, propter pacem inter Turcas et Venetos per id tempus sublatam, interclusâ, Romam cum sociis venit anno millesimo quingentesimo trigesimo septimo; ubi a quodam Quirico Garzonio romano cive, in quadam ipsius Garzonii vineâ sub monte Pincio, receptus hospitio, constitutam operam pie similiter memoriae Paulo III, pariter praedecessori nostro, ad animarum salutem obtulit paratissimam:

Paulo III nam
sociorumque o-
peram offert.

§ 19. Quam causam, quo uberius et cumulatius tractare posset, dictam Societatem a se institutam (ad tria cum aliis religionibus communia vota quarto adiuncto, per quod peculiarem polliceretur Romano Pontifici obedientiam in missionibus, non petito viatico, etiam ad infideles, turcas, haereticos, schismaticos et quoscumque alios, obeundis) a praedicto Paulo III praedecessore confirmandam curavit; eamque postmodum optimis etiam constitutionibus et legibus stabilivit, et in praepositum generalem electus, summâ cum prudentiâ et probitatis laude moderatus est:

Societatis con-
firmationem ob-
tinet, cuius ipsa
praepositus eli-
gitur.

§ 20. Ac post multos labores, Iesum appellans, in eadem Urbē pie obdormivit in Domino pridie kalendas augusti anni eiusdem Domini millesimi quingentesimi quinquagesimisexti. Vir vere, quem prae-elegerat Dominus, ut eorum dux foret, qui portarent eius sanctissimum nomen coram

Moritur.

gentibus et populis, et infideles ad verae fidei cognitionem inducerent, ac rebelles haereticos ad illius unitatem revocarent, suiique in terris vicarii auctoritatem defenderent.

Eius virtutes.

§ 21. Ornavit enim illud Dominus magnitudine et excellentiâ fidei et maximâ spe communiit, ut satis superque eius testantur actiones.

Charitas in proximum.

§ 22. Assiduum autem obsequium, quod pauperibus et aegrotis exhibuit in hospitalibus, et eleemosynarum distributio quas a piis personis suo ipsius studio corrigebat, maxima etiam cura et studium, quod iam inde a principio suae conversionis in eo posuit, ut rudes et pueri doctrinam christianam perdiscerent, et detentorum in carcere visitatio ac sublevatio quam instituit et exercuit accurate, necnon per universum terrarum orbem missiones quas fecit et domus, ecclesiae et collegia quae crevit, et in dictâ Urbe, praeter scholas grammaticae et humanarum litterarum quas gratis aperuit, collegium Germanicum, ac orphanorum et catechumenorum domus, et S. Marthae, ac S. Catharinae monasteria, aliaque loca pia, quae excitari curavit, et dissidentium reconciliatio, salubria consilia data, et spiritualia exercitia ab eo composita, sacramentorum frequentationes procuratae, iniuriarum denique remissio et pro inimicis oratio, quam ardentem amaret proximum propter Deum, plane demonstrant.

Et in Deum.

§ 23. Deum autem ipsum quantopere diligeret, patet ex illâ summâ curâ et diligentia, qua studuit propter Deum proximo in spiritualibus et temporalibus semper benefacere et maximâ vigilantia, qua curavit cor suum mundum custodire. A suâ conversione nullum in eo deprehensum est dictum, factumve, quod censi posset esse peccatum mortale; omnes suas cogitationes, verba et opera in Deum tamquam in finem referebat et ad Deum

et Dei gloriam et honorem destinabat, atque haec verba, videlicet, *Ad maiorem Dei gloriam*, uti symbolum in ore semper habebat.

§ 24. Prudentia quoque fuit in eo admirabilis. In negotiis enim ad Dei honorem peragendis prius quidem omnia Deo commendabat; deinde solerti habitâ consultatione, et rationibus ad examen vocatis, congruentia ad optatum finem adhibebat praesidia, et eo pacto contingentia mala facile declinabat.

Prudentia.

§ 25. Eius erga Deum et homines iustitiam aspera vita et voluntariae poenitentiae, quibus offenso iam Deo satisfacere se putabat, spiritus devotio et religio qua Deo reddidit debitum cultum et honorem, gratitudo quoque, quam erga suos et societatis benefactores continuo ostendit, et pura veritas, quae ex eius ore sine ullâ fallaciâ, fuco, fictione, aut obscuritate procedebat, cum cordis puritate et simplicitate satis commendant. Animi praeclara magnitudo ex poenitentis, obsequio erga aegrotos, ex operibus charitatis, a quibus propter labores et difficultates, irrisiones, iniurias et contumelias non recessit, sed in illis constanter usque ad optatum finem perseveravit,

Iustitia.

§ 26. Patientia vero admirabilis et mansuetudo ex multis et ingentibus laboribus, ex propriis confusionibus et persecutionibus libenter et alacriter pro Dei amore perpensis, ex gratiarum actione in maledicentes relatâ et beneficiis in iniuriantes collatis apparent.

Patientia et mansuetudo.

§ 27. Ieiunium ipse adeo coluit, ut, eo tempore quo fuit Minorissae et Barchinonae, per totam ieiunans hebdomadam, exceptis diebus dominicis, solo pane vesceretur, et aquam biberet, et propter continuatas orationes et abstinentias semel et iterum debilis, ac fere sine viribus est inventus.

Assidua in ieiuniis.

§ 28. Castitatis fuit adeo diligens custos

Castitas custodita.

in se et in aliis, ut in constitutionibus Societatis voluerit, illam suis esse tam perfecte servandam, ut eniti debeant, corporis, mentisque munditiâ, angelicam puritatem imitari.

Eius humilitas.

§ 29. Profundae etiam humilitatis non obscura dedit indicia, dum, se ad novae vitae genus accingens, noluit suum audire germanum sibi familiae nobilitatem, opes et in militia strepuitatem, ac futuram inde gloriam repraesentantem; sed statim atque ex morbo et vulnere convaluit, seculo nuntium remisit. Idem etiam denotatur, quia in patriam valetudinis causâ rediens, cum se a quodam iam cognitum esse animadvertisset, timens honorem, quem et germanum et incolas Aspeithiae sibi exhibituros esse intelligebat, noluit cum eo, a quo cognitus fuerat, viâ rectâ Aspeithiam proficisci; sed per montes et semitas obliquas solus illuc accessit et nobile palatium cum vilitate humilis hospitalis libentissime commutavit; nullisque precibus adduci potuit, ut domum paternam ingrederetur.

§ 30. Denique non solum vanam mundi gloriam, sed se etiam ipsum egregiâ magnanimitate contempsit. Renuntiatus enim praepositus generalis Societatis, tandiu id muneris subire recusavit, quoad eius confessarius ei, ut demandatum reciperet officium, imperavit, et post receptum munus, ut eos, quos in constitutionibus ad humilitatem hortatur verbo, firmâret exemplo, primum quidem in coquinae ministeriis aliquot versatus est dies, tum docere aggressus est pueros et rudes doctrinam christianam.

Splendida divitius facies.

§ 31. Excellentem vero famuli sui sanctitatem comprobare voluit etiam Altissimus super naturali splendore vultus, quem, dum viveret, aliquando viderunt B. Philippus Neri et quondam Oliverius Manareus Flander eiusdem Societatis religiosus,

§ 32. Ac testimonio miraculorum quorum plura etsi ab eo vivente facta in processibus recensentur, insigniora tamen post eius felicem dormitionem edita probantur.

Miracula.

§ 33. Isabella enim Rebelles monialis, Ordinem S. Clarae in monasterio S. Elisabethae Barchinonensi eiusdem Ordinis expresse professa, annos nata sexaginta septem, dum aliquid operis alto in loco molitur, repente tam gravi casu ad terram est collapsa, ut coxendicis, seu femoris os, quod maximum est in humano corpore, totum fuerit confractum: et per quadraginta dies et ultra adhibitis per medicum et chirurgum, eventu plane irritato, medicamentis, ac dolore et febris, quae ex confractione supervenerant, non cessantibus, aegrota apud omnes erat citra ullam salutis opem, quae saltem naturalibus parari posset¹ remediis, ut eadem die moritura crederetur: petita tamen pia cum religione et impetrata reliquia B. Ignatii, et super coxendicem applicata, statim sana est reddita, et coxendicem ac tibiam, prius tumentem atque immobilem, expedite ac sine dolore movere cepit, et die proximâ surrexit, ac libere et perfecte ambulavit.

Isabella Rebelles, monialis.

§ 34. Ioannes Leida Maioricensis in valde acutam et periculosam febrim inciderat: augebat periculum maxima stomachi nausea: post duodecimum, vel tertium decimum diem aucto periculo, cum Deo sese per merita B. Ignatii impense commendasset, sequenti nocte somno excitatus, magno splendore circumfusus cubiculum vidit; et uxorem inclamans: *Nonne, inquit, vides me a B. Ignatio sanatum?* Et illucescente die sanus et valens sine alicuius auxilio e lecto surrexit, et vestibus se induit, ac in gratiarum actionem templum Societatis expedite adiit.

Ioannes Leida.

¹ Edit. Main. legit *possent* (R. T.)

Hieronimus
Hionophrius He-
truscus,

§ 35. Hieronymus Hionophrius Hetruscus, incola oppidi Gandiae Valentinae dioecesis, puer decennis, cum lethale in supercilio prope tempora vulnus acceperat, propter quod totius oculi tumor et vehemens febris accesserant, et, post adhibita per mensem integrum per chirurgum ex artis praescripto medicamenta, vulnus non solum non solidaretur, sed adeo latum et profundum esset, ut linamentum digitale inferendum esset, ac tanta sanies et putredo flueret, ut chirurgus ipse miraretur, et crederet os aliquod intus conflatum, et alterum chirurgum etiam vocari iussisset, et ambo coram infirmo convenissent; remotis fasciis, quibus vulnus erat apertum et obligatum, praeter omnem expectationem, meritis B. Ignatii, cui mater pueri, voto iam facto, illum commendaverat, vulnus illud penitus obductum, clausum et solidatum invenerunt.

Magdalena
Talavera,

§ 36. Magdalena Talavera, in eodem oppido Gandiae commorans, cum per tres annos gravibus laborasset obstructionibus, quae in hydropsim, quam confirmatam appellant, terminaverant, eiusque ventrem adeo tumentem et inflatum reddiderant, ut se de loco ad locum movere non posset, nisi permoleste, videns remedia per duos medicos adhibita sibi nihil profuisse, ad divina confugit subsidia: et voto Deo facto, ac imagine dicti Beati ventri admotâ, statim melius se habuit, depulsusque est morbus obstructionis et hydropisis, ita prorsus, ut intra tres vel quatuor dies detumuerit venter, et exinde illa se bene habuerit.

Ferdinandus
Pretel de Men-
doza,

§ 37. Ferdinandus Pretel de Mendoza, cum in febrim incidisset tertianam, quae mox in duplicem, deinde in pestilentem unâ cum mentis stupore et extraordinariis horribus, ex humorum abundantia et virium naturalium defectu accidentibus, degeneraverat; et ex multis purgationibus, incassum adhibitis, vis morbi adeo aucta

esset, ut a medicis destitutus, in supremam mortis discrimine versaretur, rite confessus et communione instructus, ac sacro perunctus oleo, manibus tenens imaginem beati Ignatii, quam collo pendentem gestabat, et ex toto corde illi se commendans, convalescere cepit, et morbo est liberatus.

Anna Barzel-
lona,

§ 38. Anna Barzellona fere sexagenaria, cum toto biennii spatio morbo paralysis graviter vexata immobilis esset ad omne opus laboris, et gradus ascendere non posset, nisi scipionibus innixa, et insuper novus apoplexiae in altero latere morbus accessisset, humanis remediis omnino destitutam se intelligens, voto nuncupato, melius se habere cepit, e toto illo die ac nocte insequenti inchoata valetudo ita est aucta, ut iam illucescente mane sana omnino ad ecclesiam collegii dictae Societatis accurrerit expeditissime, gratias Deo ac beato Ignatio redditura.

Joanna Clara
Noquera,

§ 39. Ioannae quoque Clarae et Noquerae, mulieri Maioricensi, annos natae LVI, caecitate laboranti, videndi facultatem reddidit beatus Ignatius.

Bartholomaeus
Contesti,

§ 40. Bartholomaeus Contesti chirurgus adeo acerbis et diuturnis capitis doloribus opprimebatur, ut prae nimio dolore saepe ad terram allideretur: accessit in oculorum altero tam gravis inflammatio, ut alterum etiam divexaret, ita ut ne tenuissimum quidem lucis radium perferre, aut aliquantulum quiescere posset; ob idque in tenebroso conditus cubiculo inde non egrediebatur: et eo devotum est, ut ex intolerando dolore non dubitaret affirmare, quod si quidam chirurgus iam defunctus in humanis ageret, oculum sibi erui iussurus esset: religione demum eximia erga Beatum incensus, illius reliquiam ad se afferri iussit; et in puncto, quod fuit illa delata, bene se habuit: capitis et oculorum cessavit dolor, visum recuperavit, et lucis splendorem sine ulla

offensione sustinuit; utque intelligeretur, subitam curationem divinae virtuti, atque intercessioni beati Ignatii tribuendam esse, his, terve sacra reliquiâ e cubiculo exportatâ, dolor rediit, eaque in cubiculum reductâ, illico morbus discessit: quo facto admonitus Bartholomaeus, sacram reliquam penes se retinuit, atque ita intra tres vel quatuor dies ita perfecte sanatus est, quasi nunquam aegrotasset. Quo audito Columna Cortei et Vich, quae capitis dolore ita vexabatur, ut neque noctu quiescere posset¹, et, superveniente in uno oculorum tanto cruciatu ut palpebram attollere non posset,² caeca denique remansisset; misit qui eandem reliquam ad se deferret, qua allatâ, et super oculos, praevis invocatione eiusdem Beati, impositâ, palpebra, quae prius per chirurgos aperiri non poterat, confestim ultro ac per se cepit aperiri, cessavit dolor, lucis splendorem Columna pertulit, et intra tres dies paulatim visum omnino recuperavit, et perfecte convaluit.

§ 41. Ioanna quoque de Aragona et Pignatella, ducissa Terrae Novae, quae quatuor iam menses vehementissimo dolore cruciabatur ex tumore et duritie alterius mammillae, eoque reducta erat, ut neque pedes, neque brachia movere posset, quin sibi viscera transfigi quodammodo viderentur; ad opem eiusdem Beati confugiens, et illius imaginem religiose de mane venerata et illi se commendans, vespere eiusdem diei sana sine tumore, sine duritie et sine ullo doloris sensu reperta est.

§ 42. Demum his et quamplurimis aliis permotus idem Gregorius praedecessor, ex antiquo Romanorum Pontificum praedecessorum nostrorum, tunc suorum, instituto, publico prius (in quo, praeter praedictos cardinales, etiam venerabiles

fratres nostri patriarchae, archiepiscopi et episcopi ac alii Romanae curiae praelati et dicti Gregorii praedecessoris familiares dilecti filii convenerunt, et dilectus filius Nicolaus Zambeccarius, aulae pontificiae consistorialis advocatus, dicti beati Ignatii merita et principum ac populorum super huiusmodi canonizatione vota retulit),

§ 43. Et successive altero, quod semipublicum vocant (in quo praedicti omnes, ac etiam Sedis Apostolicae notarii, et causarum dicti palatii auditores dilecti filii interfuerunt, et omnes, quod dictus beatus Ignatius canonizandus esset, publicis suffragiis iudicarunt), convocatis consistoriis, toto cordis affectu exultans in Domino, eundem beatum Ignatium, unâ cum beatis Isidoro Agricola et Francisco Xaverio, inter Sanctos referendum duxit.

§ 44. Praescripto itaque canonizationis die festo S. Gregorii Magni nuncupati, iv videlicet idus martii, pontificatus ipsius Gregorii praedecessoris anno II, iterum dictus Gregorius praedecessor est hortatus ad iteratas preces, ieiunia et elemosynas, ut in tanto opere exequendo lumen Eius, qui lucem habitat inaccessibilem, implorarent ad ea peragenda, quibus divinae gloriae honor et catholicae Ecclesiae fides augeretur. Omnibus vero iuxta sanctorum patrum traditiones, sacrorumque canonum instituta, et Romanae Ecclesiae consuetudinem rite et recte peractis, dictâ die iv idus martii, idem Gregorius praedecessor ad Principis apostolorum basilicam, cum cardinalibus, patriarchis, archiepiscopis, episcopis, praelatis, et ipsius Gregorii praedecessoris familiaribus praedictis, necnon dilectis filiis clero seculari et regulari, ac maximâ populi frequentia, convenit, et post iteratas primo, secundo ac tertio pro canonizationis decreto petitiones per dilectum filium nostrum, tunc suum, Ludovicum tituli sanctae Mariae Transpontinae presbyterum cardi-

Gregorius XV eum inter Sanctos ducit referendum.

Quod praestitit iv idus martii in basilica sancti Petri.

Columna Cortei et Vich.

Ioanna Pignatella, variis infirmitatibus liberata.

Hic aene in consistorio publico.

¹ Verbum posset nos addimus (R. T.).

² Coniunctionem et deleamus (R. T.).

dinalem Ludovisium nuncupatum, nomine praedictorum, qui pro eâ institerant, post sacros hymnos, litanias, aliasque preces, et post imploratam Spiritus Sancti gratiam, ad honorem sanctissimae et individuae Trinitatis, et fidei catholicae exaltationem, et christianae religionis augmentum, auctoritate eiusdem Dei omnipotentis Patris et Filii et Spiritus Sancti et beatorum Petri et Pauli apostolorum decrevit et definivit, dictum Ignatium Loiolam, praedictae Societatis fundatorem, unâ cum Isidoro et Francisco praefatis, ac beatis Philippo, necnon Theresia, Sanctum, et Sanctorum catalogo adscribendum et aggregandum esse, prout adscripsit et aggregavit,

Indultum missae celebrandi et officium recitandi.

§ 45. Statuens, ut ab universis christifidelibus eius in honorem ecclesiae et altaria, in quibus sacrificia Deo offerantur aedificari, et quolibet anno, dictâ die illius obitus pridie kalendas augusti, festum ipsius et officium, tamquam de Confessore non Pontifice, ad formam in rubricis romani breviarii praescriptam, solemniter celebrari possint.

Propositio eius tumulum visitantibus in indulgentiae.

§ 46. Insuper eâdem auctoritate omnibus utriusque sexus christifidelibus vere poenitentibus et confessis, qui annis singulis ipsius festo ad sepulchrum, in quo corpus eius requiescit, visitandum accesserint, unum annum et quadraginta dies, iis vero, qui in eiusdem festi octavâ id fecerint, etiam quadraginta dies de iniunctis eis aut aliâs quomodolibet debitis poenitentibus misericorditer in Domino relaxavit.

Altitudo in sanctificatione servati.

§ 47. Et decantato solemniter hymno, *Te Deum laudamus*, et divinâ ope imploratâ S. Ignatii et aliorum Sanctorum praedictorum meritis, per peculiarem ad id orationem quam dictus Gregorius praedecessor pie et solemniter recitavit, sacrosanctum missae sacrificium solemniter pompâ et ritu, cum eorundem Sancto-

rum commemoratione, ad altare Principis apostolorum celebravit; et omnibus christifidelibus tunc praesentibus plenariam omnium peccatorum suorum indulgentiam et remissionem, ad Dei laudem, et gloriam Sanctorum eius, impertitus fuit.

Gestae rei testimonium ab Urbano Papa perhibetur.

§ 48. Ne autem de decreto, definitione, adscriptione, aggregatione, statuto, relaxatione, impertitione, aliisque praemissis, pro eo quod super illis ipsius Gregorii praedecessoris litterae, eius superveniente obitu, confectae non fuerunt, valeat quomodolibet haesitari, volumus et apostolicâ auctoritate decernimus, quod decretum, definitio, adscriptio, aggregatio, statutum, relaxatio, impertitio, aliaeque praemissa, a dictâ die iv idus martii suum debitum sortiantur effectum, ac si super illis ipsius Gregorii praedecessoris litterae sub datum eiusdem diei confectae fuissent, prout superius enarratur; quodque praesentes nostrae litterae ad probandum plene decretum, definitionem, adscriptionem, aggregationem, statutum, relaxationem, impertitionem et alia praemissa ubique sufficiant: nec ad id approbationis alterius adminiculum requiratur.

§ 49. Ceterum, quia difficile foret, praesentes nostras litteras ad singula loca, ubi opus esset, deferri, volumus, ut earum exemplis, etiam impressis, manu publici notarii subscriptis, et sigillo alicuius personae in dignitate ecclesiasticâ constitutae munitis, eadem ubique fides adhibeatur, quae ipsis praesentibus adhiberetur, si essent exhibitae vel ostensae.

Exemplis danda fides.

§ 50. Nulli ergo omnino hominum liceat hanc paginam utriusque nostrarum voluntatum et decreti infringere, vel ei ausu temerario contraire: Si quis autem hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursurum.

Clausulae.

Datum Romae, apud sanctum Petrum,

anno Incarnationis Dominicae MDCXXIII,
viii idus augusti, pontificatus nostri anno I.

Dat. die 6 augusti 1623, pontif. an. I.

Papae,



EGO URBANUS

CATHOLICAE ECCLESIAE EPISCOPUS.

Cardinalium
que subscriptiones.

† Ego Franciscus Maria episcopus Portuensis cardinalis a Monte.

†

†

† Ego Octavius Praenestinus cardinalis Bandinus.

† Ego Ioannes Baptista episcopus Albanensis cardinalis Detus.

†

† Ego And. tituli S. Laurentii in Lucina presbyter cardinalis Perettus.

† Ego B. tituli S. Mariae Transtiberim presbyter cardinalis Bevilaqua.

†

†

†

† Ego Dominicus Ss. Apostolorum cardinalis Gymnasius.

† Ego Carolus cardinalis tituli S. Caesarei Madrutius.

† Ego S. tituli S. Chrysogoni presbyter cardinalis Burghesius, maior poenitentiarius.

† Ego Ioannes Garzia tituli Ss. Quatuor Coronatorum presbyter cardinalis Millinus.

† Ego M. tituli Ss. Quirici et Iulittae presbyter cardinalis Lantes.

†

† Ego Ioannes Baptista tituli S. Caeciliae, presbyter cardinalis Lenius.

†

†

†

†

† Ego D. tituli S. Martini in Montibus, cardinalis Rivarola.

†

†

†

† Ego G. tituli S. Crucis in Hierusalem presbyter cardinalis Borgia.

† Ego F. Felix tituli S. Anastasiae presbyter cardinalis Asulanus.

†

† Tyberius tituli S. Priscæ presbyter cardinalis Mutus.

† Ego Gabriel tituli S. Bartholomaei in Insula presbyter cardinalis de Treio.

†

† Ego Iulius tituli S. Sabinae presbyter cardinalis Sabellus.

† Ego Melchior tituli S. Mariae de Pace presbyter cardinalis Kleselius.

†

†

† Ego S. presbyter cardinalis S. Susannae, S. R. E. bibliothecarius.

†

†

†

†

† Ego Guido tituli S. Mariae de Populo presbyter cardinalis Bentivolus.

†

†

†

†

†

† Fr. Desiderius tituli S. Clementis, presbyter cardinalis de Cremona,

†

† Ego Ludovicus presbyter cardinalis Ludovisius tituli S. Laurentii in Damaso, S. R. E. vicecancellarius.

†

†

†

† Ego Cosmus tituli S. Pancratii presbyter cardinalis de Torres.

†

†

- †
 †
 † C. S. Nicolai in Carcere Tulliano diaconus cardinalis Pius.
 † M. S. Eustachii diaconus cardinalis de Sabaudia.
 †
 † Ego Alexander S. Mariae in Cosmedin diaconus cardinalis Ursinus.
 †
 †
 †
 † Ego Franciscus S. Angeli in Foro Piscium diaconus cardinalis Boncompagnus.
 † Ego Hyppolitus S. Mariae Novae diaconus cardinalis Aldrobandinus, sanctae Romanae ecclesiae camerarius.

IV.

*Canonizatio beati Francisci Xaverii
 e Societate Iesu¹.*

**Urbanus episcopus,
 servus servorum Dei,
 ad perpetuam rei memoriam.**

Prooemium.

Rationi congruit et convenit aequitati, ut ea, quae de Romani Pontificis providentiâ processerunt, licet, eius superveniente obitu, litterae apostolicae desuper confectae non fuerint, suum debitum consequantur effectum.

Causae huius constitutionis.

§ 1. Dudum siquidem felicitis recordationis Gregorius Papa XV, praedecessor noster, pie praemeditans, quod unigenitus et coaeternus aeterni Patris² Filius, cum de regalibus sedibus in hunc mundum, ut salutem humani generis operaretur, descendisset, semen bonum verbi sui in agro orbis terrarum seminaverat, ut omnium caelestium virtutum et ad extremum aeternae vitae fru-

¹ Recole adnot. ex Cherub. supra pag. 14 ad Constit. II (R. T.).

² Edit. Main. legit *Patri* (R. T.).

ctum credentibus germinaret; quodque, cum, pro divinae huius segetis incremento, pretiosissimum sanguinem suum, ignominiam crucis voluntarie subiens, effudisset, ac, perfecto demum opere ad quod missus fuerat, super omnibus caelorum sublimitatibus ad dexteram Patris in saeculorum aeternitate consessurus ascendisset; plurimos servos et amicos suos in terris reliquerat, qui laboribus, vigiliis, atque, ad ipsius exemplum, proprii sanguinis effusione, divinam hanc excolentes sementem, messem quamuberrimam in horreum eius congregarent, eiusque fines eo usque dilatarent, donec, iuxta promissionem Patris, omnes gentes et termini terrae darentur ei in haereditatem et possessionem; et, quamvis verbum eius semper a generatione in generationem prosperatum esset, attamen, quando ab aeternis temporibus praedestinatum beneplaciti eius tempus advenerat ut abundare faceret quasi imbrem inundantem misericordiam suam magnam super universum semen filiorum Adam, gloriamque crucis suae usque ad ultimum terrae, et in mari longe propagaret, vere admirabilis facta erat potentia ipsius, cum revelatis incognitis antea tribubus et linguis ac populis et nationibus, messem magnam atque uberem aperuerat, atque in eâ operarios multiplicaverat, tantâque fructuum abundantia labores eorum compleverat, ut, ipsis annuntiantibus, evangelicae praedicationis sonus usque ad extremos orbis terrarum fines penetrasset, et a solis ortu usque ad occasum, ab aquilone et mari, magnum nomen Domini Dei nostri in universis gentibus redditum esset; inter ceteros vero, quos ad perficiendum voluntatis suae sacramentum in tantarum gentium vocatione Dominus praecordinaverat, egregius servus eius Franciscus Xaverius, novus Indiarum apostolus, gloriae sanctitatis et meritorum splendore praecipue emicue-

anno Incarnationis Dominicae MDCXXIII,
viii idus augusti, pontificatus nostri anno I.

Dat. die 6 augusti 1623, pontif. an. I.

Papae,

✠ EGO URBANUS

CATHOLICAE ECCLESIAE EPISCOPUS.

Cardinalium
que subscriptiones.

✠ Ego Franciscus Maria episcopus Portuensis cardinalis a Monte.

✠

✠

✠ Ego Octavius Praenestinus cardinalis Bandinus.

✠ Ego Ioannes Baptista episcopus Albanensis cardinalis Detus.

✠

✠ Ego And. tituli S. Laurentii in Lucina presbyter cardinalis Perettus.

✠ Ego B. tituli S. Mariae Transtiberim presbyter cardinalis Bevilaqua.

✠

✠

✠

✠ Ego Dominicus Ss. Apostolorum cardinalis Gymnasius.

✠ Ego Carolus cardinalis tituli S. Caesarei Madrutius.

✠ Ego S. tituli S. Chrysogoni presbyter cardinalis Burghesius, maior poenitentiarius.

✠ Ego Ioannes Garzia tituli Ss. Quatuor Coronatorum presbyter cardinalis Millinus.

✠ Ego M. tituli Ss. Quirici et Iulittae presbyter cardinalis Lantes.

✠

✠ Ego Ioannes Baptista tituli S. Caeciliae, presbyter cardinalis Lenius.

✠

✠

✠

✠

✠ Ego D. tituli S. Martini in Montibus, cardinalis Rivarola.

✠

✠

✠

✠ Ego G. tituli S. Crucis in Hierusalem presbyter cardinalis Borgia.

✠ Ego F. Felix tituli S. Anastasiae presbyter cardinalis Asulanus.

✠

✠ Tyberius tituli S. Priscæ presbyter cardinalis Mutus.

✠ Ego Gabriel tituli S. Bartholomaei in Insula presbyter cardinalis de Treio.

✠

✠ Ego Iulius tituli S. Sabinae presbyter cardinalis Sabellus.

✠ Ego Melchior tituli S. Mariae de Pace presbyter cardinalis Kleselius.

✠

✠

✠ Ego S. presbyter cardinalis S. Susannae, S. R. E. bibliothecarius.

✠

✠

✠

✠

✠ Ego Guido tituli S. Mariae de Populo presbyter cardinalis Bentivolus.

✠

✠

✠

✠

✠

✠ Fr. Desiderius tituli S. Clementis, presbyter cardinalis de Cremona,

✠

✠ Ego Ludovicus presbyter cardinalis Ludovisius tituli S. Laurentii in Damaso, S. R. E. vicecancellarius.

✠

✠

✠

✠ Ego Cosmus tituli S. Pancratii presbyter cardinalis de Torres.

✠

✠

- †
†
† C. S. Nicolai in Carcere Tulliano diaconus cardinalis Pius.
† M. S. Eustachii diaconus cardinalis de Sabaudia.
†
† Ego Alexander S. Mariae in Cosmedin diaconus cardinalis Ursinus.
†
†
†
† Ego Franciscus S. Angeli in Foro Piscium diaconus cardinalis Boncompagnus.
† Ego Hyppolitus S. Mariae Novae diaconus cardinalis Aldrobandinus, sanctae Romanae ecclesiae camerarius.

IV.

*Canonizatio beati Francisci Xaverii
e Societate Iesu¹.*

**Urbanus episcopus,
servus servorum Dei,
ad perpetuam rei memoriam.**

Prooemium.

Rationi congruit et convenit aequitati, ut ea, quae de Romani Pontificis providentiâ processerunt, licet, eius superveniente obitu, litterae apostolicae desuper confectae non fuerint, suum debitum consequantur effectum.

Causae huius constitutionis.

§ 1. Dudum siquidem felicitis recordationis Gregorius Papa XV, praedecessor noster, pie praemeditans, quod unigenitus et coaeternus aeterni Patris² Filius, cum de regalibus sedibus in hunc mundum, ut salutem humani generis operaretur, descendisset, semen bonum verbi sui in agro orbis terrarum seminaverat, ut omnium caelestium virtutum et ad extremum aeternae vitae fru-

¹ Recole adnot. ex Cherub. supra pag. 14 ad Constit. II (R. T.).

² Edit. Main. legit *Patri* (R. T.).

Bull. Rom. Vol. XIII.

ctum credentibus germinaret; quodque, cum, pro divinae huius segetis incremento, pretiosissimum sanguinem suum, ignominiam crucis voluntarie subiens, effudisset, ac, perfecto demum opere ad quod missus fuerat, super omnibus caelorum sublimitatibus ad dexteram Patris in saeculorum aeternitate consessurus ascendisset; plurimos servos et amicos suos in terris reliquerat, qui laboribus, vigiliis, atque, ad ipsius exemplum, proprii sanguinis effusione, divinam hanc excolentes sementem, messem quamuberrimam in horreum eius congregarent, eiusque fines eo usque dilatarent, donec, iuxta promissionem Patris, omnes gentes et termini terrae darentur ei in haereditatem et possessionem; et, quamvis verbum eius semper a generatione in generationem prosperatum esset, attamen, quando ab aeternis temporibus praedestinatum beneplaciti eius tempus advenerat ut abundare faceret quasi imbrem inundantem misericordiam suam magnam super universum semen filiorum Adam, gloriamque crucis suae usque ad ultimum terrae, et in mari longe propagaret, vere admirabilis facta erat potentia ipsius, cum revelatis incognitis antea tribubus et linguis ac populis et nationibus, messem magnam atque uberem aperuerat, atque in eâ operarios multiplicaverat, tantâque fructuum abundantia labores eorum compleverat, ut, ipsis annuntiantibus, evangelicae praedicationis sonus usque ad extremos orbis terrarum fines penetrasset, et a solis ortu usque ad occasum, ab aquilone et mari, magnum nomen Domini Dei nostri in universis gentibus redditum esset; inter ceteros vero, quos ad perficiendum voluntatis suae sacramentum in tantarum gentium vocatione Dominus praecordinaverat, egregius servus eius Franciscus Xaverius, novus Indiarum apostolus, gloriae sanctitatis et meritorum splendore praecipue emicue-

rat, qui, cum a iuventute sua perfecte coram Deo ambulasset, spretisque ac conculcatis divitiis ac seculi dignitatibus, ac semetipso iuxta verbum Domini abnegato, animam suam pro nomine Domini nostri Iesu Christi tradidisset, dignus inventus erat, qui a Spiritu Sancto in tam insigni opus assumeretur, ac, tanquam aliorum dux divina providentia constitutus, apostolicis charismatibus affluenter decoraretur¹, etiam ob signa apostolatus, quae in eo in omni patientia, in signis et prodigiis ac virtutibus manifesta facta erant, novarum gentium apostolus unanimi totius christiani orbis consensu meruerat appellari; ac propterea decebat, ut tantum Dei famulum (qui pro gloria eius et animarum Domini nostri Iesu Christi sanguine redemptarum salute innumeros, maximosque labores atque aerumnas perpessus erat, ingentiaque terrâ, marique subiverat pericula, quem Deus adeo magnificaverat, ut nomen eius honorabile esset apud omnes gentes) idem Gregorius praecessor, pro suo pastoralis munere, ut² vere sanctum et electum Dei in militanti Ecclesia declararet, eiusque virtutes, tanquam eximias et praecellentes, universis christifidelibus imitandas proponeret, ut populus christianus, actiones suas ad honorem Dei, ipsius exemplo, dirigens, cum apud Deum et Dominum Iesum Christum in eius necessitatibus habere mereretur intercessorem, atque ut omnes christifideles promptius ad laudandum Deum omnipotentem secundum multitudinem magnitudinis eius excitarentur, devotionisque ardor erga tantum Dei famulum augeretur, dum eius in terris caelestem et laudabiliter actam vitam orbi terrarum explicaret et patefaceret;

¹ Videretur legendum ut etiam meruerit appellari (A. T.).

² Ista particula ut mihi videretur ex tota syntaxi redundare; nam praecessit iam decebat, ut (A. T.).

§ 1. In primis et ante omnia praemitteret¹: Quod natus erat insignis hic Dei servus Navarrae in oppido Xaverio Pampilonensis dioecesis, maternae ditioris loco, nobiles ac piis progenitoribus; qui, cum ipsum ab infantia timere Deum, ac ab omni peccato abstinere edocuisent, ubi aetas demum adoleverat, Lutetiam Parisiorum, studiorum gratia, eundem miserant. Quibus cum alacriter operam daret, post haud multum temporis de eo domum revocando pater cogitare ceperat. Quod cum tunc in humanis agens Maria Magdalena eius soror (quae monasterium monialium oppidi civitatis nuncupati Gandiae, Ordinis-sanctae Clarae, Discalceatarum nuncupatarum, Valentinae dioecesis, non sine ingenti sanctitatis fama tunc regebat) persensisset, fratris vocationem divinitus edocta, per litteras cum patre vehementius egerat, ut Francisci studia omni ope, etiam cum rei domesticae detrimento, foveret: eum enim incognitarum gentium apostolum divina providentia praecordinatum esse praevi-debat. Cumque Lutetiae commoraretur, in familiaritatem sancti Ignatii insinuatus, ac postmodum in socium ipsius, qui id ardentibus precibus a Deo ad ingentem Ecclesiae utilitatem praestandam postulaverat, adscriptus, eoque duce ingressus erat arctam viam, quae ad vitam ducebat: ut enim spiritu vivificaretur, carnem suam, ad antiquorum sanctorum patrum exemplum, severissime mortificaverat. Interdicto enim sibi, non solum carnis et vini, sed panis etiam triticei usu, vilibus tantummodo ac insulsis cibis, iisque quam parcissime usus erat. Quin etiam frequenter integro biduo, triduoque ab omni cibo prorsus abstinerat; aliquando vero omnes maioris hebdomadae dies usque ad sabbatum paschatis ieiunus transegerat:

¹ Syntaxis, ut vides, adhuc suspensa manet, et foret § 2 incipienda: Cumque in primis (A. T.)

Recenset eximias virtutes et merita sancti Francisci Xaverii, quibus permotus Gregorius XV eum in sanctorum confessorum numerum retulit.

somnoque brevissimo vires reficere consueverat, humi, vel lectulo vilissimis stragulis contexto iacens. Corpus suum ferreis flagellis adeo diverberabat, ut saepe copiosus sanguis afflueret: aliquando autem, funiculis arctissime constrictis lacertis et coxendicibus, iter aggressus erat: cumque plures dies in eo cruciatu perseverasset, vincula adeo corpori eius infixata erant, ut prae doloris magnitudine viribus destitutus in viâ concideret; ac, nisi praecipuo Dei beneficio, absque ullâ humana ope, disrupta fuissent, de eius vitâ omnino desperatum fuisset. Quam praeclare vero in eius animo reliquae christianae virtutes effulsissent; quam potenter scuto fidei protectus omnia nequissimi ignea tela extinxisset; et quam firmiter in Deo sperasset, ei sacramentorum frequentia, quibus non solum semetipsum, sed et alios etiam summâ cum devotione ac indefessâ assiduitate pascebat, et verbi Dei assidua praedicatio, qua tam ingentem orbis terrarum partem illuminaverat, insigniter attestabantur. Sed inter ceteras eius virtutes, quasi sydus matutinum, praecipue resplenduerat charitas; quae in omnibus quidem eius actionibus, praesertim tamen cum aegrotis inserviret, manifestabatur. Eo etenim dilectionis ardore erga inopes infirmos, qui in domibus vel hospitalibus morabantur, se gerebat, ut raro ab eis discederet: tantâque sensuum mortificatione quantumvis sordidissima ministeria peragebat, ut aquam saepius, qua horribilia et incurabilia ulcera lavaret, ebibisset. Cum vero vitâ periclitarentur, tunc cibi, somnique prorsus oblitus, et praeter proprias vires a Deo confortatus, veluti a commissâ custodiâ nec die nec nocte discedebat: illisque sanctissima Ecclesiae sacramenta, ceterasque spirituales alimonias praebebat; quae adeo libenter atque hilariter exequabatur, ut deliciae eius deservire aegrotis ac morien-

tibus esse dicerentur, et quasi aliquod talentum sibi divinae benignitatis munificentia creditum negotiaretur; assiduamque hanc erga aegrotos curam, ac vigilantiam toto vitae suae tempore, ubicumque moraretur, exercuerat. Sed et per eandem charitatem, quae per Spiritum Sanctum diffusa erat in corde ipsius, adeo ad Deum accedebat, tantoque spiritus fervore in oratione perseverabat, ut huiusmodi cibo intentus, quo interiorem hominem reficiebat, noctes integras transigeret: nec, cum in navi esset, atque in aperto vitae discrimine in summis tempestatibus versaretur, desisteret, aut quidquam animo commoveretur: fieretque aliquando talis super eum mentis excessus, ut oculis in caelum defixis, divinâ vi a terrâ elevaretur vultu adeo inflammatus, ut angelicam prorsus claritatem repraesentaret, nec divini amoris perferre valens incendium saepius exclamaret: *Satis est, Domine, satis est*. Cum vero sacrosanctum missae celebraret sacrificium, saepenumero a sensibus usque adeo abalienabatur, ut nec ministri vestem succutientes, nisi post diuturnam moram, excitare possent. Quin etiam aliquoties altius cubito a terra elatus, ab universa adstantium multitudine, miraculi magnitudinem obstupescere ac servi Dei sanctitatem suspiciente, conspectus fuerat. Nec solum vigilans vir sanctus Deum in corde et ore habebat, sed et dormiens in ipso requiescebat. Frequenter enim in somnis sanctissimum nomen Iesu cum summâ mentis dulcedine proferre audiebatur. Cumque tam singularibus floreret virtutibus, atque in dies a Deo potioribus augeretur muneribus, non modo non extollebatur, sed crescebat in eo semper virtus humilitatis; adeo ut infima quaeque domus officia semper, tanquam omnium postremus, obiret. Vestibus vero adeo pannosis ac vilibus utebatur, ut pueris quan-

doque de ridiculo esset. Venerabatur autem maxime vir Dei non episcopos modo, sed sacerdotes quoscumque; sancto vero Ignatio, tunc praeposito suo, nonnisi flexis genibus scribebat. Honores vero ac laudes hominum adeo horrebat, ut amplissimam apostolici nuntii dignitatem, qua instructus in Indias a summo Pontifice missus fuerat, quam studiosissime occultaret: nec nisi semel eâ potestate, necessitate coactus, usus fuerat.

Ad Indias orientales missus tempore Pauli Papae III varia perpessus incommoda multum in vastissimis illis regionibus profecit ad animarum salutem.

§ 3. Ceterum, tantus vir insigne stadium a Deo consequutus erat, in quo gloriose, usque ad consummationem cursus et coronam iustitiae, decertaret. Cum etenim clarae memoriae Ioannes Lusitaniae rex a pia memoriae Paulo Papa III, tunc dicti Gregorii, nunc etiam nostro respective praedecessore, nonnullos ex Ignatii sociis postulasset, quos ad Orientales Indias, ut in vastissimis illis regionibus verbum Dei disseminarent, transmitteret; idem Pontifex, sancti Ignatii hortatu, ad tantum opus peragendum Franciscum Xaverium elegerat, quem etiam apostolici nuntii dignitate et amplissimâ potestate decoraverat. Cumque viatici nomine plurima ei a praetore regio pararentur; homo, qui pro viatico ac perâ de Dei benignitate, in cuius evangelii opus segregabatur, praesumebat, nunquam adduci potuerat, ut quidquam, praeter vilissimum centonem, acciperet, et in navi super funem nauticam dormiebat, ac e mendicato vivebat: aegrotis in vilissimis ministeriis indefessâ charitate noctu, diuque serviebat. In Indiam ut pervenerat, statim, nec modico quidem tempore ad quietem post longissimam ac difficillimam navigationem sumpto, ad praedicandum illis gentibus evangelium se accinxerat; et indutus virtute ex alto, apostolico spiritus fervore ministerium, quod sortitus erat, tanto cum fructu exequenda-

1 Male, ut puto, edit. Main. legit *studium* (R. T.).

tur, ut, gratiâ Dei efficaciter verbo coeoperante, non solum christianorum mores depravatos ad meliorem frugem passim toto Oriente revocaret, sed multa centena hominum millia, qui in tenebris et in regione umbrae mortis ambulabant, ad agnitionem verae lucis perducti, regenerationis lavacro mundarentur. Nam praeter Indos, Brachmanes et Malabares (in quorum regnis apostolica praedicatio, quae antiquis temporibus illic viguerat, sed hostis humani generis fraude ex omnium memoriâ prorsus abolita erat, Xaverii praedicatione revixerat), ipse primus Paravis, Malais, Jais, Aenis, Mindanais, Malacensibus et Iaponibus evangelium Christi annuntiaverat, nonnullique illarum nationum reges et magni principes, ingenti cum fidei nostrae emolumento, suavi Christi iugo colla subdiderant. Incredibilia autem videbantur, quae propter nomen Domini nostri Iesu Christi toleraverat. Per diversa etenim regna, in vastis illis orbis terrarum spatiis, semper pedibus, et saepius nudis, per arenas calidas pergebat: per spinas longissima itinera conficiebat: contumeliis saepe numero, probris et illusionibus, quin etiam verberibus et lapidibus appetitus, in periculis itinerum versatus, saepe naufragus, vigilias, frigus et nuditatem, sitim, famemque perpessus erat, contractis, ob assiduos ac intolerabiles labores, gravissimis morbis: nec enim, Apostoli exemplo, animam suam faciebat pretiosiorē quam se, dummodo consummaret cursum suum, et ministerium verbi quod acceperat, testificari Evangelium gratiae Dei.

§ 4. Signa vero et prodigia, quibus Dominus Apostolorum suorum sermonem in nascentis Ecclesiae exordiis confirmavit, ad illius novae sobolis incrementum, in manu etiam servi sui Francisci misericorditer renovaverat. Subito enim a Deo

Multis signis ac miraculis praedicationem servi sui Domini confirmavit, quae hic enarratur.

1 Perperam edit. Main. legit *nullique* (R. T.).

diversarum ac incognitarum gentium linguas, quas non noverat, edoctus, disertissime, quasi in iisdem terris educatus esset, loquebatur: et acciderat quandoque, ut eum, ad diversarum nationum populos concionem habentem, unusquisque eodem tempore lingua sua, in qua natus erat, magnalia Dei loquentem cum stupore et extasi audiret: eoque miraculo multitudo magna commota reciperet verbum Dei.

Hinc, post praemissa, ad christifidelium aedificationem, aliqua ex insignioribus prodigiis et signis, quibus praedicationem et gesta ipsius Dominus illustraverat, recenseret¹:

Et primum illud memorandum videbatur, quod, cum numerosus Badagarum exercitus in exitium christianorum a Francisco baptizatorum immineret, atque omnia atrocitatis exempla se in christianos editurum minaretur, ipse solus fide armatus procedens obviam, ac severe eorum impietatem increpans, steterat illico immobili vestigio universus exercitus, deterritus (ut milites, ducesque referebant) ab homine quodam magno, nigris vestibus induto, qui iuxta Franciscum stabat, cuius maiestatem ac splendorem vultu, oculisque micantem, ferre non poterant: itaque vir sanctus, quos Christo peperat, a caede ac direptione liberaverat.

Successive apud Comorinum promontorium, cum in quadam ecclesia Servus Dei infidelibus concionaretur, ac propter duritiam cordis eorum nihil proficeret, facta oratione, iussit sepulchrum, in quo pridie defunctus tumultus fuerat, aperiri: ac populo significans, ad comprobendam christianae fidei veritatem, mortuum illum Dei voluntate rursus victurum; linteo, quo cadaver involutum erat, rescisso, ac rursus precibus ad Deum fuis,

¹ Nempe Gregorius XV, nam adhuc manet syntaxis suspensa ex § 2 (R. T.).

mortuus, ut viveret, imperaverat: qui statim, stupentibus omnibus, surrexerat vivus: quo tam insigni miraculo commoti, qui aderant, tum alii multi, crediderant in Deum.

Eodem postea loco mendicus quidam beato viro occurrerat ulceribus plenus: cuius plagas Franciscus magno charitatis affectu lavans, atque aquam, qua eas laverat, ebibens, ac deinde Deum Patrem misericordiarum, ut illius pauperis misereretur, orans, e vestigio, ab omni plaga atque ulcere, Dei munere, pauper ipse omnino liber surrexerat.

Sed et puer quidam Mutani in Orientali India pestilenti febre e vita sublatus, ac linteo insutus, de more gentis, viginti quatuor horis asservatus, flentibus parentibus ferebatur ad sepulchrum: quos ut vir Dei vidit, misericordia motus super eos, Deum omnipotentem, ut puerum vivificaret, genibus flexis precatus fuerat: atque aqua benedicta aspersum, rescisso linteo, signo crucis signaverat: apprehensaque manu eius, in nomine Domini Iesu Christi, vivum atque incolumem parentibus restituerat: erecta illo in loco, ad tantae rei memoriam conservandam, ab incolis magna cum celebritate cruce.

Et successive apud oppidum Comburturæ in ora Piscariae puer alius in puteum delapsus, suffocatusque, maximo cum matris et cognatorum ciulatu efferebatur; cumque ex proxima ecclesia Franciscus occurrisset, misertus eorum, in genua provolutus, oculisque in caelum fixis, Deum pro vita pueri precatus, eum apprehensa manu in nomine Domini Iesu Christi surgere iusserat: et confestim puer surrexerat vivus: quem sanctus vir reddiderat matri suae: stupentibus omnibus, ac maximo cum clamore Deo gratias agentibus: quibus ipse praecepit, ne cui rem gestam narrarent.

Insuper dum in Iaponia insula Fran-

Franciscus Christi fidem praedicaret, accesserat ad eum mercator quidam, a multis annis caecus, petens, ut sibi a Deo, ut videret, impetraret. Franciscus, recitato super eum evangelio, signum crucis oculis eius impresserat, qui eodem temporis momento lucem amissam recuperaverat. Postero vero die, reversus ad eum cum uxore ac universâ familiâ, genibus advolutus, gratias agens, et christianam fidem professus, ad baptismi gratiam unâ cum suis omnibus pervenerat.

Exierat autem tam illustris miraculi fama per omnem terram illam: ac multi, relictis idolis suis, conversi erant ad verum Deum et Iesum Christum filium eius. Cumque Servus Dei ad Sinas in magnâ navi, qua quingenti vehebantur, navigaret; cessaverant adeo venti, ut quatuordecim diebus navis eodem loco haesisset immota. Cumque, inter ceteras difficultates, aquae penuriâ valde laboraret, multiquê iam siti deficerent; vir sanctus omnia navis vasa marinâ aquâ impleri iusserat: fusisque instanter ad Deum precibus, super eâ signum crucis fecerat: ac repente aqua illa salsa, dulcis, salubrisque effecta erat. Quo miraculo plures, qui in navi erant, infideles crediderant in Deum: quin etiam aquae illius, quae abunde superfuerat, potu plurimi per multas Indiarum provincias variis, quibus vexabantur, morbis sanati fuerant.

Ad easdem Sinas contendens, cum, saevissimâ ortâ tempestate, omnes de se actum esse existimarent, et gubernator navis, ne repentinae vis procellae scapham auferret, validis eam rudentibus ad onerariam alligari iussisset; non multo post abruptis retinaculis, scapham tempestas abstulerat tanto impetu, ut pene temporis momento omnium conspectum effugisset: et prout quisque cognatos et necessarios in scaphâ habebat, certatim eorum casum deplorare ceperant. Fran-

ciscus ergo universos collacrymantes bonum eos habere animum iusserat, ac praedixerat, fore ut ante triduum filia remearet ad matrem: significans, scapham ad onerariam redituram: prout, Deo dante, apparere visa fuerat, et recte ad onerariam tendere, et sponte ad illius latus accedere; atque ita apte se applicare, ut illi omnes, qui in eâ erant, commode excepti fuissent: quae etiam in mediis fluctibus, nemine illam retinente, tandiu steterat, quod religaretur ad navim, attonitis omnibus ex miraculo remanentibus.

Ad Moluchas insulas etiam Franciscus advenerat, ubi magno spiritus fervore verbum Dei primus annuntiabat: atque in urbe Tolo vigintiquinque millia hominum baptizaverat: qui, cum suasu tyranni cuiusdam Christi fidem deseruissent, ecclesiam solo aequassent, cruces, sanctorumque imagines confregissent et conculcassent, Franciscus, zelum Domini zelatus, viginti Lusitanos, ac quadringentos circiter indigenas ad ultionem tanti sceleris incitaverat: eoque duce ac victoriae sponsore, tam pauca militum manus adversus urbem munitissimam, Christi rebellem, expeditionem aggrediebatur; sed cum prope urbem pervenissent, substiterat vir Dei, ac orationi se dederat; statimque vicinus mons magnum emiserat incendium; adeoque ingentem cineris, ac pumicum vim eruclaverat, ut urbis, atque arcis, quae in edito sita erat, muros aequasset: horribilisque propterea terrae motus totam urbem concusserat, plurimasque domos subverberat: quibus malis exterriti incolae, desertâ urbe, in proximas sylvas confugerant. Urbs itaque a Francisci militibus facile capta erat: cives vero ad eius pedes prostrati, acceptaque salutaris poenitentia, delicti veniam impetrarant.

Ulterius, cum inter easdem insulas

Franciscus navigaret, ac saevissima orta esset maris tempestas, ad eam sedandam, crucifixi imaginem, quam collo appositam gestare solebat, undis immiserat: quae, vi procellae a manibus excussa, in profundum maris, non sine magno eius moerore, delapsa erat: sed laetificaverat Dominus animam servi sui: nam, cum ad terram applicuisset, ac secus littus iter faceret, marinus cancer ex undis subito prosiluerat: atque ante pedes ipsius steterat, eandem crucem morsibus elevatam gerens: et Franciscus in genua provolutus eam devote suscepit, ac diuturnâ oratione ob tam egregium munus Deo gratias egerat.

Prophético etiam spiritu Deus servum suum, quem in lucem gentium dederat, illuminaverat: atque adeo insigne donum plurimis manifestaverat exemplis. Atque inter cetera, cum Aceni populi, inter quos etiam turcae erant multi, sexaginta navium classe vecti christianorum naves concremassent, ac multos crudelissimis suppliciis affectos enecassent; ducenti ac triginta milites, in octo naves distribuiti, Francisco suadente, ac in nomine Domini exercituum victoriam promittente, classem barbarorum insequuti erant: transactoque iam mense, cum nullus ab ipsis nuntius adveniret, consternatis omnibus, iamque de civium suorum salute desperantibus, Franciscus in ipsâ conflictus horâ, classium congressum, ac insignem christianorum victoriam, haud secus ac si praesens esset, in concione narraverat: ac diem, quo tantae rei nuntius adventurus esset, praedixerat. Quae omnia, cum ingenti omnium admiratione, eo ipso, quod designaverat, tempore, certis nuntiis approbata fuerant.

Cumque duae naves eodem tempore ex portu solvissent, praedixerat Franciscus, subortâ magnâ maris tempestate, alteram naufragium passuram, alteram vero (et

in hac ipse reperiebatur) extra omne maris periculum in navali dissolvendam: quam praedictionem utriusque exitus comprobaverat: cum alterius fragmenta non multo post conspecta fuissent; altera vero, multis tute peractis itineribus, cum, publicato vaticinio, sancti patris navis vocaretur, ac ubicumque appelleret, cum plausu exciperetur, demum, post multos annos, in navali, ut reficeretur, subducta, sponte corruerat.

Grassante quoque pestilentia in Lusitanorum ac Hispanorum classibus, quae ad Amboinam insulam appulerant, cum sanctus vir aegrotis de more ministraret, a Ioanne de Arausio, ut vinum sibi ad eorum usum elargiretur, petierat: quod Arausius gravatim, timens ne sibi deesset, miserat: quem Dei Servus admonuerat, ut in charitatis operibus largior esse vellet, brevi etenim fore, ut vitâ defungeretur, eiusque omnia bona in usus pauperum cederent. Cumque, post non multum temporis spatium, ad Ternatem insulam, quae ducentis amplius miliaribus a loco distabat, adventasset, ac missae sacrificium celebraret, versus ad populum: Orate (dixerat) pro animâ Ioannis de Arausio, qui modo expiravit: stupentibus omnibus, post duodecimum diem supervenerat, qui visionem sancti viri verissimam fuisse, nuntiâ Arausii morte, declaraverat.

Mercatori cuidam Meliapore discessuro, ac munusculum aliquod, tamquam benevolentiae signum, a se postulanti, Servus Dei beatae Mariae Virginis coronam precariam a collo detractam elargitus erat; affirmans, fore ut, quamdiu illam penes se haberet, ab omni maris periculo incolumis esset evasurus; a portu itaque mercator solvens naufragium fecerat: cumque in tabulata, ex lignis raptim composita, cum nonnullis aliis vectoribus exiliisset; in alto mari, alienato a sensibus animo, visus esset sibi cum ipso Servo Dei Fran-

cisco in eo loco, in quo coronam precariam praedictam acceperat, colloqui; quinto demum die, ex quo desilierat in illa tabulata, ab eâ animi extasi, velut ab alto somno experrectus, cum neque tabulata, neque socii unquam comparuissent, in littore Negapatani prope Meliaporem saluum et incolumem se repperat.

Petro Vellio autem, qui summâ voluntate in quoddam charitatis opus pecuniam viro Dei elargitus fuerat, promiserat, fore, ut nunquam ei necessaria deessent, ac mortis horam divinitus praecognosceret; quorum utrumque acciderat. Nam, quamvis Petrus maxima perpressus esset rei familiaris detrimenta, semper tamen ab omnibus summam liberalitatem expertus erat: ac, transactis demum multis annis, revelatâ sibi mortis horâ, se in ecclesiâ in feretro composuerat, auditâque missâ, ac precibus, quas pro animae suae salute recitari iusserat, ibidem statim in pace obdormiverat.

Moritur die 11
decembris 1623
et post obitum
etiam eius san-
ctitatem Domi-
pus miraculis
plurimis, decla-
ravit.

§ 5. Demum vir Dei, consummato feliciter peregrinationis suae cursu, famâ sanctitatis clarus et bonis operibus plenus, cum ei benedictionem patriarchae Abrahâe Dominus spiritualiter elargitus esset, ut multarum gentium pater efficeretur, et filios, quos Christo Iesu genuerat, super stellâs caeli, et super arenam, quae est in littore maris, multiplicatos videret; et ex eis plurimos proprio sanguine laureatos ad caelestia regna praemisisset, Orientalium Indiarum Apostolus ab universis Indiae regnis, totoque christiano orbe appellatus, dum aditum evangelio in vastissimo Sinarum imperio quaerebat, assiduis laboribus, quos ultra humanas vires pro gloriâ Dei toleraverat, contractus, in insulâ prope Sinas, die secundâ decembris anni Domini millesimi quingentesimi quinquagesimi secundi ad caelestem gloriam, perpetuo cum Deo regnaturus, evolaverat.

Defuncti corpus, vivâ calce perfusum, ut,

exesâ carne, ossa in Indiam exportarentur, inclusumque arcâ lignâ, sepultum fuerat: quod post quatuor menses effossum, ita recens ac tractabile, vestimentisque adeo integris, ac si nuper esset tumultum, repertum exiterat. Et quamvis nullo odoramentorum genere curatum fuisset, divino tamen munere eam odorum fragrantiam spirabat, ut esset super omnia aromata. Calce itaque rursus iniectâ, Malacam, quae in Orientali India urbs est celeberrima, delatum exliterat. In qua cum saevissima pestis plurimos quotidie conficeret, ingenti beneficentiâ adventum eius Deus insigniverat. Nam, sacro corpore in urbem illato, adeo omnis contagio desierat, ut eâ deinceps nullus omnino correptus fuisset. Arcâ itaque rursus apertâ, integrum sicut antea, eandemque odoris suavitatem diffundens, repertum etiam fuerat. Cumque in novo loculo conderetur, ex humero, ob arculae brevitatem paulum compresso, recens sanguis effluerat. Nono demum post obitum mense, sepulchro iterum patefacto, rursus ut antea divinâ virtute a corruptione immune ac caelestibus perfusum aromatibus inventum; velo, quo facies eius operta fuerat, ob ingestae terrae pondus, recenti cruore consperso. Novâ itaque arcâ, sericeâ, aureâque veste contextâ, pretiosissimum pignus inclusum in Indiam ad Coccini portum delatum erat: confluentibus undique, ad honorandum communis in Christo Iesu parentis corpus, plurimis earum gentium populis. Inde Goam insigni celebritate translatus, a prorege, ac omnibus civium ordinibus maximâ frequentâ ac devotione exceptum, et in ecclesiâ Societatis Iesu, ut populorum devotioni satisfaceret, validis cancellis inclusum, omnium oculis per triduum expositum remanserat: eiusdemque proregis iussu ab insigni medico, deindeque vicario Goanâ, visitatum, ac pertentatum, omni ex parte incorruptum,

pus ad variâ loca delatum, postremo Goa conditum fuit in ecclesiâ Societatis Iesu.

integris etiam intestinis, compertum fuerat: manante etiam ex parvo inflicto vulnere recenti cruore.

Miracula nonnulla ab eo parata post mortem.

Quo tempore, cum mulier quaedam affectu devotionis incitata, specie osculantis, pedis digitum, ut illum abscinderet, morsu apprehendisset, statim sanguis effluerat. Sed Altissimi benignitas non his modo mirabilibus Sanctum suum in conspectu omnium populorum mirificaverat: sed omni tempore ingentia praestabat beneficia his, qui eius intercessionem fideliter implorabant: ut plurimis exemplis, praesertim vero infra insertis, manifestum erat.

Puer quidam Goae natus, qui utrumque pedem a nativitate adeo aridum et crura sicca habebat, ut illis non posset insistere, sed manibus reptare cogeretur; ad Servi Dei sepulchrum ab educatrice perductus, singulis novem diebus visitare statuerat. Cumque votum cepisset adimplere, tertiâ iam die, qua sepulchrum visitabat, puer in eius gremio existens, repente ferream sepulchri cratem manibus apprehendens, suis stare pedibus et ambulare ceperat et statim omnino sanus evaserat: et intra novem dies, quos promiserat, crura carne repleta fuerant: et sic semper valens et sanus deinde vixerat.

Cottatae, Indiae orientalis civitate, unius mensis infans mortuus ad sepulturam delatus erat. Voverant itaque cum ingenti fide parentes, se insigne donum, si puer reviveret, sepulchro Servi Dei oblaturus, ac Francisci nomen ei impositurus. Repente infans aperire oculos, brachia, pedesque movere, ac vagire ceperat: ac paulo post, non vivum modo, sed et omnino sanum, atque incolumem filium receperunt: redditisque cum ingenti gaudio votis, tam insigne miraculum per totam illam regionem divulgant.

In eadem urbe caeco cuidam Sanctus per quietem apparuerat: eumque monue-

rat, ut ad ecclesiam eius visitandam, oculorum lumen ibi recepturus, pergere non differret. Paruerat fideliter homo: ac, dum per novem dies ante Francisci imaginem orabat, repente, discussâ omni caecitatis caligine, sanatus erat et perfecte viderat.

Quin etiam leprosus quidam in eodem loco magnâ fiduciâ ad Sancti intercessionem confugerat: proprioque corpore, oleo lampadis, quae ad eius imaginem ardebat, peruncto, dum prostratus orabat, repente a leprâ mundatus, atque omnino sanus effectus erat.

Eandem virtutem experta erat Francisca Rebelles, quae a multo tempore sanguinis fluxum ac ventris tumorem cum ingenti dolore patiebatur. Lampadis enim ante eius imaginem pendentis identidem se oleo ungens, statim adeo perfecte convalescerat, ut nullas amplius eorum morborum sensisset reliquias.

Frequenter enim acciderat, ut lampades ad eandem Servi Dei imaginem appensae, aquâ tantum benedictâ infusâ, laud secus, ac si oleo plenae essent, arderent, lucerentque: stupentibus etiam infidelibus, quos ad tantae rei miraculum conspiciendum, non sine magno fidei nostrae incremento, christiani invitabant.

Cum frustra omnes medicae artis opes expertus esset Gundisalvus Coccinensis civitatis incolâ, ut inveterato canceri morbo, qui pectus eius assiduis doloribus vexabat, moderetur; ad divinam opem conversus, omnipotentis Dei misericordiam, ut se beati Francisci meritis sanum faceret, imploraverat. Imaginem igitur eius, aere excusam, ulceri applicaverat: eodemque momento ab omni plagâ incolumis evaserat.

Eiusdem urbis civis Emmanuel Rodriguez pedes habebat ulceribus plenos, ac ob nervorum contractionem adeo debiles, ut illis insistere non valeret: quibus malis gravis et periculosa dysenteria acces-

rat. Medicis itaque de eius vitâ diffidentibus, cum ad intercessionem famuli Dei Francisci aeger confugisset, eâdem imagine corpus suum in formam crucis signaverat, et aquam, in qua eadem mersa fuerat, ebiberat: talemque divinae virtutis senserat effectum, ut intra tridui tempus ab omnibus morbis incolumis integram consequutus fuisset sanitatem.

Eiusdemmet Servi Dei imaginis praesentem agnoverat virtutem Maria Diaz: septem etenim annis caecitatem ac paralytim perpessa, signum crucis debilitatis membris impresserat; eaque eiusdem imaginis immersione aquâ sanctificatâ laverat: necdum septem praeterierant dies, cum oculorum lumen, ac totius corporis caelesti dono acceperat incolumitatem.

§ 5. Hincque factum erat, ut, cum tot tantisque signis Servum suum omnipotens Deus in brachio excelso clarificaret, et per universum iam terrarum orbem tot mirabilium praeconia longe, lateque diffunderentur, ac propterea non solum christifidelium erga ipsum devotio magna susceperet incrementa, sed multorum etiam infidelium corda ad cognoscendum Deum et Dominum nostrum Iesum Christum illuminarentur, Ioannes Lusitaniae Rex praedictus, zelo devotionis accensus, institerat, ut a diversis locorum Ordinariis super eius sanctitate et miraculis processus fierent. Qui cum diligenter munus suum explevisset, ac procedentibus temporibus omnia acta ad hanc Sanctam Sedem transmissa fuissent, recolendae memoriae Paulus Papa V, etiam praedecessor noster, tunc suus, instante pro Servi Dei canonizatione etiam clarae memoriae Philippo III Hispaniarum rege catholico, deputavit bonae memoriae Horatium Lancellottum, tunc Rotae auditorem, eoque ad cardinalatus honorem sublimato, dilectum filium Magistrum Ioannem Baptistam Coccinum eiusdem Rotae decanum, et pariter bonae

memoriae Franciscum Sacratum, tunc archiepiscopum Damascenum, et auditoris Rotae locumtenentem, ac deinde S. R. E. cardinalem: qui et antiquos processus examinarent, et novos auctoritate apostolicâ faciendos, quatenus ipsis videretur, decernerent; atque omnia eidem Paulo praedecessori unâ cum eorum sententiâ referrent. Qui litteras remissoriales ad diversos praelatos, in Hispaniarum, Lusitaniae ac Indiarum regnis constitutos, decreverant: atque ipsi interim in curiâ novos testes examinarent. Cumque praedicti iudices partibus suis perfuncti essent, eidem auditoribus processus a se confectos transmiserunt. Qui, omnibus summâ cum maturitate per plurimum temporis spatium (ut negotii gravitas postulabat) consideratis ac perpensis, eidem Paulo praedecessori retulerant, iuxta canonicarum sanctionum decreta abunde constare de vitae sanctimonia, ac eximiis virtutibus servi Dei Francisci; deque miraculis, quae tam eo vivente, quam post felicem eius obitum, eius meritis et intercessionibus, Deus omnipotens operari dignatus erat: dignumque videri, si eidem placeret, ut in Sanctorum Confessorum catalogo adscriberetur. Cumque interim praedictus Paulus praedecessor humanitatis debitum persolvisset, et praedictus Gregorius praedecessor ad sacri apostolatus apicem divinâ providentiâ assumptus fuisset; ac pro parte charissimi in Christo filii nostri, tunc sui, Philippi III Hispaniarum regis catholici instanter requisitus esset, ut negotium huiusmodi promovere, ac ad ulteriora procedere dignaretur; accederentque aliorum principum, ac praelatorum, et totius Indiae cleri idem suppliciter exposcentium preces; praedictus Gregorius praedecessor ut in re tam gravi eâ, qua decebat, maturitate progrediretur, praedictorum auditorum relationem ad sanctae Romanae Ecclesiae cardinales, sacris ritibus praefectos,

Vulgatis tandem per universum orbem eius miraculis, Philippus III Hispaniarum rex instat pro canonizatione, pro qua Paulus V et Gregorius XV miracula et alia necessaria examinanda demandarunt.

ut rursus totum negotium quamdiligentissime discuterent, remisit¹.

Relationibus
auditis, omnes
consenserunt esse
canonizandum.

§ 7. Quod cum illi accurate perfecissent, ac pro Servi Dei canonizatione omnes unanimiter censuissent, bonae memoriae Franciscus Maria episcopus Portuensis S. Romanae Ecclesiae cardinalis de Monte nuncupatus totius processus summam, et suam, collegarumque sententiam, coram dicto Gregorio praedecessore, et venerabilibus fratribus nostris, tunc suis, sanctae Romanae Ecclesiae cardinalibus, de quorum numero tunc eramus, in consistorio suo secreto exposuit. Quibus auditis, reliqui cardinales ad ulteriora fore procedendum communi suffragio pronuntiarunt. Igitur, cum in publico consistorio quondam Iulius Zambeccarius, tunc aulae consistorialis advocatus, plurima de huius Servi Dei vitâ et virtutibus enarrasset; atque eiusdem Hispaniarum regis catholici preces pro eâdem canonizatione exposuisset; utque ad eam procedere dignaretur, humiliter supplicasset: dictus Gregorius praedecessor, praedicti regis pietatem, et religionis zelum plurimum in Domino commendans, super re tantâ eosdem sanctae Romanae Ecclesiae cardinales atque episcopos in Romanâ curiâ praesentes consulendos esse respondit: atque interim cardinales et episcopos praedictos intimo cordis sui affectu vehementer in Domino hortatus est, ut in omni humilitate, et lachrymis, in ieiuniis, et eleemosynis, exposcerent ab eo, qui est via et veritas, ut dirigere dignaretur gressus suos in semitis suis, ut ingrederetur in veritate suâ, ut quod beneplacitum esset in conspectu eius, intelligere ac perficere eo auxiliante valeret. Sequenti itaque semipublico consistorio, ad quod non cardinales modo, sed etiam patriarchas, archiepiscopos, atque episcopos in curiâ praesentes convocari mandavit; praesen-

tibusque etiam Sedis Apostolicae notariis, necnon sacri palatii apostolici causarum auditoribus; cum plurima de egregiâ viri Dei Francisci Xaverii vitâ, ac miraculis enarrasset; quanta insignis hic Dei Servus pro nomine Domini nostri Iesu Christi pertulisset, quantoque cum proventu (Domino incrementum dante) per incognitas nationes verbum eius disseminasset, exposuisset; commemoratis etiam instantiis, quae coram dicto Gregorio praedecessore tum a rege catholico, tum ab aliis etiam reipublicae christianae regibus et principibus fiebant, cum singulorum sententias requisisset, omnes uno ore benedicentes Deum, qui honorificantes se glorificat, servum eius Franciscum Xaverium canonizandum esse, atque inter Sanctos Confessores adscribendum consueverunt. Quorum omnium audito consensu, exultavit in Deo salutari nostro, gratias agens ei, qui est gloria virtutis nostrae, in cuius beneplacito contra omnes adversarias potestates exaltatur cornu nostrum, qui Ecclesiam suam in diebus istis hoc lumine illustrare, ac novo patrocinio munire dignatus esset. Canonizationis itaque publicavit diem infrascriptum: eosdemque fratres et filios nostros paternâ charitate monuit, ut bonis operibus inhaerentes, precarentur Deum misericordiarum, ut super eos sereno vultu respicere, et eorum actiones ad voluntatem eius perficiendam dirigere dignaretur.

§ 7. Demum, peractis omnibus, quae ex sacris constitutionibus ac Romanae Ecclesiae consuetudine peragenda erant, quarto idus martii, pontificatus sui anno secundo, in sacrosanctâ Principis apostolorum basilicâ, cum eisdem cardinalibus, necnon patriarchis, archiepiscopis et episcopis, Romanae curiae praelatis, officialibus, familiaribus suis, clero seculari et regulari, maximaque populi frequentia, convenit. Ubi, repetitis pro canonizationis decreto, nomine eiusdem charissimi in Christo filii

Demum Gregorius XV Sanctorum catalogo adscripsit diem et matrum.

¹ Huc tandem videtur absolvi syntaxis (R. T.).

nostri Philippi Hispaniarum regis catholici, a dilecto filio nostro, tunc suo, Ludovico tituli S. Mariae Transpontinae cardinali Ludovisio nuncupato, eius secundum carnem nepote, per Iulium Zambeccarium advocatum praedictum petitionibus; decantatis sacris precibus, ac litanis, et Spiritus Sancti gratia humiliter implorata, ad honorem sanctissimae et individuae Trinitatis, fidei catholicae exaltationem, auctoritate omnipotentis Dei, Patris et Filii et Spiritus Sancti, ac beatorum Petri et Pauli apostolorum, ac suarum, de eorundem sanctae Romanae Ecclesiae cardinalium, patriarcharum, archiepiscoporum et episcoporum in Romanam curiam praesentium consilio, ac unanimi consensu, gloriosae memoriae Franciscum Xaverium, de cuius vitae sanctitate, fidei sinceritate, ac miraculorum magnitudine ac frequentia plene constabat, Sanctum esse definivit: et in Sanctorum Confessorum catalogo adscribendum esse decrevit, et adscripsit: illumque ab universis christifidelibus tanquam vere Sanctum honorari, ac venerari mandavit.

In eius honorem ecclesiae et altaria aedificari, et consecrari, et die illius officium recitari posse statuit.

§ 8. Ac, ut ab universali Ecclesia in eius honorem ecclesiae et altaria, in quibus sacrificia Deo offerantur, aedificari et consecrari; et singulis annis, die secunda decembris, qua ad caelestem gloriam vocatus est, eius officium, ut de Sancto Confessore, ad praescriptum Romani Breviarii, celebrari posset, statuit.

In die festo eiusdem indulgentiam concessit.

§ 9. Eademque auctoritate omnibus christifidelibus vere poenitentibus et confessis, qui singulis annis eodem festo die ad sepulchrum, in quo corpus eius requiescit, visitandum accederent, unum annum et unam quadragenam; iis vero, qui in eiusdem festi octava, XL dies de iniunctis poenitentibus misericorditer in Domino relaxavit.

Postremo missam cum sancti Francisci commemoratione cecinit, et in-

§ 10. Postremo, gratis Deo cum exultatione actis, quod Sanctum suum in conspectu omnium gentium honorificasset, ac tam

insigni splendore Ecclesiam suam decorasset, cantata in sancti Francisci honorem solemni Sanctorum Confessorum oratione, ad altare Principis apostolorum missam celebravit, cum eiusdem Sancti Confessoris commemoratione: omnibusque christifidelibus praesentibus plenariam omnium peccatorum suorum indulgentiam elargitus est.

Huius rei testimonium hisce litteris perhibetur.

§ 11. Ne autem de definitione, decreto, adscriptione, mandato, statuto, relaxatione, aliisque praemissis (pro eo quod super illis ipsius Gregorii praedecessoris litterae, eius superveniente obitu, confectae non fuerunt) valeat quomodolibet haesitari; volumus, et apostolica auctoritate decernimus, quod definitio, decretum, adscriptio, statutum, relaxatio, impartitio, aliaque praemissa, a dicta die, quarto idus martii, suum debitum sortiantur effectum, ac si super illis ipsius Gregorii praedecessoris litterae sub datum eiusdem diei confectae fuissent, prout superius enarratur: quodque praesentes litterae ad probandum plene definitionem, decretum, adscriptionem, aggregationem, statutum, relaxationem, et alia praemissa, ubique sufficiant; nec ad id probationis alterius adminiculum requiratur.

§ 12. Ceterum, quia difficile foret, praesentes nostras litteras ad singula loca, ubi opus esset, deferri; volumus, ut earum exemplis, etiam impressis, manu publici notarii subscriptis, et sigillo alicuius personae in dignitate ecclesiastica constitutae munitis, eadem ubique fides habeatur, quae ipsis praesentibus adhiberetur, si essent exhibitae vel ostensae.

Transumptis fides lauda.

§ 13. Nulli ergo omnino hominum liceat hanc paginam nostrorum decreti et voluntatum infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei, ac beatorum Petri et Pauli apostolorum eius, se noverit incursurum.

Sanctio poenalis.

Datum Romae, apud S. Petrum, anno

Incarnationis Dominicae MDCXXIII, octavo
idus augusti, pontificatus nostri anno I.

Dat. die 6 augusti 1623, pontif. an. I.

Papae.

✠ EGO URBANUS

CATHOLICAE ECCLESIAE EPISCOPUS.

Cardinalium
subscriptiones.

✠ Ego Dominicus tituli S. Laurentii in
Lucina presbyter cardinalis Gymna-
sius.

✠ Ego M. tituli Ss. Quirici et Iulittae pre-
sbyter cardinalis Lantes.

✠ Ego P. tituli Ss. Nerei et Achillei pre-
sbyter cardinalis Crescentius.

✠ Ego A. tituli S. Petri in Vincula pre-
sbyter cardinalis Capponius.

✠ Ego G. tituli Sanctae Crucis in Hieru-
salem presbyter cardinalis Borgia.

✠ Ego Tiberius tituli S. Priscæ presbyter
cardinalis Mutus.

✠ Ego Rob. tituli S. Alexii presbyter car-
dinalis Ubaldinus.

✠ Ego Iulius tituli S. Sabinae presbyter
cardinalis Sabellus.

✠ Ego Guido tituli S. Mariae de Populo
presbyter cardinalis Bentivolus.

✠ Ego Iulius tituli S. Mariae super Miner-
vam presbyter cardinalis Roma.

✠ Ego Fr. Desiderius tituli S. Clementis
presbyter cardinalis de Cremona.

✠ Ego Cosmus tituli S. Pancratii S. R. E.
cardinalis de Torres.

✠ C. S. Nicolai in Carcere diaconus car-
dinalis Pius.

✠ Ego Hippolitus S. Mariae Novae diaco-
nus cardinalis Aldobrandinus, sanctae
Romanae Ecclesiae camerarius.

✠ Ego A. S. R. E. diaconus cardinalis de
la Cueva.

V.

*Officiali curiae ecclesiasticae Xanctonen-
sis committitur unio monasterii B. Ma-
riae de Castellariis Ordinis Cister-
ciensis eiusdem Xanctonensis dioecesis
Domui Parisiensi Congregationis Ora-
torii¹.*

Urbanus Episcopus,
servus servorum Dei,

Dilecto filio officiali Xanctonensi,
salutem et apostolicam benedictionem.

Proemium.

Ex debito pastoralis officii nostri, me-
ritis licet imparibus, superna dispositione
commissi, ad ea nostrae sollicitudinis stu-
dium libenter convertimus, per quae fide-
libus quibuscumque, praesertim vero eccle-
siasticis, in suis necessitatibus cum divini
cultus augmento valeat congrue subveniri.

Vacans mona-
sterium de Ca-
stellariis ob re-
signationem ab-
batis commen-
datarii.

§ 1. Cum itaque monasterium B. Ma-
riae Virginis de Castellariis, vulgo des
Chastelliers nuncupatum Cisterciensis Or-
dinis Xanctonensis dioecesis, quod dilectus
filius Ludovicus de Meranvillier presbyter
Ebroicensis dioecesis magister in theologia
in commendam ad sui vitam ex conces-
sione apostolica nuper obtinet, commendam
huiusmodi ex eo, quod dictus Ludovicus
illi hodie, ac omni et cuicumque iuri et
actioni sibi in dicto monasterio, illiusque
regimine et administratione, vel ad illa
quomodolibet competentem, per dilectum
filium Ioannem Marchand clericum Picta-
vensis procuratorem suum, ad hoc ab eo
specialiter constitutum, in manibus nostris
sponte et libere cessit, nosque cessionem
huiusmodi duximus admittendam, cessante,
adhuc eo, quo ante commendam ipsam va-
cabat, modo vacare noscatur ad praesens;

Quod ab haec-
telicis diru-
tum, direptum-
que, ecclesiasti-
co caret mini-
sterio.

§ 2. Et, sicut exhibita nobis nuper pro
parte dilectorum filiorum Petri de Romila
generalis et presbyterorum Congregatio-
nis Oratorii Domini nostri Iesu Christi pe-
titio continebat, dictum monasterium qua-
draginta annis et ultra cum eius ecclesia

¹ Ex Regest. in Secret. Brev.

et omnibus aedificiis nefario haereticorum
tum in illis partibus impune grassantium
ausu penitus dirutum et solo aequatum,
ac religiosis destitutum existit, et ab eo
tempore divina officia minime celebrantur,
et ob haeresim in illa provincia late dis-
seminatam ac oppidi Rupelle dictae dioe-
cesis vicinitatem nulla spes affulget, quod
dictum monasterium in primaeum sta-
tum restitui possit, et etiamsi restitueretur,
nihilominus continuis haereticorum
iniuriis expositum remaneret;

§ 3. Superioribus vero annis Congre-
gatio presbyterorum huiusmodi in hono-
rem orationum, quas in diebus carnis
suae fudit¹ ad gloriam Dei Patris, et
sanctificationem animarum apostolica au-
ctoritae erecta et instituta fuit, et presby-
teri dictae Congregationis, quorum prin-
cipale institutum est, singulas actiones
Ordini sacerdotali convenientes et essen-
tiales amplecti, assiduis verbi Dei praedi-
cationibus et spiritualibus exhortationibus,
orationibus, aliisque piis exercitiis, quibus
iugiter vacant, magnam probitatis et devo-
tionis famam in dies efflorescere, ac in
excolendam ac purgandam vineam Domini fru-
ctus uberes in plerisque regni Franciae
locis producere dignoscuntur, ac domus
dictae congregationis Parisiensis redditibus
annuis admodum exiguis dotata existit,
iique ad supportationem onerum dictae
domus incumbendum et expensarum pro
adimplendis ipsorum presbyterorum piis
operibus et spiritualibus exercitiis continuo
faciendis minime sufficiunt, et, ad provisio-
nem eorum, labores et progressus adiu-
vandos, operae pretium esse de ampliori
opportuna subventionis auxilio providere;

Presbyteri
congregationis
Oratorii Fran-
ciae
* Sic.

§ 4. Et sicut eadem subiungebat peti-
tio, si dictum monasterium eidem domui
pro eius reddituum augmento per nos et
Sedem Apostolicam perpetuo, ut infra,
uniretur et incorporaretur, ex hoc pro-

Suae petunt
uniri Congrega-
tionis.

¹ Subintelligitur autem D. N. I. C. (R. T.).

fecto non solum presbyteri dictae Congregationis in continuis laboribus per eos pro fidei catholicae propagatione et a recto illius tramite aberrantium reductione perferri solitis facilius et commodius perseverarent, eorum tamen bonorum et iurium ecclesiasticorum dicti monasterii conservationi opportunâ admodum ratione consuleretur: Quare pro parte Petri generalis et presbyterorum praedictorum nobis fuit humiliter supplicatum, quatenus eis, ut infra, opportune providere de benignitate apostolica dignaremur:

§ 5. Nos igitur (qui dudum inter alia volumus, statuimus et ordinavimus, quod, petentes beneficia ecclesiastica alijs uniri, tenerentur exprimere verum annum valorem secundum communem aestimationem tam beneficii uniendi, quam illius, cui aliud uniri peteretur, alioquin unio non valeret, quodque semper in unionibus commissio fieret ad partes, vocatis interesse habentibus), eosdem Petrum generalem et presbyteros (asserentes praedictum Ludovicum aliunde commode vivere valere) a quibusvis excommunicationis, suspensionis et interdicti, aliisque ecclesiasticis sententiis, censuris et poenis a iure vel ab homine quavis occasione vel causâ latis, si quibus quomodolibet innodati existunt, ad effectum praesentium dumtaxat consequendum, harum serie absolventes et absolutos fore censentes, ac certam de praemissis notitiam non habentes, verumque et ultimum dicti monasterii vacationis modum, etiamsi ex illo quaevis generalis reservatio etiam in corpore iuris clausa resultet, praesentibus pro expresso habentes, huiusmodi, ac charissimi in Christo filii nostri Ludovici Francorum et Navarrae regis christianissimi nobis desuper porrectis supplicationibus inclinati, discretioni tuae per apostolica scripta mandamus, quatenus de praemissis omnibus et singulis, eorumque circumstantiis univer-

sis inquiras, auctoritate nostrâ, diligentius veritatem.

§ 6. Et, si per inquisitionem eandem ita esse repereris, super quo conscientiam tuam oneramus, monasterium praedictum, quod curâ caret, et de quo consistorialiter disponi non consuevit, ac cuius fructus, redditus et proventus xxiv ducatus auri de camerâ secundum communem aestimationem valorem annum, ut Petrus generalis et presbyteri praedicti asserunt, non excedunt, quando et ex cuiuscumque personâ, seu per liberam cessionem cuiusvis de regimine et administratione praedictis, in Romanâ curiâ, vel extra eam, etiam coram notario publico et testibus sponte factâ, aut constitutionem felicitis recordationis Ioannis XXII praedecessoris nostri, quae incipit, *Execrabilis*, vel assequutionem alterius beneficii ecclesiastici quavis auctoritate collati, commendâ ipsâ cessante, vacet (etiamsi tanto tempore vacaverit, quod eius provisio iuxta Lateranensis statuta concilii aut alias canonicas sanctiones ad Sedem Apostolicam legitime devoluta existat, et illa ex quavis causâ ad Sedem eandem specialiter vel generaliter pertineat, et ad illud consueverit qui per electionem assumi, eique cura iurisdictionalis tantum immineat animarum, ac super eisdem regimine et administratione inter aliquos lis, seu illorum possessio¹ vel quasi molestia, cuius statum praesentibus haberi volumus pro expresso, pendeat indecisa), cum annexis huiusmodi, ac iuribus et pertinentiis suis universis, dictae domui (ita, quod liceat generali et superiori domus et presbyteris Congregationis praedictorum, nunc et pro tempore existentibus, corporalem, realem et actualem monasterii, illiusque regiminis et administrationis, ac annexorum, iuriumque et pertinentiarum praedictorum, tam ad abbatialem, quam ad conventualem illius

Verique existentibus narratis, illud domui Parisiensi dictae Congregationis Oratorii apostolice auctoritate uniat

Urbanus Papa Xanctonensi officiali committit, rerum veritatem inquirat.

¹ Forsan legendum *possessione* (R. T.).

mensas quomodolibet spectantium, possessionem per se, vel alium, seu alios, eorum ac dictae domus nomine, propria auctoritate libere apprehendere et apprehensam perpetuo retinere, illorumque fructus, redditus et proventus, ac iura, obventiones et emolumenta quaecumque recipere, exigere, levare, recuperare, locareque et arrendare, ac in communes eorum et dictae domus usus et utilitatem convertere, Dioecesani loci, vel cuiusvis alterius licentia desuper minime requisita, dilectorum filiorum Nicolai et Caroli Bouché et Dionysii Largentini Cisterciensis dicti Ordinis capitis, et a quo dictum monasterium de Castellariis dependere, et Pontigniaci et Claraevallis praedicti Ordinis, Cabilonensis et Antissiodorensis ac Lingonensis respective dioecesis, monasteriorum respective abbatum ad hoc expresso accedente consensu, auctoritate nostra, perpetuo unias, annectas et incorpores.

Quam unionem ratam habet, solitisque clausulis firmat.

§ 7. Nos unionem, annexionem et incorporationem praedictas, si per te vigore praesentium fieri contigerit, ut praefertur, et easdem praesentes nullo umquam tempore, ex eo quod quicumque in praemissis interesse forsitan habentes illis non consenserint, nec ad ea vocati fuerint, seu alio quocumque praetextu de subreptionis, vel obreptionis, seu nullitatis vitio, aut intentionis nostrae vel quopiam alio defectu notari, impugnari, invalidari, in ius, aut controversiam vocari, vel ad terminos iuris reduci, seu adversus illas quodcumque iuris, gratiae, vel facti remedium impetrari posse; neque sub ullis similibus, vel dissimilibus gratiarum revocationibus, suspensionibus, limitationibus, derogationibus, aut aliis contrariis dispositionibus comprehendere, sed semper ab illis excipi, et quoties illae emanabunt, toties in pristinum, et eum, in quo ante praemissa quomodolibet erant, statum restitutas, repositas et plenarie reintegratas,

ac de novo etiam sub quacumque posteriori data, per generalem et superiorem ac presbyteros dictae domus et congregationis pro tempore existentes quodcumque eligenda, concessas, ac validas et efficaces fore et esse, suosque plenarios et integros effectus sortiri et obtinere; ac sic per quoscumque iudices ordinarios vel delegatos, quavis auctoritate fungentes, etiam causarum palatii apostolici auditores, ac sanctae Romanae Ecclesiae cardinales, etiam de latere legatos, vicelegatos, dictaeque Sedis nuncios, iudicari et definiri debere, et si secus super his a quoquam, quavis auctoritate, scienter vel ignoranter, contigerit attentari, irritum et inane decernimus.

§ 8. Non obstantibus prioribus voluntate, statuto et ordinationibus nostris huiusmodi, ac Lateranensis Concilii novissime celebrati uniones perpetuas, nisi in casibus a iure permissis, fieri, ac beneficia unius, beneficiis seu locis alterius dioecesis uniri prohibentis, et pia memoriae Bonifacii Papae VIII, etiam praedecessoris nostri, aliisque apostolicis, ac in provincialibus ac synodalibus, universalibusque conciliis editis et edendis, specialibus vel generalibus constitutionibus, ac monasterii primodicti et Ordinis, ac domus et Congregationis huiusmodi (iuramento, confirmatione apostolica, vel quavis firmitate alia roboratis) statutis et consuetudinibus, contrariis quibuscumque: aut si dilectis filiis vassallis, et aliis subditis eiusdem monasterii, communiter aut divisim, ab Apostolica sit Sede indultum, quod interdicti, suspendi vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

§ 9. Volumus autem, quod propter unionem, annexionem et incorporationem praedictas, si illas per te vigore praesentium

Contraria tollit.

Onerum monasterii annexorum satisfactum constat.

earumdem fieri contigerit, ut praefertur, primodictum monasterium in spiritualibus non laedatur, et in temporalibus detrimenta non sustineat, sed eius congrue supportentur onera consueta.

Pensionem autem perpetuam mdc librarum imponit collegio S. Bernardi Parisiensi persolvendam

§ 10. Insuper etiam volumus, atque statuimus et ordinamus, quod moderni, et pro tempore existentes, domus et congregationis huiusmodi superiores, ex fructibus, redditibus et proventibus primodicti monasterii, pensionem annuam et perpetuam mille et sexcentarum librarum turonensis monetae in regno Franciae currentis, in victum et vestitum, aliasque necessitates sex monachorum dicti Ordinis, quatuor in presbyteratus ordine constitutorum, theologiae, aliisque litterarum studiis incumbendum, duorum videlicet per Nicolaum, et quatuor per Carolum, abbates praedictos, et eius successores pro tempore existentes, nominandorum et deputandorum convertendam, modernis et pro tempore existentibus provisorii et procuratori collegii S. Bernardi Parisiensis eiusdem Ordinis annis singulis unicâ solutione, videlicet in festo Nativitatis Domini Nostri Iesu Christi, Parisiis perpetuo persolvere teneantur; aliâs unio, annexio et incorporatio huiusmodi eo ipso perpetuo dissolutae esse censeantur; et si secus super his a quoquam, quavis auctoritate, scienter vel ignoranter, contigerit attentari, irritum et inane decernimus.

Datum Romae, apud Sanctam Mariam Maiorem, anno Incarnationis Dominicae mdcxxiii, vii kalendas octobris, pontificatus nostri anno i.

Dat. die 25 septembris 1623, pontif. anno i.

VI.

Confirmatio constitutionis Pii V et eius successorum de non alienandis et in-

Bull. Rom. — Vol. XIII.

feudandis civitatibus, terris et locis S. Romanae Ecclesiae'.

Urbanus Episcopus,
servus servorum Dei,
ad perpetuam rei memoriam.

Sacrosancti Apostolatus ministerii cura, et quam altitudo divitiarum sapientiae et scientiae Dei humilitatem nostram, nullo licet meritorum suffragio, gerere voluit, iugiter nos admonet, ut in iis praecipuam apostolicae servitutis sollicitudinem adhibeamus, per quae temporalis S. R. E. ditioris conservationi consulitur: atque ideo nos, quae a Romanis Pontificibus praedecessoribus nostris provide sancita fuerunt, ea non solum ipsi inviolate hanc ob causam curabimus custodire, sed etiam aliis perpetuo observari debere statuimus.

Prooemium.

§ 1. Dudum siquidem a felicis recordationis Pio Papa V praedecessore nostro litterae tenoris sequentis emanarunt: *Pius Episcopus, servus servorum Dei, ad perpetuam rei memoriam. Admonet nos suscepti cura regiminis* (Prout loc. cit.) etc.

Refert Pii Papae V constitutionem.

§ 2. Quae quidem constitutio, veluti optima, et ad conservandam S. R. E. iurisdictionem et dignitatem plane salutaris, approbata, confirmata et innovata fuit ab iis, qui eodem Pio V successerunt, recolendae memoriae praedecessoribus nostris Gregorio XIII, Sixto V, Gregorio XIV, Innocentio IX (qui etiam de fratrum suorum tunc S. R. E. cardinalium consilio et assensu declaravit, eadem constitutione prohibitum fuisse et prohiberi omnem et quaecumque infeudationem ac alienationem civitatum, terrarum, oppidorum et locorum Sedi Apostolicae tam mediate quam immediate subiectorum, non solum

Confirmationem Pontificum, qui et successerunt.

1 Pii V Constit. lxxi vide tom. vii, pag. 560; Gregorii XIII Const. v, tom. viii, pag. 41; Sixti V Const. xxxvi, tom. viii, pag. 670, aliasque suo loco

ne fiat, neve attentetur post eorum devolutionem, sed etiam antequam civitates, terrae, oppida, et loca praedicta devolvantur, ac omnem et quaecumque, in perpetuum vel ad tempus, prorogationem ac extensionem infeudationum, investiturarum et concessionum de dictis civitatibus, terris, oppidis et locis finitarum, quarumque incorporationem, quoad effectum impediendae infeudationis, alienationis, prorogationis, et extensionis huiusmodi, non a die eorum devolutionis, sed a die ipsius constitutionis, etiam antequam illa devolvantur, ipso iure, cum omnibus clausulis et decretis in praedicta constitutione contentis, Camerae et Sedi Apostolicae factam censeri: adiecto etiam decreto et declaratione, ut promissio et iuramentum praestitum et praestandum de servanda eâ Pii praedecessoris praedicti constitutione per ipsum Innocentium, et successores suos, Romanum Pontificem, ac praedictos S. R. E. cardinales, intelligatur de ipsâ Pii V praedecessoris constitutione per eum, ut supra, declarata, et secundum huiusmodi declarationem eandem constitutionem ad unguem et inviolabiliter observari oportere et debere, sicuti etiam se servaturum esse promisit, ac sancte et solemni more iuravit, prout in eiusdem Innocentii praedecessoris sub datum pridie nonas novembris, pontificatus sui anno I, expeditis litteris latius continetur) subinde vero a Clemente VIII et novissime a Paulo V Romanis Pontificibus et praedecessoribus nostris, iuxta eandem Innocentii IX declarationem, confirmata, approbata et innovata fuit.

Eamque se
spondet serva-
rum.

§ 3. Quare nos, cum primum ad apostolicæ dignitatis gradum divinâ providentiâ vocati sumus, id ipsum ad exequendum nostri pastoralis officii debitum praecipue pertinere existimantes, praeinsertas Pii praedecessoris litteras, ac omnia in eis contenta, etiam iuxta declara-

tionem praedictam per ipsum Innocentium praedecessorem factam, ac desuper confectarum litterarum continentiam et tenorem, quem pariter praesentibus haberi volumus pro expresso ac ad verbum inserto, auctoritate apostolicâ, tenore praesentium, comprobamus, confirmamus, innovamus, easque firmiter et inviolate, ac iuxta declarationem praedictam, nos similiter servaturos esse promittimus et iuramus, atque per eos, ad quos spectat, pariter perpetuo observari praecipimus et mandamus.

§ 4. Nulli ergo omnino hominum liceat hanc paginam nostrorum comprobationis, confirmationis, innovationis, promissionis, iuramenti, praecepti et mandati infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursurum.

Clausulae.

Datum Romae, apud S. Mariam Maiorem, anno Incarnationis Dominicae MDCXXIII, pridie kalendas octobris, pontificatus nostri anno I.

Dat. die 30 decembris 1623, pontif. an. I.

VII.

Castra ad monasterium Farfense aliâs spectantia, et Camerae Apostolicae quoad temporale dominium addicta, regimini gubernatoris a Romano Pontifice eligendi subiiciuntur.

Urbanus Papa VIII,
ad perpetuam rei memoriam.

In supremo militantis Ecclesiae solio per abundantiam divinae gratiae constituti, et ad decorem terrarum et locorum ditio-

Exordium.

1 Ex Regest. in Secret. Brev. Haec castra Camerae Apostolicae univit Sixtus Papa V Const. XL, tom. IX, pag. 314; et quamvis Gregorius XIV monasterio Farfensi restituerit, Innocentius tamen Papa IV unionem a Sixto, V factam innovavit Const. IV, tom. IX, pagina 513.

nis nostrae temporalis ampliandum, illorumque hominum et incolarum statum salubriter dirigendum, paternis studiis intendentes, ea, quae propterea opportuna esse comperimus, libenter impertimur, prout rerum, temporum et personarum qualitatibus diligenter pensatis conspiciamus salubriter in Domino expedire.

Sixtus Papa V, castra ad monasterium Farfense spectantia, quae in statu ecclesiastico sunt, quoad iurisdictionem et fructus temporales, camerae apostolicae uni-
vit, ac subiecit.

§ 1. Alias siquidem felicis recordationis Sixtus Papa V praedecessor vacantibus tunc monasteriis, abbatibus nuncupatis, B. Mariae Farfensis nullius, et S. Salvatoris de Scantrilia Sabinensis dioecesis, insimul unitis, per obitum bonae memoriae Alexandri cardinalis Farnesii, qui illa in commendam ad sui vitam ex dispensatione et concessione apostolica, dum viveret, obtinebat, omnia et singula castra in Statu Ecclesiastico sub temporali dictorum monasteriorum iurisdictione existentia, quoad temporalem iurisdictionem, proprietatem, dominium, et superioritatem, unâ cum eorumdem introitibus, redditibus ac emolumentis ex dictâ iurisdictione provenientibus in suo consistorio secreto de venerabilium fratrum suorum sanctae Romanae Ecclesiae cardinalium consilio et assensu, ac de suae apostolicae potestatis plenitudine, a dictis monasteriis perpetuo separavit, ac Sedi et Camerae Apostolicae applicavit, prout in decreto consistoriali eiusdem Sixti praedecessoris, ac litteris apostolicis desuper expeditis, plenius continetur.

Capta autem eorum possessione, ad eorumdem regimen nonnulli officiales fuerunt constituti.

§ 2. Cuius quidem decreti ac dictarum litterarum vigore, realis et corporalis possessio terrarum et castrorum praedictorum, ac eorum temporalis iurisdictionis, cum omnibus annexis, per tunc camerae praedictae commissarium, seu eius substitutum, nomine Sedis et camerae praedictarum capta, iuramentum debitum fidelitatis a vassallis terrarum et castrorum praedictorum receptum, officiales et iudicantes ad regimen et temporalem iurisdictionem in illis exercendam deputati per plures menses fuerunt.

risdictionem in illis exercendam deputati per plures menses fuerunt.

§ 3. Subinde autem recolendae memoriae Gregorius Papa XIV, etiam praedecessor noster, earundem Sixti praedecessoris litterarum revocationem, et redintegrationem quamdam de iurisdictione ac dominio praedictis monasteriis et eorum commendatariis extra consistorium fecit.

Gregorius vero XIV hominibus iurisdictionem abbatibus restituit.

§ 4. Postea autem similis memoriae Innocentius Papa IX, similiter praedecessor noster, die v decembris MDCXI, motu proprio, et ex certâ scientiâ suâ, ac de apostolicae potestatis plenitudine, et etiam de venerabilium fratrum suorum sanctae Romanae Ecclesiae cardinalium consilio et assensu, terrarum et castrorum praedictorum temporalis iurisdictionis, domini et superioritatis, cum illius emolumentis et annexis, prout in eiusdem Sixti praedecessoris decreto ac litteris continetur, a dictis monasteriis separationem, ac Sedi et Camerae praedictae applicationem et appropriationem, apostolicâ auctoritate approbavit, confirmavit, renovavit, et, quatenus opus esset, de novo fecit et decrevit.

Sed Innocentius Papa IX iterum apostolicam cameram addidit.

§ 5. Nec non quamdam etiam eiusdem Sixti praedecessoris extra consistorium post primodictas suas litteras emanatam declarationem, seu restitutionem, super iure cognoscendi causas appellationum et recursuum ad favorem dictorum monasteriorum factam sub datum kalendis augusti MDLXXXIX, pontificatus vero sui anno v, ac ipsam Gregorii XIV praedecessoris praedicti revocationem et redintegrationem de medio subtulit, ac prorsus abrogavit, terrasque seu castra praedicta cum illorum temporali iurisdictione praedictâ immediate Sedi et camerae praedictae perpetuo applicavit et appropriavit, ac eisdem ita perpetuo esse incorporata decrevit, ut omnino comprehensa essent, et esse intelligerentur, sub prohibitione alienationis et aliorum in constitutione

Et sub constitutione. In Papa V de hominibus ecclesiasticis non alienandis inserta cum pichondo

similis memoriae Pii Papae V similiter praedecessoris nostri contentorum, perinde ac cetera castra et loca sub immediato Sedis praedictae dominio et iurisdictione existentia, et alias, prout in diversis Gregorii XIV et Innocentii IX praedecessorum praedictorum expeditis litteris, quarum omnium tenores praesentibus pro plene et sufficienter expressis haberi volumus, plenius similiter continetur.

Urbanus in gubernium erigit sub regimine gubernatoris a Romano Pontifice eligendi.

§ 6. Nunc autem nos, terrarum seu castrorum praedictorum decori et prospero statui atque regimini, quantum nobis ex alto conceditur, per amplius consulere volentes, motu etiam proprio, non ad aliquis nobis super hoc oblatae petitionis instantiam, sed ex certa scientia, ac maturam deliberatione nostris, deque apostolicae potestatis plenitudine, terras seu castra praedicta, ac dilectos filios universitates et homines nunc et pro tempore in illis ac illorum districtibus et comitatibus existentes et habitantes, in gubernium perpetuum pro uno gubernatore ad nostrum et Romani Pontificis pro tempore existentis nutum ponendo et amovendo, qui in utraque, vel alteram signaturam nostram referendarius, aut noster et Sedis praedictae notarius, seu alterius praefecturae titulo insignitus existat, ac omnimodam iurisdictionem in omnibus et singulis causis civilibus et criminalibus, ac meris et mixtis dictorum universitatum et hominum terrarum seu castrorum huiusmodi plene et libere habeat et exerceat (salva tamen venerabilium fratrum nostrorum sanctae Romanae Ecclesiae cardinalium consultationibus et negotiis Status nostri Ecclesiastici praepositorum pro tempore existentium superintendunt ac superioritate et cognitione super annonam et rebus illam concernentibus, persecutione et punitione bannitorum et delictorum laesae maiestatis et rebellionis, ac falsae monetae, nec non assassinii, et pacis vio-

lutorum, ac vindictarum transversalium, et latronum, ac viarum grassatorum, homicidiorumque appensate commissorum), qui etiam gubernator, in casibus gravibus qui occurrerent et necessario indigerent aliqua subitanea et prompta provisione pro tollendis et removendis scandalis, possit iuxta datam sibi a Domino prudentiam salubriter et congrue providere, cum hoc, ut in manutentione et seu provisione dicti gubernatoris scuta quadraginta menstrua monetae romanae, quae distribui debeant in singulos menses pro rata gubernatori pro tempore existenti in fine cuiuslibet mensis ex redditibus et proventibus dictarum universitatum et hominum, qui, solutis cameralibus ac aliis oneribus et expensis pro communi eorum utilitate seu necessitate supportari solitis et consuetis, supersunt et remanent, alias ex eorum, et cuiusque ipsorum hominum, terrarum, seu castrorum praedictorum introitibus et redditibus, pro rata tamen et portione unumquemque tangente iuxta vires suas, realiter et cum effectum persolvantur, tenore praesentium perpetuo erigimus et instituimus.

§ 7. Praesentes vero litteras de subreptionis, vel obreptionis, seu nullitatis vitio, aut intentionis nostrae, vel alio quopiam defectu notari vel impugnari, aut alias quomodolibet infringi vel retractari, seu invalidari, aut ad viam et terminos iuris reduci, vel in ius et controversiam vocari, aut adversus eas quodcumque iuris et facti, vel iustitiae, aut gratiae remedium intentari, impetrari, vel concedi nullatenus umquam posse, sed eas, adversus quascumque impugnationes, validas et efficaces esse et fore, suosque plenarios et integros effectus sortiri et obtinere, ac ab omnibus et singulis, quos concernunt, et concernent quomodolibet in futurum, inviolabiliter observari debere, ac illas ad plenam hinc narratorum proba-

Clausulae praesentium litterarum firmitate.

tionem sufficere, nec ad id alicuius alterius probationis adminiculum requiri; sicque ab omnibus et singulis censi, et ita per quoscumque iudices ordinarios et delegatos, quavis auctoritate fungentes, ac etiam causarum palatii apostolici auditores, sublata eis et eorum cuilibet quavis iter iudicandi et interpretandi facultate et auctoritate, iudicari et definiri debere, irritaque et inane quidquid secus super his a quocumque, quavis auctoritate, scienter vel ignoranter, contigerit attentari, decernimus.

Derogatio
contrariorum.

§ 8. Non obstantibus piae memoriae Pii Papae IV similiter praedecessoris nostri de gratiis camerae apostolicae interesse quomodolibet concernentibus in eadem cameram infra certum inibi expressum tempus praesentandis et registrandis, aliisque constitutionibus et ordinationibus apostolicis, nec non legibus etiam municipalibus, novis reformationibus, ac statutis, etiam iuramento, confirmatione apostolica, vel quavis firmitate alia roboratis, privilegiis quoque, indultis et litteris apostolicis, sub quibuscumque tenoribus et formis, et cum quibusvis etiam derogatoriis derogatoriis, aliisque efficacioribus et insolitis clausulis, ac irritantibus et aliis decretis, in genere vel in specie, etiam motu, scientia, et de apostolicae potestatis plenitudine similibus, et etiam consistorialiter, ac alias in contrarium quomodolibet factis, concessis et confirmatis. Quibus omnibus, etiamsi de illis, eorumque totis tenoribus specialis et specifica mentio habenda esset, illis alias in suo robore permansuris, hac vice dumtaxat specialiter et expresse derogamus, ceterisque contrariis quibuscumque: aut si aliquibus communiter vel divisim ab eadem sit Sede indultum, quod interdicti, suspendi, vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

Datum Romae, apud S. Mariam Maiorem, sub annulo Piscatoris, die xxx septembris MDCXXIII, pontificatus nostri anno 1.

Dat. die 30 septembria 1623, pontif. au. 1.

VIII.

Confirmatio translationis haereditatis Ioannis Pizzullis e conventu S. Andreae de Frattis de Urbe Ordinis Minimorum sancti Francisci de Paula, ad conventum et collegium eiusdem Ordinis in Regione Montium.

Urbanus Episcopus,
servus servorum Dei,

Dilecto filio nostro in Urbe, eiusque districto, vicario in spiritualibus generali, salutem et apostolicam benedictionem.

Ex iniuncto nobis desuper apostolicae servitutis officio his, quae pro religiosorum quorumlibet, praesertim iuventuti religionem ingredi, ac litterarum humanarum et divinarum studiis incumbere animum habenti destinatum, commoditati et feliciori directione, praevio superiorum examine, ac alias provide facta fuisse dicuntur, ut firma et illibata persistant, libenter, cum a nobis petitur, etiam voluntates testantium ac bona sua ad id erogantium nominaque¹ commutando, apostolicae mandamus adiaci munimis firmitatem.

§ 1. Exhibita siquidem nobis nuper pro parte dilectorum filiorum Ioannis Baptistae a sancta Agatha, et Francisci de Spezzanno, ac Dionysii de Paula, et Vincentii de Cusentia, necnon Laurentii etiam de Spezzanno, ac Michaelis a Regina, et Pauli de Rovita, ac Ioannis etiam a Regina, et Antonii de Morano, Ordinis Minimorum nuncupatorum fratrum Ordinis S. Francisci de Paula expresse professorum, petitio continebat, quod, cum alias tunc in

procurator.

Ioannes Pizzullus instituit haereditas fratres conventus sancti Andreae de Frattis.

¹ Edit. Main. legit *ad* (n. r.).

² Male, ut puto, ib. leg. *nominumque* (n. r.)

humanis agens Ioannes Pizzullus presbyter ex oppido Bisagnanensis dioecesis oriundus, almae Urbis incola et civis, dum vixit, effectus, volens de bonis sibi a Deo collatis vitā adhuc sibi comite pie dispo- nere, perpetuumque suae erga sanctum Franciscum de Paula singularissimae devo- tionis monumentum relinquere, in suo ultimo quod condidit, et sub cuius dispo- sitione decessit ab humanis, testamento in omnibus et singulis bonis suis mobilibus et immobilibus ac semoventibus, iuribus, actionibus, creditis, aliisque quibuscum- que, praesentibus et futuris, ac quomodo- libet nuncupatis et qualificatis, ubicumque existentibus, et in quibuscumque rebus consistentibus, haeredes suos universales dilectos filios fratres domus regularis S. Andreae de Frattis nuncupatae de Urbe, eiusdem Ordinis

Iniuncto onere erigendi collegium pro Calabria.

§ 2. [EA tamen lege et conditione, ut ad minimum summa sex millium scutorum monetarum in emptionem cuiusdam siti, seu fundi, aut praedii in Urbe praedicta per eos impenderetur, ecclesiaeque in illo seu illa, sub invocatione sancti Francisci de Paula, una cum hospitio seu collegio (in quo fratres dicti Ordinis nationis Citerioris Calabriae studiorum gratia recipi et admitti possent,

Eosque sub- stantandi.

§ 3. Ac omnibus ad victum et studio- rum suorum prosecutionem necessariis et opportunis ex reliquis dictae haereditatis bonis et facultatibus commode instrui deberent) extrueretur et aedificaretur,

Constituto ad hoc necessario casu.

§ 4. Necnon proprietas haereditatis huiusmodi in censuum annuorum, aut bonorum stabilium tutorum et securorum, sive etiam locorum montium non vacabilium emptionem, ad electionem patris generalis pro tempore existentis dicti Ordinis, aut eius vicarii, et cum consensu suorum exequutorum testamentariorum, saltem maioris partis illorum, investiretur,

Quem alio- pari prohibuit.

§ 5. Et sic investita perpetuo, absque

aliqua bonorum sic emptorum huiusmodi in toto vel in parte alienatione, conser- varetur,

§ 6. Ex fructibusque exinde provenien- tibus tot fratres studentes Ordinis prae- dicti, qui praecipue sacrae theologiae stu- dio incumbere deberent, iuxta fructuum et reddituum huiusmodi quantitatem pro- portionabiliter alerentur et manuteneren- tur, et sub aliis certis conditionibus licitis et honestis, vinculis et oneribus tunc ex- pressis] instituisset;

Et ex fructi- bus dictae haereditatis tot fra- tres theologiae studentes iuxta reddituum quantitatem sustentari voluit.

§ 7. Ac deinde volens ipse testator, et dum adhuc vitā frueretur, pro tutiori et certiori propositi sui huiusmodi comple- mento, manum operi per se ipsum adhi- bere, quoddam palatium Romae in Regione Montium et platea S. Petri ad Vincula situm, per ipsum a dilecto filio nobili viro Ioanne Giorgio Caesarino duce em- ptum, una cum mansionibus, ac etiam spheristerio, seu ludo pilae, aliisque stan- tiis posterioribus eidem palatio propin- quis, necnon cum viridariis, membris et pertinentiis illius universis (exceptis ta- men quodam parvo viridario sito in calce montis eiusdem S. Petri ad Vincula, et casaleno contiguo ad usum caprarum ho- die destinato, duabusque aliis stantiis ter- raneis etiam contiguas, cum stabulis exi- stentibus in via S. Pantaleonis, dilecto etiam filio Laurentio Bonincontro per ip- sum testatorem irrevocabiliter donatis), dicto Ordini, et pro eo Ioanni Baptistae et Francisco fratribus professis praedictis ad effectum inibi ecclesiam et collegium huiusmodi construi faciendi, amore Dei, et ob singularem suam erga ipsum san- ctum Franciscum de Paula, illiusque Or- dinem praedictum observantiam et devo- tionem, ac pro praedictae suae voluntatis exequutione irrevocabiliter et inter vivos perpetuo donasset;

Ipse testator vivens emit pa- latium in regio- ne Montium, il- ludque dictis fratribus irrevocabiliter do- navit.

§ 8. Cum onere et pacto inter cetera, quod dictum palatium etiam ipso dona-

Cum onere, ut deberet reduci

ad usum dicti collegii, etc.

tore vivente reduci et destinari deberet ad usum collegii, seu monasterii, pro decenti mansione, studio et habitatione fratrum eiusdem Ordinis theologiae studiis operam dantium nationis Citerioris Calabriae huiusmodi,

In quo manerent fratres hic nominati.

§ 9. Et in ipso collegio, seu monasterio, semper commorari possent et debeant Ioannes Baptista et Franciscus, necnon Dionysius et Vincentius praesentes, omnesque alii fratres eiusdem Ordinis ex dicto oppido Reginae orti et oriundi respective, donec et quousque viverent, sub poenâ nullitatis et revocationis dictae donationis, ac poenis et caducitatibus in dicto testamento contentis, in reliquis vero modo et formâ, ac sub eisdem conditionibus, vinculis, oneribus et caducitatibus in eodem testamento expressis, prout in publicis desuper respective confectis instrumentis plenius dicitur contineri;

Eoque in possessionem inducit.

§ 10. Et consequenter idem donator et testator respective Ioannem Baptistam et Franciscum, ac Dionysium et Vincentium praedictos, necnon Laurentium a Spezzanno, ac Michaëlem et Paulum, ac Ioannem et Antonium praedictos, dictaeque suae patriae ac Citerioris Calabriae huiusmodi oriundos, in actualem et corporalem possessionem dicti palatii, viridariorumque et pertinentiarum praedictarum introduxisset;

Qui testatoris mentem praequirant.

§ 11. Ipsique sic introducti, per modum provisionis ac superiorum auctoritate, templum vel cappellam seu oratorium sub invocatione eiusdem S. Francisci in certâ parte eiusdem palatii aperuissent, et clausuram conventus appellassent, ordinationem ipsius donationis successive exactius ad effectum perducturi;

Fratres conventus sancti Andreae donationem fratrum Calabriae co-
duci.

§ 12. Atque interea testator praedictus, sicut Domino placuit, rebus fuisset humanis exemplis: fratres dicti, domus S. Andreae haeredes, ut praemittitur, instituti, mature considerantes praedictum testato-

rem nationis suae religiosos ex dicto eorum Ordine existente Ecclesiâ, collegioque, seu monasterio huiusmodi honorare voluisse, omniaque ad eorum usum et utilitatem destinasse, et consequenter onera diversa sic, et bonorum administrationem eis demandare in mente forsân habuisse, praedictumque Ioannem Baptistam dicti collegii vicarium deputatum, et pro tempore existentes illius superiores, idoneos et opportunos dictae haereditatis administratores, cosque qui dicti testatoris voluntatem et ordinationem melius et efficacius ad unguem observent et observari faciant, fore perspicientes, de dilectorum filiorum moderni generalis, illiusque collegiarum assensu, ac cum interventu et praesentiâ tam dictorum collegiarum, quam etiam dilecti filii Hippolyti tituli S. Mariae Novae diaconi cardinalis Aldobrandini nuncupati, dicti Ordinis protectoris, sive eius auditoris, ac sub nostro et Sedis Apostolicae beneplacito, acceptatam per eodem dicti testatoris haereditatem, omneque commodum et incommodum illius, nec non sua et dictae domus S. Andreae iura et actiones quaecumque eis et eorum cuilibet quomodolibet attributa et competentia ac competitura, cum omnibus et singulis vinculis, oneribus et honoribus, pactis, conditionibus et poenis in dicto testamento contentis, ad Ioannem Baptistam vicarium praedictum praesentem, ac pro se et successoribus suis, dictoque collegio et monasterio, illiusque religionis acceptantem, et pro tempore futurum dicti collegii seu monasterii superiorem, ac illius collegiales sive religiosos pro tempore existentes transtulerunt, eisque cesserunt et mandarunt, constituentes propterea eosdem Ioannem Baptistam et futuros dicti collegii seu monasterii superiores ac collegiales sive religiosos veros et proprios administratores, procuratores

1 Perperam edit. Main. legit et (n. r.)

generales, gestores et agentes totius dictae haereditatis, cum facultate et auctoritate illam regendi et gubernandi, regique, gubernari, administrari faciendi, ac conventum, ecclesiam et monasterium erigendi et fabricandi, aliaque omnia et singula faciendi et adimplendi, ad quae ex dispositione testamenti et donationis praedictorum quomodolibet tenebuntur, et aliàs, prout in alio publico desuper confecto instrumento similiter dicitur contineri.

Fratres dicti collegii Pontificii praedictorum confirmationem petunt.

§ 13. Cum autem, sicut eadem petitio subiungebat, firmiora sint ea, quae a Sede praedicta approbantur et confirmantur, pro parte Ioannis Baptistae et Francisci, ac Dionysii et Vincentii, necnon Laurentii de Spezzanno, ac Michaëlis et Pauli, ac Ioannis et Antonii praedictorum nobis fuit humiliter supplicatum, quatenus translationem et concessionem, ac mandatum huiusmodi, nostro, et Sedis praedictae munimine roborari, aliàsque eis in praemissis opportune providere de benignitate apostolicâ dignaremur.

Urbanus mandat cardinali vicario, ut omnia apostolica auctoritate approbet et confirmet.

§ 14. Nos igitur, certam de praemissis notitiam non habentes, ipsosque Ioannem Baptistam et Franciscum, ac Dionysium et Vincentium, necnon Laurentium de Spezzanno, Michaëlem et Paulum, ac Ioannem et Antonium praedictos, ac eorum quemlibet, a quibusvis excommunicationis, suspensionis et interdicti, aliisque ecclesiasticis sententiis, censuris et poenis a iure vel ab homine, quavis occasione vel causâ latis, si quibus quomodolibet innodati existunt, ad effectum praesentium dumtaxat consequendum, harum serie absolventes et absolutos fore censes, nec non instrumenti, ac singulorum testamentorum tenores, etiam veriores, ac data praesentibus pro expressis habentes, huiusmodi supplicationibus inclinati, circumspectioni tuae per apostolica scripta mandamus, quatenus, vocatis qui fuerint vocandi, translationem et cessionem, ac

ultimo dictum mandatum huiusmodi, nec non instrumentum desuper, ut praemittitur, confectum, et tam praemissa, quam alia omnia et singula, licita tamen et honesta, ac sacris canonibus, necnon constitutionibus et ordinationibus apostolicis, maximeque sacri Concilii Tridentini decretis non contraria, in illo contenta, cum omnibus et singulis inde legitime sequutis et sequendis, apostolicâ auctoritate perpetuo approbes et confirmes, illisque perpetuae et inviolabilis apostolicae firmitatis robur adicias;

§ 15. Ac omnes et singulos tam iuris quam facti, etiam solemnitatum de iure, usu, consuetudine, aut aliàs quomodolibet requisitarum et necessariarum, ac quosvis alios etiam quantumvis substantiales defectus, si qui desuper quomodolibet interveniant, in eisdem suppleas;

Suppleatque defectus.

§ 16. Necnon translationem, cessionem et mandatum huiusmodi perpetuo valida et efficacia esse et fore, suosque plenarios et integros effectus sortiri et obtinere, ac tam a fratribus dictae domus S. Andreae, quam a generali, et superioribus nunc et pro tempore existentibus dicti Ordinis, aliisque universis, ad quos nunc quomodolibet spectat et spectare poterit in futurum, perpetuo firmiter et inviolabiliter observari et adimpleri debere, ab illisque, et ultimo dicto instrumento desuper confecto, nullo unquam tempore, quovis praetextu, colore, vel ingenio, resiliari vel recedi posse;

Eaque omnia ab his ad quos spectat observari faciat.

§ 17. Sicque per quoscumque iudices et commissarios, etiam causarum palatii apostolici auditores, iudicari et definiri debere, irritumque et inane, si secus super his a quoquam, quavis auctoritate, scienter vel ignoranter, contigerit attentari, dictâ auctoritate decernas.

Clausulae irritantes.

§ 18. Non obstantibus testatoris voluntate, quam quoad praemissa, quatenus opus sit, illâ aliàs in suo robore perman-

Derogatio contrarium.

surā, hac vice dumtaxat specialiter et expresse commutamus, aliisque praemissis, ac constitutionibus et ordinationibus apostolicis, necnon dictae domus S. Andreae, ipsiusque Ordinis, quatenus in aliquo obstent, etiam iuramento, confirmatione apostolicā, vel quavis firmitate aliā, roboratis statutis et consuetudinibus, ceterisque contrariis quibuscumque.

Datum Romae, apud S. Mariam Maiorem, anno Incarnationis Dominicae MDCXXIII, xv kalendas novembris, pontificatus nostri anno I.

Dat. die 18 octobris 1623, pontif. an. I.

IX.

Regulae, ordinationes et constitutiones cancellariae apostolicae.

Sanctissimus in Christo Pater et D. N. D. Urbanus divina providentiā Papa VIII, suorum praedecessorum vestigiis inhaerendo, normam et ordinem gerendis dare volens, in crastinum suae assumptionis ad summi apostolatus apicem, videlicet die vii mensis augusti, anno ab Incarnatione Domini MDCXXIII, reservationes, constitutiones et regulas infrascriptas fecit, quas etiam ex tunc licet nondum publicatas et suo tempore duraturas observari voluit, ac quas nos Ludovicus tituli S. Laurentii in Damaso presbyter cardinalis Ludovisius S.R.E. vicecancellarius, die xxi mensis octobris dicti anni in cancellariā apostolicā publicari fecimus.

Reservatio-
nes generales et
speciales.

1. In primis fecit easdem reservationes, quae in constitutione felicis recordationis Benedicti Papae XII, quae incipit, *Ad regimen*, continentur, et illas innovavit, ac locum habere voluit, etiamsi officiales ante obitum eorum esse desierint, quoad beneficia, quae tempore, quo officiales erant, obtinebant; declarans nihilominus, beneficia, quae dictae Sedis officiales, qui

ratione officiorum suorum huiusmodi eiusdem Sedis notarii erant, etiam dimissis ipsis officiis et quandocumque assequuti fuerint, sub huiusmodi reservationibus comprehendi. Ac reservavit beneficia, quae per constitutionem piae memoriae Ioannis Papae XXII, quae incipit, *Execrabilis*, vacant vel vacare contigerit; quam constitutionem et reservationem Sanctitatis Suae tam ad beneficia obtenta, quam alia quaecumque, de quibus Ordinarii et alii collatores contra Concilii Tridentini decreta disposuerunt et disponent, in futurum extendit et ampliavit. Et ea etiam beneficia omnia dispositioni suae reservavit, de quibus per dictos Ordinarios aut alios collatores contra eiusdem Concilii decretorum formam dispositum fuerit.

2. Item reservavit generaliter omnes ecclesias patriarchales, primatiales, archiepiscopales, episcopales, necnon omnia monasteria virorum valorem annuum ducentorum florenorum auri communi aestimatione excedentia, nunc quomodocumque vacantia et imposterum vacatura, et voluit quod excessus huiusmodi in litteris exprimatur. Ac etiam reservavit dignitates et beneficia omnia ad collationem, praesentationem et electionem et quaecumque aliam dispositionem patriarcharum, primatum, archiepiscoporum et episcoporum, necnon abbatum, ac aliorum quorumcumque collatorum et collatricum, secularium et regularium, quomodolibet (non tamen ad collationem cum alio, vel aliis, aut etiam ad alterius praesentationem, vel electionem) pertinentia, quae post illorum obitum, aut ecclesiarum seu monasteriorum, vel aliarum dignitatum suarum dimissionem vel privationem, seu translationem, vel aliās quomodocumque vacaverint, usque ad provisionem successorum ad easdem ecclesias, aut monasteria, vel dignitates, apostolicā auctoritate faciendam, et adeptam ab eisdem succes-

Reservatio cathedralium ecclesiarum et monasteriorum, ac de tempore vacationis episcopatum et vacaturorum beneficiorum.

soribus pacificam illorum possessionem, quomodocumque vacaverint et vacabunt in futurum.

Extensio reservationis beneficiorum per pacificam assequutionem vacaturorum.

3. Item, qui de beneficiis ecclesiasticis, praesertim curam animarum habentibus, seu aliâ personalem residentiam requiruntibus, dum pro tempore vacant, apostolicâ auctoritate provisi, seu providendi, ante illorum assequutionem alia cum eisdem incompatibilia beneficia ecclesiastica per eos tunc obtenta in fraudem reservationis suae resignarent, seu dimitterent, voluit, decrevit et declaravit, quod, si imposterum quibusvis personis de aliquibus beneficiis ecclesiasticis tunc vacantibus, seu vacaturis, per Sanctitatem Suam aut eius auctoritate provideri; ipsosque provisos), seu providendos, intra vacationis et provisionis, seu assequutionis eorum beneficiorum tempora, quaecumque alia cum illis incompatibilia beneficia ecclesiastica secularia vel quorumvis Ordinum ac etiam hospitalium regularia per eos tunc obtenta, nullâ speciali et expressâ de eisdem in provisionibus praedictis factâ mentione, simpliciter, vel causâ permutationis, ac aliâs quomodolibet, sive in Sanctitatis Suae, vel alterius Romani Pontificis pro tempore existentis, aut legatorum, vel nuntiorum dictae Sedis, sive ordinariorum vel aliorum collatorum quorumcumque manibus resignare, seu dimittere, aut iuribus sibi in illis vel ad illa competentibus cedere contigerit, omnes et singulae concessionés, collationes, provisiones, et quaevis aliae dispositiones de beneficiis seu iuribus sic resignandis, dimittendis et cedendis pro tempore faciendae, cum inde sequutis quibuscumque, cassae et irritae, nulliusque roboris vel momenti existant, nec cuiquam suffragentur; sed beneficia et iura, ut praefertur, resignata, dimissa et cessa, eo ipso vacent, et vacare, ac sub reservatione praedictâ, quam Sanctitas Sua etiam quoad

hoc extendit et ampliavit, comprehensa censeantur; ita quod de illis per alium, quam eandem Sanctitatem Suam vel pro tempore existentem Romanum Pontificem, nullatenus disponi possit, in omnibus et per omnia, perinde ac si per pacificam assequutionem beneficiorum aliorum huiusmodi vere et realiter vacavissent. Decernens irritum, etc., attentari.

4. Item reservavit generaliter dispositioni suae omnes dignitates maiores post pontificales in cathedralibus, etiam metropolitanis et patriarchalibus, necnon valorem decem florenorum auri communi aestimatione excedentes principales in collegiatis ecclesiis. Reservavit etiam prioratus, praeposituras, praepositatus, ac alias dignitates conventuales et praeceptorias generales Ordinum quorumcumque (sed non militiarum) ac quaecumque beneficia, quae sui, etiam dum cardinalatus fungebatur honore, existentes, ac S. R. E. viventium nunc et qui erunt suo tempore cardinalium familiares continui commensales obtinent et imposterum obtinebunt, eorum familiaritate durante, ac in quibus, seu ad quae ius eius competit, aut competierit, etiamsi ab ipsâ familiaritate per obitum cardinalium eorundem, vel aliâs recesserint. Declarans, dignitates, quae in cathedralibus etiam metropolitanis post pontificales maiores existunt, et quae ex Apostolicae Sedis indulgentiâ, vel ordinariâ auctoritate, aut consuetudine praescriptâ, vel aliâs quovis modo in collegiatis ecclesiis principalem praeeminentiam habere noscuntur, sub reservatione praedictâ comprehendi debere.

Reservatio dignitatum, necnon suorum et sanctorum Romanae Ecclesiae cardinalium familiarum, beneficiorum.

5. Item reservavit generaliter omnia et singula beneficia ecclesiastica quorumcumque collectorum et unicorum in quacumque civitate vel dioecesi, qui suo tempore officia exercuerint, subcollectorum fructuum et proventuum camerae apostolicae debitorum, illa videlicet be-

Reservatio beneficiorum collectorum et subcollectorum.

neficia dumtaxat, quae durante eorum officio obtinebant et quibus, seu ad quae, ius eis competeat.

Reservatio beneficiorum curialium, dum curia transferatur.

6. Item reservavit omnia et singula beneficia ecclesiastica quorumcumque curialium, quos, dum curia romana de loco ad locum transfertur, eam sequendo decedere contigerit in quovis loco quantumcumque etiam a dictâ curiâ remoto.

Reservatio beneficiorum cubiculariorum et cursorum.

7. Item reservavit generaliter idem D. N. Papa dispositioni suae omnia beneficia cubiculariorum, etiam honoris nuncupatorum, ac cursorum suorum; declarans in praedecessorum suorum Romanorum Pontificum constitutionibus et regulis reservatoriis beneficiorum cubiculariorum etiam cubicularios honoris nuncupatos etiam a die earum editionis et publicationis intelligi et comprehendi, et comprehensos fuisse et esse. Irritumque, etc., attentari decernens.

Reservatio beneficiorum ecclesiarum S. Ioannis Lateranensis et S. Petri, ac B. Mariae Maioris de Urbe, et beneficiorum titularum cardinalium a curia absentium.

8. Item reservavit dispositioni suae generaliter quoscumque canonicatus et praebendas, ac dignitates, personatus et officia in S. Ioannis Lateranensis et Principis apostolorum, ac B. Mariae Maioris de Urbe ecclesiis, necnon ad collationem, provisionem et praesentationem, seu quamvis aliam dispositionem S. R. E. cardinalium a romanâ curiâ absentium, ratione suorum episcopatum, cardinalatus, ac ipsorum cardinalium titularum et diaconiarum, spectantia, quamdiu absentia sua duraverit, canonicatus et praebendas, dignitates, personatus, administrationes et officia, ceteraque beneficia ecclesiastica, cum curâ et sine curâ, vacantia et in antea vacatura, tam in eadem Urbe, quam in ecclesiis, civitatibus et dioecesibus dictorum episcopatum consistentia. Ac decrevit irritum, etc.

Reservatio mensium apostolicorum, et alternativa pro episcopis residentium.

9. Item, cupiens idem D. N. Papa pauperibus clericis et aliis benemeritis personis providere, omnia beneficia ecclesiastica, cum curâ et sine curâ, secularia et quorumvis Ordinum regularia,

qualitercumque qualificata et ubicumque existentia, in singulis ianuarii, februarii, aprilis, maii, iulii, augusti, octobris et novembris mensibus, usque ad suae voluntatis beneplacitum, extra romanam curiam aliâs quam per resignationem quocumque modo vacatura, ad collationem, provisionem, praesentationem, electionem et quamvis aliam dispositionem quorumcumque collatorum et collatricum, secularium et quorumvis Ordinum regularium, non tamen sanctae Romanae Ecclesiae cardinalium, aut aliorum sub concordatis inter Sedem Apostolicam et quoscumque alios initis, et per eos qui illa acceptare et observare debuerant acceptatis et observatis, quae ledere non intendit, comprehensorum quomodolibet pertinentia, dispositioni suae generaliter reservavit. Volens in supplicationibus, seu concessionibus gratiarum, quae de dictis beneficiis tunc vacantibus etiam motu proprio fient, de mense in quo vacaverint dispositive mentionem fieri, alioquin gratias nullas esse. Ac consuetudines etiam immemorabiles optandi maiores et pinguiore praebendas, necnon privilegia, etiam in limine erectionis concessa, et indulta apostolica circa ea, ac etiam disponendi de huiusmodi beneficiis, aut quod illa sub huiusmodi reservationibus nunquam comprehendantur, etiam cum quibusvis derogatoriis derogatoriis, et fortioribus, efficacioribus et insolitis clausulis, necnon irritantibus et aliis decretis, quorum personis et collegiis, cuiuscumque dignitatis, status, gradus, ordinis et conditionis existentibus, quomodolibet concessa, adversus reservationem huiusmodi minime suffragari. Insuper Sanctitas Sua, ad gratificandum patriarchis, archiepiscopis et episcopis intenta, ipsis, quamdiu apud ecclesias aut dioeceses suas vere ac per-

1 Videretur legendum quibusvis, non quorum (R. T.).

sonaliter resederint dumtaxat, de omnibus et quibuscumque beneficiis ecclesiasticis, cum curâ et sine curâ, secularibus et regularibus (ad liberam ipsorum dumtaxat non autem aliorum cum eis dispositionem, seu praesentationem, vel electionem, nec etiam cum consilio, vel consensu, seu interventu capitulorum, vel aliorum, aut alias, pertinentibus) quae in antea in mensibus februarii, aprilis, iunii, augusti, octobris et decembris extra curiam ipsam vacare contigerit (dummodo alias dispositioni apostolicae reservata, vel affecta non fuerint) libere disponendi facultatem concessit. Ac etiam voluit, ut si ipsi in collatione, aut alia dispositione beneficiorum in aliis sex mensibus, videlicet ianuarii, martii, maii, iulii, septembris et novembris, vacaturorum (quae etiam dispositioni suae, ut praefertur, reservavit), seu etiam aliorum dispositioni, suae et dictae Sedi alias quomodolibet reservatorum, vel affectorum, sese intromiserint, aut quominus provisiones et gratiae Sanctitatis Suae de illis debitum effectum consequantur impedimentum quoquo modo praestiterint, usu et beneficio praedictae facultatis eo ipso privati existant, ac collationes et aliae dispositiones de beneficiis, illius praetextu deinceps faciendae, nullius sint roboris, vel momenti. Illi vero, qui gratiam alternativae praedictae acceptare voluerint, acceptationem huiusmodi per patentes litteras manu propria subscriptas, suoque sigillo munitas, et in sua quisque civitate vel diocesi datas, declarare, et litteras ipsas huc ad datarium Sanctitatis Suae transmitti teneantur, quibus ab eo receptis et recognitis, tunc demum et non antea uti incipiant gratia supradicta. Decernens, sic in praemissis omnibus per quoscumque, etc., iudicari debere, ac irritum, etc.

10. Item voluit idem D. N. Papa, quod concessa per felicis recordationis Paulum V

et Gregorium XV praedecessores suos, et de eorum mandato, expediantur in formâ *Rationi congruit*, a die assumptionis suae ad summi apostolatus apicem. Et idem quoad concessa per piae memoriae Leonem XI etiam praedecessorem suum, ad sex menses dumtaxat, ab ipso die assumptionis incipiendos, observari voluit.

11. Item declaravit, omnium et singularum ecclesiarum cathedralium et monasteriorum provisiones, quas praedicti praedecessores sui ordinationi et dispositioni eorum, necnon omnia et singula beneficia ecclesiastica, quae dicti praedecessores etiam praedictae dispositioni cum interpositione decreti reservaverant (quae quidem ecclesiae, monasteria, necnon sic reservata beneficia, tempore obitus eorumdem praedecessorum vacabant, aut ecclesiae ipsae, vel monasteria huiusmodi, si commendata, vel ei administratores deputati non fuissent, etiam tunc vacassent) remansisse et remanere per huiusmodi reservationem et decretum affecta, nullamque de illis, praeter Romanum Pontificem, ex vice se intromittere vel disponere potuisse sive posse quoquomodo. Decernens irritum et inane, si secus super illis attentatum forsitan erat tunc, vel posterum contingeret attentari.

12. Item praedictus D. N. omnes et singulas, ab ipsis Paulo V et Gregorio XV Romanis Pontificibus praedecessoribus suis infra annum ante diem obitus eorum concessas gratiae vel iustitiae litteras, temporibus debitis eorum executoribus seu iudicibus non praesentatas, omnino revalidavit, et in statum pristinum, in quo videlicet antea fuerant, vel pro quibus erant obtentae, quoad hoc plenarie restituit, ac decrevit per executores seu iudices praedictos, vel ab eis subdelegandos, ad expeditionem negotiorum in eis contentorum procedi posse et debere iuxta illarum formam.

congruit expedis.

Declaratio reservationis ecclesiarum et beneficiorum per praedecessores reservatorum.

Revalidatio litterarum praedecessoris gratiae et iustitiae infra annum concessarum.

Revocatio unionis.

13. Item, rationabilibus suadentibus causis, ipse D. N. omnes uniones, annexiones, incorporationes, suppressiones, extinctiones et dismembrationes, etiam perpetuas, de quibusvis cathedralibus, necnon aliis ecclesiis, eorumve domibus, praediis et locis, per cessum vel decessum, aut quamvis aliam dimissionem vel amissionem, qualiacumque fuerint, invicem, vel alias ecclesiis, monasteriis et mensis, etiam capitularibus, dignitatibus, personatibus, officiis, beneficiis, ac plis et aliis locis, universitatibus, etiam studiorum generalium, et collegiis, etiam in favorem sanctae Romanae Ecclesiae cardinalium, seu ecclesiis, monasteriis et beneficiis per eos obtentis, quomodolibet, apostolicam, vel aliam quavis (non tamen Concilii Tridentini) auctoritate, necnon pro fundatione, seu donatione, augmento, vel conservatione collegiorum et aliorum piorum et religiosorum locorum ad fidei catholicae defensionem et propagationem, bonarumque artium cultum, institutorum factas, quae suum non sint sortitae effectum, ac quaecumque concessionem et mandata super unionibus, annexionibus, incorporationibus et aliis praemissis faciendis, revocavit, cassavit et irritavit, nulliusque decrevit existere firmitatis. Nec alicui quascumque clausulas, vel adiectiones, aut decreta, quae Sanctitas Sua pro expressis haberi voluit, in quibusvis apostolicis (etiam quae motu proprio, aut ex certa scientia, et consistorialiter processerunt et emanarunt) litteris, etiamsi in eis decretum esset, illas ex tunc effectum sortitas esse, aut ius quaesitum fore, quomodolibet contenta, adversus revocationem et irritationem huiusmodi voluit aliquatenus suffragari.

Revocatio facultatum quibusvis concessarum.

14. Item revocavit quascumque facultates concessas quibusvis patriarchis, archiepiscopis, episcopis et aliis praelatis et personis, necnon Apostolicae Sedis nun-

tiis, ac fructuum et proventuum camerae apostolicae debitorum collectoribus, de dispensando cum quibusvis personis super matrimonio contracto vel contrahendo in gradu prohibito, ac natalium et aetatis defectibus, et de incompatilibus beneficiis ecclesiasticis insimul retinendis, necnon de notariis publicis creandis, ac de disponendo quomodolibet de quibusvis beneficiis ecclesiasticis, et alias¹ a praemissis officia ipsorum nuntiorum et collectorum directe non concernentes, etiam si in litteris desuper confectis sint clausulae restitutoriae, et derogatarum derogatariae, et aliae efficaciores, quas pro expressis haberi voluit, quoad omnia, in quibus facultates ipsae non sunt sortitae effectum, etiamsi nuntiis eisdem et dictae Sedis legatis de latere competens sit concessa potestas. Decernens irritum, etc.

15. Item revocavit quascumque facultates et litteras desuper confectas, per quas quicumque sui praedecessores Romani Pontifices quibusvis personis, ordinariam collationem seu aliam dispositionem beneficiorum ecclesiasticorum de iure vel consuetudine habentibus, quavis etiam patriarchali, archiepiscopali, episcopali, vel alia dignitate, vel alio, non tamen cardinalatus honore, fulgentibus, quavis consideratione vel intuitu, etiam motu proprio et ex certa scientia ac de apostolicae potestatis plenitudine, cum quibusvis clausulis, etiam derogatarum derogatoriis, ac irritantibus et aliis decretis, quorum tenores haberi voluit pro expressis, concesserant, ut quamdiu viverent, vel suis ecclesiis seu monasteriis praecessent, aut ad aliud tempus, de beneficiis ecclesiasticis generaliter reservatis seu affectis, ad eorum collationem, provisionem, praesentationem, electionem et quamvis aliam dispositionem communiter vel divisim spectantibus, disponere libere et licite

Revocatio facultatum conferendi beneficia reservata.

¹ Male, ut puto, ed. Main. legit *alias* (n. r.).

valerent, aut etiam ad id per eosdem praedecessores vicarii perpetui vel ad tempus constituti forent. Decernens irritum et inane, etc.

De dictionibus
numeralibus.

16. Item, ut in apostolicis litteris committendi crimen falsi per amplius tollatur occasio, voluit et ordinavit, quod dictiones numerales, quae in dictis litteris ante nonas, idus et kalendas immediate poni consueverunt, per litteras et syllabas extense describantur, et illae ex praedictis litteris, in quibus huiusmodi dictiones aliter scriptae fuerint, ad bullariam nullatenus mittantur.

De concurrentibus
in data.

17. Item voluit, quod de concurrentibus in datâ eiusdem diei super vacantibus seu certo modo vacaturis beneficiis, illi, quibus gratiae motu proprio conceduntur, ceteris simili modo gratias non habentibus, alias graduati graduatis, aut inter graduatos prius graduati, ac inter aequaliter graduatos prius graduati, necnon colorato titulo possessores non possessoribus, ac inter personas alias in curiâ praesentes absentibus ab eâ, ac inter praesentes non beneficiati beneficiatis, et similiter inter absentes, ceteris paribus, oriundus non oriundo, et dioecesanus non dioecesano; in reliquis vero singulis, qui prius apostolicas desuper litteras eorum exequutoribus praesentaverint, aliis, in ipsorum, de quibus agi contigerit, beneficiorum assentione praeferrantur.

De non tol-
lendo ius qua-
situm.

18. Item, ne, per varias quae, pro commissionibus seu mandatis et declarationibus habendis in causis plerumque sunt suggestiones, iustitia postponatur, idem D. N. decrevit et declaravit suae intentionis fore, quod deinceps per quâcumque signaturam, seu concessionem, aut gratiam, vel litteras apostolicas, pro commissionibus, seu mandatis, aut declarationibus huiusmodi, etiamsi motu proprio, ex certâ scientiâ, ac etiam ante motam

1 Forsan legendum *magis* vel *maiores* (R. T.).

litem, a Sanctitate Sua emanaverint, vel de eius mandato faciendas, nulli ius sibi quaesitum quomodolibet tollatur.

-Regula de vi-
ginti.

19. Item voluit, quod, si quis in infirmitate constitutus resignaverit aliquod beneficium, sive simpliciter, sive ex causâ permutationis, vel alias dimiserit, aut illius commendae cesserit, seu ipsius beneficii unionis dissolutioni consenserit, etiam vigore supplicationis, dum esset sanus, signatae, et postea, infra viginti dies a die per ipsum resignantem praestandi consensus computandos, de ipsâ infirmitate decesserit, et ipsum beneficium quavis auctoritate conferatur per resignationem sic factam, collatio huiusmodi sit nulla, ipsumque beneficium nihilominus per obitum censeatur vacare.

De ulonatas

20. Item voluit, quod si contingat, ipsum alicui personae de parochiali ecclesiâ vel quovis alio beneficio exercitium curae animarum parochianorum quomodolibet habente, providere, nisi ipsa persona intelligat et intelligibiliter loqui sciat idioma loci, ubi ecclesia vel beneficium huiusmodi consistit, provisio, seu mandatum et gratia desuper, quoad parochialem ecclesiam vel beneficium huiusmodi, nullius sint roboris, vel momenti.

21. Item si quis supplicaverit sibi de beneficio quocumque tamquam per obitum alicuius, licet tunc viventis, vacante provideri, et postea per obitum eius vacet, provisio et quaevis dispositio dicto supplicanti per obitum huiusmodi denuo facienda nullius sit roboris vel momenti.

De non impa-
trando benefi-
cium per obi-
tum viventium.

22. Item voluit, quod petentes beneficia ecclesiastica aliis uniri, teneantur exprimere verum annum valorem secundum communem aestimationem tam beneficii uniendi, quam illius, cui uniri petitur, alioquin unio non valeat, et semper in unionibus commissio fiat ad partes, vocatis quorum interest, et idem voluit observari in quibusvis supplicationibus, perpetuis

De unionibus
et unionum con-
firmatione.

concessionibus, dismembrationibus et applicationibus, etiam de quibuscumque fructibus et bonis ecclesiasticis, ac etiam in confirmationibus unionum singularumque dispositionum huiusmodi.

De Mendicantibus transferendis.

23. Item de Mendicantibus transferendis, qui ad alios Ordines transierint pro tempore, constitutionem felicitis recordationis Martini Papae V praedecessoris sui desuper factam et in libro cancellariae apostolicae descriptam, quae incipit: *Viam ambitiosae cupiditatis*, etc., firmiter observari.

De male productis.

24. Item de clericis extra tempora a iure statuta, sive ante aetatem legitimam, aut absque dimissoriis litteris ad sacros Ordines se promoveri facientibus pro tempore, etiam voluit constitutionem piaec memoriae Pii II similiter praedecessoris desuper editam in dicto cancellariae apostolicae libro descriptam, quae incipit: *Cum ex sacrorum ordinum*, etc., pari modo observari.

De numera.

25. Item declaravit idem D. N. quod libra turonensium parvorum et florenus auri de camerâ pro aequali valore in concernentibus litteras et cameram apostolicam computari et aestimari debeant.

De beneficiis vacaturis per promotionem ad ecclesias et monasteria.

26. Item praedictus D. N. Papa voluit, decrevit et ordinavit, quod quaecumque concessionibus, gratiae et mandata, etiam motu proprio, et cum derogatione huius constitutionis, quae ab eo pro quibusvis personis emanaverint, de providendo ei de quibusvis beneficiis vacaturis per promotionem quorumcumque ad ecclesiarum et monasteriorum regimina (si huiusmodi concessionibus et mandata diem promotionis promovendorum ipsorum praecesserint), necnon quaecumque collationes, provisiones et dispositiones pro tempore faciendae de praemissis ac quibusvis aliis beneficiis ecclesiasticis, secularibus et regularibus, quae per promovendos vel assumendos

1 Forsan legendum eis (n. r.).

ad quascumque praelaturas inter illarum vacationis et huiusmodi promotionis vel assumptionis tempora simpliciter vel ex causâ permutationis ubicumque resignari vel alias dimitti contigerit, cum inde sequutis pro tempore, sint cassae et irritae, nulliusque roboris, vel momenti.

27. Item, cum ante confectionem litterarum gratia apostolica sit informis, voluit, statuit et ordinavit idem D. N. quod iudices in romanâ curiâ et extra eam pro tempore existentes, etiamsi sint sanctae Romanae Ecclesiae cardinales, causarum palatii apostolici auditores, vel quicumque alii, non iuxta supplicationum signatarum super quibusvis impetrationibus (nisi in dictâ curiâ dumtaxat sint commissiones, iustitiam concernentes, per *Placet*, vel per sanctae Romanae Ecclesiae vicecancellarium, iuxta facultatem super hoc sibi concessam, signatae), sed iuxta litterarum super eisdem impetrationibus et concessionibus confectarum tenores et formas, iudicare debeant. Decernens irritum, etc. Et, si litterae ipsae per praecupationem vel alias minus bene expeditae reperiantur, ad illorum, quorum interest, instantiam, ad apostolicam cancellariam remitti poterunt, per eius officiales, quibus huiusmodi tenores et formas restringere convenit, ad formas debitas reducendae.

De non iudicando iuxta formam supplicationum, sed litterarum expeditorum.

28. Item, attendens D. N. Papa, quod, super habendis de cancellariâ apostolicâ regulis et constitutionibus inibi descriptis, faciliter per eos, qui in romanâ curiâ indigerint, ad ipsam cancellariam recursus dirigi potest, nec consultum foret, quod super earundem regularum et constitutionum (quae iuxta veritatem occurrentium causarum et negotiorum aliquoties immutari convenit) probando tenore, vel effectu, testium plerumque tenacem desuper memoriam non habentium dispositionibus stari deberet, voluit, statuit et

De regulis cancellariae productionis.

ordinavit, quod deinceps quilibet ex auditoribus causarum palatii apostolici et aliis (etiāsi sanctae Romanae Ecclesiae sint cardinales) in ipsā curiā pro tempore deputatis auctoritate apostolicā iudicibus, etiā in causis actu pendentibus, super huiusmodi tenore vel effectu probando dumtaxat stet, fidemque adhibeat cedulae, seu scripturae, desuper a duobus maioris praesidentiae quod danda sit a tergo signatae, et etiā a duobus aliis litterarum apostolicarum abbreviatoribus in ipsā cancellariā auscultatae, et vicecancellarii seu dictam cancellariam regentis manu subscriptae, ut moris est. Quidquid autem secus fieri contigerit, nullius sit roboris vel momenti.

De subrogan-
dis colliganti-
bus.

29. Item D. N., cupiens litium succidere anfractus, et ne novi colligantibus adversarii dentur providere, voluit, statuit et ordinavit, quod, quoties deinceps aliquem super quovis beneficio ecclesiastico colligantem in iure vel ad ius, si quod forsan eius adversario in dicto beneficio competierit, subrogari concesserit (dummodo praedictus colligans in dicto beneficio intrusus non fuerit, nec super eo contra dictum adversarium, postquam illud per triennium pacifice possederit, lis tunc mota fuerit), aliorum quorumlibet de praemisso iure, sive tunc vacet, vel cum vacaverit, impetrationes vel concessionem, etiā motu proprio, infra mensem ante concessionem huiusmodi factae, nullius sint roboris, vel momenti. Et nihilominus, cupiens eorum fraudibus obviare, qui viventium beneficia illorum praesertim, quibus, aut propter senium, aut propter infirmitatem, immineret vitae periculum, impetrant, ut, illis decedentibus, tamquam colligantes in eorum iuribus facilius subrogentur, voluit, ut deinceps nullius in iure vel ad ius in beneficio defuncti, quod illo vivente in casibus praemissis vel in similibus impetraverit, aliquo modo sub-

rogetur, ac subrogatio vel gratia, Si neutri, Si nulli, seu Novae provisionis, aut Perinde valere, taliter impetranti nullatenus suffragetur. Quod etiā strictissime observari mandavit in impetrationibus beneficiorum per privationem et amotionem ex quibusvis criminibus et excessibus forsan perpetratis, etiāsi usque ad definitivam sententiam, quae tamen in rem non transiverit iudicatam, processum foret.

30. Item voluit et ordinavit, quod omnes gratiae, quas de quibusvis beneficiis ecclesiasticis, cum curā vel sine curā, secularibus vel regularibus, per obitum quarumcumque personarum vacantibus, in antea fecerit, nullius roboris vel momenti sint, nisi post obitum et ante datam gratiarum huiusmodi tantum tempus defluerit, quod interim vacationes ipsae de locis, in quibus personae praedictae decesserint, ad notitiam eiusdem D. N. verisimiliter potuerint pervenisse.

De verisimili
notitiā.

31. Item, quod omnes et singulae commissiones causarum, quas in antea fieri contigerit, obtentae, vel occasione concessionum dumtaxat apostolicarum de beneficiis ecclesiasticis gratiarum, super quibus litterae apostolicae confectae non fuerint, ac processus desuper habendi, nullius sint roboris vel momenti.

Non valeant
commissiones
causarum, nisi
in litteris expe-
ditis.

32. Item voluit, quod, impetrans beneficium vacans per obitum familiaris cuius cardinalis, teneatur exprimere nomen et titulum ipsius cardinalis, et, si ille in curiā fuerit, eius ad id accedat assensus, aliās desuper gratia sit nulla. Et idem servari voluit, si cardinales quomodolibet ab ipsā curiā absentes, et ubilibet etiā in locis infra duas dietas vicinis degentes, familiamque et lares in eadem curiā retinentes, ab ipsā curiā recesserint ad eandem illico reversuri, et infra decem vel ad summum quindecim dies vere et personaliter reversi fuerint, ita quod cardinalibus, aliās quam ut praefer-

De impetran-
tibus beneficia
per obitum fa-
miliarum car-
dinalium.

tor, ex quacumque causâ quantumlibet necessariâ ac qualibet aliâ hic necessario exprimendâ absentibus, facultas praestandi consensum huiusmodi non competat, sed beneficia huiusmodi ad liberam Sanctitatis Suae et Sedis Apostolicae provisionem et dispositionem pertineant. Declarans regulas et constitutiones suorum praedecessorum etiam a die earum editionis et publicationis super assensu huiusmodi praestando sic intellectas et intelligendas fuisse, irritumque, etc. attentari decernens. Quodque, si praedicti familiares esse desiderint, seu ad aliorum cardinalium familiaritatem similem transierint, quoad beneficia, quae familiaritate priori durante obtinuerint, et in quibus vel ad quae, priori ipsâ familiaritate durante, ius eis competierit, cardinales, quorum prius familiares fuerint, suum habeant adhibere consensum. Declarans presentem constitutionem locum non habere in illis beneficiis, quae familiares ipsi, tempore obitus eorum, in dictâ curiâ vel extra eam obtinerent, aut antea obtinuissent, et ratione officiorum per eos obtentorum dictae dispositioni generaliter reservata vel affecta fuisse apparent. Necnon illos, quoad effectum dictae constitutionis, familiares eorundem cardinalium censi, qui ipsorum cardinalium familiares continui commensales ad minus per quatuor menses etiam ante cardinalatum fuisse probarentur. Decernens irritum, etc.

Super eâdem familiaritate.

33. Item idem D. N., ad evitandas lites et contentiones, quae ex precedenti suâ constitutione exoriri possent, vestigiis praedecessorum suorum inhaerendo, voluit, statuit et ordinavit, quod, si beneficia, quae per obitum familiarium continuorum commensalium eorundem cardinalium in futurum vacabunt, cessantibus apostolicis reservationibus, ad alterius cardinalis collationem vel aliam dispositionem pertinere deberent, in dictâ praecedenti con-

stitutione non comprehendantur quoad hoc, ut in provisionibus talium beneficiorum, super expeditione litterarum, illius cardinalis, cuius familiaris defunctus ille extitit, consensus requiri debeat, sed beneficia huiusmodi ad collationem seu quamvis dispositionem cardinalis ordinarii collatoris, ut praefertur, libere spectare censeantur. Et, si apud Sedem Apostolicam beneficia huiusmodi per obitum dictorum familiarium vacaverint, tunc in provisione talium beneficiorum, super expeditione litterarum, illius cardinalis exigatur consensus, si in romanâ curiâ praesens fuerit, ad quem eorundem collatio et dispositio, ut praefertur, pertinere deberet.

34. Item voluit D. N., quod, concurrentibus eâdem die, super quocumque beneficio, per *fiat et concessum* signaturis, ex eis per *fiat*, etiam *ut petitur*, habens, alteri per *concessum*, etiam *motu proprio* habenti, praeferatur, etiamsi in illâ per *concessum* praegnantiores et quantumlibet privilegiativae essent clausulae.

Signatura per *fiat* praeferatur alteri per *concessum*.

35. Item SS. D. N., ut improbi lites exquirentium motus reprimantur, voluit, statuit et ordinavit, quod, quicumque beneficium ecclesiasticum tunc per annum immediate praecedentem pacifice possessum, et quod certo modo vacare praetenditur, deinceps impetraverit, nomen, gradum et nobilitatem possessoris eiusdem, et quotannis ipse illud possederit, ac specificam et determinatam, ex qua clare poterit constare quod nullum ipsi possessori in dicto beneficio ius competat, causam in huiusmodi impetratione exprimere, et infra sex menses ipsum possessorem ad iudicium evocari facere, causamque ex tunc desuper infra annum usque ad sententiam definitivam inclusive prosequi debeat et teneatur, alioquin impetratio praedicta et quaecumque inde sequuta nullius existant firmitatis, et idem impetrans de damnis et interesse, posses-

De aequali possessore.

sorem praefatum propterea contingentibus, et satisfacere, et si possessorem ipsum iniuste, frivole et indebite molestasse repperitus extiterit, quinquaginta florenos auri persolvere camerae apostolicae sit adstrictus. Nec alius quam praemisse vacationis modus, etiam per litteras Si neutri, aut subrogationis, aut alias, sibi quoad hoc, ut beneficium huiusmodi eâ vice consequi aut obtinere valeat, quomodolibet suffragetur, illudque nullatenus in antea litigiosum propterea censeatur. Quod etiam extendi voluit ad impetrantes beneficia ecclesiastica cuiuscumque qualitatis, per privationem et amotionem, vel alias, propter commissa, excessus et crimina, vacantia vel vacatura, et similiter ad impetrantes beneficia tamquam vacantia per devolutionem.

De triennali.

36. Item statuit et ordinavit idem D. N., quod si quis quaecumque beneficia ecclesiastica, qualiacumque sint, absque simoniaco ingressu, ex quovis titulo, apostolicâ, vel ordinariâ collatione, aut electione, et electionis huiusmodi confirmatione, seu praesentatione et institutione, illorum ad quos beneficiorum huiusmodi collatio, provisio, electio et praesentatio, seu quaevis alia dispositio pertinet, per triennium pacifice possederit (dummodo in beneficiis huiusmodi, si dispositioni apostolicae ex reservatione generali in corpore iuris clausâ reservata fuerint, se non intruserit), super eisdem beneficiis taliter possessis molestari nequeat, nec non impetrationes quolibet de beneficiis ipsis sic possessis factas, irritas et inanes censi debere decrevit; antiquas lites super illis motas penitus extinguendo.

De non appellando ante sententiam definitivam.

37. Item, idem D. N., ut finis litibus celerius imponatur, et litigantium parcat sumptibus et expensis, suorum praedecessorum constitutionibus et statutis inhaerendo, statuit et ordinavit, quod in

1 Ed. Main. legit *factis* (n. r.).

causis pendentibus, et quas imposterum contigerit agitari, nulli ante definitivam sententiam liceat appellare, nec appellatio, si fuerit emissa, debeat admitti, nisi ab interlocutoriâ, quae vim habeat definitivae; vel a gravamine minime concernente negotium principale, quod non possit per appellationem a definitivâ sententiâ reparari; nullaeque causae appellationum committantur, nisi in commissione exprimatur, quod interlocutoria vim definitivae habeat, vel gravamen sit tale, quod in appellatione a definitivâ non valeat reparari. Alioquin appellationes et commissiones imposterum, et quicquid idem sequutum fuerit, nullius sint roboris vel momenti; commissionibus appellationum, iam iudicibus praesentatis et exhibitis, in suo robore permansuris, in quibus, latis super eisdem sententiis, secundo, vel ulterius ab eis non liceat appellare; appellantes vero, et appellationes, etiam ab interlocutoriis et gravaminibus huiusmodi, suo vel alterius nomine prosequentes, si succubuerint, ultra expensas et damna, ad quae resarcienda de iure condemnatus compellitur, viginti florenorum auri poenâ mulcentur.

38. Item statuit et ordinavit, quod in commissionibus de iustitiâ, seu mandatis etiam consistorialibus, per eum, seu de eius mandato, vel auctoritate, in causis, in quibus conclusum existat, imposterum concedendis, etiamsi in eis de conclusione huiusmodi implicite vel explicite mentio facta fuerit, nihil censeatur esse concessum, nisi per concessionem commissionis huiusmodi derogetur expresse.

Non statetur commissioni post conclusionem

39. Item voluit et ordinavit, quod, si aliqui religiosi petunt aliquod beneficium ad nutum amovibile eam clausulâ, quod exinde pro solo nutu abbatis vel superioris amoveri non possint, litterae, quoad ipsam clausulam, nullatenus expediantur, nisi idem D. N. ponat in signaturâ, quod

De litteris religiosorum expedendis.

non possit amoveri, vel ad partem clausulam ipsam concedat.

De clausula
ponendâ in lit-
teris permuta-
tionum benefi-
ciorum.

40. Item, si committatur alicui beneficio resignationis receptio, ponatur clausula Attente quoque provideas, etc., et si ex causâ permutationis resignationes fiant, ponatur clausula Quod neuter permutantium ius acquirat, nisi quilibet ipsorum ius habuerit in beneficio per ipsum resignato.

De supplendis
defectibus.

41. Voluit, quod si petatur suppleri defectus in genere, nullatenus litterae desuper concedantur, nisi in petitione desuper huiusmodi defectus exprimantur, vel per Fiat ut petitur, supplicatio signata fuerit.

De derogatione
iurispatronatus.

42. Item voluit, quod super quovis beneficio ecclesiastico de iurepatronatus laicorum non expediantur litterae, nisi ponatur expresse, quod tale beneficium tanto tempore vacavit, quod eius collatio ad Sedem Apostolicam legitime est devoluta, vel quia tempus patronis laicis ad praesentandum a iure praefixum lapsum existat, aut ad id patronorum ipsorum accedat assensus. Et si per ipsum iurispatronatus huiusmodi derogari contigerit, iurispatronatus huiusmodi mentio dispositive, ac specificè et determinate, non autem conditionaliter, fiat, si illud ad aliquem regem, ducem, marchionem, vel alium principem pertineat, et, si de hoc in litteris provisionis, vel mandato de providendo de dicto beneficio, similis mentio facta non fuerit, non censeatur quomodolibet derogatum.

De commendis

43. Item voluit, quod nulli seculari de regulari, nec religioso de seculari beneficiis commenda detur, nisi in signaturâ per clausulam Ad partem, super petitione commendae huiusmodi, de commendâ ipsa mentio fiat.

De reformati-
onibus.

44. Item voluit, statuit et ordinavit, quod super quibuscumque reformationibus signatis super impetrationibus quorumcumque beneficiorum vacantium, vel certo modo vacaturorum, in quibus peti-

1 Particulam si addendam censuimus (R. T.).

tur, quod litterae super primâ datâ expediri possint, si ex huiusmodi expeditione sub tali datâ cuiquam videatur posse fieri praeiudicium, litterae huiusmodi sub ipsâ primâ datâ nullatenus expediantur, nisi reformationes huiusmodi per Fiat sub primâ datâ signatae fuerint.

45. Item voluit et ordinavit, quod super resignatione cuiuscumque beneficii ecclesiastici, seu cessione iuris in eo, quam in manibus suis vel in cancellariâ apostolicâ fieri contigerit, apostolicae litterae nullatenus expediantur, nisi resignans, vel cedens, si praesens in Romanâ curiâ fuerit, personaliter, alioquin per procuratorem suum ad hoc ab eo specialiter constitutum, expeditioni huiusmodi in eadem cancellariâ expresse consenserit, et iuraverit, ut moris est. Et si ipsum resignantem, seu cedentem, pluries super uno et eodem beneficio, in favorem diversarum personarum successive consentire contigerit, voluit Sanctitas Sua, quod primus consensus tenere debeat, et alii posteriores consensus, ac litterae illorum praetextu etiam sub priori datâ expeditae pro tempore, nullius sint roboris vel momenti. Nec litterae reservationis, vel assignationis, etiam motu proprio, cuiusvis pensionis annuae super alicuius beneficii fructibus expediri possint, nisi de consensu illius qui pensionem persolvere tunc habebit.

De consensu
in resignationi-
bus et pensioni-
bus.

46. Item non dentur litterae super beneficiis vacaturis per ingressum religionis, nisi ille praecesserit datam desuper petitionis.

De ingressu
religionis

47. Item voluit, quod si petatur aliquod beneficium vacans per modum in cancellariâ apostolicâ exprimendum, talis impetratio non valeat, nec litterae desuper expediantur.

Non valeat
impetratio facta
per modum in
cancellariâ ex-
primendum.

48. Item voluit, statuit et ordinavit, quod quotiescumque per signaturam suam,

De executione
faciendâ.

1 Particulam si nos addimus (R. T.).

vel de eius mandato factam, super exequendis aliquibus, cum adiectione proprii nominis vel dignitatis cuiusvis, iudex datur, litterae desuper expédiantur cum expressione, quod idem iudex executionem faciat per se ipsum.

De dispensationibus in gradibus consanguinitatis.

49. Voluit, quod in litteris dispensationum super aliquo gradu consanguinitatis vel affinitatis, aut aliàs prohibito, ponatur clausula: *Si mulier rapta non fuerit*. Et si scienter, ponatur clausula addita in quaterno.

Super defectu natalium.

50. Voluit, quod in dispensationibus super defectu natalium, quod possint succedere in bonis temporalibus, ponatur clausula, quod non praeiudicetur illis, ad quos successio bonorum ab intestato pertinere debet.

Super dispensationibus.

51. Item, quod per quamcumque signaturam in quavis gratia nullatenus dispensatio veniat, nisi dicta gratia totaliter effectum huiusmodi dispensationis concernat, vel aliàs nihil conferat ut operetur.

Nulli suffragetur dispensatio, nisi litteris confectis.

52. Item, cum concessionem super gratiis dispensationum quarumcumque quibusvis per ipsum D. N. concessarum, vel concedendarum, per regulas cancellariae apostolicae sint provide limitatae, licet aliquando in petitionibus super huiusmodi concessionibus oblatis multa sint petita, ne quis, talium concessionum praetextu, id dispensative tenere aut facere praesumat, ad quod concessionem huiusmodi se non extendant; voluit idem D. N. quod nulla talis dispensatio cuiquam in iudicio vel extra suffragetur, antequam super ea litterae apostolicae sint confectae.

De clausulis ponendis in litteris indulgentiarum.

53. Item voluit, quod in litteris indulgentiarum ponatur, quod si ecclesiae, vel cappellae, vel aliàs, aliqua indulgentia fuerit per ipsum concessa, de qua inibi specialis mentio facta non sit, huiusmodi litterae sint nullae.

De indulgentiis.

54. Item voluit idem D. N. quod lit-

terae super indulgentiis non expédiantur ad instar, nisi specificentur.

lis concessis ad instar.

55. Item voluit, quod in gratiis, quas quibusvis personis de beneficiis vacantibus, seu certo modo vacaturis, fieri contigerit, illorum et aliorum quorumcumque beneficiorum, quae dictae personae tunc obtinuerint, seu de quibus eis fuerit provisum vel concessum aut mandatum provideri, verus annuus valor per marcas argenti, aut sterlingorum, vel libras turo-nensium parvorum, seu florenos auri, aut ducatos, vel uncias auri, seu aliam monetam secundum communem aestimationem exprimatur, nisi personae praedictae beneficia, quae obtinuerint, aut in quibus, vel ad quae ius eis competit, iuxta ipsarum oblationes, aut aliàs, dimittere teneantur: alioquin gratiae praedictae sint nullae. Et idem servetur in gratiis, quas a Sanctitate Sua motu proprio emanare contigerit. Quoad beneficia tamen, de quibus per Sanctitatem Suam pro tempore providetur, seu provideri mandatur, aut aliàs disponatur, ad litteras, per quas pro tempore ad ecclesiarum patriarchalium et cathedralium ac monasteriorum regimina promotio conceditur, ut monasteria et alia beneficia ecclesiastica, secularia et regularia per eos obtenta, et in quibus et ad quae ius competit, retinere possint.

De exprimendo valorem beneficiorum in impetrationibus.

56. Voluit et ordinavit, quod quando providet, seu mandat provideri alicui de beneficio ecclesiastico vacante, tunc dari poterunt clausulae, si petantur, *etiam si illud quovis modo, etc., seu per constitutionem Execrabilis, vacet, ac specialiter reservatum, inter aliquos litigiosum sit et eius collatio devoluta fuerit*, et si pro colligante, vel subrogationem, aut si neutri, vel si nulli, etc., petente, si tunc lis specificè exprimatur. Nec detur aliqua generalis reservatio dispositive, nisi desuper in concessione specialis et expressa, ac pure, et non sub conditione,

De clausulis et beneficiis vacantibus ponendis.

mentio fiat, et tunc reliquae reservationes ibi contentae veniant. Si vero tempore expeditionis inde litterarum generalis reservatio huiusmodi probari non possit, aut in novis provisionibus, seu pro colligantibus, si neutri, vel si nulli, etc., sit expressum, quod ab aliquibus asseritur, illum, cuius beneficium conceditur, collectorem, vel unicum subcollectorem, abbreviatorem, vel familiarem, notarium, aut dictae Sedis officialem fuisse, clausula ponatur, *Etiam si dictum beneficium, ex eo quod talis collector, vel unicus subcollector, abbreviator, vel familiaris, notarius, aut dictae Sedis officialis fuit, dispositioni apostolicae generaliter reservatum existat, dummodo non sit in eo alicui specialiter ius quaesitum.* In reliquis vero nulla clausula detur, unde reservatio generalis elici possit, nisi desuper signatura per duplex *Fiat* signata sit, aut reservatio, vel aliàs, specialiter habeatur.

De expressio-
ne qualitatium
beneficiorum in
impetrationibus

57. Item voluit, quod super beneficiis ecclesiasticis, de qualitatibus illorum, videlicet, an dignitates, personatus, vel officia sint, eisque immineat cura animarum, et ad illa consueverint qui per electionem assumi, mentio fiat, aliàs gratiae desuper factae sint nullae. Et si qualitates huiusmodi affirmative vel conditionaliter non exprimantur, negativa expresse desuper fiat in beneficiis, quae tales qualitates vel ex eis aliquas consueverint habere.

De beneficiis
vacantibus per
contractum tra-
hantur

58. Item, si reservetur beneficium per contractum matrimonii, non dentur alii modi vacationum de futuro, nec censeatur beneficium reservatum specialiter, vel affectum, nisi sequatur matrimonium. Sed in beneficiis per promotionem, aut ingressum religionis, vel assequutionem, vacaturis, ponatur clausula, etiam si non petatur. Cum beneficia huiusmodi praemisso, vel aliàs quovis modo, etc., praeterquam per obitum obtinentis, vacare contigerit, etiam si vacant.

59. Item voluit, quod si petatur aliquem in religionem recipi et sibi de quovis beneficio ecclesiastico provideri, per simplicem signaturam fiat. Recepto huiusmodi dumtaxat detur, adiecto, si petens idoneus sit, aut aliud canonicum non obsistat; et exprimatur, si certus numerus regularium sit ibidem, cui etiam non derogetur, nisi expresse concedatur et si numerus iste non existat, ponatur: *Dummodo receptionis locus huiusmodi nimium propterea non gravetur.* Possintque exequutores provisionis huiusmodi, ad receptionem emissionis professionis, non expectato probationis anno, providere.

De clausula
ponenda in lit-
teris religio-
rum.

60. Item, si regularis petat sibi de beneficio, ab aliquo monasterio vel regulari loco dependente, provideri, et appareat expetitione huiusmodi, quod alterius monasterii vel loci religiosus sit, licet ibi translatio non petatur, nihilominus illa veniat.

De transla-
tione religio-
rum

61. Item, quod in litteris super beneficiis per constitutionem *Execrabilis* vacantibus, ponatur clausula, *Si ista est*; similiter de quibuscumque narratis informationem facti requirentibus.

De clausula
Si ista est

62. Item, petenti sibi provideri de vacaturo, dentur litterae de vacanti, prout impetranti.

Impetri-
pro-
videri de vac-
turo, dentur lit-
terae de va-
canti.

63. Item revocavit quascumque decimarum (non tamen nuper pro defensione fidei catholicae in Germania contra haereticos et imperii rebelles impositarum sub datum idibus ianuarii anno quinto-decimo pontificatus eiusdem Pauli praedecessoris), necnon subsidiorum vigesimae, et aliorum onerum impositiones, quae a praedicto Paulo V praedecessore suo ex quavis causâ, etiam in subsidium expeditionis contra turcas et orthodoxae fidei hostes, emanarunt; et quascumque facultates super decimarum, vigesimae et onerum huiusmodi exactione, quibusvis fructuum et proventuum camerae apostolicae

Revocatio de-
cimarum et a-
liarum imposi-
tionum

debitorum collectoribus et Apostolicae Sedis nuntiis, ab iisdem praedecessoribus concessas. Suspendit quoque, ad Suae Sanctitatis et Sedis Apostolicae beneplacitum, quascumque plenarias indulgentias ab eisdem praedecessoribus ex quavis causâ etiam expeditionis huiusmodi concessas, si quae per nuntios vel quaestores deferbantur, necnon deputandi et eligendi confessores, qui plenarie absolvant et alia faciant ad earundem indulgentiarum suspensarum effectum, reliquasque facultates ipsas indulgentias quomodolibet concernentes, praeterquam quoad ea, in quibus indulgentiae et facultates in aliquâ sui parte sint sortitae effectum, ita ut illis, qui, implentes iniuncta eis in litteris indulgentiarum huiusmodi, iam consecuti sint facultatem eligendi confessores qui absolvant eos plenarie in mortis articulo, per huiusmodi suspensionem non praeiudicetur, quin facultate ipsâ uti possint in futurum. Decrevit quoque irritum et inane quicquid facultatum revocatarum earundem praetextu imposterum contigerit attentari.

Revocatio facultatum percipiendi pretium officiorum.

64. Item revocavit, cassavit et annullavit ac irritas declaravit quascumque facultates percipiendi pretium officiorum Romanae Curiae pro tempore vacantium, in toto vel in parte, in quasvis concessionibus et collationibus, aliasque dispositionibus per felicis recordationis Gregorium XIV praedecessorem suum de dictis officiis, etiam ex die collatorum, concessionum et dispositionum earundem in antea vacaturis¹, in favorem quarumcumque personarum, ecclesiarum, monasteriorum, piorum locorum, collegiorum, seu eorum mensarum, etiam perpetuo, etiam in vim contractus, et ex titulo oneroso, et sub aliâ quavis verborum formâ, quam, et praemissorum tenores pro expressis haberi voluit, concessas et factas, quoad officia, quae

¹ Ita ed. Cherub., ed. Main. legit *vacaturi* (n.r.).

post obitum ipsius praedecessoris vacarunt, et imposterum quomodolibet vacabunt.

Item revocavit quoque, cassavit et annullavit ac irritas declaravit quascumque infeudationes, investituras, gratias, concessionibus quoquomodo, etiam in emphyteusim, ad tempus seu in perpetuum, etiam motu proprio et de plenitudine potestatis, ac cum quibusvis derogatoriis derogatoriis (extra tamen consistorium, et sine sanctae Romanae Ecclesiae cardinalium consilio et consensu), a die constitutionis felicis recordationis Pii Papae V praedecessoris sui super prohibitione alienandi et infeudandi civitates et loca sanctae Romanae Ecclesiae, sub datum Romae, apud sanctum Petrum, anno Incarnationis Dominicae MDLXVI, IV kalendas aprilis, pontificatus sui anno II, usque in praesentem diem, per quoscumque Romanos Pontifices suos praedecessores, aut mandato vel auctoritate eorum, quomodocumque ac qualitercumque et quovis colore factas et concessas, de civitatibus, terris, oppidis, castris, arcibus et locis sanctae Romanae Ecclesiae et sanctae Sedis Apostolicae et tam mediate quam immediate subiectis, tunc, videlicet de tempore dictarum infeudationum, investiturarum, gratiarum et concessionum, nondum devolutis: necnon quascumque prorogationes et extensiones quarumcumque infeudationum, investiturarum, gratiarum et concessionum de dictis civitatibus, terris, oppidis, castris, arcibus et locis, tunc, videlicet de tempore dictarum prorogationum et extensionum nondum finitarum, quibusvis personis, cuiuscumque gradus, status et conditionis, ac praeeminentiae, etiamsi imperiali, regali, ducali, aut aliâ quavis praefulgeant dignitate, etiam in vim contractus, ex quocumque titulo, etiam oneroso, et per quascumque, tam sub plumbo, quam in formâ Brevis, sub annulo Piscatoris, aut etiam aliâs quomodocum-

que et qualitercumque, expeditas litteras, ac sub quavis verborum formâ, quam, et praemissorum omnium tenores Sanctitas Sua pro expressis¹ haberi voluit, latissime extendendos².

Quod fructus
in tertia parte
augeri possint
sig. re. clausu-
lae.

65. Item, cum nonnulli in impetratio-
nibus beneficiorum ecclesiasticorum pro
tempore vacantium et certo modo vaca-
tutorum, asserendo, illorum fructus, etc.,
certum per eos expressum annum valo-
rem non excedere, nonnunquam obtineant
a Sanctitate Suâ, ut huiusmodi valorem
annuum augere possint, ut verius possit
in confectione litterarum super huiusmodi
impetrationibus summa aut valor annuus
exprimi, aliter desuper non specificato;
ne³ de veritate huiusmodi concessionis im-
posterum haesitari contingat, declaravit,
praetextu concessionis huiusmodi, valorem
ipsûm usque ad tertiam partem valoris
expressi, et in primâ, quae desuper fiet,
litterarum expeditione, dumtaxat, augeri
posse; et eas, quas, litteris iam expeditis⁴
cum expressione valoris specificati, aut
non integro augmento praedicto, denuo
super expediri contigerit litteras cum a-
liquo augmento valoris huiusmodi, nullius
esse roboris vel momenti, etiam si motu
proprio beneficiales gratiae et dispositio-
nes quaecumque a Sanctitate Suâ emana-
verint.

De mone-
rabilibus

66. Item, ne personis, pro quibus lit-
terae Suae Sanctitatis emanabunt, ob ge-
neralem absolutionem a censuris eccle-
siasticis, quibus legati forent, ad eorum
effectum indifferenter concedi et in litteris
apostolicis apponi solitam⁵, praestetur oc-
casio censuras ipsas vilipendendi et in-
sordescendi in illis, statuit et ordinavit,

¹ Edit. Main. legit *pro expresso* (R. T.).

² Sic omnes editiones (R. T.).

³ Particulam *ne* addimus ex edit. Cherub.
(R. T.).

⁴ Edit. Main. legit *expeditas* (R. T.).

⁵ Erronee edit. omnes legunt *solita* (R. T.).

huiusmodi absolutionem et clausulam in
litteris, quas in futurum cum illâ concedi
continget, non suffragari non parentibus
rei iudicatae, incendiariis, violatoribus ec-
clesiarum, falsificatoribus, et falsificari pro-
curantibus litteras et supplicationes apo-
stolicas, et illis utentibus, receptatoribus
et fautoribus eorum, ac res vetitas ad in-
fideles deferentibus, violatoribus ecclesia-
sticae libertatis, viâ facti ausu temerario
apostolicis mandatis non obtemperantibus,
et nuntios vel exequutores Apostolicae
Sedis, et eius officiales, et eius commissa
exequentes, impredientibus, qui propter
praemissa vel aliquod eorum excommu-
nicati, a iure vel ab homine, per quatuor
menses scienter excommunicationis sen-
tentiam huiusmodi sustinuerint; et gene-
raliter quibuscumque aliis, qui censuris
aliquibus, etiam aliâs, quam ut praefertur,
quomodolibet ligati, in illis per annum
continuum insorduerint.

67. Item, idem Dominus Noster, ex-
actionibus quas Sanctitas Sua, non sine dis-
plicitiâ, plerumque fieri intellexit per
officiales Romanae curiae (qui constitutis
sibi emolumentis pro exercitio officiorum,
quae obtinent, non contenti, ultra a pro-
sequentibus negotiorum quorundam ex-
peditionem in eadem exigere non verentur)
obviare volens, districte praecipiendo
inhibuit omnibus et singulis quaevis of-
ficia in eadem curiâ obtinentibus, ne de
cetero quicquam praetextu officiorum
quae obtineant, quovis colore, etiam cele-
rioris expeditionis, ultra emolumenta ei-
usmodi exigere, seu ad hunc effectum
expeditionem eorum, quae eis incumbunt,
malitiose differre, sub excommunicationis,
et praeter illam, suspensionis a perceptione
emolumentorum huiusmodi pro primâ ad
semestre, et pro secundâ ad annum, et
pro tertiâ vicibus, quibus sic excederent,
privationis officiorum per eos obtentorum,
in quibus sic excesserint, poenis. Ac vo-

Officiales ni-
hil exigant ultra
debitum.

lunt, quod sanctae Romanae Ecclesiae vicerecancellarius et camerarius excedentes ipsos, respective prout eis subsunt, per subtractionem emolumentorum eorundem, ac alias, ut praefertur, compellant ab huiusmodi illicitis exactionibus abstinere, et contra eos per praedictas poenas, alias prout melius expedire viderint, procedant.

Reservatio beneficiorum vacantium Sede Apostolica vacante.

68. Item, SS. D. N. provide considerans, consuevisse quandoque Romanos Pontifices praedecessores suos beneficia, quae vacante Sede Apostolica vacare contigerat, dispositioni suae reservare, intendens de beneficiis huiusmodi tam conclavistis, quam pauperibus clericis et aliis benemeritis personis providere, omnia et singula beneficia per regulas cancellariae apostolicae, aut quolibet alias apostolicas constitutiones temporales Romani Pontificis pro tempore existentis dispositioni quomodolibet et ex quavis causa reservari solita, quae a die obitus felicitis recordationis Gregorii XV praedecessoris sui usque ad diem supradictam vii augusti vacaverunt, et de quibus per quoscumque ordinarios collatores tunc dispositum non fuerat, suae dispositioni reservavit, decernens irritum, etc.

Revocatio iudiciorum super-ventivae.

69. Item, quia ad importunam nonnullorum suggestionem quandoque contigit, praedecessores suos Romanos Pontifices pro tempore existentes, sub contractorum debitorum vel diversis aliis praetextibus concessisse et indulsisse beneficiatis, ut fructus suorum beneficiorum aut partem eorum anticipatis solutionibus ad tempus elocare, vel erga creditores aut quascumque alias personas obligare, vel hypothecare, in solutum dare, aut alias quomodolibet de eis disponere liceret ad tempus minime restrictum ad vitam supplicantium, cum gravi successorum praeiudicio et ecclesiarum detrimento; ideo, indemnitati ecclesiarum et successorum in beneficiis huiusmodi salubriter consulere volens, revocavit, cassavit et annullavit omnia et

singula indulta et facultates, in ea parte qua nondum vere et realiter suum sunt sortita effectum, per quoscumque Romanos Pontifices praedecessores suos hactenus ad favorem quarumcumque personarum concessas, quibus, eis vel eorum singulis, ullo modo et ex quavis causa vel praetextu, permittitur, fructus certos vel incertos, iura, obventiones et emolumenta quaecumque quorumlibet beneficiorum per eos obtentorum anticipatis solutionibus ultra unicum annum elocare, arrendare, ad firmam vel responsionem concedere, vel eos ad favorem quarumcumque personarum quomodolibet obligare vel hypothecare, in solutum dare, aut de eis quomodolibet et ex quavis causa disponere pro tempore ad vitam beneficiorum et tempus, quo beneficia huiusmodi obtinuerint, minime restricto, coarctato: illorum tenores, etc., decernens, etc.

70. Item, cum S. R. E. cardinales ipsi Sanctissimo Domino Nostro assistant, ac propterea debeant specialibus praerogativis et privilegiis gaudere, idem Dominus Noster statuit, ordinavit, decrevit et declaravit, quod in quibuscumque constitutionibus et regulis per Sanctitatem Suam imposterum post hanc primam editionem et suarum constitutionum et regularum publicationem faciendis non includantur ipsi cardinales, nisi illae eorundem cardinalium favorem concernant, vel ipsae constitutiones edendae de eorundem cardinalium vel maioris partis eorum consilio editae fuerint.

Quod cardinales non comprehendantur sub regulis faciendis.

71. Primo, quod possit committere absolutionem illorum, qui ignoranter in supplicationibus vel in litteris apostolicis aliquid scriberent, corrigerent, vel desererent.

De potestate reverendissimi domini vicerecancellarii et cancellariae regentis.

Item, quod possit corrigere nomina et cognomina personarum (non tamen eorum quibus gratia et concessionem fiunt) ac beneficiorum, dum tamen de corpore constet.

Item, quod possit omnes causas beneficiales etiam non devolutas committere in curiâ, cum potestate citandi ad partes.

Item, quod processus, apostolicâ auctoritate decretos, aggravare possit cum invocatione brachii secularis, et sententias exequutioni demandari facere contra intrusos et intrudendos per litteras apostolicas desuper conficiendas, et non alias.

Item, quod possit signare supplicationes, manibus duorum referendariorum signatas, de beneficiis ecclesiasticis secularibus et regularibus dispositioni apostolicae generaliter non reservatis, quorum cuiuslibet valor centum florenorum auri de camerâ, vel totidem in aliâ monetâ, secundum communem aestimationem valorem annuum non excedet.

Item, quod possit signare supplicationes, etiam duorum referendariorum manibus signatas, de novis provisionibus, Si neutri, et subrogationibus pro colligantibus, in quibus non detur clausula generalem reservationem importans.

Item, quod possit ad ordines suscipiendos arctatis prorogare terminos de dictis suscipiendis ordinibus usque ad proxima tunc a iure statuta tempora, in quibus sic arctati successive ad ipsos ordines promoveantur.

Placet, publicentur et describantur: M.

Lectae et publicatae fuerunt superscriptae regulae et ordinationes et constitutiones in cancellariâ apostolicâ, ab uno ex R. P. D. maioris praesidentiae abbreviatoribus, anno Incarnationis Dominicae MDCXXIII, die vero XXI mensis octobris, pontificatus praelibati SS. D. N. anno I.

PETRUS GENTILIS, procustos.

X.

Indictio orationis Quadraginta Horarum ad divinum auxilium initio pontifica-

Bull. Rom. — Vol. XIII.

10

tus pro salutarî catholicæ Ecclesiæ regimine implorandum.

Urbanus Papa VIII,

Universis christifidelibus, ad quos praesentes litterae pervenerint, salutem et apostolicam benedictionem.

Exordium et
causae, huius
Constitutionis.

Aeternus rerum conditor, cuius iudicia abyssus multa, eo vel maxime imperscrutabilis eius sapientiae atque inexhaustae potentiae thesauros recludit et manifestat, quod maximis in rebus, non fortiorum, sed imbecilliorum operâ plerumque uti non dedignatur. Quod quidem in catholicae Ecclesiae administratione, quam in hac temporum difficultate, nullo nostrorum suffragio meritorum, sed eius misericordiâ nobis demandatam agnoscimus, tanto luculentius apparet, quanto maiora earum, quibus circundamur, infirmitatum argumenta extare dignoscuntur. Hinc fit, ut quemadmodum misericordiam Dei humillime suscepimus, ita etiam trepide vereamur, ne, ingenti onere praegravati, christiani orbis necessitatibus apostolicâ providentiâ, ut par est, succurrere valeamus. Tanta rei cogitatione permoti illud nobis saepius occurrit, beatum plane illum esse, quem Deus ipse erudierit, ac, ne facies nostrae confundantur, ad eum, ut illuminemur, accedendum esse.

Non indiget
iubilaeum de
more praede-
cessorum, sed
aliter disponit.
temporum ha-
bita ratione.

§ 1. Quoniam vero tanti regis maiestatem tum propriis cuiusque, tum etiam aliorum orationibus adiri certum est; id ut facilius assequi possemus, Romanorum Pontificum praedecessorum nostrorum exempla nobis ob oculos proponentes, universis christifidelibus iubilaeum de more indicare statuissimus, ut saluberrimis poenitentiae operibus orationes sociatae, et rogantium merita cumulassent, et divinae nobis largitatis munera uberius impetrasent. Verum, habitâ temporis ratione, necnon aliis aequissimis causis eâ qua decuit maturitate perpensis, aliam opportuno-

† Forsan hic deest particula non (R. T.).

rem spiritualibus, quibus argemur, necessitatibus consulendi rationem inire decrevimus.

Orationem at horarum ferijs iv et vi ac sabbato in certis Urbis et Orbis ecclesiis haberi decernit.

§ 2. Piam igitur xl horarum orationem in ecclesiâ Lateranensi, ac Principis apostolorum, et S. Mariae Maioris basilicis, necnon in una seculari et alterâ regulari ecclesiis cuiuslibet regionis almae Urbis nostrae, per dilectum filium nostrum in eadem Urbe vicarium in spiritualibus generalem, extra vero dictam Urbem in quibuslibet virorum tam secularium quam regularium ecclesiis ubilibet existentibus, per Ordinarios locorum proximâ vel alterâ subsequenti hebdomadâ post praesentium notitiam respective designandis, et quoad ecclesias et basilicas Urbis praedictae, iv et vi feriis ac sabbato praesentis et sequentis hebdomadae, quo vero ad ecclesias extra Urbem, diebus ab eisdem Ordinariis pro utraque hebdomadâ praescribendis, inchoandam, et semel pro qualibet ecclesiâ peragendam, tenore praesentium indicimus et instituiamus; ad quas quidem ecclesiam Lateranensem ac basilicas nos ipsi private accedere, eidemque orationi interesse statuimus.

Ecclesias illas visitantibus quid orandum sit praescribit.

§ 3. Et propterea, ut divinam opem efficacius imploremus, et simul effusis multorum precibus, fructuosius exaudiamur, omnes et singulos utriusque sexus christifideles ubique existentes enixe in Domino hortamur, et paternâ charitate monemus, ut, durante oratione praedictâ, pias ad Deum preces effundant, ut ecclesiam suam sanctam tueatur et protegat, haereses undique evellere et extirpare, fidem sanctam catholicam augere et propagare, pacemque et concordiam largiri dignetur; nobis vero vires tribuat, quibus susceptum onus ad eius nominis gloriam, fideliumque et animae nostrae salutem, administrare valeamus.

Confessis, ac

§ 4. Quae, ut eo libentius praestare

studeant, quo uberius spiritualibus munieribus et gratis a nobis se refectos esse cognoverint, de omnipotentis Dei misericordiâ, ac beatorum Petri et Pauli apostolorum eius auctoritate confisi, omnibus et singulis praedictis vere poenitentibus et confessis, ac sacra communione refectis, qui quaecumque ecclesiam, ubi oratio eiusmodi indicta et instituta fuerit, devote visitaverint, et ibi per aliquod temporis spatium, prout unicuique suggeret devotio, pias ad Deum, ut praefertur, preces effuderint, monialibus vero poenitentibus et confessis, ac sacra communione relectis, quae, tempore orationis praedictae, in suorum monasteriorum ecclesiis similiter, ut supra, oraverint, plenariam omnium peccatorum suorum indulgentiam et remissionem misericorditer in Domino concedimus.

§ 5. Necnon eisdem fidelibus etiam cuiuscumque ordinis, congregationis, et instituti regularibus utriusque sexus facultatem impertimur eligendi sibi presbyterum confessarium tam secularem, quam cuiusvis Ordinis et instituti regularem, ex approbatis ab Ordinariis locorum, qui eos ab omnibus et singulis peccatis, criminibus, excessibus et delictis, non tamen a casibus contentis in litteris, quae die Coenae Domini legi consueverunt, necnon violationis immunitatis, libertatis ecclesiasticae, ac clausurae monasteriorum monialium, si videlicet sine necessariâ et urgenti causâ, ac sine superiorum licentiâ, vel etiam si causâ et licentiâ abutentes praedicta monasteria ingressi fuerint, nec non violentae manus iniectionis in clericum, ac singularis certaminis, sive duelli, ac ab aliis etiam casibus, tam a nobis, quam a praefato nostro in dictâ Urbe vicario, et locorum Ordinariis respective reservatis, nec etiam a quavis excommunicatione

sacra communione relectis, et visitantibus dictas ecclesias et ibi (ac etiam monialibus in ecclesiis propriis) orantibus, indulgentiam plenariam impertitur.

Omnibus n- triusque sexus personis etiam regularibus confessarium sibi posae eligere concedit, qui valeat absolvere ab omnibus casibus exceptis contentis in Bulla Coenae Domini, et hic expressis, pro hac vice tantum.

1 Nescio an legendum necnon (R. T.).

ab homine latâ, in foro conscientiae tantum, hac vice dumtaxat absolvere, iniunctâ tamen eis et eorum cuilibet poenitentia salutarî, ac aliis iniungendis, possint et valeant.

Ordinarius locorum huiusmodi Constitutionis publicationem praecipit.

§ 6. Mandantes insuper venerabilibus fratribus nostris patriarchis, archiepiscopis, episcopis, et aliis quibuscumque ecclesiarum praelatis et locorum Ordinariis in virtute sanctae obedientiae, ut, cum harumstrarum transumpta seu exempla acceperint, illas statim per suas civitates, dioeceses et territoria publicent et publicari faciant, gregemque eorum curae divinitus commissum, ut corde contrito et humiliato piae huiusmodi orationi, ut praefertur, intersint, sedulo moneant. Per praesentes autem super aliquâ irregularitate, publicâ vel occultâ, notâ, defectu, incapacitate aut inhabilitate quomodolibet contractâ, nec etiam in foro conscientiae, dispensare, ullamve facultatem dispensandi tribuere non intendimus: declarantes, has ipsas praesentes quoad absolutionem in foro conscientiae tantum, non autem in foro fori consequendum ullo modo suffragari.

Contractus derogat.

§ 7. Non obstantibus constitutionibus et ordinationibus apostolicis, necnon quorumcumque Ordinum, congregationum et institutorum regularium (etiam iuramento, confirmatione apostolicâ vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, eisdem Ordinibus, congregationibus et institutis quomodolibet concessis, approbatis et innovatis. Quibus omnibus et singulis, etiamsi de illis, earumque totis tenoribus, specialis, specifica et individua, non autem per clausulas generales idem importantes, mentio aut expressio habenda vel quaevis alia exquisita forma ad hoc servanda foret, illorum tenores praesentibus pro plene et sufficiente expressis, ac formam in illis tradi-

tam penitus pro servatâ habentes, hac vice specialiter et expresse ad effectum praesentium derogamus, ceterisque contrariis quibuscumque.

Transumptis credi iubet.

§ 8. Volumus autem, ut praesentium transumptis vel exemplis, etiam impressis, manu alicuius notarii publici subscriptis, et sigillo personae in dignitate ecclesiasticâ constitutae munitis, eadem prorsus fides ubique gentium et locorum adhibeatur, quae ipsis praesentibus adhiberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die xxii octobris mdcxxiii, pontificatus nostri anno i.

Dat. die 22 octobris 1623, pontif. an. ii.

XI.

Confirmatio decretorum sacrae congregationis Concilii, quibus cassatis capituli Atrebatensis assertis privilegiis, competens episcopo asseritur iurdictio ad formam Concilii Tridentini.

Urbanus Papa VIII,
ad perpetuam rei memoriam.

Decet Romanum Pontificem in beati Petri Principis apostolorum Sede a Domino constitutum, ut ea, quae per sanctae Romanae Ecclesiae cardinales in partem apostolicae sollicitudinis vocatos, pro sedandis litibus et controversiis inter personas ecclesiasticas vertentibus, mature et consulte declarata et firmata sunt, suum sortiantur effectum, opportune providere, et alias pastoralis officii sui partes desuper favorabiliter interponere, prout, rerum, temporum et personarum qualitatibus debite pensatis, conspicit salubriter in Domino expedire.

Exordium

§ 1. Cum itaque, sicut accepimus, in

Causa inter episcopum et

1 Ex Regest. in Secret. Brev. Hanc constitutionem refert quoque Miraeus in Oper. Diplom., tom. ii, pag. 1112.

capitulum Atrebatense ver-
tebat.

Et ad sacram
congregationem
Concilii remis-
sa:

Causa causae
series hic re-
cessit.

causâ seu controversiâ aut quaestionis materiâ de et super iurisdictione inter venerabilem fratrem Hermannum episcopum Atrebatensem ex unâ et dilectos filios capitulum et canonicos ecclesiae Atrebatensis ex alterâ partibus vertente, et tunc Sedis Apostolicae in Belgicis ditionibus commoranti nuntio commissâ, per illum vero ad dictam Sedem, et ab eâ ad venerabiles fratres nostros sanctae Romanae Ecclesiae cardinales sacri Concilii Tridentini interpretes remissâ, super eiusdem causae seu controversiae statu et meritis infrascriptis ab eisdem cardinalibus emanarint declarationes, seu decreta, tenoris sequentis, videlicet:

§ 2. Cum annis superioribus Hermannus Ortembergus episcopus Atrebatensis iurisdictionem, sibi a sacris canonibus et Tridentini Concilii decretis attributam, et quam felicitis recordationis Paulus Papa IV in litteris erectionis ecclesiarum metropolitanarum et cathedralium Belgii, instante gloriosae memoriae Philippo II rege catholico anno MDLIX expeditis, in civitates et dioeceses, clericos et populos eiusdem Belgii suis ipsorum, qui pro tempore fuerint, episcopis competere declaravit, exercere vellet in duos beneficiatos suae cathedralis ecclesiae, occasione incestus, necnon sacrilegii, seu forsan alicuius incontinentiae criminis, ab eis, ut praetendebatur, patrati; capitulum et canonici se opposuerunt, asserentes, se, unâ cum ecclesiâ cathedrali, eiusque beneficiatos ministros, seu habitum eiusdem ecclesiae deferentes, esse exemptos ab omnimodâ episcopi iurisdictione, praecipue in vim cuiusdam praetensae concordiae anno MCDXXXIX a Fortigano tunc Atrebatensi episcopo initae, et paulo post a felicitis recordationis Eugenio Papa IV confirmatae, cum insertione totius tenoris in litteris confirmationis, atque ab immemorabili tempore observatae, quandoquidem assertam concordiam prae-

tendebant non esse sublatam decretis Concilii, tum propter duplex vinculum, tum quia Concilium non substulit nisi exemptiones eorum, qui subsunt immediate Sedi Apostolicae, non autem capituli Atrebatensis, quod praetendit se immediate fuisse subiectum primum archiepiscopo Rhemensi, ac deinde Cameracensi, qui in illius locum fuit subrogatus, et propterea dicebant praesentem episcopum, qui iuravit se observaturum iura, consuetudines, privilegia ac libertates ecclesiae, non esse audiendum contra proprium iuramentum, sed eum debere stare sententiae, seu decreto, quod arrestum parlamenti Parisiensis vocant, super exequutionem eiusdem concordiae in partibus lato.

Cum vero eiusmodi causa nuntio apostolico commissa fuisset, idem nuntius, accedente etiam consensu inclytæ memoriae archiducis Alberti Belgarum principis, sanctissimum Dominum nostrum duxit consulendum, cum ageretur de re ad interpretationem sacri Concilii Tridentini pertinente, cuius quidem concilii interpretatio et declaratio a solâ Sede Apostolicâ, seu ab illustrissimis cardinalibus eiusdem concilii interpretibus, et non aliis, peti aut obtineri potest. Et cum Sanctitas Sua huiusmodi controversiae declarationem ad sacram congregationem eorundem cardinalium remisisset, ac deinde clericorum et capituli agens saepius apud eandem sacram congregationem pro eiusmodi interpretatione et declaratione obtinendâ auditus fuisset, tandem, re saepius ac diligenter discussâ, emanavit infrascriptum dubium, pro cuius declaratione nunc agitur, videlicet:

Positis scripturis ac iuribus utrimque exhibitis, an asserta concordia seu concessio Fortigarii olim episcopi Atrebatensis, ab Eugenio IV confirmata, fuerit a Concilio ex decretis cap. IV, sess. VI, et cap. VI, sess. XXV sublata, nec ne?

Una cum de-
cretis sacrae
congregationis;

Die xx¹ februarii MDCXXIII sacra congregatio cardinalium Concilii Tridentini interpretum, re accurato studio discussa, declaravit fuisse sublatam.

ROBERTUS Card. UBALDINUS.

Cum die x februarii proxime praeteriti, audito capituli Atrëbatensis agente, actum fuisset in sacra congregatione cardinalium Concilii Tridentini interpretum pro declaratione seu asserta concordia seu concessione Fortigarii olim episcopi Atrëbatensis ab Eugenio IV confirmata, qua capitulum et canonici, beneficiati, ministri, ac aliae ecclesiae cathedralis personae eximebantur ab omnimoda episcopi iurisdictione, an² fuisset eiusdem Concilii decretis cap. iv, sess. vi, et cap. vi, sess. xxv sublata, eadem sacra congregatio censuit fuisse sublatam; advertit enim inter cetera, eiusmodi concessionem, singulis eius partibus diligenter perpensis, non fuisse veram concordiam praeservatam a Concilio, quemadmodum capitulum contendebat, sed nudum privilegium ipsius episcopi, seu pactum gratuitum, quod Concilium non praeservavit, imo expresse sustulit dictis cap. iv et vi.

Et nihilominus, quatenus etiam fuisset vera concordia, advertit tamen sacra congregatio illam non fuisse ab Eugenio IV confirmatam ex certa scientia et cum causae cognitione, vere et non fide, quemadmodum copulative requiritur ad hoc, ut censeatur praeservata a Concilio, neque in ipsa supplicatione, cuius vigore litterae confirmationis expeditae fuerunt, insertum fuisse vere totum tenorem ipsius praetensae concordiae, eamque coadiuvare haud posse sententia seu decreto super illius exequutione in partibus lato, et a capituli agente producto, neque ei suffragari im-

1 Videretur quod potius legendum foret x, ut patet ex sequentibus (R. T.).

2 Particulam an nos addimus (R. T.).

memorabilem observantiam, quatenus etiam de ea constaret, aut praetensam immediatam subiectionem archiepiscopo, aut episcopo, cum his omnibus fuerit per Concilium amplissime derogatum.

Nunc vero dubium quoddam circa interpretationem et observantiam eiusdem declarationis emergit, quod, licet sit veluti pars et sequela declarationis praedictae, et satis per se clarum videatur, praesertim stantibus litteris felices recordationis Pauli IV super erectione novorum episcopatum Belgii, instante gloriosae memoriae Philippo II rege catholico, anno MDLIX expeditis, in quibus civitates, dioeceses, cleri et populi ipsius Belgii, quoad ordinariam episcopalem iurisdictionem et potestatem attinet, suis ipsorum, qui pro tempore fuerint, episcopis subiecti esse decernuntur, statutis, ordinationibus et consuetudinibus ac privilegiis quibuscumque non obstantibus; tamen ad contentiones evitandas supplicatur sacrae congregationi, ut dignetur huiusmodi dubium ad interpretationem ipsius Concilii pertinens specialiter declarare, videlicet: An episcopus Atrëbatensis suam cathedralem ecclesiam, eiusque capitulum et personas visitare possit ad praescriptum dicti cap. iv, sess. vi, et extra visitationem capitularium causas criminales cum adiunctis, aliorum vero, qui nec dignitates obtinent, nec sunt de capitulo, per se ipsum cognoscere valeat, ex decreto dicti Concilii cap. vi, sess. xxv, asserta concordia, exemptionibus, privilegiis, sententiis, praescriptione vel consuetudine etiam immemorabili contraria non obstantibus, et An in praemissis obstet episcopo iuramentum de observandis iuribus, consuetudinibus, privilegiis, ac libertatibus ecclesiae suae praestitum die xvii maii MDCXXIII. Sacra congregatio cardinalium Concilii Tridentini interpretum declaravit, episcopum Atrëbatensem posse ecclesiam suam cathedralem, eiusque ca-

pitulum ac personas visitare, et extra visitationem causas criminales capitularium una cum adiunctis, aliorum vero, qui nec dignitates obtinent, nec sunt de capitulo, per se ipsum cognoscere ac definire, non obstante asserta concordia, privilegiis, exemptionibus, sententiis et praescriptionibus vel consuetudinibus, etiam immemorabilibus; eidemque episcopo, quominus praedicta exequi possit, minime ob stare iuramentum, ut proponitur, praestitum de observandis iuribus, consuetudinibus, privilegiis atque libertatibus ecclesiae suae.

ROBERTUS card. UBALDINUS.

His tamen non acquiescens canonicorum et capituli agens, ad eandem sacram congregationem, recursum habuit, petens eiusmodi dubium, eiusque declarationem revideri, et de novo examinari, ac proinde nonnulla iura et documenta una cum voto seu allegationibus doctorum Lovaniensium et Duacensium universitatum exhibuit: quibus tamen obiectionibus cum fuerit abunde satisfactum, supplicatur declarari: An standum sit in declaratione seu decisione die x februarii proxime praeteriti edita, nec ne?

Die i iulii mdcxxiii sacra congregatio cardinalium Concilii Tridentini interpretum perstitit in decisis:

§ 3. Nos, inviolabili declarationum seu decretorum eorundem observationi, quantum cum Domino possumus, consulere volentes, motu proprio, non ad dicti Hermanni episcopi, vel alterius pro eo nobis super hoc oblatae petitionis instantiam, sed ex certa scientia ac maturâ deliberatione nostris, declarationes seu decreta praefata, cum omnibus et singulis in eis contentis, apostolicâ auctoritate, tenore praesentium, perpetuo approbamus et confirmamus, illiusque inviolabilis apostolicae firmitatis robur adiicimus, ac omnes et singulos, tam iuris quam facti, et quosvis

alios etiam quantumvis substantiales defectus, si qui in praemissis aut eorum aliquo quomodolibet intervenerint aut intervenisse dici vel censi possit, supplementum.

§ 4. Decernentes praesentes litteras, omniaque et singula in eis contenta, semper et perpetuo valida, firma et efficacia esse et fore, suosque plenarios effectus sortiri et obtinere, ac ab omnibus et singulis, quos illa concernunt, inviolabiliter observari; sicque per quoscumque iudices ordinarios et delegatos, etiam causarum palatii apostolici auditores, ubique iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

§ 5. Quocirca venerabilibus fratribus Ioanni Francisco Patracensi moderno et pro tempore existenti nostro et Sedis Apostolicae in Belgicis ditionibus nuncio, ac Mechliniensi archiepiscopo, necnon episcopo Tornacensi, per praesentes committimus et mandamus, quatenus ipsi, vel duo, aut unus eorum, per se, vel alium, seu alios, praesentes litteras et in eis contenta quaecumque, ubi et quando opus fuerit, et quoties pro parte dicti Hermanni moderni et pro tempore existentis episcopi Atrebatensis fuerint requisiti, solemniter publicantes, eisque in praemissis efficaciae defensionis praesidio assistentes, faciant auctoritate nostrâ illos praemissorum omnium et singulorum effectum pacifice frui et gaudere, easdemque praesentes litteras et in eis contenta huiusmodi ab omnibus, ad quos spectat et pro tempore quomodolibet spectabit, inviolabiliter observari; contradictores quoslibet et rebelles per sententias, censuras et poenas ecclesiasticas, aliaque opportuna iuris et facti remedia, appellatione postpositâ, compescendo, invocato etiam ad hoc, si opus fuerit, auxilio brachii secularis.

Clausulas pro eorundem decretorum firmitate necessarias apponit;

Ac eorundem exequutores hic designat.

Urbanus Papa VIII

Praedicta confirmat decreta:

Contraria tollit.

§ 6. Non obstantibus, quatenus opus sit, felicis recordationis Bonifacii Papae VIII praedecessoris nostri de una, et in concilio generali edita de duabus dietis, dummodo ultra tres dietas aliquis auctoritate praesentium ad iudicium non trahatur, aliisque constitutionibus et ordinationibus apostolicis, et dictae ecclesiae Atrebatensis (etiam iuramento, confirmatione apostolica, vel quavis firmitate alia roboratis) statutis et consuetudinibus, privilegiis quoque, indultis et litteris apostolicis, in contrarium praemissorum quomodolibet concessis, confirmatis et innovatis. Quibus omnibus et singulis, eorum omnium tenores praesentibus pro plene et sufficienter expressis et ad verbum insertis habentes, illis alias in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die III novembris MDCXXIII, pontificatus nostri anno I.

Dat. die 3 novembris 1623, pontif. an. I.

XII.

Ecclesiarum Argentinensis et Passaviensis administratori interdicitur, quominus feuda, ad easdem ecclesias pertinentia, haereticis, seu de fide catholica male sentientibus, locet¹.

Dilecto filio Leopoldo ex archiducibus Austriae, ecclesiae Argentinensis administratori,

Urbanus Papa VIII,

Dilecte fili,

salutem et apostolicam benedictionem.

Pastoralis officii nostri cura, et ecclesiarum omnium sollicitudo a nobis iugiter postulat, ut, quae fidei catholicae non mediocri detrimento esse, quaeque eccle-

¹ Ex Regest. in Secret. Brev.

siis, earumque bonis et iuribus grave damnum afferre possunt, ea, quantum nobis ex alto conceditur, prohibeamus.

§ 1. Iustis itaque de causis animum nostrum moventibus, motu proprio, et ex certa scientia ac matura deliberatione nostris, tibi, ne quaevis Argentinensis et Passaviensis ecclesiarum, quarum administrator apostolicam auctoritate deputatus existis, feuda, cuiuscumque speciei, qualitatis, quantitatis et valoris etiam minimi, seu alia quaecumque eiusdem ecclesiae bona, neque ad breve tempus, aut alias quomodolibet, haereticis seu personis de fide catholica male sentientibus, sub quovis quaesito colore, ingenio vel praetextu, concedere, locare, appignurare, aut alias quomodolibet distrahere audeas seu praesumas, sub indignationis nostrae, ac aliis censuris et poenis in sacris canonibus, conciliorum decretis, ac constitutionibus apostolicis contentis, apostolicam auctoritate, tenore praesentium, interdicimus et prohibemus.

§ 2. Decernentes nihilominus quascumque concessionem, locationem, oppignorationem aut distractionem, si quas per te contra praesentium tenorem fieri contigerit, nullas, irritas et inanes, nulliusque roboris et momenti esse, seu fore, nec ulli quovis modo suffragari posse; sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari: in contrarium facientibus non obstantibus quibuscumque.

Datum Romae, apud S. Mariam Maiorem, sub annulo Piscatoris, die XVII novembris MDCXXIII, pontificatus nostri anno I.

Dat. die 18 novembris 1623, pontif. an. I.

Praeceptum de quo in rubrica.

Locationes, si quas contra huiusmodi mandatum fieri contingat, irritantur.

Exordium.

XIII.

Confirmatio capitulorum pro mercatoribus nationum Florentinae, Mediolanensis, Venetae et Bononiensis, in civitate Placentiae¹.

Urbanus Papa VIII,
ad futuram rei memoriam.

Exordium.

Ex iniuncto nobis desuper apostolicae servitutis officio christifidelium quorumlibet votis communem eorum utilitatem concernentibus libenter annuimus, eaque favoribus prosequimur opportunis.

Mercatores statuta nonnulla efformant pro reformatione nundinarum cambiorum in civitate Placentina.

§ 1. Cum itaque, sicut dilecti filii mercatores sive negociatores nationum Florentinae, Mediolanensis, Venetae, ac Bononiensis, nobis nuper exponi fecerunt, ipsi aliàs, ne magno cum incommodo atque detrimento non solum totius Italiae, verum etiam aliarum nationum cum ipsis negociantium, nundinae cambiorum, statutis temporibus, in civitate Placentina, provinciae Bononiensis, eatenus haberi consuetae, destituerentur, quaedam capitula ad conservationem negotiationis in praedicta civitate Placentina, ac nonnullorum abusuum, qui in ea aliquà ex parte irrepsisse videbantur, correctionem, et ipsarum nundinarum in melius reformationem ediderint, illaque a felicis recordationis Gregorio Papa XV praedecessore nostro approbari et confirmari obtinuerint;

Et apostolica auctoritate petuit confirmari.

§ 2. Pro maiori autem capitulorum huiusmodi validitate et observantia, illa etiam apostolicae nostrae² confirmationis robore communiri plurimum desiderant:

Confirmat Urbanus.

§ 3. Nos, mercatores sive negociatores praedictos specialibus favoribus et gratiis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a

¹ Ex Regest. in Secret. Brev.

² Erronee edit. Main. legit nostra (n. r.).

iure vel ab homine, quavis occasione vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censentes, supplicationibus eorum nomine nobis super hoc humiliter porrectis inclinati, capitula praedicta, dummodo tamen licita sint et honesta, sacrisque canonibus et Concili Tridentini decretis et constitutionibus apostolicis non adversentur, apostolica auctoritate, tenore praesentium, approbamus et confirmamus, illisque inviolabilis apostolica firmitatis robur adiicimus, ac omnes et singulos tam iuris quam facti defectus, si qui desuper quomodolibet intervenerint, supplemus. Decernentes capitula praedicta ab eisdem mercatoribus, seu negociatoribus, et aliis, quos illa concernunt, observari debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

§ 4. In contrarium facientibus non obstantibus quibuscumque.

Contrariisque derogat.

Datum Romae, apud S. Petrum, sub annulo Piscatoris, die xxix novembris MDCXXIII, pontificatus nostri anno I.

Dat. die 29 novembris 1623, pontif. anno I.

XIV.

Extensio indulgi recitandi officium et Missam celebrandi de beata Margaritha de Cortona, moniali Tertii Ordinis S. Francisci, pro omnibus, tam viris quam mulieribus, dicti Ordinis ubique existentibus.

Urbanus Episcopus,
servus servorum Dei,
ad perpetuam rei memoriam.

Caelestis aquae flumen, quod ab inexhausto vitae fonte procedens, impetu perpetuo fluit, fidelium mentes septem cha-

Exordium

rismatum donis felici inundatione secundans, multo cernitur admirabilior, cum erga vascula infirmiora et sexum consilii imbecillioris apponens cor suum, misericordiarum suarum divitias superabundanter elargitur.

Leo X indul-
sit posse cele-
brari missam
cum officio de
hac Beata in ci-
vitate Cortonen-
si et illius dioe-
cesi

§ 1. Alias siquidem felicitis recordationis Leo Papa X praedecessor noster ex praeclaris attestationibus a pia memoriae Bonifacio VIII et Eugenio IV Romanis Pontificibus, etiam praedecessoribus nostris, de B. Margherita de Cortona, moniali Tertii Ordinis S. Francisci de Poenitentia, prolatis motus, quod festum ipsius B. Margheritae cum officio nec virginis nec martyris in ecclesia S. Margaritae civitatis Cortonensis singulis annis die xxii mensis februarii celebrari, eademque B. Margarita a quibusvis christifidelibus in civitate praedicta et illa dioecesi privatim et publice venerari libere et licite valeret, apostolica auctoritate indulset, prout in suis exinde confectis litteris plenius continetur.

Hoc indultum
congregationis
sacrorum ri-
tuum extendit
ad omnes fra-
tres et moniales
Ordinis S. Fran-
cisci.

§ 2. Nuperrime vero congregatio venerabilium fratrum nostrorum S. Romanae Ecclesiae cardinalium super sacris ritibus deputorum, considerata sanctitate praedictae B. Margaritae, quae a trecentis annis et ultra continuo miraculorum splendore coruscat, necnon mirabili illius corporis integritate, quae his etiam diebus supra naturae vires odorem efflat suavissimum, ad instantiam, non solum cleri et populi Cortonensis, sed etiam fratrum Ordinis S. Francisci de Observantia nuncupatorum, dilectorum filiorum, ad omnes eiusdem Ordinis S. Francisci viros et mulieres indultum praedictum extendi posse (habito super hoc felicitis memoriae Gregorii Papae XV similiter praedecessoris nostri beneplacito, ac omnibus eiusdem S. Romanae Ecclesiae cardinalibus unanimiter consentientibus) decrevit.

Fratres sup-
plicanti pro hu-

§ 3. Quare pro eorundem cleri et populi ac fratrum parte nobis nuper fuit

humiliter supplicatum, quatenus pro eorum desiderio, ut infra, annuere de benignitate apostolica dignaremur.

ius decreti con-
firmatione.

§ 4. Nos igitur, attendentes, quod sicut ipsa B. Margarita coruscat in caelis, ita quasi multiplici rutilantium honore gemmarum coronâ decorâ caelo universo prae-fulgeat, cleri et populi ac fratrum praedictorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris, et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censentes; necnon litterarum praedictarum et inde sequutorum quorumcumque tenores praesentibus pro expressis habentes; huiusmodi supplicationibus inclinati, de voto eiusdem congregationis sanctae Romanae Ecclesiae cardinalium super ritibus Ecclesiae deputorum, indultum et desuper confectas litteras huiusmodi ad omnes et singulas personas, tam viros videlicet quam mulieres, nunc et pro tempore existentes eiusdem Ordinis S. Francisci, earumque ecclesias, tam intra Italiam quam extra ubicumque consistentes (ita quod ex nunc de cetero perpetuis futuris temporibus possint huiusmodi festum dictae B. Margaritae in earum ecclesiis huiusmodi quotannis dictâ die xxii februarii cum officio nec virginis nec martyris celebrare, et eandem B. Margaritam privatim et publice venerari libere et licite possint et valeant) apostolica auctoritate praedictâ extendimus, ac extensam et extensas ex nunc esse et fore, dictasque personas desuper a quoquam quovis praetextu, colore, vel ingenio molestari, perturbari, aut quoquomodo impediri nullatenus unquam posse; necnon quidquid secus super his a quoquam, quavis auctoritate, scienter vel ignoranter, contigerit

Urbanus VIII
confirmat.

attentari, irritum et inane dicta auctoritate decernimus.

Contraria removat.

§ 5. Non obstantibus praemissis, ac, quatenus opus sit, regulam nostram de gratiis ad instar non concedendis, aliisque quibusvis constitutionibus et ordinationibus apostolicis, necnon omnibus illis, quae dictus Leo praedecessor in dictis litteris voluit non ob stare, ceterisque contrariis quibuscumque.

Sanctio poenalis.

§ 6. Nulli ergo omnino hominum liceat hanc paginam nostrae absolutionis, extensionis et decreti infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei, ac beatorum Petri et Pauli apostolorum eius, se noverit incursurum.

Datum Romae, apud S. Petrum, anno Incarnationis Dominicae MDCXXIII, idibus decembris, pontificatus nostri anno 1.

Dat. die 13 decembris 1623, pontif. anno 1.

XV.

Deputatio archiepiscopi Cretensis in visitatorem totius regni Cretae¹.

Venerabili fratri
Lucae archiepiscopo Cretensi
Urbanus Papa VIII.

Venerabilis frater,
salutem et apostolicam benedictionem.

Prooemium.

In speculam militantis Ecclesiae meritis licet imparibus inscrutabili divinae sapientiae providentia constituti, pastoralis sollicitudinis oculos ad omnes christifideles et eas etiam orbis ecclesias, quae propter populorum distantiam opem et operam nostras magis implorare dignoscuntur, paterne dirigimus, ac per visitationis remedia, aliisque, quibus possumus, rationibus, religionem in illis catholicam conservare, et, ubi collapsa sit, restituere,

¹ Ex Regest. in Secret. Brev.

indefessam mentis nostrae vigilantiam procuramus; quodque per nos ipsos praestare nequimus, idipsum per praelatos fide et integritate probatos adimplere studemus.

§ 1. Motu itaque proprio et ex certa scientia ac matura deliberatione nostris, te, de cuius prudentia et catholicae religionis zelo plurimum in Domino confidimus, nostrum et Apostolicae Sedis generalem et specialem visitatorem, reformatorem et delegatum in tota insula Cretensi, apostolicam auctoritate, tenore praesentium, facimus, constituimus et deputamus, ac tibi per easdem praesentes mandamus, ut ad civitates, oppida, districtus, terras et loca quaecumque eiusdem insulae te conferas, ibique omnes et singulas cathedrales, collegiatis, parochiales et alias quascumque cum cura et sine cura ecclesias, cappellanas, aliaque beneficia ecclesiastica, etiam ruralia, et alia quocumque nomine nuncupata, aut qualificata, etiam de iure patronatus laicorum, cuiuscumque status, gradus, ordinis, conditionis et dignitatis illi sint, necnon hospitalia, oratoria, confraternitates, societates, seu scholas etiam laicorum, etiam disciplinantium, et alias quomodolibet nuncupatas, et alia pia loca etiam per laicos gubernari solita, etiam quomodolibet exempta, ac nobis et Apostolicae Sedi immediate subiecta, etiamsi nullius dioecesis, vel hospitalis S. Ioannis Hierosolymitani, vel aliarum militiarum existant, etiam ea, quae districtus et territoria propria habent, necnon etiam ea omnia, quae ipsi locorum Ordinarii, tamquam eiusdem Sedis Apostolicae delegati de iure vel ex decretis sacri Concilii Tridentini visitare possunt, eorumque capitula, archidiaconos, praepositos, archipresbyteros et alias dignitates, etiam maiores post pontificalem, vel principales in ipsis collegiatis, ac personatus et officia obtinentes, canonicos, parochialium ecclesiarum rectores, portio-

Cretensi archiepiscopo committitur visitatio apostolica totius regni Cretensis.

narios, presbyteros, beneficiatos, clericos et personatus¹ cuiuscumque dignitatis, status, gradus, ordinis et conditionis existentes, necnon monasteria et alia regularia loca cuiusvis ordinis et instituti seu congregationis existentia, etiam commendata, illorumque ecclesias, cappellas, membra, conventus, atque personas etiam exemptas, ac nobis et Apostolicae Sedi immediate, ut praefertur, subiectas, tam extra monasteria et loca regularia, quam intra ordinum, militiarum et hospitalium praedictorum domos et septa commorantes, auctoritate nostrâ visitare, ac in eorum statum, formam, regulas, instituta, regimen, statuta, consuetudines, vitam, mores, ritus et disciplinam, tam coniunctim quam divisim, ac tam in capite quam in membris, diligenter inquirere, corrigere et reformare libere et licite valeas, plenam, liberam et amplam auctoritatem et facultatem, auctoritate et tenore praedictis, concedimus et impertimur.

Obedientia ei
praestanda.

§ 2. Mandantes propterea omnibus et singulis, ad quos spectat, ut tibi in praemissis omnibus et singulis prompte pareant, obediant et assistant, tuaque salubria monita et mandata suscipiant humiliter, et efficaciter adimplere procurent, alioquin sententiam, sive poenam, quam rite tuleris seu statueris in rebelles, ratam habebimus, et faciemus, auctore Domino, usque ad satisfactionem condignam inviolabiliter observari.

Derogatio con-
trariorum.

§ 3. Non obstantibus constitutionibus et ordinationibus apostolicis, ac ecclesiarum, monasteriorum et aliorum regularium locorum (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et inno-

vatis. Quibus omnibus et singulis, eorum omnium tenores praesentibus pro expressis et ad verbum insertis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

§ 4. Volumus autem, ut, quae in huiusmodi visitatione repereris, ea, necnon statum dictae insulae quoad Dei cultum religionemque catholicam huiusmodi, ac remedia pro illâ conservandâ et propagandâ, ad nos quamprimum diligenter transmittas.

Relatio Sedi
Apostolicae fa-
cienda.

Datum Romae, apud S. Petrum, sub annulo Piscatoris, die XIV decembris MDCXXIII, pontificatus nostri anno 1^o.

Dat. die 14 decembris 1623, pontif. an. 1.

XVI.

*Confirmatio litterarum Pauli V super
carnibus in regno Siciliae mactandis¹.*

Urbanus Papa VIII,
ad futuram rei memoriam.

Aliâs a felicitis recordationis Paulo Papa V praedecessore nostro emanarunt litterae tenoris subsequentis videlicet: Paulus Papa V ad futuram rei memoriam, *Aliâs ex causis* (reliqua vide in Constitutione LXXXI, tom. XI, pag. 434).

Paulus V ca-
vit, quominus in
Regno Siciliae
boves, aliaque
pecudum ad a-
randum affe-
rum genera ma-
ctarentur.

§ 1. Cum autem, sicut dilectus filius Philibertus a Sabaudia, prioratus Castellae et Legionis hospitalis S. Ioannis Hierosolymitani prior, et modernus praedicti

Paulus litteras
confirmavit pro
rex possit

¹ Eiusdem exempli litterae die XII iulii anni MDCXXIV directae fuerunt Octavio archiepiscopo Iadrensi, ut ecclesias et ecclesiasticos omnes in Dalmatia existentes auctoritate apostolicâ visitaret.

² Ex Regest. in Secret. Brev. Paulus V in Constitut. LXIX quae legitur tom. XI, pag. 385, aliâque ibidem positâ sub num. LXXXI, pag. 434 prohibuit, quominus ecclesiastici eiusdem regni animalia agrorum culturae utilia mactarent.

¹ Haec videretur legendum *personas* (R. T.).

regni prorex nobis nuper exponi fecit, ipse plurimum cupiat, praeinsertas litteras huiusmodi pro firmiori illarum subsistentia et validitate apostolicae nostrae confirmationis robore communiri, nobis propterea humiliter supplicari fecit, ut desuper opportune indulgere de benignitate apostolica dignaremur.

Confirmat Urbanus.

§ 2. Nos igitur, dicti Philippi proregis votis huiusmodi annuere, illumque specialibus favoribus et gratiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes et absolutum fore censentes, huiusmodi supplicationibus inclinati, praeinsertas litteras huiusmodi, ac omnia et singula in eis contenta, apostolica auctoritate, tenore praesentium, approbamus et confirmamus, illisque inviolabilis apostolicae firmitatis robur adiicimus.

Chancular.

§ 3. Decernentes easdem praesentes litteras validas, firmas et efficaces existere et fore, suosque plenarios et integros effectus sortiri et obtinere, ac ab omnibus et singulis, ad quos spectat et in futurum spectabit, inviolabiliter observari debere, irritum quoque et inane quidquid secus super his a quoquam, quavis auctoritate, scienter vel ignoranter contigerit attentari.

Derogatio contrarium.

§ 4. Non obstantibus omnibus illis, quae in dictis litteris concessa sunt non obstando, ceterisque contrariis quibuscumque.

Datum Romae, apud S. Petrum, sub annulo Piscatoris, die XVI decembris MDCXXIII, pontificatus nostri anno I.

Dat. die 16 decembris 1623, pontif. an. I.

XVII.

Friderico cardinali Borromaeo archiepiscopo Mediolanensi committitur PP. Iesuitis, Barnabitis et Cappuccinis inhibeat, ne alumnos seminariorum Mediolanensium ad habitum regularem admittant¹.

Dilecto filio nostro Friderico tituli S. Mariae Angelorum presbytero cardinali Borromaeo nuncupato, ecclesiae Mediolanensis ex concessione et dispensatione apostolica praesuli,

Urbanus Papa VIII.

Dilecte fili, salutem et apostolicam benedictionem.

Cum, sicut accepimus, diversorum seminariorum civitatis Mediolanensis alumni litterarum studiis sub dilectorum filiorum clericorum regularium Societatis Iesu cura et disciplina operam navent, ac, ut spiritualibus etiam documentis per amplius imbuantur, cum dilectis pariter filiis clericis regularibus Congregationis S. Pauli Decollati ac fratribus Minoribus Ordinis S. Francisci Cappuccinis nuncupatis conversari soleant, facile vero fieri possit, ut iidem alumni, sive educatione, sive conversatione huiusmodi, seu alias inducti, habitum per clericos regulares sive religiosos huiusmodi gestari solitum suscipiant, unde seminaria praedicta eum, ad quem instituta sunt, finem minime consequantur:

Causae faciendae prohibitionis.

§ 2. Nos, super praemissis, quantum cum Domino possumus, opportune providere volentes, ac felicitis recordationis Pii V et Gregorii XIII Romanorum Pontificum praedecessorum nostrorum, qui prospero istius ecclesiae Mediolanensis regimini de simili remedio consultum esse voluerunt, vestigiis inhaerentes, circumpectioni tuae per praesentes iniungimus, ut tam Societatis, quam Congregationis

Commissio de qua in rubrica.

¹ Ex Regest. in Secret. Brevium.

et Ordinis praedictorum superioribus, quocumque nomine nuncupatis, ne alumnos seminariarum praedictorum, quamdiu in seminariis praedictis permanserint, nec etiam quadriennio, a die illorum e dictis seminariis recessus computando, durante, ad habitum et professionem regulares in Societate, sive Congregatione, aut Ordine huiusmodi sub quovis quaesito colore, ingenio vel praetextu admittant, sive quadriennio huiusmodi durante in aliquo ex collegiis sive domibus et locis regularibus Societatis, seu Congregationis, vel Ordinis huiusmodi, vel ab eis dependentibus, seu penes personas confidentes retineant, seu admittere vel retinere praesumant, sub censuris et poenis ecclesiasticis arbitrio tuo imponendis, auctoritate nostrâ inhibeas; contradictoresque quoslibet et rebelles, ac tibi in praemissis non parentes, censuras et poenas praedictas incurrisse declares. Decernentes irritum et inane, si secus super his a quoquam, quavis auctoritate, scienter vel ignoranter, contigerit attentari.

Derogatio contrarium.

§ 3. Non obstantibus constitutionibus et ordinationibus apostolicis, ac Societatis, Congregationis et Ordinis praedictorum (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, ceterisque contrariis quibuscumque.

Datum Romae, apud S. Petrum, sub annulo Piscatoris, die xvi decembris MDCXXIII, pontificatus nostri anno I.

Dat. die 16 decembris 1623, pontif. an. I.

XVIII.

Confirmatio litterarum Gregorii XV super regimine monialium Carmelitarum Disalceatarum regni Franciae¹.

¹ Ex Regest. in Secret. Brevium. Gregorii litteras vide tom. XII, pag. 505, seq.

Urbanus Papa VIII,
ad perpetuam rei memoriam.

Decet Romanum Pontificem, aequi, bonique supremum assertorem, ea, quae per praedecessores suos pro felici christifidelium sub suavi religionis iugo Altissimo famulantium et praesertim sanctimonialium regimine atque gubernio, nec non pace et quiete, maturâ consideratione adhibita, facta et decreta esse noscuntur, ut ab omnibus, quos ea concernunt, sublatis quibuslibet impedimentis, inviolabiliter observentur, apostolicae confirmationis robore communire, prout, rerum¹, personarum, ac temporum qualitatibus debite pensatis, conspicit in Domino salubriter expedire.

Exordium.

§ 1. Aliàs siquidem a recolendae memoriae Gregorio Papae XV praedecessore nostro emanarunt litterae tenoris subsequentis, videlicet: *Gregorius Papa XV ad perpetuam rei memoriam. Aliàs postquam felicitis recordationis Clemens Papa VIII praedecessor*, etc. (Reliqua vide in loc. cit. in not. ad rubricam).

Gregorii XV recensentur litterae.

§ 2. Quare inviolabili praeinsertarum litterarum huiusmodi observationi, quantum cum Domino possumus, consulere volentes, sufficienter etiam auditis earumdem monialium procuratoribus, illarumque praetensis iuribus mature perpensis, motu proprio, non ad alicuius nobis super hoc oblatae petitionis instantiam, sed ex certâ scientiâ ac maturâ deliberatione nostris, deque apostolicae potestatis plenitudine, praeinsertas litteras praedictas, cum omnibus et singulis in eis contentis, tenore praesentium, approbamus et confirmamus, illisque perpetuae et inviolabilis apostolicae firmitatis robur adiicimus.

Et confirmatur.

§ 3. Decernentes easdem praeinsertas litteras, omniaque et singula in eis contenta semper et perpetuo valida, firma et efficacia esse et fore, suosque plena-

Clausulae

¹ Inordinate edit. Main. legit *rerum prout* (n. 7).

rios et integros effectus sortiri et obtinere, et ab omnibus et singulis, quos illa quomodolibet concernunt et concernent in futurum, inviolabiliter observari debere; sicque et non aliter in praemissis omnibus et singulis per quoscumque iudices ordinarios et delegatos, etiam causarum palatii apostolici auditores, ubique iudicari et definiri debere, ac irritum et inane quidquid secus super his a quoquam, quavis auctoritate, scienter vel ignoranter, contigerit attentari.

Deputatio
exequutorum.

§ 4. Quocirca Francisco et Ludovico cardinalibus praedictis per praesentes committimus et mandamus, quatenus ipsi, vel alter eorum, per se, vel alium, seu alios, praesentes litteras, et in eis contenta huiusmodi, ubi et quando opus fuerit, faciant auctoritate nostrâ ab omnibus, ad quos spectat, inviolabiliter observari. Contradictores quoslibet et rebelles, et praemissis non parentes, per censuras et poenas ecclesiasticas, aliaque opportuna iuris et facti remedia, appellatione postpositâ, compescendo, invocato etiam ad hoc, si opus fuerit, auxilio brachii secularis.

Derogatio con-
trariorum.

§ 5. Non obstantibus omnibus illis, quae dictus Gregorius praedecessor in praeinsertis litteris huiusmodi voluit non ob stare, ceterisque contrariis quibuscumque.

Datum Romae, apud S. Petrum, sub anulo Piscatoris, die xx decembris mdcxxiii, pontificatus nostri anno i.

Dat. die 20 decembris 1623, pontif. an. i.

XIX.

Privilegia, indulta, gratiae et exemptiones pro dapiferis, qui pontifici, ceterisque S. R. E. cardinalibus in conclavi inservierunt.

1 Similia privilegia collata conclavistis vide supra in Const. II Gregorii XV tom. XII, pag. 492. Alia vero videmus postea dapiferis collata a Clemente X, Innoc. XI, Clem. XII, etc.

Urbanus Episcopus
servus servorum Dei,
ad perpetuam rei memoriam.

Romanus Pontifex, ad quem gratiarum omnium distributio spectat et pertinet, singulorum merita et probitatem aequâ lance perpendens, personas illas potiori favore attollere, maiori praeerogativa decorare consuevit, quas sibi et Sedi Apostolicae obsequiosas, et in laboribus et vigiliis pro eadem Sede sufferendis indefessas, et pluribus cognoscit meritis iuvare.

Prooemium.

§ 1. Hinc est quod nos, volentes dilectos filios, nostrum, dum cardinalatus honore fungebamur, et venerabilium fratrum nostrorum sanctae Romanae Ecclesiae cardinalium dapiferos, qui nobis et eisdem cardinalibus in conclavi, in quo nos, divinâ favente clementiâ, ad summi apostolatus apicem assumpti fuimus, existentibus inservierunt, quique eâ de causâ labores et incommoda plura subierunt, habitâ ratione obsequiorum, favoribus, gratiis et privilegiis pro cuiusque meritis honorare;

Causae concessio-
nis huius-
modi privilegio-
rum.

§ 2. Ac eosdem conclavistas et eorum singulos a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodati existunt, ad effectum praesentium dumtaxat consequendum, harum serie absolventes et absolutos fore censentes; motu proprio, non ad ipsorum dapiferorum, vel alterius pro ipsis nobis super hoc oblatae petitionis instantiam, sed ex merâ liberalitate, certâque scientiâ nostris, ac de apostolicae potestatis plenitudine, eosdem dapiferos, et eorum singulos, in veros, indubitatos et non fictos familiares continuos commensales nostros, et eos, qui ex illis clerici existunt, seu militiae clericali adscribi desiderant, quosque tres ex praedictis cardinalibus, in quolibet ordine antiquiores, gradu, nobilitate et aliis meritis

Dapiferi cre-
antur cives, no-
biles, comites
lateranenses
notarii aposto-
lici.

dignos tali dignitate iudicaverint, in nostros et Apostolicae Sedis notarios, sine tamen praeiudicio dilectorum filiorum notariorum de numero participantium, tenore praesentium recipimus, et tam illos, quam alios dapiferos singulos, qui singillatim ab eisdem tribus cardinalibus digni tali honore approbati fuerint, sacri palatii et aulae Lateranensis comites et milites, ac tam illos, quam alios omnes et quoscumque dapiferos indistincte, qui nobiles non sunt, nobiles, quique Urbis, vel alicuius alterius ex civitatibus temporali dominio dictae Romanae Ecclesiae mediate vel immediate subiectis cives esse voluerint, singulos in ipsa civitate, quam singillatim quisque eorum elegerit, et ad quam se ab eisdem cardinalibus admitti petierit, veros cives ad instar et nullam prorsus differentiam inter eos et singulos alios veros, originarios et antiquissimos etiam nobiles et participantes cives ipsius Urbis, vel civitatis, ita ut ipsum ius civitatis ad quoscumque illorum haeredes eodem modo transeat, creamus, constituimus et assignamus, ac nobilitatis et civilitatis titulo, honore et insignibus decoramus, aliorumque familiarium continuorum commensalium nobis actu in palatio nostro apostolico servientium, et illius tinello comedentium et bibentium, nostrorum et Sedis praedictae notariorum, palatiique et aulae praedictarum comitum, militum et nobilium, ac civium huiusmodi originariorum numero et consortio favorabiliter aggregamus, ac pro veris, indubitatis et non fictis familiaribus, continuis commensalibus, ac notariis nostris, comitibusque, militibus, nobilibusque ac civibus deinceps haberi et reputari volumus et mandamus.

Cum omnibus privilegiis huiusmodi nobilibus, notariis apostolicis, etc. competentibus.

§ 3. Eisque, ut in quibuscumque impetrationibus, concessionibus et litteris, tam gratiam quam iustitiam concernentibus, se familiares continuos commen-

sales nostros et comites, milites, nobiles, ac cives etiam originarios nominare, nec propterea impetrationes, concessionibus et litterae ipsae subreptionis vitio subiaceant, sed validae et efficaces existant, ac ex nunc deinceps in perpetuum omnibus et quibuscumque, ac prorsus similibus antelationibus, antelationum praerogativis, privilegiis, libertatibus, immunitatibus, exemptionibus, decretis, declarationibus, derogationibus, mandatis, suspensionibus, favoribus, gratiis, privilegiis, indultis ac iuribus, quibus alii nostri familiares tempore datae assumptionis nostrae ad summi apostolatus apicem, ac quibus alii eiusdem Sedis notarii etiam de numero participantium existentes, etiamsi habitum et rocchetto notariorum ipsius Sedis non deferant, palatiique et aulae praedictarum comites et milites, ac nobiles et originarii, ac antiquissimi cives eiusdem Urbis, vel civitatis, quam, ut praefertur, elegerint, quicumque ex utroque parente vere nobili et cive originario et antiquissimo procreati, de iure, statuto, consuetudine, vel alias ex aliquo speciali privilegio, seu alias etiam per quascumque litteras seu constitutiones apostolicas pro tempore editas, utuntur, potiuntur, fruuntur et gaudent, ac uti, potiri, frui et gaudere poterunt quomodolibet in futurum, ubique locorum in iudicio et extra, sine tamen eorundem notariorum de numero participantium praeiudicio, uti, frui, potiri et gaudere, libere et licite valeant, realiter et integre, in omnibus et per omnia, etiamsi in Urbe et civitate huiusmodi non habitaverint, perinde ac si de vere nobili genere ex utroque parente originario et antiquissimo cive procreati forent et huiusmodi praerogativae, privilegia, exemptiones, gratiae, favores, concessionibus, indulta et iura, quae pro aliis nobilibus et civibus originariis emanarunt, et quae ratione nobilitatis et civilitatis naturalis

et originariae aliis competunt, pro eisdem dapiferis in specie emanassent seu emanarent, et eis naturaliter de iure, statuto, consuetudine, fundatione, vel aliàs competere, earumdem tenore praesentium indulgemus.

Eximuntur a solutione decimarum.

§ 4. Ac singulos dapiferos praedictos a solutione et exactione decimarum ecclesiasticarum ubique locorum et ex quacumque quantumvis urgentissimâ et inexcogitabili causâ et occasione, et ad instantiam imperatoris, regum et rerumpublicarum, etiam Venetiarum, et quorumcumque aliorum principum, impositarum et imponendarum pro tempore liberamus et eximimus, liberosque et exemptos fore et esse decernimus.

Et condonantur fructus ecclesiastici male percepti.

§ 5. Ipsisque dapiferis singulis quocumque fructus, redditus et proventus ecclesiasticos, tam occasione pensionum annuarum, ipsis vel eorum alicui reservatarum, quam ratione omissionis recitationis horarum canonicarum indebite perceptos, cuiuscumque quantitatis fuerint, gratiose remittimus et condonamus.

Et a quacumque inhabilitate ad sacros ordines suscipiendos dispensantur.

§ 6. Ac cum eis super inhabilitate per eos propterea quomodolibet contractâ, vel etiam ex eo, quod censuris huiusmodi ligati missas et alia divina officia, dummodo tamen non in contemptum clavium, celebraverint, aut aliàs divinis se immiscuerint, ut, illâ et eisdem praemissis non obstantibus, ad omnes etiam sacros et presbyteratus ordines aliàs rite promoveri, et in illis, ac in susceptis per eos aliàs rite ordinibus, etiam in altaris ministerio ministrare etiam libere et licite valeant, dispensamus.

Necnon super illegitimitate, alioque natalium defectu.

§ 7. Ac eosdem dapiferos, si qui eorum defectum natalium¹, ex quocumque damnato et illicito coitu, etiamsi ex nobilissimis parentibus et vilibus feminis forsitan procreati sint, etiamsi legitimati aliàs existant, legitimamus, omnemque ab

illis geniturae huiusmodi maculam sive notam abstergimus et abolemus, ac natalibus restituimus.

§ 8. Ac cum eorum singulis, ut in quibuscumque bonis paternis et maternis, et aliorum consanguineorum seu cognatorum, vel aliorum quorumcumque, non tamen feudalibus et emphyteuticis, aut ecclesiasticis vel ab ecclesiâ acquisitis, ac sine praeiudicio venientium ab intestato, vel ex fideicommisso, seu aliàs de iure validâ dispositione succedere et illa donationis, vel alio quovis titulo consequi et habere, ac ad aequales portiones cum legitimis succedere (eos ad omnia iura legitima, successiones ex testamento, vel ab intestato, haereditatis legata, liberos¹ restituendo et reintegrando realiter et cum effectum),

Ad successionem bonorum habiles redduntur;

§ 9. Necnon ad dignitates, honores et quaecumque alia officia secularia, publica vel privata etiam assumi, illaque gerere et exercere, in omnibus et per omnia, ac si de legitimo matrimonio procreati forent, ac eodem defectu non obstante, si aliud canonicum eis non obsistat impedimentum, ac clericali caractere, qui illo nondum insigniti sunt, insigniri, ac ad omnes etiam sacros et presbyteratus ordines, si nondum ad illos promoti sunt, promoveri, ac postmodum caractere et ordinibus huiusmodi, illorumque privilegiis uti, ac in eisdem ordinibus etiam in altaris ministerio ministrare, ac quaecumque et qualiacumque cum curâ et sine curâ beneficia ecclesiastica (etiamsi personatus, administrationes et officia, etiam curata et electiva, in cathedralibus, etiam metropolitanis, vel collegiatis ecclesiis, seu parochiales ecclesiae, vel earum perpetuae vicariae, ac canonicatus et praebendae, non tamen in cathedralibus, ac dignitates, non tamen in eisdem cathedralibus post pontificalem maiores,

Et ad quaecumque etiam beneficia ecclesiastica obtinenda.

¹ Deest verbum *contraxerint*, aut simile (R. T.).

¹ Edit. Cherub. legit *libertates* (R. T.).

nec principales in collegiatis ecclesiis huiusmodi fuerint), si sibi aliàs canonice conferantur, aut ipsi eligantur, praesententur, vel aliàs assumantur ad illa, et instituantur in eisdem, recipere, et, dummodo plura simul non sint, quam quae a Concilio Tridentino permittuntur, retinere libere et licite valeant, similiter dispensamus.

Quaecumque litterae apostolicae pro eis gratis expediendae.

§ 10. Quodque omnes et quaecumque gratiae, provisiones, commendae, ac praesentes et quaevis aliae litterae apostolicae, ac etiam in formâ Brevis, pro illis expediendae, gratis ubique expediantur, tam de capiendâ possessione nomine camerae apostolicae, quam in favorem litterarum apostolicarum, ubi illis super provisionibus quorumcumque beneficiorum ecclesiasticorum dari poterunt, prout nostris familiaribus continuis commensalibus etiam gratis dentur et concedantur, ac dari et concedi debeant, praecipimus et mandamus.

Habitatio ad pensiones obtinendas, atque etiam resignandas.

§ 11. Ac dapiferis praedictis, et eorum singulis, ut quicumque loci Ordinarii, vel canonici metropolitanarum, seu aliarum ecclesiarum, aut personae quaecumque ecclesiasticae, tam in Romanâ curiâ quam extra eam, ad id per eos et eorum singulos eligendi, seu eligendae, quascumque pensiones annuas eis et eorum singulis super quibuscumque fructibus, redditibus et proventibus quorumcumque beneficiorum ecclesiasticorum cum curâ et sine curâ, secularium aut quorumvis Ordinum regularium, seu fructus, redditus et proventus huiusmodi beneficiorum, reservatas seu reservatos, ac reservandas seu reservandos, etiamsi aliàs, semel, vel pluries translatae, seu translati fuerint, usque ad summam centum ducatorum similium in toto vel in parte, ac etiam mortis articulo, cassare et extinguere, ac, postquam cassatae fuerint, alias similes pensiones annuas, seu fructus, redditus, et proventus huiusmodi usque ad summam praedictam

uni vel pluribus aliis personis ecclesiasticis per eosdem dapiferos et eorum singulos nominandis, et quaecumque, quocumque et qualiacumque beneficia ecclesiastica obtinentibus et expectantibus, similiter eis quoad vixerint, vel eorum procuratoribus legitimis, eisdem modo et formâ, quibus eisdem dapiferis reservatae seu reservati fuerint, etiam absque beneficiis praedicta obtinentium consensu, integre persolvendas seu persolvendos, et per eos percipiendas, exigendas et levandas, seu percipiendos, exigendos et levandos, reservare, constituere, concedere et assignare valeant, atque in possessione dictas pensiones exigendi, in qua ipsi dapiferi tempore translationis per eos praesentium vigore faciendae existebant, in omnibus et per omnia subrogati esse censeantur, etiam concedimus et indulgemus.

§ 12. Et si similem gratiam a praedecessoribus nostris aliàs forsitan obtinuerint, seu quilibet eorum obtinuerit, illius effectu cumulative eos gaudere, et potiri volumus. Decernentes, ipsas translationes et novas reservationes, constitutiones et assignationes pensionum, seu fructuum, reddituum et proventuum huiusmodi, plenam roboris firmitatem obtinere, ipsosque beneficia, super quorum fructibus, redditibus et proventibus reservatae fuerint, obtinentes, ad illas persolvendas efficaciter obligatos fore.

Etiam si similem gratiam alias obtinuerint.

§ 13. Ac eisdem dapiferis, quod ratione quarumcumque pensionum¹ eis et eorum cuilibet super quibuscumque beneficiis ecclesiasticis, ut praefertur vel aliàs quomodolibet qualificatis (non tamen ultra summam ducentorum ducatorum parium pro quolibet), nunc et pro tempore reservatarum seu reservatorum, ac reservandarum et reservandorum, habitum et tonsuram clericales gestare, et in illis

In habitu et tonsura non intendant, ac sint coniugati.

¹ Hic aliud substantivum, ex g. seu fructuum, deesse cernitur ex seqq. (n. t.).

(dummodo alias ipsi habitum decentem et honestum deferant) incedere minime debeant, nec ad id a quoquam cogi seu compelli, minusque per¹ aliquas sententias aut censuras, ac etiam privationis seu cessationis ipsarum, ac² pensiones ad praedictam summam ducentorum ducatorum ascendentes et reservatas; ut praefertur, etiamsi matrimonium contraxerint, cum unica tamen et virgine, recipere et retinere³.

¹ Eorum bona a quocumque onere, atque etiam spolio liberantur.

§ 14. Postremo, quod bona quaecumque ad dictos dapiferos et eorum quemlibet spectantia, et per eos, etiam ratione quorumcumque beneficiorum ecclesiasticorum, etiam canonicatum et praebendarum ac dignitatum, etiam maiorum et principalium, etiam speciali notâ et expressione dignarum quarumcumque, per eos alias obtentorum et obtinendorum, aut alias quomodolibet, et quovis quaesito colore, vel ingenio, seu eorum industriâ, licitâ tamen, et licite acquisita et acquirenda, etiam in Urbe, eiusque districtu, ac ubicumque existentia, spoliis minime subiaceant; sed ipsi dapiferi, etiamsi religioni, aut alicui militiae, etiam S. Ioannis Hierosolymitani, adscripti fuerint, de illis in favorem quarumcumque personarum, de iure tamen capacium, etiamsi curiales esse desierint, et in quocumque loco, quantumvis remoto, eos decedere contigerit, testari, et alias disponere, iisque ab intestato decedentibus eorum haeredes quicumque succedere libere et licite valeant, simili modo concedimus et indulgemus.

§ 15. Praecipientes et mandantes dilectis filiis nunc et pro tempore existentibus S. Romanae Ecclesiae camerario, thesau-

¹ Praepositionem per nos addimus, nam syntaxis defectiva est (R. T.).

² Coniunctionem ac nos addimus (R. T.).

³ Subintellige valeant ... indulgemus, sicut postea sequitur in fine § 14 (R. T.).

rario, praesidentibus clericis camerae nostrae apostolicae, et quibuscumque aliis spoliis huiusmodi collectoribus et subcollectoribus, ac militiarum praedictarum officialibus, aut procuratoribus, ne in huiusmodi bonis manus apponant, neque haeredes praedictorum dapiferorum desuper molestare audeant, seu praesumant: ac etiam decernentes, donationes etiam per viam testamenti, codicillorum, per ipsos dapiferos de eorum bonis huiusmodi, servatis de iure servandis, faciendas, semper et perpetuo validas et efficaces fore;

§ 16. Nec eosdem dapiferos, eorumque aliquem ad praesentes litteras in dictâ camerâ insinuandum, aut admitti et registrari petendum, teneri; nec illas, etiamsi intra tempus legitimum insinuatae, admittae, seu registratae non fuerint, propterea minus validas censi, sed suos plenarios effectus sortiri debere;

Dapiferi non tenentur hasce litteras in camerâ praesentare.

§ 17. Easdemque praesentes, et in eis contenta quaecumque, sub quibusvis revocationibus, limitationibus, modificationibus, decretis et constitutionibus apostolicis similium gratiarum revocatoriis, vel quae eas limitarent, vel moderarentur, quae a nobis et dictâ Sede pro tempore, et ex quibusvis causis, etiam urgentissimis, etiam in favorem fidei, et divini cultus augmentum, etiam consistorialiter, vel alias quavis auctoritate, hactenus, vel imposterum emanaverint, minime comprehendere, sed quoties illae emanabunt, toties in pristinum statum repositas et reintegratas esse et censi;

Quae numquam revocatae censi possunt.

§ 18. Sicque per quoscumque iudices, et commissarios, quavis auctoritate fungentes, in quavis causâ et instantiâ, sublatâ eis, et eorum cuilibet quavis aliter iudicandi et interpretandi facultate et auctoritate, ubique iudicari et definiri debere; irritum quoque et inane, si secus super his a quoquam, quavis auctoritate, scienter vel ignoranter, contigerit attentari.

Clausulas.

Mandatum
de praesenti-
bus gratis regi-
strandis, etc.

§ 19. Et insuper dilectis filiis rescribendario, et computario collegii scriptorum litterarum apostolicarum, et aliis ad quos spectat, in virtute sanctae obedientiae, et sub poenâ indignationis nostrae, motu, scientiâ, et potestatis plenitudine similibus mandamus, ut easdem praesentes et forsan alias litteras apostolicas super praemissis omnibus et singulis, tam coniunctim quam divisim, ac pro singulis quibuscumque prorogationibus, decretis et clausulis in eis contentis, gratis de mandato nostro ubique, in omnibus officiis, et abbreviatorum, sollicitatorum, secretariorum, plumbique et registri absque aliquâ pecuniarum exactione, etiam per viam compositionis faciendâ, omni contradictione et dilatione cessantibus, signent et expediant et expediri faciant.

Contrarium
derogatio.

§ 20. Non obstantibus praemissis, ac de certo eorundem notariorum numero, etiamsi ad illum nondum sit devenum, cui per praesentes aliâs non intendimus derogare, ac regulâ nostrâ de praestando consensu in pensionibus, felicis recordationis Pii Papae IV praedecessoris nostri de similibus vel dissimilibus gratis in camerâ apostolicâ infra tres menses praesentandis et¹ registrandis, ac recolendae memoriae Pii Papae V etiam praedecessoris nostri contra illegitimos, ac Pictaviensis concilii, et aliis apostolicis, ac etiam in universalibus, provincialibusque conciliis editis² specialibus vel generalibus constitutionibus et ordinationibus apostolicis, ac monasteriorum, ecclesiarum, ordinum, etiam S. Ioannis Hierosolymitani, ac etiam urbis Romae, et aliarum civitatum, oppidorum et terrarum, aut camerae praedictae, et quarumvis universitatum (etiam iuramento, confirmatione apostolicâ, vel quavis firmitate aliâ roboratis) statutis, stabilimentis, usibus et naturis,

¹ Coniunctionem et nos addimus (R. T.).

² Vocem editis nos addimus (R. T.).

decretis, ac etiam novis reformationibus, et etiam legibus, tam pontificiis, quam imperialibus, regiis et ducalibus, etiam sacris canonibus, privilegiis quoque, indultis et litteris apostolicis, superioribus et personis ac locis quibuscumque in genere vel in specie, sub quibuscumque tenoribus et formis, ac cum quibusvis derogatoriis derogatoriis, aliisque efficacioribus, efficacissimis et insolitis clausulis, irritantibusque et aliis decretis, etiam vim statuti perpetui continentibus, etiam motu, scientiâ et potestatis plenitudine similibus, ac etiam consistorialiter, et aliâs in contrarium forsan quomodolibet concessis, approbatis, et innovatis; inter aliâs disponentibus, quod beneficia Urbis nonnisi personis, certis modo et formâ qualificatis, et oriundis ex certis locis, ac trium ordinum militarium, et expressè professis, conferri et commendari soleant; quibus omnibus, etiamsi aliâs pro illorum sufficienti derogatione de illis, eorumque totis tenoribus specialis, specifica, expressa et individua, ac de verbo ad verbum, non autem per clausulas generales idem importantes, mentio seu quaevis alia expressio habenda aut aliqua alia exquisita forma ad hoc servanda foret, eorum tenores, ac si de verbo ad verbum, nihil penitus omissio, et formâ in illis traditâ observatâ, inserti forent, praesentibus pro plene et sufficienter expressis habentes, illis aliâs in suo robore permansuris, hac vice dumtaxat, specialiter et expresse harum serie derogamus, contrariis quibuscumque; aut si quibusvis communiter vel divisim ab eâdem sit Sede indultum, quod interdicti, suspendi vel excommunicari non possint per litteras apostolicas non facientes plenam et expressam, ac de verbo ad verbum de indulto huiusmodi mentionem.

§ 21. Volumus autem, quod earundem praesentium transumptis, etiam impressis, ac sigillo et manu alicuius personae in

Transumptis
danda fides.

dignitate ecclesiastica constitutae munitis et subscriptis, eadem fides tam in iudicio quam extra illud adhibeatur, quae originalibus litteris adhiberetur, si forent exhibitae vel ostensae.

Nomina autem singulorum dapiferorum, qui nobis, et eisdem cardinalibus, in conclavi existentibus inservierunt, sunt haec, etc.¹

Clausulae.

§ 22. Nulli ergo omnino hominum liceat hanc paginam nostrae absolutionis, receptionis, creationis, constitutionis, assignationis, aggregationis, liberationis, exemptionis, remissionis, condonationis, legitimationis, abstensionis, dispensationum, decretorum, concessionum, praeceptorum, mandatorum, indultorum, derogationis et voluntatum infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei ac beati Petri et Pauli apostolorum eius se noverit incursum.

Datum Romae, apud S. Petrum, anno Incarnationis Dominicae MDCXXIII, x kalendas ianuarii, pontificatus nostri anno I.

Dat. die 23 decembris 1623, pontif. an. I.

XX.

Erectio commendae Bononiensis hospitalis S. Ioannis Hierosolymitani in baiulivatum prioratum nuncupandum¹.

Urbanus Papa VIII,
ad perpetuam rei memoriam.

Prooemium e
dignitate huius
modi militiae pe-
titum.

Militantis Ecclesiae regimini inscrutabili divinae sapientiae providentiâ, nullo licet meritorum suffragio, praesidentes, et attentâ mentis acie considerantes, hospitalis S. Ioannis Hierosolymitani in primordiis nascentis Ecclesiae in civitate sanctâ

Hierusalem institutum, et deinde ob rerum vicissitudinem varia in loca, postremo autem in insulam Melitae, B. Pauli apostoli multis celebratam miraculis, translatum, firmissimum, tutissimumque reipublicae christianae adversus immanissimi turcarum tyranni invasiones propugnaculum existere, eiusdemque hospitalis fratres milites tamquam veros Christi athletas, nullis laboribus, nullisve corporum periculis parcendo, pro fidei catholicae adversus christiani nominis hostes defensione et propagatione iugiter laborare, dignum, quin potius debitum reputamus, ut Sedes Apostolica novas quandoque dignitates pro ipsis fratribus militibus ad maiorem ipsius hospitalis decorem erigat et instituat, quo fratres milites praedicti, maioribus semper Sedis praedictae beneficiis devincti, in tam laudabili eorum vocatione et instituto constantius perseverent.

§ 1. Cum itaque, sicut accepimus, praeceptorum seu commendae de Bononia prioratus Venetiarum hospitalis S. Ioannis Hierosolymitani per obitum quondam Alphonsi de Este, illius, dum viveret, ultimi possessoris, extra Romanam curiam defuncti, vel aliâs certo alio modo vacaverit et vacet ad praesens; nos praeceptoriam seu commendam huiusmodi in civitate nostrâ Bononiensi (quae studiorum mater, et quasi altera Roma dicitur) existentem, ac sufficientibus ad sustinendam baiulivi dignitatem, omniaque baiulivatu incumbantia onera commode supportanda redditibus dotatam¹, dignioris nominis titulo decorare volentes, ac sperantes fore, ut eiusdem hospitalis et Linguae Italiae fratres, spe consequendae dignitatis huiusmodi allecti, maiora eidem hospitali obsequia praestare conentur, motu proprio et ex certâ scientiâ ac maturâ deliberatione nostris, deque apostolicae potestatis

Commenda
Bononiensis.

¹ Nomina omissa fuerunt in edit. Main. (R. T.).

² Ex Regest. in Secret. Brev.

¹ Erronee edit. Main. legit *dotata* (R. T.).

A prioratu
Venetiarum di-
viditur, eximi-
turque.

plenitudine, praeceptoriam seu commendam praedictam a dicto prioratu Venetiarum, ac quacumque illius prioris iurisdictione et superioritate, tenore praesentium, perpetuo separamus, dismembramus, eximimus et liberamus, separatamque, dismembratam ac exemptam et liberam esse et fore decernimus.

Et in prioratu
tam erigitur.

§ 2. Necnon eandem praeceptoriam seu commendam in baiulivatum perpetuum prioratum nuncupandum eiusdem hospitalis, ac nationis et Linguae Italiae, cuius dispositio, excepta hac prima vice, ad Linguam et nationem italicam huiusmodi perpetuo pertineat¹, ad instar aliorum dicti hospitalis baiulivatum, pro uno eiusdem hospitalis fratre milite magnae crucis futuro illius baiulivo priore nuncupando, nationis et Linguae huiusmodi, qui ad eundem baiulivatum, illius vacatione (hac prima vice, ut praefertur, excepta) eveniente, servata forma statutorum hospitalis et in reliquis Linguae huiusmodi apostolica auctoritate confirmatorum assumi debeat, omniaque ipsius hospitalis fratribus militibus ac baiulivis incumbentia onera subire teneatur, atque omnibus et singulis privilegiis, libertatibus, immunitatibus, exemptionibus, praerogativis, antelationibus, favoribus, honoribus et insigniis, necnon voto activo et passivo, sessione, stallo et praeceminentiis in quibuscumque ipsius hospitalis tribunalibus, necnon capitularibus, ac generalibus, particularibusque, et provincialibus conventibus, capitulis, consiliis, tam ordinariis quam completis, assembleis, scardiis, aliisque quibuscumque actibus, tam publicis quam privatis, ac demum omnibus et singulis aliis gratiis, tam spiritualibus quam temporalibus, quibus alii hospitalis et Linguae huiusmodi fratres milites baiulivi priores nuncupati de iure, usu,

Cum omnibus
privilegiis et
praerogativis.

consuetudine, vel privilegio, aut aliis quomodolibet utuntur, potiuntur et gaudent, ac uti, potiri et gaudere possunt et poterunt quomodolibet in futurum, etiam quoad antianitatem, et consequutionem aliorum baiulivatum, prioratum, praeceptoriarum, commendarum, ac aliorum quorumcumque hospitalis huiusmodi beneficiorum, officiorum ac dignitatum, non solum ad eorum instar, sed etiam pariformiter, et aequae principaliter, in omnibus et per omnia, absque ulla prorsus differentia, perinde ac si baiulivatus per praesentes erectus et institutus huiusmodi a primaeva eiusdem hospitalis institutione erectus et institutus fuisset, uti, potiri et gaudere libere et licite valeat, tenore praesentium, perpetuo, sine tamen alicuius praeiudicio, erigimus et instituimus.

§ 3. Illique sic erecto et instituto, pro eius ecclesia, ecclesiam dictae praeceptoriae seu commendae, necnon omnia et singula proprietates, res et bona quaecumque dictae praeceptoriae seu commendae de Bononia in quibusvis rebus consistentia, et undecumque provenientia, cuiuscumque qualitalis et speciei existentia, cum omnibus iuribus et pertinentiis suis universis, apostolica auctoritate, eandem tenore praesentium, etiam perpetuo concedimus, applicamus et appropiamus: ita quod liceat baiulivatum per praesentes erectum pro tempore obtinenti, per se, vel alium, seu alios, eius ac dicti baiulivatus nomine, illorum omnium veram, realem, corporalem et actualem possessionem, iuxta statuta seu stabilimenta praedicta, propria auctoritate apprehendere, et apprehensam perpetuo retinere, fructus quoque, redditus, proventus, iura, obventiones et emolumenta ex eis provenientia percipere, exigere et levare, ac in suos, necnon baiulivatus huiusmodi, adimpletis et supportatis prius exinde solitis et consuetis oneribus, iuxta formam sta-

Ecclesia, bona
naque commenda
eodem ordine assi-
gnantur.

¹ Verbum *pertineat* deesse censuimus (R. T.).

dignitate ecclesiastica constitutae munitis et subscriptis, eadem fides tam in iudicio quam extra illud adhibeatur, quae originalibus litteris adhiberetur, si forent exhibitae vel ostensae.

Nomina autem singulorum dapiferorum, qui nobis, et eisdem cardinalibus, in conclavi existentibus inservierunt, sunt haec, etc.¹

Clausulae.

§ 22. Nulli ergo omnino hominum liceat hanc paginam nostrae absolutionis, receptionis, creationis, constitutionis, assignationis, aggregationis, liberationis, exemptionis, remissionis, condonationis, legitimationis, abstensionis, dispensationum, decretorum, concessionum, praeceptorum, mandatorum, indultorum, derogationis et voluntatum infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei ac beati Petri et Pauli apostolorum eius se noverit incursum.

Datum Romae, apud S. Petrum, anno Incarnationis Dominicae MDCXXIII, x kalendas ianuarii, pontificatus nostri anno I.

Dat. die 23 decembris 1623, pontif. an. I.

XX.

Erectio commendae Bononiensis hospitalis S. Ioannis Hierosolymitani in baiulivatum prioratum nuncupandum¹.

**Urbanus Papa VIII,
ad perpetuam rei memoriam.**

Prooemium e
dignitate huius
modi militiae pe-
titum.

Militantis Ecclesiae regimini inscrutabili divinae sapientiae providentiâ, nullo licet meritorum suffragio, praesidentes, et attentâ mentis acie considerantes, hospitale S. Ioannis Hierosolymitani in primordiis nascentis Ecclesiae in civitate sanctâ

¹ Nomina omissa fuerunt in edit. Main. (R. T.).

² Ex Regest. in Secret. Brev.

Hierusalem institutum, et deinde ob rerum vicissitudinem varia in loca, postremo autem in insulam Melitae, B. Pauli apostoli multis celebratam miraculis, translatum, firmissimum, tutissimumque reipublicae christianae adversus immanissimi turcarum tyranni invasiones propugnaculum existere, eiusdemque hospitalis fratres milites tamquam veros Christi athletas, nullis laboribus, nullisve corporum periculis parcendo, pro fidei catholicae adversus christiani nominis hostes defensione et propagatione iugiter laborare, dignum, quin potius debitum reputamus, ut Sedes Apostolica novas quandoque dignitates pro ipsis fratribus militibus ad maiorem ipsius hospitalis decorem erigat et instituat, quo fratres milites praedicti, maioribus semper Sedis praedictae beneficiis devincti, in tam laudabili eorum vocatione et instituto constantius perseverent.

§ 1. Cum itaque, sicut accepimus, praeceptorum seu commendae de Bononia prioratus Venetiarum hospitalis S. Ioannis Hierosolymitani per obitum quondam Alphonsi de Este, illius, dum viveret, ultimi possessoris, extra Romanam curiam defuncti, vel aliâs certo alio modo vacaverit et vacet ad praesens; nos praeceptoriam seu commendam huiusmodi in civitate nostrâ Bononiensi (quae studiorum mater, et quasi altera Roma dicitur) existentem, ac sufficientibus ad sustinendam baiulivi dignitatem, omniaque baiulivatu incumbencia onera commode supportanda redditibus dotatam¹, dignioris nominis titulo decorare volentes, ac sperantes fore, ut eiusdem hospitalis et Linguae Italiae fratres, spe consequendae dignitatis huiusmodi allecti, maiora eidem hospitali obsequia praestare conentur, motu proprio et ex certâ scientiâ ac maturâ deliberatione nostris, deque apostolicae potestatis

Commenda
Bononiensis.

¹ Erronee edit. Main. legit *dotata* (R. T.).

A prioratu
Venetiarum di-
viditur, eximi-
turque.

plenitudine, praeceptoriam seu commendam praedictam a dicto prioratu Venetiarum, ac quacumque illius prioris iurisdictione et superioritate, tenore praesentium, perpetuo separamus, dismembramus, eximimus et liberamus, separatamque, dismembratam ac exemptam et liberam esse et fore decernimus.

Et in prioratu
tam erigitur.

§ 2. Necnon eandem praeceptoriam seu commendam in baiulivatum perpetuum prioratum nuncupandum eiusdem hospitalis, ac nationis et Linguae Italiae, cuius dispositio, excepta hac prima vice, ad Linguam et nationem italicam huiusmodi perpetuo pertineat¹, ad instar aliorum dicti hospitalis baiulivatum, pro uno eiusdem hospitalis fratre milite magnae crucis futuro illius baiulivo priore nuncupando, nationis et Linguae huiusmodi, qui ad eundem baiulivatum, illius vacatione (hac prima vice, ut praefertur, excepta) eveniente, servata forma statutorum hospitalis et in reliquis Linguae huiusmodi apostolica auctoritate confirmatorum assumi debeat, omniaque ipsius hospitalis fratribus militibus ac baiulivis incumbentia onera subire teneatur, atque omnibus et singulis privilegiis, libertatibus, immunitatibus, exemptionibus, praerogativis, antelationibus, favoribus, honoribus et insigniis, necnon voto activo et passivo, sessione, stallo et praeceminentiis in quibuscumque ipsius hospitalis tribunalibus, necnon capitularibus, ac generalibus, particularibusque, et provincialibus conventibus, capitulis, consiliis, tam ordinariis quam completis, assemblaeis, scardiis, aliisque quibuscumque actibus, tam publicis quam privatis, ac demum omnibus et singulis aliis gratiis, tam spiritualibus quam temporalibus, quibus alii hospitalis et Linguae huiusmodi fratres milites baiulivi priores nuncupati de iure, usu,

Cum omnibus
privilegiis et
praerogativis.

consuetudine, vel privilegio, aut aliis quomodolibet utuntur, potiuntur et gaudent, ac uti, potiri et gaudere possunt et poterunt quomodolibet in futurum, etiam quoad antianitatem, et consequutionem aliorum baiulivatum, prioratum, praeceptoriarum, commendarum, ac aliorum quorumcumque hospitalis huiusmodi beneficiorum, officiorum ac dignitatum, non solum ad eorum instar, sed etiam pariformiter, et aequae principaliter, in omnibus et per omnia, absque ulla prorsus differentia, perinde ac si baiulivatus per praesentes erectus et institutus huiusmodi a primaeva eiusdem hospitalis institutione erectus et institutus fuisset, uti, potiri et gaudere libere et licite valeat, tenore praesentium, perpetuo, sine tamen alicuius praeiudicio, erigimus et instituimus.

§ 3. Illique sic erecto et instituto, pro eius ecclesia, ecclesiam dictae praeceptoriae seu commendae, necnon omnia et singula proprietates, res et bona quaecumque dictae praeceptoriae seu commendae de Bononia in quibusvis rebus consistentia, et undecumque provenientia, cuiuscumque qualitalis et speciei existentia, cum omnibus iuribus et pertinentiis suis universis, apostolica auctoritate, eandem tenore praesentium, etiam perpetuo concedimus, applicamus et appropiamus: ita quod liceat baiulivatum per praesentes erectum pro tempore obtinenti, per se, vel alium, seu alios, eius ac dicti baiulivatus nomine, illorum omnium veram, realem, corporalem et actualem possessionem, iuxta statuta seu stabilimenta praedicta, propria auctoritate apprehendere, et apprehensam perpetuo retinere, fructus quoque, redditus, proventus, iura, obventiones et emolumenta ex eis provenientia percipere, exigere et levare, ac in suos, necnon baiulivatus huiusmodi, adimpletis et supportatis prius exinde solitis et consuetis oneribus, iuxta formam sta-

Ecclesia, bona
naque commenda
eodem ordine assi-
gnantur.

¹ Verbum *pertineat* deesse censuimus (R. T.).

tutorum seu stabilimentorum praedictorum, usus et utilitatem convertere, magni magisteri hospitalis huiusmodi, ac prioris Venetiarum, seu alterius prioratus, a quo praeceptorum seu commenda huiusmodi forsitan dependet, ac Dioecessani loci, vel cuiusvis alterius licentia desuper minime requisita.

Clauulae pro
harum litterarum
finitate.

§ 4. Decernentes, praesentes litteras, et in eis contenta quaecumque, sub praetextu, quod magnus magister, seu prior Venetiarum huiusmodi, sive quicumque alii, in praemissis forsitan interesse habentes, seu quomodolibet habere praetendentes, vocati non fuerint, seu ex quibusvis aliis praetextis et causis, quantumvis iustissimis, nullo unquam tempore de subreptionis vel obreptionis, seu nullitatis vitio, aut intentionis nostrae, vel quopiam alio defectu, ex quodvis capite vel causa notari, impugnari, seu in ius vel controversiam vocari, aut contra eas quomodolibet opponi posse, sed semper et perpetuo ac omni tempore validas et efficaces existere, nec sub ullis omnino similium vel dissimilium erectionum, vel aliarum gratiarum reformationibus, limitationibus, suspensionibus et aliis contrariis dispositionibus comprehendendi, sed semper ab illis exceptas, et quoties illae emanabunt, toties in pristinum, et eum, in quo erant, statum restitutas, repositas et plenarie reintegratas, ac de novo etiam sub anteriori¹ data per eos, quorum intererit, quandocumque eligenda concessas, validasque et efficaces fore, suosque plenarios et integros effectus sortiri, ac perpetuo suffragari; sicque, et non aliter, per quoscumque iudices ordinarios et delegatos quavis auctoritate fungentes, etiam causarum palatii apostolici auditores, ac S. R. E. cardinales (sublata eis et eorum cuilibet quavis aliter iudicandi et interpretandi facultate et auctoritate), iudicari et definiri debere, ac

¹ Forsan legendum posteriori (R. T.).

irritum et inane, si secus super his a quocumque, quavis auctoritate, scienter vel ignoranter, contigerit attentari.

§ 5. Quocirca dilecto filio nostro Roberto tituli S. Alexii presbytero cardinali Ubaldino nuncupato; moderno, et pro tempore existenti nostro et Sedis Apostolicae in dicta civitate Bononiensi legato, ac vicelegatis, necnon causarum curiae camerae apostolicae generali auditori, per apostolica scripta mandamus, quatenus ipsi, vel duo, aut unus eorum, per se, vel alium, seu alios, easdem praesentes litteras, et in eis contenta quaecumque, ubi et quando opus fuerit, ac quoties pro parte existentis baiulivi, prioris nuncupandi, baiulivatus per praesentes erecti huiusmodi fuerint requisiti, solemniter publicare¹, eique in praemissis efficacis defensionis praesidio assistentes, faciant auctoritate nostra easdem praesentes litteras et in eis contenta quaecumque ab omnibus, ad quos spectat et pro tempore spectabit, inviolabiliter observari. Non permittentes ipsos vel quempiam ex eis per magnum magistrum, seu consilium, hospitale, seu priorem Venetiarum huiusmodi, vel quoscumque alios, desuper quomodolibet indebite molestari, perturbari vel inquietari aut impediri; contradictores quoslibet et rebelles per sententias, censuras et poenas ecclesiasticas, aliaque opportuna iuris et facti remedia, appellatione postposita, compescendo, legitimisque super his habendis servatis processibus, sententias, censuras et poenas ipsas etiam iteratis vicibus aggravando², invocato etiam ad hoc, si opus fuerit, auxilio brachii secularis.

§ 6. Non obstantibus praemissis, ac nostra de iure quesito non tollendo, necnon quibusvis aliis apostolicis, ac in universalibus, provincialibusque et synodalibus

Earundem
exequutores designantur.

Contraria
quaeque tolluntur.

¹ Videretur de more legendum publicantes (R. T.).

² Erronee edit. Main, legit aggravandi (R. T.).

conciliis editis specialibus vel generalibus constitutionibus et ordinationibus, necnon hospitalis huiusmodi (iuramento, confirmatione apostolicâ, vel quavis firmitate aliâ roboratis) statutis et consuetudinibus, ac stabilimentis, ordinationibus capitularibus, antianitatibus, usibus et naturis, privilegiis quoque, indultis et litteris apostolicis, illis, ac magistro et conventui, necnon priori Venetiarum, ac fratribus etiam antianis, et aliâs quomodolibet nuncupatis hospitalis huiusmodi, tam per felicis recordationis Ioannem XXII, Martinum V, Eugenium IV, Sixtum IV, Pium II, Paulum similiter II, Leonem X, Clementem VII, Paulum III, Pium etiam IV, Pium similiter V, Gregorium XIII, Sixtum pariter V et Gregorium XIV, necnon quoscumque alios Romanos Pontifices praedecessores nostros, quam nos et Sedem eandem, sub quibuscumque tenoribus et formis, ac cum quibusvis etiam derogatoriis derogatoriis, aliisque efficacioribus et insolitis clausulis, necnon irritantibus et aliis decretis, etiam per viam legis, aut contractus, vel statuti perpetui, in genere vel in specie, vel aliâs quomodolibet, et motu simili, et ex certâ scientiâ, ac de apostolicae potestatis plenitudine, etiam de fratrum nostrorum S. R. E. cardinalium consilio, necnon ex certis causis tunc expressis, ac etiam consistorialiter propositis, et diligenter examinatis, seu etiam ad quorumvis aliorum principum instantiam, etiam iteratis vicibus, concessis, approbatis et innovatis; etiamsi in eis caveatur expresse, quod non censeatur illis derogatum, nisi derogatio huiusmodi de eorundem cardinalium consilio, et consistorialiter fiat, atque tunc magistri et conventus praedictorum ad id expressus accedat assensus, necnon litterae derogationis huiusmodi certis modo et formâ tunc expressis intimatae et notificatae fuerint. Quibus omnibus et singulis, etiamsi

de illis, eorumque totis tenoribus, specialis, specifica, expressa et individua mentio seu quaevis alia expressio habenda, vel forma ad hoc servanda foret, illis aliâs in suo robore permansuris, hac vice dumtaxat harum serie specialiter et expresse derogamus, contrariis quibuscumque: aut si aliquibus, communiter aut divisim, ab eadem sit Sede indultum, quod interdicti, suspendi vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

Datum Romae, apud S. Petrum, sub annulo Piscatoris, die xxix decembris MDCXXIII, pontificatus nostri anno 1.

Dat. die 29 decembris 1623, pontif. anno 1.

XXI.

Confirmatio litterarum Gregorii XV de privilegiis militiae B. M. Theutonicorum concessis per Sedem Apostolicam¹.

Urbanus Papa VIII,
ad perpetuam rei memoriam.

Decet Romanum Pontificem, in supremo militantis Ecclesiae solio et apostolicae potestatis plenitudine, immensâ Redemptoris nostri benignitate, constitutum, privilegia, gratias et indulta per praedecessores suos militis et hospitalibus quibuscumque ad eiusdem Redemptoris nostri gloriam, eiusque Ecclesiae suae sanctae exaltationem, et catholicae fidei defensionem, nec non pietatis et charitatis opera exercenda pie institutis, illorumque superioribus, militibus, fratribus et aliis personis concessa, ut firma et illibata perpetuo remaneant, apostolicae confirmationis robore confirmare, et aliâs in his providentiae suae partes favorabiliter interponere, prout, rerum et temporum qualitatibus debite

Pro omnibus

¹ Ex regist. in Secret. Brev.

pensatis, conspiciit in Domino salubriter expadire.

Gregorius XV declaravit militibus B. Mariae Theutonicorum ea solum competere privilegia, quae a praedecessoribus Pontificibus militiae S. Ioannis Hierosolymitani concessa sunt.

§ 1. Alias siquidem felicitis recordationis Gregorius Papa XV, praedecessor noster, omnia et singula privilegia, indulta, facultates, exemptiones, immunitates, libertates et gratias tam per se, Sedemque Apostolicam, quam recolendae memoriae Leonem X, Clementem VII, Paulum III, Pium IV, Pium V, Gregorium XIV, Clementem VIII et Paulum V Romanos Pontifices, similiter praedecessores nostros, dilectis filiis magno magistro et conventui hospitalis S. Ioannis Hierosolymitani, illiusque prioribus, baiulivis, praeceptoribus, commendatariis, fratribus, militibus, subditis, vassallis, colonis et presbyteris curam animarum exercentibus concessa et respective confirmata, hospitali domus B. Mariae Theutonicorum, eiusque magistro, prioribus, baiulivis, praeceptoribus, commendatariis, fratribus, militibus, subditis, vassallis, colonis et presbyteris curam animarum exercentibus concessit; decernens hospitale B. Mariae Theutonicorum, illiusque magistrum, priores, baiulivos, praeceptores, commendatarios, fratres, milites, subditos, vassallos, colonos et presbyteros nullis aliis privilegiis, gratiis et indultis, quatenus huiusmodi concessione non comprehenderentur, quovis praetextu et ex quacumque causâ uti, frui et gaudere posse, nec debere, quinimmo illa omnia cessare, ac irrita et nulla, nulliusque reboris et momenti esse et fore, prout in dictis Gregorii praedecessoris in formâ brevis desuper sub die xxiii decembris mdcxxii expeditis litteris¹, quarum tenores praesentibus pro expresso haberi volumus, plenius continetur.

Gregorius litteras confirmat Urbanus.

§ 2. Quare inviolabili dictarum Gregorii praedecessoris litterarum, omniumque et singulorum in eis contentorum, observationi, quantum cum Domino possumus,

¹ Quae in Bullario non leguntur (R. T.).

consulere, necnon magistrum, priorem, baiulivos, praeceptores, commendatarios, fratres, milites, subditos, vassallos, colonos et presbyteros dicti hospitalis B. Mariae Theutonicorum, ob egregiam eorum in nos et Apostolicam Sedem fidem et devotionem, specialibus favoribus et gratiis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas¹ fore censentes, motu proprio et ex certâ scientiâ ac maturâ deliberatione nostris, deque apostolicae potestatis plenitudine, praedictas Gregorii praedecessoris litteras, omniaque et singula in eis contenta, tenore praesentium, perpetuo approbamus et confirmamus, illisque perpetuae et inviolabilis apostolicae firmitatis robur adiicimus.

§ 3. Decernentes praesentes litteras nullo unquam tempore de subreptionis vel obreptionis, aut nullitatis vitio, seu intentionis nostrae, vel quopiam alio defectu, etiam ex eo quod locorum Ordinarii ad hoc vocati non fuerint, notari, impugnari, vel invalidari minime posse, minusque sub quibusvis similium vel dissimilium gratiarum revocationibus, limitationibus, restrictionibus et derogationibus comprehendi posse, sed semper ab illis exceptas, et quoties illae emanabunt, toties in pristinum statum restitutas, repozitas et plenarie reintegratas esse, sicque ab omnibus censi, et ita per quoscunque iudices et commissarios quavis auctoritate fungentes, etiam causarum palatii apostolici auditores ac sanctae Romanae Ecclesiae cardinales, iudicari et definiri debere, ac irritum et inane quidquid se-

Clausula ap-
p. ant.

¹ Edit. Main. legit absolutos (R. T.).

cus super his a quoquam, quavis auctoritate, scienter vel ignoranter, contigerit attentari.

Exequutores
deputat.

§ 4. Quocirca venerabilibus fratribus Maguntinensi et Pragensi archiepiscopis, ac dilecto filio causarum curiae camerae apostolicae generali auditori per praesentes motu simili committimus et mandamus, quatenus ipsi, vel duo, aut unus eorum, per se, vel alium, seu alios, praesentes litteras, et in eis contenta quaecumque, ubi et quando opus fuerit, ac quoties pro parte eorundem magistri et militum, ac fratrum dicti hospitalis B. Mariae Theutonicorum fuerint requisiti, solemniter publicantes, eisque in praemissis efficacis defensionis praesidio assistentes, faciant auctoritate nostrâ eos praesentium litterarum commodo et effectui pacifice frui et gaudere; non permittentes eos per Ordinarios praedictos, ac quoscumque alios, contra praesentium tenorem quomodolibet molestari, perturbari, aut inquietari; contradictores quoslibet et rebelles per sententias, censuras et poenas ecclesiasticas, aliaque opportuna iuris et facti remedia, appellatione postpositâ, compescendo, invocato etiam ad hoc, si opus fuerit, auxilio brachii secularis.

Contraria tollit.

§ 5. Non obstantibus omnibus illis, quae dictus Gregorius praedecessor in suis litteris praedictis voluit non ob stare, caeterisque contrariis quibuscumque: aut si aliquibus communiter vel divisim ab eadem sit Sede indultum, quod interdicti, suspendi vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

Alias pontificis concessiones praeservat.

§ 6. Eorundem autem praedecessorum nostrorum vestigiis inhaerentes, volumus, quod Pii V, xxii septembris, anno vi¹, et Gregorii XIII, sub annulo piscatoris, xxv

novembris, anno ix¹, necnon Gregorii XV, praedecessorum nostrorum, sub datum ix februarii, anno xi², pontificatum suorum, expeditis litteris in suo robore et efficaciam permanentibus, praesentes litterae non comprehendant neque ecclesias, neque personas in his, quae ad curam animarum pertinent, in quibus decreta Concilii Tridentini, ac in praedictis³ Gregorii XV constitutione contenta omnino servari debeant;

Transumptis
danda fides.

§ 7. Ac quod praesentium litterarum transumptis, manu alicuius notarii publici subscriptis, et sigillo personae in dignitate ecclesiasticâ constitutae munitis, in iudicio, et etiam extra illud, ubique locorum plena et indubitata, eademque prorsus fides adhibeatur, quae ipsis praesentibus adhiberetur, si forent exhibitae vel ostensae.

Datum Romae, apud S. Petrum, sub annulo Piscatoris, die ix ianuarii MDCXXIV, pontificatus nostri anno i.

Dat. die 9 ianuarii 1624, pontif. an. i.

XXII.

Definitiones et declarationes super reasumptione calepodiorum, depositione solearum, et delatione capucii rotundi, largiorisque mozzellae, ac protensi mantelli, a fratribus Minoribus Ordinis S. Francisci strictioris Observantiae deferendi.

Urbanus Papa VIII
ad perpetuam rei memoriam.

In supremo apostolatus solio, meritis licet imparibus, divinâ dispositione constituti, circa statum religiosorum Ordinum quorumcumque in Ecclesia Dei militantium prospere dirigendum mentis nostrae aciem assidue intendimus, eaque statuimus et ordinamus, per quae prospero, felicique eorum statui, atque directioni consu-

Exordium

¹ Eas habes in tom. viii, pag. 360 (R. T.).

² Greg. XV hae litterae non sunt in Bull. (R. T.).

³ Erronee edit. Main. legit *praedictis* (R. T.).

¹ Quas vide in tom. vii, pag. 943 (R. T.).

litur, prout conspiciamus, in Domino salubriter expedire.

Prævio examine Congregationis super regularium negotiis.

§ 1. Cum itaque causa inter dilectos filios fratres Ordinis Minorum S. Francisci Cappuccinos nuncupatos ex una, ac fratres eiusdem Ordinis strictioris Observantiae ex altera partibus, de et super reassumptione calepodiorum et distinctione habitus ad praescriptum bullarum per diversos Romanos Pontifices praedecessores nostros emanatarum, diu agitata, ac de mandato nostro in congregatione venerabilium fratrum nostrorum S. R. E. cardinalium negotiis regularium praepositorum iterum proposita, per eosdem cardinales, auditis partibus, visisque scripturis, mature et diligentissime perpensa et examinata fuerit;

Pontifex decernit fratribus Strictioris Observantiae sancti Francisci in Italia calepodia esse reasumenda.

§ 2. Nos, eorumdem religiosorum paci et quieti, felicique ac prosperae directioni, quantum in nobis est, providere volentes, de eorumdem cardinalium consilio, motu proprio et ex certa scientia ac matura deliberatione nostris, deque apostolicae potestatis plenitudine, eisdem fratribus strictioris Observantiae, quatenus calepodia reassumere, soleasque ubique per totam Italiam deponere, nec eas imposterum recipere debeant, sub excommunicationis latae sententiae, ac privationis vocis activae et passivae, necnon, quoad superiores, etiam suspensionis ab officiis ipso facto incurrendis poenis, tenore praesentium iungimus: ac insuper locorum Ordinariis, ut in casu transgressionis regulares strictioris Observantiae praedictos ad id cogant et compellant.

Recollectosque Galliae rotundum capucium et lalliorum mozzettam deferre.

§ 3. Quo vero ad eiusdem Ordinis fratres Recollectos nuncupatos Galliae, qui non deferunt soleas, sed calepodia, cum constet, eos capucium aliquantisper acuminatum deferre, venerabili fratri Bernardino, archiepiscopo Damiatensi, moderno et pro tempore existenti nostro et Apostolicae Sedis in regno Franciae nun-

tio, per praesentes similiter mandamus, ut opportune curet, quod omnino rotundum capucium, mozzettamque largiorem assument.

Supradictos fratres vilioribus pannis et despectu coloris uti posse indulget.

§ 4. Praeterea ad pleniorum, certiorumque provisionem, inhaerendo praesertim litteris felicitis recordationis Clementis VIII et Gregorii XIII Romanorum Pontificum etiam praedecessorum nostrorum, per easdem praesentes pariter mandamus, praedictos fratres Strictioris Observantiae non molestari, quin vilioribus et repetiatis pannis et despecto colore utantur; sed volumus sub eisdem poenis, quod eorum forma habitus quoad capucium rotundum, mozzettam latam et mantellum perpetuo protensum, sit et esse debeat Observantiae fratribus omnino conformis, illumque intra duos menses aptare ac gestare debeant.

§ 5. Atque ita per quoscumque iudices ordinarios et delegatos, etiam causarum palatii apostolici auditores, iudicari et de finiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari, decernimus et declaramus.

Et ita et non aliter iubet posse iudicari.

§ 6. Non obstantibus constitutionibus et ordinationibus apostolicis, ac, quatenus opus sit, dicti Ordinis (et etiam iuramento, confirmatione apostolica, vel quavis firmitate alia roboratis) statutis et consuetudinibus, privilegiis quoque, indultis et litteris apostolicis, eisdem fratribus Strictioris Observantiae, illorumque superioribus, et quibusvis aliis, sub quibuscumque tenore et formis, ac cum quibusvis etiam derogatoriis derogatoriis, aliisque efficacioribus et insolitis clausulis, ac irritantibus et aliis decretis, in genere vel in specie, ac aliis in contrarium praemissorum quomodolibet concessis, confirmatis et innovatis. Quibus omnibus et singulis, eorum omnium tenores praesentibus pro plene et sufficienter expressis et ad verbum insertis habentes, illis aliis in suo robore

Contrariis derogat.

permansuris, hac vice dumtaxat specialiter et expresse derogamus, ceterisque contrariis quibuscumque.

Transumptis-
quo credi man-
dat.

§ 7. Volumus autem, quod praesentium transumptis, etiam impressis, manu alicuius notarii publici subscriptis, et sigillo alicuius personae in dignitate ecclesiastica constitutae munitis, eadem prorsus fides adhibeatur, quae eisdem praesentibus adhiberetur, si forent exhibitae vel ostensae.

Datum Romae, apud S. Petrum, sub annulo Piscatoris, die x ianuarii MDCXXIV, pontificatus nostri anno I.

Dat. die 10 ianuarii 1624, pontif. an. 1^a.

XXIII.

Collectori generali spoliolum camerae apostolicae in regnis Portugalliae committitur, ut archiepiscopo Elborensi et militibus militiarum S. Iacobi et S. Benedicti de Avis terminum viginti dierum praefigat ad arbitros constituendos, qui controversias omnes inter eos vertentes definiant².

Urbanus Papa VIII,
ad futuram rei memoriam.

Prooemium.

Onerosa pastoralis officii cura, nullo licet meritorum suffragio, humilitati nostrae inenarrabili Regis regum et Domini dominantium iudicio commissa postulat, ut non solum omnibus, praesertim ecclesiasticis, regularibusque personis iustitiam aequa lance ministrare curemus, sed quandoque lites et controversias et dissidia inter eas vigentes quiete praecidere studeamus.

Ad dirimen-
das lites inter
partes, de qui-
bus mentio fit
in rubrica.

§ 1. Cum itaque, sicut accepimus, charissimus in Christo filius noster Philippus Portugalliae et Algarbiorum rex catholicus, provide considerans ex litibus seu controversiis, quae inter archiepiscopum Elborensem pro tempore existentem ex

1 Declarationem supradictae Constitutionis require infra sub dat. 31 martii h. an. (n. T.).

2 Ex Regest. in Secret. Brev.

una, ac praeceptores seu commendatarios, fratres, milites, officiales et ministros militiarum S. Iacobi et S. Benedicti de Avis regni Portugalliae, quarum idem Philippus rex perpetuus administrator apostolica auctoritate deputatus existit, ex altera partibus, de et super iurisdictione, sive facultate visitandi et reformandi ecclesias seu personas dictarum militiarum, et quasi omnimodo illarum tam spirituali quam temporali gubernio, ratione privilegiorum et exemptionum eisdem militis concessorum, nonnullorumque decretorum ac declarationum Concilii Tridentini, necnon sententiarum diversis temporibus ad favorem earumdem militiarum emanatarum, possessionumque immemorabilium, coram uno seu diversis iudicibus indecisae pendent, plurima detrimenta non sine notabili ecclesiarum et personarum praedictarum cum spirituali tum temporali dispendio et christifidelium scandalo provenire; ipsum vero archiepiscopum, necnon praeceptores seu commendatarios, fratres, milites, aliasque personas huiusmodi ad litium dubios eventus in iis prosequendis, labores et expensas subiri solitas evitandum, super litibus et controversiis inter eos vigentibus huiusmodi, et quae oriri possunt tempore procedente, ad concordiam et amicabilem compositionem, ipso Philippo rege mediante, facile deventuros esse, si nostra et Sedis Apostolicae facultas desuper suffragetur:

§ 2. Nos, qui in id semper intendimus, ut sublatis litium et controversiarum occasionibus, ecclesiasticae et praesertim divino servitio mancipatae personae, quietam et tranquillam vitam traducentes, in tuenda pace atque unionem christianam ceteris exemplum praebeant, praedictarum causarum et litium status et merita, nominaque et cognomina iudicum et colligantium, ac alia de necessitate exprimenda, praesentibus pro sufficienter expressis habentes,

Pontifex col-
lector spolio-
rum camerae
apostolicae in
regnis Portuga-
lliae committit.
terminum viginti
dierum praefi-
gat ad arbitros
nominandos.

omnesque et quascumque lites et controversias inter archiepiscopum, et priores, milites, commendatarios, conventus, mensas magistrales, aliasque quascumque personas dictarum militiarum coram quibuscumque iudicibus ordinariis et delegatis tam in Romana curia quam extra eam, motas et quantumvis instructas, ac etiam pro tempore movendas, ad nos et Sedem Apostolicam, quatenus opus sit, harum serie in statu et terminis, in quibus reperiuntur, avocantes, motu proprio et ex certa scientia ac mera deliberatione nostris, deque apostolicae potestatis plenitudine, venerabili fratri Antonio episcopo Vigiliensi moderno et pro tempore existenti iurium et spoliolum camerae nostrae apostolicae in Portugalliae et Algarbiorum regnis collectori generali per praesentes committimus et mandamus, ut partibus praedictis terminum viginti dierum ad consentiendum in tres commissarios, qui in dignitate ecclesiastica constituti sint, per eundem Philippum regem nominandos, auctoritate nostra praefiges.

Qui causas omnes definiant.

§ 3. Quo quidem termino elapso, et consensu per dictas partes non praestito, tres huiusmodi commissarios partibus eisdem non suspectos ex eadem auctoritate deputet, qui praedictas et quascumque alias cuiuscumque qualitatis existentes causas, etiam decimarum, iuris patronatus, praesentandi et providendi de quibusvis beneficiis, ecclesiis et cappellis, necnon iurisdictionis, tam spiritualis quam temporalis, bonorumque, reddituum et territoriorum, tam ad mensam archiepiscopalem Elborensem, quam militias et personas huiusmodi spectantium, extraiudicialiter, et omni et quacumque appellatione, reclamazione et recursu remotis, concordare et componere possint et valeant.

Concessis ad nos necessariis facultatibus.

§ 4. Quibus quidem commissariis praedicta et quaecumque alia in praemissis necessaria et opportuna, etiamsi talia forent

quae magis specialem et specificam requirerent mentionem, faciendi, dicendi, gerendi et exequendi plenam et absolutam auctoritatem et facultatem, dicta auctoritate, tenore praesentium, tribuimus et impartimur.

§ 5. Quidquid autem per eosdem iudices in causis huiusmodi tam motis quam movendis, ut praefertur, concordatum, terminatum, stabilitum et compositum fuerit, firmum, validum et efficax esse et fore decernimus, et ad eius inviolabilem observantiam partes ipsas cogi et compelli, neque ullo umquam tempore sub quovis praetextu et causa ab illo resiliere posse praecipimus, partibusque ipsis desuper ex nunc, prout ex tunc, postquam lites et controversiae huiusmodi concordatae fuerint, ut praefertur, perpetuum silentium imponimus.

Quidquid autem decretum fuerit, praesentibus observari.

§ 6. Nec non praesentes litteras, ex quacumque causa, de subreptionis, vel obreptionis, seu nullitatis vitio, aut intentionis nostrae, vel alio quovis defectu notari, impugnari, annullari vel invalidari, aut alias quomodolibet infringi seu retractari, aut in ius vel controversiam revocari, aut adversus illas quodcumque iuris aut facti remedium impetrari nullatenus posse; sicque per quoscumque iudices ordinarios et delegatos, etiam causarum palatii apostolici auditores, ac sanctae Romanae Ecclesiae cardinales, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Clausulas ad praesentium litterarum firmitatem opportunas apponit.

§ 7. Non obstantibus quibuscumque aliis super praemissis commissionibus et litis pendentiis, ac constitutionibus et ordinationibus apostolicis, nec non ecclesiae et militiarum praedictarum (etiam iuramento, confirmatione apostolica, vel quavis firmitate alia roboratis) statutis et consuetudinibus, stabilimentis, usibus et naturis, privilegiis quoque indultis et litteris

Derogat obstantibus.

apostolicis, in contrarium praemissorum quomodolibet concessis, confirmatis et innovatis. Quibus omnibus et singulis, eorum omnium tenores praesentibus pro plene et sufficienter expressis et ad verbum insertis habentes, illis aliàs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Transumptis-
que eodem addit.

§ 8. Volumus autem, et apostolicâ auctoritate decernimus, quod earundem praesentium transumptis, manu alicuius notarii publici subscriptis et sigillo alicuius personae in dignitate ecclesiasticâ constitutae munitis, eadem prorsus fides adhibeatur, quae praesentibus adhiberetur, si forent exhibitae vel ostensae.

Datum Romae, apud S. Petrum, sub annulo Piscatoris, die xv ianuarii mdcxxiv, pontificatus nostri anno I.

Dat. die 15 ianuarii 1624, pontif. an. I.

XXIV.

Mandatum nuncio apostolico apud Helvetios de compellendo ecclesiasticos ad observantiam Constitutionis Pauli Papae II, quae incipit Ambitiosae, de bonis ecclesiarum non alienandis sive locandis¹.

Venerabili fratri Alexandro episcopo Campaniensi nostro et Sedis Apostolicae apud Helvetios nuntio

Urbanus Papa VIII.

Venerabilis frater,
salutem et apostolicam benedictionem.

Causae faciendi mandati.

Ad aures nostras non sine gravi animi nostri molestiâ pervenit, quod nonnulli forsân episcopi et ecclesiarum praesules, sive praelati, nec non personae ecclesiasticae, suae salutis immemores, intra fines tuae legationis existentes, suarum ecclesiarum et aliorum per eos obtentorum beneficiorum ecclesiasticorum bona, absque

¹ Ex Regest. in Secret. Brev.

ullâ Sedis Apostolicae licentiâ alienant, oppignorant et distrahunt, seu aliàs de illis contra formam et tenorem constitutionis felicitis recordationis Pauli Papae II praedecessoris nostri, quae incipit *Ambitiosae*¹, disponunt, in maximum ecclesiarum et beneficiorum huiusmodi detrimentum, evidentemque animarum suarum perditionem.

§ 2. Quare nos, pro eâ quam animabus nobis ex alto creditis tenemur impendere sollicitudine, praemissis, quantum nobis ex alto conceditur, obviare volentes, fraternitati tuae per praesentes committimus et mandamus, ut constitutionem praedictam in locis tuae legationis tibi benevisis publices, et publicari, eamque ab omnibus et singulis, ad quos spectat et pro tempore quomodolibet spectabit, inviolabiliter observari facias.

Mandatum lo-
quos in rubrica

§ 3. Contradictores quoslibet et rebelles per sententias, censuras et poenas ecclesiasticas, aliaque opportuna iuris remedia, appellatione postpositâ, compescendo, invocato etiam ad hoc, si opus fuerit, auxilio brachii secularis.

Exemplum e-
st in rubrica
contra

§ 4. Praeterea tibi, ut episcopos, praelatos et alias personas ecclesiasticas huiusmodi, quae ecclesiarum et beneficiorum suorum bona alienaverint, oppignoraverint, distraxerint, sive aliàs de illis contra dictam constitutionem disposuerint, ut praefertur, si abs te veniam humiliter petierint, et factâ prius eorundem honorum totali recuperatione, seu aliàs ecclesiis et beneficiis ipsis plenarie et omnino reintegratis, a quibusvis excommunicationis, suspensionis et interdicti, aliisque ecclesiasticis sententiis, censuris et poenis, etiam in dictâ constitutione contentis, et aliàs contra similia perpetrantes promulgatis, poenitentiam salutarî et aliis iniunctis iniungendis, auctoritate nostrâ et absolvas totaliter liberes.

Et poeniten-
tias absolventi

¹ Est in tom. v, pag. 104 (R. T.).

Derogatio
contrariorum.

§ 5. Non obstantibus apostolicis, ac in universalibus, provincialibusque et synodalibus conciliis editis generalibus vel specialibus constitutionibus et ordinationibus, ceterisque contrariis quibuscumque.

Datum Romae, apud S. Petrum, sub annulo Piscatoris, die xv ianuarii MDCXXIV, pontificatus nostri anno 1.

Dat. die 15 ianuarii 1624, pontif. an. 1.

XXV.

Declarat Ordinarium collegiatae S. Ioannis de Abbatissis, Vicentinae¹ dioecesis, non esse archipresbyterum praefatae ecclesiae, sed episcopum Vicentinum.

Urbanus Papa VIII,
ad perpetuam rei memoriam.

Causae huius
constitutionis.

§ 1. Aliàs felicis recordationis Clemens Papa VIII praedecessor noster, postquam Ordinem S. Augustini canonicorum regularium in principatu Cataloniae, ac comitatibus Rossilionis et Ceritaniae, cum omnibus suis membris et pertinentiis, omnemque eius statum, essentiam et dependentiam regulares perpetuo suppresserat et extinxerat, eundemque et illius monasteria, prioratus et beneficia ad secularitatem reducerat, et sic reducta suae et apostolicae dispositioni motu proprio reservaverat, monasterium S. Ioannis de Abbatissis nuncupatum, Vicentinae dioecesis, unum ex eisdem suppressi Ordinis monasteriis, ac sub praedictis reductione et reservatione comprehensum, in secularem et collegiatam ecclesiam, ac in eam unum archipresbyteratum, qui inibi principalis dignitas existeret, necnon tot canonicatus et praebendas, quot in illa ante suppressionem et reductionem praedictas erant loca et canonicales portiones, pro tot canonicis, qui una cum archipresbytero huiusmodi capitulum eiusdem ecclesiae constituerent, ac alias, sub certis modo et

forma tunc expressis, erexit et instituit, ac inter alias ecclesias praedictam, illiusque dignitates, canonicatus et praebendas, ac alia beneficia, necnon capitulum et ministros suo Ordinario subiectos esse voluit, et alias, prout in ipsius Clementis praedecessoris desuper sub plumbo expeditis litteris, quarum tenores praesentibus pro expressis haberi volumus, plenius continetur¹.

§ 2. Cum autem, sicut venerabilis frater modernus episcopus Vicentinus nobis nuper exponi fecit, post iuratam et observatam septem vel octo annis tunc existenti episcopo Vicentino obedientiam et superioritatem, dilectus filius Ioannes Coli, ex beneficiato dictae ecclesiae archipresbyter factus, superioritatem dicti episcopi detrectans, a dicta obedientia desciverit una cum medietate canonicorum et beneficiatorum ipsius ecclesiae, et diversa alia in praeiudicium et damnum iurisdictionis praedicti episcopi Vicentini fecerit et attemptaverit, et propterea dictus modernus episcopus nobis humiliter supplicari fecerit, ut super praemissis opportune providere de benignitate apostolica dignaremur:

§ 3. Nos, praemissis, quantum cum Domino possumus, obviare volentes, huiusmodi supplicationibus inclinati, de venerabilium fratrum nostrorum sanctae Romanae Ecclesiae cardinalium sacri Concilii Tridentini interpretum consilio, harum serie, apostolica auctoritate decernimus et declaramus, Ordinarii appellatione, cuius in iisdem litteris fit mentio, nullatenus esse intelligendum archipresbyterum praedictae ecclesiae S. Ioannis, sed episcopum Vicentinum dumtaxat, ideoque ecclesiam ipsam, illiusque dignitates, canonicatus et beneficia pro tempore obtinentes, atque alios quoscumque ministros, non eidem

Declaratio, de
qua in rubrica

¹ In Const. Clem. VIII legitur *Vicensis* (A. T.).

¹ Litterae suppressionis sunt in *Bull.* tom. IX, pag. 580, sed non posteriores erectionis (A. T.).

archipresbytero, sed Vicentini episcopi tantum visitationi, correctioni, atque omnimodae iurisdictioni subiectos esse.

Clausulae derogatoriae.

§ 4. Praesentes vero litteras nullo unquam tempore de subreptionis, vel obreptionis vitio seu intentionis nostrae vel alio quopiam defectu, etiam ex eo quod quicumque in praemissis interesse habentes seu habere praetendentes vocati non fuerint, notari, impugnari, invalidari aut ad terminos iuris reduci, sen in ius vel controversiam revocari posse; sicque per quoscumque iudices et commissarios quavis auctoritate fungentes, etiam causarum palatii apostolici auditores, ac sanctae Romanae Ecclesiae cardinales, iudicari et definiri debere, ac irritum et inane quicquid secus super his a quoquam, quavis auctoritate, scienter vel ignoranter, contigerit attentari.

Esequutorum deputatio.

§ 5. Quocirca venerabilibus fratribus archiepiscopo Tarraconensi et episcopo Gerundensi, ac dilecto filio causarum curiae camerae apostolicae generali auditori per praesentes committimus et mandamus, quatenus ipsi, vel duo, aut unus eorum, per se, vel alium, seu alios, praesentes litteras et in eis contenta quaecumque, ubi et quando opus fuerit, ac quoties pro parte ipsius moderni et pro tempore existentis episcopi Vicentini fuerint requisiti, solemniter publicantes, eisque in praemissis efficaciae defensionis praesidio assistentes, faciant auctoritate nostrâ eadem praesentes et in eis contenta huiusmodi ab omnibus, ad quos spectat et in futurum quomodolibet spectabit, firmiter et inviolabiliter observari: contradictores quoslibet et rebelles per sententias, censuras et poenas ecclesiasticas, aliaque opportuna iuris et facti remedia, appellatione postpositâ, compescendo, legitimisque super his habendis servatis processibus, sententias, censuras et poenas ipsas etiam iteratis vicibus aggravando, invocato etiam

ad hoc, si opus fuerit, auxilio brachii saecularis.

§ 6. Non obstantibus praemissis, ac constitutionibus et ordinationibus apostolicis, nec non omnibus illis, quae in ipsius Clementis praedecessoris litteris huiusmodi concessa sunt non obstare, ceterisque contrariis quibuscumque.

Obstantium derogatio.

§ 7. Volumus autem, quod praesentium transumptis, etiam impressis, manu alicuius notarii publici subscriptis, et sigillo personae in dignitate ecclesiasticâ constitutae munitis, eadem prorsus fides in iudicio et extra adhibeatur, quae praesentibus eisdem adhiberetur, si forent exhibitae vel ostensae.

Exempta huius Constitutionis credi iubet.

Datum Romae, apud S. Petrum, sub annulo Piscatoris, die XVIII ianuarii MDCXXIV, pontificatus nostri anno I.

Dat. die 18 ianuarii 1624, pontif. anno I.

XXVI.

Confirmatio decreti Congregationis Concilii, quo declaratur clericos, qui incedunt in habitu et tonsurâ, quavis servitio peculiaris ecclesiae non sint ab episcopo addicti, gaudere privilegio fori iuxta Concil. Trident. cap. VI, sess. XXIII¹.

Urbanus Papa VIII,
ad futuram rei memoriam.

§ 1. Cum, sicut dilectus filius Aloysius de las Infantas et Saavedra, archidiaconus et canonicus ecclesiae Malacitanae, ac cleri regnorum Castellae et Legionis² in Romana curiâ gestor, nobis super exponi fecit, nuper a venerabilibus fratribus nostris S. R. E. cardinalibus Concilii Tridentini interpretibus emanaverit decretum tenoris subsequenter videlicet:

Decretum Congregationis Concilii.

¹ Ex Regest. in Secret. Brev.

² Vocem regnorum inutiliter repetitam delimus (R. T.).

Illustrissimi et reverendissimi domini¹ doctor D. Aloysius de las Infantas et Saavedra archidiaconus et canonicus Malacitanae, ac agens generalis ecclesiarum Hispaniarum supplicat huic sacrae Congregationi, dignetur declarare: An clericus in minoribus constitutus, actu serviens ecclesiae cum habitu et tonsurâ in ministerio sacristae vel simplici cappellaniae servitio, seu pro iuvene chori ex nominatione decani et capituli, gaudere debeat privilegio fori iuxta disposita a Concilio Tridentino in cap. vi, sess. xxiii, pro quocumque etiam atrociori delicto, cuius punitio ad iudicem ecclesiasticum pertinet, non obstante quod huiusmodi nominatio et deputatio servitii ecclesiae facta non sit ab episcopo, sed a capitulo. Sacra Congregatio cardinalium Concilii Tridentini interpretum, inhærens declarationibus aliis editis, respondit, clericum, qui habitum et tonsuram deferret clericalem, et alicui ecclesiae inservit, licet non praecesserit mandatum episcopi, debere tamen gaudere fori ecclesiastici privilegio. — ANTONIUS card. CAETANUS;

Petitur confirmatio.

§ 2. Cupiatque autem dictus Aloysius, pro maiori decreti huiusmodi subsistentiâ et validitate, illud apostolicae nostrae confirmationis robore communiri, nobisque idcirco totius cleri praedicti nomine humiliter supplicari fecerit, ut desuper opportune providere de benignitate apostolicâ dignaremur:

Confirmatio.

§ 3. Nos, praedictum Aloysium specialibus favoribus et gratiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatus existit, ad effectum praesentium dumtaxat consequendum, harum serie absolventes et absolutum fore censes, huiusmodi sup-

¹ Prius et postea habetur numerus singularis (R. T.).

plicationibus inclinati, decretum praesentium huiusmodi apostolicâ auctoritate, tenore praesentium, approbamus et confirmamus, illique inviolabilis apostolicae firmitatis robur adieimus, ac omnes et singulos tam iuris quam facti defectus, si qui desuper quomodolibet intervenerint, supplemus.

§ 4. Decernentes, decretum huiusmodi, ac praesentes litteras validas, firmas et efficaces existere et fore, suosque plenarios et integros effectus sortiri et obtinere, ac omnibus, quos concernunt et concernent quomodolibet in futurum, plenissime suffragari; sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Opportunas apponit clausulas.

§ 5. Non obstantibus constitutionibus et ordinationibus apostolicis, ac, quatenus opus sit, dictae ecclesiae (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, ceterisque contrariis quibuscumque.

Et contraria tollit.

Datum Romae, apud S. Petrum, sub annulo Piscatoris, die xx ianuarii MDCXXIV, pontificatus nostri anno i.

Dat. die 20 ianuarii 1624, pontif. an. i.

XXVII.

Professi in congregatione Clericorum Regularium Ministrantium infirmis, in domibus novitiatum, vel aliis distinctis domibus, donec ad sacros ordines promoveantur, ex illarum redditibus vivere possunt¹.

¹ De tempore emittendae professionis ab utriusque sexus regularibus statuit Concilium Tridentinum sess. xxv, cap. xv. Et de hac religione habes indicata ad Const. xxxv Sixti V, *Ex omnibus*, tom. viii, pag. 669.

**Urbanus Episcopus,
servus servorum Dei,
ad perpetuam rei memoriam.**

Provenitum. Sacrosanctae Romanae Ecclesiae, quam Dei Filius Iesus Christus ¹auctor pietatis instituit, regimini praesidentes, pia et salubria vota fidelium, praesertim sub regularis observantiae disciplinā in humilitatis spiritu Altissimo famulantium, ex quibus in eorum locis regularis disciplina et observantia peramplius conservatur et augetur, pii patris affectione prosequimur, et ut optatum sortiantur effectum, cum a nobis petitur, plenius favoribus confovemus.

Superiores Congregationis episcoporum et regularium exponunt non expedire, ut novitii post emissam professionem statim inter antiquos professos admittantur.

§ 1. Exhibita siquidem nobis nuper pro parte dilecti filii Sanctii Cicatelli moderni praefecti generalis congregationis Clericorum regularium Ministrantium infirmis petitio continebat, quod, cum in dicta congregatione longā et diuturnā multorum annorum experientiā compertum sit, pro conservandā et augendā in eā regulari disciplinā et observantiā, non expedire, ut novitii ipsius congregationis ad sacerdotium destinati statim post emissam ab eis solemnem professionem ad domos professas eiusdem congregationis mitti, et inibi inter professos antiquos connumerari debeant; et habito ad sacram congregationem venerabilium fratrum nostrorum sanctae Romanae Ecclesiae cardinalium super negotiis et consultationibus regularium deputatorum per superiores primodictae congregationis recursu, pro consequendo super praemissis salubri aliquo remedio,

Sacra Congregatio decernit eos, usque dum sacerdotes ordinentur, in aliis separatis domibus arbitrio generalis permanere debere.

§ 2. Secundodicta congregatio, negotio huiusmodi per eam mature et prudenter discussa, per suum decretum censuerit, primodictae congregationi concedendum esse, ut de cetero illius novitii ad sacerdotium destinati tantum (non autem fratres laici, nec illi qui iam in presbyteros ordinati habitum in eā suscipiunt)

¹ Erronee edit. Main. habet *Christi* (R. r.).

possint post professionis emissionem in domibus novitiatuum, habitatione tamen separatā, aut aliis domibus distinctis, arbitrio praefecti generalis primodictae congregationis, et illius consultorum pro tempore existentium, donec presbyteri ordinentur, permanere;

§ 3. Ibique, non obstante voto paupertatis, ex redditibus et provenitibus perpetuis domorum huiusmodi, perinde ac novitii, vivere;

Ibique ex redditibus dictarum domorum vivo.

§ 4. Proindeque dictus Sanctius praefectus generalis cupiat, primodictae congregationi iuxta formam decreti huiusmodi per nos et Sedem Apostolicam, ut infra, perpetuo indulgeri: quare pro parte eiusdem Sanctii praefecti generalis nobis fuit humiliter supplicatum, quatenus eius piis votis huiusmodi annuere, ac aliās in praemissis opportune providere de benignitate apostolicā dignaremur.

Et deinde supplicatum fuit Pontifici ut super his omnibus provideret.

§ 5. Nos igitur, dictum Sanctium praefectum generalem a quibusvis excommunicationis, suspensionis et interdicti, aliisque ecclesiasticis sententiis, censuris et poenis a iure vel ab homine, quavis occasione vel causā latis, si quibus quomodolibet innodatus existit, ad effectum praesentium dumtaxat consequendum, harum serie absolventes, et absolutum fore censes, huiusmodi supplicationibus inclinati, ex voto secundodictae congregationis negotiorum huiusmodi, primodictae congregationi, quod deinceps in perpetuum illius novitii nunc et pro tempore existentes, ad sacerdotium destinati dumtaxat (non autem fratres laici, nec illi qui iam in presbyteros ordinati habitum regularem susceperunt et in futurum susceperint) post emissam ab eis solemnem professionem, in domibus novitiatuum, habitatione tamen separatā, aut aliis domibus distinctis, arbitrio praefecti generali et illius consultorum praefatorum nunc et pro tempore existentium, donec et quousque pre-

Qui praedicta omnia a cardinalium Congregatione huiusmodi sancta et decreta approbat.

sbyteri ordinentur, permanere, inibique, non obstante paupertatis voto, ex redditibus et proventibus perpetuis earundem domorum, perinde ac novitii, vivere libere et licite valeant, apostolicâ auctoritate, tenore praesentium, de speciali gratiâ, perpetuo concedimus et indulgemus.

Ac super his
nullo modo mo-
lestari posse de-
cernit.

§ 6. Ac primodictam congregationem, illiusque praefectum generalem, et alios superiores ac personas nunc et pro tempore existentes, super praemissis, a quoquam publice vel occulte, directe vel indirecte, quovis quaesito colore vel ingenio, molestari, inquietari, perturbari, aut aliâs quoquomodo impediri nullatenus unquam posse;

Decretum ir-
ritum apponit.

§ 7. Necnon, quicquid secus super his a quoquam, quâvis auctoritate, scienter vel ignoranter, contigerit attentari, irritum et inane dictâ auctoritate decernimus.

Contraria tollit.

§ 8. Non obstantibus primodictae congregationis (iuramento, confirmatione apostolicâ, vel quâvis firmitate aliâ roboratis) statutis et consuetudinibus, privilegiis quoque, indultis et litteris apostolicis, illi, eiusque praefecto generali, ac aliis superioribus et personis, sub quibuscumque tenoribus et formis, ac cum quibusvis clausulis et decretis, in contrarium forsân quomodolibet concessis, approbatis et innovatis. Quibus omnibus et singulis, etiam si de illis, eorumque totis tenoribus, specialis, specifica, expressa et individua, non autem per clausulas generales idem importantes, mentio, seu quâvis alia expressio habenda aut aliqua alia exquisita forma ad hoc servanda foret, illorum tenores praesentibus pro expressis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Sanctionem
que poenalem
adjuugit.

§ 9. Nulli ergo omnino hominum liceat hanc paginam nostrae absolutionis, concessionis, indulti, decreti et derogationis infringere, vel ei ausu temerario contraire.

Si quis autem hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursurum.

Datum Romae, apud S. Petrum, anno Incarnationis Dominicae MDCXXIV, decimo primo kalendas februarii, pontificatus nostri anno 1.

Dat. die 22 ianuarii 1624, pontif. an. 1.

XXVIII.

Revocatio facultatum disponendi de officiis vacabilibus Romanae curiae, eorumque pretio, et moderatio indultorum transferendi pensiones.

Sanctissimus D. N. D. Urbanus divina providentiâ Papa VIII, pro¹ Sedis Apostolicae indemnitati officiorum quorumcumque vacabilium Romanae curiae, ad collationem seu concessionem dictae Sedis quomodolibet pertinentium, liberae dispositioni et devolutioni ex personis illa obtinentium provenire solitae, et quandoque imminenti, necnon exonerationi beneficiorum ecclesiasticorum quorumlibet, prospicere, prout par est, intendens:

Causas horum
Constitutionis.

§ 1. Omnes et quascumque facultates, indulta et privilegia disponendi quovis modo de officiis praedictis, seu eorum pretio, absque speciali suo et successorum suorum Romanorum Pontificum pro tempore existentium assensu et beneplacito de tempore dispositionis huiusmodi interponendo, etiam per viam subrogationis, translationis vel deputationis, etiam praetextu concessionis tituli et officiorum huiusmodi locis piis, etiam motu proprio, et ex certâ scientiâ, ac de apostolicae potestatis plenitudine, cum quibusvis etiam derogatoriis derogatoriis, et vim contractus importantibus, ac aliis clausulis,

Revocatio fa-
cultatum dispo-
nendi de officiis
vacabilibus Ro-
manae curiae
eorumque pre-
tio.

¹ Vel omittenda praep. pro, vel postea legendum indemnitate (R. T.).

necnon irritantibus et aliis decretis, quorum tenores haberi voluit pro expressis, vel aliàs quovis modo et ex quavis causâ factâ¹, etiamsi illorum vigore ad deputacionem et resignationem huiusmodi, vel aliam quamvis dispositionem processum fuisset, ac etiamsi officia ipsa tempore concessionis indultorum huiusmodi actu vacarent, in eâ parte, qua vivente Romano Pontifice illorum auctore consummata et realem effectum sortita non sunt, salvis tamen remanentibus decretis et reservationibus dispositionum in concessione officiorum tunc actu vacantium particularibus personis dumtaxat, non autem collegiis, confraternitatibus, congregationibus vel capitulis, factâ interpositis, ipsorumque decretorum translationibus;

§ 2. Necnon transferendi quascumque pensiones annuas super patriarchalium, metropolitanarum, cathedralium, et abbatialium mensarum, et quorumvis ecclesiasticorum, tam secularium quam regularium, beneficiorum quomodocumque qualificatorum fructibus, tam certis quam incertis, ac etiam distributionibus quotidianis reservatas, quae tamen per exactionem integrarum pensionum huiusmodi, ab ipsis translatis factam, realem et actua-lem effectum similiter sortita non sunt, pro summâ, quae medietatem veri annui valoris fructuum mensae seu beneficii, super quibus pensio transferenda seu translata reservata reperitur, excedat, quibusvis personis etiam abbatiali, episcopali, archiepiscopali, patriarchali, vel aliâ quavis dignitate etiam cardinalatus honore fulgentibus, sive etiam ad favorem quorumcumque locorum piorum et collegiorum quovis intuitu et consideratione, etiam motu, scientiâ, et potestatis plenitudine similibus, necnon clausulis et decretis paribus, quorum tenores similiter pro expressis haberi voluit, tam per quoscumque Roma-

nos Pontifices praedecessores suos, quam Sanctitatem Suam concessa haecenus, revocavit, cassavit et annullavit, ac viribus et effectu evacuavit; ita tamen ut facultates transferendi pensiones huiusmodi, pro eâ parte, quae medietatem fructuum, etiam incertorum, vel distributionum, quatenus super illis sint impostae, non excedat, firmâe et illaesae remaneant. Et insuper voluit et ordinavit eos, qui, praetextu excessus medietatis fructuum seu distributionum huiusmodi, partem pensionum translatarum solvere recusaverint, ad excessum ipsum probandum teneri; nec interim, praesentis dispositionis praetextu, processum exequutivum aut solutionem integrae pensionis, quatenus aliàs illis locus sit, impediri aut retardari debere.

§ 3. Decernens, sic in praemissis per quoscumque iudices ordinarios et delegatos, etiam causarum palatii apostolici auditores, ipsosmet cardinales (sublatâ eis et eorum quilibet qualibet aliter iudicandi et interpretandi facultate et auctoritate), iudicari et definiri debere, necnon irritum et inane quicquid secus super praemissis per quoscumque, etiam praetextu facultatum, indultorum et privilegiorum praedictorum, scienter vel ignoranter, contigerit attentari.

§ 4. Facultatibus, indultis et privilegiis, aliisque praemissis, necnon statuto, ordinatione, et declaratione Suae Sanctitatis in crastinum eius assumptionis ad summi apostolatus apicem editis, et in cancellariâ apostolicâ sub die xvi mensis octobris anni mdcxxiii publicatis¹, quodque dicti S. R. E. cardinales constitutionibus et regulis, per Sanctitatem Suam post priorum suarum constitutionum et regularum editionem et publicationem faciendis, non includantur, nisi illae eorundem cardinalium favorem concernant, vel ipsae constitutiones et regulae edendae de ipsorum

Moderatio in-
dultorum trans-
ferendi pensio-
nes

Apposito de
recto in capite

Derogatio
contra effectum

¹ Potius legendum *facta* (R. T.).

¹ Quas vide supra pag. 57 huius tomii (R. T.).

cardinalium vel maioris partis eorum consilio editae fuerint, aliisque regulis constitutionibus et ordinationibus apostolicis, ceterisque contrariis quibuscumque nequaquam obstantibus.

Placet, publicetur et describatur, M.

Lecta et publicata fuit supradicta constitutio Romae in cancellariâ apostolicâ anno Incarnationis Dominicae MDCXXIV, die vero veneris XXIV mensis ianuarii, pontificatus SS. D. N. Urbani divinâ providentiâ Papae VIII anno I.

MARCUS ANTONIUS ASCENTIUS, PROCUSTOS.

XXIX.

Confirmatio decreti Congregationis Concilii, quo statuitur, cognitionem causarum criminalium clericorum civitatis et dioecesis Atrebatensis ad solum episcopum spectare¹.

Urbanus Papa VIII,
ad perpetuam rei memoriam.

Decretum Congregationis Concilii.

§ 1. Cum, sicut accepimus, nuper a venerabilibus fratribus nostris sanctae Romanae Ecclesiae cardinalibus sacri Concilii Tridentini interpretibus emanaverit declaratio, sive decretum tenoris subsequenti, videlicet:

Cum a sacra hac Congregatione declaratum fuerit, episcopum Atrebatensem posse ecclesiam suam cathedralem, eiusque capitulum, ac personas visitare, et extra visitationem causas criminales capitularium unâ cum adiunctis, aliorum vero, qui nec dignitates obtinent, nec sunt de capitulo, per se ipsum cognoscere ac definire, non obstantibus assertâ concordia, privilegiis, exemptionibus, sententiis et praescriptionibus, vel consuetudinibus, etiam immemorabilibus²; quaeri-

¹ Ex Regest. in Secret. Brev.

² Vide supra Const. xi, pag. 75 huius voluminis (A. T.).

tur ad quem spectet cognitio causarum criminalium ceterorum clericorum civitatis et dioecesis Atrebatensis.

Die XXVI maii MDCXXIII sacra congregatio cardinalium Concilii Tridentini interpretum declaravit, eiusmodi cognitionem ad solum episcopum pertinere¹, privilegiis quibuscumque non obstantibus; quod si id ius ex immemorabili consuetudine capitulo competat, eam consuetudinem non esse quidem a Concilio sublatam decreto cap. XX, sess. XXIV, verum donec capitulum illam legitime probaverit per tres sententias conformes, vel unicam, quae in rem iudicatam transierit, eiusmodi causas ab episcopo tantum esse cognoscendas.

R. cardinalis UBALDINUS.

§ 2. Nos, inviolabili declarationis, sive decreti, et in eis contentorum huiusmodi observationi, quantum cum Domino possumus, consulere volentes, motu proprio, non ad alicuius nobis super hoc oblatae petitionis instantiam, sed ex certâ scientiâ ac maturâ deliberatione nostris, declarationem seu decretum praedictum, cum omnibus et singulis in eis contentis, apostolicâ auctoritate, tenore praesentium, perpetuo approbamus et confirmamus, illisque inviolabilis apostolicae firmitatis robur adiciamus, ac omnes et singulos tam iuris quam facti, et quosvis alios, et quantumvis substantiales defectus, si qui in praemissis aut eorum aliquo intervenerint aut intervenisse dici vel censi possit, supplemus.

Confirmatur a Pontifice.

§ 3. Decernentes, praesentes litteras, omniaque et singula in eis contenta, semper et perpetuo valida firma et efficacia esse et fore, suosque plenarios et integros effectus sortiri et obtinere, ac ab omnibus et singulis, quos illa concernunt, inviolabiliter observari; sicque per quos-

Clausulae.

¹ Vocem *pertinere* nos addimus (A. T.).

cumque iudices ordinarios et delegatos, etiam causarum palatii apostolici auditores, ubique iudicari et definiri debere, ac irritum et inane, si secus super his a quocumque, quavis auctoritate, scienter vel ignoranter, contigerit attentari.

Ereptorum
deputatio.

§ 4. Quocirca venerabilibus fratribus Ioanni Francisco Patracensi, moderno et pro tempore existenti nostro et Sedis Apostolicae in Belgicis ditionibus nuncio, ac Mecliniensi archiepiscopo, nec non episcopo Tornacensi, per praesentes commitimus et mandamus, quatenus ipsi, vel duo, aut unus eorum, per se, vel alium, seu alios, praesentes litteras et in eis contenta quaecumque, ubi et quando opus fuerit, et quoties pro parte venerabilis fratris Hermanni moderni et pro tempore existentis episcopi Atrebatensis fuerint requisiti, solemniter publicantes, eisque in praemissis efficaciae defensionis praesidio assistentes, faciant auctoritate nostrâ illos praemissorum omnium et singulorum effectu pacifice frui et gaudere, easdemque praesentes litteras et in eis contenta huiusmodi ab omnibus, ad quos spectat et pro tempore quomodolibet spectabit, inviolabiliter observari; contradictores quoslibet et rebelles per sententias, censuras et poenas ecclesiasticas, aliaque opportuna iuris et facti remedia, appellatione postpositâ, compescendo, invocato etiam ad hoc, si opus fuerit, auxilio brachii secularis.

Obstantium
derogatio.

§ 5. Non obstantibus, quatenus opus sit, felicitis recordationis Bonifacii Papae VIII praedecessoris nostri de unâ, et in concilio generali editâ de duabus dietis, dummodo ultra tres dietas aliquis auctoritate praesentium ad iudicium non trahatur, aliisque constitutionibus et ordinationibus apostolicis, ac dictae ecclesiae Atrebatensis (etiam iuramento, confirmatione apostolicâ, vel quavis aliâ firmitate roboratis) statutis et consuetudinibus, privilegiis quoque, indultis et litteris apostolicis in contra-

rium praemissorum quomodolibet concessis, confirmatis et innovatis. Quibus omnibus et singulis, eorum omnium tenores praesentibus pro plene et sufficienter expressis et ad verbum insertis habentes, illis aliâs in suo robore permansuris, hac vice dumtaxat, specialiter et expresse derogamus, ceterisque contrariis quibuscumque.

Datum Romae, apud S. Petrum, sub annulo Piscatoris, die xxx ianuarii mdcxxiv, pontificatus nostri anno 1.

Dat. die 30 ianuarii 1624, pontif. an. 1.

XXX.

Confirmatio alterius decreti eiusdem Congregationis, quo declaratur, facultatem approbandi confessarios ad confessiones audiendas, atque licentiam concedendi regularibus, qui in ecclesiis non suorum Ordinum sacras conciones sunt habituri, nec non benedictionem iis, qui in suorum Ordinum ecclesiis praedicare voluerint, soli episcopo competere in dioecesi Atrebatensi.

Urbanus Papa VIII,
ad perpetuam rei memoriam.

§ 1. Cum, sicut accepimus, nuper a venerabilibus fratribus nostris sanctae Romanae Ecclesiae cardinalibus sacri Concilii Tridentini interpretibus emanaverit declaratio, sive decretum tenoris subsequentis, videlicet:

Decretum

Supplicatur ab hac sacrâ Congregatione declarari: An episcopo, num vero capitulo Atrebatensi competat ius et facultas approbandi confessarios ad confessiones audiendas, atque licentiam concedendi regularibus, qui in ecclesiis non suorum Ordinum sacras conciones sunt habituri, necnon benedictionem iis, qui in suorum Ordinum ecclesiis praedicare voluerint.

1 Ex Regest. in Secret. Brevium.

Die xxvii maii mdcxxiii, sacra Congregatio cardinalium Concilii Tridentini interpretum declaravit, eiusmodi facultatem soli episcopo competere.

Confirmatio.

§ 2. Nos, etc. (*Reliqua, ut in antecedenti decreto*).

Datum Romae, apud sanctum Petrum, sub annulo Piscatoris, die xxx ianuarii mdcxxiv, pontificatus nostri anno i.

Dat. die 30 ianuarii 1624, pontif. anno i.

XXXI.

Confirmatio alterius decreti, quo statuitur capitulum vel decanum Atrebatensem non posse sibi casus reservare, nec a casibus ab episcopo reservatis absolvere, nec litteras dimissoriales concedere¹.

Urbanus Papa VIII,
ad futuram rei memoriam.

Decretum.

§ 1. Cum, sicut accepimus, nuper a venerabilibus fratribus nostris sanctae Romanae Ecclesiae cardinalibus sacri Concilii Tridentini interpretibus emanaverit declaratio sive decretum tenoris subsequentis, videlicet:

Quaeritur, an capitulum, vel decanus Atrebatensis possit sibi casus reservare et a casibus ab episcopo reservatis absolvere, necnon litteras dimissoriales concedere?

Die xxvii maii mdcxxiii sacra Congregatio cardinalium Concilii Tridentini interpretum declaravit non posse.

R. cardinalis UBALDINUS.

§ 2. Nos (*Reliqua, ut in antecedenti*).

Datum Romae, apud S. Petrum, sub annulo Piscatoris, die xxx ianuarii mdcxxiv, pontificatus nostri anno i.

Dat. die, annoque eodem.

¹ Ex Regest. in Secret. Brev.

XXXII.

Confirmatio decreti sive declarationis eiusdem Congregationis, quo statuitur indulgentias, tam in cathedrali Atrebatensi, quam extra eam in tota dioecesi, ab episcopo, adhibitis duobus de capitulo, esse publicandas¹.

Urbanus Papa VIII,
ad perpetuam rei memoriam

Decretum.

§ 1. Cum, sicut accepimus, nuper a venerabilibus fratribus nostris sanctae Romanae Ecclesiae cardinalibus Concilii Tridentini interpretibus emanaverit declaratio sive decretum tenoris subsequentis, videlicet:

An indulgentiae, tam in cathedrali ecclesia, quam extra eam in dioecesi Atrebatensi, sint publicandae ab episcopo, an vero a capitulo?

Die xxvii maii mdcxxiii sacra Congregatio cardinalium Concilii Tridentini interpretum declaravit, indulgentias ab episcopo, adhibitis duobus de capitulo, esse publicandas.

R. cardinalis UBALDINUS.

§ 2. Nos (*Reliqua, ut in antecedenti*).

Datum Romae, apud S. Petrum sub annulo Piscatoris, die xxx ianuarii mdcxxiv, anno i.

Dat. die, annoque eodem.

XXXIII.

Confirmatio alterius decreti, quo statuitur convocationem synodi Atrebatensis, et concursum parochialium ecclesiarum, etiamsi de iure patronatus capituli fuerint, instituere, ad solum episcopum pertinere¹.

Urbanus Papa VIII,
ad perpetuam rei memoriam.

§ 1. Cum, sicut accepimus, nuper a venerabilibus fratribus nostris sanctae Ro-

Decretum

¹ Ex Regest. in Secret. Brev.

² Ex Regest. in Secret. Brev.

manae Ecclesiae cardinalibus sacri Concilii Tridentini interpretibus emanaverit declaratio sive decretum tenoris subsequentis, videlicet:

Supplicatur ab hac sacra Congregatione declarari: An decanus vel capitulum Atrebatense possit synodum celebrare, et concursus parochialium ecclesiarum, etiamsi de iurepatronatus capituli fuerint, instituere?

Die xxvii maii MDCXXIII sacra Congregatio cardinalium Concilii Tridentini interpretum declaravit, non posse, sed utrumque munus ad episcopum pertinere.

R. cardinalis UBALDINUS.

Confirmatio. § 2. Nos inviolabili, etc. (*Reliqua, ut in primo*).

Datum Romae, apud S. Petrum, sub annulo Piscatoris, die xxx ianuarii MDCXXIV, pontificatus nostri anno I.

Dat. die, annoque eodem.

XXXIV.

Confirmatio alterius decreti eiusdem Congregationis, quo declaratur capitulum Atrebatense non posse exercere nundinas, mercatus ac strepitus iudiciorum profanorum in dicta ecclesia, ac eius coemeteriis¹.

Urbanus Papa VIII,
ad perpetuam rei memoriam.

Decretum

§ 1. Cum, sicut accepimus, nuper a venerabilibus fratribus nostris sanctae Romanae Ecclesiae cardinalibus sacri Concilii Tridentini interpretibus emanaverit declaratio sive decretum tenoris subsequentis, videlicet:

Supplicatur a sacra hac Congregatione declarari, an capitulum Atrebatense possit exercere nundinas, mercatus ac strepitus iudiciorum profanorum in ecclesia, ac eius coemeteriis?

¹ Ex Regest. in Secret. Brev.

Die xxvii maii MDCXXIII sacra Congregatio cardinalium Concilii Tridentini interpretum declaravit, non posse.

R. cardinalis UBALDINUS.

§ 2. Nos inviolabili, etc. (*Ut in primo*).

Confirmatio.

Datum Romae, apud S. Petrum, sub annulo Piscatoris, die xxx ianuarii MDCXXIV, pontificatus nostri anno I.

Dat. die, annoque eodem.

XXXV.

Philippo IV Hispaniarum regi indultum conceditur retinendi ducatum Mediolanensem cum regno Siciliae¹.

Charissimo in Christo filio nostro Philippo, Hispaniarum regi catholico.

Urbanus Papa VIII.

Chastissime in Christo fili noster, salutem et apostolicam benedictionem.

Praeclara praedecessorum tuorum in hanc sanctam Sedem merita, sinceraque fides et eximia pietas, ac fervens devotio tua, quibus in nostro et dictae Sedis conspectu clarere dignosceris, merito nos inducunt, ut te specialibus favoribus et gratiis prosequamur.

Exordium.

§ 1. Sane, licet, clarae memoriae Philippo III Hispaniarum rege catholico genitore tuo rebus humanis, sicut Deo placuit, exemplo, regnum Siciliae et Hierusalem cum tota terra citra pharum, una cum aliis regnis, provinciis et ditionibus universis, ad te uti eius filium et haereditate iure successionis, modoque et forma infrascriptis legitime pervenerit, et felicitis recordationis Gregorius Papa XV praedecessor noster ipsum regnum Siciliae et Hierusalem, cum tota terra quae est citra pharum usque ad confinia terrarum sanctae Romanae Ecclesiae, excepta civitate

Mortuo Philippo III Gregorius XV regnum citra pharum Siciliae Philippo IV in feudum concessit.

¹ Ex Regest. in Secret. Brev.

² Ex seq. syntaxi percipies haec forsitan requiri partic. cum R. T.).

Beneventanâ cum eius territorio et pertinentiis, necnon terrâ sive loco Ponticorvi Aquinatensis diocesis, quæ dictus Gregorius prædecessor sibi et eidem Ecclesiae specialiter reservavit, tibi, pro te, tuisque hæredibus et successoribus Aragoniae regibus, tam masculis quam feminis, ex te rectâ lineâ descendantibus, natis et nascituris, ac aliis tunc expressis personis, in feudum perpetuum, de venerabilium fratrum suorum S. R. E. cardinalium, de quorum numero tunc eramus, consilio pariter et assensu, pro solito annuo censu, ac aliâs sub certis modo et formâ tunc expressis, concesserit et elargitus fuerit, ac regnum ipsum tibi modo et formâ huiusmodi infeudaverit, teque de illo investiverit;

Unde quia in actibus huiusmodi investiturarum expresse cavetur ne Siciliae reges ullo modo se ingerant in dominio Lombardiae.

§ 2. Nihilominus (quia aliâs recolendae memoriae Iulius Papa II similiter prædecessor in concessione regni Siciliae huiusmodi et Hierusalem, cum totâ terrâ quæ est citra pharum usque ad confinia terrarum sanctae Romanae Ecclesiae, exceptâ civitate Beneventanâ et eius territorio ac pertinentiis, per ipsum Iulium prædecessorem clarae memoriae Ferdinando Aragoniae et utriusque Siciliae regi, dicti Philippi genitoris tui tritavo, pro se, et suis in regno Aragoniae successoribus, tam masculis quam feminis, ex rectâ lineâ descendantibus, natis et nascituris, in feudum perpetuum factâ similiter de venerabilium fratrum suorum sanctae Romanae Ecclesiae cardinalium consilio, et forsân ante eum diversi alii Romani Pontifices prædecessores nostri, tunc sui, voluerunt iureiurando firmari, quod tam ipse Ferdinandus rex, quam eius in dicto regno Siciliae et Hierusalem cum totâ terrâ citra pharum hæredes et successores, nunquam procurarent eligi¹ vel nominari in regem Romanorum, aut Theutoniae, vel dominum Lombardiae, seu

¹ Edit. Main. legit *elegi* (R. T.).

Thusciae, aut maioris partis earum, nec electioni vel nominationi assensum præstarent, neque se intromitterent ullo modo in regimine ipsius regni Romani, seu Theutoniae, vel domini Lombardiae, aut Thusciae, seu maioris partis eorum, ad quodcumque eorum ipsi nominati fuissent vel electi; et si, post talem electionem, de regno Romano, seu Theutoniae, aut dominio Lombardiae, vel Thusciae, seu maioris partis earum, manifeste se intromitterent, sine expresso Romani Pontificis mandato, eo ipso a iure regni Siciliae citra pharum huiusmodi caderent ex toto, prout in ipsorum Iulii sub datum v nonas iulii, pontificatus sui anno vii, ac Gregorii prædictorum sub datum Romae, apud S. Petrum, anno Incarnationis Dominicae mdcxxi, pontificatus sui anno i¹, necnon forsân aliorum Romanorum Pontificum prædecessorum nostrorum confectis litteris, quarum omnium et singularum tenores, ac si de verbo ad verbum inserebantur, praesentibus haberi volumus pro expressis, plenius continetur) a nonnullis haesitari possit, an ducatus Mediolani, cuius tu etiâ dux existis, maiorem partem domini Lombardiae huiusmodi comprehendat, ac tu regnum Siciliae et Hierusalem cum totâ terrâ citra pharum huiusmodi cum dicto ducatu obtinere possis, nec super haesitatione sive dubio aut potestate huiusmodi ulla declaratio, sive ullum indultum, aut quaelibet alia gratia, ab eodem Gregorio prædecessore tibi forsân concessa, expedita, seu aliâs litterae apostolicae desuper confectae fuerint:

§ 3. Nos, etsi cognoscimus prohibitiones huiusmodi non sine magnâ et rationabili causâ a Iulio et forsân aliis prædecessoribus prædictis emanasse, nihilominus sperantes, et pro certo tenentes, quod tu scies et voles commissos tibi populos in

Urbanus eodem Philippo indultum concedit retinendi ducatum Mediolani.

¹ Iulii litterae desunt; illas Gregorii habes in tom. xii, pag. 628 (R. T.).

pacis amoenitatae et iustitiae cultu con-
 fovere, nos et Romanam Ecclesiam ipsius
 regni proprietarios et directos dominos
 gratâ devotione et fide sincerâ recogno-
 scere, et quanto potentior eris, tanto ma-
 gis eidem Ecclesiae favere, eamque contra
 improbos perversorum conatus defendere
 et adjuvare procurabis; te a quibusvis
 excommunicationis, suspensionis et inter-
 dicti, aliisque ecclesiasticis sententiis, cen-
 suris et poenis, a iure vel ab homine, qua-
 vis occasione vel causâ latis, si quibus quo-
 modolibet innodatus existis, ad effectum
 praesentium dumtaxat consequendum, ha-
 rum serie absolventes et absolutum fore
 censentes, necnon concessionem et elar-
 gitionem, infeudationemque et investitu-
 ram de eodem regno, per dictum Grego-
 rium praedecessorem tibi, ut praefertur,
 factas, ratas et gratas habentes, motu pro-
 prio, non ad tuam vel alterius pro te no-
 bis super hoc oblatae petitionis instantiam,
 sed de merâ liberalitate et certâ scientiâ
 nostris, te, quatenus dictus ducatus ma-
 iorem partem Lombardiae huiusmodi com-
 prehendat, tuque relaxatione iuramenti et
 dispensatione ad obtinendum regnum Si-
 ciliae citra pharum et ducatum huiusmodi
 indigeas, seu aliâs relaxatione et dispen-
 satione praedictis opus sit, a quibusvis
 reatu periurii, ac sententiis, censuris et
 poenis, si quas forsâ regnum Siciliae cum
 pharo huiusmodi ante vel post accepta-
 tionem dicti ducatus acceptando, aut te
 illius regimini immiscendo, vel illius re-
 gem inscribendo aut denominando iam
 forsâ incurristi, aut incurrere potes, au-
 ctoritate apostolicâ, tenore praesentium,
 absolvimus et liberamus, absolutumque
 et liberatum esse decernimus: ac, dum-
 modo alia, quae in litteris concessionis
 regni Siciliae citra pharum huiusmodi in
 feudum, necnon capitulis inter piae me-
 moriae Leonem Papam X praedecessorem
 nostrum, et inclitae memoriae Carolum

imperatorem tunc regem Romanorum sub
 die III mensis iunii, anni MDXXI initis con-
 tenta sunt¹, ad te et alios, ipsius Caroli im-
 peratoris successores pertinentia, et quo-
 rum remissio per praedictam Sedem facta
 non apparet, quorum omnium tenores, ac
 si de verbo ad verbum insererentur, simi-
 liter praesentibus haberi volumus pro ex-
 pressis, quoad vixeris inviolabiliter obser-
 ves, quodcumque iuramentum per te aut
 alium nomine tuo super non obtinendo
 dominio Lombardiae huiusmodi, aut illius
 maiori parte cum ipso regno Siciliae citra
 pharum hactenus forsâ praestitum, et in
 futurum per te vel procuratorem tuum
 praestandum, ex nunc prout postquam
 praestitum fuerit, ad hoc dumtaxat, ut
 ducatum et regnum Siciliae citra pharum
 huiusmodi absque alicuius censurae et
 poenae incursu vel labe seu reatu periurii
 obtinere, teque regem Siciliae citra pha-
 rum et ducem Mediolani nominare et in-
 scribere, ac ab aliis denominari et inscribi
 possis, auctoritate et tenore praedictis re-
 laxamus, teque eo non teneri, nec adstringi
 pariter decernimus, tibi que quod ducatu-
 tum et regnum Siciliae citra pharum, ut
 praefertur, tenere et possidere possis, au-
 ctoritate et tenore praedictis de speciali
 gratiâ concedimus et indulgemus, ac per-
 sonam tuam, si expediat, et opus sit, tu-
 que indigeas, ad praedicta omnia habili-
 tamus.

§ 4. Non obstantibus praemissis, ac Derogat con-
 trariis. constitutionibus et ordinationibus aposto-
 licis, necnon omnibus illis, quae Iulius et
 Leo, ac alii Romani Pontifices praedeces-
 sores praedicti in litteris et capitulis praec-
 dictis voluerunt non ob stare, ceterisque
 contrariis quibuscumque.

§ 5. Volumus autem et declaramus, Cavet autem,
 ne quod detri-
 menti Romana
 Ecclesia suis in-
 teribus patia-
 tur. quod per huiusmodi relaxationem, decre-
 tum, concessionem, indultum et habilita-
 tionem, nullum praeiudicium nostris et

¹ Vocem sunt nos addimus (B. T.).

dictae Sedis ac sanctae Romanae Ecclesiae iuribus in quibuscumque civitatibus, terris et locis ipsius Lombardiae inferatur, sed iura ipsa in suo robore salva et illaesa remaneant: quodque si, quod absit, te a nostra et dictae Ecclesiae Romanae, ratione dicti regni Siciliae citra pharum, fidelitate retraxeris, praesentes litterae nullius sint roboris vel momenti, dictumque regnum Siciliae citra pharum ad nos, et dictam Romanam Ecclesiam devolvatur, ac devolutum esse censeatur, ad eamque libere revertatur eo ipso.

Datum Romae, apud sanctum Petrum, sub annulo Piscatoris, die v februarii MDCXXIV, pontificatus nostri anno I.

Dat. die 5 februarii 1624, pontif. an. I.

XXXVI.

Erectio militiae christianae sub titulo Conceptionis B. Mariae Virginis Immaculatae et regula S. Francisci, cum privilegiorum, exemptionum et indulgentiarum concessione.

Urbanus Episcopus,
servus servorum Dei,
ad perpetuam rei memoriam.

Exordium et
causae huius
Constitutionis.

Imperscrutabilis¹ divinorum iudiciorum altitudo, statim atque humilitatem nostram ad pontificiae dignitatis culmen, nullo licet meritorum suffragio, evexit, inter multiplices, gravissimasque apostolatus nostri curas, ad militares ordines, qui, anteactis temporibus maximo christianae reipublicae bono instituti, in catholica re firmanda, varia terrâ, marique discrimina subeuntes, gloriose desudant, peculiari sollicitudinis studio mentis nostrae aciem iure optimo convertimus. Quemadmodum enim spiritualibus evangelicae iustitiae armis invisibiles militantis Ecclesiae hostes felici certamine profligantur, ita adversus per-

ditas gentes, quae superno fidei lumine destitutae, christianoque nomini infensae, eidem Ecclesiae perniciem afferre moluntur, visibilibus armorum usu orthodoxa religio opportune propugnatur. Quamobrem inaeestimabili gaudio perfundimur, cum principes viri vel ad veteres eosdem ordines amplificandos, vel ad novos apostolicâ auctoritate instituendos, animos generose convertunt. Verum praecipue in Domino oblectamur, dum institutionem unius militaris religionis sub invocatione Conceptionis Deiparae Virginis Immaculatae meditantur, quam christifideles omnes propitiam apud Unigenitum Filium suum nacti sunt advocatam, utpote quae Mater gratiae et pietatis, pro humani generis salute sedula oratrix apud regem, quem genuit, semper intercedat, sperantes, huiusmodi institutionem eiusdem Virginis caelorum reginae intercessionem praefatae christianae reipublicae uberrimos fructus allaturam; praeterquamquod hoc pacto Ecclesia ipsa circumamicta varietate caelestis eius sponsi iucundiores se habet obtutui, ac terribilis ut castrorum acies ordinata dissipat gentes, quae bella volunt, divinoque suffulta praesidio, nunquam adversus se portas inferi praevalituras ostendit. Hinc vero fit, ut eorum, qui saluberrimum huiusmodi opus sedulo promovere student, et porrectas nobis preces pronis auribus excipiamus, et pie conceptis votis, pontificiae benignitatis memores, quantum in Domino possumus, annuamus.

§ 1. Exhibita siquidem nobis nuper pro parte dilectorum filiorum nobilium virorum Ferdinandi Mantuae et Caroli Nivernensium¹ ducum et Adolphi comitis ab Altan petitio continebat, quod nuper ipsi Ferdinandus et Carolus duces et Adolphus comes, animos ad caelestia erigentes, probeque cognoscentes, nihil christiano prin-

Mantuae duces
et Nivernensium
militum
christianam in-
stituere curant

¹ Erronee edit. Main. legit *Inscrutabili* (R. T.).

¹ Potius legendum *Nivernensis* (R. T.).

cipi convenientius esse posse, quam ad Dei optimi maximi bonorum omnium largitoris cultum promovendum, fidem catholicam propagandam, christianorum omnium defensionem, orthodoxae fidei hostium depressionem, cogitationes, operasque suas convertere, Spiritu Sancto inspirante, unius militiae christianae institutionem, in qua omnium nationum, qui christiano nomine censentur, nobiles et ingenue nati viri, pro fide catholicâ et adversus illius hostes terrâ, marique, exigente occasione, certaturi, recipiantur, meditati sunt. Cumque (sicut eorum petitio subiungebat) multam iam ex variis nationibus catholici hoc institutum amplecti, talique militiae se adscribere summopere desiderent; sperandumque sit, eam (si Sedis Apostolicae auctoritate instituatur) reipublicae christianae non ornamento tantum, sed etiam adiumento futuram; quare iidem Ferdinandus et Carolus duces et Adolphus comes, desiderantes pium hoc et laudabile opus auspiciis nostris ad effectum perducere, nobis humiliter supplicari fecerunt, quatenus in praemissis opportune providere de benignitate apostolicâ dignaremur.

Eam originem
habet Pontifex;

§ 2. Nos igitur, qui divini cultus augmentum, fideique catholicae propagationem ubique vigere sinceris desideramus affectibus, eosdem Ferdinandum et Carolum duces, ac Adolphum comitem, in tam laudabili militiae christianae promovendae proposito confoventes, ipsosque et eorum singulos a quibusvis excommunicationis, suspensionis et interdicti, aliisque ecclesiasticis sententiis, censuris et poenis a iure vel ab homine quavis occasione vel causâ latis, si quibus quomodolibet innodati existunt, ad effectum praesentium dumtaxat consequendum, harum serie absolventes et absolutos fore censentes, huiusmodi supplicationibus inclinati, unam militiam christianam nuncupandam sub titulo Conceptionis B. Mariae Virginis Im-

maculatae, quam Ferdinandus et Carolus duces ac Adolphus comes praefati semper habuerunt et habent apud misericordem Filium suum advocatam, ac sub regulâ S. Francisci, necnon sub protectione Ss. Michaëlis archangeli et Basilii, pro uno magistro, qui magnus nuncupetur, et ipsius militiae caput et superior existat, cuiusque sedes et conventus in loco apto et commodo ei assignando sit, et qui in ipsius militiae capitulo eligi, et intra tres menses, a die suae electionis computandos, illius confirmationem a Sede Apostolicâ, a qua confirmari vel infirmari debeat, prout ordo exegerit rationis, impetrari teneatur;

§ 3. Necnon militum ac ministrorum numero eidem magistro benevisio;

De militum
numero,

§ 4. Qui magister et milites habitum ipsius militiae gestare,

Habitu.

§ 5. Et quilibet pro suâ receptione, seu, ut dicitur, *passaggio* ducenta scuta aurea, ad rationem duodecim iuliorum pro quolibet scuto huiusmodi, conventui, seu illius thesauro, vel communi aerario solvere,

§ 6. Novitium, seu probationem, in aliquâ dictae militiae regulari domo, eis a magistro militiae huiusmodi, seu ab eo ad id deputando, assignandâ, facere,

Novitium.

§ 7. Et postea castitatis coniugalibus ac paupertatis, iuxta statuta seu stabilimenta dictae militiae, ac obedientiae vota, et professionem fidei, ac iuramentum fidelitatis, Sedi Apostolicae et Romano Pontifici pro tempore esistenti praestandae, emittere,

Vota et pro
fessionem

§ 8. Et quotiescumque eis praecipietur, aut occasio, vel necessitas postulaverit, terrâ, marique contra infideles, ac sanctae Romanae Ecclesiae ac fidei catholicae hostes militare teneantur;

§ 9. Et ad habitum, seu crucem, ac professionem dictae militiae nobiles et ingenue nati viri, etiam qui cum unicâ, vel eâ defunctâ, cum alterâ tantum muliere virgine vel etiam viduâ coniugati sint,

De qualitate
bus a Im Con
torum

vel fuerint, et non aliàs, absque dispensatione apostolicà, admittantur; seu ipsi milites non coniugati, etiam dictà professione emissà, matrimonium cum unicà, vel eà mortua, cum alterà tantum virgine, vel viduà, absque simili dispensatione contrahere possint;

De mensa magistratuum et insignibus.

§ 10. Cum mensa magistrali, officiis, iuribus, iurisdictionibus et insignibus consuetis, ad instar aliarum huiusmodi militiarum ubivis institutarum, sine tamen alicuius praeiudicio, apostolicà auctoritate, tenore praesentium, perpetuo erigimus et instituimus.

Dot.

§ 11. Illique sic erectae et institutae, pro eius dote, omnes et quascumque pecuniarum quantitates ex receptione, seu admissione, vel *passaggio*, cuiuslibet militis provenientes (ita ut illae in alios, quam dictae dotis usus, donec aliter a Sede Apostolicà mandatum fuerit, converti nequeant), necnon alia bona, non tamen ecclesiasticà, sed mere laicalia, ei a quibusvis, quandocumque et quomodocumque pro tempore assignanda et elargienda, salvà semper constitutione felicitis recordationis Clementis Papae VIII, praedecessoris nostri, quae incipit *Romanum decet Pontificem*, sub datum Romae, apud S. Petrum, pridie nonas iulii, pontificatus sui anno x¹, ex nunc, prout ex tunc, et e contra, postquam assignata, erogata et elargita fuerint, etiam perpetuo applicamus et appropiamus.

Militia, eiusque bona et milites Sedis Apostolicae subiciuntur.

§ 12. Ipsamque militiam, ac illius conventum, prioratus, praeposituras, ecclesias et loca, necnon magistrum, priores, praepositos, milites, tam ecclesiasticos quam laicos, eorumque ministros, personas, vassallos, servitores et colonos, ac res, praedia, grangias et bona quaecumque ratione dictae militiae ad eos spectantia, a quorumvis primatum, patriarcharum, archiepiscoporum, episcoporum, ordina-

riorum, et aliorum praelatorum iurisdictione et subiectione eximimus et liberamus, illosque et illa nobis et Sedi Apostolicae immediate subiicimus, ac sub nostrà et dictae Sedis tutelà et protectione suscipimus.

§ 13. Praeterea dictae militiae magistro et militibus, ut (etiamsi matrimonium cum unicà, vel eà defunctà, cum alià virgine, vel viduà, contraxerint, vel contrahant) unam seu plures pensiones annuas (quae tamen in totum trecenta scuta monetae romanae ad rationem decem iuliorum pro quolibet scuto huiusmodi in singulas personas non excedant) super cathedralium, etiam metropolitanarum, et aliarum etiam abbatialium, conventualium, et capitularium mensarum, necnon monasteriorum etiam consistorialium, prioratum, canonicatum, et praebendarum, dignitatum, personatum, administrationum et officiorum, aliorumque beneficiorum ecclesiasticorum, cum curà et sine curà, secularium et quorumvis Ordinum et militiarum regularium, qualitercumque qualificatorum, fructibus, redditibus, proventibus, iuribus, obventionibus et emolumentis universis, ac etiam distributionibus quotidianis, aliàs sibi canonice reservandas, recipere, percipere, exigere, ac in suos usus et utilitatem convertere, ipsasque pensiones, unà cum praeceptoris, prioratibus aut aliis beneficiis quibuscumque dictae militiae, quoad vixerint retinere libere et licite possint;

Milites habiles declarantur ad ecclesiasticas pensiones obtinendas.

§ 14. Eisdemque magistro et capitulo generali dictae militiae, ut quascumque constitutiones, statuta, ordinationes, capitula, stabilimenta ad prosperam dictae militiae directionem facientia, licita tamen et honesta, ac sacris canonibus, Concilii-que Tridentini decretis minime contraria, a dictà Sede tamen approbanda, condere¹, illaque pro rerum et temporum qualitate et varietate alterare, revocare,

Facultas concedendi statuta, quae milites servare teneantur.

¹ Quam vide in tom. x, pag. 711 (R. T.).

¹ Perperam ed. Main. legit *concedere* (R. T.).

mutare, moderari, corrigere, et alia de novo condere possit; quae, postquam condita, alterata, revocata, mutata, moderata, correctae, et de novo editae, et a dicta Sede approbata fuerint, et non alias, valida et efficacia existant, suosque plenarios et integros effectus sortiantur, et per milites fratres religiosos, et alias eiusdem militiae personas, inviolabiliter observari debeant, ita et taliter, quod milites et alii religiosi dictae militiae ab illis nullo modo resilire possint, sed ad illorum observationem teneantur, et obligati existant, et ad id censuris ecclesiasticis et aliis poenis cogi et compelli possint;

Carolo duci
Manituae data
facultas dire-
ctores eligendi
usque ad capi-
tulum generale.

§ 15. Et quoniam iustis ex causis electio magni magistri militiae per praesentes erectae usque ad capitulum generale, in Urbe in festo sanctissimae Pentecostes anni MDCXXV celebrandum, differenda est, ne interim praefatae militiae progressus retardetur, et ut ad illius habitum admitti volentium devotioni satisfieri possit, eidem Carolo duci, ut duodecim eiusdem militiae milites in orientalis, meridionalis, occidentalis, et septemtrionalis districtuum directores, unum videlicet ecclesiasticum et duos alios eiusdem militiae milites pro quolibet districtu huiusmodi, deputare, ipsisque directoribus sic deputatis, ut pro felici directione dictae militiae aliqua statuta et ordinationes, quae ad locorum, rerum et temporis qualitatem, secundum eorum conscientiam, accomodata iudicaverint, ab ipsis militiae militibus in dictis respective districtibus observanda usque ad dictum capitulum generale et tempus, ut praefertur, ad illud celebrandum praefixum, et non ultra, licita tamen et honesta, ac sacris canonibus et Concilii Tridentini decretis minime repugnantia, condere et praescribere, et per se, vel alios ab eis respective deputandos, quibusvis personis idoneis et qualificatis, praefatae militiae se adscribi petentibus, habitum illius tradere,

et eas ad militiam huiusmodi admittere, aliaque ad id dicto medio tempore necessaria facere et exequi respective possint, amplam et liberam facultatem et potestatem, auctoritate et tenore praefatis, concedimus et impertimur.

Clausulae pro
praesentium li-
terarum firmi-
tate.

§ 16. Praesentes vero litteras, etiam ex eo quod causa seu causae, propter quam seu quas illae a nobis emanarunt, iustificatae et verificatae, et interesse forsitan habentes seu habere praetendentes vocati non fuerint, seu quibusvis aliis ex causis, de subreptionis vel obreptionis aut nullitatis vitio seu intentionis nostrae aut quopiam alio defectu notari aut impugnari seu ad viam et terminos iuris reduci non posse, sed semper validas et efficaces esse et fore, suosque plenarios et integros effectus sortiri et obtinere;

§ 17. Sicque per quoscumque iudices ordinarios et delegatos, etiam causarum palatii apostolici auditores, ac S. Romanae Ecclesiae cardinales, etiam de latere legatos et vicelegatos, necnon dictae Sedis Apostolicae nuntios, in quacumque instaurata, ubicumque et quomodocumque iudicari, decidi, definiri, ac etiam terminari posse atque debere, auctoritate apostolica, et earumdem tenore praesentium, decernimus.

Indulgentiae
militibus con-
ceduntur.

§ 18. Postremo, eisdem magistro, militibus, et aliis dictis militiae personis pro tempore existentibus, vere poenitentibus et confessis, ac sacramenta communione (si id commodum fieri poterit) reffectis, tam die illorum professionis, si vere poenitentes et confessi, ac sacramenta communione praefata refecti, quam quocumque die, quo alicui expeditioni vel functioni aut praelio contra fidei catholicae hostes interfuerint, si saltem contriti fuerint, plenariam omnium peccatorum suorum indulgentiam et remissionem elargimur.

§ 19. Non obstantibus nostrae de gratiis ad instar non concedendis, et aliis quibusvis

Derogatio
contrariarum

apostolicis, necnon in provincialibus et synodalibus, universalibusque conciliis editis et edendis, specialibus vel generalibus, constitutionibus et ordinationibus, etiam iuramento, confirmatione apostolica, vel quavis firmitate aliâ roboratis statutis et consuetudinibus, privilegiis quoque, indulgentiis et litteris apostolicis, sub quibuscumque tenoribus et formis, ac cum quibusvis clausulis, etiam derogatoriis derogatoriis, irritantibusque et aliis etiam vim contractus inducentibus decretis, in contrarium forsitan quomodolibet concessis, approbatis et innovatis. Quibus omnibus latissime, hac vice dumtaxat, specialiter et expresse derogamus, ceterisque contrariis quibuscumque.

Exemptio exemplatur ad formam Concilii Tridentini.

§ 20. Volumus autem, quod exemptio praefata non comprehendat ecclesias, neque personas in eis quae ad animarum curam pertinent, in quibus decreta Concilii Tridentini omnino servari debeant.

§ 21. Nulî ergo omnino hominum liceat, hanc paginam nostrae absolutionis, erectionis, institutionis, applicationis, appropriationis, subiectionis, susceptionis, concessionis, impartitionis, decreti, elargitionis, derogationis et voluntatis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursurum.

Datum Romae, apud S. Petrum, anno Incarnationis Dominicae MDCXXIV, pridie idus februarii, pontificatus nostri anno I.

Dat. die 12 februarii 1624, pontif. an. 1.

XXXVII.

Indultum militibus militiae christianae nationum Gallicae et Belgicae obtinendi pensiones usque ad summam quingentorum ducatorum auri de camerâ¹.

¹ Ex Regest. in Secret. Brev.

Urbanus Papa VIII,
ad futuram rei memoriam.

Nuper, supplicationibus dilectorum filiorum nobilium virorum Ferdinandi Mantuae ac Caroli Nivernensis ducum necnon Adolphi comitis de Althan nobis humiliter porrectis inclinati, unam militiam christianam nuncupatam sub certis modo et formâ tunc expressis apostolicâ auctoritate ereximus et instituimus, illique sic erectae et institutae diversa privilegia, gratias et indulta concessimus, aliaque in militiae favorem eiusdem fecimus, statuimus et ordinavimus, prout in nostris desuper sub plumbo expeditis litteris, quarum tenores praesentibus pro expressis haberi volumus, plenius continetur.

Militibus militiae christianae nuper a se erectae.

Et privilegia auctae.

§ 2. Quare nos, militum Gallicanae et Belgicae nationis, eiusdem militiae commodis, et congruae sustentationi, quantum cum Domino possumus, prospicere volentes, supplicationibus Ferdinandi ac Caroli ducum et Adolphi comitis praedictorum nomine nobis super hoc humiliter porrectis inclinati, omnibus et singulis nationum praedictarum militibus coniugatis, ac etiam bigamis, aliisque presbyteris, ut singulas pensiones annuas usque ad summam quingentorum ducatorum auri de camerâ super quarumvis cathedralium et metropolitanarum, ac aliarum ecclesiarum, monasteriorum, prioratuum, canonicatum, et praebendarum, dignitatum, personatum, administrationum, et officiorum, aliorumque beneficiorum ecclesiasticorum, cum curâ et sine curâ, secularum et quorumvis Ordinum regularium, fructibus, redditibus, proventibus, iuribus, obventionibus et emolumentis, aliâs sibi canonice reservandas, cumulative cum quibusvis pensionibus annuis, quas illos ex quovis alio privilegio apostolico pro tempore percipere contigerit et continget, ad eorum vitam percipere, exigere et levare, ac in suos usus et utilitatem con-

Indultum concedit obtinendi pensiones usque ad summam 500 ducatorum

vertere libere et licite valeant, dictâ auctoritate, tenore praesentium, concedimus et indulgemus.

Glausulas pro
eiusdem indulti
femilite appro-
bat

§ 3. Decernentes praesentes litteras validas, firmas et efficaces existere et fore suosque plenarios et integros effectus sortiri et obtinere, ac eisdem militibus in omnibus et per omnia plenissime suffragari; sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Derogat ob-
stantibus.

§ 4. Non obstantibus quibusvis constitutionibus et ordinationibus apostolicis, ac aliis omnibus et singulis, quae in praedictis litteris volumus non obstare, ceterisque contrariis quibuscumque.

Datum Romae, apud S. Petrum, sub anulo Piscatoris, die xxiii februarii mdcxxiv, pontificatus nostri anno i.

Dat. die 23 februarii 1624, pontif. an. i.

XXXVIII.

Prohibitio, ne quis habitum et crucem assertae cuiusdam militiae christianae, ab Apostolicâ Sede non approbatae, deferat¹.

Urbanus Papa VIII,
ad futuram rei memoriam.

Urbanus mi-
litiam christia-
nam nuncupa-
tam erexerat.

§ 1. Nuper, supplicationibus dilectorum filiorum nobilium virorum Ferdinandi Mantuae ac Caroli Nivernensis ducum necnon Adolphi comitis de Althan nobis humiliter porrectis inclinati, unam militiam christianam nuncupatam, sub certis modo et formâ tunc expressis, apostolicâ auctoritate ereximus et institimus, illique sic erectae et institutae diversa privilegia, gratias et indulta concessimus, aliaque fe-

cimus, statuimus et ordinavimus, prout in nostris desuper sub plumbo expeditis litteris, quarum tenores praesentibus pro expressis haberi volumus, plenius continetur.

§ 2. Cum autem, sicut accepimus,¹ asserta quaedam militia de facto christiana forsâ erecta, licet a Sede Apostolicâ minime approbata fuerit, nonnulli nihilominus habitum assertae eiusdem militiae, auctoritate propriâ, suscepissent, et illius crucem collo appensam ac pannis affixam gestaverint de facto, et forsâ etiam gestent:

Nonnulli ve-
ro assertae cu-
iusdam militiae
christianae ha-
bitum et insi-
gnia sumenti-
bus.

§ 3. Nos, praemissis, quantum cum Domino possumus, obviare volentes, de consilio nonnullorum venerabilium fratrum nostrorum S. R. E. cardinalium, quibus negotium huiusmodi examinandum commisimus, omnibus et singulis, qui assertae huiusmodi militiae non approbatae habitum et crucem suscepissent, illumque et illam ad praesens deferunt, sub excommunicationis latae sententiae et indignationis nostrae et aliis arbitrii nostri poenis, per praesentes praecipimus et mandamus, ut, habitum earundem praesentium notitiâ, illico habitum et crucem assertae militiae non approbatae huiusmodi depellant, nec amplius assumere sive gestare audeant seu praesumant.

Id expressè
vocat.

§ 4. Eisdem tamen permittimus atque indulgemus, ut habitum per fratres milites militiae christianae a nobis, ut praefertur, erectae gestari solitum, servatis aliâs ipsius militiae constitutionibus a nobis etiam approbatis, suscipere, et professionem per eosdem emitti consuetam suo tempore expresse emittere libere et licite valeant.

Et permittit,
ut erectae a no-
bilitate inscribi
quis possit.

§ 5. Quocirca venerabilibus fratribus patriarchis, archiepiscopis, episcopis, ce-

Exequutores
designat.

¹ Ex Regest. in Secret. Brev.

¹ Haec deleamus vocem *licet*, quae postea sequitur; ceterum syntaxis mendosa deprehenditur; forsâ legendum *assertâ quâdam militiâ* (R.T.).

terisque locorum ordinariis ubilibet existentibus, ac dilecto filio causarum curiae camerae apostolicae generali auditori, per easdem praesentes committimus et mandamus, quatenus ipsi, per se, vel alium, seu alios, praesentes litteras, et in eis contenta huiusmodi, ubi et quoties opus fuerit, solemniter publicantes, faciant illa auctoritate nostrâ ab omnibus, ad quos spectat, inviolabiliter observari. Contradictores quoslibet et rebelles per sententias censuras et poenas ecclesiasticas, aliaque opportuna iuris et facti remedia, appellatione postpositâ, compescendo, invocato etiam ad hoc, si opus fuerit, auxilio brachii secularis.

Derogatio
contrariorum.

§ 6. In contrarium facientibus non obstantibus quibuscumque.

Transumptis
danda fides.

§ 7. Volumus autem, quod praesentium transumptis, etiam impressis, manu alicuius notarii publici subscriptis et sigillo personae in dignitate ecclesiasticâ constitutae munitis, eadem prorsus fides in iudicio et extra ubique locorum habeatur, quae eisdem praesentibus haberetur, si forent exhibitae vel ostensae.

Datum Romae, apud S. Petrum, sub annulo Piscatoris, die XXIII february MDCXXIV, pontificatus nostri anno I.

Dat. die 23 february 1624, pontif. an. I.

XXXIX.

Confirmatio litterarum Pauli V pro universitate et hominibus comitatus Venayssini¹.

Urbanus Papa VIII,
ad futuram rei memoriam.

Reconset Pauli
V litteras.

Aliâs a felicis recordationis Paulo Papa V praedecessore nostro emanarunt litterae tenoris subsequenter, videlicet: *Di-*

¹ Ex Regest. in Secret. Brev.

lectis filiis consulibus ac comunitati, et hominibus comitatus nostri Venayssini. Intus vero: *Paulus P^{ater} V, dilecti filii, salutem et apostolicam benedictionem.* *Vestra singularis erga nos* (Reliqua vide in tom. XI, pag. 298). *Datum Romae apud S. Mariam Maiorem sub annulo Piscatoris die III aprilis MDCVI, pontificatus nostri anno I.*

Confirmatque.

§ 2. Nunc autem nos, electos ac universitatem et homines huiusmodi specialibus favoribus et gratiis prosequi volentes, ac eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodati existunt, ad effectum praemissorum dumtaxat consequendum, harum serie absolventes et absolutos fore censentes, motu proprio, non ad electorum, ac universitatis et hominum praedictorum, vel alicuius eorum, aut alterius pro eis nobis super hoc oblatae petitionis instantiam, sed ex certâ scientiâ ac maturâ deliberatione nostris, deque apostolicae potestatis plenitudine, litteras praeinsertas, ac in eis contenta quaecumque, apostolicâ auctoritate, tenore praesentium, approbamus et confirmamus, illisque inviolabilis apostolicae firmitatis robur adiciamus.

§ 3. Decernentes easdem praeinsertas et praesentes litteras validas, firmas et efficaces existere et fore, nec non electis ac universitati et hominibus praedictis in omnibus et per omnia plenissime suffragari; sicque per quoscumque iudices et commissarios, quavis auctoritate fungentes, etiam sanctae Romanae Ecclesiae cardinales, et de latere legatos, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Clausulas apostolicas.

Exequutores
designat.

§ 4. Quocirca dilectis filiis Carpentoracensi et Cavallicensi ac Vesionensi officialibus per apostolica scripta mandamus, quatenus ipsi, vel duo, aut unus eorum, per se, vel alium, seu alios, praesentes litteras et in eis contenta quaecumque, ubi et quando opus fuerit, et quoties pro parte incolarum et habitatorum praedictorum, illorumque singulorum, et aliorum ad quos spectat, fuerint requisiti, solemniter publicantes, eisquē in praemissis efficacis defensionis praesidio assistentes, faciant auctoritate nostrā illos et eorum singulos privilegiis, indultis, statutis, et aliis praemissis ac praesentibus litteris pacifice frui et gaudere; non permittentes illos desuper per quoscumque quomodolibet indebite molestari; contradictores quoslibet et rebelles ac praemissis non parentes per censuras et poenas ecclesiasticas, aliaque opportuna iuris et facti remedia, appellatione postpositā, compescendo; ac, legitimis super his habendis servatis processibus, illos sententias, censuras et poenas huiusmodi incidisse declarando, illasque¹ etiam iteratis vicibus aggravando, invocato etiam ad hoc, si opus fuerit, auxilio brachii secularis.

Contraria tollit.

§ 5. Non obstantibus omnibus illis, quae dictus Paulus praedecessor in praesentis litteris suis voluit non obstare, ceterisque contrariis quibuscumque.

Datum Romae, apud S. Petrum, sub annulo Piscatoris, die xxiv februarii mdcxxiv, pontificatus nostri anno I.

Dat. die 24 februarii 1624, pontif. an. I.

XL.

Confirmatio et innovatio constitutionum Gregorii XIII, Clementis VIII et Pauli V super bono regimine fratrum Reformatorum Strictioris Observantiae

¹ Edit. Main. legit illisque (R. T.).

Ordinis sancti Francisci editarum, nonnullis aliis additis decretis¹.

Urbanus Papa VIII,
ad perpetuam rei memoriam.

Romanus Pontifex, in quo, dispositione incommutabili, divina providentia universalis Ecclesiae constituit principatum, auctoritatem a Christo per beatum Petrum Apostolorum culmen sibi traditam intelligens, ut noxia evellat et destruat, utiliaque plantet et aedificet,² interdum, quae rationalibus ex causis a Sede Apostolica sancita sunt, ipsa subinde rerum experientia suadente et maioribus ex causis alterat et immulat, in hisque pastoralis officii sui partes sollicite et prudenter interponit, prout, rerum, temporumque qualitatibus debite pensatis, conspicit in Domino salubriter expedire.

Exordium.

§ 1. Alias siquidem felicitis recordationis Gregorius Papa XV, praedecessor³ noster, dilectos filios Antonium Strozium, et postea, eo a munere infrascripti officii absoluto, Aloysium a Cruce, Ordinis fratrum Minorum S. Francisci Strictioris Observantiae Reformatorum nuncupatorum professores, praevia electione de eius persona ad idem officium a fratribus factā, in vicarios generales omnium fratrum Reformatorum citra⁴ montes commorantium et existentium, sub certis modo et forma tunc expressis, fecit, constituit, deputavit, ac respective confirmavit, aliaque tunc expressa, tam super ipsius vicarii generalis auctoritate et iurisdictione, necnon capituli generalis eorundem fratrum Refor-

Gregorius XV
edidit constitu-
tiones circa Re-
formatos Stric-
tioris Obser-
vantiae sancti
Francisci.

¹ Constitutiones horum Pontificum habes Gregorii XIII Const. xcix *Cum illius* tom. VIII, pagina 247; Clem. VIII Const. cxxxiv *Pro iniuncti* (in h. n. edit. cxli, tom. x, pag. 299), et Pauli V Const. lxii (in n. ed. lxiv) *Postulat* tom. xi, pag. 376.

² Hic coniunct. et importune interiectam delermus (R. T.).

³ Edit. Main. legit praedecessores (R. T.).

⁴ Edit. Main. legit circa (R. T.).

matorum celebratione, quam aliàs fratrum ipsorum gubernio, regimine atque directione, statuit, decrevit et ordinavit, prout in diversis ipsius Gregorii praedecessoris desuper in simili formâ Brevis, et praesertim sub die XXIV novembris MDCXXI, ac die VII decembris MDCXXII expeditis litteris¹, quarum tenores praesentibus pro expressis haberi volumus, plenius continetur.

Hic Pontifex eas pro eorum magis prospero regimine revocavit.

§ 2. Nunc vero nos, dictorum fratrum paci et quieti, necnon salubri, prosperoque eorumdem regimini atque directioni, quantum cum Domino possumus, per amplius consulere volentes, de consilio dilectorum filiorum nostrorum Dominici basilicae Ss. XII Apostolorum, Gymnasii, Fabricii S. Augustini Veralli, Gabrielis S. Bartholomaei in insulâ de Treio, Scipionis S. Susannae, ac Petri S. Salvatoris in Lauro titulorum sanctae Romanae Ecclesiae presbyterorum cardinalium Valerii nuncupatorum, quibus negotium unionis eorumdem fratrum Reformatum fratribus eiusdem Ordinis de Observantiâ seu de Familiâ nuncupatis examinandum commissimus, deputationes, electiones et confirmationes de Antonii et successive de Aloysii praedictorum personis in eorumdem fratrum Reformatum vicarios per eundem Gregorium praedecessorem, ut praefertur, respective factas, singulasque ipsius Gregorii praedecessoris litteras, ac omnia et singula in illis quomodolibet contenta et expressa, dictâ auctoritate, tenore praesentium, perpetuo revocamus, cassamus et annullamus, viribusque et effectu omnino evacuamus.

Sub obedientia generalis ministri de Observantiâ degere statuit, iuxta constitutiones Gregorii XIII, Clementis VIII, et Pauli V.

§ 3. De cetero autem perpetuis futuris temporibus eosdem fratres Reformatos nuncupatos sub obedientiâ ministri generalis Minorum de Observantiâ seu de Familiâ similiter nuncupatorum degere, prout debebant et vivebant ante primodictas

¹ Quae in Bullario non sunt (R. T.).

litteras Gregorii praedecessoris, ac aliàs in omnibus et per omnia secundum dispositionem litterarum seu constitutionum recolendae memoriae Gregorii XIII, Clementis VIII et Pauli V etiam Romanorum Pontificum praedecessorum nostrorum;

§ 4. Hospitium vero S. Isidori de Urbe pro provinciis Reformatum Discalceatorum Hispaniae et Indiarum dicto ministro generali subiici, qui pro suâ prudentiâ religionis ex illis provinciis ad Romanam curiam venientibus providere valeat, servatis omnibus iuribus ecclesiae fundatori seu constructori quomodolibet competentibus, quatenus adsint et competant;

Eidem ministro hospitem S. Isidori nuper in Urbe pro Discalceatis Hispaniarum et Indiarum institutum subiicit.

§ 5. Constitutionem¹ praeterea dicti Clementis praedecessoris sub datâ Tusculi, XII octobris MDCXVI, pontificatus anno V, quae incipit *Pro iniuncti nobis*², omnino observari;

§ 6. In capitulis autem, tam provincialibus quam generalibus fratrum, de Observantiâ seu de Familiâ praedictorum, eosdem fratres Reformatos passivam, qui vero deputati seu electi fuerint in capitulis provincialibus, iuxta constitutiones Clementis et Pauli praedecessorum praedictorum, etiam activam vocem habere;

Reformatique vocem habeant in capitulis.

§ 7. Ministrumque generalem praedictum quemvis ex religionis Reformatis huiusmodi in alicuius provinciae commissarium interdum ad sui libitum deputare posse, eundemque ministrum generalem eos ex Reformatis, qui ad illos de Observantiâ seu de Familiâ de utriusque superioris et aliorum licentiâ iuxta litteras dicti Pauli praedecessoris desuper editas transire voluerit³, recipere et admittere debere; illi autem sic transeunti, si durante deliberationis anno ad Reformatos redire voluerit, regressum non denegant.

Ministri generalis auctoritas in eosdem.

¹ Edit. Main. legit *Constitutiones* (R. T.).

² Ea legitur in tom. X, pag. 299 (R. T.).

³ Vel legendum *voluerint*, vel paulo ante *eum* legendum erat, non *eos* (R. T.).

dum; finito autem deliberationis anno, huiusmodi regressum illi concedendum nullatenus, nisi eo modo, quo transitus ad Reformationem fratribus de Observantiâ seu de Familiâ conceditur; a fratribus vero de Observantiâ seu de Familiâ, ad Reformatos transire volentibus, Clementis et Pauli praedecessorum praedictorum constitutiones, ipsiusque Pauli decreta super hoc emanata inviolabiliter observanda;

Custodes Reformatorum, ut congregari possint, decernit.

§ 8. Ad haec in capitulis generalibus eiusdem Ordinis in Italia celebrandis omnes custodes congregari ad statuta feliciorum gubernio opportuna condenda; et quando capitula generalia sive congregationes huiusmodi non celebrabuntur, custodes singulis trienniis in almâ Urbe nostrâ cum assistentiâ protectoris pro tempore existentis pariter congregari;

Visitatoresque duo ut eligi valeant.

§ 9. Unum vero pro regnorum Neapolis et Siciliae, et alterum ex ipsis Reformatis visitatores pro reliquis Italiae reformationibus, ab eisdem custodibus de triennio in triennium, de nostro tamen, vel Romanorum Pontificum, ac eiusdem Ordinis apud nos et Apostolicam Sedem protectoris pro tempore existentium respective consensu, eligi;

Et quod minister generalis contra Reformatos procedere possit.

§ 10. Ac contra quos, seu eorum quemlibet, si deliquerit, generalem ministrum, cum interventu procuratoris eorundem Reformatum ac maiori parte custodum sui districtus, procedere posse ac debere;

Vel a conventibus removeri.

§ 11. Porro fratres Reformatos ab eorum conventibus, nisi ex causâ in definitorio illius reformationis vel ab eodem protectore probatâ, removeri minime posse;

Constitutionem Clementis VIII de novitis recipiendis innovat.

§ 12. Constitutionem autem de non admittendis ad habitum ab Observantibus, seu de Familiâ, novitiis, sed a Reformatis, tum iuxta decreta eiusdem Clementis praedecessoris, innovari ac inviolabiliter observari volumus, decernimus, innovamus, constituimus et declaramus.

§ 13. Decernentes etiam praesentes litteras et in eis contenta quaecumque semper et perpetuo valida, firma et efficacia esse et fore, ac ab omnibus quos illa concernunt etiam inviolabiliter observari; sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Decretum irritans et clausula sublaesa.

§ 14. Non obstantibus ipsius Gregorii praedecessoris litteris, nec non omnibus illis, quae in eis voluit non ob stare, ceterisque contrariis quibuscumque.

Derogatio contrariorum.

§ 16. Volumus autem, quod praesentium transumptis, etiam impressis, manu alicuius notarii publici subscriptis, et sigillo personae in dignitate ecclesiasticâ constitutae munitis, eadem prorsus fides in iudicio et extra illud adhibeatur, quae ipsis originalibus litteris adhiberetur, si forent exhibitae vel ostensae.

Fides transumptorum.

Datum Romae, apud S. Petrum, sub annulo Piscatoris, die vii martii MDCXXIV, pontificatus nostri anno 1.

Dat. die 7 martii 1624, pontif. anno 1.

XLI.

Archiepiscopus Mediolanensis deputatur administrator perpetuus seminarii Asconae, Comensis dioecesis¹.

Urbanus Papa VIII,
ad perpetuam rei memoriam.

Cupientes prospero, felicique seminarii ecclesiastici oppidi Asconae, Comensis dioecesis, in finibus tamen Mediolanensis dioecesis existentis, regimini et gubernio, quantum cum Domino possumus, consu-
lere, de venerabilium fratrum nostrorum S. R. E. cardinalium sacri Concilii Triden-

Deputatio, de qua in rubrica

¹ Edit. Main. habet vi in textu (n. t.).

² Ex Regest. in Secret. Brev.

lini interpretum consilio, venerabilem fratrem modernum et pro tempore existentem archiepiscopum Mediolanensem dicti seminarii administratorem, cum omnibus et singulis facultatibus, iurisdictionibus, auctoritatibus, honoribusque et oneribus, similibus administratoribus quomodolibet competentibus, apostolicâ auctoritate, tenore praesentium, facimus, constituimus et deputamus.

Mandatum
reclori, aliisque
seminarii mini-
stris de paren-
do archiepisco-
po Mediola-
nensi.

§ 2. Mandantes propterea dilectis filiis rectori, praecceptoribus, alumniis, ceterisque ministris et personis eiusdem seminarii, ut eundem modernum et pro tempore existentem archiepiscopum Mediolanensem in ipsius seminarii administratorem, iuxta tenorem praesentium, recipiant et admittant, eumque debitis honore et reverentiâ prosequantur, ac in omnibus ad huiusmodi administratoris munus spectantibus prompte pareant et obediant.

Obstantium
derogatio.

§ 3. Non obstantibus constitutionibus et ordinationibus apostolicis, ceterisque contrariis quibuscumque.

Datum Romae, apud S. Petrum, sub annulo Piscatoris, die xii martii MDCXXIV, pontificatus nostri anno I.

Dat. die 12 martii 1624, pontif. anno I.

XLII.

Facultas episcopis Hispaniarum compellendi ecclesiasticos seculares et regulares ad testificandum in causis nobilitatis et puritatis sanguinis¹.

Urbanus Papa VIII,
ad futuram rei memoriam.

Causae con-
cedendae facul-
tatis, de qua in
rubrica.

Cum, sicut charissimus in Christo filius noster Philippus Hispaniarum rex catholicus nobis nuper exponi fecit, ex eo, quod personae ecclesiasticae, seculares et regulares regnorum Hispaniarum, vigore

¹ Ex Regest. in Secret. Brevium.

exemptionum quibus potiuntur, in causis nobilitatis et puritatis sanguinis coram ministris seu officialibus conciliorum Ordinum militarium testimonium perhibere recusant, magna inconvenientia orta sint:

Concessio.

§ 2. Nos, praemissis, quantum cum Domino possumus, obviare volentes, supplicationibus dicti Philippi regis nomine nobis super hoc humiliter porrectis inclinati, venerabilibus fratribus archiepiscopis, episcopis et aliis locorum Ordinariis regnorum praedictorum, ut, quotiescumque, pro parte commissariorum sive deputatorum Ordinum militarium¹, quascumque personas ecclesiasticas tam seculares quam cuiusvis Ordinis et instituti regulares, etiam exemptas, non tamen moniales, ad testificandum coram se in causis huiusmodi iuxta sacrorum canonum decreta cogere et compellere, absque eo quod ipsae personae aliquam propterea notam aut censuras et poenas ecclesiasticas incurrant, possint et debeant, licentiam et facultatem, apostolicâ auctoritate, tenore praesentium, concedimus et impertimur.

Derogatio
contrariorum.

§ 3. Non obstantibus apostolicis, ac in universalibus, provincialibusque et synodalibus conciliis editis, generalibus vel specialibus, constitutionibus et ordinationibus, nec non Ordinum, quorum personae regulares praefuerint, etiam iuramento, confirmatione apostolicâ, vel quavis firmitate aliâ roboratis, statutis et consuetudinibus, ceterisque contrariis quibuscumque.

Datum Romae, apud S. Petrum, sub annulo Piscatoris, die xxiii martii MDCXXIV, pontificatus nostri anno I.

Dat. die 23 martii 1624, pontif. an. I.

XLIII.

Indictio visitationis omnium ecclesiarum, monasteriorum et locorum piorum al-

¹ Supplendum fuerint requisiti, vel simile (R. T.).

mae Urbis, necnon Orationis xl horarum, cum indulgentiarum elargitione, pro rectâ dictae visitationis directione.

Urbanus Episcopus,
servus servorum Dei,

Dilectis filiis universo clero et populo romano, salutem et apostolicam benedictionem.

Prooemium
et causae huius
Constitutionis.

Militantem Ecclesiam, quae, vel caelestis eius sponsi commendata praeconio, progreditur quasi aurora consurgens, in evangelicae perfectionis viâ subsistere non decet, sed novis semper gratiae fulgoribus illustratam ad uberiorem veluti virtutum lucem ac sanctitatis decorem aequum est properare. Hac in re nobis cogitationem defigentibus, anticipaverunt vigilias oculi nostri, ac ut ecclesiastica res maiora in dies ubique suscipiat incrementa, tanto magis ad nos pertinere intelligimus, quanto in hoc rerum vertice constituti, apertius agnoscimus, imperscrutabili omnipotentis Dei providentiâ nos fuisse acceptos pascere Jacob servum suum et Israel haereditatem suam. Quoniam vero nullâ ratione fieri potest, ut in agro Domini christianae virtutes feliciter ferantur, nisi spinae, quae suffocant sementem patrisfamilias, inde prius evellantur; nos, ut id facilius assequamur, eundem agrum et vineam, quam plantavit dextera eius, diligenter repurgare, nihilque eorum praetermittere decrevimus, quae corruptis moribus corrigendis, sanctisque operibus, quae vel temporis iniuriâ, vel humanae naturae imbecillitate in desuetudinem abierunt, restituendis opportuna esse arbitramur. Licet autem christiana respublica multiplici malorum genere vexetur, omnibusque eius partibus, quod maxime deplorandum est, medicinâ opus esse intelligamus, eam tamen almae Urbis nostrae non uno nomine praecipue duximus adhibendam: quandoquidem haec est civitas

supra montem posita, quae totius orbis patet obtutui: haec eadem pietatis exemplum cunctis ad imitandum propositum, primumque catholicae religionis Sedes tantis divini munificentia honorum praerogativis decorata, ut vere de eâ dicatur: *Diligite Dominus portas Sion super omnia tabernacula Iacob.*

§ 1. Cum igitur haec ita se habeant, pro nostro pastoralis munere peculiarem hunc agrum et gregem nostrum recognoscere, et Romanae Urbis omnes tam patriarchales, quam collegiatis, earumque capitula, necnon parochiales, ceterasque alias ecclesias, et personas, item monasteria, conventus, et ecclesias quorumvis Ordinum regulares, tam virorum quam mulierum, hospitalia, collegia, confraternitates laicorum, Montem pietatis, et omnia, quocumque nomine censentur, loca pia, per infrascriptos archiepiscopum et episcopos visitare statuimus. Quod quidem saluberrimum opus, etsi per nos ipsos inchoare, prosequi et perficere vehementer optamus, nihilominus, dum ad alia quamplurima, eaque gravissima negotia, quorum mole assidue premimur, cogitationem convertimus, aliis eam provinciam cogimur demandare. Quapropter venerabilibus fratribus Ulpiano archiepiscopo Theatino, necnon Raphaeli Zacynthiensi, Octavio Caballicensi, Ludovico olim Adriensi, Antonio Casertano, ac Alexandro nuper Hieracensi episcopis, de quorum pietate et ecclesiasticarum rerum peritiâ a nobis ipsi multa possumus polliceri, ad hoc munus obeundum maturo consilio delectis, ad laudem et gloriam omnipotentis Dei, sanctae Romanae Ecclesiae exaltationem, visitationem huiusmodi committimus, illamque vobis omnibus indicimus, quam in proximâ futurâ dominicâ in Albis in sacrosanctâ primariâ Lateranensi ecclesiâ iidem archiepiscopus et episcopi

Indict Pontifex visitationem ecclesiarum et priorum locorum Urbis, eamque nos episcopis committit.

1 An lectio mendosa, iudicet lector sciens (R. T.).

inchoabunt, ac statutis diebus Deo invante prosequantur.

Hortatur omnes ut corrigendo praves moros vitae proprias eandem visitationem praeveneriant.

§ 2. Ut autem nostram visitationem ea spiritualia commoda, quae nos, divini cultus amplificationi et propagationi, necnon animarum salutis paternâ charitate studentes, et cupimus et speramus, feliciter consequantur; omnes per viscera misericordiae Dei nostri, qui visitavit nos oriens ex alto, et hortamur et monemus, ut, memores vocationis suae, opportunâ vitae et morum emendatione eandem visitationem praeveneriant. Quod quidem eos facile et libenter praestituros confidimus, si memoriâ repetierint, se in eâ Urbe clericalis officii munera obire, quam, in montibus sanctis fundatam ac sanctissimorum martyrum sanguine respersam et irrigatam, nonnisi uberrimos pietatis et religionis fructus ad totius christiani orbis aedificationem beatâ fecunditate proferre decet.

libet in ecclesiis eligendis per vicarium orationem 40 horarum celebrari ad implorandum auxilium pro bona directione dictae visitationis.

§ 3. Quoniam autem non sumus sufficientes cogitare aliquid ex nobis, quasi ex nobis, sed sufficientia nostra ex Deo est, ac nisi Dominus aedificaverit domum, invanum laboraverunt, qui aedificant eam; nos infirmitatem nostram humiliter agnoscetes, ad caelestem opem implorandam, volumus, ut sextâ feriâ eandem dominicam antecedente, in nonnullis ecclesiis Urbis patriarchalibus, collegiatis, et aliis praecipuis, per dilectum filium nostrum in eadem vicarium in spiritualibus generalem praescribendis, SS. Eucharistiae sacramentum solemnî ritu in altari proponatur, ac Quadraginta horarum oratio de more celebretur.

Hortatur omnes ad efficaciter orandum.

§ 4. Quae ut sollicitudinem nostram magis sublevet, ac laborem illorum, qui hac in re vicariam nobis operam praestituri sunt, efficacius adjuvet, universos christifideles in hac almâ Urbe commorantes hortamur, ut Deo, qui cor contritum et humiliatum non despicit, dignis poenitentiae fructibus placere studeant.

§ 5. Quod quidem ut libentius et salutaris fiat, omnibus et singulis utriusque sexus christifidelibus Romae degentibus, qui, visitatis ecclesiis huiusmodi seu eorum aliquâ, eodem ipso proximo dominicâ die, post diligentem peccatorum suorum confessionem, sacram eucharistiam sumpserint, et, ut haec nostra visitatio ad Dei gloriam et animarum salutem feliciter eveniat, pie in quavis ecclesiâ oraverint, plenariam omnium peccatorum suorum indulgentiam concedimus et elargimur.

Visitantibus dictas ecclesias, confessis et sacra communione refectis, indulgentiam plenariam elargitur.

§ 6. Omnes igitur simul, dilecti filii, sive ex clero, sive ex populo, veterem hominem exuentes, in novitate spiritus ambulemus, sollicitudine non pigri, spiritu ferventes, Domino in toto corde serviamus, ut eius misericordiam copiosam, cum ad hoc sanctae visitationis opus, tum ad ceteras necessitates nostras, fratrumque nostrorum, bonis operibus et sedulo pietatis cultu impetremus.

Universos hortatur, ut ferventer Deo inserviant.

Datum Romae, apud S. Petrum, anno Incarnationis Dominicae MDCXXIV, sexto kalendas aprilis, pontificatus nostri anno I.

Dat. die 27 martii 1624, pontif. anno I.

XLIV^a.

Sequitur mandatum visitandi in parochialibus ecclesiis infirmos, eisque elemosynam elargiendi.

Urbanus Papa VIII,

Venerabilibus fratribus archiepiscopo Theatino, necnon Raphaëli Zacynthiensi, Octavio Caballicensi, Ludovico olim Adriensi, Antonio Casertano, ac Alexandro nuper Hieracensi episcopis.

Venerabiles fratres, salutem et apostolicam benedictionem.

Cupientes in hac nostrâ pastoralis ecclesiarum almae Urbis visitatione non

Exordium et causae.

1 Omnes seqq. constitutiones, quae in edit. Main. absque numero subiiciuntur praecedenti, nos censuimus numerandas (R. T.).

solum divini cultus conservationem, et incrementum, quantum in nobis est, modis omnibus procurare, verum etiam animarum saluti prodesse, et corporales Christi pauperum praesertim infirmorum indigentias, quantum cum Domino possumus, paternâ charitate sublevare;

Urbanus mandavit visitatoribus, ut suo nomine visitent in singulis parochialibus ecclesiis pauperes infirmos graviter decumbentes.

§ 1. Cum haec omnia per nosmetipsos exequi, ob assiduas, quibus detinemur, occupationes, nequaquam possumus, fraternitati vestrae et vestrum cuilibet per praesentes mandamus, ut coniunctim vel divisim parochias ecclesiarum diligenter perlustrare ac perquirere studeatis, atque earum pauperes infirmos graviter decumbentes singulos nostro nomine visitetis;

Eisque apostolicam benedictionem semel impertiantur.

§ 2. Apostolicam, et nostram eis benedictionem, ut moris est, semel impertiat, ac paternis monitis et salutaribus consolationibus recreetis.

Et ad patientiam, ac ecclesiastica sacramenta suscipienda hortentur.

§ 3. Hortantes ipsos, ut in humilitate et patientiâ propter Deum corporis infirmitatem et dolores sustineant, et ad parendum divinae voluntati, quandocumque ei placuerit ipsos ex hoc seculo revocare, se pie et christiane praeparent, sinceroque corde ad Deum conversi, humiliter ab eo suorum peccatorum veniam petant, atque omnia ecclesiastica sacramenta, quibus christifideles ex hac vitâ migraturi se praemunire solent et debent, devote et reverenter suscipiant.

Confessis, ac sacra communione reffectis plenariam indulgentiam,

§ 4. Nos enim eorum singulis ante vel post vestram visitationem, ut praemittitur, poenitentibus confessis, et SS. Eucharistiae Sacramento reffectis semel plenariam omnium peccatorum suorum indulgentiam et remissionem elargimur.

Ac eleemosynas habita egestatis et personarum ratione elargitur.

§ 5. Volumus autem, ut comitem vobiscum adducatis dilectum filium nostrum, et palatii apostolici eleemosynarium, qui, prout cuiusque eorum egestas et personarum conditio postulaverit, etiam oblati nostrâ impensâ charitatis subsidiis, pecuniis, cibis, potu, pharmacis, vestibus, me-

dicorum ope, ceterisque ad victum seu ad recuperandam valetudinem necessariis, temporalibus, quibus nunc urgentur, eorum necessitatibus succurrat.

Datum Romae, apud S. Petrum, sub annulo Piscatoris, die xxix martii mdcxxiv, pontificatus nostri anno i.

Dat. die 29 martii 1624, pontif. an. i.

XLV.

Sequitur facultas cognoscendi causas quascumque etiam criminales absque irregularitatis incurso.

Urbanus Papa VIII.

Venerabilibus fratribus Ulplano archiepiscopo Theatino, Raphaëli Zacynthiensi, Octavio Caballicensi, Ludovico olim Adriensi, Antonio Casertano, et Alexandro nuper Hieracensi episcopis.

Venerabiles fratres, salutem et apostolicam benedictionem.

Quoniam in proseguendo munere visitationis ecclesiarum et piorum locorum huius almae Urbis nostrae, ad quod vos nominatim ex episcoporum ordine delegimus, facile contingere poterit, ut aliqua negotia criminalia pertractanda sint:

Canonicarum humanarum Constitutionum.

§ 1. Nos, conscientiarum ac status vestrorum securitati opportune providere volentes, vobis et cuilibet vestrum, ut tam coniunctim quam divisim, durante huiusmodi visitatione ac illius occasione duntaxat, quascumque querelas, accusationes, denuntias contra quasvis personas, tam ecclesiasticas, seculares vel regulares, quam laicas, cuiuscumque status, gradus, dignitatis et praecminentiae existentes, recipere et audire, causasque exinde, aut alias quomodolibet ex dictâ visitatione vel illius causâ emergentes, tam ecclesiasticas, quam profanas, et tam civiles, quam criminales et mixtas, sive ad procuratoris fisci, sive ad aliorum quorumcunque

Indultum de quo in rubrica.

instantiam, aut ex officio, audire, cognoscere, quandoque nobis referre, nobiscumque communicare, ac iuxta mandata nostra, seu alias prout iustitia suaserit, et ordo dictaverit rationis, illas decidere et terminare, aliasque in illis vos immiscere, ac sine aliquo conscientiae scrupulo, aut censurarum ecclesiasticarum, vel etiam irregularitatis incursu, etiam si inde sanguinis effusio, membrorumque mutilatio, aut etiam ultimi supplicii poena infligenda venerit, dummodo vos ipsi a sententia sanguinis per vos ipsos ferenda abstinere, libere et licite valeatis, licentiam concedimus et indulgemus;

Eiusque extensione ad omnes tam denuntiantes, vel quomodocumque consilium, aut auxilium, seu favorem praestantes.

§ 2. Utque liberius ab omnibus denuntiationes, querelae, et accusationes, ac causae quaecumque ad dictam visitationem pertinentes deferri possint, omnibus similiter et singulis personis, tam laicis, quam clericis, etiam in sacris et presbyteratus ordinibus constitutis, secularibus, et quorumvis Ordinum, congregationum, et instituti regularibus, quavis etiam episcopali, vel maiori, ecclesiastica vel mundana, dignitate vel praeeminencia fulgentibus, qui in actu eiusdem visitationis, seu alias illius occasione, aliquid, quod ad praedictas causas pertineat, per viam denuntiationis, querelae, vel accusationis, palam vel occulte, sponte, vel ad aliorum, etiam procuratoris fisci, instantiam, in iudicio vel extra iudicium, revelaverint, aut in praemissis testimonium dixerint, vel aliquid propterea scripserint, subscripserint, indicaverint, dictaverint, detulerint, interrogaverint, vel interrogati responderint, vel ad reos detegendos, convincendos, capiendos, custodiendos, puniendos, iudicia, votum, consilium, auxilium, vel favorem, per se, vel alium, directe vel indirecte praestiterint, sive tamquam iudices ordinarii, vel delegati, custodes, scribae, testes, tabelliones, consultores, procuratores, advocati, seu alias se in praemissis

quoquomodo immiscuerint, aut quomodolibet ingesserint, nullam propterea poenam vel censuram ecclesiasticam aut irregularitatis notam incurrant, concedimus pariter et indulgemus.

§ 3. Non obstantibus generalis concilii, atque aliis constitutionibus et ordinationibus apostolicis, ac cuiuscumque Ordinis et monasterii, atque ecclesiarum, et aliorum piorum locorum quorumcumque (etiam iuramento, confirmatione apostolica, vel quavis firmitate alia roboratis) statutis et consuetudinibus, ceterisque contrariis quibuscumque.

Contraria re-movet.

Datum Romae, apud S. Petrum, sub anulo Piscatoris, die xxix martii, pontificatus nostri anno I.

Dat. die 29 martii 1624, pontif. an. I.

XLVI.

Sequitur indultum visitatoribus exercendi ubique pontificalia.

Urbanus Papa VIII,

Venerabilibus fratribus Ulpiano archiepiscopo Theatino, necnon Raphaëli Zacynthiensi, Octavio Caballicensi, Ludovico olim Adriensi, Antonio Casertano, ac Alexandro nuper Hieracensi episcopis.

Venerabiles fratres, salutem et apostolicam benedictionem.

Officii nostri est pastoralia munera, quae, divina favente clementia, administranda suscepimus, ea prompto alacrique animo prosequi; eos vero, quos in eisdem pastoralibus muneribus prosequendis assumpsimus et deputavimus, nostrae item mentis est opportunis facultatibus adhuc munire, ut illis suffulti incumbencia onera melius subire, et inceptum onus perficere quamprimum valeant.

Proemium.

Cum itaque, occasione visitationis nostrae apostolicae, quam in universis almae Urbis, eiusque districtus ecclesiis, monasteriis, locisque sacris et piis, proximis

Causae huius Constitutionis

diebus indiximus, et quam nuper etiam inchoavimus, experientiâ comprobante cognoverimus, aliquando necesse esse in pluribus eiusdem Urbis ac illius districtus ecclesiis altaria consecrari, campanas, ornamenta, indumentaque ecclesiastica benedici, sacramenta ministrari, et alia pontificalia munia exerceri:

Qua conceditur visitatoribus praedictis indultum exercendi pontificalia in quibuscumque ecclesiis patriarchalibus quamvis exemptis.

§ 1. Vobis, et vestrum cuilibet, quos in eadem visitatione operarios et adiutores delegimus et deputavimus, plenam per praesentes concedimus facultatem, ut in quibuscumque tam intra eandem Urbem, ac prope, et extra illius muros, quam etiam intra eiusdem Urbis districtum sitis ecclesiis, etiam patriarchalibus, necnon monasteriis, prioratibus et domibus, secularibus, seu cuiuscumque Ordinis, etiam Mendicantium, militiae, congregationis, aut instituti regularibus, tam virorum quam mulierum, atque hospitalibus, oratoriiis, sacellis, coemeteriis, locisque piis, aut religiosis, tam exemptis, nobisque et Apostolicae Sedi immediate subiectis, quam etiam non exemptis, et quibusvis etiam S. R. E. cardinalibus ratione tituli aut denominationis sui cardinalatus, aut aliâs quomodolibet et ex quavis causâ subiectis,

Altaria et ecclesias consecrandi, ac paramenta, vasa et similia benedicendi.

§ 2. Altaria ac ipsasmet ecclesias consecrare, aut illa vel easdem ecclesias aut illis annexas reconciliare, seu etiam coemeteria, campanas, calices, patenas, cruces, indumenta et ornamenta ecclesiastica quaecumque, et aquam, ut moris est, benedicere,

Sacramentum confirmationis ministrandi.

§ 3. Sacramentum confirmationis, quod ex ritu in visitatione ministrari consuevit, quibus, ubi, quando et quoties vobis seu cuique vestrum expedire videbitur, ministrare,

Missam et vespers pontificali ritu celebrandi et canendi.

§ 4. Sacrosanctum quoque missae sacrificium, necnon vespers, et quaecumque alia divina officia, solemnî ac ponti-

1 Vocem etiam nos addimus (R. T.).

ficali ritu in ecclesiis et locis, in quibus vos id ad maiorem animarum consolationem, spiritualemque profectum, et ad ipsam etiam, quam intendimus, reformationem inducendam pertinere iudicaveritis, celebrare et decantare,

§ 5. Verbi Dei praedicationes et conclusiones ad Dei amorem et timorem in cordibus fidelium excitandum et accendendum publice ad clerum et populum, seu aliâs privatim, prout occasio et necessitas postulabit, habere,

Necnon concedimus, tam publice, quam privatim.

§ 6. Alia denique omnia et quaecumque munia pontificalia, etiam quae notam aut expressionem requirerent magis specialem, et sub generali huiusmodi concessione non comprehenduntur, etiam erga¹ personas alioquin habiles et idoneas exercere, etiam nullo alio a nobis expectato aut requisito mandato, libere et licite valeatis.

Et alia omnia munia pontificalia, quae specialibus concessionibus indigent, simpliciter exercendi.

§ 7. Non obstantibus constitutionibus, et ordinationibus apostolicis, ac in conciliis tam² generalibus editis, dictarumque ecclesiarum, monasteriorum, ordinum, congregationum, militiarum, hospitalium, aut domorum (iuramento, confirmatione apostolica, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, in contrarium praemissorum quomodolibet concessis, confirmatis et innovatis, ceterisque contrariis quibuscumque.

Datum Romae, apud S. Petrum, sub annulo Piscatoris, die xxix martii mdcxxiv, pontificatus nostri anno 1.

Dat. die 29 martii 1624, pontif. an. 1.

XLVII.

Sequitur aliarum facultatum concessio dictis visitatoribus, pro feliciori visitationis progressu.

1 Videretur deesse vox quaecumque (R. T.).

2 Vel potius etiam pro tam legendum (R. T.).

Urbanus Papa VIII,

Venerabilibus fratribus Ulpiano archiepiscopo Theatino, necnon Raphaëli Zacynthiensi, Octavio Caballicensi, Ludovico olim Adriensi, Antonio Casertano, et Alexandro nuper Hieracensi Episcopis.

Venerabiles fratres, salutem et apostolicam benedictionem.

Exordium.

Cum in pastoralis visitatione, quam nuper vobis mandavimus, quamque Deo adiuvante prosequendam intendimus, cleri nimirum Romani, et omnium almae Urbis ecclesiarum, et piorum ac religiosorum locorum, vos potissimum ex episcoporum ordine delegerimus, et nobis in commune operarios et adiutores assumpserimus, nos, ut vestrum eâ in re ministerium plus habeat auctoritatis et firmitatis, uberioreque ad cultus divini propagationem et animarum salutem, Deique gloriam pariat fructum, providere volentes:

Iubet obtemperari eorum mandatis tamquam a Pontifice vivas vocis oraculo, vel aliâs datis.

§ 1. Vobis, et vestrum cuilibet in solidum, circa visitationem ipsam, eâque durante, mandata quaecumque, etiam vivae vocis oraculo per vos a nobis accepta, illis, ad quos ea res pertinet, referendi, et oretenus per nos ordinata mandandi, quibus relationi, ac mandatis vestris et cuilibet vestrum de ordine nostro factis huiusmodi, plenam et indubiam fidem ab omnibus adhiberi, atque firmiter obtemperari, tamquam mandatis nostris apostolicis, volumus et iubemus,

Et exequi ea quae mandaverint pro dictae visitationis praeparatione, statu, progressu et executione.

§ 2. Mandata quoque et praecepta quaecumque necessaria et opportuna illis in rebus, quae visitationis huiusmodi praeparationem, statum, progressum et executionem concernunt, decernendi, faciendi, eaque exequi iubendi,

Dat ipsis facultatem vocandi ad se quaecumque personas, tam ecclesiasticas, quam laicales.

§ 3. Personas quascumque, tam ecclesiasticas seculares, quam cuiusvis Ordinis regulares, necnon etiam laicas, pro rebus et negotiis ad visitationem huiusmodi pertinentibus, ad vos vocandi, et ad perso-

1 Potius legend. cuiuslibet, vel, a quolibet (R. T.).

naliter coram vobis comparandum citandi, opportunisque iuris et facti remediis compellendi,

§ 4. Similes item personas quascumque, et tamquam principales, et tamquam testes, seu tamquam principales quoad se, et tamquam testes quoad alios, examinandi, et ut veritati testimonium perhibeant admonendi, et etiam cogendi, iuramenta eis deferendi, et ab eis exigendi et recipiendi, ad sacrorum canonum praescriptum, ac recusantes per censuras ecclesiasticas, aliasque poenas etiam temporales vobis benevisas compescendi,

Easque examinandi, et recusantes id facere compellendi.

§ 5. Memorialia, etiam nobis inscripta et directa, atque instructiones, relationes, delationes, querelas etiam secretas contra quascumque personas accipiendi, et nobis referendi, seu aliâs, prout rerum et personarum qualitas requireret, iuxta ordinationes nostras et ex auctoritate vobis tradita providendi,

Memorabilia, querelas et similia recipiendi, ac super eis providendi.

§ 6. Congregationes aliquarum personarum, quae vobis in consilium super praemissis adhibendae videbuntur, faciendi, et illas easdem personas auctoritate nostrâ vocandi, et cum eis de negotiis visitationis huiusmodi tractandi, consultandi et deliberandi,

Congregationem aliarum personarum pro consilio dictae visitationis faciendi.

§ 7. Commissarium sive fiscalem visitationis unum sive plures eligendi et deputandi, electum sive electos cassandi arbitrio vestro, toties, quoties vobis videbitur, removendi, et alium, seu alios, loco cassati et amoti, subrogandi,

§ 8. Quotiescumque vobis etiam videbitur, et etiam seorsum a vobis, et iteratis vicibus, quarumvis dictae Urbis, seu extra illam intra tamen illius districtum consistentium, patriarchalium, collegiatarum, parochialium, seu aliarum ecclesiarum, etiam cuiusvis, etiam S. R. E. cardinalibus ratione tituli, aut denominationis, seu cardinalatus, aut aliâs quomodolibet, vel ex quavis causâ

Archidiaconi, huiusmodi, ac similia, etc., et quae opportuna iudicabunt ordinandi.

1 Edit. Main. legit cuiusvis (R. T.).

subiectarum, seu cuiusvis cappellae, vel oratorii, necnon monasteriorum, tam viro-
rum quam mulierum, prioratum, domo-
rum et locorum, secularium seu cuiuslibet
Ordinis, etiam Mendicantium, congregatio-
nis, militiae, aut instituti regularium, aut
hospitalium etiam exemptorum, nobisque,
et Apostolicae Sedi immediate subiecto-
rum, eorumque capitulorum, conventuum,
universitatum, collegiorum, confraternita-
tum, archiconfraternitatum, etiam laico-
rum, etiam nullo alio speciali nostro ex-
pectato ordine vel mandato, aut etiam
requisito consensu, vel licentiâ, et illa, et
quaelibet illorum visitandi, ac in illorum
statum, formam, regulas, instituta, regi-
men, statuta, consuetudines, vitamque, ri-
tus, mores, disciplinam, doctrinam et ido-
neitatem singularum personarum, coniu-
ctim vel divisim, et tam in capite quam
in membris, necnon circa divinum cultum,
religiosam functionem, ecclesiarum deco-
rem, fructuum et introituum dispositio-
nem, regularem religiosorum, tam viro-
rum quam mulierum, observantiam, aliaque om-
nia et singula ad actum huiusmodi visi-
tationis quomodocumque spectantia dili-
genter inquirendi, et ad hunc effectum
quaecumque illorum archivaria, bibliothec-
as librorum, quaeque in illis continentur
documenta et instrumenta authentica, scri-
pturas, libros rationum dati et accepti,
computa et ratiocinia perlustrandi, prae-
sertim vero sacras reliquias, et, quibus
ipsae sacrae reliquiae necnon sanctum
Eucharistiae sacramentum et res ad alia
ecclesiastica sacramenta pertinentes con-
tinentur, sacra vasa, thecas, tabernacula,
necnon indumenta, ornamenta et instru-
menta, utensilia et suppellectilem ecclesia-
sticam et pretiosam diligenter inspiciendi,
et ad praedicta exhibenda quascumque
personas cogendi, compellendi, ac in prae-
missis omnibus et singulis quaecumque cor-

1 Aptius legeretur *quaecumque* (B. T.).

rectione, emendatione, reformatione indi-
gere cognoveritis corrigendi, emendandi,
processusque necessarios desuper faciendi,
et nobis referendi, seu iuxta ordinationes
nostras in his opportune providendi, man-
data, decreta, statuta et ordinationes exe-
cutioni demandandi, et custodiri et obser-
vari praecipendi, demumque omnia alia
et singula, quae huiusmodi visitationis ne-
gotium, ulteriorem progressum, exequutio-
nem, et in ea facta, et facienda mandata,
decreta, statuta et ordinationes concernunt
et concernent, seu ad ea quomodolibet
spectant et spectabunt, faciendi, gerendi,
exequendi, mandandi et ordinandi,

§ 9. Contradictoresque, et vobis in prae-
missis inobedientes et rebelles, eisque au-
xilium, consilium vel favorem, publice vel
occulte, directe vel indirecte, quomodolibet
praestantes, per suspensionis, ac etiam
privationis beneficiorum et officiorum ec-
clesiasticorum, ac censuras et poenas ec-
clesiasticas et temporales, etiam mancipa-
tionis carceris, aliaque opportuna iuris et
facti remedia, appellatione postpositâ, com-
pescendi, auxiliumque brachii secularis, si
opus fuerit, invocandi, plenam, liberam, am-
plam et universam tribuimus potestatem.

Contradictores
quoque et re-
belles compe-
scendi.

§ 10. Mandantes propterea omnibus et
singulis, ad quos spectat et spectabit,
quacumque dignitate, auctoritate, potestate
et praeminentiâ fulgentibus, ut vobis et
cuique vestrum in praemissis omnibus et
singulis prompte pareant et obediant, alio-
quin sententias seu poenas, quas rite tule-
ritis seu statueritis in rebelles, ratas habe-
bimus, et faciemus auctore Domino usque
ad satisfactionem condignam inviolabiliter
observari.

Mandat prae-
bent obedi-
entiam dictis visi-
tationibus.

§ 11. Non obstantibus constitutionibus
et ordinationibus apostolicis, atque eccle-
siarum, monasteriorum, hospitalium, or-
dinum, congregationum, militiarum, con-
fraternitatum et aliorum piorum locorum
huiusmodi (etiam iuramento, confirmatione

Contraria tollit.

apostolicâ, vel quavis firmitate aliâ roboratis) statutis, privilegiis quoque, indultis, exemptionibus et litteris apostolicis, illis et cuivis illorum, ac superioribus et personis eorum, quomodolibet concessis, confirmatis et innovatis; quibus omnibus, quibuscumque sint concepta verborum formis et tenoribus, quos praesentibus pro expressis haberi volumus, specialiter et expresse ac latissime ad effectum praesentium derogamus, ceterisque contrariis quibuscumque.

Datum Romae, apud S. Petrum, sub annulo Piscatoris, die xxx martii MDCXXIV, pontificatus nostri anno I.

Dat. die 30 martii 1624, pontif. anno I.

XLVIII.

Deputatio secretarii praedictae visitationis.

Urbanus Papa VIII,

Venerabili fratri Octavio Caballicensi.

Venerabilis frater,

salutem et apostolicam benedictionem.

Rerum, quae nobis cordi sunt, et quibus universae, quam meditamur, reformationis pars non ultima continetur, curam fidis et diligentibus viris libenter committimus.

§ 1. De tuâ itaque singulari, et nobis iam pridem perspectâ fide et diligentia plurimum in Domino confidentes, visitationis nostrae apostolicae, quam in omnibus almae Urbis, eiusque districtus ecclesiis, monasteriis, locisque sacris et piis, secularibus et regularibus, universoque clero et populo romano indiximus, ac venerandis fratribus Ulpiano archiepiscopo Theatino, necnon Raphaëli Zacynthiensi, Octavio Caballicensi¹, Ludovico olim Adriensi, Antonio Casertano et Alexandro nuper Hieracensi episcopis unâ tecum commisimus et demandavimus,

¹ Haec verba Octavio Caballicensi redundare videntur, nam sequitur postea unâ tecum (R. T.).

§ 2. Te et¹ secretarium duximus deligendum, prout etiam per praesentes munus huiusmodi cum omnibus et singulis facultatibus et auctoritatibus, praerogativis, privilegiis et iuribus, quae tale officium obtinenti et exercenti quomodolibet competere possunt et debent, motu proprio tibi committimus et demandamus: teque etiam secretarium visitationis praedictae creamus, constituimus et deputamus.

§ 3. Dantes tibi plenam et liberam facultatem eiusdem visitationis decreta, statuta, ordinationes, mandata, praecepta, inhibitiones, informationes, relationes, ordinem et seriem, ordinandi, describendi, et in libellos seu commentarios sive etiam in publica et authentica documenta et instrumenta redigendi, ceteraque omnia et quaecumque ad idem munus spectantia gerendi et exercendi, etiamsi notam et expressionem requirerent magis specialem, et sub generali commissione huiusmodi non venirent.

§ 4. Nos enim volumus iis, quae a te de rebus in visitatione gestis et ordinatis fient et emanabunt, documentis et scripturis, tuâ manu ac signo munitis, plenam atque indubitam fidem nunc et perpetuis futuris temporibus, tam in iudicio quam extra illud, omnino haberi, neque ad id probationis alterius adminiculum requiri.

§ 5. Tu igitur in delato tibi munere ita te gere, ut fidem et diligentiam nunquam a te desiderasse laetemur.

Datum Romae, apud S. Petrum, sub annulo Piscatoris, die xxx martii MDCXXIV, pontificatus nostri anno I.

Dat. die 30 martii 1624, pontif. anno I.

XLIX.

Facultas visitoribus advocandi ad se quascumque causas occasione visitationis in aliis tribunalibus et coram

¹ Forsan in pro et legendum (R. T.).

Eiusdem visitationis secretarium deputat.

Cum facultate exercendi omnia quae ad dictum munus quomodolibet spectare possunt.

Mandat ordinationibus seu decretis, etc. dicti secretarii manu et signo munitis, omnino fidem dari, tam in iudicio, quam extra.

Hortatur, ut bene se gerat in isto munere.

Ex eodem.

Episcopum Caballicensem, inter visitatores designatum.

*aliis iudicibus antea ceptas vel instructas, ac in statu in quo reperiuntur*¹.

Urbanus Papa VIII,

Venerabilibus fratribus Ulpiano archiepiscopo Theatino, necnon Raphaëli Zacynthiensi, Octavio Caballicensi, Ludovico olim Adriensi, Antonio Casertano et Alexandro nuper Hieracensi episcopis.

Venerabiles fratres,
salutem et apostolicam benedictionem.

Causae huius
constitutionis.

Ut in proseguendo visitationis ecclesiarum et piorum locorum huius almae Urbis nostrae munere, ad quod vos nominatim ex episcoporum ordine delegimus, causae occurrentes omni, qua fieri potest, celeritate, iustitiâ mediante, terminentur, quantum cum Domino possumus, providere volentes:

Facultas visitationis auctoritate ad se quasvis causas occasione diebus visitationis eorum quibusvis iudicibus pendentibus, easque manu regia et prout iuris fuerit terminandi.

§ 1. Motu proprio, et ex certâ scientiâ nostrâ, vobis, ut, ultra alias facultates per diversas nostras in simili formâ Brevis expeditas litteras vobis attributas, omnes et singulas causas occasione visitationis huiusmodi, coram quibuscumque iudicibus, tam ordinariis quam delegatis, pendentes et etiam instructas, in statu et terminis in quibus reperiuntur, cum omnibus et singulis earum incidentibus, dependentibus, emergentibus, annexis et connexis, totoque negotio principali, ad vos, auctoritate nostrâ, advocare, illasque summarie, simpliciter et de plano, sine strepitu et figurâ iudicii, solâ facti veritate inspectâ et manu regiâ, audire, cognoscere, et fine debito, prout iuris fuerit, terminare,

Necnon in ecclesiis, in quibus missarum oneribus ad altare privilegiatum satisfieri una die non potest, dicta onera, seu ipsorum partem ad aliud vel alia altaria privilegiata et non privilegiata

§ 2. Praeterea (ubi contigerit alicui altari, etiam pro defunctis privilegiato, seu cappellae, tam magni missarum celebrandarum numerum ex variis defunctorum legatis impositum esse, ut singulis diebus praescriptis nequeat illis satisfieri) quicquid magis ad Dei honorem, eccle-

¹ Haec, serius data, hic ponitur ratione materiae (R. T.).

siarum utilitatem, salutemque animarum eorum, qui legata pia reliquerunt, etiam per translationem partis missarum huiusmodi ad aliud altare seu altaria, etiam non privilegiata, videritis expedire, re tamen diligenter perspectâ, statuere et ordinare¹, ut in eis commodius ac plenius piae defunctorum voluntati satisfiat, transferre, ceteraque omnia et singula in praemissis, et circa ea necessaria, seu quomodolibet opportuna, etiam si talia sint vel fuerint quae magis specialem, specificam et expressam requirerent mentionem, facere, dicere, gerere et exequi libere et licite possitis et valeatis, apostolicâ auctoritate, tenore praesentium, plenam et amplam facultatem concedimus et imperimur.

Derogatio contrariis.

§ 3. Non obstantibus quibusvis constitutionibus et ordinationibus apostolicis, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die xi iulii MDCXXIV, pontificatus nostri anno I.

Dat. die 11 iulii 1624, pontif. an. I.

[L.]

*Hispaniarum rex, eiusque ministri a censuris absolvuntur, in quas incurrerant, ob exactum quoddam vectigal ab ecclesiasticis in oppido Matriti, absque Sedis Apostolicae licentia*².

Charissimo in Christo filio nostro Philippo,
Hispaniarum regi catholico,
Urbanus Papa VIII

Charissime in Christo fili noster,
salutem et apostolicam benedictionem.

Singularia³ atque eximia maiestatis tuae in nos et Apostolicam Sedem fidei et de-

Exordium.

¹ Lege: ac (ut in eis... satisfiat) ut supra transferre (R. T.).

² Ex regist. in Secret. Brev.

³ Edit. Main. legit *Singulari* (R. T.).

votionis merita promerentur, ut votis tuis, quantum cum Domino possumus, favorabiliter annuamus¹.

Regii ministri
vestigal quod-
dam ab eccle-
siasticis quoque
exegerant in op-
pido Matrili.

§ 1. Cum itaque, sicut maiestatis tuae nomine nobis nuper expositum fuit, pro fabrica palatii charissimae in Christo filiae nostrae Isabellae, Hispaniarum reginae catholicae, coniugis tuae, certa quaedam gabella in oppido Matrili Toletanae dioecesis super rebus comestibilibus seu victualibus, per ministros seu officiales tuos imposita, a personis ecclesiasticis exacta fuerit, contra sacrorum canonum et generalium conciliorum, necnon Bullae in die Coenae Domini legi ac publicari consuetae dispositionem:

Eos a censu-
ris, in quas huc
de causa incur-
rerant, absolvit
Pontifex.

§ 2. Nos, maiestatis tuae ac ministro-
rum tuorum praedictorum conscientiae securitati consulere, teque ac illos specialibus favoribus et gratiis prosequi volentes, supplicationibus maiestatis tuae nomine nobis super hoc humiliter porrectis inclinati, te ac ministros tuos praedictos a quibusvis excommunicationis, suspensionis et interdicti, aliisque ecclesiasticis sententiis, censuris et poenis, per te et ministros tuos praemissorum occasione quomodolibet incurris, dummodo tamen a similibus in posterum committendis omnino abstineatis, apostolica auctoritate, tenore praesentium, absolvimus et liberamus, dictasque poenas ac pecunias, ad quamcumque summam ascendentes, extra² gabellam per eosdem ministros seu officiales tuos ab ecclesiasticis, ut praefertur, exactas, tibi et illis gratiose remittimus et condonamus.

Contraria tollit.

§ 3. Non obstantibus apostolicis, ac in universalibus, provincialibusque et synodalibus conciliis editis, generalibus vel specialibus, constitutionibus et ordinationibus, ceterisque contrariis quibuscumque.

Poenitentiam
vero a confes-
sario ipsis in-

§ 4. Volumus autem, ut poenitentiam, quam confessarius idoneus tibi et ministris

¹ Edit. Main. legit *annuamus* (R. T.).

² Potius lege *propter*, vel *ex gabella* (R. T.).

tuis praedictis propter praemissa duxerit iniungendam, adimplere omnino teneamini, alioquin praesentes nullae sint. iniungendam per
eos adimpleri
iubet.

Datum Romae, apud S. Petrum, sub annulo Piscatoris, die XXIX martii MDCXXIV, pontificatus nostri anno I.

Dat. die 29 martii 1624, pontif. an. I.

LI.

*Confirmatio privilegiorum, exemptio-
num, et aliarum gratiarum, hospitali
S. Ioannis Hierosolymitani concessorum¹.*

Urbanus Papa VIII,
ad perpetuam rei memoriam.

Universalis Ecclesiae regimini per ineffabilem divinae sapientiae providentiam, meritis licet insufficientibus, praepositi, inter multiplices pastoralis officii curas, illam peculiari sollicitudine libenter amplectimur, qua privilegia, gratiae et indulta militiis et hospitalibus quibuscumque, ad maiorem Dei gloriam, suaeque Ecclesiae sanctae exaltationem, illius vero hostium profligationem pie, provideque instructis, a Romanis Pontificibus praedecessoribus nostris concessa, quo maioris validitatis munimine subsistant, apostolicae confirmationis patrocinio muniantur, prout, rerum, temporisque qualitatibus debite pensatis, conspiciamus in Domino salubriter expedire.

Prooemium.

§ 1. Cum itaque, sicut accepimus, alias felices recordationis Leo X, Clemens VII, Paulus III, Pius IV, et Pius V, Romani Pontifices praedecessores nostri², inter alia privilegia et indulta dilectis filiis magistro ac conventui hospitalis S. Ioan-

Leo X et alii
Pontifices multa
privilegia con-
cesserunt hospi-
tali, et eius per-
sonis, ac inter
alia exemerunt
a solutione de-
cimarum et alio-
rum onerum.

¹ De hac militia vide Const. xv Anastasii IV in tom. II, pag. 618 (R. T.).

² Vide amplissimam de hac re Constit. XI Pii IV, in tom. VII, pag. 31, nec non Pii V Constit. CXVIII, ibid., pag. 726 (R. T.).

nis Hierosolymitani a Sede Apostolica concessa, eundem et pro tempore existentem magnum magistrum, baiulivos, castellanum empostae, priores, praeceptores, milites, familiares, aliasque personas hospitalis huiusmodi, necnon etiam subditos, vassallos, colonos et servitōres, et alios in eorum obsequiis et dicti hospitalis beneficiis quomodolibet nuncupatis existentes, etiam presbyteros curam animarum exercentes, quamdiu illam exercent¹, et in illorum obsequiis forent, illorumque animalia, praedia, domos, molendina et bona quaecumque, quae obtinebant, ac in posterum obtinerent et possiderent, a solutione et exactione decimarum, censuum, iurium, etiam synodaliū, et canonicarum portionum, seu charitativi subsidii, aut iucundi adventus, seu quartae, aut aliās quomodolibet, aut aliorum quorumcumque onerum, sub certis modo et formā exemerint et liberaverint, prout in diversis ipsorum praedecessorum desuper confectis litteris plenius continetur;

§ 2. Et, licet ipsi milites et aliae personae praedictae non debuissent a quocumque contra dictorum privilegiorum tenorem et formam molestari, perturbari vel inquietari, cum ipsi non modo eorum facultatibus et fortunis, verum etiam sanguini et vitae pro tuitione fidei catholicae non parcant; nihilominus (cum diversi locorum Ordinarii, ac parochialium ecclesiarum rectores, et multae capitulares personae, id sibi omnino iuxta sacri Concilii Tridentini decreta licere asserentes, eosdem magnum magistrum, baiulivos, castellanum empostae, priores, praeceptores, milites et personas diversis oneribus contra eorum privilegia praegravarent, illosque ad decimas, census, subsidia, etiam charitativa, congruas portiones, iucundum adventum, *Pastor bonus*, aut aliās nun-

cupata onera, et etiam iura synodalia cogere praesumerent in maximum ipsius hospitalis detrimentum et gravamen) felicitis recordationis Gregorius XIII, Sixtus V, Gregorius XIV¹, similiter praedecessores nostri, ex certā scientiā et apostolicae potestatis plenitudine, omnia et singula privilegia, indulta, facultates, exemptiones, immunitates, libertates et alias gratias eisdem magno magistro et conventui quomodolibet concessa confirmantes, approbantes et innovantes, eos super praemissis quomodolibet molestari, inquietari ac perturbari districtius prohibuerunt.

§ 3. Et praeterea, cum, inter alia, felicitis recordationis Pius Papa IV, praedecessor noster, eisdem magno magistro et conventui, inter cetera privilegia, prioratus, baiulivatus, castellaniam empostae, commendas et alia eiusdem hospitalis beneficia libere uniendi et dismembrandi facultatem concessisset;

§ 4. Et nihilominus a quibusdā quandoque dubitaretur, an ante vel post mortem possessorum unio seu dismembratio ipsa fieri posset ac deberet: idem Gregorius praedecessor, ad tollendum omne dubium et ambiguitatem quae in praemissis in futurum oriri poterant, ut quandocumque eis videretur, sive ante sive post mortem possessorum, prioratus, baiulivatus, castellaniam empostae et alia eiusdem Ordinis beneficia unire et dismembrare libere et licite possent et valerent, necnon omnia et singula privilegia et exemptiones praedictas etiam ad confratres et donatos eiusdem hospitalis extendi debere, decrevit et declaravit; ac decretum et declarationem huiusmodi, aliaque praemissa, felicitis recordationis Clemens VIII, Paulus V, Gregorius XV, Romani Pontifices, similiter praedecessores

Pius IV concessit eundem conventui uniendi et dismembrandi beneficia facultatem.

Quam alii Pontifices confirmaverunt.

Et quia Ordinarii locorum et aliae personae eos molestabant, Gregorius XIII et alii Pontifices dicta privilegia approbarunt, ac perturbari districtius prohibuerunt.

¹ Litteras Greg. XIII habes in tom. VIII, pagina 320; illas Sixti V, ibid. pag. 765; tandem Greg. XIV in tom. IX, pag. 407 (n. r.).

¹ Forsan legendum *exercent* (n. r.).

nostrî, approbarunt et confirmarunt, prout in eorundem prædecessoris litteris plenius continetur¹.

¹ Nunc Pontifex privilegia, gratias, exemptiones, immunitates per alios Pontifices magno magistro et conventui concessas approbat et confirmat.

§ 5. Nos itaque, attendentes praeclara eiusdem hospitalis erga fidem catholicam et Sedem Apostolicam promerita, ac cupientes, ut ipsa privilegia, exemptiones, et gratiae eo firmiter subsistant, quae² saepius ab eadem Sede confirmata extiterint, magnum magistrum, priores, baiulivos, castellanum empostae, praeceptores, milites, et fratres, et eorum singulos, singularesque dicti hospitalis personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel homine, quavis occasione vel causâ latis, si quibus quomodolibet innodati existunt, ad effectum praesentium dumtaxat consequendum, harum serie absolventes, et absolutos fore censentes, necnon omnium et singulorum privilegiorum, indultorum, facultatum, exemptionum, immunitatum, libertatum et gratiarum per praedictos et alios quoscumque Romanos Pontifices prædecessores nostros ac Sedem Apostolicam hospitali praedicto, illiusque magno magistro, conventui, et fratribus, militibus, aliisque personis praedictis concessorum, ac litterarum desuper confectarum tenores praesentibus pro expressis habentes, motu proprio, non ad magni magistri et conventus hospitalis huiusmodi, aut alicuius alterius super hoc pro eis nobis oblatae petitionis instantiam, sed ex certâ scientiâ, et de merâ nostrâ liberalitate, ac apostolicae potestatis plenitudine, omnia et singula privilegia indulta, facultates, exemptiones, immunitates, libertates et alias gratias, eisdem magno magistro et conventui quomodolibet concessa, apostolicâ auctoritate, tenore praesentium, confirmamus et approbamus, illisque perpetuae et inviolabilis

firmitatis robur adiciamus, ac omnes et singulos tam iuris quam facti defectus, si qui forsan intervenerint in eisdem, supplementum.

§ 6. Decernentes praesentes litteras ullo unquam tempore de subreptionis, vel obreptionis vitio, aut intentionis nostrae, vel quopiam alio defectu, etiam ex eo quod locorum Ordinarii vocati non fuerint, notari, impugnari, vel invalidari minime posse, minusque sub quibuscumque similibus vel dissimilibus gratiarum revocationibus, limitationibus, restrictionibus et derogationibus comprehendere posse, sed semper ab illis exceptas, et quoties illae emanabunt, toties in pristinum statum restitutas, repositas, et plenarie reintegratas esse; sicque ab omnibus censi, et

Clausulas praeservativas ponit.

§ 7. Et ita per quoscumque iudices et commissarios, quavis auctoritate fungentes, etiam causarum palatii apostolici auditoras, ac S. R. E. cardinales (sublatâ eis et eorum cuilibet quavis aliter iudicandi et interpretandi facultate et auctoritate) iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Ita iudicari statuit.

§ 8. Quocirca dilectis filiis in regnis Hispaniarum et Neapolitano nostris et Sedis Apostolicae pro tempore existentibus nuntiis, ac curiae causarum camerae apostolicae generali auditori, per praesentes motu simili mandamus, quatenus ipsi, vel duo, aut unus eorum, per se, vel alium, seu alios, praesentes litteras, et in eis contenta quaecumque, ubi et quando opus fuerit, ac quoties pro parte eorundem magni magistri et conventus fuerint requisiti, solemniter publicantes, eisque in praemissis efficacis defensionis praesidio assistentes, faciant auctoritate nostrâ eosdem magnum magistrum et conventum confirmatione, approbatione, decreto, et aliis praenissis pacifice uti, frui, et gaudere;

Deputat. exequutores.

¹ Has non puto hucusque esse in Bull. (R. T.).

² Forsan legendum quo (R. T.).

non permittentes eos per Ordinarios praedictos aut quoscumque alios contra praesentium tenorem quomodolibet molestari, perturbari, aut inquietari; contradictores quoslibet et rebelles per sententias, censuras et poenas ecclesiasticas, appellatione postposita, compescendo, ac legitimis super his habendis servatis processibus, sententias, censuras et poenas huiusmodi incurrere declarando, illasque etiam iteratis vicibus aggravando, interdictumque ecclesiasticum apponendo, invocato etiam ad hoc, si opus fuerit, auxilio brachii secularis.

Contraria tollit.

§ 9. Non obstantibus piae memoriae Bonifacii Papae VIII, etiam praedecessoris nostri de una, et concilii generalis de duabus dietis, dummodo ultra tres dietas aliquis auctoritate praesentium ad iudicium non trahatur, ac aliis quibusvis apostolicis, necnon in provincialibus et synodalibus conciliis editis, specialibus vel generalibus constitutionibus, ordinationibus, necnon (iuramento, confirmatione apostolica, vel quavis firmitate alia roboratis) statutis, consuetudinibus, privilegiis quoque, indultis et litteris apostolicis, quibusvis personis, etiam praedictis locorum Ordinariis, sub quibuscumque tenoribus et formis, ac cum quibusvis etiam derogatoriis derogatoriis, aliisque efficacioribus et insolitis clausulis, irritantibusque et aliis decretis, etiam motu et scientia similibus, et consistorialiter, et de fratrum nostrorum consilio, in contrarium quomodolibet concessis, confirmatis, approbatis et innovatis. Quibus omnibus, etiamsi de illis, eorumque totis tenoribus specialis, specifica, expressa et individua mentio, seu quaevis alia expressio habenda, aut aliqua alia exquisita forma ad hoc servanda foret, illorum tenores, ac si de verbo ad verbum inserti forent, praesentibus pro sufficienter expressis et insertis habentes, illis aliis in suo robore per-

mansuris, hac vice dumtaxat specialiter et expresse derogamus, contrariis quibuscumque: aut si aliquibus communiter vel divisim ab Apostolica sit Sede indultum, quod interdicti, suspendi vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

§ 10. Eorundem autem praedecessorum vestigiis inhaerentes volumus, quod (felicitis recordationis Pii V, xxii septembris anno vi¹, ac Gregorii XIII praedecessorum nostrorum litteris, sub annulo Piscatoris xxv novembris anno ix² pontificatum suorum expeditis, in suo robore et efficacia permanentibus) praesentes litterae ecclesias et personas in his quae ad curam animarum pertinent, in quibus decreta Concilii Tridentini huiusmodi omnino servari, debere intendimus, minime comprehendant;

Statuta Concilii Tridentini praeservat.

§ 11. Ac quod praesentium litterarum transumptis, manu alicuius notarii publici subscriptis, et sigillo personae in dignitate ecclesiastica constitutae munitis, in iudicio et extra illud, ubique locorum, plena et indubitata, eademque prorsus fides adhibeatur, quae ipsis praesentibus adhiberetur, si forent exhibitae vel ostensae.

Exemplum huius bullae in archiepiscopatu mandari.

Datum Romae, apud S. Petrum, sub annulo Piscatoris, die xxix martii MDCXXIV, pontificatus nostri anno 1.

Dat. die 29 martii 1624, pontif. anno 1

LII.

Confirmatio litterarum Gregorii XV, quibus Congregatio monachorum Ordinis

¹ Quas Pii V litteras vide in tom. vii, pag. 943 (B. I.).

² Huiusmodi Gregorii XIII litterae leguntur in tom. vii, pag. 360 (B. T.).

S. Benedicti Helvetiorum ab Ordinariorum iurisdictione eximitur¹.

Urbanus Papa VIII,
ad perpetuam rei memoriam.

Gregorius XV
litteras referuntur,

Alias a felici recordationis Gregorio XV praedecessore nostro emanarunt litterae tenoris subsequenter videlicet:

Gregorius Papa XV,
ad perpetuam rei memoriam.

Quibus Congregationem Ordinis S. Benedicti Helvetiorum ab Ordinariorum iurisdictione eximit.

Onerosa pastoralis officii cura, meritis licet imparibus, nobis ex alto commissa postulat, ut ea quae religiosorum quomodolibet prospero statui, felicique progrediendi conducunt, libenter concedamus, prout conspiciamus salubriter in Domino expedire. Itaque dilectos filios abbates et monachos Ordinis sancti Benedicti Congregationis Helvetiorum specialibus favoribus et gratis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes, et absolutas fore consentes, supplicationibus eorundem monachorum nomine nobis super hoc humiliter porrectis inclinati, Congregationem praedictam, eiusque monasteria et loca regularia, illorumque abbates, monachos, et bona quaecumque, ab omni iurisdictione, visitatione, correctione, et superioritate quorumcumque Ordinariorum (ita ut illi in Congregationem, monasteria, loca regularia, eorumque abbates et monachos huiusmodi aliquam iurisdictionem vel superioritatem, quovis praetextu et ex quacumque causa, habere et exercere non possint, sine tamen praepudio iurium, quae dictis Ordinariis in regulares exem-

¹ Ex Regest. in Secret. Brev.

ptos, vigore Concilii Tridentini et constitutionum apostolicarum, tamquam Sedis Apostolicae delegatis competunt) apostolica auctoritate, tenore praesentium, eximimus et liberamus. Decernentes praesentes litteras semper et perpetuo validas et efficaces esse et fore, ac Congregationi, monasteriis, locis regularibus, ac abbatibus et monachis huiusmodi in omnibus et per omnia plenissime suffragari; sicque per quoscumque iudices ordinarios et delegatos, etiam causarum palatii apostolici auditores, ubique iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari. Non obstantibus constitutionibus et ordinationibus apostolicis, privilegiis quoque, indultis et litteris apostolicis, Ordinariis praedictis, et quibusvis aliis, in contrarium praemissorum, quomodolibet concessis, confirmatis et innovatis. Quibus omnibus et singulis, eorum tenores praesentibus pro expressis habentes, illis alias in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die vigesima maii MDCXXII, pontificatus nostri anno II.

§ 2. Cum autem, sicut abbates et monachi praedicti nobis nuper exponi fecerunt, ipsi plurimum cupiant, praeinsertas litteras huiusmodi, pro firmiori illarum subsistentia, apostolicae nostrae confirmationis robore communiri; nobis propterea humiliter supplicari fecerunt, ut eorum desideriis huiusmodi annuere de benignitate apostolica dignaremur. Nos igitur, abbates et monachos praedictos specialibus favoribus et gratis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab

Et confirmatur.

homine, quavis occasione vel causâ latis, si quibus quomodolibet innodatae existunt, ad effectum praemissorum dumtaxat assequendum, harum serie absolventes, et absolutos fore censes, huiusmodi supplicationibus inclinati, praeinsertas Gregorii praedecessoris huiusmodi litteras, ac omnia et singula in eis contenta, apostolicâ auctoritate, tenore praesentium, approbamus et confirmamus, illisque inviolabilis apostolicae firmitatis robur adii-
cimus.

Clausulae.

§ 3. Decernentes easdem, ac praesentes litteras validas, firmas et efficaces existere et fore, suosque plenarios et integros effectus sortiri et obtinere, ac abbatibus et monachis praedictis in omnibus et per omnia plenissime suffragari, et debitae executioni demandari; sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Derogatio contrarium.

§ 4. Non obstantibus omnibus illis, quae dictus Gregorius praedecessor in suis litteris huiusmodi voluit non obstat, ceterisque contrariis quibuscumque.

Datum Romae, apud S. Petrum, sub annulo Piscatoris, die xxx⁴ martii MDCXXIV, pontificatus nostri anno 1.

Dat. die 30 martii 1624, pontif. an. 1.

LIII.

Declaratio Constitutionis xxii superius positae de habitu Fratrum Minorum.

Urbanus Papa VIII,
ad perpetuam rei memoriam.

Referatur tenor Constitutionis cit. in rubrica.

§ 1. Nuper, cum causa inter dilectos filios fratres nostros Ordinis Minorum S. Fran-

1 Erronee, ut puto, edit. Main. in textu legit 3 martii, nam ad marg. legit 30 (n. T.).

cisci Capuccinos nuncupatos ex unâ, ac fratres eiusdem Ordinis strictioris Observantiae ex alterâ partibus, de et super reassumptione calepodiorum, et distinctione habitus, ad praescriptum bullarum per diversos Romanos Pontifices praedecessores nostros emanatarum, agitata, ac de mandato nostro in congregatione venerabilium fratrum nostrorum S. Romanae Ecclesiae cardinalium negotiis regularium praepositorum proposita et examinata fuisset, eisdem fratribus strictioris Observantiae, quatenus calepodia reassumere, soleasque ubique per totam Italiam deponere, nec eas imposterum reassumere deberent, sub excommunicationis latae sententiae, ac privationis vocis activae et passivae, necnon, quoad superiores, etiam suspensionis ab officiis, ipso facto incurrendis poenis, iniunximus, et alias prout in nostris desuper in simili formâ Brevis, sub die x ianuarii proxime praeteriti, expeditis litteris¹, quarum tenores praesentibus pro expressis haberi volumus, plenius continetur.

§ 2. Nunc autem, cum experientia docuerit, nonnullos ex dictis fratribus strictioris Observantiae calepodis uti aegre posse; nos, fratres strictioris Observantiae huiusmodi specialibus favoribus et gratiis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censes, supplicationibus earum¹ nomine nobis super hoc humiliter porrectis inclinati, superioribus eorum dem fratrum strictioris Observantiae, fratribus senio confectis, aut qui ita infirmi fac-

Sequitur ipsae declaratio.

1 Quis vide supra, pag. 97 huius tomi (n. T.).

1 Potius legeretur eorum (n. T.).

rint, ut calepodia deferre non valeant, ut in domibus regularibus huiusmodi, necnon itinerantibus dumtaxat, qui iter saltem unius diei cum calepodiiis habere non possunt, non autem quaestuantibus, soleas cum calcaneo usque ad talos circiter, superiori autem pedis parte unicâ tantum fasciâ usque ad digitos in circa coopertas deferre, absque poenarum et censurarum incursu, libere et licite possint et valeant, super quibus eorundem superiorum conscientiam oneramus, concedendi et indulgendi licentiam, apostolicâ auctoritate, tenore praesentium, concedimus et impertimur. Decernentes, eosdem fratres strictioris Observantiae praemissorum occasione nullo modo molestari, perturbari aut inquietari posse seu debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Derogatio contrariorum.

§ 3. Non obstantibus literis nostris praedictis, ac omnibus illis, quae in eis volumus non obstat, ceterisque contrariis quibuscumque.

Transumptorum fides.

§ 4. Volumus autem, quod praesentium transumptis, etiam impressis, manualicuius notarii publici subscriptis, et sigillo personae in dignitate ecclesiasticâ constitutae munitis, eadem prorsus fides ubique adhibeatur, quae ipsis praesentibus adhibetur, si forent exhibitae vel ostensae.

Datum Romae, apud S. Petrum, sub anulo Piscatoris, die xxxi martii MDCXXIV, pontificatus nostri anno 1.

Dat. die 31 martii 1624, pontif. anno 1.

LIV.

Extensio facultatis archiepiscopo Cretensi concessae visitandi insulam Cretae¹.

¹ Ex Regest. in Secret. Brev. — Deputationem huius archiepiscopi in visitatorem insulae Cretensis vide superius in Constit. xv pag. 82.

Venerabili fratri
Lucae archiepiscopo Cretensi,
Urbanus Papa VIII.

Venerabilis frater,
salutem et apostolicam benedictionem.

Aliàs de tuâ prudentiâ et catholicâ religionis zelo plurimum in Domino confisi, motu proprio et ex certâ scientiâ ac maturâ deliberatione nostris, te nostrum et Sedis Apostolicae generalem et specialem visitatorem, reformatorem et delegatum in totâ insulâ Cretensi, apostolicâ auctoritate, fecimus, constituimus et deputavimus, tibi que certas tunc expressas facultates concessimus et impartiti sumus, prout in diversis nostris in simili formâ Brevis expeditis litteris, quarum tenores praesentibus pro expressis haberi volumus, plenius continetur.

Archiepiscopi Cretensis, in visitatorem insulae deputati.

§ 2. Nunc autem; christifidelium in Zacynthi, Cephaloniae et Coreyrae insulis existentium animarum saluti, quantum nobis ex alto conceditur, consulere volentes, motu, scientiâ et deliberatione similibus, te in insulis praedictis nostrum pariter et eiusdem Sedis generalem et specialem visitatorem, reformatorem et delegatum, cum omnibus et singulis facultatibus in dictis litteris expressis, apostolicâ auctoritate, tenore praesentium, facimus, constituimus et deputamus; tibi que per easdem praesentes committimus et mandamus, ut, tamquam noster et Sedis praedictae specialiter delegatus, venerabiles fratres Marcum Antonium archiepiscopum Naxiensem in civitate Cretensi commorantem, ac Marcum episcopum Cynolicensem et Cephaloniae in eadem civitate degentem, et a suis ecclesiis a quadriennio absentem, auctoritate nostrâ moneas, ut quamprimum ad residentiam suam se transferant, inde non decessuri, nisi ex causâ per te approbandâ; et, si monitioni tuae huiusmodi non paruerint, contra ipsos procedas iuxta decretorum

Extenduntur facultates.

Concilii Tridentini dispositionem, vel ut citius dictis ecclesiis provideatur iuxta cap. II *De officio delegati*, in 6. Praeterea suffraganeos tuos ad residentiam in suis ecclesiis compellas, et venerabilibus fratribus nostris S. R. E. cardinalibus negotio propagandae in universo mundo fidei praepositis significes, qui ex eis non resideant; nec non visitationum copias authenticas ad eosdem cardinales transmittas, ac informationes sumas, extraiudiciales tantum, de vita, moribus et pastoralis officio venerabilis etiam fratris episcopi Thinenensis, et de illius populi statu quoad religionem, eorumque copias authenticas ad eosdem cardinales transmittas.

§ 3. Non obstantibus omnibus illis, quae in litteris praedictis volumus non ob stare, ceterisque contrariis quibuscumque.

Datum Romae, apud S. Petrum, sub annulo Piscatoris, die 1 aprilis MDCXXIV, pontificatus nostri anno 1.

Dat. die 1 aprilis 1624, pontif. an. 1.

LV.

Prorogatio duorum mensium favore Caroli Barberini, pontificiarum militiarum, arciumque Perusinae et Anconitanae praefecti, eiusque locatentium, ad iuramentum in manibus cardinalis S. R. E. camerarii praestandum, et inventarium dictarum arcium conficiendum.

Dilecto filio nobili viro Carolo Barberino, nostro secundum carnem fratri germano, totius militiae S. R. E. gubernatori generali,

Urbanus Papa VIII.

Venerabilis frater,
salutem et apostolicam benedictionem.

Singularia multiplicum virtutum merita, quibus personam tuam a Domino novimus

1 Potius legendum earumque (R. T.).

2 Ex Regest. in Secret. Brev.

insignitam, suo iure poscunt, ut te, fraterno secundum carnem vinculo nobis coniunctum, ac filiali reverentia et devotione nos prosequentem, amplioribus in dies favoribus et gratiis libenter completamur.

§ 1. Alias siquidem te totius nostrae et sanctae Romanae Ecclesiae militiae, tam equestris quam pedestris, gubernatorem generalem, necnon Perusinae et Anconitanae civitatum et arcium nostrarum praefectum, sive castellanum, cum iurisdictione, auctoritate, facultatibus, honoribus, oneribus, provisionibus, stipendiis, salariis solitis et consuetis, sub certis modo et forma tunc expressis, fecimus, constituimus et deputavimus,

§ 2. Volentes inter alia, quod tu, ac locumtenens tuus de ipsas arces bene et fideliter custodiendo, nobisque viventibus, ad nostram, defunctis vero, ad sacri venerabilium fratrum nostrorum sanctae Romanae Ecclesiae cardinalium collegii, seu successoris nostri Romani Pontificis canonice intrantis, instantiam, tenendo et restituendo, ac de conficiendo inventarium tormentorum et rerum omnium in dictis arcibus existentium, et illud manu notarii publici confectum intra mensem, postquam possessionem ipsarum arcium adeptus fuisses, ad praesidentes clericos camerae nostrae apostolicae transmittendo, in manibus dilecti filii nostri et sanctae Romanae Ecclesiae camerarii debitum praestares in forma solita iuramentum, ac dictus locumtenens idoneam cautionem praestare teneretur, et alias, prout in diversis nostris desuper in simili forma Brevis expeditis litteris¹, quarum tenores praesentibus pro expressis haberi volumus, plenius continetur.

§ 3. Cum autem, sicut nobis innotuit, tu dictum inventarium in praedictis ar-

1 Huiusmodi litteras hucusque deesse potest (R. T.).

Urbanus Carolum Barberinum Romanae Ecclesiae militiae et arcium Perusinae et Anconitanae praefectum constituit.

Innotuit te, locumtenens tuus de ipsas arces bene et fideliter custodiendo, nobisque viventibus, ad nostram, defunctis vero, ad sacri venerabilium fratrum nostrorum sanctae Romanae Ecclesiae cardinalium collegii, seu successoris nostri Romani Pontificis canonice intrantis, instantiam, tenendo et restituendo, ac de conficiendo inventarium tormentorum et rerum omnium in dictis arcibus existentium, et illud manu notarii publici confectum intra mensem, postquam possessionem ipsarum arcium adeptus fuisses, ad praesidentes clericos camerae nostrae apostolicae transmittendo, in manibus dilecti filii nostri et sanctae Romanae Ecclesiae camerarii debitum praestares in forma solita iuramentum, ac dictus locumtenens idoneam cautionem praestare teneretur, et alias, prout in diversis nostris desuper in simili forma Brevis expeditis litteris, quarum tenores praesentibus pro expressis haberi volumus, plenius continetur.

Dictumque tenorem ad alios duos menses prodigat.

Derogatio contrariis

Exordium.

cibus, seu earum alterâ, infra mensem huiusmodi, seu aliâs forsân non confeceris, nec iuramentum prædictum in dicti camerarii manibus forsân post lapsum mensis huiusmodi præstiteris, neque idem locumtenens iuramentum intra dictum tempus, seu aliâs forsân neque dictam cautionem præstiterit, ut præfertur:

Emolumenta
que omnia a die
suae assumptionis
in Pontifi-
com decursa
solvî mandat.

§ 4. Nos, te præmissorum meritorum intuitu amplioris gratiæ favore prosequi volentes, motu proprio, non ad tuam, vel alterius pro te nobis oblatae petitionis instantiam, sed ex certâ scientiâ ac merâ liberalitate nostris, deque apostolicæ potestatis plenitudine, te, necnon locumtenentes tuos, quatenus opus sit, adversus lapsum temporis ad conficienda inventaria huiusmodi, necnon cautionem et iuramentum præstandum, tibi et illis respective, ut præfertur, præfixi, ac aliâs, in pristinum, et eum, in quo antea quomodolibet eras, et ipsi erant, statum, tenore præsentium, omnino restituimus, reponimus et plenarie reintegramus: tibi et illis ad eadem inventaria, per te, seu locumtenentes tuos, seu alium, vel alios, quem, sive quos, ad hoc duxeris deputandum, vel deputandos, conficienda et transmittenda, necnon cautionem præstandam, ut præfertur, terminum duorum mensium a datâ præsentium computandum concedimus.

Aliæque eius
locumtenentibus
concedit.

§ 5. Volumusque, et apostolicâ auctoritate earundem tenore præsentium decernimus, quod inventaria prædicta, si quæ¹ etiam post lapsum temporis huiusmodi facta fuerint, similiter valeant et suffragentur, quodque, ob iuramentum in manibus dicti camerarii post lapsum temporis prædicti præmissorum occasione forsân præstitum, ad aliorum iuramentorum præstationem nullo modo tenearis, provisionesque, stipendia, salaria et emolumenta, tam prædictorum, quam Asculanae et Beneventanae, aliarumque arcium ca-

¹ Rectius si qua (n. r.).

stellani, et officiorum quorumcumque tibi hactenus demandatorum, a die nostræ ad summi apostolatus apicem assumptionis currere debeant, tibi et ab eadem die omnino debeantur, ac persolvi, præstarique, quatenus persoluta et præstita non sint, debeant, omni et quacumque contradictione cessante;

§ 6. Quodque iuramenta, per eosdem locumtenentes tuos præmissorum occasione contra litterarum prædictarum tenorem forsân præstita, valeant et suffragentur, nec ipsi ad aliorum iuramentorum præstationem teneantur; et si ipsi vel aliorum aliqui iuramenta huiusmodi nondum præstiterint, illa in manibus personæ a te deputandæ præstare valeant.

Datum Romæ, apud S. Petrum, sub anulo Piscatoris, die III aprilis MDCXXIV, pontificatus nostri anno I.

Dat. die 3 aprilis 1624, pontif. an. I.

LVI.

Confirmatio decreti Congregationis Concilii, quo statuitur nihil prorsus esse solvendum episcopis, aut eorum officialibus, pro exhibendâ ratione bonorum, elemosynarum, testamentorum et legatorum a fratribus Congregationis Ioannis Dei¹.

Urbanus Papa VIII,
ad perpetuam rei memoriam.

§ 1. Exponi nobis nuper fecit dilectus filius Gaspar Diaz Campomanes, Congregationis Ioannis Dei procurator generalis, quod aliâs a venerabilibus fratribus nostris sanctæ Romanæ Ecclesiæ cardinalibus Concilii Tridentini interpretibus emanavit decretum tenoris subsequentis, videlicet:

Sacram Congregationem vestram humiliter precatur Franciscus Gaspar Diaz Cam-

¹ Ex Regest. in Secret. Brev.

Recensetur
Congregationis
Concilii decre-
tum.

pomanes, procurator generalis religionis Ioannis Dei, ut dignetur declarare:

An religio sua teneatur aliquid solvere Ordinariis et eorum officialibus pro exhibendâ ratione bonorum, eleemosynarum, testamentorum et legatorum, quae suis hospitalibus donantur.

Sacra Congregatio cardinalium Concilii Tridentini interpretum censuit nihil prorsus esse solvendum episcopis, aut eorum officialibus, pro eiusmodi rationibus exigendis.

ANTONIUS cardinalis CAETANUS.

Procurator
generalis petit
illud confirmari.

§ 2. Cum autem, sicut eadem expositio subiungebat, dictus Gaspar plurimum cupiat, decretum huiusmodi, pro firmiori illius subsistentiâ, apostolicae nostrae confirmationis robore communiri; nobis propterea humiliter supplicari fecit, ut sibi desuper opportune providere de benignitate apostolicâ dignaremur.

Confirmat Urbanus.

§ 3. Nos igitur, dicti Gasparis desideriis huiusmodi annuere, illumque specialibus favoribus et gratiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatus existit, ad effectum praesentium dumtaxat consequendum, harum serie absolventes et absolutum fore censes, huiusmodi supplicationibus inclinati, decretum praesentium huiusmodi, apostolicâ auctoritate, tenore praesentium, perpetuo approbamus et confirmamus, illique apostolicae firmitatis robur adicimus, ac omnes et singulos tam iuris quam facti defectus, si qui desuper quomodolibet intervenerint, supplemus.

Clauelas apponit.

§ 4. Decernentes decretum huiusmodi necnon praesentes litteras valida, firma et efficacia esse et fore, suosque plenarios et integros effectus sortiri et obtinere, ac

ab omnibus, ad quos spectat et in futurum spectabit, inviolabiliter observari; sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane quidquid secus super hijs a quoquam, quavis auctoritate, scienter vel ignoranter, contigerit attentari.

Obstantium
derogatio.

§ 5. Non obstantibus constitutionibus et ordinationibus apostolicis, privilegiis quoque, indultis et litteris apostolicis, in contrarium praemissorum quomodolibet concessis, confirmatis et innovatis, ceterisque contrariis quibuscumque.

§ 6. Volumus autem, quod praesentium transumptis etiam impressis, etc.

Datum Romae, apud S. Petrum, sub anulo Piscatoris, die XIV aprilis MDCXXIV. pontificatus nostri anno I.

Dat. die 14 aprilis 1624, pontif. an. I.

LVII.

Indictio iubilaei universalis pro anno MDCXXV, ac suspensio quarumcumque aliarum indulgentiarum dicto anno durante.

Urbanus Episcopus,
servus servorum Dei,
ad perpetuam rei memoriam.

Universis christifidelibus praesentes litteras inspecturis, salutem et apostolicam benedictionem.

Omnes gentes plaudite manibus, iubilate Deo in voce exultationis: non enim ut in veteri lege sacerdotalis buccinae clangore, sed apostolicae vocis oraculo, sacrosanctum iubilaei annum, iam Regis seculorum beneficio appropinquantem, vobis evangelizamus; annum divino cultui dicatum, ac ferventioribus christianae pietatis studiis destinatum; annum remissionis, ac veniae, tempus acceptabile, dies salutis. Licet enim nulla excurrant tem-

Evangelizat ap-
propinquatum
annum sanctum
ad iubilaei co-
lebrationem

pora, quae, divinae largitatis muneribus secunda, spiritualibus nos non cumulent bonis, ac numquam ad ineffabilem Dei misericordiam, eius adspirante gratia, nobis aditus praecludatur; nihilominus tot, tantaque eo anno ad hominum sanctificationem beneficia caelitus promanant, ut pene omnes sacros thesauros divina munificentia in christifideles diffundere videatur. Quapropter si quinquagesimus annus, quem Deus Moysen sanctificare iussit, incredibili hebraeorum plausu, atque inaestimabili gaudio excipiebatur, quanto magis decet christianum orbem sacro iubilaei anno recurrente laetari? Laboriosa eo tempore agriculturae opera intermittebantur, nunc proprio quisque parcens labori, fructus, quos Christi Domini, Deiparae Virginis, ac Sanctorum merita protulerunt, uberri- mos percipit; districta tunc praedia, alienique iuris effecta recuperabantur, nunc virtutes, dona et merita, quibus peccando merito exuimur, liberali Dei misericordia recipimus; exules tunc patriam repete- bant, nunc ad caelum, unde exulantes in hac lacrymarum valle misere perer- ramus, iter nobis praemonstratur et ape- ritur.

Principes et omnes ad illius celebrationem convocati et in- vitali.

§ 1. Vos igitur, catholici principes, qui tot decorum praerogativis insigniti ad chris- tianam pietatem promovendam arctiori- bus, quam ceteri, obligationis nexibus ob- stricti estis, vos omnes, christifideles, quos Romana Ecclesia materno gremio com- plectitur, ad iucundissimam sacrosancti huius iubilaei celebrationem, paternam, quae urget nos, charitate vocamus et invitamus, ac quasi tuba exaltantes vocem nostram prophetica in vos oracula convertimus, et clamamus: Audite haec, omnes gentes, auribus percipite, qui habitatis orbem; adveniunt dies poenitentiae ad redimenda peccata, ad salvandas animas; appropin- quat tempus, quo Dei misericordia eos tandem convertat, quos sera eius ulciscendi

voluntas diu toleravit; humanae vitae bre- vitatem vobis ipsi ob oculos proponite; cogitate, nos instar aquae dilabi, ac vitam nostram velut a texente praecidi. Et quam- vis nonnulli ex Romanis Pontificibus, prae- decessoribus nostris, eidem iubilaei anno concelebrando praescriptum olim tempo- ris spatium provide arctantes, tam solem- nem culparum remissionem, divinaeque iustitiae debitarum poenarum relaxatio- nem intra angustiores annorum limites contraxerint; nihilominus, ob paucitatem dierum nostrorum, paucis illam reditu- ram¹ putantes, quaeramus Dominum dum inveniri potest, invocemus eum dum prope est. Venite ergo ad locum, quem elegit Dominus, ascendite ad mysticam hanc Hierusalem, tot, tantisque a Deo be- neficiis auctam, tot muneribus cumulatam, ut vere de ea dicatur fluminis impetum lactificare civitatem Domini, caelestium nempe fluminis gratiarum, cuius oppor- tunam irrigatione fidelium animae fecun- dantur. Venite et afferte Domino gloriam nomini eius, adorete Dominum in atrio sancto eius. Illic, filii dilectissimi, vere constebimini Deo in Ecclesia magna, in populo gravi laudabitis eum; quandoqui- dem haec est ceterarum ecclesiarum Ma- gistra, prima catholicae religionis Sedes, Mater credentium, orbis Caput, Vertex re- ram. Quapropter et caelestes benedictio- nes, quas sititis, hic non ex rivulis petetis, sed haurietis aquas in gaudio de fontibus Salvatoris, aquas videlicet saluberrimas, quibus haustis, efficietur in vobis fons aquae salientis in vitam aeternam.

§ 2. Haec igitur nos prae oculis atque in votis habentes, Romanorumque Ponti- ficum praedecessorum nostrorum vestigiis inhaerentes, et eorum piis ac saluber- rimum institutum relinquentes, de venera- bilium fratrum nostrorum S. R. E. car-

iubilaei ce- lebrationem in proximum an- num MDCXXV in- dicit et plenis- simam imparti- tur indulgenti- am visitanti- bus quatuor pa- triarchales Ur- bis ecclesias.

¹ Erronee edit. Main. et Cherub. Lugdunen- sis legunt *reddituram* (n. t.).

dinalium assensu, iubilaei celebrationem in annum proximum MDCXXV, a primis vespers vigilae Nativitatis Domini Nostri Iesu Christi proxime futurae inchoandam, et per totum annum ipsum finiendam, auctoritate Dei omnipotentis et beatorum apostolorum Petri et Pauli ac nostrâ, quanto maximo possumus animi nostri gaudio, ad ipsius Dei gloriam et catholicæ Ecclesiæ exaltationem indicimus et promulgamus. Quo ipso iubilaei anno durante, omnibus utriusque sexus christifidelibus vere poenitentibus et confessis, qui ecclesiam Lateranensem, B. Petri et Pauli apostolorum necnon S. Mariæ Maioris de Urbe basilicas, semel saltem in die, per triginta continuos aut interpellatos dies, si Romani vel incolae Urbis, si vero peregrini aut aliâs exteri fuerint, per quindecim saltem dies devote visiterint, et pro ipsorum fidelium ac totius christiani populi salute pias ad Deum preces effuderint, plenissimam omnium peccatorum suorum indulgentiam, remissionem ac veniam misericorditer in Domino concedimus et impartimur.

Impeditis denique providet.

§ 3. Et quoniam evenire potest, ut ex illis, qui hac de causâ iter aggressi fuerint, vel ad Urbem se contulerint, aliqui in viâ, aut etiam in ipsâ Urbe, morbo vel aliâ legitimâ causâ impediti, aut morte praeventi praefinito dierum numero non completo, ac ne quidem fortasse inchoato, praemissa exequi, ac ecclesiam et basilicas huiusmodi obire nequeant; nos, pia, promptaeque illorum voluntati, quantum in Domino possumus, benigne favere cupientes, eosdem, vere poenitentes et confessos, praedictae indulgentiae et remissionis participes perinde fieri volumus, ac si ecclesiam et basilicas praedictas diebus a nobis praescriptis reipsâ visitassent.

Praelatis praecipit, ut omnes

§ 4. Vos autem, venerabiles fratres no-

stri, patriarchae, primates, archiepiscopi et episcopi, in partem sollicitudinis nostrae vocati, capite tubas argenteas, quarum usus est in iubilaeo, adhibete praedicationem verbi Dei, et praenuntiate populis gaudium magnum, ut sanctificentur, et Dei iuvante gratiâ parati sint ad ea caelestia dona capienda, quae honorum omnium largitor Deus filiis dilectionis suae per ministerium humilitatis nostrae praeparavit. Ad caelestia munera in hac Urbe percipienda vocate coetum, congregare populum, sanctificare ecclesiam, docete oves fidei vestrae creditas, quia advenae et peregrini sumus in hac vitâ, et civitatem hic permanentem non habemus, sed futuram inquirimus. Docete omnes, si unquam aliâs, nunc potissimum iras, rixas, contentiones, et inveterata odia extinguenda propter Christum; nunc praecipue omnes carnis sordes esse detergendas, ut templum Dei mundum sit, et unusquisque vas suum possideat in honore et sanctificatione, et portet Deum in corpore suo. Docete eos nunc maxime scelera detestanda esse, dandamque operam, ne quis christiano nomine abutatur. Docete, sacros indulgentiarum thesauros lucrandi spem omnem inanem esse, nisi quis contrito et humiliato corde se ipsum praeparare, et christianis operibus exercere studeat. Qui autem divitiis abundant, aperiant viscera sua, fratrum suorum pauperum inopiam sublevent, praecipue vero erga peregrinos Romam venientes misericordes sint, et sanctam hospitalitatem Deo gratissimam, et quam vetustissimi illi christiani etiam inter persecutionum fluctus diligentissime coluerunt, ipsi quoque multâ hilaritate spiritus renovent, atque observent, faciantque sibi amicos de mammonâ iniquitatis, ut recipiantur in aeterna tabernacula. Admonete etiam omnes, ut orent pro regibus et principibus christianis, ut quietam et tranquillam vitam agamus, et

moneant et instituunt ad pia opera peragenda pro huiusmodi iubilaei consecutione.

1 Sic omnes edit.; sed interpolatos lege (n. r.).

pax ac concordia perpetuo conservetur. Postremo docefe eos, cum sanctam peregrinationem susceperint, qua modestiâ, qua devotione, qua fraternae pacis observantiâ connecti eos oporteat, ut sint Christi bonus odor in omni loco. Praebete autem vos ipsos, fratres venerabiles, et omne clementum, exemplum in primis bonorum operum et formam gregis, ut vestrae virtutis ac religionis veluti sale ceteri condiantur, et omnem peccati putredinem abhorreant, et denique omnes unanimes in uno spiritu christianae charitatis, atque in omni sanctitate et iustitiâ Deo serviamus.

Principesque horiatur ad pia opera et praecipue ad peregrinis subveniendum ardentius.

§ 5. Hortamur quoque et rogamus in Domino charissimos in Christo filios nostros imperatorem electum, ac reges et principes omnes catholicos, ut quo plura et magis illustria beneficia ab Eo, per quem reges regnant, acceperunt, tanto ardentius, ut par est, ad Dei gloriam procurandam pio zelo excitentur; praecipue vero fratrum nostrorum episcoporum et superiorum antistitum pastorem sedulitatem et vigilantiam adiuvent, et magis a suis magistratibus ac ministris adiuvari mandent, ut improborum licentia coercetur, et bonorum studia eorum regia ope et gratiâ foveantur; maxime autem erga peregrinos beneficentiam et liberalitatem exercent, curentque ut tutis incedant itineribus, et nullâ hominum perditorum vexatione perturbentur; sed hospitalibus, domibus et publicis hospitibus amanter excepti, et comite et rebus ad vitam necessariis recreati, sine ullâ concussionem et iniuriâ institutum iter laeti peragant, et cum gaudio in patriam revertantur: his enim hostiis reges potissimum et principes Deum sibi placabilem reddent, ut diu in terris felices vivant, et demum in aeterna tabernacula recipiantur ab illis ipsis pauperibus, erga quos misericordiam exercuerint, in quibus Christus pascitur et nutritur.

§ 6. Ut vero praesentes litterae ad omnium fidelium in quibuscumque locis existentium¹ notitiam facilius perveniant, volumus earum exemplis, etiam impressis, manu notarii publici subscriptis, ac personae in dignitate ecclesiasticâ constitutae sigillo munitis, eandem prorsus fidem haberi, quae haberetur iisdem praesentibus, si exhibitae forent vel ostensae.

Exemplis huius Constitutionis credi mandatur.

§ 7. Nulli ergo omnino hominum liceat hanc paginam nostrae indictionis, promulgationis, concessionis, impartitionis, hortationis, rogationis et voluntatis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei, ac beatorum Petri et Pauli apostolorum eius, se noverit incursum.

Sanctio poenalis.

Datum Romae, apud S. Petrum, anno Incarnationis Dominicae MDCXXIV, III kalendas maii, pontificatus nostri anno I.

Dat. die 29 aprilis 1624, pontif. anno I.

Anno a Nativitate Domini MDCXXIV, indictione VII, die vero XVI maii, pontificatus Sanctissimi in Christo Patris et Domini nostri D. Urbani Papae VIII anno I, suprascriptae litterae apostolicae lectae et publicatae fuerunt in atrio basilicae Principis apostolorum de Urbe per me infrascriptum abbreviatorem de curiâ.

AUGUSTINUS HURANDUS, Abbr. de Curia.

Anno Domini MDCXXIV, indictione VII, die XVII maii, pontificatus Sanctissimi Domini nostri Urbani VIII, pontificatus sui I, suprascriptae litterae apostolicae publicatae et affixae fuerunt ad valvas basilicarum S. Ioannis Lateranensis et Principis apostolorum de Urbe, ac cancellariae apostolicae, et in acie Campi Florae, dimissis ibidem earumdem litterarum originalibus appensis per ali-

¹ Male edit. Main. legit existentibus (R. T.).

quod temporis spatium, et exinde amotis, deinde dimissis earundem litterarum copiis affixis, ut moris est, per nos Camillum Fundatum et Brandimartem Latinum praeibati Sanctissimi Domini nostri Papae cursores.

OCTAVIUS SPADA, magister cursorum.

LVIII.

Sequitur suspensio aliarum indulgentiarum hoc anno sancto durante.

**Urbanus Episcopus
servus servorum Dei,
ad perpetuam rei memoriam.**

Relatio praedictae indictionis iubilaei.

Cum nuper iubilaei celebrationem a vigiliâ Nativitatis Domini nostri Iesu Christi anni proxime venturi inchoandam¹, et usque ad finem eiusdem anni duraturam, universo populo christiano de venerabilium fratrum nostrorum S. R. E. cardinalium assensu indixerimus, ac omnibus utriusque sexus christifidelibus vere poenitentibus et confessis, qui beatissimorum Petri et Pauli apostolorum basilicas, et S. Ioannis Lateranensis ac B. Mariae Maioris de Urbe ecclesias visitarent, plenissimam omnium peccatorum suorum indulgentiam, remissionem et veniam concessimus, prout in nostris nuper desuper confectis litteris plenius continetur:

Suspensio omnium aliarum indulgentiarum et facultatum absolventi durante hoc anno iubilaei.

§ 1. Cupientes, ut christianae nationes, ex omnibus terrarum orbis locis in aliam Urbe nostrâ in fidei ac religionis unitate congregatae, eodem pietatis ac devotionis spiritu basilicas et ecclesias praedictas, quo maximo fieri poterit concursu, durante eodem iubilaeo visitent et frequen-

¹ Puto erroneam lectionem sic esse emendam, ad instar § 2 Const. praecedentis, ut supra pag. 145 a: *Cum nuper iubilaei celebrationem in annum proxime venturum, a vigiliâ Nativitatis D. N. I. C. proxime futurae inchoandam* (R. T.).

tent, multorum Romanorum Pontificum praedecessorum nostrorum exemplo adducti, omnes et singulas indulgentias, etiam perpetuas, et peccatorum remissiones, ac facultates et indulta absolvendi, etiam in casibus Sedi Apostolicae reservatis, etiam in litteris die Coenae Domini legi solitis contentis, quibusvis ecclesiis, monasteriis, hospitalibus, etiam S. Ioannis Hierosolymitani, domibus, militiis, ordinibus, etiam mendicantium, congregationibus, confraternitatibus, etiam laicorum, universitatibus et piis locis, illorumque ordinibus, capitulis, conventibus, magistris, superioribus, et tam secularibus quam quorumvis etiam mendicantium Ordinum regularibus personis, coronisque, granis, imaginibus et numismatibus ex metallo, seu quacunque aliâ materiâ confectis, tam singulariter quam universaliter, per quoscunque Romanos Pontifices praedecessores nostros, ac etiam nos, etiam ad instantiam imperatoris, regum, ducum et aliorum principum, aut ipsis etiam imperatori, ducibus et principibus, vel aliis quacunque aliâ mundanâ, vel ecclesiasticâ dignitate, etiam speciali notâ dignâ fulgentibus, etiam ad instar iubilaei, aut alias quomodocunque, et ex quibusvis causis et occasionibus, sub quibuscunque tenoribus et formis, ac cum quibusvis clausulis et decretis, etiam motu proprio et ex certâ scientiâ, ac alias quomodolibet concessis (quorum omnium tenores, formas, derogationes et decreta praesentibus pro expressis haberi volumus) apostolicâ auctoritate, de eorundem fratrum consilio et assensu ac apostolicae potestatis plenitudine, suspendimus et suspensas esse declaramus, easque et ea, eodem anno durante, nulli prodesse aut suffragari debere; irritum quoque et inane decernimus, si secus super his a quoquam, quâvis auctoritate, scienter vel ignoranter, contigerit attentari.

Et prohibitio
eas publicandi.

§ 2. Quocirca per praesentes, auctoritate apostolicâ, praecipimus et mandamus, ne interim aliae, quam indicti a nobis praedicti iubilaei, indulgentiae, sive publice sive privatim, quovis praetextu, ubivis locorum et gentium, sub excommunicationis eo ipso incurrendae, aliisque arbitrio Ordinariorum infligendis poenis, publicentur vel nuntientur, aut in usum demandentur.

Derogatque
contrariis.

§ 3. Non obstantibus praemissis, ac constitutionibus et ordinationibus apostolicis, necnon ecclesiarum, monasteriorum, conventuum, ordinum, congregationum, hospitalium, confraternitatum, universitatum, collegiorum et locorum, aliorumque praedictorum (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, exemptionibus et indultis apostolicis, illis, eorumque superioribus et personis, ac aliis quibuscumque, per eosdem Romanos Pontifices praedecessores nostros, ac nos, et dictam Sedem, eiusque legatos, sub quibuscumque tenoribus et formis, ac cum quibusvis clausulis et decretis, et ex quibusvis causis, concessis, confirmatis et innovatis. Quibus omnibus (etiamsi in illis caveatur expresse, quod sub similibus vel dissimilibus suspensionibus nequaquam comprehendantur, nisi de illis specialis et individua mentio fiat), illis aliâs in suo robore permanentibus, ad effectum praemissum hac vice dumtaxat specialiter et expresse derogamus, ceterisque contrariis quibuscumque.

Exemplorum
fides.

§ 4. Et quia difficile nimis esset, praesentes quocumque, ubi illis opus fuerit, perferri, volumus earum exemplis, etiam impressis, notarii publici manu, et sigillo personae in dignitate ecclesiasticâ constitutae obsignatis, eandem prorsus fidem, in iudicio et extra, ubique locorum adhiberi, quae adhiberetur praesentibus, si essent exhibitae vel ostensae. Nulli ergo

omnino hominum liceat hanc paginam nostrae suspensionis, declarationis, decreti, praecepti, mandati et voluntatis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei, ac beatorum Petri et Pauli apostolorum eius, se noverit incursurum.

Datum Romae, apud S. Petrum, anno Incarnationis Dominicae MDCXXIV, sexto nonas maii, pontificatus nostri anno I.

Dat. die 2 maii 1624, pontif. an. I.

Anno a Nativitate Domini Nostri Iesu Christi MDCXXIV, indictione VII, die vero XVII mensis maii, pontificatus SS. in Christo Patris et D. N. D. Urbani, divinâ providentiâ Papae VIII, pontificatus sui anno I, supradictae litterae apostolicae publicatae et affixae fuerunt ad valvas basilicarum S. Ioannis Lateranensis, Principis apostolorum de Urbe, ac cancellariae apostolicae, et in acie Campi Florae, dimissis ibidem earumdem litterarum originalibus appensis per aliquod temporis spatium, et exinde amotis, deinde dimissis earumdem litterarum copiis affixis, ut moris est, per nos Camillum Fundatum de Cesis, et Brandimartem Latinum SS. D. N. Papae praelibati cursores.

OCTAVIUS SPADA, magister cursorum.

LIX.

Super solutione centum quinquaginta millium scutorum pro munitione civitatis Mediolanensis¹.

Venerabili fratri episcopo Interamneni

Urbanus Papa VIII.

Venerabilis frater,
salutem et apostolicam benedictionem.

Ex illo die, quo, mirabilia faciens nobiscum Dominus, militantis Ecclesiae suae

¹ Ex Regest. in Secret. Brev.

Exordium

principatum humilitati nostrae, nullo licet meritorum suffragio, credidit, etsi nihil antiquius habuerimus, quam ecclesiasticas personas, quas in visceribus gerimus charitatis, a quibusvis gravaminibus et oneribus immunes praeservare; nihilominus, dum ea, quae publicae securitati tuendae opportuna sunt, nostrorum temporum conditionem, aliaque permulta accuratissimâ aestimatione perpendimus, facere non possumus, quin divino implorato praesidio, rectam sacrorum canonum normam aliquâ mansuetudine interdum deflectamus, ac nonnulla quamvis difficilia apostolicâ largitate benigne indulgeamus. Hoc enim pacto efficitur, ut, et christiana respublica maioribus eximatur incommodis, et, quos novis augemus beneficiis, ad debitum Apostolicae Sedi¹ praestandum obsequium alacriores reddantur.

Philippus IV. rex Hispaniarum, civitates nonnullas ducatus Mediolanensis fortalitiis munire statuit.

§ 1. Sane carissimus in Christo filius noster Philippus Hispaniarum rex catholicus, qui etiam ducatus Mediolanensis in temporalibus dominus existit, nobis nuper exponi fecit, quod ipse, provide considerans, ducatum huiusmodi nullis forte fortalitiis sive propugnaculis munitum existere, quo autem eundem Statum tenuiori expensâ et minori militum praesidio tueatur, civitates Novariensem, Alexandrinam, Cremonensem, et Laudensem, necnon loca Valentiae, Padi et Mortarae in finibus eiusdem Status existentia munire decrevit.

Petitque, ut huic rei ecclesiastici quoque contribuant.

§ 2. Cum autem, sicut eadem expositio subiungebat, in muniendis civitatibus et locis praedictis ingenti pecuniarum vi opus, aerariumque ipsius Philippi regis valde exhaustum et attritum sit, ex munitioneque huiusmodi totius Status, ac tam cleri, quam populi securitati prospiciatur, communitatum vero, ac universitatum, et hominum eiusdem Status, propter eorum inopiam praesertim ex bellis praeteritis

contractam, ad totam impensam necessariam supportandam facultates non suppetant, nisi clerus et ecclesiastici quoque, qui ab omni genere onerum cameralium etiam exempti existunt, eo aliquid conferant: nobis propterea idem Philippus rex per dilectum filium Paulum Raudensem fisci regii eiusdem ducatus Mediolanensis advocatum, a dilecto pariter filio nobili viro Gomesio Suarez de Figueroa et Corduba Feriae duce Status Mediolanensis gubernatore ad nos hac de causâ missum, humiliter supplicari fecit, ut his rebus opportune providere de benignitate apostolicâ dignaremur.

§ 3. Nos igitur, attendentes ex praemissis non solum communitatum, ac universitatum, et hominum praedictorum, sed etiam personarum ecclesiasticarum, locorumque piorum dicti Status, eorumque bonorum securitatem provenire, ac dicti Philippi regis petitionibus, hac in parte, quantum cum Domino possumus annuendum esse censes, huiusmodi supplicationibus inclinati, de nonnullorum venerabilium fratrum nostrorum S. R. E. cardinalium, quibus negotium huiusmodi mature examinandum et nobis referendum commisimus, consilio, fraternitati tuae praesentes committimus et mandamus, ut, stantibus praemissis, ac vocato clero et personis ecclesiasticis, tam secularibus quam cuiusvis Ordinis regularibus, eisdem clero et personis ecclesiasticis tam secularibus (iis, quoad curata, quorum annui redditus summam quadraginta ducatorum auri de camera secundum communem aestimationem non excedant, necnon iis, quorum beneficiorum fructus in quotidianis distributionibus consistunt, qui pro tertia illarum parte tantum conferre debeant, dumtaxat exceptis) quam cuiuscunque, etiam Mendicantium, Ordinis, congregationis ac societatis, etiam necessario exprimendorum, ac etiam duodecim

Pontifex committit episcopo Interamneni contributionem centum quinquaginta modiorum ducatorum imponat ecclesiae auri quinquaginta annua per venditorum

¹ Edit. Main. legit *Sedis* (n. r.).

illarum congregationum, quae cum camera apostolica tempore felicitis recordationis Pii Papae V praedecessoris nostri de subsidio ordinario concordarunt, ac quarumcumque militiarum, etiam S. Ioannis Hierosolymitani, regularibus, ac seminariorum, et hospitalium quorumcumque, etiam actu hospitalitatem servantium, ceterorumque collegiorum ecclesiasticorum, necnon monasteriorum utriusque sexus, bona et redditus ac iura, cuiusvis qualitatis sint ac quocumque nomine nuncupata, ac pensiones ecclesiasticas, quantumvis liberas, immunes et exemptas, percipientium¹, in eodem Statu possidentibus, vel quasi, respective, ut pro undecimâ parte summae per laicos in id opus conferendâ² (quae tamen CL millia scuta monetae romanae in totum non excedat) in quinque annis ad minus, in fine cuiuslibet anni, ab anno videlicet MDCXXV incipiendis, ad rationem summae triginta millium scutorum similium, vel minoris, quolibet anno (nisi laici maiori gaudeant dilatione, quo casu etiam ecclesiasticos eâ etiam gaudere volumus), pro ratâ suâ iuxta taxam ante faciendam persolvendâ, in expensas munitionis civitatum et locorum praedictorum contribuere libere et licite possint et valeant, auctoritate nostrâ apostolicâ, absque spe ullius prorogationis, licentiam et facultatem concedas et impertiaris.

§ 4. Dantes tibi plenam et liberam facultatem et auctoritatem taxam contributionis, pro dictâ undecimâ parte, et dictis quinque seu ulterioribus annis huiusmodi durantibus, per ecclesiasticos seculares et regulares, ut praefertur, persolvendâ, proportionabiliter faciendi et praescribendi, ac deinde huiusmodi taxam ab omnibus et singulis, ad quos spectabit, singulis annis dicto quinquennio seu maiori tempore durante exigi, et penes aliquem, fide et

facultatibus idoneum, seu locum ecclesiasticum arbitrio tuo eligendum tutum et securum, realiter deponi, et, ad ipsius Philippi regis seu Gomesii praedicti gubernatoris, seu eius in huiusmodi successorum, requisitionem, tuumque mandatum, deputatis munitionum, civitatum et locorum praedictorum in dictum usum dumtaxat consignari procurandi (ita tamen ut ab ecclesiasticis huiusmodi collatio non fiat, nisi factâ prius exactione et solutione ratae laicorum, ac operibus munitionum huiusmodi inceptis, et pro ratâ constructis); quoscumque vero solvere recusantes vel differentes, etiam exemptos et Apostolicae Sedi immediate subiectos, per censuras et poenas ecclesiasticas, aliaque opportuna iuris et facti remedia, appellatione postpositâ, cogendi et compescendi; ac demum omnia et singula in praemissis et circa ea necessaria et quomodolibet opportuna faciendi, dicendi, gerendi et exequendi, ac auxilium brachii secularis ad hoc, si opus fuerit, invocandi.

§ 5. Volumus autem, ut exactio contributionis, per dictos ecclesiasticos persolvendâ³, per personas similiter ecclesiasticas tantum a te deputandas fiat, rataque, a dictis ecclesiasticis, ut praefertur, percipienda, in alios usus, quam munitionem civitatum et locorum huiusmodi pro quibus confertur, nullatenus convertatur, super quo etiam tuam, et dictorum Philippi regis et Gomesii gubernatoris, necnon ministrorum ad id deputatorum sive deputandorum conscientiam oneramus;

§ 6. Quodque, iuxta ordinationem concilii Viennensis, calices, libri, ceteraque ecclesiarum ornamenta, divino cultui dicata, ex causâ pignoris capi, percipi vel distrahi, aut aliâs quomodolibet occupari non debeant; ac praeterea, ut ultra summam CL millia scutorum huiusmodi nihil amplius ab iisdem personis ecclesiasticis

Exactionem vero per ecclesiasticos fieri mandat.

Sacra vero vasa et suppellectilia distrahi vetat.

Eligere necessarias ad id tribuit facultates.

¹ Subintellige *personis* (R. T.).

² Videretur potius legend. *conferendae* (R. T.).

³ Aptius legeretur *persolvendae* (R. T.).

exigatur, sub poenis in sacris canonibus contentis ipso iure incurrendis.

Obstantia tollit.

§ 7. Non obstantibus quibuscumque apostolicis, ac in universalibus, provincialibusque, et synodalibus conciliis editis, generalibus vel specialibus, constitutionibus et ordinibus, ac ecclesiarum et monasteriorum Status huiusmodi et Ordinum quorumcumque (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, eisdem monasteriis, ecclesiis et Ordinibus, illorumque capitulis, collegiis, superioribus et personis, sub quibuscumque tenore et formis, ac cum quibusvis etiam derogatoriis derogatoriis, aliisque efficacioribus et insolitis clausulis, irritantibusque et aliis decretis, in genere vel in specie, ac aliâ, in contrarium praemissorum quomodolibet concessis, confirmatis et innovatis. Quibus omnibus et singulis, eorum tenores¹ praesentibus pro plene et sufficienter expressis et ad verbum insertis habentes, illis aliâ in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Coloniam portionem, ut vocant, praeservat.

§ 8. Per praesentes autem non intendimus quidquam innovare super portione, quam *colonica* vocant, neque circa illam ullum praeiudicium quoquo modo inferre aut illatum esse ecclesiasticis, quominus possint et valeant ecclesiasticae libertatis et exemptionis iura occasione dictae portionis sibi, eorumque² ecclesiis, colonis ac bonis competentia quodcumque et ubicumque omnibus iuris remediis, ac etiam per censuras ecclesiasticas, tueri et defendere, non secus ac si praesentes nullatenus emanassent; quodque expensae, pro tuis et familiae tuae usibus occasione praemissorum subeundae, per ministros lai-

1 Erronee edit. Main. legit *tenoribus* (R. T.).

2 Edit. Main. legit *eorum* (R. T.).

cos, non autem per ecclesiasticos persolvantur.

Datum Romae, apud S. Petrum, sub annulo Piscatoris, die x maii mdcxxiv, pontificatus nostri anno i.

Dat. die 10 maii 1624, pontif. an. i.

LX.

Moderatio litterarum Gregorii XV super divisione provinciarum fratrum Minorum de Observantia S. Francisci Reformatorum regni Siciliae.

Urbanus Papa VIII,
ad perpetuam rei memoriam.

Aliâs a felicis recordationis Gregorio Papa XV praedecessore nostro emanarunt litterae tenoris sequentis, videlicet:

Ponit tenorem Brevis Gregorii XV.

Gregorius Papa XV, ad perpetuam rei memoriam. Nuper, pro parte dilecti filii Innocentii a Clusa Ordinis Minorum sancti Francisci de Observantia Reformatorum nuncupatorum professoris nobis exposito, quod omnes Ordinis et Reformationis huiusmodi regulares domus in universo Siciliae regno consistentes unam tantum provinciam constituebant; experientia vero compertum erat, unum dumtaxat custodem totam huiusmodi provinciam, quae circuitus octingentorum milliarum existit, nisi eques incederet, visitare non posse, id vero regularibus dicti Ordinis institutis, apostolicâ auctoritate confirmatis, repugnare, ac praeterea gravissima inter fratres ipsius provinciae inconvenientia et perturbationes exoriri, cum occurrentes eorum necessitates suo superiori manifestari¹ nequibant:

Canone huius divisionis.

§ 1. Nos, supplicationibus dicti Innocentii, suo ac tunc existentis custodis et maioris partis aliorum fratrum dictae provinciae nominibus nobis tunc humiliter porrectis, inclinati, volumus, et apostolicâ

Provincia dividitur iuxta tres vallas.

1 Potius legendum *manifestare* (R. T.).

auctoritate praecepimus et mandavimus, quod in proximâ tunc futurâ congregatione fratrum Reformatorum provinciae huiusmodi, per eundem tunc existentem custodem habendâ, eadem provincia in tres provincias, iuxta tres valles, nempe de Mazara, Demona et Noto, ita ut unusquisque dictorum fratrum Reformatorum ipsius provinciae in propriis domibus regularibus cuiusque ex tribus vallibus huiusmodi, ex qua oriundus esset, degere deberet, prout desuper ab eiusdem provinciae visitatore et custode decretum fuisset, auctoritate praedictâ divideretur ac separaretur, dividique ac separari omnino deberet, prout in nostris in simili formâ Brevis sub dñe xiv februarii proxime praeteriti desuper expeditis litteris, quarum tenores praesentibus pro expressis haberi volumus, plenius continetur.

§ 2. Nunc autem, felici eorumdem fratrum gubernio ac directioni, quantum nobis ex alto conceditur, peramplius consulere volentes, supplicationibus dicti Innocentii nomine nobis super hoc humiliter porrectis inclinati, dilecto filio visitatori eorumdem fratrum iam destinato per praesentes committimus et mandamus, ut capitulum quamprimum celebret, in eoque provinciam praedictam, iuxta litterarum huiusmodi formam et tenorem, separet et dividat.

§ 3. Insuper, quod in eodem capitulo tres custodes modo infrascripto eligantur, videlicet ut a vocalibus domorum regularium cuiuslibet vallis et custodiae unus dicti Ordinis professor in eadem valle et custodiâ oriundus in custodem, nec non tres discreti custodiales eiusdem vallis eligantur, a quibus ea custodia regatur et gubernetur, prout a fratribus Minoribus dicti Ordinis, Cappuccinis nuncupatis, in eodem regno existentibus, fieri asscribitur, ac iisdem modo et formâ, et non aliter, divisiones et electiones fiant.

§ 4. Et quia in eodem regno nonnulli dicti Ordinis professores exteri et diversarum nationum reperiuntur, ad tollendam omnem difficultatem, iis tempus sex mensium concedatur ad deliberandum, in quam custodiam et vallem se velint recipere, et factâ deliberatione huiusmodi, nec illi nec ex eodem regno oriundi fratres huiusmodi de unâ ad aliam vallem, absque licentiâ vicarii generalis fratrum Reformatorum dicti Ordinis ac unanimi consensu custodum et discretorum custodialium utriusque vallis et custodiae, transire possint, et si eos ad aliam custodiam transire contigerit, in illâ per decennium votum passivum habere nequeant.

§ 5. Praeterea, ad obviandum perturbationibus, quae ex controversiâ oriri possent, quis sigilla habere debeat, iisdem sigillis, quae cum imagine sancti Michaëlis archangeli ad praesens reperiuntur, cum etiam ab aliis fratribus Reformatis Italiae habeantur, amplius custodes praedicti non utentur; sed pro valle et custodiâ de Mazara cum beati Matthaei de Agrigento; et pro valle et custodiâ de Noto cum sanctae Luciae, ac pro valle et custodiâ Demona cum sanctorum Martini, Placidi et sociorum imaginibus sigilla respective fiant. Custodes autem, pro negotiis in dictis vallibus et custodiis pro tempore occurrentibus, socium, qui eos in scribendo coadiuvet, habere possint, cum titulo et nomine scriptoris, non autem secretarii, qui propterea nullo privilegio, nullâque exemptione gaudeat, sed praecedentiam sibi ratione antianitatis in regione competentem dumtaxat habeat. Quodque praemissis omnibus et singulis non parentes, seu rebelles, excommunicationis ac privationis vocis activae et passivae poenas ipso facto incurrant, apostolicâ auctoritate praedictâ, tenore praesentium, statuimus et ordina-

Fratres exteri
infra sex men-
ses eligant sibi
custodiam.

Designatur si-
gillum unicui-
que custodiae.

Custos habeat
scriptorem.

Eligatur custos
in unaquaque
custodia.

mus. Decernentes nihilominus irritum et inane, si secus super his a quoquam, quavis auctoritate, scienter vel ignoranter, contigerit attentari. Non obstantibus omnibus illis, quae in praedictis litteris voluimus non obstare, ceterisque contrariis quibuscumque.

Datum Romae, apud S. Petrum, sub annulo Piscatoris, die ultimâ martii MDCXXII, pontificatus nostri anno II.

Causae moderationis.

§ 6. Cum autem, sicut dilecti filii Benignus a Genua minister generalis eiusdem Ordinis, necnon Aloysius de Cruce eorumdem fratrum Reformatum in totius Siciliae regnis visitator apostolicus, nobis nuper exponi fecerunt, circa interpretationem quarundam clausularum in constitutione praedictâ contentarum varia dubia, non sine multâ eorumdem fratrum perturbatione, divinique cultus detrimento exoriantur, videlicet, ut a vocalibus domorum regularium cuiuslibet vallis et custodiae unus dicti Ordinis professor in eadem valle et custodiâ oriundus in eodem eligatur, necnon, si fratres ad aliam vallem transire contigerit, in illâ per decennium votum passivum habere nequeant; ac etiam super istius verbi *oriundus* significatione, nonnullique pariter inter eosdem fratres reperiantur, qui similiter in dubium revocant, cuius ipsi vallis sint:

Declarat quo modo observandae sint clausulae.

§ 7. Nos praemissis, quantum cum Domino possumus, benigne consulere, necnon Benignum et Aloysium praedictos specialibus favoribus et gratiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodati extiterint, ad effectum praesentium dumtaxat consequendum, harum serie absolventes et absolutos fore censentes, supplicationibus eorum nomine nobis super hoc humiliter porrectis inclinati, clausulas

praedictas ad constitutionum generalium eiusdem Ordinis dispositionem, auctoritate praedictâ, tenore praesentium, reducimus et moderamur: quo autem ad verbum *oriundus* spectat, unumquemque dictorum fratrum in eisdem vallibus ad praesens existentium, qui in eius pacificâ seu quasi possessione reperitur, effectum praedictarum litterarum gaudere; posterioris vero dubii declarationem in capitulo sive congregatione custodiali, ad hunc effectum faciendâ, fieri atque de cetero usum et praxim dicti Ordinis servari debere; irritumque et inane, si secus super his a quoquam, quavis auctoritate, scienter vel ignoranter, contigerit attentari, decernimus. Non obstantibus praemissis et omnibus illis, quae in praesentis litteris concessa sunt non obstare, ceterisque contrariis quibuscumque.

Datum Romae, apud S. Petrum, sub annulo Piscatoris, die x maii MDCXXIV, pontificatus nostri anno I.

Dat. die 10 maii 1624, pontif. anno I.

LXI.

Confirmatio litterarum Gregorii XIII et Clementis VIII quibus declaratur per onera ecclesiasticis secularibus et regularibus Bononiensibus imposita nullum praeiudicium privilegiis et exemptionibus hospitali S. Ioannis Hierosolymitani aliis concessis inferri.

Urbanus Papa VIII,
ad perpetuam rei memoriam.

Aliâs a felicis recordationis Gregorio PP. XIII et Clemente VIII Romanis Pontificibus praedecessoribus nostris emanarunt litterae tenoris subsequentis, videlicet:

Gregorii XIII litterae recordantur.

§ 1. A tergo: Dilectis filiis, magistro et conventui hospitalis S. Ioannis Hierosolymitani. Intus vero: Gregorius Papa XIII. Dilecti filii, salutem et apostolicam benedictionem.

Decrevit aliâs, etiam aequales hospitalis S. Ioannis Hierosolymitani ad onerum solutionem in ci-

1 Ex Regest. in Secret. Brev.

auctoritate praecepimus et mandavimus, quod in proximâ tunc futurâ congregatione fratrum Reformatorum provinciae huiusmodi, per eundem tunc existentem custodem habendâ, eadem provincia in tres provincias, iuxta tres valles, nempe de Mazara, Demona et Noto, ita ut unusquisque dictorum fratrum Reformatorum ipsius provinciae in propriis domibus regularibus cuiusque ex tribus vallibus huiusmodi, ex qua oriundus esset, degere deberet, prout desuper ab eiusdem provinciae visitatore et custode decretum fuisset, auctoritate praedictâ divideretur ac separaretur, dividique ac separari omnino deberet, prout in nostris in simili formâ Brevis sub dñe xiv februarii proxime praeteriti desuper expeditis litteris, quarum tenores praesentibus pro expressis haberi volumus, plenius continetur.

§ 2. Nunc autem, felici eorumdem fratrum gubernio ac directioni, quantum nobis ex alto conceditur, peramplius consulere volentes, supplicationibus dicti Innocentii nomine nobis super hoc humiliter porrectis inclinati, dilecto filio visitatori eorumdem fratrum iam destinato per praesentes committimus et mandamus, ut capitulum quamprimum celebret, in eoque provinciam praedictam, iuxta litterarum huiusmodi formam et tenorem, separet et dividat.

§ 3. Insuper, quod in eodem capitulo tres custodes modo infrascripto eligantur, videlicet ut a vocalibus domorum regularium cuiuslibet vallis et custodiae unus dicti Ordinis professor in eadem valle et custodiâ oriundus in custodem, nec non tres discreti custodiales eiusdem vallis eligantur, a quibus ea custodia regatur et gubernetur, prout a fratribus Minoribus dicti Ordinis, Cappuccinis nuncupatis, in eodem regno existentibus, fieri asscribitur, ac iisdem modo et formâ, et non aliter, divisiones et electiones fiant.

§ 4. Et quia in eodem regno nonnulli dicti Ordinis professores exteri et diversarum nationum reperiuntur, ad tollendam omnem difficultatem, iis tempus sex mensium concedatur ad deliberandum, in quam custodiam et vallem se velint recipere, et factâ deliberatione huiusmodi, nec illi nec ex eodem regno oriundi fratres huiusmodi de unâ ad aliam vallem, absque licentiâ vicarii generalis fratrum Reformatorum dicti Ordinis ac unanimi consensu custodum et discretorum custodialium utriusque vallis et custodiae, transire possint, et si eos ad aliam custodiam transire contigerit, in illâ per decennium votum passivum habere nequeant.

§ 5. Praeterea, ad obviandum perturbationibus, quae ex controversiâ oriri possent, quis sigilla habere debeat, iisdem sigillis, quae cum imagine sancti Michaëlis archangeli ad praesens reperiuntur, cum etiam ab aliis fratribus Reformatis Italiae habeantur, amplius custodes praedicti non utentur; sed pro valle et custodiâ de Mazara cum beati Matthaei de Agrigento; et pro valle et custodiâ de Noto cum sanctae Luciae, ac pro valle et custodiâ Demona cum sanctorum Martini, Placidi et sociorum imaginibus sigilla respective fiant. Custodes autem, pro negotiis in dictis vallibus et custodiis pro tempore occurrentibus, socium, qui eos in scribendo coadiuvet, habere possint, cum titulo et nomine scriptoris, non autem secretarii, qui propterea nullo privilegio, nullâque exemptione gaudeat, sed praecedentiam sibi ratione antianitatis in regione competentem dumtaxat habeat. Quodque praemissis omnibus et singulis non parentes, seu rebelles, excommunicationis ac privationis vocis activae et passivae poenas ipso facto incurrant, apostolicâ auctoritate praedictâ, tenore praesentium, statuimus et ordina-

Fratres exteri
infra sex men-
ses eligant sibi
custodiam.

Designatur si-
gillum unicui-
que custodiae.

Custos habeat
scriptorem.

Eligatur custos
in unaquaque
custodia.

mus. Decernentes nihilominus irritum et inane, si secus super his a quoquam, quavis auctoritate, scienter vel ignoranter, contigerit attentari. Non obstantibus omnibus illis, quae in praedictis litteris voluimus non obstare, ceterisque contrariis quibuscumque.

Datum Romae, apud S. Petrum, sub annulo Piscatoris, die ultimâ martii MDCXXII, pontificatus nostri anno II.

Causae moderationis.

§ 6. Cum autem, sicut dilecti filii Benignus a Genua minister generalis eiusdem Ordinis, necnon Aloysius de Cruce eorumdem fratrum Reformatorem in totius Siciliae regnis visitator apostolicus, nobis nuper exponi fecerunt, circa interpretationem quarundam clausularum in constitutione praedictâ contentarum varia dubia, non sine multâ eorumdem fratrum perturbatione, divinique cultus detrimento exoriantur, videlicet, ut a vocalibus domorum regularium cuiuslibet vallis et custodiae unus dicti Ordinis professor in eadem valle et custodiâ oriundus in eodem eligatur, necnon, si fratres ad aliam vallem transire contigerit, in illâ per decennium votum passivum habere nequeant; ac etiam super istius verbi *oriundus* significatione, nonnullique pariter inter eosdem fratres reperiantur, qui similiter in dubium revocant, cuius ipsi vallis sint:

Declarat quomodo observandae sint clausulae.

§ 7. Nos praemissis, quantum cum Domino possumus, benigne consulere, necnon Benignum et Aloysium praedictos specialibus favoribus et gratiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodati extiterint, ad effectum praesentium dumtaxat consequendum, harum serie absolventes et absolutos fore censentes, supplicationibus eorum nomine nobis super hoc humiliter porrectis inclinati, clausulas

praedictas ad constitutionum generalium eiusdem Ordinis dispositionem, auctoritate praedictâ, tenore praesentium, reducimus et moderamur: quo autem ad verbum *oriundus* spectat, unumquemque dictorum fratrum in eisdem vallibus ad praesens existentium, qui in eius pacificâ seu quasi possessione reperitur, effectum praedictarum litterarum gaudere; posterioris vero dubii declarationem in capitulo sive congregatione custodiali, ad hunc effectum faciendâ, fieri atque de cetero usum et praxim dicti Ordinis servari debere; irritumque et inane, si secus super his a quoquam, quavis auctoritate, scienter vel ignoranter, contigerit attentari, decernimus. Non obstantibus praemissis et omnibus illis, quae in praesentis litteris concessa sunt non obstare, ceterisque contrariis quibuscumque.

Datum Romae, apud S. Petrum, sub annulo Piscatoris, die x maii MDCXXIV, pontificatus nostri anno I.

Dat. die 10 maii 1624, pontif. anno I.

LXI.

Confirmatio litterarum Gregorii XIII et Clementis VIII quibus declaratur per onera ecclesiasticis secularibus et regularibus Bononiensibus imposita nullum praeiudicium privilegiis et exemptionibus hospitali S. Ioannis Hierosolymitani alias concessis inferri.

Urbanus Papa VIII,
ad perpetuam rei memoriam.

Aliâs a felicis recordationis Gregorio PP. XIII et Clemente VIII Romanis Pontificibus praedecessoribus nostris emanarunt litterae tenoris subsequentis, videlicet:

Gregorii XIII litterae recordantur.

§ 1. A tergo: Dilectis filiis, magistro et conventui hospitalis S. Ioannis Hierosolymitani. Intus vero: Gregorius Papa XIII. Dilecti filii, salutem et apostolicam benedictionem.

Decrevit alias, etiam aequales hospitalis S. Ioannis Hierosolymitani ad onerum solutionem in ci-

1 Ex Regest. in Secret. Brev.

vitae Bononiae
teneri.

Quamvis nos pridem, ad preces dilectorum filiorum quadraginta virorum praesidentium regimini civitatis nostrae Bononiensis, eas ordinationes, quas nonnulli Romani Pontifices praedecessores nostri, et praesertim felicitis memoriae Iulius Papa III, diversis temporibus fecerant, ut clerus Bononiensis in solutione vectigalium et aliorum quorumvis onerum in dicta civitate pro tempore impositorum concurreret atque contribueret, ex certâ scientiâ nostrâ confirmaverimus, causas omnes, si quae et ubicumque penderent, avocando, ad lites huiusmodi penitus extinguendas¹, perpetuumque dicto clero silentium imponendo; et praeterea declaraverimus omnes et quascumque, tam seculares quam regulares ipsius cleri, etiamsi hospitalis vestri S. Ioannis Hierosolymitani essent, ad praestationem vectigalium et onerum huiusmodi omnino teneri, prout in nostris super his litteris in formâ Brevis confectis plenius continetur: vestram tamen religionem minime propterea in veteri suâ immunitate turbalam intendentes, praesentium auctoritate declaramus, atque decernimus, nihil omnino per litteras nostras praedictas contra vos, aut vestrum hospitale, nec etiam contra exemptiones et privilegia vestra innovatum esse, nec innovari debere, sed vos, resque et bona vestra universa et singula, in universis exemptionibus et privilegiis omnibus, quibus ante et post ordinationes, confirmationem et litteras nostras praedictas usi et potiti estis, semper et ubique conservari debere; sicque per quoscumque iudices ordinarios et delegatos, etiam causarum palatii apostolici auditores, et camerae apostolicae clericos, in quavis causâ et instantiâ (sublatâ eis quavis aliter iudicandi et interpretandi auctoritate) ubique iudicari et definiri debere: necnon irritum et inane quidquid secus super his per praedictos

¹ Vel potius: ac lites... extinguendo (R. T.).

praesidentes regimini, et quoscumque alios, scienter vel ignoranter, contigerit attentari. Non obstantibus praemissis, ac constitutionibus et ordinationibus apostolicis, necnon civitatis et regiminis, ac illius praesidentium praedictorum (iuramento, confirmatione apostolicâ, vel quavis firmitate aliâ roboratis) statutis et consuetudinibus, ceterisque contrariis quibuscumque.

Datum Romae, apud S. Marcum, sub annulo Piscatoris, die VIII augusti MDLXXXIV, pontificatus nostri anno XIII.

§ 2. *A tergo*: Dilectis filiis, magistro et conventui hospitalis S. Ioannis Hierosolymitani. *Intus vero*: Clemens Papa VIII. Dilecti filii, salutem et apostolicam benedictionem. Cum, sicut accepimus, felicitis recordationis Gregorius Papa XIII, praedecessor noster, postquam, ad preces dilectorum filiorum reformatorum Status libertatis civitatis nostrae, tunc suae, Bononiensis, eas ordinationes, quas nonnulli Romani Pontifices sui et praedecessores nostri, et praesertim felicitis recordationis Iulius Papa III, diversis temporibus fecerant, ut clerus Bononiensis in solutionem vectigalium et aliorum quorumvis onerum in dicta civitate pro tempore impositorum concurreret, atque contribueret, ex certâ scientiâ suâ confirmaverat, causas omnes, si quae et ubicumque super his penderent, avocando, ac lites huiusmodi penitus extinguendo, perpetuumque desuper dicto clero silentium imponendo; et praeterea declaraverat omnes et quascumque tam seculares quam regulares ipsius cleri, etiamsi hospitalis vestri S. Ioannis Hierosolymitani essent, ad praestationem vectigalium et onerum huiusmodi omnino teneri, prout in quibusdam eiusdem Gregorii praedecessoris litteris continebatur; vestram religionem minime propterea in veteri suâ immunitate turbalam iri volens, declaravit et decrevit nihil om-

Recensentur
quoque litterae
Clementis VIII,
eiusdem exem-
pli.

Hic vero litem
ad sua re-
integral privilegia.

nino¹ per eius litteras praedictas contra vos, aut vestrum hospitale, nec etiam contra exemptiones et privilegia vestra innovatum esse, nec innovari debere, sed vos, resque et bona vestra universa et singula in vestris exemptionibus et privilegiis omnibus, quibus ante et post ordinationes, confirmationem, et litteras suas praedictas usi et potiti eratis, semper et ubique conservari debere, sicque per quoscumque iudices, ordinarios et delegatos, etiam causarum palatii apostolici auditores, ac camerae apostolicae clericos, in quavis causâ et instantiâ (sublatâ eis et eorum cuilibet quavis aliter iudicandi et interpretandi facultate et auctoritate) iudicari et definiri debere, ac irritum et inane quidquid secus super his a quoquam, scienter vel ignoranter, contigerit attentari, prout in aliis eiusdem Gregorii praedecessoris litteris similiter plenius continetur: Cumque nos superioribus annis, ex causis tunc expressis, priores litteras praedicti Gregorii praedecessoris confirmantes et innovantes, dilecto filio, tunc et pro tempore existenti, nostrae et Sedis Apostolicae in civitate et comitatu Bononiensi de latere legato, seu eius vicelegato, aut gubernatori commiserimus et mandaverimus, ut opportunis iuris et facti remediis, omni et quacumque appellatione, recursu et subterfugio postpositis, cogeret et compelleret quoscumque sub praetextu exemptionum et privilegiorum quamvis amplissimorum solvere recusantes taxam pro reparatione cuiusvis fluminis siti in comitatu Bononiensi pro ratione bonorum ab ipsis possessorum, qui pro tali reparatione aliquod commodum sentirent, etiamsi seculares, aut regulares, Mendicantes, aut non Mendicantes, et cuiusvis instituti utriusque sexus existerent, ac aliâs prout in nostris sub die x martii mdc, pontificatus nostri

¹ Heic delemus verba *teneri*, prout in quibusdam, perperam interiecta (R. T.).

anno ix, expeditis litteris similiter continetur: Nunc, ne vigore nostrarum huiusmodi litterarum molestari possitis, litteras Gregorii praedecessoris in vestrum favorem emanatas confirmantes et innovantes, praesentium tenore declaramus, atque decernimus, nihil omnino per litteras nostras praedictas contra vos, aut vestrum hospitale, nec etiam contra exemptiones et privilegia vestra innovatum¹ esse, nec innovari debere; sed vos, resque et bona vestra universa et singula in vestris exemptionibus ac privilegiis omnibus, quibus ante et post ordinationes, confirmationes et litteras nostras praedictas usi et potiti estis, semper et ubique conservari debere; sicque per quoscumque iudices ordinarios et delegatos, etiam causarum palatii apostolici auditores et eiusdem camerae apostolicae clericos, in quavis causâ et instantiâ (sublatâ eis, et eorum cuilibet, quavis aliter iudicandi et interpretandi facultate et auctoritate) iudicari et definiri debere, ac irritum et inane quidquid secus super his a quoquam, quavis auctoritate, scienter vel ignoranter, contigerit attentari. Non obstantibus praemissis, ac constitutionibus et ordinationibus apostolicis, necnon civitatis, regiminis et illius praesidentium (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, necnon omnibus illis, quae in nostris litteris praedictis volumus non obstat, ceterisque contrariis quibuscumque.

Datum Romae, apud S. Petrum, sub annulo Piscatoris, die vii aprilis mdciv, pontificatus nostri anno xiii.

§ 3. Nunc autem nos, praecursorum litterarum huiusmodi firmitati subsistentiae et validitati consulere volentes, motu proprio, et ex certâ ac maturâ deliberatione nostris, deque apostolicae potestatis plenitudine, praecursoras litteras huiusmodi,

¹ Perperam edit. Main. legit *innovata* (R. T.).

Utraque littera confirmatur ab Urbano.

ac omnia et singula in eis contenta, tenore praesentium, perpetuo approbamus et confirmamus, illisque perpetuae et inviolabilis apostolicae firmitatis robur adiciamus, easque, necnon praesentes litteras validas, firmas et efficaces semper et perpetuo existere et fore, suosque plenarios et integros effectus sortiri et obtinere, ac omnibus, quos illae concernunt, et concernere poterunt quomodolibet in futurum, in omnibus et per omnia plenissime suffragari;

Clausulae.

§ 4. Sicque per quoscumque iudices ordinarios et delegatos, etiam causarum palatii apostolici auditores, in quavis causa et instantia iudicari et definiri debere, ac irritum et inane quidquid secus super his a quoquam, quavis auctoritate, scienter vel ignoranter, contigerit attentari.

Dargatio
Contrarium.

§ 5. Non obstantibus omnibus illis, quae in dictis litteris concessa sunt non ob stare, ceterisque contrariis quibuscumque.

Datum Romae, apud S. Petrum, sub annulo Piscatoris, die XXIX martii MDCXXIV, pontificatus nostri anno I.

Dat. die 29 maii 1624, pontif. anno I.

XLII.

Approbatio statutorum in capitulo generali fratrum Minimorum S. Francisci de Paula editorum circa ea, quae agenda sunt in casu mortis generalis totius Ordinis¹.

**Urbanus Papa VIII,
ad perpetuam rei memoriam.**

Prooemium.

Ut² ea, quae pro personarum quarumlibet, praesertim Regi seculorum obse-

¹ Ultra ea, quae habes in Const. vi (in h. edit. vii) Sixti IV *Sedes*, tom. v, pag. 213, scias istis fratribus ambitum prohibuisse Paulum V in Const. ccc (in h. edit. cccxx) *Admonemur*, tom. xii, pag. 452.

² Particula *Ut* ex seqq. videtur redundare (R. T.).

quiis, sub suavi religionis iugo, Altissimo famulantium, prospero, felicitique regimine facta fuisse dicuntur, ut¹ firma perpetuo et illibata persistant, libenter, cum a nobis petitur, apostolicae confirmationis patrocinio communimus, prout conspiciamus in Domino salubriter expedire.

§ 1. Sane, nomine dilecti filii Aegidii Camart, correctoris generalis Ordinis fratrum Minimorum S. Francisci de Paula, nobis nuper expositum fuit, quod alias, pro felici eiusdem Ordinis directione, et praesertim illius vicarii generalis electione, nonnulla statuta condita fuerunt tenoris subsequents, videlicet:

Expositum fuit Pontifici multa olim statuta fuisse a capitulo generali circa electionem vicarii in casu mortis patris generalis, eaque apostolica auctoritate confirmata.

Primo: statutum fuit in capitulo generali eiusdem Ordinis habito Paulae anno MDCXXV, auctoritate apostolica confirmato, quod, si contingeret (quod Deus avertat) reverendissimum patrem generalem diem claudere extremum, fiat de vicario generali, electio per eiusdem generalis socios cum reverendo patre provinciali illius provinciae, in qua morietur, vel ei proximioris, si extra provinciam quamdam² moriatur, ac sociis illius, et correctore locali, ubi morietur, vel proximioris conventus; qui omnes simul praedicti electores de toto gremio religionis unum in vicegeneralem usque ad proximum capitulum generale celebrandum eligant, ita tamen quod nullus praedictorum eligentium ad praedictum officium assumi valeat; hic autem, in praedictum vicarium, etiam pro quocumque tempore, assignatus, in generalem immediate et postmodum reeligere et deputari valebit.

§ 2. Deinde in ultimo generali capitulo eiusdem Ordinis habito Romae in conventu Sanctissimae Trinitatis anno MDCXXIII, sessione decima, quaesitum fuit, an in casu mortis reverendissimi patris generalis (quod absit) standum esset in numero

Quibus postea in alio capitulo generali Romae celebrato, anno MDCXXIII, nonnulla alia addita fuere.

¹ Vel heic particula *ut* delenda (R. T.).

² Potius legendum *quamlibet* (R. T.).

electorum iam ab aliis capitulis deputatorum, an potius idem numerus esset augendus: et, variis hinc inde discussis rationibus, tandem negotium remiserunt patri generali, qui unâ cum suis collegis, consulto etiam illustrissimo protectore, determinarent quid esset agendum. Quapropter, factâ circa hoc maturâ consideratione, prout infra statuendum consensaneum duximus.

*Dispositio
circa electionem vicarii generalis.*

I.
De morte generalis, et quis erit eius vicarius usque ad electionem.

Patre generali claudente diem extremum, continuo antiquior ex collegis, qui tunc praesentes aderunt, accipiat utrumque sigillum Ordinis, et vicegeneralis fungatur officio tantisper, donec cum patribus electoribus ad electionem vicarii generalis procedatur.

II.
De munere superioribus Ordinis de morte generalis.

Praefatus pater collega in vicarium institutus, ut primum mors patris generalis acciderit, notam illam faciat omnibus provincialibus Ordinis, tum ut debitae orationes et sacrificia pro animâ defuncti offerantur, tum ut electores futuri vicarii generalis praeparent se ad electionem faciendam.

III.
De potestate collegarum sede generalis vacante.

Quamdium sedes generalis vacabit non poterunt collegae ullam visitationem facere, neque instituere ullos provinciales, aut alios superiores, neque illos deponere. Non poterunt etiam ulla statuta condere, vel aliquem fratrem privare, aut rehabilitare, neque ullam rem magni momenti expedire, sed omnia reservabuntur vicario generali futuro. Poterunt autem urgentia negotia, et quae celerem resolutionem requirunt, expedire, fratresque scandalosos punire.

IV.
De electoribus generalis.

Ex qualibet natione Italiae, Galliae et Hispaniae quatuor patres convenient ad locum destinatum cum tribus patribus collegis generalis praedefuncti, ut eligant simul vicarium generalem, nempe duo

provinciales et duo commissi ex qualibet natione.

Porro provinciales assumuntur secundum ordinem antiquitatis provinciarum mutando de sexennio ad sexennium iuxta seriem dictarum provinciarum, exempli gratia: in hoc sexennio habebunt ius electionis, pro Italia, patres provinciales S. Francisci et Mellanae, pro Gallia, Tironensis et Franciae: pro Hispania, Grana-tensis et Castellae; in futuro autem sexennio, duo alii provinciales provinciarum proxime succedentium in qualibet natione secundum antiquitatem; et ita deinceps de sexennio in sexennium, donec impleatur numerus provinciarum cuiuslibet nationis. Poterunt autem provinciales, quibus continget in suo ordine interesse electioni vicarii generalis, causâ evidentis infirmitatis substituere vicarium, prout fit in capitulo generali.

Similiter si patres collegae generalis, vel illorum alter, morbo aliquo ita detineantur, ut non possint adire locum ad electionem destinatum, poterunt substituere aliquem patrem idoneum ex illâ natione, cuius sunt collegae, qui, litteris authenticis munitus, ius habebit in electione.

Commissi vero non assumuntur ex provinciis eisdem, ex quibus provinciales veniunt ad electionem, sed ex duabus provinciis proxime succedentibus, ad hoc ut plures provinciae, cuiuslibet nationis concurrant ad electionem vicarii generalis.

Ipsi vero commissi eligantur respective in suis provinciis a provinciali, collegis et definitoribus provinciae, veniantque ad locum deputatum muniti litteris authenticis suae deputationis.

Ceterum, si pater generalis decedet in aliquo conventu, superior illius conventus veniet ad electionem vicarii generalis futuri; et tunc pro illâ natione, in qua est ipse corrector, non eligatur nisi unus

V.
De provincialibus et quando assumi debeant.

VI.
De collegae patris generalis morbo detentis.

VII.
De commissis.

VIII.
A quibus fieri debeat electio commissorum.

IX.
De correctore conventus, ubi moritur generalis.

commissus, nempe in antiquiori provinciâ ex duabus, quae venient in ordinem, ad hoc ut votorum sit paritas in qualibet natione et provinciâ in qua non fuit electio, pro hac vice carebit suo voto, ita ut in subsequenti sexennio assumantur commissi ex alijs duabus provinciis immediate subsequentibus¹.

X.
De morte generalis extra conventum.

Si vero contingat patrem generalem mori extra conventum, ut puta in itinere, vel in mari, vel in alio quovis loco, secundum quod frequenter accidit inter immensa pericula viarum, tunc nullus ex correctoribus vicinioribus loci decessus huiusmodi intererit electioni, sed tantum provinciales et commissi.

XI.
Quod semper corrector conventus, ubi morietur pater generalis, votum habeat.

Quamquam vero commissi nullo modo assumi debeant ex eisdem provinciis, ex quibus provinciales votum habebunt in electione, nihilominus pater corrector conventus, in quo obierit reverendissimus pater generalis, semper votum habeat, etiamsi reperiatur in illâ provinciâ, in qua continget provincialem esse vocalem.

XII.
De notificatione electionum in capitulis generalibus.

Ut autem tota religio noscat, quinam ex provincialibus et commissis debeant habere votum pro futuro sexennio in electione vicarii generalis causâ mortis, in quolibet generali capitulo, inter reliqua statuta, ponatur huiusmodi decretum: *Si contingat reverendissimum patrem generalem diem obire, quod Deus avertat, pro futuro sexennio ii erunt electores vicarii generalis unâ cum patribus collegis defuncti generalis, nempe pro natione Italicâ patres provinciales talis et talis, et talis et talis provincia mittant suos commissos; pro natione vero Gallicâ talis et talis provincialis, et talis et talis provincia mittant suos commissos; pro na-*

tionem vero Hispanicâ talis et talis provincialis, et similiter talis et talis provincia suos commissos destinabunt: et hoc inviolabiliter servabitur in futuris capitulis generalibus.

Spectabit autem ad patrem collegam, qui commissi erunt sigilla religionis, dum significabit mortem generalis omnibus provinciis Ordinis, simul etiam notificare conventum, in quo praedictus pater generalis obierit, ut sciatur, quod superior illius conventus debet habere votum in electione, et quod proinde in illâ natione, in qua situs est ille conventus, non debet fieri electio nisi unius commissi, nempe in antiquiori provinciâ ex duabus illis, quae veniunt in vice suâ, quoniam superior conventus, cum sit eiusdem nationis, supplet pro altero commissi. Si vero extra conventum obeat pater generalis, et hoc ipsum notificabit praedictus pater collega generalis, ut sciant quaelibet nationes sibi deligendos esse duos commissos.

XIII.
De notificatione loci in quo obit pater generalis.

Si pater generalis diem claudat Romae, electio fiet Romae, et illuc omnes electores convenient; et quidem si moriatur in conventu Sanctissimae Trinitatis, pater corrector illius conventus votum habebit in electione et computabitur pro natione Gallicâ; si vero in conventu S. Andreae vel S. Francisci, superior illorum respective conventuum votum habebit pro natione Italicâ. Porro in quocumque horum trium conventuum obierit pater generalis, in eo convenient patres electores ad faciendam electionem vicarii generalis.

XIV.
De loco, in quo fieri debet electio.

Pater zelosus votum habebit in electione vicarii generalis, in quocumque conventu romano decesserit pater generalis; quo casu natio illa, de qua est pater zelosus, non mittet alium commissum: verbi gratiâ, si pater zelosus sit Italus, et pater generalis diem claudat in conventu S. Andreae vel S. Francisci, superior illius conventus et pater zelosus

XV.
De patre zeloso.

¹ Sic omnes editiones. Sed qui potest capere capiat. Forsan emendari posset sic: *nempe illâ e duabus antiquioribus provinciis, quae venient in ordinem (ad hoc ut votorum sit paritas...) pro hac vice carebit, etc.* (R. T.).

erunt electores; et cum sint ambo Italiae provinciae, quae deberent¹ eligere commissos, non eligent pro hac vice; si Gallus fuerit, et pater generalis obeat in conventu Sanctissimae Trinitatis, corrector et zelosus similiter erunt electores, et ex Gallia non mittentur commissi; si Hispanus, tunc unus tantum commissus veniet ex Hispania, nempe is qui eligetur ab antiquiori provincia ex duabus, ut supra dictum est.

XVI.
De loco electionis, quando pater generalis diem claudit extra Romam.

At si contigerit, patrem generalem obire extra Romam, ut puta, dum visitat provincias, conveniant omnes electores ad conventum commodiorem pro nationibus: exempli gratia, si decedat pater generalis in Italia, omnes electores veniant ad conventum Ianuensem, qui est in confinio Italiae, Galliae et Hispaniae; si in Gallia decesserit, electio fiet in conventu Massiliensi, qui est vicinior aliis nationibus; si in Hispania, conveniant ad electionem in conventu Barchinonensi: et hoc semper servetur pro regula in omnibus futuris electionibus vicarii generalis.

XVII.
Quo tempore debeant convenire electores.

Quia vero Ordo valde extensus est, et oportet aliquod temporis spatium ad hoc ut mors patris generalis toti Ordini innotescat, dabitur spatium quinque mensium a die obitus patris generalis usque ad diem electionis: sufficient enim duo menses ad notificandam mortem toti Ordini, et reliquum ad hoc ut electores conveniant ad locum electionis.

XVIII.
Cuius erit indicere tempus et diem ac locum electionis.

Spectabit ad patrem collegam generalem, qui in manibus habebit sigilla religionis, eodem tempore, quo significabit mortem generalis, simul etiam indicere tempus et diem, ac locum supra in cap. xvi determinatum futurae electionis, ita quod semper sint quinque menses integri inter obitum et diem electionis; provinciales vero et commissi, sub poenis iisdem quae

sunt statutae¹ contra eos qui non intersunt capitulis generalibus, sint obligati statuto tempore praesentes esse in loco, in quo fieri debet electio futuri vicarii generalis: si qui vero fuerint absentes, elapso tempore praefinito, continuo praesentes procedant ad electionem, amplius non expectando.

Quando omnes electores convenerint, praesidebit in capitulo pater collega generalis, cui commissa sunt sigilla Ordinis, absque aliquo respectu provincialium.

Omnes electores sic coadunati poterunt ex toto Ordine eligere in vicarium generalem quem magis idoneum iudicaverint, etiam ex corpore ipsorum electorum, si qui inter ipsos magis capaces, et ad hoc officium magis idonei reperiuntur.

Qui vero electus fuerit in vicarium generalem, statim fungetur officio suo secundum exigentiam negotiorum iuxta privilegia eiusdem Ordinis, sicut hactenus factum est.

Statim atque facta fuerit electio vicarii generalis, curabunt patres electores, ut notificetur per omnes provincias Ordinis, et ideo mittent ad omnes patres provinciales authenticas litteras electionis a se factae.

Iustum est, ut patres collegae generalis conveniant ad locum electionis expensis suarum respective nationum: patres vero provinciales et commissi expensis suarum provinciarum, sicuti fit in capitulis generalibus.

Si pater generalis obeat post expletum quadriennium sui officii, tunc ii eligent vicarium generalem, qui tam² olim deputati fuerunt a capitulo generali Paulitano, quibus adiungentur pater provincialis vicinioris provinciae cum suis patribus collegis, ut maior sit votorum numerus: si vero fuerit discrepantia, quatenam sit

XIX.
De praeside capituli in electione.

XX.
Quatenam possit eligi in vicarium generalem.

XXI.
De potestate vicarii generalis electi.

XXII.
De notificatione electionis vicarii generalis.

XXIII.
Quibus expensis patres conveniant ad electionem.

XXIV.
Quid factum in casu, quo pater generalis diem claudit extremum post expletum quadriennium sui generalatus.

¹ Sic edit. omnes; at videretur potius legendum *deberet*, et postea *eligeret* pro *eligent* (R. T.).

² Edit. Main. et aliae edit. habent *statuta* (R. T.). Forsan legendum *iam* pro *tam* (R. T.).

vicinior provincia; tunc, posita aequali distantia, antiquior provincia votum habebit.

Hucusque dispositio.

Supplicator Pontifici, ut ea omnia apostolica auctoritate communire dignetur.

§ 3. Cum autem, sicut eadem expositio subiungebat, Aegidius praedictus plurimum cupiat statuta huiusmodi, pro firmiori illorum subsistentia et inviolabili observatione, apostolicae nostrae confirmationis robore communiri; ideo nobis totius Ordinis praedicti nomine humiliter supplicari fecit, ut desuper opportune providere de benignitate apostolica dignaremur.

Qui ea approbat et confirmat, suppletque defectus, dummodo in capitulo proximo celebrando iterum examinentur et approbentur.

§ 4. Nos igitur, eiusdem Aegidii desideria in praemissis annuere, illumque specialibus favoribus et gratiis prosequi volentes, et a quibusvis excommunicationis, suspensionis, et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes et absolutum fore censes, huiusmodi supplicationibus inclinati, de venerabilium fratrum nostrorum S. R. E. cardinalium sacri Concilii Tridentini interpretum consilio, statuta praeinserta huiusmodi (ita tamen, ut a capitulo generali eiusdem Ordinis proximo celebrando rursus examinentur, atque approbentur, alioquin ex eo tempore praesens confirmatio nulla prorsus atque irrita sit) apostolica auctoritate, tenore praesentium, perpetuo approbamus et confirmamus, illisque inviolabilis apostolicae firmitatis robur adiicimus, ac omnes et singulos tam iuris quam facti defectus, si qui desuper quomodolibet intervenerint, supplemus.

Et ita approbata observari decernit.

§ 5. Ipsaque statuta in praedicto Ordine (si ab eodem capitulo denuo examinata et probata fuerint), ut petitur, perpetuo observari debere, irritumque et inane, si secus super his a quocumque,

quavis auctoritate, scienter vel ignoranter, contigerit attentari, decernimus.

Contrariis re-
motis.

§ 6. Non obstantibus constitutionibus et ordinationibus apostolicis, ac, quatenus opus sit, dicti Ordinis (etiam iuramento, confirmatione apostolica, vel quavis firmitate alia roboratis) statutis et consuetudinibus, ceterisque contrariis quibuscumque.

Datum Romae, apud S. Petrum, sub annulo Piscatoris, die XXIX maii MDCXXIV, pontificatus nostri anno I.

Dat. die 29 maii 1624, pontif. anno I.

LXIII.

Praeceptum priori et fratribus militibus prioratus Alemanniae hospitalis S. Ioannis Hierosolymitani ne bona et privilegia dicti prioratus laedi permittant.

Dilectis filiis, Friderico Hunt priori, ceterisque fratribus militibus prioratus Alemanniae hospitalis S. Ioannis Hierosolymitani, Urbanus Papa VIII.

Dilecti filii,
salutem et apostolicam benedictionem.

Romani Pontifices, qui Ordinis S. Ioannis Hierosolymitani merita perspectissima habuerunt, eum semper, inter ceteros militares ordines, et magni fecerunt, et peculiari charitate ac studio complexi sunt. Quae omnia in nobis maximum ex vestra in nos et Sedem Apostolicam devotione et observantia incrementum receperunt; quo fit, ut bona, aliaque Ordinis vestra iura in dies magis non solum crescere ad Dei gloriam et hostium fidei confusionem summopere desideremus, sed etiam quae progressum huiusmodi quoquo modo impedire, minuere vel retardare possunt, nos maxime sollicitos habent. Quamobrem, etsi nequaquam dubitamus, quin vos, pro vestra pietate et catholicae religionis zelo,

Romanorum Pontificum sollicitudo conservandi bona ad hospitale S. Ioannis Hierosolymitani pertinentia.

1 Ex Regest. in Secret. Brev.

bonorum, aliorumque iurium huiusmodi conservationi et augmento quam debetis sollicitudinem impendatis, tamen apostolatus officium, quod immeriti gerimus, a nobis flagitare non cessat, ut etiam bonis, atque iuribus huiusmodi, quantum cum Domino possumus, superintendere non negligamus.

Præceptum
de quo in ru-
brica.

§ 1. Motu itaque proprio et ex certâ scientiâ nostrâ vobis omnibus et singulis in virtute sanctae obedientiae, ac sub excommunicationis latae sententiae poenâ, praecipimus et mandamus, ne vos, aut ullus vestrum, etiam ad cuiusvis quacumque dignitate et praeceminentiâ ac speciali notâ dignâ et de necessitate exprimendâ instantiam, intuitum vel contemplationem, et ex quacumque causâ, aut quovis quaesito colore vel praetextu, publice vel occulte, directe vel indirecte, quicquam negligatis, seu negligi permittatis, quod bonorum, aliorumque iurium ipsius vestri Ordinis conservationi, augmento, atque defensionis opportunum fuerit, neque iurisdictionem ecclesiasticam laedatis, aut violatis, minusque in aliquo laedi, violari, aut usurpari permittatis.

Quaestiones
super validi-
tate privilegio-
rum huic Ordini
concessorum,
si quando oriuntur,
ad Sedem Apostolicam deferendae.

§ 2. Quod si de validitate privilegiorum, vobis seu Ordini vestro per nos vel Romanos Pontifices praedecessores nostros quomodolibet concessorum, seu de illorum interpretatione agi seu tractari contigerit, id totum Sedis Apostolicae cognitioni et deliberationi remittatis.

Si quid sacus
atque plotur, irri-
tum declaratur.

§ 3. Nos enim ex nunc irritum decernimus et inane quidquid secus super his a quoquam, quavis auctoritate, scienter vel ignoranter, contigerit attentari. In contrarium facientibus, non obstantibus quibuscumque.

Datum Romae, apud S. Petrum, sub annulo Piscatoris, die vi iunii MDCXXIV, pontificatus nostri anno I.

Dat. die 6 iunii 1624, pontif. anno I.

LXIV.

Confirmatio et renovatio constitutionum Pii V et Sixti V super solutione communium, annatarum et quindenniorum, ac indicatione unionum¹.

Urbanus Papa VIII,
motu proprio, etc.

Aliâs felicis recordationis Pius Papa V, praedecessor noster, provide considerans, quod annatarum, communium et aliorum iurium camerae apostolicae debitorum exactio, in recognitionem universalis domini introducta, est antiquissima, quindenniorumque usus et solutio ideo adinventi fuerunt, ne camerae praedictae ex monasteriorum, prioratum, aliorumque beneficiorum ecclesiasticorum unionibus, quae amplius vacare non sperabantur, detrimentum aliquod induceretur, volens propterea dictae camerae, ac venerabilium fratrum nostrorum sanctae Romanae Ecclesiae cardinalium collegio, nec non dilectis filiis cancellariae apostolicae officialibus, de communibus, annatis et quindenniis participantibus, iura praeservare, illorumque indemnitati consulere, motu simili, etc. omnia et singula cathedralium, etiam metropolitanae, ecclesiarumque collegiatarum capitula, congregationes, universitates, collegia, hospitalia, ac pia loca et quosvis alios, in quorum favorem tam secularium quam quorumvis Ordinum regularium monasteria, prioratus, praepositurae, necnon dignitates et alia quaecumque beneficia ecclesiastica unita, annexa et incorporata, seu applicata existerent, et illorum uniones eis factae reperirentur, quantumcumque exempta et privilegiata existerent, etiamsi se super inde in camerâ apostolicâ non obligassent, dummodo mo-

Camerae huius
Constitutionis.

Pii V consti-
tutio renova-
tur.

¹ Hoc etiam iussit Paulus IV in sua Const. XXI, Decens, tom. VI, pag. 533, et Pius V Const. LX, Apostolicae tom. VII, pag. 598, et ampliavit Sixtus V Const. XLVI, Camerae, tom. VIII, pag. 703.

nasteria seu beneficia ipsa possiderent, ad solutionem communium, annatarum et aliorum iurium praedictorum eisdem camerae, collegio et officialibus ratione unionum, annexionum, seu applicationum praedictarum singulis quindecim annis a die, qua illae suum sortitae fuissent effectum, faciendam teneri et obligatos esse, et ad id per sententias, censuras et poenas in singulis Pauli II¹ et aliorum praedecessorum suorum summorum Pontificum litteris² contentas cogi et compelli posse, decrevit et declaravit: mandans propterea bonae memoriae Hieronymo, tunc episcopo Maceratensi et camerae apostolicae clerico, annatarumque iudici tunc existenti, ut pro faciliiori indagatione unionum praedictarum omnia et singula cathedralium, etiam metropolitanarum, et collegiatarum ecclesiarum capitula, collegia, necnon tam virorum quam mulierum seculares et quorumvis Ordinum regulares congregationes, seu collegia, et pia loca huiusmodi, eorundemque praelatos et procuratores ad indicandum et profitendum medio iuramento omnia et singula monasteria, prioratus, praeposituras, praepositatus, parochiales ecclesias et alia quaecumque beneficia ecclesiastica, quae ipsa capitula, congregationes et alia loca praedicta possiderent, et quo titulo illa possidebant, illorumque annuos valores, sub privationis et aliis in litteris in forma motus proprii Pii V praedecessoris huiusmodi contentis sententiis, censuris et poenis in Romanam curiam et extra eam moneret et requireret. Et successive felicis recordationis Sixtus Papa V, etiam praedecessor noster, attendens, quod tan-

tumdem detrimenti camerae, collegio et officialibus praedictis ex unionibus, quae ab Ordinariis locorum et aliis fiunt, provenit, ac³ propterea aequum esse censuit, ut quod in unionibus per Sedem Apostolicam factis locum obtinet, illud idem et fortius in unionibus per ipsos Ordinarios factis et faciendis observaretur; et licet in constitutionibus et litteris praedecessorum suorum comprehendi viderentur, tamen, ut huius disputandi occasio praecideretur, motu et scientia similibus de apostolicae potestatis plenitudine statuit, decrevit et declaravit, quod³ uniones, annexiones, incorporationes, applicationes et submissiones de quibuscumque beneficiis ecclesiasticis tam secularibus quam regularibus (etiamsi monasteria monialium et hospitalia fuissent, quae tamen, tempore ipsarum unionum, curam, conventu et hospitalitate caruerint, et quorum singulorum, vel, si plura beneficia unicis litteris comprehensa sint, quorum quilibet annuus valor vigintiquatuor ducatos auri de camera, secundum communem aestimationem valoris³ non excederet, dummodo tamen fructus omnium insimul illum transcenderet) cuicumque ecclesiae, monasterio, collegio, domui, societati, congregationi, ordini, militiae, hospitali, seminario, aut alio loco pio, tam per quoscumque Romanos Pontifices praedecessores suos, nec non per Sedis Apostolicae legatos, nuncios et alios quoscumque subdelegatos, aut alias quomodolibet auctoritate apostolicam, quam per quemcumque loci Ordinarium in qualibet mundi parte hactenus factae et in futurum faciendae, etiamsi manualia et de iurepatronatus laicorum, etiam imperatoris, regum, ducum, marchionum, baronum, comitum et aliorum

Sixti quoque
Papae litterae
referuntur.

1 Haec habetur in tom. v, pag. 197 (R. T.).

2 Praeter citatas in nota ad rubricam, habetur constit. iv Ioannis VIII in tom. v, pag. 311; et constit. vi Iulii II ibid. pag. 408; et Clem. VII constit. xli in tom. vi, pag. 152; et Iulii III constit. xxvii, ibid. pag. 473 (R. T.).

1 Ex syntaxi particula ac redundat (R. T.).

2 Videbis postea particulam quod redundare (R. T.).

3 Vox valoris delenda videretur (R. T.).

nobilium et illustrium beneficia illa fuerint, sub dictorum praedecessorum constitutionibus et declarationibus omnino comprehendi et includi, et ab omnibus comprehensa et inclusa censi voluit, et ad solutionem quindenniorum teneri et obligatos esse, et ad id cogi et compelli posse declaravit. Mandavitque bonae memoriae Alexandro Gloriero, camerae apostolicae clerico et annatarum tunc iudici, ut, pro faciliiori indagatione unionum praedictarum, omnia et singula cathedralium, etiam metropolitanarum, et collegiatarum ecclesiarum capitula et alia loca pia praedicta moneret et requireret, ut profiterentur medio iuramento omnia et singula beneficia ecclesiastica, quae vigore similium unionum quomodolibet possidebant, illorumque annuos valores, iuxta praefati Pii V praedecessoris constitutiones, cum facultate citandi et inhibendi, ut alias in litteris in formâ Brevis sub datâ xiv maii MDLXXXVI dicitur contineri¹.

Confirmat hic Pontifex constitutiones praecedentes, et defectus supplet.

§ 1. Cum autem, sicut accepimus et sicut etiam nobis innotuit, adsint quamplurimae uniones et applicationes a dicto tempore citra factae, quarum notitia a camerâ et cancellariâ apostolicis desideratur; volentes igitur, tam camerae nostrae apostolicae, quam venerabilium fratrum nostrorum sanctae Romanae Ecclesiae cardinalium collegio, ac dilectis filiis nostris cancellariae apostolicae officialibus, de annatis participantibus, consulere, motu simili, et ex certâ scientiâ nostrâ, quascumque tam sub plumbo quam in formâ Brevis et motus proprii litteras eorundem Pii et Sixti V, necnon quorumcumque aliorum Romanorum Pontificum praedecessorum nostrorum, super solutione annatarum, communium, quindenniorum et aliorum iurium, tam ratione provisionum,

¹ Huiusmodi Pii V et Sixti V constit. citatae fuerunt in nota ad rubricam (R. T.).

seu unionum perpetuarum quorumcumque beneficiorum ecclesiasticorum per Sedem Apostolicam factarum et faciendarum, editas, confirmatas et innovatas, cum omnibus clausulis, decretis, derogationibus ac censuris et poenis in illis contentis, necnon omnia et singula per quoscumque iudices, exequutores et commissarios in praemissis et circa ea quomodolibet gesta et exequuta, et inde legitime sequuta quaecumque (quorum¹ tenores, ac si de verbo ad verbum hic inserti essent, pro plene et sufficienter expressis et insertis habentes), auctoritate apostolicâ, tenore praesentium, approbamus et confirmamus, necnon illis perpetuae et irrefragabilis firmitatis robur adiicimus, omnesque et singulos iuris et facti ac alios defectus, si qui forsân intervenerint in eisdem, supplemus, atque illas et illa, quatenus opus sit, innovamus.

§ 2. Mandantes propterea dilecto filio magistro Hieronymo Raymundo dictae camerae clerico (cui nuper a felicis recollectionis Gregorio XV praedecessore nostro omnes et singulae causae inter dilectum filium Gasparem Rivaldum cancellariae apostolicae generalem subcollectorem ex unâ, et quascumque congregationes, capitula, collegia, loca pia et quasvis alias personas ex alterâ partibus, super solutione annatarum, communium et aliorum iurium quindenniorum eorundem commissae reperiuntur) et aliis in eius locum per nos vel successores nostros subrogandis iudicibus, ut, pro faciliiori indagatione unionum, annexionum, incorporationum seu applicationum praedictarum, omnia et singula capitula, collegia, congregationes, seminaria, societates et alia loca pia praedicta, eorumque praelatos et procuratores, ad indicandum et profitendum medio iuramento omnia et singula monasteria, prioratus, praeposituras, praepositatus, parochiales ecclesias et alia quaecumque

Exequutoris deputatio.

¹ Potius ex synt. legendum eorum (R. T.).

beneficia ecclesiastica, etiamsi manualia, et de iurepatronatus, ut praefertur, fuerint, quavis auctoritate apostolicâ seu ordinariâ aut subdelegatâ eis unita et concessa, quae ipsa capitula, collegia, seminaria, congregationes et alia loca pia praefata vigore unionum huiusmodi possident, illorumque annuos valores, sub privationis et aliis in litteris dictorum Pii et Sixti V praedecessorum huiusmodi contentis sententiis, censuris et poenis, in Romanâ curiâ, et extra eam, moneant et requirant,

Et tribuit facultatem compellendi per censuras.

§ 3. Cum potestate dicta capitula, collegiâ, congregationes, seminaria, societates, hospitalia et alia loca praedicta, necnon eorundem quindenniorum et iurium debitores in praesentibus nostris litteris comprehensos, etiam per edictum publicum, constituto summarie de non tuto accessu, tam in dictâ curiâ quam extra eam citandi, monendi et requirendi, ac eis et aliis quibusvis, et, quoties opus fuerit, sub censuris et poenis ecclesiasticis ac pecuniariis eorum arbitrio ferendis, statuendis, moderandis et applicandis, ac etiam privationis beneficiorum unitorum, etiam simili edicto inhibendi, ipsosque debitores ad indicandum beneficia unita et solvendum quindennia decursa, etiamsi ad id in camerâ apostolicâ non se obligaverint, constituto tamen de sortito effectui unionum, per similes sententias, censuras et poenas, etiam per interdicti tam localis quam personalis appositionem, per dictum Hieronymum et subrogandos praefatos, quoties opus fuerit, ferendas et promulgandas, necnon fructuum, reddituum et proventuum beneficiorum ecclesiasticorum quae ipsi debitores possidebunt, pro quantitate eorum debiti, sequestrationem, et alia opportuna iuris et facti remedia, etiam cum invocatione auxilii brachii secularis, cogendi et compellendi, ac in praemissis omnibus et singulis, etiam summarie, simpliciter et de plano, sine strepitu et

figurâ iudicii, solâ facti veritate inspectâ, et aliâs more camerali procedendi, ac eos, qui sententias, censuras et poenas praedictas, ut praemittitur, incurrerint, ab eisdem censuris et poenis, praeviâ satisfactione, absolvendi et liberandi, aliaque faciendi, gerendi et exercendi, quae in praemissis necessaria fuerint, seu quomodolibet opportuna.

§ 4. Non obstantibus quacumque centenariâ, etiam completâ, et etiam maiori a iure statutâ praescriptione, ac quibusvis constitutionibus et ordinationibus, necnon privilegiis, exemptionibus indultis et litteris apostolicis, capitulis, congregationibus, collegiis, seminariis, societatibus, hospitalibus et aliis piis locis praefatis, sub quibuscumque tenoribus et formis, ac cum quibusvis etiam derogatoriis derogatoriis, aliisque efficacioribus et insolitis clausulis, necnon irritantibus et aliis decretis, etiam motu et scientiâ similibus, ac de apostolicae potestatis plenitudine, etiam consistorialiter, et ex causâ initi contractus, aut aliâs quomodolibet concessis ac iteratis vicibus approbatis et innovatis. Quibus omnibus, etiamsi pro illorum sufficienti derogatione de illis, eorumque totis tenoribus specialis, specifica, expressa et individua, ac de verbo ad verbum, non autem per clausulas generales idem importantes, mentio seu quaevis alia expressio habenda aut aliqua alia exquisita forma servanda esset, tenores huiusmodi, ac si de verbo ad verbum insererentur, praesentibus pro plene et sufficienter expressis habentes, hac vice dumtaxat specialiter et expresse derogamus, necnon omnibus illis, quae praedecessores praefati in singulis eorum litteris voluerunt non ob stare, ceterisque contrariis quibuscumque.

Derogatio contrarium.

§ 5. Volumus autem, ut praesentium transumptis, etiam impressis, manu notarii publici subscriptis, et sigillo alicuius personae in dignitate ecclesiasticâ constitutae

Fides transumptorum.

munitis, eadem prorsus fides in iudicio et extra adhibeatur, quae praesentibus adhiberetur, si essent exhibitae vel ostensae.

Datum Romae, apud S. Mariam Maiorem, idibus iunii, anno I.

Dat. die 13 iunii 1624, pontif. anno I.

Fiat motu proprio, M.

Die XXI mensis iunii MDCXXIV supra dictae litterae apostolicae in formâ motus proprii exhibitae fuerunt in camerâ apostolicâ, et per eiusdem camerae decretum admissae et registratae in libris ipsius camerae penes me illius notarium existentibus, nempe libro diversorum fol. 91 et seqq., et in fidem, etc.

IOANN. BAPTISTA CENNUS.

LXV.

Extensio indultorum cruciatæ ad ecclesiasticos seculares et regulares regnorum Hispaniarum¹.

Charissimo in Christo filio nostro Philippo,
Hispaniarum regi catholico,
Urbanus Papa VIII.

Charissime in Christo fili noster,
salutem et apostolicam benedictionem.

Pius Papa concesserat vigora cruciatæ subditis regis Hispaniarum in iuniorum tempore carnis vel lactiniis vincerentur,

§ 1. Aliàs felicitis recordationis Pius Papa V praedecessor noster (inter ceteras gratias illas spirituales et temporales ad certum tunc expressum tempus publicandas et duraturas clarae memoriae Philippo II Hispaniarum regi catholico avo tuo, ac omnibus et singulis christifidelibus in regnis et dominiis Hispaniarum et illis adiacentibus necnon Sardiniae insulis consistentibus et ad illa declinantibus, iis qui certa munera adimplevissent, concessas, et a diversis Romanis Pontificibus praedecessoribus nostris eidem Philippo, ac similis memoriae Philippo III etiam Hi-

¹ Ex Regest. in Secret. Brev.

spaniarum regi catholico genitori tuo, et nuper a nobis maiestati tuae prorogatas) indulisit, ut ipsi carnibus de consilio utriusque medici temporibus ieiuniorum tam quadragesimalium quam quorumlibet aliorum totius anni vesci, ac pro eorum libito ovis et lactiniis, ita quod, qui carnes non comedissent, servatâ in ceteris ieiunii ecclesiastici formâ, dicto ieiunio satisfacisse censerentur, sub hac tamen gratiâ et concessione minime comprehendi patriarchas, primates, archiepiscopos, episcopos, neque alios inferiores praelatos, neque quashbet personas regulares, ac ex secularibus eas, quae in presbyteratus ordine constitutae essent, quoad quadragesimalia ieiunia, illis autem exceptis, omnes praedictos, praeterquam insularum praedictarum incolas, etiam ovis et lactiniis vesci posse, ut supra, concessit, neque voluit etiam quemcumque ecclesiasticum vel secularem, qui eam gratiam fuisset assequutus, eâ posse uti extra ipsa Hispaniarum regna.

§ 2. Praeterea, ut iidem omnes et eorum singuli quemcumque presbyterum secularem vel cuiusvis, etiam Mendicantium, Ordinis² regularem, ex iis qui ab Ordinario, et, quoad regulares, semel tamen approbati fuissent, in confessorem eligere, et ab eo quorumcumque peccatorum ac censurarum (videlicet eorum et earum³ Sedi Apostolicae reservatorum et reservatarum, et quae etiam in Bullâ solitâ publicari in die Coenae Domini continentur, plenariam indulgentiam et remissionem semel in vitâ, et semel in mortis articulo, aliorum vero Sedi Apostolicae non reservatorum aut non reservatarum, toties quoties confiterentur) absolutionem et remissionem, mediante salutari poenitiâ secundum culparum exi-

Et ab eligendo confessario a rasis Sedi Apostolicae reservatis absolventur, ecclesiasticis exceptis.

¹ Particula non prorsus delenda videtur (R. T.).

² Edit. Main legit *Ordinum* (R. T.).

³ Contra syntaxis ratione edit. Main. habet *earum, quae* (R. T.).

gentiam, obtinere possint et valeant, modo etiam in casibus, in quibus necessaria esset, per ipsos, vel, dato impedimento, per haeredes aut alios satisfactio fieret, et alias, prout in diversis tam sub plumbo quam in simili formâ Brevis desuper expeditis litteris, quarum omnium tenores praesentibus pro expressis haberi volumus, plenius continetur.

Urbanus huiusmodi indoluit aut ecclesiasticos ipsos extendit.

§ 3. Nunc autem nos, tam presbyterorum secularium quam personarum regularium masculini sexus, locorum in litteris huiusmodi comprehensorum, corporum valetudini ac conscientiae quieti, spiritualique consolationi, quantum cum Domino possumus, benigne consulere volentes, supplicationibus etiam maiestatis tuae nomine nobis super hoc humiliter porrectis inclinati, venerabilibus fratribus patriarchis, primatibus, archiepiscopis, episcopis et aliis inferioribus praelatis, necnon presbyteris secularibus praedictis dumtaxat, ut quadragesimali tempore, hebdomadâ tamen maiori exceptâ, ovis similiter et lacticiis pro eorum libito uti et vesci; praeterea personis regularibus masculini sexus tantum praedictis, ut quemcumque presbyterum secularem, vel cuiusvis Ordinis, etiam Mendicantium, regularem¹, ut praefertur approbatum, semel in vitâ et semel in mortis articulo in suum eligere confessarium libere et licite valeant, a quo ab eorum peccatis ac etiam censuris praedictis, modo et formâ praemissis, absolvi possint, apostolicâ auctoritate, tenore praesentium, concedimus et indulgemus.

Committiturque Indiarum patriarchae, ut deputet confessarium, qui regulares absolvat non tamen a casibus Sedi Apostolicae reservatis.

§ 4. Insuper venerabili fratri Didaco, patriarchae Indiarum, dictarum gratiarum exequutori et commissario apostolicâ auctoritate deputato, quem etiam praesentium exequutorem et commissarium deputamus, facultatem concedimus auctoritate nostrâ praeciendi et mandandi

¹ Erronee edit. Main. legit *Ordinum regularium* (R. T.).

quibusvis monasteriorum, conventuum et aliorum locorum regularium, virorum dumtaxat, superioribus, ut singulis annis, ultra solitos, alium proprii seu alterius Ordinis regularem, iis vero in locis, in quibus unica dumtaxat domus, seu alius locus regularis¹ existit, etiam secularem confessarium, similiter, ut praefertur, approbatum, de consensu conventus, capituli, monasterii, vel domus, aut alterius regularis loci huiusmodi per secreta suffragia praestando, deputet, qui semel in anno sacras religiosorum eorundem confessiones audire, illosque a commissis per eos peccatis, non tamen Sedi praedictae reservatis, nec in Bullâ huiusmodi contentis, vigore gratiarum in supradictis litteris contentarum, et servatâ earum formâ, absolvere valeat.

§ 5. Decernentes irritum et inane, si secus super his a quoquam, quavis auctoritate, scienter vel ignoranter, contigerit attentari.

Clausulae.

§ 6. Non obstantibus litteris praedictis, ac omnibus illis, quae in eis concessa sunt non obstare, ceterisque contrariis quibuscumque. Praesentibus ad quinquennium dumtaxat valituris.

Derogatio contrariorum.

Datum Romae, apud S. Mariam Maiorem, sub annulo Piscatoris, die xiv iunii MDCXXIV, pontificatus nostri anno I.

Dat. die 14 iunii 1624, pontif. anno I.

LXVI.

Confirmatio emptionis oppidi de Lizheim, ad Fridericum comitem palatinum Rheni spectantis, factae ab Henrico Lotharingiae duce, causâ propagandae in eo religionis catholicae¹.

¹ Forsan addendum non (R. T.).

² Ex Regest. in Secret. Brev.

Dilecto filio nobili viro Henrico,
Lotharingiae duci,
Urbanus Papa VIII.

Dilecte fili, salutem et apostolicam
benedictionem.

Exordium.

Circumspecta Sedis Apostolicae benignitas catholicorum principum vota, per quae catholicae fidei propagationi, haeresumque extirpationi consulitur, ad exauditionis gratiam libenter admittit, eaque favoribus prosequitur opportunis.

Lotharingiae
dux a Frederico
comite palatino
Rheni oppidum
de Lizheim e-
mit.

§ 1. Tuo siquidem nomine nuper expositum fuit, quod tu, animadvertens oppidum de Lizheim atque locum de Craftal, Metensis seu alterius dioecesis, cum castris, terris, villis et pagis ab eis dependentibus, ad Federicum tunc assertum comitem palatinum Rheni spectantia, ita tui ducatus et Status finibus et bonis circumscripta, atque intra illius terminos inclusa esse, ut illorum incolae suis finibus egredi non possent, quin loca temporali tuo dominio subiecta pertransirent, ob idque, ne ex illorum, qui haeresis labe infecti erant, frequentatione atque commercio subditi tui haeresi huiusmodi infectarentur, sed ab illa immunes conservarentur, ipsique incolae sub tuo gubernio ad sanctae matris Ecclesiae gremium, benedicente Domino, reducerentur, oppidum et castrum huiusmodi, cum omnibus illorum dependentiis, ac territoriis, ac quibusvis bonis cuiuscumque qualitatis et speciei, in illis et intra illorum fines existentibus, ac mero et mixto imperio, gladiique potestate et omnimoda iurisdictione et auctoritate, a dicto Federico animo et intentione religionem catholicam ibi restituendi emisisti.

Cum vero eo
in oppido olim
fuerit monasterium
Ordinis
Cisterciensis,

§ 2. Cum autem, sicut eadem expositio subiungebat, in oppido de Lizheim et loco de Craftal huiusmodi olim monasteria seu prioratus Cisterciensis seu alterius Ordinis existerent, illa vero iam a septua-

1 Potius legendum ob id (R. T.).

ginta annis, et ultra, apostolicâ auctoritate suppressa et profanata, illorumque fructus, redditus et proventus universitati studii generalis oppidi Heidelbergae Wormatiensis dioecesis eadem auctoritate applicati fuerint;

§ 3. Quia vero credibile est, eiusdem Federici antecessores, ac forsâ ipsum Federicum, tam monasterium, seu prioratum huiusmodi, quam forsâ alia bona ecclesiastica intra oppidum et terras huiusmodi, a te, ut praefertur, emptâ, usurpasse, sibi quae appropriasse, illa vero, si qua sint, ita aliis bonis emptis incorporata sunt, ut certa eorum distinctio, vel alia notitia non habeatur;

Illudque Frederici antecessores occupasse, dubium est;

§ 4. Ob idque tu, qui titulo oneroso omnia in dictâ venditione comprehensa acquisivisti, ac bonae fidei emptor existis, quique in huiusmodi emptione non tam propria commoda quam iis in locis fidei catholicae restitutionem respexisti, plurimum cupias tuae securitati ac indemnitati provideri, ac emptioni et acquisitioni, per te, ut praefertur, factis, robur apostolicae firmitatis adici;

Lotharingiae dux huiusmodi emptionem apostolica auctoritate petit confirmari.

§ 5. Nos, sperantes in Domino fore, ut locorum in emptione et acquisitione praedictis comprehensorum sub tuo dominio, extirpatis omnino haeresum erroribus, ad verae fidei cultum, per immensam divinae bonitatis misericordiam, reducerentur, votisque tuis, quantum cum Domino possumus, annuere, teque specialibus favoribus et gratiis prosequi volentes, et a quibusvis excommunicationis, suspensionis et interdicti, aliisque sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatus existis, ad praemissorum effectum duntaxat consequendum, harum serie absolventes et absolutum fore censes, necnon scripturarum super venditione, emptione et ac-

Confirmat Pontifex.

1 Edit. Main. habet si quae (R. T.).

quisitione praedictis confectarum tenores etiam veriores, ac alia hic de necessitate exprimenda, praesentibus pro plene et sufficienter expressis habentes, supplicationibus tuo nomine nobis super hoc humiliter porrectis inclinati, emptionem et acquisitionem oppidi et castri ac aliorum locorum in dicta emptione comprehensorum, a te, ut praefertur, factam, etiam si forsitan in venditione huiusmodi aliqua bona ecclesiastica sint, et ad ecclesias, vel quaecumque beneficia ecclesiastica quomodolibet qualificata spectent, quatenus ignoranter, apostolicâ auctoritate, tenore praesentium, perpetuo approbamus et confirmamus; illisque perpetuae et inviolabilis firmitatis apostolicae robur adiicimus, ac omnes et singulos tam iuris quam facti ac solemnitatum etiam quantumvis substantialium, et de iure, usu, stilo, consuetudine ac aliâs quomodolibet requisitarum, defectus, si qui desuper quomodolibet intervenerunt, supplemus.

Bonaque ecclesiastica, quae inter empti reperiantur, ab eo, haereditibusque iura conscientia possideri indulget.

§ 6. Et nihilominus, pro potiori tuâ ac haeredum et successorum tuorum cautela et securitate, tibi, ut, si inter bona in dictâ venditione comprehensa aliqua sint, quae ecclesiastica fuisse, aut esse dici, vel censi possint, tu ac haeredes tui praedicti illa omnia quaecumque, qualiacumque et quantacumque¹, ac cuiusvis speciei et naturae existant, libere et licite possideatis, ac de illis ad libitum vestrum disponere possitis, in perpetuum concedimus et indulgemus.

Adiecta lege parochias ibidem erigendi.

§ 7. Volumus autem, quod tu, quam citissime fieri poterit, saltem in praecipuis locis, a te, ut praefertur, emptis, parochiales ecclesias de consensu Ordinarii loci construere, illisque, pro earum dote ac illas pro tempore obtinentium congruâ sustentatione, sufficientes redditus assignare tenearis.

¹ Edit. Main. habet *quantocumque* (R. T.).

§ 8. Decernentes emptionem huiusmodi semper et perpetuo validam fore et esse, tibi ac tuis praedictis (quoad omnia bona in illis comprehensa, etiamsi, ut praefertur, inter ea aliqua ecclesiastica sint, et ad quascumque ecclesias pertineant, ac illorum possessionem, necnon utile et directum dominium) semper et perpetuo suffragari debere; praesentes quoque litteras, etiamsi ex eo quod causa, seu causae, propter quam, seu quas illae a nobis emanarunt, iustificatae et verificatae non fuerint, seu quibusvis aliis ex causis, de subreptionis, vel obreptionis, aut nullitatis vitio, seu intentionis nostrae, vel alio quopiam defectu notari, impugnari, vel infringi nullatenus posse; sed eas semper et perpetuo validas, firmas et efficaces existere et fore, tibi et successoribus tuis praedictis in omnibus et per omnia plenissime suffragari; irritumque et inane, si secus super his a quocumque, quavis auctoritate, scienter vel ignoranter, contigerit attentari.

Clauſulas pro firmiori emptionis validitate necessarias apponit.

§ 9. Non obstantibus, quatenus opus sit, nostrâ de iure quaesito non tollendo, ac felicitis recordationis Pauli Papae II, et aliorum Romanorum Pontificum praedecessorum nostrorum de rebus Ecclesiae non alienandis, aliisque constitutionibus et ordinationibus apostolicis, ceterisque contrariis quibuscumque.

Et contraria quaeque tollit.

Datum Romae, apud S. Mariam Maiorem, sub annulo Piscatoris, die XIV iunii MDCXXIV, pontificatus nostri anno I.

Dat. die 14 iunii 1624, pontif. anno I.

LXVII.

Confirmatio privilegiorum Congregationis Ioannis Dei sub regulâ S. Augustini, et communicatio indultorum, Ordinibus Mendicantium, et praesertim Congregationi Clericorum Regu-

*larium Ministrantium infirmis, eorumque locis et personis concessorum et concedendorum*¹.

Urbanus Papa VIII,
ad perpetuam rei memoriam.

Exordium

Sacrosanctum apostolatus officium, quod humilitatem nostram, nullo licet meritum suffragio, gerere voluit Altissimus, iugiter postulat, ut, paternam sacrarum religionum atque congregationum, uberes et suaves in militanti Ecclesiâ fructus assidue praestantium, curam gerentes, privilegia, gratias et indulta, illis a Romanis Pontificibus praedecessoribus nostris concessa, non solum approbemus, verum alia eis concedamus, prout, rerum et temporum qualitatibus debite pensatis, conspiciamus salubriter in Domino expedire.

Comprobatio
gratiarum et
privilegiorum
in rubrica.

§ 1. Hinc est quod nos, dilectos filios fratres Congregationis Ioannis Dei sub regulâ S. Augustini, qui, sicut accepimus, ab ipso Congregationis praedictae initio multiplicia atque insignia pietatis et christianae charitatis opera erga pauperes et infirmos, in eorum hospitalibus degentes, magno cum reipublicae christianae spirituali commodo et utilitate exercuerunt, et in dies exercere non desinunt, spiritualibus favoribus et gratiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innotati existunt, ad effectum praesentium dumtaxat consequendum, harum serie absolventes et absolutos fore censes, supplicationibus eorum nomine nobis per

dilectum filium Gasparem Diaz Campomanes, istius Congregationis in regnis Hispaniarum procuratorem generalem, super hoc humiliter porrectis inclinati, omnia et singula privilegia, immunitates, exemptiones, libertates, praerogativas, favores, conservationes, gratias, concessionem, indulgentias et indulta spiritualia et temporalia, etiam per modum communicationis et extensionis, seu aliâs per quoscumque Romanos Pontifices praedecessores nostros ac nos et Apostolicam Sedem, sub quacumque verborum formâ et expressione, in genere et in specie, quomodolibet concessa, ac pluries confirmata, cum omnibus et singulis in eis contentis clausulis, decretis et declarationibus, ac singulas litteras, tam sub plumbo, quam in formâ Brevis, aut aliâs desuper confectas, quatenus tamen sint in usu et non sint, revocata, seu sub aliquibus revocationibus comprehensa, ac sacris canonibus, et Concilii Tridentini decretis non adversentur, tenore praesentium, perpetuo approbamus et confirmamus, ac illis perpetuae et inviolabilis apostolicae firmitatis robur adiciamus, omnesque et singulos tam iuris quam facti et quosvis alios etiam quantumvis substantiales defectus, si qui desuper quomodolibet intervenerint, supplemus.

§ 2. Et insuper, ut fratres Congregationis huiusmodi tanto ferventius divinis beneplacitis, piorumque operum huiusmodi exercitio insistant, quanto maioribus se viderint spiritualibus gratiis fore munitos, omnia et singula privilegia, praerogativas, concessionem, favores, facultates, declarationes, conservatorias, immunitates, exemptiones, libertates, ceterasque gratias, praeminentias et indulta, cuiusvis generis existentia, spiritualia et temporalia, qualiacumque illa sint, quae pariter sint in usu, et non sint revocata vel sub aliquibus revocationibus comprehensa, neque sacris

Communicatio
praerogati-
varum et indul-
gentiarum. Ordo
habet. Mendican-
tium, et Congrega-
tionem Clericorum
Regula-
rum Ministran-
tium infirmis
concessorum et
concedendorum

¹ Institutionem Congregationis horum fratrum perlege in Pii V Const. cxciv quae incipit: *Licet*, (in h. n. edit. cxciv, tom. vii, pag. 959); et illius erectionem in veram religionem habes in Pauli V Const. clxxiii (in h. n. edit. clxxvi) quae incipit *Romanus*, tom. xii, pag. 3.

canonibus et Concilii Tridentini decretis aut apostolicis constitutionibus adversentur, ut praefertur¹, Ordinibus Mendicantium et congregationi Clericorum Regularium Ministrantium infirmis, eorumque conventibus, domibus et aliis locis regularibus, necnon ecclesiasticis, et dilectis filiis Ordinum et congregationis huiusmodi generalibus, praesidentibus et quibusvis aliis superioribus, praelatis et capitulis etiam generalibus, provincialibus, seu intermediis, eorumque definitoribus, prioribus, novitiis, fratribus, conversis, donatis, ac quibusvis eorum regularibus personis, tam in Urbe, quam etiam in quibuscumque mundi partibus existentibus, et illorum intuitu, aut aliàs quomodolibet, per quoscumque Romanos Pontifices praedecessores nostros, seu per nos et successores nostros, aut aliòs auctoritatem habentes, concessa sunt et concedentur, ac quibus de iure, usu, consuetudine, vel privilegio, seu concessione apostolicà, in genere vel in specie, ac tam coniunctim quam divisim, aut aliàs quomodolibet utuntur, fruuntur, potiuntur et gaudent, ac uti, frui, potiri et gaudere possunt et poterunt quomodolibet in futurum, ad dictam Congregationem Ioannis Dei, et singula illius monasteria, domos, hospitalia et alia loca regularia, illorumque superiores, praelatos et quascumque regulares personas, auctoritate et tenore praedictis, etiam perpetuo extendimus, illaque eis communicamus et de novo concedimus, ac suffragari volumus.

Deputatio ex-
quutorum huius
Bullae.

§ 3. Quocirca venerabilibus fratribus patriarchis, archiepiscopis et episcopis, aliisque locorum Ordinariis quibuscumque, necnon dilecto filio causarum curiae camerae apostolicae generali auditori, per praesentes committimus et mandamus, quatenus quilibet eorum, quandocumque, per se, vel alium, seu alios, praesentes

¹ Ille deest verbum *qua*, ut videbis (R. T.).

litteras et in eis contenta quaecumque, ubi et quando opus fuerit, ac quoties pro parte generalis et fratrum Congregationis Ioannis Dei praedictorum fuerint requisiti, solemniter publicantes, eisque in praemissis efficaciae defensionis praesidio assistentes, faciant auctoritate nostrà eadem plenum eorum effectum sortiri, illisque omnes, quos concernunt, pacifice frui et gaudere; non permittentes quemquam desuper, contra praesentium tenorem, sub quovis praetextu et causà, etiam defectu intentionis nostrae, per quoscumque quomodolibet indebite molestari; quin immo, quicquid in contrarium attentari vel fieri continget, omnino semper in pristinum reponi¹; contradictores quoslibet et rebelles, etiam per quascumque, de quibus eis videbitur, censuras et poenas ecclesiasticas, et alia opportuna iuris et facti remedia, appellatione postposità, compescendo, ac legitimis super his habendis servatis processibus, censuras et poenas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis.

Derogatio
contrariorum.

§ 4. Non obstantibus praemissis, ac pia memoriae Bonifacii Papae VIII etiam praedecessoris nostri de unà, et in concilio generali edità de duabus dietis, dummodo ultra tres dietas aliquis auctoritate praesentium ad iudicium non trahatur, aliisque apostolicis constitutionibus et ordinationibus, ac Ordinum et congregationum huiusmodi statutis et consuetudinibus etiam iuramento, confirmatione apostolicà, vel quavis firmitate alia roboratis, privilegiis quoque, indultis et litteris apostolicis, sub quibuscumque tenoribus et formis, ac cum quibusvis etiam derogatoriis derogatoriis, aliisque efficacioribus, efficacissimis et insolitis clausulis, quomodolibet etiam pluries concessis, confirmatis et innovatis. Quibus omnibus, etiamsi pro

¹ Videretur legendum *reponi facientes* (R. T.).

illorum sufficienti derogatione de illis, eorumque totis tenoribus specialis, specifica, expressa et individua, ac de verbo ad verbum, non autem per clausulas generales idem importantes, mentio seu quaevis alia expressio habenda aut aliqua alia exquisita forma ad hoc servanda foret, etiam quod in eis caveatur expresse, quod illis nullatenus aut nonnisi sub certis modo et formâ derogari possit, tenores huiusmodi, ac si de verbo ad verbum nihil penitus omisso et formâ in illis traditâ observatâ inserti forent, praesentibus pro sufficienter expressis et insertis habentes, hac vice dumtaxat specialiter et expresse derogamus, contrariis quibuscumque; aut si aliquibus communiter vel divisim ab Apostolicâ sit Sede indultum, quod interdicti, suspendi vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

Transumptio-
rum fides.

§ 5. Verum, quia difficile foret, praesentes litteras ubicumque opus esset deferri, volumus et pariter auctoritate apostolicâ decernimus, quod illarum, transumptis etiam impressis, manu alicuius notarii publici subscriptis, et sigillo personae in dignitate ecclesiasticâ constitutae munitis, eadem prorsus fides adhibeatur, quae praesentibus adhiberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die xx iunii MDCXXIV, pontificatus nostri anno 1.

Dat. die 20 iunii 1624, pontif. anno 1.

LXVIII.

Prorogatio seu nova concessio indulti iuris nominandi ad canonicatus et praebendas ecclesiarum Coloniensium rectori universitatis Coloniensis, adie-

ctis tamen nonnullis legibus per nominatos servandis¹.

Dilectis filiis nobilibus viris, consulibus et senatui civitatis et reipublicae Coloniensis,

Urbanus Papa VIII.

Dilecti filii, nobiles viri,
salutem et apostolicam benedictionem.

§ 1. Aliâs piae memoriae Paulo Papae V, praedecessori nostro, pro parte vestrâ exposito, quod pridem felicitis recordationis Clemens Papa VIII, similiter praedecessor noster (cum accepisset, quod antea recolendae memoriae Paulus Papa IV, etiam praedecessor noster, certis tunc expressis causis adductus, rectori et decanis quatuor facultatum universitatis studii generatis Coloniensis, consilioque illius facultatis, ex qua persona nominanda esset, apostolicâ auctoritate indulserat, ut cum provisoribus eiusdem universitatis personas assumere possent in eadem universitate promotas, ac in publicis scholis eiusdem universitatis legentes et lecturas, quas ipsi rector ac decani et provisores, praestito iuramento, unanimi consilio illius facultatis in qua legerent vel legere deberent, ad id more solito congregati idoneas et catholicas esse, ac ad laudem et fructum studiorum profiteri posse cognoscerent, easque dilectis filiis maioris et aliarum ecclesiarum dictae civitatis capitulis, ad quos canonicatum et praebendarum in eisdem ecclesiis consistentium collatio, provisio, praesentatio, electio, institutio, seu quaevis alia dispositio, communiter vel divisim, vel aliâs quomodolibet pertineret, dictae videlicet et maioris et S. Gereonis Coloniensis, ad presbyterales tantum, ad reliquos vero aliarum ecclesiarum praedictarum canonicatus et praebendas, qui inde ad triennium tunc venturum in singulis martii, iulii et novembris mensibus Sedi Apostolicae per concordata Germanicae

Recenset concessiones summis Pontificibus factas.

Paulus IV rectori universitatis Coloniensis concessit ad triennium indultum praesentandi ad canonicatus in cathedrali, aliisque ecclesiis Coloniensibus

¹ Ex Regest. in Secret. Brev.

Terminum huiusmodi prorogavit Pius IV et Pius V.

Gregorius XIII.

nationis cum ipsa Sede inita reservatis vacassent, nominare valerent eis, ad quos illorum collatio, praesentatio, electio et dispositio huiusmodi spectaret; et deinde dictum triennium semel atque iterum pie memoriae Pius Papa IV et Pius V, etiam praedecessores nostri, ad simile triennium prorogaverant, et indultum praedictum etiam ad maiorem post pontificalem, et principales, aliasque dignitates, personatus, administrationes et officia etiam curata, nec non vicarias et cappellanas perpetuas maioris et collegiatarum aliarum ecclesiarum Coloniensium, quae in praedictis mensibus intra ipsum tempus vacarent, ampliaverant; et successive recolendae memoriae Gregorius Papa XIII, similiter praedecessor noster, triennium, a praedicto Pio V praedecessore prorogatum vel concessum, ad aliud triennium primo, et deinde ad quinquennium, alias iuxta formam litterarum indulti Pauli IV praedecessoris praedicti dumtaxat, extenderat, vel etiam concesserat; et deinde idem quinquennium, ab eo prorogatum vel concessum, ad aliud quinquennium ab illius fine numerandum extenderat et ampliaverat; si vero lapsum esset quinquennium novum huiusmodi, ad hoc, ut ipso novo quinquennio durante rector, decani et provisores praedicti ad presbyterales maioris¹ et S. Gereonis tantum, ad omnes vero alios reliquarum ecclesiarum Coloniensium canonicatus et praebendas dumtaxat, personas nominare possent, de novo concesserat; et successive similis memoriae Sixtus Papa V, etiam praedecessor noster, quinquennium, ab eodem Gregorio praedecessore ultimo prorogatum seu concessum, ad quadriennium a fine ultimo prorogati seu concessi quinquennii huiusmodi incohandum extenderat et ampliaverat; si vero lapsum esset novum quadriennium huiusmodi, ad hoc, ut ipso durante, rector, decani et provisores

ad presbyterales maioris¹ et S. Gereonis, ad omnes vero alios reliquarum ecclesiarum Coloniensium canonicatus et praebendas dumtaxat, qui interim in aliquo ex tribus mensibus praedictis extra Romanam curiam vacarent, et alias iuxta formam et tenorem litterarum Pauli praedecessoris praedicti tantum, personas, ut praefertur, qualificatas nominare, et alia in litteris dicti Pauli IV praedecessoris contenta facere possent indulserat; ita tamen, ut personae sic nominatae, intra sex menses a die provisionis, collationis, seu alterius cuiusvis dispositionis de dictis canonicatibus et praebendis in vim nominationis huiusmodi factae² numerandos, novas provisiones de eisdem canonicatibus et praebendis a dicta Sede petere, et litteras apostolicas desuper sub plumbo in totum expedire³, ac iura camerae apostolicae et aliis propterea debita persolvere omnino tenerentur; et nisi praemissa adimplerent, ipso semestri elapso, iidem canonicatus et praebendae vacarent eo ipso, et sic vacantes per Sedem Apostolicam dumtaxat aliis quibusvis personis conferri libere possent; volens, ut rector et alii praedicti huiusmodi ius nominandi habentes, sive ecclesiastici sive laici, fidem catholicam, iuxta articulos pridem ab eadem Sede propositos, in manibus archiepiscopi seu officialis Coloniensis pro tempore existentis, annis singulis profiteri tenerentur, alioquin nominationes ab iis faciendae, et inde sequuta omnia, nullius essent valoris vel momenti⁴), ipse etiam Clemens praedecessor, certis tunc expressis de causis,

Clemens VIII.

¹ Nempe ecclesiae: iterum edit. Main. legit maiores (R. T.).

² Sic porro, nam prorsus non intelligo verbum facere quod habet edit. Main. (R. T.).

³ Hic forsitan legendum expediri facere (R. T.).

⁴ Omnes hucusque nominatae intra parenthesis Pauli IV, Pii IV, Pii V, Greg. XIII. et Sixti V de studio generali Coloniensi constitutiones puto exulare e Bullario (R. T.).

¹ Erronee edit. Main. legit maiores (R. T.).

Sixtus V.

tempus quadriennii, per dictum Sixtum praedecessorem prorogati seu de novo concessi, de consilio venerabilium fratrum sanctae Romanae Ecclesiae cardinalium congregationis Germaniae, bis ad aliud quinquennium extenderat et prorogaverat, et quatenus lapsum esset idem indultum, de novo concesserat, iuxta formam litterarum Pauli IV praedecessoris praedicti; ita tamen, ut prioris huiusmodi indulti prorogatio seu concessio non extendere-
tur ad canonicatus et praebendas ecclesiae metropolitanae, ad vicarias vero tam dictae metropolitanae, quam aliarum ecclesiarum omnium dictae civitatis, etiam ad eos, qui in alia quam in Coloniensi academia gradum suscepissent, illud extensum esse voluerat et extenderat ac ampliaverat; volens et inhibens (si aliquis nominatus beneficium, ad quod nominatus fuisset, resignare vellet) ne ullomodo, nisi in manibus Romani Pontificis, aut nuncii apostolici in dicta civitate pro tempore degentis, huiusmodi beneficium in favorem alterius, a rectore et decanis praedictis nominandi, nec per resignationem illud nec per permutationem dimittere posset; quodque, nonnisi servato inter competitores concursu, a sacro Concilio Tridentino in collationibus parochialium ecclesiarum praescripto, ad canonicatus et praebendas praedictos nominare et conferre deberent, ac nominantes iurare se digniorem et ad profitendi¹ munus magis aptum praelaturos, ac vicissim eum, quem praeferri contigisset, iurare, se iniunctum sibi profitendi officium diligenter praestitutum; deinde vero ex causis praedictis dictus Clemens praedecessor indultum huiusmodi iterum ad aliud quinquennium prorogaverat, extenderat, seu concesserat²,

decreveratque huiusmodi canonicatus et praebendas nonnisi personis in aliqua ex dictis universitatibus idoneis repertis, qui iureiurando ad profitendi¹ munus diligenter exercendum sese adstringerent, dumtaxat conferri, ac canonicatus et praebendas praedictos per eos huiusmodi nominationis vigore obtinendos (nonnisi in manibus Romani Pontificis pro tempore existentis, cum specifica mentione quod illos vigore huiusmodi nominationis consequuti essent) resignari vel alias dimitti nullatenus posse, alioquin canonicatus et praebendae huiusmodi vacarent eo ipso, ita ut de illis per Sedem Apostolicam dumtaxat disponi posset²:

Idem Paulus V praedecessor, supplicationibus vestro nomine sibi humiliter porrectis inclinatus, indultum huiusmodi vobis a praedicto Clemente praedecessore concessum, ac desuper expeditas litteras praedictas, ad aliud quinquennium, a fine quinquennii ultimo dicti a Clemente praedecessore concessi computandum, auctoritate apostolica extendit et prorogavit, nihilominus sine praeiudicio tunc et pro tempore existentis archiepiscopi Coloniensis, dilectis filiis rectori ac decanis quatuor facultatum in dicta universitate canonice institutarum, et consilio illius ex facultatibus huiusmodi cuius persona iuxta formam litterarum Pauli IV praedecessoris nominanda fuisset, etiam pro tempore existentibus, una cum dilectis filiis provisoribus ipsius universitatis, ut personas in eadem universitate promotas et legentes ac lecturas (quas ipsi rector et decani ac provisores, medio eorum iuramento, una cum consilio facultatis huiusmodi, in qua personae ipsae legerent et legere deberent, ad hoc more solito convocato, idoneas et catholicas esse, ac

Et Paulus V.

¹ Sic non dubito legendum pro *tamen* quod habet edit. Main. (R. T.).

² Edit. Main. legit *proftendum* (R. T.).

³ Etiam Clem. VIII litteras puto deesse (R. T.).

¹ Item edit. Main. legit *proftendum* (R. T.).

² Hucusque venit protasis periodi (R. T.).

cum laude et fructu inibi pro tempore studentium profiteri posse affirmarent; ita ut si controversia in nominando inter rectorem et decanos, necnon provisores, ac etiam consilium huiusmodi exorta fuisset, ille, quem maior pars votis suis praeferenda putasset, praeferretur) dilectis filiis maioris et S. Gereonis ac aliarum ecclesiarum Coloniensium capitulis, ad quos canonicatum et praebendarum in eisdem ecclesiis consistentium collatio, provisio, praesentatio, electio, institutio, seu quaevis alia dispositio coniunctim vel separatim, vel alias quomodolibet, cessantibus reservationibus et affectionibus apostolicis, pertinebat, videlicet ad presbyterales tantum maioris et S. Gereonis (ita ut nominandae personae secundum eorum statuta et privilegia eorum capitulis concessa qualificatae essent), ad omnes vero et singulos alios canonicatus et singulas praebendas reliquarum ecclesiarum huiusmodi, quae ex tunc ad quinquennium tunc proxime futurum, a fine ultimi quinquennii per Clementem praedecessorem prorogati seu concessi computandum, in singulis martii, iulii et novembris mensibus pro tempore vacassent, et vacare contingeret, nominare libere et licite valerent, dicta auctoritate concessit et indulgit; ac statuit et ordinavit, quod ii, ad quos collatio, provisio, praesentatio, electio, institutio vel quaevis alia dispositio canonicatum et praebendarum huiusmodi pro tempore spectaret, canonicatus et praebendas, quos personae ad illos sic nominatae per se vel procuratorem suum ad hoc ab eis specialiter constitutum infra unius mensis spatium, postquam eis vel procuratori suo illarum vacatio innotuisset, duxissent acceptandos, cum omnibus iuribus et pertinentiis suis, eisdem nominatis personis conferre, et de eis etiam providere, seu eas ad illos praesentare vel eligere, aut in illis instituere, vel alias de illis in ea-

rumdem personarum nominatarum favorem disponere tenerentur; quodque iis praemissa facere recusantibus vel negligentibus, aut differentibus etiam, pro tempore existens abbas S. Martini Coloniensis, ac decanus ecclesiae S. Pauli Leodiensis et, qui haereticae pravitatis inquisitor in illis partibus apostolicam auctoritatem deputatus existit, prior domus Ordinis fratrum Praedicatorum etiam Coloniensium, et eorum quilibet, canonicatus et praebendas, sic vacantes, personis ad illos, ut praefertur, nominatis pro ea vice tantum eadem auctoritate conferre et de illis etiam providere pariter libere et licite possent; et quod ab eisdem personis sic pro tempore nominatis, in actu nominationis de iis pro tempore factae, in qua facultate, et in quo gymnasio, et qua hora illi docere seu legere deberent, exprimeretur, et si a praemissis defecissent, post primam et secundam monitiones eis desuper factas, a perceptione fructuum, reddituum et proventuum praebendarum, quas vigore nominationum et collationum huiusmodi tunc assequuti fuissent, per abbatem et decanum ecclesiae S. Pauli Leodiensis et priorem praedictos, aut aliquem ex eis, ad requisitionem illis per rectorem et decanos facultatum et provisores universitatis huiusmodi faciendam, suspenderentur, et, si suspensionem huiusmodi per mensem animo sustinuissent indurato, iisdem praebendis ipso facto et cum effectu privarentur, et pro privatis haberentur, et statim de illis aliis personis modo et forma praemissis provideretur; verum si personae nominatae praedictae in aliquam suspicionem haeresis incidissent, in eas per inquisitores haereticae pravitatis in illis partibus eadem auctoritate deputatos absque ulla mora inquireretur; et, si illae compertae fuissent haeresi huiusmodi infectae, alii catholici ad beneficia per illos obtenta simili modo nominarentur: et sub-

inde quinquennium huiusmodi ad aliud quinquennium a fine ultimo dicti quinquennii computandum semel atque iterum extendit et prorogavit, seu concessit et indulsit¹.

Et Gregorius XV.

Postremo autem felicitis etiam recordationis Gregorius Papa XV, similiter praedecessor noster, per suas in simili formâ Brevis expeditas litteras, indultum praedictum, vobis ad quinquennium, ut praefertur, prorogatum, ac desuper confectas litteras huiusmodi et in eis contenta (ita tamen, ut huiusmodi indultum canonicatus et praebendas ecclesiae metropolitanae Coloniensis minime comprehenderet, neque ad eos se extenderet, ac sine praepiudicio dicti tunc et pro tempore existentis archiepiscopi Coloniensis, ac aliâ sub certis modo et formâ tunc expressis) ad aliud quinquennium etiam de novo concessit, prout in dictis litteris plenius etiam continetur².

Consules et senatus Colonienses ab Urbano quoque petunt prorogari.

§ 2. Cum autem indultum huiusmodi per nostras et cancellariae apostolicae regulas revocatum fuerit, et sicut nuper nobis exponi fecistis, causae, propter quas a praefato Paulo IV primo loco concessum, et ab aliis Romanis Pontificibus praedecessoribus nostris praedictis, ut supra, prorogatum, ac expresse de novo concessum fuerat, conservationis nimirum catholicae religionis in istâ civitate Coloniensi, adhuc vigeant; vosque cupiatis ad catholicorum virorum studia in istis partibus alenda et allicienda huiusmodi indulto diutius frui posse: nobis propterea humiliter supplicari fecistis, ut illud vobis ad aliud quinquennium de novo concedere de benignitate apostolicâ dignaremur.

Prorogat Pontifex.

§ 3. Nos igitur, singularum litterarum

1 Hic tandem prima periodus absolvitur. Porro tota Pauli V Constitutio praedicta etiam deesse puto (R. T.).

2 Gregorii etiam XV litterae praedictae desiderantur (R. T.).

praedictarum tenores praesentibus pro expressis et ad verbum sufficienter insertis habentes, ac vos et vestrum quemlibet a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatus existit, ad praemissorum effectum duntaxat assequendum, harum serie absolventes et absolutum fore censentes, ac quascumque nominationes sive collationes de canonicatibus et praebendis huiusmodi, per vos post publicationem regularum huiusmodi usque ad diem datae praesentium praetextu indulti huiusmodi per vos forsâ factas¹, et omnia et singula inde sequuta revocantes, cassantes et annullantes, ac irritantes, nullique suffragari posse seu debere decernentes, huiusmodi supplicationibus inclinati, indultum praedictum, vobis per dictum Gregorium praedecessorem ad quinquennium, ut praefertur, de novo concessum, ac desuper confectas litteras praedictas et in eis contenta (ita tamen, ut huiusmodi indultum canonicatus et praebendas ecclesiae metropolitanae Coloniensis minime comprehendat, nec ad eos se extendat, ac sine praepiudicio venerabilis fratris moderni et pro tempore existentis archiepiscopi Coloniensis) cum omnibus et singulis aliis facultatibus, concessionibus, ordinationibus, clausulis et decretis in illis apposis, ac servatâ in aliis omnibus et per omnia eorundem Gregorii XV praedecessoris litterarum huiusmodi formâ, ad aliud quinquennium, a datâ praesentium computandum, apostolicâ auctoritate, tenore praesentium, de novo concedimus.

§ 4. Sicque, et non aliter, per quoscumque indices ordinarios et delegatos etiam causarum palatii apostolici auditores, et

Sic per quoscumque indices decerni iubet.

1 Erronee edit. Main. legit *factis* (R. T.).

sanctae Romanae Ecclesiae cardinales, etiam de latere legatos et nuncios, quavis auctoritate fungentes (sublatâ eis, et eorum cuilibet, quavis aliter iudicandi et interpretandi facultate et auctoritate) iudicari ac definiri debere: irritum quoque et inane, si secus super his a quoquam, quavis auctoritate, scienter vel ignoranter, contigerit attentari, decernimus.

Clausulae apponit.

§ 5. Decernentes etiam, vos, quinquennio per praesentes concessio durante, indulto ac desuper confectis litteris praedictis libere et licite uti posse, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Servitium vero ecclesiarum per substitutos praecipit adimpleri.

§ 6. Volumus autem, et earumdem tenore praesentium ordinamus, ne ecclesiae, in quibus personae nominatae huiusmodi vigore nominationum aut collationum praedictarum canonicatus et praebendas praedictos obtinuerint, ob earum impedimentum in legendo debitis defraudentur obsequiis, aut cultus divinus in illis minuat, ut eadem personae, si illis eâ hora, qua ipsa divina officia celebrabuntur, legendum fuit¹, tunc per idoneos substitutos inibi deserviri facere possint, et ita deserviendo pro residentibus et inservientibus habeantur, ac distributiones quotidianas lucrentur in omnibus et per omnia, perinde ac si personaliter deservirent, diebus dominicis et festivis principalioribus (videlicet: Domini Nostri Iesu Christi et gloriosissimae Virginis, Beatorum Apostolorum, et, in quorum honorem dedicatae sunt dictae ecclesiae, aliorumque Sanctorum, quorum dies in singulis eisdem ecclesiis solemnes ac celebres habentur) exceptis, quibus eis² non per substitutos praedictos, sed per se ipsos personaliter deservire teneantur;

Alias apponit leges.

§ 7. Quodque huiusmodi canonicatus

¹ Potius legeretur *fuerit* (n. t.).

² Vides potius *illi* quam *eis* legendum (n. t.).

et praebendae personis ad profitendum in aliqua ex dictis universitatibus idoneis repertis, qui iureiurando ad profitendum diligenter exercendum sese astringant, dumtaxat conferantur, ipsaeque personae praedictos canonicatus et praebendas, per eas huiusmodi nominationis vigore obtinendos, nisi in manibus nostris, aut pro tempore existentis Romani Pontificis, cum specificâ mentione quod illos vigore nominationis huiusmodi consequuti sunt, resignare aut alias dimittere nullatenus possint, alioquin canonicatus et praebendae huiusmodi vacent eo ipso, ita ut de illis per Sedem Apostolicam dumtaxat disponi possit; utque personae sic nominatae praedictae, infra sex menses a die collationis et provisionis aut cuiusvis alterius dispositionis de canonicalibus et praebendis, ad quos illas nominari contigerit, sibi faciendarum, ut praefertur, novas provisiones super illis a dictâ Sede impetrare, et litteras apostolicas desuper in totum expedire, ac iura camerae apostolicae et aliis propterea debita persolvere omnino teneantur; alioquin, dictis sex mensibus elapsis, canonicatus et praebendae huiusmodi vacent eo ipso, ita ut aliis, per eamdem Sedem tamen, libere conferri possint.

§ 8. Non obstantibus praemissis, ac constitutionibus et ordinationibus apostolicis, necnon ecclesiarum praedictarum (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, eisdem ecclesiis et capitulis, sub quibuscumque tenoribus et formis, ac cum quibusvis etiam derogatoriis derogatoriis, aliisque efficacioribus et insolitis clausulis, irritantibus et aliis decretis, etiam iteratis vicibus concessis, approbatis et innovatis. Quibus omnibus et singulis, etiamsi de illis, eorumque totis tenoribus, specialis, specifica, individua et expressa, ac de verbo ad ver-

Derogat obstantibus.

bum, non autem per clausulas generales idem importantes, mentio seu quaevis alia expressio vel aliqua alia exquisita forma ad hoc servanda foret, tenores huiusmodi, ac si de verbo ad verbum insererentur, praesentibus pro sufficienter expressis habentes, illis aliis in suo robore permanentibus, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die xxvi iunii MDCXXIV, pontificatus nostri anno I.

Dat. die 26 iunii 1624, pontif. anno I.

LXIX.

Confirmatio privilegiorum Ordini fratrum Minimorum S. Francisci de Paulâ concessorum.

**Urbanus Papa VIII,
ad perpetuam rei memoriam.**

Exordium.

Iniuncti nobis apostolici muneris ratio postulat, ut sacrarum religionum in militanti Ecclesiâ suaves in Domino fructus assidue praestantium paternam curam gerentes, privilegia, gratias et indulta illis a Romanis Pontificibus praedecessoribus nostris et Apostolicâ Sede concessa, quo validius perpetuo subsistant, apostolicae confirmationis robore libenter communiemus.

Confirmatio,
de qua in rubrica.

§ 1. Volentes igitur universum Ordinem fratrum Minimorum S. Francisci de Paulâ, ex quo uberrimi in eadem Dei Ecclesiâ fructus ad ipsius omnipotentis Dei laudem et christianae reipublicae spirituale commodum et utilitatem, ab ipsius Ordinis initio, semper prodierunt et in dies prodeunt, ac ipsius Ordinis correctorem generalem et fratres universos specialibus favoribus et gratiis prosequi, ac eorum quemlibet a quibusvis excommunicationis,

suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatus existit, ad effectum praesentium dumtaxat consequendum, harum serie absolventes et absolutum fore censentes, supplicationibus eorum nomine per dilectum filium Deodatum Lomellinum, fratrem et procuratorem generalem eiusdem Ordinis, nobis super hoc humiliter porrectis inclinati, omnia et singula privilegia, immunitates, exemptiones, libertates, praerogativas, favores, conservationes, declarationes, facultates, dispensationes, gratias, concessionem, indulgentias et indulta spiritualia et temporalia, etiam per modum communicationis et extensionis inter se et cum aliis Ordinibus Mendicantium et non Mendicantium, eidem Ordini Minimorum, eiusque correctori generali, ac fratribus et sororibus, aliisque religiosis utriusque sexus, eorumque domibus, monasteriis, ecclesiis et locis regularibus quibuscumque, per quoscumque Romanos Pontifices praedecessores nostros ac nos et Apostolicam Sedem, sub quibuscumque verborum formis et expressionibus, in genere vel in specie, aut aliis quomodolibet concessa, ac pluries confirmata, cum omnibus et singulis in eis contentis clausulis, decretis et declarationibus, ac singulas litteras, tam sub plumbo quam in formâ Brevis, aut aliis, desuper confectas, quarum tenores praesentibus pro expressis haberi volumus, quatenus tamen sint in usu et non sint revocata, seu sub aliquibus revocationibus comprehensa, ac sacris canonibus et Concilii Tridentini decretis non adversentur, ex certâ nostrâ scientiâ ac de apostolica potestatis plenitudine, tenore praesentium, perpetuo confirmamus et approbamus, illisque perpetuae et inviolabilis apostolicae firmitatis robur adiciamus.

§ 2. Ac omnes et singulos tam iuris

Clausulae.

quam facti defectus, si qui intervenerint in eisdem, supplemus.

Depulatio
exequiorum.

§ 3. Quocirca venerabilibus fratribus patriarchis, archiepiscopis et episcopis, aliisque locorum Ordinariis quibuscumque, necnon dilecto filio causarum curiae camerae apostolicae generali auditori, per praesentes committimus et mandamus, quatenus quilibet eorum, quandocumque fuerint requisiti, per se, vel alium, seu alios, praesentes litteras, et in eis contenta quaecumque, ubi et quando opus fuerit, et quoties pro parte correctoris generalis et fratrum praedictorum fuerint requisiti, solemniter publicantes, eisque in praemissis efficacis defensionis praesidio assistentes, faciant easdem plenum eorum effectum sortiri, illisque omnes quos concernunt, pacifice frui et gaudere; non permittentes quempiam desuper, contra praesentium tenorem, sub quovis praetextu et causa, etiam defectu intentionis nostrae, per quoscumque quomodolibet indebite molestari, quinimo quicquid in contrarium attentari vel fieri contingeret, omnino semper in pristinum reponi²; contradictores quoslibet et rebelles etiam per quascumque, de quibus eis videtur, censuras et poenas ecclesiasticas, aliaque opportuna iuris et facti remedia, appellatione postposita, compescendo, ac legitimis super his habendis servatis processibus, etiam iteratis vicibus aggravando, invocato etiam ad hoc, si opus fuerit, auxilio brachii secularis.

Deregatio
contrariorum.

§ 4. Non obstantibus praemissis, ac pia memoriae Bonifacii Papae VIII etiam praedecessoris nostri de una, et in concilio generali edita de duabus dietis, dummodo ultra tres dietas aliquis auctoritate praesentium ad iudicium non trahatur, aliisque apostolicis constitutionibus et ordinationibus, ac Ordinum praedictorum statutis et consuetudinibus, etiam iuramento, con-

¹ Edit. Main. legit *illosque* (R. T.).

² Subintellige *facientes* (R. T.).

firmatione apostolica vel quavis firmitate alia roboratis, privilegiis quoque, indultis et litteris apostolicis, sub quibuscumque tenoribus et formis, ac cum quibusvis etiam derogatoriis derogatoriis, aliisque efficacissimis et insolitis clausulis, quomodolibet, etiam pluries, concessis, confirmatis et innovatis. Quibus omnibus, etiamsi pro illorum sufficienti derogatione de illis, eorumque totis tenoribus specialis, specifica, expressa et individua, ac de verbo ad verbum, non autem per clausulas generales idem importantes, mentio seu quaevis alia expressio habenda aut aliqua alia exquisita forma ad hoc servanda foret, etiam quod in eis caveatur expresse, quod illis nullatenus, aut nonnisi sub certis modo et forma derogari possit, tenores huiusmodi, ac si de verbo ad verbum, nihil penitus omisso, et forma in illis tradita observata, inserti forent, praesentibus pro sufficienter expressis et insertis habentes, motu, scientia et auctoritate similibus derogamus, contrariis quibuscumque; aut si aliquibus communiter vel divisim ab Apostolica sit Sede indultum, quod interdicti, suspendi vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

§ 5. Verum, quia difficile foret praesentes litteras, ubicumque opus esset, deferri, volumus, et pariter auctoritate apostolica decernimus, quod illarum transumptis, manu alicuius ex secretariis cuiusvis praedictorum praelatorum generalium, ac Romanae curiae commissarii, et successorum, aut notarii publici subscriptis, et sigillo officii alterius eorundem, aut personae in dignitate ecclesiastica constitutae, seu curiae ecclesiasticae munitis, eadem prorsus fides in iudicio et extra illud adhibeatur, quae praesentibus adhiberetur, si forent exhibitae vel ostensae.

Files transumptorum.

Datum Romae, apud S. Mariam Maio-

rem, sub annulo Piscatoris, die xxviii iunii
MDCXXIV, pontificatus nostri anno 1.

Dat. die 28 iunii 1624, pontif. anno 1.

LXX.

Lucas Antonius Virili commissarius apostolicus deputatur, ut intersit actis a Francisco Maria de Rovere Urbini duce faciendis, litterisque scribendis ab ipso ad fidelitatis iuramentum ab arcium sui domini praefectis et gubernatoribus locorum Romano Pontifici et reverendae camerae apostolicae praestandum necessariis¹.

Dilecto filio magistro Lucae Antonio Virili, in
utrâque signaturâ nostrâ referendario,
Urbanus Papa VIII.

Dilecte fili,
salutem et apostolicam benedictionem.

Urbini duci
arcium domini
praefectis et lo-
corum gubernato-
ribus iubente,
ut fidelitatis iu-
ramentum prae-
stent Pontifici;

§ 1. Cum dilectus filius nobilis vir Franciscus Maria de Rovere Urbini dux omnibus et singulis propugnaculorum sive fortalitorum et arcium praefectis, seu castellanis, necnon gubernatoribus et aliis officialibus armorum, civitatum et locorum ducatus seu Status Urbini, necnon civitatum Pisaurensis et Senogalliensis, ac Status Montisferetrani, ut fidelitatis, aliaque iuramenta in nostrum et camerae apostolicae favorem praestent coram notario et testibus praecipere et mandare, ac successive litteras, ad iura nostra et Sedis et camerae apostolicae super ducatu et Statu Urbini et civitatibus Pisaurensis et Senogalliensis et Statu Montisferetrano praedictae² ac iuramenta praedicta et alia nonnulla attinentes, ad nos similiter coram notario et testibus, certis modo et formâ quibus hodie dux praedictus ad subscriptionem utitur, subscribere, dare et mittere intendat³:

¹ Ex Regest. in Secret. Brev.

² Videretur legendum *praedictis* (R. T.).

³ Edit. Main. legit *intendet* (R. T.).

§ 2. Ideirco nos, de tua fide, prudentiâ et integritate plurimum in Domino confisi, motu proprio et ex certâ scientiâ ac maturâ deliberatione nostris, tibi per praesentes committimus et mandamus, ut ad dictum Franciscum Mariam ducem te personaliter conferas, ac mandatis, praecipis, eorumque et litterarum praedictarum subscriptionibus, per eundem Franciscum Mariam ducem, ut praefertur, dandis et faciendis, nostro et Sedis Apostolicae nomine praesens sis, et assistas: super quibus omnibus et singulis plenam, liberam et amplam facultatem et auctoritatem tibi concedimus et impertimur.

§ 3. In contrarium facientibus non obstantibus quibuscumque.

Datum Romae, apud S. Mariam Maior⁴
rem, sub annulo Piscatoris, die xxix iunii
MDCXXIV, pontificatus nostri anno 1.

Dat. die 29 iunii 1624, pontif. anno 1.

LXXI.

Sequitur facultas eisdem apostolicis commissariis recipiendi fidelitatis iuramentum a gubernatoribus, aliisque officialibus Status Urbini sanctae Sedi Apostolicae praestandum.

Dilecto filio Francischino a Cascia, Ordinis
Minorum Conventualium vicario generali,
Urbanus Papa VIII.

Dilecte fili,
salutem et apostolicam benedictionem.

§ 1. Cum dilectus filius nobilis vir Franciscus Maria Urbini dux, provide considerans, ducatum Urbini, necnon civitates Senogalliensem et Pisaurensis et S. Leonis cum terrâ et arce Maioli, ac totum Statum Montisferetranum, aliaque dominia, civitates, oppida, castra, terras, arces, pro-

Urbanus Antonium Virilem deputat, ut huiusmodi actis adesset, litterasque recipiat.

Contraria tollit.

Cupiente ipso duci ut gubernatores et alii officiales fidelitatis iuramentum Sedi Apostolicae praestent.

⁴ Eiusdem exempli Breve expeditum fuit fratri Felici Francischino a Cascia Ordinis fratrum Minorum sancti Francisci Conventualium vicario apostolico generali.

propugnacula, seu fortalitia et loca quaecumque etiam speciali notâ et expressione digna, in et sub Statu dicti ducatus Urbini ad praesens quomodolibet comprehensa, eius antecessoribus dudum a Romanis Pontificibus praedecessoribus nostris in feudum data et concessa, seu aliâs per eum quomodolibet possessâ, per obitum suum sine liberis et descendantibus masculis, legitimis et naturalibus, ob lineam finitam, cum omnibus eorum territoriis, districtibus, iurisdictionibus, membris, iuribus et pertinentiis universis (excepto Castro Podii Hibernorum, et aliis bonis non feudalibus, neque iurisdictionalibus, relaxatis et reservatis duci praefato, eiusque haeredibus et successoribus in instrumento concordiae celebrato sub die xxx aprilis proximè praeteriti) aperta, ac ad nos et Romanam Ecclesiam, Sedemque, et cameram Apostolicam reversa et devoluta iri, cupiat suam erga nos et hanc sanctam Sedem Apostolicam fidem et devotionem, qua semper in nostro et eiusdem Sedis conspectu claruit, uberioris voluntatis suae significatione omnibus testatam relinquere; et propterea (ut postquam viam universae carnis, ita disponente Domino, ingressus fuerit, illico civitates ac oppida, terrae, castra, arces, propugnacula, sive fortalitia et alia loca praedicta Status huiusmodi, illorumque possessio vacua et expedita, pacifice et sine strepitu armorum nobis, Sedique necnon camerae praedictis tradantur et consignentur, ac ut armorum gubernatores, castellani, seu praefecti arcium, necnon alii quicumque officiales, quocumque nomine nuncupati, quibus superintendunt et cura principalis, ab alio militiae officiali non dependens, armorum et militum cuiuscumque civitatis, arcis, oppidi, fortalitii et loci incumbit, eorumque et cuiuslibet ipsorum existentes locumtenentes ad id paratiores sint) ut nobis domino di-

recto ducatus et statuum praedictorum, et Romanae Ecclesiae, Sedique et camerae praedictis in nostris seu personae a nobis deputandae manibus fidelitatis praestent iuramentum, intendat:

§ 2. Nos, promptam et devotam ipsius Francisci Marinae ducis fidem et devotionem huiusmodi plurimum in Domino commendantes, necnon de tuâ fide, prudentiâ, integritate, ac in gravissimis rebus gerendis experienciâ plurimum in Domino confisi, motu proprio et ex certâ scientiâ ac maturâ deliberatione nostris, deque apostolicae potestatis plenitudine, tibi, ut a gubernatoribus armorum, castellanis, seu praefectis arcium, et aliis quibuscumque officialibus, quocumque nomine nuncupatis, quibus superintendunt et cura principalis, ab alio militiae officiali non dependens, armorum et militum cuiuscumque civitatis, arcis, oppidi, fortalitii et loci incumbit, eorumque et cuiuslibet ipsorum locumtenentibus existentibus supradictis, et eorum singulis, quodcumque fidelitatis, et alia quaecumque iuramenta, iuxta formam tibi traditam, cum omnibus et singulis in eâ contentis recipere, et ad hunc effectum, si opus fuerit, et quotiescumque tibi videbitur, quemcumque seu quoscumque idoneum seu idoneos notarium¹ seu notarios vel tabelliones tibi benevisos eligere, necnon gubernatores armorum, castellanos, arcium praefectos et alios quoscumque officiales, eorumque et cuiuslibet ipsorum locumtenentes existentes praefatos, ad iuramenta huiusmodi, in casu eorum mutationis, a futuris eorum successoribus recipienda², deputare, ceteraque omnia et singula in praemissis, et circa ea quomodolibet necessaria et opportuna, etiam si talia sint vel fuerint, quae magis specialem, specificam et expressam requirerent

Pontifex commissarios apostolicos deputat, qui illud recipiant.

¹ Perperam ed. Main. legit *notariorum* (R. T.).

² Erronee ipsa edit. habet *recipiendis* (R. T.).

mentionem, facere, dicere, gerere et exequi libere et licite possis et valeas, tenore praesentium, plenam, liberam et amplam facultatem et auctoritatem concedimus et impertimur.

Derogat contrariis.

§ 3. Non obstantibus constitutionibus et ordinationibus apostolicis, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die 1 iulii MDCXXIV, pontificatus nostri anno 1^o.

Dat. die 1 iulii 1624, pontif. anno 1.

LXXII.

Devoluto ad cameram apostolicam Urbini ducatu, mandatur nonnullis delegatis, curent eos in fortalitia et arces eiusdem ducatus admitti, qui ab haeredibus defuncti ducis Francisci Mariae de Rovere ad inventarium tormentorum, armorum, celerarumque rerum conficiendum designabuntur².

Urbanus Papa VIII,
ad futuram rei memoriam.

Cum, post obitum ducis Francisci Mariae de Rovere, Urbini ducatus ad cameram apostolicam devolutus sit;

§ 1. Considerantes ducatum Urbini, necnon civitates Senogalliensem et Pisarensem, et S. Leonis, cum terrâ et arce Maioli, ac totum Statum Montisferetanum, aliaque dominia, civitates, oppida, terras, castra, propugnacula, fortalitia et loca quaecumque, etiam speciali notâ et expressione digna, in et sub Statu dicti ducatus Urbini ad praesens quomodolibet comprehensa, et dilecti filii nobilis viri Francisci Mariae Urbini ducis antecessoribus dudum a Romanis Pontificibus praedecessoribus nostris in feudum sub pactis et conditionibus in investituris desuper factis contentis et expressis data et concessa, seu alias per ipsum Franciscum Mariam ducem quomodolibet possessa, per

¹ Eiusdem exempli Breve expeditum fuit praefato quoque Lucae Antonio Virili.

² Ex Regest. in Secret. Brev.

obitum dicti Francisci Mariae ducis sine liberis et descendantibus masculis legitimis et naturalibus, ob lineam finitam, unâ cum omnibus eorum territoriis, districtibus, iurisdictionibus, fortalitiis, sive propugnaculis, membris, iuribus et pertinentiis universis (excepto Castro Podii Hibernorum et aliis bonis non feudalibus, nec iurisdictionalibus, relaxatis et reservatis duci praedicto, eiusque haeredibus et successoribus in instrumento concordiae celebrato sub die xxx aprilis proxime praeteriti), ita disponente Domino, aperta, ac ad nos et Romanam Ecclesiam, Sedemque et cameram Apostolicam reversa et devoluta iri:

§ 2. Idcirco, motu proprio et ex certâ scientiâ nostrâ, futuro eiusdem ducatus nostro et Sedis Apostolicae legato, seu gubernatori, necnon venerabili fratri Iohanni archiepiscopo Adrianopolitano provinciae Marchiae, et dilectis filiis magistro Fabritio Verospio cappellano nostro, et causarum palatii apostolici auditori, civitatis Perusiae ac provinciae Umbriae gubernatoribus, necnon Hieronymo Vidono, camerae nostrae apostolicae clerico, provinciae nostrae Romandiolae presidi, necnon eorundem gubernatoris et praesidis¹ in officio successoribus, per praesentes committimus et mandamus, ut habitâ per eos ducatus, civitatum, dominiorum et aliorum praedictorum, liberâ, reali et pacificâ possessione, castellanis, seu praefectis arcium, fortalitorum, sive propugnaculorum ducatus, civitatum, dominiorum, et aliorum locorum huiusmodi, auctoritate nostrâ praecipiant et mandent, ut ipsi in arces et fortalitia et sive propugnacula eorum curae commissas et commissa personas a futuris dicti Francisci Mariae ducis haeredibus et successoribus mittendas, et iam forsan destinatas, recipiant et admittant ad effectum inventarium et de-

Pontifex nonnullos deputat, qui curent personas, ab haeredibus ultimi ducis mittendas per inventarium conficiendo, in arces et fortalitia recipere.

¹ Ed. Main. legit gubernatori et praesidi (n.r.).

scriptionem tormentorum bellicorum, armorum et aliarum munitionum, in dictis arcibus, fortalitiis, sive propugnaculis existentium, unâ cum ministris nostris conficiendi, ceteraque omnia et singula, quae pro complemento et totali exequutione concordiae praedictae nomine nostro cum eodem Francisco Maria duce seu eius ministris et pro eo agentibus sub die xxx aprilis proxime praeteriti initae et celebratae necessaria fuerint, seu quomodolibet opportuna. In contrarium facientibus non obstantibus quibuscumque.

Datum Romae, apud S. Mariam Maiorem, sub annulo Piscatoris, die 1 iulii MDCXXIV, pontificatus nostri anno 1.

Dat. die 1 iulii 1624, pontif. anno 1.

Idem sequenti anno negotium commissum legitur exarcatu Ravennae praesidi, et provinciae Marchiae gubernatori, altero quidem Brevi eiusdem exempli, cuius summam tantummodo referendam esse censuimus.

Urbanus Papa VIII,
ad futuram rei memoriam.

Considerantes, etc., Adrianopolitano provinciae nostrae Romandiolae, et exarcatu Ravennae presidi, ac dilecto filio magistro Diomedio Varesio in utraque signaturâ nostrâ referendario provinciae nostrae Marchiae Anconitanae gubernatori, necnon eorundem praesidis et gubernatoris in officio successoribus, etc.

Datum Romae, apud S. Petrum, sub annulo Piscatoris, die xi martii MDCXXV, pontificatus nostri anno 11.

LXXIII.

Confirmatur decretum regis Hispaniarum circa modum inquirendi de nobilitate et puritate sanguinis¹.

¹ Ex Regest. in Secret. Brev.

Urbanus Papa VIII,
ad futuram rei memoriam.

§ 1. Exponi nobis nuper fecit charissimus in Christo filius noster Philippus Hispaniarum rex catholicus, quod ipse, ad obviandum molestiis atque expensis, quae in sumendis in regnis Hispaniarum informationibus super nobilitate et puritate sanguinis proveniebant, sub die x februarii MDCXXIII statuit et decrevit, ut in lineâ sive lineis, in quibus tres actus positivi nobilitatis vel puritatis sanguinis legitime facti reperientur, perinde habeantur ac si in rem iudicatam et exequutioni demandatam transiverint, in vimque trium actuum huiusmodi ius reale ipsi personae, eiusque per lineam rectam et, ut praefertur, probatam, descendantibus, acquiratur ad hoc, ut in lineis, super quibus emanarunt lineae huiusmodi, pro nobilibus et idoneis qualificatae sint et esse censeantur, absque eo quod quicquam aliud, quam personarum de lineis, pro quibus actus huiusmodi emanarunt, descendantiam, probare minime teneantur; idemque etiam intelligi voluit, licet actus praedicti in diversis collegiis, tribunalibus, communitatibus, seu uno ex eis dumtaxat acquisiti fuerint; cum hoc tamen, ut actuum praedictorum acquisitio ad hunc effectum nullatenus suffragetur, nisi iidem actus in sancto inquisitionis Officio comprehensis illius familiaribus, ac trium Ordinum militarium consilio, seu hospitalis S. Ioannis Hierosolymitani, necnon ecclesiae Toletanae, aut quatuor Salamantinae et uno oppidi de Alcalâ Toletanae dioecesis, ac reliquo civitatis Vallisoletanae maioribus collegiis proveniant. Et quia in aliis negociis super re iudicatâ novae interdum, sive per instrumenta de novo reperta, sive ob falsitatem, seu alias ob causas, lites renovantur, voluit idem Philippus rex, ut tres actus modo et formâ praemissis qualificati in rem transeant

Philippi regis
decretum.

iudicatam, iusque praetendentibus acquiratur, eidemque rei iudicatae stetur, et ius illius vigore acquisitum valeat, etiamsi defectus, qui impedimentum asserere potuisset, si prius innotuisset, postea detegatur, et aliàs prout in decreto, seu statuto desuper facto plenius dicitur contineri.

Qui illud pontificia auctoritate petit roborari.

§ 2. Cum autem, sicut eadem expositio subiungebat, dictus Philippus rex plurimum cupiat, statutum, seu decretum huiusmodi pro firmiori illius observatione apostolicae nostrae confirmationis robore communiri;

Confirmat Urbanus.

§ 3. Nos, eiusdem Philippi regis votis, quantum cum Domino possumus, annuere volentes, supplicationibus eiusdem nomine nobis super hoc humiliter porrectis inclinati, statutum seu decretum huiusmodi, omniaque et singula in illo contenta, apostolica auctoritate, tenore praesentium, approbamus et confirmamus, illique inviolabilis apostolicae firmitatis robur adiicimus, ac omnes et singulos tam iuris quam facti defectus, si qui desuper quomodolibet intervenerint, supplemus; insuper, auctoritate et tenore praedictis, statuimus, ut is etiam pro actu positivo habeatur, qui per informationes collegii Hispalensis fiet, non secus ac si per collegiorum praedictorum informationes factus fuisset, quodque tres actus positivi, qui pro qualificandâ nobilitate requiruntur, unus necessario ex praedicto Ordinum militarium consilio sit et esse debeat.

Clausulas apostolice.

§ 4. Decernentes praesentes litteras, omniaque et singula in eis contenta, valida, firma et efficacia esse et fore, suosque plenarios et integros effectus sortiri et obtinere, et ab omnibus, ad quos spectat et pro tempore quomodolibet spectabit, inviolabiliter observari; sique per quoscumque iudices ordinarios et delegatos, etiam causarum palatii apostolici auditores, ubique iudicari et definiri debere, ac irritum et inane, si secus super his

a quoquam, quavis auctoritate, scienter vel ignoranter, contigerit attentari.

Et derogat obstantibus.

§ 5. Non obstantibus constitutionibus et ordinationibus apostolicis, ac quarumvis ecclesiarum etiam cathedralium et metropolitanarum, necnon militiarum et ordinum quorumcumque (etiam iuramento, confirmatione apostolica, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis, et innovatis. Quibus omnibus et singulis, eorum omnium tenores praesentibus pro plene et sufficienter expressis habentes, illis aliàs in suo robore permansuris, hac vice duntaxat specialiter et expresse derogamus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die v iulii MDCXXIV pontificatus nostri anno I.

Dat. die 5 iulii 1624, pontif. anno I.

LXXIV.

Revocatis Pauli V litteris, quibus provincias de Peraiba, Itamaraca, Rio-grande, et Maranham provinciae de Pernambuco univerrat, eadem provinciae ecclesiae S. Salvatoris restituntur¹.

Urbanus Papa VIII,
ad perpetuam rei memoriam.

Romanus Pontifex a Salvatore et Domino nostro, qui charitas est et Deus pacis, super universas orbis ecclesias et provincias constitutus, ut iuxta verbum propheticium noxia evellat et destituat, utiliaque et salubria plantet et aedificet, ea interdum, quae certis etiam rationabilibus ex causis a Sede Apostolicâ sancita sunt, ipsâ

Prohemium.

¹ Ex Regest. in Secret. Brevium.

subinde rerum experientiâ suadente, et ex maioribus causis, quibus praesertim episcoporum auctoritati et iurisdictioni ad visitationis, correctionis et iustitiae ministerium fructuosius exercendum, necnon animarum saluti, litibusque, ac controversiis inter eosdem episcopos, et alios christifideles in remotissimis christianis orbis partibus existentes obviam itur, ac spirituali ipsorum christifidelium aedificationi, pacique et tranquillitati consulitur, alterat et immutat, in hisque sollicitudinis et providentiae suae studium interponit, prout pia catholicorum regum vota id exposcunt, et ipse, omnibus rerum, temporumque qualitatibus maturâ consideratione pensatis, conspiciat in Domino salubriter expedire.

Pauli papa V
litterae recensentur.

§ 1. Aliâs siquidem a felicis recordationis Paulo Papa V praedecessore nostro emanarunt litterae tenoris subsequenter, videlicet:

*Paulus Papa V,
ad perpetuam rei memoriam.*

In supereminenti militantis, etc. (*Reliqua legi possunt in tom. XII, pag. 10 et 271*).

Causae revocandi praedictas litteras et provincias de Peraiba, Itamaraca, Rio grande et Maranhão ecclesiae sancti Salvadoris restituenti.

§ 2. Cum autem, sicut charissimus in Christo filius noster Philippus Hispaniarum rex catholicus nobis nuper exponi fecit, earundem provinciarum vicarius, sive administrator, in vim praedictarum Pauli praedecessoris huiusmodi litterarum deputatus, diem clausurit extremum, ecclesiaeque S. Salvadoris praedictae certo tunc expresso modo pastoris solatio destitutae de novo pastore apostolicâ auctoritate nuper provisum fuerit; dismembratio autem et separatio ab ecclesiâ S. Salvadoris praedictâ de dictâ provinciâ de Pernambuco, illiusque in vicariam sive administrationem spirituales erectio et institutio, necnon provinciarum capitaneorum nuncupatarum de Peraiba, Itamaraca, Rio grande, et do Maranhão, praevisâ simili

illarum ab eadem ecclesiâ S. Salvadoris separatione et dismembratione, eidem provinciae de Pernambuco unio et adiunctio per eundem Paulum praedecessorem, ut praefertur, factae, non solum in maximum oppidorum et locorum dictarum provinciarum, illarumque incolarum praeiudicium et damnum cesserint, verum etiam continuis dissidiis, litibus et controversiis inter episcopum S. Salvadoris, et earundem provinciarum vicarium et administratorem, qui pro tempore fuerunt, causam dederint, non sine divini cultus et catholicae religionis detrimento, gravique eorumdem incolarum perturbatione et scandalo; nobis propterea dictus Philippus rex humiliter supplicari fecit, ut super praemissis opportune providere de benignitate apostolicâ dignemur:

§ 3. Nos igitur, qui omni cogitatione, omnique curâ in id incumbimus, ut christifideles, earum praesertim regionum in quibus fides catholica non ita pridem per immensam Dei misericordiam plantata, continuâ illorum populorum ad eandem fidem conversione feliciter propagatur, in pacis amoenitate et iustitiae cultu reddant Domino abundanter fructus suos, pio ipsius Philippi regis desiderio, quantum nobis ex alto conceditur, annuere volentes, huiusmodi supplicationibus inclinati, praedictam ecclesiam S. Salvadoris, ac modicum illius et pro tempore existentem praesulem, necnon mensam episcopalem dictae ecclesiae adversus separationem et dismembrationem dictae provinciae de Pernambuco, eiusque in vicariam sive administrationem spirituales erectionem et institutionem, necnon provinciarum capitaneorum huiusmodi, praevisâ etiam illarum, ut praefertur, ab eadem ecclesiâ S. Salvadoris separatione et dismembratione, eidem provinciae de Pernambuco unionem et adiunctionem, singulasque Pauli praedecessoris huiusmodi litteras,

Urbanus eas restituit;

necnon omnia et singula in illis contenta, et aliàs, in pristinum ac eundemmet, in quo, antequam ipsius Pauli praedecessoris tam priores quam posteriores litterae huiusmodi emanarent, reperiébantur, statim in omnibus et per omnia apostolicà auctoritate, tenore praesentium, perpetuò restituimus, reponimus et plenarie reintegramus: singulasque Pauli praedecessoris huiusmodi litteras, omniaque in eis quomodolibet contenta et expressa, auctoritate et tenore praedictis (ita quod liceat moderno et pro tempore existenti episcopo S. Salvatoris corporalem, realem et actua-lem possessionem omnium et singularum provinciarum praedictarum, illarumque bonorum possessionem, seu quasi, suo, ecclesiaeque S. Salvatoris praedictae nomine proprià auctoritate libere apprehendere, et apprehensam perpetuo retinere, omnimodamque in eisdem provinciis iurisdictionem et superioritatem, quae episcopo S. Salvatoris antequam singulae litterae Pauli praedecessoris huiusmodi emanarent, compete-^{bat}, et competere poterat, exercere, ceteraque omnia et singula ad episcopi munus de iure vel consuetudine aut aliàs quomodolibet spectantibus et pertinentibus facere, gerere et exequi, cuiusvis licentià desuper minime requisitâ) similiter perpetuo revocamus, cassamus, abrogamus et annullamus, viribusque et effectu prorsus vacuumus.

Et ecclesiam
S. Salvatoris
indemnem a
Pauli litteris
reddidit.

§ 4. Necnon ecclesiam S. Salvatoris, eiusque mensam episcopalem adversus separationes et dismembrationes, erectionemque et institutionem, necnon unionem et adiunctionem praedictas restitutam, repositam et plenarie reintegratam, praedictasque Pauli praedecessoris huiusmodi litteras, omniaque in eis contenta, ut praefertur, revocata, cassa, abrogata, annullata, viribusque et effectu vacua.

Clausulas pro
praesentium lit-

§ 5. Praesentes vero litteras, cum omnibus et singulis in eis contentis, semper

Bull. Rom. — Vol. XIII.

et perpetuo validas, firmas et efficaces existere et fore, suosque plenarios et integros effectus sortiri et obtinere, neque illas (etiam ex eo quod causae propter quas emanarint, expressae, verificatee et iustificatee, aut quicumque in praemissis interesse habentes, sive habere praetendentes, ad hoc vocati, citati et auditi non fuerint, neque illis consenserint, vel aliàs ex quocumque capite, praetextu, colore, ingenio vel causâ) de subreptionis vel obreptionis seu nullitatis vitio aut intentionis nostrae vel alio quovis defectu notari, impugnari, redargui, infringi, retractari, in ius vel controversiam revocari, ad terminos iuris reduci, aut aliud quodvis gratiae vel facti remedium impetrari seu concedi nullatenus posse; sicque, et non aliter, per quoscumque iudices ordinarios et delegatos, etiam causarum palatii apostolici auditores, ac S. R. E. cardinales etiam de latere legatos, et Sedis Apostolicae nuncios in quavis causâ et instantiâ iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

terarum firmi-
tate apponit.

§ 6. Non obstantibus Pauli praedecessoris huiusmodi litteris, ac regulâ nostrâ de iure quaesito non tollendo, ceterisque in contrarium facientibus quibuscumque.

Et contraria
tollit.

Datum Romae, apud S. Mariam Maiorem, sub annulo Piscatoris, die VI iulii MDCXXIV, pontificatus nostri anno I.

Dat. die 6 iulii 1624, pontif. anno I.

LXXV.

Impositio decimae pro episcopo Eystetensi in totâ eius dioecesi¹.

¹ Subintellige *adversus illas* (R. T.).

² Ex Regest. in Secret. Brevium.

Urbanus Papa VIII,
ad futuram rei memoriam.

Exordium.

Militantis ecclesiae regimini, disponente Domino, praesidentes, inter graves sollicitudines, quibus pro pastoralis officii et apostolicae servitutis debito continue premimur, ea semper est praecipua, per quam catholicorum vires ad hostium verae fidei conatibus resistendum augeri possint; et propterea ecclesiasticorum praesulum vota in id tendentia ad exauditionis gratiam libenter admittimus, prout, rerum et temporum qualitatibus debite pensatis, conspiciamus in Domino salubriter expedire.

Causae impositioni decimarum.

§ 1. Cum itaque, sicut accepimus, venerabilis frater N. episcopus Eystetensis, cum ceteris principibus et ordinibus tam ecclesiasticis quam secularibus in Germania ob inibi concitatos per humani generis hostem motus et catholicae religionis defensionem confoederatus, gravia exinde expensarum onera hactenus sustinuerit et sustineat ad praesens, ita ut, nisi de aliquo subsidio illi opportune prospiciatur, verendum sit, ne tantis oneribus impar succumbat:

Decimae impositio ad annum tantum.

§ 2. His igitur et aliis gravissimis causis, ad Dei gloriam, sanctaeque eius Ecclesiae defensionem et exaltationem pertinentibus, adducti, supplicationibus nomine eiusdem N. episcopi nobis humiliter porrectis inclinati, de tributae nobis a Domino apostolicae potestatis plenitudine, tenore praesentium, indicimus et imponimus unam semel per annum integrum in unâ vel pluribus solutionibus arbitrio collectorum infra deputatorum persolvendam integram decimam, in praedictos dumtaxat et non in alios usus erogandam, omnium et quorumcumque fructuum, reddituum, proventuum, iurium, obventionum, emolumentorum ac distributionum quotidianarum omnium ecclesiarum collegiatarum, parochialium, necnon monasteriorum et

conventuum, ac etiam mensarum abbatialium, capitularium, tam maioris Eystetensis quam quarumcumque collegiatarum ecclesiarum, necnon conventualium, prioratum quoque, praepositurarum, praeceptoriarum, canonicatum et praebendarum, dignitatum, personatum, administrationum, et fabricae, et officiorum, ceterorumque beneficiorum ecclesiasticorum, cum curâ et sine curâ, secularium, ac S. Benedicti, S. Augustini, Cluniacensis, Cisterciensis, Praemonstratensis, et si quae¹ bona immobilia, redditus certos, ex privilegio vel aliâs, possident, Mendicantium, ac quorumcumque aliorum Ordinum cuiusvis sexus necnon Congregationum regularium

§ 3. (Iis dumtaxat exceptis, quae a venerabilibus fratribus nostris S. R. E. cardinalibus obtinentur seu percipiuntur, ac, quoad beneficia curata, iis, quorum annui redditus summam quadraginta ducatorum auri de camerâ non excedunt), et praeterea hospitalium etiam pauperum hospitalitatem non exercentium, seu bona et redditus ultra usus infirmorum et alia, pro quibus instituta sunt, pia officia exercenda possidentium, necnon B. Mariae Teutonicorum, S. Lazari, Templi Dominici, ac, quoad illos, qui communi thesauro sui hospitalis onera solita non contribuant, etiam S. Ioannis Hierosolymitani et aliarum militiarum in civitate, dioecesi, patriâ et ditione Eystetensi secundum communem aestimationem fructuum et aliorum praedictorum.

Qui excipi debeant ab huiusmodi decimae solutione.

§ 4. Ac similiter integram decimam omnium pensionum super praemissis assignatarum et assignandarum, semel tantum, ut dictum est, percipiendam et exigendam a quibuscumque primatibus, praepositis, decanis, capitulis, canonicis, rectoribus, beneficiatis, abbatibus, prioribus, commendatariis, abbatissis, priorissis,

Decima etiam a pensionariis persolvenda.

¹ Legendum et hic foret si qua (R. T.).

fratribus, militibus et aliis quocumque nomine nuncupatis, secularibus et regularibus, ceterisque cuiuscumque dignitatis, status, gradus et conditionis existentibus (praeterquam dictis cardinalibus) praedicta quocumque iure, modo, occasione et titulo obtinentibus seu detinentibus et obtenturis, necnon oeconomis et administratoribus, perpetuis seu temporalibus, usufructuariis, ac fructus, pensiones, res et alia quaecumque huiusmodi iura et bona ex quacumque causâ, quavis auctoritate, in toto vel in parte sibi reservata aut concessa habentibus vel habituris, secularibus et regularibus Ordinum, congregationum, militiarum et hospitalium praedictorum, necnon ab ipsis ecclesiis, capitulis, conventibus, ordinibus, congregationibus, collegiis, hospitalibus, militiis, mensis, massis et locis quocumque privilegio et exemptione reali, personali et mixtâ, antiquâ et immemorabili, pacificâ et continuatâ suffultis, quos omnes (exceptis supradictis) in unâ vel pluribus solutionibus, ut praefertur, collectoribus praedictis volumus decimam praedictam infra terminum ab eisdem collectoribus praescribendum persolvere, ita ut, qui pensiones solvere debent, etiam nomine pensionariorum decimam pensionum persolvant, et deinde, in proximis terminis pensionum huiusmodi, eam ratam sibi retineant ad rationem decem pro centenario, nisi iidem collectores ab ipsismet pensionariis eam exigere maluerint.

Nullae vero
aliae suffragan-
tur exemptiones.

§ 5. Decernentes nullas omnino exemptiones et immunitates exactionem decimae huiusmodi impedire posse; sicque per quoscumque iudices et commissarios, etiam causarum palatii apostolici auditores ac cardinales praedictos, et de latere legatos (sublatâ eis et eorum cuilibet quavis aliter iudicandi et interpretandi facultate et auctoritate) iudicari et definiri debere, ac irritum et inane, si secus super

his a quoquam, quavis auctoritate, scienter vel ignoranter, contigerit attentari.

§ 6. Ut autem supradicta diligenter executioni demandentur, eundem N. episcopum ac dilectum filium officialem Eystetensem, de quorum integritate et prudentiâ plurimum confidimus, decimae praedictae collectores in civitate, dioecesi, patriâ et ditione huiusmodi, cum omnibus iurisdictionibus, quae huiusmodi collectoribus de iure vel consuetudine quomodolibet competunt, auctoritate et tenore praedictis constituimus et deputamus; mandantes, ut quidquid inde per se vel subcollectores suos exegerint, id omne in praedictos et non alios usus erogari curent et faciant, ac N. episcopo et officiali praedictis plenam, liberam et amplam ac absolutam potestatem decimam huiusmodi ubique eorum arbitrio (habitâ tamen ratione communis aestimationis fructuum, ac etiam onerum cuique ecclesiae, aut loco sacro vel pio, unde exigenda erit, incumbendum) taxandi et exigendi, atque, ubi opus fuerit, moderandi et ad minorem summam reducendi, praedictos omnes tam coniunctim quam divisim ad integram illius solutionem, etiam per edictum locis publicis affigendum, etiam sub censuris et poenis ecclesiasticis monendi et requirendi, non parentes, contumaces et fraudantes in censuras et poenas praedictas incidisse declarandi, proprietates, fructus et bona ipsorum apprehendendi, et usque ad satisfactionem retinendi, perturbatores, molestatores et rebelles quoscumque, eisque auxilium, consilium vel favorem publice vel occulte quovis quaesito colore praestantes, cuiuscumque dignitatis, gradus et ordinis fuerint, praedictis, aliisque censuris et poenis ecclesiasticis, necnon pecuniariis, ceterisque iuris et facti remediis opportunis compellendi, illasque etiam iteratis vicibus aggravandi, dignitatibus, beneficiis et officiis omnibus privandi et amovendi,

Collectores
deputantur.

et ad futura inhabiles faciendi, interdictum ecclesiasticum apponendi, auxiliumque brachii secularis, quandocumque opus fuerit, invocandi, ad sanitatem reversos, qui debite satisfecerint, ab omnibus censuris et poenis supradictis in formâ Ecclesiae consuetâ absolviendi; praeterea, si opus fuerit, alios collectores et subcollectores fide et facultatibus idoneos in civitate, dioecesi, patriâ et ditione, quotquot viderint expedire, cum simili aut limitatâ (non tamen absolviendi) potestate constituendi, eumque vel alios arbitrio suo revocandi, negligentes et morosos removendi, ac alium seu alios subrogandi, quotiescumque eis videbitur, in delinquentes et contumaces, per se, vel alium, seu alios, etiam simpliciter et de plano ac sine strepitu et figurâ iudicii, inquirendi, ac meritis poenis puniendi, modos et formas in praedictis servandos praescribendi, et dubia quaecumque in premissis forte oritura declarandi.

Derogatio
contrariorum.

§ 7. Non obstantibus felicis recordationis Bonifacii Papae VIII praedecessoris nostri de unâ, et in concilio generali editâ de duabus dietis, aliis apostolicis constitutionibus et ordinationibus, necnon ecclesiarum, monasteriorum, congregationum, ordinum, hospitalium et locorum praedictorum (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, stabilimentis, usibus et naturis, quodque personis praedictis, eorumque ecclesiis et locis vel quibusvis aliis communiter a praedictâ sit Sede indultum, quod interdici, suspendi vel excommunicari non possint per litteras apostolicas non facientes plenam et expressam ac de verbo ad verbum de indulto, necnon personis, eorumque nominibus, cognominibus, ecclesiis, monasteriis, ordinibus et locis huiusmodi mentionem, et quibuslibet aliis privilegiis, exemptionibus, immunitatibus, in genere vel in specie, quomodolibet

concessis, confirmatis et innovatis, et solutiones decimarum aliter, quam secundum antiquam taxam, et nisi in universali decimarum per orbem aut per universa Romani Imperii loca impositione fieri prohibentibus, necnon promissionibus, donationibus, obligationibus, iuramentis, renunciationibus, vinculis et cautelis in assignatione praedictarum pensionum factis (quibus per impositionem decimae huiusmodi neminem teneri, neque eas quoad praemissa contra quemcumque locum habere declaramus), aliisque indultis et litteris apostolicis generalibus vel specialibus, cuiuscumque tenoris existant, per quae praesentibus non expressa aut totaliter non inserta effectus earum impediri valeat quomodolibet vel differri, et de quibus, quorumque totis tenoribus, habenda sit in nostris litteris mentio specialis (quae omnia contra praedicta nolumus cuiquam suffragari), ceterisque contrariis quibuscumque.

§ 8. In percipiendâ vero decimâ praedictâ piae memoriae Clementis Papae V, etiam praedecessoris nostri, in Concilio Viennensi editam constitutionem, ac praesertim, quod ad monetam currentem exigi, quodque nec calices, nec libri, ceteraque ecclesiarum ornamenta divino cultui dicata, aliave suppellectilia ecclesiastica ex causâ pignoris capi, recipi vel distrahi, aut aliâs quomodolibet occupari debeant, ubique praecipimus observari; quinimo volumus, ut illius occasione ecclesiae, monasteria, aliaque pia et sacra loca quaecumque debitis propterea non fraudentur obsequiis, ac divinus in iis cultus et solitus Altissimo famulantium et ministrorum numerus, nec eis quoquo modo iniuncta onera, aut pia quae exerceri solent opera et officia ullo modo minuantur, seu negligantur, sed eorum congrue supportentur onera consueta, nec quisquam etiam plura fortasse beneficia, aut pensiones cu-

Statuta Con-
cilii Viennensis
servanda.

Fides danda
transumptis.

iuscumque valoris obtinens pro quietantiâ ultra vigesimam partem unius auri¹ numeri solvere cogatur.

§ 9. Ceterum, ut praesentes omnibus facilius innotescant, volumus, ut praesentium litterarum exempla, etiam impressa, notarii publici manu subscripta, et alicuius personae in dignitate ecclesiasticâ constitutae sigillo subsignata, eandem in iudicio et extra illud ubique locorum fidem faciant, quam ipsae originales facerent, si essent exhibitae vel ostensae.

Datum Romae, apud S. Mariam Maiorem, sub annulo Piscatoris, die xvi iulii MDCXXIV, pontificatus nostri anno 1.

Dat. die 16 iulii 1624, pontif. anno 1.

LXXVI.

Translatum generalibus armorum Ferrariae ius super militiâ Bononiensi, legato Bononiensi asseritur².

Urbanus Papa VIII,
ad futuram rei memoriam.

Reconsentur
Gregorii litterae.

§ 1. Alias a felicitis recordationis Gregorius Papa XV praedecessore nostro emanarunt litterae, tenoris subsequentis, videlicet:

Gregorius Papa XV, ad futuram rei memoriam (Reliqua legi possunt in Constitut. xvi, *Cum aliis gubernium³*, etc., tom. XII, pag. 552).

Translatio iurisdictionis, de qua in rubrica.

§ 2. Nunc autem nos, feliciori ipsius militiae regimini, curaeque et gubernio, quantum cum Domino possumus, consulere volentes, motu proprio et ex certâ scientiâ ac maturâ deliberatione nostris, deque apostolicae potestatis plenitudine, omne ius, omnemque auctoritatem, quae olim generalibus armorum civitatis et ducatus nostrorum Ferrariensium super mi-

litiâ tam equestri quam pedestri in civitate et comitatu nostris Bononiensibus competeat, seu quomodolibet competere poterat, ab eodem generali armorum pro tempore existenti tollimus et auferimus, ac penitus et omnino sublatam declaramus, eamque sic sublatam in praedictum legatum ultra illius ordinarias facultates, tenore praesentium, transferimus.

Clausulae.

§ 3. Decernentes praesentes litteras validas, firmas et efficaces existere et fore, suosque plenarios et integros effectus sortiri et obtinere debere; irritum quoque et inane, si secus super his a quoquam quavis auctoritate, scienter vel ignoranter, contigerit attentari.

Obstantium derogatio

§ 4. Non obstantibus praesentis Gregorii praedecessoris huiusmodi litteris, necnon regulâ nostrâ de iure quaesito non tollendo, aliisque constitutionibus et ordinationibus apostolicis, ac, quatenus opus sit, dictae civitatis (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die xxv iulii MDCXXIV, pontificatus nostri anno 1.

Dat. die 25 iulii 1624, pontif. anno 1.

LXXVII.

Declaratio, quod indulgentia Portiunculae hoc anno sancto non revocatur¹.

Urbanus Papa VIII,
ad perpetuam rei memoriam.

Pronomium.

Cum nuper, ob sacri iubilaei celebrationem a vigiliâ Nativitatis Domini Nostri Iesu Christi anni proxime venturi incho-

¹ Forsan legendum *aurei* (R. T.).

² Ex Regest. in Secret. Brev.

³ Sed haec edit. Main. citatio non concordat (R. T.).

¹ Hanc indulgentiam plenariam perpetuam extendit ad omnia Ordinis monasteria fratrum Minorum de Observantiâ ac reformatorem Gregorius XV Const. III *Spiritus Domini*, tom. XII, pag. 500. — Ita ed. Main.; sed citatio vana (R. T.).

andam¹, et usque ad finem eiusdem anni duraturam, omnes et singulas indulgentias, etiam perpetuas, et peccatorum remissiones, quibusvis ecclesiis, monasteriis, hospitalibus et aliis locis piis, secularibus et quorumvis Ordinum etiam Mendicantium regularibus, sub quibuscumque tenoribus et formis, ac cum quibusvis clausulis et decretis, quomodolibet concessas, de apostolicae potestatis plenitudine suspendimus, et suspensas esse declaraverimus, easque eodem anno durante nulli prodesse aut suffragari debere decreverimus, prout in nostris sub plumbo desuper expeditis litteris, quarum tenores praesentibus pro expressis haberi volumus, plenius continetur²:

Indulgentia
Portianculae a
suspensis eximitur.

§ 1. Nos, cupientes, ut ecclesia S. Mariae Angelorum domus Ordinis fratrum Minorum S. Francisci de Observantiâ prope et extra muros civitatis Assisiensis congruis frequentetur honoribus, ad eamque christifideles eo libentius accedant, quo exinde spiritualibus gratis se uberius reffectos conspexerint:

Derogat contrariis.

§ 2. Tenore praesentium declaramus, mentis et intentionis nostrae minime fuisse nec esse sub praedictâ indulgentiarum suspensione indulgentiam utriusque sexus christifidelibus praedictam ecclesiam die secundâ mensis augusti a primis vespere usque ad occasum solis diei huiusmodi visitantibus et requisita pro eadem indulgentiâ consequenda peragentibus concessam comprehendere, prout minime comprehendimus, nec comprehensam esse in verbo Romani Pontificis attestamur. In contrarium facientibus non obstantibus quibuscumque.

Datum Romae, apud S. Mariam Maiorem, sub annulo Piscatoris, die xxxi iulii MDCXXIV, pontificatus nostri anno I.

Dat. die 31 iulii 1624, pontif. an. I.

¹ Lectionem corrige ut supra pag. 147 a (R. T.).

² Quas vide supra pag. 147 (R. T.).

LXXVIII.

Ne fratres Reformati Discalceati Sanctissimae Trinitatis Redemptionis Captivorum Hispaniae post emissam professionem, sub quovis praetextu, transeant ad alios quoscumque Ordines, etiam fratrum Minorum S. Francisci de Paula, excepto Carthusianorum Ordine.

Urbanus Papa VIII,
ad perpetuam rei memoriam.

Commissi nobis per abundantiam divinae gratiae pastoralis officii debitum postulat, ut ad ea mentis nostrae aciem sedulo intendamus, per quae regulares Ordines in Ecclesiâ Dei militantes felicioribus in dies proficiant incrementis.

Prooemium.

§ 1. Aliàs siquidem felicis recordationis Paulus Papa V praedecessor noster, prospero fratrum Ordinis Sanctissimae Trinitatis Redemptionis Captivorum Discalceatorum Reformatum nuncupatorum Congregationis Hispaniarum regimini consulere volens, inter alia statuit et ordinavit, quod nullus omnino tam fratrum quam donatorum dictae Congregationis, post emissam in eâ professionem huiusmodi, absque speciali pro tempore existentis Romani Pontificis licentiâ, certam tunc expressam mentionem faciente, ad moderatos, seu mitigatos, vel alios fratres, tam Sanctissimae Trinitatis Redemptionis Captivorum huiusmodi, quam aliorum quorumvis Ordinum, congregationum et religionum, etiam emissionis quarti voti, aut alio quocumque praetextu (Carthusianorum Ordine dumtaxat excepto) transire, seu se transferre, aut aliàs a dictâ Congregatione se subtrahere, seu ex eâ exire valeret, et aliàs, prout in ipsius Pauli praedecessoris in simili formâ Brevis sub die xviii augusti MDCXI expeditis litteris¹, qua-

Paulus V
prohibuit his
fratribus transi-
tum ad alios
quoscumque Or-
dines, Carthu-
sianorum Ordine
excepto, ab-
aque Romani
Pontificis licen-
tia.

¹ Non puto eas esse in Bullario (R. T.).

rum tenores praesentibus pro expressis haberi volumus, plenius continetur.

Urbanus huiusmodi prohibitionem confirmat, statutis contra inobedientes poenis.

§ 2. Nunc autem nos, maiori eorumdem fratrum quieti et augmento, feliciorique directioni peramplius consulere volentes, supplicationibus dilecti filii procuratoris generalis eiusdem congregationis nomine nobis super hoc humiliter porrectis inclinati, quod de cetero nullus fratrum praedictorum post emissam in dictâ Congregatione professionem, ut praefertur, et absque Romani Pontificis licentiâ praedictâ, ad alium quemcumque Ordinem Mendicantium et non Mendicantium, monachorum, seu Discalceatorum, aut aliarum quarumcumque religionum, tam erectarum quam erigendarum, etiam emissionis quarti voti, seu perfectioris et humilioris vitae praesumptione, aut strictioris regulae seu observantiae praetextu vel contemplatione, aut aliâ quantumvis iustâ et probabili aut legitimâ causâ, sub apostasiae et infamiae perpetuae notâ, ac excommunicationis latae sententiae poenâ, se transire audeat seu praesumat; excepto dumtaxat Ordine Carthusianorum, ut praefertur, quatenus ad illum transeundi licentiam a suis superioribus petierint et obtinuerint.

Qui secus egerint, ad suam Congregationem redire debeant.

§ 3. Et quicumque secus fecerit, cum primum desuper monitus fuerit, nullâ morâ aut excusatione et quacumque appellatione, etiam ad nos seu Sedem Apostolicam, interpositis, ad suam propriam Congregationem redire, et superiorum suorum correctioni se submittere omnino teneatur.

Poenae contra superiores regulares, qui eos non traderint.

§ 4. Praelati vero dictarum congregationum, ac aliorum Ordinum et religionum huiusmodi, ipsos sic translatos, seu fugitivos et apostatas, minime retinere, sed eos, etiamsi novam professionem regularem emisissent, sub privatione suorum officiorum, ac similis excommunicationis poenâ, suis superioribus, vel ab eis de-

putandis, id requirentibus et petentibus, statim absque iudicis ministerio tradere et consignare debeant, apostolicâ auctoritate, tenore praesentium, statuimus et ordinamus.

§ 5. Decernentes sic, et non aliter, per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Clausulae.

§ 6. Non obstantibus omnibus illis, quae in dictis litteris concessa sunt non obstande, ceterisque contrariis quibuscumque.

Derogatio contrariorum.

§ 7. Volumus autem, quod praesentium transumptis, etiam impressis, manu alicuius notarii publici subscriptis, et sigillo alicuius personae in dignitate ecclesiasticâ constitutae munitis, eadem prorsus fides adhibeatur, quae praesentibus adhiberetur, si forent exhibitae vel ostensae.

Fides danda transumptis.

Datum Romae, apud S. Mariam Maiorem, sub annulo Piscatoris, die IX augusti MDCXXIV pontificatus nostri anno I.

Dat. die 9 augusti 1624, pontif. anno I.

LXXIX.

Facultas Lucae Antonio Virili commissario apostolico in dominiis ducis Urbini creandi notarios¹.

Dilecto filio magistro Lucae Antonio Virili, in utrâque signaturâ nostrâ referendario, Urbanus Papa VIII.

Dilecte fili, salutem et apostolicam benedictionem.

§ 1. Ut penuriae notariorum seu tabellionum apostolicâ auctoritate creatorum in Statu et ducatu Urbini viginti subvenire valeas, tibi, ut quoscumque viros vitâ, moribus, litteraturâ, aliisque qualitatibus

Facultas, de qua in rubrica.

¹ Ex Regest. in Secret. Brev.

ad officium notariatus, seu tabellionatus, exercendum requisitis habiles et idoneos, in notarios seu tabelliones publicos, recepto prius ab eis nostro et Romanae Ecclesiae nomine, fidelitatis debitae solito iuramento, cum facultate officium notariatus et tabellionatus huiusmodi in quacunque mundi parte exercendi, auctoritate nostrâ apostolicâ facere et creare libere et licite valeas, eâdem auctoritate, tenore praesentium, facultatem concedimus et impartimur.

Derogatio contrariariorum.

§ 2. Non obstantibus constitutionibus et ordinationibus apostolicis, ceterisque contrariis quibuscumque.

Datum Romae, apud S. Mariam Maiorem, sub anpulo Piscatoris, die IX augusti MDCXXIV pontificatus nostri anno II¹.

Dat. die 9 augusti 1624, pontif. anno II.

LXXX.

Beatificatio venerabilis servi Dei Iacobi de Marchia, Ordinis fratrum Minorum sancti Francisci de Observantiâ, unâ cum concessione celebrandi missam et officium de communi Confessorum non Pontificum in ecclesiâ dicti Ordinis, ubi corpus eius requiescit.

Urbanus Papa VIII,
ad futuram rei memoriam.

Prooemium.

In Sede Principis Apostolorum, nullis licet nostris suffragantibus meritis, a Domino constituti, piis fidelium votis libenter annuimus, eaque favoribus prosequimur opportunis.

Preces Pontifici exhibitae pro venerabilis Iacobi de Marchia beatificatione.

§ 1. Sane pro parte charissimi in Christo filii nostri Philippi Hispaniarum regis catholici, ac dilectorum filiorum cleri et populi civitatis Neapolitanae, necnon totius Ordinis fratrum Minorum sancti Fran-

¹ Eadem facultas concessa quoque fuit fratri Francischino a Cascia.

cisci de Observantiâ nuncupatorum, nobis nuper expositum fuit, quod bonae memoriae Iacobus de Marchia multis et eximiiis virtutum, gratiarum et miraculorum donis a Domino illustratus fuit; quapropter Philippus rex ac clerus et populus nec non ordo praedicti nobis humiliter supplicari fecerunt, ut donec canonizationis honor dicto Iacobo de Marchia, ob eius eximiam charitatem et excellentia merita, divinâ adspirante gratiâ, ab Apostolicâ Sede decernatur, idem Iacobus de Marchia Beatus nuncupari, atque officium de eo, ut infra, recitari possit.

§ 2. Quare nos, re prius per venerabiles fratres nostros sanctae Romanae Ecclesiae cardinales sacris ritibus praepositos, quibus eam examinandam mandavimus, mature discussâ, de eorundem cardinalium consilio, huiusmodi supplicationibus inclinati, ut ipse bonae memoriae Iacobus de Marchia Beatus nuncupari, atque officium et missa de eo tamquam de Confessore non Pontifice in ecclesiâ tantummodo sanctae Mariae della *Nova* nuncupatae, civitatis Neapolitanae, ubi corpus eiusdem requiescere asseritur, recitari et celebrari respective libere et licite possit et valeat, apostolicâ auctoritate, tenore praesentium, licentiam et facultatem concedimus et impertimur.

Qui petitio annuit iuxta indicata in rubrica.

§ 3. Non obstantibus constitutionibus et ordinationibus apostolicis, ceterisque contrariis quibuscumque.

Derogatio contrariariorum.

Datum Romae, apud S. Mariam Maiorem, sub annulo Piscatoris, die XII augusti MDCXXIV pontificatus nostri anno II.

Dat. die 12 augusti 1624, pontif. anno II.

LXXXI.

Indultum recitandi officium et celebrandi missam de beatâ Clara de Monte Falchio Ordinis Eremitarum S. Augustini

pro Ordinis praedicti fratribus et monialibus.

Urbanus Papa VIII,
ad futuram rei memoriam.

Exordium.

Domini nostri Iesu Christi, qui servos et ancillas suas aeternae gloriae praemio donat in coelis, vices quamquam immeriti gerentes in terris, ex iniuncto nobis pastoralis officii debito procurare tenemur, ut eorundem servorum et ancillarum Christi debita veneratio in dies magis promoveatur, et laudetur Dominus in Sanctis suis. Quamobrem fidelium quorumlibet, praesertim vero sub suavi religionis iugo Altissimo famulantium, votis, quae peculiarem Sanctorum huiusmodi cultum respiciunt, libenter annuimus, prout conspiciamus in Domino salubriter expedire.

Ordinis Eremitarum sancti Augustini preces.

§ 1. Sane, nomine dilectorum filiorum procuratoris generalis et fratrum Ordinis Eremitarum sancti Augustini nobis nuper expositum fuit, quod ipsi ex peculiari, quem erga beatam Claram de Monte Falchio, eiusdem Ordinis monialium, gerunt devotionis affectu, in cuius visceribus Passionis Domini Nostri Iesu Christi mysteria maximam cum devotione in vicinis incolis venerari asserunt, et ad augendam christifidelium erga illam devotionem, officium et missam de eadem beatâ Clara recitari et celebrari posse summopere desiderant; nobis propterea humiliter supplicari fecerunt, ut desuper opportune providere de benignitate apostolicâ dignaremur.

Institutum celebrandi missam et recitandi officium de beatâ Clara.

§ 2. Nos igitur, piis eorundem procuratoris et fratrum votis huiusmodi annuere, illosque specialibus favoribus et gratiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodati existunt, ad effe-

ctum praesentium duxtaxat consequendum, harum serie absolventes, et absolutos fore censentes, huiusmodi supplicationibus inclinati, de venerabilium fratrum nostrorum sanctae Romanae Ecclesiae cardinalium sacris ritibus praepositorum consilio, ut de dictâ beatâ Clara officium et missa de communi Virginum cum oratione propriâ in eiusdem Ordinis missalibus insertâ, ab omnibus Ordinis praedicti utriusque sexus regularibus personis tantum recitari et celebrari libere et licite possit et valeat, apostolicâ auctoritate, tenore praesentium, licentiam concedimus et impertimur.

§ 3. Non obstantibus constitutionibus et ordinationibus apostolicis, ceterisque contrariis quibuscunque. Derogatio contrariorum.

§ 4. Volumus autem, ut praesentium transumptis, etiam impressis, manu alicuius notarii publici subscriptis et sigillo personae in dignitate ecclesiasticâ constitutae munitis, eadem prorsus fides in iudicio et extra adhibeatur quae ipsis praesentibus adhiberetur, si forent exhibitae vel ostensae. Fides danda transumptis.

Datum Romae apud S. Mariam Maiorem, sub annulo Piscatoris, die XIV augusti MDCXXIV, pontificatus nostri anno I.

Dat. die 14 augusti 1624, pontif. an. II.

LXXXII.

Congregationi monachorum Caelestinarum Ordinis S. Benedicti communicantur gratiae et privilegia omnia Congregationi Cassinensi, aliisque monachorum congregationibus concessa et concedenda.

Urbanus Papa VIII,
ad perpetuam rei memoriam.

Sacrosancti apostolatus ministerium, Prooemium.
quod ineffabilis divitiarum sapientiae et

1 De statu dictae Congregationis Caelestinarum, vide Const. I Caelestini V, tom. IV, pag. 116.

scientiae Dei altitudo humilitati nostrae, nullis licet suffragantibus meritis, per abundantiam caelestis misericordiae credidit, iugiter nos admonet, ut inter multiplices, gravissimasque apostolicae servitutis curas, eam peculiari sollicitudine amplectamur, qua privilegia piis christifidelium congregationibus in militanti Ecclesiâ ad divini nominis laudem et gloriam, sanctaeque fidei catholicae exaltationem salubriter institutis, a Sede Apostolicâ concessa non solum conserventur, verum etiam congregationes ipsae novis ab eâdem Sede gratiis atque indultis decorentur, prout, rerum et temporum qualitatibus debite pensatis, conspiciamus in Domino salubriter expedire.

Atlantis ex-
mis monacho-
rum huiusce
Congregationis
meritis;

§ 1. Hinc est quod nos, ad uberes fructus, quos dilecti filii monachi Congregationis Caelestinorum Ordinis S. Benedicti, vel ab ipsius Congregationis primordio in eâdem Ecclesiâ magno cum reipublicae christianae spirituali commodo attulerunt, et in dies afferunt, paternae dirigentes considerationis intuitum, et attente prospicientes¹, quod Congregatio praedicta una ex duodecim extitit, quae cum camerâ apostolicâ tempore felicitis recordationis Pii Papae V praedecessoris nostri de subsidio ordinario concordarunt, necnon monachos praedictos specialibus favoribus et gratiis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum harum serie absolventes et absolutas fore censentes, motu proprio non ad abbatis seu procuratoris generalium, aut aliorum quorumcumque superiorum

Eisdem alia-
rum Congrega-
tionum, ac po-
tissimum Cassi-
nensis privile-
gia concedun-
tur.

vel monachorum eiusdem Congregationis, aut alterius pro eis nobis oblatae petitionis instantiam, sed ex certâ scientiâ ac maturâ deliberatione nostris, deque apostolicae potestatis plenitudine, omnia et singula privilegia, praerogativas, favores, facultates, declarationes, libertates, immunitates, exemptiones, praeeminentias, indulta, aliasque gratias, tam spirituales quam temporales, cuiusvis generis et speciei existentes, tam Cassinensi Ordini¹ S. Benedicti, quam quibusvis aliis monachorum congregationibus, eorumque superioribus, praesidentibus, abbatibus, monachis, aliisque regularibus personis, necnon ecclesiis, monasteriis et locis regularibus quibuscumque, tam specialiter et nominatim, quam in genere et per viam communicationis vel extensionis, aut aliâs quomodolibet, per Romanos Pontifices praedecessores nostros, seu nos et Sedem Apostolicam, eorumque et nostros de latere legatos et nuntios sufficienti ad id auctoritate suffultos, concessa, et in futurum per successores nostros aut alios auctoritatem habentes concedenda, et quibus ipsae congregationes, eorumque abbates, et alii quocumque nomine nuncupati superiores et monachi, ceteraeque personae regulares, de iure, usu, consuetudine, privilegio, aut concessione apostolicâ, in genere vel in specie, ac tam coniunctim quam divisim, seu aliâs quomodolibet utuntur, fruuntur, potiuntur et gaudent, ac uti, frui, potiri et gaudere possunt et poterunt quomodolibet in futurum, dummodo tamen sint in usu, et non sint revocata aut sub aliquibus revocationibus comprehensa, ac sacris canonibus et Concilii Tridentini decretis non adversentur, Congregationi Caelestinorum praedictae illiusque generali, ac ceteris abbatibus, prioribus et aliis quocumque nomine nun-

¹ Edit. Main. legit *prospiciente* (R. T.).

¹ Potius legendum *Ordinis* (R. T.).

cupatis superioribus, monachis et personis regularibus quibuscumque, necnon monasteriis, ecclesiis, domibus, conventibus et locis regularibus quibuscumque, tenore praesentium, perpetuo concedimus, dictaque privilegia, indulta, immunitates, exemptiones ac gratias spirituales et temporales huiusmodi primodictae Congregationi, illiusque generali, ceterisque abbatibus, prioribus, monachis et personis praedictis, necnon ecclesiis, monasteriis et regularibus locis communicamus, illaque ad eos et illa extendimus; ita quod Congregatio Caelestinorum praedicta, illiusque generalis, et ceteri abbates, superiores, monachi et personae huiusmodi, eorumque monasteria, prioratus, grangiae, domus, ecclesiae, oratoria, collegia et alia loca regularia, necnon res et bona quaecumque, praemissis omnibus et singulis, non solum ad aliarum congregationum instar, sed pariformiter, et aeque principaliter uti, potiri et gaudere libere et licite valeant, perinde ac si omnia illis et eorum singulis specialiter et expresse, et non ad instar, sed a principio concessa, et in primodictae Congregationis favorem a Sede Apostolica nominatim emanassent.

Clausulae.

§ 2. Decernentes, praesentes litteras nullo unquam tempore de subreptionis vel obreptionis aut nullitatis vitio, seu intentionis nostrae aut alio quopiam defectu, notari, impugnari, redargui, seu infringi, aut in ius vel controversiam revocari posse, sed eas semper et perpetuo validas, firmas et efficaces existere et fore, suosque plenarios et integros effectus sortiri et obtinere, ac Congregationi Caelestinorum huiusmodi, illiusque personis et locis regularibus supra expressis in omnibus et per omnia plenissime suffragari;

Decretum irritans addit.

§ 3. Sicque per quoscumque iudices ordinarios et delegatos, etiam causarum palatii apostolici auditores, ubique iudicari

et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

§ 4. Quocirca venerabilibus fratribus patriarchis, archiepiscopis et episcopis, aliisque locorum Ordinariis quibuscumque, necnon dilecto filio causarum curiae camerae apostolicae generali auditori, per praesentes committimus et mandamus, quatenus quilibet eorum, quandocumque, per se, vel alium, seu alios, praesentes litteras, et in eis contenta quaecumque, ubi et quando opus fuerit, ac quoties pro parte abbatis generalis et monachorum Congregationis Caelestinorum Ordinis sancti Benedicti praedictorum fuerint requisiti, solemniter publicantes, eisque in praemissis efficaciae defensionis praesidio assistentes, faciant auctoritate nostrâ eadem plenum eorum effectum sortiri, illisque omnes, quos concernunt, pacifice frui et gaudere; non permittentes, quemquam desuper contra praesentium tenorem, sub quovis praetextu et causâ, etiam defectu intentionis nostrae, per quoscumque quomodolibet indebite molestari; quinimo quicquid in contrarium attentari vel fieri contingeret, omnino semper in pristinum reponi; contradictores quoslibet et rebelles etiam per quascumque, de quibusvis eis videbitur, censuras et poenas ecclesiasticas, ac alia opportuna iuris et facti remedia, appellatione postpositâ, compescendo, legitimisque super his habendis servatis processibus, censuras et poenas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis.

Iudices conservatores dall.

§ 5. Non obstantibus praemissis, ac pia memoriae Bonifacii Papae VIII, etiam praedecessoris nostri, de unâ, et in concilio generali editâ de duabus dietis, dummodo ultra tres dictas aliquis auctoritate praesentium ad iudicium non trahatur, aliis-

Obstantia tolluntur.

que apostolicis constitutionibus, ordinationibus, ac Ordinum et congregationum huiusmodi statutis et consuetudinibus, etiam iuramento, confirmatione apostolica, vel quavis firmitate alia roboratis, privilegiis quoque, indultis et litteris apostolicis, sub quibuscumque tenoribus et formis, ac cum quibusvis etiam derogatoriis derogatoriis, aliisque efficacioribus, efficacissimis et insolitis clausulis, quomodolibet etiam pluries concessis, confirmatis et innovatis. Quibus omnibus (etiamsi pro illorum sufficienti derogatione de illis, eorumque totis tenoribus specialis, specifica, expressa et individua, ac de verbo ac verbum, non autem per clausulas generales idem importantes, mentio seu quævis alia expressio habenda aut aliqua alia exquisita forma ad hoc servanda foret, etiam quod in eis caveatur expresse, quod illis nullatenus, aut nonnisi sub certis modo et formâ derogari possit) tenores huiusmodi, ac si de verbo ad verbum, nihil penitus omisso, et formâ in illis traditâ observatâ, inserti forent, præsentibus pro sufficienter expressis et insertis habentes, hac vice dumtaxat specialiter et expresse derogamus, ceterisque contrariis quibuscumque: aut si aliquibus communiter vel divisim ab Apostolicâ sit Sede indultum, quod interdici, suspendi vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

Transumptis
danda fides.

§ 6. Verum, quia difficile foret, præsentibus litteras, ubicumque opus esset, deferri, volumus, et pari auctoritate decernimus, quod illarum transumptis, etiam impressis, manu alicuius notarii publici subscriptis, et sigillo personæ in dignitate ecclesiasticâ constitutæ munitis, eadem prorsus fides adhibeatur, quæ præsentibus adhiberetur, si forent exhibitæ, vel ostensæ.

Datum Romæ, apud S. Mariam Maiorem, sub annulo Piscatoris, die XIV augusti MDCXXIV, pontificatus nostri anno II.

Dat. die 14 augusti 1624, pontif. an. II.

Additur facultas iam a Paulo V concessa abbati generali eiusdem Congregationis eas faciendi functiones, quas alii abbates exempti facere consueverunt, habituque praelatorum regularium, et in monasteriis sui Ordinis pontificalibus indumentis utendi, ac missas solemniter celebrandi, etc.

*Paulus Papa V,
ad futuram rei memoriam.*

Ex iniuncto nobis apostolici muneris debito ius suum unicuique conservare tenemur.

Exordium.

§ 1. Proinde, cum, sicut pro parte dilecti filii Celsi Romani abbatis generalis Congregationis Caelestinorum Ordinis sancti Benedicti nobis nuper expositum fuit, ex antiquo privilegio apostolico a felicis recordationis Caelestino Papa V nimirum concesso, et ab Eugenio IV et aliis Romanis Pontificibus prædecessoribus nostris confirmato, pro tempore existens abbas generalis dictæ Congregationis Caelestinorum functiones omnes, quas ceteri omnes abbates exempti faciunt, et exercere, facere¹, necnon semper, tam in Urbe, quam in omnibus aliis civitatibus, et ubique locorum, habitum praelatorum regularium, caputium scilicet, sive mozzettam super mantelletto, et biretum quadratum, more clericorum secularium, ac pileum more praelatorum, ac in ecclesiis et monasteriis suo Ordini subiectis cappâ, baculo, mitrâ et ceteris pontificalibus indumentis uti, et in eisdem ecclesiis missas solemniter more aliorum abbatum Benedictinorum celebrare, ac monachis sui Ordinis et aliis christifidelibus quibuscumque ad dicti abbatis missas audiendas conve-

Caelestinus
Papa V abbatibus
huius Congregationis
indultum exercendi
pontificalia concessit.

¹ Heic deest saltem verbum *possunt* (R. T.).

Et subinde
Congregationem
rituum eum in
possessione ma-
nutenendum es-
se decrevit.

nientibus et interessentibus, quandocum-
que episcopi et alii superiores praelati,
et S. R. E. cardinales ibi praesentes non
sint, solemnem benedictionem impertiri
possit et consueverit¹; cumque in con-
gregatione venerabilium fratrum nostro-
rum S. R. E. cardinalium super sacris
ritibus et caeremoniis deputatorum, exa-
minatis privilegiis supradictis, decretum
semel atque iterum fuerit, praedictum
abbatem generalem Congregationis Caele-
stinorum pro tempore existentem in pa-
cificâ possessione omnium et singulorum
praemissorum manutenendum esse; illum-
que a quovis episcopo vel Ordinario locor-
um, aut eorum vicariis, et aliis quibus-
cumque personis, super praemissis mole-
stari, perturbari, vel inquietari non posse
declaratum fuerit; et cum, sicut eadem
expositio subiungebat, ipse Celsus abbas,
pro maiori eorundem decretorum vali-
ditate, cupiat illa confirmationis aposto-
licae robore communiri:

Haec omnia
confirmat Pau-
lus Papa V.

§ 2. Nos, illius honestis votis benigne
annuentes, ac ipsum Celsum abbatem spe-
cialibus favoribus et gratiis prosequi vo-
lentes, et a quibusvis excommunicationis,
suspensionis et interdicti, aliisque eccle-
siasticis sententiis, censuris et poenis, a
iure vel ab homine, quavis occasione vel
causâ latis, si quibus quomodolibet in-
nodatus existit, ad effectum praesentium
dumtaxat consequendum, harum serie ab-
solventes et absolutum fore censentes,
supplicationibus eius nomine super hoc
nobis humiliter porrectis inclinati, decreta
eiusdem Congregationis, auctoritate apo-
stolicâ, tenore praesentium, confirmantes
et approbantes, iuxta illorum seriem per
easdem praesentes decernimus et decla-
ramus, praedictum Celsum modernum
abbatem Congregationis Caelestinorum,
eiusque successores, stante antiquâ pos-

¹ Male edit. Main. habet *possint et consueve-
rint* (R. T.).

sessione dicti abbatis et praedecessorum
praedicta faciendi et exercendi, in pacificâ
possessione omnium et singulorum prae-
missorum manutenendum, ac manutenen-
dos esse, nec illos aut quempiam illorum
a quovis episcopo, vel Ordinario locorum,
aut eorum vicariis, et aliis quibuscum-
que personis, desuper quovis praetextu
molestari, perturbari vel inquietari nul-
latenus posse;

§ 3. Sicque per quoscumque iudices
ordinarios et delegatos, etiam causarum
palatii apostolici auditores, iudicari et
definiri debere, irritumque et inane quic-
quid secus super his a quoquam, quavis
auctoritate, scienter vel ignoranter, con-
tingerit attentari.

Classulae.

§ 4. Quocirca dilectis filiis nunc et pro
tempore existentibus eiusmodi Congrega-
tionis apud nos et Apostolicam Sedem
protectori et causarum curiae camerae
apostolicae generali auditori per praesen-
tes committimus et mandamus, quatenus
ipsi vel alter eorum praesentes litteras,
et in eis contenta quaecumque, ubi et
quando opus fuerit, et quoties pro parte
dicti Celsi moderni aut pro tempore exi-
stentis abbatis generalis dictae congrega-
tionis fuerint requisiti, solemniter publi-
cantes, ac ipsi abbati in praemissis efficacia
defensionis praesidio assistentes, faciant
auctoritate nostrâ illum eorundem prae-
missorum effectum pacifice frui et gaudere;
non permittentes illum desuper a quo-
quam quavis auctoritate quomodolibet in-
debite molestari; contradictores quoscum-
que per censuras et poenas ecclesiasticas,
aliaque opportuna iuris et facti remedia,
appellatione postpositâ, compescendo, in-
vocato etiam ad hoc, si opus fuerit, au-
xilium brachii secularis.

Exequutores
designat

§ 5. Non obstantibus felicis recordatio-
nis Bonifacii Papae VIII, etiam praedeces-
soris nostri, de unâ, et in concilio generali
editâ de duabus dietis, dummodo ultra

Derogatio
contrariorum.

tres dietas aliquis auctoritate praesentium ad iudicium non trahatur, aliisque apostolicis constitutionibus et ordinationibus, ceterisque contrariis quibuscumque.

Datum Romae, apud S. Petrum, sub annulo Piscatoris, die IX decembris MDCVI, pontificatus nostri anno II.

Dat. die 9 decembris 1606, pontif. anno II.

LXXXIII.

*Facultas nuncio Poloniae procedendi contra ecclesiasticos, ac etiam contra episcopos, et archiepiscopos, qui in regem Poloniae vel eius natos conspici-
raverunt¹.*

Venerabili fratri Ioanni Baptistae episcopo Nolano, nostro et Sedis Apostolicae in regno Poloniae nuncio,

Urbanus Papa VIII.

Venerabilis frater,
salutem et apostolicam benedictionem.

Causae con-
cedendae facul-
tatis.

§ 1. Ad audientiam nostram non sine animi nostri gravi perturbatione pervenit, nonnullos contra charissimi in Christo filii nostri Sigismundi Poloniae et Svetiae regis illustris et forsitan natorum eius personas coniurasse, atque huic coniurationi aliquos clericos, et forsitan in dignitate ecclesiastica constitutos, ac alias episcopali seu archiepiscopali dignitate praefulgentes nomen dedisse.

Facultas, de
qua in rubrica.

§ 2. Quapropter, huic malo, si verum sit, pro nostri pastoralis officii debito, quantum cum Domino possumus, obviam ire volentes, ac de tua fide, prudentia, integritate, doctrina et rerum experientia plurimum in Domino confisi, tibi contra omnes et singulas personas ecclesiasticas etiam in dignitate ecclesiastica constitutas, cuiuscumque status, ordinis et conditionis existentes, ac quocumque exemptionis et immunitatis, sive alio quovis privilegio suffultas, nobisque et Apostoli-

¹ Ex Regest. in Secret. Brev.

cae Sedi immediate subiectas, delictorum huiusmodi reas, earumque fautores, seu illis auxilium, consilium vel favorem, publice vel occulte, directe vel indirecte, quomodolibet praestantes, in regno Poloniae existentes, super praemissis omnibus et singulis inquirendi et procedendi, atque inquisitiones et processus fabricandi, quoscumque testes, etiam ecclesiasticos et regulares, ut praefertur, qualificados, examinandi, ipsosque ad perhibendum veritati testimonium sub censuris et poenis, aliisque opportunis iuris remediis cogendi et compellendi, ac tam eos quam reos repertos riguroso examini semel et pluries, iuris tamen ordine servato, submittendi, quatenus vero ex praemissis legitima et ita urgentia resultent indicia, ut animum tuum ad praemissa veritate niti credendum inducant, etiam contra episcopos et archiepiscopos pariter inquirendi et procedendi, eosque carcerandi, vel sub fida custodia detinendi, et contra eosdem usque ad sententiam diffinitivam exclusive deveniendi, aliaque omnia et singula in praemissis, et circa ea necessaria et quomodolibet opportuna, etiamsi talia sint vel fuerint, quae magis specialem, specificam et expressam requirerent commissionem, plenam, liberam et amplam facultatem, auctoritate apostolica, tenore praesentium, concedimus et impertimur.

§ 3. Volumus autem, ut si qua¹ contra episcopos et archiepiscopos praedictos resultaverint, ea, necnon informationes omnes contra eosdem episcopos vel archiepiscopos desuper sumendas, sub tuo sigillo clausa ad nos quamprimum diligenter transmittas, ut quod circa ea statuendum fuerit, maturâ consultatione adhibita, discernere valeamus.

Indicia contra archiepiscopos et episcopos iudicio Sedis Apostolicae reservanda.

§ 4. Non obstantibus felicis recordationis Bonifacii Papae VIII praedecessoris nostri de unâ, et concilii generalis de

Derogatio contrariorum.

¹ Edit. Main. habet si quae (n. r.).

duabus dietis, dummodo ultra tres dietas aliquis auctoritate praesentium ad iudicium non trahatur, aliisque constitutionibus et ordinationibus apostolicis, necnon iuramento, confirmatione apostolicâ, vel quavis firmitate aliâ roboratis statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et approbatis; quibus omnibus et singulis, eorum tenores praesentibus pro plene et sufficienter expressis ac de verbo ad verbum insertis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die xvii augusti MDCXXIV, pontificatus nostri anno ii.

Dat. die 17 augusti 1624, pontif. an. ii.

LXXXIV.

Adhortatio ad archiepiscopum Arborensem de erigendo seminario, residendo, atque ecclesiâ reparandâ¹.

**Venerabili fratri archiepiscopo Arborensi
Urbanus Papa VIII.**

**Venerabilis frater,
salutem et apostolicam benedictionem.**

§ 1. Accepimus nuper, fraternitatem tuam apud ecclesiam Arborensem, cui praesesse dignosceris, exiguo admodum temporis spatio residere, neque per tres annos, quibus illi praefuisti, seminarium ibi erexisti², minusque eandem ecclesiam restaurasse et illi de paramentis necessariis providisse.

§ 2. Quae licet pro nostrâ de te opinione non facile adducamur ut credamus, quinimmo te tuo muneri recte et diligenter, ut bonum et fidelem servum oportet,

¹ Ex Regest. in Secret. Brev.

² Videtur legendum *erexistisse* (H. T.).

satisfecisse nobis persuadeamus; tamen, ut quae muneris nostri sunt, implevisse coram Deo et hominibus appareat, facere non possumus, quin fraternitatem tuam paternè moneamus, et in Domino hortemur, ut posthac apud ecclesiam tuam praedictam in civitate Arborensi, et si aëris intemperies aestivo tempore id non permittat, in locis tuae dioecesis salubrioris caeli residere non negligas, seminarium erigas, eiusdem ecclesiae restorationi, sacristiae et sacrae suppellectili instruendae omnino incumbas, tibi quoque et universo gregi attendens, quae muneris tui sunt, desiderare non patiaris, sicut decreta sacri Concilii Tridentini requirunt, et pastorale officium tuum postulare non ignoras, quae te, et pro tuâ in nos et hanc sanctam Sedem observantiâ, et ne a supremo omnium iudice in reddendâ villicationis tuae ratione corripiaris, facturum non dubitamus.

Datum Romae, apud S. Mariam Maiorem, sub annulo Piscatoris, die xxvi augusti MDCXXIV, pontificatus nostri anno ii.

Dat. die 26 augusti 1624, pontif. anno ii.

LXXXV.

Revocatio quarumcumque licentiarum a praedecessoribus Pontificibus loca regularia erigendi, non servatâ formâ constitutionis Clementis VIII et decretorum Sedis Apostolicae, concessarum, quae nondum effectum suum sortitae sunt, ac prohibitio illa de cetero erigendi absque licentiâ Ordinariorum¹.

¹ Vide Bonifacii VIII cap. i de statu Regular. in 6^o et cap. i de excess. Praelat. in 6^o, et Concil. Trid., cap. III, sess. XXV, nec non Clem. VIII Const. CCCXXIII (in h. n. edit. CCCXX, tom. XI, pag. 21) et Const. LXX Gregor. XV *Cum aliis* (in h. n. edit. LXXII, tom. XII, pag. 719).

**Urbanus Papa VIII,
ad perpetuam rei memoriam.**

Prooemium.

Romanus Pontifex, cui Salvator et Dominus noster, qui charitas est et Deus pacis, universalis Ecclesiae credidit principatum, ea interdum, quae certis etiam rationalibus de causis a Sede Apostolica concessa sunt, ipsa subinde rerum experientia suadente, et maioribus ex causis, quibus praesertim personarum sub suavi religionis iugo Altissimo famulantium paci et quieti consulitur, litibusque ac controversiis inter eos obviam itur, revocat et immutat, in hisque pastoralis sollicitudinis et providentiae suae studium interponit, prout, rerum et temporum qualitatibus debite pensatis, conspicit in Domino salubriter expedire.

Revocantur
licentiae omnes
a Pontificibus
datae erigendi
conventus, etc.,
sine licentia Or-
dinariorum.

§ 1. Cum itaque, sicut nobis innotuit, complures licentiae sive facultates a nonnullis Romanis Pontificibus praedecessoribus nostris per diversos Ordinum, etiam Mendicantium, congregationum, societatum et aliorum regularium institutorum superiores, seu alios eorum nomine, ubique locorum monasteria, domos, collegia, conventus et alia loca regularia quovis nomine nuncupata, servata dumtaxat sacrorum canonum et Concilii Tridentini decretorum forma, de sola Ordinarii licentia, seu etiam forsitan non servata forma, et absque licentia huiusmodi, et contra decreta a Sede Apostolica super praemissis edita fundandi, erigendi et instituendi importunis precibus, seu etiam motu proprio, vel aliis obtentae et extortae fuerint: idcirco nos, omnes et quascumque licentias ac facultates huiusmodi, litterasque desuper, tam sub plumbo quam in huiusmodi forma Brevis, desuper expeditas, earumque tenores etiam veriores et data praesentibus, ac si specificè et sigillatim exprimerentur et insererentur, pro plene et sufficienter expressis et ad verbum insertis habentes, iustis de causis animum

nostrum moventibus, motu proprio, non ad alicuius nobis super hoc oblatae petitionis instantiam, sed ex certa scientia ac matura deliberatione nostris, deque apostolicae potestatis plenitudine, omnes et quascumque licentias et facultates huiusmodi, litterasque desuper, tam sub plumbo quam in eadem forma Brevis huiusmodi, expeditas, omniaque et singula in eis quomodolibet contenta et expressa, etiam quoad erectiones, fundationes et institutiones monasteriorum, collegiorum, domorum, conventuum et aliorum regularium locorum huiusmodi, quae suum nondum sortitae sunt effectum, tenore praesentium, perpetuo revocamus, cassamus, abrogamus et annullamus, viribusque et effectu prorsus evacuamus.

§ 2. Praeterea Ordinum, etiam Mendicantium, congregationum, societatum et aliorum institutorum regularium superioribus, quocumque nomine nuncupatis, ceterisque personis, ad quos spectat, in virtutae sanctae obedientiae, ac sub privationis vocis activae et passivae necnon officiorum quorumcumque, ac inhabilitatis ad illa seu alia in futurum obtinendis, ac etiam excommunicationis ipso facto incurrendis poenis interdicens et prohibemus, ne licentiarum seu facultatum, per nos, ut praefertur, revocatarum et annullatarum, sive alio quovis praetextu vel causa, etiam quantumvis privilegiata, nova monasteria, collegia, domos, conventus et alia loca regularia huiusmodi, nisi de expressa Ordinarii licentia, ac servata in omnibus et per omnia sacrorum canonum et Concilii Tridentini, necnon constitutionis felicitis recordationis Clementis VIII, quae incipit *Quoniam ad institutam*, sub datum Romae apud S. Marcum sub annulo Piscatoris die xxiii iulii mdciii, ac decretorum de mandato eiusdem Clementis ac sanctae memoriae Gregorii XV Romanorum Pontificum praedecessorum de-

hisque quemlibet illi posse cavetur non servata forma Constitutionum apostolicarum.

super editorum¹ formâ, recipere, erigere, fundare, seu aliâs quomodolibet instituere, seu incepta finire et absolvere audeant seu praesumant.

Clausalae
praeservativae.

§ 3. Decernentes, praesentes litteras, etiam ex eo quod causae, propter quas illae emanarint, expressae, verificatae et iustificatae, aut quicumque in praemissis interesse habentes, seu habere praetendentes, ad hoc vocati, citati et auditi non fuerint, neque illis consenserint, vel aliâs ex quocumque capite, praetextu, colore, ingenio vel causâ, de subreptionis, vel obreptionis, seu nullitatis vitio, aut intentionis nostrae, vel alio quovis defectu notari et impugnari, redargui, infringi, retractari, in ius vel controversiam vocari, ad terminos iuris reduci, aut contra eas quodvis gratiae vel iustitiae remedium impetrari seu concedi nullatenus posse, sed eas ac omnia et singula in eis contenta semper et perpetuo valida et firma et efficacia esse et fore, suosque plenarios et integros effectus sortiri et obtinere, ac omnibus et singulis, ad quos spectat et pro tempore quomodolibet spectabit, inviolabiliter observari, sicque et non aliter, per quoscumque iudices ordinarios et delegatos, etiam causarum palatii apostolici auditores, ac S. R. E. cardinales, etiam de latere legatos et nuntios, quavis auctoritate fungentes (sublatâ eis et eorum cuilibet quavis aliter iudicandi et interpretandi facultate et auctoritate) iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Exequutorum
huiusce Consti-
tutionis depu-
tatio.

§ 4. Quocirca venerabilibus fratribus patriarchis, archiepiscopis, episcopis et aliis locorum Ordinariis per praesentes committimus et mandamus, quatenus ipsi, vel duo, aut unus eorum, per se, vel alium, seu alios, praesentes litteras et in

eis contenta quaecumque solemniter publicantes, faciant illas et illa ab omnibus et singulis, ad quos spectat et pro tempore spectabit, inviolabiliter observari; contradictores quoslibet et rebelles per censuras et poenas ecclesiasticas, aliaque opportuna iuris et facti remedia, appellatione postpositâ, compescendo, invocato etiam ad hoc, si opus fuerit, auxilio brachii secularis.

§ 5. Non obstantibus praemissis, ac regula nostrâ de iure quaesito non tollendo et recolendae memoriae Bonifacii Papae VIII similiter praedecessoris nostri de unâ et in Concilio generali editâ de duabus dietis, dummodo ultra tres dietas aliquis auctoritate praesentium ad iudicium non trahatur, aliisque constitutionibus et ordinationibus apostolicis, ac quorumcumque ordinum, congregationum, societatum et institutorum regularium (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis, etiam *mare magnum* vel aliâs quomodolibet nuncupatis, et litteris apostolicis, illis, eorumque superioribus et personis, sub quibuscumque tenoribus et formis, ac cum quibusvis, etiam derogatoriis derogatoriis, aliisque efficacioribus et insolitis clausulis, ac irritantibus et aliis decretis, in genere vel in specie, etiam motu proprio et consistorialiter, ac aliâs in contrarium praemissorum quomodolibet concessis, confirmatis et saepius innovatis. Quibus omnibus et singulis, etiamsi pro illorum sufficienti derogatione de illis, eorumque totis tenoribus specialis, specifica, expressa et individua, ac de verbo ad verbum, non autem per clausulas generales idem importantes, mentio seu quaevis alia expressio habenda aut aliqua alia exquisita forma ad hoc servanda foret, eorum omnium tenores praesentibus, pro plene et sufficienter expressis, et ad verbum

Contraria tol-
luntur

¹ Quae omnia habes cit. in notâ ad rubr. (n.r.).

insertis habentes, illis alias in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Publicatio
Romae facta
omnes afficit.

§ 6. Volumus autem, quod eadem praesentes in valvis basilicarum S. Ioannis Lateranensis et Principis apostolorum de Urbe, ac in acie Campi Florae, ut moris est, affixae, omnes, quos illae concernunt, ita arceant et afficiant, perinde ac si unicuique personaliter intimatae fuissent,

Transumptio-
rum fides.

§ 7. Quodque earumdem praesentium transumptis, etiam impressis, manu notarii publici subscriptis, et sigillo personae in dignitate ecclesiastica constitutae munitis, eadem prorsus fides adhibeatur, quae praesentibus adhiberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die xxviii augusti mdcxxiv, pontificatus nostri anno ii.

Dat. die 28 augusti 1624, pontif. an. ii.

Anno mdcxxiv, indictione vii, pontificatus autem sanctissimi in Christo Patris et D. N. D. Urbani divina providentia Papae VIII, anno eius ii, die vero ultima mensis augusti, retroscriptae litterae apostolicae affixae et publicatae fuerunt ad valvas basilicarum S. Ioannis Lateranensis et Principis apostolorum, ac in acie Campi Florae, ut moris est, per nos Camillum Fundatum de Cesis et Iulium Marzittellium, praelibati SS. D. N. Papae cursores, etc.

BRANDIMARTES LATINUS
pro Mag. DD. Cursorum.

LXXXVI.

De regularibus apostatis et eieclis, ac de innovatione, declaratione et observantia generalium decretorum, quae Clemens VIII pro regularium refor-

matione, novitiorumque receptione edidit.

Decreta Sacrae Congregationis Concilii de regularibus apostatis et eieclis.

Sacra Congregatio cardinalium Concilii Tridentini interpretum, regularium eieclorum et fugitivorum statui consulere, illorumque scandala summovere, et succrescentem numerum frangere operae pretium existimans, auditis religionum superioribus, reque diligentissime perpensa, communicato etiam consilio cum sanctissimo Domino nostro Urbano VIII, atque ex peculiari Sanctitatis Suae facultate, infrascripta decreta edidit:

Causae haec
edendi decreta.

§ 1. Ac primo, ut infecta semina, e quibus pravi eiusmodi fructus potissimum produnt, deinceps ne serantur in vinea Domini, censuit esse innovandas, et Sanctissimi auctoritate innovat, constitutiones et decreta generalia sanctae memoriae Clementis VIII ad regularium reformationem, ad novitiorum receptionem, professionem atque institutionem spectantia¹, districteque praecipit generalibus, atque aliis omnibus Ordinum superioribus, ut illa exacte observent, atque ut observentur efficiant, sub poenis statutis in iisdem constitutionibus.

Sacra Congregatio Concilii innovat constitutionem Clementis VIII.

§ 2. A quibus tamen excipiendum censuit caput illud, quo decernitur, ne in conventibus, seu monasteriis ad novitios recipiendos hactenus designatis et approbatis, seu imposterum designandis et approbandis, novitii ad habitum ullatenus

Excepto capite de novitis per Ordinarios approbandis.

¹ Quoad apostatas et extra claustra religionum vagantes edita olim fuit a Paulo IV Const. xxiii relata in tom. vi, pag. 538, quae tamen ad terminos iuris reducta fuit a Pio IV in Const. iv relata in tom. vii, pag. 15 (R. T. ex Cherub.). Circa receptionem novitiorum vide etiam Constitut. cxii Sixti V *Cum de omnibus* in tom. viii, pag. 951 (R. T.).

² Huiusmodi decreta Clementis VIII subiiciuntur postea huic Urbani VIII Constitutioni (R. T.).

recipi possint, nisi prius a Congregatione Reformationis Apostolicae, vel a propriis locorum Ordinariis, expresse et nominatim approbati fuerint. A cuius quidem decreti observatione sacra Congregatio iustis de causis censuit regulares esse absolvendos, prout auctoritate Sanctissimi Domini nostri absolvit atque exemit.

De transseun-
tibus ad arctio-
rem.

§ 3. Deinde, ut apostatandi opportunitas regularibus praecripiatur, statuit, ut de cetero nullus permittatur ad arctiorem religionem transire, nisi prius superiori legitime constiterit, eam religionem paratam esse illum recipere qui licentiam petit: tumque regularis rectè se transferat ad arctiorem. Quod ut re ipsa adimpleatur, idem superior omni studio ac diligentia invigilet.

De fugitivis
et apostatis.

§ 4. Rursus statuit, ut fugitivi et apostatae, sive habitum regularem deferant, sive non, possint ac debeant ab episcopo loci, ubi moram trahunt, in carceres conici, superioribus regularibus consignari, secundum regularia instituta puniendi; utque ipsi quoque superiores teneantur eos perquirere, ad religionem reducere, atque efficere, ut apprehendantur; salvà tamen in omnibus facultate Ordinariis locorum attributà decreto Concilii cap. iii, sess. vi.

De redeuntibus.

§ 5. Quod si apostatae huius modi, citra montes infra quatuor, ultra montes vero infra octo menses, a praesentis decreti publicatione inchoandos, suà sponte ad suam quisque religionem redierint¹, tum poenarum omnium ipsis propter apostasiam inflictarum aut infligendarum remissionem atque impunitatem assequantur: ita tamen ut debeant a superiore absolutionem humiliter petere, et coram eo culpam fateri, atque emendationem polliceri: superior vero e contra benigne illos teneatur ab huiusmodi poenis absolvere, et paternà charitate complecti.

¹ Edit. Main. legit *redierit* (R. T.).

§ 6. Ad haec, ut imposterum a religionibus nullus legitime professus eiici possit nisi sit vere incorrigibilis; vere autem incorrigibilis minime censeatur, nisi non solum concurrant ea omnia, quae ad hoc ex iuris communis dispositione requiruntur (sublatis hac in parte statutis et constitutionibus cuiusque religionis et Ordinis, etiam a Sede Apostolica approbatis et confirmatis), verum etiam unius anni spatio in ieiunio et poenitentia probetur in carceribus; proindeque religio privatos habeat carceres in qualibet saltem provincia. Elapso autem anno, si nihilominus non resipuerit, sed animo indurato in suà pertinacià perseveraverit, ne contagione pestiferà plurimos perdat, tamquam pecus morbida ac membrum putre elici tandem possit, sed ab ipsomet generali tantum, de consilio et assensu sex patrum ex gravioribus religionis, eligendis in singulis capitulis vel congregationibus generalibus; tumque nonnisi instructo, secundum eorum stylum et constitutiones, processu, et plene probatis causis expulsionis ad sacrorum canonum praescriptum. Interea tamen usque ad primum generale capitulum seu congregationem proxime celebrandam, si quempiam ex iustis et necessariis causis expellere oportebit, eiectio fieri possit a generali cum consilio et assensu sex patrum, ut supra, quos idemmet generalis eligere debeat infra quatuor menses a praesentis decreti publicatione; servatà tamen in reliquis formà superius praescriptà.

§ 7. Sic vero eiecti, quamdiu non redierint ad religionem, in habitu clericali incedant, atque Ordinarii loci iurisdictioni et obedientiae subsint; proindeque generalis illico expulsionis sententiam eidem Ordinario notificare teneatur.

§ 8. Ceterum sacra Congregatio religionum superiores serio admonet, ac per Iesu Christi viscera obtestatur, ut

De incorrigibilibus, qui nonnisi praevio processu sunt eliciendi.

Eiecti subeuntur Ordinatio.

Superiores vero ad rehoquant intentionem, ut si resipiscant.

memores paternae charitatis et mansuetudinis, quam profitentur, nihil intentatum relinquunt, ut lucrentur animas fratrum suorum fere in profundum malorum delapsas, antequam gravissimum atque extremum expulsionis remedium experiantur: idque eo magis, quod subditorum sanguinem, qui ex malo negligentium et sui officii immemorum praelatorum regimine peribunt, Dominus noster Iesus Christus in supremo Dei iudicio de eorumdem praelatorum manibus sit requisiturus.

Eiectis testimoniales litterae non tradendae.

§ 9. Praeterea statuit, ut iidem superiores nemini ex religiosis expulsis litteras testimoniales concedant, illos ad Sedem Apostolicam reicientes, vel iubentes aliam ingredi religionem.

Qui suspensi sint ab exercitio Ordinum.

§ 10. Item, ut eiecti, extra religionem degentes, sint perpetuo suspensi ab exercitio ordinum, sublata Ordinariis locorum facultate dictam suspensionem relaxandi aut moderandi.

Renovatur Constitutio Gregorii IX.

§ 11. Ac postremo censuit esse innovandam et Suae Beatitudinis auctoritate innovat constitutionem felicitis recordationis Gregorii IX relata in c. *fin. extra de Regul.*; ac praeterea declarat eam constitutionem in iis quoque vindicare sibi locum, servandamque esse, qui iuste, definitive, ac iuris ordine servato expulsi fuerint; dummodo tamen in expulsis huiusmodi subsit spes evidens emendationis ex litteris saltem testimonialibus Ordinarii, cuius conscientiam in his litteris concedendis sacra Congregatio serio oneravit.

Clementis VIII Constitutio et haec decreta bis in anno in domibus regularibus legendae.

§ 12. Ne qua vero difficultas in superscriptis decretis et ordinationibus exequendis suborietur, sacra Congregatio, Sanctissimo Domino nostro annuente, atque approbante, universis generalibus, provincialibus, commissariis, ministris, praesidentibus, abbatibus, prioribus, praepo-

1 Edit. Main. legit quae (R. T.).

sitis, guardianis, vicariis et quibuscumque aliis superioribus quorumcumque Ordinum vel congregationum, monasteriorum, conventuum, collegiorum, domorum ac locorum regularium ubique locorum existentium iniungit, serioque mandat, ut illa diligenter observent atque observari procurent in omnibus coenobiis, ac monasteriis, collegiis, ac domibus quorumque monachorum ac regularium ubique locorum existentibus, efficiantque ut tam decreta supradicta felicitis recordationis Clementis VIII, quam praesentes ordinationes in singulis eiusmodi locis bis saltem in anno legantur in publica mensa.

Inobedientium poena.

§ 13. Si quis vero ipsorum adversus ea, quae superius praescripta sunt, vel eorum aliquid, quoquomodo facere vel moliri praesumpserit, ipso facto poenam incurrat privationis omnium officiorum, quae tunc obtinebit, vocisque activae et passivae, ac perpetuae inhabilitatis ad illa imposterum obtinenda; poenaeque huiusmodi sit Sanctitati Suae ac Sedi Apostolicae reservata, iisdem superioribus, etiam generalibus, et protectoribus illam moderandi seu relaxandi potestate penitus interdicta, et nihilominus sit irritum et inane quicquid secus a quoquam actum extiterit.

Derogatio contrariorum.

§ 14. Non obstantibus constitutionibus, et ordinationibus apostolicis in favorem quarumcumque personarum, atque Ordinum tam Mendicantium quam non Mendicantium, congregationum, monasteriorum, conventuum, domorum, ac locorum regularium quorumcumque, necnon illorum (etiam iuramento, confirmatione apostolica, vel quavis firmitate alia roboratis) statutis vel consuetudinibus, etiam immemorabilibus, exemptionibus quoque, indultis et privilegiis, etiam in corpore iuris clausis, aut ex causa, vel titulo oneroso, vel in limine foundationis concessis, etiam *mari magno*, seu *bullâ aureâ*, aut aliâs nuncupatis, sub quibuscumque

tenoribus et formis, et cum quibusvis, etiam derogatoriis derogatoriis, aliisque efficacioribus et insolitis clausulis, nec non irritantibus decretis, etiam motu proprio, et ex certâ scientiâ, ac de apostolicae potestatis plenitudine, aut aliâs quomodolibet, etiam per viam communicationis seu extensionis, concessis, et iteratis vicibus approbatis et innovatis, etiamsi, pro illorum sufficienti derogatione, de illis, eorumque totis tenoribus et formis specialis et individua ac de verbo ad verbum, non autem per clausulas generales idem importantes, mentio seu quaevis alia expressio habenda aut aliqua alia exquisita forma servanda esset; tenores huiusmodi, ac si de verbo ad verbum, nihil penitus omisso, et formâ in illis traditâ observatâ, inserti forent, praesentibus pro expressis habens, quibus quoad ea, quae supradictis quomodolibet adversantur, illis aliâs in suo robore permansuris, specialiter et expresse, Sanctitatis Suae auctoritate, derogat, ceterisque contrariis quibuscumque.

Dat. Romae, die XXI septembris MDCXXIV.

PROSPER FAGNANUS S. Congr. Secr.

*Subsequuntur supradicta
decreta generalia Clementis Papae VIII¹.*

Decretum primum.

De novitiis ad habitum regularem et professionem non admittendis, nisi in conventibus designandis².

Clemens Papa VIII.

Regularis disciplinae restitutioni, pro qua potissimum, iuxta nostri muneris debitum, laborare non desistimus, illud in

¹ Nonnulla huiusmodi decreta Clementis VIII iam habentur supra relata in tom. x nostrae editionis, uti indicabimus; tamen quia non omnia, neque integra ibi habentur, ideo illa iterum subiicienda hîc cum Cherubino et Coquelines censemus (R. T.).

² Istud iam habes in tom. x, pag. 769 b (R. T.).

primis magnum impedimentum afferre quotidiano usu compertum est, quod in omnibus conventibus, iis praesertim qui maiori reformatione indigent, singuli ad religionem venientes passim recipiuntur; unde fit, ut quo magis nos variis constitutionibus male affectas radices amputare studemus, eo magis in dies depravata, infructuosaque eiusmodi noviter profitentium germina succrescant. Cui quidem malo occurrere volentes, praesenti decreto statuimus, directeque³ praecipimus omnibus generalibus, provincialibus, commissariis, ministris, ceterisque superioribus conventuum intra Italiae et insularum adiacentium fines existentium quibuscumque, quorumcumque Ordinum⁴ Mendicantium, ut de cetero neminem sub quovis praetextu aut colore ad habitum regularem admittant, nisi in conventibus auctoritate nostrâ propediem in unâquaque provinciâ designandis. Insuper sancimus, ut quoad eiusdem conventus⁵, ut praefertur, per nos deputati non fuerint, omnes praefatorum Ordinum superiores a receptione quorumcumque novitiorum, sive ad habitum sive ad professionem, omnino abstineant. Superior, qui huius decreti transgressor extiterit, ipso facto poenam privationis omnium officiorum, quae tunc obtinebit, vocisque activae⁶, et perpetuae inhabilitatis ad alia imposterum obtinenda, se noverit incurrisse, ac aliis etiam poenis arbitrio nostro subiaceat. Receptiones vero et professiones⁷ quaslibet eorum, qui contra huiusmodi decretum nostrum admissi fuerint, nullas et irritas esse ex nunc

Decretum contra illam.

Facultas novitiis admittendi.

¹ Sic oēs edit.; at videtur legendum *districteque* sicut in tom. x, pag. 769 nostrae edit. (R. T.).

² Nescio an desit vocula *etiam*, prout videtur ex seq. decreto (R. T.).

³ Sic omnes edit.; ut videretur legendum *quoadusque iidem conventus*, (R. T.).

⁴ Nescio an addendum etiam *et passivae*, ut legitur in seq. decreto (R. T.).

⁵ Perperam ed. Main. habet *possessiones* (R. T.).

decernimus et declaramus, privilegiis, statutis et consuetudinibus quibuscumque in contrarium minime obstantibus.

Datum Romae, die XII martii MDXCVI.

Decretum secundum.

renovationis ¹

et ampliationis decreti praedicti.

De novitiis ad habitum regularem non recipiendis, nisi in monasteriis et locis designandis ².

Relatio praecedentis decreti.

Sanctissimus in Christo Pater et Dominus noster Dominus Clemens, divinâ providentiâ Papa VIII, cum iam dudum animadverteret collapsae regularis disciplinae restitutioni³, pro quâ potissimum, iuxta sui muneris debitum, vigilare ac laborare non desistit, illud in primis magnum impedimentum afferre, quod in omnibus monasteriis et conventibus, iisque praesertim, qui maiori indigent reformatione, singuli, ad religionem profitendam accedentes, passim ac sine delectu recipiuntur, ac inde fieri, ut quo magis variis constitutionibus male affectas radices evellere studet, eo magis infructuosa noviter profitentium germina quotidie succrescant; cunque, ob zelum ac desiderium, quo tenetur Sanctitas Sua, omnes regulares ad vetus suae cuiusque religionis institutum redigendi, districte prohibuerit, ne quis in certis monachorum et mendicantium Ordinibus ad suscipiendum habitum religionis admitteretur, profitereturve, quousque monasteria et conventus aliquot destinarentur, in quibus posset commodius regularis observantia, secundum reformationem a Sanctitate Suâ institutam, introduci: quia tamen, non obstante tali prohibitione cognovit, nonnullos fuisse, vel sub colore facultatis et licentiae a Sanctitate Suâ obtentae, vel quia talis

prohibitio ad illorum notitiam non pervenerit, receptos et admissos, praeter mentis suae sensum; idcirco huic malo prospicere volens, ne licentiarum ac facultatum huiusmodi subreptione ac praetextu decretum Sanctitatis Suae irritum reddatur, nunc denuo districte praecipit ac mandat omnibus generalibus, provincialibus, commissariis, ministris, praesidentibus, abbatibus, prioribus et guardiannis quibuscumque, ceterisque superioribus conventuum, monasteriorum ac domorum, quocumque nomine appellentur, intra Italiam et insularum adiacentium fines existentium, quorumcumque Ordinum Mendicantium et non Mendicantium (exceptis tamen Carthusianorum, fratrum Minorum de Strictiori Observantiâ, necnon Cappuccinorum sancti Francisci Reformatorum, sancti Dominici, Discalceatorum Ordinis Carmelitarum, necnon fratrum Congregationis Fuliensis, Cisterciensis Ordinis, ac Eremitarum eremi Camaldulensis et Montis Coronae, Clericorum Regularium Theatinorum, Societatis Iesu, sancti Pauli Decolati, et aliorum de Somascha, Ministrorum Infirmorum respective Ordinibus, societatibus seu congregationibus nuncupatis, quae etiam antea exceperat, et nunc iterum excipiendi voluit prohibitionem hanc ad illa nullo modo extendi), ne sub cuiusvis licentiae et facultatis impetrandae obtentu, nisi per litteras in formâ Brevis dumtaxat, et non aliâs, quemquam ad habitum regularem suscipiendum, nec etiam conversos, nisi in conventibus, monasteriis et domibus, auctoritate eiusdem SS. D. N. propediem in unaquâque provinciâ designandis, recipere, aut receptos ad professionem admittere ullo modo audeant. Quinimo contra primam prohibitionem Sanctitatis Suae receptos, etiamsi imperfectum habitum, aut sine caputio gerant, post praesentis decreti in Romanâ Curia publicationem, omnino eicere debeant.

Ampliatio decreti.

¹ Perperam edit. Main. dicit *revocationis* (R.T.).

² Istud habes etiam in tom. X, pag. 770 a (R.T.).

³ Perperam edit. Main. legit *restitutionibus*.

Poenae contra
transgressores.

Superiorem autem, qui huius decreti transgressor extiterit, ipso facto poenam privationis omnium officiorum, quae tunc obtinebit, vocis activae et passivae, et perpetuae inhabilitatis ad alia imposterum obtinenda, eo ipso incurrere voluit ac decrevit, et aliis etiam poenis arbitrio Sanctitatis suae imponendis subiacere.

Receptiones vero et professiones quilibet eorum, qui contra huiusmodi decretum admissi fuerint, nullas et irritas esse ad quemcumque effectum, ex nunc decernit et declarat.

Hoc autem decretum noluit Sanctitas Sua eos Ordines comprehendere, qui conventus, domus et monasteria a se probata pro novitiorum receptione et educatione hactenus permissione sua constituerint.

Certas¹ vero licentias² sive particulares, quae in hanc diem effectum non sunt sortitae, revocat et annullat.

Vult autem decretum hoc suum, in solitis locis Urbis publicatum, ita praedictorum singulos afficere, ac si cuilibet personaliter fuisset intimatum: privilegiis, statutis et constitutionibus quibuscumque in contrarium minime obstantibus.

Datum Romae, apud S. Marcum, die xx mensis iunii MDCXC.

Decreta alia.

Pro reformatione regularium, tam monachorum quam mendicantium, cuiuscumque Ordinis et instituti³.

Clemens Papa VIII.

§ 1. Nullus omnino, praetextu cuiuscumque privilegii vel superioritatis, etiam generalatus, a servitio chori censeatur immunis, nisi pro tempore, quo quis in proprii

¹ Videretur potius legendum *ceteras*, ut habet edit. Cherub. (R. T.).

² Nescio an addendum *sive generales* (R. T.).

³ Huiusmodi habes etiam in tom. x, pag. 37 b seq., sed ibi specialiter pro monachis S. Hieronymi de Observantiâ latum fuerat (R. T.).

officii munere actu fuerit occupatus. Cum lectoribus autem et praedicatoribus superiores iis tantum diebus, quibus eos legere aut praedicare contigerit, dispensare possint. Idem quoque praestare valeat cum aegrotis, et studiorum causâ legitime impeditis. In eos vero, qui negligentes aut inobedientes fuerint, salutari poenitentia superiores animadvertant ad praescriptum regulae et constitutionum, alimenti etiam, si opus fuerit, subtractione.

§ 2. Lectio sacrae Scripturae vel casuum conscientiae bis in hebdomadâ, praescriptis diebus, in singulis monasteriis et conventibus habeatur, ad quam fratres omnes conveniant, eaque absolutâ, mutuâ collatione circa explicatam doctrinam sese utiliter exerceant.

§ 3. Quo Tridentini Concilii decreta de paupertatis voto custodiendo fidelius observentur, praecipitur, ut nullus ex fratribus, etiamsi superior sit, bona mobilia vel immobilia, aut pecuniam, proventus, census, eleemosynas, sive ex concionibus, sive ex lectionibus, aut tam in propriâ ecclesiâ quam ubicumque celebrandis, aliove ipsorum iusto labore et quocumque nomine acquisita, etiamsi subsidia consanguineorum aut piorum largitiones, legata, aut donationes fuerint, tamquam propria, aut etiam nomine conventus possidere possit; sed ea omnia statim superiori tradantur, et conventui incorporentur, atque cum ceteris¹ illius bonis, redditibus, pecuniis ac proventus confundantur, quo communis inde victus et vestitus omnibus suppeditari possit.

§ 4. Neque superioribus, quicumque illi sint, ullo pacto liceat eisdem fratribus, aut eorum² alicui, bona stabilia, etiam ad usumfructum vel usum, administrationem

De lectione
sacrae Scripturae.

De paupertatis
voto.

De licentia
contra votum
paupertatis

¹ Edit. Main. habet *certis* (R. T.).

² Vocem *eorum* addimus ex loco parallelo et ex Cherub. edit. Rom.; generatim ed. Main. sequitur edit. Cherub. Lugdun. quae mendosa est (R. T.).

De chori servitio.

aut commendam, etiam depositi aut custodiae nomine, concedere:

§ 5. Eorum vero, quae ad necessitatem concessa erunt, nullus quicquam possideat ut proprium, neque ut proprio utatur:

§ 6. Qui in praemissorum aliquo deliquerit, poenas nedum a Concilio Tridentino praescriptas, sed alias quoque multo graviores, superiorum arbitrio imponendas, incurrat:

§ 7. Nulla quorumcumque superiorum dispensatio, nulla licentia, quantum ad bona immobilia vel mobilia, fratres excusare possit, quominus¹ culpa et poenae ab eisdem Concilii decretis impositae ipso facto incurrendae obnoxii, sint, etiamsi superiores asseverent, huiusmodi dispensationes aut licentias concedere posse: quibus in eâ re fidem minime adhiberi volumus.

§ 8. Fratrum vestitus et supellex cellarum ex communi pecuniâ comparatur, et omnino uniformis sit fratrum et quorumcumque superiorum, statuique paupertatis, quam professi sunt, conveniat: ita ut nihil superflui admittatur, nihil etiam, quod sit necessarium, alicui denegetur.

§ 9. Quaecumque fratrum vestes, sive laneae sive lineae, omnisque alia supellex in aliquem commodum conventus locum deferantur, ibique ab uno vel duobus fratribus huic muneri deputatis diligenter custodiantur, ut inde superioris arbitrio, prout unicuique opus fuerit, subministrari opportune possint.

§ 10. Omnes, etiam superiores, quicumque illi sint, eodem pane, eodem vino, eodemque obsonio, sive eadem (ut aiunt) pitantiâ, in communi mensâ primâ vel secundâ, nisi infirmitatis causâ impediti fuerint, vescantur, neque singulare aliquid, quo privatim quisque in cibum utatur, ullo modo afferri possit: si quis in eâ re peccaverit, nihil eâ die alimenti percipiat, nisi panem et aquam.

¹ Edit. Main. legit quo (R. T.).

§ 11. Superiores omnes, etiam generalis, qui redditus aut praestationes peculiares ratione officiorum habent, eorum accepta et expensa in libro distincto fideliter et diligenter adnotari curent, neque in alios usus, quam ratione officii sui necessarios, quicquam expendant. Cum vero contigerit, ipsos in aliquo conventu commorari, eam pecuniae quantitatem in commune conferant, ex qua sibi, et iis qui secum erunt, victus ad praescriptum regulae et constitutionum suppeditetur.

§ 12. Nullus ex superioribus locorum administrationem bonorum aut aliarum rerum, dispensationemque pecuniarum et reddituum sui conventus, etiam nomine conventus, per se ipsum habere sive exercere possit, sed universum id onus tribus fratribus eiusdem conventus a generali ita demandetur, ut unus rerum et bonorum, reddituumque colligendorum curam habeat; alter, tamquam depositarius, pecunias ac cetera ab illo collecta et exacta fideliter asservet; alius de pecuniis et rebus a depositario acceptis priori, fratribus ac conventui universo de necessariis, mandante tamen ipso priore, non secundum proprium affectum, sed iuxta charitatis regulam, veluti bonus dispensator provideat, officiorum huiusmodi confusione penitus interdictâ.

§ 13. Ceterum hi tres tam impensi quam accepti singulis mensibus superiori locali, adhibitis etiam duobus vel tribus fratribus eiusdem conventus probatoribus, rerumque usu peritis, rationem reddant: deinde ipsinet rursus, praesentibus priore et peritis praedictis, generali, cum advenerit: denique ipse generalis, in quolibet proximo capitulo generali, saltem coram tribus iudicibus ab ipso capitulo ad hoc constitutis, illorum omnium, universamque suae administrationis, tam publicae quam privatae, rationem reddere teneatur, cuius etiam exemplum authenticum ex actis ca-

De praestationibus ratione officii.

De bonorum administratione

De reddenda ratione.

De vestitu et suppellectili.

De cibis et potu.

pituli describatur, ad hoc, ut, ad omne mandatum nostrum vel Sedis Apostolicae, Romam transmitti possit.

De fratrum
numero.

§ 14. In unoquoque conventu fratrum is tantum deinceps constituatur, et posterum retineatur numerus, qui ex redditibus illius propriis, vel ex communibus consuetis, vel etiam singulorum elemosynis, aliisve quibuscumque obventionibus, in commune, ut praefertur, conferendis, commode possit sustentari: redditus vero et supradicta omnia in communi loco ac tuto diligenter asserventur.

Superiores ne
aliter declarent.

§ 15. Superioribus autem, ne Concilii Tridentini aut haec nostra decreta declarare, interpretari aut relaxare ullo modo possint, omnino interdiciamus et prohibemus: decernentes irritum, etc. Si quis autem contra praesumpserit attentare, is eo ipso omni gradu officioque privatus, et ad ea perpetuo inhabilis existat.

De privilegiis.

§ 16. Nullus, nisi actu legat vel praedicet, aliquo sui gradus privilegio gaudeat.

De socio

§ 17. Si alicui ex necessariâ causâ generalis iudicio probandâ socius ex eodem Ordine, qui illi ministret, concedendus erit, is nisi vigesimumquintum agat annum, et qui communi servitio sit deputatus, non concedatur, et, si commode fieri potest, sit laicus conversus.

De clausura.

§ 18. Ut omnis scandalorum et vagationis occasio tollatur, conventus clausura perpetuo ac diligenter servetur: propterea a superiore ianitor constituatur, qui diligentia ac morum integritate maxime commendetur: is ianuae custodiendae semper assistat, eamque nemini fratrum aperiat, nisi socium et exeundi licentiam obtinuerit.

§ 19. Nullus a conventu egredi audeat, nisi ex causâ, et cum socio, licentiâque singulis vicibus impetratâ, ac benedictione acceptâ a superiore, qui non aliter eam concedat, nisi causâ probatâ, sociumque exituro adiungat, non petentis rogatu, sed arbitrio suo, neque eundem saepius. Li-

centiae vero generales exeundi nulli omnino concedantur.

§ 20. Contravenientes autem poenâ gravi etiam carceris ad superioris arbitrium plectantur: eandem etiam ianitor subeat, si, sciens, exeundi facultatem fecerit.

§ 21. Cum autem quis in conventum revertitur, superiorem iterum adibit, benedictionem recepturus, qui a socio itineris rationem, et quid rei actum sit, diligenter perquirat.

§ 22. Nullos fratres Romam venire superiores permittant, nisi prius a generali vel protectore dumtaxat licentiam in scriptis impetraverint.

Romam ire
prohibitum sine
licentia.

§ 23. Si quis autem sine huiusmodi facultate Romam venire praesumpserit, voce activâ et passivâ biennio privatus existat, subiturus etiam alias arbitratu superiorum infligendas poenas. Quae item omnia adversus eos, qui supradictos admiserint et receperint, sine ullâ exemptione locum habeant.

§ 24. Habeat superior clavem, ita fabricatam, ut cum sibi videbitur, cellas omnes reserare possit: et propterea nullus cellam, etiam noctu, ita claudat, quin semper a superiore possit aperiri.

De cellarum
et dormitorii
ratione.

§ 25. In medio dormitorii totam noctem lampas colluceat.

§ 26. Nullus, etiam superior, cellas, sive in claustro, sive alibi separatas a communi dormitorio habeat, sed unusquisque unicâ cellâ, eadem cum ceteris aliorum fratrum coniunctâ, nudis omnino parietibus, ac lecto et mensâ humilibus, uniformique suppellectili, ut praefertur, quemadmodum religiosos decet, contentus sit. Possit tamen generalis alicui ex superioribus conventuum, si eorum muneris et officii necessitatem id exigere cognoverit, alteram etiam cellam concedere.

§ 27. Cellae, sive aediculae, quae extra dormitorium separatim sunt, ad offi-

1 Aptius in loco parall. est eademque (R. T.).

cinas, aut alias ad communem usum et commoditatem conventus redigantur.

§ 28. Singillatim suo quisque lecto cubet, neque ullibi duo eodem lecto dormire possint, qui omnes ad certam formam redigendi erunt.

§ 29. In privatis cellis nulli camini permittantur, sed omnes destruantur statim, cardinibus etiam e parietibus convulsis, ut res illa non ad tempus facta, sed perpetuo duratura videatur; cellis tamen generalis aut alterius superioris ac praedicatoris exceptis.

§ 30. Conventus fenestrae omnes, quae in vias publicas, aut in vicinas laicorum aedes prospiciunt, muro ita obstruantur, ut omnino is prospectus impediatur.

Infirmorum
cura.

§ 31. Valetudinarium in singulis conventibus certo ac salubriori loco constituitur, quod pro loci situ, ac fratrum numero, quoad fieri poterit, commodissimum esse possit, in quo fratres omnes, cum aegrotabunt, curentur, nec inde, nisi recuperata sanitate, abire permittantur. Qui vero infirmorum curae praepositi sunt, omni sedulitate ac charitate operam suam praestabunt ac curabunt, ne quid aegrotis omnino desit, quod ad sanitatem recuperandam pertineat.

Extra conventum
degeri prohibetur.

§ 32. Ineatur ratio, qua, sublati licentiis ac facultatibus hactenus quibuscunque concessis, degentes extra conventus claustra ad ea quamprimum revocentur, nec de cetero, nisi ex gravissima causa a Sede Apostolica probanda, huiusmodi facultates concedi possint.

Non ubique
novit recipiendi.

§ 33. Nulli imposterum ad habitum aut professionem admittantur, nisi in conventibus per Sedem Apostolicam in qualibet provincia deputatis.

De muneribus
et hospitalitate.

§ 34. Curent superiores, ut constitutio interdicens largitiones munerum, et praescribens hospitalitatis formam, ab omnibus in quolibet conventu inviolabiliter observetur.

§ 35. Ut omnis officiorum ambitus occasio pracludatur, caveant omnes a directa vel indirecta vocatione seu suffragiorum procuracione, tam pro se ipsis, quam pro aliis, tum in capitulis locorum, tum in ceteris, praesertim generalibus, capitulis aut congregationibus, seu alibi. Quicumque secus fecerint, praeter alias poenas et censuras hactenus contra huiusmodi ambientes inflictas, quas in suo robore permanere volumus, in poenam privationis officiorum, quae obtinent, eo ipso incidant, et ad futura quaecumque pariter inhabiles habeantur (super quo cum eis dispensari a nemine possit, nisi a nobis, vel successoribus nostris), et pro qualitate culparum gravius etiam plectantur. Porro supradictas omnes poenas ad complices, ac simpliciter scientes et non revelantes extendimus.

De ambitu.

§ 36. In superiorum et officialium omnium electionibus forma praescripta a sacro Concilio Tridentino et Ordinis constitutionibus inviolabiliter servetur¹, iurentque electores, secundum veritatem cuiusque conscientiae probiores ac magis idoneos se electuros; ac propterea, priusquam ad electionem deveniatur, in primis et ante omnia praelegantur constitutiones de qualitate et requisitis eligendorum. Ad officia, gradus et praelaturas illi praecipue eligantur, qui possint et consueverint regulas Ordinis et constitutiones observare, praesertim quae pertinent ad servitium chori, ac vestitum et victum communem.

De electionibus.

§ 37. Eligantur in capitulo generali vel provinciali aliquot graves et periti ex fratribus cuiuslibet provinciae saltem tres, qui admittendos ad praedicationem verbi Dei vel audiendas confessiones, etiam ipsorum fratrum, ac lectores publicos diligenter simul examinent, priusquam probentur et ad huiusmodi ministeria admittantur.

Examinatores deputentur.

¹ Edit. Main. habet *serventur* (R. T.).

Horum etiam curae sit examinare et probare, tam quoad doctrinam, quam quoad mores, promovendos ad quoscumque ordines, in quo servetur decretum Congregationis interpretum sacri Concilii Tridentini hac de causâ nuper editum et promulgatum.

Ad superiores
hortatio

§ 38. Illud porro superiores omnes in Domino admonemus, ut memores sint rationis, quam in novissimo die reddituri sunt pro grege sibi commisso; ac propterea omni studio invigilent, ut quae in eorundem Ordinum regulis et constitutionibus de oratione mentali, silentio et ieiuniis, capitulo culparum, aliisque spiritualibus exercitiis prudenter ac pie sancita sunt, ea omnia et singula ad unguem observentur; intelligantque super his veluti fundamentis omnium religionum aedificia construenda et amplianda esse, quae ut faciliorem exitum sortiantur, et fructus uberiores in animis fratrum producant, valde opportunum erit, si in quolibet conventu, singulis hebdomadis, habeatur sermo de religiosâ disciplinâ, regularique observantiâ.

De ordine diet.

§ 39. Quo vero omnia ordinate peragantur, appendatur tabella in loco conspicuo uniuscuiusque conventus, in qua distincte adnotetur, quid singulis horis cuiusque diei quilibet frater praestare debeat, ut certo quoque signo praemonitus maiore animi praeparatione suo muneri satisfacere possit. Quae Ordinis constitutiones his decretis non adversantur, in violate custodiendae erunt.

Poenae

§ 40. Quibus horum decretorum capitibus certa poena praescripta non est, arbitrio generalis vel alterius immediati superioris infligatur. Ut autem haec decreta (donec alia, quae pleniorum reformationem facient, edantur) ab omnibus observari possint, districte praecipimus generalibus, ac omnibus aliis quibuscumque superioribus, ad quos hoc spectat, ut curent

ac efficiant, ea omnia inter eorundem constitutiones perpetuo valituras redigi, interdictâ omnino eorum singulis facultate illas declarandi, et adversus eas unquam dispensandi. Alioquin sciant, se in poenam generalatus et officiorum privationis, ac inhabilitatis perpetuae ad alia quoque munera, ipso facto et sine ullâ exceptione respective incidisse.

Publicatio.

§ 41. Ne¹ vero praetextu dilatae publicationis eorum observatio quoquomodo differri possit, aut impediri, volumus, ut post illorum publicationem in conventu vel monasterio cuiuslibet Ordinis de Urbe factam, generalem, aliosque Ordinum superiores, ceterosque quoscumque fratres, praesentes statim, reliquos vero absentes, citra montes, unius mensis, ultra montes, trium mensium spatio, ita arceant, ac si eorum singulis personaliter intimata fuissent.

§ 42. Insuper mandamus, quod generales, in conventibus citra montes, unius mensis, ultra vero montes, trium mensium cursu, decreta supradicta publicari faciant, sub poenâ privationis generalatus, aliisque arbitrio nostro imponendis.

Datum Romae, apud S. Petrum, die xxv mensis iunii MDXCIX².

Aliud decretum.

De licentiâ obtinendâ a fratribus Romam venientibus³.

Decretum illud, quo fratres Romam petere cum generalis et protectoris licentiâ duntaxat permissum est, Sanctitas Sua extendi ad provincialem decrevit: ita ut provincialis ipse, ex causâ communi totius provinciae duntaxat, facultatem hu-

Talem licentiam dare possit provincialis.

¹ Duae sequentes § in loco parâllelo non leguntur (R. T.).

² Prima vice, ut in tom. x loc. cit., decretum datum fuit xxiv aprilis MDXCIII (R. T.).

³ Istud non legebatur in *Bullario* (R. T.).

iusmodi facere valeat: declaravitque poenam privationis vocis activae et passivae, contrafacientibus inflictam, Sanctitati Suae reservatam esse: interdicta omnino eorum superioribus singulis, etiam generali ac protectori, facultate illam moderandi ac relaxandi.

Datum Romae, die x martii MDCI.

Aliud decretum.

Super casuum reservatione ab omnibus Regularium Superioribus observandum.

Causa decreti.

Sanctissimus Dominus noster, qui iam pridem accurate perpendit, ac re ipsa comperit, quod reservatio facultatis absolventi religiosos poenitentes a peccatis quibusdam gravioribus, nisi superiores¹ admodum prudenter ac moderate illa utantur, nonnullos infirmiores, qui interdum superiori suo conscientiae maculas detegere formidant, adducere posset in aeternae damnationis periculum, et spiritualis remedii desperationem;

Superiores non reservent nisi casus infra scriptos.

§ 1. Ideo, ut huic malo Sanctitas Sua opportune prospiceret, decrevit, ut nemo ex regularium superioribus peccatorum absolutiones sibi reservet, exceptis iis quae sequuntur, aut omnibus, aut eorum aliquot, prout subditorum utilitati expedire prudenter in Domino iudicaverint.

Casus reservandi.

1. Veneficia, incantationes, sortilegia;
2. Apostasia a religione, sive habitu dimisso, sive retento, quando eo pervenerit, ut extra septa monasterii seu conventus fiat egressio; Nocturna ac furtiva e monasterio seu conventu egressio, etiam non animo apostatandi facta;

3. Proprietas contra votum paupertatis, quae sit peccatum mortale; Iuramentum falsum in iudicio regulari seu legitimo;

¹ Istud quoque deerat (R. T.).

² Perperam, ut puto, editiones omnes legunt superioribus (R. T.).

4. Procuratio, auxilium, seu consilium ad abortum faciendum post animatum foetum, etiam effectu non sequuto;

5. Falsificatio manus aut sigilli officium monasterii aut conventus; Furtum de rebus monasterii seu conventus in ea quantitate, quae sit peccatum mortale;

6. Lapsus carnis voluntarius opere consummatus;

7. Occasio, aut vulneratio, seu gravis percussio cuiuscumque personae;

8. Malitiosum impedimentum, aut retardatio, aut aperitio litterarum a superioribus ad inferiores, et ab inferioribus ad superiores;

9. Si quod aliud praeterea peccatum grave pro religionis conservatione aut pro conscientiae puritate reservandum videbitur, id non aliter fiat, quam generalis capituli in toto Ordine, aut provincialis in provincia, maturâ discussione et consensu.

§ 2. Non liceat superioribus regularium confessiones subditorum audire, nisi quando peccatum aliquod reservatum admiserint, aut ipsimet subditi sponte ac proprio motu id ab iis petierint.

Non ipsi subditorum confessiones audiant.

§ 3. Superiores in singulis domibus deputent duos, tres aut plures confessarios pro subditorum numero maiori vel minori, iique sint docti, prudentes ac charitate praediti, qui a non reservatis eos absolvant, et quibus etiam reservatorum absolutio committatur, quando casus occurrerit, in quo eam debere committi ipse in primis confessarius iudicaverit.

Sed alios confessarios deputent.

§ 4. Tam superiores pro tempore existentes, quam confessarii, qui ad superioritatis gradum fuerint promoti, caveant diligentissime ne ea notitia, quam de aliorum peccatis in confessione habuerunt, ad exteriorem gubernationem utantur.

Confessionis secretum.

§ 5. Licebit tamen superioribus determinare poenitentias graves quibusdam peccatis, etiam non reservatis, a confessariis

Poenitentiae.

imponendas, quae subditos ab huiusmodi perpetrandis cohibere possint.

Clausulae.

§.6. Atque ita per quoscumque regularium superiores, quicumque illi sint, observari mandavit.

§ 7. Non obstantibus constitutionibus et ordinationibus apostolicis, ac cuiusvis concilii, etiam generalis¹, decretis, necnon consuetudinibus, etiam ab immemorabili tempore observatis, aut regulis, in generalibus seu provincialibus capitulis editis, statutis et constitutionibus, etiam apostolicâ auctoritate confirmatis, privilegiis, indultis et concessionibus quorumcumque, quorum tenores hic pro expressis haberi voluit, ceterisque in contrarium facientibus quibuscumque.

Datum Romae, apud S. Petrum, die xxvi mensis maii anno Domini MDXCIII.

Quoniam casu
reservatio cas-
sal.

Sanctitas Sua deinceps declaravit, et declarat, ut si huiusmodi regularium confessorum casus alicuius reservati facultatem petentibus superior dare noluerit, possint nihilominus confessorum illâ vice poenitentes regulares, etiam non obtentâ a superiore facultate, absolvere.

Decretum aliud.

De formulâ concedendi facultatem pro novitiis ad regularem habitum recipiendis in monasteriis et locis designatis².

Decreta prae-
cedentia reco-
luntur.

Sanctissimus in Christo Pater D. N. D. Clemens, divinâ providentiâ Papa VIII, cum regularem disciplinam restituere, atque in pristinum statum revocare maxime cuperet, regularesque omnes vitam, moresque suos ad rationem eius instituti, quod quisque professus esset, ita componere, ut quae ad votorum vim, habitum,

¹ Sic legimus cum edit. Cherub. Rom. male edit. Main. legit *generalibus* (R. T.).

² Et istud in *Bullario* non legebatur (R. T.).

victimumque communem pertinent, ea potissimum singuli religiosissime observarent, generali decreto, quod de mense iunii¹ editum, tertiâ iulii anni MDXCIX promulgatum fuit, Ordinum religiosorum superioribus (nonnullis exceptis) prohibuit, ne aut novitios reciperent, aut quemquam ad professionem ante admitterent, quam a Sanctitate Suâ monasteria aliquot ad eam rem praescripta essent, in quibus observantia regularis vigeret.

Monasterio-
rum designatio.

Nunc vero eadem Sanctitas Sua a locorum etiam Ordinariis, quibus id munus demandaverat, certior facta in² infrascriptis monasteriis et conventibus Ordinis N. praefinitum esse numerum dumtaxat eorum, qui vel ipsius monasterii censibus, vel consuetis elemosynis sustentari ibi commode possunt, atque in iis omnia fideliter observari, quae sunt cum illorum professionis perfectione coniuncta, nempe castitatis, paupertatis et obedientiae vota, unâ cum ceteris decretis particularibus, vel instituti ipsius, vel pontificis etiam, ad victum, vestitumque communem spectantibus, ipso decreto, ut supra, edito et promulgato nequaquam obstante, potestatem facit superiori eiusdem Ordinis novitiatus in infrascriptis monasteriis et conventibus erigendi, et novitios recipiendi, educandi atque ad professionem admittendi, modo tamen id ad praescriptum instructionis iussu Suae Sanctitatis editum³, neque alio modo fiat. Quoniam vero ea est Suae Sanctitatis mens et voluntas, ut in monasteriis et conventibus, ad alendos novitios praefinitis, regularis observantia perpetuo retineatur, mandat et praecipit,

¹ Sic legimus ex edit. Cherub. Rom.; et revera decretum, supra relatum pag. 206, datum fuit die 20 iunii, quod postea, ut hic dicitur, fuit tertiâ iulii promulgatum. Erronee itaque edit. Main. hic legit *iulii* (R. T.).

² Praep. in nos addimus (R. T.).

³ Videtur potius legendum *editae* (R. T.).

ut in ipsis praescriptus iam personarum numerus in posterum servetur, nullusque omnino superior cuiusvis conditionis personarum et novitiorum numerum augere praesumat; eā poenā propositā, ut in omnibus privatus officiis, vocis activae et passivae ius omne amittat. Vult denique Sanctitas Sua, huiusmodi facultatem per Congregationem Reformationis Apostolicae hoc decreto Secretarii manu subscripto concedi, non obstante decreto, ut supra, promulgato.

Datum Romae, die, etc. Praescribitur vero numerus sacerdotum . . . , clericorum . . . , novitiorum . . . , conversorum autem. . .

N. Visitationis et Reformationis
Apostolicae Secretarius.

Decretum aliud.

*Super formā recipiendi novitios
regularium ad habitum et professionem¹.*

Decreta anteacta.

Sanctissimus in Christo Pater et Dominus Noster Dominus Clemens divinā providentiā Papa VIII (qui aliās, pro regularis disciplinae restitutione, singulis regularium Ordinibus, quibusdam exceptis, prohibuit, ne ad regularem habitum novitios imposterum reciperent, receptosve ad professionem admitterent, quousque in aliquibus cuiusvis Ordinis monasteriis seu conventibus, in quibus novitiatus pro recipiendis et educandis novitiis designarentur et approbarentur, ad eius, quam professi sunt, regulae praescriptum, vitam, moresque restituerent et componerent²) certior deinde factus, quosdam omnium fere Ordinum conventus seu monasteria ad pristinam illam regularem vivendi formam et disciplinam, quam diutius desideraverat, fuisse redacta, in eisdem monasteriis et

conventibus, ut novitiatus erigi et novitii recipi possent (sub certis tamen legibus, ac eā praesertim, ut licentia a Congregatione Reformationis Apostolicae prius obtenta esset), concessit, et ad illa designavit et approbavit³.

Nunc volens, ut ea, quae pro novitiorum receptione de mandato Sanctitatis Suae praescripta fuerunt, imposterum accuratius et exactius observentur (ultra formam traditam in constitutionibus felicis recordationis Sixti Papae V⁴, et etiam Sanctitatis Suae super receptione novitiorum) decrevit, ac praesentis decreti virtute mandat⁵, ne in conventibus seu monasteriis (ad novitios recipiendos de Sanctitatis Suae seu dictae Congregationis Reformationis licentiā hactenus designatis et approbatis, seu imposterum⁶ designandis et approbandis)

Novitii ad habitum recipi nullatenus⁷ possint vel admitti, nisi prius ab ipsā Congregatione, vel a propriis locorum Ordinariis, aut ab illis, in quorum dioecesi novitiatus existunt in quibus novitii recipiendi fuerint, expresse et nominatim novitii ipsi recipiendi approbati fuerint, et ut recipi et admitti possint licentiam in scriptis (gratis tamen in omnibus etiam quoad scripturam concedendam) obtinuerint. Monet autem Sanctitas Sua eosdem Ordinarios omnem curam et diligentiam adhibere, ut circa aetatem, conditionem, educationem, scientiam, vitam et mores, ceterasque qualitates in ipsis novitiis requisitas, observentur institutiones pro illis recipiendis ab eadem Congregatione Reformationis factae et pu-

Conditiones servandae.

¹ Id in decreto proxime praecedenti, pag. 213 (R. T.).

² Vide notam ad rubricam, sup. pag. 202 (R. T.).

³ In edit. Cherub. Rom. et in loco parallelo legitur *mandavit* (R. T.).

⁴ Haec verba *designatis et approbatis seu imposterum*, addimus ex loco parallelo (R. T.).

⁵ Potius legendum foret *nullatenus*, nam praecedet *ne* (R. T.).

¹ Istud iam editum erat in *Bullario*, tom. x, pag. 771 (R. T.).

² Id in decreto superius relato, pag. 206 (R. T.).

blicatae, neque aliter, nec alio modo aliquem ad habitum recipi permittant. Ordinariorum ipsorum conscientiam onerando, si quempiam approbaverint vel admitti permiserint, qui non sit idoneus et iuxta constitutiones praedictas approbandus et admittendus. Firmis nihilominus remanentibus poenis omnibus contra superiores quorumcumque Ordinum, qui, in admittendis ad habitum et professionem novitiis, formam constitutionum et institutionum praedictarum non servaverint, aut novitium aliquem, quantumvis idoneum et approbatum, in quovis alio conventu et loco seu monasterio, praeterquam in hactenus a Sua Sanctitate vel a dicta Congregatione designatis et approbatis, seu imposterum designandis et approbandis, vel ultra numerum in eorum singulis praescriptum seu praescribendum, receperint vel admiserint, seu alias praemissis quovis modo contrafecerint. Irritum ex nunc et inane decernens quicquid secus, vel alias, quavis auctoritate, a quovis, gestum vel attentatum fuerit. Non obstantibus quibuscumque, etc.

Datum Romae, apud S. Petrum, die xⁱ maii mdcii, pontificatus eiusdem SS. D. N. anno xi.

Decretum aliud.

De institutionibus super receptione et educatione novitiorum religiosorum in monasteriis et conventibus designatis vel designandis, Clementis eiusdem iussu editum¹.

Causa decreti

Cum ad regularem disciplinam in singulis religiosorum monasteriis propagandam, novitiorum institutio maxime utilis sit ac necessaria, et nihil ad gravem illam ac laudatissimam praeceptorum patrum vi-

vendi rationem relaxandam maiorem vim habuisse compertum sit, quam vel nimiam in recipiendis novitiis facilitatem supra numerum, quem capere atque alere monasteria ipsa possent, vel negligentiam in probando et examinando eorum spiritu, an vere esset ex Deo atque ex praecipuo desiderio illi inserviendi, vel denique incuriam in eis educandis atque instituendis; idcirco, ut huiusmodi incommodo deinceps occurratur, praecipitur omnibus et singulis, ad quos spectat, ut in recipiendis novitiis, et in eorum institutione atque educatione, necnon in magistri et aliorum ministrorum electione (praeter alia quae in sacris canonibus ac decretis praesertim Concilii Tridentini, Pontificiis, et cuiuscumque Ordinis aut instituti constitutionibus continentur¹) tam in² aliis designatis, quam nunc et imposterum ad hoc designandis monasteriis et conventibus, haec, quae sequuntur, inviolate observari et exequi perpetuo curent:

Primum, quod attinet ad novitiorum recipiendorum formam (ultra diligentem perquisitionem, quae habenda erit de uniuscuiusque natalibus, corporis habitudine, moribus et vita antea, ac praecipue eorum, qui sextum decimum aetatis suae annum excedent, an³ criminosi, an aere alieno gravati, vel reddendae alicuius administrationis rationi obnoxii sint, iuxta formam constitutionis felicis recordationis Sixti V et moderationum subsequentarum), illud etiam superiores, ad quos spectabit, sedulo perquirant, ut quibus in monasteriis et conventibus, ex apostolica facultate novitiatus fuerint instituti, in iis ad religionem nullus imposterum admit-
tatur, qui et ex honestis parentibus natus

Novitiorum
examen.

¹ Sic legimus ex loco parallelo: erronee editiones hic legunt *continentur* (R. T.).

² Hic delemus vocem *eis*, quae in aliis editionibus non legitur, neque in loco parallelo (R. T.).

³ Perperam edit. Main. ac pro an legit (R. T.).

¹ In loco parallelo, et hic in edit Cherub. Rom. ad marginem, legitur *xix maii* (R. T.).

² Istud iam legebatur in tom. x, pag. 772 (R. T.).

non sit, et conditiones a sacris canonibus, summorumque Pontificum constitutionibus praescriptas non habeat, iuxta decretum super formâ recipiendi novitios die xix maji mdcii editum¹.

Alas et litterae.

Quisque recipiendus in aliquo Ordine regulari, etiam Mendicantium, in eâ sit aetate constitutus, quam eius Ordinis, in quo recipietur, regularia instituta et ordinationes requirunt; eam vero litterarum scientiam calleat, aut illius addiscendae spem indubiam praeseferat, ut minores, et, suis temporibus, maiores ordines iuxta decreta sacri Concilii Tridentini suscipere valeat (sed si quis, annum vigesimum quintum excedens ad habitum regularem admitti postulaverit, et talis eruditionis inexpertus inventus fuerit, in conversorum tantum, quibus litterarum scientia non est necessaria, numerum referatur); ipsi autem conversi non recipiantur ante vigesimum aetatis suae annum et nisi saltem praecipua doctrinae christianae capita noverint.

Vocatio.

Demum superiores diligenter exquirant, quo spiritu, qua mente ac voluntate id regularis vitae genus elegerint, quem sibi finem proposuerint, num zelo melioris frugis ac perfectioris vitae, et ut Deo liberius famulari possint, an potius levitate, vel humano aliquo affectu, aut inordinato animo ducantur, et an eorum parentes ope et subsidio ipsorum indigentes destituantur.

Conversorum instructio.

Provideant quoque, ut omnes etiam conversi recipiendi, priusquam ad habitum regularem admittantur, ab iis, quibus munus hoc incumbit, de regulâ, quam professuri sunt, tribus votis essentialibus, statuque regulari et aliis cuiusque Ordinis peculiaribus institutis et constitutionibus diligenter instruantur. Et quia quarundam religionum moris est nedum conversos ad

professionem admittendos, verum et oblatos, ut vocant, recipere, circa ipsorum oblatorum receptionem unaquaeque religio suas peculiares constitutiones, specialiaque instituta observare teneatur.

Statim atque novitii ad habitum recepti et in locum novitiatus introducti fuerint, per generalem omnium peccatorum confessionem totius anteactae vitae conscientiam discutiant et expurgent.

Confessio generalis praemittenda.

Quod vero ad loci qualitatem uniuscuiusque novitiatus spectat, locus huiusmodi propriâ clausurâ ab eâ parte conventus et monasterii, in qua degunt professi, segregatus sit, atque distinctus, habeatque tot ad dormiendum cellulas separatas, quot erunt numero novitii, vel dormitorium ita capax, ut pro singulis singuli lectuli commodè sterni possint, in quo etiam cellula vel certus ac determinatus locus pro magistro, eiusque socio reperiatur.

Novitiatus loci forma.

In eo etiam, praeter alias communes commoditates, aptus locus adsit ad spirituales collationes, seu conferentias faciendas, ac lectiones instructionesque magistri audiendas, et in quem hyemis tempore ad calefaciendum se igne communi recipiant.

Oratorium insuper, seu cappella, si commode fieri poterit, ad novitios in spiritualibus, praesertim in caeremoniis, ecclesiasticisque functionibus exercendos,

Hortus quoque peculiaris ad honestam recreationem bene conclusus atque munitus adsit, sin minus hortum ceteris fratribus communem recreationis tempore ingrediantur. Ipsis vero novitiis ibi commorantibus curabit magister cum loci superioris auctoritatè (si opus fuerit) ne in eundem quisquam alius ingrediat.

Ad huiusmodi locum novitiatus nemini, eiusdem vel alterius Ordinis, regulari, etiam conventus et monasterii officiali, ullo unquam tempore sub quovis praetextu aditus pateat, praeterquam magistro, eiusque socio, ac etiam monasterii aut con-

¹ Hoc decretum est quod praecedit pag. 214 (A. T.).

ventus superiori, si quandocumque ingrediendum sibi necessario existimaverit; quo tamen casu aliquem semper ex senioribus conventus et monasterii patribus socium assumat.

Huius loci clausurae clavis apud magistrum semper asservetur, illique soli liceat ex gravi tantum causâ ingressum illuc alicui permittere; si quis autem novitiorum quempiam alloqui voluerit, magistro praesente, et non aliter, alloquatur.

De novitiorum magistro et eius socio.

Novitiorum magistro socius, si propter novitiorum instruendorum multitudinem necessarius fuerit, vitâ et moribus, quoad fieri poterit, consimilis deputetur, qui in his, quae ad novitiatu regimen spectant, dicto magistro immediate subiectus existat, eliganturque, tam magister quam socius, per provinciale capitulum, per triennium ad minus onus huiusmodi subituri. Quod si aliquo casu extra tempus capitulare nova loca novitiatu concedi contingat, tunc electionem magistri novitiorum et socii huiusmodi in his novis locis per generalem seu ministrum aut eorum visitatores seu vicarios, de definitorum tamen vel graviorum aliorum patrum consensu, fieri permittatur: idemque servetur, si intra triennium, alterum vel utrumque urgenti aliquâ de causâ ex illis locis amoveri vel mori contigerit, in cuius vel quorum locum alii consimiles subrogari debeant.

Eorum doles.

Tam novitiorum magister quam socius ab iis omnibus officiis, oneribusque vacationem habeant, quae novitiorum curam et regimen impedire valeant. Ipse magister sacerdotali ordine sit initiatus, ac in quinto saltem supra trigesimum aetatis suae anno constitutus, et per decennium a professione emissâ in religione perstiterit. Socius vero trigesimum annum excedat, sintque ambo doctrinâ, et, quantum per superiorum diligentiam et vires fieri poterit, vitae etiam antea exemplo praestantes, ora-

tionis¹ praeterea et mortificationis operibus addicti, prudentiâ, charitateque re-ferti, non sine affabilitate graves, zelum Dei cum mansuetudine praeferentes, ab omni cordis ac animi perturbatione, ab irâ praesertim et indignatione, quae in se et erga alios charitatem impedire consueverunt, quam longissime alieni, et tales demum, qui in omnibus seipsos bonorum operum exemplum praebeant, ut ii, qui eorum curae subsunt, illos non tam metuant quam reverentur, nec illis unquam detrudere quicquam possint.

Illebeat etiam magister plenam et absolutam potestatem circa novitiorum instructionem, ac novitiatu regimen, ut in illis nemini (visitoribus, ac superioribus maioribus, vel etiam localibus exceptis) quovis colore se ingerere liceat.

Curam adhibeat diligentem, ut novitii omnes in regulari disciplinâ sedulo exerceantur, agnoscantque praecipue divinae, qua digni facti sunt, vocationis praestantiam et excellentiam; quae vera sit atque perfecta votorum solemnium et quam necessaria cuiusque Ordinis constitutionum observantia; modum in oratione tum vocali tum mentali fructuose persistendi, illicitas passiones et vitia, ad quae natura per peccatum labefactata omni tempore prona est atque proclivis, per sensuum custodiam et mortificationem cohibendi, austeritatem, ieiunia, cilicia, disciplinas, conscientiae puritatem, crebram illius discussionem, sacramentorum frequentiam, confessionis praesertim, quae bis saltem singulis mensibus fiat, per aperitionem quotidianam motuum interiorum cordis et tentationum manifestationem, per exercitium humilitatis circa viliora ministeria, per modestiam in omnibus actionibus, diuturnumque silentium.

Quilibet novitius bis quotidie orationi mentali et vocali incumbat, unusquisque

Novitiorum officia

¹ Forsan legendum orationi (R. T.).

secundum propriam capacitatem et ordinem sibi a magistro praescriptum, ac pluries in die propriam conscientiam unusquisque examinare contendat. Ipsi autem magistro soli novitiorum confessiones audiendi cura committatur. Liceat tamen superiori, etiam locali, si ita expedire iudicaverit, vel per se ipsam, vel per alium ab eo deputandum, semel aut bis in anno eorundem novitiorum confessiones audire.

Quotidie missae sacrificio intersint, et statutis horis in choro nocturnis, diurnisque divinis officiis assistant.

Exercitationibus etiam corporalibus vacent, legant vel scribant res spirituales, modestam animi recreationem interponant, quae in solitario loco et commodo extra novitiatum semel in hebdomada, vel in alternis saltem hebdomadibus, longior statuatur, fiatque semper magistro praesente vel socio, qui multum invigilent, ne duo ab aliis commorentur disiuncti, atque eo tempore cuiusque, in quam naturam feratur, propensionem scrutentur.

Non liceat, durante novitiatu et probationis tempore, una cum professis, nisi in choro et in ecclesia tempore officiorum, in processionibus, aut in coenaculo causam refectionis, commorari, nec permittatur eis professos domo exeuntes comitari.

Pro communibus et propriis cuiusque necessitatibus quae accidere possunt, unus ex novitiis ipsis, aetate, moribusque provector, deputetur, qui, absente socio, magistro permittente, omnia, prout opus fuerit, agat, cui etiam ianuariae custodia et rerum levioris momenti provisio intra novitiatum committi poterit.

Cum autem, licet clericorum bene instituendorum cura debeat esse praecipua, conversorum tamen religiosa instructio non sit praetermittenda, quin potius aequanimiter amplexanda, quandoquidem

satis exploratum est, istorum etiam, cum regulam profiteantur eandem, perfectam educationem tum religioni decorem et ornamentum, tum aliis christifidelibus aedificationem, exemplum atque utilitatem afferre; conversis ipsis a clericorum novitiatu separatus ad dormiendum locus (quantum commode fieri poterit) assignari praecipitur. Illi tamen, hac separatione non obstante, magistro novitiorum, seu superioribus monasteriorum et conventuum, iuxta cuiusque Ordinis statuta et constitutiones, subditi esse et obedientiam praestare debent, a quo non tantum circa corporalia obsequia probandi et exercendi, verum etiam, pro eorum capacitate et commoditate de spiritualibus, praesertim de modo mentaliter orandi, diligenter instruendi erunt, quod ut commodius fiat, ad capitula et spirituales conclusiones, quae per magistros novitiorum fieri solent, accersiri debeant, et in ecclesiis statutis horis conveniant, nisi tunc in suis officiis actualiter occupati fuerint.

Tempore vero probationis elapso, si tantum, qui non solum religiosae perfectionis capaces, sed ad laborem corporalem apti novo ac diligenti examine reperti fuerint (dummodo aetatis suae annum, quoad clericos, decimum sextum, quo vero ad conversos, vigesimum primum excesserint) ad professionem admittantur: sed qui ad conversorum habitum recepti fuerint ad clericorum statum transire, etiam durante tempore probationis, non possint.

Superior cuiuslibet conventus, in quo novitiatu fuerit constitutus, particularem librum habeat in quo novitii professio registretur, illamque novitius professus propria manu et duo testes, qui praesentes fuerint, subscribant. Conversus vero litterarum ignarus professus, in eorundem testium, qui se subscripserint, praesentia, propria manu signum crucis apponat. As-

Professionum
register.

Conversorum
institutio.

serveturque liber et custodiatur in archivio, ubi scripturae ad monasterium seu conventum pertinentes reponi consueverunt.

De filiationibus.

Quia vero in quibusdam Ordinibus filiationis usus est receptus, declaratur, quod, licet decretum sit, ut novitiis educandis certa monasteria aut conventus designata quilibet Ordo habere debeat, licitum tamen sit superioribus monasteriorum et conventuum huiusmodi Ordinum, in quibus filiationis usus est, eos, quos praenarratis qualitatibus suffultos repere- rint, in suorum locorum filios, iuxta cuiusque Ordinis constitutiones, adscribere, sicque adscriptos, cum iuxta praesentes institutiones, et alias servatis servandis, ad Ordinem recepti fuerint, ad loca novitiatum cum testimonialibus litteris trans- mittere, ubi tanquam dictorum conven- tuum seu monasteriorum filii, eorundem nomine et instantiâ, recipi, ac in novi- tiatu probari, et deinde, antequam ad eam- dem monasteria seu conventus filiationis huiusmodi remittantur, in professorio ad perfectionem, ut permissum est, exerceri debebunt.

De numero religiosorum.

Porro, ne loca unius monasterii seu conventus ab alio praecoccupentur, capi- tuli generalis aut provincialis partes erunt, numerum praescribere pro omnibus, et eam similiter rationem circa alimentorum contributionem (si opus fuerit) inire, ac singulis conventibus et monasteriis praescribere, quae magis expedire videbitur.

De profes-
sorio post novitia-
tum.

Ut autem novitii iam in professorum numerum (sicut praemittitur) recepti, me- lius in bono spiritu, regularisque disci- plinae observantiâ stabiliantur et confir- mentur; mandatur, ut statim post profes- sionem emissam, si in conventibus aut monasteriis pro novitiis assignatus lo- cus aderit, secundi novitiiatus sive profes- sorii, ab eâ, quae novitiorum est, atque antiquorum professorum habitatione di-

stinctus et segregatus, ibi collocentur, si monasterium aut conventus eos alere queat; sin minus in aliûm commodiorem conven- tum aut monasterium transferantur, in quo is locus cum requisitis ad novitiatum su- pranarratis reperiatur, vel accomodetur, aut de novo construat.

Ab hoc tamen illae religiones excipiun- tur, quae suarum constitutionum seu in- stitutorum vigore maioris temporis cursu novos professos intra novitiatum delinere consuescunt, quibus in hac parte non dero- gatur: illis tamen permittitur, ut, praedictis earum constitutionibus non obstantibus, id ipsum facere possint, si id rationi, ac religioni magis expedire iudicaverint; qui- bus in locis degant sub regulis et modo vivendi adhuc arctiori, quam servant an- tiquiores professi; ita quod in negotiis monasteriorum aut conventuum non se- intromittere, nec communibus tractatibus interesse, neque alicuius exterioris obe- dientiae officium exercere debeant, ibique permaneant, quousque ad aetatem sacris ordinibus suscipiendis sufficientem deve- nerint, vel saltem per triennium post pro- fessionem, quo etiam tempore poterunt, quinimmo et debebunt, litterarum studiis operam navare sub directione ac regimine superioris, qui eas qualitates habeat, qui- bus novitiorum magistrum praeditum esse oportere dictum est.

Declaratur tamen, quod propter prae- missa non censeatur concessa licentia reci- piendi novitios in locis nisi ^{Novitiis reci- piendis in locis designatis.} novitiatus designatis, aut imposterum designandis, et pro numero dumtaxat in earum singulis praescripto vel praescribendo.

Denique si illi, qui inter religiosos gradu et ordine superiores sunt, et alii, ad quos spectat, in praedictis omnibus, vel eorum aliquo delinquerint, seu quovis modo contrafecerint, officiorum omnium, quae tunc obtinebunt privationem, gravioreque pro

Contrafecerint poenae

1 Vel potius legendum nisi in locis (R. T.).

modo admissae culpa poenas se subituros certo sciant.

Datum Romae, apud sanctum Petrum, die XIX martii MDCIII.

ANTONIUS SENECA,
Reformationis Apost. Sec.

Anno MDCXXIV, Indictione VII, Pontificis autem Sanctissimi Domini nostri Domini Urbani divini providentiâ Papae VIII, anno eius secundo, die vero vigesima sexta mensis octobris, supradicta decreta, tam sacrae Congregationis Concilii, quam sanctae memoriae Clementis VIII, affixa et publicata fuerunt ad valvas basilicarum sancti Ioannis Lateranensis, et Principis Apostolorum, nec non in acie Campi Florae, ut moris est, per nos Camillum Fundatum et Iulium Marzitellium cursores Sanctissimi.

BRANDIMARTES LATINUS,
pro magistro dominorum cursorum.

LXXXVII.

Declaratur indulgentias cruciatae regnorum Hispaniarum non comprehendi in suspensione indulgentiarum occasione anni iubilaei MDCXXV¹.

Urbanus Papa VIII,
ad futuram rei memoriam.

Exordium.

Decet Romanum Pontificem indulgentiarum et gratiarum concessionem, quae ad adiuvandam contra immanissimos turcas expeditionem a Sede Apostolicâ factae² sunt, a generali indulgentiarum suspensione excipere, ne circa eas aliquibus dubitandi occasio praebeatur.

Pius Papa V indulgentias cruciatae nuncupatae concessit.

§ 1. Cum itaque, postquam dudum felicis recordationis Pius Papa V praedecessor noster omnibus in Hispaniarum regnis et insulis illis adiacentibus ac etiam

¹ Ex Regest. in Secret. Brev.

² Edit. Main. legit facta (R. T.).

Sardiniae consistentibus, qui fidei catholicae zelo adducti infra certum expressum tempus ad exercitum tunc clarae memoriae Philippi II Hispaniarum regis catholici contra turcas comparatum contra illos pugnaturi aut aliud genus servitii gratuito facturi suis sumptibus accessissent, et ibidem usque ad finem expeditionis eius anni permansissent, aut de bonis sibi a Deo collatis expeditionem praedictam adiuvassent, plures indulgentias ac peccatorum remissiones et relaxationes pro vivis et defunctis, aliasque spirituales concessionem, necnon privilegia, facultates et indulta, vel quovis alio nomine nuncupatas gratias concessit;

§ 2. Ac recolendae memoriae Gregorius Papa XIII, etiam praedecessor noster, tempus in dicti Pii praedecessoris litteris praefixum prorogando, concessionem, privilegia, facultates, indulta et gratias huiusmodi, nonnullis aliis additis, declaratis et immutatis, ad Indiarum maris Oceani et regni Siciliae ultra pharum, etiam aliquot forsitan aliorum regnorum et locorum, personas, quae dicti Philippi regis imperio essent subiectae, extendit; ac deinde diversi Romani Pontifices, etiam nostri praedecessores, et nos etiam illas prorogavimus, extendimus et ampliavimus, prout in diversis litteris apostolicis, etiam in formâ Brevis desuper expeditis, plenius continetur;

Quae Gregorius XIII prorogavit

§ 3. Novissime, occasione celebrationis sanctissimi iubilaei proximo futuro anno millesimo sexcentesimo vigesimo quinto universo populo christiano indicti, aliorum Romanorum Pontificum morem eâ in re sequuti, de apostolicae potestatis plenitudine omnes et quascumque indulgentias etiam plenarias, et ad instar iubilaei, nec non facultates, concessionem et indulta quaecumque, a nobis, et dictâ Sede, eiusque auctoritate, quibuscumque ecclesiis et monasteriis utriusque sexus ac conventi-

Com vero Urbanus occasione anni iubilaei omnes suspenderit indulgentias;

bus, domibus, congregationibus, hospitalibus et piis locis, necnon Ordinibus, etiam Mendicantium, ac militiarum, necnon confraternitatibus et universitatibus, earumque, et aliis cuiuscumque dignitatis, gradus et conditionis personis ecclesiasticis et secularibus per universum orbem constitutis, etiam per modum communicationis, extensionis, et alijs quomodocumque, perpetuo vel ad tempus, quibusvis modis et ex quibusvis causis concessa, cum irritantis adiectione decreti, et alijs efficacissimis clausulis in illis apposis, suspendimus, interdicentes ne ullae aliae quam praedicti a nobis indicti iubilaei indulgentiae interim, sive publice sive privatim, ubique locorum ac gentium publicarentur, praedicarentur vel nunciarentur, secus autem facientes excommunicationis sententiam eo ipso incurrerent, et ab Ordinariis locorum pro cuiuscumque arbitrio punirentur, et alijs, prout in litteris apostolicis sub plumbo expeditis latius explicatur:

Indulgentias
cruciatas sub
huiusmodi sus-
pensione non
comprehendi
declarat.

§ 4. Nos, quibus praecipue curanda sunt ea, quae ad fidem catholicam tuendam, et, adiuvante Domino, aliquando propagandam pertinent, quique, eo animo, eaque voluntate nunquam fuimus, ut indulgentiae, facultates, concessiones et indulta quaecumque intuitu expeditionis in turcas ac cruciatas huiusmodi impedirentur, aut revocarentur, ac dictarum litterarum omnium seriem, ac si de verbo ad verbum insererentur, praesentibus pro expressis et insertis habentes, auctoritate praesentium declaramus, suspensionem eandem ad indulgentias, facultates, concessiones et indulta quaecumque, occasione dictae expeditionis et cruciatas in Hispaniarum regnis et alijs dominijs et locis charissimo in Christo filio nostro Philippo IV Hispaniarum regi catholico subiectis, ut praefertur, concessa, non extendi, eaque omnia et singula sub dicta suspensione minime

comprehendi, ac propterea commissario generali, et alijs ab eo deputatis, et pro tempore deputandis, omnia et singula sibi per dictas litteras demandata facere, exequi ac plenariae executioni demandare¹, praedicatoribus vero, iuxta tamen easdem praedecessorum et nostras litteras deputatis et deputandis, indulgentias et alias gratias, concessiones et indulta praedicta, iuxta ipsarum litterarum tenorem et illarum summarium, in dictis regnis, dominijs et locis promulgare, denuntiare et praedicare, absque aliquo conscientiae scrupulo, sententiarumque, censurarum vel poenarum incursu, ut prius, antequam eadem suspensionis litterae a nobis emanassent, licere;

§ 5. Ita quod desuper per quoscumque etiam locorum Ordinarios molestari, perturbari, aut impediri nequeant; sicque per quoscumque iudices ordinaria et delegata auctoritate fungentes, ac causarum palatii apostolici auditores, necnon sanctae Romanae Ecclesiae cardinales, in quacumque instantia (sublata eis quavis aliter iudicandi et interpretandi facultate et auctoritate) ubique iudicari et definiri debere, necnon irritum et inane quidquid secus per eosdem, et quoscumque alios, scienter vel ignoranter contigerit attentari, decernimus.

Clausula

§ 6. Non obstantibus praemissis, ac constitutionibus et ordinationibus apostolicis, ceterisque omnibus, quae tam dicti praedecessores, quam nos in concessione indulgentiarum, et aliorum privilegiorum ad favorem dictae expeditionis concessorum, volumus non ob stare.

Derogatio
contrariorum.

§ 7. Ut autem declaratio nostra huiusmodi, quoties opus fuerit, innotescat, volumus harum litterarum exempla, etiam impressa, manu notarii publici subscripta, ac personae in dignitate ecclesiastica constitutae sigillo obsignata, ubique gentium

Exemplis
danda hinc.

¹ Edit. Main. legit demandari (R. T.).

modo admissae culpa poenas se subituros certo sciant.

Datum Romae, apud sanctum Petrum, die XIX martii MDCIII.

ANTONIUS SENECA,
Reformationis Apost. Sec.

Anno MDCXXIV, Indictione VII, Pontificis autem Sanctissimi Domini nostri Domini Urbani divini providentiâ Papae VIII, anno eius secundo, die vero vigesima sexta mensis octobris, supradicta decreta, tam sacrae Congregationis Concilii, quam sanctae memoriae Clementis VIII, affixa et publicata fuerunt ad valvas basilicarum sancti Ioannis Lateranensis, et Principis Apostolorum, nec non in acie Campi Florae, ut moris est, per nos Camillum Fundatum et Iulium Marzitellium cursores Sanctissimi.

BRANDIMARTES LATINUS,
pro magistro dominorum cursorum.

LXXXVII.

Declaratur indulgentias cruciatae regnorum Hispaniarum non comprehendi in suspensione indulgentiarum occasione anni iubilaei MDCXXV¹.

Urbanus Papa VIII,
ad futuram rei memoriam.

Exordium.

Decet Romanum Pontificem indulgentiarum et gratiarum concessionem, quae ad adiuvandam contra immanissimos turcas expeditionem a Sede Apostolica factae² sunt, a generali indulgentiarum suspensione excipere, ne circa eas aliquibus dubitandi occasio praebeatur.

Pius Papa V indulgentias cruciatae nuncupatae concessit.

§ 1. Cum itaque, postquam dudum felicis recordationis Pius Papa V praedecessor noster omnibus in Hispaniarum regnis et insulis illis adiacentibus ac etiam

¹ Ex Regest. in Secret. Brev.

² Edit. Main. legit facta (R. T.).

Sardiniae consistentibus, qui fidei catholicae zelo adducti infra certum expressum tempus ad exercitum tunc clarae memoriae Philippi II Hispaniarum regis catholici contra turcas comparatum contra illos pugnaturi aut aliud genus servitii gratuito facturi suis sumptibus accessissent, et ibidem usque ad finem expeditionis eius anni permansissent, aut de bonis sibi a Deo collatis expeditionem praedictam adiuvassent, plures indulgentias ac peccatorum remissiones et relaxationes pro vivis et defunctis, aliasque spirituales concessionem, necnon privilegia, facultates et indulta, vel quovis alio nomine nuncupatas gratias concessit;

§ 2. Ac recolendae memoriae Gregorius Papa XIII, etiam praedecessor noster, tempus in dicti Pii praedecessoris litteris praefixum prorogando, concessionem, privilegia, facultates, indulta et gratias huiusmodi, nonnullis aliis additis, declaratis et immutatis, ad Indiarum maris Oceani et regni Siciliae ultra pharum, etiam aliquot forsitan aliorum regnorum et locorum, personas, quae dicti Philippi regis imperio essent subiectae, extendit; ac deinde diversi Romani Pontifices, etiam nostri praedecessores, et nos etiam illas prorogavimus, extendimus et ampliavimus, prout in diversis litteris apostolicis, etiam in forma Brevis desuper expeditis, plenius continetur;

Quae Gregorius XIII prorogavit

§ 3. Novissime, occasione celebrationis sanctissimi iubilaei proximo futuro anno millesimo sexcentesimo vigesimo quinto universo populo christiano indicti, aliorum Romanorum Pontificum morem eam in re sequuti, de apostolicae potestatis plenitudine omnes et quascumque indulgentias etiam plenarias, et ad instar iubilaei, nec non facultates, concessionem et indulta quaecumque, a nobis, et dicta Sede, eiusque auctoritate, quibuscumque ecclesiis et monasteriis utriusque sexus ac conventi-

Com vero Urbanus occasione anni iubilaei omnes suspenderit indulgentias;

bus, domibus, congregationibus, hospitalibus et piis locis, necnon Ordinibus, etiam Mendicantium, ac militiarum, necnon confraternitatibus et universitatibus, earumque, et aliis cuiuscumque dignitatis, gradus et conditionis personis ecclesiasticis et secularibus per universum orbem constitutis, etiam per modum communicationis, extensionis, et alijs quomodocumque, perpetuo vel ad tempus, quibusvis modis et ex quibusvis causis concessa, cum irritantis adiectione decreti, et alijs efficacissimis clausulis in illis apposis, suspendimus, interdicentes ne ullae aliae quam praedicti a nobis indicti iubilaei indulgentiae interim, sive publice sive privatim, ubique locorum ac gentium publicarentur, praedicarentur vel nunciarentur, secus autem facientes excommunicationis sententiam eo ipso incurrerent, et ab Ordinariis locorum pro cuiuscumque arbitrio punirentur, et alijs, prout in litteris apostolicis sub plumbo expeditis latius explicatur:

Indulgentias cruciatae sub huiusmodi suspensione non comprehendit declarat.

§ 4. Nos, quibus praecipue curanda sunt ea, quae ad fidem catholicam tuendam, et, adiuvante Domino, aliquando propagandam pertinent, quique, eo animo, eaque voluntate nunquam fuimus, ut indulgentiae, facultates, concessiones et indulta quaecumque intuitu expeditionis in turcas ac cruciatae huiusmodi impedirentur, aut revocarentur, ac dictarum litterarum omnium seriem, ac si de verbo ad verbum insererentur, praesentibus pro expressis et insertis habentes, auctoritate praesentium declaramus, suspensionem eandem ad indulgentias, facultates, concessiones et indulta quaecumque, occasione dictae expeditionis et cruciatae in Hispaniarum regnis et alijs dominijs et locis charissimo in Christo filio nostro Philippo IV Hispaniarum regi catholico subiectis, ut praefertur, concessa, non extendi, eaque omnia et singula sub dicta suspensione minime

comprehendi, ac propterea commissario generali, et alijs ab eo deputatis, et pro tempore deputandis, omnia et singula sibi per dictas litteras demandata facere, exequi ac plenariae executioni demandare¹, praedicatoribus vero, iuxta tamen easdem praedecessorum et nostras litteras deputatis et deputandis, indulgentias et alias gratias, concessiones et indulta praedicta, iuxta ipsarum litterarum tenorem et illarum summarium, in dictis regnis, dominijs et locis promulgare, denuntiare et praedicare, absque aliquo conscientiae scrupulo, sententiarumque, censurarum vel poenarum incursu, ut prius, antequam eadem suspensionis litterae a nobis emanassent, licere;

§ 5. Ita quod desuper per quoscumque etiam locorum Ordinarios molestari, perturbari, aut impediri nequeant; sicque per quoscumque iudices ordinaria et delegata auctoritate fungentes, ac causarum palatii apostolici auditores, necnon sanctae Romanae Ecclesiae cardinales, in quacumque instantia (sublata eis quavis aliter iudicandi et interpretandi facultate et auctoritate) ubique iudicari et definiri debere, necnon irritum et inane quidquid secus per eosdem, et quoscumque alios, scienter vel ignoranter contigerit attentari, decernimus.

Clausula

§ 6. Non obstantibus praemissis, ac constitutionibus et ordinationibus apostolicis, ceterisque omnibus, quae tam dicti praedecessores, quam nos in concessione indulgentiarum, et aliorum privilegiorum ad favorem dictae expeditionis concessorum, volumus non ob stare.

Derogatio contrarium.

§ 7. Ut autem declaratio nostra huiusmodi, quoties opus fuerit, innotescat, volumus harum litterarum exempla, etiam impressa, manu notarii publici subscripta, ac personae in dignitate ecclesiastica constitutae sigillo obsignata, ubique gentium

Exemplis danda hinc.

¹ Edit. Main. legit demandari (R. T.).

et locorum eandem fidem facere, quae praesentes facerent, si exhiberentur.

Datum Romae, apud S. Mariam Maiorem, sub annulo Piscatoris, die xxiv septembris mdcxxiv, pontificatus nostri anno II.

Dat. die 24 septembris 1624, pontif. anno II.

LXXXVIII.

Deputatio Francisci Ubaldi sacrae Rotae auditoris in praesidentem et iudicem probationum equitum religionis Militiae Christianae¹.

Dilecto filio magistro Francisco Ubaldo, capellano nostro et causarum palatii apostolici auditori,

Urbanus Papa VIII.

Dilecte fili,

salutem et apostolicam benedictionem.

Recesset erectam nuper a equitum christianam.

§ 1. Cum nos nuper, supplicationibus dilectorum filiorum nobilium virorum Ferdinandi Mantuae ac Caroli Niverniensis ducum, necnon Adolphi comitis de Althan, nobis humiliter porrectis inclinati, unam Militiam Christianam nuncupandam sub titulo Conceptionis B. Mariae Virginis Immaculatae, sub certis modo et forma tunc expressis, apostolicam auctoritate erexerimus et instituerimus, prout in nostris sub plumbo desuper expeditis litteris, quarum tenores praesentibus pro expressis haberi volumus, plenius continetur:

Nunc Ubaldum iudicem probationum, ab admittendis faciendarum, deputat.

§ 2. Idcirco, ut eorum, qui habitum per dictae militiae fratres milites gestari solitum suscipere, et professionem per eosdem emitti consuetam, expresse emitte voluerint, regulares nobilitatis et aliorum requisitorum probationes recte et iuxta eiusdem militiae statuta, apostolicam auctoritate confirmata, fiant, quantum cum Domino possumus providere volentes, ac de tua fide, prudentia, integritate, doctrina, rerumque experientia plurimum

¹ Erexit hic Pontifex militiam in sua Constitutione xxxvi *Imperscrutabilis* ut supra pag. 114.

in Domino confisi, motu proprio et ex certa scientia ac matura deliberatione nostris, deque apostolicae potestatis plenitudine, te in praesidentem seu iudicem probationum praedictarum, cum omnibus et singulis honoribus, privilegiis, gratiis et indultis solitis et consuetis, ad nostrum beneplacitum, tenore praesentium, facimus, constituimus et deputamus, tibi, ut probationes praedictas sufficientes vel non sufficientes iuxta eiusdem militiae statuta, seu stabilimenta, eadem auctoritate confirmata, decernere et declarare in actis notarii, per te eligendi et nominandi, aliaque omnia et singula in praemissis, et circa ea necessaria et opportuna facere, dicere, gerere et exequi libere et licite possis et valeas, auctoritate et tenore praedictis, plenam, liberam et amplam facultatem et auctoritatem concedimus et impartimur.

§ 3. Non obstantibus constitutionibus et ordinationibus apostolicis, ceterisque contrariis quibuscumque.

Derogat obstantibus.

Datum Romae, apud sanctam Mariam Maiorem, sub annulo Piscatoris, die xxvi septembris mdcxxiv, pontificatus nostri anno II.

Dat. die 26 septembris 1624, pontif. an. II.

LXXXIX.

Revocatio concessionum diversorum officiorum, ac privilegiorum, exemptionum, gratiarum et indultorum, in praeiudicium Sedis et Camerae Apostolicae emanatarum.

**Urbanus Episcopus,
servus servorum Dei,
ad perpetuam rei memoriam.**

Superni benignitas Conditoris, cuius admirabili providentia cuncta reguntur, cum nullis nostris suffragantibus meritis nos ad sublime evexerit apostolicae dignitatis fastigium, universam reipublicae curam

Prooemium.

ad ipsius Dei laudem amplectentes, ad hoc inter alia nostrae pastoralis vigilantiae studium duximus adhibendum, ut officia tam Romanae Curiae, quam alia ad Sedem Apostolicam pertinentia, a probatis viris exercentur, ac illa personis idoneis, modoque debito conferantur; camera apostolica, quam, ob varias superiorum temporum causas, magno aere alieno conflato, et eius aerario exhausto, in maximas reddituum et pecuniarum angustias incidisse comperimus, ab aere alieno ac angustiis huiusmodi quantum in nobis est, sublevetur; frumentorum et aliarum rerum ad communem vitae usum pertinentium copia in hac Urbe nostra et reliquo Statu Ecclesiastico conservetur et vigeat; eiusdem Sedis auctoritas et Romanae Curiae dignitas eluceat; ac per debitae reformationis et provisionis occursum, impedimentis quibuscumque sublatis, omnia prospere dirigantur, ac iustitiâ duce, quod suum est, unicuique tribuatur, felicique profectu virtus undique suscipiat incrementum.

Refertur praedictum cameræ apostolicæ datum a perpetuitate officiorum et coadiutoris.

§ 1. Cum itaque, inter cetera quae mentem nostram non modice perturbant atque perturbant, invenerimus pleraque Sedis et Camerae praedictarum officia seu munera, praesertim administrationem habentia, et quae amovibilia sunt et esse debent, tam in Urbe quam extra eam, contra eorum naturam et consuetudinem, per ambitionem et importunitatem (ut credimus) impetrantium, ad vitam, et non solum unius, verum plurium etiam personarum, concessa fuisse, necnon super illis, et aliis etiam Romanae Curiae praedictae officiis, etiam perpetuas coadiutorias, cum futurâ coadiutorum successione, factas et constitutas esse¹; quo fit, ut eadem officia, quae antea personis benemeritis et idoneis, ac doctrinâ, prudentiâ et consilio praeditis, experiëntiâque

¹ Vide Pii V Const. cciv *Romani*, tom. VII, pag. 943.

et aetate maturis concessa sunt, interdum ad personas minus idoneas, coadiutoriarum nomine, deveniant, in Sedis et Curiae huiusmodi dignitatis diminutionem et ipsorum officiorum detrimentum;

§ 2. Et, licet plerique Romani Pontifices praedecessores nostri, et novissime felicis recordationis Paulus Papa V, ad indemnitati camerae praedictae necnon communitatum et universitatum Status Ecclesiastici opportune consulendum, ac etiam ad ubertatem annonae et grasciae in Urbe, Statuque praedictis conservandam et augendam, plures constitutiones ediderint,

Licet autem pro Status Ecclesiastici conservatione plures editae sint constitutiones

§ 3. Et inter alia idem Paulus praedecessor per binas suas in formâ Brevis editas constitutiones¹, in unâ videlicet omnes et quascumque immunitates et exemptiones a solutione gabellarum, dationum, impositionum et aliorum onerum camerarum quorumcunque, et quae etiam per communitates et universitates pro eorundem onerum camerarum solutione et publicorum munerum supportatione indicta et imposita ac exigi solita erant,

Nempe Paulus V exemptiones quaslibet ab oneribus camerarum solvendis concessas.

§ 4. Necnon assignationes et provisiones super camerae praedictae redditibus et iuribus, poenarum quoque malefactorum applicationes, approbationes, ceterasque, tam illarum et cancellariarum, sive bancarum civilium et criminalium, ac secretariarum et illarum emolumentorum, quam bonorum et iurium eiusdem camerae, cuiusvis qualitatis et quantitatis, gratias et concessionem, in praedictum ipsius camerae catenus concessas et factas;

Aliaque assignationes.

§ 5. Et in alterâ omnia et singula ac quaecumque privilegia, licentias et facultates frumenta, blada, legumina, animalia, oleum et alia, tam annonam, quam grasciam concernentia, etiam in propriis eorum praediis, possessionibus, agris et terrenis pro tempore recollecta ex quibuscumque Status nostri Ecclesiastici tem-

Et indulta extrahendi frumenta, et alia huius generis revocaverit.

¹ Quas vide in tom. XI, pag. 255 et 260 (R. T.).

poralis provinciis ac civitatibus, terris, castris et locis, eorumque territoriis et districtibus, nobis et sanctae Romanae Ecclesiae mediate vel immediate quomodolibet subiectis extrahendi similiter eatenus concessa, praeterquam quoad aliqua tunc expressa, ac alias modo et formâ in eisdem constitutionibus et litteris desuper expeditis contentis, revocaverit, et praedecessorum suorum praedictorum constitutiones, ordinationes et litteras desuper expeditas, et omnia in eis contenta, perpetuo approbando, confirmando et innovando, illas et illa ex tunc de cetero observari mandaverit, ac frumenta, blada, legumina, oleum, animalia et alia praedicta extra Statum Ecclesiasticum extrahi sub excommunicationis et aliis gravissimis poenis de novo expresse prohibuerit;

§ 6. Et postremo idem Paulus praedecessor, ad tollendam omnem dubitationem super ultimodictâ constitutione excitatam per suam motus proprii cedulam, die xxvi augusti anni Domini mdcxxvi, publicatam sub ultimodictâ eius constitutione quaecumque loca sanctae Romanae Ecclesiae mediate subiecta comprehendi et comprehensa fuisse et esse declaraverit, et, quatenus opus sit, illam cum omnibus in eâ contentis ad loca praedicta extenderit et ampliaverit, prout in eisdem constitutionibus et cedulâ latius continetur¹;

§ 7. Nihilominus² acceperimus nonnullos, contra dictas constitutiones et litteras, easdem immunitates, exemptiones, privilegia, extrahendique facultates et gratias, quae antea eis concessa fuerant, confirmari et innovari, ac in pristinum statum restitui, ac respective, tam ipsos quam alios, etiam communitates, universitates, collegia et loca diversa,³ et

forsan maiora (et etiam quod in quibusdam provinciis, civitatibus et locis spolia archiepiscoporum, episcoporum, et aliarum personarum ecclesiasticarum fieri et colligi non possunt) alia privilegia Sedi et Camerae praedictis, Romanique Pontificis supremæ potestati, ac eiusdem et Sedis et Romanae Curiae dignitati et auctoritati praeiudicialia sibi dari et concedi impetrasse et obtinuisse, seu potius extorsisse:

§ 8. Nos, pro debito pastoralis officii, hos et alios abusus et corruptelas, necnon damna et praeiudicia quae circa praemissa hactenus irrepserunt et facta sunt ac quotidie augentur et fiunt, e medio tollere volentes, motu proprio, non ad alicuius super hoc nobis oblatae petitionis instantiam, sed ex certâ scientiâ et deliberatione nostris, ac de apostolicae potestatis plenitudine, hac perpetuo valiturâ constitutione, in primis omnes et quascumque ad quaevis officia et munera, etiam collegialia, etiam militaria, ac etiam venalia, tam perpetua quam temporalia, Sedis et Camerae Apostolicae ac Romanae Curiae, et tam in Urbe quam extra eam, et in quibusvis, etiam Avenionensi, Bononiensi, Ferrariensi, Beneventana, aliisque civitatibus, terris, locis, dominiis et regnis, et ad nos, Sedem praedictam, nostramque et eiusdem Sedis collationem, concessionem et deputationem quomodolibet pertinentia, coadiutorias et coadiutorum quorumcumque deputationes, constitutiones, necnon eorumdem officiorum et munerum ad vitam plurium personarum, seu aliud tempus vitam cuiusque illa obtinentium excedens, concessionem, confirmationem et praeiudicia, etiam in remunerationem laborum, meritorum, etiam praetextu expensarum factarum, damnorum passorum, ac illorum intuitu, aut ex quavis aliâ causâ, per quosvis praedecessores nostros Romanos Pontifices, Sedemque praedictam,

Urbanus huiusmodi perpetuitatum et coadiutoriarum concessionem revocat.

Et sub huiusmodi revocatione etiam loca S. A. mediate subiecta comprehendendi voluerit;

Nonnullae tamen exemptiones postea ab aliquibus extortae sunt.

¹ Hasce vide in tom. xi, pag. 260 et 264 (R. T.).

² Part. cum delemus, nam praecessit in § 1 (R. T.).

³ Legerem: haec et forsan maiora... alia privilegia (R. T.).

et illius officiales, etiam motu simili, et cum quibusvis decretis et clausulis, etiam derogatarum derogatoriis, et aliis quomodolibet, ad favorem quarumcumque personarum factas et concessas, veluti quamdam imaginem hæreditariae successionis repræsentantes, ac dictæ Sedi, bonoque publico, ac ipsis officiis perniciosas, et quascumque litteras, etiam sub plumbo, et in aliâ quavis formâ expeditas, cum omnibus inde sequutis (quæ hactenus tamen per obitum illa obtinentium, aut aliam quamcumque vacationem effectum sortitæ non sunt), necnon, quoad illarum perpetuitatem, quascumque concessionem, confirmationem, extensionem, seu prorogationem ad vitam officiorum et munerum quorumcumque, præsertim negotiorum et pecuniarum dictæ camerae administrationem vel causarum civilium seu criminalium cognitionem, avocationem, defensionem, seu etiam procuracionem et sollicitationem concernentium, ad collationem, concessionem et deputationem scilicet pro tempore Romani Pontificis, Sedisque prædictæ spectantium, quæ a primævâ eorum erectione, seu ex inveteratâ consuetudine, perpetua et ad vitam concedi solita seu collegialia non sunt, ac etiam ea, quæ extra Romanam Curiam exercentur, per quoscumque prædecessores nostros Romanos Pontifices, ac nos, Sedemque prædictam, ex quavis causâ, etiam motu simili et ex certâ scientiâ, et de similis potestatis plenitudine, in favorem quarumvis personarum, cum quibusvis decretis et clausulis, etiam insolitis et derogatarum derogatoriis, et aliis quomodolibet factas, revocamus, ac irritas declaramus (ita ut in re, vel ad rem, sive in possessorio, sive in petitorio, etiamsi ad plures actus positivos et possessorios deventum fuerit, coadiutoribus et deputatis acquisitum ius dici aut censi non possit, sed officia et munera prædicta libera sint et remaneant,

ac ut prius libere conferri et concedi possint, aequè ac si coadiutoria, et coadiutorum deputationes et constitutiones, ac eorundem officiorum concessionem, extensionem et prorogationem minime factæ fuissent), ac in futurum coadiutorias et coadiutorum deputationes, constitutiones, ac officiorum et munerum prædictorum ad plurimum vel unius vitam, contra primævam eorum naturam et antiquam consuetudinem, concessionem, extensionem et prorogationem quascumque huiusmodi, tamquam apprimè præiudiciales, ac reipublicæ, bonoque gubernio damnosas, reprobamus ac imposterum fieri prohibemus.

§ 9. Quinimmo omnia etiam et singula officia seu munera, tam in dictâ Urbe, quam extra eam, et in quibusvis regnis et dominiis consistentia, pro quibus salaria de pecuniis camerae nostræ prædictæ persolvuntur, seu quæ negotiorum vel pecuniarum camerae prædictæ administrationem, vel causarum tam civilium quam criminalium cognitionem, avocationem, defensionem, procuracionem seu sollicitationem habent, per quosvis etiam Sedis Apostolicæ et Romanæ Ecclesiæ officiales et eiusdem sanctæ Romanæ Ecclesiæ cardinales, etiam de latere legatos, conferri seu concedi solita (non tamen ea, quæ ab initio venalia, vacabilia et perpetua legitime erecta, ratione officiorum maiorum quæ obtinent, eis specialiter assignata seu concessa sunt, in quibus aliquid innovare non intendimus), nostræ, Romanorumque Pontificum successorum nostrorum dispositioni ita reservamus, ut ex nunc in perpetuum, et quandocumque illa a nobis et successoribus nostris Romanis Pontificibus ad nutum quibus libuerit (quibuscumque deputationibus et concessionibus per officiales, etiam cardinales et legatos prædictos, quibusvis personis quomodolibet hactenus factis, et

Officiorumque omnium, quæ rerum camerae administrationem adnexam habent, collationem sibi obcurcassentibus reservat.

imposterum forsani faciendis, minime obstantibus) dari et concedi possint.

Concessionem
contra hanc
Constitutionem
et quae fieri
contingat, ob-
reptitias, nul-
lasque declarat.

§ 10. Cum nos ab omnibus officiorum coadiutoris et coadiutorum deputationibus huiusmodi, nec non ab eorundem officiorum et munerum ad vitam plurium personarum, sive etiam unius, contra eorum primaevam institutionem seu antiquam consuetudinem, concessionibus, deputationibus, confirmationibus et prorogationibus de cetero abstinere intendimus¹, et quae nobis licere non patimur, ac videntur incongrua et praeiudicialia, successoribus nostris Romanis Pontificibus etiam indicamus, et sic neque eosdem successores nostros Romanos Pontifices similia concessuros esse arbitremur; ob id omnes et quascumque similes vel dissimiles concessionem, deputationem, confirmationem, extensionem et prorogationem, quae contra praesentium formam et tenorem a nobis et successoribus nostris praedictis quodcumque (quod non credimus) emanarent, per subreptionem, obreptionem, ac praeeptionem potius extortas quam obtentas, ac nullas, nulliusque roboris et momenti fore et esse censi, neminique suffragari posse vel debere, aequae ac si factae et concessae non essent, decernimus et declaramus.

Revocat etiam
exemptiones ab
onibus camere-
ralibus, commu-
nitativis, etc.

§ 11. Praeterea, pro indemnitate camerae nostrae, ac ubertate annonae et grasciae, tam in Urbe, quam toto Statu Ecclesiastico, conservanda, praedictorum Pauli V, et aliorum Romanorum Pontificum praedecessorum nostrorum vestigiis inhaerentes, illorumque constitutiones etiam opportune extendentes, motu, scientia et potestate similibus, omnes et quascumque immunitates et exemptiones a solutione subsidii riennalis, quaterni carnis, taxarum equorum, talliarum, censuum, archivii, fogliettae, triremium, utensilium,

¹ Aptius edit. Cherub. Rom. habet *intendamus* (R. T.).

necnon dohanarum, gabellarum, dationum, taxae portus Anconae, quaternorum, tractarum, et aliarum impositionum, et onerum camerarum, et etiam eorum, quae per communitates et universitates pro eorundem onerum camerarum solutione, et publicorum munerum supportatione, ac pro viis et pontibus construendis et manutenendis, seu aliis, indicta et imposita ac exigi solita sunt, ac etiam recipiendi et hospitandi milites, et Sedis Apostolicae officiales, harigellos, exequutores, aliosque iustitiae ministros, eisque utensilia et alia necessaria subministrandi, ac aliorum quorumcumque tam realium quam personalium, seu mixtorum, ordinariorumque et extraordinariorum quorumcumque,

§ 12. Nec non omnia privilegia localia, ne scilicet in quibusdam civitatibus, locis et dominiis temporalibus, etiam Avenionensi, Bononiensi, Ferrariensi, Beneventana, seu aliis provinciis, civitatibus et locis, etiam privilegiatis et speciali nota dignis (non tamen in Urbe praedicta, et eius districtu, praeter et contra formam constitutionis eiusdem Pauli praedecessoris in favorem curialium et incolarum dictae Urbis editae, quam in robore permanere et omnino servari volumus) archiepiscoporum et episcoporum, et aliarum personarum ecclesiasticarum spolia fiant et colligantur; commissarii et collectores spoliatorum et iurium dictae camerae debitorum in eis non retineantur, vel ad ea non transmittantur; seu in illicitae negotiationis, dispositionum contra constitutiones piaae memoriae Pii Papae V, etiam praedecessoris nostri², in illegitimos factarum, apostatarum, et clericorum extra residentiam decedentium, seu aliis causis non procedatur,

Atque etiam
a spoliis.

§ 13. Ac omnes et singulas provisiones, assignationes super camerae prae-

Assignationes
que super ca-
merae redditibus

¹ Partic. et addimus ex Cherub. (R. T.).

² Quam vide in tom. VII, pagina 880 (R. T.).

bus, officiis, tribunali-
bus.

dictae redditibus et iuribus, poenarum quoque, malefactorum et introituum applicationes, appropriationes, necnon cancellariorum, notariatuum, seu bancarum civilium et criminalium, secretariarum, et illarum emolumentorum, aliorumque iurium et bonorum stabilium camerae et communitatum praedictarum, cuiusvis qualitatis et quantitatis, gratias, concessionem et alienationes quascumque in praedictum earundem camerae et communitatum,

Indulta quoque bona certis personis infundandi;

§ 14. Necnon indulta de bonis stabilibus et iuribus eiusdem camerae, in civitate nostra et districtu Ferrariensi seu alibi consistentibus, certis personis tantum infundandis, per pie memoriae Gregorium Papam XV, etiam praedecessorem nostrum, concessa¹,

Frumenta quoque, aliaque huiusmodi generis blada extrahendi, adportandi, etc.

§ 15. Ac omnia et singula privilegia, licentias et facultates frumenta, blada, legumina, animalia, oleum, olivas et alia quaecumque, tam annonam quam grasciam concernentia, etiam in propriis eorum praediis et possessionibus, agris et terrenis pro tempore recollecta, tam ad effectum extra Statum Ecclesiasticum, quam etiam ad loca mediate vel immediate Sedi Apostolicae subiecta, praeterquam ad Urbem praedictam asportandi, etiam tempore annonae difficultatis, et pro usu proprio, vel ad effectum in eorum vel alienis quibusvis molendinis molendi, sive terram, sive mari, vel per aquam dulcem, ex quibuscumque Status nostri Ecclesiastici temporalis provinciis, et etiam a dicta Urbe, ac civitatibus, terris, castris et locis, eorumque territoriis et districtibus, nobis et dictae sanctae Romanae Ecclesiae mediate vel immediate subiectis, extrahendi, aut illa ultra usum contra tamen formam constitutionum et ordinationum apostoli-

carum et bannimentorum desuper editorum et edendorum emendi, ac, ut dicitur, etiam incettandi, per quoscumque praedecessores nostros, ac nos, et Sedem praedictam, etiam motu proprio et consistorialiter, ac sanctae Romanae Ecclesiae camerarium et cameram praedictam, seu etiam legatos, vicelegatos, gubernatores, officiales et ministros, quibusvis, etiam Avenionensi, Ferrariensi, Beneventanae, et aliis etiam speciali nota dignis civitatibus, et illarum regiminibus, communitatibus et universitatibus, necnon familiis et nobilibus, principibus, ducibus et marchionibus, baronibus, domicellis, et quibusvis aliis personis, quacumque etiam episcopali, archiepiscopali, patriarchali et cardinalatus, aliaque tam seculari quam ecclesiastica dignitate fulgentibus, etiam ratione guberniorum, et aliorum officiorum et munerum eis commissorum, etiam pro se et filiis, eorumque haeredibus et descendentibus, necnon familiaribus et inservientibus, colonis etiam partiaris, laboratoribus et affictuariis, ac pro eorum civitatibus, terris, castris, villis, casalibus, praediis, vineis, et aliis bonis stabilibus, fructibus, iuribus et actionibus, perpetuo vel ad tempus, ac in toto vel pro parte, et etiam causam eraporiorum seu nundinarum etiam publicarum, aut alias, et ex quavis causa, etiam in recompensam laborum, damnorum passorum, expensarum vel meritorum, seu illorum intuitu, et aliam quantumvis urgentissimam ac de necessitate exprimendam causam, sub quibuscumque verborum formis et tenoribus, ac cum quibusvis clausulis et decretis, etiamsi in appaltuum seu locationum instrumentis provisum et cautum sit illas observari debere, appaltatoresque et conductores ad illarum observationem teneri, ac illas, quomodocumque et qualitercumque hactenus, in genere vel in specie, tam ante, quam post eiusdem Pauli V et alio-

¹ Huiusmodi Gregorii XV statutum non habetur in *Bullario* (R. T.).

rum praedecessorum praedictorum¹, et quandocumque, datas, factas, seu confirmatas, restitutas, reintegratas, aut alias concessas, et inde etiam auctoritate iudicis sequuta quaecumque, etiam perpetuo, ac motu, scientiâ et potestate similibus, revocamus et abrogamus.

Renovat praecedentium Pontificum hac super re Constitutiones.

§ 16. Necnon similis memoriae Pauli III, et Iulii etiam III, Pii V, Sixti V praedictorum, ac Clementis III² similiter Romanorum Pontificum praedecessorum nostrorum, et quae incipit *In maximis rerum difficultatibus*³, per praedictum Paulum V praedecessorem sub datum Romae, apud S. Petrum, sub annulo Piscatoris, die xxiii decembris mdcv, pontificatus sui anno i, editas constitutiones exemptionum, immunitatum, concessionum et gratiarum praedictarum revocatorias; ac recolendae memoriae Pii IV⁴ super revocatione similium licentiarum et facultatum extrahendi frumenta, blada et legumina ex provinciis, terris et locis dictae sanctae Romanae Ecclesiae mediate vel immediate subiectis quibusvis concessarum, ac prohibitione, ne a dictis provinciis, civitatibus, terris, locis frumenta, blada et legumina praedicta quicumque extraherent, ac dicti Pii V⁵ per quam, revocationem et prohibitionem eiusdem Pii Papae IV ad licentias et facultates quodcumque genus grasciae, etiam in carnibus, ovibus, agnis et aliis animalibus, necnon oleo ac rebus aliis quibuscumque consistentis, extendit et ampliavit, et Gregorii XIII, pariter Romanorum Pontificum praedecessorum nostrorum, per quam omnibus et singulis communitatibus, universitatibus et quibus-

cumque personis inhibuit, ne quovis praetextu, directe vel indirecte, cuiusvis generis frumenta, blada, legumina, atque animalia quaecumque extra Statum Ecclesiasticum extrahere, et asportare auderent seu praesumerent, et eiusdem Gregorii XIII sub datum die primâ maii MDLXXVIII sui⁴ pontificatus anno sexto², per quam, quod nulli, sibi et sanctae Romanae Ecclesiae mediate vel immediate subiecti, cuiuscumque status, gradus, ordinis et conditionis existerent, etiamsi barones, domicelli, comites, marchiones, vel duces et domini in temporalibus existerent, sub excommunicationis maioris, ac laesae maiestatis criminis, dominiorum et honorum suorum confiscationis, feudorum amissionis, et quorumvis privilegiorum suspensionis, ac aliis etiam pecuniariis arbitrio suo imponendis et applicandis (ac etiam in publicis edictis et proclamantibus per annonae praefectos pro tempore tam eatenus editis et emissis, quam in futurum edendis et emittendis, contentis) censuris et poenis, triticum, hordeum, legumina ac omnis generis frumenta et fruges, a terris et locis dicti Status Ecclesiastici absque expressâ ipsius Gregorii praedecessoris, et ab eo obtentâ in scriptis, et eius manu signatâ licentiâ, extrahere vel extrahi facere, nulloque ex praedictis eorum subditos et vassallos, aut alias quascumque personas, quominus triticum, hordeum, legumina, frumenta et fruges praedicta, in quibusvis locis eis subiectis, quovis praetextu, etiam moliturae, aut cuiusvis alterius oneris vel solutionis, ad aliam Urbem afferrent³ prohibere, aut per se, vel alium, seu alios, directe vel indirecte, impedire auderent; quin potius illis sic afferentibus omnem opem et favorem praestarent; ac insuper nulli, quamlibet tritici, hordei et legumi-

¹ Videretur deesse constitutiones, vel mortem (R. T.).

² Edit. Cherub. legit aptius *Clem. VIII*, cuius constitutio legitur in tom. x, pag. 373 (R. T.).

³ Ista legitur in tom. xi, pag. 256 (R. T.).

⁴ Quam vide in tom. vii, pag. 386 (R. T.).

⁵ Quam habes in tom. vii, pag. 848 (R. T.).

¹ Erronee edit. Main. legit *sub* (R. T.).

² Ambae sunt in tom. viii, pag. 195, seq. (R. T.).

³ Erronee edit. Main. habet *afferent* (R. T.).

num, omnisque generis frumentorum et frugum quantitatem, nisi pro suo, suarumque familiarum unius anni dumtaxat usu, emere valerent, et contrafacientes poenas praedictas incurrisse declararentur, et aggravarentur ipso facto; non obstantibus etiam privilegiis, indultis, litteris et gratis apostolicis quibusvis personis, civitatibus, terris et locis, in genere vel in specie, etiam ex causâ onerosâ concessis, statuit atque decrevit, ac dicti Clementis per quam praedicta omnia, demptâ ex illis excommunicationis poenâ, approbavit et confirmavit; necnon eiusdem Pauli V, per quam omnes et singulas Pii IV, Pii V, Gregorii XIII et Clementis VIII¹ praedecessorum suorum constitutiones et litteras in quibuslibet earum partibus, etiam² quoad excommunicationis et alias ecclesiasticas censuras, quantum attinet ad frumentorum, bladum, leguminum et olei extractionem, innovavit, ac privilegia, licentias et facultates extrahendi praedicta revocavit, ac frumenta, hordea, legumina, et alia annonam et grasciam concernentia, sub excommunicationis et aliis censuris ecclesiasticis et poenis temporalibus supradictis, extra Statum Ecclesiasticum extrahi prohibuit; ac aliam³, per quam, ultimodictam ipsius constitutionem, innovationem, prohibitionem et revocationem, ad loca immediate⁴ Sedi Apostolicae subiecta extendit et ampliavit, in quibuslibet earum partibus, demptis tamen ex illis poenâ excommunicationis et aliis censuris ecclesiasticis (praeterquam in casibus, in quibus extra Statum nostrum Ecclesiasticum, vel ad loca principum, ducum, marchionum, comitum, baronum et aliorum, quorum domicilia

in confinibus dicti Status nostri Ecclesiastici existunt, extractio, mercimonii causâ, fiet), motu, scientiâ et potestate paribus similiter perpetuo approbamus, confirmamus et innovamus, illasque adversus quas-cumque revocationes, suspensiones, limitationes et moderationes in pristinum, et eum, in quo, antequam illa¹ emanarent, erant, statum, restituimus, reponimus et plenarie reintegramus: illasque et earum singulas ab omnibus et singulis, ad quos spectat, sub temporalibus poenis praedictis in illis contentis inviolabiliter de cetero observari debere,

§ 17. Ac provisiones, assignationes, poenas malefactorum, emolumenta, impositiones, gabellas, vectigalia, et alias res, bona et iura praedicta, ex huiusmodi revocatione, prohibitione et constitutione, restituta eidem camerae, et respective communitatibus praedictis, et non aliis, quibus forsitan illarum redditus et proventus locati et appallati reperiuntur, licet, antequam exemptiones, concessiones, assignationes et alia praedicta emanassent, aliter dispositum fuerit, omnino deberi¹, ac ad illa omnia et singula cameram ipsam necnon communitates et universitates, eo ipso, absque aliâ adeptâ seu recuperatâ possessione, restitutas et reintegratas fore et esse praecipimus, statuimus et ordinamus.

§ 18. Per praedicta autem non intendimus revocare exemptiones et immunitates quibuscumque personis ecclesiasticis, tam secularibus quam regularibus, de iure competentes, minusque immunitates et exemptiones, ac extrahendi, et alias facultates, applicationes et alia, thesaurariis, appallatoribus et conductoribus bonorum, introituum et iurium camerae nostrae ab ipsâ camerâ, seu aliis illius nomine, in appalluum et locationum instrumentis, et illorum ratione, concessa.

Revocatas huiusmodi assignationes camerae apostolicae et communitatibus restituit.

Præservat exemptiones ecclesiasticas et afflictuarias in instrumentis.

¹ Quas omnes habes loc. cit. in p. praec. (R. T.).

² Vocem *etiam* nos addimus ex loco parallelo (R. T.).

³ Utraque Pauli V Const. cit. fuit supra pagina 224 (R. T.).

⁴ Sicut supra § 6 (R. T.).

⁵ Ex loco parallelo potius legendum *mediate*

¹ Potius legendum *illae* (R. T.).

² Aut lege *censeri*, aut *censeri debere* (R. T.).

Vel commun-
nitatibus ex
causa tantum
onerosa conces-
sas.

§ 19. Et insuper a revocationibus omni-
bus et singulis supradictis excipimus, et
exceptas esse volumus et declaramus, im-
munitates, exemptiones, confirmationes,
extensiones, prorogationes, facultates, pri-
vilegia, concessionem et alienationes, qui-
busvis communitatibus, universitatibus et
aliis quibuscumque data, facta et respec-
tive concessa in vim contractus ex causâ
vere onerosâ; videlicet congruae et effe-
ctualis camerae apostolicae, vel ipsis com-
munitatibus legitime¹ factae pecuniarum
solutionis, vel ex aliis causis rationalibus
per nos cognoscendis et approbandis, et
etiam declarandis: quas causas omnes
onerosas, nonnisi legitimas, ac licitas et
honestas, prout de iure, approbare inten-
dimus: et propterea illa obtinentes qui-
cumque in eadem camerâ, citato dilecto
filio ipsius camerae commissario generali,
illas verificare, in ipsâque camerâ exami-
nari et admitti facere teneantur (etiâmsi
gratiae, concessionem, privilegia, litterae,
instrumenta, ceteraque praedicta², aliâs
in eadem camerâ admissa, et in eâ, suis-
que libris fuerint et sint registrata), qua-
tenus tamen³ causae onerosae praedictae
pro vere onerosis et legitimis, ut supra,
aliâs in eadem camerâ verificatae ac ap-
probatae et iudicatae non sint, quo casu
ad indicationem tantum, non autem ad
aliâs verificationem eosdem obtinentes te-
neri volumus,

§ 20. Excipimus etiam immunitates et
exemptiones dictae S. R. E. cardinali-
bus, ratione dignitatis cardinalatus, et
cameralibus, qui in eadem camerâ sede-
runt et sedent, concedi solitas, ac etiam
exemptiones, quibus ad praesens⁴ praelati
et officiales Romanae Curiae, ac praelati

domestici, cubicularii secreti et secretarii,
ac alii familiares et continui commensa-
les nostri, et successorum nostrorum Ro-
manorum Pontificum in rotulo descripti,

§ 21. Necnon facultates testandi de qui-
busvis bonis, etiam ubicumque sitis, et
in illis eis ab intestato succedendi, dictis
cardinalibus, ac nostris et Romanorum
Pontificum praedecessorum nostrorum fa-
miliaribus et continuis commensalibus,
etiâmsi illi familiares postmodum esse de-
sierint vel desinant, et aliis quibusvis etiam
gratuito quomodolibet tam per eosdem
praedecessores, quam etiam per nos con-
cessas, et aliâs in omnibus et per omnia
iuxta earumdem facultatum et litterarum
desuper expeditarum formam ac tenorem,
quem pro latissime expresso haberi vo-
lumus,

§ 22. Necnon exemptiones, immunitates
et privilegia quaecumque, quibus fratres,
nepotes et consanguinei nostri, et pro tem-
pore existentis Romani Pontificis viventis,
fruuntur, potiuntur et gaudent,

§ 23. Ac demum illas ob numerum duo-
decim filiorum concessas, quas tamen ad
terminos eiusdem Pii Papae IV¹, et alia-
rum apostolicarum constitutionum super
similium exemptionum declaratione edita-
rum, et ad illas tantum et pro tempore
et personis², ac eo modo et formâ, quibus
de iure communi illis³ competunt, ac aliâs
iuxta ipsius iuris communis et supradic-
tarum et aliarum apostolicarum consti-
tutionum dispositionem reducimus, neque
aliter, quam ut praefertur, illis sive in
petitorio sive in possessorio suffragari vo-
lumus et decernimus.

§ 24. Nostrae autem mentis fuisse et
esse declaramus, regulae cancellariae su-
per revocatione indultorum superviventiae

Facultates
testandi,

Exemptiones
consanguineis
Pontificum;

Ob numerum
duodecim filio-
rum etc., con-
cessas;

Et regulam
cancellariae su-
per indultis su-
perviventiae.

¹ Edit. Main. legit *legitimae* (R. T.).

² Erronee edit. Main. legit *praedictas* (R. T.).

³ Sic legimus ex edit. Cherub. Rom.; perpe-
ram edit. Main. legit *tam* pro *tamen* (R. T.).

⁴ Subde *gaudent*, vel simile (R. T.).

¹ Quam habes in tom. VII, pag. 242 (R. T.).

² Forsan legendum *et ad illas tantum pro*
tempore personas (R. T.).

³ Legerem *illae* (R. T.).

Excipit e-
tiam immunita-
tes cardinalibus
aliisque Roma-
nae Curiae
praelatis.

per nos editae nullatenus praeiudicare, quinimo eam quoad omnia in¹ illa comprehensa, ac omnes et quascumque personas quavis dignitate etiam cardinalitâ fulgentes, confirmamus, et, quatenus opus sit, innovamus et extendimus.

Mandatum de observanda constitutione Sixti Papa V.

§ 25. Ceterum legatis et aliis omnibus officialibus praedictis, ad quos spectat, seu in futurum quomodolibet spectabit, quatenus constitutionem Sixti V praedecessoris praedicti circa poenas malefactorum editam² (quam in omnibus et quoad omnia cum suis declarationibus postea factis innovamus) omnino observent.

Res ad triremes pontificias domtaxat mittendi.

§ 26. Omnibusque et singulis Sedis praedictae feudatariis, sive baronibus ei mediate subiectis, ne reos ad alias, quam ad triremes Sedis Apostolicae transmittere audeant seu praesumant, praecipimus et inhibemus.

Ministri camerae contra praesentis constitutionis formam nihil solvere debent.

§ 27. Appaltatoribus vero, thesaurariis, depositariis, commissariis, exactoribus et ceteris agentibus et ministris camerae et communitatum praedictarum, ne, contra praesentium formam, provisiones, concessionis, assignationesque praedictas de cetero solvant, aut exemptiones, gratias et immunitates (nisi, ut praefertur, exceptas, et eas quae in eâdem camerâ ex causâ onerosâ praedictâ, vel ex aliis rationalibus causis, per nos, ut praefertur, cognoscendis et approbandis, et seu etiam declarandis, illas concessas fuisse, citato commissario praedicto, verificatae, et pro talibus in eâdem camerâ admissae fuerint) admittant, expresse prohibemus; et si secus solverint vel admiserint, solutiones huiusmodi ac exemptiones illas nullatenus in eorum computis admitti volumus, sed eorum damno cessuras esse: quinimo eos ad refectionem damni teneri declaramus.

Licentias extrahendi frumenta extra

§ 28. Ac deinceps, perpetuis futuris temporibus, nullos, licentiarum, facultatum et

privilegiarum quorumcumque, etiam ex causâ onerosâ, ut praefertur, concessorum vel concedendorum vigore, etiam si extractionem propriâ auctoritate fieri posse illis permissum sit, extractiones frumentorum et aliorum praedictorum extra Statum nostrum praedictum, vel etiam ad loca mediate subiecta, et etiam a dictis locis mediate subiectis extra dictum Statum aliquo pacto facere, nec etiam similes extrahendi licentias et facultates in posterum concedi, posse aut debere, nisi chirographo manu nostrâ, aut Romani Pontificis pro tempore existentis, quoties extractio facienda erit, subsignato praecedente, alioquin licentias et facultates huiusmodi, aliâs quam chirographo praedicto praecedente, pro tempore concedendas, et extractiones faciendas, nullas, nulliusque roboris et momenti fore et esse, ac ipsos extrahentes in poenas supradictas incidere, et ad illarum executionem contra illos irremissibiliter procedi posse et debere, volumus pariter et declaramus.

§ 29. Postremo omnia et quaecumque privilegia, facultates et indulta, nobis et Romano Pontifici pro tempore esistenti in Statu temporali, ratione supremâ potestatis a iure, vel per quasvis apostolicas constitutiones, competentia seu reservata exercendi¹, aut eidem supremâ potestati ac superioritati nostrae, et nostrorum tribunalium, officialium et iudicum Romanae Curiae iurisdictioni et auctoritati praeiudicialia, omnibus et singulis supranominatis, etiam, ut praefertur, qualificatis, ac etiam ut² supra et aliâs quomodolibet concessa quaecumque (exceptis tamen iis, quae concessa sunt ex causâ vere onerosâ, scilicet congruae solutionis pecuniarum dictae camerae factae, aut ex investiturâ, vel immemorabili consuetudine inviolabi-

Quaecumque privilegia Pontificis auctoritati et tribunalium iurisdictioni contraria irruuntur.

¹ Nempe indulta exercendi ea quae nobis competunt et reservata sunt (R. T.).

² Partic. ut addimus ex Cherub. (R. T.).

¹ Praep. in addimus ex Cherub. (R. T.).

² Quam vide in tom. IX, pag. 73 (R. T.).

liter observatâ, vel ex aliis rationabilibus causis, per nos vel successores nostros cognoscendis, approbandis, seu etiam declarandis competentibus, quae etiam licet tollere non intendamus, tamen nostram et Romani Pontificis supremam potestatem, superioritatem, nostramque et eiusdem Romani Pontificis, nostrorumque Romanae Curiae tribunalium, officialium et iudicum iurisdictionem praedictam impedire, aut contra illam¹, praeterquam in casibus a iure permissis, suffragari posse vel debere nolumus, nisi prius causa onerosa, vel investitura, seu immemorabilis² praedicta in eadem camerâ, citato commissario praedicto, legitime probata, verificata et iustificata, aliae vero causae rationabiles praedictae a nobis, seu successoribus praedictis pro talibus cognitae et approbatae seu declaratae fuerint), revocamus pariter et abrogamus.

Clausulae.

§ 30. Irritum et inane etiam decernentes quicquid secus super his a quocumque, quovis praetextu, occasione, vel causâ, scienter vel ignoranter, contigerit attentari.

Derogatio contrariorum.

§ 31. Non obstantibus praemissis, et, quatenus opus sit, nostrâ de non tollendo iure quaesito, ac quibusvis constitutionibus et ordinationibus apostolicis, necnon statutis, privilegiis, indultis, concessionibus, exemptionibus, immunitatibus, licentiis, facultatibus, deputationibus, confirmationibus, extensionibus, prorogationibus et litteris apostolicis praedictis et quibusvis aliis, etiam, ut praefertur, seu aliâs, qualificatis et speciali notâ et mentione dignis, etiam motu, scientiâ et potestate paribus, et etiam consistorialiter, et de eorundem cardinalium consilio et assensu, sub quibuscumque verborum formis et tenoribus, et cum quibusvis etiam dero-

gatoriarum derogatoriis, aliisque efficacioribus et insolitis clausulis, ac irritantibus et aliis decretis, etiam inexcogitabilibus et necessario exprimendis, etiam in vim contractus iurati, cameralique obligatione vallati, et quovis alio robore et cautelâ firmatis, editis, et seu factis, ac aliâs quomodolibet in contrarium praemissorum concessis, ac pluries et iteratis vicibus confirmatis, approbatis et innovatis. Quibus omnibus et singulis (etiâsi in eis caveatur expresse, quod nullo unquam tempore sub similium vel dissimilium exemptionum, immunitatum, facultatum, licentiarum, concessionum, deputationum, confirmationum, extensionum, prorogationum, gratiarum, privilegiorum et alienationum revocationibus, suspensionibus, limitationibus, aut aliis quibuscumque contrariis dispositionibus, pro tempore edendis, comprehendantur, sed semper ab illis exceptae et quoties illae emanarent, toties in pristinum et validissimum statum, etiam sub posteriori datâ per eos, quibus concessa sunt, eligendâ, restituta, reposita, plenarie reintegrata et de novo concessa sint et esse censeantur, necnon pro illorum sufficienti derogatione de illis, eorumque totis tenoribus, specialis, specifica expressa et individua, non autem per clausulas generales idem importantes, mentio seu quaevis alia expressio habenda aut aliqua alia exquisita forma ad hoc servanda foret), tenores huiusmodi, ac si de verbo ad verbum nihil, penitus omisso, et formâ illis traditâ observatâ, inserti forent, praesentibus pro plene et sufficienter expressis habentes, specialiter et expresse ac latissime derogamus et derogatum esse volumus, ceterisque contrariis quibuscumque.

§ 32. Ut autem praesentes litterae ad omnium notitiâ facilius deveniant, volumus et apostolicâ auctoritate decernimus, easdem praesentes ad valvas basilicae

Praesentium faciendâ publicatio.

¹ Ita Cherub.; ed. Main. habet aut illum (R. T.).

² Id est consuetudo; erronee edit. Main. legit immemorabili (R. T.).

Principis apostolorum, et Cancellariae Apostolicae, ac in acie Campi Florae per aliquem ex cursoribus nostris publicari, et illarum exempla ibidem affixa relinqui; quae, sic publicatae et, affixae, omnes et singulos, quos concernunt, perinde afficiant et arcent, ac si illorum unicuique personaliter notificatae et intimatae fuissent,

Transumptis
danda fides.

§ 33. Quodque earundem praesentium transumptis, manu notarii publici subscriptis, et sigillo alicuius personae in dignitate ecclesiastica constitutae munitis, eadem prorsus fides, in iudicio et extra illud, ubique adhibeatur, quae ipsis praesentibus adhiberetur, si forent exhibitae vel ostensae.

Clausulae
poenales.

§ 34. Nulli ergo omnino hominum liceat hanc paginam nostrae reprobationis, reservationis, approbationis, confirmationis, restitutionis, repositionis, reintegrationis, praecepti, statuti, ordinationis, exceptionum, prohibitionum, revocationum, abrogationum, reductionis, inhibitionis, innovationum, declarationum, derogationis, voluntatum et decretorum infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursurum.

Datum Romae, apud S. Mariam Maiorem, anno Incarnationis Dominicae MDCXXIV, XII kalendas novembris, pontificatus nostri anno II.

Dat. die 21 octobris 1624, pontif. an. II.

Anno a Nativitate Domini Nostri Iesu Christi MDCXXIV, indictione VII, die vero XXVII mensis novembris, pontificatus SS. in Christo Patris et D. N. D. Urbani, divini providentiæ Papae VIII, pontificatus sui anno II, retrospectae litterae apostolicae publicatae et affixae fuerunt in valvis basilicae Principis apostolorum de Urbe, ac Cancellariae Apostolicae, et in acie

Bull. Rom. — Vol. XIII.

30

Campi Florae, dimissis ibidem earundem litterarum originalibus appensis per aliquod temporis spatium, et exinde amotis, deinde dimissis earundem litterarum copiis affixis, ut moris est, per nos Andream Scalmanum et Fabium Æmilianum, praelibati SS. D. N. Papae cursores.

OCTAVIUS SPADA, magister cursorum.

XC.

Confirmatio erectionis seminarii in diocesi Cariatensi in oppido Verzini.

Urbanus Papa VIII,
ad perpetuam rei memoriam.

§ 1. Exponi nobis nuper fecit venerabilis frater Mauritius episcopus Cariatensis, quod ipse, quo presbyterorum ad curae animarum exercitium idoneorum penuria in sua diocesi vigenti subveniret, unum ecclesiasticorum seminarium in terra Verzini dictae diocesis, quae, ut asserit, a turcarum incursionibus ipsamet civitate Cariatensi securior est, fabrica ad id decenti et congrua propriis suis sumptibus constructa, iuxta Concilii Tridentini decreta erexit et instituit, terrasque seu possessiones, quarum redditus et proventus annui ad summam ducentorum ducatorum monetae regni Neapolitani facile ascendunt, per eum emptas, dicto seminario perpetuo donavit, prout in publicis desuper confectis scripturis plenius dicitur contineri.

Episcopus Cariatensis seminarium erigit in terra Verzini.

§ 2. Cum autem, sicut eadem expositio subiungebat, dictus Mauritius episcopus erectionem, instrumentum et donationem huiusmodi, pro firmiori illarum subsistentia, apostolicae nostrae confirmationis robore communiri, ac in praemissis per nos, ut infra, opportune provideri summopere desideret:

Eiusque fundationem apostolicam auctoritate potius roborari.

§ 3. Nos, piis eius votis huiusmodi, quantum cum Domino possumus, benigne

Confirmat Urbanus.

1 Ex Regest. in Secret. Brev.

annuere, ipsumque specialibus favoribus et grâtiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatus existit, ad prae-missorum effectum dumtaxat consequendum, harum serie absolventes et absolutum fore censes, supplicationibus eius nomine nobis super hoc umiliter porrectis inclinati, de venerabilium fratrum nostrorum S. R. E. cardinalium negotio propagandae fidei praepositorum consilio, erectionem et institutionem seminarii in dictâ terrâ, iuxta decreta eiusdem concilii, ac dotationem seu donationem domus et redditus annui ducentorum ducatorum huiusmodi ipsi seminario a dicto Mauritio episcopo, ut praefertur, factas, apostolicâ auctoritate, tenore praesentium, approbamus et confirmamus, illisque perpetuae et inviolabilis firmitatis robur adicimus, ac omnes et singulos tam iuris quam facti defectus, si qui in praemissis quomodolibet intervenerint, supplemus.

§ 4. Ac praeterea pro tempore futuris episcopis Cariatensibus dicti Mauriti episcopi successoribus in perpetuum, ne domum, terras, aut redditum huiusmodi seminario praedicto applicata et assignata in toto vel in parte quantumvis minimâ dismembrare, alienare, oppignorare, aut de illis quemlibet contractum seminario praedicto praeiudiciale facere praesumant, eisdem auctoritate et tenore expresse prohibemus.

§ 5. Decernentes praesentes litteras et in eis contenta quaecumque valida, firma et efficacia esse et fore, suosque plenarios et integros effectus sortiri et obtinere, ac dicto seminario, illiusque superioribus et alumniis quibuscumque in omnibus et per omnia plenissime suffragari; sicque per quoscumque iudices ordinarios et de-

legatos etiam causarum palatii apostolici auditores, ac sanctae Romanae Ecclesiae cardinales, etiam de latere legatos et Sedes apostolicae nuncios (sublatâ eis et eorum cuilibet quavis aliter iudicandi et interpretandi facultate et auctoritate) iudicari ac definiri debere, ac irritum et inane, si secus super his a quoquam, quavis auctoritate, scienter vel ignoranter, confugerit attentari. Non obstantibus constitutionibus et ordinationibus apostolicis, ceterisque contrariis quibuscumque.

Datum Tusculi, sub annulo Piscatoris, die XXI octobris MDCXXIV, pontificatus nostri anno II.

Dat. die 21 octobris 1624, pontif. anno II.

XCI.

Extensio concessionis recitandi officium et celebrandi missam Iacobi de Marchia Ordinis fratrum Minorum sancti Francisci ad omnes fratres eiusdem Ordinis ubique existentes¹.

Urbanus Papa VIII,
ad futuram rei memoriam.

Nuper, pro parte charissimi in Christo filii nostri Philippi Hispaniarum regis catholici, ac dilectorum filiorum cleri et populi civitatis Napolitanae, nec non totius Ordinis fratrum Minorum S. Francisci de Observantiâ nuncupatorum nobis exposito, quod bonae memoriae Iacobus de Marchia multis et eximiis virtutum, gratiarum et miraculorum donis a Domino illustratus fuerat, et propterea Philippi regis, ac cleri et populi, nec non Ordinis praedictorum nominibus humiliter supplicato, ut, donec canonizationis honor dicto Iacobo de Marchia, ob eius eximiam claritatem², et excellentia merita, divinâ adspirante gratiâ ab Apostolicâ Sede decerneretur, idem Iacobus de Marchia Beatus

Reconsuetur
praecedens in-
dultum.

¹ Vide supra Const. LXXXI, pag. 193 (R. T.).

² Aptius ibid. legitur *charitatem* (R. T.).

Cavet, quominus futuri episcopi bona ad illud spontantia alienent vel oppignorant.

Clausulas apponit.

nuncupari, atque officium de eo, ut infra, recitari posset; nos, re prius per venerabiles fratres nostros sanctae Romanae Ecclesiae cardinales sacris ritibus praepositos, quibus eam examinandam mandaveramus, mature discussâ, de eorumdem cardinalium consilio, huiusmodi supplicationibus inclinati, ut ipse bonae memoriae Iacobus de Marchia Beatus nuncupari, atque officium et missa de eo tamquam de Confessore non Pontifice in ecclesiâ tantummodo S. Mariae della Nova nuncupatae civitatis Neapolitanae, ubi corpus eiusdem requiescere asserebatur, recitari et celebrari respective libero et licite posset et valeret, apostolicâ auctoritate licentiam et facultatem concessimus: prout in nostris in simili formâ Brevis desuper expeditis litteris, quarum tenores praesentibus pro expressis haberi volumus, plenius continetur.

Extensio, de qua in rubrica.

§ 1. Cum autem, sicut Philippus rex, ac clerus et populus, Ordoque praedicti nobis nuper exponi fecerunt, pro eo, quem erga dictum beatum Iacobum de Marchia gerunt, devotionis affectu, plurimum cupiant, concessionem huiusmodi ad universum Ordinem praedictum extendi: nos, piis Philippi regis, ac cleri et populi, necnon Ordinis eorumdem votis in praemissis per amplius annuere volentes, singularesque cleri et populi, necnon Ordinis praedictorum personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis a iure vel ab homine quavis occasione vel causâ latis, si quibus quomodolibet innotatae existunt, ad effectum praesentium dumtaxat consequendum, harum serie absolventes et absolutas fore censentes, supplicationibus eorum nomine nobis denuo super hoc humiliter porrectis inclinati, de cardinalium praedictorum consilio, concessionem huiusmodi ad universum Ordinem fratrum Minorum sancti Francisci de Ob-

servantiâ nuncupatorum praedictum, ita ut ab omnibus illius personis officium et missa de beato Iacobo tamquam de Confessore non Pontifice, iuxta tamen rubricas missalis et breviarii romani, recitari et celebrari respective similiter possit et valeat, eâdem auctoritate, tenore praesentium, extendimus et ampliamus.

§ 2. Non obstantibus omnibus illis, quae in dictis litteris volumus non obstare, ceterisque contrariis quibuscumque.

Derogatio contrariorum.

§ 3. Volumus autem, ut praesentium transumptis, etiam impressis, manu alicuius notarii publici subscriptis, et sigillo alicuius personae in dignitate ecclesiasticâ constitutae munitis, eadem prorsus fides adhibeatur, quae praesentibus adhiberetur, si forent exhibitae vel ostensae.

Fides danda transumptis.

Datum Tusculi, sub annulo Piscatoris, die xxiii octobris MDCXXIV pontificatus nostri anno II.

Dat. die 23 octobris 1624, pontif. anno II.

XCII.

Declaratio, quod consensus monialium, sine quo mulieres seculares licentiis monasteria ingrediendi uti non possunt, expresse, capitulariter et per secreta suffragia de cetero haberi debeat.

Urbanus Papa VIII,
ad perpetuam rei memoriam.

Sacrosanctum apostolatus ministerium, quod ineffabilis divinae sapientiae providentia humilitati nostrae, nullo licet meritorum suffragio, credidit, iugiter postu-

Exordium

~ 1 Huiusmodi licentiarum revocationem habes in Greg. XIII Const. XLIV *Ubi gratiae*, tom. VIII, pag. 113; et postea contra abutentes huiusmodi licentiis et circa illarum usum statuit nonnulla Paulus V in Const. CXX *Facultatum*, tom. XI, pag. 548; sed deinde idemmet Paulus revocavit omnes licentias mulieribus concessas ingrediendi monasteria monialium, ut in eiusdem Constit. CCXVIII, *Monialium quieti*, tom. XII, pag. 184.

lat, ut inter multiplices pastoralis officii curas, illam sedulo amplectamur, qua sanctimonialium quieti opportune consulitur.

Causae faciendae declarationis.

§ 1. Cum itaque plures licentiae monasteria monialium ingrediendi diversis mulieribus secularibus, sub certis modo et forma tunc expressis, a nobis et diversis Romanis Pontificibus praedecessoribus nostris concessae fuerint, eademque mulieres in vim licentiarum praedictarum monasteria huiusmodi, nonnisi de expresso earundem monialium et illorum superiorum, consensu ingredi possint, seu debeant:

Declaratio, de qua in rubrica.

§ 2. Nos, omnem dubitandi materiam, quae super modo consensum huiusmodi praestandi forsitan oriri posset, e medio tollere volentes, motu proprio et ex certa scientia nostra, harum serie decernimus atque declaramus, consensum dictarum monialium, de cetero per easdem moniales capitulariter et per secreta suffragia praestandum esse et praestari debere, alias licentiae huiusmodi mulieribus, quibus concessae fuerunt, nullatenus suffragentur:

Poenae contra inobedientes.

§ 3. Et quae sanctimonialium monasteria vigore licentiarum praedictarum, absque consensu capitulariter, ut praefertur, praestito, ingredi praesumpserint, sententias, censuras et poenas contra clausuras monasteriorum monialium violantes inflictas, se noverint incursumas;

Clausulae.

§ 4. Sicque et non aliter per quoscunque iudices ordinarios et delegatos, etiam causarum palatii apostolici auditores, sublata eis et eorum cuilibet quavis aliter iudicandi et interpretandi facultate, iudicari et definiri debere; ac irritum et inane, si secus super his a quoquam, quavis auctoritate, scienter vel ignoranter, contigerit attentari: in contrarium facienda non obstantibus quibuscumque.

Transumptis danda fides.

§ 5. Volumus autem, ut praesentium transumptis, etiam impressis, manu alicuius notarii publici subscriptis et sigillo alicuius personae in dignitate ecclesiastica

constitutae munitis, eadem prorsus fides adhibeatur, quae praesentibus adhiberetur, si forent exhibitae, vel ostensae.

Datum Tusculi, sub annulo Piscatoris, die XXVII octobris MDCXXIV, pontificatus nostri anno II.

Dat. die 27 octobris 1624, pontif. an. II.

XCIII.

Institutio confraternitatis Aulicorum Urbis in ecclesia S. Nicolai ad Caesarinos sub invocatione confraternitatis Urbanae¹.

Urbanus Papa VIII,
ad perpetuam rei memoriam.

Prooemium.

Pastoris aeterni, qui pro gregis salute in ara crucis immolari voluit, vices quamquam immeriti gerentes in terris, pia christifidelium vota, divini cultus augmentum et ipsorum fidelium salutem concernentia ad exauditionis gratiam libenter admittimus, eosdemque fideles ad pia et devota opera exercenda indulgentiis et peccatorum remissionibus invitamus, ut per operum huiusmodi exercitium ad aeternae beatitudinis gaudia pervenire mereantur.

§ 1. Cum itaque, sicut dilecti filii almae Urbis nostrae aulici nuper exponi fecerunt, ipsi peculiari devotionis affectu ducti, et ut alios christifideles ad eiusdem devotionis studium accendant, in parochiali ecclesia S. Nicolai ad Caesarinos de Urbe unam eorumdem aulicorum confraternitatem Urbanam nuncupandam ad Dei gloriam et honorem, ac animarum dictorum fidelium salutem per nos erigi summo-pere desiderant;

Aulici propriam confraternitatem erigunt.

§ 2. Nos, piis eorumdem aulicorum desideriis huiusmodi benigne annuere,

Quam erigit Pontifex, Urbanamque vocat.

¹ Eidem confraternitati postea concessa fuit ecclesia S. Laurentii in Fonte in regione Montium Urbis per Const. Urbani VIII data die XIV iunii MDCXXVIII, quam suo loco dabimus (R. T.).

animarumque salutis paternam charitatem prospicere, eosdemque aulicos specialibus favoribus et gratiis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censentes, supplicationibus eorundem nomine nobis super hoc humiliter porrectis inclinati, in praedictam ecclesiam unam christifidelium aulicorum dictae Urbis confraternitatem, Urbanam nuncupatam, quae non sit pro hominibus unius specialis artis, sine alicuius praeiudicio, apostolicam auctoritatem perpetuo erigimus et instituimus.

Temporales.

§ 3. Necnon confratribus dictae confraternitatis pro tempore existentibus, ut processionaliter incedere, divina officia in suo oratorio recitare, et pro ipsius confraternitatis negotiis se congregare, ac quaecumque statuta, capitula, ordinationes et decreta pro salubri eorum et dictae confraternitatis regimine et administratione necessaria et opportuna, licita tamen et honesta, sacrisque canonibus, et Concilii Tridentini decretis, ac constitutionibus apostolicis non contraria, per dilectum filium nostrum in dicta Urbe vicarium in spiritualibus generalem examinanda et approbanda, facere et edere, illaque pro tempore, prout eis videbitur et expediens fuerit, praevia simili examinatione et approbatione, mutare, alterare, corrigere et in melius reformare;

§ 4. Ac insuper omnia et singula legata, relictas, res et bona quomodolibet qualificata, mobilia et immobilia, per quoscumque christifideles dictae confraternitati per viam testamenti, donationis, aut alias quomodolibet pro tempore legitime

elargita et relictas recipere, illaque per eorum officiales et deputatos regere, gubernare et administrare, ac in ipsius confraternitatis, et eius piorum operum usus convertere libere similiter et licite valeant (ita tamen ut de receptis et administratis per eosdem eidem vicario iuxta decreta Concilii Tridentini huiusmodi rationem reddere teneantur), auctoritate et tenore praedictis, concedimus et indulgemus.

§ 5. Postremo, ut dicta confraternitas maiora in dies suscipiat incrementa, de omnipotentis Dei misericordia ac beatorum Petri et Pauli apostolorum eius auctoritate confisi, omnibus et singulis christifidelibus, qui dictam confraternitatem imposterum ingredientur, die primo eorum ingressus, si vere poenitentes et confessi sanctissimum Eucharistiae sacramentum sumpserint, plenariam;

Spiritualesque gratias et elargitur.

§ 6. Necnon pro tempore describendis in dicta confraternitate confratribus, in cuiuslibet eorum mortis¹ articulo, si vere poenitentes et confessi ac sacramenta communione refecti, vel, quatenus id facere nequiverint, saltem contriti nomen Iesu ore, si potuerint, sin autem corde devote invocaverint, etiam plenariam.

§ 7. Ac eisdem pro tempore existentibus confratribus, etiam vere poenitentibus et confessis, ac eadem sacramenta communione refectis, qui praedictae confraternitatis ecclesiam, vel cappellam, seu oratorium die festo exaltationis sanctae Crucis a primis vespere usque ad occasum solis festi huiusmodi singulis annis devote visitaverint, et ibi pro christianorum principum concordia, haeresum extirpatione, ac sanctae Matris Ecclesiae exaltatione pias ad Deum preces effuderint, plenariam similiter omnium peccatorum suorum indulgentiam et remissionem misericorditer in Domino concedimus et elargimur.

§ 8. Insuper dictis confratribus, etiam

¹ Vocem *mortis* nos addimus (R. T.).

vero poenitentibus et confessis, ac sacra communione relictis, ecclesiam vel cappellam seu oratorium huiusmodi in Conceptionis B. Mariae Virginis, ac S. Urbani Papae et Martyris, et sanctorum Ioannis et Pauli, ac sancti Antonii abbatis festis diebus, ut praefertur, visitantibus, et ibidem orantibus, quo die praedictorum id egerint, septem annos et totidem quadragenas;

§ 9. Quoties vero ipsi missis et aliis divinis officiis in dicta ecclesia, vel cappella, seu oratorio pro tempore celebrandis et recitandis, seu congregationibus publicis vel privatis eiusdem confraternitatis ubivis faciendis interfuerint, aut pauperes hospitio susceperint, vel pacem inter inimicos composuerint, seu componi fecerint, vel procuraverint, necnon etiam qui corpora defunctorum, tam confratrum dictae confraternitatis quam aliorum, ad sepulturam associaverint, aut quascumque processiones de licentia Ordinarii faciendas, sanctissimumque Eucharistiae sacramentum, tam in processionibus, quam cum ad infirmos, aut alias ubicumque et quomodocumque pro tempore defertur, comitati fuerint, aut, si impediti, campanae ad id signo dato, semel orationem dominicam et salutationem angelicam dixerint, aut etiam quinquies orationem et salutationem praedictas pro animabus defunctorum confratrum dictae confraternitatis recitaverint, aut peccatorem aliquem ad viam salutis reduxerint, et ignorantes Dei praecepta, et ea, quae ad salutem sunt, docuerint, aut aliud quodcumque pietatis vel charitatis opus exercuerint, toties, pro quolibet praefatorum operum, sexaginta dies de iniunctis eis, seu alias quomodolibet debitis, poenitentiis in formam Ecclesiae consuetam relaxamus. Praesentibus perpetuis futuris temporibus valituris.

§ 10. Volumus autem, quod si dicta confraternitas alicui archiconfraternitati aggregetur, vel quavis alia ratione uniatur,

seu etiam quomodolibet instituat, praesentes et quaevis aliae litterae apostolicae illis nullatenus quoad indulgentias et remissiones praefatas suffragentur, sed ex tunc eo ipso prorsus nullae sint.

Datum Romae, apud S. Mariam Maiorem, sub annulo Piscatoris, die xxx octobris mdcxxiv, pontificatus nostri anno ii.

Dat. die 30 octobris 1624, pontif. an. ii.

XCIV.

Magno magistro Militiae Christianae facultas conceditur militiae adscribendi eos qui per biennium Sedi Apostolicae inservierint.

Urbanus Papa VIII,
ad perpetuam rei memoriam.

Cum nos nuper Militiam Christianam Conceptionis Deiparae Virginis apostolicam auctoritate erexerimus et instituerimus, ac sub nostra et Sedis Apostolicae protectione susceperimus, illique et eius militibus ac magno magistro varia privilegia, indulta, immunitates, praerogativas, gratias, et favores, prout in litteris erectionis praedictae militiae sub datum Romae apud S. Petrum, pridie idus februarii pontificatus nostri anno i, expeditis plenius continetur¹, apostolicam auctoritate concessimus:

§ 1. Ad ampliandum eo magis dictae militiae felicissimum incrementum, ita ut militantis Ecclesiae infensissimi hostes, tam potentium et illustrium virorum fortitudine, quam etiam ecclesiasticorum principum maiestate et auctoritate perterriti, ab assiduis, quas erga christianam rempublicam moluntur, insidiis desistant, et catholicae fidei propagatio in dies magis augeatur, motu proprio non ad alicuius super hoc nobis oblatae petitionis instantiam, sed ex certa scientia, meraque deliberatione nostris, ac de apostolicae po-

¹ Quas vide supra pag. 114 (R. T.).

praesentes nol-
lae sint.

Exordium, a-
rectam a se mi-
litiam christia-
nam recenset.

Cuius magno
magistro facult-
tatem concedit
adscribendos,
qui per bien-
nium Sanctae
Sedi inservie-
runt.

Si haec con-
fraternitas al-
teri confrater-
nitati uniat

testatis plenitudine, eiusdem militiae magno magistro pro tempore existenti, seu ab eo delegandis vel deputandis, ac eiusdem militiae institutoribus plenam et omnimodam facultatem concedimus per praesentes, ut quoscumque patriarchas, archiepiscopos, episcopos, causarum palatii apostolici auditores, necnon camerae nostrae apostolicae clericos, protonotarios de numero participantium, necnon utriusque signaturae nostrae referendarios, qui saltem per biennium actu officia sua exercerint, Sedis Apostolicae servitiis realiter insistendo, secundum dictae militiae statuta et constitutione a nobis approbatas, absque aliis ab eis faciendis probationibus, in eandem militiam recipere, admittere, ac illis habitum et crucem, per eiusdem militiae milites gestari solitum, conferre libere et licite possint.

Sic autem adscriptis ceterorum militum privilegia communical.

§ 2. Quibus, omnibus et singulis privilegiis, indultis, praeeminentiis, praerogativis, gratiis, favoribus, immunitatibus, exemptionibus, quibus alii dictae militiae milites utuntur, fruuntur, potiuntur et gaudent, uti, frui, potiri et gaudere, ac habitum et crucem huiusmodi gestare, nec non vocem activam et passivam in capitulis, consiliis, etiam supremo, secundum dictae militiae constitutionem faciendis, si ad hoc deputati fuerint, ac aliis dictae militiae actibus habere, et in tali habitu, ac suis dignitatibus, quas obtinent, remanere, necnon ad quoscumque alios maiores et nobiliores gradus ascendere similiter possint, necnon quaecumque, quocumque, et qualiacumque beneficia ecclesiastica, prioratus, praepositorias, commendas, praepositorias, abbatias, personatus, administrationes, ac officia, dignitates, canonicatus, ac praebendas in cathedralibus, seu metropolitanis, vel collegiatis ecclesiis, si sibi alias canonice conferantur, aut ipsi eligantur, praesententur, vel alias assumantur ad illa, et

instituantur in eisdem, recipere, ac (dummodo plura simul non sint quam quae a Concilio Tridentino permittuntur) quoad vixerint retinere, et quascumque pensiones annuas, usque ad quamcumque summam, super cathedralium et metropolitaniarum et abbatialium, conventualium et capitularium mensarum, necnon monasteriorum, etiam consistorialium, prioratuum, canonicatum, ac praebendarum, dignitatum, personatum, administrationum et officiorum, aliorumque beneficiorum ecclesiasticorum, cum cura et sine cura, secularium et quorumvis Ordinum et militiarum regularium, qualitercumque qualificatorum, fructibus, redditibus, proventibus, iuribus, obventionibus et emolumentis universis, ac etiam distributionibus quotidianis, aliis sibi canonice reservandas, percipere, exigere, et in suos usus ac utilitatem convertere, ipsasque pensiones una cum praepositoris et beneficiis quibuscumque, quoad vixerint, retinere libere et licite possint et valeant, apostolica auctoritate, tenore praesentium, indulgemus; sicque ab omnibus et singulis censi decernimus.

§ 3. Non obstantibus constitutionibus et ordinationibus apostolicis, necnon dictae militiae (etiam iuramento, confirmatione apostolica¹, aut quavis alia firmitate roboratis) statutis, consuetudinibus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die XIV novembris MDCXXIV, pontificatus nostri anno II.

Dat. die 14 novembris 1624, pontif. an. II.

XCV.

Ecclesiasticis regni Siciliae permittitur, ut quoddam subsidium regi praebere queant².

¹ Edit. Main. legit *apostolicae* (R. T.).

² Ex regist. in Secret. Brev.

Charissimo in Christo filio nostro Philippo,
Hispaniarum regi catholico,
Urbanus Papa VIII.

Charissime in Christo fili noster,
salutem et apostolicam benedictionem.

Statibus regni
Siciliae quam-
dam pecuniae
summam regi
offerentibus,

§ 1. Exponi nobis nuper fecisti, quod (cum dilecti filii tres hominum Status, seu tria brachia, ecclesiasticum, militare, et demaniale nuncupata, regni Siciliae ultra pharum, cuius tu rex existis, quibusdam rationabilibus de causis animos eorum moventibus, de offerendo tibi ac bonae memoriae Philiberto a Sabaudia, priori prioratus Castellae et Legionis hospitalis S. Ioannis Hierosolymitani, tunc eiusdem regni proregi, certas pecuniarum summas, donativa nuncupata, sub certis terminis ac modo et forma exigendas inter se tractaverint) venerabiles fratres archiepiscopi, episcopi, ac dilecti filii archimandrita ac aliae personae ecclesiasticae dicti regni certam ratam sponte sua obtulerunt et dare statuerunt in parlamenti ordinariis habitis de anno praesenti; ipsique archiepiscopi, episcopi et archimandrita ac aliae ecclesiasticae personae eorum ratam huiusmodi, accedente ad hoc nostro et Apostolicae Sedis beneplacito, persolvere obtulerunt, et forsitan etiam persolverunt.

Ecclesiastici
quoque ratam
pro sui parte
dare decorant.

Rex itaque
permitti sibi
suisque mini-
stris, ut eam
recipere que-
ant, petiit.

§ 2. Cum autem, sicut eadem expositio subiungebat ex eo quod per Lateranense concilium novissime celebratum, diversasque alias canonicas sanctiones, sub certis censuris et poenis caveatur expresse, ne reges, principes, et alii potentatus ab archiepiscopis, episcopis, abbatibus et aliis personis ecclesiasticis, etiam sponte offerentibus, aliquam pecuniarum summam sive subventionem recipiant), maiestas tua, ac tui illius regni ministri, necnon dilectus filius noster Ioannettinus S. R. E. cardinalis ab Auria nuncupatus, qui eidem Philiberto in munere proregis huiusmodi, nostra et Apostolicae Sedis li-

centia sibi suffragante, successit, dubitetis, ratam praedictam recipiendo, censuras et poenas praedictas incurrere, et forsitan incurrisse; ac nobis propterea humiliter supplicari feceris, pro tuae et dictorum ministrorum ac Ioannettini cardinalis et proregis conscientiae quiete, quatenus in praemissis nostram et huius Sanctae Sedis auctoritatem interponere dignaremur:

§ 3. Nos, huiusmodi supplicationibus inclinati, oblationi et forsitan promissioni, necnon solutioni per archiepiscopos, episcopos et archimandritam ac alias ecclesiasticas personas factis, pro hac vice tantum, nostram et Sedis praedictae auctoritatem interponimus per praesentes: et nihilominus archiepiscopis, episcopis, et archimandritae, ac aliis ecclesiasticis personis praedictis, ut ratam huiusmodi, per eos, ut praefertur, oblatam et promissam, persolvere, ac maiestas tua, et tui ministri, dictusque Ioannettinus cardinalis et prorex, eam petere et recipere, absque conscientiae scrupulo, seu censurarum et poenarum praedictarum incursu, libere et licite valeant, concedimus et indulgemus.

Permittit Ur-
banus.

§ 4. Ipsosque archiepiscopos, episcopos et archimandritam, ac alias personas ecclesiasticas, et earum singulas, quatenus ipsi dictam ratam iam promiserint aut solverint, necnon eandem maiestatem tuam, et tuos ministros, ac Ioannettinum cardinalem et proregem praedictum, si eandem ratam iam perceperint, ab omnibus et singulis censuris et poenis propterea quomodolibet incursis, eadem auctoritate, absolvimus et absolutos fore censemus et declaramus.

Ipsosque ec-
clesiasticos, si
iam quidquam
dederint, a cen-
suris absolvit.

§ 5. Decernentes, quod omnes et singuli pensionarii, seu ii, quibus loco pensionum fructus in totum vel in partem reservati existunt, cuiuscumque dignitatis vel conditionis sint, exceptis tamen sanctae Romanae Ecclesiae cardinalibus, ad huiusmodi ratae solutionem in omnibus et per

Decernit pen-
sionarios etiam
teneri ad solu-
tionem huius-
modi ratae.

omnia, perinde ac si nominatim ratam eandem se soluturos obtulissent (clausulis et decretis in litteris apostolicis reservationum pensionum et fructuum huiusmodi etiam consistorialiter appositis, etiam quod dictae pensiones ab omni decima, subsidio charitativo, ac quovis alio onere, tam ordinario quam extraordinario, quavis auctoritate, etiam pro expeditione tam offensivâ quam defensivâ contra turcas et alios infideles, ac reipublicae christianae ab illorum conatibus defensione, seu aliâ inexcogitabili causâ, a Romano Pontifice pro tempore existente, etiam ad imperatoris, regum, ducum, et aliorum instantiam, illorumque contemplatione et intuitu, etiam motu proprio et ex certâ scientiâ impositis et imponendis, aut aliâs qualitercumque, exemptae sint, nequaquam obstantibus) teneantur, et efficaciter obstricti sint; ipsique archiepiscopi, episcopi, archimandrita, et aliae personae, quarum ecclesiae, monasteria et alia beneficia ecclesiastica annuis pensionibus, auctoritate apostolicâ assignatis, gravata et onerata sunt, ratam pensionariorum suorum, seu eorum, quibus fructus huiusmodi sunt reservati,olvere, et illud, quod pro ipsis pensionariis, seu iis, quibus fructus huiusmodi sunt reservati, vere et realiter, ac quacumque fictione cessante, persolverint, suâ propriâ auctoritate postmodum penes se retinere possint, nec propterea sententias, censuras et poenas in eisdem pensionum reservationibus contentas incurrant.

Contraria tollit.

§ 6. Non obstantibus praemissis, ac quibusvis constitutionibus et ordinationibus apostolicis, necnon ecclesiarum, monasteriorum et beneficiorum huiusmodi (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis, exemptionibus, immunitatibus, etiam in corpore iuris clausis, ac litteris apostolicis, quibusvis generaliter vel specialiter

concessis, necnon litteris reservationum pensionum, et fructuum huiusmodi, ac quibusvis obligationibus, etiam in formâ camerae, etiam cum iuramento et censuris, ac mandati exequutivi susceptione, vel aliâs desuper factis, etiamsi de illis, eorumque totis tenoribus, de verbo ad verbum mentio, seu quaevis alia expressio habenda sit, et in eis caveatur expresse, quod per huiusmodi clausulas generales, etiam mentionem specialem importantes, eis derogatum esse non censeatur, aut derogari non videatur, nisi certis modo et formâ in illis expressis plene observatis. Quibus omnibus, eorum tenores praesentibus pro expressis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

§ 7. Ceterum, volentes providere ne pauperes ecclesiastici ad contributionem huiusmodi graventur, Ioannettinum cardinalem et proregem praedictum hortamur attente, ac in virtute sanctae obedientiae illi mandamus, quatenus pauperes ecclesiasticos, qui in redditibus annuis nihil, aut parum, etiam usque ad valorem decem unciarum, scuta xxv monetae illius regni constituentium, inclusive habent, ad contributionem praedictam per quoscumque, quavis auctoritate fungentes, cogi aut compelli nullo modo permittat.

Pauperes tam
mell ecclesiastici
eximunt.

§ 8. Volumus, quod exactio pecuniarum huiusmodi ab ecclesiasticis per personas etiam ecclesiasticas a dictâ maiestate tuâ seu dicto Ioannettino cardinale et prorege deputandas fieri debeat, invocato etiam ad hoc, si opus fuerit, auxilio brachii secularis (quod si secus in aliquo praemissorum factum fuerit, qui contravenerint, in poenas et censuras incurrant, perinde ac si praesentes litterae non emanassent);

Exactorem
vero huiusmodi
per ecclesiasti-
cos fieri prae-
cipit

§ 9. Quodque etiam praesentium transumptis, etiam impressis, manu alicuius notarii publici subscriptis, et sigillo ali-

Transumptus
et si iubet

cuius personae in dignitate ecclesiastica constitutae munitis, eadem prorsus fides in iudicio et extra in omnibus et per omnia adhibeatur, quae ipsis praesentibus adhiberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die xv novembris MDCXXIV, pontificatus nostri anno II.

Dat. die 15 novembris 1624, pontif. anno II.

XCVI.

Indultum fratribus Iesuatis sancti Hieronymi, Ordinis sancti Augustini, quod abiecto caputio albi coloris, aliud coloris eorum habitus, eaque formâ qua ceteri Mendicantes utuntur, deinceps gestare valeant¹.

Urbanus Papa VIII,
ad perpetuam rei memoriam.

Exordium.

Onerosâ pastoralis officii cura nobis, licet immeritis, ex alto commissa postulat, ut religiosos viros, qui, spretis mundi vanitatibus, divini numinis obsequiis sese manciparunt, propensis studiis complectamur, prout conspicimus in Domino salubriter expedire.

Indultum de quo in rubrica.

§ 1. Hinc est quod nos, dilectos filios fratres Iesuatos sancti Hieronymi, Ordinis sancti Augustini specialibus favoribus et gratiis prosequi volentes, eorumque singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione

¹ Institutum horum fratrum habes in Martin. V Const. xxii *Piae*, tom. iv, pag. 730; et Const. xx Pauli V, *Religiosos*, tom. xi, pagina 272; et eisdem fratribus, approbatis a locorum Ordinariis, ad audiendas confessiones in ecclesiis parochialibus dicti Ordinis, ut parochianorum confessiones audire valeant, concessit Greg. XV in Const. Lxxvi *Ex iniuncto*, tom. xii, pag. 730; qui etiam comprobavit novitium in Urb., ut in eiusdem Const. cviii, *Inter multiplices* ibid., pag. 812.

vel causâ latis, si quibus quomodolibet innotatae existunt, ad effectum praesentium dumtaxat consequendum, harum serie absolventes et absolutas fore censentes, supplicationibus eorum nomine nobis super hoc humiliter porrectis inclinati, de venerabilium fratrum nostrorum sanctae Romanae Ecclesiae cardinalium sacris ritibus praepositorum consilio, eisdem fratribus, ut, abiecto caputio albi coloris, quod super humeros hactenus gesserunt, aliud in capite coloris eorundem pallio similis, atque eâ formâ qua ceteri Mendicantes utuntur, gestare libere et licite valeant, apostolicâ auctoritate, tenore praesentium, concedimus et indulgemus, ac licentiam et facultatem impertimur.

§ 2. Decernentes illos desuper a quoquam, quavis auctoritate, quomodolibet indebite molestari, inquietari vel perturbari nullatenus posse, neque debere; praesentes vero litteras validas et efficaces esse et fore, eisdemque fratribus in omnibus et per omnia plenissime suffragari;

Clansulae.

§ 3. Sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

§ 4. Non obstantibus constitutionibus et ordinationibus apostolicis, dictique Ordinis (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, eorum tenores praesentibus pro plene et sufficienter expressis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Derogatio contrariorum.

Datum Romae, apud S. Mariam Maiorem.

rem, sub annulo Piscatoris, die XIX novembris MDCXXIV, pontificatus nostri anno II.

Dat. die 19 novembris 1624, pontif. an. II.

XCVII.

Confirmatio confraternitatis Musicorum sub Visitationis B. Mariae, S. Gregorii Papae, ac S. Caeciliae titulo, antea in ecclesiâ Congregationis clericorum regularium S. Pauli Decollati de Urbe institutae, cum indultorum ac indulgentiarum concessione.

Urbanus Papa VIII,
ad perpetuam rei memoriam.

Prooemium. Pietatis et christianae charitatis opera ubique cum divini cultus incremento exerceri cupientes, his propterea, quae pie et provide facta fuisse dicuntur, libenter, cum a nobis petitur, apostolici muniminis adiicimus firmitatem, Christique fideles, ut in eorundem piorum operum exercitio magis confoveantur, favoribus et gratiis prosequimur opportunis, prout conspiciamus in Domino salubriter expedire.

Erectam primum confraternitatem musicorum,

§ 1. Exponi siquidem nobis nuper fecerunt dilecti filii officiales et confratres confraternitatis Musicorum nuncupatae, sub Visitationis B. Mariae Virginis ac S. Gregorii Papae et S. Caeciliae invocationibus, quod aliàs confraternitas praedicta in S. Pauli Clericorum Regularium Congregationis eiusdem S. Pauli Decollati seu aliâ almae Urbis nostrae ecclesiâ canonice erecta et instituta fuit;

Statutaque pro ea edita,

§ 2. Ac, pro felici, prosperaque illius directione et gubernio, nonnulla statuta condita fuerint, illaque a dilecto filio nostro in dictâ Urbe vicario in spiritualibus generali probata fuerunt, prout in publicis desuper confectis scripturis plenius dicitur contineri.

Confirmari petunt confratres.

§ 3. Cum autem, sicut eadem expositio subiungebat, firmiora sint ea, quae a Sede

1 Cohærenter legeretur fuerunt (R. T.).

Apostolicâ approbantur et confirmantur, cupiantque propterea officiales et confratres praedicti, erectionem et institutionem, statutaque praedicta apostolicae confirmationis patrocinio communiri, aliasque sibi per nos indulgeri:

§ 4. Nos, eorum volis in praemissis, quantum cum Domino possumus, annuere, illosque specialibus favoribus et gratiis prosequi volentes, et eorum singulares personas a quibusvis excommunicationum, suspensionum et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censentes, supplicationibus eorum nomine nobis super hoc humiliter porrectis inclinati, erectionem et institutionem praedictas, quatenus canonice factae fuerint, ut praefertur, nec non statuta praedicta, dummodo tamen licita sint et honesta, sacrisque canonibus, et Concilii Tridentini decretis, ac constitutionibus apostolicis non adversentur, apostolicâ auctoritate, tenore praesentium, perpetuo approbamus et confirmamus, illisque inviolabilis apostolicae firmitatis robur adiicimus, ac omnes et singulos tam iuris quam facti defectus, si qui desuper quomodolibet intervenerint, supplemus.

Confirmat Urbanus.

§ 5. Eisdemque officialibus et confratribus, ut statuta huiusmodi pro temporum varietate, prout eis melius et expediens videbitur, mutare, alterare, corrigere et in melius reformare, ac etiam de novo condere, praeviâ tamen eiusdem vicarii examinatione et probatione, libere et licite valeant, licentiam et facultatem concedimus et impertimur.

§ 6. Praeterea, ut officiales et confratres praedicti in piorum operum exercitio magis accendantur et confoveantur, nonnullorumque compescatur temeritas,

Prohibet, quominus sine licentia revisorum ab hac confraternitate deputandorum compositio-

non musicales
typo edantur.

qui, nullis, vel saltem in compositis, artis musicae huiusmodi studiis aut legibus servatis, publice typis mandare¹ non verentur, omnibus et singulis utriusque sexus christifidelibus, et praesertim librorum impressoribus et bibliopolis, sub quingentorum ducatorum auri de camera, pro una camera nostrae apostolicae, ac pro alia eidem confraternitati, ac pro reliqua tertiis partibus accusatori et iudici exequenti irremissibiliter applicandorum, eo ipso, absque ulla declaratione, incurrenda poenam, ne de cetero in Urbe quascumque tam proprias quam alienas musicales compositiones et moctetta cuiusvis generis et speciei existentia, iam per quoslibet eiusdem artis peritos composita, et de cetero componenda et imprimenda, sive ad ipsam Urbem ad effectum impressionis transmittenda, absque speciali correctorum seu revisorum ab ipsa confraternitate deputatorum licentia in scriptis obtinenda, quae tamen gratis concedi debeat, imprimere, aut ab alio vel aliis impressa vendere seu venalia habere, vel proponere quoquo modo audeat seu praesumat, interdiciamus et prohibemus.

Vel scholas
musicas apo-
rianantur.

§ 7. Ad haec (ut ad publicas artis musicae huiusmodi scholas in dicta Urbe aperiendas imperiti nullatenus admittantur) dictae confraternitati, quod de cetero omnes et singuli, sive clerici sive laici, artis musicae huiusmodi scholas in dicta Urbe aperire, in eisque publice musicam docere volentes, licentiam ab eisdem deputatis in scriptis et sigillo eiusdem confraternitatis munitam, quae gratis concedatur, petere et obtinere², auctoritate et tenore praesentium, concedimus et indulgemus.

Gratias spiri-
tuales confratri-
bus concedit.

§ 8. Postremo, ut dicta confraternitas maiora in dies suscipiat incrementa, de omnipotentis Dei misericordia ac beatorum Petri et Pauli apostolorum eius au-

toritate confisi, omnibus et singulis christifidelibus, qui dictam confraternitatem imposterum ingredientur, die primo eorum ingressus, si vero poenitentes et confessi sanctissimum Eucharistiae sacramentum sumpserint, plenariam;

§ 9. Necnon nunc et pro tempore descriptis et describendis in dicta confraternitate confratribus in cuiuslibet eorum mortis articulo, si vere poenitentes et confessi, ac sacra communione relecti, vel, quatenus id facere nequiverint, saltem contriti nomen Iesu, ore si potuerint, sin autem corde devote invocaverint, etiam plenariam;

§ 10. Ac eisdem nunc et pro tempore existentibus confratribus, etiam vere poenitentibus et confessis, ac eadem sacra communione relectis, qui praedictae confraternitatis ecclesiam, vel cappellam, seu oratorium die festo S. Caeciliae a primis vespers usque ad occasum solis festi huiusmodi singulis annis devote visitaverint, et ibi pro christianorum principum concordia, haereticorum extirpatione, ac sanctae Matris Ecclesiae exaltatione, pias ad Deum preces effuderint, plenariam similiter omnium peccatorum suorum indulgentiam et remissionem misericorditer in Domino concedimus et elargimur.

§ 11. Insuper dictis confratribus, etiam vere poenitentibus et confessis, ac sacra communione relectis, ecclesiam, vel cappellam, seu oratorium huiusmodi in Visitationis beatae Mariae Virginis, ac sanctorum Angelorum Custodum, et sanctorum Gregorii et Leonis II, Romanorum Pontificum, festis diebus, ut praefertur, visitantibus, et ibidem orantibus, quo die praedictorum id egerint, septem annos et totidem quadagenas;

§ 12. Quoties vero missis et aliis divinis officiis in dicta ecclesia, vel cappella, vel oratorio pro tempore celebrandis et recitandis, seu congregationibus publicis

¹ Subintellige *compositiones musicales* (R. T.).

² Subde possint vel debeant (R. T.).

vel privatis eiusdem confraternitatis ubivis faciendis interfuerint, aut pauperes hospitio susceperint, vel pacem inter inimicos composuerint, seu componi fecerint, vel procuraverint, nec non etiam qui corpora defunctorum, tam confratrum et consorum dictae confraternitatis, quam aliorum, ad sepulturam associaverint, ac quascumque processiones de licentiâ Ordinarii faciendas sanctissimum Eucharistiae sacramentum, tam in processionibus, quam cum ad infirmos, aut aliâs ubicumque et quomodocumque pro tempore defertur, comitati fuerint, aut, si impediti, campanae ad id signo dato, semel orationem dominicam et salutationem angelicam dixerint, aut etiam quinquies orationem et salutationem easdem pro animabus defunctorum confratrum et consorum dictae confraternitatis recitaverint, aut devium aliquem ad viam salutis reduxerint, et ignorantes praecepta Dei, et quae ad salutem sunt, docuerint, aut quodcumque aliud pietatis vel charitatis opus exercuerint, toties pro quolibet praedictorum operum sexaginta dies de iniunctis eis, seu aliâs quomodolibet debitis poenitentiis in formâ ecclesiae consuetâ relaxamus. Praesentibus perpetuis futuris temporibus valituris.

§ 13. Volumus autem, ut si dictis confratribus, praemissa peragentibus, aliquam indulgentiam, perpetuo vel ad tempus nondum elapsam duraturam, concesserimus, praesentes nullae sint.

Datum Romae, apud S. Mariam Maiorem, sub annulo Piscatoris, die xx novembris MDCXXIV, pontificatus nostri anno II.

Dat. die 20 novembris 1624, pontif. anno II.

XCVIII.

Confirmatio constitutionum in collegio Graecorum de Urbe servandarum¹.

¹ Ex Regest. in Secret. Brev.

Urbanus Papa VIII, ad perpetuam rei memoriam.

Universalis Ecclesiae regimini per abundantiam divinae gratiae, nullo licet meritorum nostrorum suffragio, praecepti, inter multiplices, gravissimasque pastoralis officii curas, ad ea mentis nostrae aciem peculiari sollicitudine iugiter convertimus, quae ad maiorem Dei gloriam et sanctae Matris Ecclesiae unitatem et exaltationem, fideique catholicae propagationem, ac christifidelium in bonis litteris, atque christianis moribus instructionem fore dignoscuntur opportuna.

§ 1. Sane aliâs in minoribus constituti, et cardinalatus honore fungentes, ut collegii Graecorum, a felicitis recordationis Gregorio Papa XIII praedecessore nostro in almâ Urbe nostra erecti, et cuius protectoris munus nobis commissum erat, temporalibus commodis prospiceremus, inter alia tunc a nobis gesta, atque executioni demandata, collegium praedictum, illiusque personas et bona quaecumque, curae et administrationi presbyterorum Societatis Iesu a felicitis recordationis Gregorio Papa XV etiam praedecessore nostro committi obtinuimus; et pro feliciori eiusdem collegii regimine atque gubernio infrascripta statuta atque constitutiones, quibus dictum collegium de cetero regeretur et gubernaretur, iussu nostro edita fuerunt tenoris subsequents, videlicet:

§ 2. Collegii constitutiones.

Ad rectorem, quem praepositus generalis more Societatis constituet, et, cum ei visum fuerit, amovebit, cura domesticae disciplinae, et constitutionum omnium exacta exequutio spectabit, qui etiam constitutiones illas, quarum exequutio specialiter protectoribus ac praeposito generali reservatur, opportune illis in memoriam revocet, ut executioni eas mandent; ministros vero omnes collegii, qui de Socie-

Prooemium.

Urbanus dum protector huius collegii esset, sequentes edidit constitutiones

De rectore et eius officio.

tate non sunt, ipse constituet et amovebit. Rector extraordinarias et insolitas expensas ultra viginti ducatorum summam nulas faciat, nisi consensio et approbante praeposito generali, neque ultra centum ducatorum summam, nisi accedente etiam consensu protectoris, qui collegio specialiter praeest. Quod si expensae mille ducatorum summam excesserint, non fiant nisi de consensu omnium protectorum et superiorum.

Certa pecuniae summa constitutur ad libros singulis annis pro magistris et scholaribus et pro augenda bibliotheca commendos. Itemque ad supellectilem ecclesiae conservandam et augendam; quae summa, considerato statu collegii, a protectore, qui collegium administrat, vel de eius consensu a rectore constituetur.

De cardinalibus protectoribus.

Cum protectorum aliquis decesserit, moneat rector praepositum generalem, ut pro ratione muneris sui alium substituentum a Sede Apostolicâ curet, qui ad res collegii promovendas atque Graeciae reductionem idoneus futurus videatur. Interim vero in collegio res Deo serio commendetur.

E protectoribus unus semper sit specialiter a Sede Apostolicâ deputatus, qui accepti, expensique rationes a rectore, oeconomis, vicariis monasterii Sanctissimae Trinitatis diligenter quotannis exigit, quique res, quae protectoris operâ atque auctoritate indigere videbuntur, ordinarie cognoscat. Quod si quod extraordinarium et gravius inciderit, referatur ad congregationem protectorum omnium et superiorum, quae circa festum Pentecostes et Nativitatis Domini ordinarie semper habebitur, aut etiam saepius, cum id negotia postulabunt.

De admittendis in alumnatum.

Qui in collegio admittendi sunt, sint Graecis parentibus nati, sancto baptismo secundum ritum Ecclesiae Graecae initiati, legitimo matrimonio suscepti, linguam patriam saltem mediocriter teneant, non

debiles, aut deformes, non impediti linguâ, non desertores ullius religiosi Ordinis, aut fidei, non neophyti, atque eo ingenio praediti, ut sperari possit, fore, ut utiles Ecclesiae operarii evadant; annorum nec minus duodecim, neque supra decimum sextum, nisi si quando ex peculiaribus causis (neque nisi longâ probatione praeviâ ad experiendum hominis ingenium ac naturam) protectori et superiori dispensandum videretur cum aliquo, ut paulo maior natu admitti possit, dummodo octavum decimum annum non accedat¹. Quod si de admittendo aliquo agatur, qui eam aetatem excesserit, non nisi de expressâ Sedis Apostolicae dispositione id fieri possit, quae dispensatio subreptitia ac nulla prorsus habeatur, nisi constiterit, in eius petitione expositas fuisse Pontifici causas constitutionis huius.

Admitti in collegium poterunt ex omnibus Graeciae provinciis et ceteris Orientis locis, in quibus Graeci habitant; Italo-Graeci, quos vocant, non excedant numerum decem; Rutheni etiam quatuor, et monachi S. Basilii congregationis S. Nili duo, dummodo ingenio polleant, ali in collegio poterunt, quamdiu protectoribus expedire videbitur.

Curet praepositus generalis, ut quantum fieri potest, ex diversis Graeciae provinciis ac locis scholares alantur in collegio, ut fructus ad plures gentes pertinere possit. Eam ob rem ex parvis locis et insulis ne plures simul in collegio versentur, nisi alii suppetant. Si quis latini ritus ex subreptione insciis superioribus ingressus fuerit, post susceptum iuramentum teneatur etiam postquam ex collegio discesserit, ritum graecum servare, atque ad animarum salutem incumbere: qua etiam conditione admitti intelligatur², si qui alioqui ritus latini ex

¹ Potius legendum videretur *excedat* (R. T.).

² Ex seqq. legerem *intelligantur* (R. T.).

peculiari Sedis Apostolicae dispensatione admissi fuerint.

Si cui ex alumnis specialiter indulserit Sedes Apostolica, ut non obstante iuramento ad ritum Ecclesiae Latinae transire possit, teneatur ad restitutionem omnium expensarum, quae in eo alendo et instituendo factae sunt, nisi etiam super hoc dispensatum cum eo fuerit; qui vero sine expressâ dispensatione ritum mutaverint, quibuscumque officiis et beneficiis eo ipso sint privati et ad similia in futurum obtinenda inhabiles perpetuo existant; collegii autem protector administrans contra eos tamquam contra periuros procedere possit ac debeat.

Qui ex Oriente et Graecia veniunt, curetur, ut quantum fieri potest, honesto et comodo loco nati sint, utque eorum parentes et consanguinei bona ac domicilium in iis regionibus habeant, quo facilius et libentius in patriam revertantur. Qui vero ex Italia recipiuntur, eiusmodi sint, ut propter parentum et consanguineorum curam non cogantur ab instituto collegii desistere, sed tales sint, qui libere possint a protectoribus in eas Italiae partes ad curam animarum exercendam dimitti, quae eorum operâ indigebunt.

Curet praepositus generalis, ut sint aliqui, qui idoneos ad finem et disciplinam collegii conquirant, deque eorum indole et ceteris secundum constitutiones collegii requisitis recte iudicent, neque ordinarie quemquam admittant¹, nisi de consensu rectoris et cum litteris, quae fidem faciant, eum habere conditiones omnes et singulas requisitas in specie. Ignoti autem, vagi, aut alioquin minus idonei nullâ ratione recipiantur. Qua in re protectoris specialiter ad gubernationem collegii deputati, praepositi generalis et rectoris conscientiam oneramus.

Non plures admittantur in collegium,

¹ Erronee, ut puto, ed. Main. h. mittant (R. T.).

quam quos sine periculo aeris alieni contrahendi superiorum iudicio collegium commode sustentare poterit.

Qui decimum sextum annum excesse-
rint, statim post semestre spatium ab ingressu in collegium, minores autem, dummodo sex menses antea in collegio versati sint, statim atque decimum sextum expleverint, iurent; Italo-Graeci, se non discessuros e collegio, nisi legitime dimittantur, et statim ecclesiasticum ac sacros etiam ordines usque ad presbyteratum ritu graeco suscepturos quandocumque et inibi¹, superioribus visum fuerit, atque ad curam animarum, quocumque intra Italiam a protectoribus, aut uno illorum ad id specialiter deputato, missi fuerint, ituros, neque acturos umquam, ut ad ritum latinum transire sibi liceat. Graeci autem iurent ritum graecum a sancta Romana Ecclesiâ probatum perpetuo servaturos, neque a collegio discessuros, nisi legitime dimittantur ab iis, ad quos spectat; tuncque statim in Graeciam profecturos, nisi alio a superioribus missi fuerint, ibique, quantum in se erit, fidem catholicam, quam in hoc collegio didicerunt, seminarios, neque acturos umquam, ut ad ritum latinum transire sibi liceat. Promittant praeterea se, dum in collegio versabuntur, instituta et constitutiones eius iuxta superiorum interpretationem servaturos, neque a communi omnium alumnorum vivendi ratione, vel in vestitu, vel in habitatione, vel in victu discessuros, neque quidquam molituros contra constitutiones, instituta et moderatores collegii. Quam promissionem, simul cum iuramento, in libro, quem ad hanc rem servari volumus, chirographo suo coram testibus consignabunt.

Postquam in collegium admissi fuerint, separatim a ceteris ad dies minimum decem habitent, quo tempore, quae ad pie-

De iuramento ab eis praestando.

De disciplina, et

De eorundem numero.

¹ Potius videretur legendum ubi (R. T.).

tatem et vitam, secundum disciplinam et instituta collegii, moderandam pertinent, privatim doceantur, neque cum aliis, aut in cubiculis versentur, aut separatim agant, vel colloquantur, exceptis iis qui ad id a superioribus fuerint designati.

Generalem per id tempus totius vitae confessionem facient apud collegii confessarium, aut alium, qui magis ad rem superiori videatur, qui eos a censuris omnibus et casibus Sedi Apostolicae, etiam in bulla Coenae Domini reservatis, iuxta facultates ab eadem Sede concessas absolvet.

Quod si quis, propter aetatis teneritudinem, ad secessum minus idoneus, neque ex confessione generali utilitatem capturus videatur, decem saltem diebus ante iuramentum secedat, ac piae meditationi, confessioni generali, et vitae secundum suam vocationem instituendae vacet; omnes tamen initio doceantur fidei rudimenta, et cetera ad pietatem conducentia, quae pro captu aetatis suae discere possunt.

Sed illis mensibus, qui illis conceduntur ad deliberandum, an manere in collegio, eiusque institutum amplecti velint, attendat diligenter rector, num ad collegii disciplinam et finem illi propositum idonei sint. Quod si quem minus idoneum deprehenderit, sine mora dimittat.

Nemo in hoc collegio alatur, qui sine spe solidi in pietate fundamenti discessurus videatur, ne malus unius exitus ea destruat, quae multorum in religione et pietate profectus aedificavit. Quapropter rectoris conscientiam districtius oneramus, ne huiusmodi homines, postquam eos, sive ante sive post iuramentum deprehenderit, remanere in collegio diutius patiantur; quemadmodum ne eos quidem, qui minus in litteris profecturi videntur, ubi satis eorum indoles explorata fuerit.

Omnes in collegio fraternam charitatem devincti iisdem legibus vivant, etiamsi sa-

1 Coniunct. et delemus (R. T.).

cerdotes, religiosi, et magistri sint et communem cum ceteris vitae rationem in victu, vestitu, habitatione et ceteris omnibus rebus sequantur.

Quia totius spiritualis aedificii fundamentum pietas est, in eo diligentiam omnem impendat rector, ut eam in alumnorum pectoribus inserat; curet igitur, ut frequens sacramentorum, precum ac piorum librorum usus in collegio vigeat, ac verbo Dei et ipse eos ad studium pietatis incitet, et iuvandos ab aliis identidem curet, ita ut praeter lectiones aut conciones sacras, quas in templis audient, saltem quintodecimo quoque die privatis cohortationibus ad ea, quae vocationis et instituti sui sunt propria, animentur.

Vetus collegii consuetudo servetur, ut octavo quoque die confiteantur, et, quibus praeter aetatem licet, decimoquinto quoque die communicent; praeterea vero solemnis diebus festis, ac dominicis omnibus adventus et quadragesimae, idque ordinarie latito ritu, praeterquam in festo Paschatis, Pentecostes et in festo Nativitatis Domini, aut si quando praeterea iustus de causis protectori videbitur. Doceantur autem a confessario, aut alio spiritualibus rebus praefecto, quomodo haec cum spirituali suo fructu peragant. Quotidie missam latino ritu audiant; festis vero diebus etiam ritu graeco, et mane antequam studiis operam dent, dimidiam horam orationi pendant: meditationi quidem, qui per aetatem idonei videbuntur; ceteri autem vocali orationi ex confessarii praescripto et more collegii; vespere, antequam cubitum eant, horae quadrantem unum litanis et discutiendae conscientiae suae tribuent; quod si quis officium ecclesiasticum recitare teneatur, id aliis horis persolvat.

Qui sacerdotes, aut in sacris constituti sunt, in gradu suo ministrare secundum rectoris praescriptum debeant, ut ritus et caeremonias ecclesiasticas quas exercere

Pietate, piisque exercitiis.

deinde debent, addiscant (ac, si quâ in re errent, corrigantur ab aliis, quibus id officium demandatum est; qui autem correcti fuerint, neque gravate ferant, et emendare errata studeant); neque umquam, dum sacerdotis copia est, divina officia omittantur, etiam propter actus litterarios, aut quacumque aliâ de causâ.

De directoribus
spiritus.

Sit domi praefectus rerum spiritualium, qui alumnorum confessiones accipiat; praeterea vero sit unus aliquis, qui Graecos advenas in fide ac ceteris ad pietatem pertinentibus instruat; curetque, ut fidei professionem, quibus necessaria est, et confessionem faciant: quod munus, si nullus sit de Societate qui commodè obire possit, superioris iudicio unus e cappellanis ecclesiae, aut alius ex alumnis, cuius virtuti ac fidei, re mature consideratâ, credi possit munus hoc, obeat.

Alumni, quamvis alioqui ingeniosi ac studiosi, in pietate tamen desides, quique alios exemplo aut consiliis suis ab obedientiâ, pietatis studio, et collegiali observantiâ avertere tentaverint, ne alios inficiant, statim e collegio dimittantur. Festis diebus domi se contineant, nisi quando ad actus litterarios, aut ad concionem lectionemve sacram eundum sit, quam audiant cum habeatur, nisi divinorum officiorum aut litterarum exercitationum¹ occupatio impediatur.

De servitio
ecclesiae praestando.

Missam ac vespertas diebus omnibus dominicis, festis omnibus Beatae Virginis, et Angelorum, sanctorum Athanasii, Basilii, Gregorii Nazianzeni, Ioannis Chrysostomi, Nicolai, Catharinae virginis et martyris, festis omnibus Paschatis, Pentecostes, Natalis Domini, Circumcisionis, Epiphaniae, Transfigurationis, Inventionis et Exaltationis sanctae Crucis in ecclesiâ decantent: diebus item omnibus maioris hebdomadae, in vigiliâ Natalis Domini et Epiphaniae: ac praeterea, si qui sunt dies,

qui in Ecclesiâ Graecâ populi universi devotione celebrentur, etiam ipsi divinum officium Orientalis Ecclesiae more celebrent.

Toto quidem anni tempore, sed praesertim cum pomeridianis horis vacatur a lectionibus et per autumnales serias exerceantur in divinis officiis et caeremoniis secundum ritus Orientalis Ecclesiae peragendis, ut haec praestare deinde cum decore et aedificatione possint: in quo, quia magni momenti est, ne remissius aut negligentius agatur, rectoris conscientiam oneramus. Quo item tempore, aut alia cum studia intermittuntur, maiores ea doceantur, quae celebrando sacrosancto missae sacrificio secundum ritum orientalem accomodata sunt, ne ad ecclesiarum deinde curam minus parati accedant.

Curet protector procuratori collegii specialiter deputatus, ut Graecus aliquis ex Oriente ritu graeco consecratus episcopus Romae sit ad divina officia, atque ordinationes ritu graeco in ecclesiâ S. Athanasii peragendas¹, qui, quae ad caeremonias et ritus Orientalis Ecclesiae faciunt, docere alumnos possit, et ipse per omnia servet; qui tamen nullum ius in collegium aut ecclesiam habeat, atque ad nutum amoveri a protectore possit.

De episcopo,
elusive nomine
re

Duo praeterea sacellani et cantores totidem ex alumnis imprimis, vel, si aliter fieri non possit, conducti sint, qui ecclesiae deserviant, ac missas et divina officia, quoties rectori videbitur, celebrent, cantus et caeremonias ecclesiasticas alumnos doceant. Alumni autem, qui secundum gradum suum in ecclesiâ ministrabunt, sine ullo stipendio aut exemptione in illo genere id praestent; quod si alumni non sint, in collegio non habitent, neque cum alumnis agere, nisi cum magnâ circumspectione, permittantur.

De sacellanis
et cantoribus

Si quis alumnorum ad perfectionis statum
¹ Aptius lege *peragenda*, vel *peragendum*
(R. T.).

De ac qui Or-
dines religio-

¹ Edit. Main. habet *exercitationem* (R. T.).

ais adscribi con-
piunt.

tum, et aliquod religiosae vitae genus adspiret, post susceptos quidem ritu graeco sacros ordines, nonnisi de expressâ Sedis Apostolicae licentiâ ullum ex maioribus Ordinibus latini ritus ingredi possit. Ante vero quam suscipiat, liceat ei de licentiâ protectoris eorum Ordinum institutum aliquod amplecti, in quo in animarum salute ac reductione utiliter in Graecia laborare possit.

Doctrinam christianam memoriter omnes addiscant, et, qui nondum philosophiae dant operam, diebus dominicis recitent, eiusque explicationem audiant ab aliquo per rectorem designato.

De libris.

Librorum, qui tum in scholis praelegendi, tum privatim permittendi sunt, magnus delectus habeatur, ne morum puritati ac pietati per linguae addiscendae praetextum officiant. Ob eamque rem alumnorum capsas et scrinia rector per se vel per alium virum fidelem frequens invisat. Quod si quis libros huiusmodi apud se habere deprehendatur, severe puniatur, et post tertiam an¹ quartam correctionem, nisi valde evidens emendationis spes ostendatur, e collegio dimittatur. Quod si quando alicui ex magistris liber aliquis eiusmodi permittendus videatur, nonnisi post maturam considerationem, et consulto prius praeposito generali fiat.

De suffragiis
pro benefactoribus.

Insignium collegii benefactorum, in primisque fundatoris, in suis orationibus quotidie memores sint, ac fundatoris quidem, vel similis alterius benefactoris, in anniversario die depositionis eorum, offerendo pro animabus ipsorum solemni missae sacrificio, memoria peragatur. Pro ceteris vero, in die depositionis ipsorum sacerdotes omnes, qui domi sunt, pro ipsis sacrificium offerant, quo item die pro ipsis officium defunctorum alumni recitent: quod ipsum observetur quotiescumque protectorum aliquis vitâ excesserit.

¹ Potius legendum ac vel aut (A. T.).

Cum quis alumnorum mortuus fuerit, officium, missa et reliqua ad exequias pertinentia graeco ritu ei persolvantur; ceteri vero sacerdotes pro eo sacrificent, et alumni privatim pro eo defunctorum officium privatim recitent.

Curent superiores ut alumnorum nemo ad sacros ordines promoveatur, nisi in litterarum et pietatis studio bene probatus, ut ex eius ordinatione fructus merito sperari possit. Qui autem tales fuerint, sine litteris dimissorialibus suorum Ordinariorum, sed ad titulum collegii ac missionis ordinari possint et debeant, dummodo graeco ritu ab episcopo graeco ad id a Sede Apostolica deputato ordinentur. Antequam sacris ordinibus initientur, in spiritualibus exercitiis per dies circiter decem contineantur, unoquoque ad minimum anno, aut etiam duobus, si commode fieri possit, priusquam e collegio profisciscantur, sacerdotes ordinentur, atque interim sacerdotalibus officiis, sacramentorum administratione et concionibus habendis exercentur. Quas conciones priusquam in refectorio, vel publice, cum rectori videbitur, habeantur, studiorum praefectus, aut alius a rectore deputatus mature recognoscat et corrigat. Quod si quis alia dicat, quam quae ostensa atque correctae fuerint, severe puniatur, aut etiam, si excessus notabilis superioribus videbitur, e collegio cum ignominia dimittatur.

Meminerint Sedis Apostolicae impensis se in alieno solo studiorum causa sustentari, neque ullam rerum, quae domi sunt, vel quas utendas accipiunt a collegio, dispositionem aut dominium habere: ita proinde vivere studeant, ut optatum per eos fructum sperare possit Ecclesia, eaque victus, vestitus et ceterarum rerum moderatione contenti sint, quae pro collegii angustiis superiori convenire in Domino videbitur.

¹ Edit. Main. legit quod (A. T.).

De promovendis ad sacros ordines.

Communi omnes, quantumvis magistri aut sacerdotes sint, victu, vestitu, et cubiculo utantur, quamdiu in collegio fuerint, neque, nisi valetudinis causâ, peculiare quidquam, in victu praesertim, cuiquam permittatur.

Cibum extra collegium nemo sumat, nisi forte apud parentes, fratres, aut patruos, idque non saepius quam his in anno, de expressâ protectoris administrantis licentiâ. Pernoctandi vero extra collegium aut cibi post solis occasum sumendi¹ facultas nullâ ratione concedatur. Quod si quis in hospitibus, locandis, aut, quod absit, in cauponis cibum aut potum clam sumpsisse deprehendatur, dimittatur e collegio.

A litibus ac negotiorum procuratore, quae vagandi occasionem, remissionem studiorum ac disciplinae necessario afferunt, alumni prorsus arceantur: neque per aulas aut domos externorum excurrant. Constituatur autem aliquis pius, prudens et expertus vir, qui, si qua² forte incurrerint alumnorum negotia, fideliter expedienda curet, ac rerum omnium, quae aguntur, rectori rationem reddat.

Alumnorum nemo, cuiuscumque gradus, ordinis et conditionis sit, sine comite, ad id a superiore designato, egredi domo audeat. Socius autem sit maturus aliquis ac fidelis vir, isque non e numero alumnorum. Quod si quis, aut sine facultate et comite egressus fuerit, aut designatum sibi comitem deseruerit, vel, eo pro foribus relicto, negotia intus occulte tractaverit, in collegium amplius non recipiatur, nisi forte ad tempus, puniendi causâ.

Ad tollenda scandala, quae ex commensationibus oriri possunt, nullum externum in hortos aut viridaria collegii invitare ad sumendum cibum rector possit sine praepositi generalis consensu.

¹ Nempe *extra collegium* (R. T.).

² Edit. Main. legit *quae* (R. T.).

Apud se nemo pecuniam habent, sed apud oeconomum aut alium a rectore designatum deponat, qui eam in utiles aut necessarios domini usus, conscio et approbante rectore, expendet.

Cubiculorum distinctio, ut quae magni momenti ad bonam collegii gubernationem ac iuventutis instructionem est, diligenter servetur, nullâque ratione permittat rector, ut domi, aut alibi, qui unius cubuli sunt, cum iis colloquantur, qui ad alterum cubiculum spectant, sine peculiari, ac toties quoties concedendâ, facultate, quam non facile cuiquam concedat, nisi fratribus, aut consanguineis, aut discipulis, ut cum magistris suis colloquantur. Extra cubiculum vero nemo alumnorum exeat, nisi impetratâ prius a cubuli praefecto facultate, et indicato negotio, cuius causâ exire velit, quae non animi sed necessitatis causâ concedatur. In officinas vero et loca privatis famulorum ministeriis assignata, aut a communi conspectu dissita, nemo ingrediatur.

Cum externis, Graecis praesertim Orientalibus, neque domi neque alibi colloquium misceant. Quod si quis ignotus accesserit, ut eos alloquatur, non nisi praesente aliquo viro fidei et gravi, qui linguam intelligat, et quaecumque agunt videre possit, id fiat, sive ii grandiores natu, sive pueri sint: ob eamque rem, priusquam quisquam vocetur ad ianuam, rectori, aut, absente eo, ministro renunciatur, ut constituat, num vocari eum expediat, et socium assignet, quo praesente colloquantur. Atque ut consuetudinis et familiaritatis cum externis occasio praecidatur, nemo, qui de collegio non sit, ad audiendas lectiones in collegio admittatur.

Quemadmodum Graeci, qui ex Oriente veniunt, cum omni charitate a superioribus excipiendi, et, quibus in rebus fieri potest, iuvandi sunt; ita nullâ ratione permittendum, ut promiscue cum alumnis

agant, ac severe puniendi, qui contrafecerint. Sed si quis catechismo, aut auxilio aliquo alio indiget, unus aliquis assignetur, cuius virtuti ac pietati merito confidi possit, qui eum in Domino instruat. Exterritorum vero nemo permittatur in alumnorum cubicula ingredi, ac multo minus colloquia ibi commiscere, sine aliquo de Societate comite, idque admodum parte ac considerate.

Litteras neque mittere, neque accipere, nisi conscio et approbante superiore, cuiquam liceat, qui eas, priusquam mittat aut reddat, per se vel per aliquem e Societate gravem et multae confidentiae virum omnino perlegat. Qui autem clam mittere vel accipere litteras deprehensus fuerit, severe puniatur: nisi forte materia, quod absit, eiusmodi fuerit, ut dimitti eum ex collegio, ac graviore etiam poenâ vindicari expediat.

Pacificè inter se ac fraterne agant, neque iocis modo¹ procacioribus, sed iis etiam abstineant, qui cum offensione aliquâ esse possunt, et rixas deinde contentionesque gignere: quam etiam ob rem, ne per iocum quidem, alter alterum tangat. Quod si quis graviore contumeliâ aut plagis quemquam affecerit, severissime puniatur, aut etiam iudicio superioris e collegio dimittatur.

Rectorem atque officiales ceteros, qui eorum curam gerunt, reverenter tractent, atque impositas ab iis poenitentias obedienter et humiliter peragant. Quod si quis subire poenas contumaciter renuerit, aut admodum irreverenter se in superiores gesserit, aut contra eosdem, eorumque ordinationes, alios instigaverit, dimittatur. Unicuique cubiculo proprius praefectus praesideat, qui neque domi, neque foris, alumnos sibi commissos deserat, cuique in iis, quae ad disciplinam et bonum cubiculi sui statum pertinent, omnes obediant, a quo identidem de alumnorum

rebus et modo, quo se gerunt, rector doceatur; neque idem praefectus patiatur, ut eum verbis aut factis alumni minus reverenter tractent; sit vero ipse sacerdos, atque eâ aetate et moribus, ut eum merito vereantur. Quod si quem ex praefectis animadverterit rector alumnis placendi nimium studiosum, neque ita fidelem in officio suo, continuo dimittat. Famulorum vero aut officialium neminem patiatur rector cum alumnis agere.

Nulla neque in sedendo, neque in ambulando, neque in re aliâ inter alumnos praecedentiae ratio habeatur, nisi cum, aut sacerdotes cum non sacerdotibus, aut cum discipulis suis magistri versantur: curent potius omnes, ut alter alterum honore praeveniat, et christianae modestiae et humilitatis exemplum sibi invicem praebeant.

Aegrotorum diligens habeatur cura, neque patiatur rector, aut res necessarias, aut paternum in eos animum suum a quoquam desiderari. Atque, ut curare debet, ut opportune ab aliis invisantur, ita non temere permittat alumnis in eorum cubicula ingredi, sed designet eos, qui per vires ex eodem cubiculo invisant, nisi forte aliquid incidat, quod suadeat, ex alio quoque cubiculo aliquem aliquando advocari.

In studia diligenter incumbant, ut utiles Ecclesiae operarii aliquando esse possint, ob eamque rem rectoris conscientiam oneramus; curet ut omnium studiorum impedimenta serio tollantur de collegio, ne per incuriam tantus in alumnis educandis atque instituendis labor irritus et inanis reddatur.

Quibus diebus vacatur a lectionibus, privatum studium ne intermittant, atque, excepto hebdomadario recreationis die, domi se plerumque contineant; quamvis, ne laboris assiduitate frangantur, extraordinarie aliqua ad relaxandos animos hora concedi iis possit. Lectiones omnes, quae

¹ Legerem: atque iocis, non modo, etc. (n.t.).

philosophis et theologis praescribuntur, suis temporibus diligenter audiant, neque cuiquam facile dispenset rector, ut earum aliquam ordinarie omittat, nisi re mature considerata et collata cum praeposito generali.

Controversiae fidei, quae Ecclesiae Catholicae non solum cum schismaticis sunt, sed eae etiam, quae cum huius temporis haereticis agitantur, curet rector ut alumnis diligenter explicantur, neque ab eâ exercitatione quemquam eximat, qui theologiam aut conscientiae casus audiant.

His singulis facultatibus operam dabunt, quibus dare eos debere rector in Domino iudicaverit. Quod quo melius et consultius fiat, bis aut saltem semel singulis annis eorum omnium, qui superiores facultates audiunt, doctrinam atque ingenium per examinatores explorentur, et qui minus in iis studiis proficere deprehendantur, maiore Dei obsequio prae oculis habito, amoveantur, ne et ipsi tempus inutiliter terant, et plus profecturos alios collegium possit admittere.

Non prius ad audiendam philosophiam promoveantur, quam graece latineque loqui expedite possint; graece vero eleganter scribere; eam ob rem, postquam satis in classe rhetoricae linguae utrique studuisse videbuntur, graecae linguae perfecte perdiscendae annum integrum impendant. Et dum philosophiae et theologiae dant operam, curet rector, ut privatis scriptionibus, lectionibus ac disputationibus eam linguam exerceant.

Ad actus publicos theologiae vel philosophiae nemo admittatur, nisi diligenti examine praevio aptus iudicetur ut eius loci dignitatem tueri possit, atque iis moribus sit, ut non indignus eo honore videatur; ad doctoratum vero ii tantum promoveantur, qui et doctrinâ insignes et virtute conspiciuntur.

† Nempe eorum, qui (N. T.).

Privatas domi repetitiones et disputationes apud proprios suarum facultatum repetitores habeant; neque quisquam ante absoluta studia ab iis ordinarie eximatur, nisi gravissimâ de causâ, iudicio praepositi generalis.

Studiis absolutis, non ultra triginta dies alumni in collegio retineantur: toto vero tempore, quo post absoluta studia in collegio versabuntur, omnibus collegii legibus teneantur, sicut ceteri qui domi sunt; habent tamen superiores, de consensu protectoris specialiter deputati, facultatem aliquos egregiâ virtute atque indole retinendi, quorum operâ, vel ad collegii administrationem, ad iuvandos graecos advenas, aut alios, si qui Romae fuerint, uti possint, aut similibus aliis de causis.

Quae alumnis discedentibus, praesertim pauperibus, in discessu danda sint, ita a protectore praescribantur, ut querelarum et invidiae occasio praecidatur. Qua in re eorum praecipua ratio habeatur, qui bene de collegio meriti fuerint, et valde exemplariter in eo se gesserint: iis vero, quibus satis pecuniae suppetit, quique ad iuvandas animas non proficiunt, aut qui ob culpam aliquam dimissi fuerint, nihil detur.

Curet rector, ut tam graecarum quam latinarum litterarum magistri, qui alumnos docere debent domi, ad munus suum idonei, atque iis moribus sint, qui aedificare, ac promovere eos in pietatis studio possint. Ob eamque rem, qui inquietos se et parum studiosos disciplinae collegialis ostenderint, aut superioribus parum morigeros, scholis nullo modo praeficiantur.

Id quo tutius ac maiore cum consideratione fiat, postquam domi rector consultationem habuerit, rem totam ad praepositum generalem deferat, ut, si quid fuerit dubii, ipse decida.

Nisi necessitas cogat, nemo ad superiorem classem docendam admoveatur,

nisi prius in inferiori operam suam ac diligentiam superioribus probaverit.

Alumni, quamdiu protectori et superioribus videbitur, docere alios teneantur; cui muneri, quantum fieri poterit, post absoluta studia, aut saltem post primum annum theologiae admovendi sunt. Ipsi vero, memores se gratis in collegio educatos et institutos esse, neque mercedem, neque exemptionem ullam a communi collegii disciplinâ expectent, sive graecas sive etiam latinas litteras, cum id opportunum videbitur, docere iubeantur, quos tamen, tamquam bene de collegio ac toto Oriente promeritos, peculiari affectu rector foveat, et quibus in rebus sine dispendio disciplinae potest, iis gratificetur.

Librorum, qui praelegendi in scholis sunt, magnus delectus habeatur, ut neque moribus officiant, et addiscendae linguae utiles sint, atque ad auditorum captum accommodati. Eam ob rem curet rector, ut a viris linguae graecae admodum peritis et piis, catalogus aliquis eorum librorum conficiatur, qui singulis gradibus magis accommodati sunt, neque sine maturâ consideratione, et re cum viris peritis communicatâ, alios praelegi patiatur.

Priusquam scholis quisquam praeficiatur, per viros idoneos examinetur: quod examen subire omnes debebunt, quos rector iudicaverit: non tamen¹, ut exploretur, quis praestet litteris, quam ut constet, qui ad id muneris idonei sint, ut ex iis deinde is eligatur, cuius mores, virtus et obedientia id superiorum iudicio merebitur.

Erga alumnos, qui iam discesserunt, rector collegii paternâ sollicitudine utatur, ut eorum labores cognoscat, et fructum, quem in Domino fecerint; deque iis protectores ac sanctam Sedem Apostolicam certiore faciat, litteris consuletur²; et, si quâ re in Urbe indignerint, aut si negotia

¹ Legendum potius *non tam* (R. T.).

² An recta lectio iudicet lector scius (R. T.).

habuerint ad aedificationem et salutem animarum pertinentia, expedienda curet; iisque, quibus rebus potest, subveniat.

Curet denique rector, ut neque inutiles, neque discoli in collegio detineantur, atque alumni in pietatis studio, atque erga sanctam Romanam Ecclesiam amore ac reverentiâ, atque animarum et reductionis Graeciae zelo educantur.

Divina officia, qua decet modestiâ et gravitate, peragantur: quamobrem sacram caeremoniarum magistri, atque alii viri graves choro praesint, qui non modo, si quid errorum fuerit, privatim corrigant, sed cum opus est, publice etiam castigant aut puniant. Si quis autem ex alumniis, quod absit, indignum quid orationis domo facto, dicto, nutu vel adspectu minus honesto commiserit, confestim e collegio dimittatur. Quod si propter delicti levitatem condonandum aliquid videretur, non fiat nisi de licentiâ protectoris et gravi aliâ poenitentiâ impositâ.

Ritum graecum per omnia diligenter servant, dum sunt in collegio; latinum vero, quantum scandali, et eorum, cum quibus conversantur, ratio postulabit.

Curet praepositus generalis, cui collegium per se ac per officiales suos, sicut cetera eidem Societati commissa collegia, regendum apostolicâ auctoritate tradidimus, ut secundum praesentes constitutiones, perpetuis futuris temporibus gubernetur, neque minorem diligentiam adhibeat, vel in eo domi regendo, atque idoneis officialibus constituendis, vel in rebus eius temporalibus administrandis per vicarium monasterii Sanctissimae Trinitatis, quem semper unum de Societate de consensu protectoris ab eo constitutum, eiusque obedientiae per omnia subiectum, et, cum visum fuerit, amovendum esse volumus, quam si unum esset e Societatis ipsius collegiis.

Si quid forte in his constitutionibus usus

desiderari monstraverit, aut obscurum fuerit, vel ambiguum, id protectores et superiores, re mature coram Domino considerata, ex communi omnium, qui Romae fuerint, consensu suppleant, declarent et extendant.

Nullus autem protector aut superior dispensandi super constitutionibus potestatem habeat, illis casibus exceptis, qui expresse in instructione et declaratione nostrâ numerantur. Sed si quâ in re praeterea dispensandum sit, id fiat de communi omnium protectorum, qui Romae fuerint, et superiorum consensu, idque raro, graves ob causas, atque ubi nulla sit privati commodi aut gratiae suspicio. Quae omnia et singula, iuxta instructionem quam protectores et rector a nobis specialiter habebunt, ab omnibus tam alumnis quam aliis quibuscumque ad collegium pertinentibus, etiam sacerdotibus et religiosis, sub poenis et censuris, nostro, protectorum aut superiorum arbitrio pro culpae modo infligendis, mandamus inviolabiliter observari.

Hucusque collegii constitutiones.

Ad pontificatum erectus Urbanus huiusmodi constitutiones confirmat.

§ 3. Quapropter ad summi apostolatus apicem divinâ favente clementiâ, subinde evecti, praecipuae ac paternae nostrae in Graecorum nationem charitatis esse duximus, ne quid ad felicem ipsius collegii, eiusque personarum statum desideraretur, statuta et constitutiones huiusmodi, pro inviolabili illorum observatione, apostolicae nostrae confirmationis robore communire. Motu itaque proprio, non ad alienius nobis super hoc oblatae petitionis instantiam, sed de certâ scientiâ ac maturâ deliberatione nostris, deque apostolicae potestatis plenitudine, statuta et constitutiones huiusmodi, tenore praesentium, perpetuo approbamus et confirmamus, illisque inviolabilis apostolicae firmitatis robur adiecimus, ac omnes et singulos tam iuris

quam facti defectus, si qui desuper quomodolibet intervenerint, supplemus.

§ 4. Decernentes statuta et constitutiones huiusmodi a modernis et pro tempore existentibus dicti collegii rectore, ministris et alumnis, ceterisque ad quos spectat et in futurum spectabit, firmiter et inviolabiliter observari et adimpleri.

Eaeque servari iubet.

§ 5. Sicque, et non aliter, per quoscumque iudices ordinarios et delegatos, etiam causarum palatii apostolici auditores iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Clausulae.

§ 5. Non obstantibus constitutionibus et ordinationibus apostolicis, privilegiis quoque, indultis et litteris apostolicis in contrarium quomodolibet concessis, confirmatis et innovatis. Quibus omnibus et singulis, eorum tenores praesentibus pro plene et sufficienter expressis habentes, hac vice dumtaxat specialiter et expresse derogamus, ceterisque contrariis quibuscumque.

Derogatio contrariorum.

Datum Romae, apud S. Mariam Maiorem, sub annulo Piscatoris, die xxiii novembris mdcxxiv, pontificatus nostri anno ii.

Dat. die 23 novembris 1624, pontif. anno ii.

XCIX.

Beatificatio venerabilis servi Dei Francisci Borgia Societatis Iesu, cum indulto recitationis officii ac missae celebrationis

Urbanus Papa VIII,
ad perpetuam rei memoriam.

In Sede Principis apostolorum, nullo meritorum nostrorum suffragio, a Domino constituti, piis fidelium votis, quibus virtutem largitor in servis suis honorificatur, libenter annuimus, eaque favoribus prosequimur opportunis.

Exordium.

§. 1. Cum itaque, sicut dilectus filius noster Gaspar tituli Sanctae Crucis in Hierusalem.

Praevio decreto Congregationis rituum.

rusalem presbyter cardinalis Borgia nuncupatus nobis nuper exposuit, venerabiles fratres nostri sanctae Romanae Ecclesiae cardinales sacris ritibus praepositi causam servi Dei Francisci Borgiae, olim ducis Candiae, ac postea religiosi professi et tertii praepositi generalis Societatis Iesu, a tribus rotae auditoribus (instante clarae memoriae Philippo III Hispaniarum rege catholico, necnon regnorum eiusdem Philippi regis proceribus, civitatibus, universitatibus, ac demum praeposito generali eiusdem Societatis)¹, et deinde de mandato nostro ab eisdem cardinalibus, referente dilecto filio nostro Francisco tituli Sancti Angeli in Foro Piscium diacono cardinali Boncompagno nuncupato, discussam, cum de validitate processum, sanctitate vitae, ac denique de miraculis sufficienter constare pronunciasent, in tali statu censuerint habendum², ut ad solemnem ipsius servi Dei canonizationem quandocumque deveniri possit;

Et instante praeposito Societatis Iesu;

§ 2. Gaspar vero cardinalis ac praepositus et presbyteri dictae Societatis, pro eo quem erga eundem Dei servum Franciscum Borgiae gerunt devotionis affectu, illum Beatum nuncupari, ac officium et missam de eo, donec ad illius canonizationem deveniatur, recitari summo opere desiderant:

Pontifex venerabilium Franciscum Borgiae Beatum appellari posse;

§ 3. Nos, piis Gasparis cardinalis ac praepositi generalis, ac presbyterorum praedictorum votis, quantum cum Domino possumus, annuere, illosque specialibus favoribus et gratis prosequi volentes, ac singulares praepositi et presbyterorum praedictorum personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatae existunt, ad effectum praesentium dumtaxat consequendum, ha-

¹ Vide annon desit *examinata* aut simile (R. T.).

² Forsan legendum *habendam* (R. T.).

rum serie absolventes, et absolutas fore censentes, huiusmodi supplicationibus inclinati, de eorumdem cardinalium sacris ritibus praepositorum consilio, ut idem Dei servus Franciscus Borgia Beatus nuncupari, deque eo ab omnibus dictae Societatis Iesu religiosis ubique existentibus, necnon in ditionibus familiae illorum de Borgia ab omnibus sacerdotibus, tam secularibus quam regularibus, kalendis octobris, ipso nuncupato die sui obitus, missam celebrari, ac officium de communi Confessorum non Pontificum recitari iuxta rubricas missalis et breviarii romani respective libere et licite valeant, apostolicam auctoritate, tenore praesentium, perpetuo concedimus et indulgemus.

Et officium recitari, ac missam celebrari de eo indulget.

§ 4. Non obstantibus constitutionibus et ordinationibus apostolicis, ceterisque contrariis quibuscumque.

Obstantia tollit.

§ 5. Volumus autem, ut praesentium transumptis, etiam impressis, secretarii ipsius Societatis, vel notarii publici manu subscriptis, et personae alicuius in dignitate ecclesiastica constitutae sigillo munitis, eadem prorsus fides in iudicio et extra illud ubique locorum adhibeatur, quae praesentibus adhiberetur, si forent exhibitae vel ostensae.

Transumptis, quae credi iubet.

Datum Romae, apud S. Mariam Maiorem, sub annulo Piscatoris, die xxiii novembris MDCXXIV, pontificatus nostri anno II.

Dat. die 23 novembris 1624, pontif. anno II.

C.

Facultas commissario cruciatae regnorum Hispaniarum publicandi etiam typis litteras apostolicas super indultis eiusdem cruciatae emanatas¹.

Urbanus Papa VIII,
ad futuram rei memoriam.

§ 1. Nuper a nobis emanarunt litterae tenoris subsequentis, videlicet: *Charissimo*

Reconsentur litterae concessionis cruciatae.

¹ Ex Regest. in Secret. Brev.

in Christo filio nostro Philippo Hispaniarum regi catholico, Urbanus Papa VIII. Charissime in Christo, etc. Aliàs felicis recordationis Pius Papa V¹, etc.

Facultas commissario cruciatæ. de qua in rubrica.

§ 2. Nunc autem faciliore earumdem gratiarum exequutioni, quantum cum Domino possumus, providere volentes, supplicationibus etiam dicti Philippi regis nomine nobis super hoc humiliter porrectis inclinati, eidem Didaco patriarchæ moderno, et pro tempore existenti gratiarum prædictarum exequutori et commissario dictæ auctoritate deputato, præinsertas litteras nostras cum omnibus et singulis in eis contentis, modo et formâ quibus aliae nostrae et Romanorum Pontificum prædecessorum nostrorum huiusmodi litterae super dictarum gratiarum spiritualium et temporalium per eundem Pium prædecessorem concessarum, ut præfertur, prorogatione expediri solitae publicari consueverunt, publicandi, illasque simul cum eisdem litteris, vel separatim, singulis annis imprimendi seu imprimi faciendi, eleemosynamque per eos, qui gratis per præinsertas litteras nostras huiusmodi concessis uti voluerint, elargiendam (sine tamen præiudicio eleemosynae, ratione gratiarum spiritualium et temporalium per dictum Pium prædecessorem concessarum huiusmodi, et a diversis Romanis Pontificibus prædecessoribus nostris ac etiam a nobis prorogatarum, ut præfertur, dari consuetæ) iuxta earumdem primarum gratiarum tenorem et formam taxandi seu declarandi, apostolicâ auctoritate prædictâ, tenore praesentium, plenam, liberam et amplam facultatem et auctoritatem concedimus et impartimur.

Derogatio contrariorum.

§ 3. Non obstantibus præmissis, ac omnibus illis, quae in litteris nostris prædictis volumus non obstare, ceterisque contrariis quibuscumque.

¹ Vide supra, pag. 165.

Datum Romae, apud S. Petrum, sub annulo Piscatoris, die III decembris MDCXXIV, pontificatus nostri anno II.

Dat. die 3 decembris 1624, pontif. anno II.

CI.

Cavetur, quominus officia tam oneris quam honoris in collegio S. Francisci de Paula in regione Montium de Urbe pro fratribus Ordinis Minimorum provinciae Calabriae erecto, ab aliis quam ab eiusdem provinciae fratribus exercentur.

Urbanus Episcopus,
servus servorum Dei,
ad perpetuam rei memoriam.

Inter cetera cordis nostri desiderabilia, ea quoque, ex debito pastoralis officii nostris humeris, licet imparibus, divinâ dumtaxat dispositione impositi, non modice nos urget cura, ut inter christifideles quoslibet, praesertim religiosas personas sub suavi unius et eiusdem instituti iugo et charitatis vexillo Altissimo famulantes, præciso discordiarum et zizaniarum inimici hominis sementorum aditu, pax et concordia vigeant, piorum testantium voluntates adimpleantur et inviolabiliter observentur, ac regularium loca ad divinum cultum propagandum, et ignorantiae caliginem discutiendam, sacraeque paginae doctrinam (qua mediante uberiores in vineâ dexterâ Domini plantatâ fructus colligi et animarum salus procurandique noscuntur¹) adipiscendam libere destinata promoveantur: et propterea, quae² successu temporis aliquid contra desideriorum nostrorum huiusmodi dispositionem ausu temerario fieri vel attentari contingat, sacri apostolatus officii nostri partes interponimus, ac aliàs ultro dispo-

Exordium.

¹ Lectio mendosa nec facile emendabilis: forsân procurari loco *procurandique* legendum (R. T.).

² Forsân legendum *quando* pro *quae* (R. T.).

nimus, prout, rerum, temporum, locorum et personarum qualitatibus debite pensatis, conspicimus in Domino validius expedire.

Reveretur
senior testamen-
ti Joannis de
Pizzilli relati
in Constitutio-
ne viii, pag. 63.

§ 1. Cum itaque, sicut nobis innotuit, quondam Ioannes Pizzillus presbyter, dum vixit, Calaber ex oppido Reginae, Bisinianaensis dioecesis, oriundus, Urbis tamen incolae et civis, pio charitatis affectu et spirituali erga nationem citerioris Calabriae benevolentia et amore ductus, in ultimo per eum condito, sub cuius dispositione ab humanis decessit, testamento, in omnibus suis mobilibus et immobilibus ac semoventibus bonis, iuribus, actionibus, creditis, aliisque quibuscumque quomodolibet nuncupatis et qualificatis, dilectos filios correctorem et fratres seu conventum domus regularis S. Andreae de Fratribus¹ nuncupatae de Urbe, Ordinis fratrum Minimorum S. Francisci de Paula, haeredes suos universales instituerit; et inter cetera ordinaverit, quod summa sex mille scutorum monetae ad minus in emptionem alicuius fundi in praedicta Urbe per dictos correctorem et fratres sive conventum impendi, et in ipso fundo ecclesia² sub invocatione eiusdem S. Francisci de Paula cum³ hospitio seu collegio extrui, ac in eodem hospitio seu collegio fratres Ordinis et nationis praedictorum studiorum causa recipi et commorari, illisque de victu et aliis ad studiorum prosecutionem necessariis provideri, et ad eum effectum, ac pro servitio et usu solum dictorum fratrum studentium, omnes alii redditus haereditatis suae erogari et converti deberent; ac omnem bonorum dictae haereditatis in toto vel in parte alienationem ex quacumque etiam urgentissima causa prohibuerit; volens, quod bona huiusmodi semper, ad effectum ut

ex fructibus inde pro tempore provenientibus in dicto hospitio seu collegio fratres studentes Ordinis et nationis huiusmodi manuteneri et alii possint et debeant, conservarentur; quodque numerus ipsorum fratrum fructibus huiusmodi et expensis pro eorum manutentione necessariis, ad arbitrium cardinalis protectoris Ordinis et executorum testamenti huiusmodi pro tempore existentium, corresponderet, seu proportionatum esset; neenon inter ipsos fratres studentes, eos, qui quovis modo domum maternam dicti testatoris, videlicet illorum de Grilli, etiam usque ad quartum gradum exclusive, consanguinitate attigerint, et deinde eos, qui ex dicto oppido oriundi forent, ac successive illos, qui ex provincia Calabriae citerioris, et ultimo, si aliqua loca superessent, eos qui ex provincia ulterioris Calabriae orti existerent, in ipso hospitio seu collegio praeferrere; et in eventum, in quem dicti haeredes vel fratres dicti hospitii seu collegii pro tempore existentes haereditatem huiusmodi cum conditionibus praedictis et aliis oneribus per ipsum testatorem iniunctis acceptare, vel, ea acceptata, conditiones ac onera huiusmodi adimplere nollent, aut etiam pro una vice in quavis etiam quantumvis minima parte dispositionem testamentariam huiusmodi transgredierentur, tunc et eo casu etiam voluerit et mandaverit, ut omni commodo et beneficio haereditatis praedictae privati remanerent, in eoque fratres congregationis Colloreti nuncupatae (sub regula et habitu S. Augustini militantes) et in provincia Calabriae citerioris praedictae fundatae succederent, eosdem fratres dictae congregationis ipsis haeredibus vel fratribus hospitii seu collegii huiusmodi in dicta haereditate ex tunc cum eisdem conditionibus et oneribus substituendo; deinde (parochiali ecclesia Ss. Sergii et Bacchi de eadem Urbe, una cum

¹ Legendum de *Frattis*, ut supra pag. 54 a (R. T.).

² Edit. Maio. legit *ecclesiam* (R. T.).

³ Erronee eadem edit. legit *cuius* (R. T.).

dilectorum filiorum illius parochianorum animarum curâ, per dilectum filium tunc existentem ministrum generalem dicti Ordinis, a felicitis recordationis Gregorio Papa XV, praedecessore nostro, Ordini praedicto ad effectum collegium huiusmodi condendi obtentâ), idem testator, volens per se ipsum suam huiusmodi dispositionem ad effectum perducere, quoddam¹ palatium in dictâ Urbe et Regione Montium iuxta monasterium S. Petri ad vincula nuncupati situm, unâ cum viridariis, membris et pertinentiis suis, a dilecto filio nobili viro Ioanne Georgio Caesarino duce Civitatisnovae emerit, illudque sic emptum dicto Ordini ad effectum inibi ecclesiam et hospitium ac collegium huiusmodi construi faciendi (cum onere quod ipsi corrector et fratres seu conventus dictum palatium ad usum collegii pro habitatione fratrum dicti Ordinis theologiae operam navantium nationis citerioris Calabriae huiusmodi reducere seu reduci debeant, et in reliquis sub eisdem conditionibus, oneribus, caducitatibus, modoque et formâ in dicto testamento contentis) irrevocabiler inter vivos perpetuo donaverit; subindeque dilectos etiam filios Ioannem Baptistam a S. Agatha, et Franciscum de Spezzano, ac Dionysium de Paula, necnon Vicentium de Casentia et Laurentium etiam de Spezzano, ac Michaëlem a Regina, Paulum de Ruito; necnon Ioannem etiam a Regina, et Antonium de Morano, fratres dictum Ordinem expresse professos, et ex citeriori Calabria huiusmodi oriundos, in dictâ domo S. Andreae tunc commorantes, in actualem et corporalem possessionem palatii, viridariorum, aliorumque membrorum et pertinentiarum praedictorum introduxerit; ipsique denique sic introducti superiorum auctoritate capellam seu oratorium sub invocatione eiusdem S. Francisci de Paula

in quadam parte eiusdem palatii existentem seu existens ornaverint et clausuram conventus appellaverint; illis vero ordinationem ipsius conditionis exactius adimplere desiderantibus, dictus testator et donator, sicut Domino placuit, ab hac viâ decesserit, ac post eius obitum fratres dictae domus S. Andreae, considerantes ipsum testatorem et donatorem nationis suae religiosos ex dicto eorum Ordine existentes collegio huiusmodi honorare voluisse, omniaque ad eorum usum et utilitatem destinasse, et consequenter sicut onera diversa, sic et honorum huiusmodi administrationem eis demandare in animo habuisse, dictumque Ioannem Baptistam praedicti collegii vicarium deputatum et pro tempore existentes illius superiores idoneos et opportunos dictae hereditatis administratores et voluntatis eiusdem testatoris et donatoris diligentes observatores et exequutores futuros esse perspicientes, de eiusdem tunc existentis generalis, ac dilectorum similiter filiorum dicti Ordinis, illiusque collegarum assensu, et cum interventu et praesentiâ tam dictorum collegarum, quam etiam dilecti pariter filii nostri Hippolyti sanctae Mariae Novae diaconi cardinalis Aldobrandini nuncupati, moderni eiusdem Ordinis protectoris, seu eius auditoris ad id ab eodem Hippolyto cardinale specialiter deputati, ac sub nostro et Sedis Apostolicae beneplacito acceptatam¹ per eos dicti testatoris haereditatem, omneque commodum et incommodum illius, necnon sua et dictae domus S. Andreae iura et actiones quaecumque eis et eorum cuilibet quomodolibet attributa, ac competentia et competitura, cum omnibus et singulis conditionibus, oneribus, vinculis et poenis in dicto testamento contentis, in praedictum Ioannem Baptistam vicarium, pro se ac successoribus suis, dictoque collegio et illius religiosis

¹ Edit. Main. legit *quodquam* (R. T.).

¹ Edit. Main. legit *acceptam* (R. T.).

acceptantem, et eiusdem collegii superiorem et collegiales seu religiosos pro tempore existentes transtulerint, ac Ioannem Baptistam et pro tempore existentes dicti collegii superiores et collegiales seu religiosos praedictos veros et proprios administratores, procuratores generales, gestores et agentes totius haereditatis praedictae, cum facultate illam regendi, gubernandi et administrandi, regique, gubernari et administrari faciendi, necnon conventum et ecclesiam, ac domum regularem erigendi et fabricandi, omniaque et singula faciendi et adimplendi, ad quae ex dispositione testamenti et donatione praedictorum¹ obligati fuerunt, constituerint; postmodumque idem Gregorius praedecessor, supplicationibus testatoris et donatoris ac Ioannis Baptistae et Francisci de Spezzano praedictorum inclinatus, donationem praedictam, ac desuper confectum instrumentum, apostolicâ auctoritate approbati et confirmari mandaverit;

§ 2. Ac insuper nos translationem ac instrumentum huiusmodi eâdem auctoritate approbaverimus et confirmaverimus, prout in testamento, ac instrumentis, singulisque litteris apostolicis exinde confectis plenius continetur; ex formâ vero et tenore, tam testamenti quam donationis huiusmodi, clare et manifeste appareat, dictum testatorem collegium praedictum pro religionis suae nationis tantum, et non pro aliis, fundare et dotare, ac eandem nationem suam speciali hoc beneficio, ad testandam et declarandam sui erga patriam animi pietatem, prosecui voluisse, et fratres dictae domus S. Andreae, intentionem eiusdem testatoris et donatoris talem fuisse existimantes, adhaerendo² ad translationem et cessionem praedictas sponte et libenter devenerint; ac ab eo tempore citra dictus Ioannes Baptista vicarius,

et Franciscus, ac Dionysius, necnon Michaël et Paulus, ac Ioannes et Antonius praedicti haereditatem huiusmodi, illiusque bona ac dictum collegium administraverint et gubernaverint; et, licet tam ipsi, quam postea alii religiosi dicti Ordinis ex dictâ natione oriundi super libero gubernio, regimine et administratione eiusdem collegii et illius bonorum molestari, et in ipso collegio alii religiosi, quam ex dictâ provinciâ Calabriae citerioris orti, recipi et commorari non posse videatur,

§ 3. Nihilominus, quia successu temporis facile contingere poterit, ut religiosi aliarum provinciarum et nationum in collegio praedicto recipi, et ad illius regimen et gubernium assumi petant et procurent; id autem non solum menti et intentioni dicti testatoris omnino contrarium, sed etiam religionis dictae provinciae Calabriae grave praeiudicium allaturum esse, exindeque probabile sit, inter religiosos dicti collegii rixas, odia, contentiones et dissidia, aliaque non levia inconvenientia cum gravi status dicti collegii perturbatione, et forsitan totali illius ruinâ et excidio, sine dubio passim oriutura esse: Nos, praemissis inconvenientibus et incommodis, nostrae et Sedis praedictae providentiae ministerio, consultum esse desiderantes, Ioannem Baptistam et Franciscum, ac Dionysium, necnon Vincentium, ac Michaëlem et Paulum, ac Ioannem et Antonium praedictos, aliosque dictae nationis Calabriae religiosos, sub regulâ dicti Ordinis S. Francisci de Paula nunc et pro tempore militantes, specialis gratiae favore prosecui volentes, eosque et eorum quemlibet a quibusvis excommunicationis, suspensionis et interdicti, aliisque ecclesiasticis sententiis, censuris et poenis a iure vel ab homine quavis occasione vel causâ latis, si quibus quomodolibet innodati existant, ad effectum praesentium dumtaxat consequen-

Officia eiusdem conventus a solis Calabriae obtineri posse declarat.

Quod Gregorius XV approbavit.

Translationem vero huiusmodi haereditatis ad conventum S. Francisci in regione Montium confirmavit Urbanus Constitutio praedicta.

¹ Forsan legendum *praedictis* (R. T.).

² Potius lege *ei adhaerendo* (R. T.).

dum, harum serie absolventes et absolutos fore censentes, necnon testamenti et instrumentorum ac praedictarum litterarum tenores etiam veriores praesentibus pro expressis habentes, motu nostro proprio, non ad Ioannis Baptistae, aut Francisci, vel Dionysii, seu Vincentii, nec ad Michaëlis, vel Pauli, seu Ioannis, aut Antonii praedictorum, vel alicuius eorum, aut cuiusvis alterius nobis pro eis oblatae petitionis instantiam, sed ex mera deliberatione nostra, dictaeque apostolicae potestatis plenitudine, quod ex nunc de cetero perpetuis futuris temporibus dictum collegium, necnon tam praedictae haereditatis, quam alia collegio¹ huiusmodi proprietatis iura et bona universa praesentia et futura in quibuscumque rebus consistentia et ubicumque existentia, ac etiam officia et munera tam oneris quam honoris, per religiosos dicti Ordinis ex provincia citerioris Calabriae praedictae nunc et pro tempore oriundos tantum (dummodo superiores dicti Ordinis ex Calabria ad regendum et gubernandum dictum collegium, ac illius redditus et bona administrandum idonei reperiantur), et non per alios quarumcumque aliarum provinciarum et nationum eiusdem Ordinis religiosos, quos ad id omnino incapaces et inhabiles esse volumus et declaramus, sub obedientia tamen, visitatione, correctione et omnimoda superioritate eiusdem tunc et pro tempore existentis dicti Ordinis ministri generalis regi, gubernari et administrari,

§ 4. Ac in eodem collegio nulli alii religiosi, quam ex dicta provincia citerioris Calabriae oriundi et alias iuxta testamenti et donationis praedictorum formam qualificati², recipi, commorari, alii et manuteneri possint et debeant;

§ 5. Et, si ullo unquam tempore alios religiosos, quam, ut praefertur, oriundos,

ad regimen, gubernium et administrationem collegii ac proprietatum, iurium et bonorum, necnon officia et onera huiusmodi, etiam per dictum ministrum generalem et provinciales, aliosque superiores dicti Ordinis nunc et pro tempore existentes, seu eorum auctoritate, etiam ex quacumque quantumvis urgenti, legitima et necessaria causa, deputari et assumi, aut in collegio praedicto manutenendos et alendos, etiam studii causa, mitti, vel in eis¹ consignari aut deponi contigerit; religiosi eiusdem collegii ex dicta provincia Calabriae citerioris oriundi ibi pro tempore commorantes illos recipere et admittere nullatenus teneantur, et, si qui aliquando recepti et admissi fuerint, eos inde dimittere et expellere possint et debeant, auctoritate apostolica, tenore praesentium, perpetuo statuimus et ordinamus.

§ 6. Necnon ministro generali, et dilectis filiis provincialibus, aliisque superioribus nunc et pro tempore existentibus dicti Ordinis in virtute sanctae obedientiae, ne ad regimen, gubernium et administrationem collegii, iuriumque et bonorum praedictorum, ac officia et onera huiusmodi alios religiosos, quam ex dicta provincia Calabriae citerioris oriundos, et ut praemittitur qualificados, quovis praetextu, colore vel ingenio, et ex quacumque etiam lecturae et studii causa, per se vel alios deputare et assumere, seu in collegio huiusmodi manutenendos et alendos mittere, aut in illis² consignare seu deponere, aut deputari, assumi, mitti, consignari et deponi facere quomodolibet audeant seu praesumant, motu, deliberatione, ac de potestatis plenitudine, necnon auctoritate et tenore similibus, districtius praecipimus et inhibemus.

§ 7. Decernentes, praesentes nostras litteras, etiam ex eo quod dictus minister

Aliarumque provinciarum fratres ibi vetat commorari.

Dat. fratribus facultatem exteros huiusmodi amovendi.

¹ Potius legendum *collegii* (R. T.).

² Edit. Main. legit *qualificari* (R. T.).

Dumque quosdam religiosos Ordinis sepius in collegio auctoritate

Clausula

¹ Forsan legendum *vel in eo* (R. T.).

² Iterum legi posset *in illo* (R. T.).

generalis, dilecti filii provinciales, ac superiores praedicti, alique quicumque in praemissis interesse habentes, vel habere praetendentes, illis non consenserint, ad eaque vocati, et causae, propter quas illa fiant, examinatae, iustificatae, aut alias approbatae non fuerint, seu quovis alio praetextu, ex quacunque quantumvis legitima et iuridica causa, de subreptionis, vel obreptionis, aut nullitatis vitio, seu intentionis nostrae, vel quopiam alio defectu notari, impugnari, invalidari, retractari, in ius vel controversiam vocari, ad viam et terminos iuris reduci, aut adversus illas quodcumque iuris, gratiae vel facti remedium impetrari aut concedi non posse, neque sub quibusvis similium vel dissimilium gratiarum revocationibus, suspensionibus, limitationibus, derogationibus aut aliis contrariis dispositionibus, per quoscumque Romanos Pontifices, sub quibusvis tenoribus et formis, ac cum quibusvis clausulis et decretis, in contrarium facientibus¹ comprehendendi, sed ab illis semper exceptas, et quoties illae emanabunt, toties in pristinum et eum, in quo ante praemissa quomodolibet erant, statum restitutas, repositas et plenarie reintegratas, et de novo etiam sub quacunque posteriori data per dictos Ioannem Baptistam et Franciscum, ac Dionysium, necnon Vincentium et Michaëlem, ac Paulum et Ioannem, ac Antonium, eorumque successores eiusdem collegii collegiales quandocumque eligenda concessas, semperque validas et efficaces esse et fore, suosque plenarios et integros effectus sortiri et obtinere;

§ 8. Sicque per quoscumque iudices ordinarios et delegatos, etiam causarum palatii apostolici auditores, ac sanctae Romanae Ecclesiae cardinales, etiam de latere legatos, vicelegatos, dictaeque Sedis nuntios (sublata eis et eorum cuilibet quavis aliter iudicandi et interpretandi facul-

¹ Forsan legendum *facientis* (R. T.).

tate et auctoritate) iudicari et definiri debere, ac irritum et inane quicquid secus super his a quoquam, quavis auctoritate, scienter vel ignoranter, contigerit attentari.

§ 9. Quocirca dilectis filiis nostris archipresbytero ecclesiae Lateranensis, ac nostro et pro tempore existentis Romani Pontificis in Urbe, eiusque districtu vicario in spiritualibus generali, sanctae Romanae Ecclesiae cardinalibus, ac venerabili fratri archiepiscopo Cusentino per apostolica scripta mandamus, quatenus ipsi, vel duo, aut unus eorum, per se, vel alium, seu alios, easdem praesentes nostras litteras et in eis contenta quaecumque, ubi et quando opus fuerit, ac quoties pro parte dicti Ioannis Baptistae et pro tempore existentis hospitii seu collegii huiusmodi superioris¹ ac collegialium seu religiosorum, aut alicuius eorum, fuerint requisiti, solemniter publicantes, eisque in praemissis efficacis defensionis praesidio assistentes, faciant auctoritate nostrâ easdem praesentes litteras, et in eis contenta huiusmodi, ab omnibus, ad quos nunc spectat et pro tempore spectabit quomodolibet in futurum, inviolabiliter observari; necnon Ioannem Baptistam ac pro tempore existentem hospitii seu collegii huiusmodi superiorem et collegiales, seu religiosos praedictos, illis pacifice frui et gaudere; non permittentes eos, aut eorum aliquos, desuper quomodolibet indebite molestari; contradictores quoslibet et rebelles per sententias, censuras et poenas ecclesiasticas, aliaque opportuna iuris et facti remedia, appellatione postpositâ, compescendo, invocato etiam ad hoc, si opus fuerit, brachii secularis auxilio.

§ 10. Nos enim archipresbytero et vicario ac archiepiscopo praefatis, et eorum cuilibet, quoscumque molestatores, perturbatores, contradictores et rebelles, etiam per edictum publicum, constituto sum-

Exequutorum
designatio.

Quibus neces-
sarias con-
ceduntur facul-
tes.

¹ Perperam ed. Main. legit *superiores* (R. T.).

marie de non tuto accessu, citandi; eisque, ac quibus et quoties inhibendum fuerit, etiam per simile edictum, quoad archiepiscopos et episcopos sub interdicti ingressus ecclesiae, quo vero ad alios inferiores, etiam sub censuris ecclesiasticis et etiam pecuniariis, eorum arbitrio imponendis, moderandis et applicandis poenis, inhibendi; necnon eos, quos censuras et poenas praedictas incurrisse constiterit, eas incurrisse, servatâ formâ Concilii Tridentini, declarandi; ac, legitimis super literis habendis servatis processibus, censuras et poenas ipsas etiam iteratis vicibus aggravandi, reaggravandi et interdicendi, plenam et liberam, motu, scientiâ, auctoritate et tenore praemissis, concedimus facultatem.

Derogatio
contrariorum.

§ 11. Non obstantibus praemissis, ac pia memoriae Bonifacii Papae VIII etiam praedecessoris nostri, qua cavetur expresse, ne quis extra suam civitatem vel dioecesim, nisi in certis tunc expressis casibus, et in illis ultra unam dietam, a fine suae dioecesis ad iudicium evocetur, seu ne iudices a Sede praedictâ deputati extra civitatem, vel dioecesim, in quibus deputati fuerint, contra quoscunque procedere, aut alii, vel aliis vices suas committere audeant, seu praesumant, ac in concilio generali de duabus dietis editâ, dummodo quis ultra tres dietas vigore earundem praesentium extra suam civitatem vel dioecesim ad iudicium non trahatur; necnon quibusvis aliis constitutionibus et ordinationibus apostolicis ac dicti Ordinis (etiam iuramento, confirmatione apostolicâ, vel quavis firmitate aliâ roboratis) statutis, privilegiis quoque, indultis et literis apostolicis, illi, illiusque ministro generali, provincialibus, superioribus praedictis, ac aliis personis, sub quibuscunque tenoribus et formis, ac cum quibusvis clausulis et decretis, in contrarium forsan praemissorum quomodolibet concessis,

confirmatis et innovatis. Quibus omnibus, etiamsi de illis, eorumque totis tenoribus specialis, specifica, individua, ac de verbo ad verbum, non autem per clausulas generales idem importantes, mentio seu quaevis alia expressio habenda aut aliqua exquisita forma ad hoc servanda esset, illis aliâs in suo robore permansuris, hac vice dumtaxat, specialiter et expresse, harum serie, derogamus, ceterisque contrariis quibuscunque: aut si aliquibus communiter vel divisim ab eadem sit Sede indultum, quod interdicti, suspendi, vel excommunicari non possint per literas apostolicas non facientes plenam et expressam ac de verbo ad verbum de indulto huiusmodi mentionem.

Clausulae
poenales.

§ 12. Nulli ergo omnino hominum liceat hanc paginam nostrae absolutionis, voluntatis, declarationis, statuti, ordinationis, praecepti, inhibitionis, decreti et derogationis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursum.

Datum Romae, apud sanctum Petrum, anno Incarnationis Dominicae MDCXXIV, pridie nonas decembris, pontificatus nostri anno II.

Dat. die 4 decembris 1624, pontif. anno II.

CII.

Contra male ad sacros vel minores ordines seu clericalem characterem ordinantes et male ordinatos.

Urbanus Papa VIII,
ad perpetuam rei memoriam.

Secretis aeternae providentiae, consiliis, nullo nostrorum suffragio meritorum, speculatores domus Israel in sublimi apostolatus culmine constituti, eo potissimum pontificiae sedulitatis officia convertenda esse arbitramur, ut qui in sortem Domini

Cura Pontificum Ecclesiae officium ac tranquillitatem tuendi.

vocantur, Christique militiae dant nomen, spiritualem Ecclesiae tranquillitatem non perturbant, sed pacem confirmant, vires augeant, ac tam strenue se gerant, ut ipsam terribilem, quasi castrorum aciem ordinatam, inferae potestates ac principes tenebrarum quotidie magis perhorrescant. Haec autem quanto impensius fieri optamus, tanto maiori indignatione irreligiosam quorundam impudentiam detestamur, ac sacrilegam temeritatem execramur, qui sacros canones, Summorumque Pontificum decreta non verentes, clericales ordines illegitime suscipiunt, ac dum in ecclesiasticorum ministrorum coetum per nefas irrepunt, Dei cultui, animarum salutem, omnibusque ad optimum christianae reipublicae regimen pertinentibus, plurimum obesse noscuntur.

Clemens IV prohibuit, quominus quis extra suam diocesim, absque Ordinaris sui dimissorialibus, sacra initiaretur.

§ 1. Aliis siquidem felicitis recordationis Clemens Papa IV praedecessor noster, volens periculis animarum eorum obviare, qui vinculo excommunicationis adstricti, aut apostatae, seu irregulares, vel alii ordinum sacrorum susceptione indigni, suam patriam, in qua de his haberetur notitia, fugientes, se in remotis partibus faciebant ad huiusmodi ordines promoveri, statuit, ut nullus episcoporum Italiae de cetero aliquem ultramontanum clericum ordinare praesumeret, nisi ab eodem Clemente praedecessore, vel ab episcopo, de cuius diocesi traxerat originem ordinandus vel in cuius diocesi beneficiatus existebat, per eius patentes litteras causam rationabilem continentes, quare ipsum nolebat aut nequibat ordinare, ¹ specialem licentiam haberet, eos vero, quos contra praemissa contigisset ordinari, manere voluit, absque spe dispensationis super hoc a Sede Apostolica obtinendae, suspensos, ac ordinantes condignam poenitentiam puniri.

Urbanus Cle-

§ 2. Cum autem, non sine gravi animi

¹ Importunum nisi delemus (n. T.).

nostri molestia, nobis innotuerit, quamplures ultramontanos, suae salutis immemores, Deique timore postposito, ad ordines praedictos cum falsis dimissorialibus litteris, seu etiam titulo patrimonii ficto, vel fiduciario, seu etiam falso, cum maximo bonorum omnium scandalo, se promoveri fecisse: nos, innumeris, quae ex minus canonica clericorum ordinatione huiusmodi proveniunt, malis, quantum nobis ex alto conceditur, providere volentes, praedictam Clementis praedecessoris constitutionem, cum omnibus et singulis in ea contentis, approbantes et innovantes, motu proprio et ex certa scientia, ac maturam deliberatione nostris, deque apostolicae potestatis plenitudine, venerabilibus fratribus patriarchis, archiepiscopis et episcopis in Italia existentibus, tenore praesentium, prohibemus, ne quovis praetextu et ex quacunque causa, Hispanos, Lusitanos, Gallos, vel Germanos, aliosque quoscumque ultramontanos, et ex quibusvis locis extra Italiam oriundos ¹, non solum ad sacros, sed neque etiam ad minores ordines vel clericalem characterem promovere audeant, seu praesumant, nisi dimissoriales suorum Ordinariorum litteras a nostris et huius Sanctae Sedis nuntiis seu collectoribus in illis partibus commorantibus recognitas et probatas et subscriptas habeant, eorumdemve nuntiorum seu collectorum subscriptiones a dilecto filio nostro in alma Urbe vicario in spiritualibus generali similiter examinatae, recognitae et approbatae fuerint; alii promoves, ad annum ab exercitio pontificalium, promoti vero perpetuae suspensionis poenam, absque spe dispensationis a Sede Apostolica obtinendae, incurrant eo ipso. Insuper promotos huiusmodi, ac etiam eos, qui cum falsis, vel fictis, aut fiduciariis patrimonii titulis scienter se ad ordines huiusmodi promoveri fecerint, non

mentis immo: aus Constitutionem.

Ultramontanos, absque huiusmodi dimissorialibus a Sede Apostolica ministris recensitis, ordinari in Italia sub poena suspensionis vetat.

Promotos autem cum falsis patrimonii alius etiam poenis vult puniri.

¹ Erronee edit. Main. legit *oriundis* (n. T.).

solum praedictis, verum etiam maioribus arbitrio nostro et pro tempore existentis Romani Pontificis infligendis poenis.

Italos autem
falsis dimissio-
nis promotos
fori privilegio
privat.

§ 3. Italos vero, si quos imposterum clericali characterе insigniri, vel ad minores ordines promoveri ab alieno episcopo cum falsis dimissoriis contigerit, etiamsi qualitatibus per Concilii Tridentini decretum, sess. xvi, cap. xxiii, requisitis praediti sint, nihilominus (sequutâ tamen prius desuper iudicis ecclesiastici declaratione) fori privilegio minime gaudere, sed seculari iurisdictioni, ut antea, plene in omnibus subiacere et subiectos esse respective volumus;

Clausulas ne-
cessarias appo-
nit.

§ 4. Sicque, et non aliter, per quoscunque iudices ordinarios et delegatos etiam causarum palatii apostolici auditores (sublatâ eis et eorum cuilibet quavis aliter iudicandi et interpretandi facultate et auctoritate) iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari: in contrarium facientibus non obstantibus quibuscumque.

Constitutio-
nemque Pii II
contra male
promotos prae-
servat.

§ 5. Per praesentes autem constitutioni recolendae memoriae Pii Papae II praecessoris nostri contra male promotos editae¹ nullatenus derogare intendimus, sed illam cum omnibus et singulis in eâ contentis, in suo robore et efficaciâ permanere, perinde ac si praesentes non emanassent, decernimus.

Praesentes
publicari iubet.

§ 6. Ut autem praesentes litterae ad omnium notitiam facilius devenire possint, volumus, quod illae, sive earum exempla, in valvis basilicarum S. Ioannis Lateranensis, ac Principis apostolorum de Urbe, et cancellariae apostolicae, nec non in acie Campi Florae, ut moris est, affixae, omnes et singulos, quos illae concernunt, perinde arceant et afficiant, ac si unicuique personaliter intimatae fuissent;

¹ Quae legitur in tom. v, pag. 165 (R. T.).

§ 7. Quodque earumdem transumptis, etiam impressis, manu alicuius notarii publici subscriptis, et sigillo alicuius personae in dignitate ecclesiasticâ constitutae munitis, eadem prorsus fides in iudicio et extra illud ubique adhibeatur, quae ipsis praesentibus adhiberetur, si forent exhibitae vel ostensae.

Earumque
exemplis credi.

Datum Romae, apud S. Petrum, sub anulo Piscatoris, die xi decembris mdcxxiv, pontificatus nostri anno ii.

Dat. die 11 decembris 1621, pontif. an. ii.

Anno mdcxxiv, indictione vii pontificatus Sanctissimi Domini nostri Domini Urbani divini providentiâ Papae VIII, die vero xvi mensis decembris, retroscriptae litterae apostolicae affixae, lectae et publicatae fuerunt ad valvas basilicarum S. Ioannis Lateranensis, Principis apostolorum de Urbe, ac cancellariae apostolicae, acie Campi Florae, per nos Alexandrum de Rochis et Fabium Æmilianum Sanctissimi Domini Papae cursores.

BRANDIMARTES LATINUS,
pro mag. dominorum cursorum.

CHII.

Praeceptum episcopo Calaguritano et Calciatensi ut ea revocet, quae contra clerum ipsius dioecesis gessit, non obstante inhibitione auditoris camerae apostolicae¹.

Venerabili fratri Petro,
episcopo Calaguritano et Calciatensi,
Urbanus Papa VIII.

Venerabilis frater,
salutem et apostolicam benedictionem.

§ 1. Nuper accepimus, quod licet dilectus filius magister Philippus Pirovanus rappellanus noster, et sacri palatii apostolici causarum ac infrascriptae causae auditor, per suas litteras inhibitorias, sub datum Romae, primâ iulii mdcxxiv, iuxta

Camerae apo-
stolicae auditor
episcopo inhi-
buerat, ne quid
innovaret. In
causa coram
eadem pendente
inter ipsam
episcopum et
clerum.

¹ Ex Regest. in Secret. Brev.

stylum Romanae curiae expeditas et successive tibi intimatas, auctoritate apostolica et in virtute sanctae obedientiae, ac sub certis tunc impositis poenis, tibi iniunxerit et iuhibuerit, ne in causâ et causis inter te et dilectos filios beneficiatos et universum clerum tuae civitatis et dioecesis, de et super nonnullis statutis a te in synodo dioecesiâ anni MDCXX promulgatis sive illorum exequutione, coram eo pendentibus aliquid innovares, nulloque impedimento esses ipsi clero, quominus conventus, congregationesve haberet tam pro expensis liti subministrandis, quam pro aliis rebus ad causam pertinentibus deliberandis et constituendis:

Cum mandato cum non parceret episcopus;

§ 2. Nihilominus tu post intimationem dictae inhibitionis tibi factam nonnullos ex dicto clero ac ab eo deputatos carcerasti, poenisque et multis affecisti.

Et Urbanus praecipit, ut quae contra inhibitionem generat, revocet.

§ 3. Propterea nos, cupientes praemissis occurrere, et quod dictae inhibitioni cum effectu pareas, statumque et merita causae et causarum huiusmodi praesentibus pro sufficienter expressis et insertis habentes, fraternitati tuae sub indignationis nostrae et aliis arbitrio nostro infligendis poenis districte praecipiendo mandamus, ut praemissa omnia et singula post intimationem dictae inhibitionis gesta quaecumque revoces, et clerum praedictum in statum, in quo erat tempore dictae inhibitionis, reponas, ac defendas, reponique, ac defendi facias, eundemque clerum, aut illius singulares personas, in congregationibus, distributionibus, aut aliis ad hanc litem pertinentibus pertractandis, faciendis et exequendis (dummodo collectas a sponte contribuere volentibus dumtaxat, non autem ab invitis, exigat) nullo modo impedias, et si quos carceratos detines, a carceribus relaxes, praemissis, ac constitutionibus et ordinationibus apostolicis, stylo palatii, ceterisque contrariis quibuscumque non obstantibus.

Datum Romae, apud S. Petrum, sub anulo Piscatoris, die xx decembris MDCXXIV, pontificatus nostri anno II.

Dat. die 20 decembris 1624, pontif. anno II.

CIV.

Erectio collegii Hibernorum in oppido Lovanii Mechliniensis dioecesis¹.

Urbanus Papa VIII,
ad perpetuam rei memoriam.

In supereminenti Sedis Apostolicae speculâ, meritis licet imparibus, a Domino constituti, et intra mentis nostrae arcana revolventes, quantum ex litterarum studiis catholica fides augeatur, divini nominis cultus protendatur, veritas agnoscatur, et iustitia colatur, ad ea, per quae litterarum studia huiusmodi ubilibet, praesertim vero in regionibus ubi maior necessitas urget, excitentur, libenter intendimus, atque his sollicitudinis nostrae partes propensius impartimur, prout, locorum qualitate debite pensatâ, conspiciamus in Domino salubriter expedire.

Exordium.

§ 1. Cum itaque, sicut accepimus, aliâs a bonae memoriae Eugenio, archiepiscopo Dublinensi, dum vixit, ducentorum et quinque, a quibusdam vero aliis ducentorum et quadraginta florenorum annuorum mone-tae Brabantiae summae pro unius collegii Hibernorum nuncupandi in oppido Lovanii Mechliniensis dioecesis erectione et institutione respective relictâ et assignatae fuerint; nos, considerantes erectionem et institutionem collegii huiusmodi, tam¹ fidei catholicae in illis partibus conservationi et propagationi, tum etiam adolescentum nationis Hiberniae in christianâ pietate, ac fide sincerâ institutioni valde utiles, maximique adiumenti fore; idcirco, de venerabilium fratrum nostrorum sanctae Romanae Ecclesiae cardinalium ne-

Erectio collegii, de quo in rubrica.

¹ Ex Regest. in Secret. Brev.

² Aptius legeretur tum (R. T.).

gocio propagandae in universum mundum fidei praefectorum¹ consilio, motu proprio, et ex certâ scientiâ, maturâque deliberatione nostris, in praedicto oppido unum collegium Hibernorum nuncupandum, cum cappellâ, seu oratorio, ac refectorio, communi sigillo, bibliothecâ, archivio, ceterisque collegialibus insignibus, ac membris et officinis necessariis et opportunis, pro perpetuis receptione, usu et habitatione unius rectoris, ac competentis numeri ministrorum et alumnorum sive scholarium dictae nationis, qui inibi christianis moribus, bonisque litteris, et ecclesiasticâ disciplinâ imbui debeant, tenore praesentium, sine tamen alicuius praeiudicio, perpetuo erigimus et instituimus.

Dos eidem
assignata.

§ 2. Illique sic erecto et instituto, pro eius dote, ac rectoris et ministrorum, alumnorumque, sive scholarium sustentatione, ac onerum eis incumbendum supportatione, tam praedictas summas per dictum Eugenium archiepiscopum, et alios, ut supra, relictas et assignatas, quam etiam alia scuta trecenta annua per cardinales praedictos ad libitum eorum persolvenda, nec non alia omnia et singula bona per quoscumque christifideles eidem collegio donanda et assignanda, ex nunc, prout postquam donata et assignata fuerint (ita quod liceat rectori, ac ministris, ac alumnis, sive scholaribus praedictis ipsorum bonorum omnium, corporalem, realem et actualem possessionem, suo et dicti collegii nominibus, propriâ auctoritate, libere apprehendere et apprehensam perpetuo retinere, fructus quoque, redditus, proventus, iura, obventiones et emolumenta quaecumque ex eis provenientia percipere, exigere, levare, recuperare, locare, arrendare ac in communes dicti collegii usus et utilitatem convertere, cuiusvis licentiâ desuper minime requisitâ), perpetuo similiter applicamus et appropriamus.

¹ Edit. Main. legit *praefectorum* (R. T.).

§ 3. Praeterea, cardinales praedictos onere solutionis trecentorum scutorum praedictorum aliquâ ex parte levare volentes, collegio per praesentes erecto huiusmodi summam mille scutorum auri, per dilectum filium modernum comitem de Isemburgh (occasione dispensationis matrimonii inter ipsum ac dilectam in Christo filiam Carolinam, natam dilecti etiam filii nobilis viri moderni comitis de Arembergh ducis Arescotani, contrahendi per nos illi concessae) in manibus venerabilis fratris Petri Francisci archiepiscopi Patracensis nostri et Apostolicae Sedis in Belgicis ditionibus nuncii persolutam, auctoritate et tenore praedictis damus et elargimur; eademque mille scuta investiri, ac pro ratâ redditus, qui ex eis a collegio praedicto percipietur, de summâ trecentorum scutorum per dictos cardinales annuatim ad eorum beneplacitum eidem collegio, ut supra, persolvendorum, ita ut non trecenta scuta integra, sed tanto minus, quanta erit summa redditus ex scutis mille huiusmodi a dicto collegio percipiendi, solvantur, minui et detrahi volumus et mandamus.

§ 4. Decernentes praesentes litteras validas, firmas et efficaces existere et fore, suosque plenarios et integros effectus sortiri et obtinere, sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Clausula

§ 5. Non obstantibus constitutionibus, et ordinationibus apostolicis, ceterisque

Derogatio
contrariarum.

Datum Romae, apud S. Petrum, sub anulo Piscatoris, die XIV decembris MDCXXIV, pontificatus nostri anno II.

Dat. die 14 decembris 1624, pontif. an. II.

CV.

Commissio Berlingerio, episcopo olim Ariminensi, generali totius ducatus Urbini, quoad dux vixerit, ab ipso deputato gubernatori, ut, eveniente eiusdem ducis obitu, possessionem illius ducatus, civitatum et dominiorum, nomine sanctae Sedis & Camerae Apostolicae apprehendat¹.

Venerabili fratri Berlingerio,
episcopo, olim Ariminensi,

Urbanus Papa VIII.

Venerabilis frater,
salutem et apostolicam benedictionem.

Berlingerio, a
Francisco Urbini
duce illius
ducatus gubernatore
constituito.

§ 1. Cum dilectus filius nobilis vir Franciscus Maria Urbini dux, provide considerans, ducatum Urbini, necnon civitates Senogalliensis et Pisaurensis, necnon sancti Leonis cum terra et arce Maioli, et totum Statum Montisferetranum, aliaque dominia, civitates, oppida, castra, terras, arces, propugnacula, seu fortalitia, et loca quaecumque, etiam speciali notâ et expressione dignâ, in et sub Statu dicti ducatus Urbini ad praesens quomodolibet comprehensa, eius antecessoribus dudum a Romanis Pontificibus praedecessoribus nostris in feudum data et concessa, seu aliâs per eum quomodolibet possessa, per obitum suum sine liberis et descendentibus masculis, legitimis et naturalibus, ob lineam finitam, cum omnibus eorum territoriis, districtibus, iurisdictionibus, membris, iuribus et pertinentiis universis (excepto Castro Podii Hibernorum, et aliis bonis non feudalibus neque iurisdictionalibus relaxatis et reservatis Francisco Mariae duci praedicto, eiusque haeredibus et successoribus in instrumento concordiae sub die xxx aprilis proxime praeteriti celebrato), aperta, ac ad nos et Romanam Ecclesiam, Sedemque et Cameraam Apostolicam reversura et devoluta iri, se vero provectae

¹ Ex Regest. in Secret. Brev.

iam etatis existere, necnon mensurabiles dies suos, humanamque vitam in imagine pertransientem sibi ob oculos proponens, ut curis aliisque impedimentis secularibus solutus, de substantiâ suâ, quae apud Deum est, tutius adipiscendâ solidiori meditationum, piorumque operum exercitio cogitare valeat, te universalem, quoad ipse vixerit, ducatus, et aliorum dominiorum praedictorum gubernatorem ad electionem nostram deputaverit;

§ 2. Nos, si¹ durante gubernatoris huiusmodi munere eundem Franciscum Mariam ducem ab humanis decedere contigerit, nihil, quod ad munus nostrae partes pro nostrorum et huius sanctae Sedis Apostolicae ditionis temporalis iurium conservatione, prosperoque ducatus, civitatum, ac Status, necnon dominiorum, civitatum, oppidorum, terrarum, castrorum, propugnaculorum, fortalitorum, aliorumque locorum huiusmodi statu, gubernio, atque regimine spectat, praetermittere volentes, ac de singulari fraternitatis tuae fide, doctrinâ, integritate, diuque spectatâ in gravissimis rebus gerendis prudentiâ plurimum in Domino confisi, motu proprio, non ad tuam vel alterius pro te nobis super hoc oblatae petitionis instantiam, sed ex certâ scientiâ ac maturâ deliberatione nostris, deque apostolicae potestatis plenitudine, tibi per praesentes committimus et mandamus, ut, eveniente, dum gubernatoris huiusmodi munere fungeris, ipsius Francisci Mariae ducis obitu, corporalem, realem et actua-lem possessionem ducatus, civitatum, dominiorum, oppidorum, terrarum, et locorum praedictorum, eorumque territoriorum, districtuum, iurisdictionum, castrorum, fortalitorum, sive propugnaculorum, membrorum, pertinentiarum, et iurium quorumcumque, nostro, et Ecclesiae, Sedisque et Camerae praedictorum nomine,

Pontifex committit, ut eveniente ducis obitu eiusdem ducatus possessionem nomine S. Sedis apprehendat.

¹ Perperam edit. Main. legit *sic* (R. T.).

amotis et expulsis exinde quibusvis detentoribus sive occupatoribus, per te, seu alium, vel alios tibi benevisos, apprehendas, sive a quibusvis aliis in vim facultatum tibi a nobis desuper aliàs sub certis modo et formâ tunc expressis concessarum apprehensam, recipias et retineas;

Et fidelitatis
sacramentum ab
illis subditis
recipiat; cetera
que hic enun-
ciata exequa-
tur.

§ 3. Necnon a communitatibus, universitatibus, gubernatoribus, praetoribus, locatenentibus, magistratibus, capitaneis, colonnellis, castellanis, et aliis quocumque nomine nuncupatis, quacumque dignitate fungentibus officialibus ducatus, civitatum, dominiorum, oppidorum, terrarum et locorum, aliorumque praedictorum, homagia et fidelitatis iuramenta recipias; signa, vel contrasigna antiqua similiter recipias, mutes, et nova constituas, renoves, et quibus opus fuerit, vel tu expediens iudaveris, tradas et consignes, ac alios quoscumque actus possessorios, necnon in ducatu, civitatibus, dominiis, oppidis, terris et locis, aliisque praedictis, quacumque iurisdictionem civilem, criminalem et mixtam exerceas; modum et statum officiorum, magistratuum tam optimatum, quam populi, et gubernii temporalis, nec non custodiae, et militiarum, praesidiorumque ducatus, ac civitatum, dominiorum oppidorum, terrarum, locorum, et aliorum praedictorum, prout tibi videbitur, immutes, ac etiam renoves, et de novo deposes, ad formamque, et methodum regiminis, et gubernii aliarum provinciarum, terrarum et locorum Status nostri Ecclesiastici redigas, quaecumque statuta, ordinationes, et constitutiones circa praemissa, et alia quaecumque, quae magis expedire iudicaveris, condas, publices, et observari facias; necnon, si opus fuerit, quoscumque milites conscribas, et quae pro comineatu et apparatu necessaria fuerint, undique perquiras et compares, ac ex quibuscumque locis Status nostri Ecclesiastici conveyi et comportari facias, quaecumque

armorum et belli negocia tractes, congressus militum generales vel particulares, prout res et occasio similiter postulaverit, constituas et imperes¹, quascumque expensas, quae in praemissis, et eorum occasione necessariae erunt, nostris et camerae apostolicae praedictae sumptibus facias; et, ut huiusmodi expensas facilius facere possis, quascumque pecuniarum summas ad nos et eandem cameram spectantes a quibuscumque thesaurariis, datariis, exactoribus, collectoribus, appaltatoribus, officialibus, et ministris quibuscumque quocumque nomine nuncupatis debitas, necnon etiam a gubernatoribus rectoribus, et locatenentibus provinciarum, civitatum, locorum quorumcumque Status nostri Ecclesiastici, ac depositariis, et exactoribus poenarum et malefactorum, nostro et dictae camerae apostolicae nomine exigas et recipias, et ipsos solventes de exactis quietes, ac etiam redditus communitatum et universitatum, ac civitatum, terrarum, et locorum eiusdem ducatus Urbini recipias, et ex ipsis camerae, communitatumque, et universitatum redditibus sumptus huiusmodi facias (de quibus tamen nullam nobis, aut Romanis Pontificibus successoribus nostris, aut, pro nobis et eis, dictae camerae, aut S. R. E. camerario, praesidentibus clericis, vel aliis quibuscumque Sedis et Camerae Apostolicae ministris, aut S. R. E. cardinalium collegio, ullisque aliis unquam nominatim vel in specie rationem, aut administrationis computum reddere tenearis, nec ad id cogi aut compelli possis; et nihilominus, si tu rationem aut administrationis computum reddere volueris, expensas huiusmodi, per te, ut praefertur, faciendas, tamquam de expresso ordine et mandato nostro factas, ac veluti si a nobis ipsis factae fuissent, tibi sine ullâ prorsus oppositione, aut partitarum per te dandarum reiectione,

¹ Erronee edit. Main. legit *impares* (R. T.).

aut in dubium revocatione, bonas fieri, et in eiusdem camerae apostolicae libris describi, adnotari, et acceptari debere, volumus et expresse ordinamus et mandamus);

Item ut omnibus praecipere valeat.

§ 4. Ut vero omnia et singula, quae ad praemissa pertinent, summâ, ut decet, auctoritate praecipiantur¹, et pari celeritate debitae exequutioni demandentur, omnibus et singulis archiepiscopis, episcopis et aliis locorum Ordinariis, necnon praesidentibus, gubernatoribus, praefectis, eorum locatenentibus, praetoribus, et aliis quocumque nomine nuncupatis officialibus et ministris, quavis potestate, auctoritate, et privilegio suffultis, et quibuscumque etiam a nobis, et Apostolicâ Sede, seu camera apostolicâ immediate deputationem habentibus, seu dependentibus, necnon baronibus, domicellis, comitibus, aliisque, etiam ducali, marchionali, vel aliâ dignitate insignitis, communitatibusque et universitatibus, et hominibus quarumvis provinciarum, civitatum, terrarum et locorum nobis et S. R. E. mediate vel immediate subiectorum, et omnia et quaecumque occasione praemissorum, quae tibi necessaria et opportuna visa fuerint, et toties quoties volueris, mandes, iubeas et imperes, ac etiam S. R. E. cardinalibus, etiam de latere legatis, rogando iniungas; omnes vero et singulos barones, domicellos, comites, aliosque ducali et marchionali, vel aliâ dignitate praeditos, et quaslibet alias singulares personas, etiam ecclesiasticas, tam seculares, quam quorumvis ordinum, seu militiarum, etiam sancti Ioannis Hierosolymitani regulares (ita tamen ut contra eosdem ecclesiasticos, nonnisi per² personas in dignitate ecclesiasticâ constitutas, per te semel vel pluries, etiam iteratis vicibus, deputandas procedatur), si quae mandatis, iussis et

monitionibus tuis obtemperare, recusaverint, aut illis quoquo modo contradixerint, vel sese opposuerint, tamquam nostris et apostolicis mandatis, iussis et monitionibus parere recusantes, illisque contradicentes, ac se opposcentes, nostros, et S. R. E., ac Sedis Apostolicae rebelles, declares et publices, ac contra illos summarie, simpliciter et de plano, sine strepitu et figurâ iudicii, manu regiâ, nullo iuris ordine servato, nec aliquo formato processu, more militari, aut iure belli, ad privationem officiorum, feudorum et honorum quorumcumque etiam allodialium per eos quibuscumque locis possessorum, seu quovis modo obtentorum respective, omni et quacumque appellatione et recursu postpositis, procedas; et, ubi iustitia ita exegerit, et ordo dictaverit rationis, seu cum ita expedire iudicaveris, eosdem contradictores et rebelles quacumque pecuniariâ, vel corporali, ac etiam ultimi supplicii poenâ affici facias, ac etiam contra eosdem, tam pro praemissis, quam pro aliis quibuscumque ab eis patratissimis criminibus et delictis, simili modo et formâ procedas, cum facultate quoscumque ex his resipiscentes, et veniam postulantes, ac de cetero a similibus abstinere proponentes, etiam post condemnationem, et in ipso iustitiae actu seu poenae exequutione, absolvendi, ac poenas quascumque eis remittendi et condonandi, eosque ac quoscumque alios a quibusvis gravissimis, et capitalissimis causis et delictis bannitos et condemnatos, habitâ tamen prius ab offensis pace, et praeterquam quoad bona fisco incorporata, liberandi et gratiandi, ac in pristinum gradum et dignitatem, ac eum, in quo antea erant, statum restituendi, reponendi et plenarie reintegrandi, salvos conductus, ad tempus vel in perpetuum, iis quibus tibi videbitur concedendi; et generaliter omnia et singula ad statum, gubernium, regimen et administrationem

¹ Perperam ed. Main. legit *percipiuntur* (R. T.).

² Praep. per nos addimus (R. T.).

ducatus, civitatum, dominiorum, oppidorum, terrarum, locorum, aliorumque praedictorum, necnon arcium, propugnaculorum, et fortaliorum custodias, populorumque pacem et quietem, ac annonae abundantiam spectantia, ac tam gratiam, quam iustitiam concernentia, etiamsi talia sint vel fuerint, quae sub generali verborum significatione non venirent, sed specialibus indigerent vocabulis, et speciali notâ digna essent, specialemque, specificam et expressam requirerent mentionem, facias, dicas¹, geras et exequaris; ac in omnibus et singulis praemissis quarumcumque personarum, etiam ecclesiasticarum, regularium quorumcumque ordinum, etiam quacumque dignitate, etiam episcopali vel maiori fulgentium, operâ utaris, easque cum facultatibus per te illis praescribendis subdeleges (ita tamen, ut de gestis et exequitis per te, aut mandato tuo per quoscumque alios, tu, vel illi nobis, aut Romanis Pontificibus successoribus nostris, aut S. R. E. cardinalium collegio, vel quibuscumque aliis, ut praefertur, praeterquam soli Deo, rationem aliquam ullo unquam tempore reddere minime teneamini, neque ad id cogi, vel compelli possitis); insuper civitatis, oppidi, terrae, castri, vel loci, in quo, seu qua te tempore obitus dicti Francisci Mariae ducis esse contigerit, corporalem, realem et actualement possessionem solum per te ipsum, aliâs tamen modo et formâ praemissis, capias et apprehendas, etiam privative quoad diversas alias expressas personas, quibus similes pro praemissis peragendis facultates pariter concessimus, quas quidem facultates eisdem personis quoad hoc suffragari nullo modo volumus: super quibus omnibus et singulis plenam, liberam, absolutam, et omnimodam facultatem, potestatem, et auctoritatem tenore praesentium tibi concedimus et impartimur.

¹ Edit. Main. legit *dices* (R. T.).

§ 5. Iniungentes propterea eisdem cardinalibus de latere legatis, ac mandantes archiepiscopis, episcopis, et aliis locorum Ordinariis praedictis, sub interdicto ingressus ecclesiae, ac suspensionis a divinis, et tam iis, quam quibuscumque gubernatoribus, praesidentibus, locatentibus, praetoribus, necnon thesaurariis, datariis et exactoribus, collectoribus, appaltatoribus, et aliis officialibus et ministris, quibuscumque nominibus nuncupentur, Sedis et camerae praedictarum in Statibus nostris praedictis existentibus, baronibus quoque, domicellis, ducibus, marchionibus, necnon communitatibus, universitatibus et hominibus quibuscumque, ac etiam ecclesiasticis, secularibus et regularibus personis praedictis, demumque universis et singulis subditis nostris, immediatis et mediatis, in virtute sanctae obedientiae, ac sub indignationis nostrae, necnon rebellionis, ac etiam excommunicationis latae sententiae poenis, ut tibi in omnibus et per omnia, quacumque excusatione, tergiversatione et impedimento remotis, prompte pareant, obediant et assistant, tuaque iussa, monita et mandata, acque ac nostramet, eâ qua decet obedientiâ et fide exequantur et adimpleant, alioquin sententiam, sive poenam, quam rite tuleris seu statueris in rebelles, ratam habebimus, et faciemus auctore Domino usque ad satisfactionem condignam inviolabiliter observari; camerario vero, thesaurario generali et praesidentibus clericis, aliisque camerae apostolicae praedictae ministris, ut impensas huiusmodi per te faciendas, et illarum partitas per te, si tu expensarum rationem, ut praefertur, reddere volueris, exhibendas, in eiusdem camerae apostolicae libris describant et accipiant et bonas faciant.

§ 5. Non obstantibus felicis recordationis Pii IV de gratiis interesse camerae apostolicae concernentibus in eadem camerâ

Præceptum de illi parendo.

De regale contratorum.

intra certum tunc expressum tempus praesentandis et registrandis, ac Sixti V Romanorum Pontificum praedecessorum nostrorum contra bannitos et alios facinorosos editis, necnon apostolicis, ac in universalibus provincialibusque conciliis editis generalibus vel specialibus constitutionibus et ordinationibus, ac ducatus, civitatum et aliorum locorum praedictorum (etiam iuramento, confirmatione apostolica, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, quibusvis personis in contrarium praemissorum quomodolibet concessis, confirmatis et innovatis. Quibus omnibus et singulis, eorum omnium tenores praesentibus pro expressis et ad verbum insertis habentes, illis aliâ in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Petrum, sub annulo Piscatoris, die xxvii decembris MDCXXIV, pontificatus nostri anno II.

Dat. die 27 decembris 1624, pontif. anno II.

CVI.

Facultas nuntio apostolico inferioris Germaniae exhibendi habitum militiae christianae tribus personis per consilium eiusdem militiae nominandis¹.

Venerabili fratri Petro Aloysio, episcopo Tricaricensi, nostro et Sedis Apostolicae in partibus inferioris Germaniae nuntio,

Urbanus Papa VIII.

Venerabilis frater,
salutem et apostolicam benedictionem.

§ 1. Nuper, supplicationibus dilectorum filiorum nobilium virorum Ferdinandi Mantuae ac Caroli Nivernensis ducum, necnon Adulphi comitis de Althan, nobis humiliter porrectis inclinati, unam Mili-

¹ Ex Regest. in Secret. Brev.

tiam Christianam, sub titulo Conceptionis beatæ Mariae Virginis Immaculatae, apostolicâ auctoritate ereximus et instituimus, illique sic erectae et institutae privilegia, gratias et indulta concessimus, aliaque in militiae huiusmodi favorem fecimus, statuimus et ordinavimus, prout in nostris desuper sub plumbo expeditis litteris plenius continetur¹.

§ 2. Quare, cupientes, ut ii, qui peculiari erga fidem catholicam devotione ducti habitum per dictae militiae fratres gestari solitum suscipere, et professionem, per eos emitti consuetam, suo tempore expresse emittere voluerint regulares², desiderii sui compotes fieri facilius valeant, quantum cum Domino possumus, opportune providere, necnon litterarum praedictarum tenores praesentibus pro expressis habentes, supplicationibus etiam Ferdinandi ac Caroli ducum necnon Adulphi comitis praedictorum nomine nobis super hoc humiliter porrectis inclinati, fraternitati tuae, sive a te deputandis ut tribus personis qualificatis, infra limites tuae legationis existentibus, a consilio eiusdem militiae nominandis, nostro tamen et S. R. E. temporali dominio non subditis, habitum praedictum, servatâ in omnibus et per omnia constitutionum eiusdem militiae apostolicâ auctoritate confirmatarum formâ, exhibere, seu exhiberi facere, ipsisque personis, ut habitum praedictum suscipere, et professionem huiusmodi suo tempore expresse emittere, libere et licite possis et valeas, ac possint et valeant, apostolicâ auctoritate, tenore praesentium, licentiam et facultatem concedimus et impartimur.

§ 3. Non obstantibus constitutionibus et ordinationibus apostolicis, ceterisque contrariis quibuscumque.

¹ Quas vide supra pag. 114 huius tomi (R. T.).

² An vox regulares praeter rem sit, nescio (R. T.).

Facultatem
nuntio apostolico
tribuit, de
qua in rubrica.

Derogat ob-
stantibus.

Recenset in-
stitutam a se
militiam chri-
stianam.

Datum Romae, apud S. Petrum, sub annulo Piscatoris, die xxx decembris MDCXXIV, pontificatus nostri anno II.

Dat. die 30 decembris 1624, pontif. an. II.

CVII.

Confirmantur constitutiones editae pro collegio Hibernorum Lovanii erecto¹.

Urbanus Papa VIII,
ad perpetuam rei memoriam.

Editas pro
collegio Lova-
nensi Constitu-
tiones

§ 1. Cum, sicut pro parte dilectorum filiorum rectoris et alumnorum collegii Hibernorum nuncupati, nuper in oppido Lovanii Mechliniensis diocesis per nos apostolicam auctoritate erecti, nobis nuper expositum fuit, pro felici, prosperoque ipsius collegii regimine et gubernio, nonnullae regulae, constitutiones et statuta edita fuerint, ac pro inviolabili eorum observatione plurimum cupiant illa apostolicae nostrae confirmationis robore communiri:

Confirmat
Pontifex

§ 2. Nos, rectoris et alumnorum praedictorum votis huiusmodi, quantum cum Domino possumus, annuere, illosque specialibus favoribus et gratiis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatae existunt, ad effectum praesentium duntaxat consequendum, harum serie absolventes et absolutas fore censentes, supplicationibus eorum nomine nobis super hoc humiliter porrectis inclinati, venerabilium fratrum nostrorum sanctae Romanae Ecclesiae cardinalium negotio propagandae in universum mundum fidei praefectorum, quibus regulas, constitutiones et statuta huiusmodi examinanda demandavimus, consilio, regulas, constitutiones et statuta praedicta, apostolica auctoritate, tenore praesentium, perpetuo ap-

probamus, illisque inviolabilis apostolicae firmitatis robur adiicimus, ac omnes et singulos tam iuris quam facti defectus, si qui desuper quomodolibet intervenerint, supplemus.

Et praecipit
observari.

§ 3. Necnon regulas, constitutiones et statuta huiusmodi in praedicto collegio ab omnibus, ad quos spectat et in futurum quomodolibet spectabit, firmiter et inviolabiliter observari debere; irritum quoque et inane, si secus super his a quoquam, quavis auctoritate, scienter vel ignoranter, contigerit attentari, decernimus.

§ 4. Non obstantibus constitutionibus et ordinationibus apostolicis, ceterisque contrariis quibuscumque.

Derogat con-
trariis

Datum Romae, apud S. Petrum, sub annulo Piscatoris, die XIII Ianuarii MDCXXV, pontificatus nostri anno II.

Dat. die 13 Ianuarii 1625, pontif. anno II.

CVIII.

Congregationi Oratorii D. N. I. C. Parisiis erectae communicantur privilegia Congregationi Oratorii a B. Philippo Romae institutae a Romanis Pontificibus concessa¹.

Urbanus Episcopus,
ad perpetuam rei memoriam

Sacrosanctum apostolatus ministerium, quod ineffabilis divinae sapientiae providentia humilitati nostrae, nullo licet meritorum suffragio, credidit, iugiter postulat, ut catholicae religioni, divinique cultus augmento, et animarum saluti indefessis studiis consulentes, piisque christifidelium votis ad ea tendentibus, quantum cum Domino possumus, favorabiliter annuentes, personarum ecclesiasticarum quarumlibet vota religionis propagationem et augmentum concernentia ad exauditionis gratiam admittamus, prout conspicimus in Domino salubriter expedire

Procedimus.

¹ Erectionem vide supra pag. 266 (n. r.).

¹ Ex Regest. in Secret. Brev.

Causae potendi, obtinendique privilegia.

§ 1. Sane dilectus filius Petrus de Berrulle, praepositus generalis Congregationis Oratorii Domini Nostri Iesu Christi nuncupatae Parisiensis, nobis nuper exponi fecit, quod dilecti filii presbyteri ac clerici eiusdem Congregationis¹, quae Congregationi Oratorii B. M. in Vallicella etiam nuncupatae de Urbe a S. Philippo Nerio fundatae admodum conformis est, sacramentorum ecclesiasticorum administratione, assiduisque verbi Dei praedicationibus, et aliis spiritualibus exercitiis, cum magno spirituali christifidelium illarum partium fructu sedulo se se exercent.

Communicatio privilegiorum, de qua in rubrica.

§ 2. Quare nos, ut presbyteri et clerici praedicti in huiusmodi piorum operum exercitio magis confoveantur, felicioribusque in dies proficiant incrementis, opportune providere, dictumque Petrum ac presbyteros et clericos praefatos specialibus favoribus et gratiis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes, et absolutas fore censentes, supplicationibus dicti Petri nomine nobis super hoc humiliter porrectis inclinati, omnia et singula privilegia, facultates, gratias et indulta quaecumque, tam spiritualia quam temporalia, secundodictae Congregationi, illiusque praepositis ac presbyteris et clericis, aliisque personis, necnon oratorio parvo nuncupato, etiam per viam communicationis vel extensionis, aut alias quomodolibet, per quoscumque Romanos Pontifices praedecessores nostros seu nos quomodolibet concessa, ac quibus eadem secundodicta Congregatio, illiusque praepositus, presbyteri eccle-

siastici et personae, ac oratorium huiusmodi, de iure, usu, consuetudine, privilegio aut concessione apostolica in genere vel in specie, ac tam coniunctim quam divisim, aut alias quomodolibet, utuntur, fruuntur, potiuntur et gaudent, ac uti, frui, potiri et gaudere possunt et poterunt quomodolibet in futurum, dummodo tamen sint in usu, nec revocata, aut sub ullis revocationibus comprehensa, nec sacris canonibus et Concilii Tridentini decretis aut constitutionibus apostolicis repugnent, primodictae Congregationi, illiusque praeposito generali, presbyteris, clericis et personis, etiam de congregatione exteriori laicorum nuncupata existentibus, apostolica auctoritate, tenore praesentium, perpetuo concedimus; illaque omnia et singula ad¹ primodictam Congregationem huiusmodi, illiusque praepositum generalem, presbyteros, clericos et personas praedictas (ita ut eadem primodicta Congregatio, illiusque praepositus generalis, presbyteri, clerici et personae huiusmodi nunc et pro tempore existentes domorum eiusdem primodictae Congregationis, de Ordinariorum tamen locorum, in quibus illae erectae reperiuntur, licentia, praemissis omnibus et singulis aequae et pariformiter, ac sine ulla differentiâ, uti, potiri et gaudere libere et licite possint et valeant, perinde ac si singula praemissa illis specialiter et expresse ac principaliter, non autem ad instar concessa, et praesentibus expressa, ac de verbo ad verbum, nihil penitus omisso, inserta fuissent) auctoritate et tenore praedictis extendimus; illaque omnia et singula praedictae Congregationis, illiusque domibus, necnon praeposito generali, presbyteris, clericis et personis praedictis communicamus.

§ 3. Decernentes praesentes litteras semper et perpetuo validas et efficaces existere

Clausulae.

¹ Huius Congregationis institutionem vide in tom. xiii, pag. 206, seqq. (R. T.).

¹ Praepositionem ad, certe necessariam, nos addimus (R. T.).

et fore, suosque plenarios et integros effectus sortiri et obtinere, sicque per quoscunque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam quavis auctoritate scienter vel ignoranter contigerit attentari.

Contrarium
derogatio.

§ 4. Non obstantibus nostrâ de non concedendis indulgentiis ad instar, aliisque constitutionibus et ordinationibus apostolicis, ac, quatenus opus sit, secundodictae Congregationis huiusmodi (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, eorum tenores praesentibus pro plene et sufficienter expressis habentes, illis aliis in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Transumptis
danda fides.

§ 5. Volumus autem, ut praesentium transumptis, etiam impressis, manu alicuius notarii publici subscriptis, et sigillo personae in dignitate ecclesiasticâ constitutae munitis, eadem prorsus fides adhibeatur, quae praesentibus adhiberetur, si forent exhibitae vel ostensae.

Datum Romae, apud S. Petrum, sub annulo Piscatoris, die XIV ianuarii MDCXXV, pontificatus nostri anno II.

Dat. die 14 ianuarii 1625, pontif. anno II.

CIX.

Indultum fratribus Ordinis Minimorum S. Francisci de Paula accipiendi legata cum perpetuo onere missarum et suffragiorum¹.

¹ De hisce Fratribus vide supra pag. 156 et 177 huius tomi (R. T.).

Urbanus Papa VIII, ad perpetuam rei memoriam.

Prooemium.

Apostolicam decet benignitatem ultimis pie testantium voluntatibus favere, et ut illae suum sortiantur effectum, etiam strictiorum Ordinum regularia instituta interdum relaxare, maxime cum relaxatio huiusmodi ad divini cultus incrementum tendere dignoscitur, et vota personarum regularium, praesertim reformationum, hoc a nobis exposcunt.

Motiva et
facti narratio.

§ 1. Sane nobis exponi nuper fecit dilectus filius Bartholomaeus Levius, provincialis Ordinis Minimorum sancti Francisci de Paula, in provinciâ et comitatu nostro Venaissino, quod de anno Domini MDCIX tunc in humanis agens Magdalena de Lagnet, dum viveret, domina in temporalibus oppidi de Causans, devotionis zelo ducta, titulo donationis irrevocabilis, quae dicitur inter vivos, donavit dicto Ordini septem millia scuta monetae, duo millia videlicet ad effectum construendi ecclesiam sub invocatione Assumptionis Divae Genitricis Mariae et conventum dicti Ordinis in civitate Carpentoratensi, et quinque millia scuta ad sustentationem duodecim religiosorum dicti Ordinis, electâ per ipsam sepulturâ in dictâ ecclesiâ, sub Sedis Apostolicae beneplacito sic construendâ, pro eius corpore humando, oneratisque eius haeredibus, quique fuerint, ut si ipsa non dedisset dicta scuta septem millia Ordini praedicto, statim eâ functâ vitâ darent ipsi duo millia scuta ad effectum praedictum provinciali dicti Ordinis pro tempore praesenti, reliqua vero quinque millia scuta darentur in pensionem annuam ad favorem dicti conventus. Cumque pro dictâ ecclesiâ et conventu construendis locus commodus in dictâ civitate non reperiretur, bonae memoriae Horatius, tunc episcopus Carpentoratensis, oratorium prope et extra moenia castri seu fortalitij loci de Venosco, Carpentoratensis dioecesis, ad mensam

illius episcopalem spectans, ac minime col-
lativum, eisdem fratribus obtulit; ipsaque
Magdalena donatrix, requisita de eius con-
sensu, dictis fundationi et donationi eisdem
praestando, anno Domini mdcxiii declaravit
se gratum habere, dictam ecclesiam et
conventum per eam fieri ordinatum in
civitate Carpentoratensi fieri et erigi in
dicto oratorio, quatenus supradictus Ho-
ratus episcopus illud sub dictae Sedis
Apostolicae beneplacito a mensa episcopali
dismembraret, et sine aliquo onere pro
constructione dictae ecclesiae liberaret et
concederet. Et nihilominus idem Horatus
episcopus oratorium praedictum non pure
et libere dictis fratribus concessit iuxta
mentem fundatricis, imo sub diversis one-
ribus et conditionibus. Unde mortuâ dictâ
Magdalena de anno eiusdem Domini mdcxv
institutis haeredibus universalibus dilectis
filiis presbyteris Doctrinae Christianae Aven-
nionensis, introductoque iudicio in rotâ
pro consequutione dictorum septem mil-
lium scutorum ad effectum praedictum, fuit
denegata pro tunc exequutio, quia assigna-
tio dicti oratorii non fuerat facta libere.
Quod ut componeret felicitis recordationis
Gregorius Papa XV, praedecessor noster,
ad supplicationem venerabilis fratris Cot-
turi, moderni episcopi Carpentoratensis,
et dilecti filii Ioannis a Turre, tunc pro-
vincialis Ordinis Minimorum in dictâ pro-
vincia et conventu¹ Venaissino, onera quae-
cumque² in dicto oratorio apposita apostoli-
câ auctoritate in conventum Avenionen-
sem eiusdem Ordinis transtulit, oratorium-
que praedictum in omnibus et per omnia
exoneravit; iterumque petita exequutione
in rotâ, et ostensâ liberatione oratorii, fuit
relaxatum mandatum.

§ 2. Cum autem, sicut eadem expositio
subiungebat, dicti adversarii more reorum
solutionem dictorum scutorum septem mil-
lium effugere, aut saltem protrahere omni

¹ Forsan legendum *comitatu* (R. T.).

eorum conatu satagentes, dederint ultimo
loco de obstantiâ regulae dicti Ordinis
Minimorum, qua expresse cavetur, ne di-
eti religiosi, qui sub perpetuâ quadrage-
simali vitâ et ex mendicatis elemosynis
vivunt, perpetuas missas seu aliqua suf-
fragia perpetuo, particulariter et in specie,
ac ultra quinquaginta annos suscipere va-
leant; cumque donatio praedicta habeat hu-
iusmodi onera⁴ et conditiones requisitas²;
licet credatur eas omnino fore reiiciendas³
ac favore piae causae, ecclesiae scilicet
construendae ac alimentorum dictis duo-
decim religiosis praestandorum, iuris in-
terpretatione haberi pro non apposis, con-
currente praesertim indulto ex litteris
bonae memoriae cardinalis Ss. Quatuor Co-
ronatorum, olim summi poenitentiarum, qui-
bus concedebatur fratribus praedictis fa-
cultas acceptandi in posterum dictâ onera,
quamvis perpetua, missarum, absque con-
scientiae scrupulo, regulâ praedictâ non
obstante, ac attentâ etiam resolutione
aliâs captâ in generali capitulo in civitate
lanuensi celebrato, non esse essenziale in
regulâ, quod fratres non possint se obli-
gare ad onera perpetua; nihilominus, quia
postmodum in actis capituli generalis ha-
biti Paulae regula praedicta confirmata
fuit, et recessum a resolutionibus captis
in capitulo lanuae, actaque recessus prae-
dicti fuerunt a felicitis recordationis Paulo
Papa III similiter praedecessore nostro in
formâ specificâ confirmata:

§ 3. Idcirco, ad tollenda omnia subter-
fugia partis, penes quam effici non potest,
ut pecuniae, ut supra, donatae remanere
debeant, ac ut celerius, pro divini cultus
incremento et pro observatione voluntatis
praedictae donatricis, ecclesiae et conven-
tus praefati aedificari possint, neque diu-

Pontifex fra-
tres habiles fa-
cit ad acceptan-
dum legatum
cum perpetuo
onere missa-
rum.

¹ Sic ed. Cher. Lugd.; ed. Main. h. *opera* (R. T.).

² Forsan legendum *appositas* (R. T.).

³ Reiiciendae conditiones, an potius ex ipsis
petita obiectio adversariorum? (R. T.).

Motiva adver-
sarium pro
non solvendo
legato

tius suum cadaver inhumatum deseratur, quae ipsi sepeliendo dictam ecclesiam propriis impensis extrui mandavit; nos, eundem Bartholomaeum provincialem specialis gratiae favore prosequi volentes, necnon a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatus existit, ad effectum praesentium dumtaxat consequendum, harum serie absolventes et absolutum fore censes, porrectis nobis pro parte suâ super hoc supplicationibus inclinati, acceptationem praedictae donationis in capitulo generali dicti Ordinis iam factam (cum onere celebrandi seu celebrare faciendi unam missam submissâ voce omnibus diebus dominicis et aliis de praecepto Ecclesiae festivis in perpetuum in cappellâ loci de Causans¹, conditione item superadditâ, quod preces, seu horae publicae canonicae, quae dictum in dicto conventu et ecclesiâ sic construendâ dicuntur², matutinum scilicet, laudes, prima, tertia, sexta, nona, vesperae et completorium, necnon etiam missa, quae conventualis dicitur, et solet a dictis fratribus celebrari in omnibus eorum ecclesiis pro salute animarum earundem ecclesiarum fundatorum, ac aliae omnes missae, votivis exceptis, dicantur et applicentur ad intentionem ipsius fundatricis, iuxta formam instrumentorum dictarum donationum), dummodo tamen dicta donatio, ut praefertur, in capitulo generali praeterito fuerit acceptata, apostolicâ auctoritate, tenore praesentium, in omnibus et per omnia approbamus et confirmamus, ac illi perpetuae et inviolabilis apostolicae firmitatis robur adiicimus, eidemque religioni et fratribus, ut se ad

¹ An recta lectio de Causans, iudica (R. T.).

² Si adhuc ecclesia construenda, aptius forsân legeretur dicuntur (R. T.).

onera in dictâ donatione, ut praefertur, iniuncta, quamvis perpetua, praemissis non obstantibus, obligare possint, concedimus et indulgemus, eosdemque ad praemissa, dictâ auctoritate, ad effectum executionis donationis praedictae, efficaciter et opportune habilitamus, ac omnes et singulos, tam iuris quam facti et solemnitatum defectus, qui desuper quomodolibet intervenerint, supplemus: dictamque acceptationem, cum oneribus et conditionibus praefatis factam, subsistere, .

§ 4. Sicque per quoscumque iudices et commissarios iudicari et definiri debere, irritum quoque et inane decernimus, si secus super his a quoquam, quavis auctoritate, scienter vel ignoranter, contigerit attentari. Non obstantibus praemissis, ac constitutionibus et ordinationibus apostolicis, ceterisque contrariis quibuscumque.

Datum Romae, apud S. Petrum, sub annulo Piscatoris, die xiv ianuarii mdcxxv, pontificatus nostri anno II.

Dat. die 14 ianuarii 1625, pontif. anno I.

CX.

Uladislaus, regis Poloniae filius, ense et pileo donatur¹

Dilectissimo in Christo filio nobili viro Uladislao, charissimi in Christo filii nostri Sigismundi Poloniae et Suetiae regis illustri nato.

Urbanus Papa VIII.

Dilecte fili, nobilis vir, salutem et apostolicam benedictionem.

Immortales christianae fortitudinis laudes, quas, vel in ipso aetatis flore nobilitas tua sibi comparavit, nemo conticecit. Illas relata saepissime ex profligatis christiani nominis hostibus trophaea silere non possunt. Illas barbarorum agmina, quae toties vitam sibi fugâ quaerere coëgisti, abunde loquantur. Illas denique publica paterni regni felicitas uberrime con-

¹ Ex Regest. in Secret. Brev.

Decretum irritans enim derogatione contrarium

Præclara Uladislao indoles

illius episcopalem spectans, ac minime col-
lativum, eisdem fratribus obtulit; ipsaque
Magdalena donatrix, requisita de eius con-
sensu, dictis fundationi et donationi eisdem
praestando, anno Domini mdcxiii declaravit
se gratum habere, dictam ecclesiam et
conventum per eam fieri ordinatum in
civitate Carpentoratensi fieri et erigi in
dicto oratorio, quatenus supradictus Ho-
ratus episcopus illud sub dictae Sedis
Apostolicae beneplacito a mensa episcopali
dismembraret, et sine aliquo onere pro
constructione dictae ecclesiae liberaret et
concederet. Et nihilominus idem Horatus
episcopus oratorium praedictum non pure
et libere dictis fratribus concessit iuxta
mentem fundatricis, imo sub diversis one-
ribus et conditionibus. Unde mortuâ dictâ
Magdalena de anno eiusdem Domini mdcxv
institutis haeredibus universalibus dilectis
filiis presbyteris Doctrinae Christianae Aven-
nionensis, introductoque iudicio in rotâ
pro consequutione dictorum septem mil-
lium scutorum ad effectum praedictum, fuit
denegata pro tunc exequutio, quia assigna-
tio dicti oratorii non fuerat facta libere.
Quod ut componeret felicitis recordationis
Gregorius Papa XV, praedecessor noster,
ad supplicationem venerabilis fratris Cot-
turi, moderni episcopi Carpentoratensis,
et dilecti filii Ioannis a Turre, tunc pro-
vincialis Ordinis Minimorum in dictâ pro-
vincia et conventu¹ Venaissino, onera quae-
cumque² in dicto oratorio apposita apostoli-
câ auctoritate in conventum Avenionen-
sem eiusdem Ordinis transtulit, oratorium-
que praedictum in omnibus et per omnia
exoneravit; iterumque petita exequutione
in rotâ, et ostensâ liberatione oratorii, fuit
relaxatum mandatum.

§ 2. Cum autem, sicut eadem expositio
subiungebat, dicti adversarii more reorum
solutionem dictorum scutorum septem mil-
lium effugere, aut saltem protrahere omni

¹ Forsan legendum *comitatu* (R. T.).

eorum conatu satagentes, dederint ultimo
loco de obstantiâ regulae dicti Ordinis
Minimorum, qua expresse cavetur, ne di-
cti religiosi, qui sub perpetuâ quadrage-
simali vitâ et ex mendicatis elemosynis
vivunt, perpetuas missas seu aliqua suf-
fragia perpetuo, particulariter et in specie,
ac ultra quinquaginta annos suscipere va-
leant; cumque donatio praedicta habeat hu-
iusmodi onera⁴ et conditiones requisitas²;
licet credatur eas omnino fore reiiciendas³
ac favore piaae causae, ecclesiae scilicet
construendae ac alimentorum dictis duo-
decim religiosis praestandorum, iuris in-
terpretatione haberi pro non apposis, con-
currente praesertim indulto ex litteris
bonae memoriae cardinalis Ss. Quatuor Co-
ronatorum, olim summi poenitentiarum, qui-
bus concedebatur fratribus praedictis fa-
cultas acceptandi in posterum dictâ onera,
quamvis perpetua, missarum, absque con-
scientiae scrupulo, regulâ praedictâ non
obstante, ac attentâ etiam resolutione
aliâs captâ in generali capitulo in civitate
lanuensi celebrato, non esse essenziale in
regulâ, quod fratres non possint se obli-
gare ad onera perpetua; nihilominus, quia
postmodum in actis capituli generalis ha-
biti Paulae regula praedicta confirmata
fuit, et recessum a resolutionibus captis
in capitulo lanuae, actaque recessus prae-
dicti fuerunt a felicitis recordationis Paulo
Papa III similiter praedecessore nostro in
formâ specificâ confirmata:

§ 3. Idcirco, ad tollenda omnia subter-
fugia partis, penes quam effici non potest,
ut pecuniae, ut supra, donatae remanere
debeant, ac ut celerius, pro divini cultus
incremento et pro observatione voluntatis
praedictae donatricis, ecclesiae et conven-
tus praefati aedificari possint, neque diu-

Pontifex fra-
tres habiles fa-
cit ad acceptan-
dum legatum
cum perpetuo
onere missa-
rum.

¹ Sic ed. Cher. Lugd.; ed. Main. h. *opera* (R. T.).

² Forsan legendum *appositas* (R. T.).

³ Reiiciendae conditiones, an potius ex ipsis
petita obiectio adversariorum? (R. T.).

Motiva adver-
sarium pro
non solvendo
legato

tius suum cadaver inhumatum deseratur, quae ipsi sepeliendo dictam ecclesiam propriis impensis extrui mandavit; nos, eundem Bartholomaeum provincialem specialis gratiae favore prosequi volentes, necnon a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatus existit, ad effectum praesentium dumtaxat consequendum, harum serie absolventes et absolutum fore censes, porrectis nobis pro parte suâ super hoc supplicationibus inclinati, acceptationem praedictae donationis in capitulo generali dicti Ordinis iam factam (cum onere celebrandi seu celebrare faciendi unam missam submissâ voce omnibus diebus dominicis et aliis de praecepto Ecclesiae festivis in perpetuum in cappellâ loci de Causans¹, conditione item superadditâ, quod preces, seu horae publicae canonicae, quae dictum in dicto conventu et ecclesiâ sic construendâ dicuntur², matutinum scilicet, laudes, prima, tertia, sexta, nona, vesperae et completorium, necnon etiam missa, quae conventualis dicitur, et solet a dictis fratribus celebrari in omnibus eorum ecclesiis pro salute animarum earundem ecclesiarum fundatorum, ac aliae omnes missae, votivis exceptis, dicantur et applicentur ad intentionem ipsius fundatricis, iuxta formam instrumentorum dictarum donationum), dummodo tamen dicta donatio, ut praefertur, in capitulo generali praeterito fuerit acceptata, apostolicâ auctoritate, tenore praesentium, in omnibus et per omnia approbamus et confirmamus, ac illi perpetuae et inviolabilis apostolicae firmitatis robur adiicimus, eidemque religioni et fratribus, ut se ad

¹ An recta lectio de Causans, iudica (R. T.).

² Si adhuc ecclesia construenda, aptius forsân legeretur dicuntur (R. T.).

onera in dictâ donatione, ut praefertur, iniuncta, quamvis perpetua, praemissis non obstantibus, obligare possint, concedimus et indulgemus, eosdemque ad praemissa, dictâ auctoritate, ad effectum executionis donationis praedictae, efficaciter et opportune habilitamus, ac omnes et singulos, tam iuris quam facti et solemnitate defectus, qui desuper quomodolibet intervenerint, supplemus: dictamque acceptationem, cum oneribus et conditionibus praefatis factam, subsistere, .

§ 4. Sicque per quoscumque iudices et commissarios iudicari et definiri debere, irritum quoque et inane decernimus, si secus super his a quoquam, quavis auctoritate, scienter vel ignoranter, contigerit attentari. Non obstantibus praemissis, ac constitutionibus et ordinationibus apostolicis, ceterisque contrariis quibuscumque.

Datum Romae, apud S. Petrum, sub annulo Piscatoris, die xiv ianuarii mdcxxv, pontificatus nostri anno II.

Dat. die 14 ianuarii 1625, pontif. anno I.

CX.

Uladislaus, regis Poloniae filius, ense et pileo donatur¹

Dilectissimo in Christo filio nobili viro Uladislao, charissimi in Christo filii nostri Sigismundi Poloniae et Suetiae regis illustri nato.

Urbanus Papa VIII.

Dilecte fili, nobilis vir, salutem et apostolicam benedictionem.

Immortales christianae fortitudinis laudes, quas, vel in ipso aetatis flore nobilitas tua sibi comparavit, nemo conticescit. Illas relata saepissime ex profligatis christiani nominis hostibus trophaea silere non possunt. Illas barbarorum agmina, quae toties vitam sibi fugâ quaerere coëgisti, abunde loquantur. Illas denique publica paterni regni felicitas uberrime con-

¹ Ex Regest. in Secret. Brev.

Decretum irritans enim derogatione contrarium

Præclara Uladislao indoles

testatur. Nos vero, quanto maiori animi iucunditate perfundimur gloriosa per nobilitatem tuam edita facinora memoria repetentes, tanto impensius optamus, aliquid paternae, qua te iure optimo complectimur, voluntatis et eximiae virtutis, qua regia invicti genitoris decora feliciter aemularis, extare monumentum.

*Ense et pileo
benedictis do-
natur.*

§ 2. Cum igitur pius, idemque pervertustus mos inoleverit, ut Romanus Pontifex, nocte Christo Nascenti sacrâ, ense et pileum solemnî ritu benedictum, vel regibus, vel aliis de catholicâ religione optime meritis principibus deferri iubeat; nobilitati tuae, quam his diebus ad almam Urbem nostram sacrosancti iubilaei celebritas evocavit, ense et pileum, per nos de more benedictos, apostolicâ benignitate gratiose donamus: divinam precantes clementiam ut mittat tibi auxilium de sancto et de Sion tueatur te. Dexteram tuam hoc munere praemunitam perditae gentes, quae Deum non noverunt, suae sentiant impietatis vindicem, et caput tuum veluti galeâ salutis armatum christiani nominis hostes expavescent. Quae quidem nobilitati tuae maxime in votis esse nos pro comperto habentes, eamque diligentissime curaturam minime dubitantes, apostolicam benedictionem ei peramanter impertimur.

Datum Romae, apud S. Petrum, sub annulo Piscatoris, die XIX ianuarii MDCXXV, pontificatus nostri anno II.

Dat. die 19 ianuarii 1625, pontif. anno II.

CXI.

Praescribitur, quo pacto sanctimoniales, alique impediti, indulgentias anni sancti lucrari possint.

**Urbanus Papa VIII,
ad futuram rei memoriam.**

Sanctimonialibus, eremitis

Pontificia sollicitudo, quamvis omnium Christifidelium saluti prospiciat, praeci-

pue tamen spiritualibus sanctimonialium profectibus, paternae charitatis affectu, studet providere: ipsae enim sunt filiae, quae oblitae populum suum et domum patris sui, animi splendore caelestem regem oblectant: ipsae sunt prudentes virgines, quae lampades suas, charitatis flammâ succensas, provide aptantes, meliorem partem elegerunt, et dum vitam caelitus petitam ducunt, non modo sibi ipsis ad caelum viam sternunt, sed ieiuniis, vigiliis et orationibus, ceteris quoque christifidelibus eam aperire student. Quare summo opere optandum est, ut vitae rationem, quae eas angelis quodammodo aequat, constantissime retineant, ac dent operam, ut sicuti praeclaros hic agunt de carne in carne triumphos, ita post huius vitae certamina in caelesti patriâ feliciter coronentur. Quoniam autem consimile vitae genus quamplurimi anachoretæ, atque eremitæ, ut supernarum rerum contemplationi securius vacent, laudabiliter elegerunt: spiritualibus quoque ipsorum incrementis, paternis visceribus, maxime ducimus consulendum.

§ 1. Cum igitur tam ipsi quam praedictae sanctimoniales perpetuâ vivant clausurâ mancipatae; necnon multi, ut accipimus, utriusque sexus christifideles, partim carceribus detenti, partim vero diuturnâ infirmitate praepediti, non solum in almâ Urbe nostrâ et Italia, sed in aliis etiam regionibus, provinciis et locis reperiantur, qui et quae respective impedimentis huiusmodi remotis, pro percipiendis praesentis anni iubilaei fructibus, ad almam Urbem nostram omnino venirent, et basilicas, ecclesiasque ad id deputatas, benedicente Domino, indubitanter visitarent¹, ob praedicta impedimenta, ad Urbem huiusmodi minime venire, neque respective basilicas et ecclesias ipsas visitare valeant:

*infirmis, aliis-
que impeditis,*

*Quonibus ec-
clesias descri-
ptas visitare
possint anno
sancto;*

¹ Heic adderem partic. sed (R. T.).

Urbanus concessit, modo, qui praescribitur;

§ 2. Nos, pro pastoralis officii nostri debito, paternaque charitate, illorum omnium animarum saluti, quantum cum Domino possumus, prospicere volentes, omnibus et singulis sanctimonialibus, necnon anachoretis, atque eremitis huiusmodi, necnon utriusque sexus christifidelibus, tam carceratis, quam infirmis praedictis tantum, et qui aliis, impedimentis longae carcerationis, ac diuturnae infirmitatis cessantibus, ad hanc almam Urbem, pro thesauris spiritualibus huiusmodi consequendis, venturi fuissent, vere poenitentibus et confessis, quod in locis, ubi eos esse contigerit, pia christianae pietatis et charitatis opera, iuxta formam ab Ordinariis locorum, seu sanctimonialium et anachoretarum, eremitarumque huiusmodi superioribus, vel de eorum mandato, a prudente confessario, in almâ vero Urbe a dilecto filio nostro vicario, seu eius vicesgerente tantum, praescribenda, pro cuiuslibet statu et conditione, ac loci et temporis ratione habitâ, exercendo, et alia nostris in litteris indictionis anni iubilaei contenta adimplendo, omnes et singulas indulgentias et peccatorum remissiones, etiam plenissimam, consequantur et eorum quilibet consequatur, quas consequerentur et consequi possent, si in hoc praesenti anno iubilaei, diebus ad id statutis, quatuor ad id deputatas basilicas et ecclesias almae Urbis et extra illius muros, pro quibus visitandis iubilaeum et indulgentiae praedictae concessae sunt, personaliter visitarent et eorum quilibet visitaret.

Cum facultate confessarium sibi deligendi.

§ 3. Eisdemque sanctimonialibus et christifidelibus impeditis huiusmodi, ut ad effectum praesentium confessarios presbyteros seculares, vel cuiusvis Ordinis regulares, ab eisdem Ordinariis locorum ad id probatos, qui confessionibus eorum diligenter auditis eos et eorum quemlibet a quibusvis peccatis, criminibus et delictis quantumcumque gravibus et enormi-

bus, etiam Apostolicae Sedi reservatis, etiam in Bullâ Coenae Domini contentis, iniunctâ eis poenitentia salutaris, absolvere possint, eligere valeant, auctoritate apostolicâ, tenore praesentium, concedimus et indulgemus.

§ 4. Non obstantibus constitutionibus et ordinationibus apostolicis, ceterisque contrariis quibuscumque.

Contraria derogat.

§ 5. Volumus autem, quod praesentium litterarum transumptis, etiam impressis, manu alicuius notarii publici subscriptis, et sigillo alicuius personae in dignitate ecclesiasticâ constitutae munitis, eadem prorsus fides adhibeatur, quae ipsis praesentibus adhiberetur, si forent exhibitae vel ostensae.

Huiusque concessionis exemplis credi iubet.

Datum Romae, apud S. Petrum, sub annulo Piscatoris, die xxviii ianuarii mdcxxv, pontificatus nostri anno ii.

Dat. die 28 ianuarii 1625, pontif. anno ii.

CXII.

Deputatio ecclesiae S. Mariae Transtiberim loco ecclesiae S. Pauli extra Urbem, stante suspitione pestis, unâ cum concessione (cumulative tamen) omnium indulgentiarum, ac spiritualium gratiarum dictae ecclesiae S. Pauli concessarum pro praesenti anno sancto.

Urbanus Papa VIII,
ad futuram rei memoriam.

Paterna dominici gregis cura, quam misericordiarum pater et consolationis Deus humilitati nostrae, nullo licet meritorum suffragio, commisit, a nobis postulâ, ut apertis abundantius praesenti anno iubilaei Ecclesiae thesauris provideamus, quo grex ipse thesauros huiusmodi per abundantiam divinae gratiae salubriter con-

Prooemium.

1 Indictionem anni sancti posuimus supra Const. Omnes gentes, ut supra pag. 143.

sequatur, et si qua¹ pium eiusdem gregis in praemissis desiderium impedire seu retardare posse dignoscuntur, illa, quantum nobis ex alto conceditur, peculiari studio removeamus.

Causa foren-
dae Constitutio-
nis.

§ 1. Cum itaque, sicut non sine viscerum nostrorum commotione accepimus, nonnullae regni Siciliae civitates, oppida et terrae innumeris malis, atque incommodis ob saevientem inibi pestiferae contagionis morbum miserabiliter conflictentur, et propterea, pro avertendis, quantum divinae bonitati placuerit, in hac alma Urbe nostra, totaque ditione Ecclesiastica et reliquis Italiae partibus huius pestilentiae periculis, evenire possit, ut christifidelibus ad percipiendos spirituales eiusdem iubilaei fructus ecclesiam S. Pauli extra muros almae Urbis nostrae, unam ex quatuor ad id deputatis, visitare volentibus, mora, atque impedimentum inferantur:

Deputatio de
qua in rubrica.

§ 2. Idcirco, pro pastorali, quam procurandae eiusdem gregis animarum saluti impendere tenemur, sollicitudine, spirituali christifidelium praedictorum consolationi, benedicente Domino, consulere volentes, de omnipotentis Dei misericordia ac beatorum Petri et Pauli apostolorum eius auctoritate confisi, omnibus et singulis utriusque sexus christifidelibus, qui ecclesiam S. Mariae Transtyberim loco ecclesiae S. Pauli praedictae visitaverint, et praescripta atque iniuncta pro consequendis spiritualibus eiusdem iubilaei fructibus adimpleverint, quod omnes et singulas indulgentias, etiam plenissimas, et peccatorum remissiones, necnon poenitentiarum relaxationes, aliasque gratias spirituales eisdem prorsus modo et forma consequantur (cumulative tamen, non autem privative quoad ecclesiam S. Pauli praedictam) quas consequerentur, si ipsam ecclesiam S. Pauli visitarent, ibique praescripta et iniuncta, ut praefertur, adim-

¹ Edit. Main. legit si quae (R. T.).

plerent, quodque ad effectum huiusmodi dicta ecclesia S. Mariae Transtyberim omnibus et singulis indulgentiis, etiam plenariis et plenissimis, stationibus, peccatorum remissionibus, poenitentiarum relaxationibus, aliisque quibusvis gratiis spiritualibus, tam circa altarium quorumcumque visitationem, quam in illis missarum celebrationem, quibus ecclesia S. Pauli extra muros huiusmodi utitur, potitur et gaudet, ac uti, potiri et gaudere possit et poterit quomodolibet in futurum, pari modo et aeque principaliter sine ulla prorsus differentia uti, potiri et gaudere libere et licite possit et valeat, apostolica auctoritate, tenore praesentium, concedimus et indulgemus.

Obstaculum
derogatio

§ 3. Non obstantibus nostra de non concedendis indulgentiis ad instar, aliisque constitutionibus et ordinationibus apostolicis, statutisque et consuetudinibus, ceterisque contrariis quibuscumque.

§ 4. Praesentibus ad nostrum beneplacitum dumtaxat valituris.

§ 5. Volumus autem, ut praesentium transumptis, etiam impressis, manu alicuius notarii publici subscriptis et sigillo alicuius personae in dignitate ecclesiastica constitutae munitis, eadem prorsus ubique fides adhibeatur, quae adhiberetur praesentibus, si forent exhibitae, vel ostensae.

Transumptio-
rum fides.

Datum Romae, apud S. Petrum, sub anulo Piscatoris, die xxx ianuarii MDCXXV, pontificatus nostri anno II.

Dat. die 30 ianuarii 1625, pontif. anno II.

CXIII.

Deputatio ecclesiarum S. Mariae de Populo, S. Mariae Transtyberim, ac S. Laurentii in Lucina de Urbe, loco ecclesiarum S. Sebastiani, S. Pauli et S. Laurentii extra muros, pro septem Urbis eiusdem ecclesias visitantibus.

Urbanus Papa VIII,
ad futuram rei memoriam.

Prooemium.

Paterna dominici gregis cura, quam misericordiarum pater totius consolationis Deus humilitati nostrae, nullo licet meritum suffragio, commisit, a nobis postulat, ut apertis abundantius praesenti anno iubilaei Ecclesiae thesauris, provideamus, quo grex ipse thesauros huiusmodi per abundantiam divinae gratiae salubriter consequatur; et si qua¹ pium eiusdem gregis in praemissis desiderium impedire seu retardare posse dignoscuntur, illa, quantum nobis ex alto conceditur, peculiari studio removeamus.

Peste in Sicilia grassante.

§ 1. Cum itaque, sicut non sine viscerum nostrorum commotione accepimus, nonnulla regni Siciliae civitates, oppida et terrae innumeris malis atque incommodis ob saevientem inibi pestiferae contagionis morbum miserabiliter conflictentur, et propterea, pro avertendis, quantum divinae bonitati placuerit, ab hac alma Urbe nostra, totaque ditione Ecclesiastica et reliquis Italiae partibus huius pestilentiae periculis, evenire possit, ut christifidelibus septem ecclesias almae Urbis nostrae et extra illius muros devotionis causa visitare volentibus, circa eas, quae extra muros huiusmodi sunt, mora atque impedimentum inferantur;

Urbanus deputationem facit, de qua in rubrica.

§ 2. Idcirco, pro pastoralis, quam procurandae eiusdem gregis² animarum saluti impendere tenemur, sollicitudine, spirituali christifidelium praedictorum consolationi, benedicente Domino, consulere volentes, de omnipotentis Dei misericordia, ac beatorum Petri et Pauli apostolorum eius auctoritate confisi, omnibus et singulis utriusque sexus christifidelibus, qui S. Mariae de Populo nuncupatae, loco S. Sebastiani, ac etiam S. Mariae Transtyberim, loco S. Pauli, necnon S. Laurentii in Lucina etiam nuncupati, ecclesias eiusdem

almae Urbis, loco S. Laurentii ecclesiarum extra muros huiusmodi, visitaverint, et praescripta atque iniuncta pro indulgentiis et aliis gratiis spiritualibus, quibus S. Sebastiani, ac S. Pauli, necnon S. Laurentii ecclesiae extra muros huiusmodi decoratae sunt, consequendis adimpleverint, quod omnes et singulas indulgentias plenarias et peccatorum remissiones, necnon poenitentiarum relaxationes, aliasque gratias spirituales, etiam pro animabus defunctorum, eisdem prorsus modo et forma consequantur (cumulative tamen, non autem privative quoad S. Sebastiani, ac S. Pauli, necnon S. Laurentii ecclesias extra muros huiusmodi) quas consequerentur, si ipsas S. Sebastiani, ac S. Pauli, necnon S. Laurentii ecclesias extra muros visitarent, ibique praescripta et iniuncta, ut praefertur, adimplerent, quodque ad effectum huiusmodi S. Mariae de Populo, ac S. Mariae Transtyberim, necnon S. Laurentii in Lucina ecclesiae praedictae omnibus et singulis indulgentiis, etiam plenariis, et stationibus, peccatorum remissionibus, poenitentiarum relaxationibus, aliisque quibusvis gratiis spiritualibus, tam circa altarium quorumcumque visitationem, quam in illis missarum celebrationem, quibus S. Sebastiani et S. Pauli, necnon S. Laurentii ecclesiae extra muros huiusmodi utuntur, potiuntur et gaudent, ac uti, potiri et gaudere possunt et poterunt quomodolibet in futurum, pari modo et aeque principaliter, sine ulla prorsus differentia, uti, potiri et gaudere libere et licite possint et valeant, apostolica auctoritate, tenore praesentium, concedimus et indulgemus.

§ 3. Non obstantibus nostra de non concedendis indulgentiis ad instar, abisque constitutionibus et ordinationibus apostolicis, statutisque et consuetudinibus, ceterisque contrariis quibuscumque.

§ 4. Praesentibus ad nostrum beneplacitum dumtaxat valituris.

¹ Iterum edit. Main. habet *si quae* (n. r.).

² Edit. Main. legit *Graecis* (n. r.).

Transumptis-
que eadem addit.

§ 5. Volumus autem ut praesentium transumptis, etiam impressis, manu notarii publici subscriptis, et sigillo alicuius personae in dignitate ecclesiastica constitutae munitis, eadem prorsus fides in iudicio et extra adhibeatur, quae eisdem praesentibus adhiberetur, si forent exhibitae, vel ostensae.

Datum Romae, apud S. Petrum, sub anulo Piscatoris, die xxx ianuarii mdcxxv, pontificatus nostri anno ii.

Dat. die 30 ianuarii 1625, pontif. anno ii.

CXIV.

Monentur locorum Ordinarii, ut christifideles per concionarios hortentur ad succurrendum indigentis sacrorum locorum Hierusalem.

Urbanus Papa VIII,
ad futuram rei memoriam.

Exordium.

Salvatoris et Domini nostri, qui pro humani generis redemptione se ipsum exinanivit factus obediens usque ad mortem, vices, licet immeriti, gerentes in terris, inter multiplices, gravissimasque apostolicae servitutis curas, hanc prae ceteris in visceribus gerimus, ut tanti, ac tam salubris mysterii monumenta, quae in civitate Hierusalem et locis circumvicinis sunt, conserventur, et omni, qua fieri poterit, maiori honorificentia recolantur.

Propter angustiam fratrum
Ordinum Minorum in civitate
Hierusalem,

§ 1. Cum itaque, sicut non sine animi nostri dolore accepimus, dilecti filii fratres Ordinis Minorum S. Francisci de Observantia in civitate et locis praedictis existentes variis atque extraordinariis exactionibus, angariis, aliisque molestiis ab impia turcarum tyrannide iugiter vexentur:

Pontifex loco-
rum Ordinarios
monet, ut popu-
los ad ois suc-
currendum hor-
tentur.

§ 2. Nos, eorundem fratrum saluti atque statui, necnon sacrorum monumentorum huiusmodi conservationi et manutentioni, quantum nobis ex alto concedi-

† Ex Regest. in Secret. Brev.

tur, consulere volentes, venerabiles fratres patriarchas, archiepiscopos, episcopos et alios locorum Ordinarios in Italia existentes, per viscera misericordiae Dei nostri requirimus et in Domino hortamur attente, ut in proxime futura quadragesima fratrum in civitate et locis praedictis commorantium necessitates, eorundem sacrorum monumentorum conservationem et manutentionem per verbi Dei praedicatores populo proponi et commendari, omnesque et singulos ad eleemosynas pro praemissis liberaliter porrigendas excitare.

§ 3. Eas vero, quas a christifidelibus propterea erogari contigerit, ad manus personae fidae et facultatibus idoneae per eosdem Ordinarios deputandae, ad effectum illas commissario a dilecto filio magistro generali eiusdem Ordinis ad hoc deputato seu deputando realiter et cum effectu consignandi, pervenire curent et faciant, quod et omnipotenti Deo bonorum omnium retributori acceptissimum, nobis vero gratissimum erit.

Et eleemo-
synas commissa-
rio tradi curent.

§ 4. Volumus autem, ut praesentium transumptis, etiam impressis, manu alicuius notarii publici subscriptis, et sigillo personae in dignitate ecclesiastica constitutae munitis, eadem prorsus fides in iudicio et extra ubique adhibeatur, quae ipsis originalibus litteris adhiberetur, si forent exhibitae, vel ostensae.

Fides tran-
sumptis addit.

Datum Romae, apud S. Petrum, sub anulo Piscatoris, die vii februarii mdcxxv, pontificatus nostri anno ii.

Dat. die 7 februarii 1625, pontif. anno ii.

CXV.

Iubet sub poena excommunicationis et privationis vocis activae et passivae, ne ex bibliotheca Ianuensi Ordinis Minorum extrahantur quomodolibet libri.

**Urbanus Papa VIII,
ad perpetuam rei memoriam.**

Mandat pro-
ut in rubrica.

Conservationi et manutentioni bibliothecae domus regularis Iesu Mariae nuncupatae Ianuensis, Ordinis fratrum Minimorum S. Francisci de Paula, quantum cum Domino possumus, consulere, ac dilectum filium Laurentium de Peyrinis provincialem provinciae Ianuensis eiusdem Ordinis specialibus favoribus et gratiis prosequi volentes, ipsumque et dictae domus singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censentes, supplicationibus eiusdem Laurentii provincialis nomine nobis super hoc humiliter porrectis inclinati, ne de cetero quisquam, quavis auctoritate fungens, quosvis libros, quaternas, folia, sive manuscripta, sive impressa, dictae bibliothecae hactenus assignata et in posterum assignanda, quovis quaesito colore, vel ingenio, causâ vel occasione e dictâ bibliothecâ extrahere, sive ut extrahantur vel removeantur permittere quoquo modo audeat seu presumat, sub excommunicationis et privationis vocis activae et passivae poenis per contrafacientes incurrendis, apostolicâ auctoritate, tenore praesentium, interdicimus et prohibemus.

§ 2. Non obstantibus constitutionibus et ordinationibus apostolicis, ac, quatenus opus sit, domus ac Ordinis huiusmodi (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, ceterisque contrariis quibuscumque.

Contrarius
Jerogat.

§ 3. Volumus autem, quod praesentis prohibitionis copia in valvis dictae bibliothecae, aut aliquo alio perspicuo loco, unde

ab omnibus cerni possit, continue affixa remaneat.

Datum Romae, apud sanctum Petrum, sub annulo Piscatoris, die XIII februarii MDCXXV, pontificatus nostri anno II.

Dat. die 13 februarii 1625, pontif. anno II.

CXVI.

Nuncius apostolicus apud Hispaniae regem collector deputatur pecuniarum ex redditibus cruciatae, fabricae basilicae Principis Apostolorum solvendarum.

Venerabili fratri Iulio episcopo Gravinensi, nostro et Apostolicae Sedis in regnis Hispaniarum nuncio,

Urbanus Papa VIII.

**Venerabilis frater,
salutem et apostolicam benedictionem.**

§ 1. Cum aliâs felicis recordationis Paulus Papa V praedecessor noster ex causis tunc expressis concesserit facultates sanctae cruciatae in regnis Hispaniarum, in locis in dicti Pauli praedecessoris nostri litteris nominatis, ad sex annos, et nomine clarae memoriae Philippi III Hispaniarum regis catholici dilectus filius noster Gaspar tituli S. Crucis in Hierusalem presbyter cardinalis Borgia nuncupatus pollicitus fuerit, quod thesaurarii pecuniarum ex facultatibus huiusmodi proventuum summam centum millium ducatorum auri in auro eidem Paulo praedecessori, aut cui per eum ordinatum fuisset, in subventionem fabricae basilicae Principis apostolorum de Urbe, viginti sex millia singulis annis primo currentibus dicti sexennii, persolveret:

Philippus rex ex redditibus cruciatae quamdam partem fabricae sancti Petri se soluturum promiserat.

§ 2. Nos, cupientes fabricam huiusmodi omni ope promoveri, ac de fide, integritate et diligentia tuâ plurimum in Domino confidentes, te ac pro tempore existentem nostrum et Sedis Apostolicae in regnis Hispaniarum nuncium ad summam cen-

Pontifex ad eam percipiendam nuncium apostolicum deputat.

tum millium ducatorum huiusmodi, seu dictae summae residuum, debitis temporibus a praedictis thesaurariis, seu aliis personis pecunias praedictas solvere debentibus, per se¹, vel alium, seu alios loci tui, periculo tamen suo, deputatos, petendum, exigendum, levandum et recuperandum, et de exactis, levatis et recuperatis quietandum et absolvendum, nostrum et praedictae fabricae procuratorem et commissarium, auctoritate apostolicâ, tenore praesentium, facimus, constituimus et deputamus.

Qui illam
praefectis di-
ctae fabricae
solvere tene-
tar.

§ 3. Volentes quod omnes et singulas pecuniarum summas per te pro tempore sic exactas, ac prout in dies illas exegeris, venerabili fratri nostro Francisco Mariae episcopo Praenestino de Monte, necnon dilectis filiis nostris, Dominico Ss. Duodecim Apostolorum Gymnasio, Scipioni S. Chrysogoni Burghesio, Marcello Ss. Quirici et Iulitae Lantès, Aloysio S. Petri ad vincula Capponio, Dominico S. Martini in Montibus Rivarolae, Petro Paulo Ss. Nerei et Achillei Crescentio, ac Hippolito S. Mariae Novae diacono cardinalibus Aldobrandino nuncupatis, modernis et pro tempore existentibus dictae fabricae praefectis, aut cui, vel quibus dicti praefecti, seu eorum maior pars ordinaverit, realiter et cum effectu persolvas, ac persolvi facias. Nos enim, quidquid in praemissis per te actum, dictum, gestum et procuratum fuerit, gratum, ratum et firmum habebimus, teque de omni et toto eo, quod praefectis et aliis pro tempore persolveris aut persolvi feceris, auctoritate et tenore praedictis, ex nunc prout ex tunc, liberamus, quietamus, et absolvimus.

Derogat con-
suetis.

§ 4. Non obstantibus constitutionibus et ordinationibus apostolicis, ac ipsius fabricae (etiam iuramento confirmatione apostolicâ, et quavis firmitate aliâ roboratis) statutis et consuetudinibus, etiâ certam

¹ Forsan legendum *per te* (R. T.).

formam in confectione quietantiarum requiruntibus, ceterisque contrariis quibuscumque.

Datum Romae, apud S. Petrum, sub annulo Piscatoris, die xvii februarii MDCXXV, pontificatus nostri anno II.

Dat. die 17 februarii 1625, pontif. anno II.

CXVII.

Revocatio litterarum Pauli V, quibus cavetur, quominus beneficia civitatis Calaritanæ ex Turritana Urbe originariis, et viceversâ conferantur¹.

Urbanus Papa VIII,
ad perpetuam rei memoriam.

Romanus Pontifex a Salvatore et Domino nostro, qui charitas est et Deus pacis, super universas orbis ecclesias et provincias constitutus, ut iuxta verbum propheticum noxia evellat et destruat, utiliaque plantet et aedificet, ea interdum, quae certis etiam rationalibus ex causis a Sede Apostolicâ sancita sunt, maioribus ex causis, quibus praesertim mutuae inter christifideles charitati, pacique et tranquillitati consulitur, dissidiisque et contentionibus obviam itur, alterat et immutat, in hisque sollicitudinibus et providentiae suae studium interponit, prout pia catholicorum regum vota exposcunt, et ipse, omnibus rerum, temporumque qualitatibus maturâ consideratione pensatis conspicit salubriter in Domino expedire.

Prooemium.

§ 1. Aliàs siquidem a felicitis recordationis Paulo Papa V praedecessore nostro emanarunt litterae tenoris subsequentis, videlicet:

Recensentur
Pauli litterae.

Paulus Papa V,
ad futuram rei memoriam.

Ad universalis Ecclesiae regimen, divinâ disponente clementiâ, vocati, inter alia pro populorum votivâ dilectione ni-

¹ Ex Regest. in Secret. Brev.

hil occurrit praestantius, quam exorta inter christifideles, principis¹ tenebrarum astutiâ, discordiarum fomenta nostrae sollicitudinis occurso protinus extinguere, et cuiusvis altercationis seu dissidii salubriter operâ nostrâ evulsis seminibus, pacis et tranquillitatis dulcedinem inter eos, divinâ nobis assistente gratiâ, imponere et conservare valeamus. Cum itaque, sicut nobis nuper non sine animi nostri molestiâ innotuit, a certo tempore citra, varia dissidia, inimicitiae et odia inter dilectos filios communitates et homines civitatum Calaritanæ et Turritanæ, seu Sassarensis, ita instigante humani generis hoste, orta sint, scripta etiam typis mandata cum omnipotentis Dei offensâ, omniumque tam civium dictarum civitatum quam dictarum personarum damnationis periculo, et populi utriusque civitatis huiusmodi scandalo emanarint, ipsaque dissidia, inimicitiae et odia adeo in animis eorum invaluerint, adeoque acerbè vigeant de praesenti, ut si illis durantibus originarios ambarum civitatum huiusmodi et earum dioecesium² ad beneficia in eis consistentia promiscue et indifferenter admitti contigerit, illa inde gravius flagrare, ac fomitem et materiam maioris mali concipere, diutiusque ipsi in illis persistere habeant: nos igitur, quibus, ex officii pastoralis nobis divinitus commissi debito, incumbit his malis et incommodis, quantum in nobis est, obviare, et ne graviora evadant, et ex novâ aliquâ occasione vel materiâ ulterius et diutius animis ipsorum civium inhaereant, difficiliusque postea componantur et sedentur, omni qua possumus operâ ac sollicitudine procurare cupientes, motu proprio et ex certâ nostrâ scientiâ, maturâque deliberatione nostrâ, ac de apostolicae potestatis plenitudine,

¹ Perperam ed. Main. legit *christifideles principes*, (R. T.).

² Praep. ad nos addimus (R. T.).

harum serie statuimus et ordinamus, quod ex nunc et deinceps, huiusmodi dissidiis, controversiis, inimicitiis et iurgiis vigentibus seu durantibus, et donec et quousque illa penitus cessare et composita esse, ac cives ipsos ad mutuam concordiam et pacem rediisse constiterit, et interim ad nostrum et Sedis Apostolicae beneplacitum, omnia et singula beneficia ecclesiastica in civitatibus et dioecesium praedictis nunc et pro tempore consistentia, etiamsi illa canonicatus et praebendae, dignitates, personatus, administrationes et officia in cathedralibus et metropolitanis vel collegiatis ecclesiis, et dignitates ipsae in cathedralibus etiam metropolitanis post pontificales maiores, aut collegiatis ecclesiis huiusmodi principales, seu parochiales ecclesiae, aut earum perpetuae vicariae, ac in Romanâ Curia vel extra eam litigiosa, ac de iurepatronatus laicorum etiam nobilium et illustrium, seu eorum et clericorum mixtim, ac ex fundatione, vel dotatione, aut indulto apostolico, seu aliâs quomodolibet qualificata sint vel fuerint, et ad illa consueverint qui per electionem assumi, illisque cura imminet animarum (exceptis his beneficiis, quae de charissimi in Christo filii nostri Philippi Hispaniarum regis catholici, qui etiam Sardiniae rex existit, et successorum suorum iurepatronatus ex fundatione vel dotatione seu ex privilegio apostolico nunc sunt et pro tempore erunt, ad quae, unquam sub praesenti statuto minime comprehensa, liberum sit ipsi regi catholico nunc et pro tempore existenti quasvis personas idoneas praesentare), quoties illa, quae scilicet de iurepatronatus regis praedicti non existant, per cessum, etiam causâ permutationis, vel decessum, seu quamvis aliam dimissionem vel amissionem aut privationem ea pro tempore obtinentium, seu ius in illis vel ad illa habentium, aut aliâs quovis modo, ac etiam in aliquo

Quibus ad amputanda dissidia cavetur, quominus originarii unius civitatis alterius Urbis beneficia conferantur.

ex mensibus, in quibus vacantium beneficiorum ecclesiasticorum dispositio nobis et dictae Sedi, etiam per constitutiones apostolicas, seu cancellariae apostolicae regulas, est vel pro tempore fuerit reservata, vel etiam ordinariis collectoribus per easdem constitutiones, seu regulas, vel litteras alternativarum, aut alia privilegia et indulta hactenus concessa et imposturum concedenda, simul vel successive vacare contigerit, etiamsi actu nunc, ut praefertur, vel aliis quibusvis modis, et ex quorumcumque personis, seu per liberas resignationes vel concessiones quorumvis de illis in dicta curia vel extra eam, etiam coram notario publico et testibus, sponte factas¹, aut constitutionem felicis recordationis Ioannis Papae XXII, praedecessoris nostri, quae incipit *Execrabilis*, vel assequutionem alterius beneficii quavis auctoritate collati vacent, ac ex eo quod beneficia ipsa obtinentes, seu in illis, vel ad illa ius habentes, dictae Sedis notarii, subdiaconi, acolyti, cappellani, litterarum apostolicarum abbreviatores, scriptores, cubicularii, scutiferi, proventuum et iurium camerae apostolicae debitorum collectores et subcollectores, seu quicumque alii curiae vel Sedis praedictarum officiales, etiam sub diversis constitutionibus piae memoriae Pauli Papae III etiam praedecessoris nostri suorum et pro tempore existentium Romanorum Pontificum familiarium continuorum commensalium declaratoriis comprehensi, praesentes et futuri, quocumque nomine nuncupati, seu quae² ex quavis alia causa dispositioni apostolicae specialiter vel aliis generaliter reservata, aut ex generali reservatione apostolica affecta, seu ad Sedem eandem devoluta existant vel fuerint, originariis et naturalibus alterius civitatis seu dioecesis, nempe, quae in civitate et dioecesi Ca-

laritana consistunt, originariis et naturalibus civitatis et dioecesis Turritanae seu Sassarensis, quae vero in civitate et dioecesi Turritana seu Sassarensi consistunt, originariis et naturalibus civitatis et dioecesis Calaritanae, apostolica vel ordinaria aut quavis alia auctoritate conferri nullatenus possint, neque debeant; sed interim originarii et naturales cuiuslibet ex civitatibus et dioecesibus praedictis ad beneficia alterius civitatis et dioecesis obtinenda inhabiles et incapaces omnino existant, etiamsi in eisdem civitatibus et dioecesibus domicilium contraxerint, et in eis per quodcumque etiam longissimum temporis spatium commorati fuerint et commorentur; ac si¹ eadem beneficia, etiamsi ad illorum patronorum praesentationem, sibi conferri, aut de illis provideri contra formam praesentium obtinuerint, aut collationibus et provisionibus huiusmodi, ac aliis dispositionibus in eorum favorem desuper factis, seu etiam motu simili concessis, uti, vel eas ratas et gratas habere praesumpserint, omni et quocumque beneficio et officio ecclesiastico per eos ubicumque obtento, eo ipso, absque aliqua declaratione desuper faciendâ, privati sint; ac Ordinarii et alii inferiores collatores et patroni, qui contra praemissa quidquam attentare praesumpserint, a quorumcumque beneficiorum collatione, provisione, electione, praesentatione, institutione et quacumque alia dispositione, prout cuique competierit, tamdiu suspensi remaneant, donec remissionem a Romano Pontifice pro tempore existente meruerint obtinere. Decernentes omnes et singulas collationes, institutiones et quasvis alias dispositiones de quibuscumque beneficiis praedictis, ut praefertur, vel aliis quomodolibet qualificatis, contra praesentis statuti formam et tenorem etiam per nos et quoscumque

¹ Edit. Main. legit *facta* (R. T.).

² Erronee eadem habet *qui* (R. T.).

¹ Particulam *si* nos addimus (R. T.).

alios Romanos Pontifices successores nostros, dictamque Sedem et illius legatos, etiam de latere et nuncios, omnesque et singulos alios ius et favorem conferendi, providendi, commendandi, eligendi, praesentandi et alias quomodolibet de huiusmodi beneficiis disponendi ab ipsa Sede habentes, nec non ordinarios et alios inferiores collatores, etiam ad patronorum praesentationem, seu de illorum consensu, pro tempore factas, ipso iure nullas et invalidas, nulliusque roboris vel momenti fore et esse, ac pro nullis et infectis habere¹, nec per eas cuiquam ius vel etiam coloratum possidendi titulum tribui posse, et ipsos, in quorum favorem emanarint, illarum prorsus usu et comodo carere; ac beneficia ipsa, ut prius, vacare, et quae ex illis dispositioni apostolicae reservata, seu affecta fuerint, sub eadem reservatione et affectione remanere, ac tam illa, quam etiam omnia alia non reservata, neque affecta, de quibus a dicta Sede, vel illius legatis, seu nunciis, aut aliis ius et facultatem conferendi a dicta Sede, ut praefertur, habentibus, contra formam praesentis statuti quandocumque dispositum fuerit, ad novam Romani Pontificis pro tempore existentis dispositionem dumtaxat pertinere; ab Ordinariis vero et aliis inferioribus collatoribus, cessantibus reservationibus et affectionibus apostolicis, praeter et contra tenorem huius statuti pro tempore collata, ac etiam ea, quae de iurepotronatus huiusmodi fuerint, devolutioni ad Sedem praedictam immediate eo ipso subiacere, illaque omnia a Sede praedicta dumtaxat impetrari posse, nec ius ullum ad resignantis seu cedentis², etiamsi in possessione etiam diutina remanserint, ac resignationes seu cessiones huiusmodi publicatae non fuerint, redire, vel penes eos remanere; ac praesentes

¹ Forsan legendum haberi (R. T.).

² Potius lege ad resignantes seu cedentes (R. T.).

(etiam ex eo, quod causae, propter quas emanarunt, coram locorum Ordinariis, etiam tamquam a Sede praedicta delegatis, vel alias quomodolibet, examinatae, verificatae et iustificatae, ipsique Ordinarii et alii inferiores collatores et patroni, nec non quicumque interesse habentes, ad id vocati non fuerint, nec praemissis consenserint, vel alio quocumque praetextu legitimo urgente et iuridico) de subreptionis, obreptionis, vel nullitatis vitio, seu intentionis nostrae, aut alio quocumque defectu notari, impugnari, invalidari, retractari, in ius, vel controversiam revocari, ad terminos iuris reduci, seu adversus eas quodcumque iuris, facti vel gratiae remedium impetrari non¹ posse, neque sub quibusvis similium vel dissimilium gratiarum revocationibus, suspensionibus, limitationibus, aut aliis contrariis dispositionibus a nobis vel quibuscumque aliis Romanis Pontificibus et dicta Sede, etiam motu et potestatis plenitudine similibus, pro tempore emanalis comprehendendi, sed semper ab illis exceptas et quoties illae emanabunt, toties in pristinum et eum statum, in quo erant antea, restitutas, repositas et plenarie reintegratas, ac de novo, etiam sub data posteriori, concessas, validasque et efficaces fore et esse, suosque plenarios et integros effectus sortiri, ac ab omnibus inviolabiliter observari; sicque per quoscumque iudices ordinarios et delegatos et dictos auditores ac sanctae Romanae Ecclesiae cardinales (sublata eis et eorum cuilibet quavis aliter iudicandi et interpretandi facultate et auctoritate) iudicari et definiri debere; ac irritum et inane, si secus super his a quoquam, quavis auctoritate, scienter vel ignoranter, contigerit attentari. Ceterum, animarum saluti solliciti intenti, venerabiles fratres archiepiscopos Calaguritanum et Turritanum hortamur in Domino, ac etiam illis in

¹ Particulam non nos addimus (R. T.).

virtute sanctae obedientiae praecipimus, quatenus, pastoralis officii, et ad quod sunt evocati, memores, dissidia, odia et inimicitias huiusmodi, quibus humani generis hostis animarum eorum curae commissarum perniciem molitur, eminentiori animi curâ, ut pios et vigilantes pastores decet, componere, ac civitates ipsas, animis incolarum in Christi charitate coalescentibus, ad pacem et unionem revocare studeant; in hoc uno peculiari paterno affectu toti incumbant; nulli labori, incommodo, molestiae mentis et corporis, quo id consequantur; pareant, praecipue autem ad divinam opem confugientes precibus et sacrificiis Dominum ipsum utrique civitati praedictae propitium reddere et ab eo pacis beneficium impetrare contendant. Non obstantibus constitutionibus et ordinationibus apostolicis, ac ecclesiarum, in quibus beneficia huiusmodi fuerint, nec non civitatum et dioecesium praedictarum, ac regni et insulae Sardiniae, in quibus consistunt (iuramento, confirmatione apostolica, vel quavis firmitate aliâ roboratis) statutis et consuetudinibus, etiam immemorabilibus et quantumvis longo tempore observatis, legibus etiam municipalibus et pragmaticis, ac aliis sanctionibus, privilegiis quoque, indultis et litteris apostolicis, etiam super facultate dicta beneficia conferendi, eius¹ ecclesiis, illarumque praesulibus, capitulis, civitatibus, dioecesibus, regno et insulae praedictis, earumque communitatibus, universitatibus, hominibus, incolis, superioribus et personis, sub quibuscumque tenoribus et formis, ac cum quibusvis derogationum derogatoriis, aliisque efficacioribus et insolitis clausulis, nec non irritantibus et aliis decretis, etiam vim validi et efficaci contractus, seu statuti perpetui, vel legis habentibus et inducentibus, per quoscumque Romanos Pontifices praedeces-

1 Forsan legendum *eis* vel *ipsis* (R. T.).

sores nostros, Sedemque praedictam, ac nos, etiam motu et potestatis plenitudine similibus, ac consistorialiter et aliâs etiam iteratis vicibus in contrarium quomodolibet concessis, confirmatis et innovatis. Quibus omnibus, etiamsi de illis, eorumque totis tenoribus, specialis, specifica, expressa et individua, ac de verbo ad verbum, non autem per clausulas generales idem importantes, mentio habenda foret, illorum tenores praesentibus pro expressis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque. Datum Romae, apud S. Marcum, sub annulo Piscatoris, die xxvi septembris mdcvii, pontificatus nostri anno iii.

§ 2. Cum autem, sicut charissimus in Christo filius noster Philippus Hispaniarum rex catholicus nobis nuper exponi fecit, ex contentis atque dispositis in praeinsertis litteris, huiusmodi dissidia, rixae, contentiones atque discordiae non solum in praedictis Turritanâ seu Sassarenâ, ac Calaritanâ civitatibus, earumque dioecesium, verum etiam in totâ Sardiniae insulâ verisimiliter oriri possent, et propterea, ut eis mature obviam eatur, pacique et mutuae inter eiusdem insulae habitatores et incolas concordiae, securius consulatur, idem¹ Philippus rex super praemissis per nos opportune provideri desideret:

§ 3. Nos, qui omni cogitatione, omni-que curâ in id incumbimus, ut christifideles praesertim ecclesiastici in pacis amoenitate et iustitiae cultu reddant Domino abundantes fructus suos, pio² ipsius Philippi regis desiderio, quantum nobis ex alto conceditur, annuere volentes, supplicationibus eiusdem Philippi regis nomine nobis super hoc humiliter porrectis inclinati, praeinsertas Pauli praedecessoris

Sed cum maiores inde discordiae fuerint exortae.

Urbanus Pauli litteras revocat.

1 Edit. Main. legit *idemque* (R. T.).

2 Eadem habet *pro* (R. T.).

litteras, omniaque et singula in eis quomodolibet contenta et expressa, apostolicâ auctoritate, tenore praesentium, perpetuo revocamus, cassamus, abrogamus et annullamus, ac viribus et effectû prorsus vacuamus: necnon revocata, cassa, abrogata et annullata, viribusque et effectû vacua perpetuo esse et fore, neque personis in praeinsertis litteris huiusmodi expressis quovis modo suffragari posse, seu debere;

Necessarias
additis clausu-
lis

§ 4. Revocationem vero et cassationem, abrogationem, annulationem, viribusque et effectû evacuationem, de dictis Pauli praedecessoris litteris et in eis quomodolibet contentis et expressis, per nos, ut praefertur, factas, praesentesque litteras perpetuo validas, firmas et efficaces existere et fore, suosque plenarios et integros effectus sortiri et obtinere debere, neque illas (etiam ex eo quod causae, propter quas emanarint, expressae, verificatae et iustificatae, seu personae huiusmodi, vel alii quicumque in praemissis interesse habentes, seu habere praetendentes, ad hoc vocati, citati et auditi non fuerint, neque illis consenserint, vel aliâs ex quocumque capite, praetextu, colore, ingenio, vel causâ) de subreptionis, vel obreptionis, seu nullitatis vitio, aut intentionis nostrae, vel alio quovis defectu notari, impugnari, redargui, infringi, retractari, in ius vel controversiam vocari, ad viam, seu terminos iuris reduci, aut aliud quodcumque iuris, gratiae vel facti remedium impetrari seu concedi posse; sicque, et non aliter, per quoscumque iudices ordinarios et delegatos, etiam causarum palatii apostolici auditores, ac sanctae Romanae Ecclesiae cardinales, etiam de latere legatos, et Sedis Apostolicae nuncios, quavis auctoritate fungentes, iudicari et definiri debere, ac irritum, et inane, si secus super his a quoquam, quavis auctoritate, scien-

¹ Subde contra eas (R. T.).

ter vel ignoranter, contigerit attentari, decernimus.

Derogatur
contrariis.

§ 5. Non obstantibus praeinsertis litteris huiusmodi, ac dictarum ecclesiarum (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis, et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, illorum tenores praesentibus pro plene et sufficienter expressis, ac ad verbum insertis habentes, illis aliâs in suo robore permansuris, ad praemissorum effectum, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Petrum, sub annulo Piscatoris, die xxv februaryi MDCXXV, pontificatus nostri anno II.

Dat. die 25 februaryi 1625, pontif. anno II.

CXVIII.

Erectio custodiae Bavariae fratrum Ordinis Minorum S. Francisci de Observantia reformatorum, in provinciam Reformatorum Discalceatorum Bavariae nuncupandam, cum communicatione omnium gratiarum spiritualium et temporalium provinciis Hispaniarum concessarum, ac nonnullis aliis ordinationibus pro bono huius provinciae regimine¹.

Urbanus Papa VIII;
ad perpetuam rei memoriam.

Sacrosanctum apostolatus ministerium humilitati nostrae, licet nullo meritorum suffragio, per ineffabilem divinae sapientiae providentiam commissum postulat, ut inter multiplices, gravissimasque aposto-

Exordium.

¹ De istis fratribus vide in Gregor. XV Constitut. xvi, *Onerosa*, tom. XII, pag. 577; et quae adnotavimus ad Const. XL, *Romanus*; ipsius Urbani VIII ut supra pag. 121.

licae servitutis curas, illam peculiari studio amplectamur, per quam personae sub suavi religionis iugo Salvatoris nostri obsequiis famulantes, felicioribus in dies proficiant incrementis.

Ex causis his expressis;

§ 1. Dum itaque, sicut accepimus, dilecti filii fratres Ordinis Minorum sancti Francisci de Observantiâ Reformatorum nuncupatorum custodiae Bavariae assiduis verbi Dei praedicationibus, continuâque sacramentorum ecclesiasticorum administratione, necnon aliis spiritualibus exercitiis, uberes in vineâ Domini fructus afferre noscantur:

Custodia Bavariae in provinciam erigitur;

§ 2. Nos, ut fratres praefati in piorum huiusmodi operum exercitio melius perseverare valeant, providere, ac felici illorum statui, quantum cum Domino possumus, peramplius consulere volentes, motu proprio et ex certâ scientiâ ac maturâ deliberatione nostris, custodiam praefatam in provinciam Ordinis eiusdem sancti Francisci Reformatorum Discalceatorum Bavariae nuncupandam [quae reformatâ, et aliis eorumdem fratrum reformatorum Discalceatorum nuncupatorum provinciis regnorum Hispaniarum conformis, et ad illarum instar esse,

Sub immediatâ dependentiâ a superioribus generalibus Ordinis;

§ 3. Necnon sub omnimodâ¹ ministri generalis dicti Ordinis, ac (eo Italicae nationis, et extra Italiam existente) eius vicarii generalis, necnon etiam commissarii generalis iuxta Bullam unionis electi (non autem commissariorum generalium eorumdem Ordinis et regnorum, nec superioris vel inferioris Germaniae, ita quod minister ac vicarius et commissarius generales praefati, iuxta Bullam huiusmodi electi, illam nonnisi per se ipsos, aut² commissarios Ordinis Reformatorum praefatorum visitare valeant) iurisdictione, auctoritate et superioritate,

¹ Perperam edit. Main. legit *omnimodo* (R. T.).

² Forsan legendum *non autem per commissarios, etc.* (R. T.).

§ 4. Cuiusque fratres iuxta declarationes felices recordationis Nicolai III et Clementis V Romanorum Pontificum praedecessorum nostrorum, vivere debeant¹,

Iuxta constitutiones Nicolai III et Clementis V.

§ 5. Et cum hoc etiam, quod ex nunc minister provincialis provinciae Bavariae huiusmodi omnem iurisdictionem, facultatem et auctoritatem, tam in fratres Ordinis praefati sibi subditos, quam circa novarum domorum eiusdem instituti in eâdem provinciâ foundationem seu erectionem aut aedificationem, nec non etiam circa novitios, aliaque in litteris apostolicis recolendae memoriae Gregorii Papae XIII etiam praedecessoris nostri contenta, prout alii ministri provinciales aliarum provinciarum fratrum eiusdem Ordinis Reformatorum Discalceatorum nuncupatorum, in omnibus et per omnia habeat;

Provinciali competens conceditur, iurisdicção;

§ 6. Ac tam ipsi, quam singularum domorum dictae provinciae fratrum Minorum S. Francisci Reformatorum Discalceatorum nuncupatorum Bavariae superiores, necnon singulares eorum, et cuiuslibet illarum personae, omnibus et singulis praerogativis, praeeminentiis, privilegiis, exemptionibus, immunitatibus, indultis, concessionibus, favoribus et gratiis spiritualibus et temporalibus, quibus alii huiusmodi ministri provinciales et illarum domorum regularium superiores et singulares personae uti, frui, potiri et gaudere possunt et poterunt quomodolibet in futurum, pariter et pariformiter, ac aeque principaliter, sine ullâ prorsus differentiâ, uti, frui, potiri et gaudere possint, et gaudeant;

Et privilegia

§ 7. Quodque nunc et pro tempore existens minister generalis praefatus, aut visitatores ab eo etiam pro tempore mittendi, statuta, constitutiones et ordinationes eiusdem provinciae Bavariae, illiusque

Cavetur quominus generalis huius provinciae constitutiones immutare

¹ Nicolai III Const. v in Const. III de verborum significatus, et Clem. V in Clementinus I in eodem titulo (R. T. ex Cherub.).

domorum regularium huiusmodi, nisi de consensu maioris partis fratrum vocalium dictae provinciae Bavariae in eorum capitulis provincialibus praestando, alterare vel immutare, aut eosdem fratres ab eorum modo vivendi, dummodo iuxta easdem declarationes vivant, disturbare,

Vel fratres Observantes possint Reformatos in quaestuis perturbare.

§ 8. Necnon, quod fratres Ordinis eiusdem sancti Francisci de Observantiâ nuncupati, infra limites eiusdem seu alterius provinciae existentes, collectas seu quaesturas ad domos regulares eiusdem provinciae Reformatorum Discalceatorum Bavariae spectantes (exceptis eis a fratribus dictae provinciae Bavariae in dicto eorum capitulo provinciali forsitan concedendis) occupare, aut eosdem fratres Reformatos Discalceatos provinciae Bavariae huiusmodi desuper perturbare, nullo unquam tempore possint nec valeant] apostolicâ auctoritate, tenore praesentium, perpetuo erigimus et instituimus.

Ministri generalis auctoritas.

§ 9. Et insuper eidem ministro generali, ut ministrum provincialem, custodem, et definitores dictae provinciae Bavariae creare et eligere, ceteraque omnia et singula in praemissis et circa ea necessaria et quomodolibet opportuna (etiâsi talia sint vel fuerint, quae magis specialem, specificam, individuum et expressam requirerent mentionem) facere, dicere, ordinare et exequi libere et licite possit et valeat, plenam, liberam et amplam, auctoritate et tenore praemissis¹, concedimus et impartimur licentiam et facultatem; ita tamen, ut fratres provinciae huiusmodi constitutionibus et ordinationibus in capitulo sive congregatione generali factis, quae strictiori observantiae non adversentur, subiaceant, ad illarumque observationem omnino teneantur.

Clausulae.

§ 10. Decernentes provinciam per praesentes erectam et institutam huiusmodi

¹ Perperam omnes edit. legunt *auctoritatem*; edit. autem Main. addit *et etiam* (R. T.).

decretis et declarationibus, a nobis et Romanis Pontificibus praedecessoribus et successoribus nostris, pro reformationibus et custodiis Italiae, emanatis seu emanandis, nullatenus subiectam et comprehensam esse vel fore, ac provincialem, custodem et definitores, aliosque superiores, ac fratres provinciae per praesentes erectae et institutae, a quoquam, quavis etiam archiepiscopali, aut episcopali, vel etiam maiori auctoritate fungenti¹, desuper molestari, inquietari, perturbari, aut impediri non posse;

§ 11. Sicque per quoscumque iudices et commissarios ordinarios vel delegatos (sublatâ eis, et eorum cuilibet, quavis aliter iudicandi et interpretandi facultate et auctoritate) iudicari et definiri debere; irritum quoque et inane quicquid super his a quoquam, quavis auctoritate, scienter vel ignoranter, contigerit attentari.

§ 12. Non obstantibus constitutionibus et ordinationibus apostolicis, atque etiam dicti Ordinis, illiusque provinciarum (etiam iuramento, confirmatione apostolicâ vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, eidem Ordini et provinciis, illiusque et illarum superioribus et personis, sub quibuscumque tenoribus et formis, ac cum quibusvis clausulis et decretis, in contrarium praemissorum quomodolibet concessis, confirmatis et innovatis: quibus omnibus et singulis, eorum omnium tenores praesentibus pro plene et sufficienter expressis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Omnium derogatio

Datum Romae, apud S. Petrum, sub annulo Piscatoris, die 1 martii MDCXXV, pontificatus nostri anno II.

Dat. die 1 martii 1625, pontif. anno II.

¹ Perperam edit. Main. legit *fungentes* (R. T.).

CXIX.

Commissio collectori Portugalliae, ut curret in regnis Portugalliae et Algarbiorum supersederi ab exequutione litterarum Gregorii XV de exemptorum privilegiis circa curam animarum et administrationem sacramentorum monialium monasteria, et praedicationem verbi Dei.

Dilecto filio magistro Ioanni Baptistae Daloto, in utraque signaturâ nostrâ referendario, furium et spoliis camerae nostrae apostolicae in Portugalliae et Algarbiorum regnis debitorum collectori generali,

Urbanus Papa VIII.

Dilecte fili, salutem et apostolicam benedictionem.

§ 1. Alias a felicis recordationis Gregorio Papa XV praedecessore nostro emanarunt litterae tenoris subsequenter, videlicet: *Gregorius episcopus*, etc. (Gregorii constitutionem vide in tom. XII, pag. 656).

§ 2. Cum autem, sicut accepimus, circa exequutionem litterarum praedictarum in Portugalliae et Algarbiorum regnis faciendam, nonnulla per dilectum filium Michaëlem Suarium Pereira, negotiorum regnorum huiusmodi pro carissimo in Christo filio nostro Philippo Portugalliae et Algarbiorum rege catholico in Romanâ curiâ agentem, eiusdem Philippi regis nomine coram dilectis filiis nostris Dominico Ss. Duodecim Apostolorum Gymnasio, Ioanne Garzia Ss. Quatuor Coronatorum Millino, ac Scipione Ss. Susannae, necnon Antonio S. Onuphrii titulorum presbyteris cardinalibus respective nuncupatis ad id a nobis specialiter deputatis deducta fuerint; idcirco donec deducta, ut praefertur, et quae deducenda fuerint, per Dominicum, Ioannem Garziam, Scipionem et Antonium cardinales praedictos, seu alios a nobis super his deputandos, maturius et plenius videantur atque considerentur;

1 Ex Regest. in Secret. Brev.

§ 3. Motu proprio et ex certâ scientiâ ac maturâ deliberatione nostris, deque apostolicae potestatis plenitudine, tibi per praesentes committimus et mandamus, ut in regnis Portugalliae et Algarbiorum praedictis tantum ad exequutionem praesentiarum litterarum huiusmodi supersederi, auctoritate nostrâ, cures et facias, donec aliter a nobis seu Romanis Pontificibus successoribus nostris provisum fuerit; contradictores quoslibet et rebelles, ac tibi in hoc non parentes, per sententias, censuras et poenas ecclesiasticas, aliaque opportuna iuris et facti remedia, appellatione postpositâ, compescendo, invocato etiam ad hoc, si opus fuerit, auxilio brachii secularis.

§ 4. Non obstantibus praeinsertis litteris huiusmodi, ceterisque in contrarium facientibus quibuscumque.

Datum Romae, apud S. Petrum, sub annulo Piscatoris, die III martii MDCXXV, pontificatus nostri anno II.

Dat. die 3 martii 1625, pontif. anno II.

CXX.

Indultum Tiniensibus consequendi indulgentiam anni iubilaei in ipsâ Tiniensi insula.

Urbanus Papa VIII,

Universis christifidelibus praesentes litteras inspecturis, salutem et apostolicam benedictionem.

Salvator noster Dominus Iesus Christus Dei filius, cuius licet immeriti vices in terris gerimus, ad hoc nobis ligandi et solvendi potestatem tradere voluit, ut super eius gregem excubantes illius saluti paterne incumbamus.

§ 1. Hinc est quod nos, attendentes populos et personas fideles insulae Tiniensis ob magnam distantiam et longinquitatem, aliaque legitima impedimenta, seu

1 Videretur legendum ab exequutione (R. T.).

2 Ex Regest. in Secret. Brev.

Præcipit Urbanus supersederi ab illarum exequutione.

Contraria tollit.

Exordium

Cum Tinienses nequeant hoc anno sancto Romam se conferre;

Recenset Gregorii litteras.

Sed cum nonnulla e contra a Portugalliae regia ministro fuerint allegata;

alijs ad hanc almam Urbem nostram pro consequendâ indulgentiâ praesentis anni iubilaei accedere non posse; et propterea ipsarum personarum fidelium in civitate ac dioecesi, ac insulâ praedictis existentium animarum saluti prospicere volentes, precibus quoque venerabilis fratris Nicolai episcopi Tinensis nobis super hoc humiliter porrectis¹ inclinati, de venerabilium fratrum nostrorum S. R. E. cardinalium negotio Propagandae fidei praepositorum consilio, deque Omnipotentis Dei misericordiâ ac beatorum Petri et Pauli apostolorum eius auctoritate confisi, omnibus et singulis utriusque sexus christifidelibus insulae praedictae vere poenitentibus et confessis ut² unam seu plures ecclesiam, seu ecclesias vel cappellas aut loca pia per dictum Nicolaum episcopum deputandas per quindecim dies continuos vel interpolatos (quos pro personis infirmis, senibus, praegnantibus, virginibus, viduis et aliis quovis alio legitimo impedimento detentis, ac capitularibus congregationibus tam secularium quam regularium, sodalitatibus, universitatibus, confraternitatibus, ecclesiam seu ecclesias, aut cappellas vel loca pia huiusmodi visitantibus, atque ob alias causas, prout dicto Nicolao episcopo videbitur, ad minorem numerum arbitrio suo reduci, et alibi etiam in terris et locis dictae insulae unam vel plures ecclesias visitandas³, prout animarum saluti cognoverit expedire, suo arbitrio deputari posse volumus) devote et reverenter visitando, et ibi quinquies orationem dominicam et toties salutationem angelicam pro peccatorum suorum remissione⁴, ac pro pace inter christianos principes conservandâ, et haeresum extirpatione, sanctaeque matris Ecclesiae exaltatione pie

ad Deum orando, plenariam eiusdem anni iubilaei omnium peccatorum suorum indulgentiam et remissionem consequantur, perinde ac si dicto iubilaei anno quatuor ecclesias dictae almae Urbis pro consequendo iubilaeo huiusmodi deputatas statutis ad id diebus personaliter visitassent, et alijs ad hoc requisita adimplevissent,

§ 2. Et ad effectum huiusmodi, illis, ut confessores, quos idem Nicolaus episcopus iubilaei huiusmodi causâ in statutis ecclesiis nominatis delegerit⁴, sibi eligere valeant presbyteros seculares vel cuiusvis Ordinis regulares, qui, confessionibus eorum diligenter auditis, eos et eorum quemlibet a quibusvis peccatis, criminibus, excessibus et delictis, etiam quantumcumque gravibus et enormibus, etiam Sedi Apostolicae reservatis, ac in litteris, quae in die Coenae Domini legi consueverunt, contentis, ac censuris et poenis ecclesiasticis, ad effectum ipsius iubilaei consequendum tantum, iniunctâ eis poenitentia salutari, absolvere possint,

§ 3. Neenon, ut illi, qui forsâ Romam venerunt, et iubilaeum ipsum quovis modo consequuti sunt, denuo etiam illud iuxta tenorem praesentium consequi valeant, auctoritate apostolica, harum serie, concedimus et indulgemus.

§ 4. Praeterea ipsi Nicolao episcopo, ut cuiusvis Ordinis monialibus, et orphanarum, aliarumque mulierum in communi viventium congregationibus ad iubilaeum intra monasterium, domusve suas consequendum conditiones, modum et tempus praescribere, et denique in praemissis omnibus et singulis arbitrio suo facere, ordinare et providere, et quaecumque sibi visa remedia opportuna adhibere possit, prout animarum saluti expedire iudicaverit, facultatem tribuimus.

§ 5. Praesentibus ad duos menses tantum a die publicationis praesentium, quam

Dat facultatem confessariis absolvendi a casibus reservatis Sedi Apostolicae.

Haec, qui Romam venerunt, denuo iubilaeum consequi.

Episcopi et moniales opera pro monialibus, etc. commutandi.

Praesentibus ad duos menses anno sequenti valituris.

1 Edit. Main. legit *porrecti* (R. T.).

2 Particulam *ut* nos addimus (R. T.).

3 Edit. Main. legit *visitando* (R. T.).

4 Heic deesse videtur *recitando* (R. T.).

Ille Pontifex praescripta per agentibus indulgentiam iubilaei elargitur.

anno proxime sequenti dumtaxat fieri volumus, computandos valituris.

Datum Romae, apud S. Petrum, sub annulo Piscatoris, die IV martii MDCXXV, pontificatus nostri anno II.

Dat. die 4 martii 1625, pontif. anno II.

CXXI.

*Facultates provinciae Romandiolae praesidi concessae ad annonam in eadem provinciâ procurandam*¹.

Venerabili fratri archiepiscopo Adrianopolitano, provinciae nostrae Romandiolae et exarcatus Ravennae praesidi,

Urbanus Papa VIII.

Venerabilis frater,
salutem et apostolicam benedictionem.

Facultas praesidi visitandi omnia loca et personas,

§ 1. Annonae copiae, quantum cum Domino possumus, ad subditorum nostrorum commodum et levamen consulere volentes, ac de tua singulari fide, diligentia, integritate et prudentia plurimum in Domino confisi, tibi, quem nuper provinciae nostrae Romandiolae et exarcatus Ravennae praesidem apostolicâ auctoritate deputavimus, per te, seu per personas a te deputandas, omnes et quascumque provinciae et exarcatus huiusmodi civitates, terras, oppida et loca, etiam ad quascumque personas tam seculares quam ecclesiasticas, ac cuiusvis Ordinis, congregationis et instituti, etiam hospitalis S. Ioannis Hierosolymitani regulares, etiam oneroso et quovis alio titulo exemptas, tam ducalis, baronalis, quam cuiusvis alterius dignitatis existentes, etiam cardinalatus honore fungentes, et nostros feudatarios spectantia et pertinentia, etiam nobis et dictae Sedi mediatè subiecta, et infra limites tui gubernii huiusmodi existentia, ad effectum infrascriptum visitare, ac quascumque civitatum, terrarum, oppidorum et locorum praedictorum personas supra expressas ad veram et realem granorum, bladorum, le-

Easque cogendi ad exhibendam notam rerum ad annonam et gra-

guminum, olei et aliarum rerum ad annonam et grasciam spectantium per eas quomodolibet possessarum notam et descriptionem tibi exhibendum et invitas cogere et compellere, ac frumenta, blada, legumina et alia huiusmodi e locis ad loca iuxta rei et casus exigentiam, prout in Domino videris expedire, transferre, ac ad frumentum, blada, legumina et alia praedicta vendendum similiter cogere et compellere (cum hoc tamen, ut in locis nobis et dictae Sedi mediate, ut praefertur, subditis et exemptis, ac circa personas ecclesiasticas praedictas, tamquam noster et eiusdem Sedis delegatus procedas, teque uti talem procedere semper declares),

sciam pertinentium.

Et huiusmodi res de loco ad locum transferendi, vendendi, etc.

Com facultatibus, quae annonae praefectui concedi solent.

§ 2. Insuper quascumque constitutiones apostolicas, necnon edicta, mandata, proclamata et banna generalia, ad favorem annonae et grasciae huiusmodi emanata, observari, necnon quascumque provisiones, ordinationes et alia omnia, quae propterea, ac etiam pro conservatione granorum, bladorum, leguminum, olei et aliarum rerum praedictarum in Statu Ecclesiastico, ac pro beneficio et felici gubernio annonae in civitatibus, terris, oppidis et locis huiusmodi necessaria esse et quomodolibet opportuna duxeris, etiamsi talia sint, quae magis specialem, specificam et expressam requirerent mentionem, cum facultatibus dilecti filii praefecti annonae per nos deputati, facere et ordinare et exequi libere et licite possis et valeas, plenam, liberam et amplam facultatem et auctoritatem apostolicâ auctoritate tenore praesentium concedimus et impartimur.

§ 3. Mandantes propterea in virtute sanctae obedientiae, ac sub indignationis nostrae, aliisque arbitrii nostri poenis, omnibus et singulis, ad quos quomodolibet spectat, ut quandocumque a te, seu personis a te deputandis huiusmodi, fuerint requisiti, omni et quacumque appellatione et reclamatione remotis, pareant et obe-

Mandatum de parendo.

¹ Ex Regest. in Secret. Brevium.

diant, ac opportunum favorem et auxilium tibi et illis efficaciter exhibeant et exhibere procurent.

Obstantium
derogatio.

§ 4. Non obstantibus constitutionibus et ordinationibus apostolicis, ac civitatum, terrarum, oppidorum et locorum, necnon hospitalis praedictorum (etiam iuramento, confirmatione apostolica, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, personis praedictis sub quibuscumque tenoribus et formis, ac cum quibusvis etiam derogatoriis derogatoriis, aliisque efficacioribus et insolitis clausulis, ac irritantibus et aliis decretis, in contrarium praemissorum quomodolibet concessis et innovatis. Quibus omnibus et singulis, eorum omnium tenores praesentibus pro plene et sufficienter expressis habentes, illis aliâs in suo robore permanens, hac vice dumtaxat specialiter et expresse derogamus, ceterisque contrariis quibuscumque. Praesentibus ad beneplacitum nostrum dumtaxat valituris.

Datum Romae, apud S. Petrum, sub anulo Piscatoris, die XI martii MDCXXV, pontificatus nostri anno II^o.

Dat. die 11 martii 1625, pontif. anno II.

CXXII.

Facultas eidem Romandiolae et exarcatus Ravennae praesidi bannitos absolvendi, etiamsi parti laesae non satisfecerint, dummodo abstineant a loco patrati delicti¹.

Venerabili fratri Ioanni archiepiscopo Adrianopolitano, provinciae nostrae Romandiolae et exarcatus Ravennae praesidi,
Urbanus Papa VIII.

Recenset praesuli
Romandiolae
a se datam

§ 1. Cum nos hodie motu proprio et ex certa scientiâ ac maturâ deliberatione

1 Eadem facultates eiusdem exempli Brevis concessae hac die fuerunt etiam Diomedio Varesio provinciae Marchiae Anconitanae gubernatori.

2 Ex Regest. in Secret. Brev.

nostris, deque apostolicae potestatis plenitudine, tibi, ut, casu aperitionis ac devotionis ad nos et Romanam Ecclesiam, Sedemque et Cameram Apostolicam feudi ducatus Urbini, necnon civitatum Senogalliensis et Pisuarensis, ac Status Montisferetrani, aliorumque dominiorum, civitatum, oppidorum, terrarum, fortalitorum, propugnaculorum et locorum quorumcumque etiam speciali notâ et expressione dignorum, in et sub Statu dicti ducatus Urbini et Montisferetrani ad praesens quomodolibet comprehensorum, seu per ipsum ducem quomodolibet possessorum, quandocumque et quomodocumque eveniente sive succedente, tu, per te, vel alium, seu alios, secundum rei et casus exigentiam, corporalem, realem et actualement possessionem ducatus, civitatum, dominiorum, oppidorum, terrarum et locorum praedictorum, eorumque territoriorum, districtuum, iurisdictionum, fortalitorum, sive propugnaculorum, membrorum, pertinentiarum et iurium quorumcumque nostro, Ecclesiae, Sedis et camerae praedictarum nomine, amotis et expulsis inde quibusvis detentoribus, sive occupatoribus, apprehendere et apprehensam retinere, aliaque tunc expressa facere, dicere, gerere et exequi libere et licite posses et valeres, plenam, liberam et ampliam facultatem et auctoritatem concesserimus, prout in nostris in simili formâ Brevis desuper expeditis litteris, quarum tenores praesentibus pro expressis haberi volumus, plenius continetur¹:

§ 2. Nos, ut praemissa, omniaque et singula in dictis litteris contenta melius et facilius executioni demandare valeas, quantum cum Domino possumus, opportune providere volentes, motu, scientiâ, deliberatione, deque potestatis plenitudine paribus, tibi, ut in eventus in eisdem lit-

1 Forsan illae sunt litterae, quas supra innuimus pag. 182 a (R. T.).

facultatem ducatus Urbini et Montisferetrani possessionem capiendi.

Nunc dat quoniam facultatem bannitos absolvendi, inunctis tamen quae hic praescribuntur.

teris expressos dumtaxat, et non alias, bannitos quoscunque, ex quantumvis capitalibus, praeterquam laesae maiestatis, veris, non fictis, et saepius iteratis, aggravatisque criminibus, excessibus et delictis damnatos, Status nostri Ecclesiastici, si poenitentia ducti ad te accedere, et in eodem eventus servitii Sedis Apostolicae operam navare, et alia illis per te iniungenda exequi voluerint, gratiose absolvere et liberare, eisque gratiam, absolutionem et remissionem in forma amplissimam, etiamsi illi pacem ab offensis non habuerint, nec parti laesae satisfecerint (dummodo a loco seu locis commissorum delictorum abstineant, neque ad illa accedant, nisi prius offeris satisfactis, et ab illis pace obtenta, alias gratiae vigore praesentium illis faciendae nullius sint roboris vel momenti) promittere et concedere, ac super bannitorum huiusmodi absolutione, liberatione et remissione publica banna et proclamata in locis necessariis publicare, aliaque omnia et singula in praemissis et circa ea necessaria et quomodolibet opportuna, etiamsi talia sint, vel fuerint, quae magis specificam, specialem et expressam requirerent mentionem, facere, dicere, gerere et exequi libere et licite valeas, plenam similiter, liberam et amplam facultatem et auctoritatem, tenore praesentium, concedimus et impertimur.

Contraria tollit.

§ 3. Non obstantibus felicis recordationis Sixti V, et aliorum quorumcumque Romanorum Pontificum praedecessorum nostrorum contra homicidas, bannitos et alios facinorosos quomodolibet editis constitutionibus et ordinationibus, privilegiis quoque, indultis et litteris apostolicis, in contrarium praemissorum quomodolibet concessis, confirmatis et innovatis. Quibus omnibus et singulis, eorum omnium et singulorum tenores praesentibus proplene et sufficienter expressis et ad verbum insertis habentes, illis alias in suo robore

permanens, hac vice dumtaxat specialiter et expresse derogamus, ceterisque contrariis quibuscunque.

§ 4. Volumus autem, ut ii, qui praedictas absolutiones, liberationes et remissiones in vim praesentium obtinuerint, poenitentiam salutarem sibi postmodum per confessarios idoneos a locorum Ordinariis approbatos, quibus plenam super praemissis facultatem concedimus iniungendam adimplere omnino teneantur.

Sic absolvi debent poenitentiam a confessario iniungendam adimplere.

Datum Romae, apud S. Petrum, sub anulo Piscatoris, die XI martii MDCXXV, pontificatus nostri anno II.

Dat. die 11 martii 1625, pontif. anno II.

CXXIII.

Concessio similium facultatum Marchiae Anconitanae gubernatori quoad affectum Montis Marchiani¹.

Dilecto filio magistro Diomedio Varesio, in utraque signaturam nostram referendario, provinciae nostrae Marchiae Anconitanae gubernatori,

Urbanus Papa VIII.

Dilecte fili, salutem et apostolicam benedictionem.

§ 1. Cum nos hodie motu proprio et ex certa scientia ac matura deliberatione nostris, deque apostolicae potestatis plenitudine, tibi, ut, casu aperitionis ac devolutionis ad nos et Romanam Ecclesiam, Sedemque et cameram Apostolicam feudi ducatus Urbini, nec non civitatum Senogalliensis et Pisauensis, ac Status Montisferetrani, aliorumque dominiorum, civitatum, oppidorum, terrarum, fortalitorum, propugnaculorum et locorum quorumcumque, etiam speciali nota et expressione dignorum, in et sub Statu dicti ducatus Urbini et Montisferetrani ad praesens quomodolibet comprehensorum, seu per ipsum ducem quomodolibet possessorum, quandocumque et quomodocumque eve-

Facti series et concessio de qua in rubrica.

¹ Ex Regest. in Secret. Brev.

niente sive succedente, tu, per te, vel alium, seu alios, secundum rei et casus exigentiam, corporalem, realem et actua-lem possessionem ducatus, civitatum, domi-niorum, oppidorum, terrarum et locorum praedictorum, eorumque territoriorum, districtuum, iurisdictionum, fortalitorum, sive propugnaculorum, membrorum, etc.¹ plenitudine paribus, te in eventus in eis-dem litteris expressos dumtaxat, et non alias, in et super affictu Montis Marciani, quoad annonam, ac bannitorum absolutio-nem, liberationem et remissionem, superin-tendentem cum omnibus et singulis facul-tatibus, gratis et indultis tibi per alias nostras in simili formâ Brevis super an-nonâ et bannitorum praedictorum abso-lutione, liberatione et remissione hodie expeditas litteras concessis, tenore prae-sentium, facimus, constituimus et deputa-mus.

Mandatum de
parendo.

§ 2. Mandantes propterea, sub indigna-tionis et aliis arbitrii nostri poenis, dicti loci afflictuariis, eorumque officialibus et ministris, ceterisque omnibus et singulis, ad quos spectat et pro tempore quomodo-libet spectabit, ut te in superintendentem huiusmodi, iuxta tenorem praesentium, reci-piant et recognoscant, tuisque monitis et mandatis salubribus prompte pareant et obediant, alioquin sententiam, sive poe-nam, quam rite tuleris, seu statueris in rebelles, ratam habebimus et faciemus auctore Domino usque ad satisfactionem condignam inviolabiliter observari.

Derogatio
contrariorum.

§ 3. Non obstantibus capitulis et con-ventionibus inter cameram apostolicam, et eiusdem oppidi Montis Marciani, illius-que terris et tenimentis afflictuvariorum initis, nec non regulâ nostrâ de iure quae-sito non tollendo, ac omnibus illis, quae in litteris praedictis voluimus non obstare, ceterisque contrariis quibuscumque.

Datum Romae, apud S. Petrum, sub an-nulo Piscatoris, die XI martii MDCXXV, pon-tificatus nostri anno II.

Dat. die 11 martii 1625, pontif. anno II.

CXXIV.

Mandat metropolitae Russiae, ut syno-dum provincialem singulis quadri-en-niis celebret¹.

Urbanus Papa VIII,
ad futuram rei memoriam.

Prooemium.

Sacrosanctum apostolatus officium hu-militati nostrae per ineffabilem divinae sapientiae providentiam commissum po-stulat, ut, licet inter gravissimas, multipli-cesque apostolicae servitutis curas super universas orbis ecclesias iuxta pastoralis officii debitum invigilemus, illis tamen peculiarem sollicitudinem impendamus, quae non solum in longinquis regionibus constitulae, verum etiam multis catholi-cae fidei hostium periculis expositae operâ Sedis Apostolicae iugiter noscuntur indi-gere.

§ 1. Hinc est quod nos, felici atque pro-spero ecclesiarum in provinciâ Ruthenâ seu Ruscâ existentium statui atque gu-bernio, quantum cum Domino possumus, consulere volentes, de venerabilium fra-trum nostrorum S. R. E. cardinalium ne-gotio propagandae in universo mundo fidei praepositorum consilio, venerabili fratri archiepiscopo Kioviensi eiusdem provinciae metropolitae per praesentes committimus et mandamus, ut, infra an-num proximum, concilium provinciale epi-scoporum, eorum scilicet, qui cum Ro-manâ Ecclesiâ tempore felicitis recordatio-nis Clementis Papae VIII praedecessoris nostri uniti sunt, iuxta praescriptum sa-crorum canonum necnon generalium conciliorum, convocet atque celebret.

Mandat infra
annum conci-
lium provinciale
cogi.

¹ Reliqua prout in constitutione praecedenti.

¹ Ex Regest. in Secret. Brev.

Idemque singulis quadriennii celebrari.

§ 2. Insuper, quod finito concilio provinciali, infra annum, ut praefertur, convocando et celebrando, ex tunc de cetero perpetuis futuris temporibus singulo quoque quadriennio simile concilium provinciale non minus unius hebdomadae spatio duraturum modo et forma praemissis convocari et celebrari omnino debeat, apostolica auctoritate, tenore praesentium, perpetuo statuimus et ordinamus.

Data metropolitanae facultatis episcopos ad id compellendi.

§ 3. Dantes plenam et amplam facultatem et auctoritatem eidem archiepiscopo nunc et pro tempore existenti tempus et locum celebrationis conciliorum huiusmodi praefigendi et assignandi, ac poenas sibi benevisas episcopis legitime non impeditis ad concilia huiusmodi non venientibus, et, qui venerint, ante finem celebrationis conciliorum huiusmodi praefigendum absque eiusdem archiepiscopi licentia recedentibus, imponendi et infligendi.

Clausulae.

§ 4. Decernentes, praesentes litteras validas et efficaces existere et fore, suosque plenarios et integros effectus sortiri et obtinere; sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere; ac irritum et inane, si secus super his a quoquam, quavis auctoritate, scienter vel ignoranter, contigerit attentari. In contrarium facientibus non obstantibus quibuscumque.

Datum Romae, apud S. Petrum, sub annulo Piscatoris, die XII martii MDCXXV, pontificatus nostri anno II.

Dat. die 12 martii 1625, pontif. an. II.

CXXV.

Pisano archiepiscopo committit, ut curet archiepiscopum Mithilenarum a Graecis Liburni commorantibus recipi atque audiri¹.

¹ Ex Regest. in Secret. Brev.

Venerabili fratri
Italiano, archiepiscopo Pisano,
Urbanus Papa VIII.

Venerabilis frater, salutem
et apostolicam benedictionem.

§ 1. Cum nos nuper ad regimen et salutem animarum christifidelium Graecorum in oppido Liburni tuae Pisanae dioecesis commorantium venerabilem fratrem Gabrielem archiepiscopum Mithilenarum, cuius integritas, fides et prudentia fide dignorum testimoniis apud nos comprobatur, apostolica auctoritate deputaverimus:

Archiepiscopum Mithilenarum deputat in visitatorem Graecorum Liburni commorantium.

§ 2. Nos, cupientes, ut christifideles praedicti eundem Gabrielem archiepiscopum in animarum suarum patrem recipiant et pastorem, doctrinamque eius audiant et sequantur, ac se ab eo doceri et in via salutis dirigi permittant, fraternitati tuae per praesentes committimus et mandamus, ut apud eosdem Graecos efficaciter cures, quod ipsi salubribus eiusdem Gabrielis archiepiscopi monitis et mandatis pareant et obediant: alioquin sententiam, sive poenam, quam idem Gabriel archiepiscopus contra inobedientes rite tulerit, ratam habebimus, et faciemus auctore Domino usque ad satisfactionem condignam inviolabiliter observari, in contrarium facientibus non obstantibus quibuscumque.

Mandat archiepiscopo Pisano, ut curet a Graecis recipi.

Datum Romae, apud S. Petrum, sub annulo Piscatoris, die XV martii MDCXXV, pontificatus nostri anno II.

Dat. die 15 martii 1625, pontif. anno II.

CXXVI.

Confirmatio quorundam statutorum ecclesiae metropolitanae Eborensis de probationibus super puritate sanguinis ab iis faciendis, qui ad dignitates, aliaque beneficia eiusdem ecclesiae promoventur¹.

¹ Ex Regest. in Secret. Brevium.

**Urbanus Papa VIII,
ad perpetuam rei memoriam.**

Exordium.

Sacrosanctum apostolatus officium humilitati nostrae per ineffabilem divinae sapientiae providentiam commissum postulat, ut, ad felicem atque prosperum ecclesiarum quarumlibet praesertim cathedralium statum, directionemque iugiter intendentes, ea, quae propterea facta fuisse dicuntur, ut firma perpetuo et illibata persistant, libenter cum a nobis petitur, apostolicae confirmationis patrocinio muniamus.

Archiepiscopus Eborensis statuta nonnulla edidit.

§ 1. Nuper siquidem, pro parte charissimi in Christo filii nostri Philippi Hispaniarum regis catholici exposito, quod venerabilis frater Iosephus archiepiscopus Eborensis, ad maiorem ecclesiae Eborensis decorem, divinique in eâ cultus augmentum, nonnulla statuta et ordinationes ediderat,

Quae Pontifex Congregationi Concilii examinanda tradidit.

§ 2. Nos statuta et ordinationes huiusmodi a venerabilibus fratribus nostris sanctae Romanae Ecclesiae cardinalibus sacri Concilii Tridentini interpretibus revideri et recognosci iussimus. Qui quidem cardinales in vim mandati nostri huiusmodi statuta et ordinationes in hunc, qui sequitur, modum redegerunt, videlicet:

Tenor huiusmodi statutorum.

D. Iosephus a Mello, Dei et Apostolicae Sedis gratiâ metropolitanus archiepiscopus Eborensis, notum facimus omnibus et singulis has nostras statuti, sub spe beneplaciti SS. D. N. Papae, sanctaeque Sedis Apostolicae, litteras visuris, lecturis et audituris: quod, cum videremus, nostram ecclesiam Eborensem esse unam ex metropolitanis regni Portugalliae et inter illas insignem, tum ob antiquitatem, reddituumque ubertatem, quibus ceteras praefati regni ecclesias antecedit, tum quia semper, et saltem ut plurimum, solita fuit gubernari per praesules regiae stirpis, eique semper inservierunt dignitates et canonici sanguinis claritate et litteris praestantes, ex quibus multi ad dignitatis epis-

copalis gradum assumuntur; et eam notabile damnum passuram in sua auctoritate et servitio, si ad illius dignitates, canonicatus, beneficia et officia admittantur personae ex hebraeorum sanguine descendentes, aut quae aliquâ maculâ huiusmodi, licet parvâ, per viam paternam seu maternam sint infectae, cum experientiâ doceat, huiusmodi hominum naturam esse turbulentam, et in ministerio Ecclesiae valde nocivam, et merito timeatur huiusmodi personarum incarceration propter crimen apostasiae, et errorum in fide, ut saepius contigit tempore praeterito; et passim tempore praesenti contingit, quod verget in notabile damnum nostrae ecclesiae, et dedecus et opprobrium tam illius, quam personarum illi inservientium; volentesque, quantum in Domino possumus, et pro officii nostri debito tenemur, his inconvenientibus et scandalis probabiliter eventuris occurrere, ut praefata nostra ecclesia perpetuis futuris temporibus honorifice veneretur, et auctoritatem tam multipliciter comparatam conservare possit; egimus non semel, sed iterum atque iterum saepius cum decano et capitulo dictae ecclesiae de condendo statuto, quo caveretur, ne persona aliqua praefatâ lae laborans ad beneficium aliquod, aut officium seu ministerium dictae ecclesiae admitteretur: cumque super formâ et clausulis statuti convenire non possemus, ut ad concordandum nobiscum praefatum decanum et capitulum adduceremus, ei multa et diversa media proposuimus, et procuravimus statutum ecclesiae Toletanae et aliud ecclesiae Colimbriensis, ut, huiusmodi statutis adhaerentes, aliud ad praefatam ecclesiam nostram conficeremus: quod tamen praefato decano et capitulo persuadere non potuimus: et aliquoties propter discordes illius opiniones a nostris, aliquoties etiam propter nimiam dilationem ex parte ipsius capituli pro-

curatam, huiusmodi negotii exequutio tamdiu impedita fuit, ut ad desperationem conficiendi negotii veniremus. Quare nos, desiderantes, ne huiusmodi discordiis et dilationibus tam utile, necessarium et honestum statutum, cum damno nostrae ecclesiae, differretur, ut¹ illud facere decrevimus, maturaque praecedente deliberatione, et sub spe beneplaciti SS. D. N. Papae et sanctae Sedis Apostolicae, ad divini cultus augmentum et ad nostrae ecclesiae Eborensis venustatem et honorem (statutis Toletanae et maxime Colimbriensis ecclesiarum adhaerentes, mutatis et additis, quae censuimus aptiora ad finem praetensum et ad meliorem statuti observantiam et exequutionem) in nomine Domini nostri Iesu Christi condimus, facimus et ordinamus statutum pro dictâ nostrâ ecclesiâ tenoris sequentis:

Quod ex nunc deinceps perpetuis futuris temporibus nulla dignitas, canonicatus et praebenda, aut semipraebenda, seu quartanaria, aut alia quaecumque beneficia hactenus in dictâ nostrâ ecclesiâ Eborensi erecta et instituta, seu in posterum erigenda et instituenda, per cessum, etiam ex causâ permutationis, vel per decessum, aut aliam quamvis amissionem vel dimissionem praefata beneficia pro tempore obtinentium, aut aliâ quovis modo vacantia, neque etiam per viam coadiutoriae, quibusvis clericis ex hebraeorum², vel eorum, qui ex paternâ lineâ usque ad infinitum vel ex maternâ usque ad septimum gradum inclusive eam infamiae notam contraxerint, aut aliquo quocumque modo personis simili labe infectis, vel etiam laborantibus, ut supra, sanguine coniuncti fuerint, conferri possint: idemque censendum fore de dignitatibus, canonicatibus et praebendis magistralibus et doctoralibus, et de aliis quibuscumque be-

neficiis in eâdem nostrâ ecclesiâ existentibus, etiam ex indultis apostolicis universitati studii generalis Colimbriensis, seu regiae illius academiae, aut eiusdem doctoribus et professoribus affectis, vel aliâ debitis, statuimus.

Quod ad¹ lites, controversias et dubia, quae desuper pro tempore dari possunt, statuimus, ut qui aliquo modo aliquam ex dignitatibus, canonicatibus, praebendis, semipraebendis, quartanariis, ceterisque omnibus beneficiis hactenus in dictâ nostrâ ecclesiâ Eborensis erectis et institutis, aut deinceps instituendis et erigendis in eâ, etiamsi sint universitati et academiae huiusmodi affecta, sibi quavis auctoritate conferri obtinuerit, antequam illius possessionem per se vel procuratorem suum assequatur et apprehendat, litteras super collatione et provisione huiusmodi, sibi expeditas iuxta formam antiqui dictae ecclesiae nostrae statuti, ex vi praesentis statuti praesentare teneatur archiepiscopo Eborensi qui pro tempore fuerit, ut praefatas litteras examinari, et iuxta huius statuti formam de huiusmodi proviso, seu praesentato, et sui sanguinis puritate faciat inquiri; quod tamen non habebit locum in inquisitoribus deputatis et ceteris ministris S. Officii inquisitionis, qui aliquando fuerunt, sunt vel pro tempore erunt, quia ii ad praedictarum dignitatum, canonicatum, praebendarum, semipraebendarum, quartanariarum, ceterorumque beneficiorum possessionem admittentur, absque ullâ super puritate sanguinis informatione faciendâ.

Quod omnes et singuli, qui ad huiusmodi beneficia admittendi erunt, prius iuramentum praestent in capitulo capitulariter congregato de huiusmodi statuto observando, et de illius derogatione, et iuramenti praedicti relaxatione, seu remis-

Litterae provisionis archiepiscopo exhibendae.

Iuramentum ab admittendis praestandum.

¹ Partic. ut redundare videtur (n. T.).

² Aliquid deest, stirpe, aut simile (n. T.).

¹ Forsan legendum quoad (n. T.).

sione, vel absolutione ullo¹ unquam tempore ab archiepiscopo, et capitulo, aut etiam a Romano Pontifice pro tempore existente, seu a Sede Apostolica, sive a quovis alio praelato, aut aliâ quacumque personâ non petendis, neque obtinendis, neque utendo obtentis, vel impetratis, vel motu proprio sibi concessis, nec ante huiusmodi iuramenti praestationem, et actum confectum de illo in libro capituli ad hunc effectum conficiendo, et per provisum subscriptum, in beneficii possessionem mittatur, seu inducatur, nec mitti, aut induci possit.

Quod si quis in possessionem alicuius ex praedictis dictae nostrae ecclesiae beneficii absque iuramenti huiusmodi receptione admissus fuerit, vel ei possessio beneficii quomodocumque tradita fuerit, possessionis huiusmodi actus eo ipso nullus, nulliusque vigoris seu roboris existat, et huiusmodi possidens non possessor, sed intrusus censeatur in iudicio et extra.

Quod archiepiscopus pro tempore existens, ubi primum sibi ab aliquo proviso, seu praesentato, seu eius procuratore praesentatae fuerint litterae provisionis, seu collationis, aut praesentationis, statim deputet duos canonicos praefati capituli, et unum ex notariis approbatis curiae Ebo-rens, ut exarginent testes super qualitate generis provisi seu praesentati petentis beneficii possessionem: qui quidem canonici et notarii careant omnino sanguinis impuritate, nec aliquo modo ex praefatorum hebraeorum sanguine descendant, et qui deputati fuerint ad faciendam informationem, nullo modo se poterunt eximere ab illâ faciendâ, poteritque archiepiscopus illos et illorum quemlibet parere recusantes cogere per censuras et poenas pecuniarias, seu fructuum suorum beneficiorum subtractionem.

Quod si informatio facienda sit extra

1 Edit. Main. legit nullo (R. T.).

urbem et eius territorium, in tali casu, ut sumptibus provisi seu praesentati parcat, diriget archiepiscopus litteras commissionis ad vicarium loci, in quo informatio faciendâ erit, ut examinet testes, et scribat informationem, dictaque testium scribat scriba ipsius vicarii, dummodo uterque, ut supradictum est, nullam praefati impuri sanguinis maculam habeat, quo casu alter loco inhabilis sufficietur per archiepiscopum, et praefati commissarii, tam deputati ex gremio capituli, quam vicarii, in faciendâ informatione servabunt formam traditam ab archiepiscopo, nullusque testis admittetur a proviso seu praesentato productus, aut qui aliâ non sit idoneus.

Quod facta informatio in formâ supradictâ tradetur archiepiscopo per illum examinanda, eâque examinâtâ, per decretum suum in scriptis declarabit provisum seu praesentatum habilem ad beneficium, ei-que dandam et debere dari beneficii possessionem: et cum tali decreto per ipsum archiepiscopum subscripto provisos iam qualificatos capitulum adibit, et petet beneficii possessionem, et in eam a capitulo mittetur in vim et executionem praefati decreti, et absque illo modo nullo in possessionem mittetur: et si absque huiusmodi decreto, vel absque praestatione iuramenti, de quo supra fit mentio in tertio capitulo huius statuti, possessionem apprehenderit, et ad illam admittatur, talis actus et possessio nullius sit roboris et momenti, et intrusus in iudicio et extra habeatur, et fructus non faciat suos, neque illi de illis ullo modo respondeatur, careatque talis intrusus omni actione repetendi restitutionem, nec se spoliatus dicere possit, nec ei restitutionis de iure debitae spoliato actio competat; decretum tamen seu declaratio super sanguinis puritate fieri debeat infra sex menses a die praesentationis litterarum inchoandos, qui-

Forma in probationibus super puritate sanguinis faciendis servanda.

bus ante huiusmodi declarationem elapsis, obiectio impuritatis sanguinis minime obstet proviso, quominus debeat in possessionem immitti.

De fructibus
beneficii vacan-
tis.

Quod fructus, redditus, proventus, emolumenta, et distributiones, etiam quotidianae, spectantes et spectantia ad beneficii possessionem petentis¹, a die, quo titulus collationis, provisionis, seu praesentationis archiepiscopo praesentatus fuerit per ipsum provisum, aut praesentatum, seu eius procuratorem, et ipse, vel eius procurator petierit, ut informatio fiat, dependantur apud personam, seu personas, in quarum potestate tuto asserventur, ut proviso, seu praesentato post praestitum praefatum iuramentum, apprehensamque possessionem beneficii ex decreto per archiepiscopum ferendo super informatione, omnes tradantur tamquam si praesens esset in ecclesiâ et in choro, dummodo a praefato praesentationis die instet pro faciendâ informatione per se, vel per suum procuratorem, et per illum non stet, et sit praesens in urbe Eborensi.

Quod, non obstante quacumque habilitatione, si quis ex capitularibus, aut aliis quibuscumque beneficiatis nostrae ecclesiae praefatae contra possessionem sic iam apprehensam aliquod impedimentum ex supradictis opponere voluerit, ad id admittatur: hac tamen conditione, quod si non probaverit appositum impedimentum, et appositum malitiose fuisse constiterit, graviter et acerbè puniatur opponens, et voce activâ et passivâ perpetuo privatus existat.

Quod si in admissione alicuius dignitatis, canonici, praebendati, semipraebendati, alteriusve beneficiati, quicumque ille sit, secretarius capituli, aut canonicus eiusdem ab eodem capitulo ad id deputatus, nomine archiepiscopi et capituli coram possessionem petente, vel eius procuratore, antequam ad possessionem admit-

tatur, protestetur, quod¹ si in posterum ullo unquam tempore compertum fuerit, aut aliâs iuridice constiterit ad possessionem huiusmodi admitti petentem aliquo ex supradictis impedimentis esse infectum, provisio sibi facta cum litteris desuper expeditis, et inde sequuta huiusmodi possessio ab ipsâ possessionis die, etiamsi postmodum triennalis vel maioris temporis possessor efficiatur, nullius roboris et momenti existat, ac dignitas, canonicatus, et praebenda, aut semipraebenda, quartanaria, et quodcumque aliud beneficium in praefatâ nostrâ ecclesiâ iam fundatum, erectum et institutum, aut in posterum in eâ fundandum, erigendum et instituendum, per talem obtentum, vacet eo ipso, ita ut de illo per Romanum Pontificem alteri idoneo et qualificato conferri possit, ipseque possessor omnes et singulos fructus, redditus, proventus et distributiones quotidianas, aliaque emolumenta per eum percepta, tamquam intrusus, et canonico titulo carens, restituere et rependere teneatur, actusque huiusmodi protestationis conficietur, et a praesentibus et petente huiusmodi ad possessionem admitti aut eius procuratore subscribetur, illiusque etiam observantia ab eo iurari debet.

Quod archiepiscopus curabit, ut officia reliqua praefatae nostrae ecclesiae provideantur solum personis praefatâ sanguinis labe carentibus, nullusque etiam ad ministerium ecclesiae, et eius sacristiae, aut chori admittatur, qui dictâ labe laboret. Circa huiusmodi autem officialium et ministrorum qualificationem fient informationes, antequam in possessionem officiorum seu ministeriorum mittantur, prout archiepiscopo magis expedire videbitur. Quod si post adeptam possessionem deprehensum iuridice fuerit, aliquem ex admissis a praefatâ hebraeorum stirpe descendere, eo ipso provisio quaelibet talis

De informa-
tionibus et testi-
bus.

¹ Edit. Main. legit *petentes* (n. T.).

¹ Vox ista quod redundare videtur (n. T.).

officii seu ministerii et possessio inde sequuta nullius sint roboris et momenti, et eo ipso talis provisus et possidens privatus censeatur, et tale officium seu ministerium alteri committatur et provideatur tanquam vacans, nec qui provisionem et possessionem obtinuerat, possit se dicere spoliatus, nec actio de iure competens spoliatis ei ullo modo suffragetur.

Quod tam archiepiscopus, quam eius commissarii per ipsum nominati ad faciendas informationes (si SS. D. N. Papae, sanctaeque Sedi Apostolicae placuerit) habeant omnem iurisdictionem necessariam, quando, quoties, et ubi opus fuerit, ut possint cogere et compellere testes ad ferendum testimonium et eos ad id vocare, et facere omnia ad hoc negotium necessaria, et super eo procedere per censuras, poenas pecuniarias, et per alia iuris et facti remedia.

Quod supplicetur a SS. D. N. Papa, et a sanctâ Sede Apostolicâ, ut, non obstante defectu consensus capituli, illum sine causâ iustâ multoties denegantis et differentis, huiusmodi statutum, prout in illo continetur, dignetur approbare, confirmare, eique robur firmitatis apostolicae adiacere cum clausulis necessariis et opportunis ad illius plenam observantiam et executionem. Quae omnia nos praefatus D. Iosephus a Mello archiepiscopus Eborensis statuimus et ordinamus, ut perpetuis futuris temporibus observentur in nostrâ ecclesiâ per nos et per archiepiscopos Eborenses pro tempore existentes et dictae ecclesiae capitulares, sub spe tamen beneplaciti SS. D. N. Papae, sanctaeque Sedis Apostolicae, et approbationis et confirmationis ab eo et eâ concedendae; quod beneplacitum et approbationem et confirmationem suppliciter et humillime petimus. Datum Madridi sub nostri nominis subscriptione, sigillique nostri impressione, trigesimo die mensis augusti anno a Na-

litate Domini nostri Iesu Christi MDCXXIII. Antonius Gometius, noster secretarius scribi fecit hoc statutum, et subscripsit. Iosephus archiepiscopus Eborensis.

§ 3. Cum autem dictus Philippus rex, pro maiori statutorum et ordinationum huiusmodi firmitate, illa a nobis approbari et confirmari summopere desideret:

Huiusmodi statuta confirmari rex petit.

§ 4. Nos, pio eiusdem Philippi regis desiderio, quantum cum Domino possumus, annuere volentes, supplicationibus eius nomine nobis super hoc humiliter porrectis inclinati, de eorundem cardinalium consilio, praecursora statuta et ordinationes, apostolicâ auctoritate, tenore praesentium, perpetuo approbamus et confirmamus, illisque inviolabilis apostolicae firmitatis robur adiacimus; ac omnes et singulos tam iuris quam facti defectus, si qui desuper quomodolibet intervenerint, supplemus.

Confirmat Urbanus.

§ 5. Decernentes statuta et ordinationes, praesentesque litteras semper et perpetuo valida, firma et efficacia esse et fore, suosque plenarios et integros effectus sortiri et obtinere, ac ab omnibus, quos illa quomodolibet concernunt et concernere possunt in futurum, inviolabiliter observari; sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere; ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Clausulas appoint.

§ 6. Non obstantibus constitutionibus et ordinationibus apostolicis, ac dictae ecclesiae Eborensis (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, eorum omnium tenores praesentibus pro plene

Contraria tollit

De obtinenda Papae confirmatione.

et sufficienter expressis habentes, illis alias in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Petrum, sub annulo Piscatoris, die xx martii mdcxxv, pontificatus nostri anno II.

Dat. die 20 martii 1625, pontif. anno II.

CXXVII.

Ex voto Congregationis Concilii declaratur, in translationibus episcoporum, ecclesiae vacationem ab ea die esse computandam, qua episcopus ab eius vinculo absolvitur in consistorio¹.

Urbanus Papa VIII,
ad perpetuam rei memoriam.

Causae foren-
di decreti.

§ 1. Nobis nuper pro parte dilectorum filiorum cleri Hispaniarum expositum fuit, quod, occurrentibus in illis regnis ecclesiarum cathedralium per dimissionem sive translationem vacationibus, eas non induci praetenditur, quousque episcopus translatus ecclesiae noviter obtentae, ac successor dimittentis ecclesiae dimissae possessionem adepti non fuerint: ideoque tam ipsos episcopos quam eorum vicarios interim ordinariam iurisdictionem retinere, eoque² sub praetextu, quod, cum translationes et dimissiones huiusmodi de translatorum et dimittentium consensu fiant, non intelligatur ecclesia dimissa, neque episcopus ab illius vinculo absolutus, quousque de huiusmodi consensu non constiterit; de quo minime constare potest, cum a tergo litterarum apostolicarum non adnotetur, prout fieri solet in expeditionibus beneficiorum inferiorum, quae fiunt per concessum, nec de illo fit adnotatio particularis, de qua secretarii consistorialis attestatio haberi queat; unde oritur, quod iurdictio penes

episcopum translatum seu dimittentem esse videatur, quousque de tali consensu appareat per aliquem actum positivum subsequenter, qui nonnisi ex captâ possessione vigore litterarum apostolicarum huiusmodi resultare poterit.

§ 2. Nos, inconvenientibus et litium anfractibus, qui ex praemissis oriri possunt, quantum cum Domino possumus, obviare, ac clerum huiusmodi specialibus favoribus et gratiis prosequi volentes, et singulares illius personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis a iure vel ab homine quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum, harum serîe absolventes, et absolutas fore censentes, supplicationibus illorum nomine nobis super hoc humiliter porrectis inclinati, de venerabilium fratrum nostrorum sanctae Romanae Ecclesiae cardinalium Concilii Tridentini interpretum, quibus negotium huiusmodi mature ac diligenter examinandum et nobis referendum commisimus, consilio, ecclesiam, a qua episcopus de suo consensu transferetur, ab eo tempore vacare¹, quo idem episcopus ab illius vinculo in nostro et pro tempore existentis Romani Pontificis consistorio absolvitur, etiam ante expeditionem litterarum apostolicarum, vel ad² praedictam secundae ecclesiae possessionem, posteaque vero ex testimonio, seu documento secretarii sacri collegii, vel alio modo huiusmodi absolutionis notitiam episcopus translatus habuerit, illico eum ab exercitio ordinariae iurisdictionis abstinere debere, eamque in capitulum transire, ita ut statim capitulum eadem iurisdictione uti, sedem vacantem publicare, atque officialem seu vicarium ad dicti concilii praescriptum constituere possit et debeat;

Decretum, de
quo in rubrica.

¹ Ex Regest. in Secret. Brev.

² Potius legendum eo (R. T.).

¹ Subintellige *decernimus*, ut in fine § 3 (R. T.).

² Aptius lege *ante* (R. T.).

Claustra.

§ 3. Praesentes quoque litteras perpetuo validas, firmas et efficaces existere et fore, suosque plenarios et integros effectus sortiri et obtinere, necnon clero praedicto in omnibus et per omnia suffragari, sicque per quoscumque iudices ordinarios et delegatos, etiam causarum palatii apostolici auditores, ac eiusdem S. R. E. cardinales, etiam de latere legatos, et Sedis Apostolicae nuncios, quavis auctoritate fungentes, iudicari et definiri debere; ac irritum et inane, si secus super his a quoquam, quavis auctoritate, scienter vel ignoranter, contigerit attentari, apostolicâ auctoritate, tenore praesentium, decernimus et declaramus.

Obstantium derogatio.

§ 4. Non obstantibus constitutionibus et ordinationibus apostolicis, necnon ecclesiarum huiusmodi (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, illorum tenores praesentibus pro plene et sufficienter expressis ac ad verbum insertis habentes, illis aliâs in suo robore permansuris, ad praemissorum effectum hac vice duntaxat specialiter et expresse derogamus, ceterisque contrariis quibuscumque.

Datum Romae, apud S. Petrum, sub annulo Piscatoris, die xx martii mdcxxv, pontificatus nostri anno ii.

Dat. die 20 martii 1625, pontif. an. ii.

CXXVIII.

Adhortatio ad patriarchas, archiepiscopos et episcopos, ut ipsi et christifideles omnes, bonis operibus muniti, Deum pro pace et concordia inter christianos principes inducendâ, et christiani populi incolumitate assequendâ efficacibus precibus exorent.

Bull. Rom. — Vol. XIII.

Urbanus Papa VIII,

Venerabiles fratres,

salutem et apostolicam benedictionem.

§ 1. Tonitrua ultionis Omnipotentis exterrant Europam, et furente discordiarum turbine concutiuntur fundamenta orbis terrarum. Consurgunt principes indignantes de solis suis, et nationes ardentes odio sitiunt sanguinem et ad arma properant. Armata haeresis, existimans abscondi non posse acceptarum cladum ignominiam nisi in templorum incendiis, non patitur in Germaniâ conquiescere religionem, quamvis clarissimis viris triumphantem; quin immo ostentans faces exitiales, et remota accersens auxilia, tempestates saevientis oceani Romano Imperio minatur. Belgium diuturnis bellis vexatum, ut intestina dissidia coërceat, non potest propria viscera non laniare, eorumque populorum, internecionem, quos vellet paterno patrocinio tueri, cogitur appellare victoriam.

Bellorum tumultus per Europam.

§ 2. Haec regio pacis et religionis arx Italia, quae exterarum provinciarum calamitates misericors spectatrix lamentabatur, fit hac tempestate campus seditionum, et ea bellorum incendia in Valtellinâ, finitimisque regionibus timet excitari, quae nonnisi gentium sanguis et principatum casus extinguat.

Ac per Italiam duplicat.

§ 3. Periculum autem est, ne, hac arrepta occasione, pestiferum haeresum virus latius se diffundat, et animorum sanitatem corrumpat contagione impietatis. Quocumque enim animo bellum inter christianos principes geratur, non potest tantâ moderatione administrari, quin plerumque triumphos sceleri ferat, et naufragia religioni. Iam vero audaces illae haereticorum militantium voces audiri sine lachrymis non possunt, qui impiam causam defendere se posse gloriantur frameâ Dei nostri, idest, potentiâ principum catholicorum. Neque solum haec aestimanda sunt

Unde praesentibus litteris haec res diffundatur.

1 Edit. Main. legit *Romani* (A. T.).

damna, quia regionibus vastitatem et animis perniciem parant, sed quia beatissimos triumphos creduntur adimere hoc tempore christianitati.

Pontifex in dolore positus paratum se pro Dei gloria vitam effundere profitetur.

§ 4. Haec tam vasta et tam minax humanarum miserationum scena quodnam lachrymantibus oculis Pontificiae charitatis spectaculum praebeat, facile conicere potestis, venerabiles fratres. Tamen neque animum despondemus, qui scimus, Dominum aliquando in tempestate et turbine delitescere; neque inanibus querimoniis tempus ducimus, qui lamenta viribus destituta putamus haberi potius solatia pereuntium, quam periclitantium auxilia. Accenditur velut ignis zelus noster, et, si noster sanguis fortiter fusus opportuna est medicina aegrotanti reipublicae, gaudentes in proprio damno salute filiorum, vitam ipsam pro Dei gloria devovemus. Omnipotentem cordium scrutatorem testamur, nos Caesarum triumphis anteferre eas Pontificum aerumnas, qui digni habiti sunt pro nomine Iesu contumeliam pati, et divinum pastorem imitantes, animam suam posuerunt pro ovibus suis.

Omnemque adhibere coram ad pacem conciliandum.

§ 5. Cum autem non videatur eiusmodi holocaustis hoc tempore delectari pontifex sempiternus, ea consilia dies noctesque meditatur, quae habeantur arma lucis ad profligandum patrem discordiarum. Armamus quidem ecclesiasticas legiones, ne opus Dei facere negligenter arguamur; at enim eodem tempore nullum praetermittimus officium, quo possit conciliari concordia regum et leniri furor armorum.

Hac de causa cardinalem Barberinum ad principes legavit.

§ 6. Tandem, postquam accuratissimis precibus flagitavimus pacem Numinis dissipantis gentes quae bella volunt, decrevimus id remedium adhibere, quod in consimili rerum discrimine non semel peperit incolumitatem orbi christiano. Ergo nuper, approbante apostolico senatu, declaravimus Ecclesiae universae pastorem sollicitudinem cardinalitatis legatione. Se-

legimus vero Franciscum cardinalem Barberinum fratris nostri filium. Creditur pontificia consanguinitas non levem actori publicae causae adiungere auctoritatem: porro autem allegantes eum, quem natura nobis voluit esse charissimum, videmur luculentius paternum affectum testari generi humano. Nunquam certe nos ei gravissimum hoc terrarum tumultuantium negotium mandarem, nisi exploratum nobis foret, eam illi mentem inesse, ut gloriam Dei et populorum salutem existimet verum ecclesiasticorum principum thesaurum ac triumphum. Nunc autem ille ad potentissimos reges proficiscitur, curaturus, ut exoptata christianae reipublicae concordia laetificet moerentem Ecclesiam, et propugnacula communiat publicae incolumitatis.

Hortaturque episcopos omnes, ut pacem a Deo petant.

§ 7. Timidae sunt cogitationes hominum, et consilia mortalitatis non raro ludibria existunt, nisi pater luminum cordibus nostris infundat Spiritum sapientiae et fortitudinis. Quare, venerabiles fratres, in partem sollicitudinum nostrarum vocati, congregate hoc tempore populos, et quasi tubae exaltate vocem vestram. Currat christiana plebs ad arma iustitiae, muniatur sacco et cilicio, quibus lorica salutis conficitur, et distringens gladium ancipitem orationibus conflatum, profliget legiones inferni, ut potentium Ninivitarum gemitus imitata leniat iram Dei furore suo terras arguentis. Tum autem eum orate, ut dei verba sua in ore apostolici legati, ne pax, quae Christi in caelum redeuntis testamentum fuit et haereditas, a filiis discordiarum temere dissipetur. Turris fortissima nomen Domini: ad hanc confugiant iusti, et fides, quae montes transferre et maria potest perambulare, sentiet, montes Sion esse in civitate mysticae Hierusalem, et Dominum potentem in praelio excubare in circuitu populi sui. Omnipotens princeps pacis, qui arcum conteris et confringis arma impiorum, in manu tua sunt corda

dominantium, et sub te curvantur, qui portant orbem: emitte e thesauris misericordiae sempiternae spiritum charitatis, qui christianorum principum voluntates conciliet: effice, ut, foederatis potentium viribus atque animis, in hac altissima terrarum speculâ canere quamcitissime possimus¹ classicum caeli, atque uti tanto armorum apparatu ad regnum Dei propagandum plaudente concilio iustorum et triumphante fide orthodoxâ. Iustissimi huius voti spem et fiduciam praebere potest Omnipotens fidelium precibus exoratus, venerabiles fratres, a quibus pium hoc solatium expectamus: vobisque apostolicam benedictionem peramanter impartimur.

Datum Romae, apud S. Petrum, sub annulo Piscatoris, die xxv martii mdcxxv, pontificatus nostri anno II.

Dat. die 25 martii 1625, pontif. an. II.

CXXIX.

Declaratio, quod regnum Portugalliae in legatione Hispaniarum comprehendatur².

Dilecto filio nostro Francisco S. Agathae diacono cardinali Barberino nuncupato, nostro secundum carnem ex fratre germano nepoti, ad charissimum in Christo filium nostrum Philippum Hispaniarum regem catholicum nostro et Apostolicae Sedis de latere legato,

Urbanus Papa VIII.

Dilecte fili,
salutem et apostolicam benedictionem.

§ 1. Cum nos nuper te ad charissimum in Christo filium nostrum Philippum Hispaniarum regem catholicum, ac universa Hispaniarum regna, illarumque provincias, dominia, civitates, oppida, terras et loca eidem Philippo regi subiecta et dictis regnis adiacentia, et ad quoscumque etiam christianos principes, ceteraque alia loca,

¹ Verbum *possimus* addimus ex Cherub. (R.T.).

² Ex Regest. in Secret. Brev.

ad quae te declinare contigisset, nostrum et Apostolicae Sedis de latere legatum destinaverimus; tibi, ut regnorum ac personarum et locorum eorundem salutem et statui operâ tuâ consuleretur, certas tunc expressas facultates concesserimus, prout in diversis nostris, tam sub plumbo, quam in simili formâ Brevis, desuper expeditis litteris, quarum tenores praesentibus pro expressis haberi volumus, plenius continetur;

§ 2. Cum autem a nonnullis forsân dubitari posset, an in praedictis Hispaniarum regnis et dominiis, ipsi Philippo regi subiectis, Portugalliae et Algarbiorum regna comprehenderimus, teque ad illa et eorum populos nostrum et eiusdem Sedis de latere legatum huiusmodi, ut praefertur, destinaverimus: nos, ut omnis in et super praemissis dubitandi, sive aliâs quomodolibet haesitandi materia e medio tollatur, opportune providere volentes, motu proprio et ex certâ scientiâ nostris, tenore praesentium, declaramus, et in verbo Romani Pontificis attestamus, mentis et voluntatis nostrae fuisse et esse, in praedictis Hispaniarum regnis et dominiis Portugalliae et Algarbiorum regna huiusmodi comprehendere et comprehendisse, teque ad illa et eorum populum universum, cum omnibus et singulis facultatibus praedictis, nostrum et eiusdem Sedis de latere legatum destinare et destinasse, ut praefertur.

§ 3. Praeterea, quo in delato tibi per nos legationis huiusmodi munere erga eiusdem Sedis devotos et fideles, tam in Portugalliae, quam Hispaniarum regnis, illorumque provinciis, dominiis et aliis locis praedictis consistentes, te gratiosum et benignum uberius exhibere valeas, circumspectioni tuae, ultra facultates tibi per nos, ut supra, concessas, ut super quorumcumque beneficiorum ecclesiasticorum, tam secularium quam cuiusvis Ordinis regularium, et aliâs quomodolibet

Nunc declarat, mentem suam fuisse sub hac legatione Portugalliae quocumque regnum comprehendere

Poenitentesque ad id eodem concedit facultates, per quos re-exvandi ut beneficia ecclesiastica conferantur.

Urbanus cardinalem Barberinum Hispaniae legatum deputaverat.

qualificatorum, de quibus tamen iuxta litterarum nostrarum praedictarum tenorem disponere potes, fructibus, redditibus, proventibus, iuribus, obventionibus et emolumentis universis, tam certis quam incertis, ac etiam distributionibus quotidianis, quas cumque pensiones annuas, non tamen medietatem fructuum, reddituum et proventuum huiusmodi excedentes (seu eosdem fructus, redditus et proventus usque ad dictam medietatem loco pensionum earumdem) quibusvis personis tibi benevisis, etiam quaecumque, quotcumque et qualiacumque beneficia ecclesiastica, cum curâ et sine curâ, et aliâs quomodolibet qualificata, etiam ex quibusvis concessionibus et dispensationibus apostolicis, in titulum, commendam, administrationem, aut aliâs quomodolibet obtinentibus, et expectantibus, aliisque clericali saltem characterè insignitis et aliâs pensionum huiusmodi capacibus, eis, quoad vixerint, vel eorum legitimis procuratoribus, per beneficia ipsa pro tempore quomodolibet obtinentes annis singulis, ac in locis et terminis, ac sub privationis, aliisque sententiis, censuris et poenis ecclesiasticis, necnon vinculis, clausulis et cautelis in litteris reservationum pensionum huiusmodi apponi solitis, persolvendas, de consensu tamen illorum, qui pensiones ipsas pro tempore solvere debebunt, auctoritate nostrâ reservare, constituere et assignare¹; necnon in provisionibus, seu commendis, per te in vim dictarum facultatum faciendis cum eisdem personis, ut quaecumque duo dissimilia, vel simplicia similia, si invicem tamen compatiuntur, beneficia ecclesiastica, etiamsi unum ex illis omnibus cum curâ, aut dignitas, etiam maior, vel principalis, canonicatus et praebenda², personatus, administratio vel officium fuerit, et ad ea consueverit quis per electio-

¹ Syntaxis exigit addi verbum *valeas* (R. T.).

² Edit. Main. legit *praebendae* (R. T.).

nem assumi, eique cura etiam iurisdictionalis immineret animarum, si sibi aliâs canonice per te conferantur, recipere, et, dummodo illa omnia, uno excepto, personalem residentiam non requirant, insimul quoad vixerint retinere libere et licite valeant, auctoritate praedictâ dispensandi, illisque concedendi et indulgendi, necnon omnia et singula beneficia ecclesiastica in dictis facultatibus quomodolibet qualificata, etiam per obitum familiarium tuorum, donec ex causâ legationis huiusmodi abfueris, vacantia¹, etsi singulorum beneficiorum praedictorum fructus, redditus et proventus vigintiquatuor ducatorum auri de camerâ secundum communem aestimationem valorem annuum excedant, modo et formâ in eisdem facultatibus expressis, conferendi, et de illis disponendi, plenam, liberam et amplam facultatem, auctoritate et tenore praedictis, concedimus et impertimur.

§ 4. Non obstantibus apostolicis, ac in universalibus, provincialibusque conciliis editis et edendis, generalibus vel specialibus, constitutionibus et ordinationibus, necnon ecclesiarum, in quibus beneficia huiusmodi forsâ fuerint (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, ceterisque omnibus et singulis, quae in dictis litteris volumus non ob stare, ceterisque contrariis quibuscumque.

Datum Romae, apud S. Petrum, sub annulo Piscatoris, die xxviii martii mdcxxv, pontificatus nostri anno ii.

Dat. die 28 martii 1625, pontif. an. ii.

CXXX.

Prohibet, quominus imagines nondum a Sede Apostolicâ canonizatorum, vel beatificatorum, cum radiis, splendoribus et laureolis proponantur, vel tabellae et luminaria ad eorum sepulchra apponantur, etc.

¹ Vocem *vacantia* nos addimus (R. T.).

Contraria tollit.

Feria v, die xiii martii, anno a Nativitate Domini Nostri Iesu Christi mdcxxv, in generali Congregatione S. Romanae et universali Inquisitionis habitâ in palatio apostolico in Vaticano coram SS. D. N. D. Urbano divinâ providentiâ Papa VIII, ac illustrissimis et reverendissimis DD. S. R. E. cardinalibus adversus haereticam pravitatem inquisitoribus generalibus a sancta Sede Apostolicâ specialiter deputatis.

Exordium.

Sanctissimus D. N. sollicite animadvertens abusus, qui irrepserunt et quotidie irrepere non cessant in colendis quibusdam cum sanctitatis aut martyrii famâ vel opinione defunctis, qui, etsi neque canonizationis, neque beatificationis honore insigniti sint ab Apostolicâ Sede, eorum tamen imagines in oratoriis, atque ecclesiis, aliisque locis publicis, ac etiam privatis, cum laureolis, aut radiis, seu splendoribus proponuntur, miracula et revelationes, aliaque beneficia a Deum per eorum intercessionem accepta, in libris rerum ab ipsis gestarum enarrantur, et ad illorum sepulchra tabellae, imagines et res aliae ad beneficia accepta testificanda et lampades et alia lumina apponuntur,

Prohibet, ne imagines nondum beatificationis cum aureolis exponantur;

§ 1. Volensque proinde huiusmodi abusus, pro debito officii pastoralis, occurrere, re etiam cum illustrissimis et reverendissimis DD. cardinalibus contra haereticam pravitatem in universâ republicâ christianâ generalibus inquisitoribus communicatâ, et mature consideratâ ac discussâ, declaravit, statuit et decrevit, ne quorumvis hominum cum sanctitatis seu martyrii famâ (quantacumque illa sit) defunctorum imagines, aliaque praedicta, et quodcumque aliud venerationem et cultum praeseferens et indicans, in oratoriis, aut locis publicis seu privatis, vel ecclesiis, tam secularibus quam regularibus, cuiuscumque religionis, ordinis, instituti, congregationis, aut societatis, apponantur, antequam ab Apostolicâ Sede canonizentur, aut Beati declarentur, et si quae appositae

sunt, amoveantur, prout eas statim amoveri mandavit.

§ 2. Ac pariter imprimi de cetero inhibuit libros eorundem hominum, qui sanctitatis, sive martyrii famâ, vel opinione, ut praefertur, celebres e vitâ migraverint, gesta, miracula vel revelationes, seu quaecumque beneficia tamquam eorum intercessionibus a Deo accepta continentes, sine recognitione atque approbatione Ordinarii, qui in iis recognoscendis theologos, aliosque pios ac doctos viros in consilium adhibeat; et, ne deinceps fraus, aut error, aut aliquid novum ac inordinatum in re tam gravi committatur, negotium instructum ad Sedem Apostolicam transmittat, eiusque responsum expectet. Revelationes vero et miracula, aliaque beneficia supradicta, quae in libris horum hominum vitam et gesta continentibus hactenus sine recognitione atque approbatione huiusmodi impressa sunt, nullo modo approbata censi vult, mandatque Sua Sanctitas.

Vel eorum gesta typis publicentur sine licentiâ.

§ 3. Ad horum hominum sepulchra vetuit etiam ac inhibuit tabellas atque imagines ex cerâ aut argento seu ex aliâ quacumque materiâ tam pietas quam fictas atque exculptas appendi aut affigi, et lampades sive alia quaecumque lumina accendi, sine recognitione ab Ordinario omnino, prout supra, faciendâ, Sedique apostolicae referendâ ac probandâ.

Aut ad eorum sepulchra tabellae, aut lampades ponantur.

§ 4. Declarans, quod per suprascripta praedicta in aliquo non vult neque intendit iis, qui aut per communem Ecclesiae consensum, vel immemorabilem temporis cursum, aut per Patrum, virorumque sanctorum scripta, vel longissimi temporis, scientiâ ac tolerantia Sedis Apostolicae, vel Ordinarii, coluntur.

Exemptum est, quibus faveat cultus immemorabilis.

§ 5. Ut autem praemissa diligentius observentur, universis, ac singulis, tam Ordinariis quam haereticæ pravitatis inquisitoribus, districte praecipit, ut in sua

Ordinarii huiusmodi executionem demandat.

quisque dioecesi vel provincia sedulo pervigilent, ne sine approbationibus praedictis imagines cum memoratis signis exponantur, aut miracula, revelationes ac beneficia praedicta publicentur, aliave contra superius disposita fiant.

Poenas transgressoribus indigit.

§ 6. Transgressores vero, si regulares fuerint, privationis suorum officiorum, ac vocis activae et passivae, necnon et suspensionis a divinis; si vero clerici seculares, privationis pariter suorum officiorum, suspensionis a divinis et ab administratione sacramentorum, exequutioneque suorum ordinum respective, aliisque arbitrio praedictorum Ordinariorum seu inquisitorum, pro modo culpa, infligendis poenis plectendo.

Praesentium publicatio.

§ 7. Qui autem libros impresserint, aut imagines pinxerint, sculperint, seu quomodo effinxerint, vel formaverint, ceterique artifices, circa praemissa qualitercumque delinquentes, praedicta omnia amittant et insuper pecuniariis aliisque etiam corporalibus poenis, iuxta criminis gravitatem, eorundem Ordinariorum seu inquisitorum arbitrio afficiantur.

§ 8. Contrariis quibuscumque non obstantibus.

Transumptis danda fides.

§ 9. Et ne praemissorum ignorantia possit ab aliquo praetendi, voluit, ut decretum huiusmodi, seu illius exemplum, ad valvas basilicae Principis apostolorum Urbis ac in acie Campi Florae affixum omnes perinde arctet atque afficiat, ac si unicuique personaliter intimatum fuisset.

§ 10. Quodque praesentium transumptis, etiam impressis, manu notarii publici subscriptis, ac sigillo alicuius personae in dignitate ecclesiastica constitutae munitis, eadem prorsus fides habeatur, quae praesentibus adhiberetur, si forent exhibitae, vel ostensae.

IOANNES ANTONIUS THOMASIVS,
S. Romanae et universalis Inquisit. not.

Anno MDCXXV, indictione VII, pontificatus Sanctissimi Domini nostri Domini Urbani divina providentia Papae VIII anno eius secundo, die vero quarta mensis aprilis, supradictum decretum affixum et publicatum fuit ad valvas basilicae Principis apostolorum de Urbe, et in acie Campi Florae, ut moris est, per me Brandimartem Latinum, Sanctissimi Domini nostri Papae cursorem.

OCTAVIUS SPADA, magister cursorum.

Sequitur declaratio praeinsertae prohibitionis.

Postmodum vero idem Sanctissimus Dominus noster a quibusdam revocari in dubium accepit, an tabellas et imagines, quas in posterum offerri contigerit, recipere, et antea oblatas conservare liceret. Sanctitas Sua, quae tantummodo voluit, occurrendo abusibus qui irreperere videbantur, certiore parare viam ad eorum in terris gloriam, quorum sanctimoniam divinae clementiae placuerit admirandis operibus illustrare, re prius cum illustrissimis et reverendissimis DD. cardinalibus contra haereticam pravitatem generalibus inquisitoribus communicata, praesenti decreto declaravit: Quod, sicut nunquam prohibuit, nec suae intentionis fuit prohibere oblationem, receptionemque tabellarum et imaginum huiusmodi, ita, ut nulli deinceps haesitationi locus relinquatur, statuit in praesentiarum et decernit, ut quoties ad aliquam ecclesiam, aut oratorium, locumve alium publicum, secularem seu regularem, tabellas et imagines, aliudve simile quisquam detulerit, ac intercessionem hominum inter Sanctos vel Beatos non adscriptorum, quamvis cum martyrii vel sanctitatis fama demortuorum, optata se impetravisse dixerit, liceat ecclesiasticis personis, ecclesiarum, locorumve praedictorum curae praepositis, tabellas et imagines, sive pictas, sive ex quavis materia

Quomodo imagines et tabellae recipi possint, vel debeant.

fictas, atque alia quaecumque collatae gratiae fidem facientia, simul cum deferentis, aliorumque, qui consocii fuerint, attestationibus, accipere, atque approbantibus Ordinariis, ad quos referre statim omnia teneantur, in secreto aliquo, seorsum ab ecclesiâ, loco custodire, ibidemque iam amota collocare et asservare, ut, si quando Dominus talium virorum merita beatificationis seu canonizationis honore in terris decorare voluerit, extent huiusmodi sanctitatis qualescumque probationes, Apostolicae Sedis iudicio tunc examinandae. Contrariis quibuscumque non obstantibus.

IOANNES ANTONIUS THOMASIVS

S. Romanae et universalis Inquisit. not.

Anno MDCXXV, indictione VIII, pontificatus Sanctissimi Domini nostri Domini Urbani divinâ providentiâ Papae VIII, die vero xxx mensis octobris¹, supradictae litterae, sive decretum affixum et publicatum fuit ad valvas Principis apostolorum Urbis, ac in acie Campi Florae, ut moris est, per me Brandimartem Latinum, Sanctissimi Domini nostri Papae cursorem.

CXXXI.

Confirmatio litterarum Clementis VIII de formâ servandâ in electione generalis, praesidentis, etc., Congregationis S. Ioannis evangelistae in Portugallia².

Urbanus Papa VIII,
ad perpetuam rei memoriam.

§ I. Aliâs a felicis recordationis Clemente Papa VIII praedecessore nostro emanarunt litterae tenoris subsequenter videlicet:

*Clemens Papa VIII,
ad perpetuam rei memoriam.*

In eminenti Sedis Apostolicae speculâ divinâ dispositione constituti, sic pastorali nostro muneri invigilare, ac de persona-

rum praesertim ecclesiasticarum statu prospere dirigendo cogitare tenemur, ut villicationis nostrae recte rationem reddere valeamus. Nuper siquidem accepimus in Congregatione S. Ioannis evangelistae, sub habitu et regulâ Congregationis S. Georgii in Alga Venetiarum, in regno Portugalliae institutâ, ab ipsius fere foundationis initio, vel saltem a centum quinquaginta annis, in generalis et aliorum ipsius Congregationis rectorum electione constitutionum illius formam, qua huiusmodi electionem per secreta suffragia omnium ipsiusmet Congregationis sacerdotum, qui in eadem Congregatione sex annos complevisset, fieri debere disponitur, observatam fuisse; indeque continuam pacem, tranquillitatem et rectum in ipsâ Congregatione gubernium conservatum extitisse: quae forma electionis, si Apostolicae Sedis auctoritate perpetuo confirmaretur, uberiores quotidie fructus pareret, ac inde quieti et tranquillitati praedictae Congregationis melius consulere. Nos itaque, felici praedictae Congregationis conservationi et incremento, quantum cum Domino possumus, benigne prospicere volentes, non ad ipsius Congregationis, aut aliorum pro eis nobis super hoc oblatae petitionis instantiam, sed ex certâ scientiâ, merâque deliberatione nostris, formam electionis praedictam ac eam concernentia statuta et ordinationes ipsius Congregationis nominatim, apostolica auctoritate, tenore praesentium, perpetuo confirmamus et approbamus, illisque perpetuae et inviolabilis apostolicae firmitatis robur adiicimus, ac omnes et singulos tam iuris quam facti defectus, si qui in eisdem intervenerint, supplemus. Decernentes ea perpetuo observanda, ac valida, firma et efficacia fore et esse; sicque ab omnibus censi, et ita per quoscumque ipsius Congregationis praelatos et alios iudices ordinarios et delegatos, sublata eis et eorum cuilibet quavis aliter iudi-

que praelatorum, constitutiones Congregationis huius asservantur.

Clementis VIII
litterae recordationis

Quibus praesentibus, in
electione generalis, praesentibus, aliorum

¹ Deest anni indicatio (R. T.).

² Ex Regest. in Secret. Brev.

candi et interpretandi facultate et auctoritate, iudicari et definiri debere; ac irritum et inane quidquid secus super his a quoquam, quavis auctoritate, scienter vel ignoranter, contigerit attentari. Et nihilominus, ut electiones generalis et aliorum rectorum praedictorum libere et secundum constitutiones supradictae Congregationis, ut praefertur, fiant, quod nulla persona tam ecclesiastica (quacumque etiam episcopali, archiepiscopali et maiori dignitate, et quacumque potestate fungens) quam secularis (etiam quamvis eminenti, et etiam speciali notâ dignâ, potestate et dignitate praefulgens) aliquos eiusdem Congregationis canonicos, ut ex illis unus in generalem, vel alii in particularium monasteriorum rectores, vel superiores, quocumque nomine nuncupatos, eligantur, nominare vel praesentare, aut quoquo modo proponere, vel quorumvis canonicorum suffragia et vota ad alicuius, vel aliquorum canonicorum, etiam quorumvis benemeritorum, et talibus officiis dignorum, favorem per se ipsum, vel per litteras, aut interpositas personas exquirere, sollicitari, donisve aut promissionibus corrumpere valeant, sed singulis omnino liberum sit votum et suffragium suum ad eum, quem ipsi secundum Deum et conscientiam suam ad ipsius Congregationis regimen idoneum esse iudicaverint, dare: capitulum vero generale ipsius Congregationis tempore ab ipsius Congregationis constitutionibus praescripto, nisi in praecedenti capitulo generali ob aliquam iustam causam aliter dispositum fuerit, semper celebrari debeat, nec ab aliquâ personâ, etiam, ut praefertur, qualificatâ, aliud tempus praescribi valeat, vel praescriptum differri: quodque, iuxta felicitis recordationis Eugenii IV constitutionem, canonici eligant ex Congregatione unum in praesidem capituli, qui durante capitulo in eo resideat; nec aliquis quacumque dignitate et auctoritate

fulgens eidem capitulo praeesse, vel interesse possit, nisi de speciali nostro, aut Sedis Apostolicae mandato; et quod, statim atque praelati dictae Congregationis, ut praefertur, canonici iuxta constitutiones et decreta praedicta electi fuerint, electio facta a scrutatoribus, iuxta constitutionem felicitis recordationis Eugenii Papae IV praedecessoris nostri in ipsius Congregationis statulis insertam et semper observatam, cuius tenorem praesentibus pro expresso habemus, publicetur; ipsique praelati electi statim officia, ad quae electi sunt, gubernari incipiant, nec talis publicatio praelatorum per quaecumque personam, etiam, ut praemittitur, qualificatam, quovis quaesito colore vel praetextu impediri vel differri possit, auctoritate et tenore praedictis perpetuo statuimus et ordinamus; ac, ut personae praedictae suffragia vocalium quoquo modo, ut praefertur, sollicitantes, aut corrumpere procurantes, privationis omnium officiorum ac beneficiorum quae obtinent, et inhabilitatis ad alia obtinenda, nec non suspensionis a divinis, si ecclesiasticae personae fuerint, poenam, a qua nisi per Romanum Pontificem absolvi valeant, eo ipso, absque aliâ declaratione, incurrant, statuimus et decernimus: et insuper, quod visitatores dictae Congregationis pariter in eodem capitulo deputentur canonici illius, qui alias ad hoc idonei fuerint iuxta earumdem constitutionum seriem; nec alius quisquam, quavis pariter dignitate et auctoritate fulgens, nisi pariter de speciali nostro et Sedis Apostolicae mandato, ipsam Congregationem visitare possit. Non obstantibus quibuscumque apostolicis ac in provincialibus et synodalibus conciliis editis generalibus vel specialibus constitutionibus et ordinationibus, ac privilegiis, indultis et litteris apostolicis, quibuscumque personis in contrarium praemissorum quomodolibet concessis, confirmatis, ap-

probatas et innovatis. Quibus omnibus et singulis, etiamsi pro illorum sufficienti derogatione de illis, eorumque totis tenoribus specialis, specifica, expressa et individua, non autem per clausulas generales idem importantes, mentio seu quaevis alia expressio habenda foret, tenores huiusmodi praesentibus pro expressis et ad verbum insertis habentes, illis aliàs in suo robore permansuris, hac vice dumtaxat specialiter et expresse derogamus, ceterisque contrariis quibuscumque: aut si aliquibus communiter vel divisim ab Apostolicâ sit Sede indultum, quod interdici, suspendi, vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem. Ceterum dilectos filios universos et singulos eiusdem Congregationis canonicos suffragantes, nunc et pro tempore existentes, paterne in Domino hortamur et monemus, ut in suffragiis ferendis, nullâ carnis, sanguinis, aut alterius mundani affectus ratione habitâ, sed solum Deum et ipsius Congregationis utilitatem prae oculis habentes, sic procedant, ut talis semper eligatur, qualis Dei obsequiis et Congregationis eiusdem prospero regimini ac quieti et tranquillitati aptus et idoneus esse iudicabitur. Datum Romae, apud S. Petrum, die v februarii MDXCVI, pontificatus nostri anno iv.

Aliisque litteris consultis libertati huiusmodi electionis.

Clemens Papa VIII. Aliàs per nostras in formâ Brevis litteras sub datum die v februarii MDXCVI, pontificatus nostri anno iv, expeditas, nonnulla circa electiones generalis et aliorum rectorum et praelatorum, ac officialium Congregationis sancti Ioannis evangelistae sub regulâ et habitu S. Georgii in Alga Venetiarum in Portugalliae regnis institutae perpetuo observanda ordinavimus et statuimus, prout in eisdem litteris, quarum tenorem praesentibus, ac si de verbo ad verbum in-

sereretur, pro expresso haberi volumus, plenius continetur. Volentes autem, ut ordinationes et statuta huiusmodi firmiter omnino atque inviolate observentur, neque adversus illas quicumque aliquo pacto directe vel indirecte venire vel facere praesumant, opportunius providere, motu proprio et ex certâ scientiâ, maturâque deliberatione nostrâ, ac de apostolicae potestatis plenitudine, quascumque electiones generalis, vel aliorum rectorum, praelatorum, superiorum et officialium dictae Congregationis contra et praeter formam dictarum litterarum, praesertim vero ad quarumcumque personarum tam ecclesiasticarum, quacumque etiam episcopali, archiepiscopali et maiori dignitate et quacumque potestate fungentium, quam secularium, etiam quantumvis eminenti et speciali notâ dignâ potestate et dignitate praefulgentium, nominationem, praesentationem, instantiam, preces et intercessionem, faciendas, nullas prorsus et invalidas, irritasque, ac nullius roboris vel momenti fore et esse, ac nemini electorum aliquo pacto suffragari; quinimo contra eos, qui his minus legitimis rationibus ad regenda monasteria, ipsamque Congregationem, seu alia quaecumque officia se eligi vel assumi procuraverint per se aut per personas interpositas ecclesiasticas aut seculares quocumque praetextu aut colore, per eiusdem Congregationis superiores quodcumque procedi, et, rei veritate cognitâ, condignis poenis in praedictis litteris expressis, et tamquam publicae dictae Congregationis quietis perturbatores affici posse et debere; similiter etiam praesidentem capituli generalis et visitatores, praesentatos aut electos seu missos a quacumque personâ, ut praefertur, quavis dignitate ecclesiasticâ aut mundanâ, quantumvis speciali notâ dignâ, et aliâ quacumque praeceminentiâ fulgente contra seu praeter formam nostrarum constitu-

tionum, praesidentem et visitatores nec esse nec censi, neque in rebus ad dictam Congregationem pertinentibus procedere aut aliquid facere posse vel debere; et ita per quoscumque iudices ordinarios et delegatos, quavis auctoritate fungentes, etiam causarum palatii apostolici auditores (sublatâ eis, et eorum cuilibet, quavis aliter iudicandi et interpretandi facultate et auctoritate) iudicari et definiri debere; ac irritum et inane quidquid secus super his a quoquam, quavis auctoritate, scienter vel ignoranter, contigerit attentari, auctoritate apostolicâ, tenore praesentium, decernimus, et declaramus. Omnes etiam canonicos dictae Congregationis acceptantes generalem, rectores, praesidentem, visitatores, aut alios officiales, praesentatos seu missos aut electos contra tenorem nostrarum constitutionum, voce activâ et passivâ in perpetuum privamus; ac insuper superioribus et canonicis dictae Congregationis stricte praecipimus et mandamus, ut litteris, praesentationibus, nominationibus et commendationibus huiusmodi quarumcumque personarum praedictarum nequaquam obediunt, sed sub praedictis poenis secundum nostras constitutiones in omnibus actibus capitularibus omnino procedant; quinimo ipsi superiores contra transgressores quoscumque graviter, ut praemissum est, omni appellatione remotâ procedant. Hortamur etiam et paterne in Domino requirimus et monemus charissimos in Christo filios reges ac dilectos filios nobiles viros principes ac duces ac alios magnates seculares, ne in religiosorum praedictorum negotiis huiusmodi praestando¹, nominando, commendando, vel aliâs contra praesentium tenorem faciendo se intromittant, sed liberam illis electionem, et alia disponendi² iuxta nostrarum constitutionum

¹ Puto legendum esse *praesentando* (R. T.).

² Facile deest aliquid, ex g. *facultatem* (R. T.).

seriem relinquunt. Hanc autem nostram constitutionem, annulationem, ordinationem et legem quolibet anno rector generalis ante electionem praesidis secundum ordinem nostrum faciendam publice legi curet et faciat. Non obstantibus quibusvis ordinationibus apostolicis, ac omnibus illis, quae in praedictis litteris volumus non obstat, ceterisque contrariis quibuscumque. Volumus autem, quod praesentium transumptis, etiam impressis, manu secretarii generalis et sigillo eiusdem generalis obsignatis eadem, quae praesentibus ipsis, fides adhibeatur.

Datum Romae, apud S. Petrum, sub anulo Piscatoris, die v novembris MDXCVI, pontificatus nostri anno v.

§ 2. Cum autem, sicut pro parte dilectorum filiorum rectoris generalis ac definitorum totius Congregationis praedictae nobis nuper expositum fuit, ipsi plurimum cupiant praeinsertas litteras huiusmodi, pro firmiori ac inviolabili earum observantiâ, apostolicae nostrae confirmationis robore communiri; nobis propterea humiliter supplicari fecerunt, ut eorum votis annuere de benignitate apostolicâ dignaremur.

Ipsis itaque
fratribus peten-
tibus.

§ 3. Nos igitur, rectorem generalem, ac definitores, universamque Congregationem praedictam specialibus favoribus et gratiis prosequi volentes, eorumque singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum harum serie absolventes et absolutas fore censentes, huiusmodi supplicationibus inclinati, praeinsertas litteras huiusmodi, cum omnibus et singulis in eis contentis, apostolicâ auctoritate, tenore praesentium, perpetuo approbamus et confirmamus, illisque inviolabilis apostolicae firmi-

Urbanus prae-
dictas confirmat
Clementis litta-
ras.

tatis robur adiicimus; ipsasque litteras ac omnia et singula in eis contenta huiusmodi perpetuo valida, firma et efficacia existere et fore, suosque plenarios et integros effectus sortiri et obtinere, necnon dictae Congregationi in omnibus et per omnia plenissime suffragari; sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari, decernimus.

Exequutores,
defensoresque
designat.

§ 4. Quocirca venerabilibus fratribus archiepiscopis et episcopis in dicto regno constitutis, necnon dilecto filio iurium et spoliolum camerae apostolicae debitorum in Portugalliae et Algarbiorum regnis praedictis collectori generali, per praesentes committimus et mandamus, quatenus ipsi, vel duo, aut unus eorum, per se, vel alium, seu alios, praeinsertas et praesentes litteras et in eis contenta huiusmodi solemniter publicantes, ac in praemissis efficacis defensionis praesidio assistentes, faciant, auctoritate nostra, rectorem generalem, ac definitores, et universam Congregationem huiusmodi eorumdem praemissorum commodo et effectu pacifice frui ac gaudere; non permittentes illos desuper a quoquam, quavis auctoritate, quomodolibet indebite molestari; contradictores quoslibet et rebelles per censuras et poenas ecclesiasticas, aliaque opportuna iuris et facti remedia, appellatione postposita, compescendo, legitimisque super his habendis servatis processibus, censuras et poenas ipsas, etiam iteratis vicibus, aggravando, invocato etiam ad hoc, si opus fuerit, auxilio brachii secularis.

Contrariisque
derogat.

§ 6. Non obstantibus recolendae memoriae Bonifacii Papae VIII pariter praecessoris nostri de una et concilii generalis de duabus dietis, dummodo ultra tres dietas aliquis auctoritate praesentium in iudi-

cium non trahatur, aliisque omnibus, quae in eisdem litteris concessa sunt non obstare, ceterisque contrariis quibuscumque.

Datum Romae, apud S. Petrum, sub annulo Piscatoris, die x aprilis mdcxxv, pontificatus nostri anno ii.

Dat. die 10 aprilis 1625, pontif. an. ii.

CXXXII.

Indulgentia plenaria Deum precantibus pro praesentibus Ecclesiae necessitatibus.

Urbanus Papa VIII,
Universis christifidelibus praesentes litteras inspecturis, salutem et apostolicam benedictionem.

§ 1. Divinae misericordiae foribus hoc sacrosancto iubilaei anno per nos reclusis, teterrimus humani generis hostis, qui spiritualis aedificii ruinam assidue molitur, bellico furori hostium reseravit. Perstre-punt ubique arma, et populi, quos christianâ charitate ferventes, hoc praesertim tempore, charismata meliora aemulari optabamus, saevis irae flammis incensi, mutuas in clades exardescunt.

Refert bellorum motus in Europa.

§ 2. Nos vero, qui omnes paternâ dilectione complectimur, Europae sero universae, praecipue autem Italiae, quae illibatae religionis studio, iure optimo, gloriatur, ac tutissimum florentis, diuturnaeque pacis existit domicilium, casus mirum in modum dolemus, et sanguinem qui effundi iam coepit, magna nostrarum consequitur¹ copia lacrymarum.

Et in Italia mortis

§ 3. Quamquam vero, tot tantisque malis opportuna remedia adhibere cupientes, ea, quae officii nostri ratio poscebat, humanaeque prudentiae leges monere videbantur, quantum in Domino potuimus, pastoralis sedulitate providimus, nihilominus, fortiora praesidia nonnisi e caelo sperantes,

A. I. Deum itaque confugiendum esse censet.

¹ Sic edit. Cherub. Rom.; edit. Main. legit consequimur; forsán legendum foret magnâ... prosequimur copiâ... (R. T.).

Patrem misericordiarum, quem iniquitates nostrae in iram concitaverunt, contritis et humiliatis cordibus ducimus adendum, ut in gentes, quae eum non noverunt, non in filios iram suam effundat, ut recordetur, quia caro sunt, nec contra folium, quod vento rapitur, ostendat potentiam suam, ut exortam sedet tempestatem, statuatur procellam eius in auram, et sileant fluctus eius.

Aperiendosque Ecclesiae thesauros.

§ 4. Hoc autem ut fructuosius et maiorem spiritus ardore peragatur, ex veteri Ecclesiae Romanae omnium matris et magistrae more, in praesentibus necessitatibus ad eiusdem Ecclesiae thesauri largam dispensationem pro nostro pastoralis munere confugiendum duximus.

Cives Romanos ut Deum praebus exorent hortatur.

§ 5. Itaque, ex parte omnipotentis Dei Patris et Filii et Spiritus sancti, omnes et singulos utriusque sexus christifideles in alma Urbe nostra constitutos, auctoritate apostolicam, paterne, enixeque requirimus et monemus ac in Domino hortamur ad infrascripta devote peragendum et adimplendum, necnon ad pias ac fervidas ad Altissimum preces effundendum, ut per viscera misericordiae suae Ecclesiam exaltare, eamque ab hostium conatibus et insidiis defendere, haeresim extirpare, principibus christianis pacem et veram concordiam donare, ac in necessitatibus huiusmodi subvenire dignetur.

Eisque hic praescripta agentibus, indulgentiam plenariam largitor.

§ 6. Nos enim omnipotentis Dei misericordiam ac beatorum Petri et Pauli apostolorum eius auctoritate confisi, ex illa ligandi atque solvendi potestate, quam nobis Dominus, meritis licet minime suffragantibus, contulit, universis et singulis christifidelibus in alma Urbe praedicta degentibus, qui solemnem processionem, quam a basilica Principis apostolorum ad ecclesiam S. Mariae Transtiberim fieri quartam sequentis hebdomadae, una cum venerabilibus fratribus nostris S. R. E. cardinalibus, christianorumque regum et prin-

cipum apud nos et Sedem Apostolicam oratoribus, omnibus praelatis et proceribus, universoque clero et populo, agemus, interfuerint, vel qui eadem hebdomadam basilicam et ecclesiam huiusmodi saltem semel visitaverint, ibique devote, ut supra, Deum oraverint, necnon feriâ quartâ et sextâ ac sabbato eiusdem hebdomadae ieiunaverint, peccataque sua confessi, in qualibet ex dictis diebus vel dominicâ immediate subsequenti sanctissimum Eucharistiae sacramentum reverenter susceperint, quod omnes et quascumque praesentis anni iubilaei indulgentias et peccatorum remissiones, poenitentiarumque relaxationes consequantur, quas consequerentur, si omnes ecclesias ad id deputatas personaliter visitarent, et alia in litteris indictionis eiusdem iubilaei praescripta adimplerent, tenore praesentium concedimus et indulgemus.

Legitimo impedimento consult.

§ 7. Regularibus autem personis utriusque sexus in claustris perpetuo degentibus, necnon aliis quibuscumque tam laicis quam religiosis regularibus in carcere existentibus, vel aliquâ corporis infirmitate seu alio quocumque legitimo impedimento detentis, qui supra expressa vel eorum aliqua praestare nequiverint, ut confessarius, quem ut infra elegerint, praedicta omnia et singula, vel eorum aliqua in alia pietatis opera commutare, atque iniungere, quae ipsi poenitentes efficere poterunt, concedimus pariter et indulgemus.

Confessarius facultatem concedit absolventi a casibus reservatis et vota commutandi.

§ 8. Cupientes autem, omnes christifideles participes fieri huius pretiosissimi thesauri, universis et singulis utriusque sexus tam laicis quam ecclesiasticis secularibus et regularibus cuiusvis ordinis, congregationis et instituti licentiam concedimus et facultatem damus, ut sibi ad hunc effectum eligere possint, quemcumque presbyterum confessarium, tam secularem quam cuiusvis ordinis regularem, ex approbatis a dilecto filio nostro in alma

Urbe vicario in spiritualibus generali, qui eos ab omnibus excommunicationis, suspensionis et interdicti, aliisque ecclesiasticis sententiis et censuris, a iurē vel ab homine, quavis causā latis, seu inflictis, necnon ab omnibus peccatis, excessibus, criminibus et delictis, quantumvis gravibus et enormibus, etiam nobis et Sedi Apostolicae etiam in litteris die Coenae Domini legi solitis contentis, atque aliās per quascumque Romanorum Pontificum praedecessorum nostrorum constitutiones, quarum tenores praesentibus haberi volumus pro expressis, quomodocumque reservatis, in foro conscientiae et hac vice tantum absolvere et liberare valeat¹; et insuper vota quaecumque (religionis et castitatis exceptis) in alia pia et salutifera opera commutare; iniunctā tamen eis, et eorum cuilibet, in supradictis omnibus casibus poenitentia salutari, aliisque eiusdem confessarii arbitrio infligendis.

Excipit excommunicationem ab homine latam.

§ 9. Non intendimus autem per praesentes iis, qui a nobis et Sede Apostolicā vel ab aliquo praelato seu iudice ecclesiastico excommunicati, suspensi et interdicti, seu aliās in sententias et censuras incidisse declarati vel publice denunciati fuerint, nisi infra tempus huiusmodi satisfecerint, aut cum partibus concordaverint, ullo modo suffragari posse aut debere.

Obstantia tollit.

§ 10. Non obstantibus constitutionibus et ordinationibus apostolicis, praesertim quibus facultas absolvendi, in certis tunc expressis casibus, ita Romano Pontifici pro tempore existenti reservatur, ut nec etiam similes vel dissimiles iubilaei, indulgentiarum et facultatum huiusmodi concessionem, nisi de illis expressa mentio aut specialis derogatio fiat, cuiquam suffragari queant, necnon regulā nostrā de non concedendis indulgentiis ad instar, ac quorumcumque Ordinum et congregationum sive institutorum regularium (iuramento,

¹ Erronee edit. Main. legit *valeant* (R. T.).

confirmatione apostolicā, vel quavis firmitate aliā roboratis) statutis et consuetudinibus, privilegiis quoque, indultis et litteris apostolicis, eisdem ordinibus et congregationibus atque institutis quomodolibet concessis, approbatis et innovatis. Quibus omnibus et singulis, etiamsi de illis, eorumque totis tenoribus specialis, specifica et individua, non autem per clausulas generales idem importantes, mentio aut expressio habenda vel quaevis alia exquisita forma ad hoc servanda foret, illorum tenores praesentibus pro sufficienter expressis et ad verbum insertis habentes, ac formam eorum traditam pro servatā habentes, hac vice dumtaxat specialiter et expresse derogamus, ceterisque contrariis quibuscumque.

§ 11. Volumus, autem, ut praesentium transumptis, etiam impressis, manu alicuius notarii publici subscriptis, et sigillo personae in dignitate ecclesiasticā constitutae munitis, eadem prorsus fides habeatur, quae ipsis praesentibus haberetur, si forent exhibitae vel ostensae.

Transumptis, quae credi iubet.

Datum Romae, apud S. Petrum, sub annulo Piscatoris, die XXI aprilis MDCXXV, pontificatus nostri anno II.

Dat. die 21 aprilis 1625, pontif. an. II.

CXXXIII.

Inquisitori Portugalliae facultas conceditur ad quinquennium absolvendi neophytos relapsos provinciarum et insularum transmarinarum regi Portugalliae subiectarum¹.

Venerabili fratri
Ferdinando, episcopo olim Pharaonensi,
Urbanus Papa VIII.

Venerabilis frater,
salutem et apostolicam benedictionem.

Sedes Apostolica pia mater, sanctorum apostolorum (qui pastoralis officii formam

Exordium.

¹ Ex regist. in Secret. Brev.

tradentes nascentis Ecclesiae infantiam lacte, proveciam vero eius aetatem solido cibo nutraverunt) verbo et exemplo edocta, neophytorum omnium a suscepta Christi fide deviantium statui et imbecillitati libenter compatitur, ac illos tamquam parvulos, et teneras dictae Ecclesiae plantas, pietatis et benignitatis suae uberibus confovendo, nonnulla eis etiam post relapsum condonat et remittit, quae in provecioribus merito essent acerbius corrigenda et punienda.

Causae concedendae facultatis.

§ 1. Cum itaque, sicut¹ charissimus in Christo filius noster Philippus Portugalliae et Algarbiorum rex catholicus nobis nuper exponi fecit, quamplures provinciarum et insularum transmarinarum pro tempore existentis Portugalliae et Algarbiorum regis temporali ditioni subiectarum incolae et habitantes, de gentilitatis et infidelitatis errorum tenebris ad veri luminis, qui est Christus, cognitionem noviter conversi, ac sacri baptismatis lavacro abluti, ex mutuâ inter se ac etiam indiscretâ eorum cum aliis gentilibus et infidelibus conversatione, vel aliâs humani generis antiqui hostis fraude, a fide catholici deficiant, et quandoque ad eam reducti in pristinos gentilitatis seu infidelitatis errores, ac etiam in alias a sanctâ Ecclesiâ damnatas et reprobatas haereses atque superstitiones relabantur, sed postmodum, cognitis suis erroribus, maxima contritionis signa et² nunquam amplius ab eiusdem fidei sinceritate discedendi propositum praeseferentes, eidem sanctae matri Ecclesiae reconciliari summo opere desiderant, et pro illorum salute plurimum expedit, ut sic poenitentes benigne recipiantur, nec curiae seculari propter illorum relapsum iuxta iuris rigorem debitâ animadversione puniendi relinquantur, ac³ desperatio veniae eos ad pristinam

perditionem faciat recidivos, ipsique ac alii gentiles et infideles metu corporalis supplicii ab eorum futurâ ad Christi fidem conversione retrahantur:

Concessio facultatis, de qua in rubrica.

§ 2. Nos, Illius, qui misericors et miserator existens non vult mortem peccatoris sed magis ut convertatur et vivat, vices gerentes in terris, pro eâ potestate, quam ab eo per Filium suum habemus, iuris rigorem mansuetudine temperando, noviter conversos praedictos, ne iacta in eis fidei praedictae semina arescant, aut diaboli malitiâ eradicentur, sed benignitatis dictae Sedis ratione aspersa coalescant, ac firmis radicibus stabilita incrementum suscipiant, et usque ad perfectionem perdurent, omni, qua possumus, clementiâ prosequi et confovere volentes, piis ipsius Philippi regis in hac parte supplicationibus inclinati, fraternitati tuae, cum tu haereticae pravitatis in regnis praedictis generalis inquisitor existas, ac pro tempore existenti in regnis huiusmodi generali inquisitori, ut durante quinquennio a die, quo praesentes litterae tibi fuerint praesentatae, computando, per te, vel alium, seu alios haereticae pravitatis in eiusdem regnis et provinciis et insulis pro tempore deputatos inquisitores, adiunctis etiam locorum Ordinariis, vel illorum officialibus seu vicariis in spiritualibus generalibus, aut, illis recusantibus seu negligentibus, etiam absque illis, omnes et quoscumque utriusque sexus regnorum, provinciarum et insularum huiusmodi neophytos ex gentilibus et infidelibus originem ducentes, qui post Christi fidem per eos susceptam in crimen apostasiae ab ipsâ fide, vel in damnatas et reprobatas haereses et errores semel et iterum vel etiam tertio, non tamen ulterius, relapsi fuerint, cognitâ in eis verâ et non fictâ ac simulatâ poenitentiâ, necnon apostasiâ a fide et haeresibus ac erroribus huiusmodi prius per eos, publice vel privatim prout tibi

¹ Verbum accepimus intrusum delemus (R. T.).

² Coniunct. et nos addimus (R. T.).

³ Forsan ne pro ac legendum (R. T.).

et pro tempore existentibus generali seu aliis inquisitoribus praedictis videbitur, detestatis, abiuratis et anathematizatis, a sententiâ excommunicationis, aliisque ecclesiasticis censuris et poenis, quas propterea quomodolibet incurrerunt, vel quae contra ipsos per sacras constitutiones, tam generales quam particulares, quomodocumque statutae, ac alias promulgatae fuerint, iniunctâ eisdem pro modo culpa aliquâ poenâ arbitrariâ vel aliâ poenitentia salutarî, quam iis, qui secundâ et tertiâ vice relapsi fuerint, aggravari volumus, auctoritate nostrâ in utroque foro in formâ Ecclesiae consuetâ absolvere et liberare, atque ad eiusdem Ecclesiae gremium recipere et admittere, ac tam etiam tradendi¹ curiae seculari propter primum, secundum, tertiumque relapsum huiusmodi a iure statutum, quam etiam alias corporales et capitales ac confiscationis omnium bonorum et ceteras quascumque talibus delinquentibus inflictas et irrogatas poenas, ipsis misericorditer remittere et condonare libere et licite possitis et valeatis, auctoritate apostolicâ, tenore praesentium, de speciali gratiâ indulgemus; tibi quoque ac generali et aliis inquisitoribus praedictis plenam et liberam desuper facultatem, auctoritatem et potestatem ad dictum quinquennium dumtaxat duraturam tribuimus et impartimur.

Derogatio
contrarium.

§ 3. Non obstantibus praemissis, et apostolicis, ac in synodalibus, provincialibus et generalibus conciliis editis, constitutionibus et ordinationibus, necnon legibus etiam municipalibus et imperialibus, ac officii inquisitionis regnorum, provinciarum et insularum huiusmodi (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis sub quibuscumque te-

¹ Ed. Main. h. traden. quod non aliter finiri posse videtur, i. e. tradendi eos statutum (R.T.).

noribus et formis, ac cum quibusvis etiam derogatoriis derogatoriis, aliisque efficacioribus et insolitis clausulis, ac irritantibus et aliis decretis, in genere vel in specie, etiam motu proprio et ex certâ scientiâ, ac de apostolicae potestatis plenitudine, etiam consistorialiter, et alias quomodolibet concessis, approbatis et innovatis. Quibus omnibus et singulis, illorum tenores, ac si de verbo ad verbum, nihil penitus omisso, et formâ in illis traditâ observatâ, inserti forent, praesentibus pro expressis et insertis habentes, illis alias in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Petrum, sub annulo Piscatoris, die xxii aprilis mdcxxv, pontificatus nostri anno ii.

Dat. die 22 aprilis 1625, pontif. an. ii.

Sequitur declaratio, quod quinquennium currere incipiat a die publicationis praelatarum litterarum apostolicarum.

Venerabili fratri
Ferdinando, episcopo olim Pharaonensi,
Urbanus Papa VIII.

Venerabilis frater,
salutem et apostolicam benedictionem.

§ 1. Hodie a nobis emanarunt litterae fraternitati tuae directae tenoris subsequents, videlicet: a tergo, *Venerabili fratri*, etc.; intus vero: *Sedes apostolica*, etc.

Reconsentur
litterae praecedentes.

§ 2. Cum autem, sicut charissimi in Christo filii nostri Philippi Portugalliae et Algarbiorum regis catholici nomine nobis nuper expositum fuit, ob periculosam et longam navigationem ad provincias et insulas supra expressas verendum sit, ne, antequam in illis praeinsertae litterae publicentur, magna pars quinquennii in eisdem praeinsertis litteris praefixi elaboratur, et propterea dictus Philippus rex cupiat, tempus dicti quinquennii non currere,

Causae faciendae declarationis.

nisi a praedictarum litterarum in illis partibus publicatione; et ideo nobis humiliter supplicari fecerit, ut super hoc opportuna declaratione providere de benignitate apostolica dignaremur:

Declaratio, de qua in rubrica.

§ 3. Nos igitur, eiusdem Philippi regis votis ac precibus annuentes, volumus et harum serie declaramus, tempus dicti quinquennii a die publicationis faciendae in partibus tantum currere incipere. Non obstantibus omnibus illis, quae in eisdem praecursis litteris volumus non obstare, ceterisque contrariis quibuscumque.

Datum Romae, apud S. Petrum, sub annulo Piscatoris, die xxii aprilis mdcxxv, pontificatus nostri anno ii.

Dat. die, annoque eodem.

CXXXIV.

Quod fratres Ordinis Eremitarum S. Augustini in Hispania et Indiis, ad doctoratus seu magisterii in sacra theologia gradus promovendi, ab examinantibus in capitulo generali a priore generali deputandis examinentur, ut magistralibus exemptionibus et dignitatibus gaudere possint¹.

Urbanus Papa VIII,
ad perpetuam rei memoriam.

Exordium.

Romanus Pontifex in sacra B. Petri sede a Domino constitutus, ex iniuncto sibi munere, religiosos viros, qui, spretis huius seculi vanitatibus, divini muneris² obsequiis sub suavi religionis iugo sese manciparunt, praecipua benignitate complectens, in his, quae prosperae, felique eorum

¹ De numero, electione et qualitatibus magistrorum sacrae theologiae in provinciis Italiae eligendorum statuit Gregorius XIII Const. cl, *Dominicum*, tom. viii, pag. 422; et de his fratribus vide Alexand. IV Const. xxix, *Licet*, tom. iii, pag. 635; praeterea scias ordinationes congregationis Siciliae approbasse Paulum V Const. cclxxv, *Exponi*, tom. xii, pag. 377.

² Aut potius lege divini numinis (R. T.).

directioni conducunt, sedulo invigilat; quae vero in hoc impedimento esse dignoscuntur, pastoralis sollicitudine tollere procurat, prout conspiciat in Domino salubriter expedire.

§ 1. Cum itaque (sicut accepimus) multi Ordinis Eremitarum sancti Augustini provinciarum Hispaniarum et Indiarum religiosi, doctrina et meritis sufficientibus carentes, nimiaque doctoratus seu magisterii in sacra theologia graduum in eisdem provinciis consequendorum ambitione ducti, partim ad universitates studiorum generalium, in quibus ad gradus huiusmodi suscipiendos levissima fiunt examina, studiose recurrant, partim vero ne huiusmodi quidem examina apud ullam universitatem subeant, ac alii etiam minus legitimis et honestis rationibus ad eosdem gradus aditum sibi patefacere contendunt, in non modicum Ordinis et provinciarum huiusmodi praeiudicium:

§ 2. Nos, praemissis, quantum nobis ex alto conceditur, obviare, prosperoque Ordinis et provinciarum eorumdem statui et directioni providere volentes, motu proprio, et ex certa scientia ac matura deliberatione nostris, quod de cetero, perpetuis futuris temporibus, nullus Ordinis et provinciarum huiusmodi religiosus, etiam praetextu licentiae a quibuscumque superioribus obtentae, in qualibet studii generalis universitate, ad hoc ut inibi ad doctoratus seu magisterii in sacra theologia gradum promoveatur, praesentari, aut gradum ipsum alias quoquomodo (ut suscipere debet ad effectum ut magistralibus exemptionibus et dignitate et ordine gaudere possit) suscipere valeat, nisi prius, praevio riguroso examine ab examinantibus in partibus per dicti Ordinis priorem generalem in capitulo generali deputandis faciundo, etiam per aliquos actus litterarios, ac etiam in his, quae a sacro Concilio Tridentino circa praedicatores

Causae forendae Constitutionis.

Prohibetur quominus magistrum gradu et exemptionibus fruatur, nisi prius ab examinantibus Ordinis fuerint examinati.

praecipuntur, examinatus et approbatus fuerit, apostolicâ auctoritate, tenore praesentium, statuimus et ordinamus.

Examinatori-
bus statuae
poenae, si mini-
me idoneos ap-
probaverint.

§ 3. Mandantes propterea eisdem examinatribus, ut praefertur, deputandis, in virtute sanctae obedientiae, ac sub excommunicationis, necnon privationis vocis activae et passivae, aliorumque officiorum per eos obtentorum, ipso facto incurrendis poenis, ne quempiam Ordinis et provinciarum huiusmodi religiosum doctrinâ et meritis sufficientibus ad huiusmodi gradus suscipiendos non praeditum quoquomodo approbent vel admittant.

Approbatio-
nes secus si
non irritantur.

§ 4. Et nihilominus quascumque huiusmodi approbationes aut ad gradus admissiones contra praesentium tenorem (quod absit) quandocumque aut quomodocumque faciendas, nullas prorsus et invalidas, nulliusque roboris et momenti fore et esse, ac nulli prorsus suffragari posse;

Clausulae.

§ 5. Sicque, et non aliter, in praemissis per quoscumque iudices ordinarios et delegatos etiam causarum palatii apostolici auditores iudicari et definiri debere, necnon irritum et inane quicquid secus super his a quoquam, quavis auctoritate, scienter vel ignoranter, contigerit attentari, auctoritate et tenore praesentium discernimus et declaramus.

Obstantium
derogatio

§ 6. Non obstantibus constitutionibus et ordinationibus apostolicis, ac, quatenus opus sit, Ordinis et provinciarum huiusmodi (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, eorumdem Ordinis et provinciarum religiosus, sub quibuscumque tenoribus et formis, ac cum quibusvis etiam derogatoriis derogatoriis, aliisque efficacioribus et insolitis, necnon irritantibus et aliis decretis, in genere vel in specie, ac aliâs in contrarium praemissorum quomodolibet concessis, confirmatis et innovatis. Quibus

omnibus et singulis, etiamsi de illis specialis, specifica et expressa mentio habenda esset, eorum omnium et singulorum tenores praesentibus pro plene et sufficienter expressis et insertis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Transumptis
danda fides.

§ 7. Volumus autem, ut praesentium transumptis, etiam impressis, manu alicuius notarii publici subscriptis, et sigillo alicuius personae in dignitate ecclesiasticâ constitutae munitis, eadem prorsus fides adhibeatur, quae praesentibus adhiberetur, si forent exhibitae vel ostensae.

Datum Romae, apud S. Petrum, sub annulo Piscatoris, die xxv aprilis mdcxxv, pontificatus nostri anno ii.

Dat. die 25 aprilis 1625, pontif. anno ii.

CXXXV.

*Prorogatio proximi capituli generalis
Militiae Christianae ad annum¹.*

Urbanus Episcopus,
servus servorum Dei,
ad perpetuam rei memoriam.

Orthodoxae fidei, religionisque zelus, nobilitas generis, ac eximiae devotionis affectus, quo dilectus filius nobilis vir Carolus dux Nivernensis nos et Romanam reveretur Ecclesiam, promerentur, ut, petitiones suas ad exauditionis gratiam admittentes, ea favorabiliter concedamus, per quae reipublicae christianae progressui, semotis impedimentis, consulitur.

Exordium

§ 1. Nuper siquidem, supplicationibus dicti Caroli ducis nobis porrectis annuente, militiam christianam sub denominatione Conceptionis Deiparae Virginis Immaculae apostolicâ auctoritate ereximus et instituimus, ac illius, magni magistri electionem usque ad capitulum generale

Mandaverat
Urbanus capi-
tulum generale
anno 1623 ha-
beretur

¹ De hac militia vide supra pag. 114 seqq. (R. T.).

in festivitate Pentecostes praesentis anni **MDCCXXV** in alma Urbe nostra celebrandum differendam, et, ne interim praedictae militiae progressus retardaretur, eiusdem militiae consilium supremum nuncupandum in dicta Urbe usque ab beneplacitum nostrum cum certo personarum numero statuendum, **pluximus**¹.

¹ Sed propter ingruentia bella.

§ 2. Cum autem, sicut exhibita nobis nuper pro parte dicti Caroli ducis petitio continebat, propter praesentium temporum calamitates et undique imminencia bellorum pericula, necnon hostis insidias dictae militiae felicissimam propagationem non parum impediens, capitulum praedictum in festivitate Pentecostes huiusmodi haberi minime possit, sicque magni magistri electionem huiusmodi retardatam esse comperiatur: etiam pro parte eiusdem Caroli ducis nobis fuit humiliter supplicatum, quatenus in praemissis opportune providere, eumque amplioris gratiae favore prosecui de benignitate apostolica dignaremur.

² Ad alium annum differ.

§ 3. Nos igitur, qui honestis fidelium quorumlibet, praesertim nobilitatis genere pollentium, votis libenter annuimus, eosque favoribus prosequimur opportunis, dictum Carolum ducem a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes et absolutum fore censentes, posterioribus supplicationibus huiusmodi inclinati, tempus, ad capitulum generale praedictum ac electionem magni magistri eiusdem militiae faciendam, ut praefertur, praefixum, quod adhuc durat, ad unum annum tantum a die ipsius festivitatis computandum, apostolica aucto-

ritate, tenore praesentium, prorogamus, extendimus et ampliamus.

³ Derogat contrariis.

§ 4. Non obstantibus constitutionibus et ordinationibus apostolicis, dictaeque militiae (etiam iuramento, confirmatione apostolica, vel quavis firmitate alia roboratis) statutis et consuetudinibus contrariis quibuscumque.

⁴ Clausulasque poenales addit.

§ 5. Nulli ergo omnino hominum liceat hanc paginam nostrae absolutionis, prorogationis, extensionis, ampliationisque infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei, ac beatorum Petri et Pauli apostolorum eius, se noverit incursum.

Datum Romae, apud S. Petrum, anno Incarnationis Dominicae **MDCCXXV**, sexto idus maii, pontificatus nostri anno II.

Dat. die 10 maii 1625, pontif. anno II.

CXXXVI.

*Nannetensi episcopo committitur curam monialium reformatorem Ordinis S. Benedicti in Galliis*¹.

Urbanus Papa VIII,
ad futuram rei memoriam.

² Exordium.

Sacrosanctum apostolatus ministerium humilitati nostrae nullo licet meritum suffragio per ineffabilem divinae sapientiae providentiam commissum postulat, ut inter gravissimas, multiplicesque apostolicae servitutis curas, illam peculiari studio complectamur, ut sanctimoniales, quae, oblatae populum suum et domum patris sui, caelestis sponsi obsequiis se manciparunt, per felicem, providamque illarum directionem atque gubernium maioribus in dies in regularium suorum institutorum observantia et sanctitate vitae proficiant incrementis.

¹ Vide supra pag. 117, § 15 (R. T.).

² Ex Regest. in Secret. Brev.

Recenset Gregorius XV litteras quibus monialium huiusmodi curam archiepiscopo Senonensi duobusque aliis ecclesiasticis commiserat.

§ 1. Aliàs siquidem a felicis recordationis Gregorio Papa XV praedecessore nostro emanarunt litterae tenoris subsequents, videlicet :

Gregorius Papa XV, ad perpetuam rei memoriam. Ad militantis Ecclesiae regimen, etc. (Omittitur tenor istius Constitutionis, quia iam reperitur in suo ordine sub datum XXII martii MDCXXI, anno II¹).

Et subinde, pro parte dicti Ludovici regis eidem Gregorio praedecessori exposito, quod dictus Ioannes archiepiscopus non ita pridem ab humanis decesserat, dictus Gregorius praedecessor, supplicationibus eiusdem Ludovici regis nomine sibi humiliter porrectis inclinatus, per alias suas in simili formâ Brevis sub die XVIII iulii MDCXXII expeditas litteras bonae memoriae Sebastianum episcopum Aduremsem in locum dicti Ioannis archiepiscopi Senonensis, in et quoad praemissa, apostolicâ auctoritate substituit et subrogavit; quodque deinde perpetuis futuris temporibus, uno ex tribus praedictis obeunte, reliqui duo, aut unus ex eis, aliam personam ecclesiasticam pietate, doctrinâ et vitae sanctimoniâ praestantem nominare, dictaeque tres personae sic pro tempore nominatae visitatorem monasteriorum monialium huiusmodi eligere, ac ipsa monasteria, illorumque abbatissas et moniales pro tempore existentes, eorumque omnia bona mobilia et immobilia, cuiuscumque generis, speciei, valoris, naturae, quantitatis et qualitatis existentia, regere et administrare possent et deberent, statuit atque decrevit, et aliàs, prout in ultimodictis litteris, quarum tenores praesentibus pro expressis haberi volumus, plenius continetur².

Et etiam defuncto, Urbanus episcopum Nannetensem substituit. data ei

§ 2. Cum autem, sicut dictus Ludovicus rex nobis nuper exponi fecit, Henricus cardinalis et Sebastianus episcopus prae-

dicti postmodum, sicut Domino placuit, ab humanis decesserint, electo tamen et subrogato per eundem Sebastianum episcopum in vim praeinsertarum litterarum in et quoad praemissa venerabili fratre Philippo episcopo Nannetensi, superior vero monachorum Reformatorum huiusmodi, multiplicibus, gravissimisque subditorum suorum negotiis admodum implicatus, monialium directioni atque regimini vacare nequeat; nos, felici monialium praedictarum statui, atque gubernio, quantum nobis ex alto conceditur, consulere volentes, supplicationibus etiam dicti Ludovici regis nomine nobis super hoc humiliter porrectis inclinati, superiorem monachorum Reformatorum praedictum a regimine et gubernio et quacumque aliâ earumdem monialium iurisdictione, dictâ auctoritate, tenore praesentium, absolvimus et liberamus: dictoque Philippo episcopo, ut, in locum dicti monachorum superioris, in et quoad praemissa, personam modo et formâ praemissis qualificatam, quae unâ cum eodem Philippo episcopo tertiam personam iuxta praeinsertarum litterarum huiusmodi formam et tenorem eligat, eligere libere et licite possit et valeat, auctoritate et tenore praedictis, concedimus et indulgemus.

§ 3. Praeterea statuimus, atque ordinamus, ut in eventum obitus trium personarum praedictarum, pro tempore existens noster et Sedis Apostolicae in regno Franciae nuncius duas huiusmodi personas, quae deinde tertiam eligant, ut praefertur, qualificatas et qualificatam pariter eligat, servatâ in reliquis in omnibus et per omnia praedictarum Gregorii praedecessoris litterarum formâ et tenore.

§ 4. Decernentes, praesentes litteras semper et perpetuo validas, firmas et efficaces existere et fore, suosque plenarios et integros effectus sortiri et obtinere, sicque in praemissis per quoscumque iu-

facultate duos alios ecclesiasticos sibi in locos assumendi.

Eveniente autem eorum obitu tres alios a nuncio apostolico eligi mandati

Clausulae.

1 Eam habes in tom. XII, pag. 507 (R. T.).

2 Quas etiam vide in tom. XII, pag. 714 (R. T.).

dices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Derogatio
contrariorum.

§ 5. Non obstantibus praemissis, ac omnibus illis, quae in litteris huiusmodi concessa sunt non obstare, ceterisque contrariis quibuscumque.

Datum Romae, apud S. Petrum, sub anulo Piscatoris, die xvii maii mdcxxv, pontificatus nostri anno ii.

Dat. die 17 maii 1625, pontif. anno ii.

CXXXVII.

Statuitur presbyteros Congregationis S. Ioannis Dei non posse missarum eleemosynam percipere, nec ad praelaturas promoveri, praevisque tantum examinatorum litteris testimonialibus ad sacros Ordines esse promovendos¹.

Urbanus Papa VIII,
ad perpetuam rei memoriam.

Proemium.

Circumspecta Romani Pontificis providentia ea interdum, quae a Sede Apostolica concessa et sancita sunt, ipsa subinde rerum experientia suadente, praesertim cum felici personarum sub suavi religionis iugo Altissimo famulantium, statui, regularisque observantiae incremento opportune consulitur, atque inconvenientibus obviam itur, alterat et immutat, in hisque sollicitudinis et providentiae suae studium favorabiliter interponit, prout conspicit in Domino salubriter expedire.

In quodam
capitulo con-
cessum fuerat
presbyteris in-
dultum mis-
sae eleemosy-
nam his in heb-
domada perci-
piendi.

§. 1. Cum itaque, sicut dilectus filius Cosmus Garzia fratrum Congregationis Ioannis Dei sub regula S. Augustini in regnis Hispaniarum procurator nobis nuper exponi fecit, in quodam eiusdem Congregationis capitulo ordinatum fuerit, ut quilibet eiusdem Congregationis sacerdos

¹ Ex Regest. in Secret. Brev.

duas missas ad sui libitum singulis hebdomadis celebrare, eleemosynamque sibi propterea datam percipere, et de ea in suos usus disponere valeat, ordinatio autem praedicta non parum eidem Congregationi obesse dignoscatur: nobis propterea dictus Cosmus eorumdem fratrum nomine humiliter supplicari fecit, ut super praemissis et alias prospero ipsius Congregationis regimini providere de benignitate apostolica dignaremur.

Quod cum
tollit Congrega-
tioni noxium sit

§ 2. Nos igitur, piis Cosmi et fratrum praedictorum votis, quantum cum Domino possumus, annuere, illosque specialibus favoribus et gratiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodati existunt, ad effectum praesentium dumtaxat consequendum, harum serie absolventes et absolutos fore censentes, huiusmodi supplicationibus inclinati, ordinationem praedictam, ac, prout illam concernunt, omnia et singula in scripturis desuper confectis contenta, apostolica auctoritate, tenore praesentium, perpetuo revocamus, cassamus, abrogamus et annullamus, viribusque et effectum prorsus evacuamus.

Urbanus ir-
ritat.

§ 3. Insuper volumus, ac auctoritate et tenore praedictis statuimus, quod eiusdem Congregationis sacerdotes praelaturas in dicta Congregatione nullo modo obtinere possint, et illi duo pro qualibet regulari domo ex fructibus dictae Congregationis, qui pro sacramentorum ecclesiasticorum administratione ad sacros etiam presbyteratus ordines vigore litterarum felicitis recordationis Pauli Papae V praedecessoris nostri desuper emanatarum promovendi sunt¹, ad eosdem ordines de

Formamque
praescribit in
ordinationibus
huiusmodi pres-
byterorum ser-
vandam.

¹ Quas habes in tom. xii, pag. 3 seqq.; vide § 9 (R. T.).

cetero promoveri nullatenus valeant, nisi prius decem annos professionis in eadem Congregatione peregerint, et ab examinatore synodalibus non solum ad ordines praedictos, verum etiam ad sacras confessiones audiendas examinati et idonei reperti fuerint, et necessarias super hoc patentes litteras ab eisdem examinatore obtinuerint.

Clausulas apponit.

§ 4. Decernentes, praesentes litteras, ac omnia et singula in eis contenta valida, firma et efficacia existere et fore, suosque plenarios et integros effectus sortiri et obtinere, ac ab omnibus, quos illa concernunt, inviolabiliter observari; sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Observantia tollit.

§ 5. Non obstantibus praemissis, ac quibusvis constitutionibus et ordinationibus apostolicis, necnon dictae Congregationis (etiam iuramento, confirmatione apostolica, vel quavis firmitate alia roboratis) statutis et consuetudinibus, privilegiis quoque, indultis et litteris apostolicis eidem Congregationi, illiusque superioribus et fratribus, ac aliis in contrarium praemissorum quomodolibet concessis, confirmatis et innovatis. Quibus omnibus et singulis, eorum omnium tenores praesentibus pro plene et sufficienter expressis habentes, illis aliis in suo robore permansuris, ad praemissorum effectum hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Petrum, sub annulo Piscatoris, die XXIV maii MDCXXV, pontificatus nostri anno II.

Dat. die 24 maii 1625, pontif. anno II.

CXXXVIII.

Confirmatio statutorum militiae Christianae sub titulo Conceptionis B. Mariae Virginis institutae¹.

Urbanus Papa VIII,
ad perpetuam rei memoriam.

§ 1. Alias, supplicationibus dilectorum filiorum nobilium virorum Ferdinandi Mantuae et Caroli Nivernensis ducum et Adolphi comitis ab Althan nobis super hoc humiliter porrectis inclinati, unam Militiam Christianam nuncupandam sub titulo Conceptionis B. Mariae Virginis Immaculatae, ac sub regula S. Francisci, necnon sub protectione Ss. Michaelis archangeli et Basilii, pro uno magistro, qui magnus nuncupetur, ipsius Militiae caput et superior existat, necnon militum ac ministrorum numero eidem magistro beneviso, apostolicam auctoritate, sine cuiusquam praeiudicio, perpetuo ereximus et instituimus; eisdemque magistro et capitulo generali dictae Militiae, ut quascumque constitutiones, statuta, ordinationes, capitula et stabilimenta ad prosperam dictae Militiae directionem facientia, licita tamen et honesta, ac sacris canonibus, Conciliique Tridentini decretis minime contraria, ab hac tamen sancta Sede approbanda, condere, illaque pro rerum et temporum qualitate et varietate alterare, revocare, mutare, moderari, corrigere et alia de novo condere, libere et licite possent et valerent, dictam auctoritate concessimus et indulgimus; et alias prout in nostris desuper sub plumbo expeditis litteris, quarum tenores praesentibus pro expressis haberi volumus, plenius continetur.

Recenset institutam a se hanc militiam.

Datamque magno magistri facultatem statuta condendi.

§ 2. Cum autem, sicut dictus Carolus

Quae confirmat.

¹ Instituit hanc militiam isemet Pontifex Constit. XXXVI, quae incipit *Imperscrutabilis*, supra pag. 114; militibus indultum concessit obtinendi pensiones Constit. XXXVII, pag. 118; vide etiam Constit. LXXXIV (in h. n. ed. CXXXV), supra pag. 321.

dux nobis nuper exponi fecit, nonnulla pro felici eiusdem Militiae statu atque gubernio statuta nuper condita fuerint, illaque, pro inviolabili eorum observatione, apostolicae nostrae confirmationis robore communiri plurimum desideret; nos, piis dicti Caroli votis, quantum cum Domino possumus, annuere, illumque specialibus favoribus et gratiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatus existit, ad effectum praesentium dumtaxat consequendum, harum serie absolventes, et absolutum fore censentes, supplicationibus eius nomine nobis super hoc humiliter porrectis inclinati, statuta praedicta, dummodo tamen licita et honesta, nec revocata, aut sub aliquibus revocationibus comprehensa sint respective, sacrisque canonibus et Concilii Tridentini decretis, ac constitutionibus apostolicis, neque debitae nobis et S. R. E. obedientiae et fidelitati adversentur, dictâ auctoritate, tenore praesentium, perpetuo approbamus et confirmamus, illisque perpetuae et inviolabilis apostolicae firmitatis robur adiicimus, ac omnes et singulos tam iuris quam facti defectus, si qui desuper quomodolibet intervenerint in eisdem, supplemus.

Clausulae.

§ 3. Decernentes eadem statuta ab omnibus, ad quos spectat et in futurum spectabit, inviolabiliter observari debere, irritumque et inane, si secus super his a quoquam, quavis auctoritate, scienter vel ignoranter, contigerit attentari.

Obstantium derogatio.

§ 4. Non obstantibus constitutionibus et ordinationibus apostolicis, ceterisque contrariis quibuscumque.

Datum Romae, apud S. Petrum, sub anulo Piscatoris, die xxiv maii mdcxxv, pontificatus nostri anno ii.

Dat. die 24 maii 1625, pontif. anno ii.

CXIII.

Confirmatio decreti sacrae Congregationis Concilii Tridentini de obedientia pro fratribus Ordinis Cappuccinorum provinciae Flandriae, qui ad sacros ordines promoventur, episcopis a provinciali non praestanda¹.

Urbanus Papa VIII,
ad perpetuam rei memoriam.

§ 1. Nomine dilecti filii ministri provincialis provinciae Flandriae Ordinis fratrum Minorum S. Francisci Cappuccinorum nuncupatorum nobis nuper expositum fuit, quod alias a venerabilibus fratribus nostris sanctae Romanae Ecclesiae cardinalibus sacri Concilii Tridentini interpretibus emanavit decretum tenoris subsequenti, videlicet:

Refert congregat. Concilii decretum.

Illustrissimi et reverendissimi Domini,

Provincialis Cappuccinorum provinciae Flandriae refert, aliquos episcopos praetendere, ut in litteris, quibus ipse suos fratres ordinandos transmittit, exhibeat reverentiam et obedientiam episcopis, et amplius praestet iuridicam fideiussionem subministrandi victum et vestitum iis, quos apostatari, aut alias a religione dimitti continget. Quae cum nova sint et inaudita, ne quod religioni praeiudicium inferatur, supplicat, ut declaretur, an ipse possit ad hoc compelli, nec ne?

Sacra Congregatio cardinalium Concilii Tridentini interpretum censuit, provincialem Cappuccinorum in litteris dimissoriis, quas suis fratribus concedit ad ordines suscipiendos, nequaquam cogi posse ab episcopis ad reverentiam et obedientiam illis exhibendam, aut ad huiusmodi fideiussionem praestandam, neque ullum pium antistitem debere aut tutâ conscientia posse ab eorumdem fratrum ordinationibus hoc solo praetextu abstinere, quod ea formula exhibendi episcopo reveren-

¹ Ex Regest. in Secret. Brevium.

tiam et obedientiam servata, vel fideiussio praestita non fuerit.

COSMUS cardinalis de TORRES.

Loco + sigilli.

Illudque con-
firmat.

§ 2. Cum autem, sicut eadem expositio subiungebat, minister provincialis praedictus plurimum cupiat decretum huiusmodi, pro firmiori illius subsistentiâ et observantiâ, apostolicae confirmationis patrocinio communiri; ideo nobis humiliter supplicari fecit, ut eius votis huiusmodi annuere de benignitate apostolicâ dignaremur. Nos igitur, ministrum provincialem praedictum specialibus favoribus et gratiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatus existit, ad effectum praesentium dumtaxat consequendum, harum serie absolventes et absolutum fore censentes, huiusmodi supplicationibus inclinati, decretum praeinsertum huiusmodi, apostolicâ auctoritate, tenore praesentium, perpetuo approbamus et confirmamus, illique inviolabilis apostolicae firmitatis robur adicimus, ac omnes et singulos tam iuris quam facti defectus, si qui desuper quomodolibet intervenerint, supplemus; ipsumque decretum, ac omnia et singula in eo contenta, ab omnibus, ad quos spectat et in futurum quomodolibet spectabit, firmiter et inviolabiliter observari; sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari, decernimus.

Contraria tollit.

§ 3. Non obstantibus constitutionibus et ordinationibus apostolicis, ac quibusvis privilegiis, gratiis et indultis in contra-

rium praemissorum quomodolibet concessis, confirmatis et innovatis, ceterisque in contrarium facientibus quibuscumque.

Datum Romae, apud S. Petrum, sub anulo Piscatoris, die xxviii maii mdcxxv, pontificatus nostri anno ii.

Dat. die 28 maii 1625, pontif. anno ii.

CXL.

Declarat facultates absolvendi ab haeresi et casibus Sedi Apostolicae reservatis et in Bullâ Coenae Domini, particularibus personis, ultra montes per S. S., seu sanctum Officium concessas, non comprehendi sub generali suspensione occasione anni sancti¹.

Urbanus Papa VIII,
ad futuram rei memoriam.

§ 1. Cum nos nuper, occasione tunc instantis anni iubilaei, omnes et singulas facultates et indulta absolvendi ab haeresi et casibus Sedi Apostolicae reservatis, etiam in litteris die Coenae Domini legi solitis contentis, quibusvis personis particularibus, tam singulariter quam universaliter, per quoscumque Romanos Pontifices praedecessores nostros, ac etiam nos, etiam ad instantiam imperatoris, regum, ducum et aliorum principum, aut alias quomodocumque et ex quibusvis causis et occasionibus, sub quibuscumque tenoribus et formis, ac cum quibusvis clausulis et decretis, etiam motu proprio et ex certâ scientiâ, ac alias quomodolibet, concessa, apostolicâ auctoritate suspendimus et suspensa esse declaraverimus, easque et ea eodem anno durante nulli prodesse, aut suffragari debere decreverimus, prout in nostris desuper sub plumbo expeditis litteris, quarum tenores praesentibus pro expressis haberi volumus, plenius continetur;

Occasionem iubilaei Pontifex facultates omnes absolvendi a casibus Sedi Apostolicae reservatis concessas suspendit.

§ 2. Cum autem, sicut accepimus, a

Dubium ipse exortum est, ad

¹ Ex Regest. in Secret. Brev.

suspensae quo-
que fuerint si-
miles facultates
ultra montes
concessae.

nonnullis in dubium revocetur, an facultates absolvendi ab haeresi et casibus huiusmodi, sive a nobis, sive a venerabilibus fratribus nostris sanctae Romanae Ecclesiae cardinalibus adversus haereticam pravitatem in universa republica christiana inquisitoribus generalibus, per nostras in simili forma Brevis, sive eorum patentes litteras respective, particularibus personis ultra montes degentibus concessae, in litteris praedictis comprehendantur;

Declarat non
esse suspensas.

§ 3. Nos, omnem in praemissis dubitandi occasionem e medio tollere, simulque cunctorum christifidelium animarum saluti iuxta creditum nobis desuper apostolicae servitutis officium, quantum nobis ex alto conceditur, consulere volentes, motu proprio et ex certa scientia nostra, facultates quascumque absolvendi ab haeresi et a casibus Sedi Apostolicae et in Bulla Coenae Domini praedicta reservatis, sive a nobis, sive a cardinalibus praedictis per eorum patentes litteras huiusmodi, particularibus personis ultra montes degentibus concessas, in litteris suspensionis praedictis minime comprehendendi, neque comprehensas fuisse, seu esse, apostolicam auctoritate, tenore praesentium, declaramus, ita ut facultates absolvendi huiusmodi eisdem particularibus personis concessae, et illarum vigore factae et faciendae ab haeresi et casibus huiusmodi absolutiones, valeant, suumque effectum sortiantur, et quibus illae, servatis servandis, concessae fuerint, suffragentur in omnibus et per omnia, perinde ac si litterae praedictae a nobis nullatenus emanassent.

Contraria tollit.

§ 4. Non obstantibus, quatenus opus sit, litteris praedictis, ceterisque contrariis quibuscumque.

Et transumptis
credi iubet.

§ 5. Volumus autem, quod praesentium transumptis, etiam impressis, manu alicuius notarii publici subscriptis, et sigillo personae in ecclesiastica dignitate constitutae munitis, eadem prorsus fides tam

in iudicio quam extra habeatur, quae praesentibus ipsis haberetur, si forent exhibitae vel ostensae.

Datum Romae, apud S. Petrum, sub annulo Piscatoris, die XXIX maii MDCXXV, pontificatus nostri anno II.

Dat. die 29 mai 1625, pontif. anno II.

CXLI.

Confirmatio litterarum Pauli Papae V quibus communitati Anconitanae duae tertiae partes pecuniarum ex maleficiis mulctisque provenientium conceduntur¹.

Urbanus Papa VIII,
ad perpetuam rei memoriam.

§ 1. Alias a felicitis recordationis Paulo Papa V praedecessore nostro emanarunt litterae tenoris subsequentis, videlicet:

Refert litteras
Pauli V.

A tergo: Dilectis filiis antianis et hominibus civitatis nostrae Anconitanae: *intus vero:* Paulus Papa V: Dilecti filii, salutem et apostolicam benedictionem. Meritis et supplicationibus vestris adducti, votis et petitionibus vestris, quantum cum Domino possumus, benigne satisfacere curamus. Nuper nobis expositum fuit pro parte vestra, quod alias felicitis recordationis Sixtus Papa V praedecessor noster (exposito sibi pro parte vestra, quod, etsi² cum duae tertiae partes pecuniarum ex maleficiis nostrae civitatis Anconitanae provenientes ex titulo et causa onerosis iamdudum a Sede Apostolica vobis et communitati vestrae concessae fuerint, ex vigore concessionis huiusmodi cum plena illarum possessione, quibusvis reservationibus apostolicis in contrarium editis, et praesertim felicitis recordationis Pii Papae IV praedecessoris nostri sub datum MDLXI nonis decembris pontificatus sui anno II, non obstantibus, permanseritis;

Quibus com-
munitati Anco-
nitanae duae
tertiaae partes
pecuniarum, etc.,
concessae fue-
runt.

¹ Ex Regest. in Secret. Brev.

² Vocem *etsi* nos addimus (R. T.).

quinimo tam dictus Pius, quam etiam bonae memoriae Gregorius Papa XIII, etiam praedecessor noster, voluntatem sanctae memoriae Pii Papae V similiter praedecessoris nostri insequendo, post statutorum ac privilegiorum confirmationem ac roboris adiectionem, duas tertias partes praedictas ad vos et communitatem vestram spectare et legitime pertinere voluerint, illasque vobis et communitati huiusmodi applicaverint et approbaverint, et super illarum liberam perceptionem ab aliquo minime impediri, aut a vobis et communitate vestra huiusmodi quovis praetextu, occasione vel causa auferri, seu illas et illa minui aut alterari nullatenus debere mandaverint; nihilominus vos, communitasque vestra et homines praedicti in perceptione et exactione integrarum suarum partium ex dictis maleficiis provenientium per gubernatores, seu locatenentes, seu alios officiales et ministros pro tempore in dicta nostra civitate existentes, sub diversis praetextibus, etiam reparationis palatii, defraudati, impediti et gravati respective fuistis) ipse Sixtus praedecessor, vestris tunc supplicationibus inclinatus, per suas in simili forma Brevis litteras, die x augusti MDLXXXV pontificatus sui anno i datas¹, vos ad maleficiorum et delictorum omnium in ipsa civitate Anconitana commissorum et committendorum plenariam notitiam habendam per vestri syndici interventum dumtaxat perpetuo admisit; et propterea dictae civitatis gubernatori, locumtenenti, auditoribus et aliis officialibus pro tempore ad criminalia deputatis, quocumque nomine appellarentur et quacumque fungerentur auctoritate, mandavit, ut omnes descriptiones, seu inventaria, ratione vel causa quorumvis maleficiorum, delictorum et criminum deinceps confi-

cienda, ac quacumque¹ occasione praemissorum fieri voluit cum praesentia et interventu syndici praedicti, vel alterius a vobis deputandi, facerent ac fieri mandarent, ac cum² omnibus et singulis supplicationibus et precibus pro causis criminalibus sequendis, necnon decretis, absolutionibus et processuum cassationibus, cancellationibus, abolitionibus, compositionibus et solutionibus faciendis huiusmodi syndicum pro tempore existentem interesse, ac de illis notam sumere, et³ dictas duas tertias partes percipere et levare libere et sine aliqua diminutione sinerent et permetterent, aliasque, prout latius in eisdem litteris continetur: Quodque deinde (cum idem Sixtus praedecessor postmodum, per suas sub datum idibus martii pontificatus sui anno iv expeditas litteras⁴, poenas pecuniarias, mulctas et confiscationes, omnium seu cuiuscumque partis bonorum, inflictas et infligendas, cuiusvis criminis, excessus, maleficii et delicti, vel quasi, per quoscumque praesides, rectores, gubernatores et alios quoscumque officiales et iudices, qui in quibusvis civitatibus, castris, terris et locis ecclesiasticae ditioni subiectis iurisdictionem quomodolibet exercerent, camerae nostrae apostolicae applicasset et appropriasset, voluissetque, ut quaecumque communitates, universitates, collegia et personae etiam ecclesiasticae, quavis dignitate fungentes, quae poenas, confiscationes et mulctas huiusmodi, seu illarum portionem aliquam, ad se quovis titulo et causa etiam onerosa et quantumvis iustissimam spectare praetenderent, intra duos tunc proximos menses, seu super prae-

¹ Has non puto esse in *Bullario*; sed aliquid de hoc iure legitur in Const. XVI eiusdem Sixti V in tom. VIII, pag. 605 b (R. T.).

¹ Syntaxis iam turbatur, et postea inintelligibilis evadit: puto legendum: *quaecumque occasione praemissorum fieri contingeret* (R. T.).

² Forsan legendum *ac tum vel ac ut* (R. T.).

³ Praep. et nos addimus (R. T.).

⁴ Quas vide in tom. IX, pag. 73 (R. T.).

missis iura et privilegia, in camerâ apostolicâ exhibere, deducere et allegare tenerentur, ac alias prout in praedictis litteris latius continetur) vos, vigore primodictarum Sixti V, et aliarum Pauli III confirmatoriarum reintegrationis bonorum, officiorum et aliorum iurium vobis factae, sub datum x kalendas martii pontificatus sui anno vi, necnon etiam Pii IV Romanorum Pontificum praedecessorum nostrorum, sub datum xxvi ianuarii pontificatus sui anno iv (per quas, poenas, mulctas et confiscationes praedictas vobis ex titulo oneroso dudum fuisse et esse applicatas, declarabatur) litterarum, iuridice et legitime in camerâ nostrâ apostolicâ docuistis, duas tertias poenarum et maleficiorum huiusmodi partes vobis ex titulo vere oneroso competiisse et competere, et eodem titulo a Romanis Pontificibus dudum concessas fuisse et esse, et propterea in eâdem camerâ decretum confirmatorium concessionis et applicationis poenarum huiusmodi obtinuistis, prout latius pariter in patentibus litteris bonae memoriae Henrici presbyteri cardinalis Caetani tunc existentis S. R. E. camerarii desuper confectis continetur. Cum autem, sicut eadem expositio subiungebat, firmiora sint ea, quae saepius Apostolicae Sedis patrocinio muniuntur, et propterea cupiatis praemissa omnia, quae per felicis recordationis Gregorium XIV et Clementem VIII praedecessores nostros confirmata fuerunt, ut firmiora perpetuo subsistant, a nobis quoque confirmari; et ideo nobis humiliter supplicari fecistis, ut in praemissis opportune providere de benignitate apostolicâ dignaremur: nos igitur, vos specialibus favoribus et gratiis prosequi volentes, et vestrum quemlibet a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus

quomodolibet innodati existunt, ad effectum praesentium dumtaxat consequendum, harum serie absolventes et absolutos fore censentes, huiusmodi supplicationibus inclinati, praedictas Sixti V ac Henrici cardinalis tunc camerarii necnon Gregorii et Clementis praedecessorum praedictorum litteras, quarum tenores praesentibus, ac si de verbo ad verbum insererentur, pro sufficienter expressis haberi volumus quatenus tamen in pacificâ solutione exigendi dictas duas tertias partes pecuniarum ex maleficiis provenientium modo et formâ praemissis communitas vestra existat, auctoritate apostolicâ, tenore praesentium, perpetuo confirmamus et approbamus, eisque nostrae et apostolicae auctoritatis robur adiicimus; ac omnes et singulos etiam substantiales defectus, si qui intervererint in eisdem, supplemus. Mandantes propterea dilecto filio nostro Petro, tituli Ss. Ioannis et Pauli presbytero cardinali Aldobrandino nuncupato moderno et pro tempore existenti eiusdem sanctae Romanae Ecclesiae camerario, necnon dictae camerae thesaurario, praesidentibus et aliis ministris, ut praedictas, hasque nostras litteras inviolate et ab omnibus, ad quos spectat, observari faciant, vosque dictis duabus tertiis partibus poenarum, mulctarum, confiscationum et aliorum occasione maleficiorum, quae in istâ civitate Anconitana, eiusque comitatu committuntur, provenientium¹ in perpetuum, iuxta litterarum praedictarum tenorem, libere frui et gaudere, et a vobis exigi, percipi et levare, nec vos super praemissis ullo unquam tempore molestari, perturbari, aut inquietari faciant, sed vobis potius omne auxilium et favorem prompte exhibeant et praestent. Non obstantibus constitutionibus et ordinationibus apostolicis, ac quibusvis statutis et consuetudinibus, privilegiis quoque, indultis et lit-

¹ Edit. Main. legit *provenientium* (R. T.).

teris apostolicis quomodolibet concessis, confirmatis et innovatis; quibus omnibus, eorum tenores praesentibus pro expressis habentes, hac vice dumtaxat specialiter et expresse derogamus, atque his omnibus, quae in praedictis litteris concessum est non obstando, ceterisque contrariis quibuscumque. Datum Romae, apud S. Marcum, sub annulo Piscatoris, die xxvi augusti mdcv, pontificatus nostri anno i.

Communitas
huiusmodi litte-
ras petit ab Ur-
bano confir-
mari

§ 2. Cum autem, sicut antiani et homines praedicti nobis nuper exponi fecerunt, ipsi subinde litteras praedictas a recolendae memoriae Gregorio Papa XV etiam praedecessore nostro per eius in simili formâ Brevis expeditas litteras sub certis modo et formâ tunc expressis approbati et confirmari obtinuerint¹, ea vero, quae Sedis Apostolicae munimine saepius roborantur, firmiter subsistant, et ab omnibus exactius observari soleant; cupiantque propterea easdem litteras nostrae quoque confirmationis patrocinio roborari.

Confirmat
Pontifex.

§ 3. Nos, eorundem antianorum et hominum votis huiusmodi annuere, illosque specialibus favoribus et gratiis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censentes, supplicationibus illorum nomine nobis super hoc humiliter porrectis inclinati, praeinsertas litteras huiusmodi, ac in eis contenta quaecumque, apostolicâ auctoritate, tenore praesentium, perpetuo approbamus et confirmamus, illisque perpetuae et inviolabilis apostolicae firmitatis robur adiicimus.

Clausulae

§ 4. Decernentes, easdem litteras et in eis contenta huiusmodi perpetuo valida,

¹ Edit. Main. legit *obtinerit* (R. T.).

firma et efficacia existere et fore, suosque plenarios et integros effectus sortiri et obtinere, ac dictis communitati et hominibus in omnibus et per omnia plenissime suffragari, sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

§ 5. Non obstantibus omnibus illis, quae in eisdem litteris concessa sunt non obstando, ceterisque contrariis quibuscumque.

Obstantium
derogatio.

Datum Romae, apud S. Petrum, sub annulo Piscatoris, die 3 iunii mdcxxv, pontificatus nostri anno ii.

Dat. die 3 iunii 1625, pontif. an. ii.

CXLII.

Beatificatio venerabilis servi Dei Andreae de Avellino clericorum Congregationis regularium Theatinorum, cum concessione clericis dictae Congregationis, ubique existentibus, quotannis in die illius obitus missam et officium de communi Confessoris non Pontificis celebrandi¹.

Urbanus Papa VIII,
ad perpetuam rei memoriam.

In Sede Principis apostolorum, nullis licet nostris suffragantibus meritis, a Deo constituti, piis fidelium votis, quibus virtutum Dominus in servis suis honorificatur, libenter annuimus, eaque favoribus prosequimur opportunis.

Exordium.

§ 1. Cum itaque, sicut pro parte dilectorum filiorum praepositi generalis,

¹ Huiusmodi indulgentiam celebrandi missam et officium istis clericis concessum sacra rituum congregatio extendit ad civitatem Neapolim, quae in novum patronum dictum Beatum recepit, eiusque reliquiis ac statuae locum in cappella thesauri ecclesiae dictae civitatis, prout in ipsius congregationis decretis videri poterit.

et clericorum regularium congregationis Theatinorum nuncupatorum nobis nuper expositum fuit, venerabiles fratres S. R. E. cardinales sacris ritibus praepositi causam servi Dei Andreae Avellini eorumdem clericorum regularium (a tribus Rotae auditoribus, ac deinde de mandato nostro ab eisdem cardinalibus, referente dilecto filio nostro Carolo Emanuele S. Mariae in Via Latâ diacono cardinale Pio nuncupato, discussam), cum utrobique de validitate processuum, de sanctitate vitae ac de miraculis, tam in vitâ quam in morte sufficienter constare pronunciatum fuisset, in tali statu censuerint habendam, ut ad solemnem ipsius servi Dei canonizationem quandocumque deveniri possit; praepositus vero et clerici praedicti, pro eo, quem erga eundem servum Dei Andream Avellinum gerunt, devotionis affectu¹, illum Beatum nuncupari, officiumque et missam de eo, donec ad illius canonizationem deveniatur, recitari posse summopere desiderant:

§ 2. Nos, piis praepositi et clericorum praedictorum votis, quantum cum Domino possumus, annuere, illosque specialibus favoribus et gratiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodati existunt, ad effectum praesentium dumtaxat consequendum, harum serie absolventes et absolutos fore censentes, supplicationibus eorum nomine nobis super hoc humiliter porrectis inclinati, de eorumdem cardinalium consilio, ut idem Dei servus Andreas Avellinus Beatus nuncupari, deque eo ab omnibus clericis regularibus huiusmodi ubique existentibus officium et missa de communi Confessoris non Pontificis ipsâ die eius obitus celebrari ac recitari libere et licite possit et valeat,

¹ Edit. Main. legit *affectum* (R. T.).

apostolicâ auctoritate, tenore praesentium, licentiam et facultatem concedimus et impartimur.

§ 3. Non obstantibus constitutionibus et ordinationibus apostolicis, ceterisque contrariis quibuscumque.

Obstantia tollit.

§ 4. Volumus autem, ut praesentium transumptis, etiam impressis, et personae in dignitate ecclesiasticâ constitutae sigillo munitis, eadem prorsus fides ubique adhibeatur, quae praesentibus adhiberetur, si forent exhibitae vel ostensae.

Transumptis-
que fidem addit

Datum Romae, apud S. Petrum, sub annulo Piscatoris, die x iunii MDCXXV, pontificatus nostri anno II.

Dat. die 10 iunii 1625, pontif. an. II.

CXLIII.

Jubilaeum pro omnibus utriusque sexus christifidelibus in civitate et dioecesi Parisiensi commorantibus, anno MDCXXVI¹.

Urbanus Papa VIII,

Universis christifidelibus praesentes litteras inspecturis, salutem et apostolicam benedictionem.

Salvator noster² Dominus Iesus Christus Dei Filius, cuius licet immeriti vices in terris gerimus, ad hoc nobis ligandi et solvendi potestatem tradere voluit, ut saluti eius gregis nostrae curae divinitus commissi paterno affectu ac sollicito studio incumbamus.

Prooemium.

§ 1. Hinc est quod nos, attendentes quamplures civitatis Parisiensis in regno Franciae³, atque terrarum, villarum et locorum dioecesis Parisiensis personas, ob diversa impedimenta, praesertim continuorum bellorum, quae hactenus in dicto regno gesta sunt, seu aliâs detentas, ad hanc almam Urbem nostram pro caele-

Grassante bello, cum Parisienses Romam accedere nequiverint,

¹ Ex Regest. in Secret. Brev.

² Similem constitutionem, similiter mendis refertam, cf. sup. p. 292 (R. T.).

³ Edit. Main. legit *Aranciae* (R. T.).

Urbanus cum Beatum nuncupari posse;

Et indulgentiam de quo in rubrica concedit.

stibus indulgentiarum praesentis anni iubilaei donis ac spiritualibus thesauris consequendis non accessisse nec minus accedere potuisse neque posse;

Pontifex in-
iuncta hic po-
nentibus au-
no 1626 iubi-
laci indulgen-
tias elargitur.

§ 2. Et propterea ipsarum et aliorum quorumcumque etiam fidelium animarum salutē prospicere volentes, precibus charissimi in Christo filiū nostri Ludovici Francorum regis christianissimi nomine nobis super hoc humiliter porrectis inclinati, de omnipotentis Dei misericordiā ac beatorum Petri et Pauli apostolorum eius auctoritate confisi, omnibus et singulis utriusque sexus christifidelibus praedictae civitatis Parisiensis et illius dioecesis terrarum, villarum et locorum conviciniarum huiusmodi incolis et habitatoribus, ac eo pro tempore accedentibus, vere poenitentibus et confessis, ac sanctissimo Eucharistiae sacramento refectis, ut¹ anno proximo futuro MDCXXVI unam seu plures ecclesias seu ecclesiam, per venerabilem fratrem archiepiscopum Parisiensem deputandam seu deputandas, per quindecim dies continuos vel interpolatos (quos pro dioecesanis pauperibus, infirmis, senibus, praegnantibus, virginibus, viduis, et aliis quovis alio legitimo impedimento detentis, ac capitulis, congregationibus, tam secularium quam regularium, sodalitatibus, universitatibus, confraternitatibus ecclesiarum seu ecclesiis huiusmodi visitantibus, atque etiam ob alias causas, prout dicto archiepiscopo videbitur, ad minorem numerum arbitrio suo reduci, et alibi etiam, tam in dicta civitate quam in quibusvis eiusdem dioecesis terris, castris, villis et locis, unam vel plures ecclesias visitando², prout animarum salutē noverit expedire, dicto arbitrio deputari posse volumus) devote et reverenter visitando, et ibi quinquies orationem dominicam et toties salutationem

angelicam pro peccatorum suorum remissione³, ac pro pace inter principes christianos conservandā, et haeresum extirpatione, sanctaeque Romanae Ecclesiae exaltatione pie ad Deum orando, plenariam eiusdem anni iubilaei omnium peccatorum suorum indulgentiam et remissionem consequantur, perinde ac si dicto iubilaei anno quatuor ecclesias dictae almae Urbis pro consequendo iubilaeo huiusmodi deputatas statutis ad id diebus personaliter visitassent, et alia ad hoc requisita adimplevissent;

§ 3. Et ad effectum huiusmodi, illis, ut confessores, quos idem archiepiscopus iubilaei huiusmodi causā in statutis ecclesiis nominatim delegerit, sibi eligere valeant presbyteros seculares vel cuiusvis Ordinis regulares, qui confessionibus eorum diligenter auditis eos et eorum quemlibet a quibusvis peccatis, criminibus, excessibus et delictis, et quantumcumque gravibus et enormibus, etiam Sedi Apostolicae reservatis, ac litteris, quae in die Coenae Domini legi consueverunt, contentis, ac censuris et poenis ecclesiasticis, ad effectum ipsius iubilaei consequendum tantum, iniunctā eis poenitentia salutari, absolvere³ possint;

Huiusmodi iubilaeum ad eos etiam extendit qui Romam anno sancto venerunt.

§ 4. Necnon ut illi, qui Romam venerunt, et alibi etiam iubilaeum ipsum quovis modo consequuti sunt, denuo etiam illud iuxta tenorem praesentium consequi valeant, auctoritate apostolicā, harum serie, concedimus et indulgemus.

Dat confessariis facultatem absolvendi a casibus Sedi Apostolicae reservatis

§ 5. Praeterea ipsi archiepiscopo, ut cuiusvis Ordinis monialibus et orphanis, aliarumque mulierum in communi viventium congregationibus, ad iubilaeum intra monasteria, domosve suas consequendum conditiones, modum et tempus praescribere³, et denique in praemissis omnibus et singulis arbitrio suo facere, ordinare et providere, ac quaecumque sibi visa re-

Archiepiscopo facultatem dat monialibus, a hisque constituendi

1 Particulam *ut* nos addimus (R. T.).

2 Potius lege *visitandas*; ceterum confer loc. parall. pag. 293 (R. T.).

1 Supple *recitando*, aut simile (R. T.).

2 Edit. Main. legit *absolvi* (R. T.).

3 Inepte ed. Main. legit *praescribendum* (R. T.).

media opportunā adhibere possit, prout animarum salutē expedire iudicaverit, facultatem tribuimus. Praesentibus ad tres menses a die publicationis praesentium inchoandos⁴ dumtaxat valituris.

Contraria tollit.

§ 5. Non obstantibus constitutionibus et ordinationibus apostolicis, ceterisque contrariis quibuscumque.

Datum Romae, apud S. Petrum, sub annulo Piscatoris, die XIII iunii MDCXXV, pontificatus nostri anno II.

Dat. die 13 iunii 1625, pontif. anno II.

CXLIV.

Irritatio decretorum per nonnullos iudices regni Portugalliae contra libertatem et immunitatem ecclesiasticam, ac collectoris eiusque officialium iurisdictionem, latorum.

Urbanus Papa VIII,
ad perpetuam rei memoriam.

Facti series.

§ 1. Ad audientiam apostolatus nostri, non sine iusto et gravi cordis nostri dolore, pervenit, quod, procedente nuper in diversis causis ecclesiasticis in civitate Ulixbonensi, pro sui muneris auctoritate, dilecto filio magistro Ioanne Baptista Palotto in utraq̃ue signaturā nostrā referendario, iurium et spoliū camerae apostolicae debitorum in Portugalliae et Algarbiorum regnis collectori generali, seu eius auditore et iudice delegato, cum pars altera ad iudices seculares temere recursū habuisset, iudices huiusmodi et postmodum alii pariter seculares non solum contra auditorem praedictum, sed etiam contra eundem Ioannem Baptistam collectorem, occasione dictarum causarum, suis iniustis et invalidis decretis ac mandatis, contra immunitatem et libertatem ecclesiasticam attentatis, iurisdictionem pariter ecclesiasticam, et sanctae Sedis Apostolicae officialium violando, impediendo et per-

4 Edit. Main. legit inchoandum (R. T.).

turbando, procedere praesumpserunt, et ad quaedam eidem ecclesiasticae libertati et immunitati ac ipsius Ioannis Baptistae collectoris auctoritati maxime adversantia devenerunt, per quae, inter alia, decreverunt, ut dictus auditor caperetur, e regnis praedictis expelleretur, ipsiusque bona, etiam temporalitates, sequestrarentur; unde, in vim eorundem decretorum, seu aliquis eorum, satellites domum ipsius Ioannis Baptistae collectoris, illius salutaribus monitis temere contemptis, ingressi sunt, sententias excommunicationis et alias ecclesiasticas censuras et poenas, gravi cum scandalo totius civitatis ac divinae maiestatis offensā graviori, incurrendo.

§ 2. Quamobrem nos, qui in Sede beati Petri quamquam immeriti a Domino positi sumus, ne excessus huiusmodi ac ecclesiasticae libertatis et immunitatis tam enormis violatio dissimuletur et transeat in exemplum, pro nostro pastoralis officii debito, providere, et malorum graviorum segetem et radicem, quantum a Deo permittitur, nostrā auctoritate apostolicā evelere volentes, motu proprio, non ad aliquis nobis super hoc oblatae petitionis instantiam, sed ex certā scientiā ac merā deliberatione nostris, deque apostolicae potestatis plenitudine, omnia et singula praemissa a praedictis dictorum regnorum iudicibus secularibus, etiam supremis, quocumque nomine, titulo et praerogativā et gradu insignibus, in causis praedictis et earum occasione contra dictum Ioannem Baptistam collectorem, eiusque auditorem seu delegatum, officiales, ministros, familiares et bona, quocumque praetextu vel quaesito colore, quomodolibet decreta, mandata, acta, facta, ordinata, et sive scriptis, sive verbis quomodolibet attentata, quae omnia et singula praesentibus haberi volumus pro expressis, nulla, invalida, irrita et inania, ac nulliter, invalide, inaniter, et de facto contra sacros canones,

Irritatio decretorum, de quibus in rubrica.

conciliorum decreta, et apostolicas constitutiones attentata et praescripta;

Clausulae pro praesentium litterarum firmitate.

§ 3. Praesentesque litteras et in eis contenta quaecumque de intentionis nostrae vel alio quopiam defectu notari, impugnari, invalidari, retractari, rescindi, infringi, in ius vel controversiam vocari nullatenus posse, sed semper valida, firma et efficacia fore et esse, suosque plenarios et integros effectus sortiri et obtinere, ac ab omnibus, ad quos spectat, inviolabiliter observari debere; sique per quoscumque iudices ordinarios et delegatos, etiam causarum palatii apostolici auditores ac sanctae Romanae Ecclesiae cardinales etiam de latere legatos (sublatâ eis et eorum cuilibet quavis aliter iudicandi et interpretandi facultate et auctoritate) iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari, tenore praesentium decernimus et declaramus.

Prohibitio sub poena excommunicationis, ne quid impostorum contra immunitatem ecclesiasticam attentetur.

§ 4. Et nihilominus, ne imposterum similia praesumantur, omnibus et singulis iudicibus secularibus, etiam supremis, dictorum regnorum, quocumque nomine nuncupentur, cuiuscumque gradus, conditionis et praerogativae existant, ne talia huiusmodi, aut similia adversus immunitatem et libertatem ecclesiasticam, etiam quocumque praetextu, contra ecclesias, praelatos, iudices et personas, res et bona, ac eorum iurisdictionem et auctoritatem, eiusque liberum exercitium, quomodolibet committere aut attentare praesumant, sub excommunicationis maioris, a qua non nisi a nobis, aut Romano Pontifice pro tempore existente, praeterquam in mortis articulo, absolvi possint, aliisque ecclesiasticis sententiis, censuris, ac privationis quorumcumque beneficiorum, pensionum, officiorum, et dignitatum ecclesiasticarum, ac militiarum, et ordinum quorumcumque, perpetuaeque inhabilitatis, tam quoad

ipsos delinquentes seu contumaces, quam quoad eorum descendentes usque ad eorum quartam generationem, ad illa imposterum quomodolibet obtinenda, necnon amissionis quorumcumque iurium patronatus, privilegiorum, indultorum, concessionum et investiturarum, tam emphiteuticarum, quoad feudaliū, eisdem delinquentibus, et seu contumacibus, suisque, ut praefertur, usque ad quartum gradum descendentibus, quocumque titulo apostolico aut alio ecclesiastico quomodolibet nunc et pro tempore competentium et acquirendorum, poenis ipso facto absque ulla declaratione incurrendis, interdicimus et prohibemus.

§ 5. In contrarium facientibus non obstantibus quibuscumque (quorum omnium et singulorum tenores¹, etiamsi de illis specialis, specifica, expressa et individua, non autem per clausulas generales idem importantes, mentio habenda seu quaevis alia exquisita forma ad hoc servanda foret, praesentibus pro plene et sufficienter expressis et ad verbum insertis haberi volumus), aut si praedictis vel quibusvis aliis personis ab eadem sit Sede indultum, quod interdicti, suspendi, vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

Obstantium derogatio.

§ 6. Volumus autem, quod praesentes litterae, seu illarum exempla, manu notarii publici subscripta, et sigillo alicuius personae in dignitate ecclesiastica constitutae et munita, ad valvas ecclesiae Ulyxbonensis affixa, ita omnes arcent et afficiant, ac si unicuique personaliter intimatae fuissent.

Fienda transumptis

Datum Romae, apud S. Mariam Maiorem, sub annulo Piscatoris, die xx iunii mdcxxv, pontificatus nostri anno II.

Dat. die 20 iunii 1625, pontif. anno II.

¹ Edit. Main. legit *tenorem* (R. T.)

media opportunā adhibere possit, prout animarum salutē expedire iudicaverit, facultatem tribuimus. Praesentibus ad tres menses a die publicationis praesentium inchoandos⁴ dumtaxat valituris.

Contraria tollit.

§ 5. Non obstantibus constitutionibus et ordinationibus apostolicis, ceterisque contrariis quibuscumque.

Datum Romae, apud S. Petrum, sub annulo Piscatoris, die XIII iunii MDCXXV, pontificatus nostri anno II.

Dat. die 13 iunii 1625, pontif. anno II.

CXLIV.

Irritatio decretorum per nonnullos iudices regni Portugalliae contra libertatem et immunitatem ecclesiasticam, ac collectoris eiusque officialium iurisdictionem, latorum.

Urbanus Papa VIII,
ad perpetuam rei memoriam.

Facti series.

§ 1. Ad audientiam apostolatus nostri, non sine iusto et gravi cordis nostri dolore, pervenit, quod, procedente nuper in diversis causis ecclesiasticis in civitate Ulixbonensi, pro sui muneris auctoritate, dilecto filio magistro Ioanne Baptista Palotto in utraq̃ue signaturā nostrā referendario, iurium et spoliū camerae apostolicae debitorum in Portugalliae et Algarbiorum regnis collectori generali, seu eius auditore et iudice delegato, cum pars altera ad iudices seculares temere recursū habuisset, iudices huiusmodi et postmodum alii pariter seculares non solum contra auditorem praedictum, sed etiam contra eundem Ioannem Baptistam collectorem, occasione dictarum causarum, suis iniustis et invalidis decretis ac mandatis, contra immunitatem et libertatem ecclesiasticam attentatis, iurisdictionem pariter ecclesiasticam, et sanctae Sedis Apostolicae officialium violando, impediendo et per-

t Edit. Main. legit inchoandum (R. T.).

turbando, procedere praesumpserunt, et ad quaedam eidem ecclesiasticae libertati et immunitati ac ipsius Ioannis Baptistae collectoris auctoritati maxime adversantia devenerunt, per quae, inter alia, decreverunt, ut dictus auditor caperetur, e regnis praedictis expelleretur, ipsiusque bona, etiam temporalitates, sequestrarentur; unde, in vim eorundem decretorum, seu aliquius eorum, satellites domum ipsius Ioannis Baptistae collectoris, illius salutaribus monitis temere contemptis, ingressi sunt, sententias excommunicationis et alias ecclesiasticas censuras et poenas, gravi cum scandalo totius civitatis ac divinae maiestatis offensā graviori, incurrendo.

§ 2. Quamobrem nos, qui in Sede beati Petri quamquam immeriti a Domino positi sumus, ne excessus huiusmodi ac ecclesiasticae libertatis et immunitatis tam enormis violatio dissimuletur et transeat in exemplum, pro nostro pastoralis officii debito, providere, et malorum graviorum segetem et radicem, quantum a Deo permittitur, nostrā auctoritate apostolicā evelere volentes, motu proprio, non ad aliquius nobis super hoc oblatae petitionis instantiam, sed ex certā scientiā ac merā deliberatione nostris, deque apostolicae potestatis plenitudine, omnia et singula praemissa a praedictis dictorum regnorum iudicibus secularibus, etiam supremis, quocumque nomine, titulo et praerogativā et gradu insignibus, in causis praedictis et earum occasione contra dictum Ioannem Baptistam collectorem, eiusque auditorem seu delegatum, officiales, ministros, familiares et bona, quocumque praetextu vel quaesito colore, quomodolibet decreta, mandata, acta, facta, ordinata, et sive scriptis, sive verbis quomodolibet attentata, quae omnia et singula praesentibus haberi volumus pro expressis, nulla, invalida, irrita et inania, ac nulliter, invalide, inaniter, et de facto contra sacros canones,

Irritatio decretorum, de quibus in rubrica.

conciliorum decreta, et apostolicas constitutiones attentata et praescripta;

Clausulae pro praesentium litterarum firmitate.

§ 3. Praesentesque litteras et in eis contenta quaecumque de intentionis nostrae vel alio quopiam defectu notari, impugnari, invalidari, retractari, rescindi, infringi, in ius vel controversiam vocari nullatenus posse, sed semper valida, firma et efficacia fore et esse, suosque plenarios et integros effectus sortiri et obtinere, ac ab omnibus, ad quos spectat, inviolabiliter observari debere; sicque per quoscumque iudices ordinarios et delegatos, etiam causarum palatii apostolici auditores ac sanctae Romanae Ecclesiae cardinales etiam de latere legatos (sublatâ eis et eorum cuilibet quavis aliter iudicandi et interpretandi facultate et auctoritate) iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari, tenore praesentium decernimus et declaramus.

Prohibitio sub poena excommunicationis, ne quid impostorum contra immunitatem ecclesiasticam attentetur.

§ 4. Et nihilominus, ne imposterum similia praesumantur, omnibus et singulis iudicibus secularibus, etiam supremis, dictorum regnorum, quocumque nomine nuncupentur, cuiuscumque gradus, conditionis et praerogativae existant, ne talia huiusmodi, aut similia adversus immunitatem et libertatem ecclesiasticam, etiam quocumque praetextu, contra ecclesias, praelatos, iudices et personas, res et bona, ac eorum iurisdictionem et auctoritatem, eiusque liberum exercitium, quomodolibet committere aut attentare praesumant, sub excommunicationis maioris, a qua non nisi a nobis, aut Romano Pontifice pro tempore existente, praeterquam in mortis articulo, absolvi possint, aliisque ecclesiasticis sententiis, censuris, ac privationis quorumcumque beneficiorum, pensionum, officiorum, et dignitatum ecclesiasticarum, ac militiarum, et ordinum quorumcumque, perpetuaeque inhabilitatis, tam quoad

ipsos delinquentes seu contumaces, quam quoad eorum descendentes usque ad eorum quartam generationem, ad illa imposterum quomodolibet obtinenda, necnon amissionis quorumcumque iurium patronatus, privilegiorum, indultorum, concessionum et investiturarum, tam emphiteuticarum, quoad feudaliū, eisdem delinquentibus, et seu contumacibus, suisque, ut praefertur, usque ad quartum gradum descendentibus, quocumque titulo apostolico aut alio ecclesiastico quomodolibet nunc et pro tempore competentium et acquirendorum, poenis ipso facto absque ulla declaratione incurrendis, interdiciamus et prohibemus.

Obstantium derogatio.

§ 5. In contrarium facientibus non obstantibus quibuscumque (quorum omnium et singulorum tenores¹, etiamsi de illis specialis, specifica, expressa et individua, non autem per clausulas generales idem importantes, mentio habenda seu quaevis alia exquisita forma ad hoc servanda foret, praesentibus pro plene et sufficienter expressis et ad verbum insertis haberi volumus), aut si praedictis vel quibusvis aliis personis ab eadem sit Sede indultum, quod interdicti, suspendi, vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

Fienda transumptis

§ 6. Volumus autem, quod praesentes litterae, seu illarum exempla, manu notarii publici subscripta, et sigillo alicuius personae in dignitate ecclesiastica constitutae et munita, ad valvas ecclesiae Ulyxbonensis affixa, ita omnes arcent et afficiant, ac si unicuique personaliter intimatae fuissent.

Datum Romae, apud S. Mariam Maiorem, sub annulo Piscatoris, die xx iunii mdcxxv, pontificatus nostri anno II.

Dat. die 20 iunii 1625, pontif. anno II.

¹ Edit. Main. legit *tenorem* (R. T.)

CXLV.

Decreta S. Congregationis Concilii de celebratione missarum, ac de prohibitione illas moderandi seu reducendi absque Sedis Apostolicae licentiâ. Nec non de earundem oneribus perpetuis suscipiendis; et de religiosorum numero ultra redditus et consuetas eleemosynas locorum regularium non habendo¹.

Causae edendi haec decreta.

Cum saepe contingat in quibusdam ecclesiis tam magnum missarum celebrandarum numerum ex variis defunctorum relictis aut piorum eleemosynis impositum esse, ut illis pro singulis diebus praescriptis nequeat satisfieri; et tamen nova onera missarum in dies suscipiantur; indeque fiat, ut depereant piae testantium voluntates, obstricta benefactoribus fides violetur, defunctorum animae suffragiis priventur, ecclesiis debitum subtrahatur cultus, ac christifideles gravi scandalo affecti, plerumque a similibus charitatis operibus retrahantur: cumque his malis maximum inter cetera fomentum praebeat, aut² quod ii, qui missas supra vires celebrandas suscipiunt, sperent, illas brevi ad pauciores numerum a superioribus reductum³ iri, aut quod ecclesiis, sorte pecuniarum absumptâ, plerumque nuda remaneant onera missarum absque ullo emolumento, aut quod eleemosyna pro illis celebrandis sit adeo tenuis, ut non facile inveniantur, qui velint huic se muneri subiicere, et redditus ecclesiae aut monasterii adeo exigui, ut sacerdos pro necessariâ suâ sustentatione novis se oneribus obstringere compellatur: sacra Congregatio cardina-

¹ Super his decretis multae postea sunt ortae dubitationes, quibus eadem sacra Congregatio respondit, et SS. D. N. responsa confirmavit et approbavit, quae omnia mox tibi subiiciam.

² Vocem aut puto heic abundare (R. T.).

³ Aptius legeretur reductas (R. T.).

lium Concilii Tridentini interpretum, animadvertens, facturam se rem Deo gratissimam, charitalique ac iustitiae maxime consentaneam, si pro viribus satagat hunc teterrimum abusum e christianâ republicâ convellere atque eradicare, SS. D. N. Urbani divinâ providentiâ Papae VIII auctoritate sibi specialiter attributâ, infrascripta decreta edidit.

§ 1. Ac primo districte prohibet, atque interdicat, ne episcopi in dioecesanâ synodo, aut generales in capitulis generalibus, vel aliâs quoquomodo, reducant onera ulla missarum celebrandarum, aut post idem Concilium imposita, aut in limine foundationis; sed pro his omnibus reducendis, aut moderandis, vel commutandis, ad Apostolicam Sedem recurratur, quae, re diligenter perspectâ, id statuet, quod magis in Domino expedire arbitrabitur: alioquin reductiones, moderationes et commutationes huiusmodi, si quas contra huius prohibitionis formam fieri contigerit, omnino nullas atque inanes decernit.

Pro reductione missarum recurrendum omnino ad Sanctam Sedem.

§ 2. Deinde, ubi, pro pluribus missis etiam eiusdem qualitatis celebrandis, stipendia, quantumcumque incongrua et exigua, sive ab unâ sive a pluribus personis collata fuerint aut conferentur in futurum, sacerdotibus, ecclesiis, capitulis, collegiis, hospitalibus, societatibus, monasteriis, conventibus, congregationibus, domibus, ac locis piis quibuscumque, tam secularibus quam regularibus, sacra Congregatio sub obtestatione divini iudicii mandat ac praecipit, ut absolute tot missae celebrentur, quot ad rationem attributae eleemosynae praescriptae fuerint, ita ut alioquin ii, ad quos pertinet, suae obligationi non satisfaciant, quinimo graviter peccent et ad restitutionem teneantur.

Missae celebrandae ad rationem attributae eleemosynae.

§ 3. Id vero ut deinceps observetur exactius, sacra Congregatio eâdem auctoritate revocat privilegia et indulta omnia quibusvis personis, ecclesiis, ac locis piis,

Revocatio indultorum satisfaciendi oneri plurimarum missarum aliquibus collectis, sive orationibus.

tam secularibus quam regularibus, cuiuscumque ordinis, congregationis et instituti, quamcumque ob causam concessa, quibus indulgetur, ut certarum missarum vel anniversariorum celebratione, aut ali- quibus collectis seu orationibus, plurium missarum oneribus in futurum suscipien- dis satisfiat.

Certa eleemosyna pro missae celebratione concepta in tegra celebranti tradi debet.

§ 4. Ac similiter, omne damnabile lu- crum ab ecclesiâ remove volens, prohibet sacerdoti, qui missam suscepit celebran- dam cum certâ eleemosynâ, ne eandem missam alteri, parte eiusdem eleemosynae sibi retentâ, celebrandam committat.

Pecuniae vel bona pro missis celebrandis re- licta deponi de- bent.

§ 5. Praeterea, ne in ecclesiis, in quibus onera missarum in perpetuum imposita sunt, sacerdotes in eis, ut par est, adim- plendis eo tepidiores ac segniores reddan- tur, quod onera huiusmodi cum nullâ aut parvâ sint utilitate coniuncta, statuit atque decernit, ut pecuniae ac bona mobilia ecclesiis, capitulis, collegiis, hospitalibus, societatibus, congregationibus, monaste- riis, conventibus, ac locis omnibus, tam secularibus quam regularibus, atque il- lorum personis in futurum simpliciter ac- quirenda cum onere perpetuo missarum celebrandarum, ab iis, ad quos pertinet, sub poenâ interdicti ab ingressu ecclesiae ipso facto incurrendâ, a die realis acqui- sitionis statim debeant penes eadem sa- cram, vel personam fidei et facultatibus idoneam, deponi, ad effectum illa seu il- lorum pretium quamprimum investiendi in bonis immobilibus fructiferis cum ex- pressâ et individuâ mentione oneris, quod illis annexum reperitur.

Et cum eo- dem onere in- vesti.

§ 6. Ac si eadem bona immobilia au- ctoritate apostolicâ deinceps alienari con- tigerit, eorundem pretium, sub eâdem poe- nâ, ut supra, deponi, atque in aliis bonis stabilibus itidem fructiferis cum eiusdem oneris repetitione atque annexione con- verti debeat.

Onera perpe-

§ 7. Ad haec sacra Congregatio qui-

busvis capitulis, collegiis, societatibus et congregationibus, necnon omnibus et sin- gulis ecclesiarum ac piorum locorum, tam secularium quam regularium, supe- rioribus, vel aliis, ad quos pertinet, di- stricte prohibet, ne in posterum onera per- petua suscipiant missarum celebrandarum, seculares quidem sine episcopi, vel eius generalis vicarii, regulares vero sine ge- neralis vel provincialis consensu et licen- tiâ in scriptis et gratis concedendâ; alio- quin secularis, qui huius prohibitionis transgressor extiterit, ab ingressu eccle- siae interdictus sit eo ipso; regularis vero poenam privationis omnium officiorum, quae tunc obtinebit, ac perpetuae inha- bilitatis ad alia de cetero obtinenda, vo- cisque activae ac passivae, absque aliâ declaratione, incurrat.

§ 8. Eleemosynas vero manuales et quotidianas pro missis celebrandis ita de- mum iidem accipere possint, si oneribus antea impositis ita satisfecerint, ut nova quoque onera suscipere valeant; alioquin omnino abstineant ab huiusmodi eleemo- synis, etiam sponte oblatis, in futurum re- cipiendis, et capsulas auferant ab ecclesiis cum inscriptione illâ, *Eleemosyna pro missis*, vel aliâ simili, sub iisdem poenis ipso facto incurrendis, ne fideles hac ra- tione frustrentur.

**Manuales ve- ro eleemosynae non accipien- dae, nisi nova onera possint adimpleri.*

§ 9. Episcopus vero, seu eius vicarius, aut generalis, vel provincialis, ubi de licentiâ pro perpetuis oneribus fuerint requisiti, in singulis casibus diligenter inquirent de singulis missarum celebra- darum obligationibus cuique ecclesiae, monasterio, aut loco pio incumben- tibus; nec antea assensum huiusmodi aut licen- tiam praebeant, quam eis legitime consti- terit, illius sacerdotes tam novo oneri sus- cipiendo, quam antiquis iam susceptis satisfacere posse, praecipuamque rationem habeant, ut redditus, qui ecclesiis et locis piis relinquuntur, omnino respondeant

Quando licen- tia a superiori- bus sit dando nova onera sus- cipiendi.

oneribus adiunctis, secundum morem cuiusque civitatis vel provinciae, intelligantque, si in re tanti momenti desides aut negligentes fuerint, in novissimo die se huius praetermissi muneris rationem esse reddituros.

Mandatum superioribus regularibus de recogno-
scentiis redditibus et ob-
ventionibus singulorum monasteriorum, etc.

§ 10. Postremo illustrissimi patres non sine gravi animi dolore intelligentes, mala fere omnia, quae regularem disciplinam evertunt, ac praecipue nimiam hanc facilitatem fovant in oneribus misarum supra vires suscipiendis, veluti ex infecta radice pullulare ex maiori regularium numero, quam ferant redditus et eleemosynae cuiusque monasterii, inhaerentes summorum Pontificum, ac sacri Tridentini Concilii decretis hac de re editis, SS. D. N. auctoritate praecipiant ac mandant omnibus et singulis generalibus, provincialibus, commissariis, ministris, praesidentibus, abbatibus, prioribus, praepositis, guardianis, vicariis et quibuscumque aliis superioribus monasteriorum, conventuum, ac domorum regularium bona immobilia possidentium, vel non possidentium, cuiuscumque Ordinis, congregationis et instituti existentium, intra fines Italiae et insularum adiacentium, ut singuli, ad quos pertinet, in qualibet provincia, adhibitis duobus aut tribus regularibus sui Ordinis vel congregationis probatoribus et rerum usu peritoribus, bona immobilia, census, redditus et proventus omnes, consuetas item eleemosynas et obventiones, tam communes monasteriorum, conventuum et domorum eiusdem provinciae, quam etiam singularibus personis religiosis assignatas, seu permissas, in communem usum deinceps conferendas, decem annorum immediate praecedentium habitâ ratione, diligenter et mature recognoscant, iis omnibus detractis, quae reparationes, praestationes, grandines, sterilitates, aliave cuiuslibet generis onera consueverunt absorbere;

§ 11. Eaque omnia scripto fideliter exarata, idem superior, cuius interest, in proximo capitulo seu congregatione generali vel provinciali coram tribus iudicibus ab ipsomet capitulo seu congregatione deligendis proponat, qui, computatis huiusmodi redditibus, eleemosynis et obventionibus universis, et oneribus ut supra detractis, sedulo examinent, quot religiosi homines, connumeratis etiam laicis, aliisque necessariis servientibus, in unoquoque monasterio, conventu et domo regulari iuxta regionis et proprii instituti morem, victum et vestitum et medicinalia in communi habentes, competenter valeant sustentari. Tum eorundem bonorum, reddituum, eleemosynarum et onerum praecisam notam ipsimet capitulo seu congregationi exhibeant, ut in illo diligenter omnibus discussis, cuiusque familiae, monasterii, conventus, ac domus regularis in singula quaque provincia certus earum tantum personarum numerus, patrum capitularium voto, praefigatur, quae redditibus, eleemosynis et obventionibus, ut superius, sufficienter ali possint.

Et praefigendo religiosorum in unaquaque provincia numero.

§ 12. Ne vero superiores, qui id praestare debent, serius, aut remissius, quam par est, suo muneri satisfaciant, mandat sacra Congregatio, ut infra annum, post proximum capitulum generale vel provinciale computandum, omnia hoc de genere capitulariter gesta, in authenticam formam redacta, ad sacram ipsam Congregationem Concilii singuli mittant.

Notulaque sacrae Congregationi exhibenda.

§ 13. Numerumque familiae, singulorumque conventuum, monasteriorum et domorum huiusmodi regularium, capituli seu congregationis generalis vel provincialis sententiâ et auctoritate praefinitum, iidem superiores, tam generales et provinciales omnes, quam locales, perpetuo servare omnino teneantur, nec possint illum quoquomodo augere, etiam praetextu augmenti reddituum, absque sacrae ipsius

Qui numerus religiosorum sine Congregationis licentia augeri non potest.

Congregationis licentiâ. Superiores autem huiusmodi, qui praedicta omnia in praedicto termino non praestiterint, vel numerum, ut supra praescriptum, quovis modo augere praesumpserint, privationis omnium officiorum, quae tunc temporis obtinebunt, vocisque activae ac passivae, et ad omnia suae religionis officia et gradus inhabilitatis perpetuam poenam eo ipso incurrere, atque aliis etiam gravioribus a Sede apostolicâ infligendis sacra Congregatio subiicere voluit et declaravit.

Quibus conditionibus novi conventus recipiant.

§ 14. Deinceps vero monasterium, conventus, domus, congregatio, vel societas religiosorum seu regularium, nullibi recipiatur, nisi, praeter alia ad id requisita, in singulis eiusmodi locis duodecim saltem fratres, aut monachi, seu religiosi degere et ex redditibus et consuetis elemosynis, detractis omnibus ut supra detrahendis, competenter sustentari valeant, ad praescriptum decreti a felicis recordationis Gregorio XV hac de re editi. Alioquin monasteria et loca huiusmodi post hac recipienda, in quibus duodecim religiosi, ut supra, sustentari, atque inhabitare non poterunt, et actu non inhabitaverint, Ordinarii loci visitationi, correctioni, atque omnimodae iurisdictioni subiecta esse intelligantur.

Haec decreta singulis sex mensibus in mensa legenda.

§ 15. Porro, ne ullo unquam tempore haec in oblivionem seu desuetudinem habeant, superiores locales cuiusque monasterii, conventus, ac domus regularis curare atque efficere teneantur, sub poenâ privationis officii, vocisque activae et passivae ipso facto incurrendâ, ut in perpetuum, sexto quoque mense, idest feriâ secundâ post primam dominicam adventus et feriâ sextâ post octavam Corporis Christi, praesentes ordinationes in publicâ mensâ perlegantur.

Eaque interpretari nemini liceat.

§ 16. Omnibus, tam ecclesiasticis personis, cuiuscumque sint ordinis, conditionis et gradus, quam laicis, quocumque honore ac potestate praeditis, praesentia

decreta declarandi vel interpretandi facultate penitus interdictâ.

§ 17. Non obstantibus, quod¹ suprascripta omnia et singula in praesentibus decretis contenta, constitutionibus et ordinationibus apostolicis in favorem quarumcumque personarum, atque Ordinum, tam Mendicantium quam non Mendicantium, militiarum, etiam S. Ioannis Hierosolymitani, congregationum, societatum, ac cuiuslibet alterius instituti, etiam necessario et in individuo exprimendi, ecclesiarum, monasteriorum, conventuum, collegiorum, capitulorum, hospitalium, confraternitatum, et aliorum quorumcumque tam secularium quam regularium locorum; necnon illorum (etiam iuramento, confirmatione apostolicâ, vel quavis firmitate alia roboratis) statutis et consuetudinibus, etiam immemorabilibus, privilegiis quoque, indultis et litteris apostolicis, etiam *mari magno*, seu *bullâ aurea*, aut aliâs nuncupatis, sub quibuscumque tenoribus et formis, ac cum quibusvis etiam derogationum derogatoriis, aliisque efficacioribus et insolitis clausulis, necnon irritantibus decretis, etiam motu proprio et ex certâ scientiâ, ac de apostolicae potestatis plenitudine, aut aliâs quomodolibet, etiam per viam communicationis seu extensionis concessis et iteratis vicibus approbatis et innovatis, etiamsi pro illorum sufficienti derogatione de illis, eorumque totis tenoribus et formis, specialis et individua ac de verbo ad verbum, non autem per clausulas generales, mentio, seu quaevis alia expressio habenda, aut aliqua alia exquisita forma servanda esset, tenores huiusmodi, ac si de verbo ad verbum, nihil penitus omisso et formâ in illis traditâ observatâ, inserti forent, praesentibus pro expressis habens, quibus quoad ea quae praesentibus adversantur, illis aliâs in suo robore permansuris, sacra Congregatio, Sanctitatis

Derogatio contrariarum.

¹ Aut legendum *quoad*, aut *quod valeant* (R.T.).

Suae auctoritate, specialiter et expresse derogat, ceterisque contrariis quibuscumque.

Præsentium
decretorum pu-
blicatio.

§ 18. Et, ne præmissorum ignorantia a quoquam prætendi possit, voluit eadem sacra Congregatio, ut præsentibus ordinationes in valvis basilicarum S. Ioannis Lateranensis et Principis apostolorum de Urbe et in acie Campi Florae, ut moris est, affixae, omnes, ad quos pertinet, ita arceant et afficiant, ac si unicuique personaliter intimatae fuissent;

Et fides transumptorum.

§ 19. Utque earundem præsentium transumptis, etiam impressis, manu alicuius notarii publici subscriptis, et sigillo personae in dignitate ecclesiastica constitutae munitis, eadem prorsus fides adhibeatur, quae præsentibus adhiberetur, si forent exhibitae vel ostensae.

Datum Romae, die XXI iunii MDCXXV.

COSMUS card. DE TORRES.

PROSPER FAGNANUS S. C. Secr.

Anno D. N. Iesu Christi MDCXXV, indictione VIII, pontificatus autem in Christo Patris et D. N. D. Urbani divinâ providentiâ Papae VIII, anno eius III, die vero XXII mensis septembris, superscripta decreta affixa et publicata fuerunt ad valvas basilicarum S. Ioannis Lateranensis et Principis apostolorum, ac in acie Campi Florae, ut moris est, per nos Camillum Fundatum et Fabium Æmilianum, SS. D. N. Papae cursores.

BRANDIMANTES LATINUS, praelibati

SS. D. N. Papae ac S. Rom. et univ. inquis. pro mag. DD. cursorum.

Sequuntur dubia ac declarationes aliquot sacrae Congregationis Concilii SS. D. N. Urbani Papae VIII auctoritate editae super decretis eiusdem Congregationis de celebratione missarum.

I. Super primo sacrae Congregationis decreto de celebratione missarum, quo prohibetur, ne episcopi in dioecesana syn-

nodo, aut generales in capitulis generalibus, vel aliâs quoquomodo reducant, nec ullâ missarum celebrandarum, aut post idem Concilium imposita, aut in limine foundationis;

Quaeritur: quid¹ si legatum sit ita tenue, ut non sit qui velit onus illi iniunctum subire, et, si recurrendum sit ad Sedem Apostolicam pro moderatione oneris, totum aut fere totum insumendum sit pro expensis ad id necessariis?

Et quid, si permittatur episcopo in fundatione, ut possit huiusmodi onera moderari?

II. Super secundo eiusdem congregationis decreto, quo cavetur, ut celebrentur tot missae, quot ad rationem tributae eleemosynae praescriptae fuerint;

Quaeritur: an verba illa *praescriptae fuerint* intelligenda sint de praescriptione factâ ab offerente, vel ab Ordinario?

III. An, cum Ordinarius praescripserit eleemosynam congruam iuxta qualitatem loci, personarum, ac temporum, sacerdotes accipientes stipendium minus congruo teneantur missas illis ab offerente praescriptas celebrare?

IV. An sacerdotes, qui tenentur missas celebrare ratione beneficii, seu cappellaniae² legati, aut salarii, possint etiam manualementem eleemosynam pro missis votivis, aut defunctorum, recipere et unico missae sacrificio utrique oneri satisfacere.

V. Posito, quod testator relinquat, ut celebrentur pro eius animâ centum missae, absque ullâ praescriptione eleemosynae;

Quaeritur: an liberum sit haeredibus eleemosynam sibi bene visam praescribere, an vero eadem eleemosyna praescribenda sit ab Ordinario?

VI. Super tertio Congregationis decreto, in quo eadem Congregatio revocat privi-

¹ Perperam edit. Main. legit *quod* (n. t.).

² Sic infra pag. 342 a. Perperam edit. Main. legit *cappellani*; ed. Cher. h. cappellae (n. t.).

legia, quibus indulgetur, ut certarum missarum vel anniversariorum celebratione, aut aliquibus collectis seu orationibus, plurimum missarum oneribus in futurum suscipiendis satisfiat;

Quaeritur, an verba *in futurum suscipiendis* intelligenda sint de oneribus suscipiendis post privilegium?

VII. Super quarto eiusdem Congregationis decreto, quo prohibetur sacerdoti, qui suscepit missam celebrandam cum certâ eleemosynâ, ne eandem missam alteri, parte eiusdem eleemosynae sibi retentâ, celebrandam committat;

Quaeritur, an permittendum sit administratoribus ecclesiarum, ut retineant aliquam eleemosynarum portionem pro expensis manutentionis ecclesiae, altarium, inservientium, paramentorum, luminum, vini, hostiae et similium?

VIII. An hoc decretum habeat locum in beneficiis, quae conferuntur in utulum; idest, an rector beneficii, qui potest per alium celebrare, teneatur sacerdoti celebranti dare stipendium ad rationem reddituum beneficii?

X¹. An sacerdotes, quibus aliquando offertur eleemosyna maior solitâ pro celebratione missae, debeant dare eandem integram eleemosynam iis, quibus missas celebrandas committunt: an vero satis sit, ut dent celebrantibus eleemosynam consuetam.

XI. Super quinto eiusdem Congregationis decreto, quo inter cetera statuitur in haec verba *eleemosynas vero manuales et quotidianas pro missis celebrandis ita demum iidem accipere possint, si oneribus antea impositis ita satisfecerint, ut nova quoque onera obire valeant; alioquin omnino abstineant ab huiusmodi eleemosynis, etiam sponte oblatis, in futuram recipiendis, et capsulas auferant*, etc.

¹ Numerum retinemus, etsi praeter ordinem, quia in aliis quoque editionibus idem legitur (n. 7).

Quaeritur, an hoc decretum prohibeat absolute, quominus accipiant novas eleemosynas ii, qui acceptis non satisfecerunt; et quid si congruo tempore possint omnibus satisfacere?

XII. Quid si offerens eleemosynas, audito impedimento, consentiat, ut sacerdos missam celebret cum primum poterit?

XIII. An poena interdicti et aliae appositae in eodem decreto afficiant tam eos qui accipiunt eleemosynas contra formam ibi praescriptam, quam eos qui non auferunt capsulas ab ecclesiis, ut ibidem praecipitur?

XIV. An in hoc decreto comprehendantur illae capsulae, quae apponi solent in ecclesiis in die commemorationis Omnium Sanctorum¹ et vulgo dicuntur (*Casse de' morti*)?

XV. An administratores ecclesiae magnae devotionis et concursus possint eleemosynas pro missis celebrandis accipere, si iisdem missis nonnisi post longum tempus satisfacere valeant, ne aliâ cultus ecclesiae et devotio ac concursus fidelium, ut aiunt, minuantur?

XVI. Quia prohibitio dicti decreti videtur aliquibus directa solis capitulis, collegiis, societatibus, congregationibus, necnon omnibus et singulis ecclesiarum et piorum locorum tam secularium quam regularium superioribus, de quibus sit expressa mentio, non autem privatis sacerdotibus, qui tamen comprehendi videntur sub clausulâ generali *et aliis ad quos pertinet*, supplicatur pro opportunâ declaratione?

XVII. Super septimo eiusdem sacrae Congregationis decreto, quo cavetur, ut in singulis monasteriis religiosorum praefigatur numerus, qui ex consuetis redditibus aut eleemosynis commode possit sustentari;

Quaeritur, an ubi haec praefixio facta

¹ Sic vñs edit. Nescio an legere foret *Fidelium defunctorum* (n. 7.).

iam fuit in vim similis decreti sanctae memoriae Pauli V absque tamen computatione reddituum cuiusque religiosi, sit denuo facienda, necne?

XVIII. An novitii ad habitum regularem admissi possint admitti ad professionem in monasteriis, in quibus, habitâ ut supra praefixione numeri, commode ali non possunt?

XIX. Super ultimo, quo cavetur, ut nullibi recipiantur conventus regularium, nisi, praeter alia ad id requisita, duodecim saltem fratres in eis degere et competenter sustentari valeant, ita ut alioquin subsint iurisdictioni Ordinariae;

Quaeritur: an hoc decretum, quod videtur editum in ordine ad celebrationem missarum, comprehendat eas religiones, quae non consueverunt onera missarum recipere, ut sunt religiones Cappuccinorum, ac Societatis Iesu?

Ultimo; an idem decretum, ubi disponit, ut *nullibi recipiantur monasteria, nisi*, etc., habeat locum in Italia dumtaxat, ad quam est restrictum decretum proxime antecedens, an vero etiam extra Italiam?

*Subsequuntur declarationes
seu responsiones ad supradicta dubia.*

Sacra Congregatio cardinalium Concilii Tridentini interpretum, auctoritate sibi a SS. D. N. attributâ, ad singula dubia superius proposita in hunc modum respondit, videlicet:

Ad I: Etsi legatum sit adeo tenue, nihilominus, pro reductione oneris, ut supra impositi, ab iis, ad quos pertinet, Sedem Apostolicam esse adeundam, quae absque ullâ impensâ id statuât, quod magis in Domino e re esse iudicaverit. Verumtamen, si in ipsâ beneficii erectione expresse cautum fuerit, ut liceat episcopo iniunctum onus reducere ac moderari, legem hanc foundationis, quam decreta hac de re edita non sustulerunt, esse validam et observandam.

Ad II. Esse intelligenda de praescriptione factâ ab eo, qui eleemosynam tribuit, non autem ab Ordinario. Quod si tribuens eleemosynam numerum missarum celebrandarum non praescripserit, tunc tot missas celebrari debere, quot praescripserit Ordinarius secundum morem civitatis vel provinciae.

Ad III. Teneri.

Ad IV. Sacerdotes quibus diebus tenentur missas celebrare ratione beneficii, seu capellaniae, legati, aut salarii, si eleemosynas pro aliis, etiam missis celebrandis susceperint, non posse eâdem missâ utrique obligationi satisfacere.

Ad V. Censuit, ubi nullam certam eleemosynam testator reliquit, esse ab episcopo praescribendam eleemosynam congruam, quae respondeat oneribus missarum celebrandarum, secundum morem civitatis, vel provinciae.

Ad VI. Ita esse intelligenda.

Ad VII. Respondit, permittendum non esse, ut ecclesiae, ac loca pia, seu illorum administratores, ex eleemosynis missarum celebrandarum ullam, utcumque minimam, portionem retineant ratione expensarum, quas subeunt in missarum celebratione, nisi cum ecclesiae et loca ipsa alios non habent redditus, quos in usum earumdem expensarum erogare licite possint; et tunc, quam portionem retinebunt, nullatenus debere excedere valorem expensarum, quae pro ipsomet tantum missae sacrificio necessario sunt subeundae, et nihilominus eo etiam casu curandum esse, ut ex pecuniis, quae supersunt, expensis ut supra deductis, absolute tot missae celebrentur, quot praescriptae fuerint ab offerentibus eleemosynas.

Ad VIII. Non habere locum, sed satis esse, ut rector beneficii, qui potest missam per alium celebrare, tribuat sacerdoti celebranti eleemosynam congruam, secundum morem civitatis, vel provinciae,

nisi in fundatione ipsius beneficii aliud cautum fuerit.

Ad X. Debere absolute integram eleemosynam tribuere sacerdoti celebranti, nec ullam illius partem sibi retinere posse.

Ad XI. Respondit, non prohibere absolute; ac propterea, etsi oneribus iam susceptis non satisfecerint, posse tamen nova etiam onera suscipere missarum celebrandarum, dummodo infra modicum tempus possint omnibus satisfacere.

Ad XII. Quamvis onera suscepta infra modicum tempus adimpleri nequeant, si tamen tribuens eleemosynam pro aliarum missarum celebratione sciât et consentiat, ut illae tunc demum celebrentur, cum susceptis oneribus satisfactum fuerit, decretum non prohibere, quominus eo casu eleemosyna accipiat pro iisdem missis iuxta benefactoris consensum celebrandis.

Ad XIII. Has poenas non habere locum, nisi in suscepturis onera perpetua missarum celebrandarum sine licentiâ episcopi, vel eius generalis vicarii, aut generalis vel provincialis.

Ad XIV. Comprehendi.

Ad XV. Non posse, nisi de consensu eorum, qui eleemosynas tribuunt, ut supra in responsione ad XII.

Ad XVI. Comprehendi etiam privatos sacerdotes.

Ad XVII. Numeri praefixionem esse iterum faciendam, servatâ formâ ultimi decreti hac de re editi.

Ad XVIII. Esse admittendos ad professionem, si alias habiles existant; ac deinde in aliquo alio monasterio eiusdem religionis esse collocandos, ubi commode ali possint.

Ad XIX. Censuit comprehendere.

Ad ultimum. Habere locum extra Italiam.

COSMUS card. DE TORRE.

PROSPER FAGNANUS, S. C. Secr.

CLVI.

Confirmatur concordia inita inter capitula aliosque ecclesiasticos regnorum Castellae et Legionis super solutione decimae a nonnullis Pontificibus Philippo IV Hispaniarum regi concessae, ac prorogatae¹.

Urbanus Papa VIII,
ad futuram rei memoriam.

Pro nostro munere² in his partes nostras libenter interponimus, quae ad concordiam et pacem inter catholicos reges et ecclesiasticas personas, super exactionibus, apostolicâ auctoritate, faciendis, pertinere dignoscuntur.

§ 1. Nuper siquidem, sicut nobis nuper exponi fecerunt charissimus in Christo filius noster Philippus IV Hispaniarum rex catholicus, ac dilecti filii singularum Tolletanae, Ispalensis, Compostellanae, Grana-tensis, Burgensis, Legionensis, Palentinae, Ovetensis, Seguntinae, Conchensis, Pampilonensis, Giennensis, Zamorensis, Astori-censis, Malacitanae, Cauriensis, Pacensis, Auriensis, Canariensis, Gaudixensis, Segobiensis, Civitanensis, Calaguritanae, Cal-riatensis, Salamitanae, Oxomensis, Valli-soletanae, Lucensis, Mindoniensis, Alme-riensis, Tudensis, Abulensis, Oriolensis, Palentinae, Carthaginensis et Guadicensis ecclesiarum capitula, quae universum ele-rum regnorum Castellae et Legionis re-praesentant, considerantes dictus Philippus rex et capitula praedicta gratiam et con-stitutionem³ primae decimae quarumlibet dietarum ecclesiarum et parochialium in omnibus Hispaniarum regnis et insulis illis adiacentibus dudum per felicis recor-dationis Pium Papam V praedecessorem nostrum clarae memoriae Philippo II Ili-

¹ Ex Regest. in Secret. Brev.

² Similem Pauli V Const. vid. tom. XII, pa-gina 280 (n. 7.).

³ In loco parallelo legitur *concessionem* (B. T.).

spaniarum regi catholico praedicti Philippi IV regis avo ad quinquennium concessam, et postea pluries a recolendae memoriae Gregorio XIII, et deinde a Sixto V, et postmodum a Gregorio XIV, a Clemente VIII, ac denique a Paulo V, Romanis Pontificibus praedecessoribus nostris¹, eidem Philippo II, ac clarae similiter memoriae Philippo III ipsius Philippi II nato, et dicti Philippi IV genitori, pluries, et in ultimâ vice ad aliud quinquennium, a principio anni MDCXXII inchoatum, et in fine anni MDCXXVI finiendum, respective prorogatum et extensam² (prout in singulis eorundem praedecessorum desuper expeditis litteris, quarum tenores praesentibus pro expressis haberi volumus, plenius continetur), si eisdem modo et formâ, quibus concessa est, executioni demandaretur, id non sine eiusdem cleri incommodo exequi posset, cupientesque praemissis eâ, qua fieri posset, ratione occurrere, quo facilius illa, ad quae tenentur, ab ipsis adimpleri valeant, ipsaeque personae ecclesiasticae onus illis eam ob causam incumbens supportare facilius possint, ad infrascriptam concordiam per earum procuratores ad hoc specialiter deputatos devenerunt:

Concordiae
tenor.

§. 2. In primis, quod praedictus status ecclesiasticus coronae Castellae et Legionis darent et solverent dicto Philippo IV regi, seu personae ab eo deputatae, ducentos et quinquaginta mille ducatos, qui ascenderent ad numerum nonaginta trium millionum et septingentorum quinquaginta millium morapetitorum, quolibet anno, durantibus quinque annis prorogationis, pro iis, quae ad huiusmodi effectum dicto regi debentur, et ad eum spectant, ratione dictorum regnorum Castellae et

Legionis (non comprehensis in praesenti concordia et repartitione dictorum ducentorum et quinquaginta millium ducatorum regnis¹ Aragoniae, Cathaloniae et Valentiae ac insulis adiacentibus, ita ut dictus Philippus IV rex ab ipsis possit exigere illud, quod sibi ex prorogatione huiusmodi provenit, exceptâ ecclesiâ Oriolensi, cuius dispositio et pars ingreditur et computatur unâ cum statu ecclesiastico coronae Castellae et Legionis); et quia transactionis et concordiae huiusmodi instrumentum, antequam gratiae praedictae prorogatio currere inciperet, stipulari debebat, id autem factum minime fuit, quia ecclesiae distulerunt, insimul se congregare ad eum effectum, ideo hac dilatione durante datae fuerunt cedulae, vulgo *libranzas*, summae ducentorum et quinquaginta mille ducatorum ab eis solvenda in fine iunii et novembris anni MDCXXIII pro medietate in argenteâ et alterâ medietate in aeneâ monetâ, quam vulgo de *Vellon* nuncupant, pro fructibus anni MDCXXII, qui fuit primus huius quinquennii eidem Philippo III regi, ut praefertur, ultimo prorogati, et solverunt, non obstantibus protestationibus factis, quod non tenebantur, et aliis causis, est pactum et conditio huius transactionis et concordiae, quod pro solutione factâ de dicto mense pro medietate in monetâ argenteâ quidquam deduci vel detrahi minime debeat, et quod, ratione solutionis factae de mense novembris sequentis pariter in monetâ argenteâ, solutio mensis iunii anni MDCXXIV ab ipsis in monetâ aeneâ de *Vellon* nuncupatâ recipi debeat: et quod quarta pars septem solutionum successivarum, quae complebuntur in fine anni MDCXXVII, debeat fieri in monetâ argenteâ, et aliae tres partes in monetâ aeneâ de *Vellon* nuncupatâ, pro huiusmodi quinquennio, absque eo quod deinceps trahatur in consequentiam; quas

¹ Cfr. Pauli V Constit. CCLVII, tom. XII, pag. 280 seqq. (R. T.).

² Male ed. Main. legit *prorogatum et extensum* (R. T.).

¹ Male ed. Main. legit *regni* (R. T.).

solutiones dabunt et facient suis sumptibus in capitulis cuiusvis dioecesis reddituum decimalium et primitialium, quas habebunt, quia super istis, et non super ullis aliis redditibus ecclesiasticis, debent repartiri et recuperari quomodolibet dictorum quinque annorum dicti ducenti et quinquaginta mille ducati; et ex nunc remaneant obligatae, prout obligant capitula generaliter, et debeant se obligare in particulari pro solutionibus, quarum remanent debitores pro quinquennio ipsi Philippo regi III, ut praefertur, prorogato, iuxta repartitionem, quae est ut sequitur:

Distributio
summarum a
capitulo solven-
darum.

Capitulum ecclesiae Toletanae pro se et suâ dioecesi solvet summam quatuordecim millionum, ac septingentorum et decem millium nongentorum et triginta morapetinarum;

Capitulum ecclesiae Hispalensis, pro se et suâ dioecesi, novem millionum, sexcentorum et sexaginta quinque millium, et trecentorum et triginta octo morapetinarum;

Capitulum ecclesiae Salamantinae, pro se et suâ dioecesi, duorum millionum, ducentorum et nonaginta sex millium, duodecim morapetinarum;

Capitulum ecclesiae Zamorensis, pro se et suâ dioecesi, duorum millionum, septuaginta et novem millium ducentorum, et quinquaginta septem morapetinarum;

Capitulum ecclesiae Seguntinae, pro se et suâ dioecesi, duorum millionum, sexcentorum et quadraginta trium millium, centum et quadraginta septem morapetinarum;

Capitulum ecclesiae Conchensis, pro se et suâ dioecesi, quatuor millionum, sexaginta et duorum mille, quingentorum et octuaginta et unius morapetinarum;

Capitulum ecclesiae Cartaginensis, pro se et suâ dioecesi, unius millionis, quingentorum et octuaginta et quatuor mille, ducentorum et quadraginta septem morapetinarum;

Capitulum ecclesiae Oriolensis, pro se et suâ dioecesi, quadringentorum ac quadraginta millium, trecentorum et nonaginta septem morapetinarum;

Capitulum ecclesiae Cordubensis, pro se et suâ dioecesi, trium millionum, quadringentorum et quinquaginta duorum mille, centum et octuaginta ac quinque morapetinarum;

Capitulum ecclesiae Pacensis, pro se et suâ dioecesi, unius millionis, sexcentorum et novem millium, nongentorum et decem morapetinarum;

Capitulum ecclesiae Cauriensis, pro se et suâ dioecesi, unius millionis, quingentorum ac nonaginta novem mille, ducentorum et quatuordecim morapetinarum;

Capitulum ecclesiae Placentinae, pro se et suâ dioecesi, duorum millionum, trecentorum et novem millium, septingentorum ac viginti et unius morapetinarum;

Capitulum ecclesiae Giennensis, pro se et suâ dioecesi, duorum millionum, ducentorum et nonaginta quatuor millium, quadringentorum et sexaginta octo morapetinarum;

Capitulum ecclesiae sancti Iacobi, pro se et suâ dioecesi, duorum millionum, septingentorum et undecim millium, ducentorum et quinquaginta octo morapetinarum;

Capitulum ecclesiae Burgensis, pro se et suâ dioecesi, quinque millionum, centum et triginta duo millium, quingentorum et sex morapetinarum;

Capitulum ecclesiae Legionensis, pro se et suâ dioecesi, duorum millionum, nuncupatorum¹, ducentorum et octuaginta sex millium, et quinquaginta novem morapetinarum;

Capitulum ecclesiae Ovetensis, pro se et suâ dioecesi, unius millionis, quadraginta duorum millium, octingentorum et viginti sex morapetinarum;

¹ Vide an praeter rem sit vox *nuncupatorum* (R. T.).

Capitulum ecclesiarum Calaguritanae et Calciatensis, pro se suisque dioecesi-
bus, duorum millionum, octingentorum
et trium millium, centum et sexaginta
quatuor morapetitorum;

Capitulum ecclesiae Astoricensis, pro
se et suâ dioecesi, unius millionis, ducento-
rum et sexaginta millium, et sexaginta
et octo morapetitorum;

Capitulum ecclesiae Abulensis, pro se
ac suâ dioecesi, trium millionum, quin-
quaginta duorum millium, et quadraginta
sex morapetitorum;

Capitulum ecclesiae Segobiensis, pro se
et suâ dioecesi, duorum millionum, du-
centorum et quadraginta septem millium,
trecentorum nonaginta et unius morape-
titorum;

Capitulum ecclesiae Oxomensis, pro se
ac suâ dioecesi, duorum millionum, du-
centorum et duorum millium, ducentorum
et nonaginta novem morapetitorum;

Capitulum ecclesiae Auriensis, pro se
et suâ dioecesi, unius millionis, centum
ac quinquaginta quatuor millium, centum
decem et octo morapetitorum;

Capitulum ecclesiae Lucensis, pro se et
suâ dioecesi, quadringentorum decem et
sex millium, et septuaginta duorum mo-
rapetitorum;

Capitulum ecclesiae Mindoniensis, pro
se et suâ dioecesi, ducentorum et nona-
ginta trium millium, septingentorum et
quadraginta morapetitorum;

Capitulum ecclesiae Tudensis, pro se
ac suâ dioecesi, quingentorum millium,
nongentorum et quinque morapetitorum;

Capitulum ecclesiae Palentinae, pro se
et suâ dioecesi, trium millionum, sexcen-
torum et quinquaginta millium, sexcento-
rum et nonaginta et unius morapetitorum;

Capitulum ecclesiae Vallisoletanae, pro
se ac suâ dioecesi, unius millionis, sex-
centorum et tredecim millium, et nona-
ginta duorum morapetitorum;

Capitulum ecclesiae Civitatensis, pro se
ac suâ dioecesi, septingentorum et qua-
tuordecim millium, et quadraginta sex
morapetitorum;

Capitulum ecclesiae Guadicensis, pro se
et suâ dioecesi, sexcentorum et sexaginta
septem millium, et quinquaginta novem
morapetitorum;

Capitulum ecclesiae Granatensis, pro se
et suâ dioecesi, unius millionis, quadrin-
gentorum nonaginta et octo millium, non-
gentorum ac quinquaginta septem mora-
petitorum;

Capitulum ecclesiae Malacitanæ, pro
se ac suâ dioecesi, unius millionis, tre-
centorum et nonaginta septem millium,
trecentorum et quinquaginta sex morape-
titorum;

Capitulum ecclesiae Guadixensis, pro
se ac suâ dioecesi, trecentorum et viginti
quatuor millium, centum et octuaginta
octo morapetitorum;

Capitulum ecclesiae Almeriensis, pro se
ac suâ dioecesi, trecentorum et viginti
sex millium, septingentorum et quinqu-
aginta et unius morapetitorum;

Capitulum ecclesiae Pampilonensis, pro
se ac suâ dioecesi, unius millionis, qua-
dringentorum et septuaginta duorum mil-
lium, centum ac quinquaginta ac quinque
morapetitorum;

Capitulum ecclesiae Canariensis, pro se
et eius dioecesi, quingentorum decem et
octo millium, sexcentorum et duorum mo-
rapetitorum;

Abbatia de Alfaro, octuaginta novem
millium, quingentorum et octuaginta se-
ptem morapetitorum;

Abbatia de Agreda, centum et quin-
quaginta sex millium, septingentorum et
octuaginta morapetitorum;

Vicaria de Alva de Liste, centum et se-
ptuaginta novem millium, centum et se-
ptuaginta septem morapetitorum;

Vicaria de Huescar, centum et triginta

tritum millium, octingentorum, quadraginta unius morapetitorum;

Abbatia de Baza, centum et quinquaginta octo millium, centum viginti et unius morapetitorum;

Milites militiae S. Iacobi, duorum millionum, noningentorum et undecim millium, sexcentorum ac triginta quatuor morapetitorum;

Milites militiae de Calatrava, duorum millionum, centum et octuaginta trium millium, septingentorum et vigintiquatuor morapetitorum;

Milites militiae de Alcantara, unius millionis, noningentorum et trium millium, septingentorum et septuaginta morapetitorum;

Alii concordiae articuli.

Insuper, quod aliquis de comprehensis, in praedicta concessione et prorogatione, cuiusvis dignitatis et praecminentiae, ordinis et religionis existat, non eximeretur¹, neque exemptus fuisse censebitur a solutione ratae illum tangentis dictorum ducentorum et quinquaginta millium ducatorum quolibet anno dictis quinque annis durantibus; et quod, si per nos aut dictum Philippum regem aliquis exemptus esset aut eximeretur, ex dictis personis vel militibus, ordinibus, aut quavis alia dignitate fulgentibus, sic comprehensus in dicta concessione et prorogatione, idem Philippus rex fieri mandet desuper iustam refectionem, recipiendo ab ipsis ecclesiis ad suum computum, defalcando ex dictis ducentis et quinquaginta mille ducalis ratam tales personas vel milites tangentem:

Rursus, quod quaelibet personae cuiuscumque dignitatis et qualitatis existant, quae percipiunt et percipient pensiones, comprehendi debeant, ad effectum contribuendi ad instar aliorum reddituum decimalium, in divisione huiusmodi ducentorum et quinquaginta millium ducatorum, non obstante quacumque clausula,

¹ Aptius in loc. parall. cit. leg. *eximetur* (n. r.).

exemptione, praerogativa, aut donatione et obligatione, etiam in forma camerae et in sui favorem factis:

Quodque decimae et tertiae, quas idem Philippus rex habet, etiam quocumque modo possidet, vel alias vendidit aut impignoravit cum evictione et immunitate ac declaratione quod sint et esse debeant liberae a divisione et subsidio et qualibet alia impositione apostolica, remanere debeant liberae et salvae a repartitione dictorum ducentorum et quinquaginta millium ducatorum, absque eo quod hac de causa vel aliqua alia, nisi ex contentis in praesenti concordia, aliquid minuat in summa ducentorum et quinquaginta millium ducatorum huiusmodi;

Reliquae vero tertiae, decimae et aliae¹ primitiae per quascumque ecclesias, collegia, universitates, monasteria et quascumque personas possessae et perceptae, quocumque titulo, iure, consuetudine seu privilegio fuerint, remaneant comprehensae, et contribuere debeant in dicta divisione ducentorum et quinquaginta millium ducatorum huiusmodi:

Insuper, quod dictus Philippus rex recipere debeat et recipiat ad computum omne id quod tanget et fuerit iuste distributum mensis archiepiscopalibus et episcopalibus dictorum regnorum Castellae et Legionis, eadem sede vacante, intuitu dictorum ducentorum et quinquaginta millium ducatorum:

Quodque idem Philippus rex debeat mandare, dari quascumque cedulas ac mandata solita et necessaria ad effectum, ut brachium seculare det et praestet favorem et auxilium ad executionem et exactiorem dictae divisionis praedictorum ducentorum et quinquaginta millium ducatorum et expensarum desuper faciendarum, et ut negotia praesentem concordiam tangentia non ducantur seu trahantur in

¹ Edit. Main. legit *alia* (n. r.).

audientias regias per vim, neque in illis se intromittant:

Quodque lites competentiarum, quae causabuntur super solutione subsidii, ut praefertur, prorogati, non possint trahi, neque trahantur ad aulam competentiarum, neque ad concilium, neque ad aliud tribunal, nisi ad infrascriptos exequutores et commissarios, et quod ab eis videantur et determinentur, alioquin praesens concordia nulla sit:

Quodque pro iudicibus, commissariis apostolicis et exequutoribus generalibus dictae concessionis et prorogationis dentur et debeant dari provisiones et subdelegationes iudicum, et omnia recapita necessaria pro solutione subsidii prorogati huiusmodi, et expensarum: quodque ea, quae debentur capitulo seu dignitati vel canonico, possint recuperari per iudices subdelegatos, etiamsi aliquam in hoc experiantur difficultatem, dummodo tamen huiusmodi debitum sit de fructibus seu redditibus¹, quod debet et solvit subsidium, neque excedat quantitatem, quae unicuique fuerit repartita, et alias, prout continetur in institutionibus, ac provisionibus et scripturis circa illud datis:

Quodque per pragmaticam a dicto Philippo rege de anno MDCXXII publicatam, inter alia prohibentem, ne in scripturis concessionum, sive arrendamentorum, reddituum et debitorum submissiones iustitiis, neque salaria personis, quae illas exequentur, poni possint, non intelligatur prohibitas fuisse dictas submissiones et salaria in redditibus ecclesiasticis, de quibus solvitur subsidium et excusatum, sed in scripturis dictorum reddituum ecclesiasticorum, super quibus impositae sunt gratiae huiusmodi, possint poni submissiones et salaria iisdem prorsus modo et forma, quibus fieri consueverat, antequam pragmatica huiusmodi promulgaretur, alio-

¹ Forsan deest illius (A. T.).

quin praesens concordia similiter nulla sit eo ipso:

Praeterea, ut pro parte dictorum Philippi regis et status ecclesiastici praedictorum regnorum supplicetur nobis, quod concederemus Breve, quo confirmaremus et approbaremus dictam concordiam, quam teneantur adimplere omnes ecclesiae dictorum regnorum, tam illae quarum procuratores ibi aderant, quae maximam partem constituunt, quam illae quae procuratores non habebant, si quae non se subscripserunt:

Rursus, quod iudices commissarii apostolici exequutores generales dictae concessionis et prorogationis dent et dare debeant provisiones et subdelegationes iudicum subdelegatorum, et quod dicti subdelegati sint de capitulis, dignitatibus et canonicis, et non alii, ut moris est pro dicta recuperatione; et quoties ad dictum commissarium generalem fuerit appellatum per viam gravaminis quo aliquis se laesum praetendat ex dicta divisione et repartitione, si desuper aliquid ordinaverit, nihilominus iterum non suspendet solutionem, neque impediet subdelegans¹, executionem exactionis et desuper omnibus iustitiam administrent: et alias prout in publico desuper a dilecto filio Ioanne de Talavera, scriba regio et publico notario, sub die XXII mensis iunii anni proxime praeteriti confecto instrumento plenius dicitur contineri.

§ 2. Cum autem tam Philippus rex quam capitula et status ecclesiastici regnorum Castellae et Legionis huiusmodi cupiant concordiam praedictam pro illius maiori validitate apostolicae confirmationis robore communiri, nobis propterea humiliter supplicari fecerunt, ut in praemissis opportune providere de benignitate apostolica dignaremur.

¹ Potius: neque impediet quominus subdelegati (A. T.).

Rex et capitula eam petunt confirmari.

§ 3. Nos, qui honestis regis et capitulorum praedictorum votis libenter annuimus, eaque favoribus prosequimur opportunis, eundem Philippum regem et singulares personas capitulorum huiusmodi a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum praemissorum dumtaxat consequendum, harum serie absolventes et absolutas fore censentes, necnon concordiae et instrumenti praedictorum veriores tenores praesentibus pro expressis habentes, huiusmodi supplicationibus inclinati, concordiam huiusmodi, et inde sequuta quaecumque, etiamsi ad exactionem pecuniarum in eâdem concordia contentarum, etiam ante huiusmodi nostram confirmationem, in totum vel in partem sit processum, apostolicâ auctoritate, tenore praesentium, confirmamus et approbamus; illisque perpetuae et inviolabilis apostolicae firmitatis robur adiicimus; supplentes omnes et singulos tam iuris quam facti defectus, si qui forsân intervenerint in eisdem; eaque, ac tam quoad capitula, quae nullo modo praesenti concordiae et distributioni interfuerint, nec illis consenserunt, etiamsi S. R. E. cardinales fuerint ecclesias et alia beneficia possidentes, necnon decimas, primitias et alios fructus in dictâ concordia expressos exigentes, valida et efficacia esse, ac per eos omnes inviolabiliter observari debere, illosque ad illorum omnium observationem et solutionem omnibus viis ac iuris et facti remediis cogi et compelli posse et debere decernimus.

Contrahentes
censuras, quatenus opus sit,
absolvit.

§ 4. Absolventes etiam, si opus fuerit, tam ipsum Philippum regem quam quoscumque eius ministros, necnon quascumque ecclesiasticas tam seculares quam regulares personas, a quibusvis censuris et poenis, si quas propter praemissa quomo-

dolibet incurrerint, etiam si in irregularitatem aliquam inciderint, ac missas et alia divina officia interim, non tamen in contemptum clavium, celebraverint, super qua irregularitate huiusmodi per eos forsân quomodolibet incursâ harum serie dispensamus, nec propterea fructus ecclesiarum et bonorum obtentorum suos non fecisse dici aut censi posse declaramus, ac ab eis omnem¹ inhabilitatis maculam, sive notam, si quam propter praemissa quomodolibet incurrerint, abolemus, eosque in pristinum et eum, in quo ante praemissa quomodolibet erant, statum, in omnibus et per omnia, restituimus, reponimus et plenarie reintegramus, ac restitutos, repositos et plenarie reintegratos per praesentes nunciamus.

§ 5. Ceterum ad obviandum litibus et controversiis, quae inter personas ecclesiasticas oriri possent, harum serie declaramus, ad contributionem solutionum, huiusmodi concordiae vigore faciendarum, monasteria et alia loca pia quocumque respectu etiam eorundem bonorum, quae vulgo dicuntur *de labranza et crianza*, quae vix pro usu et victu personarum eorundem monasteriorum et praedictorum locorum inserviunt, teneri et obligatos fore.

Ad solutionem quascumque pia loca tenentur declarari.

§ 6. Sicque in praemissis omnibus et singulis, per quoscumque iudices et commissarios, quavis auctoritate fungentes, etiam sacri palatii apostolici auditores et eiusdem S. R. E. cardinales, ubique iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari, decernimus.

Clausulae.

§ 7. Et nihilominus venerabili fratri moderno, et dilectis filiis² nostro et apostolicae Sedis apud eundem Philippum regem nunc et pro tempore existenti nuncio et commissario generali cruciatæ in regnis praedictis, per praesentes committimus et man-

Exequutorum designatio.

¹ Edit. Main. legit *omnes* (R. T.).

² Edit. Main. legit *fili* (R. T.).

damus, quatenus ipsi, vel alter eorum, per se, vel alium, seu alios, praesentes litteras, et in eis contenta quaecumque, ubi et quando opus fuerit, et quoties pro parte dicti Philippi regis et singularum personarum praedictarum fuerint requisiti, solemniter publicantes, ad executionem eorum omnium, quae in dictâ concordia continentur, procedant, etiam per eos, ad quos spectat, eadem observari curent et faciant, necnon eisdem nuntio et commissario generali iniungimus, quod, ubi et quoties super repartitione et aliis in dictâ concordia contentis aliquas differentias exortas fuisse compererint, illas absque retardatione solutionis iuxta repartitionem iam factam et faciendam iudicio eorum aequabiliter componant compositione, et terminent iustitiam partibus ministrando. Nos enim eisdem tam praemissa peragendi, quam quidquid super praemissis statuerint omni et quacumque appellatione remotâ executioni debitae demandandi, necnon contradictores quoslibet et rebelles per opportuna iuris et facti remedia, ac demum per sententias, censuras et poenas ecclesiasticas, appellatione postpositâ compescendi¹, legitimisque super his habendis servatis processibus, sententias, censuras et poenas ipsas, etiam iteratis vicibus, aggravandi, auxiliumque brachii secularis invocandi, plenam et liberam facultatem concedimus.

Derogatio
contrariorum.

§ 8. Non obstantibus felicis recordationis Bonifacii Papae VIII praedecessoris nostri de unâ et in concilio generali editâ de duabus dictis, aliisque constitutionibus et ordinationibus apostolicis, necnon quibusvis (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, legibus etiam municipalibus, privilegiis quoque, indultis et litteris apostolicis, sub quibus-

¹ Male ed Main. legit *compescendo* et postea *aggravando... invocando* (R. T.).

cumque tenoribus et formis, ac cum quibusvis etiam derogatoriarum derogatoriis, aliisque efficacioribus et insolitis clausulis, irritantibusque et aliis decretis, in genere vel in specie, etiam motu proprio, ac de apostolicae potestatis plenitudine, ac aliâs quomodolibet etiam iteratis vicibus concessis, approbatis et innovatis; quibus omnibus et singulis, etiam si de illis, eorumque totis tenoribus specialis, specifica et expressa mentio habenda aut aliqua alia exquisita forma ad hoc servanda foret, tenores huiusmodi, ac si de verbo ad verbum insererentur, praesentibus pro expressis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque; necnon omnibus illis, quae in dictâ concessione primae decimae huiusmodi expressum est non obstare, seu si aliquibus communiter vel divisim ab eadem sit Sede indultum, quod interdicti, suspendi vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

§ 9. Ceterum eosdem sanctae Romanae Ecclesiae cardinales tantum, quibus pensiones annuae super fructibus ecclesiarum cathedralium aut metropolitanarum et aliorum beneficiorum ecclesiasticorum reservatae¹, seu ipsi fructus, vel eorum pars loco pensionum reservati reperiuntur, a praemissâ contributione, quoad ipsas pensiones et reservationes fructuum, volumus exemptos esse;

Cardinales a
conventâ solu-
tione exempti-
tur.

§ 10. Quodque praesentium transumptis, etiam impressis, manu alicuius publici notarii subscriptis, sigilloque personae in dignitate ecclesiasticâ constitutae munitis, eadem prorsus fides in iudicio et extra adhibeatur, quae ipsis originalibus adhiberetur, si forent exhibitae vel ostensae.

Fides danda
transumptis.

Datum Romae, apud S. Mariam Maio-

¹ Ed. Main. legit *reservata* (R. T.).

rem, sub annulo Piscatoris, die XXIII iunii
MDCXXV, pontificatus nostri anno II.

Dat. die 23 iunii 1625, pontif. an. II.

CXLVII.

*Indultum pro fratribus S. Francisci de
Observantiâ in partibus Indiarum Oc-
cidentalium existentibus, quod de suo-
rum superiorum licentiâ a quocumque
catholico antistite, de consensu Dioece-
sani, ad omnes etiam presbyteratus
ordines extra tempora et non servatis
interstitiis promoveri possint¹.*

Urbanus Papa VIII.

ad perpetuam rei memoriam.

Causae con-
cedendi indultu.

§ 1. Cum, sicut dilectus filius commis-
sarius in Romanâ curiâ generalis fratrum
Ordinis Minorum S. Francisci de Obser-
vantiâ nuncupatorum nobis exponi fecit,
eiusdem Ordinis S. Francisci professores,
in Indiarum occidentalium partibus com-
morantes, assiduâ in sacramentorum ec-
clesiasticorum administratione, continui-
que verbi Dei praedicationibus et aliis
spiritualibus exercitiis, uberes in vineâ
Domini fructus inibi afferant; et propterea,
quo ipsi fratres dicti Ordinis S. Francisci
in dictis partibus commorantes in piorum
operum huiusmodi exercitio utiliùs et me-
lius continuare valeant, eisdem fratribus
per nos desuper indulgeri summo opere
desideret:

Indultum de
quo in rubricâ.

§ 2. Nos, eiusdem commissarii gene-
ralis votis, quantum cum Domino possu-
mus, benigne annuere, ipsumque specia-
libus favoribus et gratiis prosequi volentes,
ac domorum seu conventuum Ordinis fra-
trum S. Francisci in eisdem partibus ex-
istentium singulares personas a quibus-
vis excommunicationis, suspensionis et
interdicti, aliisque ecclesiasticis sententiis,
censuris et poenis, a iure vel ab homine,

¹ De his fratribus vide Const. xxvi in n.
ed. xxvii) Leonis X, *Ite et vos*, tom. V, pag. 692.

quavis occasione vel causâ latis, si quibus
quomodolibet innodatae existunt, ad effe-
ctum praesentium dumtaxat consequen-
dum, harum serio absolventes et absolutas
fore censentes, supplicationibus eiusdem
commissarii generalis nomine super hoc
nobis humiliter porrectis inclinati, omni-
bus et singulis eiusdem Ordinis S. Franci-
sci in partibus Indiarum occidentalium hu-
iusmodi tantum existentibus expresse pro-
fessis, ut de superiorum suorum licentiâ
a quocumque, quem maluerint, catholico
antistite gratiam et concessionem¹ Aposto-
licae Sedis habente in propriâ dioecesis
residente, vel in alienâ de Dioecesani loci
consensu pontificalia exercente, per eos
eligendo, ad omnes etiam sacros et pre-
sbyteratus ordines extra tempora ad id a
iure statuta, ac interstitiis a sacro Con-
cilio Tridentino designatis minime serva-
tis, annique circulo non expectato, etiam-
si in unoquoque ex dictis sacris ordinibus
susceptis, antequam ad alium promovean-
tur, se minime exercuerint, dummodo
tamen ad id idonei reperiantur, et servatis
aliâs servandis, promoveri, et promoti in
in illis etiam in altaris ministerio mini-
strare libere et licite possint et valeant,
apostolicâ auctoritate, tenore praesentium,
concedimus et indulgemus ac facultatem
impartimur.

§ 3. Non obstantibus felicis recordatio-
nis Gregorii XIII et Gregorii XIV Roma-
norum Pontificum praedecessorum nostro-
rum, aliisque constitutionibus et ordina-
tionibus apostolicis, ceterisque contrariis
quibuscumque.

Delegato ob-
staculum

§ 4. Volumus autem, quod praesentium
transumptis, etiam impressis, manu alicuius
notarii publici subscriptis, et sigillo
alicuius personae in dignitate ecclesiasticâ
constitutae munitis, eadem prorsus fides
adhibeatur, quae eisdem praesentibus ad-
hiberetur, si forent exhibitae vel ostensae.

Transumptis
danda fides.

¹ Forsan legendum *communione* (R. T.).

Datum Romae, apud S. Mariam Maiorem, sub annulo Piscatoris, die xxx iunii MDCXXV, pontificatus nostri anno II.

Dat. die 30 iunii 1625, pontif. anno II.

CXLVIII.

Confirmatio decreti capituli generalis fratrum Ordinis SS. Trinitatis Redemptionis captivorum, quo statuitur, ad solum definitorium spectare nominationem religiosorum ad faciendam redemptionem; cavetur autem, ne bona ad hunc effectum donata, aliis religiosis, quam ut praefertur nominatis, tradantur¹.

Urbanus Papa VIII,
ad perpetuam rei memoriam.

Prooemium.

Dominici gregis cura, humilitati nostrae, meritis licet insufficientibus, per ineffabilem divinae sapientiae providentiam commissa, ac paterna erga omnes christifideles charitas et continua de illorum salute sollicitudo iugiter postulat, ut, inter gravissimas, multiplicesque apostolicae servitutis curas, eam peculiari sollicitudine amplectamur, qua, non solum eorumdem christifidelium in misera servitute et captivitate per impium turcarum tyrannum et alios catholicae fidei hostes detentorum redemptioni, sed etiam salubri piarum hominum congregationum ad hunc effectum provide, sancteque institutarum gubernio atque directioni opportunioribus in dies rationibus consulitur: unde ea, quae propterea praesertim in generalibus earundem congregationum capitulis facta fuisse dicuntur, ut firma et illibata perpetuo remaneant, libenter, cum a nobis petitur, apostolicae confirmationis robore communimus, aliasque statuimus et ordinamus, prout conspiciamus in Domino salubriter expedire.

Decretum capituli generalis, quo statuit no-

§ 1. Exponi siquidem nobis nuper fecit dilectus filius procurator generalis con-

¹ Ex Regest. in Secret. Brev.

gregationis fratrum Discalceatorum nuncupatorum Ordinis SS. Trinitatis Redemptionis captivorum in regnis Hispaniarum, quod, licet regularibus eiusdem congregationis institutis apostolicâ auctoritate confirmatis, sive constitutionibus apostolicis desuper emanatis, inter alia caveatur expresse, ut pro redimendis captivis huiusmodi tertia pars omnium bonorum, regularibus dictae congregationis domibus et locis pro eleemosynâ seu quocumque alio modo concessorum et assignatorum, ac de cetero concedendorum et assignandorum, ac aliâs ad domos et loca huiusmodi licite spectantium et pertinentium, a domibus et locis separetur, illaque in redemptionem eorumdem captivorum totaliter convertatur; nihilominus eiusdem congregationis fratres, ut redemptio ipsa maiori cum fructu fiat, et ad pium opus huiusmodi dictae congregationis professores eâ prudentiâ, integritate et doctrinâ eligantur, qui non solum eosdem captivos redimant, sed cum eis permanendo velint et possint illos in unitate fidei confovere, illisque sacramenta ecclesiastica administrare, in generali eiusdem congregationis capitulo decreverunt, ut de cetero definitorium generale dictae congregationis, et non aliis praelatus, religiosos ad pium redemptionis huiusmodi opus exequendum, et bona separata, ut praefertur, ad effectum praedictum administranda, nominare debeat, prout in decreto desuper facto plenius dicitur contineri.

§ 2. Cum autem, sicut eadem expositio subiungebat, procurator praedictus plurimum cupiat, decretum huiusmodi, quo firmitus observetur, nunnulisque inconvenientibus obvietur, apostolicae confirmationis patrocinio communiri, aliasque desuper opportune provideri:

Quod confirmari petitur.

§ 3. Nos, dictum procuratorem specialibus favoribus et gratiis prosequi volentes, et a quibusvis excommunicationis,

Confirmat Urbanus.

suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes et absolutum fore censes, supplicationibus ipsius procuratoris totius congregationis praedictae nomine nobis super hoc humiliter porrectis inclinati, de venerabilium fratrum nostrorum sanctae Romanae Ecclesiae cardinalium negotiis regularium praepositorum consilio, decretum praedictum apostolica auctoritate, tenore praesentium, perpetuo approbamus et confirmamus, illique inviolabilis apostolicae firmitatis robur adiicimus, ac omnes et singulos tam iuris quam facti defectus, si qui desuper quomodolibet intervenerint, supplemus.

Qui etiam
cavet, ne alius
bona redem-
ptioni assignata
tradantur.

§ 4. Ac insuper, sub suspensionis officii ac vocis activae et passivae¹ ad sexennium duraturis poenis, interdicimus et prohibemus, ne aliquis, quacumque superioritate fulgeat, bona separata ac segregata a domibus et locis regularibus dictae congregationis iuxta formam dictorum statutorum, seu constitutionum apostolicarum, ut praefertur, ac pro pio redemptionis huiusmodi opere concessa, seu elemosynas ab aliis personis ad redemptionem huiusmodi donata et assignata, ac donanda et assignanda, aliis religiosis, praeterquam per praedictum definitorium generale ad pium opus redemptionis huiusmodi exequendum nominandis, qui per se ipsos, absque consortio alterius cuiuscumque, pio huiusmodi operi incumbant, tradat seu tradi faciat.

Clausulae.

§ 5. Decernentes decretum praedictum, necnon praesentes litteras, omniaque et singula in illis contenta semper et perpetuo valida, firma et efficacia existere et fore, suosque plenarios et integros effectus sortiri et obtinere, ac in praedicta congre-

¹ Forsan addendum *privationis* (R. T.).

gatione a modernis et pro tempore existentibus illius ministro generali, ac aliis superioribus, quocumque nomine nuncupatis, ceterisque, ad quos spectat et in futurum quomodolibet spectabit, firmiter et inviolabiliter observari et adimpleri, sicque et non aliter in praemissis per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

§ 6. Et nihilominus venerabili fratri Julio episcopo Gravinensi moderno et pro tempore existenti nostro et Apostolicae Sedis in dictis regnis nuntio per praesentes committimus et mandamus, quatenus ipse per se, vel alium, seu alios, praesentes litteras et in eis contenta huiusmodi, ubi et quando opus fuerit, et quoties pro parte dictae Congregationis fuerit requisitus, solemniter publicans, eisque¹ in praemissis efficaciae defensionis praesidio assistens, faciat, auctoritate nostra, praemissa omnia et singula, ab omnibus supradictis inviolabiliter observari; contradictores quoslibet et rebelles, per sententias, censuras et poenas ecclesiasticas, aliaque opportuna iuris et facti remedia, appellatione postposita, compescendo, invocato etiam ad hoc, si opus fuerit, auxilio brachii secularis.

Nuncio Hispaniarum huiusmodi decretorum executionem committit.

§ 7. Non obstantibus constitutionibus et ordinationibus apostolicis, ac quibusvis (etiam iuramento, confirmatione apostolica, vel quavis firmitate alia roboratis) statutis et consuetudinibus, privilegiis quoque, indultis et litteris apostolicis, praedictis et quibusvis aliis personis, sub quibuscumque tenoribus et formis, ac cum quibusvis, etiam derogatoriis derogatoriis, aliisque efficacioribus et insolitis clausulis, ac irritantibus et aliis decretis, in contrarium praemissorum quomodolibet conces-

Contraria tollit

¹ Aptius legeretur *eique* (R. T.).

sis, confirmatis et innovatis. Quibus omnibus et singulis, eorum omnium tenores praesentibus pro plene et sufficienter expressis habentes, illis aliis in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Transumptis
danda fides.

§ 8. Volumus autem, quod praesentium transumptis, etiam impressis, manu alicuius notarii publici subscriptis et sigillo personae in ecclesiastica dignitate constitutae munitis, eadem prorsus fides adhibeatur, quae ipsis praesentibus adhiberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die v iulii MDCXXV pontificatus nostri anno II.

Dat. die 5 iulii 1625, pontif. anno II.

CXLIX.

Confirmatio nonnullorum decretorum pro reformatione fratrum Ordinis Minorum Conventualium in regno Poloniae¹.

Urbanus Papa VIII,
ad futuram rei memoriam.

Exordium.

Quae ad restituendos in pristinum decorem et dignitatem Ordines regulares in Ecclesia Dei a sanctis patribus institutos, et, ubi collapsa est, in eis disciplinae regularis observantiam modis congruis instaurandam, per eorundem Ordinum regularium superiores pie ac provide sancita sunt, ut firma perpetuo et illibata persistant, libenter, cum a nobis petitur, apostolicae confirmationis patrocinio roboramus, prout pia catholicorum regum vota id exposcunt, et, nos, rerum ac temporum qualitatibus debite pensatis, conspicimus salubriter in Domino expedire.

Pro reformatione fratrum conventualium in Polonia sequentia decreta fuerunt edita:

§ 1. Exponi siquidem nobis nuper fecit charissimus in Christo filius noster Sigismundus Poloniae et Sveciae rex illustris, ac dilecti filii Felix a Cascia fratrum Or-

¹ Ex Regest. in Secret. Brev.

dinis Minorum sancti Francisci Conventualium nuncupatorum minister generalis, necnon Adrianus Brakowiz eorundem fratrum in regno Poloniae commissarius generalis destinatus, quod pro reformatione fratrum dicti Ordinis in praedicto regno existentium infrascripta capitula, sive decreta edita fuerunt, tenoris subsequentis, videlicet:

I. Constituatur commissarius provinciae Poloniae magister Adrianus cum omnimoda facultate immediate a patre reverendissimo dependens, qui possessione adeptus in provinciâ, quamprimum reformetur eadem reformatione, ut possit verbo et exemplo alios fratres ad reformationem inducere.

II. Curet, ut reformati in custodiâ Gnesnensi manu teneantur et propagentur, et observent constitutiones sibi concessas a Gregorio XV prout in Brevi, quod incipit *Gregorius Papa XV, ad perpetuam rei memoriam. Militantis Ecclesiae regimen*¹; dimissis tamen sandalis, et ampliato aliquantisper caputio, et amoto commissario particulari: cum haec ad divisionem religionis tendant.

III. Curet et teneatur commissarius, ut quamprimum reformetur conventus Cracoviensis, ibique constituat guardianum et familiam reformatam. Deinde reliqui conventus custodiae Cracoviensis eadem supradictâ reformatione reformentur.

IV. Diligenter suadeat aliis fratribus illius provinciae hanc vitam exactam reformatam assumere: qui voluerint, benedicti sint a Domino; qui vero noluerint, non sint adstricti: teneantur tamen ad observationem constitutionum religionis, et collocentur in conventibus commissario sibi benevisis: contradictores vero et huic vitae reformatae adversantes e provinciâ expellantur.

V. Commissarius quamprimum congregationem provinciae celebrabit pro ele-

¹ Huiusmodi in *Bullario* non est (R. T.).

ctione Clianorum¹ et aliorum officialium provinciae; qui, quoad fieri poterit, sint omnes ex reformatis.

VI. Celebretur capitulum provinciale pro electione provincialis et officialium provinciae loco et tempore commissario benevisis: in quo reformati vocem habeant activam et passivam ad provincialatum, etiamsi non sint magistri et baccalaurei in theologia, dummodo impedimentum canonicum non habeant.

VII. Novitii, qui recipiendi sunt in eadem provinciâ, recipiantur a fratribus reformatis et in conventibus reformatis, et non in aliis, neque ab aliis.

VIII. Secretarius commissarii sit unus ex reformatis, de cuius consilio peraget ea quae sunt peragenda, alioquin actiones irritae sint.

IX. Pro exequutione supradictorum illustrissimus episcopus Cracoviensis facultatem habeat supra capita et membra, ita ut possit, adhibitis iuris et facti remediis, fratres compellere pro dictorum et singulorum omnium exequutione et observatione; et pro observantiâ procuretur Breve a Sanctissimo, ut, non obstantibus quibuscumque constitutionibus apostolicis vel religionis in contrarium facientibus, praefata locum habeant in perpetuum. Fr. Felix de Cassia, minister generalis approbat. Ego M. Adrianus Brakowicz, Polonus, accepto. Ego Fr. Adamus Sicchowiz, diffinitor provinciae Poloniae, accepto. Ego Fr. Thomas Rostinshi, guardianus Oremensis, accepto.

Quae confirmari petitur.

§ 2. Cum autem, sicut eadem expositio subiungebat, tam Felix minister quam Adrianus commissarius generalis praedicti plurimum cupiant capitula seu decreta praedicta pro firmiori illorum validitate et subsistentiâ apostolicae nostrae confirmationis robore communiri:

Confirmat Pontifex.

§ 3. Nos, pio Felicis et Adriani prae-

¹ Ita ed. Main., nec aliud succurrit (B. T.).

dictorum desiderio in praemissis annuere, illosque specialibus favoribus et gratiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodati existunt, ad effectum praesentium dumtaxat consequendum, harum serie absolventes et absolutos fore censentes, supplicationibus etiam dictorum Sigismundi regis illorum¹ nomine nobis super hoc humiliter porrectis inclinati, capitula seu decreta huiusmodi, apostolicâ auctoritate, tenore praesentium, perpetuo approbamus et confirmamus: illisque inviolabilis apostolicae firmitatis robur adii-cimus; ac omnes et singulos tam iuris quam facti et quosvis alios quantumvis substantiales defectus, si qui in eis quomodolibet intervenerint, supplemus.

§ 4. Decernentes capitula seu decreta huiusmodi a fratribus Ordinis et regni praedictorum perpetuo observari; sicque et non aliter in praemissis per quoscumque iudices ordinarios et delegatos, etiam causarum palatii apostolici auditores, iudicari et definiri debere; ac irritum et inane, si secus super his a quoquam, quavis auctoritate, scienter vel ignoranter, contigerit attentari. In contrarium facientibus non obstantibus quibuscumque.

Datum Romae, apud S. Mariam Maiorem, sub annulo Piscatoris, die xviii iulii mdcxxv, pontificatus nostri anno ii.

Dat. die 18 iulii 1625, pontif. anno ii.

CL.

Mandatum praesidi Romandiolae de capiendâ possessione ducatus Urbini ev-niente ducis obitu, cum facultatibus necessariis et opportunis².

¹ Forsan corrigendum *dicti... et illorum* (B. T.).

² Ex Regest. in Secret. Brevium.

Dilecto filio moderno et pro tempore existenti provinciae nostrae Romandiolae et exarcatus Ravennae praesidi,

Urbanus Papa VIII.

**Dilecte fili,
salutem et apostolicam benedictionem.**

Exordium.

Creditum humilitati nostrae, nullo licet meritorum suffragio, per abundantiam divinae gratiae apostolatus officium continuâ sollicitudine nos admonet, ut in iis praecipuas pastoralis vigilantiae partes intendamus, per quae nostrae et huius Sanctae Sedis Apostolicae ditionis temporalis iura conserventur, ~~ne~~, quae muneris villicationis nostrae sunt, praetermissis a districto iudice argui possimus.

**Mandatum de
quo in rubrica.**

§ 1. Hinc est quod nos, de tua singulari fide, doctrinâ, necnon diu spectatâ in gravissimis rebus gerendis prudentiâ atque integritate plurimum in Domino confisi, motu proprio et ex certâ scientiâ ac maturâ deliberatione nostris, deque apostolicae potestatis plenitudine, tibi, ut casu aperitionis et devolutionis ad nos et Romanam Ecclesiam, Sedemque et Cameram Apostolicam feudi ducatus Urbini, nec non civitatum Senogalliensis et Pisaurensis ac Status Montis Feretrani, aliorumque dominiorum, civitatum, oppidorum, terrarum, fortalitorum et locorum quorumcumque, etiam speciali notâ et expressione dignorum, ac sub Statu dicti ducatus Urbini ad praesens quomodolibet comprehensorum, seu per ipsum ducem quomodolibet possessorum, quandocumque et quomodocumque eveniente sive succedente, ipse per te, vel alium, seu alios, secundum rei et casus exigentiam, et aliâs, prout occasio, rerumque, et temporum qualitas exegerit, corporalem, realem et actualem possessionem civitatis Pisaurensis praedictae, necnon oppidi civitatis forsân nuncupati S. Lei, seu S. Leonis, eorumque territoriorum, districtuum, iurisdictionum, fortalito-

rum, sive propugnaculorum, membrorum, pertinentiarum, et iurium quorumcumque, nostro, Ecclesiae, Sedis, et camerae praedictarum nomine, amotis et expulsis exinde quibusvis detentoribus, sive occupatoribus, apprehendere et apprehensam retinere; necnon a communitate et universitatibus, gubernatoribus, praetoribus, locumtenentibus, magistratibus, capitaneis, colonnellis, castellanis, et aliis quocumque nomine et quacumque dignitate fungentibus officialibus civitatis et oppidi praedictorum, eorumque territoriorum, districtuum, iurisdictionum et aliorum, homagia et fidelitatis iuramenta recipere; et alios quoscumque actus possessorios exercere, ac in civitate, districtibus, territorio, et aliis praedictis quacumque iurisdictionem civilem et mixtam exercere; modum et statum officiorum, magistratuum, tam optimaluum, quam populi, et gubernii temporalis, nec non custodiae, et militiarum, praesidiorumque civitatis, oppidi, aliorumque praedictorum, prout tibi videbitur, immutare, renovare, ac de novo deputare; nec non signa et contrasigna propugnaculorum seu fortalitorum huiusmodi tibi tradi facere et mutare, vel alia nova tradere vel consignare, ad formamque et methodum regiminis et gubernii aliarum provinciarum, terrarum et locorum Status nostri Ecclesiastici redigere; quaecumque statuta, ordinationes et constitutiones circa praemissa, et alia quaecumque, quae magis expedire iudicaveris, condere, publicare et observari facere; necnon, si opus fuerit, quoscumque milites conscribere, et, quae pro comœatu et apparatu necessaria fuerint, undique perquirere et comparare; quaecumque armorum, et belli negocia tractare; congressus militum generales vel particulares, prout res et occasio similiter postulaverit, ordinare et imperare; quascumque expensas, quae in praemissis,

et eorum occasione necessariae erunt, nostris et camerae apostolicae praedictae sumptibus facere; et ut huiusmodi expensas facilius facere possis, quascumque pecuniarum summas ad nos et eandem cameram spectantes a quibuscumque thesaurariis, datariis, exactoribus, collectoribus, appaltatoribus, officialibus et ministris quibuscumque debitas, necnon etiam a gubernatoribus, praetoribus et locumtenentibus provinciarum, civitatum et locorum quorumcumque Status nostri Ecclesiastici, ac depositariis et exactoribus poenarum et maleficiorum, nostro et dictae camerae apostolicae nomine exigere et recipere, ac ipsos solventes de exactis quietare, ac etiam redditus communitatum et universitatum, ac civitatum, terrarum et locorum eiusdem Status recipere, et ex ipsis camerae, communitatumque et universitatum redditibus, sumptus huiusmodi facere.

Cum facultas
ad id ne-
cessaria et op-
portuna.

§ 2. Ut vero omnia et singula, quae ad praemissa pertinent, summā ut decet auctoritate praecipiantur, et pari celeritate debita exequutioni demandentur¹, omnibus et singulis archiepiscopis, episcopis, et aliis locorum Ordinariis, necnon praesidentibus, gubernatoribus, praefectis, eorum locumtenentibus, praetoribus, et aliis quocumque nomine nuncupatis officialibus et ministris, quavis potestate, auctoritate, et privilegio suffultis, et quibuscumque, etiam a nobis et Apostolica Sede seu camerā apostolicā immediate deputationem habentibus, seu dependentibus, necnon baronibus, domicellis, comitibus, aliisque, etiam ducali, marchionali, vel aliā dignitate insignitis, communitatibusque, universitatibus et hominibus quarumvis provinciarum, civitatum, terrarum et locorum nobis et S. R. E. mediate vel immediate subiectorum, omnia et quaecumque occasione praemissorum, quae tibi necessaria et opportuna visa fuerint, ac toties,

¹ Heic lege ut omnibus (R. T.).

quoties volueris, iniungendi¹, mandandi, iubendi et imperandi; omnes vero et singulos barones, domicellos, comites, aliosque ducali, marchionali, vel aliā dignitate praeditos, et quaslibet alias singulares personas, etiam ecclesiasticas, tam seculares quam quorumvis ordinum, seu militiarum, etiam sancti Ioannis Hierosolymitani, regulares, si quae tuis mandatis, iussis et monitionibus obtemperare recusaverint, aut illis quoquo modo contradixerint, vel se se opposuerint, tamquam nostris, et apostolicis mandatis, iussis, et monitionibus parere recusantes, illisque contradicentes, ac se opposcentes, nostros et S. R. E. ac Sedis Apostolicae rebelles declarare et publicare; ac contra illos summarie, simpliciter et de plano, sine strepitu et figurā iudicii, manu regiā, nullo iuris ordine servato, nec aliquo formato processu, more militari, ac iure belli, ad privationem officiorum, feudorum, et honorum quorumcumque, etiam allodialium, per eos in quibuscumque locis possessorum, seu quovis modo obtentorum respective, omni et quacumque appellatione et recursu postpositis, procedere; et, ubi iustitia exegerit, et ordo dictaverit rationis, seu cum ita expedire iudicaveris, eosdem contradictores et rebelles quacumque pecuniariā, vel corporali, ac etiam ultimi supplicii poenā affici facere; ac generaliter omnia et singula ad statum, gubernium, regimen, et administrationem civitatis, oppidi, territoriorum, districtuum, aliorumque praedictorum, necnon arcium, fortalitorum custodiam, populorumque pacem et quietem, ac annonae abundantiam spectantia, et tam gratiam quam iustitiam concernentia, etsi talia sint vel fuerint, quae sub generali verborum significatione non venirent, sed specialibus indigerent vocabulis, et speciali notā digna essent, specialemque, specificam et expressam re-

¹ Lege iniungas, mandes, iubeas et imperes (R. T.).

quirerent mentionem, dicere, gerere et exequi libere et licite possis et valeas, plenam, liberam, absolutam et omnimodam facultatem, potestatem et auctoritatem, tenore praesentium, tribuimus et impartimur, et cum hoc, ut de per te vigore praesentium faciendis, dicendis, gerendis, exercendis et exequendis nemini, praeterquam soli Deo, rationem reddere tenearis.

Cumulativa
facultas alius
etiam concessa.

§ 3. Quia vero venerabili fratri Paulo Emilio archiepiscopo Urbinatensi, necnon dilectis filiis magistris Fabritio Verospio cappellano nostro, et causarum palatii apostolici auditori civitatis Perusinae, eiusque comitatus et districtus, provinciaeque nostrarum Umbriae, ac Diomedii Varesio in utraque signaturâ nostrâ referendario provinciae etiam nostrae Marchiae Anconitanae gubernatoribus respective similem facultatem per nostras in huiusmodi formâ Brevis nuper expeditas litteras concessimus; volumus, et earumdem tenore praecipimus, ut, qui prius ex vobis possessionem ingressus fuerit, iurisdictionem et alia civilia praedicta exercere et exequi possit et debeat, et si quid unus ex vobis incoeperit, nec ob impedimenta, seu aliâs absolverit, aut perficere non potuerit, alter prosequi, et debitae executioni demandare valeat.

Mandatum de
parendo.

§ 4. Mandantes propterea eisdem archiepiscopis, episcopis, et aliis locorum Ordinariis sub interdicto ingressus ecclesiae, ac suspensionis a divinis, et tam iis, quam quibuscumque gubernatoribus, locumtenentibus, praetoribus, necnon thesaurariis, datariis, exactoribus, collectoribus, appaltatoribus, ac aliis officialibus, et ministris quibuscumque Sedis et camerae praedictae in Statu nostro Ecclesiastico existentibus, baronibus quoque, domicellis, ducibus, marchionibus, necnon communitatibus, universitatibus, et hominibus quibuscumque, ac etiam ecclesiasticis secularibus et regularibus personis praedictis,

demumque universis et singulis subditis nostris immediatis et mediatis, in virtute sanctae obedientiae, ac sub indignationis nostrae, necnon rebellionis, ac excommunicationis latae sententiae, poenis, ut tibi in omnibus et per omnia, quacumque excusatione, tergiversatione, et impedimento remotis, prompte pareant, obediant et assistant, tuaque monita, iussa et mandata, eâ, qua decet, obedientiâ et fide exequantur et adimpleant; alioquin sententiam, sive poenam, quam tuleris in rebelles, ratam habebimus, et faciemus auctore Domino usque ad satisfactionem condignam inviolabiliter observari.

Obstantium
derogatio.

§ 5. Non obstantibus apostolicis, ac in universalibus, provincialibusque et synodalibus conciliis editis, generalibus vel specialibus constitutionibus et ordinationibus, ac ducatus, civitatum et aliorum locorum praedictorum (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, quibusvis personis in contrarium praemissorum quomodolibet concessis, confirmatis et innovatis. Quibus omnibus et singulis, eorum tenores praesentibus pro expressis et ad verbum insertis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die xxvi iulii mdcxxv pontificatus nostri anno ii.

Dat. die 26 iulii 1625, pontif. anno ii.

CLI.

Erectio collegii nationis Maronitarum in Monte Libano.

Urbanus Papa VIII,
ad perpetuam rei memoriam.

In supereminenti Sedis Apostolicae speculâ, meritis licet imparibus, disponente

Exordium.

Domino, constituti, et intra mentis nostrae arcana revolventes, quantum ex litterarum studiis catholica fides augeatur, et iustitia colatur, ad ea, per quae litterarum studia huiusmodi ubilibet, praesertim vero in regionibus, ubi maior necessitas urget, excitentur, libenter intendimus, atque in his sollicitudinis nostrae partes propensius impartimur, prout, locorum et temporum qualitate debite pensatâ, conspiciamus in Domino salubriter expedire.

Institutio collegii Maronitarum in Monte Libano.

§ 1. Hinc est quod nos, piaec puerorum et adolescentium nationis Maronitarum in christianâ pietate et fide sincerâ institutioni pro nostri pastoralis officii debito, quantum cum Domino possumus, consulere volentes, de venerabilium fratrum nostrorum S. R. E. cardinalium negotio propagandae in universum mundum fidei praepositorum consilio, in Monte Libano, ac aedibus ad id congruis et decentibus, unum collegium cum cappellâ, seu oratorio, ac refectorio communi, sigillo, bibliothecâ, archivio, ceterisque collegialibus insignibus, ac membris et officinis necessariis et opportunis pro perpetuis receptione, usu et habitatione unius rectoris, et competentis numeri alumnorum, seu scholarium dictae nationis, qui inibi, et christianis moribus, bonisque litteris, et ecclesiasticâ disciplinâ imbui debeant, apostolicâ auctoritate, tenore praesentium, sine tamen alicuius praeiudicio, perpetuo erigimus et instituimus.

Dux ei assignata.

§ 2. Illique sic erecto et instituto, pro eius dote, ac rectoris et ministrorum alumnorumque sive scholarium sustentatione, ac onerum eis incumbentium supportatione, tam trecenta scuta annua, aliâs, iuxta decretum ab eisdem cardinalibus sub die xvii decembris proxime praeteriti emanatum, pro scholis in certis Syriae civitatibus erigendis destinata, quam alia omnia, et singula bona per quoscumque christifideles eidem collegio donanda et

assignanda, ex nunc, prout postquam donata et assignata fuerint (ita quod liceat rectori et ministris, necnon alumnis, seu scholaribus praedictis ipsorum bonorum omnium corporalem, realem et actualement possessionem suo et dicti collegii nominibus, propriâ auctoritate, libere apprehendere, et apprehensam perpetuo retinere, fructus quoque, redditus et proventus, iura, obventiones et emolumenta quaecumque ex eis provenientia percipere, exigere, levare, recuperare, locare, arrendare, ac in communes dicti collegii usus, et utilitatem convertere, cuiusvis licentiâ desuper minime requisitâ auctoritate) et tenore praedictis perpetuo applicamus et appropriamus.

§ 3. Decernentes praesentes litteras validas, firmas et efficaces existere et fore, suosque plenarios et integros effectus sortiri et obtinere, atque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Clausula

§ 4. Non obstantibus constitutionibus et ordinationibus apostolicis, ceterisque contrariis quibuscumque.

Derogatio contrariis.

Datum Romae, apud S. Mariam Maiorem, sub annulo Piscatoris, die xxiv iulii mdcxxv, pontificatus nostri anno ii.

Dat. die 24 iulii 1625, pontif. anno ii.

CLII.

Confirmatio constitutionum collegii Maronitarum in monte Libano erecti.

Urbanus Papa VIII,
ad perpetuam rei memoriam.

§ 1. Cum nos nuper in monte Libano unum collegium, in quo pueri et adole-

Recesset erectum 4^{to} collegium in Monte Libano.

1 Ex Regest. in Secret. Brev.

scentes nationis Maronitarum in christiana pietate et fide sincerâ instruantur, per alias nostras in simili formâ Brevis expeditas litteras, sub certis modo et formâ tunc expressis, apostolicâ auctoritate erexerimus et instituerimus;

Editasque
pro eius regi-
minis regulas.

§ 2. Et, sicut accepimus, pro felici, prosperoque collegii huiusmodi, illiusque alumnorum seu scholarium regimine et gubernio nonnullae regulae seu constitutiones editae fuerint, tenoris subsequentis, videlicet:

*Regulae observandae ab alumni collegii
Montis Libani.*

Quinam reci-
pantur.

I. Intraturi in collegium ad hunc finem ex variis Orientis partibus, scilicet e Monte Libano, Palaestina, Syria et Cypro, aliisque partibus vocabuntur, ut virtutibus et pietati ac litterarum studiis operam dent, ut non solum Maronitas, sed omnis Orientis nationes fide catholicâ ac pietate Deo cooperante erudire possint.

Qui educabuntur in hoc collegio, pauperes bonâ indole ac ingenio esse debent, et ea omnia, quae sunt necessaria ad victum, vestitum et studium, illis ministrabuntur gratis et Dei amore; nobiles vero et divites recipi possint in dicto collegio, sed debent solvere, quae sunt necessaria ad victum et vestitum tantum.

De pietate.

II. Statim ut recipitur alumnus in collegio, tradendus est viro optimo et timoratae conscientiae, ut illum res ad conscientiam pertinentes edoceat, ut quamprimum omnium suorum peccatorum confessionem integram, perfectamque alicui a rectore collegii designato sacerdoti faciat.

III. Teneantur omnes quolibet mense ac diebus festis celebrioribus confessionem ac communionem facere secundum laudabilem Maronitarum usum, idque summâ reverentiâ atque modestiâ, quae ad tantum sacramentum requiritur.

IV. Singulis diebus omnes simul mis-

sam audiant, et in celebrioribus solemnitatibus secundum laudabilem Maronitarum consuetudinem missae cum pietate ac devotione inservient, prout superiori placuerit. Singulis diebus, qui apti fuerint, recitent officium simul cum sacerdotibus: qui vero non fuerint idonei, eas orationes recitent, quas superior vel magister illis assignaverit.

V. Ante cubitum omnes recitent vel litanias vel alias preces, prout superiori placuerit, facto tamen brevi conscientiae examine.

VI. Singulis diebus festivis habeant simul piam congregationem, in qua se exerceant in concionando, in actibus humilitatis exhibendis, et Christi crucem in corpore gerendo.

VII. Si qui vero a superiore iudicabuntur apti esse ad concionandum et verbum divinum disseminandum, teneantur, quo voluerit superior, ire ad praedicandum vel catechizandum.

VIII. Si vero illis tempus supererit, diebus festivis legant pios ac sacros libros, et in illis pietatis operibus se exerceant.

IX. Semel in hebdomadâ sacerdotes missam et officium pro SS. D. N. Urbano VIII, et sacrâ Congregatione de Propaganda Fide celebrent: alii vero singulis diebus aliquas preces pro praedictis fundatoribus ac benefactoribus recitent.

X. Omnes tenentur grammaticam chaldaeam discere, necnon arabicam: qui vero aptiores vel optimo ingenio reperti fuerint, grammaticam latinam ediscant, nam, si superiori dicti collegii videbitur, qui hanc grammaticam latinam edocti fuerint, Romam usque mittentur ad philosophiae et theologiae studia discendum tantum.

De studiis.

XI. Qui vero poterunt, et superior iudicaverit, tam graecam et turcam, quam persicam et alias Orientis linguas ediscant,

quae ad illas gentes convertendas necessariae sunt.

XII. Nemo discipulorum ea studia arripiat, quae sibi videbuntur, sed ea tantummodo, quae a superioribus illi assignabuntur.

XIII. Bis in die lectiones a praeceptoribus audiant in scholis, quibus assidui et intenti erunt, et domi forisque modestiae sint memores, ac pietatis.

XIV. Tenentur omnes, qui a superioribus idonei iudicabuntur, tribus annis tirones docere.

XV. Omnes, qui idonei iudicabuntur, vel per se vel per parentes promittant ad nutum superiorum Romam se conferre, ut in collegio Maronitarum reliquum studiorum philosophiae ac theologiae cursum perficiant.

XVI. Caveant superiores et praeceptores ut nihil doceant, praeter ea, quae ad pietatem, vel ad salutes scientias conferunt.

XVII. Praeceptores promittant, se nihil contra fidem catholicam, et veram religionem, et Romani Pontificis primatum, ac bonos mores docturos.

XVIII. Si qui parentes suos filios traderint, ut in dicto collegio erudiantur, promittant cum iuramento, quod filios inde absque patriarchae venia non possint educere, nisi completo studiorum cursu, qui a superiore iudicabitur esse necessarius.

XIX. Statim ut recipientur alumni in collegio, superior et praeceptores probent eorum ingenium et capacitatem ad studia capessenda, trium aut quatuor mensium spatio; si apti reperti fuerint, retineantur in dicto collegio, sin minus, dimittantur a dicto collegio, ut alii melioris ingenii ac capaciores in eorum locum recipiantur.

XX. Alumni collegii Maronitarum in Urbe studiorum cursu in Urbe completo, ac Deo iuvante in patriam reversi, te-

neantur tribus vel duobus saltem annis grammaticam latinam et syriacam docere, vel etiam casus conscientiae, si patriarcha atque superiores id iudicaverint.

XXI. Superiores demum singulis annis rationem studiorum profectus, atque progressus, qui sit ab alumniis, sacrae Congregationi de Propaganda Fide reddere teneantur, cum attestatione patriarchae.

XXII. Libri utiles ac necessarii ad alumnorum studia, latini praesertim a sacra Congregatione de Propaganda Fide providendi erunt.

Haec omnia patriarcha et superiores dicti collegii de eiusdem facultate moderari ac dispensare possint, prout necessitas postulaverit.

Alias quoque regulas, si necessariae atque utiles tum ad studium tum ad bonum regimen dicti collegii et alumnorum, patriarcha et superiores collegii de eiusdem patriarchae facultate condere poterunt.

§ 3. Nos, perpetuae et inviolabili regularum seu constitutionum huiusmodi observationi, quantum cum Domino possumus, consulere volentes, de venerabilium fratrum nostrorum S. R. E. cardinalium negotio propagandae in universum mundum fidei praepositorum consilio, regulas seu constitutiones praecursas huiusmodi, apostolica auctoritate, tenore praesentium, perpetuo approbamus et confirmamus, illisque inviolabilis apostolicae firmitatis robur adicimus, ac omnes et singulos tam iuris quam facti defectus, si qui desuper quomodolibet intervenerint, supplemus.

§ 4. Decernentes easdem regulas seu constitutiones in dicto collegio ab illius alumniis, seu scholaribus, ac ministris et personis pro tempore existentibus, perpetuo et inviolabiliter observari et adimpleri debere, necnon irritum et inane, si secus super his a quoquam, quavis auctoritate, scienter vel ignoranter, contigerit

Confirmatio praedictarum regularum.

Quas ab omnibus observari mandatur.

attentari. In contrarium facientibus non obstantibus quibuscumque.

Datum Romae, apud S. Mariam Maiorem, sub annulo Piscatoris, die xxx iulii mdcxxv, pontificatus nostri anno II.

Dat. die 30 iulii 1625, pontif. anno II.

CLIII.

Commissio cardinalibus de la Rochefoucault et de la Vallette in causâ monialium Carmelitarum Discalceatarum regni Franciae vertente inter subdelegatum apostolicum et episcopum Leonensem.

Dilectis filiis nostris Francisco tituli S. Callisti presbytero de la Rochefoucault, ac Ludovico S. Hadriani diacono cardinalibus de la Vallette nuncupatis,

Urbanus Papa VIII.

Dilecti filii nostri, salutem et apostolicam benedictionem.

Litterarum, quas retulimus supra pag. 85 hos cardinales Urbanus deputavit exequutores.

§ 1. Alias per nostras in simili formâ Brevis, sub die xx decembris mdcxxiii, expeditas litteras, motu proprio et ex certâ scientiâ ac maturâ deliberatione nostris, deque apostolicae potestatis plenitudine, litteras felicitis recordationis Gregorii Papae XV praedecessoris nostri, etiam in in simili formâ Brevis, sub die xii septembris mdcxxii, super statu dilectarum in Christo filiarum monialium Ordinis B. Mariae de Monte Carmelo Discalceatarum nuncupatarum regni Franciae, expeditas, cum omnibus et singulis in eis contentis, approbavimus et confirmavimus, vosque in nostrarum litterarum huiusmodi exequutores, cum certis tunc expressis facultatibus, constituimus et deputavimus, et alias, prout in nostris huiusmodi litteris, quarum tenores praesentibus pro expressis haberi volumus, uberius continetur.

Contra eas vero attentione Leonensis episcopo;

§ 2. Cum autem, sicut non sine gravi animi nostri molestiâ accepimus, postquam

1 Ex Regest. in Secret. Brev.

1 Quas vide supra pag. 85 (R. T.).

dilectus filius Stephanus Lovytte, decanus ecclesiae Nannetensis, uti a vobis in totum ad praemissa subdelegatus, venerabili fratri episcopo Leonensi, nonnulla contra litterarum praedicti Gregorii praedecessoris et nostrarum huiusmodi tenorem, ad quarundam eiusdem Ordinis monialium favorem, attentanti, monitisque et mandatis ipsius Stephani subdelegati parere recusanti, sub censuris ecclesiasticis praeceperat, et successive eisdem censuris ecclesiasticis innodatum forsâ declaraverat, ecclesiamque cathedralem Leonensem ecclesiastico interdicto supposuerat, non solum praecepta et censuras huiusmodi contempserit, sed eo audaciae devenerit, ut per nonnullos archiepiscopos et episcopos ac abbates, aliosque forsâ ecclesiasticos in civitate Parisiensi aliorum negotiorum occasione congregatos, sententias et censuras huiusmodi nequaquam iuste latas fuisse declarari, nulliter et de facto, non per modum iudicii, sed per archiepiscoporum, episcoporum ac abbatum et ecclesiasticorum praedictorum sententiae declarationem, non sine gravissimo christifidelium scandalo fecerit:

§ 3. Nos, praemissis, quantum cum Domino possumus, opportune providere volentes, ac de singulari vestra fide, prudentiâ, integritate, doctrinâ et catholicae religionis zelo plurimum in Domino confisi, vobis per praesentes iniungimus et mandamus, ut causam et causas appellationis et appellationum a licentiâ seu decreto dicti Stephani, ad effectum devolutivum tantum quam excessivum praedictorum, cum omnibus et singulis earum incidentibus, dependentibus, emergentibus, annexis et connexis, totoque negotio principali, auctoritate nostrâ, per vos, vel alium, seu alios, cognoscatis, ac fine debito, prout visum fuerit, terminetis, cum facultate et potestate quoscumque, etiam per edictum publicum, constituto etiam summarie

Eisdem exequutoribus mandat, ut huiusmodi causam cognoscant.

et extraiudicialiter de non tuto accessu, citandi, ac etiam sub censuris et poenis ecclesiasticis inhibendi, auxiliumque brachii secularis, si opus fuerit, invocandi,

Cum facultate
ipsum episco-
pum a censuris
absolvendi.

§ 4. Praeterea eundem episcopum Leonensem, si hoc a vobis humiliter petierit, a quibuscumque excommunicationis, aliisque censuris et poenis ecclesiasticis per eum, ut praefertur, incursis, imposita ei arbitrio vestro aliquā poenitentia salutarī, absolvendi et liberandi, ac cum eo super irregularitate per eum (quia censuris huiusmodi sic legatus missas et alia divina officia, non tamen in contemptum clavium, forsā celebraverit) contracta dispensandi, aliaque omnia et singula in praemissis et circa ea necessaria et quomodolibet opportuna faciendi, dicendi, gerendi et exequendi.

Contraria tollit.

§ 5. Non obstantibus constitutionibus et ordinationibus apostolicis, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die xxxi iulii, pontificatus nostri anno ii.

Dat. die 31 iulii 1625, pontif. anno ii.

CLIV.

Confirmatio decreti Congregationis Concilii, quo declaratur, eligi non potuisse a capitulo duos vicarios ecclesiae Limanae, illius sede archiepiscopali vacante¹.

Urbanus Papa VIII,
ad perpetuam rei memoriam.

Decretum Con-
gregationis Con-
cilii.

§ 1. Exponi nobis nuper fecit venerabilis frater modernus episcopus de Arequipa, ecclesiae Limanae suffraganeus, quod nuper a venerabilibus fratribus nostris S. R. E. cardinalibus sacri Concilii Tridentini interpretibus emanavit decretum tenoris subsequentis, videlicet:

1 Male ed. Main. legit *contractis* (R. T.).

2 Ex Regest. in Secret. Brev.

Illustrissimi et reverendissimi domini. Cum in Indiis occidentalibus vacasset sedes archiepiscopalis de Lima, capitulum elegit unum vicarium, seu officialem, quoad causas et negotia dioecesis; sed quoad causas appellationum, quae ad ipsam sedem metropolitanam devolverentur, elegit in iudicem particularem Ioannem Velasquez sacrae theologiae doctorem, cum tamen in capitulo adessent plures alii doctores in iure canonico: de cuius electionis validitate cum, in quibusdam causis quae ipsum concernunt, dubitet episcopus de Arequipa suffraganeus dictae sedis metropolitanae, recurrit ad sacram Congregationem petendo declarationem duorum dubiorum:

I. An sit satisfactum dispositioni Concilii sess. xxiv, cap. xvi, ita ut licuerit capitulo dividere cognitionem causarum, eligendo duos vicarios, unum scilicet quoad causas dioecesis, alium vero quoad causas provinciae.

II. An potuerit capitulum eligere dictum Ioannem Velasquez graduatam in theologia, cum tamen adessent alii doctores in iure canonico.

Sacra Congregatio cardinalium Concilii Tridentini interpretum:

Ad I. Censuit, circumscripta contraria consuetudine legitime praescripta, nequaquam licuisse capitulo, sede vacante, duos vicarios ut supra constituere.

Ad II. Debuisset necessario eligi unum ex graduatis in iure canonico.

S. card. S. Susannae, PROSPER FAGNANUS.

Loco + Sigilli.

§ 2. Cum autem, sicut eadem expositio subiungebat, dictus modernus episcopus plurimum cupiat, decretum huiusmodi, pro firmiori illius subsistentia, apostolicae nostrae confirmationis robore communiri; ideo nobis humiliter supplicari fecit, ut

Quod confir-
mari petitur,

eius votis huiusmodi annuere de benignitate apostolicâ dignaremur.

Et confirmatur.

§ 3. Nos igitur, dictum modernum episcopum specialis gratiae favore prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatus existit, ad effectum praesentium dumtaxat consequendum, harum serie absolventes et absolutum fore censentes, huiusmodi supplicationibus inclinati, decretum praeinsertum huiusmodi apostolicâ auctoritate, tenore praesentium, perpetuo approbamus¹ et confirmamus, illique inviolabilis apostolicae firmitatis robur adiicimus, ac omnes et singulos tam iuris quam facti defectus, si qui desuper quomodolibet intervenerint, supplemus.

Clausulae.

§ 4. Decernentes, decretum huiusmodi necnon praesentes litteras valida, firma et efficacia esse et fore, suosque plenarios et integros effectus sortiri et obtinere, ac ab omnibus, ad quos spectat et in futurum spectabit, inviolabiliter observari; sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere; ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Derogatio contrariorum.

§ 5. Non obstantibus constitutionibus et ordinationibus apostolicis, ac, quatenus opus sit, dictae ecclesiae Limanae (etiam iuramento, confirmatione apostolicâ; vel quavis firmitate aliâ roboratis) statutis et consuetudinibus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die viii augusti MDCXXV, pontificatus nostri anno III.

Dat. die 8 augusti 1625, pontif. anno III.

CLV.

Absolutio regis catholici eiusque ministrorum a censuris, in quas incurrerant ob exactum quoddam vectigal ab ecclesiasticis ultra sexennium a Paulo V concessum¹.

Charissimo in Christo filio nostro Philippo,
Hispaniarum regi catholico,
Urbanus Papa VIII.

Charissime in Christo fili noster,
salutem et apostolicam benedictionem.

§ 1. Aliàs, per felicis recordationis Paulum Papa V praedecessorem nostrum accepto, quod subditi regnorum coronac Castellae in comitiis sive curiis tunc habitis (animadvertentes clarae memoriae Philippum III Hispaniarum regem catholicum, genitorem tuum, pro catholicae religionis defensione et obedientiae erga sanctam Romanam Ecclesiam conservatione, in suis et exteris ditionibus ac regnis, gravissimis assidue sumptibus urgeri, eiusque aeraria pene exhausta esse) quaedam superadditionalia nuncupata servitia sive subsidia (quae in totum summam decem et octo millionum nummorum aureorum conficere deberent, ex gabellâ sisâ nuncupatâ super vino, musto, aceto, aquato, oleo et carnibus in dictis regnis colligendis et consumendis imponendâ non solum per ementes et vendentes solvendâ, sed etiam per eos, qui percipiebant oleum et vinum ex propriis terrenis, aut affictibus, aut emebant in uvis, aut olivis, seu colligebant pro decimis, aut etiam dono accipiebant, seu aliàs ex quovis alio reddito et introitu habebant, et consumeabant) praestare prompte obtulerant; omnesque laici cuiuscumque gradus, status, conditionis et praecminentiae eadem subsidia contribuere et gabellam solvere debebant, neque ullus immunis fu-

Concesserat Paulus V facultatem ecclesiasticis solvendi regi quoddam vectigal per sexennium.

¹ Ex Regest. in Secret. Brevium.

turus erat aut exemptus; quodque, si tantummodo laici subsidia huiusmodi contribuerent et gabellam seu sisam praedictam solverent, nimis longo tempore summa praedicta conficeretur, et laicorum facultates ad summam huiusmodi decem ac octo millionum, ut praefertur, aliter conficiendam minime suppetebant; idem Paulus praedecessor, eadem subsidia per ecclesiasticas personas adiuvandam existimans, omnes et singulas ecclesiasticas personas tam seculares, quam cuiuscumque Ordinis etiam exempti et Apostolicae Sedi immediate subiecti regulares, necnon monasteria utriusque sexus, conventus et collegia, ac ecclesiarum capitula regnorum Castellae praedictorum, ac in eisdem regnis commorantes et consistentes, ad conferendum et contribuendum proportionabiliter, et non aliàs, prout laici, in dictis subsidiis, mediante solutione gabellae, seu sisae, eorundem subsidiorum, etiam super vino, musto, aceto, aquato, oleo et carnibus in praedictis regnis colligendis et consumendis imponendae, seu forsitan impositae, et durante tamen sexennio tunc proximo dumtaxat et non ultra, teneri et obligatos¹ esse, non tamen quoad praedictas rerum species, quas ex propriis terrenis, seu decimis, aut aliis quibuscumque redditibus propriis, per se, vel alios, etiam afflictuarios suos, vel etiam ex elemosynis, percipiebant et pro divino cultu, ac propriis et familiarum suarum usibus consumeabant, pro quibus omnino immunes et exempti essent, decrevit et declaravit: ita tamen, quod si ante sexennium huiusmodi finem praedicta summa decem et octo millionum nummorum aureorum confecta fuisset, ecclesiastici praedicti amplius contribuere, et dictam gabellam, seu sisam, ut praefertur,olvere non deberent, et aliàs, prout in dicti Pauli praede-

¹ Aptius legeretur *obligatas* aut *obligata* (R. T.).

cessoris in simili formâ Brevis sub die viii augusti MDCXVIII desuper expeditis litteris, quarum tenores praesentibus pro expressis haberi volumus, plenius continetur¹.

§ 2. Cum autem, sicut eiusdem maiestatis tuae nomine nobis nuper expositum fuit, tu, sexennio praedicto elapso, gabellam seu sisam huiusmodi a personis ecclesiasticis praedictis per ministros seu officiales tuos exegeris contra sacrorum canonum et generalium conciliorum, necnon Bullae in die Coenae Domini legi et publicari consuetae, dispositionem:

§ 3. Nos, maiestatis tuae et ministrorum seu officialium tuorum praedictorum conscientiae securitati consulere, teque ac illos specialibus favoribus et gratiis prosequi volentes, supplicationibus maiestatis tuae nomine nobis super hoc humiliter porrectis inclinati, te ac ministros seu officiales tuos praedictos a quibusvis excommunicationis, censuris et poenis, per te ac ministros seu officiales tuos praedictos praemissorum occasione quomodolibet incursis, apostolicâ auctoritate, tenore praesentium, absolvimus et liberamus, dictasque poenas, ac pecunias ad quamcunque summam ascendentes, ex gabellâ seu sisâ huiusmodi per eosdem ministros seu officiales tuos ab ecclesiasticis, ut praefertur, exactas, tibi et illis respective gratiose remittimus et condonamus.

§ 4. Non obstantibus apostolicis, ac in universalibus, provincialibusque et synodalibus conciliis editis, generalibus vel specialibus constitutionibus et ordinationibus, ceterisque contrariis quibuscumque.

§ 5. Volumus autem, ut poenitentiam, quam confessarius idoneus tibi et ministris seu officialibus tuis praedictis propter praemissa duxerit iniungendam, adimplere omnino teneamini, alioquin praesentes nullae sint.

Datum Romae, apud S. Mariam Maior-

¹ Quas vide in tom. XII, pag. 423 (R. T.).

Quod tamen cum exactum quoque sit ultra sexennium,

Urbanus regem. eiusque ministros a censuris absolvit.

Obstantia tolli

Ac poenitentiam a confessario iniungendam ab eis praecipit adimpleri.

rem, sub annulo Piscatoris, die IX augusti
MDCXXV, pontificatus nostri anno III.

Dat. die 9 augusti 1625, pontif. anno III.

CLVI.

Quod capitulum generalè Ordinis Praedicatorum imposterum quolibet sexennio celebrari debeat¹.

Urbanus Papa VIII,
ad perpetuam rei memoriam.

Exordium.

Apostolici muneris sollicitudo divinà dispositione, nullo licet meritorum suffragio, nobis imposita postulat, ut, circa statum religiosorum Ordinum in Ecclesià Dei militantium propriè dirigendum sedulo invigilantes, in his, per quae felici eorum profectui, salubrique directioni consulitur, eiusdem muneris partes propensius impendamus, prout conspiciamus in Domino salubriter expedire.

Grave erat
hinc fratribus
capitulum gene-
rale singulis
trienniis cele-
brare.

§ 1. Cum itaque, sicut dilecti filii quamplures priores provinciales et fratres diversarum provinciarum Ordinis fratrum Praedicatorum nobis nuper exponi fecerunt, iuxta regularia eiusdem Ordinis instituta apostolicà auctoritate confirmata capitulum generale de triennio in triennium, pro uno videlicet citrà², pro altero vero ultra montes celebrari debeat; ex hoc autem provincias ipsas in fratribus ad huiusmodi capitulum mittendis gravia incommoda et dispendia cum non modico regularis disciplinae observantiae detrimento pati compertum sit, et propterea per nos, ut infra, opportune provideri summo opere desiderent:

Urbanus statuit, ut quolibet sexennio celebratur.

§ 2. Nos, prospero felicitique ipsius Ordinis statui et directioni, quantum cum Domino possumus, consulere; ac priores provinciales et fratres praedictos specialibus favoribus et gratiis prosequi volentes, eorumque singulares personas a quibusvis

¹ Ex Regest. in Secret. Brev.

² Perperam edit. Main. legit *extra* (n. T.).

excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causà latis, si quibus quomodolibet innodatae existunt, ad effectum praesentium dumtaxat consequendum, harum seriè absolventes et absolutas fore censentes, supplicationibus illorum nomine nobis super hoc humiliter porrectis inclinati; quod de cetero perpetuis futuris temporibus capitulum generale huiusmodi de sexennio in sexennium celebretur, sive a magistro generali eiusdem Ordinis pro tempore existente ad sexennium huiusmodi prorogari, prout sibi videbitur, possit et valeat, dictoque sexennio elapso, et non antea, dictum capitulum generale celebretur et celebrari debeat, ordine tamen in celebratione huiusmodi servari solito servato, in eoque, quae de more fieri solent, fiant et observentur, dictà auctoritate, tenore praesentium, statuimus et ordinamus.

§ 3. Decernentes praesentes litteras et in eis contenta quaecumque semper et perpetuo valida, firma et efficacia existere et fore, ac ab omnibus, ad quos spectat, inviolabiliter observari debere, irritumque et inane quidquid secus super his a quoquam quavis auctoritate scienter vel ignoranter contigerit attentari.

Clusulae.

§ 4. Non obstantibus constitutionibus et ordinationibus apostolicis, ac dicti Ordinis (etiam iuramento, confirmatione apostolicà, vel quavis firmitate alià roboratis) statutis et consuetudinibus, privilegiis quoque, indultis et litteris apostolicis, eidem Ordini, illiusque superioribus et fratribus, in contrarium praemissorum quomodolibet concessis, confirmatis et innovatis. Quibus omnibus et singulis, eorum omnium tenores praesentibus pro plene et sufficienter expressis ac ad verbum insertis habentes, specialiter et expresse derogamus, ceterisque contrariis quibuscumque.

(Obstantium derogatio.)

Fides danda
transumptis.

§ 5. Volumus autem ut praesentium transumptis, etiam impressis, manu alicuius notarii publici subscriptis, et sigillo personae in ecclesiastica dignitate constitutae munitis, eadem prorsus fides ubique adhibeatur, quae ipsis praesentibus adhiberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die ix augusti MDCXXIV, pontificatus nostri anno III.

Dat. die 9 augusti 1625, pontif. anno III.

CLVIII.

Confirmatio erectionis collegii S. Bonaventurae fratrum Minorum Conventualium Pragensis per Gregorium XV factae, mutato tamen nomine S. Bonaventurae in nomen S. Antonii de Padua¹.

Urbanus Papa VIII,
ad perpetuam rei memoriam.

Referuntur
Gregorii XV
litterae.

§ 1. Aliàs a felicitis recordationis Gregorio Papa XV praedecessore nostro emanarunt litterae tenoris subsequentis, videlicet: *Gregorius Papa XV ad perpetuam rei memoriam*. In supereminenti Sedis Apostolicae specula, etc.²

Ferdinandus
imperator eas-
dem Gregorii
litteras confir-
mari petiit.

§ 2. Cum autem, sicut praedictus Ferdinandus rex in imperatorem electus nobis nuper exponi fecit, ipse collegium praedictum competenter dotaverit; pro firmiori vero illius erectionis subsistentiâ plurimum cupiat, erectionem ipsam nostrae quoque confirmationis patrocinio communiri, aliaque, ut infra, fieri:

Confirmat Ur-
banus.

§ 3. Nos, eiusdem Ferdinandi regis in imperatorem electi votis in praemissis, quantum cum Domino possumus, annuere volentes, eius hac in parte supplicationibus inclinati, de venerabilium fratrum nostrorum sanctae Romanae Ecclesiae cardina-

lium negotio Propagandae Fidei praepositorum consilio, erectionem et institutionem dicti collegii, ac desuper confectas praecursorum litteras huiusmodi, cum omnibus et singulis privilegiis, indultis et praerogativis eidem collegio, tam per ipsum Ferdinandum regem in imperatorem electum; quam per eundem Gregorium praedecessorem per praecursorum litteras huiusmodi concessis, cum hoc tamen, ut collegium ipsum sub nomine S. Antonii de Padua, non autem S. Bonaventurae huiusmodi deinceps appellari debeat, perinde ac si idem collegium a primaevis illius erectione sub eiusdem S. Antonii de Padua, non autem ipsius S. Bonaventurae invocatione institutum fuisset, apostolicâ auctoritate, tenore praesentium, perpetuo approbamus et confirmamus, illisque inviolabilis apostolicae firmitatis robur adiciamus.

Collegium
vero S. Antonii
praecipue man-
cipium.

§ 4. Decernentes erectionem et institutionem huiusmodi, necnon praedictas et praesentes litteras semper et perpetuo validas, firmas et efficaces existere et fore, suosque plenarios et integros effectus sortiri et obtinere, atque ita per quoscumque indices ordinarios et delegatos, etiam causarum palatii apostolici auditores, iudicari et definiri debere, ac irritum et inane quidquid secus super his a quoquam, quavis auctoritate, scienter vel ignoranter, contigerit attentari.

Chausonae.

§ 5. Non obstantibus praemissis, nec non omnibus illis, quae in dictis litteris concessa sunt non obstande, ceterisque contrariis quibuscumque.

Obstantium
derogatio.

Datum Romae, apud S. Mariam Maiorem, sub annulo Piscatoris, die II septembris MDCXXV, pontificatus nostri anno III.

Dat. die 2 septembris 1625, pontif. anno III.

CLVIII.

Indultum, quod servus Dei Franciscus Borgia, olim dux Gandiae et deinde

¹ Ex Regest. in Secret. Brev.

² Reliquum omittimus, quia iam editum in tom. XII, pag. 682 (A. R.).

religiosus professus, ac tertius praepositus generalis Societatis Iesu, Beatus nuncupari¹, et in die eius obitus missa celebrari et officium de communi Confessorum non Pontificum in ecclesiis et domibus regularibus dictae Societatis recitari possit¹.

Urbanus Papa VIII,
ad perpetuam rei memoriam.

Reconsentur
Urbanis litterae.

Alias a nobis emanarunt litterae tenoris subsequentis videlicet:

Urbanus Papa VIII,
ad perpetuam rei memoriam.

In Sede Principis Apostolorum².

Idem indultum ad omnes presbyteros missam in Societate Iesu ecclesiis celebrantibus extenditur.

§ 6. Nunc autem, eosdem Gasparem cardinalem ac praepositum et presbyteros amplioribus favoribus et gratis prosequi volentes, et singulares praepositi et clericorum praedictorum personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censes, supplicationibus illorum nomine nobis super hoc humiliter porrectis inclinati, de eorumdem fratrum consilio, concessionem et indultum, desuperque confectas litteras huiusmodi, ad quoscumque sacerdotes seculares, seu cuiusvis ordinis, congregationis, seu instituti regulares, ad ecclesias seu domos regulares dictae Societatis Iesu accedentes (ita ut sacerdotes huiusmodi, in dictis ecclesiis seu domibus dumtaxat, missam et officium

¹ Quamplura de hac societate vide in Constitutione xxxiii Pauli III, *Regimini*, tom. VI, pag. 303; et Const. cccxxii Pauli V, *In Sede*, tom. XII, pag. 454; et xxxvi Greg. XV, *ibid.* pag. 603.

² Reliquum omitimus, quia iam editum est supra, pag. 255 (n. 7.).

huiusmodi, servata praedictarum litterarum forma, respective celebrare et recitare possint et valeant) eadem auctoritate, tenore praesentium, extendimus, ac concedimus pariter et indulgemus.

§ 7. Non obstantibus omnibus illis, quae in dictis nostris litteris volumus non obstare, ceterisque contrariis quibuscumque.

Derogatur
contrariis et si
des transumptis
additur.

§ 8. Volumus autem, ut praesentium transumptis, etiam impressis, secretarii ipsius Societatis vel notarii publici manu subscriptis, et personae alicuius in dignitate ecclesiastica constitutae sigillo munitis, eadem prorsus fides in iudicio et extra illud ubique locorum adhibeatur, quae praesentibus adhiberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die xi septembris MDCXXV, pontificatus nostri anno III.

Dat. die 11 septembris 1625, pontif. anno III.

CLIX.

Declaratur Bullam cruciatae et facultatem eligendi confessarium non suffragari canonicis regularibus Congregationis sanctae Crucis regni Portugalliae, qui in hac re subiecti esse debent dispositioni suorum praelatorum, etc.¹.

Urbanus Papa VIII,
ad perpetuam rei memoriam.

Romani Pontificis circumspecta benignitas honesta petentium vota, quae personarum sub suavi religionis iugo Altissimo famulantium prosperum statum ac salubrem directionem respiciunt, ad exauditionis gratiam libenter admittit, et favoribus prosequitur opportunis.

Exordium.

§ 1. Supplicationibus itaque dilectorum filiorum prioris generalis et aliorum prae-

Declaratio de qua in rubrica.

¹ Ex Regest. in Secret. Brev.

latorum Congregationis sanctae Crucis Colimbriensis canonicorum regularium Ordinis S. Augustini regni Portugalliae nobis humiliter porrectis inclinati, ac specialem illis gratiam facere volentes, eorumque singulares personas a quibusvis excommunicationis, suspensionis et interdicti, aliisque ecclesiasticis sententiis censuris et poenis, a iure vel ab homine, quavis occasione vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censentes, de venerabilium fratrum nostrorum sanctae Romanae Ecclesiae cardinalium sacri Concilii Tridentini interpretum consilio, Bullam cruciatæ sanctae et alia privilegia, quae ab Apostolica Sede concedi solent circa facultatem eligendi confessorem idoneum ab Ordinario approbatum, qui possit christifideles absolvere a casibus Ordinario reservatis, et a quibusdam etiam qui dictae Sedi reservati sunt, cum dictis priore, praelatis, reliquisque dictae Congregationis canonicis et personis locum minime habere, nec censeri; sed nostrae intentionis existere, quod iidem canonici et personae, quantum ad sacramenti poenitentiae seu confessionis administrationem, dispositioni suorum praelatorum subiecti sint, apostolicâ auctoritate, tenore praesentium, perpetuo declaramus, eisdem tamen praelatis, ut in usu huius potestatis se cum subditis benignos et faciles exhibeant, praecipientes et mandantes.

§ 2. Et quia sacrum oecumenicum generale Tridentinum Concilium concessit episcopis, ut absolvere possint in foro animae seu conscientiae ab omnibus peccatis, et dispensare in irregularitatibus, ideoque, ne prior et praelati dictae Congregationis in hac parte deterioris conditionis quam clerici aut seculares existant,

eisdem priori et praelatis, ut ipsi per se ipsos idem omnino possint in canonicos et personas sibi subditas, quod possunt episcopi in clericos et laicos sibi subiectos, tam quoad absolvendi et dispensandi huiusmodi, quam alias quascumque facultates, eisdem auctoritate et tenore, etiam perpetuo concedimus et indulgemus, ac etiam declaramus.

§ 3. Decernentes praesentes litteras perpetuo durare et valere, neque sub quibusvis similium vel dissimilium concessionum et gratiarum revocationibus, suspensionibus, derogationibus, aut aliis contrariis dispositionibus, etiam per nos et successores nostros Romanos Pontifices pro tempore existentes quomodolibet faciendis, ullatenus comprehensas, sed semper ab illis exceptas, et quoties illae emanabunt, toties in pristinum et validissimum statum restitutas et de novo concessas esse et fore; irritum quoque et inane quidquid secus super his a quoquam, quavis auctoritate, scienter vel ignoranter, contigerit attentari.

§ 4. Non obstantibus praemissis, ac constitutionibus et ordinationibus apostolicis, necnon quibusvis (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, eidem Congregationi, illiusque canonicis et personis, sub quibuscumque tenoribus et formis, ac cum quibusvis clausulis et decretis, in contrarium praemissorum quomodolibet concessis, confirmatis et innovatis. Quibus omnibus et singulis, eorum omnium tenores praesentibus pro plene et sufficienter expressis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque; seu si aliquibus communiter vel divisim ab Apostolicâ sit Sede indultum, quod interdicti, suspendi,

Clausulae.

Derogatio contrariorum.

Praelatis huius Congregationis conceduntur facultates absolvendi in foro conscientiae quae a Concilio Tridentino episcopis sunt concessae.

1 Ed. Main. legit *reservata* (R. T.).

vel excommunicari non possint per litteras apostolicas non facientes plenam et expressam ac de verbo ab verbum de indulto huiusmodi mentionem.

Datum Romae, apud S. Mariam Maiorem, sub annulo Piscatoris, die x septembris MDCXXV, pontificatus nostri anno III.

Dat. die 10 septembris 1625, pontif. anno III.

CLX.

Indultum pro Ordine fratrum Minorum officium de sancto Conrado, tertii Ordinis sancti Francisci professore, in die suae festivitatis recitandi sub ritu semiduplici, et de communi unius Confessoris non Pontificis¹.

Urbanus Papa VIII,
ad perpetuam rei memoriam.

Exordium.

Domini nostri Iesu Christi, qui servos suos aeternae gloriae praemio donat in caelis, vices quamquam immeriti gerentes, ex iniuncto nobis pastoralis officii debito procurare tenemur, ut eorumdem servorum Christi debita veneratio in dies magis promoveatur, et laudetur Dominus in sanctis suis: quamobrem fidelium quorumlibet, praesertim vero sub suavi religionis iugo Altissimo famulantium, votis, quae peculiarem sanctorum huiusmodi cultum respiciunt, libenter annuimus, pro ut conspiciamus in Domino salubriter expedire.

Ad preces Ordinis fratrum Cappuccinorum.

§ 1. Sane nomine dilectorum filiorum ministri generalis ac fratrum Ordinis Minorum sancti Francisci Cappuccinorum nuncupatorum nobis nuper expositum fuit, quod ipsi, ex peculiari, quem erga sanctum Conradum tertii Ordinis eiusdem

¹ Tres Ordines instituit S. Franciscus, quorum tertium pro secularibus Tertiariis nuncupatis instituit, et illius professor fuit iste Conradus, non autem congregationis fratrum regularium, qui etiam Tertiarii vocantur.

sancti Francisci, dum vixit, professorem gerunt, devotionis affectu, et ut alios christifideles ad eiusdem devotionis studium accendant, officium de eodem S. Conrado die eius festo sub ritu semiduplici recitare posse summopere desiderant. Nobis propterea humiliter supplicari fecerunt, ut de opportuna in praemissis licentiâ eis providere de benignitate apostolicâ dignaremur.

§ 2. Nos igitur, ministri generalis ac fratrum praedictorum laudabile eiusmodi desiderium plurimum in Domino commendantes, illosque specialibus favoribus et gratiis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censentes, huiusmodi supplicationibus inclinati, de venerabilium fratrum nostrorum S. R. E. cardinalium sacris ritibus praepositorum consilio, ut de eodem S. Conrado die eius festo ab omnibus et singulis Ordinis Minorum S. Francisci religiosi ubique existentibus officium sub ritu semiduplici de communi unius Confessoris non Pontificis, iuxta rubricas breviarii romani, recitari libere et licite possit et valeat, apostolicâ auctoritate, tenore praesentium, licentiam et facultatem perpetuo concedimus et indulgemus.

Concedit ut in rubrica.

§ 3. Non obstantibus constitutionibus et ordinationibus apostolicis, ac quibusvis (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, ceterisque contrariis quibuscumque.

Derogatio contrariorum.

§ 4. Volumus autem quod praesentium

Fides danda transumptis.

¹ Edit. Main. legit a (n. t.).

transumptis, etiam impressis, manu alicuius notarii publici subscriptis, et sigillo personae in dignitate ecclesiastica constitutae munitis, eadem prorsus fides in iudicio et extra adhibeatur, quae ipsis praesentibus adhiberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die XII septembris MDCXXV, pontificatus nostri anno II.

Dat. die 12 septembris 1625, pontif. anno III.

CLXI.

Prohibitio ne degentes in Statu Ecclesiastico, mediate vel immediate Sedi Apostolicae subiecto, libros, ab eis ubicumque compositos, de quacumque materia tractantes, absque cardinalis vicarii et magistri sacri palatii in Urbe, et extra eam absque Ordinarii et inquisitoris loci licentiâ, alio deferant aut imprimendos transmittant.

Feria V, die XVIII septembris MDCXXV, in generali congregatione S. Romanae et universalis inquisitionis habitâ in palatio apostolico montis Quirinalis coram SS. D. N. D. Urbano divinâ providentiâ Papa VIII, ac illustrissimis et reverendissimis dominis S. R. E. cardinalibus adversus haereticam pravitatem inquisitoribus generalibus a sanctâ Sede Apostolicâ specialiter deputatis.

Decretum, de quo in rubricâ.

Sanctissimus Dominus noster pro debito sui pastoralis officii corrigere volens abusus nonnullorum in Statu Sedi Apostolicae mediate vel immediate subiecto existentium, qui libros a se compositos extra praefatum Statum, absque ullâ Ordinariorum et inquisitorum loci, ubi degunt, approbatione, imprimendos transmittunt; statuit et decrevit, ut imposterum nemo in Statu praedicto degens, cuiusvis conditionis, gradus, ordinis et dignitatis existat, libros de quavis materiâ tractan-

tes, et ubicumque compositos, audeat alio deferre vel mittere imprimendos sine expressâ in scriptis approbatione illustrissimi et reverendissimi domini cardinalis SS. D. N. vicarii et magistri sacri palatii, si in Urbe, si vero extra Urbem existat, sine Ordinarii et inquisitoris loci illius, sive ab iis deputatorum, facultate et licentiâ operi praefigendâ.

§ 2. Libros autem, quos contra praesentis decreti tenorem imprimi contigerit, praeter alias poenas arbitrio Suae Sanctitatis infligendas, absque aliâ declaratione ex nunc prohibet, et pro expresse prohibitis haberi vult et mandat. Contrariis quibuscumque non obstantibus, etc.

IOANNIS ANTONIUS THOMASIIUS
S. Romanae et univers. inquisitionis notar.

Anno MDCXXV, indictione octava, pontificatus Sanctissimi in Christo Patris et D. N. D. Urbani divinâ providentiâ Papae VIII, anno eius III, die vero III mensis octobris, supradictae litterae apostolicae sive decretum affixum et publicatum fuit in acie Campi Florae, et aliis locis solitis Urbis, per me Brandimartem Latinum prelibati SS. D. N. Papae et sacrae Romanae inquisitionis cursorem.

CLXII.

Beatificatio servi Dei Felicis de Cantalicio Ordinis fratrum Minorum S. Francisci Cappuccinorum, ac indultum, quod de eo missa celebrari ac officium recitari possit a fratribus dicti Ordinis in Nancei, Romaricomontis et Cantalicii oppidis existentibus, et Romae ab omnibus ad ecclesiam ipsius Ordinis, ubi corpus eiusdem requiescit, confluentibus.

1 Hoc indultum ad omnes fratres dicti Ordinis ubique existentes extendit postea hic idem Pontifex ut in Const. Nuper, datâ die IX aprilis anni

Libri, contra huius decreti tenorem impressi, tamquam prohibiti sunt habendi.

**Urbanus Papa VIII.
ad perpetuam rei memoriam.**

Exordium.

In speculâ militantis Ecclesiae et apostolicae potestatis plenitudine, nullis licet nostris suffragantibus meritis, divinâ providentiâ constituti, piis fidelium votis, quibus virtutum Dominus in servis suis honorificatur, libenter annuimus, eaque favoribus prosequimur opportunis.

Petitio.

§ 1. Sane, pro parte dilectorum filiorum nobilium virorum Maximiliani Bavariae sacri Romani Imperii principis electoris ac Caroli Lotharingiae ducum respective, necnon Francisci a Lotharingia comitis Vademontani, dilectarumque in Christo filiarum nobilis mulieris Elisabethae Bavariae ducissae et Catharinae etiam a Lotharingia, monasterii Sedi Apostolicae immediate subiecti sancti Petri de Romaricomonte Ordinis sancti Benedicti, nullius seu Tullensis dioecesis, abbatissae, necnon etiam ministri generalis et fratrum Ordinis Minorum sancti Francisci Cappuccinorum nuncupatorum, nobis nuper expositum fuit, quod bonae memoriae Felix de Cantalicio, eiusdem Ordinis, dum vixit, professor, multis et eximiis virtutum, gratiarum et miraculorum donis a Domino illustratus fuit. Quapropter Maximilianus et Carolus duces, ac Franciscus comes, necnon Elisabetha ducissa et Catharina abbatissa, ac minister et fratres praedicti nobis humiliter supplicari fecerunt, ut, donec canonizationis honor dicto Felici de Cantalicio ob eius eximiam charitatem et excellentiâ merita, divinâ aspirante gratiâ, ab Apostolicâ Sede decernatur, idem Felix de Cantalicio Beatus nuncupari, atque officium et missa de eo, ut infra, recitari et celebrari possit.

sequentis MDCXXVI, quam in ordine referemus, et deinde ad omnes sacerdotes confluentes ad ecclesias huius Ordinis extendit, ut infra Const. Aliâs nomine, sub datum XV martii MDCXXVIII, quam etiam suo ordine dabimus.

§ 2. Quare nos, re prius per venerabiles fratres nostros S. R. E. cardinales sacris ritibus praepositos, quibus eam examinandam demandavimus, mature discussâ, de eorumdem cardinalium consilio, huiusmodi supplicationibus inclinati, ut ipse bonae memoriae Felix de Cantalicio Beatus nuncupari, officiumque et missa de eo tanquam de communi Confessoris non Pontificis, iuxta rubricas missalis et breviarii romani, hoc anno videlicet post praesentes litteras emanatas, ab omnibus dicti Ordinis fratribus ubique existentibus, hic autem Romae etiam a confluentibus ad ecclesias eorumdem fratrum, die eorum superioribus bene visâ, in posterum vero die dumtaxat sui obitus in ecclesiis fratrum praedictorum, videlicet in Nanceii, ac praedicto Romaricomontis, necnon Cantalicii oppidis, ab eiusdem fratribus tantum, Romae vero, ubi corpus eiusdem requiescit, etiam ad ecclesiam dictorum fratrum confluentibus, recitari et celebrari respective libere et licite possit et valeat, apostolicâ auctoritate, tenore praesentium, licentiam et facultatem concedimus et impartimur.

§ 3. Non obstantibus constitutionibus et ordinationibus apostolicis, ceterisque contrariis quibuscumque.

Obstantium derogatio.

§ 4. Volumus autem, ut praesentium transumptis, etiam impressis, manu notarii publici subscriptis, et sigillo alicuius personae in dignitate ecclesiasticâ constitutae munitis, eadem prorsus fides in iudicio et extra adhibeatur, quae eisdem praesentibus adhiberetur, si forent exhibitae vel ostensae.

Fides danda transumptis.

Datum Romae, apud S. Mariam Maiorem, sub annulo Piscatoris, die 1 octobris MDCXXV, pontificatus nostri anno III.

Dat. die 1 octobris 1625, pontif. anno III.

CLXIII.

Abrogatio omnium indultorum, gratiarum, seu declarationum, quae observantiae regulae S. Francisci quomodolibet contrariae sunt¹.

Urbanus Papa VIII,
ad perpetuam rei memoriam.

Exordium.

Sacrosanctum apostolatus ministerium humilitati nostrae, nullo licet meritorum suffragio, divinâ dispositione commissum postulat, ut inter gravissimas, multiplicesque apostolicae sollicitudinis curas, illam peculiari studio amplectamur, per quam personae sub suavi religionis iugo Salvatoris et Domini nostri obsequiis famulantes felicioribus in dies proficiant incrementis.

Prohibet, quominus fratres alio pedum operimento praeter calepodia et sandalia utantur.

§ 1. Cum itaque, sicut accepimus, dilecti filii fratres Ordinis Minorum S. Francisci de Observantia assiduis verbi Dei praedicationibus, continuâque sacramentorum ecclesiasticorum administratione, necnon aliis spiritualibus exercitiis, uberes in vineâ Domini fructus iugiter afferre noscantur; nos, ut fratres praedicti in tam laudabilium operum exercitio eo alacrius perseverent quo amplioribus fuerint ab hac sanctâ Sede favoribus muniti, providere, necnon felici illorum statui, quantum nobis ex alto conceditur, consulere volentes, necnon statutis et per eos in capitulo generali proxime praeterito de-

¹ Hanc regulam, olim ab ipso sancto Francisco editam, confirmatam habes ad Honor. III Const. LXVII, *Solet*, tom. III, pag. 394; quae postea declarata fuit a Nicol. III in cap. *Exiit*, *De verb. signif.* in 6, necnon a Clem. V in Clem. I eod. tit. De istis autem fratribus de Observantiâ vide Const. xxvii Leonin. X, *Ite et vos*, tom. v, pag. 692-698; quibus addo quod Paul. V eisdem ambitum omnino prohibuit, ut in Const. cccxviii, *Admonemur*, tom. XII, pag. 450 et Greg. XV deinde revocavit quascumque praecedentias et paternitates, praeter Ordinis constitutiones auctoritate apostolicâ confirmatas, concessas, ut in Const. xcvi, *Pastoralis*, tom. XII, pag. 785. Vide etiam supra pag. 351 huius tomi.

cretis inhaerentes, ac supplicationibus etiam dilecti filii Bernardini de Senis, eiusdem Ordinis ministri generalis, nobis super hoc humiliter porrectis inclinati: Quod de cetero perpetuis futuris temporibus omnes et singuli eiusdem Ordinis professores, iuxta dicti Ordinis regulam nec non declarationes a recolendae memoriae Nicolao III et Clemente V Romanis Pontificibus praedecessoribus nostris desuper emanatas, calepodiiis seu sandaliis apertis dumtaxat incedere teneantur, neque alio pedum operimento panneo, seu alterius cuiuscumque materiae existat, absque expressâ licentiâ uti possint;

§ 2. Quodque integrum eorumdem professorum vestimentum duabus tantum tunicis constet et costare debeat; unâ scilicet cum caputio, et aliâ sine caputio, ut eadem regula praescribit, neque eiusdem Ordinis professores tertiâ tunicâ, seu camisiâ stamineâ, aut interulâ, seu sudariis, vel aliâ quacumque re contra eiusdem regulae tenorem, etiam in vim concessionis felici recordationis Iulii Papae II etiam praedecessoris nostri, sive alio quovis praetextu et ex quacumque causâ, ullo modo uti valeant, apostolicâ auctoritate, tenore praesentium perpetuo, statuimus atque declaramus.

Aliaque vestimenta praeter duas tunicas.

§ 3. Praedictamque Iulii praedecessoris et quascumque alias concessionem, seu indulta, tam per litteras apostolicas, etiam motu proprio, quam vivae vocis oraculo et aliâs quomodolibet concessa, eidem regulae quomodolibet contraria, abrogamus.

Derogatio quorumque indultorum.

§ 4. Decernentes praesentes litteras semper et perpetuo validas, firmas et efficaces existere et fore, suosque plenarios et integros effectus sortiri et obtinere, ab omnibusque dicti Ordinis fratribus inviolabiliter observari;

Clausulae.

§ 5. Sicque et non aliter, per quoscumque iudices ordinarios et delegatos, etiam causarum palatii apostolici audito-

res, ubique iudicari et definiri debere; ac irritum et inane, si secus super his a quocumque, quavis auctoritate, scienter vel ignoranter, contigerit attentari.

*Deregatio
contrariorum.*

§ 6. Non obstantibus praedicta Iulii praedecessoris, ac quibusvis aliis concessionibus, sive indultis huiusmodi, necnon constitutionibus et ordinationibus apostolicis, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die 1 octobris MDCXXV, pontificatus nostri anno III¹.

¹ Dat. die 1 octobris 1625, pontif. anno III.

CLXIV.

Confirmatio nonnullorum statutorum pro studii generalis civitatis Perusinae directione¹.

Urbanus Papa VIII,
ad perpetuam rei memoriam.

Prooemium.

In supereminenti Apostolicae Sedis specula, meritis licet imparibus, disponente Domino constituti, et intra mentis nostrae arcana revolventes, quantum ex litterarum studiis catholica fides, tenebrosa ignorantiae caligine ac haeresum peste expulsa, augeatur, divini numinis cultus protendatur, veritas agnoscatur, iustitia colatur, reliquae virtutes illustrentur, ac bene beateque vivendi via pareatur, ad ea, per quae studia ipsa ubilibet et praesertim in Statu nostro Ecclesiastico excitata feliciter et prospere dirigantur, libenter intendimus, et in his nostrae sollicitudinis partes propensius impartimur, prout in Domino conspicimus salubriter expedire.

*Pro regimine
universitatis
Perusinae sequentia
edita
sunt statuta.*

§ 1. Cum itaque nuper, pro felici et prospera universitatis studii generalis civitatis Perusinae directione et gubernio, nonnulla statuta, de ordine et mandato nostris, edita fuerint tenoris subsequentis, videlicet:

Episcopus Per- § 2. — I. Episcopus pro tempore sit praefectus.
¹ Ex Regest. in Secret. Brev.

ses studii, sicuti est cancellarius, et sedulo invigilet pro bono illius regimine, atque observantia praesentium ordinationum; possitque propterea nova etiam statuta condere, quae tamen non prius executioni demandentur, quam fuerint a Sede Apostolica recognita atque approbata.

rusinus universitatis praeses.

II. Curet idem praeses, ut in unum redigantur constitutiones apostolicae, statuta et scripturae omnes ad studium pertinentes, et in certum locum tamquam in archivium deferantur; et interea, donec construatur eiusmodi locus, penes archivistam studii custodiantur. Scribae autem, seu notarii studii sua non consequantur emolumenta, nisi per fidem, revisoris et archivistae manu subsignatam, docuerint, scripturas ab ipsis rogatas a revisoribus recognitas et ab archivista receptas fuisse.

*Quae sint
eius munia.*

III. In lectorum conductis hoc anno servetur omnino rotulus SS. D. N. auctoritate confectus, qui nunc transmittitur: de cetero autem lectores conducantur iuxta formam interius praescriptam, videlicet: Singulis annis die prima Iulii, vel alia commodiori, praesidis arbitrio congregentur in aula episcopali collegium utriusque iuris doctorum coram episcopo, seu illius generali vicario, et secretis omnium et singulorum doctorum praesentium suffragiis eligantur octo doctores ex corpore ipsius collegii, hac ratione: singuli collegiales, ut supra congregati, scribant nomen et cognomen doctoris eligendi in schedula, eamque mox complicatam iniciant in urnam ad hoc paratam. Deinde per notarium studii¹, a civitate, ut moris est, electum, schedulae omnes sigillatim ab urna extrahantur, atque alta voce perlegantur, et facta omnium collatione, octo illi doctores, qui maiorem partem suffragiorum tulerint, etiam infra dimidiam totius collegii, electi censeantur. Quod si qui ex iis parem numerum habuerint suffra-

De lectoribus.

¹ Perperam edit. Main. legit *studiis* (R. T.).

giorum, adeo ut propterea non appareat, quidam intra numerum censeantur inclusi, ex his electi intelligantur, qui primo in albo collegiatorum reperiuntur descripti.

Qui, quidem sic electi similiter coram episcopo, seu eius generali vicario, infra triduum iterum congregentur, ac praestito prius iuramento in manibus episcopi seu vicarii de eligendis lectoribus, quos magis dignos, atque habiles iudicaverint, per secreta suffragia unâ cum episcopo, seu eius vicario, ut supra, et priore collegii, qui fuerit pro tempore, eligant lectores iuristas pro sequenti anno: et qui maiorem partem habuerint suffragiorum, hi pro eodem anno tantum, cum salario, materiâ et horâ eodem contextu praescribendis, sint et censeantur conducti. Quod si quis ex electoribus superscriptis noluerit, aut non potuerit electioni interesse, ius eligendi remaneat penes alios praesentes.

Die autem immediate sequenti, post collegium, ut supra, habitum ab utriusque iuris doctoribus, congregetur ibidem collegium philosophiae et medicinae doctorum coram episcopo, seu eius vicario, et iuxta formam superius praescriptam eligantur sex doctores ex corpore ipsius collegii, qui quidem electi, praestito, ut supra, iuramento, unâ cum episcopo, seu vicariô, et priore collegii, eodem modo eligant et conducant lectores pro artibus.

De lectorum
stipendio.

IV. In salariis vero assignandis ac distribuendis hoc anno, idem rotulus, ut supra confectus, servetur, etiam usque ad complementum assignationis in eodem expressae: salaria ex futuris vacationibus distribuuntur aequaliter inter omnes lectores in rotulo descriptos, si tunc temporis secundum formam superius praescriptam conducti reperiantur, detractâ tamen prius portione lectoribus assignandâ, si qui de novo erunt conducendi, vel in alterius locum subrogandi; et qui primo ad dictum complementum perve-

nerint, cessare debeant in augmentis percipiendis, usquequo aliorum omnium et singulorum assignatio in eodem rotulo expressa itidem completa fuerit.

Postea vero in perpetuum servetur forma infrascripta. Si qua pars pecuniae post omnium lectorum conductiones distribuenda supererit, coram episcopo, seu eius vicario, in eâdem aulâ episcopali congregetur collegium iuris, vel philosophiae ac medicinae doctorum, prout vacatio contigerit, die primâ septembris, vel aliâ commodiori praesidentis arbitrio praescribendâ, in eoque eligantur quatuor ex corpore ipsius collegii, servatâ in omnibus formâ, quae in electione personarum pro conducendis lectoribus superius praescripta est. Et hi quatuor, infra triduum, ut supra, iterum congregati, praestito in manibus episcopi, seu vicarii, iuramento de iuste ac fideliter distribuendo, unâ cum eodem episcopo, seu vicario, et priore collegii pro tempore, decernant, quae pars salarii ex vacationibus illius anni, et quibus lectoribus pro eo anno fuerit assignanda: et quod quatuor saltem ex praedictis sex placuerit, id ratum habeatur et executioni demandetur: ac, si qui noluerint aut nequiverint interesse, ius distribuendi penes alios remaneat. In distributionibus vero praecipuam rationem habeant qualitatis, ac meritum cuiusque, numeri itidem lectionum illius anni, scholarium frequentiae, tenuitatis salarii, atque aliorum, quae pro eorum prudentiâ duxerint advertenda. Hospitali autem, syndico, notario, computistae, ac reliquis studii ministris assignetur portio consueta.

V. Conductae lectorum, ut constitutione bonae memoriae Antonii de Monte cardinalis Papiensis tunc temporis in Umbria de latere legati provide sancitum fuit, et in hanc usque diem observatum, durent pro uno tantum anno, et non ultra: ita ut lectoribus non liceat materiae, loci, tem-

De temporis
conductae.

poris, aut salarii continuationem quocumque titulo praetendere, nisi fiat nova eorumdem reductio, iuxta formam superius praescriptam; cui quidem conductioni lectores per omnia acquiescere teneantur.

De rotulis.

VI. Rotuli, hoc primo anno excepto, subscribantur ab episcopo, seu eius vicario, et prioribus utriusque collegii, et affigantur more solito: idemque observetur in subscribendis mandatis pro salariis solvendis.

De numero
lectionum et
redditu distri-
butione.

VII. Ex redditibus studii¹ universis detrahatur quotannis portio scutorum octuaginta, ex quibus assignari debeant quindecim institutistae, viginti extraordinario iuris civilis, vigintiquinque ordinario, qui eo anno maiorem numerum lectionum, quam aliquis alius ex iuristis, etiam non sui ordinis, re ipsa legerit, et viginti tribuantur artistae, qui pariter ad maiorem numerum lectionum, quam quisque alius artista, realiter et cum effectum ascenderit: adeo ut ad huiusmodi portionem consequendam minime sufficiat per doctorem non stetisse, quominus legerit. Porro in collegio, ut supra congregando pro lectoribus conducendis, singulis annis coram omnibus publicetur numerus lectionum quas unusquisque legerit eo anno, et palam declaretur quibus supradicta portio debeatur.

Quibus scho-
lis dandi sint
lectores.

VIII. Ad omnes et singulas materias inferius descriptas de cetero semper aliquis lector conducere debeat, videlicet:

Legistae.

Ad ordinarium iuris canonici.

Ad ordinarium iuris civilis.

Ad extraordinarium iuris civilis.

Ad institutam.

Artistae in gymnasio.

Ad sacram theologiam.

Ad ordinarium philosophiae.

Ad ordinarium medicinae theoriae.

Ad ordinarium medicinae practicae.

Ad extraordinarium philosophiae.

¹ Perperam edit. Main. legit *studiis* (R. T.).

Ad extraordinarium medicinae.

Ad anotomiam legendam et incidendum.

Ad logicam.

Ad humanitatem.

Extra gymnasium vero.

Ad lecturam sacrae scripturae.

Ad theoricam simplicium.

Ad practicam simplicium.

Ad practicam chirurgiae.

Ad alias autem materias, quam supra-scriptas, nemo deinceps conducere possit, praeterquam ad lecturas decreti, sexti Clementinarum et Pandectarum, ad quas collegium possit conducere doctores idoneos.

IX. Extraordinarii legistae explicare debeant leges cum glossis et bartulo absque apparatu quaestionum quas ponunt moderni, nec possit leges illas interpretari quae ad ordinarios pertinent.

Materiae ex-
ponendae.

Artistae vero extraordinarii necessario explicent, unus methaphysicam, alius mathematicas, alius philosophiam moralem: reliqui vero partem aliquam philosophiae seu medicinae, quae tamen ab ordinariis explicari non consueverit; mathematicus percurrat integrum tractatum de sphaera, aut integrum librum ex quindecim Euclidis, aut alium consimilem tractatum.

X. Ad extraordinariam lecturam iuris civilis vel artium admitti non possit, qui saltem biennio non legerit institutam vel logicam respective; nec ad ordinariam, qui saltem per idem tempus non legerit extraordinariam. Hoc autem biennii spatium debeat esse continuum integro anno, vel maiori parte, ita ut lectura¹ sive in studio Perusino, sive in alia publica universitate non fuerit intermissa; nemini quoad hoc impedimento etiam legitimo suffragante. Ad lecturas tamen extra gymnasium ob² temporis spatium minime requiratur, nisi de consensu duarum partium collegii aliud fuerit iudicatum.

Quinam eli-
gendi.

¹ Edit. Main. legit *lecturae* (R. T.).

² Videtur legendum *hoc* potius quam *ob* (R. T.).

Stipendia singulorum.

XL Institutistae et logiei deinceps conducendi habeant saltem stipendium scutorum vigintiquatuor; extraordinarii tam iuris quam artium triginta; ordinarii artium sexaginta; iuris vero non minus quam nonaginta, sed non propterea prohibitum censeatur, quominus quilibet doctor, si quando locus in scholis fuerit, admitti possit ad legendum gratis, si forte salarium vacans non extet ad summam viginti quatuor scutorum ascendens; dummodo tamen sic admittendus absque salario eligatur iuxta formam, quae in aliis lectoribus conducendis superius praescripta est.

Lectorum onera.

XII Lectores omnes teneantur ad gymnasium accedere, ac legere singulis diebus in quibus sonat campana, ut infra; et post lectionem immediate immorentur in scholis disserendo cum scholaribus de rebus ad lectionem spectantibus, ita ut tempus lectionis et conferentiae ad integram horam perveniat. Et in diebus et horis, in quibus legitur, ne cuiquam praebeatur occasio post mediam horam obstrependi, tollatur omnino campanula, quae horae indicat medietatem. Campanae autem incipiant die v novembris, et perducantur usque ad festum divi Thomae; deinde rursus assumantur die immediate sequenti post Epiphaniam Domini, et perdurent usque ad dominicam ante septuagesimam; tum prima die lunae quadragésimae usque ad dominicam Palmarum; ac demum die post octavam Paschatis Resurrectionis usque ad festum S. Ioannis; itaut, exceptis diebus festis, in tabellâ studii exaratis, ac decem diebus potionum arbitrio collegii medicorum praescribendis, numquam cessare debeant, sed functiones omnes, in quibus hactenus campana cessare consuevit, in alium diem reiciantur, vel ad summum cesset eâ tantum horâ, in qua erit lectorum occupatio in funeribus solemnibus et superiorum visitationibus. Per haec tamen quoad vaca-

tionem in die iovis cuiuscumque hebdomadae nihil innovatum censeatur.

XIII Lectores, qui in aliquo ex superscriptis diebus defecerint, fideliter punctentur a punctatore, ab episcopo, seu eius vicario, et priore utriusque collegii eligendo, qui propterea duos habeat libros; in quorum altero signet lectores, qui ad studium non accesserunt, in altero qui accesserunt quidem sed non legerunt, vel propria culpa, vel scholarium impedimento, vel aliam ob causam. Primus liber consignetur computistae studii, ad hoc ut lectoribus deficientibus retineri queat pars pro ratâ dierum in quibus defecerint, et deficientium puncta reliquis lectoribus aequaliter accrescant, ita tamen ut liceat praesidi cognoscere de causis ob quas cessaverint, atque etiam condonare illis punctaturas, si aliquam rationabilem causam subesse arbitrabitur, onerata per hoc ipsius conscientia. Secundus vero consignetur eidem praesidi, ut inde constare possit, quinam ex lectoribus illius anni ad maiorem lectionum numerum ascenderint, ut propterea illis debeat portio superius proposita.

De punctationibus.

XIV Tollatur omnino horae diversitas inter lectores ordinarios, sive iuristas, sive artistas et doctores. Ludovicus Schottus et Dionysius Crispoltus legant eadem horâ in rotulo praescriptâ. Ceterum ex decreto huiusmodi, quod solum editur publicâ studii utilitate vel necessitate cogente, nulli eorum censeatur illatum praeiudicium, quinimo uterque cum paritate conductus intelligatur, ita ut etiam aequaliter eligi possit in promotorem; idemque per omnia cautum censeatur, atque observetur, quoad doctores Ludovicum Cencium et Septimum Eugenium.

De hora lectionum.

XV Quoad lectores, qui hactenus immunitatem vel privilegium legendi ad libitum sunt consequuti, nihil innovatum

1 Forsan legendum super hoc (R. T.).

censeatur. Verumtamen sit in optione doctorum Rubini, Montemellini et Ludovici Cencii, vel suo privilegio frui, vel, si augmentum salarii in rotulo expressum consequi voluerint, re ipsa legere.

De exemptionibus.

XVI. Exemptio tamen seu immunitas a lectionibus, vel aliud aequipollens indultum, de cetero nemini prorsus concedatur, nisi his, qui legitime probaverint, se actu legisse spatio annorum saltem triginta: et tunc nonnisi per litteras in formâ Brevis, et privilegia seu indulta quaecumque aliter concedenda per subreptionem obtenta intelligantur.

De lectionibus privatis.

XVII. Domi legere¹ liceat iuristis quidem institutam dumtaxat, idemque iis tantum horis, in quibus publice non legunt institutistae; artistis vero, nisi aliud praeses e re esse iudicaverit, illas solum materias, etiam ordinarias, quae publice eo anno non exponuntur, in quibus legunt ordinarii: ceterum in diebus vacationum tam iuristis quam artistis licebit privatim quamcumque materiam ad libitum explicare.

De loco.

XVIII. Sacram scripturam per se vel per alium leget inquisitor haereticae pravitatis in cathedrali ecclesiâ iuxta solitum; mathematicae domi explicari possint; practica chirurgia exponatur ubicumque se occasio tulerit; simplicium natura legatur in horto publico per spatium unius mensis infra Pascha Resurrectionis et festum S. Ioannis, sed metaphysica in scholis publicis tantum legenda erit; ita tamen, ut liceat doctori Ioanni Thomae Gigliolo domi quoque illam explicare, quandocumque ad ordinarium philosophiae fuerit conductus.

De tollendis lectionibus vacationum.

XIX. Tollantur prorsus lectiones, quae hactenus haberi consueverunt tempore vacationum, nec de cetero amplius habeantur, ita ut lectura practicae theologiae, feudorum, practicae medicinae... omnino cessare debeant; medicinae vero moralis et mathematicarum transferantur in ex-

¹ Edit. Main. habet *legi* (R. T.).

traordinarios lectores superius expressos. Salarium tamen assignatum lectori aphorismorum restituatur doctori Hieronymo M. Lambardo.

De iuramento.

XX. Doctores omnes de collegio tam praesentes quam futuri, necnon lectores iam conducti vel imposterum conducendi, saltem semel praestent in manibus episcopi seu eius generalis vicarii iuramentum de his capitulis et ordinationibus observandis in articulis ad eos pertinentibus.

XXI. Non obstantibus, quoad suprascripta omnia et singula, SS. D. N. regulâ de iure quaesito non tollendo, aliisque constitutionibus et ordinationibus apostolicis, necnon (iuramento, confirmatione apostolicâ, vel quavis firmitate aliâ roboratis) statutis et consuetudinibus etiam immemorabilibus, privilegiis quoque, indultis et litteris apostolicis, sub quibuscumque tenoribus et formis, ac cum quibusvis etiam derogatoriis derogatoriis, aliisque efficacioribus et insolitis clausulis, irritantibusque et aliis decretis, etiam motu proprio et ex certâ scientiâ, ac de apostolicae potestatis plenitudine, seu aliâs quomodolibet, concessis ac etiam iteratis vicibus approbatis et innovatis. Quibus omnibus et singulis, etc., ceterisque contrariis quibuscumque.

Huiusmodi statuta confirmat Urbanus.

§ 3. Nos, inviolabili statutorum praedictorum observationi, quantum cum Domino possumus, consulere volentes, motu proprio, et ex certâ scientiâ ac maturâ deliberatione nostris, deque apostolicae potestatis plenitudine, statuta praeinserta, ac omnia et singula in eis contenta, apostolicâ auctoritate, tenore praesentium, perpetuo approbamus et confirmamus, illisque inviolabilis apostolicae firmitatis robur adiicimus, ac omnes et singulos tam iuris quam facti defectus, si qui desuper quomodolibet intervenerint, supplemus.

Clausulae.

§ 4. Decernentes, praesentes litteras validas, firmas et efficaces existere et fore,

suosque plenarios et integros effectus sortiri et obtinere, illasque, ac statuta praedicta ab omnibus, ad quos spectat, et in futurum quomodolibet spectabit, inviolabiliter observari et adimpleri debere; sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Obstantium
derogatio.

§ 3. Non obstantibus constitutionibus et ordinationibus apostolicis, ac universitatis studii generalis, civitatisque huiusmodi, quatenus opus sit, etiam iuramento, confirmatione apostolica, vel quavis firmitate alia roboratis, statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, illorum tenores praesentibus pro plene et sufficienter expressis ac ad verbum insertis habentes, illis aliis in suo robore permanens, ad praemissorum effectum hac vice dumtaxat specialiter et expresse derogamus, ceterisque contrariis quibuscumque.

Datum Tusculi, sub annulo Piscatoris, die xv octobris mdcxxv, pontificatus nostri anno iii.

Dat. die 15 octobris 1625, pontif. anno iii.

CLXV.

De bonis iurisdictionalibus ad ecclesias et loca pia spectantibus in feudum vel emphyteusim non dandis, neque ultra triennium locandis, aut concessionibus huiusmodi renovandis sive prorogandis¹.

¹ De non alienandis vero bonis ecclesiae, vel ultra triennium locandis, generales extant nonnullae Pontificiae prohibitiones alias per me indicatae; ac praesertim Const. ix Leonis I, *Occasio*, tom. I, pag. 65; et Const. vi Pauli II, *Amicitiosae*, tom. v, pag. 194; de non alienandis

**Urbanus episcopus,
servus servorum Dei,
ad perpetuam rei memoriam.**

Humanae salutis auctor Christus Dominus Romanam Ecclesiam amplissimam temporalis ditionis praerogativa decoravit, quam voluit inferioribus etiam ecclesiis aliquam ex parte communicari, ut filiarum decor matris augetet in Summis Pontificibus maiestatem, quibus cum ecclesiarum omnium regimen incumbat, illarum quoque omnium tutelam ad apostolicam eorum providentiam necesse est pertinere.

Exordium

§ 1. Olim equidem quamplurimi inferiorum ecclesiarum praelati, ut strenuos ac praestantes virtute viros haberent, qui debitum sibi et ecclesiis suis impenderent famulatum, temporales ditiones ad easdem ecclesias pertinentes eximiorum virorum fidei atque administrationi commiserunt; tempore vero praecedente¹, dilabentibus in deterius bonis institutis, factum est, ut nonnulli ecclesiarum praesules, humanis potius affectibus quam meritorum intuitu moti, ditiones temporales huiusmodi variis personis et universitatibus in feudum vel emphyteusim dare, vel ultra triennium locare, et rursus occurrente earum ditionum temporalium devolutione, ad novam infeudationem seu investituram vel locationem ultra triennium, sub specie quod illae in feudum vel emphyteusim dari, vel, ut praefertur, locari sint solitae, seu alias causas praetendentes, devenire consueverunt, quod in non modicum ecclesiarum ipsarum damnum et praepudicium tendere usu compertum est.

Causae faciendae prohibitionis.

§ 2. Nos itaque, nostri muneris partes adimplendo, praemissis obvian²re, necnon ecclesiarum, monasteriorum et locorum piorum quorumcumque indemnitati, ac iu-

Prohibitio, de qua in rubrica

autem et infeudandis terris sanctae Romanae Ecclesiae specialis extat prohibitio, vide Constit. LIII Pii V, *Admonet*, tom. vii, pag. 560.

¹ Videretur potius legend. *procedente* p. 1.

rium eis quomodolibet competentium conservationi, quantum nobis ex alto conceditur, providere volentes, motu proprio et ex certâ scientiâ nostrâ, ac de apostolicae potestatis plenitudine, hac nostrâ perpetuo valiturâ constitutione, omnibus et singulis patriarchis, primatibus, archiepiscopis, episcopis, abbatibus et generalibus, ceterisque ecclesiarum et locorum piorum utriusque sexus praesulibus, praelatis, praesidentibus, rectoribus, praeceptoribus, commendatariis et administratoribus, cuiuscumque status, gradus, dignitatis et praeeminentiae existant, etiamsi cardinalatus honore praefulgeant, necnon capitulis, etiam generalibus et provincialibus, conventibus, collegiis, sodalitatibus, etiam laicorum, et quibuscumque aliis superioribus cuiusvis ordinis, societatis vel instituti, etiam de necessitate exprimendi, aut militiarum etiam S. Iohannis Hierosolymitani in universâ Italia, etiam in quorumvis principum secularium quomodolibet qualificatorum, etiam ducali, regiâ, imperiali vel quavis aliâ dignitate, honore vel excellentiâ praestantium, ditione temporali existentibus, si pontificali vel abbatiali enineant dignitate, sub interdicti ingressus ecclesiae, ac, si per sex menses immediate subsequentes sub interdicto huiusmodi permanserint, lapsis mensibus eisdem, sub regiminis et administrationis ecclesiarum vel monasteriorum, quibus praesident, in spiritualibus et temporalibus suspensionis; capitulis vero, conventibus, collegiis, sodalitatibus et universitatibus praedictis, sub interdicti a divinis, eorumque singularibus personis ac inferioribus praelatis, commendatariis et aliis praefatis, sub excommunicationis latae sententiae, ac omnium dignitatum, beneficiorum et officiorum ecclesiasticorum, de quorum rebus et bonis contra praesentis constitutionis tenorem eos disponere contigerit, vocisque activae et passivae privationis, et

perpetuae inhabilitatis ad illa seu quaelibet alia imposterum obtinenda, ipso facto, etiam absque iudicis ministerio vel sententiâ, incurrendis poenis, ne de cetero civitates, terras, castra, oppida, villas, arces, fortalitia, munitiones, territoria, districtus, iurisdictiones aut quaevis alia loca vel bona iurisdictionalia, seu quovis modo iurisdictionem temporalem, etiam cum alio vel aliis, coniunctim seu divisim, aut aliâs quomodolibet annexam habentia, aut eorum seu iurisdictionis partem etiam minimam, ad patriarchales, primatiales, metropolitanas, episcopales et alias ecclesias, monasteria, collegia vel loca pia supradicta nunc et pro tempore quovis modo spectantia et pertinentia, tam quae ad praesens per ecclesias, monasteria et loca huiusmodi pleno iure possidentur, quam ea, quae in feudum vel emphyteusim concessa vel ultra triennium locata per quoscumque quomodolibet et sub quibusvis praetextibus occupata seu usurpata reperiuntur, aut ad ecclesias, monasteria et loca praedicta iam de praesenti forsân de iure vel de facto reversa seu devoluta sunt, etiamsi ecclesiis, monasteriis, locisque piis huiusmodi adhuc incorporata et de eorum mensâ effecta non sint, aut quandocumque perpetuis futuris temporibus per lineam finitam, canonem non solum, delictum perpetratum, vel alio quocumque modo revertentur seu devolventur in futurum, etiamsi ex antiquâ seu immemorabili consuetudine, aut etiam privilegio apostolico, quaecumque ob causam concesso, et iteratis vicibus approbato, in feudum vel emphyteusim concedi vel ultra triennium locari, aut, finitâ concessione vel locatione huiusmodi, feuda, investiturae vel aliae concessionis renovari consueverint, quibusvis personis, quavis ecclesiasticâ seu mundanâ dignitate vel excellentiâ fulgentibus, ac speciali notâ dignis, capitulis, collegiis, ecclesiis, congregationibus,

monasteriis, conventibus, hospitalibus et quibusvis universitatibus, tam secularibus quam ecclesiasticis, aut quibuscumque aliis, quocumque nomine ac titulo nuncupatis, et quomodolibet qualificatis, in feudum vel emphyteusim concedere, aut ultra triennium locare, aut concessionem, investituram et locationem huiusmodi post finitum illarum tempus vel alias quodcumque renovare, prorogare vel de novo facere, etiam ad favorem descendantium, haeredum vel consanguineorum illorum, qui civitates, terras et bona iurisdictionalia praedicta obtinuerint, possederint vel occupata detinuerint, etiam intuitu meritum, etiamsi concessionem et alia praemissa in evidentem, immo evidentissimam utilitatem ecclesiae, monasterii vel loci pii cedant, aut concessionibus, investituris, locationibus, vel illarum renovationibus aut prorogationibus consentire, aut aliud scripto, verbo vel alio quovis modo, per quem dictae civitates, terrae et bona iurisdictionalia huiusmodi ad ecclesias, monasteria et loca pia praedicta, sive eorum praelatos, superiores, rectores seu administratores non revertantur, etiamsi in praedictis concessionibus, investituris, renovationibus, prorogationibus et aliis praemissis nostrum et Sedis Apostolicae beneplacitum, etiam cum clausula *et non alias aliter nec alio modo*, reservetur, et nisi illo in scriptis tantum prius obtento, facere audeant vel praesumant, ultra alias poenas per canonicas sanctiones desuper quomodolibet inflictas, districtè interdicimus et prohibemus.

Poenae nullitatis actus.

§ 3. Et insuper quascumque concessionem, investituram, locationem, vel illarum prorogationem et revocationem, quas contra praesentium tenorem quocumque modo et quovis tempore fieri contigerit, prorsus nullas et effectum omnino carere debere;

Clausulae.

§ 4. Sicque in praemissis omnibus et

singulis per quoscumque iudices ordinarios et delegatos, etiam causarum palatii apostolici auditores et eiusdem camerae apostolicae thesaurarium et clericos, necnon sanctae Romanae Ecclesiae cardinales, sublata eis et eorum cuilibet quavis aliter iudicandi et interpretandi facultate et auctoritate, iudicari et definiri debere, et quicquid secus super his a quoquam, quavis auctoritate, scienter vel ignoranter, attentari contigerit, irritum et inane decernimus et declaramus.

§ 5. Non obstantibus praemissis, ac constitutionibus et ordinationibus apostolicis, etiam in corpore iuris insertis, ac etiam in favorem quarumcumque ecclesiarum, provinciarum, civitatum, universitatum, collegiorum, capitulorum et locorum piorum, eorumque personarum, atque ordinum, tam mendicantium, quam non mendicantium, militiarum etiam S. Ioannis Hierosolymitani, necnon congregationum et societatum et cuiusvis alterius instituti, etiam necessario, ut praefertur, et individuo exprimendi, eorumque monasteriorum, conventuum et domorum regularium, necnon illorum (etiam iuramento, confirmatione apostolica, vel quavis firmitate alia roboratis) statutis et consuetudinibus etiam immemorabilibus, indultis quoque et privilegiis, sub quibuscumque tenoribus et formis, ac cum quibusvis etiam derogatoriis derogatoriis, aliisque efficacioribus, efficacissimis et insolitis clausulis, etiam irritantibus decretis, etiam motu proprio et ex certa scientia, ac de apostolica potestate plenitudine, aut alias quomodolibet concessis et iteratis vicibus approbatis et innovatis. Quibus omnibus et singulis, etiamsi de illis, eorumque totis tenoribus specialis, specifica et expressa, ac individua, et de verbo ad verbum, non autem per clausulas generales idem importantes, mentio seu quaevis alia expressio habenda aut aliqua alia exquisita forma

Obstantium derogatio.

servanda foret, tenores huiusmodi, ac si de verbo ad verbum et formā in illis traditā observatā inserti forent, praesentibus pro expressis habentes, quoad ea, quae iisdem praesentibus adversantur, illis aliās in suo robore permansuris, harum serie specialiter et expresse derogamus, ceterisque contrariis quibuscumque.

Iuramentum
de observanda
praesenti Con-
stitutione.

§ 6. Volumus autem, quod de cetero patriarchae, primates, archiepiscopi et episcopi, necnon abbates, praesules, praelati, alique praefati in aliis iuramentis ab iis praestandis, de praesenti etiam Constitutione servandā omnino iurare teneantur;

§ 7. Ipsaque constitutio in quinterno cancellariae apostolicae describatur;

Eiusdem pu-
blicatione.

§ 8. Quodque praesentes ad valvas Lateranensis et Principis Apostolorum de Urbe basilicarum et dictae cancellariae, et in acie Campi Florae publicentur, et sic publicatae omnes et singulos, quos concernunt et concernent in futurum, perinde arceant et afficiant, ac si eis et eorum cuilibet personaliter intimatae forent;

Transumptio-
rumque fides.

§ 9. Earundemque transumptis, etiam impressis, manu alicuius notarii publici subscriptis, et sigillo praelati seu personae in dignitate ecclesiasticā constitutae munitis, in iudicio et extra illud eadem prorsus fides adhibeatur, quae ipsis originalibus adhiberetur, si forent exhibitae vel ostensae.

Clausulae poe-
nales.

§ 10. Nulli ergo omnino hominum liceat hanc paginam nostri interdicti, prohibitionis, decreti, declarationis, derogationis et voluntatis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei, ac beatorum Petri et Pauli apostolorum eius, se noverit incursurum.

Datum Romae, apud S. Mariam Maiorem, anno Incarnationis Dominicae MDCXXV, vi kalendas novembris, pontificatus nostri anno III.

Dat. die 27 octobris 1625, pontif. anno III.

Anno a Nativitate Domini nostri Iesu Christi MDCXXVI, inditione IX, die vero XXVII mensis ianuarii, pontificatus Sanctissimi in Christo Patris et Domini nostri D. Urbani divinā providentiā Papae VIII, anno eius III, retrospectae litterae apostolicae lectae, affixae et publicatae fuerunt ad valvas basilicarum S. Ioannis Lateranensis, Principis apostolorum de Urbe, cancellariae apostolicae, et in acie Campi Florae, dimissis ibidem praesentibus litteris per aliquantulum temporis spatium, ut moris est, affixis, et deinde amotis, per nos Pompeium Girancortes et Brandimartem Latinum, praelibati Sanctissimi Domini Papae cursores, etc.

OCTAVIUS SPADA, mag. cursorum.

Retroscriptae litterae apostolicae registratae fuerunt in quinterno cancellariae apostolicae anno Incarnationis Dominicae MDCXXVI¹, die vero IV mensis februarii, pontificatus SS. D. N. Urbani, divinā providentiā Papae VIII, anno III.

MARCUS ANTONIUS ASCENSUS,
Cancellariae apostolicae procustos.

CLVI.

Indultum, quod fratres Discalceati B. Mariae de Mercede Redemptionis captivorum officium et missam de communi Confessoris non Pontificis recitare possint de S. Raymundo, dicti Ordinis, dum vixit, professore et procuratore generali, ac S. R. E. cardinali, in die suae festivitatis².

Urbanus Papa VIII,
ad perpetuam rei memoriam.

Salvatoris et Domini nostri Iesu Christi, qui servos suos aeternae gloriae praemio

Prooemium.

¹ Erronee ed. Main. habet MDCXXV (R. T.).

² De hoc Ordine vide ad Const. XLII Greg. IX, *Devotionis*, tom. III, pag. 485, et eiusdem privilegia confirmavit postea hic idem Urbanus VIII, ut inf. Ex clementi.

donat in caelis, vices quamquam immeriti gerentes in terris, ex iniuncto nobis de super pastoralis officii debito procurare tenemur, ut eorumdem servorum Christi debita veneratio in dies magis promoveatur, laudeturque Dominus in sanctis suis. Quamobrem fidelium quorumlibet, praesertim vero sub suavi religionis iugo Altissimo famulantium, votis, quae peculiarem sanctorum huiusmodi cultum respiciunt, libenter annuimus, prout conspiciamus in Domino salubriter expedire.

Procuratoris
generalis Ordinis
preces.

§ 1. Sane dilectus filius Didacus de sancto Raymundo, procurator generalis Ordinis fratrum Discalceatorum nuncupatorum B. Mariae de Mercede redemptionis captivorum, nobis nuper exponi fecit, quod fratres praedicti, pro eo, quem erga sanctum Raymundum Nonnatum, eiusdem Ordinis, dum vixit, professorem, ac S. R. E. cardinalem, gerunt, devotionis affectu, et ad augendam Christi fidelium erga illum devotionem, officium et missam de eodem sancto Raymundo, ut infra, recitari et celebrari posse summopere desiderant; nobis propterea idem Didacus totius Ordinis huiusmodi nomine humiliter supplicari fecit, ut de opportunâ ad hoc licentiâ providere de benignitate apostolicâ dignaremur.

Indultum, de
quo in rubrica.

§ 2. Nos igitur, piis Didaci et fratrum praedictorum votis in praemissis annuere, illosque specialibus favoribus et gratiis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodati existunt, ad effectum praesentium dumtaxat consequendum, harum serie absolventes et absolutos fore censentes, huiusmodi supplicationibus inclinati, de venerabilium fratrum nostrorum S. R. E. cardinalium sacris ritibus praepositorum consilio; ut de eodem sancto Raymundo die eius festo

officium et missa de communi Confessoris non Pontificis iuxta rubricas missalis et breviarii romani ab omnibus praedicti Ordinis utriusque sexus regularibus personis tantum recitari et celebrari respective libere et licite possit et valeat, apostolicâ auctoritate, tenore praesentium, licentiam et facultatem concedimus et impartimur.

§ 3. Non obstantibus constitutionibus et ordinationibus apostolicis, ceterisque

Derogatio
contrariorum.

§ 4. Volumus autem, quod praesentium transumptis, etiam impressis, manu alicuius notarii publici subscriptis, ac sigillo alienius personae in ecclesiasticâ dignitate constitutae munitis, eadem prorsus fides ubique adhibeatur, quae ipsis praesentibus adhiberetur, si forent exhibitae vel ostensae.

Fides clanda
transumptis.

Datum Romae, apud S. Mariam Maiorem, sub annulo Piscatoris, die v novembris MDCXXV, pontificatus nostri anno III.

Dat. die 5 novembris 1625, pontif. anno III.

CLXVII.

Quod in principatu Cathaloniae ac comitatu Rossilionis et Ceritaniae servetur constitutio Gregorii XIV super immunitate ecclesiarum¹.

Venerabilibus fratribus archiepiscopis et episcopis, in principatu Cathaloniae et comitatu Rossilionis et Ceritaniae pro tempore constitutis,

Urbanus Papa VIII.

Venerabiles fratres,
salutem et apostolicam benedictionem.

§ 1. Exponi nobis nuper fecit charissimus in Christo filius noster Philippus Hispaniarum rex catholicus, quod in principatu Cathaloniae ac comitatu Rossilionis

Immunitate
ecclesiarum his
in locis facinorosi
homines
abutebantur.

¹ Ex Regest. in Secret. Brev.

et Ceritaniae, ex antiquâ illorum consuetudine, seu potius abusu, delinquentes, qui ob excessus ab eis perpetratis ad ecclesias et loca pia confugiunt, et inde extracti, si privilegio immunitatis gaudere debere declarantur, non solum a delictis et excessibus, ob quos confugiunt, ut praefertur, et super quibus controvertitur, an dicto privilegio gaudere debeant, sed etiam a criminibus, excessibus et delictis per eos alias commissis absolvuntur; necnon in principatu et comitatu praedictis multi laici facinorosi reperiuntur, qui post perpetrata ab eis, cum maximo christifidelium scandalo, damno et confusione, gravissima et atrocissima delicta, ut ministrorum iustitiae manus, debitasque suorum scelerum poenas effugiant, ad ecclesias et loca pia confugiunt, eorumque immunitate securitatis spe freti perniciose abutentes, ecclesias et loca pia huiusmodi tamquam domos proprias inhabitant, illorumque bona et redditus interdum usu nefario consumunt, quo fit etiam, ut in plerisque locis mulieres, perditorum hominum huiusmodi timore perterritae, ad easdem ecclesias pro sacrosancto missae sacrificio audiendo minime accedant. Quare idem Philippus rex, ut tam enormibus malis aliquâ ratione obviam eatur, sublatisque abusibus huiusmodi, christifideles ibi existentes in pacis amoenitate reddant Domino abundanter fructus suos, nobis humiliter supplicari fecit, ut super praemissis opportune providere de benignitate apostolicâ dignemur.

Urbanus in-
bet Gregori XV
Constitutionem
seu affl.

§ 2. Nos igitur, piis eiusdem Philippi regis votis, quantum cum Domino possumus, annuere volentes, huiusmodi supplicationibus inclinati, vobis et vestrum cuilibet, apostolicâ auctoritate, tenore praesentium, districte praecipimus, ut in vestris civitatibus et dioecesis, abusibus huiusmodi sublatis, constitutionem felices recordationis Gregorii Papae XIV prae-

decessoris nostri super immunitate ecclesiarum exacte observetis¹; eamque ab omnibus et singulis, ad quos spectat et pro tempore quomodolibet spectabit in futurum, observari curetis. Delinquentes vero ad ecclesias et loca pia, quae iuxta sacrorum canonum dispositionem immunitate huiusmodi gaudere debent, confugientes, ac immunitate ecclesiasticâ iuxta constitutionis praedictae dispositionem gaudentes, quod in ecclesiis et locis piis praedictis ultra octo dies permanere seu degere non valeant, auctoritate et tenore praedictis declaramus. Quare vobis et vestrum cuilibet districte mandamus, ut laicos, quibus dicta immunitas vigore constitutionis huiusmodi concedetur, ad ecclesias et loca pia ob delicta per eos commissâ pro tempore confugientes, moneatis, ut durante octo dierum huiusmodi spatio ab ecclesiis et locis piis huiusmodi omnino recedant: sin minus vobis et vestrum cuilibet, ut illos, lapsis eisdem octo diebus, curiae seculari consignare possitis et valeatis, concedimus et indulgemus, ita ut inde ad mortem non damnentur, sed in consignatione huiusmodi membrum et vitam obtinere debeatis.

Clausula.

§ 3. Decernentes, praesentes litteras de subreptionis vel obreptionis aut nullitatis vitio, aut intentionis nostrae seu quovis alio defectu notari vel impugnari ullo unquam tempore nullatenus posse; sicque per quoscumque iudices et commissarios, quavis auctoritate fungentes, etiam causarum palatii apostolici auditores, ac sanctae Romanae Ecclesiae cardinales (sublatâ eis et eorum cuilibet quavis aliter iudicandi et interpretandi facultate ac auctoritate) iudicari ac definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

¹ Quam habes in *Bullario* tom. IX, pag. 424 (R. T.).

Derogatio
contrariorum.

§ 4. Non obstantibus praemissis, ac generalis concilii et quibusvis aliis constitutionibus et ordinationibus apostolicis, ac statutis et consuetudinibus etiam immemorabilibus, privilegiis quoque, indultis et exemptionibus apostolicis, etiam secularibus et regularibus personis, ordinibus, monasteriis, ecclesiis et aliis locis sacris, necnon congregationibus et superioribus eorumdem, sub quibuscumque tenoribus et formis, ac cum quibusvis clausulis et decretis etiam irritantibus, et aliis quomodolibet etiam iteratis vicibus innovatis, concessis et approbatis. Quibus omnibus, illorum tenores, ac si de verbo ad verbum insererentur, praesentibus pro expressis et insertis habentes, illis aliis in suo robore permansuris, hac vice dumtaxat ad effectum praesentium specialiter et expresse derogamus, ceterisque contrariis quibuscumque. Praesentibus, quoad indultum huiusmodi, ad quinquennium tantum valituris.

Datum Romae, apud S. Mariam Maiorem, sub annulo Piscatoris, die xii novembris mdcxxv, pontificatus nostri anno iii.

Dat. die 12 novembris 1625, pontif. anno iii.

CLXVIII.

Indultum ac decretum, ut festum S. Bernardi servetur de praecepto in dominiis Reipublicae Genuensis, ac in regno Corsicae¹.

Urbanus Papa VIII,
ad perpetuam rei memoriam.

Exordium.

Apostolatus officium, nullo licet meritum suffragio, nobis ex alto commissum postulat, ut in his, per quae sanctorum Christi confessorum cultus et veneratio in dies magis augeatur, eiusdem officii partes propensis studiis impendamus, piisque christifidelium in id tendentibus votis be-

¹ Ex Regest. in Secret. Brev.

nignum praebeamus assensum, prout conspicimus in Domino salubriter expedire.

§ 1. Sane nomine dilectorum filiorum nobilium virorum ducis et Reipublicae Ianuensis nobis nuper expositum fuit, quod, cum ipsi in novissimis bellorum tumultibus sancti Bernardi opem saepius imploraverint, eundemque in patronum et protectorem solemnibus votis elegerint, pro eo quem erga ipsum gerunt devotionis affectu, atque ut¹ grati animi erga illum imposterum extet monumentum, eiusdem sancti Bernardi festum diem de cetero tamquam de praecepto, ut infra, servari, et propterea sibi per nos desuper opportune provideri, summopere desiderant.

Genuensium
procos.

§ 2. Nos, piis eorumdem ducis et Reipublicae desideriis in praemissis annuere, illosque specialibus favoribus et gratiis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutos fore consentes, supplicationibus illorum nomine nobis super hoc humiliter porrectis inclinati, de venerabilium fratrum nostrorum S. R. E. cardinalium sacris ritibus praepositorum consilio, eisdem duci et Reipublicae, quod de cetero perpetuis futuris temporibus in universa eiusdem Reipublicae ditione temporali, quam continentem appellant, necnon in regno Corsicae, aliisque subiectis insulis, ipsius sancti Bernardi natalitius dies tamquam festum de praecepto ab omnibus utriusque sexus christifidelibus ditionis, regni et insularum huiusmodi servetur, ac servari omnino debeat, apostolicam auctoritate, tenore praesentium, concedimus et indulgemus, ac decernimus et declaramus.

Indultum, de
quo in rubrica.

¹ Edit. Main. legit aut (R. T.).

Ordinarii lo-
corum decreti
huius designan-
tur exequuto-
res.

§ 3. Quocirca venerabilibus fratribus archiepiscopis et episcopis, ceterisque locorum Ordinariis in ditione, regno et insulis praedictis constitutis, per praesentes praecipimus et mandamus, quatenus easdem praesentes in suis quisque ecclesiis et dioecesibus publicari faciant, ac omnes et quoscumque sibi subiectos ad praedicti festi celebrationem omnibus iuris remediis cogant atque compellant, super quo plenam et amplam illis per praesentes concedimus facultatem.

Contraria
quaeque tollun-
tur.

§ 4. Non obstantibus constitutionibus et ordinationibus apostolicis, ac quibusvis privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, eorum omnium tenores praesentibus pro plene et sufficienter expressis ac ad verbum insertis habentes, illis aliàs in suo robore permansuris ad praemissorum effectum, hac vice dumtaxat specialiter et expresse derogamus, ceterisque contrariis quibuscumque.

Transumptis
danda fides.

§ 5. Volumus autem, quod praesentium transumptis, etiam impressis, manu alicuius notarii publici subscriptis, et sigillo personae in dignitate ecclesiastica constitutae munitis, eadem prorsus fides ubique locorum habeatur, quae ipsis praesentibus haberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris die XII novembris MDCXXV, pontificatus nostri anno III.

Dat. die 12 novembris 1625, pontif. anno III.

CLXIX.

Exemptio ab Ordinariorum iurisdictione, hospitali S. Antonii de sancto Antonio Viennensi a nonnullis Romanis Pontificibus concessa, confirmatur, iis

exceptis, quae respiciunt curam animarum et sacramentorum administrationem¹.

Urbanus Papa VIII,
ad futuram rei memoriam.

Exponi nobis nuper fecerunt dilecti filii abbas et religiosi hospitalis S. Antonii de S. Antonio Viennensi Ordinis sancti Augustini, quod aliàs felicis recordationis Bonifacius VIII, Sixtus IV, Leo X, Clemens VII et Paulus III Romani Pontifices praedecessores nostri abbatem pro tempore, nec non praeceptores, priores et religiosos, ac monasteria, ecclesias, praeceptorias, ceteraque beneficia hospitalis et ordinis praedictorum, etiam curam animarum habentia, ab omni iurisdictione, potestate, subiectione, dominio et visitatione patriarcharum, archiepiscoporum, episcoporum et Ordinariorum quorumcumque, necnon quarumvis gabellarum, datiorum, impositionum, onerum, gravaminum, iucundorum et aliorum similium solutione exemerunt et liberarunt, illosque ac illas et illa sibi ac Sedi Apostolicae immediate subiecerunt.

Nonnulli Pontifices hunc Ordinem ab episcoporum iurisdictione liberum esse voluerunt.

§ 2. Cumque exemptio et liberatio ac subiectio huiusmodi, per dictos praedecessores facta, per subinde subsequutum sacrum Concilium Tridentinum revocatae et annullatae ab aliquibus praetenderentur, abbasque ac religiosi praedicti plurimum cupiant exemptionem et liberationem, subiectionemque praedictas, ne de illarum validitate ullo unquam tempore dubitari possit, apostolicae nostrae confirmationis robore communiri:

Sed cum dubium exortum sit an haec exemptio sit per Concilium Tridentinum sublata,

§ 3. Nos, eosdem abbatem et religiosos specialibus favoribus et gratiis prosequi volentes, et illorum singulares personas a quibusvis excommunicationis, suspensionis et interdicti, aliisque ecclesiasticis sen-

Urbanus eam confirmat, iis tamen exceptis, quae curam animarum respiciunt.

¹ Ex Regest. in Secret. Brev.

tentiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum, harum serie absolventes, et absolutas fore censes, supplicationibus eorum nomine nobis super hoc humiliter porrectis inclinati, de venerabilium fratrum nostrorum sanctae Romanae Ecclesiae cardinalium Concilii praedicti similiter interpretum consilio, exemptionem, liberationem et subiectionem per praedecessores nostros praedictos factas, apostolicâ auctoritate, tenore praesentium, praeterquam tamen in his, quae curam animarum et sacramentorum administrationem concernunt, ac his quae in litteris piaae memoriae Gregorii XV¹ desuper editis continentur, approbamus et confirmamus, illisque inviolabilis apostolicae firmitatis robur adiciamus, ac omnes et quoscumque iuris et facti defectus, si qui in eisdem intervenerint, supplemus: ac de cetero, quatenus opus sit, abbatem, praecipit, priores et religiosos, nec non ecclesias, monasteria, praepetorias, et alia quaecumque beneficia hospitalis et Ordinis praedictorum, nobis et Sedi praedictae immediate subiicimus, ac illos et illas illaque respective, dummodo et quandiu hospitalitatem huiusmodi retinuerint et exercuerint, minime sub revocatione, sed sub exceptione praedictis comprehendi declaramus.

Liausulae.

§ 4. Decernentes, praesentes litteras validas, firmas et efficaces existere et fore, dictisque hospitali et ordini, necnon illorum abbatibus, praepetoribus, prioribus et religiosis plenissime suffragari; sicque per quoscumque iudices ordinarios et delegatos, etiam causarum palatii apostolici auditores, iudicari ac definiri debere, ac irritum et inane, si secus super his a

¹ Quasdam de hoc Ordine litteras Greg. XV vide in tom. XII, pag. 519 (B. T.).

quoquam, quavis auctoritate, scienter vel ignoranter, contigerit attentari.

§ 5. Non obstantibus constitutionibus et ordinationibus apostolicis, necnon quibusvis (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, eorum tenores praesentibus pro plene et sufficienter expressis ac ad verbum insertis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die XIV novembris MDCXXV, pontificatus nostri anno III.

Dat. die 14 novembris 1625, pontif. anno III.

CLXX.

Institutio archivii generalis in Urbe¹.

Urbanus Episcopus,
servus servorum Dei,
ad perpetuam rei memoriam.

Pastoralis officii nobis, meritis licet imparibus, divinâ dispositione iniuncti sollicitudo assidue cor nostrum pulsât et commovet, ut non solum ad ea, quae animarum salutem respiciunt, verum etiam quae ad populorum, praesertim almae Urbis nostrae, ac nobis, et Sedis Apostolicae temporali ditioni subditorum utilitatem, pacem, tranquillitatem, perpetuamque securitatem pertinere noscuntur, vigilantiae nostrae aciem dirigamus, et praesertim noxis illis, quae, ob non adhibitam satis exactam diligentiam in conservandis tam publicis quam privatis scripturis, inter subditos nostros, gravi cum nostrâ, eorum-

Prooemium

¹ Plura de archivii invenies praecipue in Constit. XIX (in n. ed. XVIII) Iulii II, *Sicut*, tom. V, pag. 458.

Derogatio
contrariorum.

que molestia, fortunarumque suarum iactura, frequenter exoriri et vigere intelligimus, commodam aliquam ratione providemus, et, pro felici progressu eorum, quae propterea a nobis ordinantur, illorum curam egregiorum virorum prudentiae demandamus, quorum opera et studio feliciter gubernentur, ac lites facilius terminentur, prout pro iustitiae complemento et subditorum eorundem quiete¹ conspiciamus in Dominos alubriter expedire.

Causae instituendi generalis archivii in Urbe.

§ 1. Cum itaque (ex multiplicitate et diversitate notariorum Urbis, et aliquorum etiam ex eis imperitia et negligentia, ac instrumentorum et aliarum scripturarum confusione, ac incuriosa custodia, plurima damna et incommoda subditis nostris et aliis irrogari, maximum etiam detrimentum fidei publicae in dies inferri, eandemque non parvo in discrimine falsitatum et fraudum versari, vicissim vero ex diligenti eorundem instrumentorum et scripturarum cura falsitates et fraudes omnes evitari, dominia rerum ac iura unicuique conservari, aliaeque non modica pervenire bona satis exploratum et abunde perspectum habentes; et in plerisque dominiis et regionibus exteris, ac etiam Romanorum Pontificum praedecessorum nostrorum auctoritate fere in omnibus civitatibus et locis Status nostri Ecclesiastici publica et generalia, et in ipsamet Urbe nostram quaedam particularia, Capitolinum videlicet et Romanae Curiae, et forsitan alia, archivaria erecta et instituta fuisse, ex eis tamen alia in desuetudinem abiisse, alia in multis deficere, neque per illa huiusmodi incommodis, damnis et fraudibus, illarumque periculis sufficienter provideri animadvertentes; et ex annalibus sacrae historiae Romanam Ecclesiam olim archivium publicum sub nomine cartophylacii habuisse, et cartophylacii officium magnae dignitatis et auctoritatis apud eandem Ro-

manam Ecclesiam et Sedem Apostolicam extitisse, memoriam repetentes; et praemissis, quantum in nobis est, occurrere cupientes) nullam aliam rationem satius praedictis nostris subditis et aliis omnibus quam per erectionem archivii publici et generalis in dicta Urbe, ad quod instrumenta publica et aliae scripturae per eiusdem Urbis notarios et alios infrascriptos rogata pro tempore deferri et in eo assevari debeant, consultum iri censeamus; pro earundem Urbis et Romanae Curiae ornamento, et instrumentorum ac scripturarum tutam et perpetuam conservatione, nostrorum subditorum et aliorum securitate, ac publica et privata omnium utilitate, ad erectionem huiusmodi devenire decrevimus.

§ 2. Motu igitur proprio, non ad aliquius nobis super hoc oblatae petitionis instantiam, sed ex certa scientia et mera deliberatione nostris, ac de apostolicae potestatis plenitudine, archivium generale, Urbanum nuncupandum, sub protectione et suprema superintendentiâ dilecti filii Francisci S. Agathae diaconi cardinalis Barberini nuncupati, nostri secundum carnem ex fratre germano nepotis, eius vitam durante, et, post illius obitum, unius eiusdem sanctae Romanae Ecclesiae cardinalibus per pro tempore existentem Romanum Pontificem ad id specialiter deputandi¹, in dicta Urbe, in loco prope plateam Principis Apostolorum de Urbe nuncupatam per nos designato; et, pro eiusdem archivii generalis bono regimine et administratione, unum conservatoriae eiusdem archivii generalis officium pro uno clerico vel laico utriusque iuris doctore, vitae ac morum probitate et experientia praedito, ac aliis sufficienti et idoneo, conservatore archivii generalis Urbani nuncupando, ad nostrum et pro tempore existentis Romani Pontificis nutum ponendo

Archivium Urbanum instituit.

Etque cardinalem praefecit.

Ac conservatorem.

¹ Edit. Main. legit *quieti* (R. T.).

¹ Male edit. Main. legit *deputandum* (R. T.).

et amovendō, cum infrascriptis et aliis omnibus et singulis privilegiis, facultatibus, honoribus, praeeminentiis et oneribus, in capitulis per dilectum filium nostrum Antonium dictae sanctae Romanae Ecclesiae presbyterum cardinalem sancti Ilonuphrii nuncupatum de mandato nostro subscriptis expressis, et aliis etiam per pro tempore existentem archivii generalis huiusmodi superintendentem cardinalem quandocumque ampliandis, moderandis et declarandis, apostolicā auctoritate, tenore praesentium, perpetuo erigimus et instituimus; illique sic erecto et instituto, pro eius dote ac illud pro tempore obtinentis sustentatione, salario et emolumento, summam in particulari chirographo, etiam hodie manu nostrā subscripto, ex taxis ac omnibus iuribus, obventionibus, emolumentis et aliis regalibus in dictis capitulis contentis et specificatis designandam, dictā auctoritate etiam perpetuo applicamus et appropriamus, ac ex nunc applicatam et appropriatam fore et esse volumus et declaramus.

Cui salarium assignat.

§ 3. Ita ut liceat eidem conservatori pro tempore existenti, per se, vel alium ad id ab eo deputandum, summam sic applicatam et appropriatam ab iis, ad quos pro tempore spectabit, exigere, recipere et retinere, ac in suos usus et utilitatem convertere, nostrā vel Romani Pontificis pro tempore existentis licentiā desuper minime requisitā.

Et privilegia hic recensita decernit.

§ 4. Ac (ut praedictum officium sic erectum et institutum, illudque pro tempore obtinens amplioribus per nos favoribus et gratiis decoretur) quod pro tempore existens conservator dicti archivii noster ac pro tempore existentis Romani Pontificis verus, indubitatus et non fictus familiaris continuus commensalis, aliorumque familiarium et continuorum commensalium numero et consortio adscriptus et aggregatus eo ipso existat; et vestes violacei

coloris ad instar nostrorum cubiculariorum honoris nuncupatorum gestet, illisque arbitrio suo utatur; ac, in signum verae et indubitatae ac non fictae familiaritatis huiusmodi, singulis diebus ex palatio apostolico panem eiusdem quantitatis et qualitatis, prout dilectis filiis in utraque signaturā nostrā referendariis dari consuevit, habeat, decernimus, et panem huiusmodi dictim sibi ex dicto palatio dari mandamus.

§ 5. Ad archivium autem generale praedictum omnia testamenta, fideicommissa, legata, codicillos, donationes causā mortis et alias ultimas voluntates, a quibusvis notariis publicis Urbis, etiam eorum officia titulo oneroso a nobis et Sede praedictā ac camerā apostolicā habentibus, necnon parochis eiusdem Urbis, tam in ipsā Urbe quam extra eam, quomodolibet recepta et rogata, ac super venditionibus, et venditionum resolutionibus et rescissionibus, cessionibus, renunciationibus, transactionibus, divisionibus, in solutum dationibus, permutationibus de et super bonis et rebus immobilibus factis, necnon censibus et eorum extinctionibus, feudis, subfeudis, ac in emphyteusim, livellum, aut sub annuo censu, canone, vel aliā responsione concessionibus, inter vivos donationibus, insinuationibus, dotibus et pactis dotalibus, haereditatum aditionibus, repudiationibus, et inventariis, emancipationibus, adoptionibus, arrogationibus, iurispatronatibus irrevocabilibus, et ad vendendum et donandum procuracionum mandatis, fideiussionibus perpetuis ac alia instrumenta in capitulis praedictis latius descripta et adnotata, et per quosvis notarios Urbis praedictos, tam in Urbe quam extra eam, quomodolibet, ut praefertur, recepta et rogata, sub modo et formā in eisdem capitulis praescriptis et ordinatis, deferri, et in eo respective recipi, annotari ac diligenter et perpetuo conservari et cu-

Omnia omnia publica instrumenta ad hoc archivium debet deferri

stodiri debere volumus, praecipimus et similiter mandamus.

Conservato-
rum deputat;

§ 6. Postremo, dilectum filium Camillum Perinum clericum Florentinum utriusque iuris doctorem, apud nos de litterarum scientiâ, vitae ac morum honestate, aliisque probitatis et virtutum meritis multipliciter commendatum, horum intuitu specialis gratiae favore prosequi volentes, eundem Camillum, de cuius fide, doctrinâ, prudentiâ, et in similibus experientiâ plurimum in Domino confidimus, in conservatorem dicti archivii generalis ad nostrum et dictae Sedis beneplacitum motu et auctoritate paribus constituimus et deputamus. Francisco vero cardinali, ac aliis dicti archivii generalis, ut praefertur, deputandis superintendentibus et gubernatoribus, edicta, bannimenta et proclamationes, praedictum archivium generale vel illius negotia pro tempore quomodolibet concernentia, sub suo nomine, ac sub poenis etiam corporalibus sibi benevisis, quoties opus fuerit, publicandi, ac pro tempore emanata declarandi, interpretandi, ampliandi et innovandi, ac exequutioni demandari faciendi, prout eidem magis expedire visum fuerit; necnon omnes causas civiles, criminales et mixtas super praemissis et illorum occasione pro tempore motas, ac appellationum, reclamationum, recursuum, ac in integrum restitutionum a sententiis, decretis et gravaminibus per praedictum Camillum et pro tempore existentem conservatorem dicti archivii generalis latis, promulgatis, seu quomodolibet illatis, cum omnibus et singulis incidentibus, dependentibus, annexis et connexis, totisque negotiis principalibus, etiam privative quoad omnes alios, manu regiâ, simpliciter et de plano, sine strepitu et figurâ iudicii, ac telâ iudiciariâ minime observatâ, ac omni et quacumque appellatione, recursu, vel restitutione in integrum remotis, per se, vel alium, aut

Eique, aliisque superintendentibus facultates hic enumeratas tribuit.

alios, a Francisco cardinales et pro tempore existente superintendente¹ et gubernatore dicti archivii generalis deputandos, audiendi, cognoscendi, sineque debito terminandi et decidendi; aliaque omnia et singula, quae ad ipsius archivii generalis directionem ac rectam et facilem administrationem et gubernationem pertinent, et alias circa praemissa necessaria fuerint seu quomodolibet opportuna, ordinandi, mandandi, faciendi, gerendi, exercendi, disponendi et exequendi plenam et omnimodam potestatem, auctoritatem et facultatem concedimus et impartimur.

§ 7. Decernentes easdem praesentes, etiam ex eo quod notarii et eorum collegia, quibus officia et scripturae titulo oneroso vel alias per nos et Romanos Pontifices praedecessores nostros dictamque cameram apostolicam concessa reperiuntur, vocati et auditi non fuerint, vel ex eo quod praemissa nullâ causâ subsistente et etiam de facto processerint, aut ex aliâ quantumvis iuridicâ et legitimâ etiam necessario exprimendâ causâ, vel quocumque praetextu, de subreptionis vel obreptionis, aut nullitatis vitio, seu intentionis nostrae, vel quovis alio defectu, notari, impugnari, invalidari, retractari, et ad terminos iuris reduci, aut in ius vel controversiam revocari, seu adversus illas quodcumque iuris, gratiae, vel facti remedium impetrari, aut etiam motu, scientiâ et potestatis plenitudine similibus concedi, vel sub quibusvis constitutionibus, et cancellariae apostolicae regulis editis et edendis, ac litteris apostolicis in contrarium, etiam pari motu, ac consistorialiter emanatis, aut quibusvis aliis similibus vel dissimilibus gratiarum revocationibus, suspensionibus, limitationibus, aut aliis contrariis dispositionibus, comprehendendi nullo unquam tempore posse,

Clausulae pro praesentium litterarum firmitate.

¹ Edit. Main. habet *superintendentes* (R. T.).

sed semper ab illis excipi, et quoties illae emanabunt, toties in pristinum et eam, in quo erant, validissimum statum restitutas, repositas et plenarie reintegratas, ac de novo etiam sub quacumque posteriori datâ per pro tempore existentes cardinalem superintendentem et conservatorem dicti archivii generalis quandocumque eligendâ concessas, validasque et efficaces, etiam quod in dictâ camerâ apostolicâ nullo unquam tempore praesentarentur aut registrarentur, fore et esse;

§ 8. Sicque, et non aliâs, per quoscumque iudices, etiam causarum palatii apostolici auditores, et camerae apostolicae praesidentes clericos, ac etiam eiusdem sanctae Romanae Ecclesiae camerarium, et alios cardinales, sublatâ eis et eorum cuilibet quavis aliter iudicandi et interpretandi facultate, iudicari et definiri debere, irritum quoque et inane, si secus super his a quoquam, quavis auctoritate, scienter vel ignoranter, contigerit attentari.

Designatio
aquatorum.

§ 9. Quocirca dilectis filiis Urbis nostrae gubernatori, et causarum curiae dictae camerae generali auditori, et dilecti filii nostri in eadem Urbe, eiusque districtu vicarii in spiritualibus generalis in civilibus causis locumtenenti motu pari per apostolica scripta mandamus, quatenus ipsi, vel duo, aut unus eorum, per se, vel alium, seu alios, praesentes litteras, et in eis contenta quaecumque, ubi et quando opus fuerit, ac quoties pro parte Francisci cardinalis et Camilli praedictorum, ac pro tempore existentium dicti archivii protectoris et conservatoris, fuerint requisiti, solemniter publicantes, illisque efficacis defensionis praesidio assistentes, faciant easdem praesentes, et in eis contenta huiusmodi, ab omnibus, ad quos spectat et pro tempore spectabit, firmiter et inviolabiliter observari; ac Franciscum cardinalem et Camillum, ac pro tempore

existentes protectorem et conservatorem huiusmodi, illis pacifice frui et gaudere, non permittentes eos desuper per quoscumque quomodolibet indebite molestari; contradictores quoslibet et rebelles per censuras et poenas ecclesiasticas, aliaque opportuna iuris et facti remedia, appellatione postpositâ, compescendo, ac sententias, censuras et poenas ipsas, servatâ formâ Concilii Tridentini, etiam iteratis vicibus aggravando, invocato etiam ad hoc, si opus fuerit, auxilio brachii secularis.

§ 10. Non obstantibus praemissis, et, quatenus opus sit, nostrâ de non tollendo iure quaesito, ac felicitis recordationis Pii Papae IV, etiam praedecessoris nostri, sub datum videlicet vii idus augusti, pontificatus sui anno vi editâ¹, inter alia disponente, quod omnes gratiae quaecumque interesse camerae concernentes infra certum inibi expressum tempus in eadem camerâ praesentari et registrari debeant, aliisque constitutionibus et ordinationibus apostolicis, ac Urbis et aliarum quarumcumque civitatum, locorum, oppidorum, districtuum, necnon collegiorum, monasteriorum, ecclesiarum et aliorum piorum et non piorum locorum, etiam iuramento, confirmatione apostolicâ, vel quavis firmitate aliâ roboratis, statutis, reformationibus, decretis et consuetudinibus, privilegiis quoque, indultis et litteris apostolicis, exemptionibus, immunitatibus et concessionibus officiorum et notariatum, etiam titulo oneroso, tam a nobis, quam a Romanis Pontificibus praedecessoribus nostris et camerâ praedictâ, etiam per viam contractus, seu aliâs quomodolibet, tam praedictis omnibus et singulis, quam etiam iudicibus, officialibus, scriptoribus, notariis, eorumque collegiis et superioribus, dictaeque camerae, eiusque causa-

Obstantium
derogatio.

¹ Haec pluries citata constitutio legitur in tom. vii, pag. 375 (R. T.).

rum auditori generali et procuratori fiscali, aliisque etiam personis, sub quibuscumque tenoribus et formis, ac cum quibusvis clausulis et decretis, etiam motu simili, etiam consistorialiter, ac aliàs, in contrarium quomodolibet concessis, approbatis ac innovatis, et in futurum concedendis, approbandis, confirmandis et innovandis: quibus omnibus, etiamsi de illis, eorumque totis tenoribus specialis, specifica, expressa et individua, non autem per clausulas generales idem importantes, mentio habenda, aut aliqua alia exquisita forma ad id servanda foret, tenores huiusmodi praesentibus pro sufficienter expressis habentes, illis aliàs in suo robore permanens, hac vice dumtaxat etiam motu huiusmodi specialiter et expresse derogamus, ac derogatum esse volumus et mandamus, contrariis quibuscumque: aut si quibusvis, communiter aut divisim, ab eadem sit Sede indultum, quod interdicti, suspendi, vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

§ 11. Volumus autem, quod eadem praesentes, unà cum capitulis, ut praefertur, faciendis, ut omnibus innotescant, ad valvas basilicae Principis apostolorum de eadem Urbe et cancellariae apostolicae praedictae ac in acie Campi Florae publicentur et affigantur, dimissis inibi earum copiis, quae perinde omnes arcant, ac si unicuique personaliter intimatae fuissent;

§ 12. Quodque earumdem praesentium et capitulorum, ut praefertur, conficiendorum transumptis et exemplaribus, etiam impressis, ac manu alicuius notarii publici subscriptis, et sigillo alicuius personae in dignitate ecclesiastica constitutae munitis, ea prorsus fides adhibeatur, tam in iudicio quam extra, quae eisdem praesentibus adhiberetur, si forent exhibitae vel ostensae.

§ 13. Nulli ergo omnino hominum liceat hanc paginam nostrae erectionis, institutionis, applicationis, appropriationis, praecepti, constitutionis, deputationis, impartitionis, decretorum, derogationis, mandatorum et voluntatum infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei, ac beatorum Petri et Pauli apostolorum eius, se noverit incursurum.

Datum Romae, apud sanctam Mariam Maiorem, anno Incarnationis Dominicae MDCXXV, XVI kalendas decembris, pontificatus nostri anno III.

Dat. die 16 novembris 1625, pontif. anno III.

Anno a Nativitate Domini nostri Iesu Christi MDCXXVI, indictione IX, die vero XVII mensis iulii, pontificatus Sanctissimi in Christo Patris et D. N. D. divina providentiâ Urbani VIII, anno eius III, supradictae litterae unâ cum capitulis lectae, affixae et publicatae fuerunt ad valvas basilicae S. Petri Principis apostolorum de Urbe, cancellariae apostolicae, et in acie Campi Florae, dimissis ibidem praesentibus litteris et capitulis per aliquantulum temporis spatium, ut moris est, affixis, et deinde amotis, postea affixis copiis earumdem litterarum cum eisdem capitulis in eisdem locis per nos Tarquinium Maionum Romanum et Ioannem Baptistam Spadam de Cesis apostolicos cursores.

AUGUSTINUS DE BOLIS
pro mag. DD. cursorum.

CLXXI.

Confirmatio litterarum Pii Papae V pro sacrâ domo Lauretanâ super notificandis legatis in favorem ipsius domus factis¹.

¹ Ex Regest. in Secret. Brev.

Praesentium
actenda publi-
ratio.

Transumptis-
que adhibenda
fides.

**Urbanus Papa VIII,
ad perpetuam rei memoriam.**

Prooemium.

Ex iniuncti nobis desuper apostolici muneris debito iurium almae Domus Lauretanae conservationi sedulo incumbentes, ea, quae propterea a Romanis Pontificibus praedecessoribus nostris provide facta fuisse comperimus, quo firma perpetuo et illibata remaneant, inviolateque observentur, apostolicae firmitatis munimine roboramus, prout conspiciamus in Domino salubriter expedire.

Recensentur
Pii Papae V lit-
terae.

§ 1. Dudum siquidem a felicis recordationis Pio Papa V praedecessore nostro emanarunt litterae tenoris subsequentis, videlicet:

Ad perpetuam rei memoriam. Ad Romani Pontificis spectat officium, etc.¹

Eaque confir-
mavit Clemens
Papa VIII.

§ 2. Subinde vero pia memoriae Clemens Papa VIII, etiam praedecessor noster, praecursor litteras huiusmodi approbavit et confirmavit, prout in illius litteris desuper in simili forma Brevis expeditis², quarum tenores praesentibus pro expressis haberi volumus, plenius continetur.

Item appro-
bat Urbanus.

§ 3. Cum autem firmitate sint ea, quae saepius fuerint apostolicae auctoritatis praesidio communita: nos, iurium eorundem conservationi, quantum cum Domino possumus, consulere volentes, easdem praecursor litteras, et in eis contenta quaecumque, apostolica auctoritate, tenore praesentium, perpetuo approbamus et confirmamus, ac etiam innovamus; eaque omnia et singula per eos, ad quos spectat et in futurum quomodolibet spectabit, sub poenis in ipsis praecursor litteris contentis, inviolate observari debere, ac irritum et inane, si secus super his a quoquam,

¹ Reliquum omittimus quia iam legitur in Constit. LXXXIX Pii V, tom. VII, pag. 659 seq. Nisi quod ibid. pag. 660 a, linea 7, legitur *illius dioecesis*, et legendum *nullius dioecesis* (R. T.).

² Quas non puto esse in *Bullario* (R. T.).

quavis auctoritate, scienter vel ignoranter, contigerit attentari, decernimus.

§ 4. Non obstantibus omnibus illis, quae in eisdem praecursor litteris concessa sunt non obstat, ceterisque contrariis quibuscumque.

Obstantium
derogatio.

Datum Romae, apud S. Mariam Maiorem, sub annulo Piscatoris, die XVII novembris MDCXXV, pontificatus nostri anno III.

Dat. die 17 novembris 1625, pontif. anno III.

CLXXII.

Approbatio statutorum pro Ordine fratrum Minorum de Observantia editorum in capitulo generali Romae die XVII maii MDCXXV celebrato¹.

**Urbanus Papa VIII,
ad perpetuam rei memoriam.**

In supremo apostolatus solio, meritis, licet imparibus, divina dispensatione praesidentes, ex incumbenti nobis pastoralis officii debito religiosorum Ordinum in Ecclesia Dei militantium prosperum statum, felicemque directionem sinceris desiderantes affectibus, iis, quae propterea pie et provide praesertim in eorum capitulis generalibus facta fuisse comperimus, ut firma perpetuo et illibata remaneant, libenter, cum a nobis petitur, apostolici muniminis adieciimus firmitatem, prout conspiciamus in Domino salubriter expedire.

Exordium

§ 1. Cum itaque, sicut dilectus filius procurator generalis Ordinis fratrum Minorum S. Francisci de Observantia nuncupatorum nobis nuper exponi fecit, in capitulo generali eiusdem Ordinis in domo B. Mariae de Araceli nuncupatae de Urbe praedicti Ordinis ultimo loco cele-

Procurator
generalis post
statuta con-
muni

¹ Huiusmodi statuta sunt inserta in ista Constitutione, ut videre poteris, et quia multum interest et sunt generalia, ea posui ad verbum (ex Cherub.). Aliorum porro statutorum Barchinensium pro ultramontana familia eiusdem Ordinis confirmationem infra dabimus sub XVIII decembris huius anni (R. T.).

rum auditori generali et procuratori fiscali, aliisque etiam personis, sub quibuscumque tenoribus et formis, ac cum quibusvis clausulis et decretis, etiam motu simili, etiam consistorialiter, ac aliàs, in contrarium quomodolibet concessis, approbatis ac innovatis, et in futurum concedendis, approbandis, confirmandis et innovandis: quibus omnibus, etiamsi de illis, eorumque totis tenoribus specialis, specifica, expressa et individua, non autem per clausulas generales idem importantes, mentio habenda, aut aliqua alia exquisita forma ad id servanda foret, tenores huiusmodi praesentibus pro sufficienter expressis habentes, illis aliàs in suo robore permanens, hac vice dumtaxat etiam motu huiusmodi specialiter et expresse derogamus, ac derogatum esse volumus et mandamus, contrariis quibuscumque: aut si quibusvis, communiter aut divisim, ab eadem sit Sede indultum, quod interdicti, suspendi, vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

Praesentium
actenda publi-
catio.

§ 11. Volumus autem, quod eadem praesentes, unâ cum capitulis, ut praefertur, faciendis, ut omnibus innotescant, ad valvas basilicae Principis apostolorum de eadem Urbe et cancellariae apostolicae praedictae ac in acie Campi Florae publicentur et affigantur, dimissis inibi earum copiis, quae perinde omnes arcant, ac si unicuique personaliter intimatae fuissent;

Transumptis-
que adhibenda
fides.

§ 12. Quodque earumdem praesentium et capitulorum, ut praefertur, conficiendorum transumptis et exemplaribus, etiam impressis, ac manu alicuius notarii publici subscriptis, et sigillo alicuius personae in dignitate ecclesiasticâ constitutae munitis, ea prorsus fides adhibeatur, tam in iudicio quam extra, quae eisdem praesentibus adhiberetur, si forent exhibitae vel ostensae.

§ 13. Nulli ergo omnino hominum liceat hanc paginam nostrae erectionis, institutionis, applicationis, appropriationis, praecepti, constitutionis, deputationis, impartitionis, decretorum, derogationis, mandatorum et voluntatum infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei, ac beatorum Petri et Pauli apostolorum eius, se noverit incursurum.

Datum Romae, apud sanctam Mariam Maiorem, anno Incarnationis Dominicae MDCXXV, XVI kalendas decembris, pontificatus nostri anno III.

Dat. die 16 novembris 1625, pontif. anno III.

Anno a Nativitate Domini nostri Iesu Christi MDCXXVI, indictione IX, die vero XVII mensis iulii, pontificatus Sanctissimi in Christo Patris et D. N. D. divina providentiâ Urbani VIII, anno eius III, supradictae litterae unâ cum capitulis lectae, affixae et publicatae fuerunt ad valvas basilicae S. Petri Principis apostolorum de Urbe, cancellariae apostolicae, et in acie Campi Florae, dimissis ibidem praesentibus litteris et capitulis per aliquantulum temporis spatium, ut moris est, affixis, et deinde amotis, postea affixis copiis earumdem litterarum cum eisdem capitulis in eisdem locis per nos Tarquinium Maionum Romanum et Ioannem Baptistam Spadam de Cesis apostolicos cursores.

AUGUSTINUS DE BOLIS
pro mag. DD. cursorum.

CLXXI.

Confirmatio litterarum Pii Papae V pro sacrâ domo Lauretanâ super notificandis legatis in favorem ipsius domus factis¹.

¹ Ex Regest. in Secret. Brev.

**Urbanus Papa VIII,
ad perpetuam rei memoriam.**

Prooemium.

Ex iniuncti nobis desuper apostolici muneris debito iurium almae Domus Lauretanae conservationi sedulo incumbentes, ea, quae propterea a Romanis Pontificibus praedecessoribus nostris provide facta fuisse comperimus, quo firma perpetuo et illibata remaneant, inviolateque observentur, apostolicae firmitatis munimine roboramus, prout conspiciamus in Domino salubriter expedire.

Recensentur
Pii Papae V lit-
terae.

§ 1. Dudum siquidem a felicis recordationis Pio Papa V praedecessore nostro emanarunt litterae tenoris subsequentis, videlicet:

Ad perpetuam rei memoriam. Ad Romani Pontificis spectat officium, etc.¹

Eaque confir-
mavit Clemens
Papa VIII.

§ 2. Subinde vero pia memoriae Clemens Papa VIII, etiam praedecessor noster, praecursor litteras huiusmodi approbavit et confirmavit, prout in illius litteris desuper in simili forma Brevis expeditis², quarum tenores praesentibus pro expressis haberi volumus, plenius continetur.

Item appro-
bat Urbanus.

§ 3. Cum autem firmitate sint ea, quae saepius fuerint apostolicae auctoritatis praesidio communita: nos, iurium eorundem conservationi, quantum cum Domino possumus, consulere volentes, easdem praecursor litteras, et in eis contenta quaecumque, apostolica auctoritate, tenore praesentium, perpetuo approbamus et confirmamus, ac etiam innovamus; eaque omnia et singula per eos, ad quos spectat et in futurum quomodolibet spectabit, sub poenis in ipsis praecursor litteris contentis, inviolate observari debere, ac irritum et inane, si secus super his a quoquam,

¹ Reliquum omittimus quia iam legitur in Constit. LXXXIX Pii V, tom. VII, pag. 659 seq. Nisi quod ibid. pag. 660 a, linea 7, legitur *illius dioecesis*, et legendum *nullius dioecesis* (R. T.).

² Quas non puto esse in *Bullario* (R. T.).

quavis auctoritate, scienter vel ignoranter, contigerit attentari, decernimus.

§ 4. Non obstantibus omnibus illis, quae in eisdem praecursor litteris concessa sunt non obstat, ceterisque contrariis quibuscumque.

Obstantium
derogatio.

Datum Romae, apud S. Mariam Maiorem, sub annulo Piscatoris, die XVII novembris MDCXXV, pontificatus nostri anno III.

Dat. die 17 novembris 1625, pontif. anno III.

CLXXII.

Approbatio statutorum pro Ordine fratrum Minorum de Observantia editorum in capitulo generali Romae die XVII maii MDCXXV celebrato¹.

**Urbanus Papa VIII,
ad perpetuam rei memoriam.**

In supremo apostolatus solio, meritis, licet imparibus, divina dispensatione praesidentes, ex incumbenti nobis pastoralis officii debito religiosorum Ordinum in Ecclesia Dei militantium prosperum statum, felicemque directionem sinceris desiderantes affectibus, iis, quae propterea pie et provide praesertim in eorum capitulis generalibus facta fuisse comperimus, ut firma perpetuo et illibata remaneant, libenter, cum a nobis petitur, apostolici muniminis adieciimus firmitatem, prout conspiciamus in Domino salubriter expedire.

Exordium

§ 1. Cum itaque, sicut dilectus filius procurator generalis Ordinis fratrum Minorum S. Francisci de Observantia nuncupatorum nobis nuper exponi fecit, in capitulo generali eiusdem Ordinis in domo B. Mariae de Araceli nuncupatae de Urbe praedicti Ordinis ultimo loco cele-

Procurator
generalis post
statuta con-
muni

¹ Huiusmodi statuta sunt inserta in ista Constitutione, ut videre poteris, et quia multum interest et sunt generalia, ea posui ad verbum (ex Cherub.). Aliorum porro statutorum Barchinensium pro ultramontana familia eiusdem Ordinis confirmationem infra dabimus sub XVIII decembris huius anni (R. T.).

brato, pro felici fratrum ipsius Ordinis utriusque familiae gubernio et directione nonnulla statuta edita fuerint, tenoris subsequenti, videlicet:

Statuta pro utraque familia.

Qua licentia
ossint fratres
Romanam venire.

Pro publicis totam provinciam concernentibus negotiis, accedente etiam definitorii consensu, fratribus suis ad Curiam Romanam eundi facultatem provinciales ministri concedere possint: privatis¹ autem auctoritatem hanc sibi noverint esse negatam. Qui secus fecerit, poenis a sanctae memoriae Clemente VIII positae subiaceat².

De habitu
oblato et
eritiorum.

Oblati omnes, donati, tertiarii, ad conventus famulatum assumpti, caparone seu caputium³ ferre deinceps non praesumant, sed, ut ab omnibus dignoscantur fratres non esse, calceatis incedant pedibus: habitum genua non excedentem et galerum seu biretum in capite portent.

De auctoritate
congregationis
circa guardianas.

Statutum generale, quo decernitur, capitulum intermedium seu congregationem habere plenam auctoritatem non continuandi guardianos, sed, prioribus amotis³, alios instituendi etiam nullâ interveniente causâ, innovatur et roboratur; ideo guardiani omnes renuntiationem suorum officiorum spontaneam et ex animo in scriptis mittere teneantur.

De provincia
Anglicana.

Provincia Anglicana, quae ob persecutiones haereticorum defecerat, pristino suo honori et loco restituitur: ita tamen ut, quia pauci adhuc in eâ sunt conventus et fratres, donec augeatur numerus, separatae custodiae nomen retineat, cuius custos generali capitulo intersit, habeatque volum in eo.

Marchio de
Canetta beneficia
agnoscendus.

Utraque familia, pro acceptis beneficiis et munificentissimâ liberalitate excellentissimi domini marchionis de Canetta, eum

¹ Videtur legendum *pro privatis* (R. T.).

² Decretum Clementis VIII habes supra pagina 211 (R. T.).

³ Perperam edit. Main. legit *amoris* (R. T.).

benefactorem agnoscit, sicut iam antea in congregatione Segoviensi proxime praeteritâ, communi omnium suffragio, sancitum fuerat.

Provinciae
tertii Ordinis
ius habent suffragii.

Provinciarum tertii Ordinis, quae nunc temporis in Hispania et Gallia erectae sunt, ministri comitiis generalibus deinceps interesse et in electionibus ministri et commissarii generalis respective votum activum habere poterunt. Fratres enim nostri sunt. Provincia S. Didaci in Baetica recipitur, et catalogo provinciarum Ordinis adscribitur et antiquitatis suae locum a suae erectionis die, qui xx mensis decembris anno MDCXX fuit, in posterum obtinebit.

Provinciae
Baeticae locus.

Provincia Saxoniae S. Crucis antiquo suo iuri et ordini restituitur; ad eamque non solum Abastudensis conventus, aliique qui antiquitus eius erant, sed etiam Helde-simensis, Bibeldensis et Fuldensis, qui hactenus ministro Coloniensi paruerunt, item conventus Egar et monialium eiusdem loci, qui ad tempus Argentinensi provinciae subditi fuerant, deinceps et in posterum pertinebunt.

Provincia Saxoniae restituta

Pro cismontanâ familia.

Ut conscientiae fratrum circa missarum celebrationem efficaci remedio provideatur, strictissime patribus guardianis et quibuscumque aliis conventuum superioribus praecipitur, ut in oneribus missarum suscipiendis omnino observent formam praescriptam in decretis a sacra Congregatione Concilii Sanctissimi Domini nostri auctoritate nuper editis de celebratione missarum¹.

Onera missarum suscipienda ad formam decretorum Congregationis Concilii.

Ne pax mutua detrimentum patiatur, noverint patres Reformati sibi interdictam divini verbi praedicationem, necnon eleemosynarum petitionem, intra limites conventuum fratrum Observantium de familiâ, nisi prius ministri provincialis in scriptis obtentâ facultate; cui interdictioni reci-

Quae praxis servanda sit inter observantes et reformatos circa eleemosynas.

¹ Quas vide supra pag. 336 (R. T.).

proce fratres regularis Observantiae subiacent, nisi patris custodis Reformatorum voluntas accesserit, atque consensus.

In obedientia-
libus dies dis-
cessus et redi-
tus adnotandus.

Pro evitandis fratrum evagationibus, ordinatur et praecipitur, ut, quotiescumque eorum aliquis a suo superiore extra provinciam, vel etiam¹ conventum intra provinciam, exeundi facultatem impetaverit, in illius obedientia dies determinati assignentur suae peregrinationis, suique reditus²; nec possit accingere se itineri et obtenta facultate gaudere, nisi obedientiales litterae prius registratae, et a patre ministro sive guardiano subscriptae fuerint: in quibus dies discessus adnotetur.

Apostatae non
retinendi.

Apostatae nec recipiantur nec retineantur in alienis provinciis, ad quas quomodo-
cumque cofugerint: sed, ubi primum fue-
rint absoluti iuxta consuetudinem et Ordinis constitutiones, ad proprias remittantur sub poena privationis officiorum provin-
cialis, sive guardiani, aut cuiuscumque alterius superioris ipso facto incurrenda.

In unaquaque
provincia ca-
thedrae philo-
sophiae et theo-
logiae institu-
endae.

Cum Ordo noster seraphicus ad totius Ecclesiae obsequium sit institutus, toto con-
natu innitendum³ est, ut non solum in eo scientia non pereat, sed in dies augeatur. Ideo decernitur, atque statuitur, ut in qualibet provincia, ubi haecenus desiderantur et non sunt, philosophiae et theologiae studia erigantur et instituantur: quibus ex eadem provinciâ patres lectores ex doctiori-
bus praeficiantur: caveaturque ne deinceps in alienas provincias studentes mittantur, aut praedicatores, nisi in casu aliquo ur-
genti, de quo tam minister generalis, quam commissarius iudex esto. Hac lege provin-
ciae ultramarinae non tenentur, quâ stu-
dentium et lectorum penuriam patiuntur.

De transun-
tibus ab unâ ad
aliâ provin-
ciam.

Transitus ab unâ ad aliam provinciam plurimorum est causa malorum, quibus provisum fore iudicamus, si quod nunc

1 Videretur hic addendum *ad aliam* (R. T.).

2 Perperam ed. Main. habet *redditus* (R. T.).

3 Potius lege *enitendum* (R. T.).

statuitur, in posterum observetur, ut sci-
licet, qui suâ sponte, licet obtenta prius
licentiâ, ad alienam provinciam transie-
runt fratres, tam incorporati, quam incor-
porandi, in eâ locum, ordinem et praece-
dentiam a dietantum incorporationis suae,
non autem a die receptionis habitus vel
emissae professionis; teneant et habeant.

Ad tollendam ambitionem et eliminandam
relaxationem decernitur, ut, iuxta Grego-
rii XV Breve, nullus aliquo gaudeat privi-
legio ex quacumque causâ, quod per leges
et Ordinis statuta a Sede Apostolicâ con-
firmata concessum non fuerit.

De privilegiis
praeiur Ordinis
statuta concessa

Sicut statutum de erigendis communita-
tibus in unoquoque conventu ad maiorem
paupertatis observantiam et fratrum con-
solationem innovatur, ita guardianis sub
poenâ suorum officiorum privationis prae-
cipitur, ut, infra duorum mensium a suo
ingresso spatium, communitates erigant,
in quibus, quae necessaria sunt fratribus,
asserentur, suo tempore illis distribuenda
et subministranda; huiusmodi autem com-
munitates de elemosynis conventuum et
superfluis fratrum erigantur; quibus uni-
cum habere habitum, et tunicam unam
conceditur; alteram vero tunicam, non-
nisi ex necessitate et superioris condescen-
sione et licentiâ.

Communi-
tates erigendae
ad submini-
strandum fratri-
bus necessaria.

Omnibus et singulis patribus guardianis
sub poenâ privationis officii praecipitur, ut
si in suis conventibus vineae, seu prata fue-
rint, ex quibus vinum ad bibendum et foe-
num ad vendendum colligitur, antequam
a suo ingressu duo menses compleantur,
omni posthabita excusatione, tollant, et
aliis usibus permissis terram applicent.

Quod de vi-
neis et prati-
is ad bibendum

Iterato statuitur, ut guardiani sub poenâ
suspensionis a suis officiis cellas fratrum
singulis mensibus visitent, indeque afe-
rant quidquid perfectae et Franciscanae
repugnant paupertati.

De visitandi-
fratrum cellis

Renovatur statutum contra illos fratres,
qui suis superioribus insultant, verba in-

De insultan-
tibus superiori-
bus.

iuriosa et contumeliosa in eos proferunt, in recognoscendis culpis sine licentiâ loquuntur, protestationes in scriptis afferre ausu temerario praesumunt.

Statuta pro
cismontanâ fa-
miliâ colligenda.

Sicut in congregatione Segoviensi proximè praeteritâ in unum collecta fuere statuta, quae in ultramontanâ familiâ in posterum observari debeant, ita in hac cismontanâ fiat: huiusmodi autem collectio duobus patribus doctrinâ et pietate pollentibus a cismontano definitorio eligendis committatur.

De clavi communi.

Servetur apostolica constitutio, qua ministro provinciali in suâ provinciâ, et guardiano in suo conventu praecipitur, ut eorum quilibet clavem communem, quae magistra vocatur, apud se habeat et custodiat: qua suorum subditorum cellas ad libitum, saltem cum duobus discretis conventus, aperire, ingredi et visitare possit.

Pro Hispanis.

In provinciis unus semper definitior ex recollectis esse debet.

Si contingat, patrem definitorem recollectum ad meliorem transire vitam, soluto mortis tributo, eius locum, munus et officium antiquior eiusdem reollectionis definitior obtineat; quod si nullus definitoris officio functus superstes inveniatur, qui erit guardianus antiquior, aut secundum tabulae ordinem dignior extiterit, defuncto definitori substituitur: ita ut sine definitore recollecto nunquam definitorium congregetur.

A qua distantia definitior sit vocandus pro actu validitate.

Ad electiones non vocetur definitior extra nationem existens: si vero intra nationem, extra provinciam tamen, fuerit, dummodo non plus, quam per duas aut tres dietas distare dignoscatur, vocandus erit, alioquin omnes definitorii actiones nullius sint valoris et auctoritatis.

Mortuo definitiori quis sit subrogandus.

Mortuo aliquo definitore, antiquior provinciae pater defuncti locum accipiat: quod si nullus talis extiterit, antiquior in definitoris officio subrogetur. Idem aliis in nationibus observandum erit.

Ne bibliothecae, lectores, praedicatores et confessores, libris necessariis careant, singulis provincialibus ministris conceditur, ut quilibet in suâ provinciâ eleemosynas procuret pro missis diebus dominicis celebrandis ad praescriptum eorumdem decretorum sacrae Congregationis Concilii de celebratione missarum, dummodo ducuntur ducatorum quantitas valorem non excedat quolibet anno. Huiusmodi autem eleemosynis emanantur libri, et pro uniuscuiusque necessitate, iudicio ministri, distribuuntur; quod ut sine dolo et fraude fiat, visitator solerter inquirat, specialem rationem in singulis conventibus exigat, et in capitulo provinciali, an libri iuxta quantitatem assignatam procurati et distributi fuerint, vel non, publice et in conscientiâ declaret. Quae supererunt die dominico missae supra numerum, ex statutorum nostrorum praescripto benefactoribus in communi applicentur.

De bibliothecis comparandis.

Pro Gallis.

Quod unanimes in suo discretorio novem provinciae Galliarum a definitorio generali obnixè postularunt, eis libenter ad maiorem Dei gloriam conceditur: ut videlicet in qualibet dictarum provinciarum tres eligantur et assignentur conventus, in quibus regulae observantia adeo districte servetur, ut recollectorum seu reformatorum vivendi modum fratres imitentur: ideo capitulum generale, tam ministris, quam visitatoribus, in virtute sanctae obedientiae praecipit, ut hoc diligentissime exequantur; ita tamen, ut praedicti conventus ministris in omnibus subiiciantur, iis casibus exceptis, qui in statutis pro reformatis iam factis declarantur.

Domus recollectae qualibet in provincia assignandae.

Eodem iure ac privilegio gaudeant recollectorum provinciae in Gallia existentes, quo duae aliae eiusdem nationis familiae, ut videlicet suo ordine et tempore successivo definitorem habeant generalem.

Quo ordine suum habere debeant definitorem.

Pauca haec statuta fieri debuerunt, quia quaecumque alia ad bonum publicum necessaria, in statutis Segoviensibus auctoritate totius congregationis ibidem confectis cumulatissime reperientur.

Pro Indis.

Soli custodes ad capitulum generale accedere debent.

Caveant ex Indianis provinciis ministri provinciales, ne ad capitulum generale, vel aut ipsi veniant, vel commissarios suo nomine mittant: solis custodibus veniendi facultas conceditur.

A quibus sint visitandae provinciae.

Indiarum commissarii generales ipsimet provincias omnes visitent: impediti necessitate urgenti, ex vicinioribus provinciis, non autem remotis, visitatores assumere teneantur.

Ordo in puniendis reis servandus.

Nulli liceat commissario generali, vel etiam visitatori, ante ministri provincialis electionem, neque eam peractam, aliquem voce activam et passivam privare seu aliam graviorem afflicere poenam, nisi confecto processu et praecedente rei auditione in sui defensionem. Qui secus fecerit, suo privetur officio.

Quoto tempore visitatores in visitata provincia possint commorari.

Visitatores, peracto provinciali capitulo, in provincia visitata ultra viginti dies non remaneant: quibus elapsis, omnino auctoritate careant.

Tam commissarius generalis seu visitator ab electoribus subscriptionem petens hunc vel illum eligendi, quam ipsi subscribentes, privationi actuum legitimorum ipso facto incurrendae subiaceant.

Iuramentum ab electoribus praestandum.

Electores in provinciali capitulo congregati, antequam ad electionem ministri, definitorum, custodum et guardianorum procedant, nominatim iuramentum praestent coram venerabilis crucifixi imagine, se eum electuros, quem in conscientia et omnibus aequa lance libratius digniorem iudicabunt, ita iubente Clemente VIII sanctione a SS. D. N. Urbano VIII renovata.

Pro Belgis.

De statutis

Permittit capitulum generale provinciis

belgicis et annexis, in iis tantum, quae sacris canonibus, Tridentini Concilii decretis, et constitutionibus apostolicis non adversantur, iuxta statuta Barchinonensia¹, nuper Segoviae recognita et auctoritate reverendissimi patris ministri generalis eisdem accomodata, deinceps vivere, sua statuta provincialia servare, reformationis modos a visitatoribus apostolicis introductos retinere; ita ut neque praesentes, neque futurae constitutiones aliae praedictarum provinciarum patres ac fratres ullo modo obligent, nisi ex parte illa, qua dictis statutis conformes erunt, vel primo in capitulo provinciali seu congregatione lectae et promulgatae fuerint.

quoad provincias Belgicas.

Commissarius nationalis in dictis provinciis nemo esse aut institui possit, nisi qui antea, aut definitor, aut iubilatus lector, aut maiori officio functus fuerit, et per se ipsum provincias visitare valeat. Dispensatio in statutis provincialibus sine definitorii assensu omnino ei interdicitur; sicut et causarum commissio in instantia prima, quae penes praelatos ordinarios esse et remanere debet.

De commissario nationali.

Receptionem novitiorum necnon fratrum incorporationem non esse sui iuris noverit; capitulis provincialibus ipsemet praesideat.

Eiusque auctoritate

Instante definitorio totius capituli generalis statuimus, ad evitanda dubia, ut procuratores et commissarii Romanae Curiae suo officio functi (etiam si ministri provinciales alias non fuerint) intra suam provinciam, et extra, omnes alios praecedant; licet ministri provinciales aut definitores generales extitissent.

De praecedentia procuratorum et commissariorum Romanae Curiae.

§ 2. Nos, inviolabilis statutorum huiusmodi observationi, perpetuaeque firmitati, quantum nobis ex alto conceditur, opportune providere, ipsumque procuratorem specialibus favoribus et gratiis prosequi volentes, et a quibusvis excommunicatio-

Praedicta statuta confirmat Pontifex.

¹ De hisce vide infra, sub xviii dec. h. a. (R.T.)

nis, suspensionis et interdicti, aliisque ecclesiasticis sententiis, censuris et poenis a iure vel ab homine, quavis occasione vel causâ latis, si quibus quomodolibet innodatus existit, ad effectum praesentium dumtaxat consequendum, harum serie absolventes, et absolutum fore censentes, supplicationibus eiusdem procuratoris totius Ordinis huiusmodi nomine nobis super hoc humiliter porrectis inclinati, statuta praeserta huiusmodi, apostolicâ auctoritate, tenore praesentium, perpetuo approbamus et confirmamus, illisque inviolabilis apostolicae firmitatis robur adicimus, ac omnes et singulos tam iuris quam facti defectus, si qui desuper quomodolibet intervenerint, supplemus.

Clausulas.

§ 3. Decernentes, eadem statuta in praedicto Ordine ab omnibus, ad quos spectat, et pro tempore quomodolibet spectabit in futurum, inviolabiliter perpetuo observari et adimpleri debere, irritumque et inane, si secus super his a quoquam, quavis auctoritate, scienter vel ignoranter, contigerit attentari.

Derogatio contrariorum.

§ 4. Non obstantibus constitutionibus et ordinationibus apostolicis, ac quatenus opus sit, dicti Ordinis (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die xx novembris MDCXXV, pontificatus nostri anno III¹.

Dat. die 20 novembris 1625, pontif. anno III.

CLXXIII.

Super subsidio duodecim millionum ab incolis regni Castellae regi catholico persolvendo².

¹ Hic subditur alia constitutio quam infra dabimus suo loco (R. T.).

² Ex Regest. in Secret. Brev.

Charissimo in Christo filio nostro Philippo, Hispaniarum regi catholico,
Urbanus Papa VIII.

Charissime in Christo fili noster,
salutem et apostolicam benedictionem.

Orthodoxae fidei conservandae zelus, ac singularis in nos et Apostolicam Sedem devotio, aliaque catholici cognomine optimo iure insigniti regis praeclara merita, quae in maiestate tuâ caelesti gratiâ resplendent, plane exigunt, ut subsidia pro eiusdem fidei defensione a tuis subditis prompte tibi oblata, quantum cum Domino possumus, adiuvemus.

Philippi IV
regis erga Apo-
stolicam Sedem
merita.

§ 1. Cum itaque, sicut accepimus, subditi regnorum tuae coronae Castellae in novissimis comitiis sive curiis habitis, animadvertentes, maiestatem tuam, pro eiusdem religionis defensione et obedientiae erga sanctam Romanam Ecclesiam conservatione in tuis et exteris ditionibus ac regnis, gravissimis assidue sumptibus urgeri, tuaque aeraria pene exhausta esse, ita ut, nisi aliquo eorundem subditorum extraordinario subsidio subleveris, eosdem sumptus in tam laudabilem, Deo gratam et reipublicae christianae utilem causam convertendos diutius ferre difficile possis, quaedam superadditionalia nuncupata servitia, sive subsidia, quae in totum summam duodecim millionum nummorum¹ aureorum, sex annorum spatio, duorum scilicet pro quolibet anno, persolvendam conficere debeant, ex gabellâ sisâ nuncupatâ², super sale, chartâ, tam impressâ, quam non impressâ, cuiuslibet generis, necnon anchoraggio et aliis forsitan rebus mobilibus, ac etiam stabilibus, in dictis regnis vendendis et respective consumendis imponendâ, per ementes et vendentes solvendâ, praestare prompte obtulerint, omnesque laici cuiuscumque gradus, status, condi-

Incolae regni
Castellae subsidium duodecim
millionum aureorum ei sponte
offerunt.

¹ Edit. Main. legit *nummum* (R. T.).

² Confer supra aliam similem constitutionem pag. 364 (R. T.).

tionis et praeeminentiae eadem subsidia contribuere et gabellam solvere debeant, neque ullus immunis sit aut exemptus, tuaque maiestas nobis haec significaverit:

Quod ut celerius ille consequatur,

§ 2. Nos, promptam et devotam eorundem regnorum et subditorum tuorum in te voluntatem, qui facultates suas pro catholicae fidei defensione conferre intendunt, commendantes (quia, sicut etiam accepimus, si tantummodo laici subsidia huiusmodi contribuerent, et gabellam seu sisam praedictam solverent, nimis longo tempore summa praedicta conficeretur, et laicorum facultates ad summam huiusmodi duodecim millionum, ut praefertur, conficiendam minime suppetunt, difficileque admodum est ecclesiasticos a laicis in gabellae huiusmodi solutione discernere), eadem subsidia per ecclesiasticas personas adiuvanda, gabellasque seu sisas aequaliter persolvendas, ut infra sequitur, existimavimus.

Indulget Urbanus ut ab ecclesiasticis quoque praestetur.

§ 3. Motu itaque proprio et ex certa scientia ac matura deliberatione nostris, deque apostolicae potestatis plenitudine, omnes et singulas ecclesiasticas personas, tam seculares, quam cuiusvis Ordinis etiam exempti et Apostolicae Sedi immediate subiecti regulares, nec non monasteria utriusque sexus, conventus et collegia, ac capitula ecclesiarum regnorum Castellae praedictorum, et in eisdem regnis comorantes et consistentes ad conferendum et contribuendum proportionaliter, et non alias, prout laici in dictis subsidiis mediante solutione gabellae seu sisae, eorundem subsidiorum causa super sale, carta cuiusvis generis, tam impressa, quam non impressa, in regnis praedictis introducendis, seu confectis vel productis, et vendendis, nec non unius pro centenario aliarum rerum mobilium et se moventium, ac stabilium, patrimonialium tantum, non autem ecclesiarum, neque super aliis rerum speciebus, super quibus olim

gabella seu sisa decem et octo millionum nummorum similiter aureorum alias¹ imposita, et per felicitis recordationis Paulum Papa V praedecessorem nostrum ad ecclesiasticos ad certum tempus extensa, et per nos nuper prorogata reperitur sub certis modo et forma tunc expressis, imponendae, seu forsitan impositae, et durante tamen sexennio proximo dumtaxat, et non ultra, teneri et obligatos esse: ita tamen quod, si ante sexennii huiusmodi finem praedicta summa duodecim millionum nummorum confecta fuerit, ecclesiastici praedicti amplius contribuere, et dictam gabellam, seu sisam, ut praefertur, solvere non debeant, ac praesens gratia nulla sit eo ipso, decernimus et declaramus.

§ 4. Decernentes etiam, quod omnes et singuli ecclesiastici praedicti solvere recusantes opportunis iuris et facti remediis per Ordinarios locorum tantum ad solutionem huiusmodi cogantur; non autem coram iudicibus laicis, sive exactoribus eiusdem gabellae seu sisae, neque quibuslibet aliis iudicibus aut ministris secularibus, sub poena excommunicationis maioris, necnon aliis poenis a sacris canonibus et constitutionibus apostolicis inflictis et comminatis, ipso facto incurrendis; a quibus praeterquam a Romanis Pontificibus pro tempore existentibus, etiam vigore quorumcumque privilegiorum, etiam cruciatuae sanctae, nullatenus absolvi queant, conveniri nullo² modo possint seu debeant, sed a praedictis Ordinariis ecclesiasticis tantum ad solutionem huiusmodi compelli valeant.

Eosque ad id per Ordinarios locorum posse compelli

§ 5. Quibus Ordinariis districte praecipiendo mandamus, ut divini iudicii memores, ne ecclesiastici indebite et plusquam laici, nec ultra continentiam nostrarum litterarum graventur, super quo

Qui tamen curare debent ne nimis illi graventur.

¹ Edit. Main. legit *aliasque* (R. T.).

² Potius lege *ullo*, nam praecessit *non* (R. T.).

eorundem Ordinariorum conscientiam oneramus, omnino provideant.

Cum obstant
um
deroga-
one.

§ 6. Et contra eosdem ecclesiasticos recusantes at regulares et exemptos, nobisque et Apostolicae Sedi immediate subiectos, ad quamcumque simplicem eorumdem exactorum requisitionem, exequutive, quacumque appellatione remota, auctoritate nostra procedant. Volumus autem ut pecuniae ex praedictis subsidiis et gabella seu sisa, ut praefertur, a dictis ecclesiasticis percipiendae in alios usus quam catholicae religionis defensionis, ac bellorum contra haereticos, aliosque catholicae fidei hostes, et obedientiae erga S. R. E. conservationis, pro quibus, ut praefertur, contribuuntur, nullatenus convertantur, super quo maiestatis tuae conscientiam oneramus.

Recusantes
vero debent
ad solutionem
compellere.

§ 7. Non obstantibus regnorum praedictorum statutis et consuetudinibus, ac ordinibus apostolicis, etiam in quibusvis generalibus conciliis editis, privilegiis quoque, indultis et litteris apostolicis, regnis, personis, monasteriis, conventibus, collegiis et aliis praedictis, sub quibuscumque tenoribus et formis, ac cum quibusvis etiam derogatoriis derogatoriis, aliisque efficacioribus et insolitis clausulis, necnon irritantibus et aliis decretis, in genere vel in specie, ac alias, in contrarium quomodolibet concessis, confirmatis et innovatis. Quibus omnibus et singulis, etiam si pro illorum sufficienti derogatione de illis, eorumque totis tenoribus specialis, specifica, expressa et individua, ac de verbo ad verbum, non autem per clausulas generales idem importantes, mentio seu quaevis alia expressio habenda esset, illorum omnium et singulorum tenores praesentibus pro plene et sufficienter expressis habentes, illis aliis in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Transumptis
danda fides.

§ 8. Ut autem praesentes nostrae litterae,

cum opus fuerit, ad omnium notitiam facilius devenire possint, decernimus, ut earum exemplis, etiam impressis, manu notarii publici subscriptis, et sigillo alicuius personae in dignitate ecclesiastica constitutae munitis, eadem prorsus fides in iudicio et extra ubique adhibeatur, quae ipsis praesentibus adhiberetur, si fuerint exhibitae vel ostensae: quodque gabella seu sisa unius pro centenario, bona tam stabilia quam mobilia et se moventia, quae ab ecclesiasticis, seu aliis personis, nomine et ad favorem et commodum ecclesiarum, monasteriorum, hospitalium vel aliorum piorum locorum, seu etiam, praevia super hoc opportuna licentia, in evidentem ipsarum ecclesiarum utilitatem, vel alias quovis modo permutari et respective acquiri contigerit, nullatenus ex quavis causa comprehendat, seu ad illa se extendat, neque exigatur, alias praesentes nullae sint eo ipso.

Datum Romae, apud S. Mariam Maiorem, sub annulo Piscatoris, die xxiii novembris MDCXXV, pontificatus nostri anno III.

Dat. die 23 novembris 1625, pontif. an. III.

CLXXIV.

Confirmatio reformationis canonicorum regularium congregationis S. Salvatoris in Lotharingia¹.

Urbanus Papa VIII,
ad perpetuam rei memoriam.

In supremo apostolatus solio, meritis licet imparibus, divina dispositione praesidentes, inter multiplices pastoralis officii curas, ad ea, per quae divinus cultus et devotio, regularisque disciplinae observantia in quibuslibet monasteriis conserventur, maioraque in dies suscipiant incrementa, sollicitis studiis intendimus, atque his, quae propterea pie et provide facta fuisse dicuntur, libenter, cum a nobis petitur, apostolici muniminis adiciamus fir-

Exordium.

¹ Ex Regest. in Secret. Brev.

mitatem, prout conspicimus in Domino salubriter expedire.

Introducta
in Lotharingiae
monasteriis re-
formatio

§ 1. Cum itaque, sicut dilecti filii prior ac canonici regulares congregationis S. Salvatoris in ducatu Lotharingiae nobis nuper exponi fecerunt, in S. Remigii oppidi de Lunevilla, Tullensis dioecesis, aliisque eiusdem congregationis monasteriis in dicto ducatu existentibus, ad omnipotentis Dei laudem, ac illarum partium populorum aedificationem, feliciorumque monasteriorum huiusmodi progressum, reformatio, iuxta illorum primitiva instituta a Sede Apostolica approbata, introducta sit, et propterea illam, quo firmitus subsistat, exactiusque observetur, apostolicae nostrae confirmationis robore communiri, aliasque sibi, ut infra, indulgeri summopere desiderant:

Comprobatur.

§ 2. Nos, pium prioris et canonicorum praedictorum desiderium huiusmodi plurimum Domino commendantes, eorumque votis, quantum cum Domino possumus, annuere, ac illos specialibus favoribus et gratiis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes, et absolutas fore censes, supplicationibus illorum nomine nobis super hoc humiliter porrectis inclinati, reformationem in monasteriis huiusmodi, ut praefertur, introductam, cum omnibus inde sequutis, apostolica auctoritate, tenore praesentium, perpetuo approbamus et confirmamus, illisque inviolabilis apostolicae firmitatis robur adiciamus, ac omnes et singulos tam iuris quam facti defectus, si qui desuper quomodolibet intervenerint, supplemus.

Cum indulto

§ 3. Ac insuper priori et canonicis

Bull. Rom. — Vol. XIII.

51

praedictis, quod divina officia iuxta ritum Romanae Ecclesiae celebrare, necnon secundum regulam et instituta Ordinis sancti Augustini, et praesertim quoad triumvotum substantialium, paupertatis scilicet ac castitatis et obedientiae emissionem et observantiam (ita ut quidquid proprii et particularis habere nullatenus possint) vivere, divinisque laudibus insistere, qui vero ad christifidelium confessiones audiendas ab Ordinariis locorum idonei recepti et approbati fuerint, quod confessiones huiusmodi audire, sacramenta ecclesiastica ministrare, necnon verbum Dei de eorumdem Ordinariis licentia, ac cum illorum respective benedictione, praedicare, iuventutem in doctrinam christianam ac bonis moribus instruere, aliaque omnia et singula, quae pro spirituali eorumdem populorum fructu atque progressu, animarumque salute, ac reformationis huiusmodi incremento et conservatione magis necessaria et opportuna videbuntur, facere, statuere et ordinare libere et licite possint et valeant, auctoritate et tenore praedictis concedimus et indulgemus.

§ 4. Decernentes reformationem huiusmodi in dictis monasteriis a modernis et pro tempore existentibus illorum canonicis et personis firmiter et inviolabiliter observari debere, praesentesque litteras et in eis contenta quaecumque valida, firma et efficacia existere et fore, ac priori et canonicis praedictis in omnibus et per omnia plenissime suffragari, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Clausulae

§ 5. Non obstantibus constitutionibus et ordinationibus apostolicis, ceterisque contrariis quibuscumque.

Contraria tolluntur.

Datum Romae, apud S. Petrum, sub anulo Piscatoris, die xxix novembris MDCXXV, pontificatus nostri anno III.

Dat. die 29 novembris 1625, pontif. anno III.

CLXXV.

Institutio archivii sacri collegii sanctae Romanae Ecclesiae cardinalium in palatio Vaticano, in quo conservari debeant scripturae et alia acta ad ipsum collegium quomodolibet pertinentia, necnon processus, super qualitatibus promovendorum ad cathedrales ecclesias et monasteria consistorialia, coram dictis cardinalibus formati. Ac unio officii secretariatus congregationis cardinalium super provisionibus consistorialibus deputatorum officio clerici Itali dicti sacri collegii secretarii¹.

**Urbanus Episcopus
servus servorum Dei,
ad perpetuam rei memoriam.**

Exordium.

Admonet nos cura pastoralis officii nobis, meritis licet imparibus, divinâ dispositione commissi, ut ad ea libenter intendamus, per quae gratiae apostolicae, quae a nobis et pro tempore existentibus Romanis Pontificibus, praesertim in consistorio secreto de sanctae Romanae Ecclesiae cardinalium consilio pro tempore emanare dignoscuntur, ut eveniente casu personae, in cuius favorem fiunt, sciant quo tendere pro illarum consequutione,

¹ Adverte quod Greg. XV erexerat et instituerat officium notarii ad formandum processus, privative quoad omnes alios, coram sanctae Romanae Ecclesiae cardinalibus, super qualitatibus promovendorum ad ecclesias cathedrales et monasteria consistorialia, ut videre potes in Const. xx *Consuevit*, tom. XII, pag. 555; cui postea demandavit conservationem dictorum processuum cum assignatione duorum ducatorum auri de camerâ pro unoquoque processu, ut in Constitut. xlv, *Pridem*, ibid. pag. 643, quam Constitutionem iste Pontif. quoad hanc partem revocat. Archivium Romanae Curiae instituit Iulius II, ut Const. xix (in n. ed. xviii) *Sicut prudens*, tom. v, pag. 458. Archivia vero in toto Statu Ecclesiastico erexit Sixt. V, Const. *Sollicitudo*, tom. ix, pag. 23.

sub bonâ et fideli custodiâ perpetuo prae-serventur, et ut id facilius subsequi possit, quandoque nova loca et officia, quae pro gratiarum huiusmodi conservatione necessaria esse conspiciamus, de novo erigimus et instituimus, ac illorum curam viris fide, doctrinâ, ac morum integritate conspicuis, qui circa hoc exactam diligentiam adhibitori sperantur, committimus et mandamus, ac alias desuper disponimus, prout in Domino conspiciamus salubriter expedire.

§ 1. Cum itaque, sicut accepimus, dum tunc existentes sanctae Romanae Ecclesiae cardinales, tempore videlicet pontificatus felicitis recordationis Leonis Papae X praedecessoris nostri, officio duorum clericorum sacri illorum collegii, quod per multos annos antea magno ipsius collegii incommodo fuerat venale, communi ab eis redempto impensâ et in pristinum suum statum redacto, veteres eiusdem collegii constitutiones novâ quadam formâ et modo instaurari fecerint primo;

§ 2. Et successive, sedente pia memoriae Paulo III etiam praedecessore nostro, cum constitutionum, ut praefertur, instauratarum partem raro observatam, partem vero antiquatam et neglectam animadvertissent, de communi omnium consensu ac deliberatione, praedicto Paulo praedecessore id etiam approbante, ex dictis constitutionibus nonnullis reiectis, aliquibus retentis, aliisque adiunctis, ac aliquâ ex parte aliis immutatis, inter alia voluerint et constituerint, inter ceteros ipsius collegii ministros debere duos clericos per fabarum suffragia creari, quorum alter ex Italia et alter exterius esset, et hic quidem ad annum dumtaxat, ille vero ad beneplacitum, cuius etiam curâ libri omnes et scripturae ad praefatum collegium pertinentes conficerentur et duplicarentur, et, originalibus in archivio, quod in palatio apostolico designandum erat, ad perpetuam rei memoriam repositis, duplicati

Tempore Leonis X cardinales Constitutiones efformarunt.

Sub Paulo III duos clericos deputandos esse decreverunt pro scripturis custodiendis.

ad usum quotidianum penes ipsum clericum Italum remanerent; ac recolendae memoriae Pius Papa IV similiter praedecessor sub die vi septembris anni Domini MDLXIV¹ libros propositionum et actorum consistorialium, aliasque scripturas praedictas, in eodem archivio, quod tunc iam erat designatum, deponi decreverit;

Gregorius XV officium notarialium processuum super qualitatibus promovendorum ad ecclesias et monasteriorum consistorialium instituit.

§ 3. Et similis memoriae Gregorius Papa XV pariter praedecessor noster (cum informandis et instruendis processibus, qui super qualitatibus promovendorum per Romanum Pontificem pro tempore existentem ad ecclesiarum cathedralium pastorum solatio destitutarum ac monasteriorum consistorialium pro tempore vacantium regimina ac ecclesiarum et monasteriorum huiusmodi statu in Romanâ curiâ coram eisdem cardinalibus formari et institui consueverunt, nullus certus eaterus destinatus seu deputatus fuisset notarius, sed ad id muneris notarii plerumque parum periti adhiberentur) unum perpetuum notariatus officium ad instar aliorum Romanae Curiae officiorum vacabile, cuius concessio et omnimoda alia dispositio, quoties illud per obitum, resignationem, privationem, aut aliâs quovis modo vacare contingeret, ad Romanum Pontificem pro tempore existentem spectaret, pro uno notario, qui, privative quoad alios quoscumque, in formandis et instruendis processibus praedictis, quos coram dictis cardinalibus sive eorum auditoribus formari et instrui deinceps perpetuis futuris temporibus contingeret, ipsis cardinalibus seu auditoribus assistere, ac testium dicta et depositiones in scriptis, per se, vel substitutum idoneum, redigere teneretur et deberet, crexerit et instituerit;

Constitutumque notario a laarium.

§ 4. Illique sic erecto et instituto pro eius congruâ dote omnia et singula emolumenta, regalia et iura per alios nota-

¹ Quam Pii IV constit. non puto esse in *Bullario* (R. T.).

rios, qui antea in formandis huiusmodi processibus eisdem cardinalibus seu auditoribus astiterant ac dicta et depositiones praedicta in scriptis redegerant, percipi solita et consueta, eisque propterea debita, perpetuo applicaverit et appropriaverit;

§ 5. Ac officium sic erectum dilecto filio Odoardo Tibaldesco clerico Spoletanae dioecesis concesserit et assignaverit per quasdam, etc.¹;

§ 6. Ac deinde statuerit, quod de cetero similiter perpetuis futuris temporibus omnes et singuli processus, quos extra dictam curiam, in Germania, Gallia, Hispania, ceterisque christiani orbis regnis provinciis et regionibus, super qualitatibus promovendorum ad quarumcumque cathedralium ecclesiarum tunc et pro tempore pastorum solatio etiam destitutarum et monasteriorum consistorialium ubivis consistentium et quovis modo vacantium et vacaturorum regimina ac ecclesiarum et monasteriorum huiusmodi statu formari et ad dictam curiam transmitti contingeret, postquam a cardinalibus ipsarum nationum protectoribus, comprotectoribus, seu proprotectoribus, vel iis qui ecclesias et monasteria huiusmodi in nostro et Romani Pontificis pro tempore existentis consistorio, ut moris est, proponerent, et a cardinalibus in ordine prioribus, visi, recogniti, approbati et subscripti forent, ab ipsis cardinalibus, seu eorum auditoribus, et iis ad quos spectaret ante cedulae consistorialis subscriptionem, seu saltem illius partibus consignationem, praedicto Odoardo, quamdiu officium praedictum obtineret, eiusque in illo successoribus, ad effectum illos conservandi, tradi et consignari, iidem vero Odoardus et successores illos sic eis consignatos tamquam praedicti officii processus et scripturas bene et fideliter conservare, et, quoad fieri posset

Illique processuum omnes extra curiam factos tradi iussit, ut custodirentur.

¹ Hanc vide in tom. XII, pag. 555 (R. T.).

ac humana pateretur conditio, perpetuitati providere, bonamque, fidelem et diligentem illorum curam gerere, et, ad effectum illorum, dum opus foret, facilioris perquisitionis et reperitionis, notam, seu, ut vocant, rubricellam in libro ad hunc particularem effectum retinendo facere deberent, et ad id obligati existerent, et hoc conservationis processuum onus, curam et munus praedicto officio notariatus sic erecto imposuerit et annexerit;

Constitutum pariter simili mercede.

§ 7. Ac eidem Odoardo, eiusque in dicto officio successoribus, ratione laboris eis ex dicta conservatione processuum accrescentis, et pro illius salario et mercede, iuribus et regalibus, duos ducatos auri de camerâ pro singulo processu ad dictam curiam pro expeditione transmittendo et eis in conservationem tradendo et consignando, ipsi a quolibet ex promovendis ad ecclesias et monasteria huiusmodi, seu sollicitatoribus in dictâ curiâ tales expeditiones prosequentibus, realiter et cum effectum et absque morâ seu dilatione aliquâ persolvendos, per alias suas in formâ Brevis desuper confectas litteras etiam assignaverit¹;

Necessarias quoque appositae clausulas.

§ 8. Et ipsas secundo dictas litteras, etiam ex eo quod interesse forsan habentes seu habere praetendentes ad id vocati non fuissent, seu quibusvis ex causis, de subreptionis vel obreptionis vitio notari, impugnari, aut invalidari, seu ad viam et terminos iuris reduci, aut adversus illas quodcumque iuris, facti, gratiae vel iustitiae remedium impetrari, vel sub quibusvis similium vel dissimilium gratiarum revocationibus, limitationibus, suspensionibus, aut aliis contrariis dispositionibus, editis et edendis, comprehendi non posse, sed semper, uti ex titulo oneroso concessas, ab illis excipi, et quoties illas revocari, seu annullari, aut alias contrarias dispositiones emanari contingeret, toties in

¹ Quas vide in tom. xii, loc. cit. pag. 643 (A. T.)

pristinum et validissimum statum restitutas, repositas et plenarie reintegratas, ac de novo etiam sub quacumque posteriori datâ per Odoardum et successores praedictos quandocumque eligendâ concessas esse et fore; sicque per quoscumque iudices ordinarios et delegatos, etiam causarum palatii apostolici auditores et cardinales praedictos, sublata eis et eorum cuilibet aliter iudicandi et interpretandi facultate et auctoritate, iudicari et definiri debere, irritumque et inane quicquid secus super his a quoquam, quavis auctoritate, scienter vel ignoranter, contingeret attentari, decreverit, prout in singulis litteris praedictis plenius dicitur contineri;

§ 9. Novissime vero venerabiles fratres nostri Franciscus Maria a Monte, Dominicus Gymnasium, necnon Carolus Emmanuel Pius in ordine priores, ac Marcellus dicti collegii camerarius Lantes nuncupati, sanctae Romanae Ecclesiae praedictae cardinales, inhaerentes decreto aliâs per dictum Pium praedecessorem, ut praefertur, facto, et illud, quatenus opus sit, innovantes, de mandato nostro libros propositionum et actorum consistorialium, aliasque scripturas ad praedictum collegium quomodolibet spectantes, ac processus omnes ecclesiarum et monasteriorum in archivio deponi debere, eosque a nemine, praeterquam ab eiusdem collegii clerico Italo detineri, nec pro recognitione seu admissione eorundem processuum quicquam recipi posse, etiam statuerint;

Cardinales vero processus huiusmodi ac alias scripturas ab Italo clerico conservandas statuunt.

§ 10. Nos, quibus inter alia praecipue cordi est, ne aliqui novis absque necessariâ vel utili causâ impositionibus praegraventur, et quorum intentio est, ut gravati sublevantur, dictorum processuum conservationi non satis consultum iri, si illi penes particularem aliquam personam, qualis dictum notariatus officium pro tempore obtinens existit, conservari debeant, et, si in archivio cum libris, actis et aliis,

Urbanus officium clerici Itali officio secretarii sacri collegii uniti, assignationemque duorum ducatorum, etc. revocavit.

scripturis praedictis deponantur, longe tutius illorum conservationi prospectum fore, et consequenter solutionem dictorum duorum ducatorum, quam, ut etiam accepimus, plures interesse in praemissis habentes, licet ad unum dumtaxat ducatum postmodum redactam, facere recusant, necessariam aut utilem non esse, et in congregatione dilectorum filiorum nostrorum sanctae Romanae Ecclesiae cardinalium super provisionibus consistorialibus deputatorum plurima tractari, quae vere ad officium dicti clerici Itali, qui etiam dicti collegii secretarius existit, pertinere dignoscuntur, ob idque officium secretarii dictae congregationis officio clerici Itali et secretarii praedicti annectendum¹ operae pretium esse attendentes, ac in praemissis opportune consulere volentes, et nihilominus quod dictum archivium erectum reperiatur notitiam non habentes, ac singularum dicti Gregorii praedecessoris litterarum praedictarum, aliorumque omnium et singulorum praemissorum veriores tenores praesentibus pro expressis habentes, motu proprio, non ad alicuius nobis super hoc oblatae petitionis instantiam, sed ex certâ scientiâ ac merâ deliberatione nostris, ac de apostolicae potestatis plenitudine, secundodictas Gregorii praedecessoris praedicti litteras (quoad eam partem, quae assignationem et solutionem dictorum duorum ducatorum concernit dumtaxat) apostolicâ auctoritate, tenore praesentium, revocamus, cassamus et annullamus, ac viribus et effectum carere debere, nec aliquem ad illorum solutionem imposterum teneri decernimus et declaramus; ac officium secretarii dictae congregationis (cum primum illud per cessum, aut decessum, seu quaecumque aliam dimissionem moderni secretarii congregationis huiusmodi, aut aliâs quovis modo vacare contigerit) officio clerici Itali et

¹ Aptius forsân legeretur *annectere* (A. T.).

secretarii dicti collegii, cum omnibus illius oneribus et honoribus, perpetuo eisdem auctoritate et tenore unimus, annectimus et incorporamus.

§ 11. Volentes, et eâdem auctoritate statuentes, quod, cum primum officium secretarii dictae congregationis, ut praefertur, vacaverit, dilectus filius Ioannes Baptista Laurus clericus Perusinus, familiaris et continuus commensalis noster, modernus seu tunc existens clericus Italus et secretarius dicti collegii, officium dicti secretarii dictae congregationis exerceat, decreta et acta in illâ pro tempore facta describat, et in infrascripto archivio custodienda reponat.

Primumque clericum et secretarium designat.

§ 12. Necnon archivium sacri cardinalium collegii nuncupandum in palatio nostro Vaticano, sub protectione et supremâ superintendentiâ trium sanctae Romanae Ecclesiae cardinalium in ordine priorum et dicti sacri collegii camerarii pro tempore existentium, sub curâ tamen et administratione etiam moderni et pro tempore existentis eiusdem collegii clerici Itali et secretarii, ad quod auditores cardinalium proponendum, seu qui ipsorum cardinalium iussu in conficiendis vel recognoscendis processibus assistunt, statim factâ in consistorio secreto propositione, processus huiusmodi transmittere teneantur, et in quo processus ipsi, et dicti libri propositionum, necnon actorum et decretorum etiam super erectionibus, suppressionibus, unionibus, reparationibus, dismembrationibus, cessionibus, permutationibus, translationibus, pensionum super illorum redditibus assignationibus, praesentationibus, nominationibus, electionum seu postulationum confirmationibus ecclesiarum cathedralium et metropolitânarum ac patriarchalium, necnon monasteriorum quorumcumque, in congregatione praedictâ, et aliâs quomodolibet, et ubicumque emanatorum, interesse consistorii aposto-

Archivium sacri collegii in palatio Vaticano erigit.

lici aliquo modo concernentium, aliaque scripturae quomodolibet ad idem collegium spectantes, in perpetuum conservari, nec inde, absque cardinalium in ordine priorum et camerarii praedictorum pro tempore existentium licentiâ, aliquo modo extrahi debeant, eisdem auctoritate et tenore, etiam perpetuo erigimus et instituimus.

Secretarium
sacri collegii
Papae familia-
rem creat.

§ 13. Utque imposterum clericus Italus et secretarius praedictus pro tempore existens amplioribus favoribus et gratiis decoretur, quod pro tempore existens clericus Italus et secretarius huiusmodi, ratione curae et administrationis dicti archivii, Romani Pontificis verus et indubitatus et non fictus familiaris et continuus commensalis, aliorumque familiarium et continuorum commensalium numero et consortio adscriptus et aggregatus eo ipso existat;

Aliaque ei
privilegia con-
cedit.

§ 14. Et vestes violacei coloris ad instar nostrorum cubiculariorum honoris nuncupatorum gestet, illisque arbitrio suo utatur;

§ 15. Et in signum verae et indubitatae ac non fictae familiaritatis huiusmodi singulis diebus ex palatio apostolico, ultra panem sibi ratione officii clerici Itali et secretarii dari solitum, etiam panem eiusdem quantitatis et qualifatis, prout dilectis filiis in utraque signaturâ nostrâ referendariis dari consuevit, habeat, etiam decernimus, et panem huiusmodi dietim sibi ex dicto palatio dari mandamus.

§ 16. Inhibentes, sub indignationis nostrae, ac mille ducatorum camerae nostrae applicandorum, aliisque trium cardinalium in ordine priorum et camerarii praedictorum arbitrio imponendis poenis, Odoardo, eiusque in officio notariatus successoribus, ne in conservatione tam extra Urbem quam in Urbe super praemissis fabricatorum processuum ulterius se ingerere praesumant.

§ 17. Et sub eisdem poenis praecipientes tam Odoardo, quam auditoribus praedictis nunc et pro tempore existentibus, ceterisque omnibus et singulis, quatenus omnes et singulos tam in Urbe quam extra eam fabricatos processus huiusmodi, ac decreta et acta praedicta, quae penes eos et eorum singulos ad praesens reperiuntur, intra triduum a publicatione praesentium computandum, processus vero, qui pro tempore penes eos erunt, ante, ut praefertur, cedularum consistorialium subscriptionem, seu saltem illarum partibus consignationem, actaque et decreta praedicta, quae ad eorum et cuiuslibet manus quoquo modo devenerint, intra octo dies tunc immediate sequentes, ad archivium praedictum transmittant, et moderno ac pro tempore existenti clerico Italo et secretario praedicto consignent, ac transmitti et consignari faciant realiter et cum effectum.

Processus
omnes ei praeci-
piunt consignari.

§ 18. Ac similiter decernentes, easdem praesentes, etiam ex eo quod dictus Odoardus et auditores praedicti ac alii interesse habentes ad hoc vocati et auditi non fuerint, vel ex eo quod illae nullâ subsistente causâ vel etiam de facto processisse dici possent, sive etiam processerint, aut ex aliâ quavis iuridicâ et legitimâ etiam necessario exprimendâ causâ, vel quocumque praetextu, de subreptionis vel obreptionis aut nullitatis vitio, seu intentionis nostrae aut quovis alio defectu notari, impugnari, invalidari, retractari, et ad terminos iuris reduci, aut in ius vel controversiam revocari, seu adversus illas quodcumque iuris, facti vel gratiae remedium impetrari, aut etiam motu et potestatis plenitudine similibus concedi, vel sub quibusvis constitutionibus et cancellariae apostolicae regulis, editis et edendis, ac litteris apostolicis in contrarium etiam pari motu et consistorialiter emanatis, aut quibusvis aliis similium vel dissimilium

Clausulae.

gratiarum revocationibus, suspensionibus, limitationibus, aut aliis contrariis dispositionibus, comprehendi nullo umquam tempore posse, sed semper ab illis excipi, et quoties illae emanabunt, toties in pristinum, et eum, in quo ante praemissa erant, validissimum statum restitutas, repositas et plenarie reintegratas, ac de novo etiam sub quacumque posteriori datâ per modernos et pro tempore existentes tres cardinales in ordine priores et camerarium ac clericum Italum et secretarium praedictos quandocumque eligendâ concessas, validasque et efficaces, etiam quod in camerâ nostrâ apostolicâ nullo umquam tempore registrarentur aut praesentarentur, fore et esse;

Exequutores
huius Constitu-
tionis designati.

§ 19. Sicque, et non aliâs, per quoscumque iudices, etiam causarum palatii apostolici auditores, et camerae praedictae praesidentes et clericos, necnon eiusdem sanctae Romanae Ecclesiae camerarium, et alios cardinales (sublatâ eis et eorum cuilibet quavis aliter iudicandi et interpretandi facultate et auctoritate) iudicari et definiri debere, irritum quoque et inane quidquid secus super his a quoquam, quavis auctoritate, scienter vel ignoranter, contigerit attentari.

§ 20. Quocirca dilectis filiis Urbis nostrae gubernatori, et causarum curiae dictae camerae apostolicae generali auditori, et dilecti filii nostri in eadem Urbe, eiusque districtu vicarii in spiritualibus generalis in civilibus causis locumtenenti, motu simili per apostolica scripta mandamus, quatenus ipsi, vel duo, aut unus eorum, per se, vel alium, seu alios, praesentes litteras, et in eis contenta quaecumque, ubi et quando opus fuerit, ac quoties pro parte moderni et pro tempore existentis clerici Itali et secretarii huiusmodi fuerint requisiti, solemniter publicantes, illicque efficacis defensionis praesidio assistentes, faciant easdem praesentes et in eis con-

tenta huiusmodi ab omnibus, ad quos spectat et pro tempore spectabit, firmiter et inviolabiliter observari, ac modernum et pro tempore existentem clericum Italum et secretarium huiusmodi illis pacifice frui et gaudere, non permittentes eum desuper per Odoardum et auditores cardinalium huiusmodi, seu quoscumque alios, quomodolibet indebite molestari; contradictores quoslibet et rebelles per censuras et poenas ecclesiasticas, aliaque opportuna iuris et facti remedia, appellatione postpositâ, compescendo, ac sententias, censuras et poenas ipsas, servatâ formâ Concilii Tridentini, etiam iteratis vicibus aggravando, invocato etiam ad hoc, si opus fuerit, auxilio brachii secularis.

§ 21. Non obstantibus Gregorii secundo dictis litteris, aliisque praemissis, ac nostrâ de non tollendo iure quaesito, aliisque cancellariae praedictae regulis, nec non Pii praedecessorum praedictorum sub datum videlicet vii idus augusti, pontificatus sui anno vi editâ, inter alia disponente quod omnes gratiae, quaecumque camerae praedictae interesse concernentes, infra certum inibi expressum tempus in eadem camerâ praesentari et registrari debeant, et, quatenus in aliquo obstet, similis memoriae Sixti V etiam praedecessoris super institutione praedictae et aliarum quatuordecim congregationum editâ¹, aliisque apostolicis constitutionibus et ordinationibus, et dicti collegii² (etiam iuramento, confirmatione apostolicâ, vel quavis aliâ roboratis) statutis et consuetudinibus, privilegiis quoque, indultis et litteris apostolicis, sub quibuscumque tenoribus et formis, ac cum quibusvis clausulis et decretis, etiam motu huiusmodi, etiam consistorialiter, ac aliâs, in contra-

Obstantium
derogatio

¹ Quam vide in tom. VIII, pag. 985 (R. T.).

² Perturbate edit. Main. habet *aliisque apostolicis et dicti collegii constitutionibus et ordinationibus* (R. T.).

rium quomodolibet concessis, approbatis et innovatis, ac in futurum concedendis, approbandis et innovandis: quibus omnibus, etiamsi de illis, eorumque totis tenoribus specialis, specifica, expressa et individua, non autem per clausulas generales idem importantes, mentio habenda aut aliqua alia exquisita forma ad id servanda foret, tenores huiusmodi praesentibus pro sufficienter expressis habentes, illis aliis in suo robore permansuris, hac vice dumtaxat, etiam pari motu specialiter et expresse derogamus, ac derogatum esse volumus et mandamus, contrariis quibuscumque aut si quibusvis communiter: aut divisim ab Apostolica sit Sede indultum, quod interdicti, suspendi, vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

Praesentium
facienda publi-
catio.

§ 22. Volumus autem, quod eadem praesentes litterae, ut omnibus innotescant, ad valvas basilicae Principis apostolorum de Urbe, et cancellariae apostolicae, ac in acie campi Florae publicentur et affigantur, dimissis inibi etiam copiis, quae perinde omnes arceant, ac si personaliter unicuique intimatae fuissent;

Transumptis
danda fides.

§ 23. Quodque earundem transumptis et exemplaribus, etiam impressis, ac manu alicuius notarii publici subscriptis, et sigillo alicuius personae in dignitate ecclesiastica constitutae munitis, eadem prorsus fides adhibeatur tam in iudicio quam extra, quae eisdem praesentibus adhiberetur, si forent exhibitae vel ostensae.

Clausulae
poenales.

§ 24. Nulli ergo omnino hominum liceat hanc paginam nostrae revocationis, cassationis, annulationis, declarationis, unionis, annexionis, incorporationis, statuli, erectionis, institutionis, inhibitionis, praecepti, decretorum, derogationis, mandatorum et voluntatum infringere, vel ei ausu temerario contraire. Si quis autem

hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursurum.

Datum Romae, apud sanctum Petrum, anno Incarnationis Dominicae, MDCXXV, XVIII kalendas Ianuarii, pontificatus nostri anno III.

Dat. die 15 decembris 1625, pontif. anno III.

Anno a Nativitate Domini nostri Iesu Christi MDCXXVI, indictione IX, die vero XXX mensis martii, pontificatus Sanctissimi in Christo Patris et D. N. D. Urbani divinae providentiae Papae VIII, anno eius III, retrospectae litterae apostolicae affixae, et publicatae fuerunt ad valvas basilicae Principis apostolorum de Urbe et in acie Campi Florae, dimissis ibidem praesentibus litteris per aliquantulum temporis spatium, ut moris est, affixis, et deinde amotis per nos Camillum Fundatum et Brandimartem Latinum praelibati sanctissimi D. Papae cursores, etc.

OCTAVIUS SPADA mag. cursorum.

Sequitur decretum Romae in palatio apostolico Quirinali feria II, die XXII iunii MDCXXVI in consistorio secreto editum de clavibus aerarii sanctioris, eiusque scriniorum ac portarum fidelius posthac custodiendis¹.

Exquisitis et auditis reverendissimorum DD. S. R. E. cardinalium sententiis, de unanimi eorum consilio pariter et assensu, quo fidelius ac diligentius imposterum claves aerarii sanctioris in arce S. Angeli a felicis recordationis Sixto V insti-

¹ Hoc decretum ideo hic posui, quia versatur circa archivium sacri cardinalium collegii, prout in eo legitur. Institutionem vero huius aerarii in Arce S. Angeli factam habes a Sixto V, Constitut. XLIII, Ad clavum, tom. VIII, pag. 693.

tuti custodirentur, SS. D. N. infrascriptas ordinationes declaravit, ac decrevit esse perpetuis futuris temporibus inviolabiliter observandas, nimirum ut:

Conficiatur liber perpetuo asservandus in archivio sacri collegii, in quo secretarius fidem faciat de consignatione clavium pro tempore factâ singulis cardinalibus, aliisque ius ad ea¹ habentibus, et horum unusquisque a se conscriptum iuramentum coram secretario emittat, se subscribat, suumque signum apponat:

Cardinales, transitum facturi ad altiorum ordinem, promoveri aut optare in consistorio non possint, nisi prius de suarum clavium consignatione secretario factâ constiterit, qui succedentibus episcopis, presbyteris et diacono praedicto modo tradet:

In casu absentiae a curiâ, quae excedat quadraginta milliaria, cardinales antequam ab Urbe discedant, evocent secretarium, qui claves acceptas statim deferat aliis in ordine succedentibus:

Decanus camerae apostolicae consignet clerico succedenti coram duobus clericis et secretario:

Thesaurarius tam generalis, quam secretus, eidem secretario, qui teneatur subito id Suae Sanctitati significare:

Si contingat obitus asservantium claves, idem secretarius instet pro recuperatione apud haeredes: et, si sint in morâ, addat protestationem cum censuris coram notario et testibus:

Praefectus castri S. Angeli, ultra iuramentum Summo Pontifici praestari solitum pro fidei arcis custodia, iuret etiam de aerario fideliter custodiendo in manibus eiusdem SS. D. vel S. R. E. camerarii, iuxta formam Bullae, cuius iuramenti in libro fiat mentio:

Idem vero liber quotannis in primâ congregatione generali a secretario in me-

¹ Videretur legendum *ad eas* (R. T.).

dium afferatur, ut penes quos praedictae extent claves, facile omnibus constare possit.

Ita est.

OCTAVIUS episcopus Portuensis sanctae Romanae Ecclesiae cardinalis BANDINGUS.

CAROLUS cardinalis MADRUTIUS.

IOANNES BAPTISTA cardinalis LENIUS, sacri collegii camerarius.

LUDOVICUS cardinalis LUDOVISIUS, S. Romanae Ecclesiae vicecancellarius.

MAURITIUS S. R. E. diaconus cardinalis de Sabaudia.

IOANNES B. LAURUS, secretarius.

CLXXXVI.

Confirmatio statutorum Barchinosensium Ordinis fratrum Minorum de Observantiâ pro ultramontanâ familiâ, novissime Segobiae recognitorum et approbatorum, dummodo sacris canonibus, Concilio Tridentino, constitutionibus apostolicis, ac regularibus ipsius Ordinis institutis non adversentur¹.

Urbanus Papa VIII,
ad perpetuam rei memoriam.

Iniuncti nobis apostolici muneris ratio postulat, ut, religiosorum Ordinum in Ecclesiâ Dei militantium prospero statui, felicique directioni invigilantes, his, quae propterea provide facta fuisse dicuntur, ut firma perpetuo et illibata persistant, libenter, cum a nobis petitur, apostolicae nostrae confirmationis munimine roboremus², prout conspicimus in Domino salubriter expedire.

¹ Vide alia decreta supra pag. 393. Adduntur etiam ordinationes factae in congregatione generali eiusdem Ordinis an. MDCXXVIII, et decreta sacrae Congregationis a SS. D. N. praepositae consultationibus pro cismontana familia eorundem fratrum (R. T.).

² Syntaxis postulat *munimen adiciamus* (R. T.).

Prooemium

In congrega-
tione Segobien-
si statuta Bar-
chinonensi e-
statuantur.

§ 1. Exponi siquidem nobis nuper fecit dilectus filius procurator generalis Ordinis fratrum Minorum S. Francisci de Observantiâ nuncupatorum, quod in congregatione generali ipsius Ordinis in illius domo regulari Segobiensi novissime celebratâ statuta generalia pro fratribus eiusdem Ordinis ultramontanae familiae, alias, in civitate Barchinonensi edita, recognita et approbata fuerunt.

Eaque petitur
confirmari.

§ 2. Cum autem, sicut eadem expositio subiungebat, procurator praedictus plurimum cupiat statuta huiusmodi, pro firmiori illorum validitate et subsistentiâ, apostolicae nostrae confirmationis patrocinio communiri, nobis propterea humiliter supplicari fecit, ut desuper opportune providere de benignitate apostolicâ dignaremur.

Confirmat
Urbanus.

§ 3. Nos igitur, procuratorem praedictum specialibus favoribus et gratiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatus existit, ad effectum praesentium dumtaxat consequendum, harum serie absolventes et absolutum fore censentes, huiusmodi supplicationibus inclinati, statuta praedicta, sic, ut praefertur, recognita et approbata, quatenus tamen licita sint et honesta, sacrisque canonibus et Concilii Tridentini decretis et constitutionibus apostolicis, regularibusque ipsius Ordinis institutis non adversentur, apostolicâ auctoritate, tenore praesentium, perpetuo approbamus et confirmamus, illisque inviolabilis apostolicae firmitatis robur adiicimus: ac omnes et singulos tam iuris quam facti defectus, si qui desuper quomodolibet intervenerint, supplemus.

Clausulas ad-
dit.

§ 4. Decernentes, eadem statuta ac praesentes litteras valida, firma et efficacia existere et fore, suosque plenarios et

integros effectus sortiri et obtinere, ac a fratribus familiae praedictae nunc et pro tempore existentibus in omnibus et per omnia inviolabiliter observari debere, necnon irritum et inane, si secus super his a quoquam, quavis auctoritate, scienter vel ignoranter, contigerit attentari.

§ 6. Non obstantibus constitutionibus et ordinationibus apostolicis, privilegiis quoque, indultis et litteris apostolicis, in contrarium praemissorum quomodolibet concessis, confirmatis et innovatis. Quibus omnibus et singulis, eorum omnium tenores praesentibus pro plene et sufficienter expressis habentes, illis alias in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Derogatio
contrariis.

Datum Romae, apud S. Petrum, sub annulo Piscatoris, die XVIII decembris MDCXXV, pontificatus nostri anno III.

Dat. die 18 decembris 1625, pontif. anno III.

*Sequuntur ordinationes factae in
generali congregatione.*

Primo declarat generalis congregatio, nullam dispensationem contra praecepta nostrae regulae esse admittendam; sed omnes et singulos fratres teneri ad regulae observantiam secundum suam puritatem iuxta declarationes Nicolai III et Clementis V, sicut in multis aliis generalibus constitutionibus declaratum est, cum omnia privilegia, seu concessionem, cuiuscumque conditionis existant, vel quomodolibet impetrata vel concessa per Brevia apostolica, per indulta, per vivae vocis oracula contra regulae puritatem, si qua forent, penitus abrogata fuerint per Breve SS. Domini nostri Urbani VIII. Qui vero contrafecerint, tamquam regulae transgressores severe puniantur.

De observan-
tia regulae.

Et quoniam in quibusdam ecclesiis tam magnus numerus missarum celebranda-

De oneribus
missarum cele-
brandarum.

1 Edit. Main. habet *si quae* (R. T.).

rum ex variis defunctorum legatis impositus reperitur, ut illis pro singulis diebus a testatoribus praescriptis nequeat satisfieri, et consequenter nec aliis pro quibus eleemosynae in dies offeruntur; idcirco, ne detur occasio fratribus eorum conscientias onerandi, determinatum est, ut superiores locorum illorum ac etiam provinciales declarare et protestari debeant coram iis, ad quos spectat, se nolle amplius legata perpetua ipsis a testatoribus relicta exigere, et de facto amplius non exigant, immo ea, quantum in ipsis est, eo modo quo possunt, resignent et respuant. Ac in illis conventibus is numerus fratrum collocetur, qui ex eleemosynis quotidianis honeste sustentari potest. Si qua¹ vero legata quoad capitale fuerint extincta, remanente apud fratres obligatione celebrandi missas in perpetuum, fiat recursus ad summum Pontificem, ut ipse pro sua benignitate super hoc de opportuno remedio provideat.

Eleemosynas missarum nullo modo intra claustra recipiendae.

Capsae vel trunci ad recipiendas eleemosynas pecuniarias etiam pro missis oblatas, non solum ab ecclesia, sed etiam a sacristia et a quacumque parte, quae sit intra clausuram conventus, omnino prohibentur sub poena inobedientiae et excommunicationis maioris; oblatas autem eleemosynae pro missis nullo modo intra clausuram conventus, aut intra ecclesiam, vel sacristiam, ab aliquo recipi permittantur: sed ad syndicum apostolicum offerens remittatur: quod si id grave illi fuerit, et voluerit tertiariorum vel servitorum conventus tamquam syndici substituto illas tradere, ut ad syndicum ipsum eius nomine deferantur, id fieri poterit, ea tamen lege, ut intra claustra conventus aut ecclesiae nec tertiariorum nec servus illas recipiat, et guardianus, qui contrarium permiserit, privetur officio suo.

¹ Edit. Main. legit *Si quae* (R. T.).

Circa apostatas, aliosque delinquentes observetur omnino Breve felicis recordationis SS. D. N. Pauli V contra superiores nostri Ordinis promulgatum, quod incipit, *Admonemur*; in quo ordinatur, ut ad instantiam personarum quovumcumque extra Ordinem constitutarum nullo modo remittantur poenae eis impositae.

De apostatis et delinquentibus

Ad evitandas evagationes fratrum et alia gravia inconvenientia, praecipitur, ut sacerdotes nostri Ordinis nullo modo mittantur extra conventum ad missas in aliorum ecclesiis celebrandas, sed unusquisque in propria teneatur ecclesia celebrare. Guardianus autem, qui contrafecerit, vel id permiserit, per mensem a suo suspendatur officio pro prima vice, pro secunda autem gravius puniatur superioris arbitratu.

Frates ad missas extra proprias ecclesias celebrandas non mittendi.

Cum parochiarum curam habere in illis civitatibus et locis, in quibus christiana religio propagata est, et in quibus copia sacerdotum secularium adest, maximum detrimentum afferat nostrae professioni et regulae observantiae, determinat generalis congregatio, ut in praefatis locis omnino relinquuntur, et si aliquae sint, quae de mandato Sedis Apostolicae detineantur, ad ipsam Sedem Apostolicam fiat recursus, ut super hoc opportune provideat, fratrumque conscientiae consulat.

Parochiae non suscipiendae.

Commissarius in regnum Poloniae mittendus ad provincias illas visitandas, in unaquaque illarum provinciarum patres definitorii et alios patres principales congreget, atque simul cum eis de negotio divisionis illarum provinciarum discurrat, illudque exacte discutiat: et quicquid circa hoc de communi consensu, paceque conservanda determinatum fuerit esse melius, reverendissimo patri superiori generali significet, ut ipse pro sua prudentia et zelo, quicquid opportunum fuerit ad sedandam controversiam circa hoc exortam, decernat et statuatur, etiam Sedem Aposto-

De commissario regni Poloniae.

licam consulendo, si opus fuerit. Quidquid vero ab ipso statutum fuerit in illis provinciis exequutioni mandetur.

De custodia reformato-
rum Poloniae,
Austriacae, etc.

Declaratur, duas custodias reformato-
rum Poloniae fuisse bene institutas; eas-
que, et ad idem institutum servandum
teneri, et eisdem privilegiis et praeroga-
tivis gaudere, quod servant, et quibus gau-
dent custodiae reformatorum Italiae: et
praesertim quod votum habeant in capi-
tulis provincialibus illarum provinciarum,
quibus sunt annexae. Insuper declarat to-
tum definitorium, reformam seu custo-
diam Austriae veram esse custodiam ad
formam aliarum reformationum Italiae
institutam, eisdemque privilegiis et gra-
tiis, quibus ceterae Italiae custodiae gau-
dent, potiri et gaudere debere. Idem di-
cimus etiam de conventu Pragensi, pro-
vincia Boemiae et Tyrnaviensi, provincia
S. Mariae Hungariae reformatis iam as-
signatis et traditis, etc.

De monaste-
rio monialium
matoris Glogo-
viae.

Monasterium monialium clausarum ma-
ioris Glogoviae provinciae Boemiae, sup-
posita ipsarum inobedientia et contumacia,
omnino relinquatur, et resignetur loci Or-
dinario; itaut imposterum nulli provin-
cialium successive futurorum aut aliorum
quorumcumque fratrum liceat in contra-
rium aliquid attentare, sub poena privatio-
nis actuum legitimorum contrafacientibus.

Et conventu
Glivicensi.

Conventus Glivicensis, olim ad provin-
ciae Boemiae fratres spectans, ac deinde
reformatis provinciae Poloniae assignatus,
declaratur incorporatus reformationi pro-
vinciae Poloniae, praecipiturque, ut im-
posterum non liceat provinciali Boemiae, vel
alteri patri eiusdem provinciae, aliquid in
contrarium attentare, sub poena privationis
officiorum, actuumque legitimorum iis qui
contrafecerint.

De statutis
fratrum refor-
matorum.

Ad confusiones et varietates statutorum
reformatos concernentium tollendas, et ad
certam insuper stabilemque inter ipsos
constitutionum observationem praefigen-

dam, statuendamque, consulto statuitur,
strictiusque praecipitur, sub poenis in eis-
dem constitutionibus taxatis, et irremissi-
biliter infligendis, ut imposterum fratres
reformati iis dumtaxat statutis generalibus
utantur, ac ea inviolabiliter observent, quae
pro bono ac strictiori ipsorum vivendi
modo in praesenti congregatione generali,
etiam ipsis reformatis assentientibus et
acceptantibus, mature decreta et sancita
fuere, eaque quolibet bimestri legere te-
neantur tempore communis refectionis.

*Decreta sacrae Congregationis a SS. D. N.
pro cismontana familia consultationi-
bus praepositae, quae lecta fuere in ge-
nerali Ordinis congregatione.*

Sacra Congregatio a Sanctissimo D. N.
fratrum Minorum de Observantia sancti
Francisci cismontanae familiae consulta-
tionibus praeposita, volens, quantum potest
in Domino, ipsorum postulato satisfacere
circa novitios ad habitum et professionem
admittendos, Sanctitate Sua approbante,
censuit, tunc demum esse illis permitten-
dum, ut novitios, ut supra, recipiant, cum
constiterit, ex ipsorum conventibus eos
sustulisse abusus omnes, qui regulae sancti
Francisci observantiae adversantur. Quod
ubi praestiterint, designanda erunt loca
pro iisdem novitiis recipiendis, et prae-
scribendus recipiendorum numerus et qua-
litas, et alia ad eorum institutionem per-
tinentia, et prout unaquaeque provincia id
exequetur, eidem receptionem huiusmodi
fore permittendam.

Abusus vero, quibus eos propterea me-
deri oportebit, sunt potissimum infrascripti.

Ac¹ primum abdicent a se et eorum
conventibus non solum pristina ac bona
omnia immobilia, quae alicubi contra re-
gulae puritatem et declarationes felicis re-
cordationis Nicolai III et Clementis VIII
extra vel intra septa monasteriorum de-

Quibus pro-
vincias Obser-
vantiae cismon-
tanae familiae
danda sit facul-
tas novitios re-
cipiendi.

Et qui tollen-
di abusus,

De bonis im-
mobilibus, cen-
sibus, ac lega-
tis annis abdi-
candis.

¹ Ita Cherub.; ed. Main. habet Ad (R. T.).

tinent, sed etiam census perpetuos et legata annua, super quibus sacra Congregatio praecipit observari decretum congregationis generalis Romae habitae die xvii maii MDCHII, cuius tenor talis est:

«Cum annuos redditus, sicut cetera bona immobilia, nobis habere non liceat, ideo renovantes alia generalia statuta decernimus, quod nullus frater inducat personam aliquam ad eleemosynam perpetuam Ordini nostro exhibendam, nec exhibitam a quopiam vivente suscipiat, et si aliqua talis nobis fuerit relicta, nullo modo in iudicio exigatur; declarantes, quod ad perpetua legata petenda non possunt fratres recurrere nisi humiliter et per modum eleemosynae absque allegatione alicuius debiti. Decernitur praeterea ac praecipitur per sanctam obedientiam, quod, quoties relinqui contingat aliqua legata perpetua aliquibus personis et hospitalibus, vel alicui reipublicae et aliis domibus, ea lege, quod teneantur fratribus praestare singulis annis certam eleemosynam, sive omnino gratis, sive ut ipsi fratres dicant certa officia et missas, quod guardianus faciat protestationem ei, qui testatoris voluntatem adimplere tenetur, quod ad illas eleemosynas nullum ius habent ex vi legati, nec possunt obligari ad illa officia et missas; si tamen, factâ istâ protestatione, haeres ex suâ liberâ voluntate voluerit dare eleemosynas illas, et committere fratribus dicta officia et missas, tunc fratres totâ conscientiâ possunt eleemosynas huiusmodi recipere. Quod totum, et multo fortius, in relictis legatis singularibus fratribus simili modo faciendum esse decernimus. Inhibemus autem, ne syndicus in suâ personâ huiusmodi annuos redditus recipiat distribuendos ipsis fratribus. Protestatio autem sic fiat sub sigillo conventus, videlicet: *Nos frater N. guardianus et fratres discreti huius conventus N. dicimus ad nostram notitiam pervenisse quondam*

*N. certam eleemosynae quantitatem conventui huic distribuendam perpetuo gratis, vel forsitan pro aliquibus officiis et missis dicendis, legasse. Cumque legata huiusmodi nisi per viam simplicis eleemosynae, acceptare ex instituto sancto nostro et iure nobis non liceat; ideo per praesentes libere protestamur in Domino, quod legatum praedictum tamquam illius incapaces ex vi legati recipere nolumus, nec intendimus. Si tamen haeres, commissarius aut legatarius ipsius testatoris, dictam quantitatem per viam simplicis eleemosynae, omni obligatione, dominio et proprietate penitus cessantibus, nobis libere conferri voluerit, illam simpliciter accipiemus, et pia testatoris voluntati, quantum in nobis fuerit, plene ac fideliter satisfaciemus. Haec autem protestatio subscripta per guardianum et discretos conventus dabitur illi, qui tenetur testatoris voluntatem implere, et eadem protestatio scribetur in libro conventus, ut constare possit succedentibus guardianis, hanc constitutionem fuisse ad plenum adimpletam. Est autem haec protestatio necessaria, ut optime decernit dictus Bonaventura hanc disputans quaestionem, et ex apostolicis declarationibus regulae nostrae colligitur. Et ut omnibus sit compertum id quod tantopere est nobis necessarium, ipsam dicti Bonaventurae quaestionem ex suo *Apologetico* desumptam, hic apponere de industria non gravabimur, quae talis est, ut sequitur:*

«Cum asseratis, vos, secundum regulam et professionem vestram, nullos debere recipere proventus reddituum, seu possessiones, exceptis domibus in quibus habitatis, videmini transgressores regulae vestrae in eo quod recipitis domos vel areas non contiguas vestris arcibus in quibus habitatis; eodem enim modo, si hoc licet, poteritis etiam vineas recipere, et agros, et mansos, et similia quaeque recipere, imo gran-

Verba S. Bonaventurae

gias, et villas, et castra, et terras, et op-
pida, et quaecumque fuerint vobis data;
et sic pristina paupertas et mendicitas,
quam professi estis, paulatim evanescet,
et non eritis discipuli sancti Francisci,
cum non sequamini vestigia eius, nec eius
regulam teneatis. De domibus enim nobis
contiguas potest esse excusabile, quod, pro
dilatandâ areâ vestrâ, illas quandoque re-
cipiatis; sed de aliis non ita, in quibus
homines alios pro censu locatis, quem
procurator vester loco vestri exigit et
in usus vestros convertit de voluntate
vestrâ.

« R. Si qui in talibus incaute agunt,
dolemus, et contradicimus, et prohibemus;
qualiter autem in hoc licite agere possimus
adverte, et tunc non iudicabis nos (si sane
intelligis) transgressores. Protestamur, nos,
secundum regulam nostram, nil debere seu
velle possessionis vel certorum reddituum
recipere vel habere; quia vero mendici
sumus et pauperes, ea, quibus pro prae-
senti necessitate indigemus, ideo recipimus,
prout licet, sive pro solvendis debitis vel
necessariis procurandis. Cum ergo aliquis
ex devotione vult nobis legare domum
suam vel arcem non contiguam nostrae
mansioni, non recipimus eam, per nos nec
per interpositam personam, ut nostram;
sed si ille eam disponit per alium quem-
cumque, ut, eâ venditâ de pretio eius pro-
videatur nobis ex parte sui, in his quibus
tunc indigemus procurandis, vel solvendis
debitis, acceptamus. Si autem ille, timens,
ne forte eius talis dispositio per haeredes
suos vel alios imposterum impediatur, et
propter hoc, praeoccupat roborare illam
sigillâ alicuius iudicis, vel civium, vel al-
terius, etc., et sic committit eam alicui
amico suo, vel fratrum, qui conservat
quod ipse disponit de domo tali vel areâ,
nil ad nos, cum de rebus suis possit or-
dinare quod vult, nec locum talem vel

1 Aptius ed. Cherub. legit vobis (R. T.).

domum dicimus esse nostram, cum nihil
iuris nos in eâ protestemur habere. Simi-
liter si aliquis disponderet per amicum vel
alium, quod de pretio, vel de proventibus
illis, vel illis, darentur fratribus tot panes
quotidie, vel tantum eleemosynae singulis
septimanis aut annis, non essemus pro-
pter hoc praedii vel reddituum possessores:
nam si, me petente eleemosynam, aliquis
dives promittat quod singulis annis velit
dare fratribus duas tunicas, vel tantum
unam, vel singulis hebdomadibus tot pa-
nes, et hoc committat officialibus suis, ut
vice sui ista dent, etiam eo absente, et
hoc pro fratribus recipiam, vel etiam, si illi
negligant dare, admonendo exigam, nun-
quid propterea certos redditus habere di-
cendi sumus? cum non ex iure, sed ex
gratiâ solum talem eleemosynam recipia-
mus vel exigamus. Et si post obitum illius
uxor eius vel alii amici pro animâ illius
adhuc velint aliquo tempore talem nobis
eleemosynam per se vel ex dispositione
illius largiri, possumus similiter accipere
ex tali gratiâ, ita quod quandocumque
nollent amplius ista dare, nihil peteremus
ab eis, quasi ex debito, sed more men-
dicorum recurreremus ad domum ele-
mentis domini pro quotidianâ eleemosynâ,
quamdiu illi placeret: sed quando plus nol-
let, discedimus vacui gratias agentes de
dato, non murmurantes de negato. Haec
est vera et pura vita mendicorum, quod
datur, ex gratiâ recipere non ex iure.
De censibus vero domorum fratribus le-
gatarum nihil quaerimus, sicut nec de
aliis redditibus. Si autem antequam ven-
dantur, aliquem inde censum dare volunt
hi, in quorum tunc potestate sunt illae do-
mus, nihil iuris habere in eo protestamur,
sed eleemosynam nobis sponte oblatam
simpliciter recipimus, sicut aliunde do-
natam. Quia vero Dominus docet nos ca-
vere ab hominibus (*Matth. x*) et Apostolus
ab omni specie malâ abstinere (*1 Thess. v*),

ne putemur ab ignorantibus transgressores regulae nostrae, debemus aperte protestari, nihil nobis iuris in talibus donationibus velle habere, sicut tenetur suspectus de fornicatione omnia illa cavere, ex quibus posset ista suspicio probabilis iudicari ».

« Haec omnia D. Bonaventura.

« Sed quia in his casus solet aliquando evenire, quod annuus redditus ob temporis antiquitatem non comperiatur habere aliquem patronum, cui fieri debeat talis, ut supra, protestatio, decernimus, quod in tali casu servetur statutum Ordinis Minorum sub Paulo II contentum in constitutionibus super cap. vi, *regulae* et § *Inhibemus*: Quod nimirum huiusmodi redditus assignetur rectoribus spiritualibus aut temporalibus collegiorum aut communitatum, terrarum aut civitatum, qui tales elemosynas, sive fructus vel redditus annuos, nomine Ecclesiae Romanae, vel donantium, sine fratribus, exigant et recipiant, et fratribus, sive aliis sacerdotibus quando fratres noluerint, tales missas vel suffragia iuxta piam intentionem benefactorum in toto vel in parte secundum quantitatem talium obventionum dicere faciant ».

De domino
per instrumenta
publica in alios
non transfe-
rendo.

Item statuitur, ut deinceps nulla instrumenta publica fiant a fratribus capitulariter congregatis, nec quocumque alio modo se habentibus, in quibus transferatur dominium et proprietas alicuius cappellae sive sepulturae: cum hoc omnino sit contra regulam et nostro repugnet instituto. Nam quomodo aliquis dat, quod non habet? Si tamen occasio se obtulerit, in quo oporteat satisfacere devotae fidelium voluntati, id fiat per modos nostrae regulae et instituto congruentes. Est autem protestatio praedicta necessaria, ne, ut ait D. Bonaventura, ab ignorantibus nostrum institutum, regulae nostrae transgressores iudicemur, cuius seraphici doctoris sententiam hic inserendam iudicavimus, quatenus e medio tollatur abusus ignorantissimorum

aliquorum, qui, existimantes charibdim fugere, in scyllam inciderunt, in favorem Ordinariorum, vel alicuius tertii, vel haereditis renuntiantes praedicta legata, quasi non esset opus proprietatis et domini donare, sicuti accipere, et summa dementia alienum renuntiare.

De huiusmodi autem bonis, seu illorum pretio, generalis vel commissarius generalis una cum consilio guardiani et discretorum conventus in usum sacristiae, fabricae ecclesiae, et conventuum provideat, prout, illorum necessitate perspecta, salubriter in Domino expedire arbitrabitur. Et de hac provisione quamprimum sacram hanc Congregationem fideliter certiore faciat. Hanc vero bonorum abdicationem et legatorum renuntiationem fuisse executioni demandatam constare debet huic sacrae Congregationi ex generalis, vel commissarii, generalis, et Ordinariorum attestationibus gratis et absque ullo fratrum dispendio concedendis.

Deinde a fratribus particularibus aufertur cuiuscumque rei proprietas, si qua sit, et omnia in communi redigantur, ad regulae, sacrorum canonum, apostolicarum constitutionum et sancti Concilii Tridentini dispositionem. Potissimum vero tollantur pecuniae, et quamprimum insunt in veras et communes ipsorum conventuum necessitates: idque fiat a syndicis apostolicis tantum, ita ut nihil pecuniae mediate vel immediate supersit in manibus vel potestate fratrum etiam superiorum.

Proprietas
fratrum particularium
tollenda

Ad haec tollantur abusus aromatariarum, ita ut de cetero illae non retineantur, nisi ad usum monasteriorum dumtaxat, nec liceat res illarum cuique vendere.

Quomodo retineantur
aromatariae

Praeterea nullo modo habeant in eorum ecclesiis, vel sacristiis, aut alibi, cippos aut truncos ordinatos ad offerentium seu donantium pecunias, nec capsulas pro elemosynis missarum.

Capsulae ad
elemosynas recipiendas ab ecclesiis tollendae

De regulas
observantiâ.

Ac demum superiores regulares invigilent, ut fratres communi mensâ utantur, divina officia temporibus debitis recitent, vacent orationi mentali, et divinum cultum diligenter exerceant, ac cetera impleant, ad quae pro regulae observatione tenentur.

Certior red-
denda S. Con-
gregatio de ad-
implemento.

Haec autem superius expressa, fuisse ad effectum perducta constare debebit eidem sacrae Congregationi ex attestationibus, medio iuramento generalis aut visitatorum, praevisâ diligenti informatione capta in visitatione singulorum conventuum cuiusque provinciae. Romae, XIV iunii MDCXXVIII.

F. A. Card. S. HONUPHRII.

P. FAGNANUS Secr.

Publicatio hu-
iusmodi decre-
torum.

Lecta et publicata fuere praefata decreta die XV iunii MDCXXVIII in congregatione generali fratrum Minorum de Observantiâ in praesentiâ illustrissimi et reverendissimi cardinalis Gipsii praesidentis eiusdem Congregationis.

Subsequentur alia decreta sacrae Congregationis a SS. D. N. pro cismontanâ familiâ consultationibus praepositae, quae pariter in generali Ordinis congregatione lecta fuere.

De transitu
fratrum de Fa-
miliâ ad Refor-
matos.

In primis statutum est, ut fratres de Familiâ libere ad Reformationem transire valeant in quocumque tempore, etiam extra capitulum et congregationem; cum hoc tamen, ut e conventu, in quo de familiâ manent, recedere nequeant, nisi prius habitâ obedientiâ a custode, vel alio superiore reformationum, qui eam nullatenus denegare possit. Et in casu, quo eam denegaverit, fiat recursus ad superiorem generalem, qui teneatur fratres pro hac re ad ipsum recurrentes ad reformationem recipere, necnon et superiores dictam licentiam negantes poenâ sibi arbitrariâ punire, nisi sibi constiterit reformari volentes id facere, ut iudicium vel poenas sibi iniunctas subterfugiant, aut esse omnino ad reformationem inhabiles.

Secundo. Ut, qui ad reformationem transierit, annum unum a die suae receptionis computandum ad deliberandum habeat, an in illo statu velit remanere: quo anno expleto, superior reformationum, custos videlicet, vel provincialis, ad conventum, in quo dictus frater de familia commoratur, se transferat, ibique simplicem informationem a guardiano, vel alio superiori locali, a discretis conventus, et ab aliquo patre principali vel antiquiori, qui ibi reperiatur, fideliter capiat de vitâ et moribus supradicti fratris; et si cognoverit, eum bene vixisse, ac statui et professioni reformationum se conformasse, ipsum ad reformationem incorporatum declaret, et huiusmodi incorporationem in libro custodiae diligenter notet. Quod si id per se ipsum personaliter facere nequeat, alium substituat, qui id exequatur, dummodo non sit de familiâ illius conventus, in quo frater in reformatione incorporandus reperitur. Quo autem ad faciendam assignationem aliquorum conventuum observantium de familiâ fratribus reformatis, in singulis casibus recurratur ad sacram Congregationem, quae, habitâ ratione numeri fratrum ad reformationem transeuntium, et omnibus accurate perpensis, deliberabit pro ut in Domino expedire arbitrabitur.

Tertio. Determinatum est, ut de cetero noviti inter reformatos non recipiantur extra capitula vel congregationes capitulares, non obstante sanctae memoriae Clementis VIII hac de re edicto; alias receptiones et professiones inde sequutae nullae sint et invalidae.

Quarto. Determinatum est, ut minister provincialis eligi possit ex familiâ vel ex reformatione iuxta antiquam consuetudinem religionis et iuxta constitutiones sanctae memoriae Clementis VIII et Pauli V: et quando minister provincialis eligetur ex fratribus reformatis, tunc, ad tollendas

De illorum
probatione et
acceptatione.

De novitiis
inter reforma-
tos recipiendis.

De ministro
provinciali.

CLXXXVII.

Commissarius,

discordias et lites, custos reformationis non eligatur, sed ipsemet minister ipsam reformationem regat et moderetur. Ceterum, ut necessitatibus dictae reformationis opportunius provideatur, dictus pater minister, statim ac fuerit electus, teneatur unum ex iis, qui alias custodes fuerunt, vel ex discretis custodialibus actualibus, commissarium instituere, cui suam auctoritatem tribuat ad dictam reformationem visitandam, quodcumque ipse per se id facere non potuerit, necnon et ad capiendas informationes in casibus occurrentibus: quibus captis, teneatur de omnibus certiores facere dictum provincialem, ut ipse, quod opportunum sibi videbitur, determinare ac ordinare valeat. In casu autem, quo dictus commissarius non recte functus fuerit officio suo, tunc provincialis per se solum possit ipsum ab officio removere, et alium ut supra de novo instituere.

Et custodes eligendis.

Insuper determinatum est, ut quodcumque minister provincialis fuerit reformatus, tunc custos mittendus ad comitia generalia eligatur ex patribus de familiâ; et viceversa quando provincialis fuerit ex fratribus de familiâ, tunc custos supradictus sit reformatus, ut utraque pars unum vocalem habeat in dictis comitiis generalibus.

Uterius determinatum est, ut nominetur a generali procurator in curiâ patrum reformationum. Romae, die xiv iunii MDCXXVIII.

F. A. Card. S. HONORABILIS
P. FAGNANUS Secr.

Acta et publicata fuere praefata decreta die xv iunii MDCXXVIII in congregatione generali fratri Minorum de Observantiâ in praesentia illustrissimi et reverendissimi cardinalis Gipsii, praesidentis eiusdem Congregationis.

Confirmatio constitutionis Pauli V circa eleemosynam, quam rectores ecclesiarum parochialium Indiarum occidentalium et orientalium habere possunt ab his, qui in ecclesiis domorum utriusque sexus praefati Ordinis S. Francisci de Observantiâ sepeliuntur, aut pro eorum animâ missas celebrandas reliquerint, cum deputatione haereticae pravitatis inquisitorum pro eiusmodi constitutionis executione¹.

Urbanus Episcopus,
servus servorum Dei,

Dilectis filiis haereticae pravitatis inquisitoribus in Limanis et Mexicanis aliisque orientalium et occidentalium Indiarum civitatibus et dioecesibus commorantibus, salutem et apostolicam benedictionem.

§ 1. Alias (felices recordationis Pauli¹ Papa V praedecessori nostro, pro parte tunc in humanis agentis Matthaei de Recalde, etiam tunc vicecommissarii generalis Indiarum occidentalium Ordinis fratrum Minorum S. Francisci de Observantiâ, exposito, quod rectores parochialium ecclesiarum Indiarum occidentalium et orientalium, ne christifidelium, qui pro tempore ab humanis decedebant, cadavera ita commode in ecclesiis fratrum et monialium dicti Ordinis ecclesiasticae sepulturae tradi valerent, de consilio forsitan superiorum suorum, abusum introduxerunt, ut maiorem scilicet eleemosynam exigerent ab illis, qui in ecclesiis dicti Ordinis sepeliebantur, quam si in propriis ecclesiis sepelirentur, ita ut christifideles, qui in ecclesiis huiusmodi sepeliri desiderabant,

¹ Paulus V edidit constitutionem quam est supra tom. XI, pag. 508, cuius summa hic refertur.

¹ Hanc Urbani VIII constitutionem sero deprehendimus omissam oscitanter fuisse ab editore Mainardi, ideoque eam hic ponimus ex edit. Cherubini, sed referenda foret supra ad pag. 124. Porro constitutio Pauli V quae hic confirmatur, legitur in tom. XI, pag. 508 (R. T.).

parem ad minus parochialibus ecclesiis eleemosynam relinquere debebant, ratione eorum sepulturae, ei¹ quam ecclesiis Ordinis huiusmodi relinquebant, et, quod peius erat, si quis pro animae suae refrigerio nonnullas missas a fratribus praedicti Ordinis celebrandas reliquisset, praetendebant pauperum eleemosynam, ratione missarum huiusmodi relictam, inter ipsos et fratres praedictos dividendam esse, et ulterius iidem rectores, de mandato forsam Ordinarium suorum, filios (quorum patres in ecclesiis dictorum fratrum et monialium sepulti erant, aut sepulturam particularem pro se et suis habebant), nullâ consuetudine legitimâ suffulti, in eorum parochialibus ecclesiis sepeliri, et dictos patres ad hoc ut in dictis parochialibus ecclesiis sepelirentur cogere et compellere contendebant, et quotquot fratres regulares ad sepulturam ecclesiasticam in suas regulares ecclesias comitabantur, tot sacerdotes seculares aut clericos assumi volebant, in maximum domorum monasteriorum dicti Ordinis praeiudicium, eo quod multi, duplicis huiusmodi funerum impensae difficultate deterriti, in dictis regularibus ecclesiis sepulturam eligere non poterant; unde fiebat, ut dicti Ordinis ecclesias mortuorum sepulturis et consequenter eleemosynis, quae in suffragium animarum fieri consueverant, paulatim destitutas iri verendum erat) idem praedecessor, supplicationibus sibi desuper tunc porrectis inclinatus, et abusus huiusmodi e medio tollere, ac praedicti Ordinis eiusque religiosorum, ut maiores in vineâ Domini fructus afferre studerent, commoditatibus prospicere cupiens, de consilio venerabilium fratrum nostrorum, tunc suorum, S. R. E. cardinalium consultationibus et negotiis episcoporum et regularium praepositorum, omnibus et singulis parochialium ecclesiarum in partibus Indiarum

¹ Erronee ut puto edit. Cherub. legit ea (R. T.).

tam occidentalium quam orientalium rectoribus tunc et pro tempore existentibus interdixit, prohibuitque, ne, sub excommunicationis maioris latae sententiae poenâ, a qua nonnisi¹ ab ipso Romano Pontifice pro tempore existente, nisi in mortis articulo, absolvi possent, ex tunc deinceps perpetuis futuris temporibus maiorem eleemosynam ab iis, qui in dictarum domorum utriusque sexus Ordinis S. Francisci ecclesiis sepulturam eligebant et sepeliebantur, eâ, quam illis praescribit Concilium Tridentinum, sess. xxv, cap. xiii (iuxta explicationem a pia memoriae Pio Papa V praedecessore nostro, sub datum Romae apud S. Petrum, anno Incarnationis Dominicae MDLXVII, vii¹ kalendas iunii, pontificatus sui anno ii), quovis praetextu aut occasione, etiam de consilio, consensu et mandato suorum Ordinarium, exigere, nec filios, quorum patres in ecclesiis dictorum fratrum et monialium sepulti erant, aut sepulturam particularem pro se et suis habebant, in eorum parochialibus ecclesiis sepeliri, et dictos patres ad hoc ut in dictis parochialibus ecclesiis sepelirentur cogere valerent seu praesumerent: mandans propterea dilectis filiis causarum curiae camerae apostolicae generali auditori, ac earumdem Indiarum Societatis Iesu provincialibus pro tempore existentibus, quatenus ipsi, vel duo, aut unus eorum, per se, vel alium, seu alios, ubi et quando opus foret, et quoties pro parte superiorum et fratrum cuiuscumque domus et monasterii dicti Ordinis fuissent requisiti, vel eorum aliquis fuisset requisitus, praedictas litteras et in eis contenta quaecumque solemniter publicantes, eisque in praemissis efficacis defensionis praesidio assistentes, facerent apostolicâ auctoritate illorum omnium et singulorum effectum pacifice frui et gaudere; non permittentes eos desuper a quoquam, quavis

¹ Forsan legend. xvii, ut t. vii, p. 584 a (R. T.).

auctoritate, quomodolibet indebite molestari; contradictores quoscumque, et praemissis non parentes, eisque auxilium, consilium vel favorem, publice vel occulte, directe vel indirecte, dantes, per censuras ecclesiasticas, aliaque opportuna iuris et facti remedia, appellatione postposita, compescendo; invocato etiam ad hoc, si opus foret, brachii secularis auxilio, et aliàs, prout in dictis litteris plenius continetur¹.

Nunc Urbanus
ex causâ hic
expressâ.

§ 2. Cum autem, sicut exhibita nobis nuper pro parte dilecti filii fratris Ioannes Baptistae Sanchez moderni custodis provinciae Carthaginensis ac secretarii et in Romanâ Curia procuratoris dicti Ordinis petitio continebat, rerum usu comperitum fuerit, quod praedicti provinciales (qui adeo pauci et propter negotiorum multitudinem detenti existunt, ac etiam propter locorum, in quibus pro tempore commorantur, distantiam, tum etiam ex eo quod provinciales prefati, nullos notarios, quorum operâ praedictae litterae et in eis contenta praemissis contrafacientibus intimari, illaque adimpleri facere possint, habentes, notariorum Ordinariorum locorum parochis potius quam praedictis religiosis adhaerentium operâ uti cogantur, quo sit ut dictarum litterarum executio non ita facile reportari possit) praemissis difficile intendere possint, id vero in grave maximumque dictorum religiosorum incommodum cedat; et, si praedictae litterae ac in eis contenta nobis committentur², multo facilius et citius dictarum litterarum executionem reportare possent; quare pro parte dicti Ioannis Baptistae nobis fuit humiliter supplicatum, quatenus praedictorum religiosorum indemnitati, ac aliàs, in praenissis opportune providere de benignitate apostolicâ dignaremur:

¹ Quas vide loco citato in notâ ad rubricam (R. T.).

² Forsan legendum committerentur (R. T.).

§ 3. Nos igitur, eundem Ioannem Baptistam ac Ordinis huiusmodi singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodati existunt, ad effectum praesentium dumtaxat consequendum, harum serie absolventes et absolutos fore censes, necnon dictarum litterarum et inde legitime secutorum quorumcumque tenores ac datum praesentibus pro expressis habentes, huiusmodi supplicationibus inclinati, discretioni vestrae per apostolica scripta mandamus, quatenus vos, vel duo, aut unus vestrum, si et postquam dictae litterae vobis praesentatae fuerint, ad illarum executionem, servatâ aliàs earum formâ, auctoritate nostrâ procedatis, illasque exequamini et in eis contenta quaecumque adimpleri faciatis in omnibus et per omnia, perinde ac si illae vobis et non praedictis provincialibus a principio directae fuissent.

Praedictam
Constitutionem
comprobat, no-
vosque exequa-
tores deputat.

§ 4. Non obstantibus omnibus iis, quae dictus Paulus praedecessor in dictis litteris voluit non obstat, ceterisque contrariis quibuscumque.

Contrariusque
derogat.

Datum Romae, apud S. Petrum, anno Incarnationis Dominicae MDCXXIV, XII kalendas aprilis, pontificatus nostri anno II¹.

Dat. die 21 martii 1624, pontif. anno I.

CLXXXVIII.

Confirmatio decreti Congregationis Concilii, quo statuitur, ut archidiacono ecclesiae Vilnensis, visitanti dioecesim nomine episcopi, non debeantur nec condonentur distributiones quotidianae².

¹ Sed vel legend. anno I vel MDCXXV (R. T.).

² Ex regest. in Secret. Brev.

Urbanus Papa VIII,
ad perpetuam rei memoriam.

Decretum
Congregationis
Concilii de quo
in rubrica.

Exponi nobis nuper fecerunt dilecti filii capitulum ecclesiae Vlnensis, quod nuper a venerabilibus fratribus nostris sanctae Romanae Ecclesiae cardinalibus sacri Concilii Tridentini interpretibus emanavit decretum tenoris subsequentis, videlicet:

Illustrissimi et Reverendissimi domini.

Capitulum Vlnense supplicat sacrae Congregationi, ut dignetur declarare: an archidiaconus visitans dioecesim lucretur distributiones quotidianas pro tempore quo ob eandem visitationem abest a servitio eius ecclesiae cathedralis; an vero fructus tantum praebendae, quae est satis pinguis?

Item, an capitulum possit eidem archidiacono, ut proponitur, absentem condonare dictas distributiones, nec ne?

Sacra congregatio cardinalium Concilii Tridentini interpretum ad primum respondit, lucrari fructus praebendae, non autem distributiones quotidianas. Ad secundum: Non posse.

COSMUS cardinalis DE TORRE.
PROSPER FAGNANUS.

Loco † sigilli.

Quod confirmari petiatur.

§ 2. Cum autem, sicut eadem expositio subiungebat, capitulum praedicti plurimum cupiant decretum praecursorum huiusmodi, pro firmiori illius subsistentia, inviolabilique observantia, apostolicae nostrae confirmationis robore communiri:

Confirmatur.

§ 3. Nos, capitulum huiusmodi specialis gratiae favore prosequi volentes, et eius singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatae existunt, ad effectum

1 Sic habet edit. Main. (R. T.).

praesentium dumtaxat consequendum, harum serie absolventes et absolutas fore censentes, supplicationibus capituli huiusmodi nomine nobis super hoc humiliter porrectis inclinati, decretum praecursorum huiusmodi, apostolicam auctoritate, tenore praesentium, perpetuo approbamus et confirmamus, illique inviolabilis apostolicae firmitatis robur adicimus, ac omnes et singulos tam iuris quam facti defectus, si qui desuper quomodolibet intervenerint, supplemus.

§ 4. Decernentes, praedictum decretum necnon praesentes litteras valida, firma et efficacia esse et fore, suosque plenarios et integros effectus sortiri et obtinere, ac dictae ecclesiae, eiusque capitulo huiusmodi in omnibus et per omnia plenissime suffragari; sicque, et non aliter, per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Clausulae.

§ 5. Non obstantibus quibusvis constitutionibus et ordinationibus apostolicis, ac quibuscumque (etiam iuramento, confirmatione apostolica, vel quavis firmitate alia roboratis) statutis et consuetudinibus, privilegiis quoque, indultis et litteris apostolicis, quibusvis personis, sub quibuscumque tenoribus et formis, ac cum quibusvis etiam derogatoriis derogatoriis, aliisque efficacioribus et insolitis clausulis, necnon irritantibus et aliis decretis, in genere vel in specie, ac aliis in contrarium praemissorum quomodolibet et quodcumque emanatis, ac respective concessis, confirmatis et innovatis. Quibus omnibus et singulis, etiam si de illis specialis, specifica, expressa et individua, ac de verbo ad verbum, non autem per clausulas generales idem importantes, mentio seu quavis alia expressio habenda esset, illorum

Obstantium derogatio.

omnium et singulorum tenores praesentibus pro plene et sufficienter expressis et insertis habentes; illis aliàs in suo robore permansuris, hac vice dumtaxat, specialiter et expresse derogamus, ceterisque contrariis quibuscumque.

Datum Romae, apud S. Petrum, sub annulo Piscatoris, die xxviii decembris mdcxxv, pontificatus nostri anno iii.

Dat. die 28 decembris 1625, pontif. an. iii.

CLXXXIX.

Erectio montis non vacabilis salis cum annuo redditu scutorum sex pro quolibet loco et amplissimis privilegiis¹.

Urbanus Papa VIII,
Motu proprio, etc.

Urbanus salis
vertigal in Sta-
tu Ecclesiastico
auctorat.

Quamvis ab initio nostri pontificatus, inter multiplices nostri pastoralis officii curas, ea praecipue nobis cordi esset, per quam camera nostra apostolica ab aere alieno, quo gravata reperitur, et populi nostrae temporali ditioni subiecti ab eis, quae sufferunt, oneribus aliquando sublevarentur et liberarentur: nihilominus huiusmodi nostrum propositum, ob christianorum principum discordias et bellorum motus nunc vigentes, non solum non potuimus executioni demandare, verum etiam pro Status nostri Ecclesiastici, et populorum praedictorum tutelâ et defensione ab exercituum incursione, et aliis imminentibus periculis, novum subsidium duorum quaternorum pro qualibet librâ salis ordinarii et extraordinarii, quod in alma Urbe nostrâ, ac civitatibus Bononiae et Ferrariae, aliisque civitatibus et locis eidem ditioni nostrae mediate et

¹ De sale habes Const. xix Pii V, *Dum ad uberes*, tom. vii, pag. 468; et Const. Lxxv Gregorii XIII, *Ex incumbenti*, tom. viii, pag. 193, quas confirmavit et ampliavit Clemens VIII in Const. clviii, *Frumenti*, tom. x, pag. 373.

immediate subiectis, venditur, per chirographum manu nostrâ sub die viii mensis ianuarii proxime praeteriti subsignatum, magnâ cum animi nostri displicentiâ, imponere coacti fuimus, et modo dictum aes alienum augere cogimur et docemur, quanti referat in quae tempora quisquis incidat.

§ 1. Ad congerendam itaque pro ingentibus sumptibus per nos hisce temporibus fieri necessariis aliquam notabilem pecuniarum summam, super subsidio huiusmodi sic per nos imposito, ac aliis dictae camerae infra dicendis introitibus, novum montem quatuor millium septingentorum locorum non vacabilium et resignabilium annui redditus scutorum sex monetae pro quolibet loco, ut infra, erigere deliberavimus.

§ 2. Motu itaque simili ac ex certâ scientiâ nostrâ, deque apostolicae potestatis plenitudine, montem non vacabilem salis nuncupandum quatuor millium septingentorum locorum seu portionum resignabilium, ad instar aliorum locorum montium, et nunquam vacabilium, ad rationem scutorum centum similium pro quolibet loco, cum annuo redditu seu fructu dictorum scutorum sex monetae pro quolibet loco futuris montistis et creditoribus pro tempore existentibus praedicti montis salis quolibet bimestri in fine pro ratâ hic Romae libere et absque ullâ prorsus exceptione persolvendorum, incipiendo a kalendis praesentis mensis iulii anni mdcxxv, auctoritate apostolicâ, tenore praesentium, erigimus et instituimus.

§ 3. Et pro huiusmodi montis sic erecti et instituti congruâ dote et fructibus annuam summam scutorum viginti octo millium et ducentorum similium, videlicet scutorum decem et septem millium trecentorum septuagintaquatuor ex dicto subsidio per nos, ut praefertur, imposito (quod, quatenus opus sit, confirmamus),

Motu ad con-
gerendam pecu-
niam.

Montem non
vacabilem salis
per huiusmodi
vertigalis red-
ditibus erigit.

Datum consti-
tuit.

reliquorum vero decem millium octingen-
torum vigintisex scutorum ex annuis cen-
sibus et responsionibus dohanarum et the-
saurariae Patrimonii, thesaurariae Mar-
chiae, postarum Status nostri Ecclesiastici,
cancellariorum et secretariorum dicti Sta-
tus, datii vini Bononiae, gabellae quatreni
ad libram carnis dicti Patrimonii et pro-
vinciae Campaniae, ac carnis suinae et
subsidiū Umbriae, pro illis respective ratis
quae pro alicuius debiti solutione nondum
applicatae sunt, per dilectum filium ma-
gistrum Hieronymum Vidonum thesaura-
rium nostrum generalem depositario dicti
montis salis assignandam, et respective
per salariae almae Urbis et aliorum supra
expressorum praedictae camerae introitu-
um conductores pro tempore existentes
libere et absque ullā prorsus exceptione
et diminutione de bimestri in bimestre
anticipate pro ratā, iuxta mandata per
dictum thesaurarium eis facienda, persol-
vendam, ab ipsā camerā pari motu dis-
membramus et separamus; eandemque
summam praedictorum annuorum scuto-
rum vigintiocto millium et ducentorum
sic dismembratam et separatam, liberam,
immunem et exemptam ab omni et quo-
cumque ordinario et extraordinario onere,
ex quavis causā hactenus imposito vel pro
tempore imponendo, praedicto monti salis
applicamus, appropriamus, concedimus et
assignamus, ac ut supra persolvi manda-
mus; venditionemque dictorum quatuor
millium septingentorum locorum dicti mon-
tis per eundem Hieronymum thesaura-
rium de mandato nostro sub die in praes-
entis mensis iulii, per acta pariter dilecti
filii Dominici Fontbiae eiusdem camerae
notarii, pro pretio scutorum quatuor cen-
tum septuagintaquatuor millium ducento-
rum quinquaginta monetae, dilecto filio
Marcello Sacchetto factam, cum omnibus
pactis et conventionibus in illius instru-
mento contentis, cuius instrumenti teno-

rem praesentibus haberi volumus pro ex-
presso, confirmamus et approbamus; man-
damusque secretario eiusdem montis, ut
resignationes eorundem locorum, per di-
ctum thesaurarium seu praedictum Mar-
cellum respective faciendas, libere reci-
piat et admittat, litterasque patentes ad
favorem tam dicti Marcelli, quam eorum,
qui ab eo dicta loca ement, pro primā
vice gratis ubique et absque ipsius secre-
tarii et compulstae dicti montis Mercedis,
pietatisque carceratorum, abundantiae et
collegii gabellā seu emolumentorum so-
lutione, quibuscumque eorum concessio-
nibus et privilegiis non obstantibus, ex-
pediat.

§ 4. Insuper praedictum montem salis
et illius montistas pro tempore existentes
specialibus favoribus et gratis prosequi
volentes, statuimus, decernimus et or-
dinamus. Quod loca eiusdem montis et
eorum pretium et fructus pro quibusvis
excessibus et delictis, etiam rebellionis,
proditionis, assassinii, sacrilegii, laesae
maiestatis et aliorum criminum, quantum-
vis gravium et enormium, non tamen in
personam Romani Pontificis, aut alicuius
ex sanctae Romanae Ecclesiae cardinali-
bus commissorum, minusque ex capite
spoliorum confiscari, incamerari, aut fisco,
seu dictae camerae applicari, seu incor-
porari, minusque eorundem locorum fru-
ctus quoquo modo et ad instantiam cu-
iusvis personae, etiam dictae camerae,
sequestrari possint, ad instar montis reli-
gionum, ac omnibus et singulis aliis pri-
vilegiis, exemptionibus, gratiis, facultati-
bus et indultis, quibus praedictus mons
religionis, ac fidei, alumeriarum, subsidii
triennalis, S. Bonaventurae, et alii montes
camerales non vacabiles et illorum mon-
tistae utuntur, potiuntur et gaudent, ac
quomodocumque in futurum utentur et
gaudebunt, etiamsi notam magis specialem
requirerent, quam praesentibus est ex-

Privilegiū
et exemptiones
montistis con-
cedit.

pressum, praedictus mons salis sic erectus et illius montistae pariformiter uti, potiri et gaudere possint et debeant: Quodque mons ipse et illius loca redimi seu extinguere non possint, nisi post lapsum quinque annorum a datâ praesentium proximiorum, et in casu extinctionis seu redemptionis dictorum locorum post dictum quinquennium, illorum extractio fieri debeat de more, et ad instar aliorum locorum montium; montistae vero extracti pretium locorum extractorum ad rationem scutorum centum monetae pro quolibet loco recipere teneantur, et, si neglexerint per quindecim dies post publicatam extractionem pretia dictorum locorum extractorum ad rationem praedictam recipere, eis pro dictis locis extractis fructus amplius non currant, et dicta pretia penes depositarium praedicti montis risico et periculo et fortunâ eorundem montistarum sic extractorum remaneant iisdem ad eorum requisitionem consignanda:

Hunc montem ab omnibus omnino oneribus liberat,

§ 5. Quodque respectu fructuum et emolumentorum ad rationem praedictam dicto monti assignatorum praedictus mons et illius loca nullis omnino diminutionibus, reductionibus, retentionibus et quibuscumque aliis contrariis dispositionibus, etiam praetextu urgentis necessitatis seu etiam evidentis utilitatis Sedis et Camerae Apostolicae, ex quavis causâ cogitatâ vel incogitatâ et de necessitate exprinnendâ, durante dicto quinquennio subiaceant vel obnoxia sint, sed ab illis semper excepta intelligantur et cum effectu sint, nec aliquis ex ipsius montis creditoribus et montistis, illorumque haeredes et successores quicumque, seu ab eis quomodolibet causam habentes et habituri super locis et portionibus et illorum integris fructibus et emolumentis praedictis, quoquo modo turbari vel impediri, minusque ipsi ad pecunias in ipso monte positas et erogatas aut aliquam illarum partem in neces-

sitatem seu utilitatem dictae camerae, aut alias quasvis causas conversas fuisse vel esse, aut aliqua alia etiam necessaria et requisita in iudicio vel extra illud probandum, deducendum, aut aliâs quomodolibet verificandum, ullo unquam tempore cogi possint, nec teneantur, minusque aliqua contraria probatio admitti vel obesse queat.

§ 6. Et, pro praemissorum omnium et singulorum observatione et manutentione, ac quacumque dicti montis sic per nos erecti et illius locorum quorumcunque evictione et defensione generali et particulari, dictam cameram nostram apostolicam, illiusque introitus, redditus et bona, ac iura omnia generaliter, specialiter et expresse, ita tamen quod specialitas generalitati non deroget, nec e contra, in ampliori eiusdem camerae formâ obligamus et hypothecamus.

Cameram apostolicam pro evictione obligat.

§ 7. Et, ut mons praedictus sic per nos erectus recte gubernetur et regatur, eundem Hieronymum et alios pro tempore existentes thesaurarios generales protectores dicti montis, cum facultate deputandi ad vitam vel ad tempus, prout sibi magis benevisum fuerit, in secretarium et computistam dicti montis personas sibi benevisas, cum emolumentis per secretarium et computistam dicti montis religionum percipi solitis, et cum aliis facultatibus solitis et consuetis; depositarium vero eiusdem montis praedictum Marcellum Sacchetti, qui de solvendo fructus dicti montis cuilibet montistae eiusdem montis salis, modo et formâ, et prout eidem Hieronymo thesaurario visum fuerit, se obligare debeat, ad nostrum et successorum nostrorum Romanorum Pontificum beneplacitum, earundem tenore praesentium, constituimus et deputamus.

Thesaurarium eius camerae huius montis pro electione indicat

§ 8. Decernentes, praesentem nostri motus proprii cedulam, omniaque et singula praemissa, inviolabiliter, donec mons

Clauſula

ipse duraverit, observari, vimque et efficaciam habere, suosque plenarios et integros effectus sortiri et obtinere debere; etiamsi nunquam in dictâ camerâ, et illius libris admittantur et registrentur; minusque contra illa de subreptionis vel obreptionis vitio, aut defectu nostrae intentionis, vel quovis alio vitio, defectu, aut nullitate dici vel opponi posse; sicque et non aliâs per quoscumque iudices etc., etiam congregationem montium, thesaurarium, praesidentes, clericos eiusdem camerae palatii apostolici et ipsius camerae auditores, necnon sanctae Romanae Ecclesiae cardinales, etiam camerarios et de latere legatos (sublatâ eis et eorum cui-libet quavis aliter iudicandi et interpretandi facultate et auctoritate), iudicari et definiri debere, ac irritum et inane quidquid secus super his a quoquam, quavis auctoritate, scienter vel ignoranter, contigerit attentari.

Derogatio
contrariorum.

§ 9. Non obstantibus praemissis, ac felicitis recordationis Symmachi, Pauli II, Pauli IV, Pii V et aliorum Romanorum Pontificum praedecessorum nostrorum de rebus Ecclesiae et camerae non alienandis, et de registrando, ac quibusvis aliis constitutionibus et ordinationibus apostolicis, ac etiam iuramento et alio quovis robore vallatis statutis et reformationibus Urbis et camerae praedictae, privilegiis quoque, indultis et litteris apostolicis, quibusvis concessis, approbatis et innovatis, decretis etiam consistorialibus, consuetudinibus, ceterisque contrariis dispositionibus: quibus omnibus et singulis, etiamsi pro illorum sufficienti derogatione etc., illorum tenores praesentibus pro plene et sufficienter ac de verbo ad verbum expressis et insertis habentes, illis aliâs in suo robore permansuris, hac vice dumtaxat specialiter et expresse derogamus.

Exemplis dan-
da fides.

§ 10. Volumus insuper et decernimus, quod praesentis nostri motus proprii ce-

dulae sola signaturâ nostra sufficiat, etiam absque aliâ datâ et registratâ, et ubique in iudicio et extra tam illa quam eius transumpta, etiam impressa, per aliquem ex camerae apostolicae notariis subscripta, sigilloque dicti thesaurarii munita, fidem faciant, ac si cedula originalis ipsa exhibita foret; et nihilominus litterae, tam in formâ Brevis quam sub plumbo, quando-cumque expediri possint cum clausulis opportunis et extensionibus amplissimis, regulâ quacumque, ceterisque contrariis nequaquam obstantibus.

URBANUS PAPA VIII.

CXC.

Deputatio Torquati de Comitibus in praefectum generalem armorum, necnon tormentorum bellicorum, et militum quos pro recuperatione fortalitorum et aliorum locorum Vallis Tellinae comitatus Bormii conscribi contigerit, cum facultate recipiendi fortalitia, loca et arma in depositum nomine Sedis apostolicae¹.

Dilecto filio nobili viro
Torquato de Comitibus duci Guadagnoli
Urbanus Papa VIII.

Dilecte fili nobilis vir,
salutem et apostolicam benedictionem.

§ 1. Singularibus tuae in nos et Apostolicam Sedem fidei et devotionis meritis, generis nobilitate coniunctis, et, quam in re militari hactenus ostendisti, virtute, solertiâ et fortitudine inducimur, ut praecipua tibi militaria munera committamus, sperantes in Domino, te in muneribus huiusmodi administrandis votis nostris cumulate responsurum.

Torquati vir-
tus, relique mi-
litaris scientia.

§ 2. Motu itaque proprio, et ex certâ scientiâ ac maturâ deliberatione nostris, et dilecti filii nobilis viri Caroli Barberini nostri secundum carnem fratris ger-

Et committi-
tur, ut Vallem
Tellinam nomi-
ne Sedis Apo-
stolicae reci-
piat.

¹ Ex Regest. in Secret. Brevium.

mani totius nostrae et sanctae Romanae Ecclesiae militiae gubernatoris generalis locumtenentem generalem militum et copiarum tam equestrium quam pedestrium, necnon tormentorum bellicorum, armorumque omnium, quae pro fortalitorum, sive propugnaculorum Vallis Tellinae, comitatus Bormii, ac oppidi Chiavennae, aliorumque locorum, quae in felicitis recordationis Gregorii Papae XV, praedecessoris nostri, sive nostris et Sedis Apostolicae manibus deposita fuerunt, recuperatione conscribi et moveri respective contigerit, cum omnibus et singulis praerogativis, auctoritatibus, iurisdictionibus, facultatibus, provisionibus, emolumentis, praerogativis, iuribus, honoribusque et oneribus solitis et consuetis ad praefecti generalis huiusmodi officium de iure vel consuetudine, aut ex speciali gratia, vel alias quomodolibet spectantibus et pertinentibus, apostolicam auctoritate, tenore praesentium, ad nostrum et Sedis Apostolicae beneplacitum facimus, constituimus et deputamus.

Cum facultatibus ad hoc necessariis.

§ 3. Tibique, ut propugnacula, sive fortalitia, oppida vel loca, quae recuperari contigerit, cum omnibus et singulis tormentis, armis, aliisque quibuscumque munitionibus et supellectilibus in illis existentibus, in depositum nostro et Sedis Apostolicae nomine, et titulo depositi, recipere, in iisdemque propugnaculis, sive fortalitiis, oppidis, vel locis recuperatis tot milites praesidiarios, necnon capitaneos et officiales (nobis et Apostolicae Sedi subditos dumtaxat, et non alteri), quot tibi pro illorum securitate et custodia necessarii esse videbuntur, collocare, necnon officialibus tuis et praesidio seu praesidiis ea ordinare, praecipere et mandare, quae pro fideli eorumdem propugnaculorum, sive fortalitorum, oppidorum et locorum custodia necessaria erunt et opportuna, omni vigilantia et prudentia militari, et,

si opus fuerit, alios milites ex Statu nostro Ecclesiastico pro praesidiorum supplemento, sive pro subsidio, conscribere et convocare, ceteraque omnia et singula, quae pro disciplinae militaris, ac propugnaculorum sive fortalitorum, oppidorum vel locorum huiusmodi conservatione et custodia, ac aliis in praemissis, et circa ea, necessaria et quomodolibet opportuna tibi esse videbuntur (etiam si talia sint vel fuerint, quae magis specialem, specificam et expressam requirerent mentionem), et quae tu facere potes, similiter facere, dicere, gerere et exequi libere et licite valeas, auctoritate et tenore praedictis, plenam, liberam, amplam et absolutam facultatem, potestatem et auctoritatem concedimus et impartimur.

§ 4. Mandantes propterea omnibus et singulis, tam particularibus capitaneis equitum et peditum militum et copiarum huiusmodi, quam ipsis equitibus et peditibus, ceterisque ad quos spectat, ut te in praefectum generalem huiusmodi debito cum honore iuxta tenorem praesentium recipiant et agnoscant, ac in omnibus illis, quae pro tempore mandanda duxeris, efficaciter pareant et obediant; dilectis vero filiis nostro et sanctae Romanae Ecclesiae camerario ac thesaurario et depositario generalibus, ut tibi de provisionibus, stipendiis et emolumentis praedictis suo tempore cum effectu respondeant, ac ab omnibus responderi curent et faciant. In contrarium facientibus non obstantibus quibuscumque.

Mandatum de parendo.

§ 5. Volumus autem, ut, de hoc praefecti generalis officio fideliter exercendo in manibus nostris, aut nostri et Sedis Apostolicae in civitate Ferrariae de latere legati, debitum praestes in forma solita iuramentum.

Iuramentum ab eo praestandum.

Datum Romae, apud S. Petrum, sub annulo Piscatoris, die xiv ianuarii mdcxxvi, pontificatus nostri anno iii.

Dat. die 14 ianuarii 1626, pontif. anno iii.

CXCI.

Sequitur subrogatio Ioannis Baptistae Nari in locum Torquati de Comitibus locumtenentis generalis militiarum, armorum et propugnaculorum Vallis Tellinae in eventum recuperationis Comitatus Bormii¹.

Dilecto filio Ioanni Baptistae Naro, fratri hospitalis S. Ioannis Hierosolymitani,

Urbanus Papa VIII.

Dilecte fili,
salutem et apostolicam benedictionem.

Ioannes Baptista Nari fides, aliaque merita.

§ 1. Singularibus tuae in nos et Apostolicam Sedem fidei et devotionis meritis, et, quam in re militari hactenus ostendisti, virtute, solertia et fortitudine inducimur, ut praecipua tibi militaria munera committamus, sperantes in Domino fore, ut in muneribus huiusmodi obeundis nostrae de te expectationi cumulate respondeas.

Reconsentur Torquati de Comitibus facta deputatio.

§ 2. Cum itaque hodie dilectum filium Torquatum de Comitibus nobilem romanum militiarum et copiarum tam equestrium quam pedestrium, necnon tormentorum bellicorum, armorumque omnium, quae pro fortalitorum sive propugnaculorum Vallis Tellinae comitatus Bormii ac oppidi Chiavennae, aliorumque locorum, quae in felicitis recordationis Gregorii Papae XV praedecessoris nostri, sive nostris et Sedis Apostolicae manibus deposita fuerant, recuperatione conscribi et moveri respective contigerit, locumtenentem generalem cum facultatibus, ac sub certis modo et forma tunc expressis, apostolica auctoritate ad nostrum et Sedis Apostolicae beneplacitum fecerimus, constituerimus et deputaverimus, prout in nostris desuper in simili forma Brevis expeditis litteris, quarum tenores praesentibus pro

expressis haberi volumus, plenius continetur:

§ 3. Nos, si quid humanitus eidem Torquato eveniat, aut ipsum Torquatum, quominus muneri huiusmodi vacare queat, quomodolibet impediri, seu eum per nos ad alia munia obeunda designari contingat, felici militiarum et armorum huiusmodi regimini, quantum cum Domino possumus, consulere volentes, motu proprio et ex certa scientia ac matura deliberatione nostris, deque apostolicae potestatis plenitudine, te in omnes et singulos eventus praedictos, militum et copiarum, necnon tormentorum bellicorum, ac armorum omnium praedictorum locumtenentem generalem in locum dicti Torquati cum omnibus et singulis praeeminentibus, auctoritatibus, iurisdictionibus, facultatibus, provisionibus, emolumentis, praerogativis, iuribus, honoribusque et oneribus solitis et consuetis ad locumtenentis generalis huiusmodi officium de iure vel consuetudine, aut ex speciali gratia, vel aliis quomodolibet spectantibus et pertinentibus, auctoritate apostolica, tenore praesentium, per modum provisionis, facimus, constituimus et deputamus.

Ei substituitur Ioannes Baptista Narius.

§ 4. Tibique, ut propugnacula, sive fortalitia, oppida vel loca, quae recuperari contigerit, vel recuperata fuerint, cum omnibus et singulis tormentis, armis, aliisque quibuscumque munitionibus et suppellectilibus in illis existentibus, in depositum nostro et Sedis Apostolicae nomine, et titulo depositi, recipere, in iisdemque propugnaculis, sive fortalitiis, oppidis vel locis recuperatis tot milites praesidiarios, necnon capitaneos et officiales (nobis et Apostolicae Sedi¹ subditos dumtaxat, et non alteri), quot tibi pro illorum securitate et custodia necessaria esse videbuntur, collocare, necnon officialibus, quo-

Cum iisdem facultatibus.

¹ Ex Regesf. in Secret. Brev.

¹ Edit. Main. legit *Sedis* (n. r.).

cumque nomine nuncupatis, et praesidio ea ordinare, praecipere et mandare, quae pro fidei eorundem propugnaculorum, sive fortalitorum, oppidorum et locorum custodiâ necessaria erunt et opportuna, omni vigilantia et prudentia militari, et, si opus fuerit, alios milites ex Statu nostro Ecclesiastico pro praesidiorum supplemento, sive pro subsidio, conscribere et convocare, ceteraque omnia et singula, quae pro disciplinae militaris, ac propugnaculorum seu fortalitorum, oppidorum vel locorum huiusmodi conservatione et custodiâ, ac aliâs in praemissis, et circa ea, necessaria et quomodolibet opportuna tibi videbuntur, etiamsi talia sint vel fuerint, quae magis specialem, specificam et expressam requirent mentionem, et quae tu facere potes, similiter facere, gerere, et exequi libere et licite valeas, auctoritate et tenore praedictis, plenam, liberam, amplam et absolutam facultatem, potestatem et auctoritatem concedimus et impartimur.

Mandatum de
parentulo.

§ 4. Mandantes propterea omnibus et singulis, tam particularibus capitaneis equitum et peditum militum et copiarum huiusmodi, quam ipsis equitibus et peditibus, ceterisque ad quos spectat, ut te in eventus praedictos in locum tenentem generalem huiusmodi debito cum honore, iuxta tenorem praesentium, recipiant et agnoscant, ac in omnibus illis, quae pro tempore mandanda duxeris, efficaciter pareant et obediant; dilectis vero filiis nostro et sanctae Romanae Ecclesiae camerario ac thesaurario et depositario generalibus, ut tibi de provisionibus, stipendiis et emolumentis praedictis suo tempore cum effectu respondeant, ac ab omnibus responderi curent et faciant. In contrarium facientibus non obstantibus quibuscumque.

Iuramentum
ab eo praestandum

§ 5. Volumus autem, ut, de hoc locum tenentis generalis officio fideliter exercen-

do, in manibus nostris, aut nostri et Sedis Apostolicae in civitate nostra Ferrariensi de latere legati, debitum praestes in forma solita iuramentum.

Datum Romae, apud S. Petrum, sub annulo Piscatoris, die xiv ianuarii MDCXXVI, pontificatus nostri anno III.

Dat. die 14 ianuarii 1626, pontif. an. III.

CXCII.

Quod fratres Reformati Discalceati Ordinis Sanctissimae Trinitatis Redemptionis captivorum Hispaniae, in Africa et aliis turcarum partibus possint celebrare super altare portatili, et antequam illucescat dies, ac etiam absolute fideles a casibus reservatis, necnon eisdem indulgentias impartiri.

Urbanus Papa VIII,
ad perpetuam rei memoriam.

Cum, sicut dilectus filius procurator generalis fratrum Discalceatorum nuncupatorum Ordinis Sanctissimae Trinitatis Redemptionis captivorum congregationis Hispaniarum nobis nuper exponi fecit, quod² congregatio praedicta, iuxta laudabile ipsius institutum, eius religiosos in Africam, ut christifideles inibi³ sub misera turcarum servitute constitutos, quos possunt ab illâ eximere, quaerant, eosque in Domino consolentur, ecclesiastica sacramenta illi administrent, ac eorum denique animarum saluti, quibus possunt, rationibus incumbere valeant, mittere intendat⁴:

Causae huius
constitutionis.

§ 1. Nos, ut iidem religiosi in commissio sibi munere huiusmodi ad eorundem christifidelium spirituales fructum utilius sese exercere valeant, supplicatio-

Concessio facultatum;

1 De his fratribus vide in Const. cccii (in h. e. ccciii) Clementis VIII, *Ad militantis*, tom. x, pag. 529.

2 Particula *quod* redundat (R. T.).

3 Edit. Main. habet *inhibi* (R. T.).

4 Edit. Main. legit *intendant* (R. T.).

Celebrandi
super portatili;

Absolvendi a
casibus reuer-
vatis;

Et expressas
hic elargiendi
indulgentias.

nibus eiusdem procuratoris congregationis praedictae nomine nobis super hoc humiliter porrectis inclinati, religiosis mittendis huiusmodi, quod altare portatile cum debita reverentia et honore, super quo in locis Africae dumtaxat, honestis tamen et congruis, etiam non sacratis, et cum temporis qualitas id exegerit, etiam antequam illucescat dies, circa tamen diurnam lucem, in dictorum captivorum et aliorum fidelium in dictis locis degentium praesentia missas et alia divina officia celebrare;

§ 2. Omnesque et singulos eorumdem locorum utriusque sexus christifideles, ipsorum confessionibus diligenter auditis, a quibuscumque excessibus et delictis etiam in Bulla in die Coenae Domini legi solita contentis, ac pro commissis per eos et eorum quemlibet poenitentiam iniungere salutarem;

§ 3. Necnon his, qui peccata sua confessi et de illis corde contriti fuerint, ac sanctissimum Eucharistiae sacramentum sumpserint, quoties id fecerint, toties plenariam omnium et singulorum peccatorum suorum indulgentiam et remissionem misericorditer in Domino elargiri, libere et licite valeant, apostolicam auctoritate, tenore praesentium, facultatem impartimur.

§ 4. Necnon eosdem, qui dura servitute illis in partibus oppressi pro tempore fuerint, quotiescumque ab Ecclesia Romana illius thesauros reserari et generales peccatorum remissiones per Romanos Pontifices, etiam praescripta fidelibus ad illas assequendas formam et statuto tempore in eisdem adiecto, proponi contigerit, cum primum illarum ad eosdem captivos notitia pervenerit, aliqua agendo, quae naturali libertate privatum verisimile est facere, posse illas omnes consequi, quae alii fideles, tempus et formam exacte in illarum concessione tradita observantes, consequerentur, eisdem auctoritate apostolicam et tenore volumus et declaramus.

§ 5. Decernentes, praesentes litteras et in eis contenta quaecumque semper valida, firma et efficacia existere et fore, ac dictae congregationi, illiusque religiosis huiusmodi in omnibus et per omnia plenissime suffragari, ac irritum et inane, si secus super his a quoquam, quavis auctoritate, scienter vel ignoranter, contigerit attentari, in contrarium facientibus non obstantibus quibuscumque.

Datum Romae, apud S. Petrum, sub annulo Piscatoris, die xx ianuarii MDCXXVI, pontificatus nostri anno III.

Dat. die 20 ianuarii 1626, pontif. anno III.

CXCIII.

Confirmatio et approbatio Constitutionis Gregorii XV de electione Romanorum Pontificum, ac caeremonialis continentis illius ritus.

**Urbanus Episcopus,
servus servorum Dei,
ad perpetuam rei memoriam.**

Ad Romani Pontificis providentiam spectare dignoscitur, ut ea, quae salubriter a praedecessoribus suis, praesertim Sedis Apostolicae et universalis Ecclesiae decori et utilitati conducentia, statuta sunt, firma et inconcussa, quantum ex alto conceditur, perseverent.

§ 1. Cum igitur formam in eiusdem Pontificis electione servandam sacrorum conciliorum decretis et variis apostolicis constitutionibus saepius praescriptam felicis recordationis Gregorius Papa XV praedecessor noster pastorali sollicitudine permotus, ut res tanti ponderis postulabat, perfectius dirigendam duxerit constitutione desuper edita, cuius tenor est talis: *Gregorius Episcopus, servus servorum Dei, ad perpetuam rei memoriam. Aeterni Patris filius, magister et legislator Christus Dominus, etc. (Omittitur residuum quod legitur, tom. XII, pag. 619).*

Clausulae.

Prooemium.

Gregorius XV
Constitutionem
edit de electio-
ne Pontificis.

Et deinde caeremoniale format et approbat.

§ 2. Et successive idem Gregorius praedecessor caeremoniale ritus dictae electionis continens de eius mandato compositum confirmaverit, cuius tenor sequitur: *Gregorius Episcopus, servus servorum Dei, ad perpetuam rei memoriam. Decet Romanum Pontificem, etc. (Reliquum huius Constitutionis cum suo caeremoniali habes, ibid., pag. 662):*

Utrumque confirmat Urbanus.

§ 3. Nos, qui, ut rei tam arduae negotium rite et recte procederet et absolveretur, intentis studiis desideravimus, cum primum (nullis licet suffragantibus meritis) ad summi apostolatus apicem assumpti fuimus, animo revolventes, quantam in omnium animis constitutionis exequutio et caeremonialis praedictorum usus approbationem excitavit, ut constitutio et caeremoniale praedicta, nostrâ etiam confirmatione roborata, inviolabiliter semper observentur, providere cupientes, ex merâ animi nostri deliberatione, et de apostolicae potestatis plenitudine, ac de venerabilium fratrum nostrorum sanctae Romanae Ecclesiae cardinalium consilio et assensu, constitutionem et caeremoniale praedicta cum omnibus et singulis in eis et eorum quolibet contentis clausulis et decretis hac nostrâ perpetuo validurâ constitutione, apostolicâ auctoritate, perpetuo confirmamus et approbamus.

Servari quoque mandat.

§ 4. Eaque etiam perpetuo in omnibus futuris Romanorum Pontificum electionibus firmiter et inviolabiliter observari praecipimus et mandamus, ac derogationem in eâdem constitutione dicti Gregorii praedecessoris insertam semper vigere, suamque vim perpetuis futuris temporibus obtinere decernimus.

Contraria tollit.

§ 5. Non obstantibus, quatenus opus sit, eâ in parte, qua praesentibus adversentur, recolendae memoriae Alexandri Papae III similiter praedecessoris nostri in Lateranensi quae incipit: *Licet, de vitanda*, et quibuscumque aliis etiam in universalibus

conciliis editis constitutionibus et ordinationibus apostolicis, et consuetudinibus etiam immemorabilibus, ac omnibus illis, quae dictus Gregorius praedecessor in constitutione et caeremonialis confirmatione praedictis voluit non obstare. Quibus omnibus, etiamsi de illis, eorumque totis tenoribus specialis, specifica et expressa, non autem per clausulas generales idem importantes, mentio seu quaevis alia expressio ad hoc servanda foret, omnium et singulorum tenores, ac si de verbo ad verbum exprimerentur et insererentur, praesentibus pro sufficienter expressis et insertis habentes, illis quoad reliqua omnia, quae constitutioni dicti Gregorii et caeremoniali praedictis, et huic nostro praecepto, mandato et decreto non sunt repugnantia, in suo robore permansuris, harum serie de simili plenitudine potestatis derogamus et derogatum esse volumus, et hanc nostram derogationem suam pariter effectum perpetuo consequi iubemus, ceterisque contrariis quibuscumque.

Clausulae.

§ 6. Nulli ergo omnino hominum liceat, hanc paginam nostrae confirmationis, approbationis, praecepti, mandati, decreti, derogationis, voluntatis et iussionis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursurum.

Datum Romae, apud S. Petrum, anno Incarnationis Dominicae MDCXXV¹, quinto kalendas februarii, pontificatus nostri anno III.

Dat. die 28 ianuarii 1626, pontif. anno III.

✠ EGO URBANUS

CATHOLICAE ECCLESIAE EPISCOPUS.

Papae subscriptio.

† Ego Franciscus Maria episcopus Ostiensis, sanctae Romanae Ecclesiae car-

Et cardinalium subscriptiones.

¹ Ita etiam ed. Cherubin.; sed vel MDCXXVI legendum, vel pontif. anno II (N. T.).

- dinalis a Monte, promitto, voveo et iuro.
- † Ego Octavius episcopus Portuensis, sanctae Romanae Ecclesiae cardinalis Bandinus, promitto, voveo et iuro.
- † Ego Ioannes Baptista episcopus Albanensis, sanctae Romanae Ecclesiae cardinalis Detus, promitto, voveo et iuro.
- † Ego B. episcopus Sabinensis, cardinalis Bevilacqua, promitto, voveo et iuro.
- † Ego A. episcopus Praenestinus, cardinalis Perettus, promitto, voveo et iuro.
- † Ego Dominicus cardinalis Gymnasius tituli S. Laurentii in Lucina promitto, voveo et iuro.
- † Ego Carolus cardinalis Madrutius tituli S. Caesarei promitto, voveo et iuro.
- † Ego Scipio tituli S. Chrysogoni, presbyter cardinalis Burghesius, maior poenitentiarius, promitto, voveo et iuro.
- † Ego Ioannes Garzia tituli Ss. Quatuor Coronatorum, presbyter cardinalis Millinus, promitto, voveo et iuro.
- † Ego Marcellus tituli Ss. Quirici et Iulitae, presbyter cardinalis Lantes, promitto, voveo et iuro.
- † Ego Ioannes Baptista tituli S. Caeciliae, presbyter cardinalis Lenius, promitto, voveo et iuro.
- † Ego D. tituli S. Martini in Montibus cardinalis Rivarola promitto, voveo et iuro.
- † Ego Fr. Aug. sanctae Romanae Ecclesiae presbyter cardinalis tituli S. Mariae de Ara-coeli promitto, voveo et iuro.
- † Ego Gaspar tituli S. Crucis in Hierusalem, presbyter cardinalis Borgia, promitto, voveo et iuro.
- † Ego F. Felix tituli S. Anastasiae, presbyter cardinalis Asculanus, promitto, voveo et iuro.
- † Ego Gabriel tituli S. Bartholomaei in Insula, presbyter cardinalis de Treio, promitto, voveo et iuro.
- † Ego Iulius tituli S. Sabinae, presbyter cardinalis Sabellus, promitto, voveo et iuro.
- † Ego Melchior tituli S. Mariae de Pace, presbyter cardinalis Kleselius, promitto, voveo et iuro.
- † Ego S. presbyter cardinalis S. Susannae, sanctae Romanae Ecclesiae bibliothecarius, promitto, voveo et iuro.
- † Ego Guido tituli S. Mariae de Populo, presbyter cardinalis Bentivolus, promitto, voveo et iuro.
- † Ego Fr. Desiderius tituli Ss. Duodecim Apostolorum cardinalis de Cremona promitto, voveo et iuro.
- † Ego Ludovicus tituli S. Laurentii in Damaso presbyter cardinalis Ludovisius, sanctae Romanae Ecclesiae vicecancellarius et SS. D. N. summator, promitto, voveo et iuro.
- † Ego Cosmus tituli S. Pancratii, presbyter cardinalis de Torres, promitto, voveo et iuro.
- † Ego F. A. cardinalis S. Honuphrii, sanctae Romanae Ecclesiae presbyter cardinalis, promitto, voveo et iuro.
- † Ego Laurentius tituli S. M. in Aquiro,

sanctae Romanae Ecclesiae cardinalis
Magalottus, promitto, voveo et iuro.

† Ego Aloysius tituli S. Pudentianae, pre-
sbyter sanctae Romanae Ecclesiae
cardinalis Caetanus, promitto, voveo
et iuro.

† Ego Dionysius tituli SS. Trinitatis in Monte
Pincio cardinalis de Marquemont pro-
mitto, voveo et iuro.

†

†

† Ego Laudivius cardinalis S. Sixti pro-
mitto, voveo et iuro.

†

†

†

† Ego Ioannes Dominicus Spinula cardi-
nalis S. Clementis promitto, voveo et
iuro.

† Ego Iacobus Cavalerius sanctae Roma-
nae Ecclesiae presbyter cardinalis S.
Eusebii promitto, voveo et iuro.

†

†

†

†

†

†

† Ego G. S. Mariae in Vialatâ diaconus
cardinalis Pius promitto, voveo et
iuro.

† Ego M. S. Eustachii diaconus cardinalis
de Sabaudia promitto, voveo et iuro.

†

† Ego Alexander S. Mariae in Cosmedin
diaconus cardinalis Ursinus promit-
to, voveo et iuro.

†

†

†

†

† Ego Franciscus S. Angeli in Foro Pi-
scium diaconus cardinalis Boncom-
pagnus promitto, voveo et iuro.

† Ego Hyppolitus S. Mariae Novae dia-

conus cardinalis Aldrobandinus, san-
ctae Romanae Ecclesiae camerarius,
promitto, voveo et iuro.

†

†

† Ego P. Maria Burghesius diaconus car-
dinalis tituli S. Gregorii, promitto,
voveo et iuro.

† Ego L. Ss. Viti et Modesti diaconus
cardinalis Biscia promitto, voveo et
iuro.

†

*Anno a nativitate D. N. Iesu Christi
MDCXXVI, indictione VIII, die vero VI mēn-
sis iulii, pontificatus Sanctissimi in Chri-
sto Patris et D. N. D. Urbani divinā
providentiā Papae VIII, anno eius III, ,
supradictae litterae lectae et publicatae
fuerunt ad valvas basilicarum S. Ioan-
nis Lateranensis et Principis apostolo-
rum de Urbe, cancellariae apostolicae, et
in acie Campi Florae per me Tarquinium
Maionum cursorem, et per me Brandi-
martem Latinum praelibati Sanctissimi
D. N. Papae ac R. E. et universalis in-
quisitionis cursorem, etc.*

AUGUSTINUS DE BOLIS Romanus
pro D. mag. DD. curs.

CXCIV.

*Suppressio congregationis fratrum Refor-
matorum Ordinis Minorum S. Franci-
sci Conventualium¹.*

¹ Fratres minores Conventuales Reformatos
nihil proprium habere posse decrevit Pius V
Constit. xcvi, *Ad extirpandos*, tom. VII, pa-
gina 676. Eorumdem reformationem edidit idem
Pontifex Const. civ, *Illa*, ibidem pag. 691.
Approbati fuerunt a Sixto V. in eius Const. cvi,
Apostolici muneris, tom. VIII, pag. 934. Qui-
bus etiam praescripsit statuta ac ordinationes
ibidem.

**Urbanus Papa VIII,
ad perpetuam rei memoriam.**

Exordium.

Romanus Pontifex, quem Salvator et Dominus noster omnium Ecclesiae suae ordinum patrem et pastorem constituit; ut iuxta verbum propheticum noxia evellet et destruat, utiliaque et salubria plantet et aedificet, ea interdum, quae certis etiam rationabilibus ex causis a Sede Apostolica sancita sunt, ipsa subinde rerum experientia suadente, et ex maioribus causis, quibus praesertim felici religiosorum statui cum divini cultus incremento consulitur, revocat et immutat, in hisque sollicitudinis et providentiae suae studium interponit, prout rerum et temporum qualitatibus debite pensatis conspiciat in Domino salubriter expedire.

Sixtus V statuta pro Conventualibus reformatis edita approbavit.

§ 1. Alias siquidem, felicitis recordationis Sixto Papae V praedecessori nostro pro parte dilectorum filiorum fratrum Minorum Conventualium Reformatorum S. Francisci exposito, quod ipsi strictiorem vitam agere et se reformare coeperant, aliquosque conventus acquisiverant, et in iis sub obedientia protectoris et superiorum Ordinis huiusmodi vivebant, idem Sixtus praedecessor, ne ipsos fratres reformatos, eorumque congregationem super reformatione huiusmodi inquietari contingeret, supplicationibus eorundem fratrum reformatorum nomine sibi humiliter porrectis inclinatus, reformationem praedictam ubique locorum coeptam et introductam, et ex tunc in dies introducendam, ac pro ea et illius felici directione facta statuta et ordinationes, cum inde sequutis quibuscumque, apostolica auctoritate perpetuo approbavit et confirmavit, nonnullaque alia fecit, statuit et ordinavit sub certis modo et forma tunc expressis, prout in dicti Sixti praedecessoris sub plumbo desuper, sub datum Romae, apud S. Marcum, anno Incarnationis Dominicae MDCLXXXVII, idibus octobris, pontificatus sui anno III,

seu alio veriori tempore, expeditis litteris, quarum tenores, perinde ac si de verbo ad verbum insererentur, praesentibus pro expressis haberi volumus, plenius continetur¹.

§ 2. Cum autem, sicut accepimus, ex congregatione fratrum Conventualium reformatorum huiusmodi, non ii in Ecclesia Dei spirituales fructus, qui sperabantur, prodierint, sed quamplures differentiae inter eosdem fratres reformatos, ac fratres Conventuales non reformatos dicti Ordinis ortae sint et vigeant ad praesens: nos, praemissis, quantum cum Domino possumus, obviare, ac alias desuper opportune providere volentes, motu proprio et ex certa scientia ac matura deliberatione nostris, deque apostolicae potestatis plenitudine, ex praemissis, aliisque iustis et rationabilibus causis animum nostrum moventibus, congregationem fratrum Conventualium reformatorum huiusmodi, omniaque et quaecumque illius officia et ministeria, necnon domus ac loca regularia quaecumque et in quibusvis provinciis existentia, ac ad eos spectantia, et statuta, consuetudines et decreta, etiam iuramento, confirmatione apostolica, vel quavis firmitate alia roborata, ac pariter privilegia et indulta generalia et specialia, quorum omnium tenores, ac si de verbo ad verbum insererentur, praesentibus pro expressis haberi volumus, quibuscumque illa sint concepta formulis, necnon irritantibus et aliis decretis ac vinculis munita, tenore praesentium, perpetuo supprimimus et extinguimus, ac quaecumque congregationi sic suppressae officia, administrationes et dignitates tollimus et abrogamus, ab eisque domos, conventus et loca, ac bona immobilia, mobilia et semoventia, ubique gentium constituta, sacram quoque et communem suppellectilem, ipsorumque omnium usum, usumfructum, administrationem, ac pos-

Ortis tamen postea disceditis,

Urbanus Congregationem reformatorum supprimit.

¹ Quas vide loc. cit. in nota ad rubricam (R. T.).

sessionem spiritualem et temporalem, necnon ius et actionem eis quomodolibet competentia, apostolicâ auctoritate, earumdem tenore praesentium, auferimus et ablata esse et censeri volumus: necnon domos, conventus, loca, supellectilem, bona, res, actiones et iura praedicta, eorumque proprietatem, Ordini fratrum Minorum S. Francisci Conventualium nuncupatorum, auctoritate et tenore praedictis concedimus et assignamus.

Reformati ad Cappuccinos transitum permittit.

§ 3. Insuper volumus, ut fratres reformati praedicti ad fratres dicti Ordinis S. Francisci Cappuccinos seu de Observantiâ nuncupatos, tam de familiâ quam reformatos, infra duos menses a die publicationis praesentium, si id eis videbitur et benevolos invenerint receptores, transeant, et quilibet eorum transeat, ibique per superiores domorum huiusmodi, quas ipsi elegerint, recipiantur, ac ad eorum habitum et professionem regulares, etiam absque alio novitiatu, admittantur: transire autem nolentes dilecto filio ministro generali dicti Ordinis fratrum Conventualium per conventus sui Ordinis, retentâ tamen reformatione, arbitrio suo iuxta providam per eum desuper faciendam assignationem distribuendi facultatem concedimus.

Domum Neapolitanam excipit.

§ 4. Sub hac tamen suppressione et extinctione, aliisque praemissis, domum regularem Neapolitanam suppressae congregationis huiusmodi pro nunc comprehendere nolumus; sed, qui in eâ ad praesens sunt fratres de familiâ, ibi remaneant sub obedientiâ dicti ministri generalis: ita tamen quod de cetero illius superiores nullum ad habitum regularem, neque etiam in locum eorum, quos decedere contigerit, minusve alios suppressae congregationis huiusmodi fratres admittere possint, sub poenis, quoad receptos vel admissos, apostasiae, quo vero ad recipientes vel admittentes, privationis officiorum, necnon vocis activae et passivae eo ipso incurrendis.

In qua tamen novos fratres recipi vetat.

§ 5. Insuper domum S. Antonii de Padua nuncupatam de Urbe in capite domorum existentem, ac eius ecclesiam, cellas, hortos, viridaria, aquarum derivationes, aliasque officinas, necnon reliqua bona immobilia tantum illi adiacentia, ac quae ipsi fratres per praesentes suppressi inibi possident, camerae nostrae apostolicae applicamus et incorporamus, ac nostrae et successorum nostrorum dispositioni reservamus.

Domus vero Romanae bona camerae apostolicae addit.

§ 6. Decernentes, praesentes litteras, etiamsi dicti fratres conventuales reformati huiusmodi per praesentes suppressi ad hoc vocati et auditi, ac causae propter quas praesentes emanarunt verificatae non fuerint, seu aliis quibusvis de causis, quantumvis urgentibus, de subreptionis vel obreptionis vitio, aut intentionis nostrae, vel alio quopiam defectu notari, impugnari, retardari, invalidari, aut ex quovis quaesito praetextu vel colore ad terminos iuris reduci, seu in ius vel controversiam revocari, aut adversus illas quodcumque iuris, gratiae vel facti remedium impetrari, aut quemquam impetrato seu etiam motu et potestatis plenitudine similibus concesso, nullatenus uti posse sed easdem praesentes litteras semper et perpetuo validas, firmas et efficaces existere et fore, suosque plenarios et integros effectus sortiri et obtinere; necnon camerae praedictae ac dicto Ordini fratrum minorum Conventualium respective plenissime suffragari; ab omnibus vero ad quos spectat inviolabiliter observari debere; sicque per quoscumque iudices ordinarios et delegatos, etiam causarum palatii apostolici auditores, ac sanctae Romanae Ecclesiae cardinales, etiam de latere legatos (sublatâ eis et eorum cuilibet quavis aliter indicandi et interpretandi facultate et auctoritate) iudicari et definiri debere, ac irritum et inane, si secus super his a quoquam, quavis, auctoritate scienter vel ignoranter, contigerit attentari.

Clamante.

Obstantium
derogatio.

§ 7. Non obstantibus nostrâ de iure quaesito non tollendo, aliisque constitutionibus et ordinationibus apostolicis, necnon dictae congregationis (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis generalibus et specialibus huiusmodi, necnon praedictis Sixti praedecessoris et quibusvis aliis litteris apostolicis, dictae congregationi, eiusque superioribus et personis, eorumque singulis, per quoscumque Romanos Pontifices praedecessores nostros, ac nos et Sedem Apostolicam, sub quibuscumque tenoribus et formis, ac cum quibusvis clausulis et decretis in genere et in specie concessis, confirmatis et innovatis, ac *Mare magnum, Bulla aurea*, et aliâs quomodolibet nuncupatis, quorumcumque illae tenorum existant, per quas praesentibus non expressas vel totaliter non insertas effectus earundem praesentium impediri valeat quomodolibet, vel differri, et de quibus, earumque totis tenoribus habenda esset mentio specialis.

§ 9. Volumus autem, ut praesentium transumptis, etiam impressis, manu alicuius notarii publici subscriptis, et dicti ministri generalis aut alicuius provincialis dicti Ordinis fratrum Conventualium sigillo munitis, eadem prorsus fides ubique adhibeatur, quae eisdem praesentibus adhiberetur, si forent exhibitae vel ostensae.

Datum Romae, apud S. Petrum, sub annulo Piscatoris, die vi februarii MDCXXVI, pontificatus nostri anno III.

Dat. die 6 februarii 1626, pontif. anno III.

CXCV.

Confirmatio sententiae super rescissione contractus venditionis cuiusdam villae ad praeceptoriam seu commendam militiae de Calatrava spectantis¹.

¹ Ex Regest. in Secret. Brev.

Urbanus Papa VIII,
ad futuram rei memoriam.

§ 1. Aliâs a nobis emanarunt litterae tenoris subsequentis, videlicet: *Urbanus Papa VIII, ad futuram rei memoriam. Aliâs felicitis recordationis Paulo*, etc.

Recenset
suum praecedens
Breve.

§ 2. Cum autem, sicut dictus Philippus rex nobis denuo exponi fecit, eo quod ex venditione et alienatione praedictis enormissima eidem militiae laesio illata fuerat, ut praefertur, venditio et alienatio villae et aliorum bonorum huiusmodi per praesentes litteras¹ rescissae et abrogatae; nulliusque roboris vel momenti esse; necnon Martinum de Alagon comitem et Henricum praedictos, uti praedicti Martini natos et haeredes, ad restituendum praedicto Philippo regi ac procuratori generali eiusdem militiae, necnon praeceptoriae seu commendae de Alcaniz praedictae, villam de Calanda, ac locum de Fox Calanda, Turrim de Algines, mas del Carmen et la Fox, unâ cum fortalicio ac palatio, necnon iuribus et iurisdictionibus civilibus et criminalibus, supremis et infimis, meroque et mixto imperio, aliaque omnia et singula in venditione et alienatione praedictis comprehensa, omnino teneri; ab eodem vero Martino, ac dilectâ in Christo filiâ Victoria Pimentel eius uxore, sive eorum natis et haeredibus, aliquam pecuniarum summam, respectu pretii venditionis et alienationis praedictarum, a Philippo rege seu procuratore generali aut militiâ sive praeceptoriâ vel commendâ praedictis, aut eorum nomine, peti vel recepti nullatenus posse; quinimmo, si quod ius illis ex oblatione dicti pretii competeret, illudque Martino comiti et Henrico praedictis, absque eo quod militia et praeceptoria seu commenda huiusmodi ad evictionem aliquam faciendam ulterius te-

Seriemque
facti.

¹ Quomodo per praesentes litteras non intelligo; ceterum plures mendosae lectiones in sequuto esse, quas difficile emendare (S. T.).

nerentur, retrocederent; ac quoscumque census, si qui per Martinum et Victoriam praedictos in solutionem pretii huiusmodi impositi fuissent, nullos declararunt; quo vero ad summam duodecim millium ac ducentorum ac quadraginta octo scutorum, ad rationem decem regalium monetae illarum partium pro quolibet scuto huiusmodi, quae occasione solutionis pretii venditionis huiusmodi clarae memoriae Philippo III Hispaniarum regi catholico pro totidem aliis, pro quibus ipse Philippus rex eidem Martino comiti eiusque fratri debitor existerat, remissa fuerunt, concessusque fuit recursus Martino comiti eiusque fratri praedictis ad praedictum Philippum regem pro illorum solutione ac manutentione tituli marchionis de Calanda huiusmodi; e contra vero respective praelensionum, quas militia ac praeceptorum seu commenda praedictae contra dictum Martinum comitem eiusque genitorem habebant, eundem Martinum comitem ad solvendum respective summam quatuor quentos vulgo nuncupatos, ac centum septuaginta quinque millium et septingentorum nonaginta quatuor morapetitorum, ex fructibus decursis et decurrendis, statim ac solutio primae medietatis summae praedictae facta fuerit, ita ut mille ducati quotannis, donec dicta summa integre persoluta fuerit, solverentur, teneri, declaratum fuerit, prout in sententiâ huiusmodi plenius dicitur contineri; cupiat autem dictus Philippus rex, pro sententiae huiusmodi subsistentiâ et validitate, illam apostolicae nostrae confirmationis patrocinio communiri:

Sententiamque rescissionis contractus venditionis ratam habet.

§ 3. Nos, eiusdem Philippi regis votis in praemissis, quantum cum Domino possumus, annuere volentes, eumque a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatus

existit, ad effectum praesentium dumtaxat consequendum, harum serie absolventes et absolutum fore censes, eius hac in parte supplicationibus inclinati, sententiam in praemissis, ut praefertur, latam, apostolicâ auctoritate, tenore praesentium, approbamus et confirmamus, illique inviolabilis apostolicae firmitatis robur adiicimus, ac omnes et singulos tam iuris quam facti defectus, si qui desuper quomodolibet intervenerint, supplemus.

§ 4. Decernentes, praesentes litteras validas, firmas et efficaces existere et fore, suosque plenarios et integros effectus sortiri et obtinere, ac ab omnibus, quos illae concernunt, inviolabiliter observari debere; irritumque et inane, si secus super his a quoquam, quavis auctoritate, scienter vel ignoranter, contigerit, attentari.

Clausula.

§ 5. Non obstantibus constitutionibus et ordinationibus apostolicis, ac, quatenus opus sit, dictae militiae (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, stabilimentis, usibus et naturis, privilegiis quoque, indultis et litteris apostolicis in contrarium praemissorum quomodolibet concessis, confirmatis, approbatis, et innovatis: quibus omnibus et singulis, eorum omnium tenores praesentibus pro plene et sufficienter expressis, ac ad verbum insertis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Obstatum derogatio

Datum Romae, apud S. Petrum, sub annulo Piscatoris, die ix februarii MDCXXVI, pontificatus nostri anno III.

Dat. die 9 februarii 1626; pontif. anno III.

CXCVI.

Martiniani ac Furnenses Iprensis ecclesiae canonici aequae ac Morinenses nuncupati habiles redduntur ad dignitates in eadem Iprensi ecclesiâ obtinendas¹.

Urbanus Papa VIII,
ad perpetuam rei memoriam.

Proemium.

Romanus Pontifex aequi bonique supremus assertor a Salvatore et Domino nostro, qui charitas est et Deus pacis, super universas orbis ecclesias constitutus, ut felici illarum regimini, gubernio, atque directioni, divinique cultus in eis augmento iuxta creditum sibi apostolicae servitutis officium ingitet, invigilet, ea interdum, quae a Sede Apostolicâ sancita sunt, ipsâ subinde rerum experientiâ suadente, alterat et immutat, in hisque sollicitudinis et providentiae suae studium interponit, prout pia ecclesiarum praesulum et catholicorum principum vota id exposcunt, et ipse, omnibus rerum, temporumque qualitatibus debite pensatis, conspicit salubriter in Domino expedire.

Referuntur
Pii Papae IV
litterae super
erectione epi-
scopalis eccle-
siae Iprensis.

§ 1. Aliâs siquidem a felicis recordationis Pio Papa IV praedecessore nostro emanarunt litterae tenoris subsequentis, videlicet:

Pius episcopus, servus servorum Dei,
ad perpetuam rei memoriam.

De statu ecclesiarum omnium, praesertim cathedralium insignium noviter erectarum, prospere et feliciter dirigendo attentius cogitantes, ad ea libenter intendimus, per quae illarum conservationi, decori et venustati, ac profectui, et illis praesidentium commoditati, ac aliarum in eis divinis obsequiis vacantium personarum opportuna subventioni consulatur: et interdum ea, quae a praedecessoribus

nostris Romanis Pontificibus super his consulte gesta fuerunt, ex saniori consilio immutamus, ac desuper disponimus, prout, rerum et temporum ac personarum et regionum qualitatibus pensatis, conspiciamus in Domino salubriter expedire. Cum itaque, sicut accepimus, aliâs [postquam felicis recordationis Paulus Papa IV praedecessor noster (providi, vigilisque pastoris more considerans, quod ea pars inferioris Germaniae, quae charissimo in Christo filio nostro Philippo Hispaniarum regi catholico haereditario iure etiam tunc subiecta erat, pro tantâ oppidorum celeberrimorum frequentia, locorumque suorum multitudine, adeo paucas ecclesias cathedrales habebat, ut earum episcopi eâ, qua opus erat, diligentia tantam animarum multitudinem minime regere poterant; idque quibusdam hoc erat difficilius, quod ipsorum dioecesani linguae idiomate, institutisque differebant, et quidam eorum etiam huiusmodi privilegia habebant, ut ipsos ad sedem episcopalem non liceret evocare, ita ut nec fidei doctrinâ, et pie vivendi praeceptis commode instrui, nec, si quid deliquissent, facile corrigi ab episcopis suis possent; ad ipsos vero episcopos visitandos, admonendos, et in officio continendos nulla in totâ illâ regione ecclesia erat metropolitana; sed archiepiscopi extra fines ipsius ditionis existentes propter multa et varia impedimenta nulli suffraganeis suis usui iampridem erant, et propter assiduas insidias, dolos, pestiferasque doctrinas populorum haereticorum et schismaticorum, a quibus eadem regio omni fere ex parte cincta atque obsessa erat, catholica illic fides et animarum salus in maximo discrimine et periculo versabantur) his et aliis gravibus causis impulsus, volens etiam ipsius Philippi regis precibus annuere, ac tam pio eius desiderio satisfacere, habitâ, sicut rei magnitudo postulabat, cum fratribus suis,

¹ Ex Regest. in Secret. Brev.

de quorum numero tunc eramus, deliberatione maturâ, de eorum consilio, et apostolicae potestatis plenitudine, Cameracensem, Traiectensem, Atrebatensem et Tornacensem ecclesias, civitates et dioeceses a Remensi et Coloniensi provinciis, quibus tunc erant metropolitico iure subiectae¹, ac Mechliniense, Iprende, Audomarense ac diversa alia tunc expressa oppida insignia dictae regionis a suâ quodque dioecesi et provinciâ, necnon ab ecclesiâ Morinensi eam partem dioecesis Morinensis, quae in Arthesiae et Flandriae comitatibus ditionis praefati Philippi regis erat, cum omnibus et singulis suis terminis, territoriis, cleris, populis, personis, monasteriis et piis locis, ac beneficiis ecclesiasticis, cum curâ et sine curâ, secularibus, et quorumvis Ordinum regularibus, perpetuo segregaverat, diviserat et separaverat; necnon Mechliniense, Iprende, Audomarense et reliqua oppida praefata, sic divisa, in civitates, Cameracensem vero et Traiectensem, tunc episcopales sedes, ac olim collegiatam sancti Rumoldi Mechliniensis ecclesias, in metropolitanas, ac olim monasterii sancti Martini Iprensis Ordinis S. Augustini canonicorum regularium, necnon S. Audomari Audomarensis, et certas alias aliorum oppidorum (in civitates erectorum) praefatorum ecclesias, in cathedrales pro totidem episcopis creandis, qui suae quisque ecclesiae praessent, erexerat²; ac Iprensi et Audomarensi ecclesiis et civitatibus praefatis certos districtus, per nuncium suum postmodum ab eo illuc mittendum limitandos, pro suâ dioecesi perpetuo concesserat; necnon Iprendensem, Mechliniensem, Audomarensem vero ecclesias, civitates et dioeceses antedictas, Atrebatensi ecclesiae³ huiusmodi pro suâ provinciâ subiecerat; singulisque Iprensi

et Audomarensi mensis episcopalibus annuum redditum trium millium ducatorum auri de camerâ ex certis decimis et bonis ac fructibus, redditibus et proventibus ecclesiasticis, per dictum nuncium specificandis et repartendis, ex tunc, prout ex a¹ die, et e contra, postquam specificati et repartiti, ac interim, donec specificatio et repartitio huiusmodi factae et effectum sortitae forent, et non ultra, cuilibet ex praedictis mensis pro earum dote alium redditum annuum mille et quingentorum ducatorum similium per ipsum Philippum regem ex redditibus et proventibus, quos ex dictâ regione percipiebat, Iprensi et Audomarensi episcopis pro tempore existentibus singulis annis (quousque specificatio et repartitio praefatae effectum sortitae non forent², ac pro eâ tantum parte, quae plenarium suum effectum minus sortita foret, nec ultra) integre et proportionaliter persolvendum, perpetuo applicaverat et appropriaverat; eidemque Philippo regi, suisque successoribus, qui pro tempore eiusdem regionis in temporalibus domini essent, ius nominandi Romano Pontifici personas idoneas, ac alias certis tunc expressis modo et formâ qualificatas, ad dictas Iprendensem et Audomarensem ac alias cathedrales ecclesias sic erectas, tam a primaevâ erectione huiusmodi, quam quotiescumque illas pro tempore vacare contingeret, eidem praedecessori et Romano Pontifici, qui pro tempore foret, per eum in archiepiscopos et episcopos ad nominationem huiusmodi ordinandas, in perpetuum reservaverat per quasdam sub plumbo; et deinde per alias suas in formâ Brevis litteras venerabili fratri nostro, tunc suo, Salvatori episcopo Clusiniensi, suo et Apostolicae Sedis nuncio in

¹ Edit. Main. legit *subiecta* (R. T.).

² Hanc vocem *erezerat* nos addimus (R. T.).

³ Ed. Main. legit *Atrebaten. ecclesiis* (R. T.).

¹ Vel legendum *ex eâ*, vel simpliciter *ex*, aut simpliciter *a* (R. T.).

² Istâ verba *effectum sortitae non forent* addenda censuimus (R. T.).

partibus illis, dederat in mandatis, ut personas idoneas, qui dictas provincias et dioeceses distinguerent et limitarent, ac dotem dictarum ecclesiarum a monasteriis et praepositis sub illis consistentibus dismembrarent, cum potestate omnia in his necessaria faciendi, vice sua deputaret] dilectus filius noster Antonius S. R. E. presbyter cardinalis Atrebatensis nuncupatus, tunc episcopus Atrebatensis, ac quatuor alii scientia et probitate insignes, quos ipse Salvator episcopus et nuncius, dicto praedecessore interim de medio sublato, vigore seu praetextu mandati et posteriorum litterarum huiusmodi substituerat (licet forsitan eorum aliqui de illis personis non essent quae ad id canonice subdelegari poterant), facta nihilominus per eos diligenti rerum indagine, ac omnibus mature pensatis, animadvertentes, quod per dismembrationes bonorum in monasteriis et praepositis praedictis, si fierent, cultus monasteriorum non mediocriter laederetur, ipsa monasteria et praepositas mensis praedictis pro dote suarum ecclesiarum, ad hoc ut episcopi etiam illorum curam perinde atque suam propriam perpetuo gererent, potius esse unienda, ac designationes et limitationes provinciarum, ac dioecesium, divisionesque et distributiones oppidorum et iurisdictionum, in nonnullis partibus ipsarum dioecesium, commodiores illis, quae per primodictas litteras statuuntur, necnon constitutiones et assignationes dotum, et denique numerum personarum ac dignitatum, praebendarum, beneficiorum et officiorum, statum quoque et formam in praefatis ecclesiis, etiam per huiusmodi dismembrationes, applicationes, suppressiones, translationes, novas institutiones et alias in universum accomodatas rationes habendas, censuerint, et super maiori illorum parte processus, digestis rebus omnibus, formandos curaverint, et, inter

alia, dictae ecclesiae Iprensi et pro tempore episcopo Iprensi districtus parochialium ecclesiarum, videlicet, in archipresbyteratu civitatensi S. Martini Iprensis, S. Mariae de Priela, S. Petri Iprensis, S. Iacobi Iprensis, S. Nicolai Iprensis, S. Ioannis apud Ipras; in decanatu Warnestensi, Varnestensis (*Sequuntur nomina locorum diversorum decanatum etc.*)¹:

Nos [qui dudum inter alia volumus, quod semper in unionibus commissio fieret ad partes, vocatis quorum interesset, quique nuper cathedralem ecclesiam Morinensem, certo tunc expresso modo pastoris solatio destitutam, ac sedem illius episcopalem, et in eis omnia et singula episcopalia iura, et cathedralis ecclesiae insignia (pro eo quod alias per conditiones pacis inter praefatum Philippum et clarae memoriae Henricum Francorum reges firmatae sub dictae Sedis beneplacito decretum fuerat, quod civitas Morinensis tunc solo aequata non restauraretur, sed illius ecclesia et dioecesis praefatae, ac beneficia, beneficiorum collationes et proventus in duas partes dividerentur, quarum altera Franciae, altera vero inferioris Germaniae esset) penitus suppressimus et extinximus, et dioecesim Morinensem, ac omnia et singula sub ea et in decreto praedicto comprehensa, in duas partes, quarum una Franciae, altera vero inferioris Germaniae huiusmodi, iuxta dictum decretum, esset, et ulterius illam dioecesis Morinensis partem in inferiori Germania huiusmodi existentem, cum bonis, censibus, feudis, decimis, aliisque proventibus sub ea comprehensis, qui valorem annuum duorum millium ducatorum auri de camera secundum communem aestimationem constituunt, in duas alias² aequales partes et duas alias dioe-

¹ Haec aliquid deesse videtur, ex. g., assignaverint (R. T.).

² Male edit. Main. legit alias (R. T.).

ceses divisimus et separavimus, ac Iprensi unam, Audomarensi vero ecclesiis ac mensis episcopalibus reliquam partes et dioeceses subdivisas huiusmodi pro sua quaque dioecesi et parte dotis perpetuo applicavimus], attendentes quod, si priscis temporibus, dum dicti populi sensim accrescebant, de novis ecclesiis cathedralibus, optimisque praesulibus opportuno tempore prospectum fuisset, profecto tot perniciose haeresum dogmata, quibus religio christiana passim laceratur et affligitur, haud ita violenter invaluisse; nunc autem, cum ad illa arcenda et extirpanda ac simul populos ipsos in sinceritate fidei continendos dictus praedecessor nulla alia aequae opportuna remedia potuerit adhibere quam supradicta, ut ea iuxta cordis sui atque nostri desiderium promptos et felices sortiantur effectus, etiam nostri ministerii partes praemissis adiacere, ac illa omnibus aliis, quibus possumus, rationibus iuvare et promovere volentes; necnon bonorum, dignitatibus ac canonicatibus et praebendis infrascriptis per praesentes applicandorum, fructuum, reddituum et proventuum veros annuos valores, necnon singularum litterarum, processuum et scripturarum praedictorum veriores tenores, ac si de verbo ad verbum insererentur, praesentibus pro expressis habentes; continuis etiam hortationibus dicti Philippi regis, id pro salute dictorum enixe prosequentis, excitati: Motu proprio et ex certa scientia, ac etiam de apostolicae potestatis plenitudine, divisionibus, limitationibus et distributionibus subdelegatorum huiusmodi in dictis processibus specificatis tamquam in melius reformatis inhaerendo, ac priores litteras huiusmodi quoad infrascripta immutando, omnia et singula supradicta oppida, castra, villas, loca, iurisdictiones, districtus et iura, in posteriore designatione subdelegatorum huiusmodi comprehensa, cum ecclesiis, monasteriis, collegiis

et locis ecclesiasticis, ac secularibus et regularibus, aliisque personis et populis, ceterisque sub eis comprehensis, praefatae ecclesiae Iprensi iuxta posteriorem designationem huiusmodi, auctoritate apostolica, tenore praesentium, perpetuo concedimus et assignamus: Necnon in monasterio S. Martini praefato, cuius ecclesia in cathedralem ecclesiam Iprensam erecta exstitit, ut praefertur, etiamsi de illo consistorialiter disponi consueverit, seu debeat, nomen, titulum et denominationem abbatis, seu praepositi ad dignitatem abbatialem, seu praepositurae, statumque, essentiam et ordinem regulares, necnon cum primum illos, ac monasterium seu praeposituram S. Martini huiusmodi, percessum vel decessum illa nunc obtinentium, etiam apud Sedem eandem, aut alias quibusvis modis, et ex quorumcumque personis, etiam in aliquo ex mensibus, in quibus vacantium beneficiorum ecclesiasticorum dispositio nobis aut Romano Pontifici pro tempore existenti per constitutiones apostolicas vel cancellariae apostolicae regulas seu litteras alternatarum aut alia privilegia et indulta reservata existit seu fuerit, simul vel successive vacare contigerit, etiamsi actu nunc, ut praefertur, vacent, et tanto tempore vacaverint, quod illorum collatio et eiusdem monasterii S. Martini provisio iuxta Lateranensis statuta concilii aut alias canonicas sanctiones ad Sedem praefatam legitime devoluta, illique dispositioni apostolicae specialiter vel generaliter reservati existant, ac ipsius monasterii sancti Martini provisio ad eandem specialiter vel generaliter pertineat, et ad illa consueverint qui per electionem assumi, eisque cura etiam iurisdictionalis imminet animarum, super eis quoque inter aliquos, cuius statum praesentibus haberi volumus pro expresso, pendeat indecisa) monasterium S. Martini, seu illius ac ec-

clesiae Furnensis olim Morinensis dioecesis praeposuras etiam principales, ac, qui pro parte dicti Philippi regis iuxta conditiones huiusmodi relictis sint, decanatum forsitan maiorem, necnon poenitentiarum, cantoriam, scholastriam, thesaurariam, non maiores post pontificalem dignitates, necnon quinque canonicatus et quinque praebendas ex pluribus aliis suppressae Morinensis ecclesiae huiusmodi pro parte dicti Philippi regis per conditiones pacis huiusmodi inter alia etiam relictos, penitus supprimimus et extinguimus: Ac ex dictâ ecclesiâ Morinensi archidiaconatum Flandriae, dignitatem inibi non tamen post pontificalem maiorem, et ex quindecim cappellaniis¹ in ipsâ ecclesiâ Morinensi octo cappellanas per praedictos subdelegatos specificatas, ac decem eiusdem ecclesiae Morinensis pro parte dicti Philippi regis iuxta conditiones praefatas, relictas, et ex ipsâ Furnensi ecclesiâ, in qua triginta canonicatus et triginta praebendae cum decanatu existunt, decem alios canonicatus et decem praebendas similiter (quos primo per cessum vel decessum illos obtinentium, vel aliâs, simul vel successive vacare contigerit, aut etiamsi ad praesens vacent, et etiam tanto tempore vacaverint, quod similiter eorum collatio iuxta eadem Lateranensis statuta concilii ad Sedem eandem legitime devoluta, ipsique archidiaconatus et capellaniae et canonicatus et praebendae eidem dispositioni apostolicae specialiter vel generaliter reservati existant, et ad illos consueverint qui per electionem assumi, eisque cura etiam iurisdictionalis imminet animarum, et super eis inter aliquos lis, cuius statum similiter praesentibus haberi volumus pro expresso, pendeat indecisa) ad dictam ecclesiam Ipreensem pro uno archidiacono et totidem canonicis et cappellanis in dictâ ecclesiâ Ipreensi trans-

¹ Edit. Main. habet *cappellanis* (R. T.).

ferimus: Ac in eadem ecclesiâ Ipreensi unum archipresbyteratum civitatensem (pro uno archipresbytero civitatensi, qui curam rectorum parochialium ecclesiarum, ac verbi Dei et sacramentorum per civitatensem² gerat³) et unam poenitentiarum dioecesanam nuncupandos, dignitates inibi non tamen post pontificalem maiores, pro uno poenitentiario dioecesano nuncupando, qui curam conscientiarum populi per dioecesim Ipreensem habeat; et ulterius in ecclesiâ Ipreensi huiusmodi unum decanatum, dignitatem inibi maiorem post pontificalem, ad suffragia omnium canonicorum eiusdem ecclesiae electivum, pro praeposito ipsius ecclesiae Ipreensis, deinceps decano, loco suppressae praepositurae huiusmodi, qui duplicem distributionem in choro percipiat; et unam cantoriam pro uno cantore, et unam scholastriam pro uno scholastico, et unam thesaurariam, etiam dignitates inibi non tamen post pontificalem maiores, pro uno thesaurario, ac duodecim alios canonicatus et duodecim alias praebendas pro duodecim aliis canonicis eiusdem ecclesiae Ipreensis, etiam perpetuo erigimus et instituimus: Ac unum et unam ex decem canonicatibus et decem praebendis, ex ecclesiâ Morinensi, ut praefertur, translatis mensae Ipreensi huiusmodi similiter perpetuo unimus, annectimus et incorporamus, ita quod episcopus Ipreensis, illorum ratione, persona capitularis esse, ac vocem, auctoritatem et praecminentiam, etiam in capitulo, supra decanum, et alias dignitates, ac canonicatus³ et praebendas inibi obtinentes habere debeat, liceatque sibi illorum corporalem possessionem propriâ auctoritate libere apprehendere, et perpetuo retinere, illorumque fructus, redditus et proventus in

¹ Videtur legendum *civitatem* (R. T.).

² Vocem *gerat* nos addimus (R. T.).

³ Edit. Main. habet *canonicatos*; forsitan *canonicos* (R. T.).

suos et suae mensae huiusmodi usus et utilitatem convertere, cuiusvis licentiâ desuper minime requisitâ: Et ulterius eidem mensae Iprensi, pro suâ dote, huiusmodi bona et proventus trium ex quinque suppressis canonicatibus et praebendis ecclesiae Morinensis huiusmodi, ac ius praebendae Insulensis nuncupatae, ad episcopum Morinensem pro tempore existentem pertinens, sub dictis conditionibus comprehensa¹, quorum insimul septingentorum et quinquaginta, ac similiter omnia et singula bona suppressae praepositurae ecclesiae Furnensis, ac tot ex bonis et proventibus monasterii seu praepositurae S. Martini huiusmodi, quae unâ cum bonis suppressae praepositurae ecclesiae Furnensis huiusmodi valorem annum mille constituent, et valorem annum trium milium ducatorum similium pro dote mensae episcopalis Iprensis huiusmodi unâ cum praedictis complebunt; necnon archipresbyteratui, poenitentiariae, cantoriae, scholastriae et thesaurariae similiter medietatem aequis portionibus dividendam bonorum et proventuum cantoriae, scholastriae et thesaurariae suppressarum praedictarum, ac singulis duodecim praebendis, ut praefertur, erectis praedictis, tot ex reliquis monasterii seu praepositurae sancti Martini proventibus huiusmodi, quot pro competenti dote illorum ad aequivalentiam proventuum aliorum canonicatum et praebendarum ecclesiae Iprensis huiusmodi opus fuerit, post obitum tamen religiosorum eiusdem, seu postquam illis aliunde provisum extiterit, eisdem interim sub curâ decani ecclesiae Iprensis huiusmodi remanentibus; praeterea decanatu medietatem proventuum decanatus ecclesiae Morinensis similiter pro parte dicti regis relictorum, ac praebendam et domum per decanum monasterii S. Martini

¹ Edit. Main. h. *comprehensam*, f. *comprehensum* (R. T.).

praedicti haberi et possideri solitas, et tam illi quam archidiaconatui Flandriae huiusmodi unam, archipresbyteratui vero, poenitentiariae, cantoriae, scholastriae et thesaurariae praefatis sic erectis ac graduatis infrascriptis affectis novem canonicatibus et novem praebendis ecclesiae Iprensis huiusmodi reliquam medietatem bonorum et proventuum reliquorum duorum canonicatum et praebendarum suppressorum praedictorum similiter ex nunc prout ex tunc, et e contra, pro dotis nomine, perpetuo applicamus et appropriamus: Necnon episcopo Iprensi domum monasterii seu praepositurae S. Martini huiusmodi, cum hortis et pertinentiis suis circumstantibus, pro suâ habitatione, ac illas ipsas quas¹ episcopus Morinensis pro tempore existens in eisdem Iprensibus ecclesiâ, civitate et dioecesi, prout sibi per divisiones huiusmodi contingit, et insuper quas abbas seu praepositus S. Martini monasterii, seu praepositurae, et praepositus ecclesiae Furnensis huiusmodi olim quomodolibet habebant, collationem, provisionem, praesentationem, electionem, institutionem, confirmationem, et quamcumque aliam dispositionem omnium et singulorum prioratum, dignitatum, personatum (exceptis infrascriptis affectis), canonicatum et praebendarum, administrationum et officiorum, aliorumque beneficiorum ecclesiasticorum, cum curâ et sine curâ, secularium ac praedictorum et quorumvis aliorum Ordinum regularium, per eum et futuros praesules Iprenses, vel alium seu alios eorum nominibus, libere faciendas, etiam perpetuo reservamus, concedimus et assignamus: Et, ut ipse episcopus Iprensis suam ecclesiam personis eruditis, et ad iurisdictionem inibi exercendam, ceteraque munera ecclesiastica obeunda idoneis, debite instructam, iugiterque decoratam habeat; similiter per-

¹ Vocem *quas* nos addimus (R. T.).

petuo statuimus et ordinamus, quod novem canonicatus et praebendae ex ecclesiâ Morinensi ad ecclesiam Ipreensem translati huiusmodi, quos (suppressioni, applicationi et unioni aliorum trium canonicatum et praebendarum mensae episcopali Ipreensi huiusmodi loco facto) per cessum, etiam ex causâ permutationis, vel decessum, non tamen per obitum, apud Sedem praefatam, aut aliâs, vacare contigerit, vel etiamsi actu nunc quovis modo vacant, et dispositioni apostolicae specialiter vel generaliter reservati, ac sacerdotes¹ existant, et super eis inter aliquos lis, cuius statum praesentibus etiam haberi volumus pro expresso, pendeat indecisa, tribus magistris aut licentiatibus, in theologiâ, et tribus doctoribus decretorum, seu in eis licentiatibus, et tribus nobilibus eius dioecesis etiam in iure vel theologiâ saltem gradu licentiatûræ in famosâ quapiam universitate studii generalis, secundum tenorem primodictarum litterarum, promotis, ordine praemisso servato, in perpetuum concedi et assignari debeant; quodque ad sex priores, tam nobiles quam non nobiles, ut praefertur tamen qualificati, ad reliquos vero tres canonicatus et tres praebendas ex reliquis novem canonicatibus et totidem praebendis huiusmodi, nulli nisi nobiles et graduati, ut praefertur, assumi possint, ac omnes et singuli ratione suarum huiusmodi praebendarum consilium et operam in negotio ecclesiae et religionis, ceterisque difficultatibus pro tempore emergentibus, quoties ab episcopo suo requisiti fuerint, tam coniunctim quam divisim, praestare teneantur; et archidiaconus, nisi praebenda archidiaconatui suo annexa sit, archipresbyter, poenitentiarius, cantor, scholasticus et thesaurarius praefati ex dictis novem graduatis ad nominationem episcopi Ipreensis assumi, et omnium primi post episcopum, vacaturos

¹ Videretur legendum *sacerdotes* (R. T.).

novem canonicatus et praebendas affectos huiusmodi, ordine in dictâ designatione expresso servato, consequi debeant; et, ut de viris spectatae doctrinae et probitatis ad aedificationem Ecclesiae Dei accuratius prospiciatur, quod ipsi novem canonicatus et novem praebendae, hac primâ vice dumtaxat per episcopum, et deinde, quoties illi futuris temporibus vacaverint, ut praefertur, ad electionem episcopi et aliorum graduatorum praedictorum superstitem per eos conferantur, et in huiusmodi electione suffragium episcopi non plus iuris seu momenti quam cuiusvis graduatorum habeat, nisi vocum paritate occurrente, tuncque iteratum ad hoc episcopi suffragium paritatem vocum huiusmodi dirimat; quodque posthac ipsi novem canonicatus et novem praebendae sub nullis specialibus vel generalibus etiam mentalibus reservationibus, affectionibus, etiam in corpore iuris clausis, necnon expectativis, coadiutoriis, mandatis, facultatibus, indultis de providendo, commendando, et aliâs disponendo, primariis precibus nuncupatis, aut aliis gratiis praeventivis, per nos, aut Romanos Pontifices pro tempore existentes, et dictam Sedem Apostolicam, vel eius legatos, etiam consideratione, contemplatione, intuitu, vel ad instantiam imperatoris, regum et aliorum principum, ac sanctae Romanae Ecclesiae cardinalium, et ex quacumque causâ quantumlibet urgenti pro tempore factis et concessis, comprehendantur, nec etiam, tamquam vacantes apud Sedem Apostolicam praefatam, aut ullâ aliâ ratione, generaliter vel specialiter reservari, nec, illorum vacatione per resigationem etiam ex causâ permutationis apud Sedem eandem pro tempore occurrente, per Romanum Pontificem aut Sedem eandem de illis provideri, aut aliâs quoquo modo disponi possit, sed forma electionis praemissa omni tempore servari, nullâque

causâ infringi debeat; quodque unus ex novem canonicis praedictis magister seu licentiatius in theologiâ et alter decretorum doctor seu etiam licentiatius seniores, ratione suarum praebendarum, facultatem habeant visitandi per universam dioecesim Ipreensem praedictam, quoties ab episcopo Iprensi, ceteri vero canonici graduati praedicti, quandocumque requisiti fuerint, illis assistere teneantur, ac ex reliquis senioribus canonicis praefatis duo in theologiâ et unus in iure canonico graduati, ut praefertur, unâ cum archidiacono curam habeant examinandi promovendos ad sacros ordines et admittendos ad curam animarum, quacumque auctoritate illi provisi fuerint, neminem, nisi idoneum, seque personaliter residentiam facturum medio iuramento promittentem, admittendo; et (quoniam nuper haereticorum studia, temporisque malitia, viros doctos ab ecclesiis suis diutius abesse non patitur) quod si canonici graduati praedicti ab ecclesiâ suâ, nisi ab episcopo vel capitulo missi, per duos menses abfuerint, integros suae praebendae fructus illius anni amittant et capitulo cedant; ac omnes proventus singularum praebendarum in duas aequales partes dividantur, quarum altera pro quotidianis distributionibus, his solis, qui divinis officiis in choro deservierint, et inibi a principio usque ad finem, exceptâ necessitatis causâ, permanserint, ministrari debeat, nec quisquam ullâ dispensatione, vel alio privilegio apostolico quacumque causâ impetrato vel concesso, sese a residentiâ huiusmodi eximere possit (ceterum ecclesiae civitatis, sub curâ dicti archipresbyteri civitatis, extra vero eam et in dioecesi Iprensi existentes, vel sub suis decanatibus seu archipresbyteratibus¹, aliisque iurisdictionibus, prout hactenus, remaneant, vel meliori modo arbitrio episcopi distribui,

¹ Edit. Main. legit *archipresbyteratus* (n. r.).

ipsorumque decanatuum decani, salvâ dicti episcopi moderatione, emolumenta hactenus percipi solita percipere possint); quodque archidiaconus Flandriae, in ipsâ ecclesiâ Iprensi institutus per cessum vel decessum praesentis possessoris, talem in dictâ ecclesiâ Iprensi iurisdictionem generalem, quae ibidem ab antiquis archidiaconis haberi et exerceri consuevit, obtinere et exercere debeat: Districtius inhibentes universis et singulis venerabilibus fratribus nostris archiepiscopis et episcopis, ac dilectis filiis abbatibus, ceterisque locorum Ordinariis, ac conventibus, superioribus et personis, necnon illi, vel illis, ad quem, vel ad quos suppressorum et translatorum praepositarum, decanatus, archidiaconatus, cantoriae, poenitentiariae, scholastriae et thesaurariae, ac canonicatum, praebendarum et cappellaniarum, aliorumque beneficiorum praedictorum collatio, provisio, seu quaevis alia dispositio communiter vel divisim pertinet, et quibuscumque aliis, cuiuscumque dignitatis, status, ordinis et conditionis existentibus, in virtute sanctae obedientiae, ac sub excommunicationis maioris, aliisque sententiis, censuris et poenis, necnon privationis omnium dignitatum, officiorum et beneficiorum suorum, et inhabilitatis ad illa et alia imposterum obtinenda, ne de illis, si vacent, aut cum vacaverint, ut praefertur, cuique providere, aut alias disponere, seu praemissorum effectum et exequutionem in aliquo quantumcumque modico impedire, aut molestiam seu iniuriam quampiam irrogare quoquo modo praesumant: Ac decernentes, ex nunc plenum ius in praemissis omnino acquisitum esse, et super his beneficio regularum de non tollendo iure quaesito ac de annali et triennali possessore, necnon privilegiis omnibus, quibus diuturni possessores pacifici quomodolibet utuntur, potiuntur et gaudent, plenarie

uti, potiri et gaudere debere; ac novem canonicatus et novem praebendas¹ eiusdem ecclesiae Iprensis sic affectos praedictos per quoscumque etiam praetextu mandatorum de providendo, nominationum, facultatum, etiam iuxta concordata nationis Germanicae, expectativarum et quarumcumque aliarum gratiarum quoquo modo minime acceptari² posse; et nihilominus quascumque acceptationes, collationes, provisiones, commendas, uniones, annexiones et incorporationes, ac alias dispositiones de eisdem et aliquibus eorum, etiam per nos et Sedem praefatam, quomodolibet factas et faciendas, nullius prorsus roboris vel momenti fore, nullumque per eas cuiquam ius acquiri, seu etiam coloratum titulum possidendi tribui posse; ac concessionem, assignationem, suppressionem, extinctionem, translationem, erectionem, institutionem, unionem, annexionem, incorporationem, applicationem, appropriationem, statutum, ordinationem, inhibitionem, decretum, ceteraque praemissa, ac praesentes litteras ex nunc omnimodum effectum sortita esse et censi; nec sub quibusvis revocationibus, alterationibus, suspensionibus vel limitationibus similium vel dissimilium unionum, annexionum, suppressionum, extinctionum, etiam effectum non sortitarum, quae posthac per nos vel successores nostros tam in crastinum assumptionis cuiuslibet eorum ad summi apostolatus apicem, quam alias quomodolibet, ac cum quibusvis clausulis et decretis, quocumque tempore fient, includi; sed illis non obstantibus in suis vigore, robore et efficaciam persistere, et, quoties illae emanabunt; toties in pristinum statum restituta et de novo concessa; sicque incommutabilis voluntatis et intentionis nostrae fuisse, esse et fore; ac easdem praesentes litteras nullo unquam tempore de subre-

ptionis vel obreptionis aut nullitatis vitio, seu intentionis nostrae vel quopiam alio defectu notari, aut in ius vel controversiam quacumque ratione vel causa vocari posse; sicque per quoscumque iudices ordinarios et delegatos, etiam causarum palatii apostolici auditores, et eiusdem ac sanctae Romanae Ecclesiae cardinales, in quavis causa et instantia (sublata eis et eorum cuilibet quavis aliter iudicandi et interpretandi facultate et auctoritate) iudicari et definiri debere; ac ex nunc irritum et inane, si secus super his a quocumque, quavis auctoritate, scienter vel ignoranter, contigerit attentari. Quocirca venerabilibus fratribus nostris archiepiscopo Mechliniensi et episcopo Amerinensi, ac dilecto filio decano ecclesiae S. Petri Cassetensis, Iprensis dioecesis, per apostolica scripta, motu simili, mandamus, quatenus ipsi, vel duo, aut unus eorum, per se, vel alium, seu alios, praesentes litteras, et in eis contenta quaecumque, ubi et quando opus fuerit, et quoties pro parte moderni et pro tempore existentis episcopi Iprensis et aliorum, quorum interest et quomodolibet intererit in futurum, requisiti fuerint, seu eorum aliquis fuerit requisitus, solemniter publicantes, eisque et eorum cuilibet in praemissis efficacis defensionis praesidio assistentes, faciant auctoritate nostram episcopum Ipresem et alios praedictos concessionibus, assignationibus, suppressione, extinctione, incorporatione, applicatione, translatione, erectione, institutione, unionem, annexione, appropriatione, statuto, ordinatione, decreto ac praesentibus litteris, et in eis contentis huiusmodi, pacifice frui et gaudere, ac alias litteras et in eis contenta huiusmodi firmiter observari; non permittentes illos seu eorum aliquem desuper per supradictos aut quoscumque alios quomodolibet indebite molestari; contradictores quoslibet et rebelles per cen-

¹ Erronee edit. Main. legit *praebendae* (R. T.).

² Item eadem ed. habet *acceptare* (R. T.).

suras et poenas ecclesiasticas, appellatione postpositâ, compescendo, necnon, legitimis super his habendis servatis processibus, censuras et poenas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis. Non obstante voluntate nostrâ prædictâ, necnon Lateranensis concilii novissimè celebrati uniones perpetuas, nisi in casibus a iure permissis, fieri prohibentis, ac pia memoriae Bonifacii Papae VIII etiam prædecessoris nostri etiam de unâ, et concilii generalis de duabus, non tamen tribus dictis, aliisque apostolicis constitutionibus et ordinationibus, etiam in corpore iuris clausis, ac aliâs reservatoriis dictae cancellariae apostolicae regulis, etiam revocatoriis et revocatarum innovatoriis, ac in favorem Ordinariorum, et aliâs in contrarium quomodolibet editis et edendis, necnon singularum ecclesiarum ac monasterii et ordinis prædictorum (iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis, conservatoriis, exemptionibus et litteris apostolicis, ecclesiis, monasteriis, conventibus, ordinibus, superioribus ordinariis, aliisque collatoribus et personis præfatis, per quoscumque Romanos Pontifices prædecessores nostros, ac nos et Sedem præfatam, etiam per viam generalis legis et statuti perpetui, necnon initi et stipulati contractus, seu quasi, et aliâs, sub quibuscumque tenoribus et formis, ac cum quibusvis etiam derogatarum derogatoriis, aliisque efficacioribus, efficacissimis et insolitis clausulis, irritantibusque et aliis decretis, etiam consideratione, intuitu, contemplatione vel ad instantiam supradictorum et quorumcumque aliorum, ac etiam motu, scientiâ et potestatis plenitudine similibus, necnon consistorialiter, ac aliâs quomodocumque et qualitercumque ac quotiescumque concessis, confirmatis ac etiam iteratis

vicibus innovatis ac concedendis, necnon quibusvis specialibus vel generalibus reservationibus, etiam mentalibus, expectativis et aliis gratiis, unionibus, annexionibus et incorporationibus perpetuis vel temporalibus absque consensu coadiutorum, deputationibus, nominationibus, citra accessus et regressus, facultatibus, litteris, mandatis, concessionibus et indultis quibuscumque, etiam cum provisionibus et aliis dispositionibus, etiam cardinalibus, ac etiam nostris antiquis et descriptis familiaribus, et imperatoris, regum, ducum aut aliorum principum contemplatione vel intuitu, seu in eorum, aut ecclesiarum, monasteriorum ac aliorum ecclesiasticorum beneficiorum, vel etiam in nullius favorem, aut ob remunerationem laborum nobis et Sedi præfatae impensorum, aut in recompensam iurium cessorum vel ablatorum, aut aliâs quomodolibet, etiam motu proprio et ex certâ scientiâ ac de apostolica potestatis plenitudine, ac cum quibusvis etiam derogatarum derogatoriis, aliisque efficacioribus et insolitis clausulis, etiam attestativis mentis nostrae de illis non revocandis aut suspendendis, irritantibusque et aliis decretis, in genere vel in specie, de monasteriis, praepositis, decanatibus, archidiaconatibus, cantoriâ, poenitentiariâ, scholastiâ, thesaurariâ, ac canonicatibus et praebendis etiam translatis, unitis et suppressis, ac cappellaniis et aliis beneficiis huiusmodi, concessis hactenus et imposterum concedendis: quas et quae, illorumque omnium vim et effectum, quoad hoc, omnino suspendimus, et in monasterio, praepositis, decanatu, archidiaconatu, cantoriâ, poenitentiariâ, scholastiâ, thesaurariâ, ac canonicatibus et praebendis, cappellaniis et aliis beneficiis huiusmodi effectum sortiri aut locum sibi vindicare non posse neque debere decernimus; illisque, ac statutis, privilegiis, indultis et litteris supradictis,

etiamsi pro illorum sufficienti derogatione de illis, illorumque totis tenoribus specialibus, specifica, individua et expressa, ac de verbo ad verbum, non autem per clausulas generales idem importantes, mentio seu quaevis alia expressio habenda aut aliqua alia exquisita forma ad hoc servanda foret, tenores huiusmodi praesentibus pro sufficienter expressis habentes, illis aliàs in suo robore permansuris, hac vice dumtaxat specialiter et expresse derogamus, contrariis quibuscumque; aut si aliqui in Morinensi et Furnensi ecclesiis praefatis in canonicos sint recepti, vel, ut recipiantur, insistant, seu si, super provisionibus sibi faciendis de canonicatibus et praebendis ac dignitatibus ipsarum ecclesiarum ac huiusmodi, speciales, vel aliis beneficiis ecclesiasticis in illis partibus generales dictae Sedis vel legatorum eius litteras impetrarint, etiamsi per eas ad inhibitionem, reservationem et decretum, vel aliàs quomodolibet sit processum (quas quidem litteras, et processus habitos per easdem, et inde sequuta quaecumque, ad monasterium, praeposituras, decanatum, archidiaconatum, poenitentiarium, cantoriam, scholastriam, thesaurariam, ac canonicatus et praebendas, ac cappellanas et alia beneficia praedicta volumus non extendi, sed nullum per hoc eis quoad assecutionem canonicatum et praebendarum, ac dignitatum vel beneficiorum aliorum praecudicium generari); et quibuslibet aliis privilegiis, indulgentiis et litteris apostolicis generalibus vel specialibus, quorumcumque tenor existant, per quae praesentibus non expressa vel totaliter non inserta effectus earum impediri valeat quomodolibet vel differri; et de quibus quorumque totis tenoribus habenda sit in nostris litteris mentio specialis. Nulli ergo omnino hominum liceat hanc paginam nostrae con-

cessionis, assignationis, suppressionis, extinctionis, translationis, erectionis, institutionis, unionis, annexionis, incorporationis, applicationis, appropriationis, reservationis, statuti, ordinationis, inhibitionis, decreti, mandati, suspensionis, derogationis et voluntatis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursurum. Datum Romae, apud S. Petrum, anno Incarnationis Dominicae MDLX, v idus martii, pontificatus nostri anno II¹.

§ 2. Cum autem, sicut venerabilis frater Antonius episcopus Iprensis nobis nuper exponi fecit, inter Martinianos et Furnenses ecclesiae Iprensis canonicos praedictos non raro plures ad supradictas dignitates obtinendas aptiores ac magis habiles quam inter Morinenses canonicos huiusmodi inveniantur, et propterea, ut maiori ipsius ecclesiae, eiusque capituli decori atque ornameto opportunis rationibus peramplius consulatur, operae pretium futurum existinet, si Martiniani et Furnenses aequae ac Morinenses canonici praedicti ad supradictas dignitates de cetero obtinendas, si illi tamen doctores vel licentiatii ac aliàs habiles existant, idonei apostolicam auctoritate declarentur: nobis propterea tam dictus Antonius episcopus, quam dilecta in Christo filia nobilis mulier Isabella Clara Eugenia Infans Hispaniarum humiliter supplicari fecerunt, ut super praemissis opportune providere de benignitate apostolica dignaremur.

§ 3. Nos igitur, piis Antonii episcopi et Isabellae Clarae Eugeniae Infantis praedictorum² desideriis, quantum cum Domino possumus, annuere, eosque specialibus favoribus et gratiis prosequi volentes, et

Episcopi Iprensis preces de habiles reddendo Martinianos, ac Furnenses ad dignitates suae cathedralis.

Habiles declarat Pontifex.

¹ Vocem *praedicta* nos addimus (n. t.).

¹ Sed vel foret legendum anno I vel anno MDLXI (n. t.).

² Edit. Main. legit *praedictarum* (n. t.).

a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodati existunt, ad effectum praesentium dumtaxat consequendum, harum serie absolventes et absolutos fore censentes, supplicationibus eorum nomine nobis super hoc humiliter porrectis inclinati, de venerabilium fratrum nostrorum sanctae Romanae Ecclesiae cardinalium sacri Concilii Tridentini interpretum consilio: Quod de cetero perpetuis futuris temporibus canonici Martiniani et Furnenses praedictae ecclesiae Iprensis, si doctores vel licentiati ac alias habiles existant, ad supradictas dignitates aequae ac Morinenses canonici dictae ecclesiae Iprensis obtinendas idonei sint et esse censeantur, talesque ab omnibus et singulis, ad quos nunc quomodolibet spectat et pro tempore spectabit, habeantur et haberi debeant;

§ 4. Praesentes vero litteras, ac omnia et singula in eis contenta nullo unquam tempore, etiam ex eo, quod Morinenses canonici praedicti, seu quicumque alii in praemissis interesse habentes vel habere praetendentes ad hoc vocati et auditi non fuerint, de subreptionis, vel obreptionis, seu nullitatis vitio, aut intentionis nostrae, vel alio quovis defectu notari, impugnari, redargui, in ius vel controversiam vocari, aut ad viam et terminos iuris reduci nullatenus posse, sed ea omnia et singula perpetuo valida, firma et efficacia esse et fore, suosque plenarios et integros effectus sortiri et obtinere, ac Martinianis et Furnensibus canonicis praedictis in omnibus et per omnia plenissime suffragari; sicque et non aliter per quoscumque iudices ordinarios et delegatos, etiam causarum palatii apostolici auditores, ubique iudicari et definiri debere, ac irritum et inane, si secus super his a quoquam, qua-

vis auctoritate, scienter vel ignoranter, contigerit attentari¹.

§ 5. Quocirca venerabili fratri Ioanni Francisco archiepiscopo Patracensi moderno et pro tempore existenti nostro et Sedis Apostolicae in Belgicis ditionibus nuncio per praesentes committimus et mandamus, quatenus ipse, per se, vel alium, seu alios, praesentes litteras, et in eis contenta quaecumque, ubi et quando opus fuerit, et quoties pro parte Martinianorum et Furnensium canonicorum praedictorum seu alicuius eorum fuerit requisitus, solemniter publicans, eisque in praemissis efficacis defensionis praesidio assistens, faciat auctoritate nostra Martinianos et Furnenses canonicos praedictos, et eorum quolibet, praemissorum omnium et singulorum effectum pacifice frui et gaudere; non permittens eos desuper a quoquam quavis auctoritate quomodolibet indebite molestari; contradictores quoslibet et rebelles per sententias, censuras et poenas ecclesiasticas, aliaque opportuna iuris et facti remedia, appellatione postposita, compescendo, invocato etiam ad hoc, si opus fuerit, auxilio brachii secularis.

§ 6. Non obstantibus praecursis Pii praedecessoris litteris, quoad ea quae praesentibus contrariantur, necnon recolendae memoriae Bonifacii Papae VIII etiam praedecessoris nostri de una, et in concilio generali edita de duabus dietis, dummodo ultra tres dietas aliquis auctoritate praesentium ad iudicium non trahatur, aliisque constitutionibus et ordinationibus apostolicis, necnon dictae ecclesiae Iprensis (etiam iuramento, confirmatione apostolica, vel quavis firmitate alia roboratis) statutis et consuetudinibus, privilegiis quoque, indultis et litteris apostolicis, eidem ecclesiae, illiusque capitulo, canonicis, et quibusvis aliis, sub quibuscumque tenoribus et formis, ac cum quibusvis

Exequutores
deputati.

Continua. l. III.

¹ Deest verbum *statuimus*, vel simile (A. T.).

etiam derogatarum derogatoriis, aliisque efficacioribus et insolitis clausulis, irritantibusque et aliis decretis, in genere vel in specie, ac alias in contrarium praemissorum quomodolibet concessis, confirmatis, approbatis et innovatis. Quibus omnibus et singulis, etiamsi pro illorum sufficienti derogatione de illis, eorumque totis tenoribus specialis, specifica, expressa et individua, non autem per clausulas generales idem importantes, mentio seu quaevis alia expressio habenda esset, illorum tenores praesentibus pro expressis et ad verbum insertis habentes, illis alias in suo robore permansuris, hac vice dumtaxat specialiter et expresse derogamus, ceterisque contrariis quibuscumque: aut si praedictis, vel quibusvis aliis, communiter vel divisim, ab Apostolica sit Sede indultum, quod interdicti, suspendi, vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

Datum Romae, apud S. Petrum, sub annulo Piscatoris, die 1 martii MDCXXVI, pontificatus nostri anno III.

Dat. die 1 martii 1626, pontif. anno III.

CXCVII.

Contra extrahentes, seu permittentes ut extrahantur libri ac etiam manuscripta a bibliothecis fratrum Ordinis Praedicatorum¹.

Urbanus Papa VIII.
ad perpetuam rei memoriam.

Cum, sicut dilectus filius Lucas Castellinas, Ordinis fratrum Praedicatorum pro-

Causae huius Constitutionis.

¹ Similem prohibitionem, pro conservatione bibliothecarum fratrum Minorum de Observantia Ordinis S. Francisci, fecit Sixtus V in Const. civ, Cum sicut, tom. VIII, pag. 928. Cuius mitigationem habes impressam in compendio Bullarii a Flavio Cherubino edito sub schol. i praedictae constitutionis.

curator generalis, nobis exponi fecit, quod hactenus compertum fuerit; nonnullos, conscientiarum suarum prodigos, libros ex bibliothecis domorum regularium dicti Ordinis furto subripuisse, ac subripere et seu extrahere, atque apud se uti proprios in grave animarum suarum periculum et dictarum bibliothecarum praeiudicium retinere:

§ 1. Nos, praemissis, quantum nobis ex alto conceditur, obviare, et ipsarum bibliothecarum conservationi et manutentioni consulere volentes, supplicationibus dicti Lucae nomine nobis super hoc humiliter porrectis inclinati, ne de cetero quisquam, quavis auctoritate fungens, libros, quinterna, folia, sive impressa, sive manuscripta, bibliothecis domorum regularium dicti Ordinis hactenus donata, seu assignata, et in posterum donanda, seu assignanda, ex eisdem bibliothecis extrahere, seu ut extrahantur permittere, aut consentire, sub quovis quaesito colore, praetextu, vel ingenio, audeat seu praesumat, sub excommunicationis, necnon privationis vocis activae et passivae poenis, per contrafacientes eo ipso incurrendis, apostolicam auctoritatem, tenore praesentium, interdicimus et prohibemus.

Prohibitio de qua in rubrica.

§ 2. Non obstantibus constitutionibus et ordinationibus apostolicis, necnon dicti Ordinis et domorum regularium quarumcumque (etiam iuramento, confirmatione apostolica, vel quavis firmitate roboratis) statutis et consuetudinibus, ceterisque contrariis quibuscumque.

Derogatio contrariorum.

§ 3. Volumus autem quod praesentium transumptis, etiam impressis, manu alicuius notarii publici subscriptis, et sigillo alicuius personae in dignitate ecclesiastica constitutae munitis, eadem prorsus ubique fides adhibeatur, quae adhiberetur praesentibus, si forent exhibitae vel ostensae: quodque transumpta huiusmodi in valvis dictarum bibliothecarum, vel aliquo alio

Fides transumptorum.

perspicuo loco, unde ab omnibus cerni possint, continuo affixa remaneant.

Datum Romae, apud S. Petrum, sub anulo Piscatoris, die XXIII martii MDCXXVI, pontificatus nostri anno III.

Dat. die 23 martii 1626, pontif. anno III.

CXCVIII.

Confirmatio indulti, a Sixto Papa V capitulo cathedralis ecclesiae Leodiensis concessi, eligendi ad praeposituras et abbatias tum eiusdem capituli, tum etiam collegiatarum illius civitatis et dioecesis, cum concessione alterius indulti quoad resignationes faciendas¹.

Urbanus Episcopus,
servus servorum Dei,
ad perpetuam rei memoriam.

Exordium a
cleri Leodiensis
dignitate de
sumptum.

Clerum Leodiensem ob eius amplitudinem et sinceram erga Sedem Apostolicam devotionem paterno affectu amplectentes, de eius privilegiis non conservandis tantum, sed et ampliandis libentissime cogitamus.

Recensetur
indultum a Sixto
Papa V capitulo
cathedralis
Leodiensis concessum.

§ 1. Exhibita siquidem nobis nuper pro parte dilectorum filiorum capituli et canonicorum maioris ecclesiae Leodiensis petitio continebat, quod aliàs [felicis recollectionis Sixto V, praedecessori nostro, pro parte capitulorum dictae maioris ac secularium et collegiatarum ecclesiarum civitatis et dioecesis Leodiensis et quarundam particularium personarum, exposito², quod, cum ipsa capitula (praetextu litterarum piae memoriae Eugenii Papae IV etiam praedecessoris nostri, quas vim concordatorum inter ipsas ecclesias et Sedem Apostolicam habere praetendebant, ac quibus inter alia caveri dicebatur expresse, electiones ad dignitatem maiorem post pontificalem in maiori, et principales in collegiatis ecclesiis huiusmodi electivas per tempora a iure statuta, expectari, il-

lasque approbati et confirmari, vel infirmari debere, prout iustitia et aequitas suaderet, atque etiam praetextu litterarum recolendae memoriae Pii II et Sixti V, ac forsitan aliorum Romanorum Pontificum, etiam praedecessorum nostrorum, quibus inter alia idem ipsis etiam de novo indultum esse concessum dicebatur, quibus etiam litteris praedicti Sixti V praedecessoris antiqua consuetudo approbata praetendebatur, quod tam maioris quam etiam fere omnium aliarum ecclesiarum praedictarum civitatis et dioecesis huiusmodi maior et principales dignitates praedictae aliis quam canonicis actu praebendis ipsius ecclesiae maioris conferri aut commendari nequirent, quodque ab eisdem dignitatibus omnes aliae, praeter certas in dictis praetensis concordatis, indultis, et privilegiis expressas reservationes, erant exclusae), occurrentibus pro tempore vacationibus tam maioris quam principalium dignitatum huiusmodi, personarum idonearum ad illas electiones ad se legitime pertinere praetenderent; ac¹ postea inter provisos de illis auctoritate apostolicâ, et electos a praedictis capitulis ad easdem dignitates variae saepe lites et controversiae orirentur, prout ortae tunc erant, seu periculum erat, ne inter provisos a Sede praedictâ de aliquibus ex dictis dignitatibus et ad illas electos orirentur) idem Sixtus V praedecessor, supplicationibus sibi pro parte dictorum capitulorum desuper tunc porrectis inclinatus, per suas, sub datum Romae, apud sanctum Petrum, anno Incarnationis Dominicae MDLXXXV, nonis maii, pontificatus sui anno 1^o, expeditas litteras, concordata seu indulta et praedecessorum praedictorum litteras moderans et amplians, loco illorum, in perpetuum eisdem capitulis omnium tam maioris quam aliarum ecclesia-

¹ Ex Regest. in Secret. Brev.

² Seq. expositio turbatissima est (R. T.).

¹ Particula ac redundare videtur (R. T.).

² Quas in Bullario esse non puto (R. T.).

etiam derogatarum derogatoriis, aliisque efficacioribus et insolitis clausulis, irritantibusque et aliis decretis, in genere vel in specie, ac alias in contrarium praemissorum quomodolibet concessis, confirmatis, approbatis et innovatis. Quibus omnibus et singulis, etiamsi pro illorum sufficienti derogatione de illis, eorumque totis tenoribus specialis, specifica, expressa et individua, non autem per clausulas generales idem importantes, mentio seu quaevis alia expressio habenda esset, illorum tenores praesentibus pro expressis et ad verbum insertis habentes, illis alias in suo robore permansuris, hac vice dumtaxat specialiter et expresse derogamus, ceterisque contrariis quibuscumque: aut si praedictis, vel quibusvis aliis, communiter vel divisim, ab Apostolica sit Sede indultum, quod interdici, suspendi, vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

Datum Romae, apud S. Petrum, sub annulo Piscatoris, die 1 martii MDCXXVI, pontificatus nostri anno III.

Dat. die 1 martii 1626, pontif. anno III.

CXCVII.

Contra extrahentes, seu permittentes ut extrahantur libri ac etiam manuscripta a bibliothecis fratrum Ordinis Praedicatorum¹.

Urbanus Papa VIII.
ad perpetuam rei memoriam.

Cum, sicut dilectus filius Lucas Castellinas, Ordinis fratrum Praedicatorum pro-

Causae huius Constitutionis.

¹ Similem prohibitionem, pro conservatione bibliothecarum fratrum Minorum de Observantia Ordinis S. Francisci, fecit Sixtus V in Const. civ, Cum sicut, tom. VIII, pag. 928. Cuius mitigationem habes impressam in compendio Bullarii a Flavio Cherubino edito sub schol. i praedictae constitutionis.

curator generalis, nobis exponi fecit, quod hactenus compertum fuerit; nonnullos, conscientiarum suarum prodigos, libros ex bibliothecis domorum regularium dicti Ordinis furto subripuisse, ac subripere et seu extrahere, atque apud se uti proprios in grave animarum suarum periculum et dictarum bibliothecarum praeiudicium retinere:

§ 1. Nos, praemissis, quantum nobis ex alto conceditur, obviare, et ipsarum bibliothecarum conservationi et manutentioni consulere volentes, supplicationibus dicti Lucae nomine nobis super hoc humiliter porrectis inclinati, ne de cetero quisquam, quavis auctoritate fungens, libros, quinterna, folia, sive impressa, sive manuscripta, bibliothecis domorum regularium dicti Ordinis hactenus donata, seu assignata, et in posterum donanda, seu assignanda, ex eisdem bibliothecis extrahere, seu ut extrahantur permittere, aut consentire, sub quovis quaesito colore, praetextu, vel ingenio, audeat seu praesumat, sub excommunicationis, necnon privationis vocis activae et passivae poenis, per contrafacientes eo ipso incurrendis, apostolicam auctoritatem, tenore praesentium, interdicimus et prohibemus.

Prohibitio de qua in rubrica.

§ 2. Non obstantibus constitutionibus et ordinationibus apostolicis, necnon dicti Ordinis et domorum regularium quarumcumque (etiam iuramento, confirmatione apostolica, vel quavis firmitate roboratis) statutis et consuetudinibus, ceterisque contrariis quibuscumque.

Derogatio contrariorum.

§ 3. Volumus autem quod praesentium transumptis, etiam impressis, manu alicuius notarii publici subscriptis, et sigillo alicuius personae in dignitate ecclesiastica constitutae munitis, eadem prorsus ubique fides adhibeatur, quae adhiberetur praesentibus, si forent exhibitae vel ostensae: quodque transumpta huiusmodi in valvis dictarum bibliothecarum, vel aliquo alio

Fides transumptorum.

perspicuo loco, unde ab omnibus cerni possint, continuo affixa remaneant.

Datum Romae, apud S. Petrum, sub anulo Piscatoris, die XXIII martii MDCXXVI, pontificatus nostri anno III.

Dat. die 23 martii 1626, pontif. anno III.

CXCVIII.

Confirmatio indulti, a Sixto Papa V capitulo cathedralis ecclesiae Leodiensis concessi, eligendi ad praeposituras et abbatias tum eiusdem capituli, tum etiam collegiatarum illius civitatis et dioecesis, cum concessione alterius indulti quoad resignationes faciendas¹.

Urbanus Episcopus,
servus servorum Dei,
ad perpetuam rei memoriam.

Exordium a
cleri Leodiensis
dignitate de
sumptum.

Clerum Leodiensem ob eius amplitudinem et sinceram erga Sedem Apostolicam devotionem paterno affectu amplectentes, de eius privilegiis non conservandis tantum, sed et ampliandis libentissime cogitamus.

Recensetur
indultum a Sixto
Papa V capitulo
cathedralis
Leodiensis concessum.

§ 1. Exhibita siquidem nobis nuper pro parte dilectorum filiorum capituli et canonicorum maioris ecclesiae Leodiensis petitio continebat, quod aliàs [felicis recollectionis Sixto V, praedecessori nostro, pro parte capitulorum dictae maioris ac secularium et collegiatarum ecclesiarum civitatis et dioecesis Leodiensis et quarundam particularium personarum, exposito², quod, cum ipsa capitula (praetextu litterarum piae memoriae Eugenii Papae IV etiam praedecessoris nostri, quas vim concordatorum inter ipsas ecclesias et Sedem Apostolicam habere praetendebant, ac quibus inter alia caveri dicebatur expresse, electiones ad dignitatem maiorem post pontificalem in maiori, et principales in collegiatis ecclesiis huiusmodi electivas per tempora a iure statuta, expectari, il-

lasque approbati et confirmari, vel infirmari debere, prout iustitia et aequitas suaderet, atque etiam praetextu litterarum recolendae memoriae Pii II et Sixti V, ac forsitan aliorum Romanorum Pontificum, etiam praedecessorum nostrorum, quibus inter alia idem ipsis etiam de novo indultum esse concessum dicebatur, quibus etiam litteris praedicti Sixti V praedecessoris antiqua consuetudo approbata praetendebatur, quod tam maioris quam etiam fere omnium aliarum ecclesiarum praedictarum civitatis et dioecesis huiusmodi maior et principales dignitates praedictae aliis quam canonicis actu praebendis ipsius ecclesiae maioris conferri aut commendari nequirent, quodque ab eisdem dignitatibus omnes aliae, praeter certas in dictis praetensis concordatis, indultis, et privilegiis expressas reservationes, erant exclusae), occurrentibus pro tempore vacationibus tam maioris quam principalium dignitatum huiusmodi, personarum idonearum ad illas electiones ad se legitime pertinere praetenderent; ac¹ postea inter provisos de illis auctoritate apostolicâ, et electos a praedictis capitulis ad easdem dignitates variae saepe lites et controversiae orirentur, prout ortae tunc erant, seu periculum erat, ne inter provisos a Sede praedictâ de aliquibus ex dictis dignitatibus et ad illas electos orirentur) idem Sixtus V praedecessor, supplicationibus sibi pro parte dictorum capitulorum desuper tunc porrectis inclinatus, per suas, sub datum Romae, apud sanctum Petrum, anno Incarnationis Dominicae MDLXXXV, nonis maii, pontificatus sui anno I^o, expeditas litteras, concordata seu indulta et praedecessorum praedictorum litteras moderans et amplians, loco illorum, in perpetuum eisdem capitulis omnium tam maioris quam aliarum ecclesia-

¹ Ex Regest. in Secret. Brev.

² Seq. expositio turbatissima est (R. T.).

¹ Particula ac redundare videtur (R. T.).

² Quas in Bullario esse non puto (R. T.).

rum civitatis ac dioecesis praedictarum, et eorum singulis, ut, occurrentibus vacationibus praepositurarum et abbatiarum secularium nuncupatarum earundem ecclesiarum tam scilicet maioris post pontificalem quam principalium dignitatum collegiarum ecclesiarum huiusmodi, nisi illae pro tempore vacantes per reservationes in corpora iuris clausas, aut¹ personis inibi nominatim expressis, dispositioni apostolicae reservatae forent, ad liberam electionem personarum idonearum ad dignitates huiusmodi procedere libere et licite valerent, concessit et indulgit; necnon quod electio ipsa intra triginta dies a die vacationis huiusmodi computandos omnino fieri, et confirmatio inter sex menses a die electionis numerandos a Romano Pontifice pro tempore existente, a quo confirmari vel infirmari deberet prout aequitas et ratio suaderet, petenda esset, decrevit; proviso tamen quod sic confirmati Ordinariis ipsis debita praestarent iuramenta, obsequia et alia, ad quae de iure vel consuetudine tenerentur: insuper, ne ad praeposituram maioris ecclesiae praedictae, quae inibi dignitas post pontificalem maior, vel ad Ss. Petri, Martini, Pauli, sanctae Crucis, Ioannis, Dionysii et Bartholomaei civitatis Leodiensis, necnon Tongrensis, Huensis, Fossensis, S. Mariae Traiectensis, Masekensis, Visetensis, Amoniensis, Cinacensis, Dionatensis, Tudinensis locorum seu oppidorum dictae dioecesis, et B. Mariae Namurcensis ecclesiarum praeposituras et abbatias seculares, quae in collegiatis ecclesiis huiusmodi principales sunt dignitates, aliae personae praeterquam canonici eiusdem maioris ecclesiae actu praebendati et personaliter in ea residentes, etiamsi aliam dignitatem in ipsa maiori aut aliis ecclesiis praedictis obtinerent, eligi possent aut deberent, et ne quis eorum plures

¹ Videretur addenda praep. pro (R. T.).

quam unam ex praeposituris seu abbatibus secularibus vel dignitatibus eiusmodi insimul retinere posset, perpetuo inhibuit et interdixit: decernens alias praedictas in corpore iuris clausas, et ratione personarum sic nominatim expressarum, ab ipso Sixto V, vel eius praedecessoribus, aut successoribus, pro tempore factas et faciendas, speciales et generales, de vacantibus et vacaturis beneficiis ecclesiasticis et dignitatibus huiusmodi reservationes, etiam per cancellariae apostolicae regulas, vel alias quascumque constitutiones vel ordinationes apostolicas, etiam perpetuas vel temporales, etiamsi in eis dignitates electivae nominatim et in specie reservatae, ac gratiae et indulta huiusmodi in specie expressa forent, ad dignitates praedictas minime extendi; sed, quoties illae emanarent, toties ipsa capitula in suum pristinum ius restituta et reintegrata censi debere decrevit, et alias, prout in dicti Sixti V praedecessoris litteris, quas vim contractus inter ipsum et Sedem praedictam cum dictis capitulis initi habere voluit, plenius continetur.

§ 2. Cum autem, sicut eadem petitio subiungebat, eadem capitula in possessione, seu quasi, iuris eligendi ad maiorem post pontificalem et principales dignitates ecclesiarum huiusmodi, iuxta formam dictarum litterarum existant, certumque sit, non parum ornamentum ipsis ecclesiis accedere, dum ad praedictas dignitates personae ex gremio capituli dictae maioris ecclesiae, quae inter insigniores christiani orbis ecclesias merito connumeratur, et in qua nullus nisi doctrinam aut generis nobilitate conspicuus in canonicum admitti potest, assumuntur, maximeque verendum sit ne secus plerumque accidat, si liberum sit aut permittatur dignitates ipsas obtinentibus illas in sibi benevisarum personarum favorem resignare, aut si ad illas alii, quam ex dicto gremio, assumantur;

Causae illud confirmandi.

Prout petitur.

§ 3. Quare, pro parte capituli et canonicorum maioris ecclesiae huiusmodi, et, qui ab ipsis pro eorum iuribus tuendis et defendendis ad nos et Sedem eandem missi sunt, dilectorum filiorum Lamberti de la Motte pro-decani et Ernesti de Kerckemac-Zegheri a Groesbegh eiusdem maioris ecclesiae canonicorum, nobis fuit humiliter supplicatum, quatenus in praemissis opportune providere, eosque amplioribus favoribus et gratis prosequi de benignitate apostolicâ dignaremur:

Confirmat Urbanus, ac resignationes, resignatorumque huiusmodi beneficiorum provisiones nonnulli de eiusdem capituli licentia fieri posse declarat.

§ 4. Nos igitur, earundem ecclesiarum decori et ornamento securius consulere volentes, ipsiusque capituli et canonicorum dictae maioris ecclesiae singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodati existunt, ad effectum praesentium dumtaxat consequendum, harum serie absolventes et absolutos fore censentes, dictas Sixti V praedecessoris litteras, illarumque totos et integros tenores praesentibus pro plene et sufficienter expressis habentes, illasque, et in eis contenta quaecumque, salvâ tamen infrascriptâ ampliacione et extensione, approbantes et confirmantes, omnesque et singulos tam iuris quam facti et quosvis alios defectus, si qui desuper quomodolibet intervenerint in eisdem, suppletes, easque modo infrascripto, illis aliâs et quoad reliqua omnia in suo robore permansuris, ampliantes, et extendentes easdem, capitulo et canonicis dictae maioris ecclesiae, ut de cetero praepositura maior post pontificalem maioris, et Ss. Petri, Martini, Pauli, sanctae Crucis, Ioannis, Dionysii, Bartholomaei civitatis, necnon Tongrensis, Huensis, Fossensis, B. Mariae Traiectensis, Eyckensis, Visetensis, Amaniensis, Cinacensis, Dionantensis et Tudiniensis locorum seu

oppidorum dictae dioecesis, et B. Mariae Namurcensis collegiatarum ecclesiarum praepositurae seu abbatae seculares, dignitates inibi principales, in aliorum praeterquam canonicorum eiusdem maioris ecclesiae actu praebendorum et personaliter in eâ residentium favorem, nisi etiam ad hoc capitulum huiusmodi, ius seu privilegium eligendi habentium, seu maioris partis eorum accedat assensus, etiam causâ permutationis et concordiae, etiam in nostris vel Romani Pontificis pro tempore existentis, vel cuiusvis alterius ad id facultatem habentis, manibus, a nunc et pro tempore obtinentibus resignari, seu iurium in illis vel ad illas competentium cessionem¹ fieri, vel in illarum regimine et administratione aliorum, quam canonicorum dictae maioris ecclesiae actu praebendorum et personaliter residentium, ac de consensu praedicto faciendâ², etiam apostolicâ et quavis aliâ auctoritate admitti, aut alii in coadiutores perpetuos et irrevocabiles in regimine et administratione dictarum dignitatum illas nunc et pro tempore obtinentium, etiam de eorum consensu et ad eorum instantiam, deputari nequeant; adveniente vero casu cessionis simplicis, seu ex decreto apostolico dimissionis in manibus nostris, seu alterius Romani Pontificis pro tempore existentis, de praedictis praepositis seu abbatibus secularibus, canonicis dictae maioris ecclesiae dumtaxat, ac de capituli, ad quod ad praeposituram seu abbatiam secularem, de qua cessionem simplicem seu etiam ex decreto apostolico dimissionem pro tempore fieri contigerit, electio spectet, consensu, et non aliâs, provideri debeat, apostolicâ auctoritate, tenore praesentium, perpetuo concedimus et indulgemus;

§ 5. Ac quascumque coadiutorum, etiam de consensu obtinentium, vel motu pro-

Ad easque Sixtinum indulgentiam extendit.

¹ Potius legendum *cessio* (R. T.).

² Hic et postea emendet qui potest (R. T.).

prio, de cetero deputationes, etiam cum futura successione, necnon resignationes, cessionesque ac dimissiones huiusmodi, illarumque admissiones, et in illorum consequentiam (etiam sub praetextu, seu ex eo quod vacatio ex resignatione seu dimissione in manibus Romani Pontificis facta et per eum admissa oriens sub reservatione in corpore iuris clausa comprehendatur aut comprehensa sit, ac propterea ab indulto dicti Sixti V praedecessoris, quod ad tales resignationes ac dimissiones et vacationes ex eis orientes, et quosvis dictarum dignitatum vacationum modos, etiam ex quibusvis, quaevis generales reservationes in corpore iuris clausae, ubicumque et quandocumque resultent, auctoritate et tenore praesentium extendimus, excepta dici, videri, censi aut interpretari possit, aut etiam debeat¹⁾, ad quorumvis aliorum, quam dictae maioris ecclesiae canonicorum actu praebendatorum et personaliter residentium favorem, et de consensu capitulorum ad illas eligendi ius habentium, huiusmodi, etiam per nos et Sedem praedictam, etiam motu simili et de apostolicae potestatis plenitudine, etiam consistorialiter, cum praesentium derogatione, et quibusvis etiam derogationum derogatoriis, et aliis efficacioribus et insolitis clausulis, irritantibusque et aliis decretis, de dignitatibus praedictis faciendas collationes, provisiones, commendas, commissiones, concessionem aut quasvis alias dispositiones, tamquam praeter mentem et intentionem nostram, et in praeiudicium dictorum capitulorum et praebendatorum, eorumque iurium et privilegiorum factas, nullas, invalidas, nulliusque roboris et momenti fore, nullumque per eas cuiquam ius, aut etiam coloratum titulum possidendi tribui;

Clausulas pro
praesentium lit-

§ 6. Praesentes vero litteras de subreptionis vel obreptionis vitio, etiam ex eo,

1 Quae inclusi parentesi non intellige (n. r.).

quod interesse forsitan habentes, seu habere praetendentes, ad id vocati et auditi non fuerint, et causae, propter quas emanarint, iustificatae et verificatae non fuerint, notari non posse, minusque sub quibusvis similibus vel dissimilibus gratiarum revocationibus, suspensionibus aut aliis contrariis dispositionibus comprehendi, sed semper ab illis excipi, perpetuoque validas et efficaces existere, et, quoties illas revocari, suspendi, aut contra eas aliquid disponi contigerit, toties in pristinum et validissimum, ac eum, in quo antea quomodolibet erant, statum restitutas, repositas et plenarie reintegratas, seu de novo etiam sub quacumque posteriori data per dicta capitula quandocumque eligenda concessas esse et fore, sicque ab omnibus censi, et ita per quoscumque iudices ordinarios vel delegatos, etiam palatii apostolici auditores, ac sanctae Romanae Ecclesiae cardinales, etiam de latere legatos et nuncios, iudicari ac definiri debere, ac irritum et inane quidquid secus super his a quoquam, quavis auctoritate, scienter vel ignoranter, contigerit attentari, eisdem auctoritate et tenore decernimus.

§ 7. Non obstantibus praemissis, et, quatenus opus sit, similis memoriae Benedicti Papae XII pariter praedecessoris nostri, quae incipit *Ad regimen*, aliisque constitutionibus et ordinationibus apostolicis, dictarumque ecclesiarum (iuramento, confirmatione apostolica, vel quavis alia firmitate roboratis) statutis et consuetudinibus, usibus et naturis, privilegiis quoque, indultis et litteris apostolicis illis, eorumque capitulis, praesulibus et aliis superioribus et personis, sub quibuscumque tenoribus et formis, ac cum quibusvis clausulis et decretis, in contrarium forsitan quomodolibet concessis, approbatis et innovatis; quibus omnibus, etiamsi de illis, eorumque totis tenoribus et formis, specialis, specifica et individua, non autem per clau-

Obstantia tollit.

sulas generales idem importantes, mentio seu quaevis alia expressio ad hoc habenda foret, illis aliis in suo robore perman- suris, harum serie specialiter et expresse derogamus, ceterisque contrariis quibus- cumque. Per praesentes autem non inten- dimus illis, ad quorum favorem praepo- siturae seu abbatiae seculares praedictae, vel earum aliqua seu aliquae, apostolicâ auctoritate concessae iam reperiuntur, praedictae; easdemque praesentes, quo- minus resignationes iam admissae, seu coadiutoriae iam concessae, suum debitum consequantur effectum, ullo modo in ali- quo volumus non obstat.

Clausulae
poenales.

§ 8. Nulli ergo omnino hominum liceat hanc paginam absolutionis, approbationis, confirmationis, suppletionis, ampliationis, extensionis, concessionis, indulti, decretorum et voluntatis infringere, vel ei ausu temerario contraire. Si quis autem hoc attemptare praesumpserit, indignationem om- nipotentis Dei et beatorum Petri et Pauli apostolorum eius se noverit incursurum.

Datum Romae, apud S. Petrum, anno Incarnationis Dominicae MDCXXVI, sexto kalendas aprilis, pontificatus nostri anno III.

Dat. die 27 martii 1626, pontif. anno III.

CXCIX.

Extensio indulti recitandi officium de beato Felice de Cantalicio ad omnes fratres Ordinis fratrum Minorum sancti Francisci Cappuccinorum ubique existentes.

Urbanus Papa VIII,
ad perpetuam rei memoriam.

Recensetur
praecedens in-
dultum.

Nuper, nomine dilectorum filiorum nobilium virorum Maximiliani Bavariae sacri Romani Imperii principis electoris ac Caroli Lotharingiae ducum respective, nec non Francisci a Lotharingia comitis Vademontani, dilectarumque in Christo filiarum nobilis mulieris Elisabethae Bavariae

ducissae et Catharinae etiam a Lotharin- gia monasterii Sedi Apostolicae immediate subiecti S. Petri de Romaricomonte Or- dinis S. Benedicti, nullius seu Tullensis dioecesis, abbatissae, necnon etiam mini- stri generalis et fratrum Ordinis Minorum S. Francisci Cappuccinorum, nuncupato- rum, nobis exposito, quod bonae memoriae Felix de Cantalicio, eiusdem Ordinis, dum vixit, professor, multis et eximiis virtutum, gratiarum et miraculorum donis a Domino illustratus fuerat, eaque propter Maximilianus et Carolus duces, ac Franciscus comes, necnon Elisabetha ducissa et Ca- tharina abbatissa, ac minister et fratres praedicti, nobis humiliter supplicari fe- cerant, ut, donec canonizationis honor dicto Felici de Cantalicio ob eius eximiam charitatem et excellentia merita, divina aspirante gratiâ, ab Apostolicâ Sede decerneretur, idem Felix de Cantalicio Bea- tus nuncupari, officiumque et missa de eo recitari et celebrari posset; nos, huius- modi supplicationibus tunc inclinati, de venerabilium fratrum nostrorum S. R. E. cardinalium sacris ritibus praepositorum consilio, ut ipse bonae memoriae Felix de Cantalicio Beatus nuncupari, officium- que et missa de eo tamquam de communi Confessoris non Pontificis iuxta rubricas missalis et breviarii romani eo anno ab omnibus dicti Ordinis fratribus ubique existentibus, hic autem Romae etiam a sacerdotibus ad ecclesias, eorundem fra- trum confluentibus, eorum superioribus benevisâ, in posterum vero die dumtaxat sui obitus, in ecclesiis fratrum praedicto- rum, videlicet in Nanceli, ac praedicto Romaricomontis, necnon Cantalicii oppi- dis ab eisdem fratribus tantum, Romae vero, ubi corpus requiescit, etiam a sa- cerdotibus ad ecclesiam dictorum fratrum confluentibus recitari et celebrari respec- tive libere et licite posset et valeret, li- centiam et facultatem apostolicâ auctori-

tale concessimus et impartiti sumus, prout in nostris desuper in simili formâ Brevis expeditis litteris, quarum tenores¹ praesentibus pro expressis haberi volumus, plenius continetur².

Extensio, de qua in rubrica.

§ 1. Nunc autem, dilecti filii procuratoris generalis dicti Ordinis ac ministri generalis fratrum praedictorum nomine nobis humiliter porrectis supplicationibus inclinati, de praedictorum cardinalium consilio, ut a fratribus eiusdem Ordinis universis et singulis ubique existentibus, Romae autem dumtaxat ab eis et a sacerdotibus ad ecclesiam ubi eiusdem B. Felicis corpus requiescit confluentibus³ officium et missa de eo tamquam de communi Confessoris non Pontificis iuxta rubricas missalis et breviarii romani recitari et celebrari respective libere similiter et licite possit et valeat, licentiam et facultatem, dictâ auctoritate, tenore praesentium concedimus pariter et impartimur.

Contraria tolluntur.

§ 2. Non obstantibus omnibus illis, quae in dictis litteris volumus non obstare, ceterisque contrariis quibuscumque.

Fides transumptis additur.

§ 3. Volumus autem, ut praesentium transumptis, etiam impressis, manu alicuius notarii publici subscriptis, et sigillo alicuius personae in dignitate ecclesiasticâ constitutae munitis, eadem prorsus ubique fides adhibeatur, quae adhiberetur praesentibus, si forent exhibitae vel ostensae.

Datum Romae, apud S. Petrum, sub annulo Piscatoris, die IX aprilis MDCXXVI, pontificatus nostri anno III.

Dat. die 9 aprilis 1626, pontif. anno III.

CC.

Declaratio, quod sancta Elisabetha regina Portugalliae Tertium Ordinem S. Francisci expresse fuerit professa.

¹ Edit. Main. legit *tenore* (R. T.).

² Quas vide supra pag. 372 (R. T.).

³ Vocem *confluentibus* addimus (R. T.).

Urbanus Papa VIII.,
ad perpetuam rei memoriam.

Cum, sicut dilectus filius Ioannes de sancto Bernardino, procurator generalis Ordinis fratrum Minorum S. Francisci de Observantia, nobis nuper exponi fecit, S. Elisabetham reginam, dum vixit, Portugalliae, quam nos aliâs divinâ aspirante gratiâ in Sanctorum numerum retulimus, Tertium Ordinem S. Francisci expresse professam fuisse plene constiterit, prout in processu, aliisque informationibus desuper fabricatis latius continetur, et propterea dictus Ioannes, ne ulli in hoc dubitationi locus unquam esse possit, per nos, ut infra opportune providere summo opere desideret.

Instante procuratore generali fratrum minorum sancti Francisci de Observantia.

§ 1. Nos, eundem Ioannem specialibus favoribus et gratis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatus existit, ad effectum praesentium dumtaxat consequendum, harum serie absolventes et absolutum fore censentes, supplicationibus eius nomine nobis super hoc humiliter porrectis inclinati, de venerabilium fratrum nostrorum S. R. E. cardinalium sacris ritibus praepositorum consilio, eandem S. Elisabetham Tertii Ordinis S. Francisci huiusmodi fuisse et esse, atque in omnibus pro tali ubique haberi et reputari;

Declarat sanctam Elisabetham tertium Ordinem fuisse expresse professam.

§ 2. Sicque et non aliter per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari, apostolicâ auctoritate, tenore praesentium, perpetuo decernimus et declaramus.

Aliter iudicari prohibet.

§ 3. In contrarium facientibus non obstantibus quibuscumque.

Contraria subtrahit.

Datum Romae, apud S. Mariam Maiorem, sub annulo Piscatoris, die XXII aprilis MDCXXVI, pontificatus nostri anno III.

Dat. die 22 aprilis 1626, pontif. anno III.

CCI.

Praecipitur omnibus monachis Ordinis S. Benedicti, ut breviario et missali a Paulo Papa V approbatis utantur.

Urbanus Papa VIII,
ad perpetuam rei memoriam.

Prooemium.

In cathedrâ Principis apostolorum, nullis licet nostris suffragantibus meritis, divinâ providentiâ constituti, religiosorum Ordinum quorumcumque in Ecclesiâ Dei, praesertim sub gloriosi monachorum principis sancti Benedicti illustri vexillo militantium, prosperum statum, felicemque directionem sinceris desiderantes affectibus, in his, per quae religiosi ipsi debitas laudes Altissimo cum consensu et uniformi ritu persolvere valeant sedulo intendimus, ac desuper pastoralis officii nostri partes interponimus, prout conspiciamus in Domino salubriter expedire.

Orta quaestio-
ne inter mona-
chos veteri ne
an novo potius
breviario et mis-
sali uterentur?

§ 1. Cum itaque, sicut accepimus, editis aliâs breviario et missali monasticis, de mandato felicitis recordationis Pauli Papae V praedecessoris nostri reformatis pro omnibus monachis sub regulâ sancti Benedicti militantibus, praesidente ad hoc opus bonae memoriae Roberto S. R. E. cardinali Bellarmino nuncupato, cum assistentiâ etiam dilectorum filiorum procuratorum generalium totius Ordinis sancti Benedicti huiusmodi, eisque per monachos et capitulum generale dicti Ordinis congregationis Hispaniarum non solum receptis, sed etiam ultra annum in multis monasteriis in usu habitis; succedente novo abbate generali, qui novum missale huiusmodi dimitti et vetus continuari sub praecepto et censuris ordinaverat, res in capitulo

1 Ex Regest. in Secret. Brevium.

generali dicti Ordinis de novo proposita fuerit; et, licet novus abbas huiusmodi pro suâ opinione a maiori parte capituli¹ obtinuerit, nihilominus ab eiusdem capituli decreto aliqui appellaverint, habitoque ad venerabiles fratres nostros S. R. E. cardinales sacris ritibus praepositos recursum, ac multa deducendo pro huiusce rei diffinitione insteterint:

§ 2. Nos, pro nostri pastoralis officii debito omnem in praemissis discordiarum materiam e medio submovere, pacique et quieti monachorum praedictorum, quantum cum Domino possumus, consulere volentes, de eorumdem cardinalium consilio, motu proprio, et ex certâ scientiâ ac maturâ deliberatione nostris, breviarium et missale praedicta de mandato Pauli praedecessoris huiusmodi, ut praefertur, edita, ex quo semel ab initio acceptata sunt, de cetero perpetuis futuris temporibus omnino continuari, atque ita ab omnibus et singulis monachis praedictis inviolabiliter observari;

Urbanus praecipit, ut edito temporibus Pauli V utantur.

§ 3. Sicque per quoscumque iudices² ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari, apostolicâ auctoritate, tenore praesentium, decernimus et declaramus.

Et ut sic ab omnibus servetur et iudicetur.

§ 4. Mandantes propterea in virtute sanctae obedientiae, ac sub privationis vocis activae et passivae, necnon officiorum per eos obtentorum, inhabilitatisque ad illa et alia imposterum obtinenda, aliisque arbitrii nostri poenis, dilectis filiis generali, ac aliis prioribus, abbatibus, praesidentibus, ceterisque Ordinis et congregationis huiusmodi superioribus, quocumque nomine nuncupatis, quatenus in omnibus et singulis utriusque sexus monasteriis,

Mandatum de parendo.

¹ Forsan deest *vota* aut *suffragia* (R. T.).

² Edit. Main. legit *iudicis* (R. T.).

conventibus, domibus, prioratibus, hospitalibus, grangiis, ceterisque locis regularibus eorumdem Ordinis et congregationis, quantumvis exemptis et privilegiatis, breviarium et missale, sic ut praefertur, edita, veteribus, quibus antea utebantur, omnino postpositis, recipiant, ac recipi et admitti, eisque deinceps, ad publicum privatimque in choro et extra precandum, psallendum, ac missas, horasque canonicas celebrandas et recitandas, in omnibus et per omnia uti cum effectu curent et faciant; contradictores quoslibet, ac in praemissis non parentes, per censuras et poenas ecclesiasticas, aliaque opportuna iuris et facti remedia, appellatione postposita, compescendo, invocato etiam ad hoc, si opus fuerit, auxilio brachii secularis.

Derogatio
contrarium.

§ 5. Non obstantibus decreto capituli generalis praedicto, aliisque praemissis, et quibusvis constitutionibus et ordinationibus apostolicis, et, quatenus opus sit, Ordinis et congregationis huiusmodi (etiam iuramento, confirmatione apostolica, vel quavis firmitate alia roboratis, statutis et consuetudinibus, privilegiis quoque, indultis, exemptionibus et litteris apostolicis, eisdem Ordini et congregationi, illorumque abbatibus, presidentibus, prioribus, superioribus et monachis, ac quibusvis aliis, sub quibuscumque tenoribus et formis, ac cum quibusvis etiam derogatoriis derogatoriis, aliisque efficacioribus et insolitis clausulis, necnon irritantibus et aliis decretis, in genere vel in specie, ac aliis, in contrarium praemissorum quomodolibet concessis, confirmatis et innovatis. Quibus omnibus et singulis, etiamsi de illis specialis, specifica et expressa mentio habenda esset, illorum omnium et singulorum tenores praesentibus pro plene et sufficienter expressis et insertis habentes, hac vice dumtaxat specialiter et

1 Edit. Main. legit ex (R. T.).

expresse derogamus, ceterisque contrariis quibuscumque.

§ 6. Volumus autem, quod praesentium transumptis, etiam impressis, manu notarii publici subscriptis, et sigillo personae indignitate ecclesiastica constitutae munitis, eadem prorsus fides ubique locorum habeatur, quae ipsis praesentibus haberetur, si forent exhibitae vel ostensae.

Fides danda
transumptis.

Datum Romae, apud S. Mariam Maiorem, sub annulo Piscatoris, die VII maii MDCXXVI, pontificatus nostri anno III.

Dat. die 7 maii 1626, pontif. anno III.

CCII.

Beatificatio venerabilis Servae Dei Mariae Magdalenae de Pazzis, cum facultate celebrandi missam et officium de eâ Romae et Florentiae¹.

Urbanus Papa VIII,
ad perpetuam rei memoriam.

In Sede Principis apostolorum, nullis licet nostris suffragantibus meritis, a Domino constituti, piis fidelium votis, quibus virtutum Dominus in servis et ancillis suis honorificatur, libenter annuimus, eaque favoribus prosequimur opportunis, prout in Domino conspiciamus expedire.

Exordium

§ 1. Sane pro parte dilecti filii nobilis viri adolescentis Ferdinandi Hetruriae sibi subiectae magni ducis, ac dilectarum in Christo filiarum nobilium mulierum Mariae Magdalenae archiducissae Austriae et Christinae a Lotharingia Hetruriae similiter sibi subiectae magnarum ducissarum viduarum, necnon priorissae, ac monialium monasterii S. Mariae Angelorum nuncupati in burgo S. Fridiani civitatis Florentinae, nobis nuper expositum fuit, quod bonae memoriae ancilla Dei Maria Magdalena de Pazzis Florentina, monialis dicti monasterii, multis eximiis

Magnae Hetruriae ducis
preces.

1 Ex Regest. in Secret. Brev.

virtutum et gratiarum ac miraculorum donis a Domino illustrata fuit. Quapropter Ferdinandus magnus dux, et Maria Magdalena archiducissa necnon Christina, magnae ducissae viduae, ac priorissa et moniales praedictae nobis humiliter supplicari fecerunt, ut, donec canonizationis honor dictae ancillae Dei Mariae Magdalena ob eius excellentia merita divina aspirante gratia ab Apostolica Sede decernatur, eadem ancilla Dei Maria Magdalena Beata nuncupari, atque officium et missa de ea ut infra recitari et celebrari possit.

Indultum, de quo in rubrica.

§ 2. Quare nos, re prius per venerabiles fratres nostros S. R. E. cardinales sacris ritibus praepositos, quibus eam examinandam mandavimus, mature discussa, de eorumdem cardinalium consilio, huiusmodi supplicationibus inclinati, ut ipsa ancilla Dei Maria Magdalena in posterum Beata nuncupari, officiumque et missa de ea tamquam de communi Virginis non Martyris iuxta rubricas missalis et breviarii romani in omnibus et singulis civitatis Florentinae ecclesiis, et hic Romae pro praesenti anno dumtaxat in ecclesia S. Ioannis Baptistae nationis Florentinorum, in qua beatificationis huiusmodi solemnitas celebrabitur, in eiusdem ancillae Dei Mariae Magdalena obitus, seu alia subsequenti non impedita die, a quibusvis clericis et presbyteris tam secularibus quam regularibus recitari et celebrari respective possit et valeat, apostolica auctoritate, tenore praesentium, perpetuo concedimus et indulgemus.

Derogatio contrarium.

§ 3. Non obstantibus constitutionibus et ordinationibus apostolicis, ceterisque contrariis quibuscumque.

Fides danda transumptis.

§ 4. Volumus autem, ut praesentium transumptis, manu alicuius notarii publici subscriptis, et sigillo personae in dignitate ecclesiastica constitutae munitis, eadem ubique fides adhibeatur, quae ipsis prae-

sentibus adhiberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die viii maii MDCXXVI, pontificatus nostri anno iii.

Dat. die 8 maii 1626, pontif. anno iii.

CXCIII.

Confirmatio resolutionis quorundam dubiorum circa xi, xvii necnon xxii capita sess. xxv De Regularibus Concilii Tridentini per sacram Congregationem factae pro archiepiscopo Manilensi in Indiis¹.

Urbanus Papa VIII,
ad futuram rei memoriam.

§ 1. Exponi nobis nuper fecit venerabilis frater archiepiscopus Manilensis, quod, habito per eum ad venerabiles fratres nostros sanctae Romanae Ecclesiae cardinales sacri Concilii Tridentini interpretes super infrascriptis dubiis recursu:

Primo videlicet, an iurisdictione, visitatio et correctio in cap. xi *De Regularibus*, sess. xxv, episcopis tributa super parochis regularibus, intelligatur eadem, quam super parochis secularibus habent; et ideo si dictos parochos regulares episcopus poterit compellere, ne excedant taxam ab ipso factam super emolumentis baptismatum, matrimoniorum, funeralium et aliorum, etiamsi ad hoc licentiam ab eorum superioribus regularibus vel capitulis provincialibus habeant:

Dubia ab archiepiscopo Manilensi proposita.

Secundo, cum dictum concilium capite xvii *De Regularibus* eiusdem sessionis decernat, ut episcopus bis examinet, quae moniales fieri volunt, primo scilicet, quando habitum suscipiunt, secundo vero, tempore professionis, an hoc etiam intelligatur in monasteriis superio-

¹ Ex Regest. in Secret. Brev.

ribus regularibus subiectis; et si episcopus eorumdem rectores compellere possit, ne habitum novitiae dent, nisi prius episcopum certiores faciant, ut puellae voluntatem explorare valeat:

Tertio, cum idem concilium cap. xxii *De Regularibus* eiusdem sessionis, decernat, quod observentur et executioni mandentur omnia in praecedentibus viginti uno capitibus decreta, et inter alia non obstantia praesens existat, videlicet: *Atque etiam consuetudinibus vel praescriptionibus etiam immemorabilibus etc.*, an praedicta verba: *Atque etiam consuetudinibus etc.*, debeant intelligi, etiam de consuetudinibus post concilium introductis, sciente vel ignorante episcopo, taliter quod eidem episcopo in futurum praeiudicium inferre nequeant:

Quarto, cum dictum caput xxii inter alia contineat sequentia verba, videlicet: *Praecipit omnibus episcopis in monasteriis sibi subiectis, et in omnibus aliis in superioribus decretis specialiter commissis, etc., ut statim praefata exequantur*, an in dictis rebus regularium et monialium, in quibus ipsi episcopo tribuitur iurisdictio, episcopus dictos regulares cogere et compellere possit sub censuris, aliisque remediis opportunis, prout de iure:

Quinto, an a praedictis censuris, in regulares et moniales ab Ordinariis latis, possint ipsi regulares et moniales a suis superioribus absolvi:

Responsio
Congregationis
Concilii,

§ 2. Iidem cardinales ad primum dubiorum huiusmodi, in regulares curam animarum personarum secularium exercentes, in his quae dictam curam et sacramentorum administrationem concernunt, episcopum eadem auctoritate uti posse, qua in parochos seculares; proindeque regulares ipsos in emolumentis, ut proponitur, legitime percipiendis prohibere posse, ne excedant taxam ab epis-

copo praescriptam: ad secundum, Ita esse intelligendum: ad tertium, Ita esse intelligenda: ad quartum, in omnibus, episcopo specialiter commissis in decretis sessionis praedictae *De Regularibus*, licere eidem episcopo ad illorum executionem regulares compellere etiam poenis et censuris ecclesiasticis: ad quintum, non posse absolvi a suis superioribus, responderunt et decreverunt, et alias, prout in eorumdem cardinalium decreto desuper emanato plenius dicitur contineri.

§ 3. Cum autem, sicut eadem expositio subiungebat, dictus archiepiscopus plurimum cupiat, decretum seu responsum huiusmodi, pro illius firmitate subsistentia, apostolicae nostrae confirmationis robore communiri; ideo nobis humiliter supplicari fecit, ut eius desideriis huiusmodi annuere de benignitate apostolica dignemur.

Quam archiepiscopus petit confirmari.

§ 4. Nos igitur, dictum archiepiscopum specialibus favoribus et gratiis prosequi volentes, huiusmodi supplicationibus inclinati, decretum seu responsum praedictum apostolica auctoritate, tenore praesentium, approbamus et confirmamus, illique inviolabilis apostolicae firmitatis robur adiicimus, ac omnes et singulos tam iuris quam facti defectus, si qui desuper quomodolibet intervenerunt, supplemus.

Confirmat Pontifex.

§ 5. Decernentes, decretum seu responsum huiusmodi necnon praesentes litteras valida, firma et efficacia existere et fore, suosque plenarios et integros effectus sortiri et obtinere, ac ab omnibus, quos illud concernit, seu concernet quomodolibet in futurum, inviolabiliter observari; sicque in praemissis per quoscunque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Clausulae.

Contraria tollantur.

§ 6. Non obstantibus constitutionibus et ordinationibus apostolicis, et quibuscumque (etiam iuramento, confirmatione apostolica, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, illorum tenores praesentibus pro expressis ac de verbo ad verbum insertis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die ix maii MDCXXVI, pontificatus nostri anno III.

Dat. die 9 maii 1626, pontif. anno III.

CXCIV.

Facultas regi catholico nominandi iudices ad cognoscendas causas inter archiepiscopum Elborensem et militias S. Iacobi et S. Benedicti de Avis vertentes, ipsi autem archiepiscopo tres ex nominatis iudicibus recusandi¹.

Charissimo in Christo filio nostro,
Portugalliae et Algarbiorum regi catholico,
Urbanus Papa VIII.

Charissime in Christo fili noster,
salutem et apostolicam benedictionem.

Provenit.

Onerosa pastoralis officii cura, nullo licet meritorum suffragio, humilitati nostrae inenarrabili Regis regum et Domini dominantium iudicio commissa postulat, ut non solum omnibus praesertim ecclesiasticis, regularibusque personis iustitiam aequaliter ministrare curemus, sed quancumque lites, controversias et dissidia inter eas vigentes quiete praecedere studeamus.

¹ Ex Regest. in Secret. Brev.

§ 1. Cum itaque, sicut accepimus, tu provide considerans, ex litibus, seu controversiis, quae inter archiepiscopum Elborensem, pro tempore existentem ex unâ, ac praeceptores seu commendatarios, fratres milites, officialesque, et alios ministros militiarum S. Iacobi et S. Benedicti de Avis regni Portugalliae, quarum tu perpetuus administrator apostolicâ auctoritate deputatus existis, ex alterâ partibus, de et super iurisdictione sive facultate visitandi et reformandi ecclesias seu personas dictarum militiarum, et quasi omnimodo illarum tam spirituali quam temporali gubernio, ratione privilegiorum et exemptionum eisdem militiis concessorum, nonnullorumque decretorum ac declarationum Concilii Tridentini, necnon sententiarum diversis temporibus ad favorem earundem militiarum emanatarum, possessionumque immemorabilium, coram uno seu diversis iudicibus indecise pendendum¹, plurima detrimenta, non sine notabili ecclesiarum et personarum praedictarum cum spirituali tum temporali dispendio et christifidelium, scandalo provenire; ipsum vero archiepiscopum, necnon praeceptores, seu commendatarios, fratres milites, aliasque personas huiusmodi, ad litium dubios eventus, in iisque prosequendis labores et expensas subiri solitas evitandum, super litibus et controversiis inter eos vigentibus huiusmodi, et quae oriri possint tempore procedente, ad concordiam et amicabilem compositionem, maiestate tuâ mediante, facile deventuros esse, si nostra et Sedis Apostolicae facultas desuper suffragetur:

§ 2. Nos, qui in id semper intendimus, ut, sublatis litium et controversiarum occasionibus, ecclesiasticae et praesertim divino servitio mancipatae personae, quietam et tranquillam vitam traducentes, in tuendam

Causae concedendi facultatem, de qua in rubricâ

Controversia.

¹ Legerem indecisae pendent (R. T.).

pace atque unione christianâ, ceteris exemplum praebeant, praedictarum litium et causarum status et merita, nominaque et cognomina iudicum et colligantium, ac alia de necessitate exprimenda praesentibus pro sufficienter expressis habentes, omnesque et quascumque lites et controversias inter archiepiscopum et priores, milites, commendatarios, conventus, mensas magistrales, aliasque quascumque personas dictarum militiarum, coram quibuscumque iudicibus ordinariis et delegatis, tam in Romana curiâ, quam extra eam, motas et quantumcumque instructas, ac etiam pro tempore movendas, ad nos et Sedem Apostolicam, quatenus opus sit, harum serie, in statu et terminis, in quibus reperiuntur, avocantes, motu proprio et ex certâ scientiâ ac merâ deliberatione nostris, deque apostolicae potestatis plenitudine, eidem maiestati, ut partibus praedictis terminum viginti dierum ad consentiendum in sex commissarios, qui in dignitate ecclesiasticâ constituti, vel in aliquâ probatâ studii generalis universitate in iure canonico graduati sint, per te nominandos, auctoritate nostrâ praefigere; quo quidem termino elapso, et consensu per dictas partes non praestito, sex huiusmodi commissarios, ex quibus dictus archiepiscopus tres suspectos dare possit, eâdem auctoritate deputare; qui praedictas et quascumque alias cuiuscumque qualitatibus existentis causas, etiam decimarum, iurispatronatus, praesentandi et providendi de quibusvis beneficiis ecclesiasticis et cappellis, necnon iurisdictionis tam spiritualis quam temporalis, bonorum, reddituum et territoriorum, tam mensam archiepiscopalem Elborensensem quam militias et personas huiusmodi spectantium, extra iudicialiter, ac omni et quacumque appellatione, reclamazione et recursu remotis, concordare et componere, aliaque in praemissis necessaria et opportuna, etiamsi

talia forent, quae magis specialem et specificam requirerent mentionem, facere, dicere, gerere et exequi libere et licite respective possint et valeant, plenam et absolutam auctoritatem et facultatem, dictâ auctoritate, tenore praesentium, tribuimus et impartimur.

§ 3. Quidquid autem per eosdem iudices in causis huiusmodi, tam motis quam movendis, ut praefertur, concordatum, terminatum, stabilitum et compositum fuerit, firmum, validum et efficax esse et fore decernimus, et ad eius inviolabilem observantiam partes ipsas cogi et compelli, neque ullo unquam tempore sub quovis praetextu, et causâ ab illo resiliari posse praecipimus; partibusque ipsis desuper ex nunc, prout ex tunc postquam lites et controversiae huiusmodi concordatae fuerint, ut praefertur, perpetuum silentium imponimus;

§ 4. Necnon praesentes litteras ex quacumque causâ de subreptionis vel obreptionis seu nullitatis vitio, aut intentionis nostrae vel alio quovis defectu notari, impugnari, annullari vel invalidari, aut aliâs quomodolibet infringi, seu retractari, aut in ius seu controversias revocari, aut adversus illas quodcumque iuris aut facti remedium impetrari nullatenus posse; sicque per quoscumque iudices ordinarios et delegatos, etiam causarum palatii apostolici auditores, et S. R. E. cardinales, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

§ 5. Non obstantibus quibuscumque aliis super praemissis commissionibus et litis pendentiis et constitutionibus et ordinationibus apostolicis, necnon ecclesiae et militiarum praedictarum (etiam iuramento confirmatione apostolicâ, vel quavis firmitate aliâ roboratis) statutis et consuetudinibus, stabilimentis, usibus et naturis,

Mandatum de
parendo.

Clausulae pro
praesentium lit-
terarum firmi-
tate.

Derogatio
contrariorum.

privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, eorum omnium tenores praesentibus pro plene et sufficienter expressis et ad verbum insertis habentes, illis aliàs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Fides data
transumptis.

§ 6. Volumus autem et apostolicâ auctoritate decernimus, quod earumdem praesentium transumptis, manu alicuius notarii publici subscriptis, et sigillo alicuius personae in dignitate ecclesiasticâ constitutae munitis, eadem prorsus fides adhibeatur, quae praesentibus adhiberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, diè xxviii maii MDCXXVI, pontificatus nostri anno III.

Dat. die 28 maii 1626, pontif. anno III.

CXCV.

Confirmatio unionis congregationis Oratorii Aquensis in Provinciâ Congregationi Oratorii Domini nostri Iesu Christi in regno Franciae¹.

Urbanus Papa VIII,
ad perpetuam rei memoriam.

Exordium.

Ex iniuncto nobis desuper apostolicae servitutis officio, ad ea, per quae piorum hominum Congregationes in militanti Ecclesiâ ad maiorem Dei gloriam provide institutae maioribus in dies proficiant incrementis, sedulo intendimus, ac desuper pastoralis officii nostri partes favorabiliter interponimus¹, prout conspiciamus in Domino salubriter expedire.

Presbyteri
Congregationis
Oratorii Aquen-
sis Congrega-
tionis in regno

§ 1. Exponi siquidem nobis nuper fecerunt dilecti filii presbyteri et clerici Congregationis Oratorii in Ecclesiâ B. Mariae

¹ Ex Regest. in Secret. Brevium.

Virginis Aquensi in Provinciâ per felicis recordationis Paulum Papam V praedecessorem nostrum erectae et institutae, quod ipsi, pro feliciore eiusdem Congregationis statu atque regimine, eandem Congregationem Congregationi Oratorii Domini nostri Iesu Christi, in regno Franciae apostolicâ auctoritate institutae a dilecto filio Petro Berul secundodictae Congregationis huiusmodi superiori generali, salvis tamen et illacis remanentibus privilegiis, gratis et indultis primodictae Congregationi per eundem Paulum praedecessorem concessis, uniri atque incorporari, omnimodaeque eiusdem Petri moderni et pro tempore existentis superioris generalis huiusmodi iurisdictioni et superioritati, ad instar aliarum dictae Congregationis Oratorii Domini nostri Iesu Christi domorum, subiici obtinuerunt, prout in patentibus desuper confectis litteris plenius dicitur contineri.

§ 2. Cum autem, sicut eadem expositio subiungebat, presbyteri et clerici praedicti plurimum cupiant unionem et incorporationem necnon subiectionem praedictas, pro maiori illorum¹ validitate, apostolicae confirmationis robore communiri, nos presbyterorum et clericorum praedictorum votis, quantum cum Domino possumus, annuere, illosque specialibus favoribus et gratis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censentes, supplicationibus eorum nomine nobis super hoc humiliter porrectis inclinati, unionem et incorporationem, ac subiectionem praedictas, et, prout illas concernunt, omnia et singula in dictis litteris

Franciae ere-
ctae cupimus
uniri.

Un. Pontifex

¹ Potius legerem *illarum* (n. r.).

contenta, licita tamen et honesta, apostolica auctoritate, tenore praesentium, approbamus et confirmamus, illisque perpetuae et inviolabilis apostolicae firmitatis robur adiicimus, ac omnes et singulos tam iuris quam facti defectus, si qui desuper quomodolibet intervenerit, supplemus.

Clanculus ap-
Pontif.

§ 3. Decernentes, praesentes litteras validas, firmas et efficaces existere et fore, suosque plenarios et integros effectus sortiri et obtinere, ac ab omnibus et singulis, ad quos spectat, inviolabiliter observari; sicque, et non aliter, in praemissis per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quocumque, quavis auctoritate, scienter vel ignoranter, contigerit attentari.

Obstantiaque
tollit.

§ 4. Non obstantibus constitutionibus et ordinationibus apostolicis, ac utriusque Congregationis huiusmodi (etiam iuramento, confirmatione apostolica, vel quavis firmitate alia roboratis) statutis et consuetudinibus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die xxx maii MDCXXVI pontificatus nostri anno III.

Dat. die 30 maii 1626, pontif. anno III.

CXCVI.

Avocatio quarumcumque causarum inter collectorem generalem spoliolum et commissarium cruciatum in regnis Portugalliae et Algarbiorum¹.

Urbanus Papa VIII,
ad futuram rei memoriam.

Nonnullas controversias inter collectorem spoliolum et commissarium cruciatum exortas.

§ 1. Cum, sicut non sine gravi animi nostri molestia accepimus, nonnullae differentiae inter dilectos filios magistrum Iohannem Baptistam Pallottum, in utraque signaturam nostram referendarium, ac iurium

¹ Ex Regest. in Secret. Brev.

et spoliolum camerae nostrae apostolicae in Portugalliae et Algarbiorum regnis debitorum collectorem generalem, et seu eius auditorem, ex una, et Antonium Mascarenhas, indulgentiarum et gratiarum spiritualium et temporalium cruciatum eorumdem regnorum commissarium apostolicam auctoritate deputatum, ex altera partibus, de et super facultate et iurisdictione ipsius Antonii commissarii, aliisque rebus in actis causae et causarum latius deductis, ortae fuerint et vigeant ad praesens, cumque ex supradictis plura scandala orta iam sint, et verendum sit ne in dies maiora oriantur:

Pontifex ad
se advocat.

§ 2. Nos, qui in supremo iustitiae throno, meritis licet insufficientibus, per ineffabilem divinae sapientiae providentiam constituti sumus, praemissis, quantum cum Domino possumus, obviare, et uniuscuiusque iuribus consulere volentes, necnon differentiarum et aliarum rerum in actis huiusmodi deductarum praesentibus, perinde ac si specificae, specialiter et expresse insererentur et exprimerentur, pro sufficienter insertis et expressis habentes, motu proprio, et ex certa scientia ac matura deliberatione nostris, deque apostolicae potestatis plenitudine, omnes et quascumque differentias et causas civiles, criminales et mixtas praemissorum occasione motas et introductas, ac in quibusvis tribunalibus pendentes et instructas, in statu et terminis in quibus reperiuntur, cum omnibus et singulis earum incidentibus, dependentibus, emergentibus, annexis et connexis, totoque negotio principali, ad nos harum serie advocamus.

§ 3. Necnon iurium camerae nostrae apostolicae in regnis praedictis collectori apostolicam auctoritate, tenore praesentium, committimus et mandamus, ut eidem Antonio Mascarenhas, et quibusvis aliis, ad quos nunc quomodolibet spectat, et spectare poterit in futurum, nostro nomine,

Praecipitque collectori, ut inhibeat praedicto commissario, eiusque ministris, ne quid interim attentent.

sub excommunicationis latae sententiae, a qua nonnisi a nobis et hac Sancta Sede, praeterquam in mortis articulo constituti, absolvi possint, necnon privationis omnium et quorumcumque beneficiorum ecclesiasticorum quomodocumque et qualitercumque qualificatorum, etiam speciali nota et expressione dignorum, necnon dicti commissariatus cruciatae, et aliorum quorumcumque officiorum ac munerum per eos respective quomodolibet, et ex quibusvis concessionibus et dispensationibus etiam ab eadem Sede obtentorum, perpetuaeque inhabilitatis ad illa et alia in posterum obtinenda, ipso facto absque alia declaratione seu iudicis ministerio, incurrendis poenis, districte praecipiat, ne, donec aliter ab hac Sancta Sede statutum et ordinatum fuerit, quicumque circa causas et differentias, aliaque praemissa huiusmodi, quovis quaesito colore vel praetextu, seu ex quacumque causa, etiam quantumvis privilegiata, attentare, seu alias quomodolibet innovare, et praesertim licentias sacrosanctum missae sacrificium in privatis domorum oratoriis celebrandi vel celebrari faciendi concedere, audeant seu praesumant.

Et si quid attentaverint, irrita declarantur.

§ 4. Nos enim, si quicumque circa differentias et causas, aliaque praemissa huiusmodi, per eundem Antonium fieri, attentari, seu alias quomodolibet ex quavis causa innovari, et praesertim licentias praedictas concedi contigerit, eas et ea ex nunc, prout ex tunc, et e contra revocamus, cassamus et annullamus, viribusque et effectum omnino evacuamus, ac revocata, cassa et annullata, viribusque et effectum vacua, nec ulli suffragari in iudicio vel extra, aut alias quomodolibet, posse;

Clausulas appoint.

§ 5. Sicque et non aliter per quoscunque iudices ordinarios et delegatos, etiam causarum palatii apostolici auditores, etiam S. R. E. cardinales, etiam de latere

legatos, in quavis causa et instantia (sublata eis et eorum cuilibet quavis aliter iudicandi et interpretandi facultate et auctoritate) iudicari et definiri debere; ac irritum et inane, si secus super his a quocumque, quavis auctoritate, scienter vel ignoranter, contigerit attentari, auctoritate et tenore praedictis decernimus et declaramus.

Contraria tollit

§ 6. Non obstantibus, quatenus opus sit, recolendae memoriae Bonifacii Papae VIII similiter praedecessoris nostri de una, et in concilio generali edita de duabus dietis, dommodo ultra tres dietas aliquis auctoritate praesentium ad iudicium non trahatur, aliisque constitutionibus et ordinationibus, necnon privilegiis, indultis et litteris apostolicis, ac alias in contrarium praemissorum, sub quibuscumque tenoribus et formis, ac cum quibusvis etiam derogatoriis derogatoriis, aliisque efficacioribus et insolitis clausulis et decretis, concessis, confirmatis, approbatis et etiam saepius innovatis. Quibus omnibus et singulis, etiamsi pro sufficienti eorum derogatione de illis, eorumque totis tenoribus specialis, specifica et expressa, ac de verbo ad verbum inserta mentio habenda foret, eorum omnium et singulorum tenores praesentibus pro plene et sufficienter expressis et ad verbum insertis habentes, illis alias in suo robore permansuris, hac vice duntaxat specialiter et expresse derogamus, ceterisque contrariis quibuscumque: seu si praedicto Antonio Mascarenhas vel quibusvis aliis communiter vel divisim ab eadem sit Sede indultum, quod interdicti, suspendi vel excommunicari non possint per litteras apostolicas non facientes plenam et expressam, ac de verbo ad verbum de indulto huiusmodi mentionem.

Datum Romae, apud S. Mariam Maiorem, sub annulo Piscatoris, die XIII iunii MDCXXVI, pontificatus nostri anno III.

Dat. die 13 iunii 1626, pontif. anno III.

CXC VII.

*Sequitur mandatum eidem collectori spoli-
orum de capiendâ iuridicâ infor-
matione super nonnullis erroneis pro-
positionibus praedicti commissarii
cruciatae circa facultatem licentias
concedendi missam celebrandi in pri-
vatis domorum oratoriis.*

Dilecto filio iurium et spoli-
orum camerae
nostrae apostolicae in Portugalliae et Al-
garbiorum regnis debitorum collectori ge-
nerali,

Urbanus Papa VIII.

Dilecte fili,
salutem et apostolicam benedictionem.

Facti series

§ 1. Ad apostolat-
um nostrum, non sine
gravi cordis nostri dolore per-
venit, dilectum filium Antonium Mascarenhas, in-
dulgentiarum et gratiarum spiritualium
Portugalliae et Algarbiorum regnorum
commissarium generalem apostolicâ au-
toritate deputatum, eo audaciae et teme-
ritatis processisse, ut facultatem concedendi
licentias sacrosanctum missae sacrificium
in privatis domorum oratoriis in dictis re-
gnis celebrari faciendi ad se dumtaxat
privative quoad nos et hanc Sanctam Se-
dem spectare; et, quia facultatem huius-
modi sibi uti eiusdem cruciatae commis-
sario ex contractu competere praetendit,
nos et Sedem eandem licentias huiusmodi
in regnis praedictis nullatenus concedere
posse, et quamplura alia in auctoritatis
eiusdem Sanctae Sedis praeiudicium et con-
temptum asserere minime erubuerit.

Mandatum de
quo in rubrica.

§ 2. Idcirco, motu proprio et ex certâ
scientiâ ac maturâ deliberatione nostris,
tibi per praesentes committimus et man-
damus, ut te de praemissis omnibus et sin-
gulis, tam per eundem Antonium, quam
eius complices, fautores et consultores
temere, ut praefertur, assertis et dictis,
auctoritate nostrâ iuridice informes, alia-
que omnia et singula in praemissis et

circa ea necessaria et quomodolibet op-
portuna, etiamsi talia sint, vel fuerint,
quae magis specialem, specificam et ex-
pressam requirerent mentionem, facias,
dicas, geras et exequaris: super quibus
omnibus et singulis plenam, liberam et
amplam facultatem et auctoritatem harum
serie tibi concedimus et impartimur; ac
omnes et singulas informationes per te
circa ea sumendas sub tuo sigillo clausas
ad nos quamprimum diligenter transmit-
tas, ut quid desuper statuendum fuerit,
maturâ consultatione adhibita, decernere
valeamus. In contrarium facientibus non
obstantibus quibuscumque.

Datum Romae, apud S. Mariam Maio-
rem, sub annulo Piscatoris, die XIII iunii
MDCXXVI, pontificatus nostri anno III.

Dat. die, annoque eisdem.

CXC VIII.

*Confirmatio privilegiorum Ordinis Be-
tae Mariae de Mercede, Redemptionis
captivorum, Recollectorum nuncupato-
rum¹.*

Urbanus Episcopus,
servus servorum Dei,
ad perpetuam rei memoriam.

In supremo apostolicae dignitatis cul-
mine, meritis licet imparibus, divinâ dis-
positione constituti, ad ea, quae pro
regularium locorum et personarum in eis
sub suavi religionis iugo ad proximi sub-
ventionem praesertim viventium indemni-
tatibus et commodis per Romanos Pon-
tifices praedecessores nostros liberaliter

Prooemium.

¹ Ordinem hunc approbavit Gregor. IX in Con-
stitut. XLII, *Devotionis*, tom. III, pag. 485. Fra-
tres praedictos certis diebus solemnem benedi-
ctionem et absolutionem facere posse statuit
Clemens VIII, Const. XLIV (in h. e. XLVI) tom. IX,
pag. 642; huiusque benedictionis forma habetur
in Const. CCLI (in h. e. CCLXII), tom. X, pag. 717.

concessa fuerunt, libenter intendimus, eaque, ut perpetuo firma et illibata persistent, cum a nobis petitur, apostolico munimine roboramus, prout conspiciamus in Domino salubriter expedire.

Causae concedendae confirmationis;

§ 1. Exhibita siquidem nobis nuper pro parte dilectorum filiorum Didaci de S. Raymundo moderni procuratoris generalis et religiosorum Ordinis B. M. de Mercede Redemptionis Captivorum Recollectorum nuncupatorum, petitio continebat, quod dudum felicitis recordationis Gregorius IX, et deinde diversi alii, ac tandem piae memoriae Gregorius XV Romani Pontifices praedecessores nostri diversas gratias et privilegia, praesertim vero ad opus redemptionis captivorum huiusmodi spectantia, religiosis dicti Ordinis concesserunt, prout in diversis litteris apostolicis desuper confectis plenius continetur.

Quam fratres petunt.

§ 2. Cum autem, sicut eadem petitio subiungebat, Didacus et religiosi praedicti plurimum cupiant, pro firmiori et maiori gratiarum et privilegiorum huiusmodi subsistentia, illa per nos approbari et confirmari, pro parte Didaci et religiosorum praefatorum nobis fuit humiliter supplicatum, quatenus in praemissis opportune providere de benignitate apostolicâ dignaremur.

Confirmatio de qua in rubrica.

§ 3. Nos igitur, qui honestis fidelium votis libenter annuimus, eaque favoribus prosequimur opportunis, Didacum et eiusdem religionis singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodati existunt, ad effectum praesentium dumtaxat consequendum, harum serie absolventes et absolutos fore censentes, necnon singularum litterarum huiusmodi tenores, ac datas praesentibus pro expressis habentes, huiusmodi supplicationibus inclinati, gratias et pri-

vilegia quaecumque dicto Ordini per quoscumque Romanos Pontifices praedecessores nostros concessa, et desuper confectas litteras (dummodo illa sint in usu, nec revocata, neque sub ullis revocationibus comprehensa, sacrisque canonibus et Concilii Tridentini decretis et constitutionibus apostolicis et institutis regularibus dicti Ordinis minime adversentur) apostolicâ auctoritate tenore praesentium approbamus et confirmamus, illisque perpetuae et inviolabilis apostolicae firmitatis robur adiicimus.

§ 4. Decernentes, Didacum et religiosos praedictos illis omnibus et singulis libere et licite frui et gaudere, nec eos desuper a quoquam quomodolibet molestari, perturbari, aut inquietari quoquo modo posse.

Clausulae

§ 5. Eaque per omnes, ad quos spectat et pro tempore spectabit, inviolabiliter observari debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

§ 6. Non obstantibus omnibus, quae in dictis litteris concessa sunt non obstat, ac quibusvis constitutionibus et ordinationibus apostolicis, ceterisque contrariis quibuscumque.

Contrariorum derogatio.

§ 7. Nulli ergo omnino hominum liceat hanc paginam nostrae absolutionis, approbationis, confirmationis, adiectionis et decreti infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursurum.

Clausulae poenales.

Datum Romae, apud S. Mariam Maiorem, anno Incarnationis Dominicae, MDCXXVI, VII kalendas iulii, pontificatus nostri anno III.

Dat. die 25 iunii 1626, pontif. anno III.

CXCIX.

*Commissio Lucano episcopo ministros il-
lius reipublicae absolvendi a censuris,
in quas incurrerant, ob exactum quod-
dam ab ecclesiasticis vectigal ultra con-
cessionem Sedis Apostolicae¹.*

**Venerabili fratri Alexandro episcopo Lucano,
Urbanus Papa VIII.**

**Venerabilis frater,
salutem et apostolicam benedictionem.**

Concordatum
ministri respu-
blicae Lucanae
inverant cum
ecclesiasticis
per solutionem
nonnullorum ve-
ctigalium.

§ 1. Exponi nobis nuper fecerunt di-
lecti filii antiani et vexillifer iustitiae rei-
publicae Lucanae, quod aliàs, tunc existen-
tes ipsius civitatis Lucanae communitas
et homines, considerantes, illorum redditus
et proventus in gabellis, datii et aliis
vectigalibus suis praecipue consistere, ac
volentes fraudibus, quas multi aliàs non
exempti sub nomine ecclesiasticarum per-
sonarum ad effugiendam debitam gabel-
larum, datorum et vectigalium huiusmodi
solutionem in maximum eorum damnum
et praeiudicium committebant, occurrere,
cum dilectis filiis clero tam seculari quam
regulari civitatis praedictae, in vim facul-
tatis eisdem clero apostolicâ auctoritate
sub certis modo et formâ tunc expressis
concessae, concordarunt, ut idem clerus
gabellas huiusmodi, prout alii, solvere
teneretur; et deinde, certis anni temporibus,
eiusdem cleri singulis personis tam
secularibus quam regularibus, et tam viris
quam mulieribus, totum per eos solum
integre restitueretur, et aliàs, prout in di-
versis desuper confectis publicis instru-
mentis plenius dicitur contineri.

Quae cum
ultra huiusmodi
concordatum
exegerunt.

§ 2. Cum autem, sicut eadem exposi-
tio subiungebat, post initam concordiam
huiusmodi gabellae praedictae per eosdem
antianos et vexilliferum seu ab eis de-
putatos praedictos auctae, et ab ipsis clero
ultra tempus conventionis contra sacro-

rum canonum, conciliorum generalium,
necnon Bullae in die Coenae Domini legi
solitae formam exactae fuerint, nec ipsi
propterea eisdem clero, quod ab eis, ut
praefertur, exactum fuit, integre restitue-
rint; nobis propterea communitas, et ho-
mines ac antiani et vexillifer praedicti
humiliter supplicari fecerunt, ut sibi de
absolutionis beneficio in praemissis op-
portune providere de benignitate apostol-
licâ dignaremur.

A censuris
petunt absolvi.

§ 3. Nos igitur, illorum conscientiarum
quieti, quantum cum Domino possumus,
benigne consulere, illosque specialibus fa-
voribus et gratiis prosequi volentes, et
eorum singulares personas a quibusvis
excommunicationis, suspensionis et inter-
dicti, aliisque ecclesiasticis sententiis, cen-
suris et poenis, a iure vel ab homine,
quavis occasione vel causâ latis, si qui-
bus quomodolibet innodatae existunt, ad
effectum praesentium dumtaxat conse-
quendum, harum serie absolventes et ab-
solutas fore censentes, huiusmodi suppli-
cationibus inclinati, fraternitati tuae per
praesentes committimus et mandamus, ut
communitatem et homines, eorumque sin-
gulos, ac gabellarum huiusmodi ministros,
custodes et exactores, necnon alios quos-
cumque in praemissis culpabiles, et eorum
quemlibet, si hoc a te humiliter petierint,
et dummodo a similibus de cetero absti-
neant, factâque prius per eos de indebite
usque in praesentem diem exactis, ut prae-
fertur, eisdem clero restitutione, vel aliter
cum eisdem clero tam coniunctim quam
divisim desuper concordato, seu factâ per
camerarium vel depositarium eiusdem
communitatis et hominum obligatione in
formâ depositi de restituendo omne et
totum exactum et non restitutum ut su-
pra, a quibusvis excommunicationis, sus-
pensionis et interdicti, aliisque ecclesia-
sticis sententiis, censuris et poenis per
eos et eorum quemlibet praemissorum

Pontifex epi-
scopo Lucano
committit, ut
eos absolvat,
servatis tamen
quae hic ser-
vanda praescri-
buntur.

¹ Ex Regest. in Secret. Brev.

occasione quomodolibet incursis, auctoritate nostrâ in utroque foro absolvi, illisque dictas poenas eâdem auctoritate ab eorum et cuiuslibet eorum confessariis per te probatis remitti et condonari, impositâ eis poenitentia salutarî, necnon in pristinum, et eum, in quo ante praemissa quomodolibet erant, statum, restitui, reponi et plenarie reintegrari mandes et facias, eidemque clero cum antianis et vexillifero praedictis ad concordiam sive transactionem super praemissis, prout eis videbitur, deveniendi licentiam eâdem auctoritate concedas.

Obstantibus
derogat.

§ 5. Non obstantibus apostolicis, ac in universalibus, provincialibusque conciliis editis generalibus vel specialibus constitutionibus et ordinationibus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die iv iulii MDCXXVI, pontificatus nostri anno III.

Dat. die 4 iulii 1626, pontif. anno III.

CC.

Facultas clero reipublicae Lucanae concordandi cum republicâ super exactione et solutione nonnullorum vectigalium.

Venerabili fratri Alexandro episcopo
Lucano,

Urbanus Papa VIII.

Venerabilis frater,
salutem et apostolicam benedictionem.

Lucani petunt
facultatem sibi
concedi conveniendi cum clero super solutione vectigalium.

§ 1. Exponi nobis nuper fecerunt dilecti filii antiani, ac vexillifer iustitiae reipublicae Lucanae, quod ipsi, provide considerantes, eiusdem reipublicae redditus et proventus in gabellis praecipue, datis, aliisque vectigalibus suis consistere, multas vero fraudes circa gabellarum, dationum et vectigalium huiusmodi solutionem a non exemptis sub nomine personarum

ecclesiasticarum, non sine maximo ipsius reipublicae damno et praeiudicio, plerumque committi consuevisse, ut autem¹ fraudibus huiusmodi opportuniori, qua fieri potest, ratione obviam eant, cum personis ecclesiasticis tam secularibus quam regularibus civitatis et dioecesis Lucanae praedictae, ut scilicet ab eisdem ecclesiasticis gabellae praedictae exigantur, eisque omne id et totum, ad quod inter eos concordabitur, certis anni temporibus restituatur, convenire seu concordare deliberaverunt, si opportuna desuper, tam eisdem personis ecclesiasticis, quam antianis et vexillifero, per nos et Sedem Apostolicam facultas concedatur: nobis propterea antiani et vexillifer praedicti (ex conventionem et concordia huiusmodi, si fiat, ecclesiis, ecclesiasticisque personis suam immunitatem mediante restitutione praedictâ facilius conservari, fraudibusque huiusmodi obviam iri asserentes) humiliter supplicari fecerint², ut sibi in praemissis opportune providere de benignitate apostolicâ dignaremur.

§ 2. Nos igitur, certam de praemissis notitiam non habentes, ac singulares antianorum et vexilliferi praedictorum personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censes, huiusmodi supplicationibus inclinati, fraternitati tuae per praesentes committimus et mandamus, quatenus, vocalis personis ecclesiasticis praedictis, de omnibus et singulis praemissis, eorumque circumstantiis universis, te diligenter informes, et, si per informationem huiusmodi tibi legitime

Urbanus apostolicam committit, ut rebus mature parpens facultatem clero concedat super huiusmodi solutione conveniendi

¹ Vox autem redundat (n. T.).

² Syntaxis mallet fecerunt (n. T.).

constiterit, ecclesiarum, earundemque personarum ecclesiasticarum immunitatem ex conventionē et concordia siendā huiusmodi nullatenus laedi, seu eis aliquod damnum vel praeiudicium inferri, super quo conscientiam tuam oneramus, personis ecclesiasticis praedictis, seu ab eis ad hoc specialiter deputandis, ad conventionem et concordiam tam coniunctim quam divisim, modo et formā praemissis, cum antianis et vexillifero praedictis deveniendi (ita tamen, ut si gabellas huiusmodi augeri vel minui contigerit, summa etiam inter ecclesiasticos necnon antianos et vexilliferum praedictos concordata proportionabiliter augeatur et minuatur, ac omne id et totum, quod antiani et vexillifer praedicti, seu ab eis deputati, a personis ecclesiasticis huiusmodi exegerint et perceperint, eisdem personis seu etiam ab eis deputatis integre, realiter, et cum effectu singulis sex mensibus iuxta concordiam huiusmodi restituant) libere et licite et absque excommunicationis, aliarumque censurarum et poenarum ecclesiasticarum contra gabellas huiusmodi a personis ecclesiasticis exigentes latorum et inflictarum incursu; praeterea (factā prius per antianos et vexilliferum praedictos, seu per camerarium vel depositarium, de eisdem personis ecclesiasticis restituendo, ut praefertur, obligatione), iuxta conventiones inter eos infra novem menses proximos faciendas, etiam ex nunc exigendi et percipiendi; praeterea personis ecclesiasticis praedictis, seu ab eis pro tempore deputatis, quaecumque instrumenta desuper necessaria et opportuna cum clausulis, capitulis, pactis et conditionibus tibi benevisis, licitis tamen et honestis, nec immunitati ecclesiasticae, quovis modo contrariis, cum antianis et vexillifero praedictis semel et pluries, ac toties quoties opus fuerit, celebrandi seu celebrari, aliaque super his necessaria et

opportuna faciendi, dicendi, gerendi et exequendi, licentiam et facultatem auctoritate nostra concedas; personasque ecclesiasticas et antianos ac vexilliferum praedictos ad conventionis et concordiae vigore praesentium ineundae, postquam, ut praefertur, inita fuerit, observationem omnino teneri et obligatos fore, eadem auctoritate decernas.

§ 3. Non obstantibus apostolicis, ac in universalibus, provincialibusque conciliis editis generalibus vel specialibus constitutionibus et ordinationibus, ac ecclesiarum, monasteriorum et aliorum regularium locorum et ordinum, quorum illa fuerint, etiam iuramento, confirmatione apostolicā, vel quavis firmitate aliā roboratis, statutis et consuetudinibus, privilegiis quoque, indultis et litteris apostolicis, sub quibuscumque tenoribus et formis, ac cum quibusvis etiam derogatoriis derogatoriis, aliisque efficacioribus et insolitis clausulis, necnon irritantibus et aliis decretis, in contrarium praemissorum quomodolibet concessis, confirmatis et innovatis. Quibus omnibus et singulis, etiamsi pro sufficienti illorum derogatione de illis, eorumque totis tenoribus specialis, specifica, expressa et individua, ac de verbo ad verbum, non autem per clausulas generales idem importantes, mentio seu quaevis alia expressio habenda, aut aliqua alia exquisita forma ad hoc servanda foret, tenores huiusmodi, ac si de verbo ad verbum insererentur, praesentibus pro sufficienter expressis et ad verbum insertis habentes, illis aliās in suo robore permanens, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die iv iulii MDCXXVI, pontificatus nostri anno III.

Dat. die 4 iulii 1626, pontif. anno III.

Contraria tollit.

CCI.

Deputatio episcoporum Laudensis et Comensis¹, ac poenitentiarii ecclesiae Mediolanensis, in protectores collegii Helvetiorum et Rhetiorum eiusdem civitatis².

Venerabilibus fratribus Papiensi et Novariensi episcopis, ac dilectis Aliis poenitentiariorum et archipresbytero ecclesiae Mediolanensis,

Urbanus Papa VIII.

Venerabiles fratres et dilecti filii, salutem et apostolicam benedictionem.

Exordium.

Militanti Ecclesiae, licet immeriti, disponente Domino praesidentes, circa curam ecclesiasticarum personarum omnium solertia reddimur indefessa solliciti, ut, iuxta debitum pastoralis officii, eorum occurramus dispendiis, ac profectibus, divina cooperante clementia, favorabiliter intendamus.

Causam faciendae deputacionis.

§ 1. Sane dilectorum filiorum rectorum collegii ad erudiendos Helvetios et Rhetios, eosque optimis moribus et doctrinis imbuendos, in civitate Mediolanensi instituti conquestione percepimus, quod, cum nonnulla castra, villae et alia loca, terrae, domus, possessiones, aquae et decursus aquarum, iura, iurisdictiones, fructus, census, redditus, proventus et nonnulla alia mobilia et immobilia, spiritualia et temporalia bona, in Mediolanensis, Papiensis, Novariensis et aliis diocesisibus consistentia, etiam ratione quorumcumque beneficiorum eidem collegio apostolicam auctoritate alias unitorum, ad dictum collegium spectent et pertineant; et nonnulli etiam civitatum et dioecesis ac partium praedictarum non formident eadem castra, villas, loca et terras, domos, possessiones, aquas et decursus aquarum, iura, iurisdictiones, fructus, census, redditus et proventus eorundem occupare, vel super

eisdem et quibuscumque aliis bonis, mobilibus et immobilibus, spiritualibus et temporalibus, aquis et aliis rebus, eisdem rectoribus multiplices molestias et iniurias inferre et iacturas; quare dicti rectores nobis humiliter supplicari fecerunt, ut, cum sibi valde reddatur difficile pro singulis querelis ad Sedem Apostolicam habere recursum, provideri ipsis super hoc paternam diligentiam curaremus.

§ 2. Nos igitur, adversus occupatores, detentores, praesumptores, molestatores et iniuriatores huiusmodi illo volentes ipsis rectoribus remedio subvenire, quod ipsorum compescatur temeritas, et aliis adytis committendi similia praeccludatur, vobis per apostolica scripta mandamus, quatenus vos, vel duo, aut unus vestrum, per vos, vel alium, seu alios, etiamsi sint extra loca in quibus deputati estis conservatores et iudices, praedictis rectoribus efficacis defensionis praesidio assistentes, non permittatis, eos super his, et quibusvis aliis bonis et iuribus ad dictum collegium spectantibus, a quibusvis etiam archiepiscopali, episcopali vel alia ecclesiastica dignitate fungentibus, necnon clericis et ecclesiasticis tam religiosis quam secularibus personis, necnon marchionibus, comitibus, baronibus, nobilibus, militibus et laicis, communitatibus civitatum, universitatibus², oppidorum, castrorum, villarumque et aliorum locorum, ac aliis secularibus personis civitatum et dioecesium et partium aliarum, indebite molestari, vel eis gravamina seu damna vel iniurias irrogari; facturi dictis rectoribus, cum ab eis vel eorum procuratoribus fueritis requisiti, de praedictis et aliis personis quibuscumque, super restitutione huiusmodi castrorum, villarum, terrarum et aliorum locorum, iurisdictionum, iurium et honorum, mobilium et immobilium, reddituum quoque et pro-

Deputatio de qua in rubrica

¹ At Papiensis et Novariensis postea legitur (R. T.).

² Ex Regest. in Secret. Brev.

¹ Erron., ut puto, ed. Main. leg. *eiusdem* (R. T.).

² Vellege *universitatum*, vel comma dele (R. T.).

ventuum, et aliorum quorumcumque bonorum, necnon de quibuscumque molestiis, iniuriis atque damnis, praesentibus et futuris, in illis videlicet quae iudiciale requirunt indaginem, summarie, simpliciter et de plano, sine strepitu et figura iudicii, in aliis vero, prout qualitas eorum exegerit, iustitiae complementum; occupatores seu detentores, praesumptores, molestatores et iniuriatores huiusmodi, necnon contradictores quoscumque et rebelles, cuiuscumque dignitatis, status, gradus, ordinis vel conditionis extiterint, quando-cumque et quotiescumque expedierit, auctoritate nostra, per censuras ecclesiasticas, appellatione postposita, compescendo, invocato etiam ad hoc, si opus fuerit, auxilio brachii secularis.

Obstantium
derogatio.

§ 3. Non obstantibus felicis recordationis Bonifacii Papae VIII praedecessoris nostri, in quibus cavetur expresse, ne quis extra suam civitatem et dioecesim, nisi in certis exceptis casibus, et in illis ultra unam dietam, a fine suae dioecesis ad iudicium evocetur, seu ne conservatores et iudices, a dicta Sede deputati, extra civitatem et dioecesim, in quibus deputati fuerint, contra quoscumque procedere, seu aliis vel alii vices suas committere, aut aliquos ultra unam dietam a fine suae dioecesis transferre praesumant (dummodo ultra tres dietas aliquis auctoritate praesentium ad iudicium non trahatur) seu quod aliis quam manifestis iniuriis et violentiis, ac aliis quae iudiciale requirunt indaginem (poenis in eos, si secus egerint, et in id procurantes adiectis) conservatores se nullatenus intromittant, quam aliis quibuscumque constitutionibus a praedecessoribus nostris Romanis Pontificibus, tam de iudicibus delegatis et conservatoribus, quam personis ultra certum numerum ad iudicium non vocandis, aut aliis editis, quae videlicet possent in hac parte iurisdictioni

1 Potius legerem in aliis quam quae (n. T.).

aut potestati eiusque libero exercitio¹ quomodolibet obviare, seu si aliquibus communiter vel divisim a praedicta sit Sede indultum, quod excommunicari, suspendi vel interdici, seu extra vel ultra certa loca ad iudicium evocari, non possint per litteras apostolicas non facientes plenam et expressam, ac de verbo ad verbum, de indulto huiusmodi, ac eorum personis, locis, ordinibus et nominibus propriis mentionem, et qualibet alia dictae Sedis indulgentia generali vel speciali, cuiuscumque tenoris existat, per quam praesentibus non expressam, vel totaliter non insertam, vestrae iurisdictioni² explicatio in hac parte valeat quomodolibet impediri, et de qua, cuiusque toto tenore habenda sit mentio specialis. Et insuper volumus, et dicta auctoritate decernimus, quod quilibet vestrum prosequi valeat articulum etiam per alium inchoatum, quamvis idem inchoans nullo fuerit impedimento canonico praepeditus, quodque a data praesentium sit vobis et unicuique vestrum in praemissis omnibus, coeptis et non coeptis, praesentibus et futuris, perpetuata potestas et iurdictio attributa, ut eo vigore, eaque firmitate possitis in praemissis omnibus, et coeptis et non coeptis, praesentibus et futuris, et pro praedictis procedere, ac si praedicta omnia et singula etiam coram vobis coepta fuerint, et iurdictio vestra et cuiuscumque vestrum in praedictis omnibus et singulis per citationem vel modum alium perpetuata legitime extitisset, constitutione praedicta super conservatoribus et alia qualibet in contrarium edita non obstante: eisdem praesentibus perpetuis futuris temporibus duraturis.

Datum Romae, apud S. Mariam Maiorem, sub annulo Piscatoris, die VIII iulii MDCXXVI, pontificatus nostri anno III.

Dat. die 8 iulii 1626, pontif. anno III.

1 Perperam edit. Main. legit *executio* (n. T.).

2 Potius lege *iurisdictionis* (n. T.).

CCH.

Confirmatio constitutionum pro monachorum congregationis Caelestinorum Ordinis S. Benedicti gubernio emendatarum atque editarum¹.

Urbanus Papa VIII,
ad perpetuam rei memoriam.

Exordium.

Sacrosanctum apostolatus officium humilitati nostrae per ineffabilem divinae sapientiae providentiam commissum iugiter nos adinonet, ut inter gravissimas multiplicesque apostolicae servitutis curas illam peculiari studio amplectamur, per quam christifideles sub suavi religionis iugo virtutum Domino famulantes, sub certis et provide ordinatis statutis atque constitutionibus, in sanctitate et iustitiâ felicioribus in dies proficiant incrementis. Ac proinde iis quae propterea statuta et ordinata sunt, ut ab omnibus, ad quos spectat, inviolabiliter observentur, perpetuâque roboris firmitate subsistant, apostolicae confirmationis patrocinio communimus, prout conspiciamus in Domino salubriter expedire.

Monachi nonnulla statuta emendaverunt et in unum volumen compilarunt.

§ 1. Sane dilectus filius abbas generalis monachorum congregationis Caelestinorum Ordinis S. Benedicti, suo et diffinitorum dictae congregationis nominibus, nobis nuper exponi fecit, quod pro felici et prospero eiusdem congregationis regimine atque gubernio nonnullae constitutiones et statuta diversis temporibus facta, novissime autem de mandato nostro recognita, et multis in locis ad sacri Concilii Tridentini decretorum et constitutionum apostolicarum praescriptum emendata atque aptata, tandem in unum volumen compilata fuerunt, tenoris subsequentis, videlicet (*Omittitur tenor istarum constitutionum, quia sunt in libro particulari impresso Romae, anno MDCXXIX*).

¹ Vide supra ad Const. LXXIII (in h. e. LXXXII, Sacrosanti, huiusmet Pontificis, sup. pag. 193.

§ 2. Cum autem, sicut eadem expositio subiungebat, dictus abbas generalis, nominibus praedictis, praeinsertis constitutionibus pro perpetuâ illarum subsistentiâ et inviolabili observantiâ apostolici nostri muniminis firmitatem per nos adici summpere desideret; nobisque propterea humiliter supplicari fecerit, ut in praemissis opportune providere de benignitate apostolicâ dignaremur:

Eaque petunt confirmari.

§ 3. Nos, inviolabili earumdem constitutionum observationi, quantum nobis ex alto conceditur, consulere, necnon dictum abbatem generalem ac totam congregationem praedictam specialibus favoribus et gratis prosequi volentes, et illorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censentes, huiusmodi supplicationibus inclinati, praeinsertas constitutiones, apostolicâ auctoritate, tenore praesentium, perpetuo approbamus et confirmamus, illisque inviolabilis apostolicae firmitatis robur adiecimus, omnesque et singulos tam iuris quam facti quantumlibet substantiales defectus, si qui in illis intervenerint, supplemus.

Confirmat Urbanus.

§ 4. Decernentes, easdem constitutiones, necnon praesentes litteras semper et perpetuo validas, firmas et efficaces existere et fore;

Clauulas praesentium ad-

§ 5. Necnon in dictâ congregatione ab omnibus, ad quos spectat, et in futuro quomodolibet spectabit, inviolabiliter, sub poenis in eisdem constitutionibus comminatis, observari et adimpleri debere; ac quoscunque eiusdem congregationis superiores, presbyteros et personas ad observationem omnibus iuris et facti remediis cogi et compelli posse;

Earundem observationem n. a. d. l.

Ita et non
aliter iudicari
praecipit.

§ 6. Sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane si secus super his a quoquam, quavis auctoritate, scienter vel ignoranter, contigerit attentari.

Contraria au-
feri.

§ 7. Non obstantibus constitutionibus et ordinationibus apostolicis, et quibusvis aliis dictae congregationis (etiam iuramento, confirmatione apostolica, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, quibusvis ipsius congregationis superioribus, presbyteris et personis huiusmodi, sub quibuscumque tenoribus et formis, ac cum quibusvis etiam derogatoriis derogatoriis, aliisque efficacioribus et insolitis clausulis, irritantibusque et aliis decretis, in genere vel in specie, ac aliâ in contrarium prae-missorum quomodolibet concessis, confirmatis et innovatis. Quibus omnibus et singulis, eorum tenores praesentibus pro plene et sufficienter expressis ac ad verbum insertis habentes, illis aliâ in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Transumptis
eodem addit.

§ 8. Volumus autem, quod praesentium transumptis, etiam impressis, manu scribae dictae congregationis vel notarii publici subscriptis, et sigillo abbatis generalis vel alicuius personae in dignitate ecclesiasticâ constitutae munitis, eadem prorsus fides adhibeatur, quae praesentibus adhibetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die VIII iulii MDCXXVI, pontificatus nostri anno III.

Dat. die 8 iulii 1626, pontif. anno III.

CCIII.

Revocat omnia et singula privilegia, immunitates et exemptiones quorumcumque ordinum, congregationum et institutorum religiosorum in regnis Hispaniarum existentibus, tam per Apostolicam Sedem, illiusque in dictis regnis nuntios, quam eorum superiores, concessa, ac prohibet illa de cetero absque Apostolicae Sedis licentiâ concedi.

Urbanus Papa VIII,
ad perpetuam rei memoriam.

Pastoralis officii nobis divinitus commissi sollicitudo iugiter nos admonet, ut omni curâ et vigilantia ad ea semper intendamus, per quae regularium personarum, quae, relicto seculo, divini numinis obsequiis sese manciparunt, quieti, felicique statui ac regularis disciplinae conservationi consulitur, ut ipsae personae iuxta regularia suorum Ordinum instituta tranquillis mentibus gratum Altissimo impendere possint famulatum.

Prooemium.

§ 1. Cum itaque, sicut accepimus, in regnis Hispaniarum diversa privilegia, praerogativae, immunitates atque exemptiones diversorum Ordinum religiosorum, tam ab ipsorum superioribus, quam a Sede Apostolicâ, illiusque in dictis regnis nuntiis pro tempore existentibus, concessa reperiantur, per quae iidem religiosi ab eorum praelatorum obedientia eximuntur, ex monasteriis et regularibus domibus ad eorum libitum, ac cum sociis sibi bene visis et iam destinatis, etiam superiorum suorum non petita licentiâ, egrediuntur, absque eo quod iidem superiores tam huiusmodi egressum quam secularium personarum quibusvis horis ad eorum cellas accessum atque ingressum impedire possint; praeterea de uno ad aliud monasterium seu regularem domum etiam ipsis superioribus invitatis transeunt, nec choro et aliis spiritualibus exercitiis, minusque

Ob multas
exemptiones et
immunitates re-
gularibus in re-
gionibus Hispania-
rum concessas,
scandala gra-
vissima orta
fuerant.

refectorio cum aliis intersint; ex hoc autem gravissima inconvenientia et scandala in non modicum regularis observantiae et disciplinae detrimentum exoriantur:

Ad quae amovenda decernitur prout in rubrica.

§ 2. Nos, praemissis, quantum cum Domino possumus, obviare volentes, motu proprio et ex certâ scientiâ ac maturâ deliberatione nostris, omnia et singula, ac quaecumque huiusmodi privilegia, praerogativas, immunitates et exemptiones quorumcumque ordinum, congregationum, institutorum religiosorum, tam per Sedem apostolicam, illiusque in eisdem regnis nuntios, quam illorum superiores, ex quacumque causâ, ac sub quibuscumque verborum formis et expressionibus quomodolibet concessa, apostolicâ auctoritate, tenore praesentium, perpetuo revocamus, cassamus et abrogamus; ac revocata, cassata et abrogata, viribusque et effectu vacua esse et fore, nec illa cuiquam suffragari, neque de cetero, absque nostrâ et Sedis Apostolicae licentiâ, concedi posse;

Clausulae.

§ 3. Neque, et non aliter, per quoscumque iudices ordinarios et delegatos, etiam causarum palatii apostolici auditores, ubique iudicari et definiri debere, ac irritum et inane quicquid secus super his a quoquam, quavis auctoritate, scienter vel ignoranter, contigerit attentari, decernimus et declaramus.

Derogatio contrariorum.

§ 4. Non obstantibus praemissis, ac constitutionibus et ordinationibus apostolicis, necnon (quatenus opus sit) ordinum, congregationum et institutorum huiusmodi, et quibusvis aliis, etiam iuramento, confirmatione apostolicâ vel quavis firmitate aliâ roboratis, statutis et consuetudinibus, privilegiis quoque, indultis et litteris apostolicis, eisdem religiosorum sub quibuscumque tenoribus et formis, ac cum quibusvis etiam derogatoriis derogatoriis, aliisque efficacioribus et insolitis clausulis, necnon irritantibus et aliis decretis, in contrarium praemissorum quomodolibet con-

cessis, confirmatis et innovatis. Quibus omnibus et singulis, etiamsi de illis specialis, specifica, expressa et individua mentio habenda esset, illorum tenores praesentibus pro plene et sufficienter expressis habentes, hac vice dumtaxat specialiter et expresse derogamus, ceterisque contrariis quibuscumque.

§ 5. Volumus autem, ut praesentium transumptis, etiam impressis, ac manu alicuius notarii publici subscriptis, et sigillo personae in dignitate ecclesiasticâ constitutae munitis, eadem prorsus fides adhibeatur, quae eisdem praesentibus adhiberetur, si forent exhibitae vel ostensae.

Transumptis danda fides.

Datum Romae, apud S. Mariam Maiorem, sub annulo Piscatoris, die xxx iulii mdcxxvi, pontificatus nostri anno iii.

Dat. die 30 iulii 1626, pontif. anno iii.

CCIV.

Tribunalium Urbis iudicibus facultatem elargitur reos, qui aliquod confessi fuerint furtum, de aliis etiam, de quibus accusati non sunt, in genere interrogandi.

Urbanus Papa VIII,
ad futuram rei memoriam.

Decet Romanum Pontificem acqui bonique supremum assertorem, inter gravissimas, multiplicesque apostolicae servitutis curas, in eam peculiari studio intendere, ut quae ex veteri maledicto quotidie in co spinas innascuntur et tribuli, vigilantiae suae ministerio extirpentur, et in proximi charitatem, salutem, securitatem ac fortunas nefariis ausibus delinquentes per iustitiae gladium opportunis remediis coerceantur.

Exordium.

§ 1. Motu itaque proprio, et ex certâ scientiâ ac maturâ deliberatione nostris,

Facultas, de qua in rubrica.

1 Ex Regest. in Secret. Brev.

dilectis filiis nostro in almâ Urbe vicario in spiritualibus generali, necnon eiusdem Urbis gubernatori et causarum curiae camerae apostolicae generali auditori, dictae Urbis senatori et iudici Burgi, nunc et pro tempore existentibus, ut quoscumque reos furtum confessos, de aliis furtis in genere, etiamsi de eis diffamati vel imputati non fuerint, eorundem vicarii, seu eius vicesgerentes, gubernatoris, auditoris camerae, senatoris, ac iudicis Burgi arbitrio, interrogare et torquere, seu interrogari et torqueri facere, libere et licite possint et valeant, et quilibet illorum possit et valeat, plenam, liberam et amplam facultatem, apostolicâ auctoritate, tenore praesentium concedimus et impertimur. Praesentibus ad nostrum et Sedis Apostolicae beneplacitum dumtaxat valituris.

(Obstantium
derogatio.

§ 2. Non obstantibus felicitis recordationis Pauli III et Pauli V Romanorum Pontificum praedecessorum nostrorum desuper editis, aliisque constitutionibus et ordinationibus apostolicis, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die VII augusti MDCXXVI, pontificatus nostri anno IV.

Dat. die 7 augusti 1626, pontif. anno IV.

CCV.

Confirmatio concordiae inter clerum et civitatem Cremonenses initae circa solutionem livellorum ecclesiasticorum¹.

Urbanus Papa VIII,
ad perpetuam rei memoriam.

Proemium.

Salvatoris et Domini nostri, qui charitas est et Deus pacis, vices licet immeriti gerentes in terris, ad ea iugiter intendimus, per quae paci et quieti inter christifideles consulitur, litibusque et differentis obviam itur, et his, quae pro-

¹ Ex Regest. in Secret. Brev.

pterea facta sunt, ut firma et illibata perpetuo remaneant, et a partibus ipsis inviolabiliter observentur, apostolicae confirmationis robur adiicimus, prout conspiciamus in Domino salubriter expedire.

§ 1. Cum itaque, sicut accepimus, iam pridem inter dilectos filios capitulum et clerum Cremonensem ex unâ, ac infrascriptos emphyteutas ex alterâ partibus, nonnullae lites seu differentiae ortae essent et vigerent, praesertim ex eo, quod capitulum et clerus praedicti eos ecclesiarum capituli et cleri praedictorum redditus, qui in perceptione pensionum seu canonum emphyteuticorum consistunt, sibi in valore et monetâ de tempore contractus; emphyteutae vero in monetâ de tempore solutionis persolvi debere praetenderent; tandem capitulum et clerus, ne litibus et differentiis huiusmodi, controversiisque inexplicabilibus involverentur, sed eis aliquâ opportunâ ratione obviam irent, et aliâs pro bono pacis et communi partium utilitate, ad transactionem et concordiam, perpetuis futuris temporibus inter eos valituram, et in omnem eventum observandam, cum dilectis filiis a civitate Cremonensi ad hoc specialiter deputatis nomine eorundem emphyteutarum devenerint, per quam inter alia convenerunt:

Primo videlicet pensiones annuae debitaе et debendae ex causâ contractuum emphyteuticorum supra annum MDCXC initorum, etiamsi post illud tempus ex quacumque causâ fuerint revocatae, solvantur per emphyteutas dominis directis in rationem librarum octuaginta monetae ac valoris proclamatis per dilectum filium nobilem virum Comesium Suarez ducem Feriae, tunc Status Mediolanensis gubernatorem, editi, pro quibuscumque libris imperialibus et ad ratam:

Secundo, solutiones¹ livellorum et pensionum debitarum et debendarum, ut su-

¹ Edit. Main. legit *solutione* (R. T.).

Facti series.

Tenor concordiae.

pra, ob contractus initos ab anno MDXCIX citra, fiant dominis directis iuxta regulas habitas et constitutas a dilecto filio Leysaldo senatore, ac dictae civitatis praetore:

Tertio, debitores ex causis praemissis, qui, ante novissimum proclama, monetam aut solverint, aut fecerint integrum depositum pensionum debitarum, aut realem oblationem ad formam iuris iuxta communem monetarum valorem, nullâ ratione habitâ cuiuscumque reservationis iurium, nihil praeterea solvere cogantur.

Quarto, morosi debitores compelli possint ad solutionem pensionum debitarum, et quarum iam cesserit dies ante memoratum proclama, in rationem dictarum librarum octuaginta, si, et prout de iure.

Quinto, exorientibus aliquibus difficultatibus circa praedictorum interpretationem et exequutionem, adeant partes advocatos pro tempore civitatis et capituli canonicorum ecclesiae Cremonensis, quae mox eorum voto super inde intellecto acquiescere teneantur.

Sexto, haec tamen nullum generent praeludicium promissionibus iam factis solvendi pensiones emphyteuticas in pecuniâ proclamatum Mediolani, aut in certâ specie monetarum, nisi ex earum tenore probabiles emergant coniecturae, aliud inter contrahentes fuisse actum, quam scripturâ conceptum vel metu poenae seu ex aliâ causâ, et prout memoratis arbitris in eiusmodi casuum contingentia additis fuerit definitum.

Septimo, non decerunt emphyteutae, de quorum obligatione et emphyteusi publicis pateat instrumentis a dominis directis requisitis, concordata ut supra agnoscere, publicisque documentis rata habere, ac eorum adimplementum promittere; quae si peragere noluerit¹, integrum sit dominis directis utendi contra recusantes

dumtaxat beneficio decreti eiusdem Gomesii ducis tunc gubernatoris ad favorem cleri Cremonensis in hac materiâ editi: et aliâs, prout in publico per dilectos filios Iulium Maffezolum, ac Pium Baptistagnid, et Ioannem Andream Bianzagum notarios Cremonenses sub die XVIII mensis septembris MDXCIX confecto instrumento plenius dicitur contineri:

§ 2. Nos, inviolabili concordiae huiusmodi observationi, quantum cum Domino possumus, consulere volentes, motu proprio, et ex certâ scientiâ ac maturâ deliberatione nostris, deque apostolicae potestatis plenitudine, concordiam praedictam, ac, prout illam concernunt, omnia et singula in dicto instrumento contenta, licita tamen et honesta, apostolicâ auctoritate, tenore praesentium, perpetuo approbamus et confirmamus, illisque inviolabilis apostolicae firmitatis robur adiicimus, ac omnes et singulos, tam iuris quam facti, et quosvis alios, etiam quantumvis substantiales defectus, si qui desuper quomolibet intervenerint, supplemus.

§ 3. Decernentes praesentes litteras, omniaque et singula in eis contenta semper et perpetuo valida, firma et efficacia esse et fore, suosque plenarios et integros effectus sortiri et obtinere, ac ab omnibus et singulis, ad quos spectat et pro tempore spectabit, inviolabiliter observari; sicque, et non aliter, per quoscumque iudices ordinarios et delegatos, etiam causarum palatii apostolici auditores, ubique iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

§ 4. Quocirca venerabilibus fratribus archiepiscopo Mediolanensi, ac Cremonensi et Laudensi episcopis per praesentes committimus et mandamus, quatenus ipsi, vel duo, aut unus eorum, per se, vel alium, seu alios, praesentes litteras et in eis con-

Eam confirmat Pontifex.

Clausulas praesentium litterarum firmatae addit.

Iudices exequutores deputati.

¹ Videtur legendum *noluerint* (n. t.).

tenta quaecumque, ubi et quando opus fuerit, et quoties pro parte capituli et cleri ac deputatorum praedictorum, seu alicuius eorum, fuerint requisiti, solemniter publicantes, eisque in praemissis efficaciae defensionis praesidio assistentes, faciant auctoritate nostrâ easdem praesentes, ac omnia et singula in eis contenta, ab omnibus et singulis, ad quos spectat, inviolabiliter observari; contradictores quoslibet et rebelles, ac praemissis non parentes, per sententias, censuras et poenas ecclesiasticas, aliaque opportuna iuris et facti remedia, appellatione postpositâ, compescendo, invocato etiam ad hoc, si opus fuerit, auxilio brachii secularis.

Contraria tollit.

§ 5. Non obstantibus felicitis recordationis Bonifacii Papae VIII praedecessoris nostri de unâ, et in concilio generali editâ de duabus dietis, dummodo ultra tres dietas aliquis auctoritate praesentium ad iudicium non trahatur, aliisque constitutionibus et ordinationibus apostolicis, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die xv augusti MDCXXVI, pontificatus nostri anno IV.

Dat. die 15 augusti 1626, pontif. anno IV.

CCVI.

Deputatio poenitentiarîi in basilicâ Principis apostolorum pro linguâ graecâ¹.

Urbanus Papa VIII,
ad perpetuam rei memoriam.

Exoplium.

Spirituâli christifidelium nationis Graecorum ad aliam Urbem nostram devotionis causâ accedentium seu in eâ commorantium, in his quae pro sacris eorum confessionibus audiendis faciunt, consolationi et commoditati, quantum cum Domino possumus, benigne consulere volentes;

¹ Ex Regest. in Secret. Brev.

§ 1. Motu proprio, et ex certâ scientiâ ac maturâ deliberatione nostris, in basilicâ Principis apostolorum de Urbe unum poenitentiarium e Societate Iesu pro sacris christifidelium eiusdem nationis et aliorum ad illum accedentium confessionibus audiendis, apostolicâ auctoritate, tenore praesentium, perpetuo creamus, constituimus et deputamus, illumque aliorum undecim poenentiariorum eiusdem basilicae numero et consortio favorabiliter aggregamus.

Deputatur poenitentiarîus pro linguâ graecâ.

§ 2. Necnon illi, ut omnibus et singulis privilegiis, facultatibus, praeeminentiis, praerogativis, favoribus, gratiis et indultis, quibus alii poenitentiarîi huiusmodi de iure, usu, consuetudine, privilegio, aut aliâs quomodolibet utuntur, fruuntur et gaudent, ac uti, frui et gaudere possunt et poterunt quomodolibet in futurum, pari modo, et absque ullâ prorsus differentiâ, uti, frui, potiri et gaudere libere et licite possit et valeat, auctoritate et tenore praedictis concedimus et indulgemus.

Etque ceterorum poenitentiariorum privilegia conceduntur.

§ 3. Non obstantibus constitutionibus et ordinationibus apostolicis, ac, quatenus opus sit, deputatione¹ aliorum poenitentiariorum huiusmodi (etiam iuramento, confirmatione apostolicâ, vel quavis firmitate alia roboratis) statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, illorum tenores praesentibus pro plene et sufficienter expressis et insertis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Derogatio contrariis.

Datum Romae, apud S. Mariam Maiorem, sub annulo Piscatoris, die xvii augusti MDCXXVI, pontificatus nostri anno IV.

Dat. die 17 augusti 1626, pontif. anno IV.

¹ Videretur potius legendum *deputatorum*, vel post *huiusmodi* addendum *ac illorum* (n. t.).

CCVII.

*Facultas deputatis ad regimen domus
cathecumenorum et ecclesiae S. Mariae
in Montibus de Urbe cogendi notarios
ad aperienda et ostendenda testamenta
iuxta privilegium fabricae S. Petri¹.*

Urbanus Papa VIII,
ad perpetuam rei memoriam.

Exordium.

Iniuncti nobis apostolici muneris res postulat, ut opportunis provideamus remediis, ne ecclesiae et alia pia loca, praesertim almae Urbis nostrae, ac in honorem gloriosissimae Dei Genitricis Mariae dicata, suis tam spiritualibus quam temporalibus bonis aliquorum malitiâ vel negligentia fraudentur.

Causae concedendae facultatis.

§ 1. Cum itaque, sicut dilecti filii deputati ad regimen et gubernium domus cathecumenorum et ecclesiae S. Mariae in Montibus nuncupatae de Urbe nobis nuper exponi fecerunt, diversa legata et relictâ ad pias causas domui et ecclesiae praedictis per diversos christifideles facta reperiantur, de illis autem certa notitia ob incuriam seu negligentiam notariorum, qui de huiusmodi legatis rogati fuerunt, haberi nequaquam potuerit, nec possit, in maximum domus et ecclesiae huiusmodi praecudicium:

Concessio, de qua in rubrica.

§ 2. Nos, earundem domus et ecclesiae indemnitati in praemissis, quantum cum Domino possumus, consulere, ipsosque deputatos specialibus favoribus et gratiis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censentes, sup-

plicationibus eorum nomine nobis super hoc humiliter porrectis inclinati, deputatis praedictis, ut, sub excommunicationis latae sententiae poenâ, omnes et singulos notarios, penes quos testamenta clausa vel alias reperiuntur, vel in futurum reperientur, post annum a die obitus testatorum ad illa aperienda et ipsis deputatis ostendenda, solutâque ipsis notariis debitâ mercede, ad habendum sibi exemplar ipsorum testamentorum in formâ probanti et authenticâ, etiam cum invocatione brachii secularis, si opus fuerit, quacumque appellatione remotâ, cogere possint, apostolicâ auctoritate, tenore praesentium, concedimus et indulgemus.

§ 3. Ac propterea volumus, quod notarii et rectores parochialium ecclesiarum, seu vicarii, vel quicumque alii de legatis, relictis, donationibus et aliis piis dispositionibus ad favorem domus et ecclesiae praedictarum factis et pro tempore faciendis notitiam habentes, illa deputatis praedictis seu in curiâ episcopali loci intimare debeant et teneantur.

Mandatur notariis et parochis ut legata notificent.

§ 4. Sicque in praemissis per locorum Ordinarios, ac quoscumque alios iudices et commissarios, etiam causarum palatii apostolici auditores, ac S. R. E. cardinales, sublata eis et eorum cuilibet, quavis aliter iudicandi et interpretandi facultate et auctoritate, iudicari ac definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Præsentium observantia praecipitur.

§ 5. Non obstantibus apostolicis, ac in universalibus, provincialibusque conciliis editis generalibus vel specialibus constitutionibus et ordinationibus, ac locorum, civitatum et provinciarum, in quibus existent notarii vel testamenta huiusmodi confecta fuerint, iuramento, confirmatione, apostolicâ, vel quavis firmitate aliâ roboratis statutis et consuetudinibus, privilegiis quoque, indultis et litteris apostolicis,

Derogatio contrarium.

¹ Ex Regest. in Secret. Brev.

sub quibuscumque tenoribus et formis, ac cum quibusvis etiam derogatoriis derogatoriis, irritantibusque et aliis decretis, ac aliis in contrarium praemissorum quomodolibet concessis, confirmatis, approbatis et innovatis; quibus omnibus et singulis, etiamsi pro sufficienti illorum derogatione de illis, eorumque totis tenoribus specialis, specifica, expressa et individua mentio habenda, aut aliqua alia exquisita forma ad hoc servanda foret, hac vice dumtaxat specialiter et expresse derogamus, ceterisque contrariis quibuscumque.

Transumptis
danda fides.

§ 6. Volumus autem, quod praesentium transumptis, etiam impressis, manu alicuius notarii publici subscriptis, sigilloque personae in dignitate ecclesiastica constitutae munitis, eadem prorsus fides in iudicio et extra illud ubique adhibeatur, quae ipsis originalibus litteris adhiberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die xx augusti MDCXXVI, pontificatus nostri anno IV.

Dat. die 20 augusti 1626, pontif. anno IV.

CCVIII.

Declarat litteras Pauli V super erectione seu renovatione congregationis Anglicae Ordinis Nigrorum S. Benedicti, loqui de vera Congregatione¹.

Urbanus Papa VIII,
ad futuram rei memoriam.

Reconsentur
Pauli Papa V
litterae.

§ 1. Alias a felicis recordationis Paulo Papa V praedecessore nostro emanarunt litterae tenoris subsequentis, videlicet:

*Paulus Papa V,
ad futuram rei memoriam.*

Ex incumbenti nobis, etc. (*Reliqua invenies suo loco², sub datum xxiii augusti MDCXIX, pontificatus anno XV.*)

¹ Ex Regest. in Secret. Brevium.

² Ego autem editum non invenio (R. T.).

§ 2. Cum autem, sicut dilectus filius prior generalis dictae congregationis nobis nuper exponi fecit, licet abbates et priores abbates proprios non habentes Ordinis Nigrorum S. Benedicti nuncupati, per Angliae regnum partim exempti, partim non exempti, per plurimos annos de triennio in triennium in capitulo generali congregari, ibique praesides, visitatores et alios officiales pro sequenti triennio eligere, statuta et ordinationes condere soliti fuerint, ac monachi Angli dicti Ordinis, in praeinsertis litteris expressi, coctum huiusmodi monasteriorum (quae, ut asserunt, iuxta formam constitutionis felicis recordationis Innocentii III praedecessoris desuper editae de triennio in triennium conveniebant) congregationem Anglicam Ordinis S. Benedicti nuncupaverint, ac sub nomine congregationis Anglicanae antiquae ab ipso Paulo praedecessore per praeinsertas litteras huiusmodi renovari obtinuerint; nihilominus nonnulli, pacem monachorum praedictorum perturbare conantes, illam non fuisse veram Congregationem, ac easdem praeinsertas Pauli praedecessoris huiusmodi litteras, vel omnino irritas esse propter falsam sive impropriam narrationem, seu Congregationem illarum vigore erectam vel renovatam veram Congregationem non esse praetendant, et propterea ad omnem in praemissis dubitandi materiam e medio tollendam, per nos opportune declarari summopere desiderant:

§ 3. Nos, procuratorem praedictum specialibus favoribus et gratiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes et absolutum fore censentes, applicatio-

Causae facien-
dae declaratio-
nis.

Pontifex de-
clarat, Pauli lit-
teras de vera
Congregatione
loqui.

nibus eius nomine nobis super hoc humiliter porrectis inclinati, de venerabilium fratrum nostrorum S. R. E. cardinalium sacri Concilii Tridentini interpretum consilio, praeinsertas Pauli praedecessoris huiusmodi litteras de verâ Congregatione loqui, eiusdemque monachis suffragari;

Clausula.

§ 4. Atque ita per quoscumque iudices ordinarios et delegatos, etiam causarum palatii apostolici auditores, ubique iudicari ac definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari, apostolicâ auctoritate, tenore praesentium, decernimus et declaramus.

Contraria tolluntur

§ 5. Non obstantibus praemissis, ac omnibus illis, quae in eisdem praecisissimis litteris concessa sunt non obstat, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die XXI augusti MDCXXVI, pontificatus nostri anno IV.

Dat. die 21 augusti 1626, pontif. an. IV.

CCIX.

Dividit Congregationem fratrum Eremitarum Discalceatorum Italiae Ordinis S. Augustini in quatuor provincias, videlicet Romanam, Neapolitanam, Ianuensem, Siculam, et instituit quatuor provinciales pro earum gubernio usque ad celebrationem futuri capituli generalis ipsius Congregationis¹.

Urbanus Papa VIII,
ad perpetuam rei memoriam.

Ordinis commendatio.

Ad uberes et suaves fructus, quos dilecti filii fratres Ordinis Eremitarum sancti

¹ Vide de hac Congregatione in Constit. XLIX (in n. e. L) Gregorii XV, *Pastoralis officii*, tom. XII, pag. 652. Et etiam vide subsequenter decreta a sacra Apostolicae Visitationis Congregatione edita de his fratribus Congregationis Italiae opportune hic posita.

Augustini Discalceati nuncupati Congregationis Italiae in militanti Ecclesiâ, cuius regimini, divinâ disponente clementiâ, praesidemus, in dies afferunt, mentis nostrae aciem convertentes, quid pro laudabilis eorum instituti felici directione atque progressu conferat, diligenter prospicimus, ac desuper officii nostri partes propensis studiis interponimus, prout conspiciamus in Domino salubriter expedire.

§ 1. Exponi siquidem nobis nuper fecit dilectus filius Basilus a Sanctissimâ Trinitate vicarius generalis Congregationis praedictae, quod Congregatio ipsa quamplures domos regulares per universam Italiam habet, ita ut solus per seipsum commode eas regere et gubernare nequeat, proindeque earundem domorum utilitati maxime consultum iri existimet, si eadem Congregatio in provincias, ut infra, dividatur.

Suppletur Pontifex ut hanc Congregationis in provincias dividat.

§ 2. Nos, prospero felicitique dictae Congregationis regimini et gubernio, quantum cum Domino possumus, consulere, ipsumque Basilium specialibus favoribus et gratis prosequi volentes, a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatus existit, ad effectum praesentium dumtaxat consequendum, harum serie absolventes et absolutum fore censentes, supplicationibus eius nomine nobis super hoc humiliter porrectis inclinati, Congregationem praedictam in quatuor provincias, videlicet Romanam, Neapolitanam, Ianuensem et Siciliam, apostolicâ auctoritate, tenore praesentium, perpetuo dividimus et separamus.

Quam dividit in Romanam, Neapolitanam, Ianuensem et Siculam

§ 3. Necnon pro hac primâ vice, usque ad proxime futuri capituli generalis eiusdem Congregationis celebrationem tantum et non ultra, in Romanae Victorium ab Epiphania, in Neapolitanae Simeonem a

Et quoque singulis annis pro vicinâ deputatione usque ad futurum capitulum cum facultatibus, ut hic.

Cruce, in Genuensis Valerianum a S. Augustino, ac in Siciliae provinciarum huiusmodi provinciales Ioannem Baptistam a S. Francisco de Paula, Ordinis et Congregationis huiusmodi professores, dilectos filios, sub uno ipsius Congregationis vicario generali, ac cum privilegiis, gratiis, indultis, facultatibus, iurisdictione et auctoritate solitis, et sibi ex nunc usque ad eiusdem capituli celebrationem ab ipso Basilio vicario generali, postmodum vero ab eodem capitulo generali concedendis et declarandis, auctoritate et tenore praedictis creamus, constituimus et declaramus.

Clausulas confirmatorias ponit.

§ 4. Decernentes, praesentes litteras validas, firmas et efficaces existere et fore, suosque plenarios et integros effectus sortiri et obtinere, ac eidem Congregationi in omnibus et per omnia plenissime suffragari;

Decretum irritans addit.

§ 5. Atque ita in praemissis per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum, et inane, si secus super his a quoquam, quavis auctoritate, scienter vel ignoranter, contigerit attentari.

Contraria tollit.

§ 6. Non obstantibus constitutionibus et ordinationibus apostolicis, ac, quatenus opus sit, Ordinis et Congregationis huiusmodi (etiam iuramento, confirmatione apostolicâ vel quâvis firmitate aliâ roboratis) statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, eorum tenores praesentibus pro plene et sufficienter expressis habentes, illis aliâs in suo robore permanens, hac vice dumtaxat specialiter et expresse derogamus, ceterisque contrariis quibuscumque.

Transumptis credi mandat.

§ 7. Volumus autem, quod praesentium transumptis, etiam impressis, manu ali-

cuius notarii publici subscriptis, et sigillo alicuius personae in dignitate ecclesiasticâ constitutae munitis, eadem prorsus fides ubique adhibeatur, quae adhiberetur praesentibus, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die xxix augusti MDCXXVI, pontificatus nostri anno IV.

Dat. die 29 augusti 1626, pontif. anno IV.

Sequitur declaratio sacrae Congregationis Apostolicae Visitationis super facultate quam habere dubitabatur vicarius generalis istorum fratrum eo absente subrogandi alium suo loco cum omnimodâ potestate et iurisdictione, quam ipse vicarius generalis praesens habet.

Sacra Congregatio Apostolicae Visitationis.

In causâ et causis coram nobis inter admodum reverendum patrem, fratrem Basilium a Sanctissimâ Trinitate, vicarium generalem Congregationis Discalceatorum Ordinis sancti Augustini Italiae ex unâ, et patres Ignatium a sanctâ Mariâ, Ioannem ab Assumptione, et Ioannem Baptistam a S. Francisco de Paula, definidores et procuratorem generalem respective eiusdem Congregationis, de et super praetensâ nullitate delegationis per eundem patrem vicarium generalem factae in personâ patris Valeriani a sancto Augustino quarti definitoris et prioris conventus S. Antonii de Urbe, rebusque aliis, etc.

Dubitatio, de qua in rubrica.

Fuit provisum et decretum, reverendum patrem vicarium fuisse et esse verum et legitimum superiorem vicarium generalem nuncupatum totius suae Congregationis, ac uti et gaudere omnibus et singulis iuribus, praerogativis, praeeminentiis et facultatibus, quibus aliarum religionum generales gaudent, utuntur et potiuntur; ideoque sibi licuisse et licere inter alia, eo absente, alium suo loco subrogare, qui omnimodâ eius potestate et iurisdictione

Resolutio dictae dubitationis.

ubique locorum (illâ tantum exceptâ provinciâ, in qua ipse generalis vicarius pro tempore reperietur) fungatur et potiat, et consequenter subrogationem ac delegationem, a praefato generali vicario in personâ patris Valeriani quarti definitoris factam, fuisse et esse iuridicam et canonice factam, et uti talem fore et esse confirmandam, prout illam confirmamus et approbamus, et pro confirmatâ et approbatâ haberi volumus et mandamus; fratresque omnes eidem generali vicario subiectos eiusdem religionis, praefato patri Valeriano ad obedientiam praestandam iuxta formam suae delegationis obligatos fuisse et esse declaramus.

Actum Romae, domi solitae residentiae illustrissimorum dominorum sacrae Congregationis, hac die XXVI maii MDCXXVI.

A. RICCIULLUS Iudex et Secr.

ODOARDUS TIBALDESCUS Not.

Subsequuntur decreta generalia pro totâ Congregatione fratrum Discalceatorum S. Augustini Italiae, factâ in visitatione, die XXI iunii anni MDCXXVII.

De Constitutionibus Congregationis.

Constitutiones huius Congregationis, auctoritate apostolicâ confirmatae, infra annum post capitulum generale imprimantur, ad hoc ut ab omnibus religiosis praemanibus possint haberi, etc.

De novis Constitutionibus non faciendis.

Ad tollendas dubitationes, quae circa constitutionum intellectum possent exoriri, sacra Congregatio, facto verbo cum Sanctissimo, declarat, haec non licuisse, neque licere, huius Congregationis superioribus etiam in capitulis generalibus novas ordinationes aut statuta sub quovis nomine contrarias aut contraria constitutionibus apostolicâ auctoritate firmatis facere; easque non potuisse, neque posse praticari, antequam a tribus capitulis generalibus dispositae et a Sede Apostolicâ fuerint confirmatae.

Consequenter etiam declarat congregationem definitorialem ex quinque patribus, semel in hebdomadâ haecenus practicatam, in futurum non esse faciendam, sed esse servandas constitutiones, parte tertiâ, cap. iv.

De Congregationi definitoria.

Declarat praeterea definidores pro tempore existentes fore et esse de familiâ eius conventus, cui a superiore erunt assignati, et non aliorum, atque ideo locum sumere debere post priorem, etiam ubi vicarius generalis moratur; ac potuisse et posse a priore in levibus corrigi, in ceteris vero a vicario generali, tenerique adire capitulum de culpis, expectare signum in choro, refectorio et aliis locis, non obstantibus constitutionibus, parte ii cap. viii, et parte iii cap. iv.

De definitoriis.

Declarat praeterea licuisse atque licere vicario generali, pro tempore existenti, definidores singulos, in visitatione et extra, etiam in gravioribus consulto corrigere et punire absque aliorum definitorum consensu, posse tamen definidores scribere et recipere litteras, ac armarium, oratorium nuncupatum, habere, absque superioris licentiâ, etc.

De auctoritate vicarii generalis in definitores.

Declarat demum procuratori generali praesente generali vicario secundum locum deberi, absente vero in conventu secundum a priore, extra conventum vero post vicarium generalem ceteris praeferrî, posseque egredi ad negotia peragenda, et absque cunctatione prior socium assignabit, ac pariter litteras scribere et recipere absque scitu prioris, et oratorium habere; in reliquis autem omnia, quae de definitoribus dicta sunt, locum sibi vindicare in procuratore generali.

De procuratore generali.

Decreta haec generalia pro totâ Congregatione veluti declaratoria servantur statim sub poenâ arbitrio sacrae Congregationis.

De observantia horum decretorum.

A. Episc. Bellicastren. Secr. et Iud.

CCX.

Confirmantur nonnulla statuta pro Congregationibus Anglica et Hispanica Ordinis S. Benedicti edita¹.

Urbanus Papa VIII,
ad futuram rei memoriam.

Congregatio
Anglica et His-
panica nonnulla
de praesidi ele-
ctione et aucto-
ritate ac mona-
riorum muna-
re statuerant.

§ 1. Aliàs, felicitis recordationis Paulo Papae V praedecessori nostro pro parte dilectorum filiorum monachorum Anglo-rum Ordinis S. Benedicti Congregationis Hispanicae et Angliae exposito, quod pridem in eorum definitorio statutum et decretum fuerat, quod omnes monachi Angli dicti Ordinis congregationum Hispanicae et Anglicae coalescerent in unum corpus, quod esset et vocaretur Congregatio Anglica, ita ut per huiusmodi coalitionem et corpus sic unitum continuaretur et restauraretur, ac, si opus esset, de novo erigeretur antiqua Congregatio Anglica Ordinis S. Benedicti, quae Congregatio Anglica sic stabilita regeretur ab uno superiore vocato praeside, qui extra Angliam resideret durante schismate, et a duobus provincialibus immediate sub dicto praeside in Anglia, parique modo a prioribus residentiarum seu conventuum extra Angliam, ac demum a certo etiam definitorum numero, ac nulli omnino liceret, nisi dicto praesidi vel licentiam ad hoc ab illo habenti, facultates aliquas missionis apostolicae pro praedicto regno Angliae alicui monacho Anglo Ordinis et Congregationis Hispanicae et Anglicae huiusmodi in posterum concedere vel delegare, quodque definitorium praedictum, in quo facta fuerat haec unio, per omnia haberet vim capituli generalis, ac demum, quod monachi missionis iuramentum praestarent coram praeside, se accessuros ad missionem, et ad hoc a dicto praeside adstringerentur, prout in scripturis desuper confectis dicebatur contineri,

¹ Ex Regest. in Secret. Brev.

§ 2. Idem Paulus praedecessor, monachorum praedictorum supplicationibus inclinatus, statuta et decreta seu capitula huiusmodi, apostolicâ auctoritate, sub certis modo et formâ tunc expressis, approbavit et confirmavit: prout in ipsius Pauli praedecessoris desuper in simili formâ Brevis expeditis litteris, quarum tenores praesentibus pro sufficienter expressis haberi volumus, plenius continetur¹.

Quae Paulus
Papa V appro-
bavit.

§ 3. Cum autem, sicut monachi Angli huiusmodi nobis nuper exponi fecerunt, nonnullis monachis Anglis Congregationis Hispanicae secundum unionem praedictam se incorporare recusantibus, Congregatio ipsa Hispanica in capitulo generali de anno MDCXXI celebrato, pro quiete missionis, et ad evitandas simultates ac alia inconvenientia quae inter diversos superiores eiusdem Ordinis oriri saepius compertum fuerat, decreverit, quod omnes monachi Angli in dictâ Congregatione Hispanica professi extra Hispaniam degentes, qui cum reliquis in Congregationem Anglicam non essent incorporati, viverent secundum leges dictae Congregationis Anglicae, eiusdemque praesidi tamquam Congregationis Hispanicae vicario, provincialibusque et prioribus dictae Congregationis Anglicanae, potestatem Congregationis Hispanicae in eos respective habentibus, subiicerentur, subindeque decretum huiusmodi in capitulo generali anni proxime elapsi MDCXXV confirmatum, et de novo stabilitum fuerit;

In capitulo
anni MDCXXI
conventus sta-
tuta.

§ 4. Pro maiori tamen eiusdem decreti subsistentiâ, ac ad omnem in praemissis et circa ea dubitandi materiam e medio tollendam, monachi Congregationis Anglicae praedictae plurimum cupiant decretum ipsum apostolicae nostrae confirmationis patrocinio communiti:

Quae eadem
Congregatio po-
tuit confirmare.

§ 5. Nos, eorum votis huiusmodi, quantum cum Domino possumus, annuere,

Confirmat
Urbanus.

¹ Vide quae notavimus supra pag. 478 (R.T.).

CCXI.

illosque specialibus favoribus et gratiis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innotatae existunt, ad effectum praesentium dumtaxat consequendum, harum serie absolventes et absolutas fore censentes, supplicationibus illorum nomine nobis super hoc humiliter porrectis inclinati, de venerabilium fratrum nostrorum S. R. E. cardinalium negotiis regularium praepositorum consilio, decreta in capitulis generalibus, ut praefertur, edita et confirmata, apostolicâ auctoritate, tenore praesentium, approbamus et confirmamus, illisque inviolabilis apostolicae firmitatis robur adiciamus, ac omnes et singulos tam iuris quam facti defectus, si qui desuper quomodolibet intervenerint, supplemus.

Clausulae.

§ 6. Decernentes, eadem decreta valida, firma et efficacia esse et fore, suosque plenarios et integros effectus sortiri et obtinere, ac ab omnibus, ad quos spectat et in futurum spectabit, firmiter et inviolabiliter observari et adimpleri, atque secundum¹ ea per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane si secus super his a quoquam, quavis auctoritate, scienter vel ignoranter, contigerit attentari.

Obstantium derogatio.

§ 7. Non obstantibus praemissis, ac omnibus illis, quae in dictis litteris concessa sunt non obstare, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die xxx augusti MDCXXVI, pontificatus nostri anno IV.

Dat. die 30 augusti 1626, pontif. anno IV.

¹ Vocem *secundum* nos addimus (n. 7.).

Mandatum Torquato de Comitibus, ut eveniente traditione fortalitorum, propugnaculorum et aliorum locorum Vallis Tellinae, illa recipiat nomine Sedis Apostolicae¹.

Dilecto filio nobili viro Torquato de Comitibus duci Guadagnoli,

Urbanus Papa VIII.

Dilecte fili, nobilis vir,
salutem et apostolicam benedictionem.

§ 1. Singularis tuae² in nos et Apostolicam Sedem fidei et devotionis meritis generis nobilitati coniunctis, et, quam in re militari hactenus ostendisti, virtute, solertiâ et fortitudine inducimur, ut te rei maximi momenti administrandae, quae idcirco nobis summo opere cordi est, praeficiamus, sperantes in Domino fore, ut in mandatis nostris exequendis nostrae pridem de te conceptae opinioni cumulate respondeas.

Torquati fides et bullica virtus

§ 2. Cum itaque alias te dilecti filii nobilis viri Caroli Barberini nostri secundum carnem fratris germani totius nostrae et S. R. E. militiae capitanei et gubernatoris generalis locumtenentem generalem militum et copiarum tam equestrium, quam pedestrium, necnon tormentorum bellicorum, armorumque omnium, quae pro fortalitorum sive propugnaculorum Vallis Tellinae, comitatus Bornii, ac oppidi Chiavennae, aliorumque locorum, quae in felicis recordationis Gregorii Papae XV, praedecessoris nostri, sive nostris et Sedis Apostolicae manibus deposita fuerant, recuperatione conscribi et moveri respective contingeret, cum facultatibus ac sub certis modo et formâ tunc expressis, ad nostrum et Sedis Apostolicae beneplacitum, apostolicâ auctoritate fecerimus, constituerimus et deputaverimus, prout

Mandatum, de quo in rubrica

¹ Ex Regest. in Secret. Brev.

² Similem vide supra pag. 424 (n. 7.).

Quatenus propugnacula, etc. tradantur.

in nostris desuper in simili formâ Brevis expeditis litteris, quarum tenores praesentibus pro expressis haberi volumus, plenius continetur¹; nos in eventum, in quem fortalitia sive propugnacula et alia loca huiusmodi nobis et eidem Sedi restitui, sive in manibus nostris et eiusdem Sedis potestate deponi contingat, nihil, quod ad muneris nostri partes pro Italiae, atque adeo universi christiani orbis pace conservandâ spectat, praetermittere volentes, simulque, ut omnibus innotescat, quanti negotium huiusmodi faciamus; motu proprio, et ex certâ scientiâ ac maturâ deliberatione nostris, tibi per praesentes committimus et mandamus, ut, in eventum restitutionis, seu depositionis, ut praefertur, fortalitorum vel propugnaculorum et aliorum locorum huiusmodi, illa omnia et singula cum omnibus tormentis, armis, aliisque quibuscumque munitionibus, suppellectilibus, ac rebus in eisdem fortalitiis, sive propugnaculis et locis existentibus, a quacumque personâ sufficienti facultate² illa restituendi seu deponendi et titulo depositi tradendi aut consignandi habente, in depositum nostro et Sedis praedictae nomine et titulo depositi, ac aliâs in omnibus et per omnia prout tibi ab eodem Carolo capitaneo et gubernatore generali mandatum et significatum fuerit, recipias, dictamque personam de fortalitiis, sive propugnaculis et locis huiusmodi, tormentisque et munitionibus, ac suppellectilibus et rebus praedictis, sic receptis et consignatis, quietes, aliaque omnia et singula in praemissis, et circa ea, quae tibi ab eodem Carolo capitaneo et gubernatore generali mandata et significata fuerint, etiamsi talia sint, quae specialem, specificam individuum et expressam requirerent mentionem, facias, dicas, geras et exequaris, super quibus

Cum facultatibus opportunis:

¹ Quas vide supra pag. 424 (n. T.).

² Legendum *sufficientem facultatem* (n. T.).

omnibus et singulis plenam, liberam et amplam facultatem et auctoritatem, dictâ auctoritate, tenore praesentium, concedimus et impartimur.

§ 3. Mandantes propterea sub indignationis nostrae et aliis arbitrii nostri poenis, omnibus et singulis tam particularibus capitaneis equitum et peditum, quam ipsis equitibus et peditibus, ceterisque ad quos spectat, ut tibi in praemissis omnibus et singulis prompte pareant, faveant et assistant. In contrarium facientibus non obstantibus quibuscumque.

Datum Romae, apud S. Mariam Maiorem, sub annulo Piscatoris, die xxx augusti MDCXXVI, pontificatus nostri anno IV.

Dat. die 30 augusti 1626, pontif. anno IV.

CCXII.

Confirmatio erectionis seminarii in civitate Coloniensi pro monachis S. Benedicti Congregationis Bursfeldensis, et illius constitutionum¹.

Urbanus Papa VIII,
ad perpetuam rei memoriam.

Sacrosanctum apostolatus officium humilitati nostrae, nullo licet meritorum suffragio, per ineffabilem divinae sapientiae providentiam commissum iugiter a nobis postulat, ut, inter gravissimas multiplicesque apostolicae servitutis curas, illam peculiari studio amplectamur, per quam christifideles, sub suavi religionis ingo Altissimo famulantes, felicioribus in dies proficere valeant incrementis, et ea, quae propterea pie et provide statuta sunt, libenter, cum a nobis petitur, apostolicae confirmationis robore communiamus.

§ 1. Cum itaque, sicut dilectus filius Constantinus Caetanus abbas praesidens collegii Gregoriani de Urbe Ordinis S. Be-

Mandatumque deponendo:

Exordium.

Nuntius Apostolicus seminarium pro Benedictinis Congregationis Bur-

¹ Ex Regest. in Secret. Brev.

sfeldensis Coloniæ erigit;

nedicti Congregationis Cassinensis nobis nuper exponi fecit, venerabilis frater Antonius episcopus Vigiliensis, tunc Sedis Apostolicæ in partibus inferioris Germaniæ nuntius, monachis Congregationis Bursfeldensis eiusdem Ordinis, ut in prædictis et aliis Germaniæ partibus felicioribus in dies proficerent incrementis, unum eiusdem Congregationis seminarium in civitate Coloniensi, sub certis modo et formâ tunc expressis, crexerit et instituerit, et pro felici eiusdem seminarii regimine atque directione nonnullas constitutiones edidit, tenoris subsequentis, videlicet:

Et constitutiones in eodem servandas edit.

Leges, siue regulæ seminarii Benedictini a RR. PP. Unionis Bursfeldensis erecti in almâ universitate Coloniensi anno MDCXVI.

De admittendis.

Regula I.
De disciplina regulari tenenda,

Religiosi, qui ad hoc seminarium, auctoritate apostolicâ erectum, vel sunt pro tempore destinati, vel imposterum destinandi, ante omnia sibi persuasum habeant, quod non animi gratiâ ad otia, aut ducendum in bonis dies suos mittantur vel evocentur, sed ut sub eodem, qui in monasteriis est, aut secundum regulam esse deberet, rigore disciplinae, sacris, vel etiam, quibus opus erit, profanis literis insudantes, Deo et sanctæ Ecclesiæ in ordine suo gratiam aliquando et utilem præsentent operam; ideoque in nullo eis a prædicto rigore disciplinae recedere licebit, nisi in iis dumtaxat, quæ præsidis, praelatorum superintendentium, ac regentis iudicio huic loco et statui censebuntur incompatibilia.

Regula II.
De ætate admittendorum.

In mittendis ad seminarium religiosos advigilabunt prælati, ut tales mittant, qui ex studiis aliquem suo tempore fructum possint reportare, hoc est non nimis ætate

profectos, aut teneros, sed mediocres, ab anno decimo octavo usque ad vigesimum quintum.

Ut autem ablegati ex monasteriis primum venerint ad seminarium, deducuntur per regentem ad reverendissimum dominum præsidem, vel in eius absentia ad praelatum aliquem superintendentem, eorumque regenti promittent obedientiam tamquam abbati suo illo saltem tempore, quo in seminario eos manere contigerit.

Manebunt autem omnes, qui frugis aliquam spem dederint, post cursum philosophicum in theologico studio per annos quatuor, neque arbitrio praelatorum suorum ante quadriennium evolutum revocari poterunt absque rationabili et gravi causâ, quam ut talem præsidens cum prælatis superintendentibus, audito etiam consilio regentis, approbaverit.

De regente.

Regens, quem dominus præsidens cum consilio praelatorum supradictorum seminario præfererit, eam potestatem habebit, quam habent abbates in suis monasteriis, absolvendi, inquam, ab omnibus casibus et censuris, a quibus absolvere possunt ipsi abbates. Item administrandi temporalia, constituendi et assumendi, cum opus fuerit, officiales et ministros, qui nihil agere poterunt citra ipsius voluntatem, illique in omnibus reverentiam et obedientiam exhibebunt, sicut praelato suo.

Regens in difficultatibus, si quæ occurrant, ad præsidem recurret, vel abbates superintendentes, quos etiam ad consilium et auxilium illi præstandum, volumus esse obligatos.

Curabit regens, ut exercitia fiant horis competentibus: item, ut studentes tam in verâ humilitate, quam in scientiâ proficiant; attendet ergo et advigilabit diligenter, ne tempus inutiliter consumant, ne tempore studii discursibus et fabulis vacent.

Regula III.
Obedientia regenti præstanda.

Regula IV.
Cursus theologiæ quadriennio consummando.

Regula V.
De regentis auctoritate et officio.

Regula VI.
Qui ad præsidem in difficultatibus recurrere debeat.

Regula VII.
Profectumque collegialium curare.

Regula VIII.
Negligentes
ad suas profes-
sionis monaste-
rium remil-
lato.

Orationes sive conciones a fratribus intra et extra seminarium habendas, per se, vel per alium ad hoc idoneum, sicut et ipsos studentes suis temporibus examinabit, et, si quos negligentes aut parum proficientes invenerit, qui se post iteratas admonitiones emendare non curaverint, habitū deliberatim cum praeside et superintendentibus, remittere ad professionis suae monasterium.

Regula IX.
De horis ca-
nonicis.

Advigilabit etiam diligenter, ut divinum officium diurnum pariter et nocturnum secundum regulam devote et attente, quantum fieri possit, suis horis celebretur.

Regula X.
Aliisque piis
exercitiis.

Super horis autem B. Virginis, vigiliis mortuorum, psalmis poenitentialibus, et aliis eiusmodi concionibus conventualibus, cum seminaristis, ut studiis liberius possint intendere, praesidens arbitrio suo poterit dispensare.

Regula XI.
Sacro cele-
brando.

Sacrum ad minus unum quotidie in seminario celebretur per aliquem seminarii sacerdotem, quorum si sit defectus, praesidens ex alumniis inventos idoneos ad sacros ordines promoveri curabit, qui ordinati non ita se studiis immergent, quin ter ad minus per hebdomadam ad rem divinam celebrandam se praeparent, celebrentque: si secus fecerint, cessante legitima excusatione regenti explicandā, corripiantur.

Regula XII.
Confessione et
sacra synaxi.

Ut inter alios etiam non sacerdotes sacramentorum pius usus conservetur, octavo quoque die omnes regenti, vel alicui quem ipse ad hoc ordinaverit, confitebuntur, et sacris initiati tam dominicis quam festivis diebus ad digne communicandum se praeparabunt; reliqui autem saltem singulis quindecim diebus communicare tenebuntur, nisi legitimum impedimentum interveniens regenti aperiant.

Regula XIII.
Seminariorum
conservatione.

In summā regens omnem diligentiam adhibebit, ut seminarii bonum in omnibus promoveat, eaque omnia tempestive removeat, quae in destructionem seminarii

vel studiorum iacturam ullā ratione cedere possunt.

De alumniis.

Mane horā quartā excitati statim absque ullā cunctatione cum fervore spiritus et alacritate consurgent, et campanulā auditā in silentio pergent ad oratorium, primitias diei sibi concessae Deo consecraturi, sicque animo collecti se sistent in oratorio simul horas canonicas usque ad tertiam extra quadragesimam persoluturi.

Regula XIV.
De horis ca-
nonicis.

Inter legendum vero advigilabunt, ut singula verba bene proferant, non truncabunt, non diminuent, neque acceleranter pronuntiabunt, sed apposite ad intelligendum, longe ab illis facti, qui solis labiis Deum honorant.

Regula XV.
Devote legen-
dis.

Perlectis horis, orationi mentali festivis diebus per horam, feriatibus autem per dimidiam dabunt operam, qua peractā, aliquis sacerdotum rem divinam faciet, sive sacrum celebrabit.

Regula XVI.
Oratione men-
tali.

Subiunctis sacrificio, pro ratione temporis, sextis vel nonis, nisi necessitas aliud non suadeat, omnes ad cellam properabunt, in eaque bonis studiis occupati signum ad lectiones (quas eos, si philosophiae studeant, vel domi ad discursus vitandos, vel in gymnasio sibi viciniore audire volumus) expectabunt.

Regula XVII.
Postea suas
cellas petent.

Exituri ad scholas simul pergent bini, si plures fuerint, nec quispiam ante finem egredietur, sed omnes simul eo, quo iverant, ordine revertentur, memores semper decoris ac religiosae modestiae.

Regula XVIII.
Modestia in
itineribus.

Ex scholis, finitis lectionibus aut aliis exercitiis, recte redibunt domum, nec per urbem vagari permittentur.

Regula XIX.
Vagationibus
per Urbem non
faciendis.

Nemo se a lectionibus absentabit sine expressā veniā regentis.

Regula XX.
Lectionibus
praesentia.

Similiter, qui inter eos sacrae theologiae dabunt operam, lectiones et disputationes ordinarias audient, nec a repetitionibus communibus, quae regulariter fient

Regula XXI.
Studio theo-
logiae.

horâ decimâ, absque eâdem licentiâ se absentare praesumant.

Regula XXII.
Cuiuslibet clas-
si praeficiendus
religiosus.

Unus ex fratribus philosophiae studentibus praeficietur, alter theologiae studentibus, qui illis ubique in absentia regentis curiose intendunt, et, si quid committi viderint inordinate, regi denuntiabunt.

Regula XXIII.
De praefectis
cubiculorum.

Habebunt etiam praefectos per singula cubacula, ubi plures simul habitabunt, qui advigilabunt, ut studii tempore silentium servetur, exercitiaque omnia in cubiculis facienda suo tempore incipiant et compleantur, et singulis septimanis regi rationem reddere tenebuntur.

Regula XXIV.
Lectiones a
regente desi-
guandae.

Omnes eas lectiones audient, quas regens illis utiles fore iudicaverit, nec ante petitam et obtentam ab eo licentiam eas mutare praesumant.

Regula XXV.
Deambulatio-
nes a singulis
hinc faciendae.

Diebus, quibus a lectionibus superse-
detur, si veniam obtineant ambulandi, non praesument intrare domos civium, aut ibidem bibere, etiamsi omnino a quovis rogentur, neque exire poterunt solitarii, sed bini, terni, vel quaterni, quorum unus semper reliquis intendet.

Regula XXVI.
Habitus re-
gularis semper
gestandus.

Tam in scholis, quam domi utentur habitu regulari, prout solent in suis monasteriis.

Regula XXVII.
Nemo ad cu-
bicula admittendus.

Nullum admittere poterunt ad cubacula absque venia regentis.

Regula XXVIII.
Ab officinis
abstinentium.

Culinam, aut reliquas officinas nemo intrare poterit, praeter eos, qui tenentur ex officio, vel mandato regentis.

Regula XXIX.
De examina-
tione conscientiae.

Signum primum ad refectorem meridianam dabitur post undecimam, quo audito, omnes convenient ad oratorium per dimidium saltem quadrantem horae conscientiae examini vacaturi.

Regula XXX.
Inter refectio-
nem sacris va-
candum lectio-
nibus.

Inde, dato signo secundo, ad locum refectio-
nis, quasi medicamenta sumpturi, concedent, ibique, praemissa secundum regulam benedictione, decenter ac religiose sedentes, sacrae lectioni, quam regulariter per maiorem partem refectio-
nis continuari volumus, diligenter intendunt, mentem simul cum corpore refecturi.

Finita vero refectio-
ne, quia tempus, quod cibi sumptionem sequitur, ad serias occupationes minus aptum esse dignoscitur, remissionem aliquantulam per dimidium aut circiter horae spatium concedimus.

Regula XXXI.
Remissio post
prandium.

Finito colloquio, datoque signo, simul cum silentio ad cellam redibunt, et horis competentibus, ordine quo supra, ad scholas pergunt et revertuntur.

Regula XXXII.
De lectioni-
bus pomeridia-
nis.

Horâ tertiâ pomeridianâ extra tempus quadragesimae simul persolvent vesperas, quas dominicis vel festivis diebus praesertim solemnioribus excipiet vel concio ab aliquo fratrum facienda vel spiritualis collatio, quam et aliis privatis diebus omnino volumus frequentari per medium quadrantem horae.

Regula XXXIII.
Vesperis per-
solvendis et con-
cione

Horâ sextâ vespertinâ omnes iterum convenient ad oratorium, lecturi, ante coenam sive collationem vespertinam, matutinas cum laudibus dici sequentis.

Regula XXXIV.
Matutinae.

Coenâ persolutâ, iterum usque ad octavam religioso colloquio vacare licebit, quod excipiet oratio vespertina, quae claudetur lectione litaniarum.

Regula XXXV.
Remissio et
litanias post co-
enam

Completis litiis, acceptâque de more benedictione, singuli somno cum silentio se conferent ad cubacula, et lectione alicuius libelli spiritualis se ad meditationem primo mane faciendam praeparabant, praemissoque diligenti examine conscientiae simul incumbunt, extincto ubique lumine per praefectos cubiculorum circa horam nonam.

Regula XXXVI.
Deinde cubi-
culum singuli
tunc ducunt.

Supradictarum omnium regularum interpretatio erit penes regentem, cuius prudentiae et discretioni commitimus, ut habitâ ratione loci, temporis et personarum eas possit moderari, et in eisdem, quando videbitur, dispensare.

Regula XXXVII.
Solutis regens
has regulas po-
test moderari.

De administratione temporalis.

Ut rei temporalis administratio regi non sit nimis onerosa, providebit reverendissimus dominus praesidens, ut pro religiosorum alimentis ea pecuniae summa

Regula XXXVIII.
De pensiona
seminario per-
solvenda

seminario persolvatur, ut praeter honestam alumnorum sustentationem, etiam ipsum seminarium inde aliquid commodi possit accipere, et paulatim assurgere, utque dimidia totius summae pars sexto quoque mense ante numeretur.

*Regula XXXIX.
De oeconomis.*

Regens aliquem ex fratribus sacrae theologiae studentibus, quando opus erit, oeconomum constitutere poterit, cui indicem tradet totius suppellectilis, linteorum omnium, staneorum, lignorum; id subsignatum manu propria quam diligenter custodiet, et conferet singulis annis inventarium cum ipsa suppellectile, ut mutari possit, prout opus esse iudicabit; maxime autem hoc fieri expediet quoties novus cocus admittetur.

*Regula XL.
Sacrista.*

Unum item ex fratribus, quem iudicabit maxime idoneum, sacristiae praeficiet, qui sacrae suppellectilis curam gerat; ad illum, et adiunctum, quando opus erit, subsidiarium, spectabit campanae sono fratres hora convenienti ad divina officia convocare, oratorium semper mundum conservare, altaria pro ratione solemnitatum exornare, sacrasque vestes, quas ante omnia honestas procurari volumus, ad celebrantium usum mundas in altari praeparare, vinum denique, hostias, cereos et reliqua ad celebrandum necessaria in tempore exhibere.

*Regula XLI.
Praefectus bibliothecae.*

Constituet etiam aliquem ex doctioribus praefectum bibliothecae, qui librorum omnium indicem servabit, nec ullum ex bibliotheca auferri sinet ab extraneis, praesertim absque scitu et consensu regentis, et libri quidem extraneis concessi notabuntur in libello ad hoc ordinato, qui vero domesticis, signabuntur in tabula ad hoc ponenda in bibliotheca.

Regula XLII.

Ordinetur etiam aliquis diligens, qui rectorium, lintea et omnia vasa eius suo tempore mundari curet, vel per ministrum seminarii, vel per se, cum ille ad manum non erit.

Cum numerus fuerit auctior, quamprimum domum habebunt propriam, etiam valetudinarium, loco nonnihil a reliquorum habitatione remoto, construere curabunt, in quo fratres aegrotantes curentur, quorum ministerio frater aliquis timoratus et charitativus deputabitur.

*Regula XLIII.
Valetudinario.*

Ministri seminarii tales assumuntur, qui non tantum immunes sint ab omni labe haereseos, sed qui et christianae pietatis exercitiis excoli possint et cupiant: in quem finem etiam aliquis fratrum boni zeli constituetur, qui eos ex charitate instruat, regulariter singulis quindecim diebus confitebuntur, et communicabunt omnibus saltem festivitibus Christi et Beatae Mariae Virginis, sacrum singulis diebus audient cum fratribus, et vesperi comparebunt ad benedictionem sive aquam lustralem: in summam tam domi quam foris modestiam et compositionem suam religiosorum seministros profitebuntur.

*Regula XLIV.
De ministris seminarii.*

Ut autem praedicta omnia feliciter et efficacius executioni mandentur, reverendissimus dominus praesidens per se vel praelatos superintendentes, qui pro tempore erunt reverendi dominus sancti Martini maioris Coloniae, sancti Heriberti Tuitii et sancti Nicolai in Braviler, singulis annis seminarium visitabit, et a regente tam disciplinae quam totius acceptae et expositae pecuniae exiget rationem.

*Regula XLV.
Etque singulis annis visitando.*

Quae omnia et singula capitula, auctoritate apostolica specialiter nobis concessa, laudamus, confirmamus et approbamus, et omni ex parte stricte et inviolabiliter ita observari mandamus, et in fidem et robur omnium praemissorum hisce manum nostram apposuiamus, et sigillum nostrum subimprimi iussimus.

Nuntius apostolicus hasce regulas approbat.

ANTONIUS VIGILIARUM episcopus,
nuntius apostolicus.

Loco † sigilli.

Easque con-
firmat Pontifex.

§ 2. Nos, inviolabili erectionis et institutionis, necnon constitutionum praedictarum observationi, quantum cum Domino possumus, prospicere volentes, supplicationibus dicti Constantini nomine nobis super hoc humiliter porrectis inclinati, de venerabilium fratrum nostrorum sanctae Romanae Ecclesiae cardinalium negotiis propagandae in universo mundo catholicae fidei praepositorum consilio, erectionem et institutionem seminarii huiusmodi, necnon praeinsertas constitutiones, apostolicâ auctoritate, tenore praesentium, sine cuiusque praeiudicio, approbamus et confirmamus, illisque inviolabilis apostolicae firmitatis robur adicimus, omnesque et singulos tam iuris quam facti defectus, si qui desuper quomodolibet intervenerint in eisdem, supplemus; et nihilominus seminarium praedictum iuxta formam erectionis et institutionis per Antonium episcopum et nuncium factarum, ut praefertur, auctoritate et tenore praesentium, quatenus opus sit, sine cuiusquam praeiudicio erigimus et instituimus.

Clausulae.

§ 3. Decernentes praesentes litteras et in eis contenta quaecumque semper et perpetuo valida, firma et efficacia esse et fore, ac ab omnibus, ad quos spectat et in futurum pro tempore spectabit, firmiter et inviolabiliter observari, atque ita per quoscumque iudices ordinarios et delegatos etiam causarum palatii apostolici auditores iudicari et definiri debere, ac irritum et inane quidquid secus super his a quoquam, quavis auctoritate, scienter vel ignoranter, contigerit attentari.

Derogatio con-
trariorum.

§ 4. Non obstantibus constitutionibus et ordinationibus apostolicis, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die II septembris MDCXXVI, pontificatus nostri anno IV.

Dat. die 2 septembris 1626, pontif. anno IV.

CCXIII.

*Declaratio, quod capitula ecclesiarum cathedralium, quibus S. R. E. cardinales praesunt, ex indultis conferendi beneficia ecclesiastica reservata vel affecta eisdem cardinalibus concessis nullum ius praetendere possunt*¹.

Sanctissimus in Christo pater et dominus noster dominus Urbanus divinâ providentiâ Papa VIII.

Accepto, quod sanctae Romanae Ecclesiae cardinales, super indultis et facultatibus disponendi de beneficiis ecclesiasticis Sedi Apostolicae reservatis et affectis a Sede praedictâ sibi concessis, per capitula et canonicos cathedralium ecclesiarum, quibus illi ex concessione et dispensatione apostolicâ praesunt, impediuntur, sub praetextu quod ipsi capitula et canonici ius nominandi vel praesentandi, aut aliâ quomodolibet disponendi de beneficiis in mensibus non reservatis pro tempore vacantibus cum praedictis cardinalibus locorum Ordinariis coniunctim vel divisim habentes, tanquam membra capiti adhaerentia, a cancellariae apostolicae regulâ mensium reservatoriâ, a qua cardinales praeservantur, etiam excipi, et facultates ac indulta, quae certarum reservationum obstacula tollunt, sibi quoque suffragari debere praetendunt; et attendens privilegium, quod cardinales in praedictâ regulâ praeservantur, eis intuitu cardinalatus concessum esse,

Causae huius
Constitutionis.

¹ Quod autem S. R. E. cardinales indulto conferendi beneficia ecclesiarum, quibus praesunt, non utantur nisi in beneficiis illarum ecclesiarum, quibus actu praesunt, vel quarum regimini ultimo loco cesserunt, declaravit hic sanctissimus Pontifex in Constitut. *Licet*, quam habes pag. seq. Moderationem vero indultorum sanctae Romanae Ecclesiae cardinalium super collatione beneficiorum ecclesiasticorum habes in Pii V Constit. LVI, tom. VII, pag. 571 et in Gregorii XIV, Constit. XLVI, tom. IX, pag. 503, necnon Pauli V, Constit. CXLI, tom. XI, pag. 586.

neque rationi consonum fore, ut capitula et canonici, dum sui praesules cardinalatus honore praefulgent, plus iuris in praeiudicium Sedis Apostolicae seu ipsorum cardinalium praesulum, ius et indultum conferendi ab ipsâ Sede habentium, obtineant, quam si ipsi cardinales non forent :

Facultatis,
seu indultorum
de quibus in ru-
brica, declara-
tio.

§ 1. Motu proprio, sub die xxix decembris, anni ab Incarnatione Domini mdcxxv, declaravit, intentionis et voluntatis suae esse, quod cardinales praesules de omnibus et singulis beneficiis ecclesiasticis, quomodolibet nuncupatis et qualificatis, ad eorum, etiam cum alio vel aliis, collationem, provisionem, praesentationem, electionem, seu quamvis aliam similem vel dissimilem dispositionem, ratione ecclesiarum quibus ipsi cardinales praesunt, coniunctim vel divisim spectantes (non tamen in libris camerae apostolicae descriptis, nec ex personis familiarium Suae Sanctitatis, vel conclavistarum, aut ratione vacationis apud Sedem praedictam reservatis vel affectis, quae omnia Sanctitas Sua sibi et successoribus suis pro tempore existentibus specialiter et expresse reservavit) ad praesens vacantibus et in futurum vacaturis, soli per se ipsos, vel alios ad id¹ deputandos, absque capitulis et canonicis, aliisque quancunque ordinariam dispositionem eorundem beneficiorum similiter coniunctim vel divisim cum eisdem cardinalibus habentibus, dummodo aliâs sub indultis eis concessis comprehendantur, libere provideant.

Privatio facta
capitulis utendi
dictis indultis.

§ 2. Neque capitula aut canonici huiusmodi privilegio, quod cardinalibus praesulibus, nullo habito capitulorum et canonicorum respectu, concessum esse dignoscitur, gaudere, frui, aut ius aliquod inde praetendere possint.

§ 3. Decernens, declarationem praedictam a dictâ die xxix decembris robur

¹ Supple ab eis (R. T.).

obtinere debere, etiamsi needum publicata fuisset, ac irritum, etc.

Placet, publicetur et describatur M.

Lecta et publicata fuit supradicta regula in cancellariâ apostolicâ, anno Incarnationis Dominicae mdcxxvi, die vero x mensis septembris, pontificatus SS. D.N. anno IV.

MARCUS ANTONIUS ASCENTIUS procustos.

CCXIV.

Declaratio, quod sanctae Romanae Ecclesiae cardinales ecclesiarum praesules indulto conferendi beneficia ecclesiastica, ratione ecclesiarum quibus praesunt, vel quarum regimini ultimo loco cesserunt, dumtaxat uti possint¹.

Urbanus Papa VIII,
motu proprio, etc.

Licet nullus episcoporum, postquam regimini ecclesiae cui praeerat cesserit, in beneficiorum ecclesiasticorum dispositione ratione eiusdem ecclesiae sibi antea competenti ingerere se valeat; attamen nonnulli ex venerabilibus fratribus nostris sanctae Romanae Ecclesiae cardinalibus, sub praetextu indultorum apostolicorum eis pro tempore concessorum, beneficia nedum unius, sed etiam plurium ecclesiarum, quarum regimini cesserunt, vel a quarum vinculo ad alias translati absoluti reperiuntur, contemplatione aliâs ad se spectantia, conferre perseverant.

Causae huius
constitutionis.

Quare motu simili, etc.:

§ 1. Declaramus, de cetero non licere cuivis personae, etiamsi cardinalatus honore praefulgeat, praetextu cuiusvis indulti apostolici concessi seu concedendi, facultatem huiusmodi etiam expresse continentis, conferre, vel quovis modo dispo-

Declaratio, de
qua in rubrica
cum clausula
irritanti.

¹ Vide, quae notavi ad constitutionem praecedentem de hac materiâ.

nere de quibusvis beneficiis ecclesiasticis, quorum collatio, praesentatio, nominatio, vel quaevis alia dispositio separatim vel coniunctim cum aliis ad eum spectabat ratione cuiuscumque ecclesiae cathedralis, etiam metropolitanae, primatialis vel patriarchalis, cuius regimini cesserit, si quidem ad aliam episcopalem, archiepiscopalem, primatiam vel patriarchalem ecclesiam translatus, vel postmodum assumptus fuerit, sed indulto tantum ratione ecclesiae, cui actu praesit, vel cuius regimini ultimo loco cesserit, sibi concessio uti posse et debere; ac irritum, etc.

Exceptio nonnullarum ecclesiarum.

§ 2. Ostiensi et Veliternensi invicem perpetuo unitis, et Portuensi, ac Sabinensi, necnon Tusculana et Praenestina, ac Albanensi ecclesiis dumtaxat exceptis, quoad quas cardinalibus illarum pro tempore praesulibus facultate disponendi de beneficiis huiusmodi, etiam una cum indulto sibi ratione aliarum ecclesiarum, quibus actu praesunt, vel antea novissime praefuerint, ut praefertur, frui licere decernimus.

Sola signaturam sufficit.

§ 3. Statuentes, praesentium, etiam absque eo quod registrentur, aut illis data apponatur, solam signaturam nostram sufficere, et ubique in iudicio et extra, regulam contrariam non obstante, fidem facere;

Registrentur in cancellaria.

§ 4. Ac insuper illas in cancellaria apostolica describi debere;

Omnes etiam absentes liget.

§ 5. Et deinceps omnes et singulos cardinales, etiam absentes, praesentes et futuros, et alios quoscumque, quorum interest, vel interesse poterit quomodolibet in futurum, afficere et ligare, nullamque eorum ignorantiam praetendere posse, non secus, ac si ei personaliter intimatae forent.

Contrarium remotio.

§ 6. Statuto et ordinatione, decreto et declaratione per nos in crastinum assumptionis nostrae ad summum apostolatus apicem editis, quod cardinales in consti-

tutionibus et regulis per nos post priorumstrarum constitutionum et regularum editionem et publicationem imposterum faciendis non includantur, nisi illae eorundem cardinalium favorem concernant, vel ipsae edendae constitutiones de illorum seu maioris partis eorum consilio editae fuerint, necnon praedictis et quibuscumque aliis regulis, constitutionibus et ordinationibus apostolicis, ceterisque contrariis quibuscumque nequamquam obstantibus.

Placet, motu proprio, publicetur et describatur M.

Papae sub scripto.

Lecta et publicata fuit supradicta constitutio in cancellaria apostolica, anno Incarnationis dominicae MDCXXVI, die vero x mensis septembris, pontificatus praelibati SS. D. N. anno IV.

Publicata in cancellaria.

MARCUS ANTONIUS ASCENTIUS procustos.

CCXV.

Commissio episcopo Wratislaviensi apostolici confirmandi auctoritate foundationem et erectionem collegii Societatis Iesu in oppido Nissae cum universitate studii generalis¹.

Venerabili fratri episcopo Wratislaviensi,
Urbanus Papa VIII.

Venerabilis frater, salutem
et apostolicam benedictionem.

In supereminenti Sede Apostolica specula, meritis licet imparibus, disponente Domino constituti, et intra mentis nostrae arcana revolvantes, quantum ex litterarum studiis catholica fides augeatur, divini nominis cultus protendatur, veritas agnoscat, et iustitia colatur, in his per quae litterarum studia huiusmodi ubilibet excitentur sollicitudinis nostrae partes propensis studiis impertimur. atque his, quae propterea facta fuisse dicuntur, libenter,

Proemium

¹ Ex Regest. in Secret. Brev.

cum a nobis petitur, apostolici muniminis mandamus adiici firmitatem, prout principum virorum vota exposcunt, nosque conspiciamus in Domino salubriter expedire.

Carolus archidux Austriae collegium Societatis Iesu in oppido Nissae cum universitate studii generalis erigit;

§ 1. Sane, dilectus filius nobilis vir Leopoldus ex archiducibus Austriae nobis nuper exponi fecit, quod alias bonae memoriae Carolus similiter ex archiducibus Austriae, ecclesiarum Brixiensis et Wratislaviensis, dum vixit, administrator apostolicam auctoritate deputatus, ad omnipotentis Dei gloriam et militantis Ecclesiae exaltationem, in oppido civitate nuncupato Nissae Wratislaviensis dioecesis unum collegium clericorum Societatis Iesu cum academia ac publica studii universitate erexit et fundavit, illique inter alia fundum Olbersdorf in Silesia situm (olim ad militiam Theutonicorum¹ ex eo quod, cum alias charissimus in Christo filius noster Ferdinandus Romanorum rex in imperatorem electus eidem militiae pro quadam illius praeceptoriam seu commendam et certam pecuniarum summam vel in bonis stabilibus vel in pecunia satisfacere deberet, eoque nomine praedicto Carolo eiusdem militiae magno magistro seu administratori apostolicam auctoritate deputato fundum huiusmodi, ita ut illum, vel dictae militiae applicare, vel alio, prout ei visum fuisset, distrahere posset, obtulisset; idem Carolus, fundi praedicti possessione accepta, dum de illo eidem militiae cedendo ageret, iamque militia ipsa contenta ius aliquod desuper adquisitura videretur, considerans fundum de Eulenberg per eum noviter emptum eidem militiae utiliore fore, fundum huiusmodi ipsi militiae loco prioris de Olbersdorf concessit, proindeque, seu alias ex causa permutationis, spectantem) cum omnibus iuribus et pertinentiis suis applicavit et appropriavit, prout in instrumentis seu scripturis publicis desuper confectis plenius dicitur contineri.

¹ Puto excidisse verba *nunc autem ad se* (R. T.).

§ 2. Cum autem, sicut eadem expositio subiungebat, praedictus Leopoldus plurimum cupiat, erectionem et foundationem collegii huiusmodi, aliaque praemissa, pro firmiori eorum subsistentia, apostolicae nostrae confirmationis robore communiri, nobis propterea humiliter supplicari fecit, ut desuper opportune providere de benignitate apostolicam dignaremur.

Leopoldus erectionem et dotationem petit confirmari.

§ 3. Nos, piis eiusdem Leopoldi votis huiusmodi annuere, illumque specialibus favoribus et gratiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causis latis, si quibus quomodolibet innodatus existit, ad effectum praesentium dumtaxat consequendum, harum serie absolventes et absolutum fore censes, huiusmodi supplicationibus inclinati, fraternitati tuae per praesentes committimus et mandamus, ut, si praemissa veritate niti repereris, erectionem et foundationem collegii huiusmodi, ac applicationem et approbationem⁴, aliaque praemissa, de eiusdem tamen militiae consensu, auctoritate nostra apostolicam approbes et confirmes;

Urbanus Wratislaviensem delegat episcopum ad petitionem confirmationem faciendam.

§ 4. Ac omnes et singulos tam iuris quam facti defectus, si qui desuper quomodolibet intervenerint, suppleas, necnon praesentes litteras et in eis contenta quaecumque semper et perpetuo valida, firma et efficacia existere et fore, suosque plenarios et integros effectus sortiri et obtinere, atque ita per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane quidquid secus super his a quoquam, quavis auctoritate, scienter vel ignoranter, contigerit attentari, eadem auctoritate decernas.

Cum clausulis opportunis.

§ 5. Non obstantibus constitutionibus et ordinationibus apostolicis, ac quibusvis

Et contrariis derogat.

¹ Potius lege *appropriationem* (R. T.).

Fundusque pro dote assignat.

(etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, in contrarium praemissorum quomodolibet concessis, confirmatis et innovatis. Quibus omnibus et singulis, illorum omnium et singulorum tenores praesentibus pro plene et sufficienter expressis ac ad verbum insertis habentes, illis aliâs in suo robore permansuris, ad praemissorum effectum, hac vice dumtaxat, specialiter et expresse derogamus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die x septembris MDCXXVI, pontificatus nostri anno IV.

Dat. die 10 septembris 1626, pontif. anno IV.

CCXVI.

Indultum ecclesiasticis regni Sardiniae, ut possint subsidium quadringentarum millium scutorum, unâ cum subditis eiusdem regni, regi catholico persolvere¹.

Charissimo in Christo filio nostro Philippo,
Hispaniarum regi catholico,
Urbanus Papa VIII.

Charissime in Christo fili noster,
salutem et apostolicam benedictionem.

Eximius maiestatis tuae orthodoxae fidei conservandae et propagandae zelus, ac singularis erga nos et Apostolicam Sedem devotio, aliaque praeclara merita plane exigunt, ut subsidia pro eiusdem fidei, tuorumque regnorum et subditorum ab hostibus fidei defensione ab eisdem subditis tuis sponte oblata, quantum cum Domino possumus, adiuvemus.

§ 2. Exponi siquidem nobis fecisti, quod, cum nuper dilecti filii subditi regni tui Sardiniae, animadvertentes, praedictum Sardiniae prae aliis regnis tuis barbarorum et aliorum piratarum infestationibus,

invasionibus et direptionibus, ob eius Africanæ orae vicinitatem, expositum esse, eandem vero maiestatem tuam, pro religionis catholicae ac obedientiae erga S. R. E. conservatione¹ in tuis et exteris ditionibus ac regnis, aliisque gravissimis assidue sumptibus urgeri, summam quadringentorum millium scutorum spatio quinque annorum, octuaginta videlicet pro quolibet anno, persolvendam pro fidei catholicae defensione, necnon praesidio mille et ducentorum militum in eodem regno manutenendo, et aliâs civitatum, urbium, et locorum maritimorum, portuumque dicti regni contra barbarorum et aliorum piratarum impetus infestationes atque direptiones defensione, in certis terminis ac modo et formâ tunc expressis seu exprimendis exigendam, maiestati tuae sponte obtulissent, venerabiles fratres archiepiscopi, episcopi et universae personae ecclesiasticae eiusdem regni in comitiis eiusdem regni congregatis² in solutione dictae summae pro certâ ratâ, nostro et huius Sanctae Sedis accedente beneplacito, concurrere similiter sponte et libere obtulerunt et promiserunt.

§ 3. Cum autem, sicut eadem expositio subiungebat, ex eo quod per Lateranense concilium novissime celebratum, diversasque alias canonicas sanctiones, sub diversis censuris et poenis caveatur expresse, ne reges, principes et alii seculares magistratus ab archiepiscopis, episcopis, abbatibus, et aliis personis ecclesiasticis, etiam sponte offerentibus, aliquam pecuniarum summam sive subventionem exigant aut recipiant, maiestas tua ac tui illius regni ministri dubitetis, ratam praedictam recipiendo, censuras et poenas praedictas incurrere et forsitan incurrisse; et propterea, pro tuae et dictorum ministrorum conscientiae quiete, nobis humili-

Rex pontificiam in hoc interponi auctoritatem petit.

Exordium a regis meritis petitum.

Ecclesiastici unâ cum laicis subsidium regi offerunt.

¹ Edit. Main. habet *conservationem* (n. T.).

² Aptius aliâs legitur *congregati* (n. T.).

¹ Ex Regest. in Secret. Brev.

ter supplicari feceris, quatenus in praemis-
sis nostram et huius Sanctae Sedis auctori-
tatem interponere dignaremur:

*Podifex in-
dultum cono-
dit, de quo io
rubrica.*

§ 4. Nos, attentis praemissis, supplica-
tionibus huiusmodi inclinati, spontaneae
oblationi et promissioni per archiepisco-
pos, episcopos et alias ecclesiasticas perso-
nas ad effectum praemissum factis, pro hac
vice tantum, nostram et dictae Sedis au-
ctoritatem interponimus per praesentes; et
nihilominus archiepiscopis, episcopis et
aliis ecclesiasticis personis praedictis, ut
ratam huiusmodi per eos, ut praefertur,
sponte oblatam et promissam persolvere,
ac tua maiestas et tui ministri eam pe-
tere et recipere, exigere et levare, absque
conscientiae¹, seu censurarum et poenarum
praedictarum incursu, libere et licite pos-
sint, apostolicam auctoritate, earundem te-
nore praesentium concedimus et indulge-
mus; ipsosque archiepiscopos, episcopos
et alias personas ecclesiasticas, et earum
singulas, quatenus ipsi dictam ratam iam
promiserint aut solverint, necnon eam-
dem maiestatem tuam et tuos ministros
praedictos, si eandem ratam iam perce-
perint, ab omnibus et singulis censuris
et poenis per eos propterea quomodolibet
incursis, auctoritate et tenore praedictis
absolvimus et absolutos fore censemus et
declaramus.

*Derogat ob-
stantibus.*

§ 5. Non obstantibus praemissis, ac qui-
busvis constitutionibus et ordinationibus
apostolicis, necnon ecclesiarum, monaste-
riorum, et beneficiorum huiusmodi (iura-
mento, confirmatione apostolica vel quavis
firmitate alia roboratis) statutis et consue-
tudinibus, privilegiis quoque, indultis, exem-
ptionibus, immunitatibus, etiam in corpore
iuris clausis, ac litteris apostolicis quibus-
vis generaliter vel specialiter concessis.
Quibus omnibus et singulis, eorum tenores
praesentibus pro plene et sufficienter ex-
pressis ac ad verbum insertis habentes, illis

¹ Deest vox *periculo* vel *scrupulo* (R. T.).

alias in suo robore permansuris, hac vice
dumtaxat specialiter et expresse deroga-
mus, ceterisque contrariis quibuscumque.

§ 6. Volumus autem, ut imposterum
personae ecclesiasticae dicti regni a solu-
tione et exactione similium pecuniarum
omnino abstineant; quodque poenitentiam,
quam pro praemissis quivis confessarius
ab Ordinario approbatus, illis et eorum
cuilibet duxerit imponendam, omnino te-
neantur;

*Ecclesiasticos
imposterum a
similibus iubet
abstinere.*

§ 7. Necnon, quod praesentium tran-
sumptis, etiam impressis, manu alicuius
notarii publici subscriptis, sigilloque per-
sonae in dignitate ecclesiastica constitutae
munitis, eadem prorsus fides in iudicio
et extra ubique adhibeatur, quae ipsis ori-
ginalibus litteris adhiberetur, si forent
exhibitae vel ostensae;

*Et transum-
ptis fidem addit.*

§ 8. Quodque distributio, repartimen-
tum, ac taxa et exactio ratae huiusmodi a
personis ecclesiasticis in comitiis huius-
modi ab eisdem ecclesiasticis forsitan depu-
tatis, aut in eorum defectum ab Ordinariis
locorum, seu a personis ecclesiasticis ab
ipsis Ordinariis deputandis, dumtaxat fiat,
ac ministris laicis, ad effectum praemis-
sum, et pro summâ praedictâ tantum, con-
signetur, alias eadem praesentes nullae
sint eo ipso.

*Exactionem
per solos eccle-
siasticos fieri
praecipit.*

Datum Romae, apud S. Mariam Maio-
rem, sub annulo Piscatoris, die v octobris
MDCXXVI, pontificatus nostri anno IV.

Dat. die 5 octobris 1626, pontif. anno IV.

CCXVII.

*Confirmatio et innovatio Constitutionis
Clementis VIII, qua vult dignitates
Linguae Angliae obtinentes, votum in
electione magni magistri hospitalis san-
cti Ioannis Hierosolymitani non habere,
nisi fuerint ex Anglia oriundi².*

¹ Deest vox *adimplere* (R. T.).

² Ex Regest. in Secret. Brev.

**Urbanus Papa VIII,
ad perpetuam rei memoriam.**

Prooemium.

Muneri nostro apostolico incumbit, ut ea, quae, pro pace et quiete inter christifideles omnes, praesertim vero istius hospitalis S. Ioannis Hierosolymitani fratres, qui prae ceteris fidem catholicam quoad possunt non modo promovere, sed et usque ad illorum sanguinis, vitaeque profusionem adversus quoscumque illius hostes defendere et tueri specialiter profitentur, fovendâ, ac semovendis ab illis litium et controversiarum materiis, recte per Romanos Pontifices praedecessores nostros ordinata fuerunt, firma et illibata permanere, quantumque fieri posset observari, curemus.

Referuntur Clementis Papae VIII litterae, de quibus fit mentio in rubrica.

§ 1. Aliâs siquidem a felicitis recordationis Clemente Papa VIII praedecessore nostro emanarunt litterae tenoris subsequentis, videlicet:

**Clemens Papa VIII,
ad futuram rei memoriam.**

Inter multiplices curas humeris nostris divinitus impositas in eam praecipue pastoralis officii nostri vigilantiam dirigimus, ut personae regulares, quae sub militaris religionis suavi, praesertim vero sacrae domus et hospitalis S. Ioannis Hierosolymitani, iugo gratum Deo exhibent famulatum, et in universâ christianâ republicâ adversus inimicorum suorum nefarios ausus defendendâ proprias facultates ac vitam ipsam continuo exponunt, litium et controversiarum procul semotis incommodis, in pacis amoenitate et animorum quiete vivere valeant. Cum itaque, tam nos, quam dilecti filii Hugo S. Mariae in Porticu diaconus cardinalis, magnus magister, vigore cuiusdam indulti sibi a felicitis recordationis Sixto Papa V praedecessore nostro concessi, et conventus dicti hospitalis aliquas dignitates Linguae Angliae, et ad eam spectantes¹, diversis fratribus

militibus dicti hospitalis contulerimus et concesserimus, ipsique contulerint et concesserint, prout in diversis quoque nostris, et illorum superinde confectis litteris plenius continetur; hincque ipsi sic provisi, etiam qui ex Anglia non sint, praetendere possint, praetextu eis collatarum dignitatum huiusmodi, eligi in numerum illorum octo, ad quos electio triumviratus pro novâ electione magni magistri dicti hospitalis faciendâ pro tempore spectat, seu aliâs ipsi electi intervenire, quod tamen solis regni Angliae, Hiberniae et aliorum locorum sub Lingua Angliae comprehensorum oriundis, dictas dignitates pro tempore obtinentibus, iuxta formam stabilimentorum dictae religionis competere dignoscitur: nos, controversiis et incommodis, quae inde provenire possent, obviare, et aliâs in praemissis de opportuna declarationis remedio providere volentes, motu proprio, non ad alienius super hoc nobis oblatae petitionis instantiam, sed ex certâ scientiâ et de apostolicae potestatis plenitudine, tenore praesentium, decernimus et declaramus, praefatos a nobis, ac magno magistro et conventu praedictis, de quibus¹ huiusmodi dignitatibus ad dictam Linguam Angliae spectantibus quomodolibet et quandocumque provisos, et praetextu cuiusvis indulti, aut aliâs, non posse neque debere in praefatos octo electores eligi, neque intervenire alicui electioni cuiusvis futuri magni magistri dicti hospitalis, nullumque ius, neque actionem eis desuper competere, dum dignitates huiusmodi retinuerint, nisi ipsi sic provisi et dignitates ipsas obtinentes ex dictis regnis oriundi et ibidem sive in limitibus dictae Linguae nati sint; sicque etiam per ipsosmet magnum magistrum et conventum, ac quosvis alios iudices ecclesiasticos et seculares quavis auctoritate fungentes, sublatâ eis et eorum cui-libet quavis aliter iudicandi et interpre-

¹ Erronee edit. Main. legit *spectantibus* (R. T.).

¹ Vel lege *quibusvis*, vel dele *quibus* (R. T.).

tandi facultate et auctoritate, iudicari et definiri debere, ac irritum et inane quidquid secus super his a quoquam, quavis auctoritate, scienter vel ignoranter, contigerit attentari. Non obstantibus praemissis, ac constitutionibus et ordinationibus apostolicis, necnon statutis, stabilimentis, usibus et naturis, privilegiis quoque, indultis et litteris apostolicis, sub quibuscumque tenoribus et formis, ac cum quibusvis clausulis et decretis, etiam per provisiones praefatas, aut alias, in contrarium forsitan quomodolibet concessis, confirmatis et innovatis. Quibus omnibus, etiamsi de illis, eorumque totis tenoribus, specialis, specifica et expressa mentio habenda foret, illorum huiusmodi tenores, ac si de verbo ad verbum insererentur, pro sufficienter expressis et insertis habentes, illis alias in suo robore permanuris, latissime hac vice specialiter et expresse derogamus, ceterisque contrariis quibuscumque. Datum Romae, apud S. Petrum, sub annulo Piscatoris, die primâ martii MDXCIV, pontificatus nostri anno III.

Eas innovat, confirmatque Urbanus.

§ 2. Nos vero, litterarum praeinsertarum observationi peramplius et quantum in nobis est consulere volentes, motu proprio et ex certâ scientiâ et maturâ deliberatione nostris, deque apostolicae potestatis plenitudine, easdem praeinsertas litteras, cum omnibus et singulis in eis contentis, tenore praesentium approbamus et confirmamus, illisque inviolabilis nostrae apostolicae firmitatis robur adiicimus, omnesque et singulos tam iuris quam facti defectus, si qui desuper quomodolibet intervenisse dici possunt, supplemus, easdemque praeinsertas litteras et omnia et singula in eis contenta innovamus.

Clausulae pro praesentium firmitate.

§ 3. Decernentes illa, necnon praesentes litteras, semper valida, firma et efficacia esse et fore, suosque plenarios et integros effectus sortiri et obtinere, ac ab

omnibus, quos illa quomodolibet concernunt et concernent in futurum, inviolabiliter observari debere; sicque et non aliter per quoscumque iudices ordinarios et delegatos, etiam causarum palatii apostolici auditores, ubique iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

§ 5. Non obstantibus omnibus illis, quae in eisdem praeinsertis litteris dictus Clemens praedecessor voluit non obstare, ceterisque contrariis quibuscumque.

Derogatio contrariorum.

Datum Romae, apud S. Mariam Maiorem, sub annulo Piscatoris, die v octobris MDCXXVI, pontificatus nostri anno IV.

Dat. die 5 octobris 1626, pontif. anno IV.

CCXVIII.

Indultum ecclesiasticis regni Valentiae, ut cum laicis subsidium regi tribuere queant in summâ unius milionis et octuaginta millium scutorum¹.

Charissimo in Christo filio nostro Philippo, Hispaniarum regi catholico,
Urbanus Papa VIII.

Charissimo in Christo fili noster,
salutem et apostolicam benedictionem.

Eximius maiestatis tuae orthodoxae fidei conservandae et propagandae zelus, ac singularis erga nos et Apostolicam Sedem devotionis, aliaque praeclara merita plane exigunt, ut subsidia, pro eiusdem fidei, tuorumque regnorum et subditorum ab hostibus fidei defensione, ab eisdem subditis tuis sponte et prompte oblata, quantum cum Domino possumus, adiuvemus.

Philippi regis erga catholicam fidem et Sedem Apostolicam merita.

§ 1. Exponi siquidem nobis fecisti, quod, cum nuper dilecti filii subditi regni tui Valentiae in parlamento oppidi de Monson congregati, animadvertentes, maiestatem tuam, pro religionis catholicae ac obedi-

Ecclesiastici subsidium regi una cum laicis offerunt.

¹ Ex Regest. in Secret. Brev.

tiae erga S. R. E. conservatione¹ in tuis et exteris ditionibus et regnis, aliis gravissimis assidue sumptibus urgeri, summam unius millionis et octuaginta millium librarum de regalibus decem pro qualibet librâ spacio quindecim annorum, septuaginta mille videlicet pro quolibet anno, persolvendam, in certis terminis ac modo et formâ tunc expressis, seu exprimendis, exigendam, maiestati tuae sponte obtulissent, venerabiles fratres archiepiscopi, episcopi et aliae personae, necnon universus status ecclesiasticus in comitiis eiusdem regni congregati in solutione dictae summae pro certâ ratâ, nostro et huius sanctae Sedis accedente beneplacito, concurrere similiter sponte obtulerunt et promiserunt.

Rex, regni-
que
ministri illud re-
cipi. petunt sibi
permitti.

§ 2. Cum autem, sicut eadem expositio subiungebat, ex eo quod per Lateranense concilium, diversasque alias canonicas sanctiones, sub diversis censuris et poenis, caveatur expresse, ne reges, principes et alii magistratus seculares ab archiepiscopis, episcopis, abbatibus et aliis personis ecclesiasticis, etiam sponte offerentibus, aliquam pecuniarum summam sive subventionem recipiant, maiestas tua, ac tui illius regni ministri dubitetis, ratam praedictam recipiendo, censuras et poenas praedictas incurrere et forsitan incurrisse, et propterea, pro tuae et dictorum ministrorum conscientiae quiete, nobis humiliter supplicari feceris, quatenus in praemissis nostram et huius Sedis auctoritatem interponere dignaremur:

Indulget Pon-
tifex.

§ 3. Nos, attentis praemissis, supplicationibus huiusmodi inclinati, oblationi et promissioni per universum eundem statum ecclesiasticum, videlicet archiepiscopos, episcopos et alias personas ecclesiasticas, ad effectum praemissum duntaxat factis, pro hac vice tantum, nostram et huius Sedis auctoritatem interponimus per

¹ Edit. Main. legit *conservationem*.

praesentes; nihilominusque archiepiscopis, episcopis et aliis ecclesiasticis personis praedictis, ut ratam huiusmodi, per eos, ut praefertur, oblatam, persolvere, ac tua maiestas et tui ministri eam petere, recipere, exigere et levare, absque conscientiae¹, seu censurarum et poenarum praedictarum incurso, libere et licite possint et valeant, apostolicâ auctoritate, eorundem tenore praesentium, concedimus et indulgemus.

§ 4. Ipsosque archiepiscopos episcopos, abbates et alias personas ecclesiasticas, et earum singulas, quatenus ipsi dictam ratam iam promiserint, aut solverint, necnon eandem maiestatem tuam et tuos ministros praedictos, si eandem ratam iam perceperint, ab omnibus et singulis censuris et poenis, per eos propterea quomodolibet incurris, auctoritate et tenore praedictis, absolvimus, et absolutos fore censemus et declaramus.

Eosque et
repperint et
ecclesiasticos,
quatenus ali-
quid iam per-
solverint, absol-
vit a censura.

§ 5. Non obstantibus praemissis, ac quibuscumque constitutionibus et ordinationibus apostolicis, necnon ecclesiarum, monasteriorum et beneficiorum huiusmodi (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis, exemptionibus, immunitatibus, etiam in corpore iuris clausis, ac litteris apostolicis quibusvis generaliter vel specialiter concessis. Quibus omnibus, etiamsi de illis, eorumque totis tenoribus de verbo ad verbum mentio seu quaevis alia expressio habenda sit, et in eis caveatur expresse, quod per huiusmodi clausulas generales, etiam specialem mentionem importantes, eis derogatum esse non censeatur, aut derogari non videatur, nisi certis modo et formâ in illis expressis plene observatis, illorum omnium et singulorum tenores, ac si de verbo ad verbum insererentur, praesentibus pro plene et sufficienter ex-

Obstantia tollit.

¹ Supple *periculo vel scrupulo* (R. T.).

pressis ac ad verbum insertis habentes, illis aliàs in suo robore permansuris, hac vice dumtaxat, specialiter et expresse derogamus, caeterisque contrariis quibuscumque.

A similibus
imposterum iu-
bet eos absti-
nere.

§ 6. Volumus autem, ut imposterum dictae personae ecclesiasticae dicti regni a solutione et exactione similium pecuniarum huiusmodi omnino abstineant; quodque poenitentiam, quam pro praemissis uniuscuiusque confessarius ab Ordinario approbatus illis et eorum cuilibet duxerit imponendam, adimplere omnino teneantur;

Transumptis
fidem addit.

§ 7. Necnon quod praesentium transumptis, manu alicuius notarii publici subscriptis, sigilloque personae in dignitate ecclesiastica constitutae munitis, eadem prorsus fides in iudicio et extra illud ubique adhibeatur, quae ipsis originalibus litteris adhiberetur, si forent exhibitae vel ostensae;

Exactionem
per ecclesiasti-
cos veri man-
dat.

§ 8. Quodque distributio, repartimentum, taxa et exactio ratae huiusmodi, ecclesiasticos, ut praefertur, tangentis, a personis ecclesiasticis per eosdem archiepiscopos, episcopos, ac vestrum¹ statum huiusmodi dumtaxat deputatis, vel in eorum defectum ab Ordinariis locorum deputandis, fiat, ministrisque laicis ad effectum praemissum et pro rata praedicta tantum consequendum², aliter praesens gratia nulla sit eo ipso.

Datum Romae, apud S. Mariam Maiorem, sub annulo Piscatoris, die vi octobris MDCXXVI, pontificatus nostri anno IV.

Dat. die 6 octobris 1626, pontif. anno IV.

CCXIX.

Declarat confessarios quoscumque per archiepiscopum Limanum approbatos, per archiepiscopum successorem

¹ Aptius lege eorum (R. T.).

² Potius lege consignetur, ut sup. pag. 494 (R. T.).

iterum examinari posse; populum vero in Paschale praecepto Ecclesiae non satisfacere, nisi sacram communionem in propriis parochiis sumat¹.

Venerabili fratri Gundisalvo,
archiepiscopo Limano,
Urbanus Papa VIII.

Venerabilis frater,
salutem et apostolicam benedictionem.

§ 1. Cum, sicut nobis nuper exponi fecisti, multi tuarum civitatis et dioecesis Limanae presbyteri, tam seculares quam regulares, ad sacras confessiones audendas a tunc existente archiepiscopo Limano semel approbati, ab archiepiscopo eius successore se iterum eâ de causâ examinari minime posse vel debere; iidemque, omnes et quoscumque utriusque sexus christifideles seculares, qui a dominicâ Palmarum usque ad dominicam in Albis in ecclesiis suorum monasteriorum seu domorum vel aliorum locorum regularium sacram communionem sumpserint, praecepto Ecclesiae perinde satisfacere et satisfecisse, ac si illam in propriis parochiis sumpsissent, in vim assertorum privilegiorum sibi concessorum praetendant:

Causae fa-
ciendae decla-
rationis.

§ 2. Nos, praemissis, ac inconvenientibus quae exinde oriri possunt, quantum nobis ex alto conceditur, obviam ire, teque spiritualibus favoribus et gratiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatus existis, ad effectum praesentium dumtaxat consequendum, harum serie absolventes et absolutum fore censentes, supplicationibus tuo nomine nobis super hoc humiliter porrectis inclinati, de venerabilium fratrum nostrorum S. R. E. cardinalium sacri Concilii Tri-

Declaratio, da
qua in rubricâ.

¹ Ex Regest. in Secret. Brev.

dentini interpretum consilio, archiepiscopum successorem posse confessarios tam seculares quam regulares iterum examinare; seculares vero non satisfacere praecepto Ecclesiae sumendi sacram communionem in die Paschatis, nisi sumant in propriis parochiis;

Claustrales

§ 3. Sicque, et non aliter, per quoscumque iudices ordinarios et delegatos, etiam causarum palatii apostolici auditores ubique iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari, apostolicâ auctoritate, tenore praesentium, decernimus et declaramus.

Deputatio
exequutoris.

§ 4. Quocirca tibi per praesentes committimus et mandamus, quatenus tu, per te, vel alium, seu alios, praesentes litteras, et in eis contenta, ubi et quando opus fuerit, solemniter publicans, facias auctoritate nostrâ illa ab omnibus et singulis, ad quos spectat et pro tempore quomodolibet spectabit, inviolabiliter observari, contradictores quoslibet et rebelles, per sententias, censuras et poenas ecclesiasticas, aliaque opportuna iuris et facti remedia, appellatione postpositâ, compescendo, invocato etiam ad hoc, si opus fuerit, auxilio brachii secularis.

Derogatio
contrariorum.

§ 5. Non obstantibus quibusvis constitutionibus et ordinationibus apostolicis, ac quorumvis Ordinarum (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, approbatis, confirmatis et innovatis; quibus omnibus et singulis, eorum tenores praesentibus pro plene et sufficienter expressis ac ad verbum insertis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die ix octobris MDCXXVI, pontificatus nostri anno IV.

Dat. die 9 octobris 1626, pontif. anno IV.

CCXX.

Facultas cardinali S. Monuphris capiendi possessionem ducatus Urbini in casu devolutionis eiusdem¹.

Dilecto filio nostro Antonio,
tituli S. Monuphris presbytero cardinali,
Urbanus Papa VIII.

Dilecte fili noster, salutem et apostolicam benedictionem.

Singulares, atque eximiae virtutes, quibus illarum largitor Altissimus personam tuam multipliciter insignivit, in causâ sunt, ut te muneri gravissimo et rei maximi momenti administrandae libenter praeficiamus, firmâ spe ac fiducia freti, te, fraterno secundum carnem vinculo nobis coniunctum, ac filiali reverentiâ et devotione nos prosequentem, in eâ functione fideliter, riteque obeundâ desiderio nostro cumulate satisfacturum.

Exordium

§ 1. Motu itaque proprio, et ex certâ scientiâ ac maturâ deliberatione nostris, deque apostolicae potestatis plenitudine, tibi, ut, casu aperitionis ac devolutionis ad nos et Romanam Ecclesiam, Sedemque et cameram apostolicam, feudi ducatus Urbini, necnon civitatum Senogalliensis et Pisarenensis, ac Status Montis Feretram, aliorumque dominiorum, civitatum, oppidorum, terrarum, fortaliorum et locorum quorumcumque, etiam speciali notâ et expressione dignorum, in et sub Statu dicti ducatus Urbini ad praesens quomodolibet comprehensorum, seu per ipsum duces quomodolibet possessorum, quancumque et quomodocumque eveniente, sive succedente, tu, per te, vel alium, seu

Centum ex
duobus Rubricis
non possunt
monstrare et
hinc et inde

¹ Ex Regest. in Secret. Brev. — Similem constitutionem habes supra pag. 258 et 356 (R. T.).

alios, secundum rei et casus exigentiam, et alias, prout occasio, rerumque et temporum qualitas exegerit, corporalem, realem et actualement possessionem ducatus, civitatum, dominiorum, oppidorum, terrarum et locorum praedictorum, eorumque territoriorum, districtuum, iurisdictionum, castrorum, fortificationum, sive propugnaculorum, membrorum, pertinentiarum et iurium quorumcumque, nostro et Ecclesiae Sedisque et camerae praedictarum nomine, amotis et expulsis exinde quibusvis detentoribus sive occupatoribus, apprehendas, sive a quibuscumque aliis in vim facultatum sibi a nobis desuper alias sub certis modo et forma tunc expressis concessarum apprehensa recipias et retineas.

Fidelitatis iuramentum recipiendi;

§ 2. Necnon a communitatibus, universitatibus, gubernatoribus, praetoribus, locumtenentibus, magistratibus, capitaneis, colonnellis, castellanis et aliis quocumque nomine nuncupatis, quacumque dignitate fungentibus, officialibus ducatus, civitatum, dominiorum, oppidorum, terrarum et locorum, aliorumque praedictorum, homagia et fidelitatis iuramenta recipias, signa vel contrasigna antiqua similiter recipias, mutes, et nova constituas, renoves, et quibus opus fuerit, vel tu expediens iudicaveris, tradas et consignes; ac alios quoscumque actus possessorios,

Aliaque faciendi, quae civilem, criminalemque includunt iurisdictionem gerendi.

§ 3. Necnon in ducatu, civitatibus, dominiis, oppidis, terris et locis, aliisque praedictis quacumque iurisdictionem civilem, criminalem et mixtam exerceas, modum et statum officiorum, magistratuum, tam optimatum, quam populi, et gubernii temporalis, necnon custodiae et militiarum, praesidiorumque ducatus, et civitatum, dominiorum, oppidorum, terrarum, locorum et aliorum praedictorum, prout tibi videbitur, immutes, ac etiam renoves, et de novo deputes, ad formamque et methodum regiminis et gubernii

aliarum provinciarum, terrarum et locorum Status nostri Ecclesiastici redigas; quaecumque statuta, ordinationes et constitutiones circa praemissa et alia quaecumque, quae magis expedire iudicaveris, condas, publices et observari facias; necnon, si opus fuerit, quoscumque milites conscribas, et, quae pro comiteatu et apparatu necessaria fuerint, undique perquiras et compares, ac ex quibuscumque locis Status nostri Ecclesiastici convehi et comportari facias, quaecumque armorum et belli negocia tractes, congressus militum generales vel particulares, prout res et occasio similiter postulaverit, constituas et imperes;

§ 4. Quaecumque expensas, quae in praemissis et eorum occasione necessariae erunt, nostris et camerae apostolicae praedictae sumptibus facias, et, ut huiusmodi expensas facilius facere possis, quaecumque pecuniarum summas ad nos et eandem cameram spectantes a quibuscumque thesaurariis, datariis, exactoribus, collectoribus, appaltatoribus, officialibus et ministris quibuscumque, quocumque nomine nuncupatis, debitas, necnon etiam a gubernatoribus, praetoribus et locumtenentibus provinciarum, civitatum et locorum quorumcumque Status nostri Ecclesiastici, a depositariis et exactoribus poenarum et malefactorum, nostro et dictae camerae apostolicae nomine exigas et recipias, ac ipsos solventes de exactis quietes, ac etiam redditus communitatum et universitatum, ac civitatum, terrarum et locorum eiusdem ducatus Urbini recipias, et ex ipsis camerae, communitatumque et universitatum redditibus sumptus huiusmodi facias, de quibus tamen nullam nobis, aut Romanis Pontificibus successoribus nostris, aut, pro nobis et eis, dictae camerae, aut S. R. E. camerario, praesidentibus, clericis vel aliis quibuscumque Sedis et camerae apostolicae ministris, aut sanctae

Expensas necessarias faciendi;

Quin de iis rationem ullam reddere teneatur.

Romanae Ecclesiae cardinalium collegio, ullisque aliis unquam nominatim vel in specie rationem aut administrationis computum reddere tenearis, nec ad id cogi aut compelli possis: et nihilominus, si tu rationem aut administrationis computa sponte reddere volueris, expensas huiusmodi, per te, ut praefertur, faciendas, tanquam de expresso ordine et mandato nostro factas, ac veluti si a nobis ipsis factae fuissent, tibi, sine ulla prorsus oppositione, aut partitarum per te dandarum reiectione, aut in dubium revocatione, bonas fieri, et in eiusdem camerae apostolicae libris describi, adnotari et acceptari libere volumus et expresse ordinamus et mandamus.

Concessio facultatum necessarium.

§ 5. Ut vero omnia et singula, quae ad praemissa pertinent, summā, ut decet, auctoritate praecipiantur, et pari celeritate debitae executioni demandentur, ¹ omnibus et singulis archiepiscopis, episcopis et aliis locorum Ordinariis, necnon praesidentibus, gubernatoribus, praefectis, eorum locumtenentibus, praetoribus et aliis quocumque nomine nuncupatis officialibus et ministris, quavis potestate, auctoritate et privilegio suffultis, et quibuscumque, etiam a nobis et Apostolica Sede seu camerā apostolicā immediate deputationem habentibus, seu dependentibus, nec non baronibus, domicellis, comitibus, aliisque, etiam ducali, marchionali, vel aliā dignitate insignitis, communitatibusque et universitatibus et hominibus quarumvis provinciarum, civitatum, terrarum et locorum nobis et sanctae Romanae Ecclesiae mediate vel immediate subiectorum, omnia et quaecumque occasione praemissorum, quae tibi necessaria et opportuna visa fuerint, et toties quoties volueris, mandes, iubeas et imperes, ac etiam S.R.E. cardinalibus, etiam de latere legatis, rogando iniungas; omnes vero et singulos

¹ Hic deesse videtur particula *ut* (R. T.).

barones, domicellos, comites, aliosque, ducali et marchionali vel aliā dignitate praeditos, et quaslibet alias singulares personas etiam ecclesiasticas, tam seculares, quam quorumvis Ordinum, seu militiarum, etiam S. Ioannis Hierosolymitani, regulares (ita tamen, ut contra eosdem ecclesiasticos nonnisi per personas in dignitate ecclesiasticā constitutas, per te semel vel pluries etiam iteratis vicibus deputandas, procedatur), si quae mandatis, iussis et monitionibus tuis obtemperare recusaverint, aut illis quoquo modo contradixerint vel sese opposuerint, tanquam nostris et apostolicis mandatis, iussis et monitionibus parere recusantes, illisque contradicentes, ac se opposcentes, nostros et sanctae Romanae Ecclesiae, ac Sedis apostolicae rebelles declares et publices, ac contra illos summarie, simpliciter et de plano, sine strepitu et figurā iudicii, manu regiā, nullo iuris ordine servato, nec aliquo formato processu, more militari, aut iure belli, ad privationem officiorum, feudorum et honorum quorumcumque etiam alodialium per eos in quibuscumque locis possessorum, seu quovis modo obtentorum respective, omni et quacumque appellatione et recursu pospositis, procedas, et ubi iustitia ita exegerit, et ordo dicaverit rationis, seu cum ita expedire iudicaveris, eosdem contradictores et rebelles quacumque pecuniaria, vel corporali, ac etiam ultimi supplicii poenā affici facias, et contra eosdem, tam pro praemissis, quam pro aliis quibuscumque ab eis patris criminibus et delictis, simili modo et formā procedas (cum facultate quoscumque ex his resipiscentes, et veniam postulantes, ac de cetero a similibus abstineri proponentes, etiam post condemnationem, et in ipso iustitiae actu, seu poenae executione, absolvendi, ac poenas quascumque eis remittendi et condonandi, eosque, ac quoscumque alios, a quibusvis

gravissimis et capitalissimis causis et delictis, bannitos et condemnatos, habitam tamen prius ab offensis pace, et praeterquam quoad bona fisco incorporata, liberandi et gratiandi, ac in pristinum gradum et dignitatem ac eum, in quo antea erant, statum restituendi, reponendi et plenarie reintegrandi, salvòs conductus ad tempus vel in perpetuum iis, quibus tibi videbitur, concedendi), et generaliter omnia et singula ad statum, gubernium, regimen et administrationem ducatus, civitatum, dominiorum, oppidorum, terrarum, locorum, aliorumque praedictorum, nec non arcium, propugnaculorum et fortaliorum custodiam, populorumque pacem et quietem et annonae abundantiam spectantia, ac tam gratiam quam iustitiam concernentia, etiamsi talia sint vel fuerint, quae sub generali verborum significatione non venirent, sed specialibus indigerent vocabulis et speciali notâ digna essent, specialemque, specificam et expressam requirerent mentionem, facias, dicas, geras et exequaris, ac in omnibus et singulis praemissis quarumcumque personarum etiam ecclesiasticarum et regularium quorumcumque Ordinum, etiam quacumque dignitate etiam episcopali vel maiori fulgentium, operâ utaris, easque cum facultatibus per te illis praescribendis subdeleges, ita tamen, ut de gestis et executis per te, aut mandato tuo per quoscumque alios, tu, vel illi nobis, aut Romanis Pontificibus successoribus nostris, aut S.R.E. cardinalium collegio, vel quibuscumque aliis, ut praefertur, praeterquam soli Deo, rationem aliquam ullo unquam tempore reddere minime teneamini, neque ad id cogi vel compelli possitis: super quibus omnibus et singulis plenam, liberam, absolutam et omnimodam facultatem, potestatem et auctoritatem tenore praesentium tibi concedimus et impartimur.

Eaedem facult.

§ 6. Quia vero venerabili fratri Paulo

Emilio archiepiscopo Urbinatensi, ac dilectis filiis provinciae Marchiae Anconitanæ, necnon civitatis Perusinae, eiusque comitatus et districtus, provinciaeque Umbriae gubernatoribus et provinciae nostrarum Romandiolae atque exarcatus Ravennae praesidi¹, nonnullisque aliis, similem facultatem per nostras in huiusmodi formâ Brevis expeditas litteras concessimus, volumus, et earumdem tenore praecipimus, ut qui prius ex vobis possessionem ingressus fuerit, iurisdictionem et alia civilia praedicta exercere ac exequi possit et debeat, et si quid unus ex vobis incoeperit, nec ob impedimenta, seu aliâs, absolverit aut perficere non potuerit, alter prosequi, et debitae exequutioni demandare valeat.

tates aliis etiam delegatae dicuntur.

§ 7. Iniungentes propterea eisdem cardinalibus de latere legatis, ac mandantes archiepiscopis, episcopis et aliis locorum Ordinariis praedictis, sub interdicti ingressus ecclesiae ac suspensionis a divinis, et tam iis, quam quibuscumque gubernatoribus, praesidentibus, locumtenentibus, praetoribus, necnon thesaurariis, datariis, exactoribus, collectoribus, appaltatoribus et aliis officialibus et ministris, quibuscumque nominibus nuncupentur, Sedis et camerae praedictarum in Statibus nostris praedictis existentibus, baronibus quoque, domicellis, ducibus, marchionibus, necnon communitatibus, universitatibus et hominibus quibuscumque, ac etiam ecclesiasticis secularibus et regularibus personis praedictis, demumque universis et singulis subditis nostris, immediatis et mediatis, in virtute sanctae obedientiae, ac sub indignationis nostrae, necnon rebellionis, ac etiam excommunicationis latae sententiae poenis, ut tibi in omnibus et per omnia, quacumque excusatione, tergiversatione et impedimento remotis, prompte pareant, obediant et assistant, tuaque iussa, monita

Mandatum de parendo.

¹ Vide supra pag. 268 et 356 (R. T.).

et mandata, aequae ac nostramet, eâ qua decet obedientiâ, et perinde exequantur et adimpleant, alioquin sententiam sive poenam, quam rite tuleris seu statueris in rebelles, ratam habebimus et faciemus auctore Domino usque ad satisfactionem condignam inviolabiliter observari: camerario vero, thesaurario generali, et praesidentibus clericis, aliisque camerae apostolicae praedictae ministris, ut impensas huiusmodi per te faciendas, et illarum partitas, per te, si tu expensarum rationem, ut praefertur, reddere volueris, exhibendas, in eiusdem camerae apostolicae libris describant et acceptent, et bonas faciant.

Obstantium derogatio.

§ 8. Non obstantibus felicis recordationis Pii IV de gratiis interesse camerae apostolicae concernentibus in eadem camerâ intra certum tunc expressum tempus praesentandis et registrandis, ac Sixti V, Romanorum Pontificum praedecessorum nostrorum, contra bannitos et alios facinorosos, editis, necnon aliis apostolicis ac in universalibus, provincialibusque conciliis editis generalibus vel specialibus constitutionibus et ordinationibus, ac ducatus, civitatum et aliorum locorum praedictorum (etiam iuramento, confirmatione apostolica, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, quibusvis personis in contrarium praemissorum quomodolibet concessis, confirmatis et innovatis. Quibus omnibus et singulis, eorum omnium et singulorum tenores praesentibus pro expressis et ad verbum insertis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Datum in Arce Gandulphi Albanensis dioecesis, sub annulo Piscatoris, die xviii octobris mdcxxvi, pontificatus nostri anno iv.

Dat. die 18 octobris 1626, pontif. anno iv.

CCXXI.

Nuncius apostolicus in regno Neapolis pro tempore existens deputatur conservator praeceptoriae S. Antonii de S. Antonio extra portam Capuanam¹.

Venerabili fratri Antonio episcopo Casertano, moderno et pro tempore existenti nostro et Apostolicae Sedis in regno Neapolis nuncio,

Urbanus Papa VIII.

Venerabilis frater,
salutem et apostolicam benedictionem.

§ 1. Conservationi et manutentioni praeceptoriae Ordinis S. Antonii de S. Antonio Viennensis, extra portam Capuanam civitatis Neapolitanae sitae, quam dilectus filius noster Laurentius tituli S. Mariae in Aquiro presbyter cardinalis Magalottus nuncupatus in commendam ad sui vitam ex concessione et dispensatione apostolica obtinet, illiusque bonorum, rerum et iurium quorumcunque, quantum cum Domino possumus, consulere volentes, supplicationibus eiusdem Laurentii cardinalis nobis super hoc humiliter porrectis inclinati:

Camerae faciendae deputatio.

§ 2. Te omnium et singulorum fructuum, reddituum, proventuum, iurium, obventionum et emolumentorum, aliorumque bonorum et rerum eiusdem praeceptoriae conservatorein, cum omnibus et singulis auctoritatibus, facultatibus, iurisdictionibus, privilegiis, favoribus, gratiis et indultis, similibus conservatoribus, de iure, usu, consuetudine, privilegio, aut aliâs quomodolibet, competentibus et competituris, servatâ tamen in omnibus et per omnia litterarum felicis recordationis Gregorii Papae XV praedecessoris nostri desuper editarum formâ, apostolicâ auctoritate, tenore praesentium, constituimus et deputamus.

Deputatio, de qua in rubrica.

¹ Ex Regest. in Secret. Brev.

Clausulae.

§ 3. Decernentes, praesentes litteras validas, firmas et efficaces existere et fore, suosque plenarios et integros effectus sortiri et obtinere, ac praedictae praeceptoriae in omnibus et per omnia plenissime suffragari, irritumque et inane, si secus super his a quoquam, quavis auctoritate, scienter vel ignoranter, contigerit attentari.

Derogatio contrariarum.

§ 4. Non obstantibus quibusvis constitutionibus et ordinationibus apostolicis, ceterisque contrariis quibuscumque.

Datum in Arce Gandulphi Albanensis dioecesis, sub annulo Piscatoris, die XXIII octobris MDCXXVI, pontificatus nostri anno IV.

Dat. die 23 martij 1626, pontif. anno IV.

CCXXII.

Revocatio omnium gratiarum, exemptionum, indultorum ac privilegiorum quomodolibet concessorum assistentibus ultramontanis prioris generalis Ordinis Eremitarum S. Augustini absolutis ab eorum officio, quo peracto ad suas provincias redire tenentur¹.

Urbanus Papa VIII,
ad futuram rei memoriam.

Prooemium.

Romanus Pontifex aequi bonique supremus assertor gregi Dominico a Deo et Salvatore nostro praepositus, ut iuxta verbum propheticum noxia evellat et destruat, utiliaque plantet et aedificet, ea interdum, quae rationabilibus ex causis a Sede Apostolica concessa sunt, ipsâ subinde

¹ De assistentibus prioris generalis huius Ordinis habes in Const. CCXXXIX Pauli V, *Provisionis*, (in h. n. ed. CCLVIII, tom. XII, pag. 289). Et de hoc Ordine vide ad Const. XVI Alexand. IV, tom. III, pag. 616. Et alia nonnulla de promovendis ad doctoratus vel magisterii in sacra theologia gradus statuit istemet Pontifex in Const. CXXII, *Romanus* (in h. n. ed. CXXXIV, supra pag. 320).

rerum experientia suadente, et maioribus ex causis, quibus praesertim felici christifidelium sub suavi¹ religionis iugo Altissimo famulantium statui et salubri gubernio consulitur, alterat et revocat, in hisque sollicitudinis et providentiae suae studium favorabiliter interponit, prout pia catholicorum regum vota id exposcunt, et ipse, rerum et temporum qualitatibus debite pensatis, conspicit in Domino salubriter expedire.

§ 1. Cum itaque, sicut charissimus in Christo filius noster Philippus Hispaniarum rex catholicus nobis nuper exponi fecit, ratione privilegiorum, gratiarum et indultorum fratribus ultramontanis assistentibus prioris generalis Ordinis fratrum Eremitarum S. Augustini tam praeteritis quam futuris ab hac sanctâ Sede, et aliis concessorum, expleto eorum officio, non leviam in eodem Ordine inconvenientiam et perturbationes oriantur:

Causae revocandi privilegia assistentibus concessa.

§ 2. Nos, illis, quantum nobis ex alto conceditur, opportune providere volentes, supplicationibus dicti Philippi regis nomine nobis super hoc humiliter porrectis inclinati, de venerabilium fratrum nostrorum sanctae Romanae Ecclesiae cardinalium negotiis regularium praepositorum consilio, omnia et singula, exemptiones, immunitates, praerogativas, praeceminentias, gratias, privilegia et indulta eisdem fratribus ultramontanis assistentibus per Sedem Apostolicam sub quibuscumque verborum formis et tenoribus, ac cum quibusvis clausulis et decretis, etiam motu proprio vel aliis, ac etiam per quoscumque alios concessa, quibus huiusmodi assistentes, expleto suo huiusmodi officio, hactenus usi et gavisi sunt, sive uti et gaudere potuerunt vel debuerunt, apostolicâ auctoritate, tenore praesentium, perpetuo revocamus et abrogamus, ac revocata et abrogata esse censemus.

Revocatio, de qua in rubrica.

¹ Edit. Main. legit *suavis* (R. T.).

Assistentes
expleto officio
ad suas provin-
cias redire te-
nentur.

§ 3. Ipsosque assistentes, finito eorum officio huiusmodi, ad suas provincias redire teneri, et ad id per modernum et pro tempore existentem dicti Ordinis priorem generalem opportunis iuris et facti remediis cogendos;

Clausulae
praeservativae.

§ 4. Praesentes vero litteras, omniaque et singula in eis contenta semper et perpetuo valida, firma et efficacia esse et fore, suosque plenarios et integros effectus sortiri et obtinere, ac ab omnibus et singulis, quos spectat et pro tempore quomodolibet spectabit, inviolabiliter observari; sicque, et non aliter, per quoscunque iudices ordinarios et delegatos, etiam causarum palatii apostolici auditores, ubique iudicari et definiri debere; ac irritum et inane, si secus super his a quoquam, quavis auctoritate, scienter vel ignoranter, contigerit attentari, auctoritate et tenore praesentium decernimus et declaramus.

Contraria re-
moventur.

§ 5. Non obstantibus praemissis, ac quibusvis litteris apostolicis super concessione privilegiorum, gratiarum et indultorum huiusmodi expeditis, ac constitutionibus et ordinationibus apostolicis, necnon dicti Ordinis (etiam iuramento, confirmatione apostolica, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, eorum omnium tenores praesentibus pro plene et sufficienter expressis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die xxv novembris MDCXXVI, pontificatus nostri anno iv.

Dat. die 25 novembris 1626, pontif. anno iv.

CCXXIII.

Confirmatio cuiusdam decreti magni magistri et consilii hospitalis S. Ioannis Hierosolymitani super receptione Helvetiorum ad habitum militiae¹.

Urbanus Papa VIII,
ad perpetuam rei memoriam.

Decet Romanum Pontificem, aequi bonique supremum assertorem, ea, quae in personarum inter hospitalis S. Ioannis Hierosolymitani fratres ad fidei catholicae defensionem et propagationem nomen dare cupientium favorem mature facta et decreta sunt, ut ab omnibus inviolabiliter observentur, apostolicae confirmationis patrocinio communire, prout, personarum, rerumque et temporum qualitatibus debite pensatis, conspicit salubriter in Domino expedire.

Exordium.

§ 1. Cum itaque, sicut accepimus, aliâs a tunc existente magno magistro et capitulo dicti hospitalis emanaverit decretum tenoris subsequenter, videlicet:

Conceditur
Helvetiis ut ad-
mitti possint ad
militiam in lin-
gua Alemanni-
ae.

Die viii mensis iunii MDCXCIX, illustrissimus et reverendissimus dominus magnus magister et venerabile concilium, habitâ super hoc maturâ consultatione, relatione et voto venerandorum commissariorum, qui oretenus deputati fuerunt super hoc negotio, honeste gratificari putantes strenuae reipublicae confederationi, et universitati inclytæ nationis dominorum Helvetiorum, et gratiosâ quadam moderatione ritui et vivendi modo ipsorum accommodatâ rigorem statutorum Ordinis nostri et militiae nostrae dumtaxat temperantes, cum scrutinio ballottarum, ordinauerunt et statuerunt, ut imposterum in venerandâ linguâ Alemanniae recipi et admitti possint in gradum fratrum militum nostri habitus aliquot ex filiis praefatae strenuae reipublicae, qui, religionis zelo permoti, ad obsequium pauperum Iesu

¹ Ex regest. in Secret. Brev.

Christi et tuitionem fidei catholicae, nomen Ordini nostro¹ et militiae nostrae dare optaverint;

Qui tamen
expressas hic
habent dotes.

§ 2. Si tamen ex legitimo matrimonio et honesto loco nati et bene educati, atque a patribus, avis, atque proavis tantummodo paternis et maternis legitimis, honore praeditis, atque ex primatibus ipsius strenuae reipublicae prognati fuerint. Qui quidem eorum patres et primi avi in officiis sordidis et mechanicis nunquam se se exercuisse, neque exercere², comprobari debeant, et quod alicui mercaturae vili, infimae, seu parvi momenti, neulquam operam dederint, quinimo sint filii ductorum siue generalium exercituum militiarum, et teneantur de praemissis propriis expensis probationes conficere coram duobus commissariis deputandis vel a priore et capitulo provinciali prioratus Alemanniae, vel a magistro et a concilio. Et demum unâ cum ipsis probationibus sic perfectis se se praesentare, debeant personaliter coram dicto priore et capitulo provinciali, antequam ad hunc conventum Melitae se conferant.

Admissi com-
mendas eius-
dem linguae
possunt ob-
tinere.

§ 3. Qui autem, ut praefertur, recipiuntur inter ceteros milites praefatae venerandae linguae Alemanniae, secundum consuetum ordinem et eorum antianitatis gradum et turnum, commendas de cabimento, et, servatis servandis, de melioramento per universos prioratus Alemanniae limites constitutas³, consequi et obtinere possint et valeant.

Legalitas de-
creti

§ 4. Et quia ita se habet veritas, factâ fideli cum originali collatione, concordare comperimus; ideo in huius rei testimonium bulla nostra magistralis in cerâ nigrâ praesentibus est impressa. Datum Melitae in conventu nostro die 11 mensis martii mdcxvi ab Incarnatione.

1 Edit. Main. legit *nostri* (R. T.).

2 Edit. Main. legit *exerceant* (R. T.).

3 Edit. Main. legit *constitutos* (R. T.).

§ 5. Nos, inviolabili dicti decreti et in eo contentorum huiusmodi observationi, perpetuaeque validitati, quantum nobis ex alto conceditur, prospicere volentes, motu proprio et ex certâ scientiâ ac maturâ deliberatione nostris, deque apostolicae potestatis plenitudine, praeinsertum decretum huiusmodi cum omnibus et singulis in eo contentis, tenore praesentium, perpetuo approbamus et confirmamus, illicque perpetuae et inviolabilis apostolicae firmitatis robur adiicimus, ac omnes et singulos tam iuris quam facti defectus, si qui desuper quomodolibet intervenerint, supplemus.

Quod pontifi-
cia roboratur
confirmatione.

§ 6. Decernentes praesentes litteras semper et perpetuo validas, firmas et efficaces existere et fore, suosque plenarios et integros effectus sortiri et obtinere, et ab omnibus, ad quos spectat et in futurum spectabit, inviolabiliter observari, sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam quavis auctoritate scienter vel ignoranter contigerit attentari.

Clausulae.

§ 7. Quocirca venerabili fratri episcopo Melevitano, ac dilectis filiis causarum curiae camerae apostolicae generali auditori necnon inquisitori haereticae pravitatis in insulâ Melevitana residenti, per praesentes committimus et mandamus, quatenus ipsi, vel duo, aut unus eorum, per se, vel alium, seu alios, praesentes litteras et in eis contenta quaecumque, ubi et quando opus fuerit, solemniter publicantes, faciant auctoritate nostrâ illas, ac in eis contenta quaecumque, ab omnibus et singulis ad quos spectat inviolabiliter observari; contradictores quoslibet et rebelles, ac in praemissis non parentes, per sententias, censuras et poenas ecclesiasticas, aliaque opportuna iuris et facti remedia, appellatione pospositâ, compescendo, invocato

Commissarii
deputantur ex-
equutores.

etiam ad hoc, si opus fuerit, auxilio brachii secularis.

Obstantia tel-
lantur.

§ 8. Non obstantibus felicitis recordationis Bonifacii Papae VIII praedecessoris nostri de unâ, et in concilio generali editâ de duabus dietis, dummodo ultra tres dietas aliquis auctoritate praesentium ad iudicium non trahatur, aliisque constitutionibus et ordinationibus apostolicis, necnon dicti hospitalis (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, stabilimentis, usibus et naturis, ac ordinationibus capitularibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, illorum tenores praesentibus pro plene et sufficienter expressis, ac de verbo ad verbum insertis habentes, illis aliâs in suo robore permansuris, ad praemissorum effectum hac vice dumtaxat specialiter et expresse derogamus, ceterisque contrariis quibuscumque.

Transumptis-
que fides addi-
tur.

§ 9. Volumus autem, ut praesentium transumptis, etiam impressis, manu notarii publici subscriptis, et sigillo alicuius personae in dignitate ecclesiasticâ constitutae munitis, eadem prorsus fides ubique habeatur, quae praesentibus ipsis adhiberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die vii decembris MDCXXVI, pontificatus nostri anno IV.

Dat. die 7 decembris 1626, pontif. anno IV.

CCXXIV.

Pro confraternitate Musicorum in ecclesiâ congregationis clericorum regularium S. Pauli Decollati de Urbe aliâs institutâ, revocatio prohibitionis, de qua in § VI, ac indulti, de quo in

§ VII Constitutionis confirmatoriae ipsius¹.

Urbanus Papa VIII,
ad futuram rei memoriam.

Humanarum rerum ea est incerta conditio, ut nihil tam prudenter statui, et tam provide concedi possit, quod interdum, novis rationibus et causis exigentibus, immutandum, atque in aliam formam omnino redigendum esse non appareat.

Exordium.

§ 1. Aliâs siquidem, supplicationibus dilectorum filiorum officialium et confratrum confraternitatis musicorum nuncupatorum de Urbe nobis humiliter porrectis inclinati, inter ceteras gratias eis a nobis concessas, omnibus et singulis utriusque sexus christifidelibus, et praesertim librorum impressoribus et bibliopolis, sub certis poenis eo ipso absque ullâ declaratione incurrendis, ne de cetero in Urbe quascumque tam proprias, quam alienas musicales compositiones et moctetta cuiusvis generis et speciei existentia eatenus per quoslibet artis musicae peritos composita et de cetero componenda, sive ad ipsam Urbem ad effectum impressionis transmittenda, absque speciali correctorum seu revisorum ab ipsâ confraternitate deputatorum licentiâ in scriptis obtinendâ, quae tamen gratis concedi deberet, imprimere, aut ab alio vel aliis impressa vendere, seu vernalia habere vel proponere quoquo modo auderent seu praesumerent, interdiximus et prohibuimus.

Enarrat,
quod praesentibus
Constitutionibus § 6.

§ 2. Ad haec, ut ad publicas artis musicae huiusmodi scholas in dictâ Urbe aperiendas imperiti nullatenus admitterentur, dictae confraternitati, quod de cetero omnes et singuli, sive clerici sive laici, artis musicae huiusmodi scholas in dictâ Urbe aperire, in eisque publice musicam docere volentes, licentiâ ab eisdem de-

Quod § 7
constituerat.

¹ Constitutionem confirmationis eiusdem confraternitatis vide supra pag. 243 huius tomi (R.T.).

putatis in scriptis, et sigillo eiusdem confraternitatis munitam, quae gratis concederetur, petere et obtinere deberent; concessimus et indulimus, et alias prout in nostris desuper in simili formâ Brevis sub die xx novembris mdcxxiv expeditis litteris, quarum tenores praesentibus pro expressis haberi volumus, plenius continetur.

Causasque propter quas contrarium sit decernendum.

§ 3. Cum autem, sicut accepimus, per prohibitionem et concessionem et indultum supra expressa non solummodo cantoribus et cappellanis cappellae nostrae, verum etiam aliis christifidelibus et praesertim musicis et bibliopolis et impresoribus praeiudicium inferri experientia compertum sit:

Praedicta itaque irritat.

§ 4. Nos, illorum omnium indemnitati paternâ charitatē consulere volentes, motu proprio et ex certâ scientiâ nostrâ, prohibitionem et concessionem, ac indultum, quoad supra expressa tantum, apostolicâ auctoritate, tenore praesentium, revocamus, cassamus et annullamus, viribusque, et effectū vacuumus, ac revocata, cassa, viribusque et effectū vacua esse et fore, nec officialibus et confratribus praedictis de cetero suffragari posse aut debere;

Clausulas apponit opportunas.

§ 5. Sicque et non aliter per quoscumque iudices ordinarios et delegatos, etiam causarum palatii apostolici auditores, ubique iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari, auctoritate et tenore praedictis decernimus et declaramus.

Contraria tollit.

§ 6. Non obstantibus litteris nostris praedictis, ac quibusvis constitutionibus et ordinationibus apostolicis, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die ix decembris mdcxxvi, pontificatus nostri anno iv.

Dat. die 9 decembris 1626, pontif. anno iv.

CCXXV.

Nonnullae ordinationes pro missis in ecclesiâ S. Gregorii de Urbe celebrandis, et recipiendis elemosynis¹.

Urbanus Papa VIII,
ad futuram rei memoriam.

§ 1. Cum, sicut accepimus, quamplures eleemosynae, pro missis in ecclesiâ monasterii S. Gregorii de Urbe Congregationis Camaldulensis pro animarum christifidelium defunctorum refrigerio et salute celebrandis, eidem ecclesiae in dies erogentur; omnes vero missae huiusmodi ob nimiam earum quantitatem in dictâ ecclesiâ celebrari nequeant:

Missarum oneribus cum satisfieri non posset;

§ 2. Nos, qui omnium saluti paternâ charitate intendimus, piae christifidelium intentioni atque desiderio, quantum nobis ex alto conceditur, consulere volentes, motu proprio et ex certâ scientiâ ac maturâ deliberatione nostris, deque apostolicae potestatis plenitudine, dilecto filio moderno et pro tempore existenti dicti monasterii priori in virtute sanctae obedientiae per praesentes praecipimus et mandamus, ut, satisfactis prius oneribus perpetuis missarum sive anniversariorum, quibus monasterium huiusmodi obnoxium est, pro satisfactione eleemosynarum manualium in eadem ecclesiâ de cetero ad effectum praedictum elargiendarum, sive erogandarum, maiorem, quam possit, diligentiam adhibeat, ut debito eleemosynarum huiusmodi numero in ecclesiâ praedictâ satisfiat;

Mandat patri priori monasterii, omnem adhibeat curam, ut illis satisfiat;

§ 3. Pro illis autem, quibus satisfacere non poterit, in Urbe per sacerdotes seculares, vel cuiusvis Ordinis regulares, de superiorum suorum licentiâ, alteri missarum celebrationis oneri non obnoxios, vel eas monasteriis Congregationis huiusmodi, ut in eorum ecclesiis celebrentur,

Ceteras eleemosynas Congregationis suae distribuat monasteriis;

¹ Ex Regest. in Secret. Brevium.

Rationemque
de iis Urbis vi-
cario sentis qui-
busque reddat
mensibus.

distribuendo, satisfieri omnino curet, quæ monasteria nulli missarum celebrationi, quæ distributionis vigore praesentium faciendae executionem non impediant, sint obligata; dictusque prior, sexto quoque mense notulam peractae distributionis ac satisfactionis dilecto filio nostro in almâ Urbe vicario in spiritualibus generali, vel ab eo specialiter deputato, consignet;

Nec manna-
les recipiantur
elemosinae ni-
si certioratis de
tempore cele-
brationis missa-
rum largitori-
bus.

§ 4. Quodque de cetero eleemosynae pro missis in eâdem ecclesiâ S. Gregorii celebrandis, quæ infra modicum tempus ibi celebrari non poterunt, illic minime recipiantur, nisi sacrista, vel alius minister missarum numero describendo atque oblationibus recipiendis praefectus, prius admoneat singulos, qui eleemosynas offerunt, de tempore intra quod missae ab iis requisitae probabiliter celebrari poterunt.

Praesentes
vero eleemosy-
nae ceteris Ur-
bis ecclesiis di-
stribuantur.

§ 5. Praeterea, quod pecuniae, quæ ad praesens in deposito ex eleemosynis missarum conflatae reperiuntur, per alias eiusdem Congregationis, seu almae Urbis nostrae ecclesias, arbitrio abbatis generalis eiusdem Congregationis et dicti Ordinis prioris, vel sacerdotibus, nulli pariter alteri celebrationis missarum oneri, ut praefertur, obnoxii, praevio consensu et approbatione eiusdem vicarii nostri, vel eius deputati, quam primum distribuantur, ad hoc ut totidem missae pro fidelibus defunctis quamprimum celebrentur, et infra sex menses proximos eidem vicario nostro, vel eius deputato, notula, tam peractae distributionis, quam celebrationis missarum, per eundem priorem consignetur.

Ipsisque ec-
clesiis Pontifex
ecclesiae sancti
Gregorii con-
cessas indul-
gentias conce-
dit.

§ 6. Insuper ecclesiis seu altaribus, in quibus missae pro eleemosynis dictae ecclesiae S. Gregorii elargitis, ut supra, celebrabuntur, easdem indulgentias, quæ ipsi ecclesiae S. Gregorii a Sede Apostolicâ concessae reperiuntur, auctoritate nobis a Domino traditâ, ac de omnipotentis

Dei misericordiâ, ac sanctorum Petri et Pauli apostolorum eius auctoritate confisi, earumdem tenore praesentium concedimus.

Clausulae.

§ 8. Decernentes, praesentes litteras et in eis contenta quaecumque semper et perpetuo valida, firma et efficacia esse et fore, suosque plenarios et integros effectus sortiri et obtinere, ac per dictum priorem, aliosque, ad quos quomodolibet spectat et in futurum pro tempore spectabit, inviolabiliter observari; sicque et non aliâs per quoscumque iudices ordinarios et delegatos, etiam causarum palatii apostolici auditores, ubique iudicari et diffiniri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Obstantia tol-
luntur.

§ 9. Non obstantibus constitutionibus et ordinationibus apostolicis, ac quatenus opus sit, dictae congregationis, illiusque monasteriorum (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die ix decembris MDCXXVI, pontificatus nostri anno iv.

Dat. die 9 decembris 1626, pontif. anno iv.

CCXXVI.

*Prior praedicti monasterii S. Gregorii Congregationis Camaldulensium cense-
tur etiam procurator generalis ipsius
Congregationis¹.*

Urbanus Papa VIII,
ad perpetuam rei memoriam.

Felici ac prospero monasterii abbatiae nuncupatae S. Gregorii de Urbe Congregationis Camaldulensium, quod dilectus

Exordium.

¹ De his Eremitis Camaldulensibus quamplura sancivit Leo X Const. II, tom. V, pag. 542 pro bono regimine eorumdem.

putatis in scriptis, et sigillo eiusdem confraternitatis munitam, quae gratis concederetur, petere et obtinere deberent; concessimus et indulimus, et alias prout in nostris desuper in simili formâ Brevis sub die xx novembris mdcxxiv expeditis litteris, quarum tenores praesentibus pro expressis haberi volumus, plenius continetur.

Causasque propter quas contrarium sit decernendum.

§ 3. Cum autem, sicut accepimus, per prohibitionem et concessionem et indultum supra expressa non solummodo cantoribus et cappellanis cappellae nostrae, verum etiam aliis christifidelibus et praesertim musicis et bibliopolis et impresoribus praeiudicium inferri experientia compertum sit:

Praedicta itaque irritat.

§ 4. Nos, illorum omnium indemnitati paternâ charitatē consulere volentes, motu proprio et ex certâ scientiâ nostrâ, prohibitionem et concessionem, ac indultum, quoad supra expressa tantum, apostolicâ auctoritate, tenore praesentium, revocamus, cassamus et annullamus, viribusque, et effectū vacuumus, ac revocata, cassa, viribusque et effectū vacua esse et fore, nec officialibus et confratribus praedictis de cetero suffragari posse aut debere;

Clausulas apponit opportunas.

§ 5. Sicque et non aliter per quoscumque iudices ordinarios et delegatos, etiam causarum palatii apostolici auditores, ubique iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari, auctoritate et tenore praedictis decernimus et declaramus.

Contraria tollit.

§ 6. Non obstantibus litteris nostris praedictis, ac quibusvis constitutionibus et ordinationibus apostolicis, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die ix decembris mdcxxvi, pontificatus nostri anno iv.

Dat. die 9 decembris 1626, pontif. anno iv.

CCXXV.

Nonnullae ordinationes pro missis in ecclesiâ S. Gregorii de Urbe celebrandis, et recipiendis elemosynis¹.

Urbanus Papa VIII,
ad futuram rei memoriam.

§ 1. Cum, sicut accepimus, quamplures eleemosynae, pro missis in ecclesiâ monasterii S. Gregorii de Urbe Congregationis Camaldulensis pro animarum christifidelium defunctorum refrigerio et salute celebrandis, eidem ecclesiae in dies erogentur; omnes vero missae huiusmodi ob nimiam earum quantitatem in dictâ ecclesiâ celebrari nequeant:

Missarum oneribus cum satisfieri non posset;

§ 2. Nos, qui omnium saluti paternâ charitate intendimus, piae christifidelium intentioni atque desiderio, quantum nobis ex alto conceditur, consulere volentes, motu proprio et ex certâ scientiâ ac maturâ deliberatione nostris, deque apostolicae potestatis plenitudine, dilecto filio moderno et pro tempore existenti dicti monasterii priori in virtute sanctae obedientiae per praesentes praecipimus et mandamus, ut, satisfactis prius oneribus perpetuis missarum sive anniversariorum, quibus monasterium huiusmodi obnoxium est, pro satisfactione eleemosynarum manualium in eadem ecclesiâ de cetero ad effectum praedictum elargiendarum, sive erogandarum, maiorem, quam possit, diligentiam adhibeat, ut debito eleemosynarum huiusmodi numero in ecclesiâ praedictâ satisfiat;

Mandat patri priori monasterii, omnem adhibeat curam, ut illis satisfiat;

§ 3. Pro illis autem, quibus satisfacere non poterit, in Urbe per sacerdotes seculares, vel cuiusvis Ordinis regulares, de superiorum suorum licentiâ, alteri missarum celebrationis oneri non obnoxios, vel eas monasteriis Congregationis huiusmodi, ut in eorum ecclesiis celebrentur,

Ceteras eleemosynas Congregationis suae distribuat monasteriis;

¹ Ex Regest. in Secret. Brevium.

Rationemque
de iis Urbis vi-
cario sentis qui-
busque reddat
mensibus.

distribuendo, satisfieri omnino curet, quæ monasteria nulli missarum celebrationi, quæ distributionis vigore praesentium faciendae executionem non impediant, sint obligata; dictusque prior, sexto quoque mense notulam peractae distributionis ac satisfactionis dilecto filio nostro in almâ Urbe vicario in spiritualibus generali, vel ab eo specialiter deputato, consignet;

Nec manna-
les recipiantur
elemosinae ni-
si certioratis de
tempore cele-
brationis missa-
rum largitori-
bus.

§ 4. Quodque de cetero eleemosynae pro missis in eâdem ecclesiâ S. Gregorii celebrandis, quæ infra modicum tempus ibi celebrari non poterunt, illic minime recipiantur, nisi sacrista, vel alius minister missarum numero describendo atque oblationibus recipiendis praefectus, prius admoneat singulos, qui eleemosynas offerunt, de tempore intra quod missae ab iis requisitae probabiliter celebrari poterunt.

Praesentes
vero eleemosy-
nae ceteris Ur-
bis ecclesiis di-
stribuantur.

§ 5. Praeterea, quod pecuniae, quæ ad praesens in deposito ex eleemosynis missarum conflatae reperiuntur, per alias eiusdem Congregationis, seu almae Urbis nostrae ecclesiae, arbitrio abbatis generalis eiusdem Congregationis et dicti Ordinis prioris, vel sacerdotibus, nulli pariter alteri celebrationis missarum oneri, ut praefertur, obnoxii, praevio consensu et approbatione eiusdem vicarii nostri, vel eius deputati, quam primum distribuantur, ad hoc ut totidem missae pro fidelibus defunctis quamprimum celebrentur, et infra sex menses proximos eidem vicario nostro, vel eius deputato, notula, tam peractae distributionis, quam celebrationis missarum, per eundem priorem consignetur.

Ipsisque ec-
clesiis Pontifex
ecclesiae sancti
Gregorii con-
cessas indul-
gentias conce-
dit.

§ 6. Insuper ecclesiis seu altaribus, in quibus missae pro eleemosynis dictae ecclesiae S. Gregorii elargitis, ut supra, celebrabuntur, easdem indulgentias, quæ ipsi ecclesiae S. Gregorii a Sede Apostolicâ concessae reperiuntur, auctoritate nobis a Domino traditâ, ac de omnipotentis

Dei misericordiâ, ac sanctorum Petri et Pauli apostolorum eius auctoritate confisi, earumdem tenore praesentium concedimus.

Clausulae.

§ 8. Decernentes, praesentes litteras et in eis contenta quaecumque semper et perpetuo valida, firma et efficacia esse et fore, suosque plenarios et integros effectus sortiri et obtinere, ac per dictum priorem, aliosque, ad quos quomodolibet spectat et in futurum pro tempore spectabit, inviolabiliter observari; sicque et non aliâs per quoscumque iudices ordinarios et delegatos, etiam causarum palatii apostolici auditores, ubique iudicari et diffiniri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Obstantia tol-
luntur.

§ 9. Non obstantibus constitutionibus et ordinationibus apostolicis, ac quatenus opus sit, dictae congregationis, illiusque monasteriorum (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die ix decembris MDCXXVI, pontificatus nostri anno iv.

Dat. die 9 decembris 1626, pontif. anno iv.

CCXXVI.

*Prior praedicti monasterii S. Gregorii Congregationis Camaldulensium cense-
tur etiam procurator generalis ipsius
Congregationis¹.*

Urbanus Papa VIII,
ad perpetuam rei memoriam.

Felici ac prospero monasterii abbatiae nuncupatae S. Gregorii de Urbe Congregationis Camaldulensium, quod dilectus

Exordium.

¹ De his Eremitis Camaldulensibus quamplura sancivit Leo X Const. II, tom. V, pag. 542 pro bono regimine eorumdem.

filius noster Scipio tituli S. Chrysogoni presbyter cardinalis Burghesius nuncupatus in commendam ad sui vitam ex concessione et dispensatione apostolicâ obtinet, quantum cum Domino possumus, consulere volentes;

Declaratio, de qua in rubricâ.

§ 1. Motu proprio et ex certâ scientiâ ac maturâ deliberatione nostris, deque apostolicae potestatis plenitudine, officium procuratoris generalis eiusdem Congregationis priori dicti monasterii (ita ut statim atque quis in monasterii huiusmodi priorem eligeretur, etiam procurator generalis ipsius Congregationis electus censeatur, et e converso) tenore praesentium perpetuo unimus, annectimus et incorporamus; volumusque, ut unio, annexio et incorporatio huiusmodi, cum primum praesentis procuratoris, cui nullatenus praeiudicare intendimus, officium cessaverit, effectum sortiantur; utque pro alimentis vel aliis sumptibus abbatis generalis vel procuratoris generalis eiusdem Congregationis, qui idem non sit prior dicti monasterii, ex redditibus vel proventibus ad ecclesiam seu monasterium S. Gregorii quomodocumque pertinentibus de cetero nil prorsus detrahi aut insumi possit.

Eximit monasterium a quibuscumque taxis.

§ 2. Praeterea monasterium ipsum, seu illius priorem, ab omnibus et quibuscumque taxis, seu contributionibus, tam a capitulo generali, quam ab ipso priore generali, seu quibusvis aliis superioribus dictae Congregationis, quaecumque ob causam impositis vel imponendis, auctoritate et tenore praedictis totaliter eximimus et liberamus.

Decretum irritans.

§ 3. Decernentes, praesentes litteras validas, firmas et efficaces existere et fore, suosque plenarios et integros effectus sortiri et obtinere, sique per quoscumque iudices ordinarios et delegatos, etiam causarum palatii apostolici auditores, iudicari et diffiniri debere, ac irritum et inane, si secus super his a quoquam, quavis au-

toritate, scienter vel ignoranter, contigerit attentari.

Contrariis derogat.

§ 4. Non obstantibus constitutionibus et ordinationibus apostolicis, ac dictae congregationis (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, eorum omnium tenores praesentibus pro plene et sufficienter expressis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die ix decembris MDCXXVI, pontificatus nostri anno IV.

Dat. die 9 decembris 1626, pontif. anno IV.

CCXXVII.

Confirmantur duo decreta super validate professionum a fratribus et monialibus Tertiî Ordinis S. Francisci de Poenitentia congregationis Galliae emissarum, lata a praeside et assistentibus capituli generalis eiusdem congregationis a Francisco cardinali Barberino Apostolicae Sedis in Galliam legato deputatis¹.

Urbanus Papa VIII,
ad futuram rei memoriam.

Ex debito apostolicae servitutis, quam divina maiestas, nullis nos iuvantibus meritis, sed ex suae bonitatis abundantia, nostris humeris imposuit, iis, quae pro exortis circa emissâ per personas regulares solemnes professiones dubiis submovendis, ut ipsae personae regulares intra professionum suarum huiusmodi limites reddant Domino debitos fructus, recte facta et or-

Exordium.

¹ Ex Regest. in Secret. Brevium.

dinata fuisse dicuntur, apostolicae confirmationis munimen libenter adiicimus, prout in Domino salubriter expedire conspiciamus:

Ad preces procuratoris generalis huiusce Congregationis,

§ 1. Exponi siquidem nobis nuper fecit dilectus filius Ambrosius Lexoviensis, fratrum Tertii Ordinis S. Francisci de Poenitentia nuncupatorum strictioris observantiae congregationis Galliae procurator generalis, quod alias, imminenti proxime celebrati capituli generalis dictae congregationis celebratione, pro parte dilectorum filiorum fratrum Ordinis et congregationis huiusmodi dilecto filio nostro Francisco sanctae Agathae diacono cardinali Barberino nuncupato nostro secundum carnem ex fratre germano nepoti (tunc ad charissimum in Christo filium nostrum Ludovicum Francorum regem christianissimum et universum Franciae regnum, illiusque provincias, dominia, civitates, oppida, terras et loca eidem regi subiecta et dicto regno adiacentia, ceteraque alia loca, ad quae illum declinare contigisset, nostro et Sedis Apostolicae de latere legato) exposito, ipsos capitulum huiusmodi in domo regulari S. Martae de Gratia nuncupatae Parisiensi eiusdem congregationis, pro electione visitoris generalis et aliorum superiorum Ordinis et congregationis praedictorum, necnon diversis negotiis ordinem et congregationem huiusmodi concernentibus, tunc propediem celebrare debere; in similibus vero capitulis nonnulla interdum dubia ac differentias in maximum totius ordinis praeiudicium oriri solere; et propterea pro parte eorumdem fratrum eidem Francisco cardinali et legato humiliter fuisse supplicatum, ut in praemissis opportune providere de susceptae legationis suae officio dignaretur; idem Franciscus cardinalis et legatus venerabilem fratrem Rolandum archiepiscopum Bituricensem in praesidem dicti capituli, necnon Andreā du Val presbyterum in academiā Sorbo-

nicā Parisiensi sacrae theologiae professorem, ac unum ex patribus alicuius a Sede praedicta approbatae religionis a dicto capitulo eligendum, dilectos filios, in eius assistentes auctoritate sui legationis officii constituit et deputavit, prout plenius continetur in litteris dicti Francisci cardinalis et legati, quarum tenor est qui sequitur, videlicet:

§ 2. Franciscus, miseratione divina S. Agathae diaconus cardinalis Barberinus nuncupatus, ad serenissimum principem Ludovicum Francorum regem christianissimum, ac universum Franciae regnum, illiusque provincias, dominia, civitates, oppida, terras et loca eidem regi subiecta et dicto regno adiacentia, ceteraque alia loca, ad quae nos declinare contigerit, sanctissimi in Christo Patris et Domini Nostri Domini Urbani divina providentiā Papae VIII et Sedis Apostolicae de latere legatus. Cum, sicut nobis nuper dilecti nobis in Christo patres Tertii Ordinis sancti Francisci congregationis Franciae exponi fecerunt, ipsi capitulum eiusdem congregationis in domo regulari S. Mariae de Gratia nuncupatae eiusdem Ordinis Parisiensi, tam pro electione visitoris generalis ac aliorum superiorum dictorum Ordinis et congregationis, quam etiam pro diversis negotiis Ordinem et congregationem huiusmodi concernentibus, propediem celebrare debeant; in similibus vero capitulis nonnulla interdum dubia ac differentiae in maximum totius Ordinis praeiudicium oriri soleant; quare pro parte eorumdem patrum nobis fuit humiliter supplicatum, quatenus eis in praemissis opportune providere de suscepto legationis nostrae officio dignaremur: nos, qui pacem inter personas quaslibet, praesertim sub suavi religionis iugo Altissimo famulantes, vigere sinceris exoptamus affectibus, huiusmodi supplicationibus inclinati, reverendissimum dominum Rolandum mo-

Franciscus Barberinus nonnullos deputat praesidem et assistentes pro capitulo generali.

dernum archiepiscopum Bituricensem in praesidem dicti capituli, necnon dilectum nobis in Christo Andream du Val presbyterum in academia Sorbonica Parisiensi theologiae professorem, ac unum ex patribus alicuius a Sede praedicta approbatæ religionis a dicto capitulo eligendum, in assistentes, apostolicâ auctoritate, qua fungimur in hac parte, tenore praesentium constituimus et deputamus, eisque capitulum praedictum congregandi, et negocia, quae in eo proponuntur, iuxta sacros canones ac eorundem Ordinis et congregationis institutum terminandi, abusus, si qui in electione praedicta intervenerint, tollendi, dubia et difficultates, quae durante eodem capitulo occurrere poterunt, resolvendi, ceteraque omnia et singula, quae circa praemissa necessaria fuerint, faciendi, dicendi, cognoscendi, decidendi et exequendi, plenam et liberam, auctoritate et tenore praemissis, concedimus facultatem. Quocirca eisdem D. Rolando archiepiscopo et assistentibus per praesentes committimus et mandamus, ut negotium huiusmodi libenter suscipiant, et illa, quae consideratione circa praemissa digna fuerint, nobis ad effectum illa resolvendi referant; patribus vero capitularibus praedictis in virtute sanctae obedientiae districte praecipiendo mandamus, quatenus, omni morâ et subterfugio cessantibus, ordinationes et salubria mandata eorundem praesidentis et assistentium circa praemissa libenter suscipiant, ac ita illis in praemissis obediant, ut finito huiusmodi capitulo nostram et Sedis Apostolicae benedictionem consequi mereantur. Datum Burgireginae, Parisiensis dioecesis, anno Incarnationis Dominicae MDCXXV, XVII mensis iunii, pontificatus eiusdem Sanctissimi Domini Nostri Papae anno II.

Qui decreta
super validitate
professionum a
fratribus, monialibusque

§ 3. Cum autem, sicut eadem expositio subiungebat, in dicto capitulo Rolandus archiepiscopus, praeses, et Andreas prae-

dicti necnon dilectus filius Claudius Guillain, presbyter Societatis Iesu, assistentes capituli huiusmodi, super validitate professionum fratrum et monialium Ordinis et congregationis praedictorum decreta tulerunt tenoris subsequentis, videlicet:

missarum tulerunt.

Nos, Rolandus, Dei et sanctae Sedis Apostolicae gratiâ archiepiscopus Bituricensis patriarcha et primas Aquitaniae, ab illustrissimo et reverendissimo cardinali Barberino nuncupato ad regem christianissimum Franciae et Navarrae a latere legato commissarius deputatus, cum duobus assistentibus, magistro Andrea du Val doctore Sorbonico et regio theologiae professore, et reverendissimo patre Claudio Guillain, presbytero societatis Iesu, ad praesidendum capitulo generali congregationis Gallicanae Tertiariorum Reformatorum super dubio a nonnullis ipsius congregationis religiosi¹ circa suarum professionum validitatem negantibus, aliis iisque numero pluribus eam asserentibus, quorum religiosorum rationibus utrinque allatis, patienter auditis, diligenter examinatis, atque perpensis, necnon visis, lectis, matureque consideratis instrumentis authenticis ex archivio monasterii nostrae Dominae de Gratiâ prope Lutetiam nuncupati nobis exhibitis, praedictorumque omnium relatione ad illustrissimum et reverendissimum legatum factâ, professiones ipsas validas esse et fuisse censuimus et censemus, nec in dubium posse aut potuisse ullo modo revocari, declaramus; nullumque in eis ullâ ex parte defectum intercessisse decrevimus et decernimus; prohibentes districte et in virtute sanctae obedientiae, ne quis religiosus, cuiuscumque conditionis aut dignitatis in praedictâ congregatione fuerit, contra harum professionum validitatem quicquam imposte-
rum asserere, aut eas in dubium revocare audeat. Actum in praedicto mona-

Decreta ipsorum referuntur.

¹ Subiunge *meto* (R. T.).

nasterio, tenente capitulo generali, die iv iulii, anno Domini MDCXXV.

Signatum, ROLANDUS PP. archiepiscopus Bituricensis;

ANDREA DU VAL;

CLAUDIUS GUILLAIN.

Et infra: De mandato praefati illustrissimi et reverendissimi Domini D. mei BOISSEU, et sigillatum in cerâ rubrâ.

Loco † sigilli.

Item. Nos Rolandus, Dei et sanctae Sedis Apostolicae gratiâ archiepiscopus Bituricensis, patriarcha et primas Aquitaniae, commissarius et deputatus ab illustrissimo et reverendissimo Domino D. cardinale Barberino nuncupato, in Galliam a latere legato, ad praesidendum capitulo generali congregationis Tertiariorum cum magistro Andrea du Val, doctore Sorbonico et regio theologiae professore, et patre Claudio Guillain, presbytero Societatis Iesu, super quaestione a nonnullis motâ, an professiones monachalium ipsius congregationis Tertiariorum validae essent et ratae, censuimus et iudicavimus eas validas esse, nec in dubium ullo modo posse revocari. Datum in praedicto capitulo generali, die iv iulii anno Domini MDCXXV.

Signatum, ROLANDUS PP. archiepiscopus Bituricensis;

A. du Val, CLAUDIUS GUILLAIN.

Et infra: De mandato praefati illustrissimi ac reverendissimi Domini D. mei Boisseu, et sigillatum in cerâ rubrâ.

Huiusmodi
decreta confir-
mat Urbanus.

§ 4. Nos, dictorum decretorum inviolabili firmitati quantum cum Domino possumus consulere, et Ordinis et congregationis praedictorum fratres specialibus favoribus et gratiis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab hominibus, quavis occasione vel causâ latis, si quibus quo-

modolibet innodatae existunt, ad effectum praesentium dumtaxat consequendum, harum rerum absolventes et absolutas fore censentes, supplicationibus dicti Ambrosii nobis super hoc humiliter porrectis inclinati, decreta praeinserta, apostolicâ auctoritate, tenore praesentium, perpetuo approbamus et confirmamus; illisque inviolabilis apostolicae firmitatis robur adiciamus; ac omnes et singulos tam iuris quam facti etiam substantiales quantumvis defectus, si qui in illis forsitan intervenerint, supplemus.

§ 5. Decernentes, praesentes litteras, nec non decreta praedicta semper et perpetuo valida, firma et efficacia existere et fore, suosque plenarios et integros effectus sortiri et obtinere, ac ab omnibus et singulis dictorum Ordinis et congregationis fratribus, aliisque quibuscumque, ad quos nunc spectat et in futurum spectabit, inviolabiliter observari; sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane quidquid secus super his a quoquam, quavis auctoritate, scienter vel ignoranter, contigerit attentari.

§ 6. Quocirca venerabilibus fratribus archiepiscopis et episcopis in regno Franciae existentibus per praesentes commitimus et mandamus, quatenus ipsi, vel duo, aut unus eorum, per se, vel alium, seu alios, praesentes litteras, et quoties pro parte fratrum Ordinis et congregationis praedictorum fuerint requisiti, solemniter publicantes, eisque in praemissis efficaciae defensionis praesidio assistentes, faciant auctoritate nostrâ decreta praedicta ab omnibus, ad quos spectat, inviolabiliter observari; contradictores quoslibet et rebelles per sententias, censuras et poenas ecclesiasticas, aliaque opportuna iuris et facti remedia, appellatione postpositâ, compescendo, invocato etiam ad

Clausulas pro
praesentium fir-
mitate apponit.

Exequutores
deputat.

hoc, si opus fuerit, auxilio brachii secularis.

Contrariis
derogant

§ 6. Non obstantibus felicis recordationis Bonifacii Papae VIII praedecessoris nostri de unâ, et concilii generalis de duabus dietis, dummodo ultra tres dietas aliquis auctoritate praesentium ad iudicium non trahatur, aliisque constitutionibus et ordinationibus apostolicis, necnon quibusvis (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, illorum tenores praesentibus pro plene et sufficienter expressis ac de verbo ad verbum insertis habentes, illis aliâs in suo robore permanens, ad praemissorum effectum hac vice dumtaxat specialiter et expresse derogamus, ceterisque contrariisque contrariis quibuscumque.

Transumptis
quo fidem praecipit
adhiberi.

§ 8. Volumus autem, quod praesentium transumptis, etiam impressis, manu alicuius notarii publici subscriptis, et sigillo personae in dignitate ecclesiasticâ constitutae munitis, eadem prorsus fides ubique locorum habeatur, quae ipsis praesentibus haberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die XVI decembris MDCXXVI, pontificatus nostri anno IV.

Dat. die 16 decembris 1626, pontif. anno IV.

CCXXVIII.

Quod personae, per regem catholicum ad beneficia eius iurispatronatus praesentandae, teneantur in actu praesentationis cavere de solvendo fructus unius mensis eidem regi concessos¹.

¹ Ex Regest. in Secret. Brev

Urbanus Papa VIII ad futuram rei memoriam.

§ 1. Aliâs a nobis emanarunt litterae tenoris subsequentis, videlicet:

Decretum, de
quo in rubricâ.

Charissimo in Christo filio nostro Philippo¹, etc.

Quare nos, ob grandia dicti Philippi regis in nos et hanc sanctam Sedem fidei et devotionis, aliaque multa merita, providere volentes, ut idem Philippus rex praeinsertarum litterarum commodo et effectu quamprimum et quam facilius fieri poterit, omni morâ et dilatione postpositis, earum beneficio perfruatur, motu, scientiâ et deliberatione, deque apostolicae potestatis plenitudine similibus, volumus, ac in virtute sanctae obedientiae praecipimus et mandamus, ut personae, ad ecclesias seu alia beneficia in praeinsertis litteris expressa per eundem Philippum regem pro tempore praesentandae, seu nominandae, in illarum praesentationis seu nominationis expeditione, de solvendo infra quatuor menses, a die adeptae per eos ecclesiarum seu aliorum beneficiorum huiusmodi possessionis computandos, omnes et singulos fructus, redditus et proventus, iura, obventiones et emolumenta unius integri mensis ecclesiarum seu aliorum beneficiorum huiusmodi, ad ratam illarum et illorum valoris, ad quem fructus, redditus, proventus, iura, obventiones et emolumenta huiusmodi quinque annis proxime decursis annuatim ascenderint computatis, ad omne ipsius Philippi regis seu eius ministrorum mandatum per cedula bancariam, seu aliâs, caveant et cavere teneantur, firmis in reliquis remanentibus litteris praeinsertis.

§ 2. Sicque et non aliter per quoscumque iudices ordinarios et delegatos, etiam causarum palatii apostolici auditores, ac sanctae Romanae Ecclesiae cardinales,

Clausulae.

¹ Utrum sint in Bullario non constat (R. T.).

etiam de latere legatos et nuncios, quavis auctoritate fungentes, sublata eis et eorum cuilibet quavis aliter iudicandi et interpretandi facultate et auctoritate, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari, decernimus et declaramus.

Obstantium
derogatio

§ 3. Non obstantibus praemissis, ac omnibus illis, quae in eisdem praeinsertis litteris volumus non obstare, ceterisque contrariis quibuscumque.

Fides danda
transumptis.

§ 4. Volumus autem, ut praesentium transumptis, etiam impressis, manu notarii publici subscriptis, etiam sigillo personae in dignitate ecclesiastica constitutae munitis, eadem prorsus fides in iudicio et extra habeatur, quae ipsis praesentibus haberetur, si forent exhibitae vel ostensae.

Datum Romae, apud sanctum Petrum, sub annulo Piscatoris, die xxii decembris MDCXXVI, pontificatus nostri anno iv.

Dat. die 22 decembris 1626, pontif. anno iv.

CCXXIX.

Declarat monachos monasterii Ripolensis, Ordinis S. Benedicti, teneri ad recitandum officium B. Mariae Virginis et defunctorum quotidie, iuxta veterem consuetudinem.

Urbanus Papa VIII,
ad perpetuam rei memoriam.

Prooemium.

Cum, sicut dilectus filius modernus abbas monasterii Ripolensis Ordinis S. Benedicti in principatu Cathalauniae nobis nuper exponi fecit, monachi dicti Ordinis, acceptato novo breviario monastico, seu etiam romano, veterem consuetudinem recitandi quotidie officium B. Mariae Virginis et defunctorum intermiserint, et ad recitationem huiusmodi se minime teneri praetendant, proindeque per nos desuper

de opportuna declarationis remedio provideri desideret:

§ 1. Nos, eiusdem abbatis votis huiusmodi annuere, illumque specialibus favoribus et gratiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes et absolutum fore censes, supplicationibus eius nomine nobis super hoc humiliter porrectis inclinati, de venerabilium fratrum nostrorum S. R. E. cardinalium sacris ritibus praepositorum consilio, monachos praedictos, etiam post acceptatum novum breviarium monasticum, sive etiam romanum huiusmodi, ad recitandum quotidie officium B. Mariae Virginis et defunctorum, ut praefertur, iuxta veterem consuetudinem, omnino teneri et obligatos existere, atque ita ab omnibus censi, at ab ipsis monachis observari debere, necnon irritum et inane, si secus super his a quoquam, quavis auctoritate, scienter vel ignoranter, contigerit attentari, apostolica auctoritate, tenore praesentium, decernimus et declaramus.

Declarat pro-
ut in rubrica.

§ 2. In contrarium facientibus, non obstantibus quibuscumque.

Derogat con-
trarius.

Datum Romae, apud S. Petrum, sub annulo Piscatoris, die ii ianuarii MDCXXVII, pontificatus nostri anno iv.

Dat. die 2 ianuarii 1627, pontif. anno iv.

CCXXX.

De modo conferendi gradus doctoratus per archiepiscopos et episcopos Indiarum occidentalium¹.

¹ Ex Regest. in Secret. Brev.

**Urbanus Papa VIII,
ad futuram rei memoriam.**

Paulus V episcopus & Indiarum occidentalium facultatem concessit gradus, laureamque certis servatis legibus conferendi.

Aliàs (felicis recordationis Paulo Papae V praedecessori nostro pro parte clarae memoriae Philippi III Hispaniarum regis catholici exposito, quod in partibus Indiarum occidentalium, propter magnam multorum locorum et civitatum a Limana et Mexicana civitatibus, in quibus universitates studii generalis erectae sunt, distantiam, multi reperiébantur, qui, ex eo quod ad dictas universitates pro suscipiendis ibi gradibus consuetis accedere non poterant, studiis operam navare nolebant, unde magna in eisdem partibus virorum, qui logicae, philosophiae ac sacrae theologiae studiis pro verbi Dei praedicationibus, et sacramentorum administratione versati essent, penuria vigeat) idem Paulus praedecessor, dicti Philippi regis supplicationibus eâ in parte inclinatus, de venerabilium fratrum nostrorum tunc suorum sanctae Romanae Ecclesiae cardinalium sacri Concilii Tridentini interpretum consilio, venerabilibus fratribus archiepiscopis et episcopis Indiarum occidentalium, et, sede illorum vacante, cathedralium ecclesiarum capitulis, ut gradibus baccalaureatus, licentiae, magisterii et doctoratus insignire valerent quotquot annis quinque studuissent in collegiis formatis, tam fratrum Ordinis Praedicatorum, quam presbyterorum Societatis Iesu, quae a publicis universitatibus ducentis saltem milliariis distarent, dum tamen iidem promovendi prius gessissent actus omnes, qui in universitatibus generalibus fieri consueverant pro his gradibus adipiscendis, atque a rectore et magistro collegii approbationem obtinuissent, apostolicâ auctoritate, ad decennium tunc proximum, concessit et indulgit; volens, quod gradus huiusmodi nemini suffragarentur, nec quisquam illis uti posset extra Indias occidentales praedictas, et aliàs, prout in ipsius Pauli

praedecessoris in simili formâ Brevis desuper expeditis litteris, quarum tenores praesentibus pro expressis haberi volumus, plenius continetur¹.

§ 2. Cum autem, sicut charissimus in Christo filius noster Philippus Hispaniarum rex catholicus nobis nuper exponi fecit, ex concessione et indulto Pauli praedecessoris huiusmodi nonnulla inconvenientia in dies oriantur, et propterea per nos desuper opportune provideri summo opere desideret:

Subortis deinde abusus;

§ 3. Nos, eiusdem Philippi regis votis in praemissis, quantum cum Domino possumus, annuere volentes, eius hac in parte supplicationibus inclinati, volumus, et apostolicâ auctoritate, tenore praesentium, decernimus, quod gradus praedicti in dictis tantum provinciis suffragentur, nec extra illas quisquam illis uti possit, iidemque gradus illis dumtaxat, qui in dictis collegiis spatio quinque annorum studuerunt, ac adhibito per ipsos archiepiscopos et episcopos consilio trium canonicorum seniorum suarum ecclesiarum, necnon servatâ in reliquis dictarum litterarum formâ, conferantur; sicque, et non aliter, observari, et per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Urbanus novus praescribit leges.

§ 4. Non obstantibus omnibus illis, quae in dictis litteris concessa sunt non obstare, ceterisque contrariis quibuscumque: praesentibus ad decennium tantum valituris.

Et derogat obstantibus.

Datum Romae, apud S. Petrum, sub annulo Piscatoris, die VII Ianuarii MDCXXVII, pontificatus nostri anno IV.

Dat. die 7 Ianuarii 1627, pontif. anno IV.

¹ Quas vide in tom. XII, pag. 554, quoad spectat collegia Societatis Iesu; aliàs litteras quoad collegia fratrum Praedicatorum deesse puto (R. T.).

CCXXXI.

Statuitur, quod ditiora monasteria Ordinis Carthusiensis pauperibus monasteriis pecunias ad censum concedere, et ad id per capitulum et priorem generalem cogi possint¹.

Urbanus Papa VIII,
ad futuram rei memoriam.

Exordium.

In iis praecipue sollicitudinis nostrae partes libenter interponimus, per quae regularium personarum necessitatibus commodiori, qua fieri potest, ratione succurratur, cum non modo pastorale nostrum munus a nobis id exposcat, sed ad hoc etiam paternus amor, quo illas diligimus, nos inducat.

Causae fa-
ciendi decreti.

§ 1. Cum itaque, sicut dilectus filius Ordinis Carthusiensis procurator generalis nobis nuper exponi fecit, quamplurima dicti Ordinis monasteria, tum propter steriles quorundam annorum messes, tenuesque fructuum perceptiones, tum propter bellorum calamitates, ad eam devenerint egestatem, adeoque aere alieno gravata existant, ut illorum ordinarii redditus et proventus ipsius aeris alieni interusurio persolvendo, necnon camerae apostolicae debitis, aliisque sibi incumbendis oneribus supportandis non sufficiant; nobisque propterea dictus procurator generalis humiliter supplicari fecerit, ut in praemissis aliquâ ratione providere de benignitate apostolicâ dignaremur:

Decretum, de
quo in rubricâ.

§ 2. Nos, monasteriorum huiusmodi indigentis paternâ pietate prospicere, illorumque superiores et monachos specialibus favoribus et gratiis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum

¹ Ex Regest. in Secret. Brev.

praesentium dumtaxat consequendum, harum serie absolventes, et absolutas fore censentes, supplicationibus dicti procuratoris generalis nomine nobis super hoc humiliter porrectis inclinati, quod monasteriorum pauperiorum dicti Ordinis superiores et monachi, de capitulo seu prioris generalium eiusdem Ordinis licentiâ et assensu, unum seu plures census annuos, usque ad pecuniarum summas, quas capitulum et prior generalis huiusmodi illis necessarias esse iudicaverit, in sorte principali ascendentes, ad rationem quinque pro centenario super suorum monasteriorum bonis imponere, illosque aliis ditioribus dicti Ordinis monasteriis tantum alienare, seque et dicta sua monasteria sive illorum bona ad solutionem censuum sic imponendorum et alienandorum faciendam obligare; monasteria vero ditiora huiusmodi pauperioribus monasteriis praedictis pecuniarum summas eis necessarias ad census seu pro censibus huiusmodi concedere, censusque praedictos, sibi, ut praefertur, vendendos et assignandos, recipere, et instrumenta desuper necessaria et opportuna celebrare respective libere et licite possint et valeant, apostolicâ auctoritate, tenore praesentium, concedimus et indulgemus, dictisque capitulo et priori generalibus ditiora monasteria huiusmodi ad pauperioribus monasteriis praedictis pecuniarum summas illis necessarias, ut praefertur, concedendas cogendi et compellendi plenam, auctoritatem et tenore praedictis, tribuimus facultatem.

§ 3. Decernentes praesentes litteras semper validas, firmas et efficaces existere et fore, suosque plenarios et integros effectus sortiri et obtinere, ac ab omnibus et singulis, ad quos spectat et pro tempore spectabit, inviolabiliter observari; pauperioribus vero monasteriis praedictis plenissime suffragari; sicque per quoscumque iudices ordinarios et delegatos etiam cau-

Clausulae.

sarum palatii apostolici auditores iudicari et definiri debere, ac irritum et inane quidquid secus super his a quoquam, quavis auctoritate, scienter vel ignoranter, contigerit attentari.

Exequutorum
deputatio.

§ 4. Quocirca omnibus et singulis locorum Ordinariis per praesentes committimus et mandamus, quatenus ipsi, vel duo, aut unus eorum, per se, vel alium, seu alios, praesentes litteras et in eis contenta quaecumque, ubi et quando opus fuerit, et quoties pro parte capituli seu prioris generalium monasteriorum dicti Ordinis, illorumque superiorum, et seu alicuius eorum, fuerint requisiti, solemniter publicantes, ac illis in praemissis efficacis defensionis praesidio assistentes, faciant auctoritate nostra easdem praesentes, et omnia in eis contenta, ab omnibus, quos illa concernunt, integre et inviolabiliter observari, contradictores quoslibet et rebelles, ac praemissis non parentes, per sententias, censuras et poenas ecclesiasticas, aliaque opportuna iuris et facti remedia, appellatione postposita, compescendo, legitimisque super his habendis servatis processibus, sententias, censuras et poenas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis.

Derogatio
contrarium.

§ 5. Non obstantibus felicis recordationis Pauli Papae II aliorumque Romanorum Pontificum praedecessorum nostrorum de rebus Ecclesiae non alienandis, aliisque constitutionibus et ordinationibus apostolicis, necnon dicti Ordinis, illiusque monasteriorum (etiam iuramento, confirmatione apostolica, vel quavis firmitate alia roboratis) statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, illorum tenores praesentibus pro plene et sufficienter expressis ac de verbo ad verbum

insertis habentes, illis alias in suo robore permansuris, ad praemissorum effectum, hac vice dumtaxat specialiter et expresse derogamus, ceterisque contrariis quibuscumque.

Fides danda
transumptis.

§ 6. Volumus autem, quod census huiusmodi, sicut praefertur, imponendi, quantocius fieri poterit extinguantur, quodque praesentium transumptis, seu exemplis, etiam impressis, manu alicuius notarii publici subscriptis, et sigillo personae in dignitate ecclesiastica constitutae munitis, eadem prorsus fides ubique habeatur, quae ipsis praesentibus haberetur, si forent exhibitae vel ostensae.

Datum Romae, apud S. Petrum, sub annulo Piscatoris, die XIII ianuarii MDCXXVII, pontificatus nostri anno IV.

Dat. die 13 ianuarii 1627, pontif. anno IV.

CCXXXII.

Statuit tollendum esse abusum immittendi ferocem taurum in ecclesiam S. Marci Pacensem in vigilia et festo ipsius Sancti, ac mandat episcopo, ut curet huiusmodi abusum radicitus aboleri.

Venerabili fratri episcopo Pacensi,
Urbanus Papa VIII.

Venerabilis frater,
salutem et apostolicam benedictionem.

§ 1. Cum, sicut nobis nuper exponi fecisti, in tua civitate vel dioecesi Pacensi apud nonnullos quidam inoleverit abusum immittendi nimirum ferocem taurum in ecclesiam S. Marci, tam in vigilia quam in festo ipsius Sancti, magno cum divini honoris et animarum periculo, et propterea, pro tua in Deum pietate ac pastoralis vigilantia, abusum praedictum tamquam a christianam religionem alienum tollere et abolere, ac per nos, ut infra, opportune provideri summopere desideres:

Abusus, de
quo in rubrica.

1 Ex Regest. in Secret. Brev.

Pontifex eum
condemnat.

§ 2. Nos, fraternitatis tuae solertiam et religionem plurimum in Domino commendantes, de venerabilium fratrum nostrorum sanctae Romanae Ecclesiae cardinalium sacris ritibus praepositorum consilio, abusum praedictum, tanquam ecclesiasticae pietati, necnon etiam sacri ritui adversantem, et detestabilem, in iis civitatis et dioecesis Pacensis huiusmodi locis, in quae hucusque irrepsit, funditus tollendum, atque abolendum esse, apostolicâ auctoritate, tenore praesentium, statuimus et ordinamus.

Et episcopo,
ut eum aboleri
curet praecipit.

§ 3. Ac eidem fraternitati tuae per eandem praesentes committimus et mandamus, ut abusum praedictum ex omnibus et quibuscumque locis tuae dioecesis huiusmodi, appositis iuris et facti remediis, aliisque ecclesiasticis censuris et poenis, tollere, ac funditus abolere, omni et quacumque oppositione, recursu ac inhibitione postpositis et reiectis, eadem auctoritate cures, et cum effectu facias, super quibus plenam et amplam tibi facultatem et auctoritatem concedimus et impartimur.

Derogat ob-
stantibus.

§ 4. Non obstantibus praemissis, ceterisque in contrarium facientibus quibuscumque.

Datum Romae, apud S. Petrum, sub annulo Piscatoris, die xiii ianuarii mdcxxvii, pontificatus nostri anno iv.

Dat. die 13 ianuarii 1627, pontif. anno iv.

CCXXXIII.

Confraternitas sub titulo Communione hierarchiae plenitudinis aetatis Iesu Christi erigitur in archiconfraternitatem, et confratribus nonnullae conceduntur indulgentiae¹.

Urbanus Papa VIII,
ad perpetuam rei memoriam.

Prooemium.

Pastoris aeterni, qui pro gregis salute in arâ crucis immolari voluit, vices quam-

¹ Ex Regest. in Secret. Brev.

quam immeriti gerentes in terris, de commissarum nobis ovium salute iugiter solliciti, pias christifidelium confraternitates ad pietatis et christianae charitatis opera exercenda canonice institutas, ut in eorumdem operum exercitio magis accendantur et confoveantur, amplioribus gratiis decoramus, ac indulgentiis et peccatorum remissionibus libenter invitamus, prout conspiciamus in Domino salubriter expedire.

§ 1. Cum itaque, sicut dilectus filius Michaël Adolphus comes de Althann nobis nuper exponi fecit, ipse, pium et Deo maxime acceptum opus redemptionis christifidelium sub miserâ turcarum servitute detentorum promovere cupiens, in parochiali seu aliâ ecclesiâ insulae de Comar regni Hungariae unam christifidelium confraternitatem sub denominatione *Communione hierarchiae plenitudinis aetatis Iesu Christi*, cuius proprium ac peculiare institutum sit operi redemptionis christifidelium huiusmodi incumbere, canonice erigi et institui curaverit, et propterea, quo confraternitas huiusmodi maiora in dies suscipiat incrementa, illiusque confratres ad opus redemptionis huiusmodi peragendi promptiores reddantur, confraternitatem ipsam specialis honoris praerogativâ decorari, aliâsque indulgeri summopere desideret:

Michaël Adol-
phus de Althann
hanc erigit con-
fraternitatem.

§ 2. Nos, piis dicti Michaëlis Adolphi votis in praemissis, quantum cum Domino possumus, annuere, illumque, ac ipsius confraternitatis confratres, quo ad praemissa opera exercenda in dies magis benedicente Domino accendantur, speciali-
bus favoribus et gratiis prosequi volentes, eorumque singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad

Eam Ponti-
fex erigit in
archiconfrater-
nitatem.

effectum praesentium dumtaxat consequendum, harum serie absolventes et absolutas fore censentes, supplicationibus dicti Michaëlis Adolphi nobis super hoc humiliter porrectis inclinati, confraternitatem praedictam, canonice, ut praefertur, institutam, in archiconfraternitatem, sine tamen cuiuscumque praepiudicio, apostolica auctoritate, tenore praesentium, perpetuo erigimus et instituimus.

Confratribus
novum illas elar-
gitur indulgen-
tias.

§ 3. Ac insuper omnibus et singulis christifidelibus, qui dictam archiconfraternitatem de cetero ingrediantur¹, plenariam; necnon descriptis et pro tempore describendis in eadem archiconfraternitate christifidelibus in cuiuslibet eorum mortis articulo, qui nomen Iesu ore vel corde invocaverint, et animam suam Deo commendaverint, etiam plenariam; ac ipsis nunc et pro tempore existentibus dictae archiconfraternitatis confratribus vere quoque poenitentibus et confessis ac sacra communione refectis, qui eiusdem archiconfraternitatis ecclesiam vel cappellam seu oratorium die festo Assumptionis beatae Mariae Virginis a primis vespere usque ad occasum solis diei huiusmodi preces effuderint, plenariam similiter omnium peccatorum suorum indulgentiam et remissionem misericorditer in Domino concedimus. Insuper eisdem, vere poenitentibus et confessis ac sacra communione refectis, ecclesiam vel cappellam seu oratorium huiusmodi in Nativitatis, Annunciationis et Purificationis eiusdem beatae Mariae Virginis festis diebus, ut praefertur, visitantibus et ibidem orantibus, quo die praedictorum id egerint, septem annos et totidem quadragenas; qui vero in festivitibus Nativitatis et Paschalis Resurrectionis Domini et Pentecostes sacram communionem sumpserint, et ecclesiam seu oratorium huiusmodi in dictis festivitati-

bus visitaverint, et oraverint ut praefertur, quotidie¹ praedictarum festivitatum id egerint, similiter septem annos. Quoties vero dicti confratres coronam a S. Bonaventura institutam secundam feriā cuiuslibet mensis et die Commemorationis omnium fidelium defunctorum pro eorumdem defunctorum animabus recitaverint, ut iisdem animabus per modum suffragii trium annorum et totidem quadragenarum indulgentiam applicare possint, concedimus. Necnon eisdem confratribus qui contriti, et animum suo tempore confitendi habentes, coronam Domini singulis diebus dominicis devote recitaverint, centum dies pro qualibet vice; qui vero eandem coronam quotidie, ut praefertur, recitaverint, quinquaginta dies pro qualibet vice; illis vero dictae archiconfraternitatis confratribus, qui praedictam ecclesiam vel cappellam seu oratorium diebus stationum almae Urbis nostrae visitaverint, et, ut praefertur, oraverint, sive etiam eandem coronam dixerint pro animabus defunctorum, ut iisdem animabus praedictas indulgentias per modum suffragii applicare possint similiter concedimus. Insuper eisdem confratribus, qui contriti, et suo tempore confitendi propositum habentes, processionibus dictae archiconfraternitatis devote interfuerint, seu etiam qui missae et divinis officiis in ecclesia seu oratorio ipsius archiconfraternitatis pro tempore celebrandis et recitandis singulis diebus similiter interfuerint, centum dies; necnon eisdem, qui contriti, ut supra, sanctissimae eucharistiae sacramentum, cum ad infirmos deferretur, comitati fuerint, quinque annos et totidem quadragenas; qui vero corpora defunctorum confratrum huiusmodi ad sepulturam associaverint, sive anniversariis eorumdem confratrum defunctorum interfuerint, et pro iisdem animabus pias

¹ Edit. Main. legit *ingredietur* (R. T.).

¹ Forsan legendum *quo die* (R. T.).

ad Deum preces effuderint, centum dies; et qui pauperibus et miserabilibus personis subvenerint, aut pacem cum inimicis propriis vel alienis composuerint, seu componi fecerint, vel procuraverint, pro quolibet praedictorum operum similiter centum dies de iniunctis eis seu aliis quomodolibet debitis poenitentiis in formam Ecclesiae consuetam relaxamus. Praesentibus perpetuis futuris temporibus valituris. Volumus autem, ut si aliis dictis confratribus praemissa peragentibus aliqua alia indulgentia perpetuo vel ad tempus nondum elapsam concessa sit, praesente nullae sint.

Contraria tolluntur.

§ 4. Non obstantibus nostram de non concedendis indulgentiis ad instar, aliisque constitutionibus et ordinationibus apostolicis, ceterisque contrariis quibuscunque.

Datum Romae, apud S. Petrum, sub annulo Piscatoris, die xv ianuarii MDCXXVII, pontificatus nostri anno iv.

Dat. die 15 ianuarii 1626, pontif. anno iv.

CCXXXIV.

Mandatur archiepiscopis et episcopis Indiarum, ut prohibeant recipi mulieres in monasteriis monialium nisi monasticum habitum inducere velint¹.

Venerabilibus fratribus archiepiscopis et episcopis in partibus Indiarum constitutis,
Urbanus Papa VIII.

Venerabiles fratres,
salutem et apostolicam benedictionem.

Exordium.

Pastoralis officii nobis licet immeritis divinam dispensatione commissi debitum exposcit, ut in his, per quae regularis disciplina in quibuslibet, praesertim vero sanctimonialium, monasteriis cum animi quiete iuxta sacros canones et apostolicas constitutiones ac regularia ipsorum monasteriorum instituta observetur et vigeat,

¹ Ex Regest. in Secret. Brev.

Bull. Rom. — Vol. XIII.

66

sedulo invigilemus, ac quae in hoc impedimento esse dignoscuntur, pastoralis sollicitudine tollamus, prout conspiciamus in Domino salubriter expedire.

Causae ferendi decretum.

§ 1. Cum itaque, sicut dilecti filii prior provincialis, alique superiores monasteriorum monialium S. Catherinae de Senis Ordinis fratrum Praedicatorum in istis Indiarum partibus nobis nuper exponi fecerunt, dilectae in Christo filiae priorissae et moniales monasteriorum huiusmodi virgines et viduas, aliasque mulieres seculares ad tempus, vel aliter ad suum nutum, in earum cohabitationem et mansionem in suis monasteriis et claustris promiscue, passim, ac sine difficultate admittere soleant, ex hoc autem, successu temporis, vel scandala facile oriri, vel saltem disciplina et vita monastica frigescere et minui possent, clausuraque eorundem monasteriorum violetur: nobis propterea prior et superiores praedicti zelo domus et regularis observantiae moti humiliter supplicari fecerunt, ut desuper opportune providere de benignitate apostolica dignemur.

Decretum, de quo in rubrica.

§. 2. Nos, inconvenientibus huiusmodi, quantum cum Domino possumus, obviam ire volentes, supplicationibus eorundem prioris et superiorum nomine nobis super hoc humiliter porrectis inclinati, de venerabili fratrum nostrorum S. R. E. cardinalium negotiis regularium praepositorum consilio, vobis omnibus et singulis per praesentes districte praecipiendo mandamus, quatenus modernis et pro tempore existentibus abbatissis, seu priorissis, et monialibus, aliisque quorumcunque monasteriorum monialium in istis Indiarum partibus et vestris dioecibus existentium superioribus, ne de cetero mulieres seculares huiusmodi quacunque alia de causa, quam habitum monachalem, servatis servandi, suscipiendi, in huiusmodi monasteria absque speciali Sedis Apostolicae

licentiâ, admittere audeant seu praesumant, auctoritate nostrâ apostolicâ prohibeatis et interdicatis: ac si quas in hunc usque diem admissas repperitis, inde quamprimum educi, ac proximioribus earum consanguineis consignari omnino curetis; contradictores quoslibet et rebelles, ac in praemissis non parentes, per censuras et poenas ecclesiasticas, aliaque opportuna iuris et facti remedia, appellatione postpositâ, compescendo, invocato etiam ad hoc, si opus fuerit, auxilio brachii secularis: super quibus omnibus et singulis plenam et amplam facultatem vobis concedimus et impartimur.

Obstantium
derogatio.

§ 3. Non obstantibus quibusvis constitutionibus et ordinationibus apostolicis, ac dicti Ordinis (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, sub quibuscumque tenoribus et formis, ac cum quibusvis clausulis et decretis, in contrarium praemissorum quomodolibet concessis, confirmatis et innovatis. Quibus omnibus et singulis, illorum tenores praesentibus pro plene et sufficienter expressis ac de verbo ad verbum insertis habentes, illis aliâs in suo robore permansuris, ad praemissorum effectum, hac vice dumtaxat specialiter et expresse derogamus, ceterisque contrariis quibuscumque.

Fides danda
transumptis.

§ 4. Volumus autem, quod praesentium transumptis, seu exemplis, etiam impressis, manu alicuius notarii publici subscriptis, et sigillo alicuius personae in dignitate ecclesiasticâ constitutae munitis, eadem prorsus fides ubique habeatur, quae praesentibus ipsis haberetur, si forent exhibitae vel ostensae.

Datum Romae, apud S. Petrum, sub annulo Piscatoris, die 1 februarii MDCXXVII, pontificatus nostri anno IV.

Dat. die 1 februarii 1627, pontif. anno IV.

CCXXXV.

Divisio Congregationis Clericorum Regularium Minorum nuncupatorum in in duas provincias, cum nonnullis statutis¹.

Urbanus Papa VIII,
ad perpetuam rei memoriam.

Prooemium.

Ad uberes et suaves fructus, quos dilecti filii clerici regulares Congregationis Clericorum Regularium Minorum nuncupatorum in militanti Ecclesiâ, cuius regimini divinâ disponente clementiâ praesidemus, in dies afferunt, mentis nostrae aciem convertentes, quid pro laudabilis eorum instituti felici directione atque progressu conferat diligenter prospicimus, ac desuper pastoralis officii nostri partes favorabiliter interponimus, prout rerum et temporum qualitatibus debite pensatis conspiciamus in Domino salubriter expedire.

§ 1. Cum itaque, sicut accepimus, Congregatio praedicta, quae multos conventus, sive domos, et alia loca regularia possidet, unam dumtaxat provinciam per totam Italianam constituat: nos, felici et prospero eiusdem Congregationis, ut maioribus in dies proficiat incrementis, statui atque regimini, quantum nobis ex alto conceditur, consulere volentes, motu proprio, et ex certâ scientiâ ac maturâ deliberatione nostris, provinciam praedictam in duas distinctas ipsius Congregationis provincias, in quarum unâ omnes conventus, sive domus, et loca regularia eiusdem congregationis fundata, et de cetero fundanda in utraque Sicilia, in alterâ vero reliquae omnes quotquot fuerint in aliis Italiae partibus contineantur, apostolicâ auctoritate, tenore praesentium, perpetuo dividimus: duasque eiusdem congregationis provincias in totâ Italiâ, ut praefertur, erigimus et instituimus.

Divisio Congregationis Clericorum Regularium Minorum in duas provincias.

¹ Ex Regest. in Secret. Brev.

Nonnulli vo-
cales designan-
tor pro futuro
capitulo gene-
rali.

§ 2. Et quia, ex praescripto praeteriti ipsius congregationis capituli generalis, in proximo generali eiusdem congregationis capitulo nonnisi unus loco provincialis, ac duo procuratores Italiae interesse possent, volumus, quod ad salubriora capienda consilia Ignatius Mignozza, domus regularis dictae congregationis Pisaurensis praepositus, loco novi provincialis instituendi, necnon Benedictus Iustinianus et Andreas Caballus, dictae congregationis professores dilecti filii, loco procuratorum provinciae per praesentes erectae, pro hac vice tantum eidem proximo capitulo generali, auctoritate apostolicâ, interesse valeant et debeant. Praeterea loco dilecti filii Ioannis de Guevara, dictae congregationis praepositi generalis, quem ecclesiae Theanensis certo modo pastoris solatio destitutae in episcopum et pastorem praeficere intendimus, Iacobum Manfurium, eiusdem congregationis similiter professorem, qui quoad ingressum capituli praedicti eodem pacto, quo Ignatius et Benedictus et Andreas praedicti, necnon reliqui omnes capitulares ipsius capituli generalis suffragia ferre valeant pro hac vice dumtaxat, ac cum reliquis circumstantiis in constitutionibus ipsius congregationis apostolicâ auctoritate praedictâ confirmatis contentis, auctoritate et tenore similibus substitui-
mus et surrogamus.

Mandatum de
parendo.

§ 3. Mandantes propterea in virtute sanctae obedientiae, ac sub excommunicationis latae sententiae, a qua non nisi a nobis, praeterquam in mortis articulo, absolvi possint, necnon privationis vocis activae et passivae poenis ipso facto incurrendis, dilectis filiis dictae congregationis superioribus et clericis, et praesertim vocalibus in praedicto capitulo congregandis, quatenus dictos quatuor capitulares, per praesentes electos, omni morâ, contradictione et appellatione prorsus cessantibus et postpositis, recipiant et admittant.

§ 4. Decernentes nihilominus irritum et inane quidquid secus super his a quocumque, quavis auctoritate, scienter vel ignoranter, contigerit attentari.

§ 5. Non obstantibus constitutionibus et ordinationibus apostolicis, dictaeque congregationis, etiam iuramento, confirmatione apostolicâ, vel quavis firmitate aliâ roboratis, statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, illorum tenores praesentibus pro plene et sufficienter expressis ac de verbo ad verbum insertis habentes, illis aliâs in suo robore permansuris, ad praemissorum effectum hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Petrum, sub annulo Piscatoris, die vi februarii MDCXXVII, pontificatus nostri anno IV.

Dat. die 6 februarii 1627, pontif. anno IV.

CCXXXVI.

*Commissio archiepiscopo Tarsensi, provinciae Romandiolae praesidi, cognoscendi causas super devolutione nonnullorum castrorum ad mensam episcopalem Brittonoriensem spectantium*¹

Venerabili fratri Octavio archiepiscopo Tarsensi provinciae nostrae Romandiolae praesidi,

Urbanus Papa VIII.

Venerabilis frater,
salutem et apostolicam benedictionem.

§ 1. Expositum nobis nuper fuit pro parte venerabilis fratris Ioannis episcopi Brittonoriensis, quod, cum tunc existens ecclesiae Brittonoriensis praesul, ipsius Ioan-

¹ Ex Regest. in Secret. Brevium.

Clausulae.

Derogatio
contrariorum.

Facti series.

nis episcopi antecessor, concesserit in feudum quondam Aloysio Zerbinato castra Montisepiscopi et sancti Ioannis in Sequarciarolo nuncupata, ad mensam episcopalem Brittonoriensem spectantia, pro eodem Aloysio et suis filiis masculis, ipseque Aloysius nuper obiisset, nullis filiis masculis relictis; idem Ioannes episcopus voluit possessionem dictorum castrorum, uti ad mensam eius episcopalem devolutionum, capere, et forsitan accepit: sed dilecta in Christo filia Iulia Valvasiona, uxor praedicti Aloysii in praeiudicium pontificalis dignitatis et mensae episcopalis coepit asserere se esse praegnantem, obtinuitque inhibitionem a curia venerabilis fratris archiepiscopi Ravennatensis, et deinde a dioecesi Brittonoriensi de facto recessit, et ad civitatem Ferrariensem se contulit, ubi de praesenti reperitur.

Cum autem, sicut eadem expositio subiungebat, causa devolutionis feudi huiusmodi spectet ad praedictum Ioannem episcopum uti dominum directum, vel saltem, si idem Ioannes episcopus recusaret, ad superiorem provinciam, in qua praedicta castra consistunt, et ipsa Iulia, si asserebat se praegnantem, debebat hoc eidem Ioanni episcopo denunciare, et non recedere a loco seu provincia, in qua de tempore obitus mariti degebat, ubi facilius fieri poterant ea quae pro ventre inspiciendo et aliis de iure faciendis servanda erant, prout de facto, non sine suspitione dandi causam alicui partui supposito in praeiudicium dignitatis et mensae praedictarum, recessit; nobis propterea dictus Ioannes episcopus humiliter supplicari fecit, ut super praemissis opportune providere de benignitate apostolica dignaremur.

Commissio, de qua in rubrica.

§ 2. Nos igitur, qui iuxta creditum humilitati nostrae apostolatus officium ecclesiarum omnium iura conservare et tueri tenemur, praedictae ecclesiae Brittonoriensis indemnitati, quantum cum Domino

possumus, prospicere, dictumque Ioannem episcopum specialibus favoribus et gratis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes et absolutum fore censentes, huiusmodi supplicationibus inclinati, omnes et singulas causam seu causas in et super praemissis, tam in curia dicti archiepiscopi, sive coram eo, aut dilecto filio nostro et Sedis Apostolicae in civitate et ducatu nostris Ferrariensibus de latere legato, sive quibusvis aliis quomodolibet qualificatis, etiam de necessitate exprimendis, indecisas pendentes etiam instructas, a legato et archiepiscopo, necnon aliis praedictis et eorum quolibet ad nos harum serie avocamus, causamque et causas praedictas, illarum statum et merita, nomina et cognomina iudicum et colligantium, aliaque de necessitate exprimenda, praesentibus pro plene et sufficienter expressis ac ad verbum insertis habentes, cum omnibus et singulis illarum incidentibus, dependentibus, emergentibus, annexis et connexis, totoque negotio principali, tibi tamquam archiepiscopo praedicto, qui per te ipsum procedas, cognoscendas, decidendas, et, prout iuris fuerit, terminandas summarie, simpliciter, et de plano, ac sine strepitu et figura iudicii, apostolica auctoritate, tenore praesentium, committimus et demandamus.

§ 3. Cum facultate vocandi praedictam Iuliam, illamque ad personaliter redeundum in provinciam Romandiolae, in loco ubi prius degebat, vel alio loco decente et tuto per te assignando, iuris et facti remediis cogendi, ad effectum inspiciendi et custodiendi ventrem suum, custodes apponendi, fideiussiones capiendi, et, quatenus

Facultatem concessio.

opus fuerit, praedictam Iuliam in monasterio monialium, vel alio loco tuto, etiam in primis et ante omnia sequestrandi et assecurandi, aliaque faciendi et exequendi, quae de iure fuerint facienda et exequenda, ac cum potestate citandi praedictam Iuliam, omnesque alios, illisque, quoties opus fuerit, inhibendi, etiam sub sententiis, censuris et poenis etiam pecuniariis arbitrio tuo moderandis et aggravandis, auxiliumque brachii secularis invocandi, ac cetera omnia alia in praemissis et circa ea necessaria et quomodolibet opportuna, etiam si talia sint, vel fuerint, quae magis specialem, specificam et expressam requirerent mentionem, faciendi, dicendi, gerendi et exequendi.

Derogatio contrariorum.

§ 4. Non obstantibus praemissis, ac constitutionibus et ordinationibus apostolicis, ceterisque contrariis quibuscumque.

Datum Romae, apud S. Petrum, sub annulo Piscatoris, die x februarii MDCXXVII, pontificatus nostri anno IV.

Dat. die 10 februarii 1627, pontif. anno IV.

CCXXXVII.

Facultas episcopo Iaponensi procedendi contra regulares non parentes nonnullis decretis sacrae Congregationis de Propaganda Fide¹.

Venerabili fratri Didaco episcopo Iaponensi,
Urbanus Papa VIII.

Venerabilis frater,
salutem et apostolicam benedictionem.

Facultas, de qua in rubrica.

§ 1. Ut decreta alias sub die xxv mensis septembris anni proximi praeteriti MDCXXVI a venerabilibus fratribus nostris sanctae Romanae Ecclesiae cardinalibus negotio propagandae fidei praepositis emanata facilius debitae executioni demandentur, quantum cum Domino possumus,

¹ Ex Regest. in Secret. Brev.

providere volentes, de eorundem cardinalium consilio, ac sacrorum conciliorum Viennensis et Tridentini vestigiis inhaerentes, tibi, uti in tam remota a Sede Apostolica regione degenti tamquam noster et Sedis huiusmodi delegatus, contra omnes et quoscumque cuiuscumque Ordinis, congregationis et instituti regulares, qui decretis praedictis non paruerint, per censuras et poenas ecclesiasticas, aliaque opportuna iuris et facti remedia, appellatione postposita, auctoritate nostra apostolica procedendi, eadem auctoritate, tenore praesentium, facultatem et auctoritatem concedimus et impartimur.

Clausulae.

§ 2. Decernentes te desuper a quoquam quomodolibet impediri aut retardari nullatenus posse: irritumque et inane, si secus super his a quoquam, quavis auctoritate, scienter vel ignoranter, contigerit attentari.

Derogatio contrariorum.

§ 3. Non obstantibus constitutionibus et ordinationibus apostolicis, necnon quibusvis ordinum, congregationum et institutorum quorumcumque (etiam iuramento, confirmatione apostolica, vel quavis firmitate alia roboratis) statutis et consuetudinibus privilegiis quoque, indultis et litteris apostolicis, illis eorumque superioribus et personis, sub quibuscumque tenoribus et formis, ac cum quibusvis etiam derogatoriis derogatoriis, aliisque efficacioribus et insolitis clausulis, necnon irritantibus et aliis decretis, in genere vel in specie, ac alias, in contrarium praemissorum quomodolibet concessis, confirmatis, approbatis et innovatis. Quibus omnibus, eorum tenores, ac si de verbo ad verbum insererentur, praesentibus pro plene et sufficienter expressis ac ad verbum insertis habentes, illis alias in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Petrum, sub

annulo Piscatoris, die xxvii februarii
MDCXXVII, pontificatus nostri anno IV.

Dat. die 27 februarii 1627, pontif. anno IV.

CCXXXVIII.

Suppressio unius canonidatus et praebendae in qualibet, tam ex metropolitanis quam aliis cathedralibus et collegiatis ecclesiis Indiarum, qui primo vacaverint, et applicatio fructuum Officio Inquisitionis¹.

Urbanus Papa VIII,
ad perpetuam rei memoriam.

Exordium.

Ab illa die, qua divinae placuit providentiae, quae ex summâ bonitate suâ vocat ea quae non sunt tamquam ea quae sunt, humilitatem nostram ad universalis Ecclesiae regimen vocare, nihil antiquius habuimus, quam ut haereses, alique damnati errores e mentibus christifidelium, ubi peccatis facientibus irrepserunt, per immensam Dei misericordiam evellantur, sanctaque fides catholica ubique locorum vigeat et conservetur: proindeque, etsi nos ad universi gregis dominici salutem procurandam debitores agnoscamus, iis tamen, qui ob ingentem locorum distantiam opem et operam nostras magis implorare dignoscuntur, peculiarem pastoralis vigilantiae sollicitudinem impendere solemus, et sedulo providere, ut sanctae inquisitionis tribunalibus in longinquis illis partibus ad ipsarum haeresum atque errorum extirpationem, eiusdem fidei propagationem et conservationem, non minus pie, quam provide institutis, eorumque officialibus et ministris, congruae subventionis auxilia subministrentur, prout catholicorum regum vota id exposcunt, et nos, rerum temporumque qualitatibus debite pensatis, conspiciamus salubriter in Domino expedire.

¹ Ex Regest. in Secret. Brev.

§ 1. Hinc est quod nos, qui dudum inter alia voluimus, quod petentes beneficia ecclesiastica aliis uniri tenerentur exprimere verum annum valorem, secundum communem aestimationem, etiam beneficii, cui aliud uniri peteretur, alioquin unio non valeret, et semper in unionibus commissio fieret ad partes, vocatis quorum interesset, ne inquisitores haereticae pravitatis in Indiis Occidentalibus existentes, ob defectum dictae temporalis subsistentiae, in eorum officii exequutione retardentur, aut quomodolibet impendantur, opportune providere et aliâs sustentationi officii inquisitionis huiusmodi perpetuis futuris temporibus consulere volentes, cum fidei catholicae conservationem ceteris rebus omnibus praefendam esse censeamus, ac considerantes ecclesias sine ipsâ fide subsistere non posse; proptereaque satius esse, eas aliquâ reddituum suorum portione destitui et carere, quam eas omnes in status sui discrimine dimitti; supplicationibus etiam charissimi in Christo filii nostri Philippi Hispaniarum regis catholici nobis super hoc humiliter porrectis inclinati, in omnibus et singulis metropolitanis et aliis cathedralibus ac collegiatis ecclesiis Indiarum praedictarum, quae de iure patronatus dicti Philippi regis, ex privilegio apostolico, cui non est haecenus in aliquo derogatum, fore dignoscuntur, unum canonicatum et unam praebendam, quos primo, per cessum vel decessum seu quamvis aliam dimissionem vel amissionem illos in titulum vel commendam, aut aliâs quomodolibet obtinentis, vacare¹ contigerit, quorum singulorum fructuum, reddituum et proventuum verum annum valorem secundum aestimationem praedictam praesentibus haberi volumus pro expresso, apostolicâ auctoritate, tenore praesentium, perpetuo supprimimus et extinguimus, ac

Suppressio et applicatio, de quibus in rubrica.

¹ Verbum vacare nos addimus (R. T.).

illorum fructus, redditus et proventus, etiamsi in distributionibus quotidianis consistent, officio inquisitionis huiusmodi in dictis regnis, auctoritate et tenore praedictis, etiam perpetuo applicamus et appropriamus, ita quod quovis ipsarum ecclesiarum canonico, aut illarum canonicatum et praebendam in commendam obtinente, primo cedente, seu canonicatu et praebendâ praedictis¹ per eos quomodolibet dimittendis vel amittendis, et illis quovis modo vacantibus, liceat moderno et pro tempore existenti generali pravitate huiusmodi in eisdem Indiis inquisitori, per se, vel alium, seu alios, possessionem, seu quasi, perceptionis fructuum, reddituum et proventuum canonicatum et praebendarum sic suppressorum, propriâ auctoritate libere apprehendere et perpetuo retinere, ac ipsorum fructus, redditus et proventus singulis annis percipere, exigere et levare, ac in ipsius officii inquisitionis, et non alios usus, quandoque contigerit, convertere, Diocessani loci vel cuiusvis alterius licentiâ super hoc minime requisitâ.

<sup>Obstantium
derogatio.</sup>

§ 2. Non obstantibus priori voluntate nostrâ praedictâ, et Lateranensis Concilii novissime celebrati, uniones perpetuas nisi in casibus a iure permissis fieri prohibentis, ac quibusvis aliis constitutionibus et ordinationibus apostolicis, necnon singularum ecclesiarum praedictarum, etiam iuramento, confirmatione apostolicâ, vel quavis firmitate aliâ roboratis, statutis et consuetudinibus, et quibusvis aliis privilegiis, indulgentiis et litteris apostolicis, specialibus vel generalibus, quorumcumque tenorum existant, per quae praesentibus non expressa vel totaliter non inserta effectus earum impediri valeat quomodolibet, vel differri, et de quibus, quorumque totis tenoribus de verbo ad verbum habenda

¹ Edit. Main. h. *canonicatum et praebendam praedictos* (R. T.).

sit in eisdem praesentibus mentio specialis. Nos enim ex nunc irritum decernimus et inane, si secus super his a quoquam, quavis auctoritate, scienter vel ignoranter, contigerit attentari.

§ 3. Volumus etiam, ut praesentium transumptis, etiam impressis, manu alicuius notarii publici subscriptis, sigilloque personae in dignitate ecclesiasticâ constitutae munitis, eadem prorsus fides in iudicio et extra, ubique adhibeatur, quae ipsis originalibus litteris adhiberetur, si forent exhibitae vel ostensae.

<sup>Transumptis
danda fides.</sup>

Datum Romae, apud S. Petrum, sub annulo Piscatoris, die x martii mdcxxvii, pontificatus nostri anno iv.

Dat. die 10 martii 1627, pontif. anno iv.

CCXXXIX.

Suppressio officii perpetui praefecti compulorum datariae apostolicae, et reductio ad officium amovibile receptoris pecuniarum¹.

Urbanus Papa VIII,
ad perpetuam rei memoriam.

Romanus Pontifex, aequi bonique supremus assertor, provide considerans, humana sic ferre quandoque consilia, ut quae vel temporis conditione ita exigente ab initio constituuntur, operae pretium sit postea immutare; et interdum, quae a praedecessoribus suis sancita et concessa reperiuntur, ipsâ subinde rerum experientia suadente, alterat, revocat et immutat, prout, rebus omnibus, earumque circumstantiis universis maturâ consultatione discussis, in Domino conspexit salubriter expedire.

^{Proemium.}

§ 1. Aliâs siquidem, postquam felicis recordationis Pius Papa V praedecessor noster quondam Augustinum Iunctenum ab officio receptoris pecuniarum, reddituumque et proventuum datariae Roma-

<sup>Non obstante
decreto Pii Pa-
pae V super of-
ficio receptoris
pecuniarum da-
rariae.</sup>

¹ Ex Regest. in Secret. Brev.

ni Pontificis pro tempore existentis, quod ad ipsius Romani Pontificis et Sedis Apostolicae beneplacitum concedi consueverat, amovisset, dictumque officium etiam quondam Didaco Bruno, clerico coniugato Romano, qui pro ipsius Pii praedecessoris necessitatibus sublevandis summam millequingentorum ducatorum auri in auro obtulerat, ad eiusdem Didaci vitam concessisset et assignasset, recolendae memoriae Sixtus Papa V, similiter praedecessor noster, concessionem et assignationem de dicto officio eidem Didaco, ut praefertur, factas (etsi in eis caveretur, seu concederetur expresse, quod ipse Didacus ab officio huiusmodi, seu illius exercitio, quavis ratione vel causâ invitatus amoveri, vel alius sine eius consensu ad ipsum officium assumptum non posset), irritanti, aliisque decretis desuper apposis, apostolicâ auctoritate, cassavit penitus et omnino revocavit, et in praedictâ datariâ unum officium praefecti computorum nuncupatum perpetuum, et aliâs instar ceterorum ipsius datariae et Romanae Curiae officiorum, crexit et instituit, illudque pariter quondam Timotheo Ximenez, etiam clerico coniugato Romano, qui ob urgentes necessitates, quibus tunc temporis idem Sixtus praedecessor premebatur, summam quinque millium scutorum similium nomine pretii dicti officii solvere promiserat,

Quod idem
agit Paulus Pa-
pa V.

§ 2. Et, deinde eodem Thimotheo rebus humanis exempto, similis memoriae Paulus Papa V, etiam praedecessor noster, dictum officium per ipsius Thimothei obitum vacans dilecto filio Henrico Fisensi clerico Leodiensi pro pretio et nomine pretii sexdecim millium scutorum monetae romanae, ad eorum et cuiuslibet ipsorum vitam respective, concesserunt et assignarunt, sub certis modo et formâ tunc expressis, et aliâs, prout in diversis eorumdem praedecessorum motuum pro-

priorum cedulis manu eorumdem praedecessorum signatis plenius continetur.

§ 3. Nos, officium receptoris reddituum, proventuum et pecuniarum datariae nostrae huiusmodi ad primaevum illius statum, naturamque de cetero per personam ad nostrum et Romani Pontificis pro tempore existentis nutum amovibilem exercendum reduci oportere in Domino iudicantes, necnon quarumcumque litterarum Pii V, Sixti V et Pauli itidem V praedecessorum praedictorum desuper expeditarum, omniumque et singulorum in eis quomodolibet contentorum veriores et totos tenores, perinde ac si de verbo ad verbum, nihil penitus omisso et formâ in illis traditâ observatâ, insererentur et exprimerentur, praesentibus pro plene et sufficienter expressis ac de verbo ad verbum insertis habentes, iustis et gravibus de causis animum nostrum moventibus, motu proprio et ex certâ scientia ac maturâ deliberatione nostris, deque apostolicae potestatis plenitudine, erectionem et institutionem dicti officii praefecti computorum in datariâ per dictos Sixtum praedecessorem, eiusdemque officii concessionem et assignationem eidem Henrico per Paulum praedecessores, ut praefertur, factas, et quascumque litteras apostolicas, si quae desuper expeditae sunt, cum omnibus et singulis in eis contentis clausulis, decretis, cautionibus, promissionibus, indultis et quibusvis aliis dispositionibus, tenore praesentium, salvis eidem Henrico iuribus habendi et consequendi pretium huiusmodi, perpetuo supprimimus et extinguimus, ac respective revocamus, cassamus, annullamus, irritamus, viribusque et effectu evacuamus.

Urbanus sup-
primil.

§ 4. Dictumque receptoris officium in pristinum, et in eum, quo, antequam praedicti Pii praedecessoris cedula emanaret, quomodolibet erat, statum, in omnibus et per omnia restituimus, reponimus et ple-

Officiumque
receptoris arbi-
trio Pontificis
removendi resti-
tuit.

narie reintegramus, et ad pristinam eius naturam (de cetero per personam ad nostrum et Romanum Pontificem pro tempore existentis nutum amovibilem exercendum) ac facultates et privilegia ante praedictam dicti Pii praedecessoris cedulam¹: ipsumque Henricum ab eodem officio praefecti computorum et receptoris officii huiusmodi ex nunc omnino amovemus, et dictum officium praefecti computorum perpetuo suppressum et extinctum, ac de illo concessionem et assignationem eidem Henrico, ut praefertur, factas, perpetuo revocatas, cassatas annullatas, irritas, viribusque et effectum vacuas, ipsumque Henricum a praefecti et receptoris officiis praedictis ex nunc omnino amotum esse ac fore, nec de cetero in eisdem officiis, seu eorum altero se ullo ingerere posse, aut debere;

Clausulas necessarias apponit.

§ 5. Praesentes vero litteras, omniaque et singula in eis contenta, etiam ex eo quod dictus Henricus, aut alii quicumque interesse in praemissis, seu eorum aliquo habentes, seu habere quomodolibet praetendentes, eis nullatenus consenserint, nec ad ea vocati et auditi, minusque causae, propter quas eadem praesentes emanarint, adductae, verificateae, seu alias iustificatae fuerint, nullo unquam tempore de subreptionis, nullitatis, aut invaliditatis vitio, seu intentionis nostrae, seu alio quoquam defectu, etiam quantumvis magno, inexcoginato et substantiali, sive et ex eo, quod dictus Henricus officium praefecti computorum huiusmodi sibi ad eius vitam ex causâ et titulo mere onerosi concessum obtineret, et in eiusdem officii praefecti huiusmodi suppressione et extinctione, concessionisque et assignationis, eidem Henrico de dicto officio factarum, ut praefertur, revocatione, cassatione, annullatione, irritatione, aliisque praemissis, solemnitates et quaevis alia servanda et

¹ Subintellige *reducimus* (R. T.).

adimplenda servata et adimpleta non fuerint, aut ex quovis alio capite, a iure vel facto, aut statuto, vel consuetudine aliqua resultante, seu etiam enormis, enormissimae et totalis laesionis, aut quocumque alio colore, etiam in corpore iuris clauso, seu occasione vel causâ, etiam quantumvis iustâ, rationabili et privilegiatâ, etiam tali quae ad effectum validitatis praemissorum necessario exprimenda foret, aut quod de voluntate nostrâ huiusmodi et aliis superius expressis seu relatis nihilominus ulibi appareret, seu aliter probari posset, notari, impugnari, invalidari, retractari, in ius vel controversiam revocari, aut ad terminos iuris reduci, vel adversus illas restitutionis in integrum, apertitionis oris, reductionis ad viam et terminos iuris, aut aliud quodcumque iuris, facti, gratiae, vel iustitiae remedium impetrari, seu etiam motu, scientiâ et potestatis plenitudine similibus concedi, aut sic impetrato, vel concesso, quempiam uti, seu se iuvare in iudicio vel extra posse, neque ipsas praesentes sub quibusvis similibus, vel dissimilibus gratiarum revocationibus, suspensionibus, limitationibus, aut aliis contrariis dispositionibus pro tempore quomodolibet faciendis comprehendere; sed semper ab illis exceptas, perpetuoque validas, firmas et efficaces existere et fore, suosque plenarios et integros effectus sortiri et obtinere, ac per nostrum et Romani Pontificis pro tempore existentis datarium, aliosque omnes et singulos, ad quos spectat et quomodolibet spectabit in futurum, inviolabiliter observari; sicque et non aliter in praemissis omnibus et singulis per quoscumque iudices ordinarios et delegatos, etiam causarum palatii apostolici auditores, et S. R. E. cardinales, ac camerarium et thesaurarium, necnon praesidentes et clericos camerae nostrae apostolicae, in quavis causâ et instantiâ (sublatâ eis et eorum cuilibet

quavis aliter iudicandi et interpretandi facultate et auctoritate) iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari, apostolicâ auctoritate, tenore earumdem praesentium, decernimus et declaramus.

Obstantia tollit.

§ 6. Non obstantibus singulis praedecessorum praedictorum litteris, aliisque praemissis, ac regulâ nostra de iure quaesito non tollendo, aliisque constitutionibus et ordinationibus apostolicis, necnon camerae et datariae praedictarum, ac almae Urbis nostrae (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, usibus, regulis, stylis, reformationibus et innovationibus, privilegiis quoque, indultis et litteris apostolicis, sub quibusvis tenoribus et formis, ac cum quibusvis etiam derogatoriis derogatoriis, aliisque efficacioribus et insolitis clausulis, ac irritantibus et aliis decretis, in genere vel in specie, etiam motu, scientiâ et potestatis plenitudine similibus, ac aliâs in contrarium praemissorum quomodolibet concessis, confirmatis et saepius innovatis, etiamsi in eis, seu eorum aliquibus, et praesertim Sixti et Pauli praedecessorum praedictorum litteris, specificis, seu per clausulas generales idem importantes, aut sub aliquâ regularum, decretorum, vel verborum generalitate, caveatur, concedatur et indulgeatur expresse, quod idem Henricus ab officio huiusmodi, seu illius exercitio, quavis ratione vel causâ, quoad vixerit, amoveri non possit, et aliâs quomodolibet disponentibus (quibus omnibus et singulis, etiamsi pro illorum sufficienti derogatione de illis, eorumque totis tenoribus specialis, specifica, expressa et individua, ac de verbo ad verbum, non autem per clausulas generales idem importantes, mentio seu quacvis alia expressio habenda

aut aliqua alia exquisita forma ad hoc servanda foret, tenores huiusmodi, ac si de verbo ad verbum, nihil penitus omisso et formâ in illis traditâ observatâ, inserti forent, praesentibus pro plene et sufficienter expressis ac de verbo ad verbum insertis habentes, illis aliâs in suo robore permansuris, hac vice dumtaxat, motu, scientiâ et potestatis plenitudine similibus, derogamus ac derogatum esse volumus et decernimus) ceterisque contrariis quibuscumque.

Datum Romae, apud S. Petrum, sub anulo Piscatoris, die xxviii martii MDCXXVII, pontificatus nostri anno iv.

Dat. die 28 martii 1627, pontif. anno iv.

CCXL.

*Litterae, quae in die Coenae Domini singulis annis solent publicari*¹.

Urbanus Episcopus,
servus servorum Dei,
ad perpetuam rei memoriam.

Pastoralis Romani Pontificis vigilantia et sollicitudo in omni christianae reipublicae pace et tranquillitate procurandâ pro sui muneris officio assidue versatur, tum potissimum in catholicae fidei, sine

De opere Romanorum Pontificum suorum praedecessorum et casus hic o-mniatiste Pontifex.

¹ De materiis in huiusmodi Bulla contentis, plenissime habes ad Const. LI Pauli V, *Pastoralis* (in h. n. ed. CLIII, tom. XI, pag. 617). Contra haereticos in locis Italiae et insularum adiacentium quovis praetextu commorantes, eorumque fautores, constitutionem edidit Gregor. XV Constit. LXIV, *Romani* (in h. n. ed. LXVI, tom. XII, pag. 708). Qui etiam licentias omnes quibuscumque personis et a quibusvis, etiam Romanis Pontificibus concessas legendi et habendi libros quomodolibet prohibitos revocavit in Constit. xcv, *Apostolatus* (ib. pag. 779). Et demum libros alio deferri vel transmitti imprimendos sine cardinalis vicarii, atque magistri sacri palatii in Urbe, et extra eam sine Ordinarii et inquisitoris loci, vel ab eis deputatorum, licentiâ prohibuit hic idem Pontifex in Const. *Sanctissimus*.

qua impossibile est placere Deo, unitate atque integritate retinendâ, maxime elucet; nimirum, ut fideles Christi non sint parvuli fluctuantes, neque circumferantur omni vento doctrinae in nequitia hominum ad circumventionem erroris, sed omnes occurrant in unitatem fidei et agnitionis Filii Dei in virum perfectum, neque se in huius vitae societate et communione laedant, aut inter se alter alteri offensio- nem praebeat, sed potius in vinculo charitatis coniuncti, tamquam unius corporis membra, sub Christo capite, eiusque in terris Vicario Romano Pontifice beatissimi Petri successore, a quo totius Ecclesiae unitas dimanat, augeantur in aedificatio- nem, atque ita, divinâ gratiâ adiutrice, sic praesentis vitae quiete gaudeant, ut futurâ quoque beatitudine perfruantur. Ob quas sane causas Romani Pontifices prae- decessores nostri hodiernâ die, quae an- niversaria Dominicae Coenae commemo- ratio solemnis est, spiritualem ecclesiasti- cae disciplinae gladium et salutaria iustitiae arma per ministerium summi apostolatus ad Dei gloriam et animarum salutem so- lemniter exercere consueverunt. Nos igitur, quibus nihil optabilius est, quam fidei in- violatam integritatem, publicam pacem et iustitiam, Deo auctore, tueri, vetustum et solemnem hunc morem sequentes:

Excommuni-
cat omnes haereticos quocumque nomine censeantur, eorumque latorum, etc. et illorum libros legentes, tenentes, aut imprimantes, schismaticos, etc.

§ 1. Excommunicamus et anathematizamus ex parte Dei omnipotentis, Patris, et Filii, et Spiritus Sancti, auctoritate quoque beatorum apostolorum Petri et Pauli, ac nostrâ quoscumque Hussitas, Wiehlephitas, Lutheranos, Zuinglianos, Calvinistas, Ugonottos, Anabaptistas, Trinitarios, et a christianâ fide apostatas, ac omnes et singulos alios haereticos, quocumque nomine censeantur, et cuiuscumque sectae existant, ac eis credentes, eorumque receptatores, fautores, et generaliter quoslibet illorum defensores, ac eorumdem libros haeresim continentes, vel de

religione tractantes, sine auctoritate nostrâ et Sedis Apostolicae scienter legentes aut retinentes, imprimentes, seu quomodolibet defendentes ex quavis causâ publice vel occulte, quovis ingenio vel colore, necnon schismaticos, et eos qui se a nostrâ et Romani Pontificis pro tempore existentis obedientiâ pertinaciter subtrahunt vel recedunt.

§ 2. Item excommunicamus et anathematizamus omnes et singulos, cuiuscumque status, gradus seu conditionis fuerint (universitates vero, collegia et capitula, quocumque nomine nuncupentur, interdicimus), ab ordinationibus seu mandatis nostris ac Romanorum Pontificum pro tempore existentium ad universale futurum concilium appellantes: necnon eos, quorum auxilio, consilio vel favore appellatum fuerit.

Appellantes a Pontificum mandato, ad futurum Concilium.

§ 3. Item excommunicamus et anathematizamus omnes piratas, cursarios ac latrunculos maritimos, discurrentes mare nostrum, praecipue a Monte Argentario usque ad Terracinam, ac omnes eorum fautores, receptatores et defensores.

Piratas et latrunculos maritimos, eorumque receptatores, etc.

§ 4. Item excommunicamus et anathematizamus omnes et singulos, qui christianorum quorumcumque navibus tempestate, seu in transversum, ut dici solet, iactatis vel quoquomodo naufragium passis, sive in ipsis navibus, sive ex eisdem eiecta in mari vel in litore inventa, cuiuscumque generis, bona, tam in nostris Tyrrheni et Adriatici, quam in ceteris cuiusque maris regionibus et litoribus surripuerint; ita ut nec ob quodcumque privilegium, consuetudinem, aut longissimam etiam immemorabilis temporis possessionem, seu alium quemcumque praetextum, excusari possit.

Surripientes christiano- rum bona naufragium, pecora, proventus, vel in litore inventa.

§ 5. Item excommunicamus et anathematizamus omnes, qui in terris suis nova pedagia seu gabellas, praeterquam in casibus sibi a iure, seu ex speciali Sedis

Gabellas, seu nova pedagia imponentes, vel augentes.

Apostolicae licentiâ, permissis, imponunt vel augent, seu imponi vel augeri prohibita exigunt.

Falsarios litterarum apostolicarum, ac supplicationum ab habente auctoritatem signatarum.

§ 6. Item excommunicamus et anathematizamus omnes falsarios litterarum apostolicarum, etiam in formâ Brevis, ac supplicationum gratiam vel iustitiam concernentium, per Romanum Pontificem, sanctae Romanae Ecclesiae vice cancellarios, seu gerentes vices eorum, aut de mandato eiusdem Romani Pontificis signatarum, necnon falso fabricantes litteras apostolicas etiam in formâ Brevis, et etiam falso signantes supplicationes huiusmodi sub nomine Romani Pontificis seu vice cancellarii, aut gerentium vices praedictorum.

Transmittentes, vel deferentes arma, vel alia apta bellico usui ad turcas, ut alios christianorum inimicos, ac eos, qui de rebus christianae reipublicae statu concernentibus ipsos certiores faciunt.

§ 7. Item excommunicamus et anathematizamus omnes illos, qui ad saracenos, turcas et alios christiani nominis hostes et inimicos, vel haereticos per nostras sive huius sanctae Sedis sententias expresse et nominatim declaratos, deferunt seu transmittunt equos, arma, ferrum, filum ferri, staneum, chalybem, omniaque alia metallorum genera atque bellica instrumenta, lignamina, canabem, funes, tam ex ipso canabe quam aliâ quacumque materiâ, et ipsam materiam, aliaque huiusmodi, quibus christianos et catholicos impugnant, necnon illos, qui per se vel alios de rebus statum christianae reipublicae concernentibus in christianorum perniciem et damnum ipsos turcas et christianae religionis inimicos, necnon haereticos, in damnum catholicae religionis, certiores faciunt, illisque ad id auxilium, consilium vel favorem quomodolibet praestant. Non obstantibus quibuscumque privilegiis, quibusvis personis, principibus, rebus publicis per nos ad Sedem praedictam hactenus concessis, de huiusmodi prohibitionem expressam mentionem non facientibus.

Portantes, aut invadentes eos, qui victualia

§ 8. Item excommunicamus et anathematizamus omnes impediunt seu inva-

dentes eos, qui victualia seu alia ad usum Romanae Curiae necessaria adducunt, ac etiam eos, qui, ne ad Romanam Curiam adducantur vel afferantur, prohibent, impediunt seu perturbant, seu haec facientes defendunt per se vel alios, cuiuscumque fuerint ordinis, praeeminentiae, conditionis et status, etiamsi pontificali seu regali, aut aliâ quavis ecclesiasticâ vel mundanâ praefulgeant dignitate.

§ 9. Item excommunicamus et anathematizamus omnes illos, qui ad Sedem Apostolicam venientes, et recedentes ab eadem, suâ vel aliorum operâ interficiunt, mutilant, spoliunt, capiunt, detinent, necnon illos omnes, qui iurisdictionem ordinariam vel delegatam a nobis vel nostris iudicibus non habentes, illam sibi temere vendicantes, similia contra morantes in eadem curiâ audent perpetrare.

§ 10. Item excommunicamus et anathematizamus omnes interficientes, mutilantes, vulnerantes, detinentes, capientes seu depraedantes romipetas seu peregrinos ad Urbem causâ devotionis seu peregrinationis accedentes et in eâ morantes, vel ab ipsâ recedentes, et in his dantes auxilium, consilium vel favorem.

§ 11. Item excommunicamus et anathematizamus omnes interficientes, mutilantes, vulnerantes, percutientes, capientes, carcerantes, detinentes vel hostiliter insequentes sanctae Romanae Ecclesiae cardinales, patriarchas, archiepiscopos, episcopos, Sedisque Apostolicae legatos vel nuntios, aut eos a suis dioecibus, territoriis, terris seu dominiis eicientes: necnon ea mandantes, vel rata habentes seu praestantes in eis auxilium, consilium vel favorem.

§ 12. Item excommunicamus et anathematizamus omnes illos, qui per se, vel per alios, personas ecclesiasticas quascumque, vel seculares, ad Romanam Curiam super eorum causis et negotiis recurren-

lia et similia necessaria Romanam adducunt.

Laedentes eos qui veniunt ad Sedem Apostolicam, vel ab eâ recedunt et iudices sine iurisdictione vexantes in curia commorantes.

Romipetas et peregrinos etiam in Urbe morantes, vel ab eâ recedentes laedentes.

Offendentes S. R. E. cardinales et alios praelatos.

Offendentes ad Romanam Curiam venientes pro suis negotiis expedendis, negotiorumque gestores.

tes, ac illa in eadem curiâ prosequentes aut procurantes, negotiorumque gestores, advocatos, procuratores et agentes, seu etiam auditores vel iudices super dictis causis vel negotiis deputatos, occasione causarum vel negotiorum huiusmodi occidunt, seu quoquomodo percutiunt, bonis spoliant, seu qui per se vel alios directe vel indirecte delicta huiusmodi committere, exequi vel procurare, aut in eisdem auxilium, consilium vel favorem praestare non verentur, cuiuscumque praeeminentiae et dignitatis fuerint.

Appellantes a gravamine, seu futura exequutione litterarum apostolicarum, etiam in forma Brevis ad curias seculares.

§ 13. Item excommunicamus et anathematizamus omnes tam ecclesiasticos quam seculares, cuiuscumque dignitatis, qui praetextentes frivolum quandam appellationem a gravamine vel futura exequutione litterarum apostolicarum etiam in formâ Brevis, tam gratiam quam iustitiam concernentium, necnon citationum, inhibitionum, sequestrationum, monitoriorum, processuum, exequutorialium et aliorum decretorum a nobis et a Sede praedictâ, seu legatis, nuntiis, praesidentibus, palatii nostri et camerae apostolicae auditoribus, commissariis, aliisque iudicibus et delegatis apostolicis emanatorum, et quae pro tempore emanaverint, aut aliâs, ad curias seculares et laicam potestatem recurrunt, ab ab eâ, instante etiam fisci procuratore vel avvocato, appellationes huiusmodi admittere, ac litteras, citationes, inhibitiones, sequestra, monitoria et alia praedicta, capi et retineri faciunt, quive illa simpliciter, vel sine eorum beneplacito et consensu vel examine, exequutioni demandari, aut ne tabelliones et notarii super huiusmodi litterarum et processuum exequutione instrumenta vel acta conficere, aut confecta parti, cuius interest, tradere debeant, impediunt vel prohibent, ac etiam partes, seu eorum agentes, consanguineos, affines, familiares, notarios, exequutores et subexequutores litterarum,

citationum, monitoriorum et aliorum praedictorum capiunt, percutiunt, vulnerant, carcerant, detinent, ex civitatibus, locis et regnis eiciunt, bonis spoliant, perterrefaciunt, concutiunt, comminantur, per se, vel alium, seu alios, publice vel occulte, quive aliâs quibuscumque personis in genere vel in specie, ne pro quibusvis eorum negotiis prosequendis, seu gratis vel litteris impetrandis, ad Romanam curiam accedant, aut recursum habeant, seu gratias ipsas vel litteras a dictâ Sede impetrent, seu impetratis utantur, directe vel indirecte prohibere, statuere seu mandare, vel eas apud se, aut notarios seu tabelliones, vel aliâs, quomodolibet retinere praesumunt.

§ 14. Item excommunicamus et anathematizamus omnes et singulos, qui per se vel alios, auctoritate propriâ ac de facto, quarumcumque exemptionum, vel aliarum gratiarum et litterarum apostolicarum praetextu, beneficiales et decimarum ac alias causas spirituales aut spiritualibus annexas ab auditoribus et commissariis nostris, aliisque iudicibus ecclesiasticis avocant, illorumve cursum et audientiam, ac personas, capitula, conventus, collegia, causas ipsas prosequi volentes impediunt, ac se de illarum cognitione tamquam iudices interponunt; quive partes actrices, quae illas committi fecerunt et faciunt, ad revocandum et revocari faciendum citationes vel inhibitiones, aut alias litteras in eis decretas, et ad faciendum vel consentiendum eos, contra quos tales inhibitiones emanarunt, a censuris et poenis in illis contentis absolvi, per statutum vel aliâs compellunt, vel exequutionem litterarum apostolicarum seu exequutorialium, processuum ac decretorum praedictorum quomodolibet impediunt, vel suum ad id favorem consilium aut assensum praestant, etiam praetextu violentiae prohibendae vel aliarum praetensionum, seu etiam donec

Impediunt exequutionem litterarum apostolicarum, vel aliarum exemptionum et aliarum gratiarum et litterarum apostolicarum praetextu, beneficiales et decimarum ac alias causas spirituales aut spiritualibus annexas ab auditoribus et commissariis nostris, aliisque iudicibus ecclesiasticis avocant, illorumve cursum et audientiam, ac personas, capitula, conventus, collegia, causas ipsas prosequi volentes impediunt, ac se de illarum cognitione tamquam iudices interponunt.

ipsi ad nos informandos, ut dicunt, supplicaverint aut supplicari fecerint, nisi supplicationes huiusmodi coram nobis et Sede Apostolicâ legitime prosequantur, etiam si talia committentes fuerint praesidentes cancellariorum, consiliorum, parlamentorum, cancellarii, vicecancellarii, consilarii, ordinarii vel extraordinarii, quorumcumque principum secularium, etiam si imperiali, regali, ducali vel aliâ quacumque praeferantur dignitate, aut archiepiscopi, episcopi, abbates, commendatarii seu vicarii fuerint;

Indices aen-
lares trahentes
personas eccle-
siasticas ad sua
tribunalia, vel
alia ecclesiasti-
cam libertatem
quomodolibet
laedentes, aut
deprimen-
tes.

§ 15. Quive ex eorum praetense officio, vel ad instantiam partis, aut aliorum quorumcumque, personas ecclesiasticas, capitula, conventus, collegia ecclesiarum quarumcumque, coram se ad suum tribunal, audientiam, cancellariam, consilium, vel parlamentum praeter iuris canonici dispositionem trahunt vel trahi faciunt, procurant, directe vel indirecte, quovis quaesito colore; necnon qui statuta, ordinationes, constitutiones, pragmaticas, seu quaevis alia decreta in genere vel in specie, ex quavis causâ et quovis quaesito colore, ac etiam praetextu cuiusvis consuetudinis, aut privilegii, vel aliâs quomodolibet fecerint et publicaverint, vel factis et ordinatis usi fuerint, unde libertas ecclesiastica tollitur, seu in aliquo laeditur vel deprimitur, aut aliâs quovis modo restringitur, seu nostris, et dictae Sedis, ac quarumcumque ecclesiarum iuribus quomodolibet, directe vel indirecte, tacite vel expresse praepiudicatur;

Impedien-
tes, quoscumque
praefatos, ne
sua iurisdictio-
ne utantur, ac
fori ecclesiasti-
ci iudicia elu-
dentes, ad cu-
rias seculares
recurrentes con-
tra illos exequi
procurant, nec-
non qui ea de-
cernunt.

§ 16. Necnon qui archiepiscopos, episcopos, aliosque superiores et inferiores praefatos, et omnes alios quoscumque iudices ecclesiasticos ordinarios, quomodolibet hac de causâ, directe vel indirecte, carcerando vel molestando eorum agentes, procuratores, familiares, necnon consanguineos et affines, aut aliâs, impediunt quominus suâ iurisdictione ecclesiasticâ

contra quoscumque utantur, secundum quod canones et sacrae constitutiones ecclesiasticae, et decreta conciliorum generalium, et praesertim Tridentini statuunt; ac etiam eos, qui post ipsorum ordinarium vel etiam ab eis delegatorum quorumcumque sententias et decreta, aut aliâs fori ecclesiastici iudicem eludentes, ad cancellarias et alias curias seculares recurrunt, et ab illis prohibitiones et mandata, etiam poenalia, ordinariis et delegatis praedictis decerni, et contra illos exequi procurant; eos quoque, qui haec decernunt et exequuntur, seu dant auxilium, consilium, patrocinium et favorem in eisdem;

§ 17. Quive iurisdictiones, seu fructus, redditus et proventus ad nos et Sedem Apostolicam, et quascumque ecclesiasticas personas, ratione ecclesiarum, monasteriorum et aliorum beneficiorum ecclesiasticorum, pertinentes usurpant, vel etiam quavis occasione vel causâ, sine Romani Pontificis vel aliorum ad id legitimam facultatem habentium expressâ licentiâ, sequestrant;

Auxilium prae-
stantes usur-
pantibus Sedis
Apostolicae, vel
ecclesiarum iu-
risdictiones, seu
fructus.

§ 18. Quive collectas, decimas, talleas, praestantias et alia onera clericis praefatis et aliis personis ecclesiasticis, ac eorum et ecclesiarum, monasteriorum et aliorum beneficiorum ecclesiasticorum bonis, illorumque fructibus, redditibus et proventibus huiusmodi, absque simili Romani Pontificis speciali et expressâ licentiâ, imponunt, et diversis etiam exquisitis modis exigunt, aut sic imposita, etiam a sponte dantibus et concedentibus, recipiunt; necnon qui per se vel alios directe vel indirecte praedicta facere, exequi, vel procurare, aut in eisdem auxilium, consilium vel favorem praestare non verentur, cuiuscumque sint praeeminentiae, dignitatis, ordinis, conditionis aut status, etiam si imperiali aut regali praeferantur dignitate, seu principes, duces, comites, barones et alii potentatus quicumque etiam

Imponentes
decimas, vel
alia onera per-
sonis ecclesiasti-
cis, ac eorum
ecclesiarum, seu
monasteriorum
bonis.

regnis, provinciis, civitatibus et terris quoquomodo praesidentes, consilarii et senatores, aut quavis etiam pontificali dignitate insigniti; innovantes decreta super his per sacros canones, tam in Lateranensi novissime celebrato, quam conciliis generalibus edita, etiam cum censuris et poenis in eis contentis.

Officiales seculares se interponentes in causis capitalibus contra ecclesiasticas personas.

§ 19. Item excommunicamus et anathematizamus omnes et quoscumque magistratus et iudices, notarios, scribas, executores, subexecutores quomodolibet se interponentes in causis capitalibus seu criminalibus contra personas ecclesiasticas, illas processando, banniendo, capiendo, seu sententias contra illas proferendo, sine speciali, specificâ et expressâ huius sanctae Sedis Apostolicae licentiâ; quique huiusmodi licentiam ad personas et casus non expressos extendunt, vel aliâs illa perperam abutuntur; etiamsi talia committentes fuerint consilarii, senatores, praesidentes, cancellarii, vicecancellarii, aut quovis alio nomine nuncupati.

Occupantes et invadentes S. R. E. terras, et alias iurisdictionem supremam usurpantes.

§ 20. Item excommunicamus et anathematizamus omnes illos, qui per se, seu alios, directe vel indirecte, sub quocumque titulo vel colore invadere, destruere, occupare ac detinere praesumpserint, in totum vel in partem, aliam Urbem, regnum Siciliae, insulas Sardiniae et Corsicae, terras citra Pharum, Patrimonium beati Petri in Tuscia, ducatum Spoletanum comitatum Venaysinum, Sabinensem, Marchiae Anconitanæ, Massae Trebariae, Romandiolaë, Campaniae et maritimas provincias, illarumque terras et loca, ac terras specialis commissionis Arnulphorum, civitatesque nostras Bononiam, Caesenam, Ariminum, Beneventum, Perusium, Avinionem, civitatem Castelli, Tudertum, Ferrariam, Comaclum et alias civitates, terras et loca vel iura ad ipsam Romanam Ecclesiam pertinentia, dictaeque Romanae Ecclesiae mediate vel immediate subiecta,

necnon supremam iurisdictionem in illis nobis et eidem Romanae Ecclesiae competentem de facto usurpare, perturbare, retinere et vexare variis modis praesumunt, necnon adhaerentes, fautores et defensores eorum, seu illis auxilium, consilium vel favorem quomodolibet praestantes.

§ 21. Volentes praesentes nostros processus, ac omnia et quaecumque his litteris contenta, quousque alii huiusmodi processus a nobis, aut Romano Pontifice pro tempore existente fiant, aut publicentur, durare, suosque effectus omnino sortiri.

Haec Constitutio quousque legel.

§ 22. Ceterum a praedictis sententiis nullus per alium, quam per Romanum Pontificem, nisi in mortis articulo constitutus, nec etiam tunc, nisi de stando Ecclesiae mandatis et satisfaciendo cautione praestitâ, absolvi possit, etiam praetextu quorumvis facultatum et indultorum quibuscumque ecclesiasticis, secularibus, et quorumvis Ordinum, etiam Mendicantium, ac militiarum regularibus, etiam episcopali vel aliâ maiori dignitate praeditis, ipsisque Ordinibus et eorum monasteriis, conventibus et domibus, ac capitulis, collegiis, confraternitatibus, congregationibus, hospitalibus et locis piis, necnon laicis, etiam imperiali, regali et aliâ mundanâ excellentiâ fulgentibus, per nos, et dictam Sedem, ac cuiusvis concilii decreta, verbo, litteris, aut aliâ quacumque scripturâ, in genere et in specie, concessorum et innovatorum, ac concedendorum et innovandorum.

Absolutio ab huiusmodi casibus praeter mortis articulum Papae reservatur.

§ 23. Quod si forte aliqui contra tenorem praesentium talibus excommunicatione et anathemate laqueatis, vel eorum alicui, absolutionis beneficium impendere de facto praesumpserint, eos excommunicationis sententiâ innodamus, gravius contra eos spiritualiter et temporaliter, prout expedire noverimus, processuri.

Alios absolute praesentium praesentium ponendo statuitur.

Papae absolu-
tionem non com-
prehendit eos,
qui praemissis
desistere non
promiserint.

§ 24. Declarantes, ac protestantes, quam-
cumque absolutionem, etiam solemniter
per nos faciendam, praedictos excommu-
nicatos sub praesentibus comprehensos,
nisi prius a praemissis, cum vero propo-
sito ulterius similia non committendi, de-
stiterint, ac (quoad eos, qui contra ec-
clesiasticam libertatem, ut praemittitur,
statuta fecerint) nisi prius statuta, ordi-
nationes, constitutiones, pragmaticas, et
decreta huiusmodi publice revocaverint,
et ex archivis seu capitularibus locis, aut
libris, in quibus adnotata reperiuntur, de-
leri et cassari, ac nos de revocatione hu-
iusmodi certiores fecerint, eos non com-
prehendere, nec eis aliter suffragari, quin
etiam per huiusmodi absolutionem, aut
quoscumque alios actus contrarios, tacitos
vel expressos, ac etiam per patientiam et
tolerantiam nostram, vel successorum no-
strorum quantocumque tempore continua-
tam, in praemissis omnibus et singulis,
ac quibuscumque iuribus Sedis Apostoli-
cae, ac sanctae Romanae Ecclesiae, unde-
cumque et quandocumque quaesitis vel
quaerendis, nullatenus praeiudicari posse
aut debere.

Contrariis qui-
buscumque de-
rogat.

§ 25. Non obstantibus privilegiis, in-
dulgentiis, indultis, et litteris apostolicis
generalibus vel specialibus, supradictis, vel
eorum alicui, seu aliquibus aliis, cuius-
cumque ordinis, status vel conditionis, di-
gnitatis et praecminentiae fuerint, etiamsi,
ut praemittitur, pontificali, imperiali, re-
gali, seu quavis ecclesiastica et mundana
praeferantur dignitate, vel eorum regnis,
provinciis, civitatibus seu locis a praedi-
cta Sede, ex quavis causa, etiam per viam
contractus, aut remunerationis, et sub
quavis alia forma et tenore, ac cum qui-
busvis clausulis, etiam derogatoriis de-
rogatoriis, concessis, etiam continentibus,
quod excommunicari, anathematizari vel
interdici non possint per litteras apostol-
icas non facientes plenam et expressam

ac de verbo ad verbum de privilegiis,
indulgentiis et indultis huiusmodi, ac de
ordinibus, locis, nominibus propriis, co-
gnominibus et dignitatibus eorum men-
tionem, necnon consuetudinibus, etiam
immemorabilibus, ac praescriptionibus,
quantumcumque longissimis, et aliis qui-
buslibet observantiis, scriptis vel non scri-
ptis, per quae contra hos nostros proces-
sus ac sententias, quominus includantur
in eis, se iuvare valeant vel tueri.

Quae omnia, quoad hoc, eorum om-
nium tenores, ac si ad verbum, nihil pe-
nitus omisso, insererentur, praesentibus
pro expressis habentes, penitus tollimus
et omnino revocamus: ceterisque contra-
riis quibuscumque.

§ 26. Ut vero praesentes nostri proces-
sus ad publicam omnium notitiam facilius
deducantur, chartas, seu membranas, pro-
cessus ipsos continentes, valvis ecclesiae
S. Ioannis Lateranensis et basilicae Prin-
cipis Apostolorum de Urbe appendi fa-
ciamus, ut ii, quos processus huiusmodi
concernunt, quod ad ipsos non pervene-
rint, aut quod ipsos ignoraverint, nullam
possint excusationem praetendere, aut
ignorantiam allegare, cum non sit verisi-
mile, id remanere incognitum, quod tam
patenter omnibus publicatur.

Publicationis
in Urbe effe-
ctus.

§ 27. Insuper, ut processus ipsi et prae-
sentes litterae, ac omnia et singula in eis
contenta, eo fiant notiora, quo in plerisque
civitatibus et locis fuerint publica, uni-
versis et singulis patriarchis, primatibus,
archiepiscopis, episcopis et locorum Or-
dinaris et praelatis, ubilibet constitutis,
per haec scripta committimus, et in vir-
tute sanctae obedientiae districtè praeci-
piendo mandamus, ut per se, vel per alium,
seu alios, praesentes litteras, postquam
eas receperint, seu earum habuerint no-
titiam, semel in anno, aut, si expedire
viderint, etiam pluries in ecclesiis suis,
dum in eis maior populi multitudo ad

Praeceptum
etiam alibi pu-
blicandi hanc
Constitutionem.

divina convenerit, solemniter publicent, et ad christifidelium mentes reducant, nuntient et declarent.

Audientes confessiones habeant apud se has litteras.

§ 28. Ceterum patriarchae, archiepiscopi, episcopi, alique locorum Ordinarii, et ecclesiarum praelati, necnon rectores, ceterique curam animarum exercentes, ac presbyteri seculares et quorumvis ordinum regulares, ad audiendas peccatorum confessiones quavis auctoritate deputati, transumptum praesentium litterarum penes se habeant, easque diligenter legere et percipere studeant.

Transumptum fides.

§ 29. Volentes, earumdem praesentium transumptis, etiam impressis, notarii publici manu, subscriptis et sigillo iudicis ordinarii Romane Curiae vel alterius personae in dignitate ecclesiastica constitutae munitis, eandem prorsus fidem in iudicio et extra illud ubique locorum adhibendam fore, quae ipsis praesentibus adhiberetur, si essent exhibitae vel ostensae.

Decretum poenale.

§ 30. Nulli ergo omnino hominum liceat hanc paginam nostrae excommunicationis, anathematizationis, interdicti, innovationis, innodationis, declarationis, protestationis, sublationis, revocationis, commissionis, mandati et voluntatis infringere vel ei ausu temerario contraire. Si quis autem hoc attentare praesumpserit, indignationem omnipotentis Dei, ac beatorum Petri et Pauli apostolorum eius, se noverit incursurum.

Datum Romae, apud S. Petrum, anno Incarnationis Dominicae MDCXXVII, kalendis aprilis, pontificatus nostri anno IV.

Dat. die 1 aprilis 1627, pontif. anno IV.

CCXLI.

Confirmatio decreti Congregationis Concilii, quo declaratur regulares exercentes curam animarum in dioecesi Manilensi subesse iurisdictioni archie-

Bull. Rom. — Vol. XIII.

piscopi in his quae ad dictam curam pertinent¹.

Urbanus Papa VIII,
ad perpetuam rei memoriam.

§ 1. Exponi nobis nuper fecit venerabilis frater modernus archiepiscopus Manilensis in Indiis Philippinis, quod alias a venerabilibus fratribus S. R. E. cardinalibus sacri Concilii Tridentini interpretibus emanavit decretum tenoris subsequentis, videlicet:

Referitur Congregationis Concilii decretum.

Posito motu proprio Pii V concessa ad favorem regularium in partibus Indiarum existentium, quod incipit: *Exponi nobis*, etc., sub datum Romae XXIV martii MDLXVII¹, archiepiscopus Manilensis in Indiis Philippinis supplicat sacrae Congregationi, quod dignetur declarare: an illius vigore regulares huiusmodi sint exempti a iurisdictione, visitatione et correctione Ordinarii, in cuius dioecesi sunt, in iis, quae ad curam animarum et sacramentorum administrationem pertinent, nec ne?

Die VI februarii MDCXXVII sacra Congregatio illustrissimorum cardinalium Concilii Tridentini interpretum, citatis regularibus, censuit regulares exercentes curam animarum subesse iurisdictioni, visitationi et correctioni archiepiscopi, in his tamen quae ad dictam curam pertinent, non obstante Breve sacrae memoriae Pii V.

COSMUS card. DE TORRES.

FRANCISCUS PAULUTICUS, secretarius.

(Loco + sigilli).

§ 2. Cum autem, sicut eadem expositio subiungebat, dictus archiepiscopus plurimum cupiat, decretum huiusmodi, pro firmiori illius subsistentia ac inviolabili observatione, apostolicae nostrae confirmationis robore communiri:

Archiepiscopus Manilae illud potest confirmari.

¹ Ex Regest. in Secret. Brev.

² Sub hoc datum nihil est in *Bullario*; vide tamen tom. VII, pag. 573 (R. T.).

Confirmat Urbanus.

§ 3. Nos, ejus votis huiusmodi annuere, illumque specialibus favoribus et gratiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatus existit, ad effectum praesentium dumtaxat consequendum, harum serie absolventes, et absolutum fore censentes, supplicationibus eius nomine nobis super hoc humiliter porrectis inclinati, decretum praeinsertum huiusmodi, apostolicâ auctoritate, tenore praesentium, perpetuo approbamus et confirmamus, illique inviolabilis apostolicae firmitatis robur adiicimus, ac omnes et singulos tam iuris quam facti defectus, si qui desuper quomodolibet intervenerint, supplemus.

Clausulae.

§ 4. Decernentes, decretum huiusmodi, necnon praesentes litteras, valida, firma et efficacia esse et fore, suosque plenarios et integros effectus sortiri et obtinere, ac ab omnibus, ad quos spectat et pro tempore quomodolibet spectabit, firmiter et inviolabiliter observari; sicque et non aliter per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari, decernimus et declaramus.

Demandatur archiepiscopo exequutio.

§ 5. Quocirca eidem moderno et pro tempore existenti archiepiscopo Manilensi huiusmodi per praesentes committimus et mandamus, quatenus ipse per se, vel alium, seu alios praesentes litteras et in eis contenta huiusmodi, ubi et quando opus fuerit, solemner publicans, illas ab omnibus, ad quos spectat et in futurum quomodolibet spectabit, inviolabiliter observari faciat; contradictores quoslibet, ac in praemissis non parentes, per censuras et poenas ecclesiasticas, aliaque op-

portuna iuris et facti remedia, appellatione postpositâ, compescendo, invocato etiam ad hoc, si opus fuerit, auxilio brachii secularis.

§ 6. Non obstantibus praedictis Pii praedecessoris, aliisque constitutionibus et ordinationibus apostolicis, ac quibusvis (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, personis regularibus praedictis, illarumque Ordinibus, sub quibuscumque tenoribus et formis, ac cum quibusvis, etiam derogatoriis derogatoriis, aliisque efficacioribus et insolitis clausulis, necnon irritantibus et aliis decretis, in contrarium praemissorum quomodolibet concessis, confirmatis et innovatis. Quibus omnibus et singulis, etiamsi de illis specialis, specifica, expressa et individua, ac de verbo ad verbum, non autem per clausulas generales idem importantes, mentio habenda esset, illorum omnium et singulorum tenores praesentibus pro plene et sufficienter expressis et ad verbum insertis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Derogatio obstantium.

Datum Romae, apud S. Petrum, sub annulo Piscatoris, die VII aprilis MDCXXVII, pontificatus nostri anno IV.

Dat. die 7 aprilis 1627, pontif. anno IV.

CCXLII.

Declaratio, quod beata Maria Magdalena de Pazzis Florentina, dum vixit, Ordinis B. Mariae de Monte Carmelo monialis extitit.

Urbanus Papa VIII,
ad futuram rei memoriam.

In supremo apostolatus solio, meritis licet insufficientibus, divinâ dispensatione constituti, ad ea, per quae servorum et

Exordium.

ancillarum Christi honor et veneratio in terris promoveatur, iuxta creditum nobis desuper apostolicae servitutis officium libenter intendimus, votisque christifidelium honorem et venerationem huiusmodi respicientibus libenter annuimus, prout conspiciamus in Domino salubriter expedire.

Alias iste Pontifex beatificavit Mariam Magdalenam de Pazzis, et missam ac officium de ea celebrari posse induxit in omnibus ecclesiis civilitatis Florentinae, et Romae in ecclesia ipsius nationis.

§ 1. Alias siquidem, pro parte dilecti filii nobilis adolescentis Ferdinandi Hetruriae sibi subiectae magni ducis, ac dilectarum in Christo filiarum nobilium mulierum Mariae Magdalenae archiducissae Austriae et Christiernae a Lotharingia Hetruriae sibi subiectae magnarum ducissarum viduarum, necnon piorissae et monialium monasterii S. Mariae Angelorum nuncupatae in burgo S. Fridiani civitatis Florentinae, nobis exposito, quod bonae memoriae ancilla Dei Maria Magdalena de Pazzis Florentina monialis, multis et eximiiis virtutum et gratiarum, ac miraculorum donis a Domino illustrata fuerat; nobisque propterea pro parte eorundem Ferdinandi magni ducis et Mariae Magdalenae archiducissae, necnon Christiernae magnarum ducissarum viduarum, ac priorissae et monialium humiliter supplicato, ut, donec canonizationis honor dictae ancillae Dei Mariae Magdalenae ob eius excellentia merita, divinam aspirante gratiam, ab apostolica Sede decernatur, eadem ancilla Dei Maria Magdalena Beata nuncupari, atque officium et missa de ea, ut infra, recitari et celebrari posset: nos, re prius per venerabiles fratres nostros sanctae Romanae Ecclesiae cardinales sacris ritibus praepositos, quibus eam examinandam mandaveramus, mature discussa, de eorundem cardinalium consilio, huiusmodi supplicationibus inclinati, ut ipsa ancilla Dei Maria Magdalena Beata nuncupari, officiumque et missa de ea tamquam de communi Virginis non Martyris, iuxta rubricas missalis et breviarii romani, in omnibus et singulis civitatis Flo-

rentinae ecclesiis, et hic Romae, pro tunc praesente anno dumtaxat, in ecclesia sancti Ioannis Baptistae nationis Florentinorum, in qua beatificationis huiusmodi solemnitas celebranda erat, in eiusdem ancillae Dei Mariae Magdalenae obitus seu alia subsequenti non impedita die a quibusvis clericis et presbyteris tam secularibus quam regularibus recitari et celebrari respective possent et valerent, apostolica auctoritate concessimus et indulgimus, et alias, prout in aliis nostris desuper in simili forma Brevis expeditis litteris, quarum tenores praesentibus pro expressis haberi volumus, plenius continetur¹.

§ 2. Nunc autem, supplicationibus dilectorum filiorum generalis, aliorumque superiorum et fratrum Ordinis B. Mariae de Monte Carmelo nobis humiliter porrectis inclinati, de eorundem fratrum consilio, dictam B. Mariam Magdalenam de Pazzis dicti Ordinis B. Mariae de Monte Carmelo monialem, dum ipsa vixit, fuisse, tenore praesentium declaramus.

Nunc declarat dictam Beatam dum vixit Ordinis Beatae Mariae de Monte Carmelo monialem fuisse.

§ 3. Quodque in omnibus monasteriis, locis et ecclesiis dicti Ordinis, in ipsius B. Mariae Magdalenae obitus seu alia subsequenti non impedita die, singulis annis, ab omnibus utriusque sexus eiusdem Ordinis religiosi officium et missa, et a confluentibus ad ecclesias dicti Ordinis, in alma Urbe nostra et in civitate Florentina existentes, missa dumtaxat de eadem B. Maria Magdalena tamquam de communi Virginis non Martyris, iuxta ipsius Ordinis breviarium a Sede Apostolica approbatum, et rubricas breviarii ac missalis romani, in futurum recitari et celebrari libere pariter et licite respective possint et valeant, auctoritate et tenore praedictis concedimus et indulgemus.

Et indulgimus recitandi officium ad omnes dicti Ordinis extendit.

§ 4. Non obstantibus omnibus et singulis, quae in dictis litteris voluimus non ob stare, ceterisque contrariis quibuscumque.

Derogat contrariis.

¹ Vide supra pag. 456 (n. r.).

Transumptis
fidei addit.

§ 5. Volumus autem, quod praesentium transumptis, etiam impressis, manu alicuius notarii publici subscriptis, et sigillo alicuius personae in dignitate ecclesiastica constitutae munitis, eadem prorsus fides adhibeatur, quae praesentibus adhiberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die xxiii aprilis mdcxxvii, pontificatus nostri anno iv.

Dat. die 23 aprilis 1627, pontif. anno iv.

CCXLIII.

Extinctio assertae cuiusdam Congregationis sancti Pauli primi eremitae in regno Galliae.

Urbanus Papa VIII,
ad perpetuam rei memoriam.

Exordium.

Romanus Pontifex, quem Salvator et Dominus noster omnium Ecclesiae suae ordinum patrem et pastorem constituit, ut iuxta propheticum verbum noxia evellat et destruat, utiliaque et salubria plantet et aedificet, in his sollicitudinis et providentiae suae partes interponit, per quae sacrarum religionum tamquam fructuosarum plantarum in irriguo militantis Ecclesiae agro a sanctis viris constitutarum puritas et candor vigeat et conservetur, et si quas unquam adulterinas plantationes pullulare cognoscit, eas vigilantiae suae studio radicitus extirpat, prout conspexit in Domino salubriter expedire.

Congregatio
haec erecta fuerat
nullo Sedis
Apostolicae beneplacito.

§ 1. Cum itaque, sicut nobis innotuit, in regno Galliae ab aliquot annis nullâ Sedis Apostolicae auctoritate, quin potius damnablem temeritate, introducta fuerit quaedam congregatio sub titulo S. Pauli primi Eremitae, in eâque per plures tamquam in religione approbatâ tria vota substantialia emisissent, caputiumque detulerint, et nunc quoque deferant, ad instar fratrum Discalceatorum nuncupatorum Ordinis S. Augu-

stini; cumque nonnulli ex eadem congregatione, cognita nullitate foundationis, ac fraude, quam idemmet fundator paucis ante obitum diebus, conscientiae stimulis adactus, ut nobis etiam innotuit, confessus est se temere commentum fuisse, a Sede praedictâ postulaverint declarari, se non esse congregationi huiusmodi alligatos, et posse libere ad seculum redire:

§ 2. Nos, dignum existimantes, ut adulterinas huiusmodi plantationes, quas non Pater caelestis, sed humanae temeritatis audacia plantat, apostolici culminis censura divellat, nec patiatur in agro Dominico illegitimae congregationis vepres excrescere, cui proprium est virtutes serere, ac vitia radicitus extirpare; idcirco, de venerabilium fratrum nostrorum S. R. E. cardinalium negotiis regularium praepositorum consilio, sectam, statum et congregationem huiusmodi nullius firmitatis umquam, fuisse aut esse apostolicâ auctoritate, tenore praesentium, decernimus et declaramus, et quatenus de facto processit, eisdem auctoritate et tenore penitus et omnino revocamus, cassamus et annullamus, perpetuaeque prohibitioni subiicimus, et ab Ecclesiâ Dei penitus abolemus, necnon omnibus, qui habitum, ut supra susceperunt, professionemque emisissent, sub excommunicationis latae sententiae poenâ interdiciamus et expresse prohibemus, ne sectam seu congregationem huiusmodi ab ipsis assumptam sectentur ulterius, vel ipsam de novo assumere quoquo modo audeant vel praesumant.

§ 3. Et nihilominus iis, qui bonâ fide vota, ut supra, emisissent, ut in seculo in habitu clericali, sub obedientiâ tamen episcopi loci, ubi eos morari contigerit, voto castitatis adstricti remanere libere et licite valeant, auctoritate et tenore praedictis concedimus et indulgemus.

§ 4. Ceterum eos paterne in Domino hortamur, ut aliquam ingrediantur de religio-

Eam supprimit Pontifex.

In ea professio concedit, ut in seculo in habitu clericali vivant.

Hortatur tamen ut aliquam ex religionibus ap-

probatas ingre-
diantur.

Transumptis
credi iubet.

nibus a Sede Apostolica approbatis, ibique reddant Domino vota sua. In contrarium facientibus non obstantibus quibuscumque.

§ 5. Volumus autem quod praesentium transumptis, etiam impressis, manu notarii publici subscriptis, et sigillo personae in ecclesiastica dignitate constitutae munitis, eadem prorsus fides habeatur, quae ipsis praesentibus haberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die xx maii MDCXXVI, pontificatus nostri anno IV.

Dat. die 20 maii 1627, pontif. anno IV.

CCXLIV.

Nova erectio collegii Illyrici in civitate Lauretanâ pro adolescentibus ex Illyricis provinciis sumptibus domus Lauretanae educandis, cum privilegiorum et indultorum enlargemente.

Urbanus Episcopus,
servus servorum Dei,
ad perpetuam rei memoriam.

Prooemium.

Zelo domus Dei nos commovente, ut parvulis petentibus panem verbi Dei promunere nostro frangamus, quippe qui universarum gentium populorumque Christi fidem profitentium salutem procurare et promovere studemus, dum omnes christiani orbis partes oculis mentis nostrae perlustramus Illyricae linguae gentis, maiorem Europae et maximam Asiae portionem incolentis, atque per Europam praestantissimis regnis et provinciis olim florentissimae, ac inter plantas apostolicas in gremio catholicae Ecclesiae primogenitae, nunc vero maximâ ex parte sub impiâ turcarum tyrannide gementis, schismaticorumque orientalium, haeresumque septentrionalium venenis per partes infectae, pro debito nostri pastoralis officii, necessitatibus spiritualibus succurrere cogimur et admonemur.

§ 1. Cum itaque, sicut nobis innotuit, aliâs felicitis recordationis Gregorius Papa XIII praedecessor noster, miseratione tantae gentis, collegium Illyricorum iuventutis in civitate Lauretanâ illius sacrosanctae domus proventus alendae, bonisque artibus et disciplinis instruendae, praefixo tunc temporis numero ad triginta adolescentes, apostolicâ auctoritate crexisset et instituisset optimo aeque consilio, fructuque; cum brevi, temporis intervallo, iuventus inibi bonis moribus ac litteris instituta, patriaeque iuvandae adhibita, magno divinae gloriae augmento, animarumque salute, provincias Illyricas, praesertim vero litoralem Dalmatiam, discussis, quibus offundebatur, ignorantiae tenebris, ad verae pietatis media excitaverit;

§ 2. Cumque adeo pium opus aliquot post annis, quibusdam de causis, admodum imminutum fuerit, redacto ad duodecim tantum alumnorum¹ adolescentium, Romam Laureto translatorum, numero, Lauretano collegio penitus extincto:

§ 3. Nos, qui hanc eiusmodi translationem et numeri alumnorum imminutionem in maximum damnum fidei in illis provinciis contigisse certâ scientiâ cognovimus, ad opus hoc, dictum collegium in pristinum, et, quantum fieri poterit, meliorem statum restituendum et renovandum, animum et mentem nostram convertentes, maturo desuper cum venerabilibus fratribus nostris S. R. E. cardinalibus congregationi de propagandâ fide praefectis habito consilio, motu proprio, non ad alicuius nobis desuper oblatae petitionis instantiam, sed ex certâ scientiâ, merâque liberalitate nostris, ac de apostolicae potestatis plenitudine, ad Dei omnipotentis laudem, sanctaeque ipsius Ecclesiae incrementum, ac praecipuam² Illyricae gentis salutem et commodum, in civitate

Gregorius XIII
fondavit colle-
gium Illyricum
Laureti pro xxx
juvenibus in di-
ctae nationis.

Illud vero ad
xii fuerat reda-
ctum.

Urbanus de
novo Laureti
fundat et erigit
pro xxxvi iu-
venibus ex Illyrica
natione.

¹ Edit. Main. habet *alumnos* (R. T.).

² Forsan legendum *praecipue* (R. T.).

Lauretana praefata dictum collegium Illyricorum appellandum, in quo in posterum prior adolescentium numerus, triginta sex videlicet, sacrosanciae domus Lauretanae, ut olim, proventibus et redditibus et provisionibus sustentari, ali, educari, ac in bonis, ecclesiasticisque moribus, necnon in grammaticae, philosophiae et theologiae, ac sacrorum canonum, aliarumque facultatum necessitates Illyricas concernentium disciplinis ac studiis instrui [ita tamen, ut, donec dicta sacra domus, cuius proventus, ob multas expensas in translatione alumnorum et extructione domus collegialis factas, tam magno alumnorum numero sustentando non facile sufficere videtur, expensarum mole levare coeperit, collegio praefato viginti saltem alumni ex Illyricis provinciis evocandi ali, educari et instrui debeant];

Distributio et
assignatio loco-
rum ecclesiis
Illyricis.

§ 4. Et horum viginti alumnorum loca, duodecim videlicet litoralibus Dalmatiae urbibus ab exordio dicti collegii destinata, perpetuo adolescentium eiusdem provinciae immutabilia censeantur et esse debeant (distributione et assignatione dictorum duodecim locorum, sequenti ratione inviolabiliter observanda: nimirum, ut Spalatensis, Ragusinensis, Iadrensis et Antibarensis ecclesiae metropolitanae singulae unum semper alumnum seu unius alumni locum habeant, et in illorum distributione, Spalatensis videlicet oppidi Almisiensis nunc suae dioecesis, Antibarensis vero Buduanae civitatis suae provinciae, Iadrensis autem, ecclesiae praefatae, oppidi Pagensis etiam suae dioecesis rationem habere debeant; ut scilicet tertia quaeque successio alumnorum pertinentium ad dictas tres metropoliticas ecclesias sit oppidorum et civitatis huiusmodi: similiter Sibenicensi, Vegliensi, Pharensi, sive Lesinensi, Ausserensi, Catharensique ecclesiis singulis locus unius alumni competat; in quibus distribuendis, Parensi, seu Lesinensi, Bra-

chiaie insulae suae dioecesis, Ausserensis vero Chersi oppidi item suae dioecesis, Catharensis, ecclesiae praefatae, Perasti oppidi pariter suae dioecesis eandem rationem, quae supra tribus metropolicis ecclesiis praefatis praescripta est, habeant et habere teneantur: denique ecclesiae Curzolensis cum Stagnensi unum alternatim, Traguriensis et Nonensis itidem, sicuti et Arbenensis et Seniensis unum alternatim habere debeant: hoc tamen expresse servando,

§ 5. Ut quaecumque, vel negligentia praelatorum, capitulorumque Dalmaticorum, ad quos approbationem dictorum alumnorum coniunctim, electionem vero et admissionem eorum, qui, ut praefertur, approbati fuerunt, ad cardinalem eiusdem collegii protectorem pro tempore existentem perpetuo spectare et pertinere volumus, vel quavis alia de causa, loca alicuius vel aliquorum alumnorum, eisdem, ut praefertur, ecclesiis assignatorum, ultra sex menses vacare contigerit, nullatenus illa ex aliis praefatis Dalmatiae ecclesiis litoralibus, sed ex aliis Illyricae nationis sub Turca existentibus, ea tantum vice, qua vacare contigerint, per quod tamen nullum praeiudicium in posterum aliis ecclesiis praefatis generetur, suppleatur; et hoc toties quoties similis vacatio intercesserit;

Si praelati
neglexerint mit-
tere alumnos,
quid servan-
dum.

§ 6. Quinimo si qui alumni, plures videlicet ex una dictarum ecclesiarum praeter hanc nostram declarationem in dicto collegio admissi de cetero reperientur, sine ulla mora protinus excludantur, locaque suis ecclesiis assignata, vel aliis eorum loco nominatis, sine ulla interpretatione, indulgentiave restituantur; reliqua vero octo loca pro nunc, donec alumni ad antiquum numerum integrentur, sic divisa intelligantur, nimirum Bosnensis, Maccarensis, Scardonensis, necnon Samandri et Uscopiensis ecclesiae singulae videlicet unicum alumnum habeant, sicuti et re-

Quid agendum
cum praesenti-
bus alumni.

gio intra Dravum, Savumque fluvios constituta, Bosnensis administratoris curae commissa, unicum, in Albanensi vero sive Epirotica provinciâ, donec iuxta eiusdem praedecessoris mentem peculiare collegium eidem constituatur, ecclesiae citra Drinam fluvium constitutae, unicum, ultra vero Drinum, alium vicissim habere debeant; adaucto vero numero in futurum, illius beneficio praenominatae ecclesiae sub turcis constitutae, additis Tiniensi, Dumnensi, seu Dalmatensi, Stridonensi, Tribuniensi, in Dalmatia turcica, Bosnaeque, Nissiensique, ac Prisriensi, sive Iustiniana prima in Servia, potiantur et gaudeant, habitâ nihilominus ratione ecclesiarum praefatarum maiori auxilio indigentium] apostolicâ auctoritate praefatâ, eorundem¹ tenore praesentium, rursus ex integro perpetuo erigimus et instituimus.

Modus admit-
tendi alumnos
ad collegium.

§ 7. Ut autem admissio et receptio dictorum alumnorum debito ordine procedat, ut nemo intra eorum numerum in praefato collegio acceptetur, qui litteras testimoniales Ordinarii sui et capituli loci, ubi fieri poterit, non habeat, quibus constet illum in et de legitimo matrimonio natum, et saltem primâ tonsurâ initiatum, nec esse neophitum, multo minus aliquo tempore haeresi vel mahumetismo adhaesisse, sitque sanus et absque ullâ infirmitate habituatâ, vel incurabili, ac sine ullo vitio vel deformitate notabili corporis, linguâ minime impeditâ, parentibus Illyricis, Illyricaeque linguae, et, si fieri poterit, litteraturae quoque Illyricae peritus, qui vagus non fuerit, nihilque negotii ac litium habeat, et praeferat voluntatem ac speciem proficiendi in disciplinâ pietatis et litterarum ad effectum, ut evadat utilis operarius in culturâ Illyricanae ecclesiae, idemque non sit inferior quatuordecim annis, nec vigesimum annum excedat,

¹ Videretur legendum *earundem* (R. T.).

habeatque aliquam grammaticae cognitionem (quae omnia, sicut in duodecim Dalmaticis alumnis, ab episcopis et capitulis, ut praefertur, deligendis, omni rigore, ita in subditis turcarum mitius observentur);

§ 8. Et, postquam aliquis praefato ordine inter alumnos receptus fuerit, collegialem vestem non induat, nisi, per semestre spatium probatus iudicio superiorum eiusdem collegii, solemne iuramentum in manibus eiusdem collegii rectoris pro tempore existentis emisit, iuxta formam a Congregatione de Propaganda Fide praescriptam; et praeterea iuraverit, quod, peractis studiis, vel ob aliquam legitimam causam non prorsus absolutis, dummodo tamen per annum et dimidium in collegio moram traxerit, nec ad aulas principum, domosque magnatum diuturnioris morae causâ unquam se conferet, minusque ad universitates, aut alias publicas scholas, sub quovis praetextu, nisi forte iudicio vel voluntate superiorum in scriptis exprimendâ;

Iuramentum
alumnorum.

§ 9. Contrafactores vero periuri et infames, inhabilesque perpetuo ad quaecumque beneficia, officia, dignitatesque, tam ecclesiasticas, quam seculares, existant, atque etiam, ut ad rependendas et exsolvendâs omnes illas expensas, quas sacra domus pro huiusmodi alumnis, tam in convictu, quam vestibus, libris, medicinis, viaticisque insumpserit, cogi et compelli possint, eisdem auctoritate et tenore etiam perpetuo statuimus et ordinamus.

Penam con-
trafacientium.

§ 10. Quo vero dicti alumni expeditiones et alacriores ad succurrendum patriae necessitatibus efficiantur, eisdem alumnis, ut eo temporis spatio, quo in collegio praefato sese continuerint, et superiorum iudicio in studiis praefatis et litterarum profecerint, ad omnes etiam sacros et presbyteratus ordines, etiam sine litteris dimissorialibus (nisi habeant episcopos

Privilegia
alumnorum.

propriis, a quibus illae obtineri poterint, cum ad collegium dirigentur) et sine beneficii ecclesiastici, aut patrimonii titulo¹, ac etiam extra legitimarum ordinationum tempora, dummodo tamen aliàs ad id reperiantur idonei, promoveri possint et valeant, iidemque sic ad ordines promoti in originalibus ecclesiis cum beneficia, personatus, dignitatesque earum vacare contigerit, tam in Romanâ Curia, quam apud Ordinarios proprios et capitula, aliis omnibus, ceteris paribus, anteferri debeant, et secus factae provisiones irritae et inanes ipso iure existant, auctoritate et tenore praemissis, de speciali gratiâ indulgemus.

Unio sex adolescentium Bulgarorum cum dictis alumnis et eorum sustentatio.

§ 11. Adolescentes quoque Bulgarici regni, qui sex numero per eleemosynarium nostrum secretum hic in Urbe in studiis sustentantur auxilio afflictissimae illorum patriae, ut inter connationales Illyricos in pietate et litteris magis proficere possint, praefatis alumnis in Lauretano collegio adiungimus, quibus idem eleemosynarius noster, ut² imposterum, uti hactenus consuevit, omnia necessaria pro sufficienti illorum sustentatione et educatione subministrare debeat, absolutisque ab eisdem Bulgaricis alumnis studiis semper alios vicissim substitui, sumique ex eodem regno per eandem Congregationem de Propagandâ Fide, ad episcopi Sophiensis pro tempore existentis nominationem, eodem quo hactenus numero et provisione declaramus.

Gubernium collegii datur presbyteris Societatis Iesu.

§ 12. Ceterum, cum dilectorum filiorum presbyterorum Societatis Iesu in hoc educandorum, instituendorumque adolescentium munere diligentia, fides et integritas in aliis eiusmodi collegiis et in hoc ipso, quandiu Laureti et in Seminario Romano fuit, satis cognita sit atque perspecta, collegium atque scholares huiusmodi ipso-

rum, sicuti a primâ illius origine fuit, regimini, institutioni, doctrinae, atque obedientiae, sub regulis et constitutionibus per dictam Congregationem de Propagandâ Fide approbatis, quas apostolicâ auctoritate confirmamus, easdem³ a rectore et alumnis praedictis perpetuo observari mandamus, eadem auctoritate subiicimus, atque submittimus.

§ 13. Et insuper eidem collegio et scholaribus, rectoribus et gubernatoribus ac ministris omnia et quaecumque privilegia, exemptiones, libertates, facultates et indulta, quibus studium generale almae Urbis et illius rector, doctoresque in eo legentes, aliaque collegia quarumcumque nationum et seminariorum³, tam in eadem almâ Urbe, quam extra illam, per praedecessores nostros Romanos Pontifices instituta utuntur, potiuntur et gaudent, ac uti, potiri et gaudere poterunt quomodolibet in futurum, quibusque collegium, scholares, rectores et gubernatores huiusmodi non solum ad eorum instar, sed etiam aequè principaliter uti, potiri et gaudere valeant, in omnibus et per omnia, dictâ auctoritate, communicamus.

Privilegia generalia collegio et praesertim studio generali Urbis concessa.

§ 14. Praeterea regentibus et superioribus dicti collegii, cum assistentiâ tamen cardinalis protectoris qui pro tempore constitutus fuerit, et de eius consilio et expresso consensu, illos, quos in dicto collegio et alibi per debitum tempus studuisse, ac scientiâ ac moribus idoneos esse repperint, in praefatis facultatibus ad baccalaureatus, licentiaturae, doctoratusque et magisterii gradus, servatâ formâ concilii Viennensis, iuxta universitatis almae Urbis consuetudinem, seu aliàs, promovendi, et ipsorum graduum solita insignia exhibendi, eisque, in facultatibus suprascriptis sic promotis, aut illa³ legi-

Privilegia superiorum collegii ad favorem alumnorum.


¹ Vocem titulo nos addimus (R. T.).

² Potius legerem et (R. T.).

¹ Legerem easdem vel easdemque (R. T.).

² Forsan legendum seminaria (R. T.).

³ Potius lege et illas (R. T.).

time interpretari, ac de  disputare, et quoscumque gradui seu gradibus huiusmodi convenientes actus exercere, ac omnibus et singulis privilegiis, gratiis, favoribus, praerogativis et indultis, quibus alii in praefata seu aliis universitatibus et alibi iuxta illius et aliarum universitatum huiusmodi constitutiones et mores ad gradus praefatos promoti de iure vel consuetudine utuntur, potiuntur et gaudent, ac uti, potiri et gaudere poterunt quomolibet in futurum, uti, potiri et possint et debeant, perinde ac si gradus praefatos in ipsa universitate iuxta consuetudines et mores praefatos suscepissent, concedendi et indulgendi, plenam et liberam facultatem et auctoritatem earumdem tenore praesentium concedimus et impartimur.

Deputatio
protectoris col-
legii.

§ 15. Praeterea, ut eiusdem collegii conservationi, bonoque regimini, tam in his, quae ad scholarium institutionem et disciplinam, quam quae ad victum, vestitum aliaque huiusmodi necessaria pertinent, opportunius consulatur, et promptum eis paratumque auxilium sit, dilectum filium nostrum Scipionem tituli S. Chrysogoni presbyterum cardinalem Burghesium nuncupatum sacrosanctae domus Lauretanae protectorem, eiusdem collegii Illyrici protectorem et defensorem, cuius auctoritate, consilio et ope tam suprascripta quam quaecumque alia ad eosdem in dicto collegio admittendos scholares, retinendosve, locisve privandos, atque de beneficiis ecclesiasticis providendos spectantia agantur, statuuntur et ordinantur, dicta auctoritate constituimus et deputamus;

Eiusdem fa-
cultates.

§ 16. Dantes eidem et pro tempore existentibus eiusdem collegii protectoribus plenam et liberam facultatem et auctoritatem pro salubri directione et conservatione dicti collegii, illiusque bonorum et rerum ac iurium tam temporalium quam

1 Coniunct. et nos addimus (R. T.).

spiritualium oeconomos, advocatos, procuratores, aliosque ministros et officiales in eo deputandi, amovendique et alios eorum loco suffiendi, ordinationes praeterea, statuta, aequa tamen et honesta, sacrisque canonibus et Concilii Tridentini sacraeque Congregationis de Propaganda Fide decretis circa collegia Pontificia editis non repugnantia, faciendi, eaque, cum opus visum fuerit, revocandi, irritandi, corrigendi, aliaque de novo condendi, quae postquam facta, edita, revocata, immutata et correctae fuerint, perinde haberi volumus, ac si auctoritate apostolica approbata et confirmata essent;

Decretum Ir-
ritans.

§ 17. Ac decernentes illa ab omnibus rectoribus et magistris, scholaribus, aliisque personis in huiusmodi collegio servantibus et ministrantibus, inviolabiliter observari, ac iuxta eorum dispositionem a quibusvis iudicibus, sublata quavis aliter iudicandi facultate, iudicari et definiri debere; irritum quoque et inane, si secus super his a quocumque, quavis auctoritate, scienter vel ignoranter, contigerit attentari, exceptis tamen iis quae in praesenti fundatione, vel in regulis et constitutionibus a Congregatione de Propaganda Fide approbatis, et a nobis, ut praefertur, confirmatis, continentur.

Gratiae spiri-
tuales alumni
concessae.

§ 18. Ut vero etiam temporalibus commodis spiritualia munera addamus, quibus fidelium devotio et merita crescere magis et augeri possint, de omnipotentis Dei misericordia ac beatorum Petri et Pauli apostolorum auctoritate confisi, omnibus et singulis scholaribus, qui in dictum collegium recepti fuerint, in ipso ingressu, ac deinde in exitu, siquidem confessi et contriti sacram communionem devote receperint, atque etiam, si in eodem collegio decedere eos ab humanis contigerit, in mortis articulo plenariam omnium peccatorum suorum indulgentiam et remissionem concedimus et elargimur.

Exequutores
praesentis bul-
lae.

§ 19. Quocirca dilectis filiis causarum curiae camerae apostolicae generali auditori, ac venerabilium fratrum nostrorum Lauretanae et Anconitanae episcoporum vicariis in spiritualibus generalibus, motu simili mandamus, quatenus ipsi, vel duo, aut unus eorum, per se, vel alium, seu alios, praesentes litteras, et in eis contenta quaecumque, ubi et quando opus fuerit, ac quoties pro parte rectorum et scholarium huiusmodi fuerint requisiti, solemniter publicantes, illisque efficacis defensionis praesidio assistentes, faciant auctoritate nostrâ easdem praesentes, et in eis contenta huiusmodi, ab omnibus, ad quos spectat et pro tempore spectabit, firmiter et inviolabiliter observari, ac rectores et scholares praefatos illis pacifice frui et gaudere; non permittentes eos desuper per quoscumque quomodolibet indebite molestari; contradictores quoslibet et rebelles per censuras et poenas ecclesiasticas, aliaque opportuna iuris et facti remedia, appellatione postposita, compescendo, ac censuras et poenas ipsas, servatâ formâ Concilii Tridentini, et iteratis vicibus aggravando, invocato etiam ad hoc, si opus fuerit, auxilio brachii secularis.

Derogatio
contrariorum.

§ 20. Non obstantibus constitutionibus et ordinationibus apostolicis, ac dictae civitatis Lauretanae (iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, quibusvis universitatibus, collegiis, eorumque rectoribus et personis, etiam sub quibuscumque verborum tenoribus, ac cum quibusvis etiam derogatoriis, aliisque efficacioribus et insolitis clausulis, irritantibusque et aliis decretis, in genere vel in specie, etiam motu, scientiâ et potestatis plenitudine similibus, ac aliâs quomodolibet, etiam iteratis vicibus, concessis, approbatis et innovatis (quibus omnibus, etiamsi de illis, eorumque

totis tenoribus, pro eorum sufficienti derogatione, specifica, expressâ et individua, ac de verbo ad verbum, non autem per clausulas generales idem importantes, mentio seu quaevis alia expressio habenda aut aliqua alia exquisita forma ad hoc servanda foret¹, tenores huiusmodi, ac de verbo ad verbum, nihil penitus omisso, et formâ in illis traditâ observatâ, inserti forent, eisdem praesentibus pro plene et sufficienter expressis habentes, illis aliâs in suo robore permansuris, hac vice dumtaxat specialiter et expresse, motu pari, derogamus), contrariis quibuscumque; aut si quibusvis communiter aut divisim ab eâdem sit Sede indultum, quod interdicti, suspendi vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

Exemplorum
fides.

§ 21. Volumus autem, quod earumdem praesentium transumptis, etiam impressis, manu notarii publici subscriptis, et sigillo communi dicti collegii, aut alicuius curiae ecclesiasticae, seu personae in dignitate ecclesiasticâ constitutae munitis, eadem prorsus fides in iudicio et extra ac aliâs, ubicumque opus fuerit, habeatur, quae haberetur eisdem praesentibus, si forent exhibitae vel ostensae.

Sanctio poe-
nalis.

§ 22. Nulli ergo omnino hominum liceat hanc paginam nostrae erectionis, institutionis, statuti, ordinationis, indulti, adiunctionis, declarationis, confirmationis, subiectionis, submissionis, impartitionis, constitutionis, deputationis, decreti, concessionum, elargitionis, mandatorum, derogationis et voluntatis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursurum.

Datum Romae, apud S. Mariam Maiorem,
1 Edit. Main. legit *servanda, et tenores* (R.T.).

anno Incarnationis Dominicae MDCXXVII,
Kalendis iunii, pontificatus nostri anno IV.

Dat. die 1 iunii 1627, pontif. anno IV.

CCXLV.

*Confirmatio et innovatio constitutionum
Sixti V, Clementis VIII et Pauli V
super prohibitione alienandi fortalitia
et castra, aliaque bona iurisdictiona-
lia in Statu Ecclesiastico existentia,
absque Sedis Apostolicae licentiâ. Ea-
rumque declaratio et extensio respec-
tive quoad castra diruta, tenutas et
praedia etiam non iurisdictionalia in
confinibus loci iurisdictionalis, etsi
bona in dicto Statu in confinio prin-
cipum exterorum sint, illorumque lo-
cationes et censuum annuorum super
praemissis omnibus impositiones, et
impositorum venditiones¹.*

Urbanus Episcopus,
servus servorum Dei,
ad perpetuam rei memoriam.

Prooemium. Decens et aequum esse censemus, ut
nos, qui ex onere pastoralis officii, sub-
ditorum commodis assidue invigilamus,
Sedis Apostolicae iura tueri nullo pacto
negligamus, ac proinde iurisdictiones tem-
porales eidem Sedi subiectas quovis prae-
textu vel colore a quoquam usurpari, aut
illis gravamina seu incommoda inferri non
permittamus: et, si super constitutionibus
apostolicis per Romanos Pontifices prae-
decessores nostros editis dubia aliqua oriri
contingat, nostrae declarationis remedio,
abstractisque illarum interpretationibus et
quorumcumque contrahentium palliationi-

¹ Prohibitionem Sixti V de huiusmodi alienatio-
nibus habes in Const. VII, *Sollicitudo*, tom. VIII,
pag. 580. Innovationem vero et declarationem
ipsius habes in Clem. VIII, Const. CCL, *Romanum*
(in h. n. ed. CCLXI, tom. X, pag. 711). Et earum-
dem confirmationem, ac pariter innovationem
habes in Pauli V Const. CCLXXXI, *Pastorale*,
(in h. n. ed. CCCL, tom. XII, pag. 413).

bus occurramus, prout in Domino conspi-
cimur salubriter expedire.

§ 1. Cum itaque alias felices recordatio-
nis Sixtus V, considerans convenire, quod
si civitates, castra, oppida, iurisdictiones,
fortalitia praesertim feudalia vendantur vel
permutentur, seu etiam donentur ditioni
temporali sanctae Romanae Ecclesiae sub-
ditis, sive extraneis vel forensibus, id ad
principis notitiam deducatur, per suas sub-
datum videlicet kalendis iulii, pontificatus
sui anno I, omnibus et singulis cuiuscum-
que status, gradus, conditionis, qualitatis et
dignitatis existentibus, etiam imperiali,
regali, ducali vel aliâ quavis auctoritate
et dignitate etiam ecclesiasticâ, quae spe-
cialem et individuum mentionem requi-
reret, praediti essent, ne civitates, castra,
oppida, iurisdictiones, fortalitia, et seu
bona aut loca iurisdictionalia huiusmodi
in alium vel alios quoscumque, nisi de
expressâ praecedente suâ et pro tempore
existentis Romani Pontificis licentiâ, ven-
dere, permutare vel donare valerent, sub
poenâ nullitatis contractuum huiusmodi,
prohibuerit, aliaque etiam circa praemissa
statuerit;

§ 2. Et successive Clemens VIII, volens
hominum malitiis et fraudibus occurrere,
et dubia, quae tunc super praemissorum
interpretatione emergebant, declarare, per
suas sub datum pridie nonas iulii, ponti-
ficatus sui anno X, prohibitionem et sta-
tuta praedicta confirmaverit, approbaverit,
innovaverit, declaraverit, extenderit et am-
pliaverit, poenasque amissionis honorum
et aliorum praedictorum contrahentibus,
ac privationis officiorum tabellionibus et
notariis, qui de contractibus, ut praefer-
tur, prohibitis se rogarent, imposuerit,
aliaque etiam iusserit et decreverit;

§ 3. Et insuper Paulus etiam V, Romani
Pontifices praedecessores nostri, ne dispo-
sita per Sixtum et Clementem praedeces-

Sixtus V pro-
hibuit ne civi-
tates, oppida,
castra, etc., ven-
derentur, aut
permutarentur
sine Sedis Apo-
stolicae licentiâ.

Clemens VIII
prohibitionem
confirmavit et
amplavit.

Et Paulus V
ea omnia con-
firmavit pariter
et declaravit,
et extendit.

¹ Potius legendum *etiam si* (n. r.).

ad quodcumque
genus contra-
ctuum et con-
ventionum.

sores praefatos variis et alienis ab eorum mente interpretationibus subverti, ac pal- liatis conventionibus eludi possent, etiam per suas sub datâ XII kalendas decem- bris, pontificatus sui anno XIII, confectas litteras, nedum praemissa confirmaverit et innovaverit, sed etiam declaraverit, et, quatenus opus esset, ad quodcumque ge- nus contractuum et conventionum exten- derit et ampliaverit, ac licentiam prae- dictam in scriptis prius obtineri¹, et in actu celebrationis contractus apud nota- rium exhiberi mandaverit, et contrafa- cientes nullitatis contractuum et privationis rei alienatae, seu translatæ vel gravatae, tabelliones seu notarios poenas falsi, ac privationis officiorum omnium, quae ob- tenerent, et inhabilitatis ad illa et alia imposterum exercenda, incurrere voluerit, aliaque similiter disposuerit, prout in sin- gulis litteris praedictis plenius continetur;

Nunc vero
quia aliqui mo-
di inventi sunt
alienandi abs-
que praedictâ
licentiâ et con-
trahendi cum
retentione iuris-
dictionis;

§ 4. Ab inde vero citra hominum ver- sutia et artificium adversus praedictarum litterarum tenorem, vel ipsorum prae- decessorum verisimilem intentionem et men- tem, cautelas et modos aliquos absque praedictâ Romani Pontificis licentiâ alie- nandi et contrahendi adinvenit et exco- gitaverit in alienando et respective acqui- rendo castra diruta seu tenutas iuris- dictionales, etiam cum retentione seu reservatione iurisdictionis, ac etiam ba- rones, seu domicelli, casalia, tenutas, sive praedia etiam non iurisdictionalia, in con- finibus territorii alterius civitatis, castri, oppidi vel loci iurisdictionalis alterius ba- ronis, seu domicelli existentia, illa etiam, nullâ Romani Pontificis obtentâ licentiâ, alteri baroni seu domicello convicino ven- diderint, seu alienaverint, et respective emerint seu acquisiverint, et ex praedictis alienationibus et acquisitionibus respective dubitari possit, ne tempore saltem proce- dente iurisdicção aliqua usurpetur, ac ter-

¹ Perperam edit. Main. legit *obtinuerit* (R.T.).

mini seu fines iurisdictionales confundan- tur aut protrahantur, vel illam usurpandi seu illos confundendi et protrahendi occa- sio inde aliqua praebeatur, etiam in prae- iudicium Sedis et Camerae Apostolicae, ac praesertim in eventum cuiuscumque aperitionis feudi et devolutionis, seu cu- iuscumque alterius acquisitionis civitatum, castrorum, oppidorum, seu locorum iu- risdictionalium, aut casalium, seu tenuta- rum, sive praediorum eorundem: .

§ 5. Nos, attendentes, praedictas litteras ad hoc, ut omnia principi innotescant, emanasse, et verisimilem eorundem pon- tificum praedecessorum nostrorum inten- tionem extitisse, ne ullo modo camerae praefatae praeiudicium aliquod inferri pos- sit, easdemque rationes etiam in huius- modi contractibus, alienationibus, ac acqui- sitionibus militare, ex praedictis et seu aliis rationabilibus causis animum nostrum moventibus et remedium opportunum ex- quirentibus adducti, singularum litterarum praefatarum, ac alienationum, acquisitio- num et contractuum quorumcumque, nec- non omnium in singulis litteris praedictis expressorum et aliorum hic etiam de ne- cessitate exprimendorum tenores praesen- tibus pro expressis habentes, motu pro- prio, et ex certâ nostrâ scientiâ et maturâ deliberatione, deque apostolicae potestatis plenitudine, hac nostrâ perpetuo valiturâ constitutione, singulas Sixti et Clementis ac Pauli praedecessorum nostrorum prae- dictorum litteras praedictas approbamus et confirmamus, ac etiam, quatenus opus sit, innovamus.

Urbanus, Six-
ti, Clementis et
Pauli constitu-
tiones approbat,
confirmat et in-
novat.

§ 6. Praeterea quascumque venditiones seu alienationes, ac locationes ultra trien- nium, cuiuscumque civitatis, oppidi seu castri diruti, seu tenutae iurisdictionalis vel cuiuscumque casalis, tenutae, seu prae- dii etiam non iurisdictionalis in confinibus alterius civitatis, castri, oppidi, seu loci iurisdictionalis, eiusve territorii siti, et

Irritat vendi-
tiones, locatio-
nes, etc. ultra
triennium lo-
corum iurisdic-
tionalium, vel
non iurisdic-
tionalium.

etiam ab uno tantum latere confinantis, hactenus, a die datae ultimodictarum litterarum, per quemcumque baronem seu domicellum culcumque alteri baroni seu domicello, civitatem, oppidum, castrum, seu locum quemcumque iurisdictionalem, eiusve territorium in confinio quomodolibet positum possidenti, cuiuscumque qualitatis, conditionis, status, gradus et dignitatis, etiam ecclesiasticae, etiam speciali, ut praefertur, et individua notâ dignae, ipsi alienantes et locantes, ac etiam acquirentes, et conducentes fuerint et sint, sive simpliciter, sive cum assertionē non existentis iurisdictionis, sive cum iurisdictionis penes venditorē seu alienantem retentione seu reservatione, aut aliās quomodolibet factas, etiam hucusque effectum plenum sortitas, ultimo dictarum litterarum dispositioni, quoad nullitatem praefatarum alienationum, acquisitionum et contractuum dumtaxat, subiaccuisse et subiaccere, et huiusmodi alienationes, acquisitiones et contractus inter barones seu domicellos, ut praefertur, facta, et inde sequuta quaecumque, nulla, nulliusque roboris, aut momenti fuisse et esse declaramus.

Mandat notariis sub poenis ut hic, ut quascumque scripturas desuper confectas infra tri dies a publicatione praesentium revelare camerae apostolicae debeant.

§ 7. Ac tabelliones et notarios de illis rogatos, sub eadem privationis officiorum, aliisque nostro et pro tempore existentis Romani Pontificis arbitrio incurrendis poenis, instrumenta et scripturas desuper iam facta nobis et camerae praefatae inter sexaginta dies, a die infrascriptae publicationis praesentium computandos, revelare et cum effectū exhibere teneri volumus et mandamus.

Extendit dictam Constitutionem ad omnes venditiones, locationes, etc. etiam ad triennium, vel minus tempus faciendas.

§ 8. Denique singulas litteras praedictas, et in eis contenta quaecumque, tam ad venditiones, permutationes et quascumque alienationes et locationes etiam ad triennium, vel quantumvis minus tempus, a quocumque etiam non barone de casalibus, tenutis seu praediis non iurisdictionalibus,

quae in confinibus, etiam ab uno tantum latere alicuius civitatis, castri, oppidi vel loci iurisdictionalis, vel eius territorii consistant, de cetero directe vel indirecte, mediate vel immediate, ac aliās quomodolibet alicui baroni, ut praefertur, iurisdictionem seu bona in confinio possidenti,

§ 9. Ac etiam ad quascumque locationes bonorum quorumcumque in Statu nostro Ecclesiastico, in confinio tamen domini cuiusvis principis exteri etiam nobis mediate vel immediate subiecti existentium, cuius etiam non baroni, qui tamen noster subditus non sit, vel esse quodcumque desierit (ut¹ eo ipso illae nullae sint et resolvantur), faciendas;

Nonnulli ad locationes bonorum in Statu Ecclesiastico existentium in confinio domini principis exteri Sedi Apostolicae quomodolibet subiecti cuius extero pariter faciendas.

§ 10. Quam etiam ad quascumque impositiones, venditiones, cessiones, alienationes censuum annuorum, iuxta constitutionem per piaē memoriae Pium Papam V etiam praedecessorem nostrum de creandis censibus editam super praedictis civitatibus, castris, oppidis, locisve iurisdictionalibus, aliisque bonis non iurisdictionalibus, in confinio alicuius civitatis, castri, oppidi seu loci iurisdictionalis, ut praefertur, eiusve territorii, etiam ab uno tantum latere confinantis, existentibus, per quoscumque barones seu domicellos, et alios quoscumque, etiam communitates, universitates et quorumque monasteriorum, ecclesiarum, beneficiorum ecclesiasticorum et aliorum piorum locorum superiores et conventus, capitula, rectores, beneficiatos et gubernatores seu administratores respective in futurum imponendorum, ac, tam quoad illos, quam etiam quoad antea iam impositos, vendendorum, cedendorum seu alienandorum ad favorem cuiuscumque (ita quod nullum ius praelationis in emendis praefatis civitatibus, castris, oppidis, aut locis iurisdictionalibus, sive non iurisdictionalibus, prae-

Ac etiam ampliat ad impositiones, venditiones, cessiones et alienationes censuum annuorum iuxta formam Constitutionem Pii V.

¹ Signum parenth. et partic. ut nos addimus (R. T.).

fatis censuariis, aliisve ab ipsis causam pro tempore quomodolibet habentibus, unquam tribuant in praeiudicium dictae camerae, quae eisdem censuariis et aliis praefatis semper erit praeferenda, sive emat ad effectum retinendi, sive intra annum a die emptionis computandum cuilibet alteri rem emendam vendendi vel cedendi) extendimus et ampliamus.

Clausula sublatâ.

§ 11. Sicque et non aliter in omnibus et singulis praemissis per quoscumque iudices ordinarios et delegatos et commissarios et etiam camerae praefatae clericos praesidentes, necnon causarum palatii apostolici auditores, ac sanctae Romanae Ecclesiae cardinales, etiam camerarium, et de latere legatos, iudicari et definiri ac interpretari debere, sublata eis et eorum cuilibet quavis aliter iudicandi et interpretandi facultate et auctoritate, ac irritum et inane, si secus super his a quocumque, quavis auctoritate, scienter vel ignoranter, contigerit attentari.

Mandator observantiae dictae Constitutionis.

§ 12. Iniungentes et mandantes in virtute sanctae obedientiae, ac sub poenâ indignationis nostrae, eisdem legatis, vicelegatis, gubernatoribus, etiam Urbis, ac iudicibus, nunc et pro tempore in eadem Urbe et toto Statu nostro Ecclesiastico existentibus, et cuilibet eorum, ut praesentes nostras, et in eis contenta quaecumque, in Urbe ac Statu praefatis ab omnibus et singulis, ad quos quomodolibet spectat et in futurum spectabit, perpetuo observari mandent et faciant, et pro omnium et singulorum praemissorum inviolabili observatione contra inobedientes, et praemissis in aliquo contravenientes, et alios, quos opus erit, omnibus iuris et facti remediis opportunis procedant, omni et quacumque appellatione remota.

Clausulae derogatoriae.

§ 13. Non obstantibus praefatâ Pii V super creandis censibus, et nostrâ de non tollendo iure quaesito, aliisque constitutionibus et ordinationibus apostolicis, ac

omnibus illis quae Sixtus et Clemens, ac Paulus praedecessores praefati in dictis eorum litteris voluerunt non obstare, ceterisque contrariis quibuscumque.

Publicatio in Urbe omnes ligare decernit.

§ 14. Ut autem praesentes omnibus innotescant, volumus, et apostolicâ auctoritate decernimus, quod illae in valvis ecclesiae Lateranensis et basilicae Principis Apostolorum de Urbe, necnon in acie campi Florae publicentur et affigantur, quae, postquam sic affixae et publicatae fuerint, quoscumque tam in Romanâ Curia et Statu praefato, quam extra eos existentes perinde obligent et arceant, ac si unicuique eorum nominatim et personaliter intimatae fuissent.

Fides danda transumptis.

§ 15. Quodque earum exemplis, etiam impressis, manu notarii publici, et sigillo alicuius personae in dignitate ecclesiasticâ constitutae munitis, eadem prorsus fides adhibeatur, quae ipsismet praesentibus adhiberetur, si essent exhibitae vel ostensae.

Decretum postulare adiungit.

§ 16. Nulli ergo omnino hominum liceat hanc paginam approbationis, confirmationis, innovationis, declarationis, extensionis, ampliationis, iniunctionis, mandati, voluntatis, et decretorum nostrorum infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursurum.

Datum Romae, apud S. Mariam Maiorem, anno Incarnationis Dominicae MDCXXVII, kalendis iunii, pontificatus nostri anno IV.

Dat. die 1 iulii 1627, pontif. anno IV.

Anno a nativitate Domini nostri Iesu Christi MDCXXVII, indictione X, die vero XX mensis iunii, Pontificatus Sanctissimi in Christo Patris et Domini nostri domini Urbani divinâ providentiâ Papae VIII, anno eius IV, retroscriptae litterae apostolicae affixae et publicatae fuerunt in valvis basilicarum sancti Ioannis Late-

ranensis et Principis Apostolorum de Urbe, et in acie campi Florae, dimissis ibidem eisdem litteris per aliquantulum temporis spatium appensis, deinde amotis per nos Paulum Bartoccium et Camillum Fundatum Sanctissimi Domini nostri Papae cursores.

BRANDIMARTES Latinus SS.D.N. Papae cursor, pro Mag. Cours.

CCXLVI.

Nova erectio collegii in civitate Pragensi regni Boëmiae pro adolescentibus Germanicae nationis; ac reddituum attributio, indultorumque concessio et communicatio¹.

Urbanus Episcopus,
Servus Servorum Dei,
ad perpetuam rei memoriam.

Exordium.

Quoniam divinae bonitati visum est humilitatem nostram turbulentissimis christianae reipublicae temporibus ad universalis Ecclesiae regimen vocare, ex eo tempore nos, eiusdem adiuvante gratiâ, capotissimum, sicut officii nostri ratio postulat, cogitare et agere non destitimus, quae ad divinum ubique cultum propagandum, et ecclesiasticam disciplinam restaurandam et augendam, animarumque salutem procurandam cognovimus pertinere.

Regni Boë-
miae calamita-
tes recenset.

§ 1. In primis vero, animo recolentes amplissimum Boëmiae regnum, quod superioribus seculis inter ceteras Germanicae nationis laudes atque virtutes tanto sinceræ fidei et christianae religionis cultu eminere solebat, ut reliquis christianae reipublicae partibus non minori exemplo,

¹ Instituit olim hoc collegium Gregor. XIII. Unum collegium pro adolescentibus ac Illyricis provinciis in civitate Lauretana sumptibus sacrosanctae Domus alendis et ut supra imbuedis fundavit hic idem Pontifex ut in Const. CCXLIV, *Zelo Domus Dei*, hic supra pag. 541.

quam ornamento atque decori esset, nunc, tot tantisque in eo instinctu satanae excitatis de religione dissidiis, ita miserandum in modum afflictum et deformatum esse, ut nemo, vel mediocri pietate praeditus, sine lachrymis, tam gravem animarum iacturam recordari, nedum intueri queat, curam suscepimus, ut quibusvis possimus modis, nullis laboribus, nullisque sumptibus parcentes, apta sanandis illius vulneribus remedia adhibeamus;

§ 2. Ac provide considerantes felicitis recordationis Gregorium Papam XIII praecessorem nostrum, optimo quidem consilio, collegium in civitate Pragensi dicti regni metropoli, quadraginta alendorum, ac latinis litteris, logicâ, physicâ, aliisque liberalibus disciplinis, ac sacra demum theologiâ, necnon piis et christiano nomine dignis moribus instituendorum Germanicae nationis puerorum causâ, eidem collegio mille quingentorum triginta tallerorum imperialium summâ assignatâ, quam de praesenti camera nostra apostolica persolvit, aliâs apostolicâ auctoritate erexisse et instituisse, ut ii non per se solum boni doctique evaderent, sed habendis concionibus ac disputationibus, refellendis haeresibus, fideique orthodoxae veritati dilucidandae, ac praeterea exercendae animarum curae, aliisque piis et sanctis operibus apti et idonei essent, et quam maximum in Ecclesiâ Dei fructum ex se proferrent;

Gregorius XIII in civitate Pragensi erexit collegium pro xii. pueris nationis Germanicae, assignata summa millexx tallerorum imperialium a camera apostolica exsolvenda.

§ 3. Id tamen eius coeptum, atque conatum, tum propter obitum ipsius, tum ob varias, quae postea sequutae sunt, temporum et rerum difficultates, parum processisse, imo nec litteras apostolicas super huiusmodi erectione et institutione expeditas fuisse verisimiliter credendum esse, cum, factis plurimis tam in Romanâ curiâ quam in civitate Pragensi diligentiss, tales litterae reperiri non potuerint:

Quod tamen parum profecit.

Urbanus illud
erigit pro xx a-
lumnis.

§ 4. Nos, ad opus hoc propagationi fidei utilissimum, praesertim hoc tempore, quo regnum Boëmiæ summâ operariorum catholicorum inopiâ laborat, totis viribus, prout ex susceptae servitutis officio tene-mur, promovendum, animum et mentem nostram convertentes, ac coeptum et co-natum dicti Gregorii praedecessoris, quan-tum in nobis est, renovare intendentes, mature desuper cum venerabilibus fra-tribus nostris sanctae Romanae Ecclesiae cardinalibus Congregationi de propagandâ fide praefectis habito consilio, motu pro-prio, non ad alicuius nobis desuper obla-tae petitionis instantiam, sed ex certâ scientiâ merâque liberalitate nostris, ac de apostolica potestatis plenitudine, ad Dei omnipotentis laudem, sanctaeque ipsius Ecclesiae incrementum, praecipuamque Germanicae nationis salutem, et commo-dum, in dictâ civitate Pragensi rursus col-legium praefatum, Pragense appellandum, in quo posthac non minus quam viginti alumni (videlicet ex Boëmia octo, ex Si-lesia tres, ex Lusatia duo, ex utroque Pa-latinatu etiam duo, ex Brandenburgica mar-chia similiter duo, et ex ambabus Saxonii alii pariter duo, ex Hassia vero unus) col-ligendi, dictis scientiis et disciplinis, nec-non sacris canonibus institui, atque eru-diri; et, si contigerit ex Silesia, Lusatia, utroque Palatinatu, Brandenburgica, Hassia et utraque Saxonia alumnos haberi non posse, tunc, et eo casu, post factas ar-rectore dicti collegii, et demum a dilecto filio moderno et pro tempore existente nostro et Sedis Apostolicae nuntio, apud charissimum in Christo filium nostrum modernum et pro tempore etiam existen-tem Romanorum regem et imperatorem electum commorante, diligentias, alumni Boëmi in locum eorum assumi debeant, apostolicâ auctoritate praefatâ, tenore praesentium, de novo ex integro perpetuo erigimus et instituimus.

§ 5. Illique sic erecto et instituto, pro congruâ eius dote, ac alumnorum prae-fatorum, et illis inservientium personarum sustentatione, onerumque illis incumben-tium supportatione, redditus annuos mille quingentorum triginta talerorum huius-modi ex camerae apostolicae pecuniis quotannis sumendos et numerandos, di-stributâ in trimestres singulos pro ratâ so-lutione, quoad totidem reddituum summa in bonis stabilibus eidem collegio a nobis vel successoribus nostris provisum fuerit, eisdem auctoritate et tenore concedimus et attribuimus.

§ 6. Ceterum, cum dilectorum filiorum presbyterorum Societatis Iesu in hoc edu-candorum, instituendorumque adolescen-tium munere diligentia, fides, integritas et in aliis huiusmodi collegiis et in hoc ipso satis cognitâ sit atque perspecta, idem collegium, atque scholares illius, ipsorum, sicut prius fuit, regimini, insti-tutioni, doctrinae, atque prudentiae eâdem auctoritate etiam perpetuo subiicimus, atque submittimus.

§ 7. Praeterea, ut eiusdem collegii con-servationi, bonoque regimini, tam in his quae ad scholarium institutionem et di-sciplinam, quam quae ad victum, vestitum, aliaque huiusmodi necessaria pertinent, opportunius consulatur, et promptum eis, paratumque auxilium sit, dictos sanctae Romanae Ecclesiae cardinales sacrae Con-gregationi praefatae praefectos, nunc et pro tempore existentes, eiusdem collegii protectores et defensores, qui in vicepro-protectorem illius venerabilem fratrem no-strum archiepiscopum Pragensem simili-ter nunc et pro tempore existentem (ita tamen, ut in gravioribus nihil praecipere aut mandare vel facere valeat sine con-silio et consensu nuntii praefati, quibus aliquid eorum, quae in hac fundatione vel in regulis a Congregatione praefatâ approbatis continentur, immutare minime

Illique sic
erecto pro per-
sonarum et on-
erum sustenta-
tione mxxx ta-
leros imperiales
annuos attri-
buit.

Ac regimini
et institutioni
presbyterorum
Societatis Iesu
submitti.

Protectores
dicti collegii
creantur cardi-
nales Congre-
gationis de pro-
pagandâ fide
praefecti pro
tempore exis-
tentes, qui in
vice protecto-
rem archiepi-
scopum Pragen-
sem constituent.

licebit absque eiusdem Congregationis vel Romani Pontificis expressâ licentiâ) deputare possint et valeant, eâdem auctoritate constituimus et creamus.

Prosectoribus,
ac vice prote-
ctori praedictis
facultates dat.

§ 8. Illisque, ac viceprorectori praefato, pro salubri illius conservatione, alumnorum, bonorum et rerum ac iurium temporalium et spiritualium eiusdem oeconomos, advocatos, procuratores in eo deputandi et amovendi, et alios eorum loco substituendi, differentias, lites et controversias, inter quascumque personas, tam alumnorum, quam ministrantium clericorum et laicorum (non tamen presbyterorum ipsius Societatis) exortas, summarie, simpliciter et de plano sine figurâ aut strepitu iudicii, appellatione quacumque remotâ, decidendi, definiendi, terminandi et exequendi, statutaque et ordinationes disciplinam scholasticorum et studia alumnorum praefatorum concernentia, aequa tamen et honesta, sacrisque canonibus et Concilii Tridentini decretis non repugnantia, faciendi et condendi, eaque, cum opus fuerit, revocandi, immutandi et corrigendi, aliaque de novo condendi, quae postquam facta, edita, revocata, immutata, et correctâ fuerint, perinde habeantur et observentur, ac si apostolicâ auctoritate approbata et confirmata essent, prout illa ab omnibus dicti collegii alumnis ita haberi et inviolabiliter observari mandamus, plenam et liberam, auctoritate et tenore praemissis, concedimus facultatem.

Modum et formam recipiendorum in ipso collegio praescribit.

§ 9. Quod autem ad dictorum alumnorum admissionis modum et formam deinceps habendam attinet, rectorem presbyterum dicti collegii pro tempore existentem librum habere in quo notentur nomina et cognomina, ac patriae et parentes alumnorum qui recipientur in dicto collegio et ex eo dimittentur, ex dictoque libro singulis annis catalogum eorum qui recepti et qui dimissi fuerint, cum die et mense ingressus et egressus

illorum, ad nuntium praefatum transmittere, ut ipse nuntius illum dictae Congregationi transmittere possit; quod si ex aliquâ peculiari causâ dimitti contigerit, eam etiam in dicto catalogo exprimi; insigniores vero alumnorum praefatorum actiones in eodem libro adnotare, easque suo tempore eidem nuntio significare, ut pariter de illis eandem Congregationem certiores facere valeat, quas ad nos et successores nostros Romanos Pontifices pro tempore existentes per eandem Congregationem deferri volumus, ut cum occasio tulerit, praemio cohonestentur;

§ 10. Ac denique alium librum, in quo dati et accepti rationes diligentissime descriptae sint, illaeque singulis annis ad minus eidem nuntio reddantur, et in eius manibus relinquatur folium, vulgo bilancium nuncupatum, in quo provisio collegii, et alia, quae ipsius collegii vel alumnorum ratione acceperit, et ea quae illo anno pro ipsius collegii et alumnorum sustentatione impenderit, notata existant, ut similiter ab eodem nuntio ad Urbem mitti possit, etiam habere; si quod autem de totâ summâ pensionis Pontificiae, redditus rationibus, supererit, id vel in aliis alumnis evocandis, vel in necessariis libris emendis, vel in vestiendis alumnis dimittendis, vel etiam in redditibus augendis, aut in aliis collegii necessitatibus, arbitrio nuntii et archiepiscopi Pragensis praefatorum, impendi debere, eâdem auctoritate statuimus et ordinamus.

Aliquo circa administrationem bonorum temporalium servanda statuit.

§ 11. Ut vero huius collegii alumni, post longos studiorum, vel coeptorum vel consummatorum, labores, expeditiores et alacriores ad succurrendum patriae necessitatibus reddantur, eisdem alumnis, ut, cum solis litteris testimonialibus dicti collegii rectoris pro tempore existentis archiepiscopo Pragensi offerendis, ab eoque subscribendis, ac eius sigillo muniendis (nisi forte alumni praefati suos Ordinarios

Privilegia alumnis elargiuntur et praecipue sacros ordines suscipiendi.

habuerint, a quibus dimissorias a Concilio Tridentino ordinatas habere possint), ad omnes etiam sacros et presbyteratus ordines sine aliquo beneficii vel patrimonii titulo, etiam extra tempora ad id a iure statuta, et intra annum, annique curriculo non expectato, minusque servatis ad id a Concilio Tridentino praefato designatis interstitiis, dummodo ad id alias reperiantur idonei, promoveri, et, postquam promoti fuerint, in illis etiam in altaris ministerio ministrare, ac etiam tam ipsi, quam ceteri omnes in dicto collegio degentes, ut poenitentiae et eucharistiae etiam die Paschatis et extremae unctionis sacramenta a confessario aut alio sacerdote ipsius collegii a dicto rectore constituendo suscipere libere et licite valeant, auctoritate et tenore praemissis de speciali gratia indulgemus.

Episcopos in illis partibus existentes hortatur, ut in conferendis beneficiis ipsos alumnos aliis praefarent.

§ 12. Verum, ut, quantum fieri poterit, alumnorum paupertati et necessitati succurratur, archiepiscopos, episcopos et alios antedictarum provinciarum beneficiorum collatores et collatrices serio requirimus et monemus, ut in illis conferendis, et praesertim si beneficia huiusmodi pro tempore obtinentibus immineat cura animarum, alumnos praefatos aliis omnibus, ceteris paribus, praeferant; nuntios quoque Sedis Apostolicae, aliosque praelatos supradictarum provinciarum, in quorum dioecesi alumni praefati extiterint, similiter monemus et hortamur, ut in occurrentibus beneficiorum, et praesertim curam animarum habentium, vacationibus, quorum collatio, provisio vel dispositio quoquomodo ad Sedem Apostolicam pertinuerit, de illis alumni antedictis pauperioribus, praecipueque nostram pontificiam gratiam dignis, nos, successoresque nostros Romanos Pontifices pro tempore existentes certiores faciant, ut munificentiam nostram erga illos, prout tempus vel occasio tulerit, exercere possimus; et ge-

neraliter in dignitatibus, personatibus, canonicatibus et praebendis, parochialibus ecclesiis et aliis beneficiis, per collationem vel electionem in alumnorum patriis providendis, aliis omnibus, ceteris paribus, tam in Romanam Curiam, quam in ecclesiis suis originalibus, praeferrere volumus et decernimus.

§ 13. Atque insuper eisdem collegio et scholaribus, rectoribus et gubernatoribus, omnia et quaecumque privilegia exemptiones, libertates, facultates et indulta, quibus studium generale almae Urbis nostrae et illius rectores, doctoresque et in eo legentes, quovis modo utuntur, potiuntur et gaudent, ac uti, potiri et gaudere possunt et poterunt quomodolibet in futurum, quibusque collegium et scholares, ac rectores et gubernatores huiusmodi non solum ad eorum instar, sed pariformiter et aequae principaliter uti, potiri et gaudere valeant, in omnibus et per omnia eisdem auctoritate et tenore communicamus.

Collegio et eius personis communicat privilegia studii generalis Urbis.

§ 14. Ut vero temporalibus commodis spiritualia munera quoque coniungamus, quibus fidelium devotio et merita crescere magis et augere possint, de omnipotentis Dei misericordia ac beatorum Petri et Pauli apostolorum eius auctoritate confisi, omnibus et singulis scholaribus, rectoribus et ministris, qui in idem collegium recepti fuerint, in ipso ingressu, et deinde in exitu, et si quidem confessi et contriti sanctissimum Eucharistiae sacramentum sumpserint, atque etiam, si in eodem collegio decedere eos ab humanis contigerit, in mortis articulo, plenariam omnium peccatorum suorum indulgentiam et remissionem misericorditer in Domino concedimus et elargimur.

Indulgentias quoque concedit.

§ 15. Postremo quascumque regulas et constitutiones ad eiusdem collegii, illiusque personarum, rerum et bonorum spiritualium et temporalium, curam, regimen, gubernium, directionem et administratio-

Statuta a Congregatione de Propaganda Fide pro regimine collegii edita approbat et observari mandat.

nem, ac alumnorum praefatorum receptionem, admissionem, victum, amictum, instructionem, disciplinam et alia quomodolibet pertinentia, a dictâ sacrâ de Propaganda Fide Congregatione die ix novembris mcdxxvi edita, etiam perpetuo approbamus et confirmamus, illasque ab omnibus inviolabiliter observari volumus et mandamus.

Clausulas praeservativas addit.

§ 16. Decernentes, praemissa omnia et singula, ac praesentes, nullo unquam tempore ex quibusvis causis de subreptionis vel obreptionis, aut nullitatis vitio, aut intentionis nostrae vel quocumque alio defectu notari, impugnari, retractari, seu etiam revocari, suspendi, restringi, limitari, aut in ius vel controversiam vocari, seu ad terminos iuris reduci posse, nec quemquam ad easdem praesentes in camerâ apostolicâ, iuxta constitutionem piae memoriae Pii Papae IV etiam praedecessoris nostri desuper editam, aut aliâs quandocumque praesentandum, insinuandum et registrari faciendum teneri, neque propterea illas irritas esse, sed omni modo valere, ac si constitutio praefata, et alia contraria minime emanassent;

Clausula sublatâ.

§ 17. Sicque per quoscumque iudices ordinarios et delegatos, etiam camerae apostolicae praesidentes clericos, eiusdem sanctae Romanae Ecclesiae camerarium, vicecamerarium, causarum palatii apostolici auditores, ac alios eiusdem sanctae Romanae Ecclesiae cardinales, sublata eis et eorum cuilibet quavis aliter iudicandi et interpretandi facultate et auctoritate, iudicari et definiri debere, irritum quoque et inane, quicquid secus super his a quovam, quavis auctoritate, scienter vel ignoranter, contigerit attentari.

Exequutores huius Constitutionis Deputa

§ 18. Quocirca venerabili fratri archiepiscopo Pragensi ac¹ nuntio praefato, ac dilecto filio causarum curiae camerae apostolicae generali auditori motu pari

¹ Erronee edit. Main. legit a (R. T.).

mandamus, quatenus ipsi, vel duo, aut unus eorum, per se, vel alium, seu alios, praesentes nostras litteras et in eis contenta quaecumque, ubi et quando opus fuerit, ac quoties pro parte rectoris et alumnorum collegii huiusmodi fuerint requisiti, solemniter publicantes, illisque efficacis defensionis praesidio assistentes, faciant auctoritate nostrâ easdem praesentes et in eis contenta eiusmodi ab omnibus, ad quos spectat et pro tempore spectabit, firmiter et inviolabiliter observari, ac rectorem et alumnos huiusmodi illis pacifice frui et gaudere, non permittentibus eos desuper per quoscumque quomodolibet indebite molestari, contradictores quoslibet et rebelles per censuras et poenas ecclesiasticas, aliaque opportuna iuris et facti remedia, appellatione postpositâ, compescendo, ac censuras et poenas ipsas, servatâ formâ eiusdem Concilii Tridentini, etiam iteratis vicibus aggravando, invocato etiam ad hoc, si opus fuerit, auxilio brachii secularis.

Contraria abrogat.

§ 19. Non obstantibus nostrâ de gratiis ad instar non concedendis, ac praefatâ Gregorii praedecessoris huiusmodi, quatenus opus sit et quatenus reperiretur, ac quibusvis aliis constitutionibus et ordinationibus apostolicis, necnon statutis et consuetudinibus, privilegiis quoque, indulgentiis et litteris apostolicis, quibusvis universitatibus, collegiis, eorumque rectoribus et personis, etiam sub quibusvis verborum tenoribus et formis, ac cum quibusvis etiam derogatoriis derogatoriis, aliisque efficacioribus et insolitis clausulis, necnon irritantibus et aliis decretis, in genere vel in specie, etiam motu, scientiâ et potestatis plenitudine similibus, et aliâs quomodolibet iteratis vicibus concessis, approbatis et innovatis; quibus omnibus, etiamsi de illis, eorumque totis tenoribus, pro eorum sufficienti derogatione, specialibus, specifica et expressa, ac individua, et

de verbo ad verbum, non autem per clausulas generales idem importantes, mentio seu quaevis alia expressio habenda aut aliqua alia exquisita forma ad hoc servanda foret, tenores huiusmodi, ac si de verbo ad verbum, nihil penitus omisso et formā in illis traditā observatā, inserti forent, eisdem praesentibus pro plene et sufficienter expressis habentes, illis aliās in suo robore permansuris, hac vice dumtaxat specialiter et expresse harum serie derogamus, contrariis quibuscumque; aut si quibus communiter aut divisim ab eādem sit Sede indultum, quod interdici, suspendi, vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

Transumptis
credi mandat.

§ 20. Volumus autem, quod earumdem praesentium transumptis, etiam impressis, manu alicuius notarii publici subscriptis, et sigillo communi dicti collegii, aut alicuius curiae ecclesiasticae, seu personae in dignitate ecclesiastica constitutae munitis, eadem prorsus fides in iudicio et extra, ac aliās ubicumque opus fuerit, habeatur, quae haberetur eisdem praesentibus, si forent exhibitae vel ostensae.

Sanctionem
poenalem su-
peraddit.

§ 21. Nulli ergo omnino hominum liceat hanc paginam nostrae erectionis, institutionis, attributionis, subiectionis, submissionis, constitutionis, creationis, statuti, ordinationis, indulti, communicationis, concessionum, elargitionis, approbationis, confirmationis, decretorum, mandatorum, derogationis et voluntatum infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursurum.

Datum Romae, apud S. Mariam Maiorem, anno Incarnationis Dominicae MDCXXVII, kalendis iunii, pontificatus nostri anno IV.

Dat. die 1^{ae} iunii 1627, pontif. anno IV.

CCXLVII.

Nova institutio collegii in civitate Viennae Austriae pro scholaribus Germanicae nationis, cum proventuum assignatione et communicatione privilegiorum¹.

Urbanus Episcopus,
servus servorum Dei,
ad perpetuam rei memoriam.

Prooemium.

Quoniam divinae bonitati visum est humilitatem nostram turbulentissimis Christianae reipublicae temporibus ad universalis Ecclesiae regimen vocare, ex eo tempore nos, eiusdem adiuvante gratiā, ea cogitare et agere non destituimus, quae, sicut officii nostri ratio postulat, ad divinum ubique cultum propagandum et ecclesiasticam disciplinam restaurandam et augendam, animarumque salutem procurandam maxime cognovimus pertinere.

Causae istius
erectionis.

§ 1. In primis vero, animo recolentes amplissimam Germaniae provinciam, quae superioribus seculis, inter fortissimae ipsius nationis laudes atque virtutes, tanto sinceræ fidei et christianae religionis cultu eminere solebat, ut reliquis christianae reipublicae partibus non minori exemplo, quam ornamento, atque decori esset, nunc tot tantisque in eā instinctu satanae excitationis de religione dissidiis, ita miserandum in modum afflictam et deformatam esse, ut nemo vel mediocri pietate praeditus sine lachrymis tam gravem animarum iacturam recordari, nedum intueri queat; eam praecipue curam suscepimus, ut quibusvis possimus modis, nullis laboribus, nullisve sumptibus parcentes, apta sanandis illius vulneribus remedia adhibeamus. Ac provide considerantes felicitis recorda-

¹ Viennense Collegium institutum fuit a Gregorio XIII. Alia collegia ab Urbano VIII instituta seu restituta, et ad propagationem catholicae fidei utilissima, lege in constitutionibus praecedentibus.

tionis Gregorium Papam XIII praedecessorem nostrum optimo quidem consilio collegium in civitate Viennensi Austriae, quadraginta alendorum, ac latinis litteris, logicâ, physicâ, aliis liberalibus disciplinis, ac sacrâ demum theologiâ, necnon piis et christiano nomine dignis moribus instruendorum Germanicae nationis puerorum causâ, eidem collegio mille trecentorum octoginta scutorum monetae summâ assignatâ, quam de praesenti camera nostra apostolica solvit, aliâs apostolicâ auctoritate erexisse et instituisse, ut ii non per se solum boni, doctique evaderent, sed habendis concionibus et disputationibus, refellendis haeresibus, fideique orthodoxae veritati dilucidandae, ac praeterea exercendae animarum curae, aliisque piis et sanctis operibus apti et idonei essent, et quammaximum in Ecclesiâ Dei fructum ex se proferrent, tamen id eius coeptum, atque conatum, tum per obitum ipsius, tum ob varias, quae postea sequutae sunt, temporum et rerum difficultates, parum processisse, immo nec litteras apostolicas super huiusmodi erectione et institutione expeditas esse verisimiliter credendum sit, cum, factis plurimis tam in Romanâ curiâ quam in dictâ civitate Viennensi diligentis, litterae apostolicae super huiusmodi erectione non potuerint reperiri expeditae:

Erectio et institutio collegii Viennensis de quo in rubrica.

§ 2. Nos, ad opus hoc propagationi fidei utilissimum, praesertim hoc tempore, quo Germania summa operariorum catholicorum inopiâ laborat, totis viribus, prout ex susceptae servitutis officio tenemur, promovendum, animum et mentem nostram convertentes, ac coeptum et conatum dicti Gregorii praedecessoris nostri renovare intendentes, maturo desuper cum venerabilibus fratribus nostris S. R. E. cardinalibus Congregationi de Propaganda Fide praefectis habito consilio, motu proprio, non ad alicuius nobis desuper obla-

tae petitionis instantiam, sed ex certâ scientiâ, merâque liberalitate nostris, ac de apostolicae potestatis plenitudine, ad Dei omnipotentis laudem, sanctaeque ipsius Ecclesiae incrementum, praecipuamque Germanicae nationis salutem et commodum, in dictâ civitate Viennensi rursus collegium ipsum Viennense appellandum, in quo posthac non minus quam viginti alumni, videlicet ex ambabus Austriis quatuordecim, septem scilicet ex superiori et septem ex inferiori Austria, duo ex Vallesia, duo ex Rhetia et duo Bernenses colligendi, et, si contigerit ex Vallesia, Rhetia et Bernia alumnos haberi non posse, tunc et eo casu, post factas a rectore dicti collegii, et demum a dilecto filio moderno et pro tempore existente nostro et Sedis Apostolicae nuntio apud charissimum in Christo filium nostrum modernum et pro tempore etiam existentem Romanorum regem in imperatorem electum commorante, diligentias, alumni Austriaci in locum eorum assumi debeant, apostolicâ auctoritate, tenore praesentium, de novo ex integro perpetuo erigimus et instituimus.

§ 3. Illique sic erecto et instituto, pro congruâ eius dote, ac alumnorum praefactorum et illis inservientium personarum sustentatione, onerumque illis incumbendum supportatione, redditus annuos mille trecentorum octoginta scutorum monetae huiusmodi ex camerae apostolicae pecuniis quotannis sumendos et numerandos, distributâ in trimestres singulos pro ratâ solutione, quoad de totidem reddituum summâ in bonis stabilibus eidem collegio a nobis vel successoribus nostris Romanis Pontificibus fuerit provisum, eisdem auctoritate et tenore concedimus et attribuimus.

§ 4. Ceterum, cum dilectorum filiorum presbyterorum Societatis Iesu in hoc educandorum, instituendorumque alumnorum munere diligentia, fides, integritas et in

Dote assignatio dicto collegio MDXXX scutorum monetae annuorum.

Eiusdem collegii regimen et institutio demandator presbyteris Societatis Iesu.

aliis huiusmodi collegiis et in hoc ipso satis cognita sit, atque perspecta, idem collegium, atque scholares illius presbyterorum, sicut adhuc fuit, regimini, institutioni, doctrinae, atque prudentiae eadem auctoritate etiam perpetuo subiicimus atque submittimus.

Protectorum
et viceprotecto-
ria collegii de-
putatio.

§ 5. Praeterea, ut eiusdem collegii conservationi, bonoque, tam in his quae ad scholarium institutionem et disciplinam, quam quae ad victum, vestitum, aliaque huiusmodi necessaria pertinent, opportunius consulatur, et promptum eis paratumque auxilium sit, sanctae Romanae Ecclesiae cardinales sacrae Congregationi de Propaganda Fide praefectos praefatos, nunc et pro tempore existentes, eiusdem collegii protectores et defensores, qui in viceprotectorem illius venerabilem fratrem nostrum episcopum Viennensem nunc et pro tempore existentem (ita tamen, ut in gravioribus nihil praecipere, aut mandare, vel facere valeat sine consilio et consensu nuntii praefati, quibus aliquid eorum, quae vel in hac fundatione vel in regulis a Congregatione praefata approbatis continentur, immutare minime licebit absque eiusdem Congregationis vel Romani Pontificis pro tempore existentis expressa licentia) deputare possint et valeant, eadem auctoritate constituimus atque creamus.

Eorumdem
auctoritas et fa-
cultates.

§ 6. Illisque, ac viceprotectori praefato, pro salubri illius conservatione, alumnorum, bonorum et rerum, ac iurium temporalium et spiritualium eiusdem, plenam et liberam facultatem et auctoritatem¹ oeconomos, advocatos et procuratores in eo deputandi et amovendi, ac alios in eorum locum substituendi, differentias, lites et controversias, inter quascumque personas, tam alumnorum (quam ministrantium clericorum et laicorum, non tamen presbyterorum ipsius Societatis (exortas, summa-

¹ Verba plenam et liberam facultatem et auctoritatem heic redundant (R. T.).

rie, simpliciter et de plano, sine figura aut strepitu iudicii, appellatione quacumque remota, decidendi, definiendi, terminandi et exequendi, statutaque et ordinationes, disciplinam domesticam et studia alumnorum praefatorum concernentia, aequa tamen et honesta, sacrisque canonibus et Concilii Tridentini decretis non repugnantia, faciendi et condendi, eaque, cum opus fuerit, revocandi, immutandi et corrigendi, aliaque de novo condendi, quae, postquam facta, edita, revocata, immutata et correcta fuerint, perinde habeantur et observentur, ac si auctoritate apostolica approbata et confirmata essent, prout illa ab omnibus dicti collegii alumnis ita haberi et inviolabiliter observari mandamus, plenam et liberam, auctoritate et tenore praemissis, concedimus facultatem.

Modus et forma
admissionis
alumnorum.

§ 7. Quod autem ad dictorum alumnorum admissionis modum et formam deinceps habendam attinet, rectorem praefatum dicti collegii, pro tempore existentem, librum habere, in quo notentur nomina et cognomina, ac patriae et parentes alumnorum, qui recipientur in dicto collegio et ex eo dimittentur, ex dictoque libro singulis annis catalogum eorum, qui recepti et qui dimissi fuerint, cum die, menseque ingressus et egressus illorum nuntio praefato mittere, ut ipse nuntius illum praefatae de Propaganda Fide Congregationi transmittere possit; quod si ex aliqua peculiari causa dimitti contigerit, eam etiam in dicto catalogo exprimi; insigniores vero alumnorum praefatorum actiones in eodem libro annotare, easque suo tempore eidem nuntio significare, ut pariter de illis eandem Congregationem certiore facere valeat, quas ad nos et successores nostros Romanos Pontifices pro tempore existentes per eandem Congregationem deferri volumus, ut, cum occasio tulerit, praemio cohonestentur;

Ac admini-
strationis hono-
rum tempora-
rium.

§ 8. Ac denique alium librum, in quo dati et accepti rationes diligentissime et clarissime descriptae sint, illaeque singulis annis ad minus eidem nuntio reddantur, et in eius manibus relinquatur folium, vulgo bilancium nuncupatum, in quo provisio collegii, et alia quae ipsius collegii vel alumnorum ratione acceperit, et ea quae illo anno pro ipsius collegii et alumnorum sustentatione impenderit, notata existant, ut similiter ab eodem nuntio ad Urbem mitti possit, etiam habere; si quid autem de totâ pensionis Pontificiae summâ, redditus rationibus, supererit, id vel in aliis alumnis evocandis, vel in necessariis libris emendis, vel in vestiendis alumnis dimittendis, vel etiam in redditibus augendis, aut in aliis collegii necessitatibus arbitrio nuntii et episcopi Viennensis praefatorum impendi debere, eâdem auctoritate statuimus et ordinamus.

Alumnorum
privilegia in su-
ceptione sacro-
rum Ordinum.

§ 9. Ut vero huius collegii alumni, post longos studiorum aut coeptorum vel consummatorum labores, expeditiores et alacriores ad succurrendum patriae necessitatibus reddantur, eisdem alumnis, ut, cum solitis litteris testimonialibus dicti collegii rectoris pro tempore existentis episcopo Viennensi offerendis, easque ab eo subscribendis, ac sigillo muniendis (nisi forte alumni praefati suos Ordinarios habuerint, a quibus dimissorias a Concilio Tridentino ordinatas habere possint) ad omnes etiam sacros et presbyteratus ordines sine aliquo beneficii vel patrimonii titulo, etiam extra tempora ad id a iure statuta et intra annum, annique circulo non expectato, minusque servatis ad id a Concilio Tridentino designatis interstitiis (dummodo ad id aliâs reperiantur idonei) promoveri, et, postquam promoti fuerint, in illis etiam in altaris ministerio ministrare, ac etiam tam ipsi, quam ceteri omnes in dicto collegio degentes, ut poenitentiae et eucharistiae etiam die Paschatis et extremae

unctionis sacramenta a confessario, aut alio sacerdote ipsius collegii a dicto rectore constituendo, suscipere libere et licite valeant, auctoritate et tenore praemissis de speciali gratiâ indulgemus.

§ 10. Verum, ut quantum fieri poterit, dictorum alumnorum paupertati et necessitati succurratur, archiepiscopos, episcopos et alios antedictarum provinciarum beneficiorum ecclesiasticorum collatores et collatrices serio requirimus, atque monemus, ut in illis conferendis, et praesertim si beneficia huiusmodi pro tempore obtinentibus immineat cura animarum, alumnos praefatos aliis omnibus, ceteris paribus, praeferant, nuntios quoque Sedis Apostolicae, aliosque praelatos supradictarum provinciarum, in quorum dioecesi alumni praefati extiterint, similiter monemus et hortamur, ut in occurrentibus beneficiorum huiusmodi et praesertim curam animarum habentium vacationibus, quorum collatio, provisio vel dispositio quoquomodo ad Sedem Apostolicam pertinuerit, de illis alumnis antedictis pauperioribus, praecipueque nostrâ pontificiâ gratiâ dignis, nos, successoresque nostros Romanos Pontifices pro tempore similiter existentes certiores faciant, ut munificentiam nostram erga illos, prout tempus vel occasio tulerit, exercere possimus; et generaliter in dignitatibus, personatibus, canonicatibus et praebendis, parochialibus ecclesiis et aliis beneficiis ecclesiasticis, per collationem vel electionem in alumnorum patriis providendis, aliis omnibus, ceteris paribus, tam in Romana curiâ, quam in ecclesiis suis originalibus praeferri volumus et decernimus.

Et in provi-
sione beneficio-
rum ecclesiasti-
corum.

§ 11. Atque insuper eisdem collegio et scholaribus, rectoribus et gubernatoribus, omnia et quaecumque privilegia, exemptiones, libertates, facultates et indulta, quibus studium generale almae Urbis nostrae, et illius rectores, doctoresque, et in

Communicatio
omnium privile-
giorum et in-
dultorum studio
generali Urbis
concessorum.

eo legentes quovis modo utuntur, potuntur et gaudent, ac uti, potiri et gaudere possunt et poterunt quomodolibet in futurum, quibusque collegium et scholares, ac rectores et gubernatores huiusmodi, non solum ad eorum instar, sed pariformiter et aequè principaliter uti, potiri et gaudere possint et valeant, in omnibus et per omnia eisdem auctoritate et tenore communicamus.

Indulgentias plenariae elargitio.

§ 12. Ut vero temporalibus commodis spiritualia munera quoque coniungamus, quibus fidelium devotio et merita crescere magis et augeri possint, de eiusdem omnipotentis Dei misericordiâ ac beatorum Petri et Pauli apostolorum eius auctoritate confisi, omnibus et singulis scholaribus, rectoribus et ministris, qui in idem collegium recepti fuerint, in ipso ingressu, et deinde in exitu, si¹ quidem confessi et contriti sanctissimum Eucharistiae sacramentum sumpserint, atque etiam, si in eodem collegio decedere eos ab humanis contigerit, in mortis articulo, plenariam omnium et singulorum peccatorum suorum indulgentiam et remissionem misericorditer in Domino concedimus et elargimur.

Approbatum a Congregatione de Propaganda Fide pro ipsius collegii gubernio aliorum eorumdemque observantia.

§ 13. Postremo quascumque regulas et constitutiones ad eiusdem collegii, illiusque personarum, rerum et bonorum spiritualium et temporalium curam, regimen, gubernium et directionem et administrationem, ac alumnorum praefatorum receptionem, admissionem, victum, amictum, instructionem, disciplinam et alia quomodolibet pertinentia, a dicta sacrâ de Propaganda Fide Congregatione die nonâ novembris millesimi sexcentissimi viginti sexti edita, etiam perpetuo approbamus et confirmamus, illasque ab omnibus inviolabiliter observari volumus et mandamus.

Clausulae praeservativae.

§ 14. Decernentes, praemissa omnia et singula, ac praesentes nostras litteras, nullo unquam tempore ex quibuscumque causis

¹ Particulam si nos addimus (R. T.).

de subreptionis vel obreptionis seu nullitatis vitio, aut intentionis nostrae vel quocumque alio defectu notari, impugnari, retractari, seu etiam revocari, suspendi, restringi, limitari, aut in ius vel controversiam vocari, seu ad terminos iuris reduci posse, nec quemquam ad easdem praesentes in camerâ apostolicâ, iuxta constitutionem piaë memoriae Pii Papae IV, etiam praedecessoris nostri, desuper editam, aut aliâs quandoque praesentandum, insinuandum et registrari faciendum teneri, neque propterea illa invalida esse, sed omnimodo valere, ac si constitutio praefata et alia contraria minime emanassent;

§ 15. Sicque per quoscumque iudices ordinarios et delegatos, etiam camerae apostolicae praesidentes et clericos, eiusdem sanctae Romanae Ecclesiae camerarium, vicecamerarium et causarum palatii apostolici auditores, ac alios dictae Romanae Ecclesiae cardinales (sublatâ eis et eorum cuilibet quavis aliter iudicandi et interpretandi facultate et auctoritate) iudicari et definiri debere, irritum quoque et inane, quicquid secus super his a quoquam, quavis auctoritate, scienter vel ignoranter, contigerit attentari.

Clausula sublatâ.

§ 16. Quocirca venerabili fratri episcopo Viennensi, et nuntio praefato, necnon dilecto filio causarum curiae camerae apostolicae generali auditori motu pari per apostolica scripta mandamus, quatenus ipsi, vel duo, aut unus eorum, per se, vel alium, seu alios, praesentes nostras litteras, et in eis contenta quaecumque, ubi et quando opus fuerit, ac quoties pro parte rectoris et alumnorum collegii huiusmodi fuerint requisiti, solemniter publicantes, illisque efficacis defensionis praesidio assistentes, faciant auctoritate nostrâ easdem praesentes et in eis contenta huiusmodi ab omnibus, ad quos spectat et in futurum pro tempore spectabit, firmiter et inviolabiliter observari, ac rectorem et alumnos huius-

Exequutorum istius Constitutionis deputatio.

modi illis pacifice frui et gaudere, non permittentes eos desuper per quoscumque quomodolibet indebite molestari; contradictores quoslibet et rebelles per censuras et poenas ecclesiasticas; aliaque opportuna iuris et facti remedia, appellatione postposita, compescendo, ac censuras et poenas ipsas, servata forma eiusdem sacri Concilii Tridentini, etiam iteratis vicibus aggravando, invocato etiam ad hoc, si opus fuerit, auxilio brachii secularis.

Contrariorum
abrogatio.

§ 17. Non obstantibus nostrâ de gratiis ad instar non concedendis, ac praefatâ Gregorii praedecessoris huiusmodi, quatenus opus sit et quatenus reperiretur, necnon quibusvis apostolicis constitutionibus et ordinationibus, ac statutis et consuetudinibus, privilegiis quoque, indultis et litteris apostolicis, quibusvis universitatibus, collegiis, eorumque rectoribus et personis, etiam sub quibusvis verborum tenoribus et formis, ac cum quibusvis etiam derogationum derogatoriis, aliisque efficacioribus et insolitis clausulis, necnon irritantibus et aliis decretis, in genere vel in specie, etiam motu et potestate plenitudine similibus, et aliis quomodolibet iteratis vicibus concessis, approbatis et innovatis; quibus omnibus, etiamsi pro eorum sufficienti derogatione de illis, eorumque totis tenoribus, specialis, specifica et expressa, ac individua, et de verbo ad verbum, non autem per clausulas generales idem importantes, mentio seu quaevis alia expressio habenda aut aliqua alia exquisita forma ad hoc servanda foret, tenores huiusmodi, ac si de verbo ad verbum, nihil penitus omisso, et formâ in eis traditâ observatâ, inserti forent, eisdem praesentibus pro plene et sufficienter expressis habentes, illis aliâs in suo robore permansuris, hac vice dumtaxat specialiter et expresse harum serie derogamus, contrariis quibuscumque; aut si quibusvis

¹ Forsan legend. aliâs ut sup. p. 555 b (R. T.).

communiter aut divisim ab apostolicâ sit Sede indultum, quod interdicti, suspendi vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

§ 7. Volumus autem, ut praesentium transumptis, manu notarii publici subscriptis, et sigillo communi dicti collegii, aut alicuius curiae ecclesiasticae, seu personae in dignitate ecclesiasticâ constitutae munitis, eadem prorsus fides in iudicio et extra habeatur, quae haberetur eisdem praesentibus, si forent exhibitae vel ostensae.

Transumptorum fides.

§ 19. Nulli ergo omnino hominum liceat hanc paginam nostrae erectionis, institutionis, attributionis, subiectionis, constitutionis, creationis, statuti, ordinationis, indulti, requisitionis, monitionum, exhortationis, communicationis, coniunctionis, concessionum, elargitionis, approbationis, confirmationis, decretorum, mandatorum, derogationis et voluntatum infringere vel ei ausu temerario contraire. Si quis autem hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursurum.

Decretum
poenale.

Datum Romae, apud S. Mariam Maiorem, anno Incarnationis Dominicae MDCXXVII, kalendis iunii, pontificatus nostri anno IV.

Dat. die 1 iunii 1627, pontif. anno IV.

CCXLVIII.

Declaratio, quod fratres Cappuccini sunt vere fratres Minores Ordinis S. Francisci, ac ex illius verâ et nunquam interruptâ lineâ descendunt, sub illius regulâ militant et militaverunt¹.

¹ Hoc idem decreverat Paulus V in Const. cxxi, Ecclesiae (in h. n. ed. cxxiv, tom. xi, pag. 552). Et eisdem ut crucem propriam in publicis processionibus ubique locorum deferre possent indulsit in Const. cclxxix, Pastoralis (in h. n. ed.

**Urbanus Papa VIII.
ad futuram rei memoriam.**

Prooemium.

Salvatoris et Domini nostri, qui charitas est et Deus pacis, vices (licet immeriti) gerentes in terris, inter gravissimas multiplicesque apostolicae servitutis curas, in eam peculiari sollicitudine iugiter incumbimus, ut christifideles, qui in sortem Domini vocati eius obsequiis diu noctuque mancipati sunt, sublati quibuslibet dubiis et controversiis, Altissimo reddant abundanter fructus suos; nec ab iis, quorum est evangelizare pacem et bona, veritatem vero temere impugnando, pacem dum scandalo pusillorum scindere non verentur, a sua sancta vocatione distrahantur.

Dubitatum fuit tempore Pauli V. utrum fratres Cappuccini essent de vera linea sancti Francisci.

§ 1. Alias siquidem a felicis recordationis Paulo Papa V., praedecessore nostro, accepto a nonnullis in dubium revocari, an fratres Ordinis eiusdem sancti Francisci Cappuccini nuncupati essent vere fratres Minores, et etiam, quoniam regulam sancti Francisci profitentur, filii sancti Francisci, cum tempore sancti Francisci instituti non fuerint, pariterque an eorum constitutiones aliquid haberent, quod regulae sancti Francisci repugnaret:

Qui omnibus benevisis declaravit esse in sua Constitutione in nota ad rubricam citata.

§ 2. Idem Paulus praedecessor sua perpetua valitura constitutione declaravit, fratres Cappuccinos esse vere fratres Minores, ac etiam, quamvis tempore sancti Francisci minime instituti fuerint, cum tamen eius regulam profiteantur, atque eorum instituta congruant tam regulae statutis quam eiusdem regulae declarationibus, quae habentur in constitutione felicis recordationis Clementis Papae V praedecessoris nostri, in generali Concilio

CCXCIX, tom. XII, pag. 411). Ac habitus eorum vel consimilis delationem, prohibuit Gregor. XV in Constit. XLV (XLVI), *Ex iniuncto*, ibid., pag. 647. Ubi aliam Gregor. XIII habes super eadem materia constitutionem insertam. Et de tota ipsorum Religione vide Constitut. XXIV Clementis VII, *Religionis*, tom. VI, pag. 113.

Viennensi edita, quae incipit: *Exivi de Paradiso*, filios sancti Francisci, eorum praeterea constitutiones nihil continere, quod non sit regulae sancti Francisci praefatae consentaneum, irritanti etiam decreto desuper apposito, et alias prout in dicti Pauli praedecessoris desuper in simili forma Brevis sub die XV octobris MDCVIII expeditis litteris¹, quarum tenores praesentibus pro plene et sufficienter expressis haberi volumus, plenius continetur.

§ 5. Cum autem, sicut dilectus filius Franciscus Genuensis, eorumdem fratrum Cappuccinorum procurator generalis, nobis nuper exponi fecit, praetextu illorum verborum, videlicet *quamquam tempore beati Francisci instituti non fuerint*, a nonnullis in dubium revocetur, an iidem fratres Cappuccini ex vera et nunquam intermissa linea sancti Francisci originem trahant:

Modo hoc idem in dubium revocatur praetextu nonnullorum verborum.

§ 4. Nos, aequum et rationi consonum fore censentes, ut qui verbo et exemplo veros se beati Francisci imitatores ostendunt, tales ab omnibus absque ulla controversia habeantur, attentiusque considerantes eorumdem fratrum Cappuccinorum originem, seu principium illorum, esse realiter et cum effectu computandum a tempore primaevae et originalis institutionis regulae seraphicae, cuius observantiam ipsi fratres Cappuccini semper sine aliqua interruptione continuarunt, eorumdem fratrum Cappuccinorum quieti, quantum nobis ex alto conceditur, consulere, eosdemque fratres Cappuccinos specialibus favoribus et gratiis prosequi volentes, eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatae existunt, harum serie absolventes et absolutas fore censentes,

Quod isto Pontifex omnino tollit declarando esse ex vera et nunquam interrupta linea et sub ipsa sancti Francisci regula militasse et militare.

¹ Vide loc. cit. in nota ad rubricam (R. T.).

supplicationibus dicti Francisci procuratoris generalis totius Ordinis eorumdem fratrum Cappuccinorum nomine nobis super hoc humiliter porrectis inclinati, reprius per venerabiles fratres nostros S. R. E. cardinales negotiis regularium praepositos mature discussâ, de eorumdem cardinalium consilio, hac nostrâ perpetuo valiturâ constitutione, fratres Cappuccinos praefatos fuisse et esse ex verâ et nunquam interruptâ lineâ, ac veros et indubitatos fratres Ordinis sancti Francisci, et illius regulae observatores, subque ipsius beati Francisci regulâ militasse, et ad praesens quoque militare;

Clausula sublatâ.

§ 5. Sicque ab omnibus et singulis censeri ac reputari et iudicari debere, irritumque et inane, si secus super his, a quoquam, quavis auctoritate, scienter vel ignoranter, contigerit attentari, apostolicâ auctoritate, tenore praesentium decernimus et declaramus.

Exequutorum deputatio.

§ 6. Quocirca omnibus et singulis venerabilibus fratribus, patriarchis, archiepiscopis, episcopis, ac dilectis filiis nostris et Apostolicae Sedis nuntiis, per praesentes committimus et mandamus, quatenus ipsi, per se, vel alium, seu alios, praesentes litteras et in eis contenta quaecumque, ubi et quando opus fuerit, et quoties pro parte fratrum Cappuccinorum praefatorum fuerint requisiti, solemniter publicantes, illisque in praemissis efficacis defensionis praesidio assistentes, faciant auctoritate nostrâ eos, praemissis omnibus et singulis, iuxta praesentium continentiam et tenorem, pacifice frui et gaudere; non permittentes, eos desuper a quoquam, quavis auctoritate, quomodolibet indebite molestari; contradictores quoslibet et rebelles per sententias, censuras et poenas ecclesiasticas, aliaque opportuna iuris et facti remedia, appellatione postpositâ, compescendo, legitimisque super his habendis servatis processibus, censuras et poenas ipsas etiam

iteratis vicibus aggravando, invocato etiam ad hoc, si opus fuerit, auxilio brachii secularis.

§ 7. Non obstantibus praemissis, ac constitutionibus et ordinationibus apostolicis, ceterisque contrariis quibuscumque.

Derogatio contrariorum.

§ 8. Volumus autem, ut praesentium transumptis, etiam impressis, manu alicuius notarii publici subscriptis, et sigillo personae in dignitate ecclesiasticâ constitutae munitis, eadem prosus fides in iudicio et extra adhibeatur, quae eisdem praesentibus adhiberetur, si forent exhibitae vel ostensae.

Fides danda transumptis.

Datum Romae, apud S. Mariam Maiorem, sub annulo Piscatoris, die xxviii iunii MDCXXVII, pontificatus nostri anno iv.

Dat. die 28 iunii 1627, pontif. anno iv.

CCXLIX.

Facultas Antonio cardinali Barberino, in casu devolutionis Status Urbini, inspicendi et retinendi scripturas ad Sedem Apostolicam pertinentes, ac declarandi infra duos menses, quam tormentorum bellicorum et aliorum quorumvis armorum, nec non salis quantitatem pro eadem Sede voluerit.

Dilecto filio nostro Antonio tituli S. Stephani presbytero cardinali, nostro secundum carnem fratri germano,

Urbanus Papa VIII.

Dilecte fili noster, salutem et apostolicam benedictionem.

Spectata diu circumspectionis tuae in gravissimis nostris et huius sanctae Sedis negotiis pertractandis fides, prudentia et integritas, aliaque eximia insignium virtutum dona, quibus illarum largitor Altissimus personam tuam multipliciter insignivit, plane exigunt, ut ea illi munia demandemus, quae nobis maxime cordi

Exordium.

1 Ex Regest. in Secret. Brev.

sunt, firmâ spe in Domino freti, te in eis obeundis desiderio nostro cumulate satis facturum.

Rocenxet facultates cardinalli Barberino, aliisque delegatis, in casu devolutionis ducatus Urbini.

§ 1. Cum itaque nos pridem venerabili fratri Paulo Emilio archiepiscopo Urbinatensi, ac dilectis filiis provinciae Marchiae Anconitanae, necnon civitatis Perusinae, eiusque comitatus et districtus, provinciaeque Umbriae gubernatoribus, ac provinciae nostrarum Romandiolae, atque exarcatus Ravennae praesidi, nonnullisque aliis diversas facultates per nostras in simili formâ Brevis desuper expeditas litteras, quibus illi¹, (casu aperitionis ac devolutionis ad nos et Romanam Ecclesiam, Sedemque et Cameram Apostolicam, feudi ducatus Urbini, necnon civitatum Senogalliensis et Pisauensis, ac Status Montisferetrani, illorumque dominiorum, civitatum, oppidorum, terrarum, fortaliorum et locorum quorumcumque, etiam speciali notâ et expressione dignorum, in et sub Statu dicti ducatus Urbini ad praesens quomodolibet comprahensorum, seu per ipsum ducem quomodolibet possessorum, quandocumque et quomodocumque eveniente seu succedente) uti valerent, ac etiam circumspectioni tuae similes vel alias facultates praemissorum occasione concesserimus, prout in dictis litteris, quarum tenores praesentibus pro expressis haberi volumus, plenius continetur²:

Nunc eidem cardinali facultatem tribuit, de qua in rubrica.

§ 2. Idcirco, ut ea, quae tuae fidei commisimus, eo melius atque salubrius exercere atque obire valeas, quo amplioribus fueris a nobis et eâdem Sede facultatibus suffultus, opportune providere volentes, motu proprio, et ex certâ scientiâ ac maturâ deliberatione nostris, deque apostolicae potestatis plenitudine, tibi, ut, casu aperitionis ac devolutionis praedictarum quandocumque et quomodocumque eveniente seu succedente, iuxta instrumentum

concordiae desuper sub die xxx aprilis MDCXXIV celebratum, per te, vel alium, seu alios a¹ te, quoties tibi videbitur, deputandos et substituendos, quascumque scripturas ad eandem Sedem spectantes et pertinentes diligenter inspicere et retinere, ac infra duos menses, a die habitae possessionis huiusmodi computandos, quam tormentorum bellicorum et quorumvis aliorum armorum, cuiusvis generis, nec non salis quantitatem pro eâdem Sede volueris, declarare, aliaque omnia et singula in praemissis, et circa ea necessaria et quomodolibet opportuna, etiamsi talia sint vel fuerint, quae magis specialem, specificam et expressam requirerent mentionem, quandocumque tibi videbitur, auctoritate nostrâ facere, dicere, gerere, mandare, iubere et exequi libere et licite possis et valeas, tenore praesentium plenam, liberam et amplam facultatem et auctoritatem concedimus et impartimur.

§ 3. Mandantes propterea omnibus et singulis subditis nostris immediatis et mediatis, necnon etiam ecclesiasticis secularibus et regularibus personis cuiuscumque dignitatis, status, gradus, ordinis et conditionis existentibus, et quacumque auctoritate, potestate, munere, sive officio fungentibus, in virtute sanctae obedientiae, ac sub indignationis nostrae, necnon rebellionis, et etiam excommunicationis latae sententiae poenis, ut tibi in praemissis omnibus et singulis, quacumque excusatione, tergiversatione et impedimento remotis, in omnibus et per omnia prompte pareant, obediant et assistant, tuaque et personarum a te forsan deputandarum monita, iussa et mandata, eâ qua decet obedientiâ et fide exequantur et adimpleant, alioquin sententiam sive poenam, quam rite tuleris seu statueris in rebelles, ratam habebimus, et faciemus auctore Domino inviolabiliter observari.

Mandatum de parendo.

¹ Erronee edit. Main. legit *illis* (R. T.).

² Vide supra pag. 181, 268, 356 (R. T.).

¹ Praep. a nos addimus (R. T.).

Obstantibus
derogat.

§ 4. Non obstantibus omnibus illis, quae in litteris praedictis volumus non obstande, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die III iulii MDCXXVII, pontificatus nostri anno IV.

Dat. die 3 iulii 1627, pontif. anno IV.

CCL.

Confirmatio nonnullorum capitulorum, quae inita sunt inter fratres Ordinis beatae Mariae de Mercede Redemptionis captivorum, occasione separationis Discalceatorum a Calceatis.

Urbanus Papa VIII,
ad perpetuam rei memoriam.

Prooemium.

In Sede Principis apostolorum, nullis licet nostris suffragantibus meritis, divina providentia constituti, religiosorum Ordinum in Ecclesia Dei militantium prosperum statum felicemque directionem sinceris desiderantes affectibus, ea, quae propterea concorditer facta fuisse dicuntur, ut firma perpetuo et illibata remaneant, apostolicae confirmationis robore libenter communimus, prout conspiciamus in Domino salubriter expedire.

Capitula observanda pro
pacifica separatione.

§ 1. Cum itaque, sicut accepimus, alias inter dilectos filios fratres Ordinis beatae Mariae de Mercede redemptionis captivorum Calceatos ex una, ac fratres eiusdem Ordinis congregationis Discalceatorum nuncupatorum ex altera partibus, infrascripta capitula occasione separationis ac totalis dismembrationis Discalceatorum huiusmodi a fratribus Calceatis praedictis de mandato dilecti filii nostri Gasparis titulo S. Crucis in Hierusalem presbyteri cardinalis Borgiae nuncupati, eiusdem Ordinis apud nos et Apostolicam Sedem protectoris, intervenientibus et assistentibus dilectis similiter filiis Ioanne de Antillon tunc uti vicario generali et provinciali ac procuratore generali in Romanam Curiam,

ac Petro de Gusman etiam tunc procuratore provinciae Castellae eiusdem Ordinis, necnon Didaco de sancto Paulo, tunc similiter eiusdem Ordinis procuratore generali, inita fuerint tenoris subsequentis, videlicet:

De eligendo
vicario generali
recollectorum.

§ 2. In primis statuitur, quod suppli-
cetur Suae Sanctitati nomine partium supradictarum, ut pro hac vice dumtaxat dignetur nominare unum vicarium generalem recollectum, qui habeat eandem auctoritatem, iurisdictionem, praeceminentiam et superioritatem super omnes recollectos, illiusque monasteria utriusque sexus, quam habet reverendissimus generalis super totam religionem Calceatorum, et qui similiter possit nominare provinciales, diffinitores, electores et procuratores generales provinciarum Castellae, Baeticae ac Siciliae pro hac vice dumtaxat, et assignare locum in quo sit celebrandum capitulum generale futurum, ac dividere et nominare provincias:

Tempus officii eiusdem designatur.

§ 3. Item, quod vicarius generalis apostolicus gubernet collectionem uti supremum caput a die notificationis Bullae, seu Motusproprii emanandi in confirmationem horum capitulorum usque ad primum capitulum generale celebrandum in die Pentecostes anni proximi venturi MDCXXII, in quo poterit reeligere, si sic bene visum fuerit convenire collectioni:

Capitula generalia quolibet sexennio celebranda.

§ 4. Item quod a die Pentecostes anni MDCXXII in posterum futuris perpetuo temporibus quolibet sexennio debeat celebrari capitulum generale collectionis in die Pentecostes, servando in omnibus ordinem, qui servatur a patribus Calceatis, interim quod non fiant constitutiones a Discalceatis:

Calceati nullam vocem habent in his capitulis.

§ 5. Item, quod vox tam activa quam passiva pro electione huiusmodi vicarii generalis solum competat religiosis recollectis, absque eo quod patres Calceati et eorum reverendissimus generalis possint

modo aliquo concurrere, nec intervenire in illa, nec in illis actibus capitularibus:

Vocales, qui
esse debeant.

§ 6. Item, quod vicarius apostolicus generalis eligat in qualibet provincia unum procuratorem generalem et quatuor diffinitores, ad quos pertineat, una cum procuratore generali Romanae Curiae, electio futuri vicarii generalis, qui debeat residere vel nominare praesidentem in omnibus capitulis:

Quid praestandum esse
necesse obitu vi-
carii generalis.

§ 7. Item, quod si contigerit vicarium generalem apostolicum ex hac vita migrare ante nominationem provincialium, in tali casu succedat in officio eiusdem vicarii generalis commissarius, qui fuerit Baeticae, et in illius defectum commendator, qui tunc temporis fuerit monasterii S. Barbarae oppidi Matriti, et eo non existente, commendator recollectus civitatis Hispalensis, et, in defectum talis commendatoris, ille, qui fuerit monasterii nuncupati de san Lucar de Barrameda: quod si talis mors eveniat facta iam nominatione provincialium, tunc temporis succedat in dicto officio vicarii generalis provincialis eiusdem provinciae, cuius erat vicarius generalis, et, eo deficiente, vicarius provincialis, et illo non existente, diffinitor antiquior eiusdem provinciae:

Cessiones fa-
vorem Disalcea-
torum.

§ 8. Item, quod reverendissimus generalis et patres provinciales Calceati renunciant omni meliori modo de iure locum habente iurisdictioni, potestati, superioritati, et praeeminentiae illis quomodolibet spectanti, vel quae in futurum quomodolibet poterit spectare vel pertinere super reollectionem, illiusque monasteria utriusque sexus: Item, quod similiter renunciant actioni interveniendi capitulis generalibus et provincialibus Disalceatorum, in quibus nullus Calceatus possit intervenire, nec modo aliquo vocem habere: Item, quod similiter patres Calceati renunciant omni superioritati, iurisdictioni, electioni et actioni quomodolibet competentibus illis

vel pro tempore competituris ad obtinendum praelationes in monasteriis religionum reollectionis utriusque sexus nunc et pro tempore existentibus, excepto monasterio monialiumre collectarum oppidi Matriti, quia hoc monasterium debet remanere sub eadem obedientia, sub qua modo militat:

§ 9. Item, quod patres recollecti non possint assistere capitulis generalibus vel provincialibus Calceatorum, nec in illis habere vocem, sive active sive passive, et quoad hunc articulum renunciant omni actioni et iuri, nunc et pro tempore quomodolibet eis competenti: Item, quod similiter renunciant et abdicant a se quamcumque praetensionem, actionem, vel ius, quae nunc habent, et pro tempore quomodolibet habere vel praetendere possunt, ad obtinendas praelationes in monasteriis Calceatorum utriusque sexus, illis vel illius provinciis hucusque annexis:

Et vice versa.

§ 10. Item, pro quanto recollectio rationabiliter veretur, ne tempus oblivioni mandet tot beneficia accepta a dicta religione Calceatorum eius matre, statuitur, quod vicarius generalis recollectus infra tres menses a die suae electionis teneatur illam praesentare reverendissimo generali Ordinis, qui, si fuerit canonica, necessarie illam confirmet: et haec sola praeeminentia reservatur reverendissimo generali super reollectionem: quod si facere recuset, intra quindecim dies ab illius praesentatione, accedat, et recursum habeat pro illius confirmatione ad nuncium Suae Sanctitatis in regnis Hispaniarum commorantem:

Vicarius generalis recollectorum a generali Ordinis confirmandus.

§ 11. Item, ob paucitatem suffragiorum, quae pro nunc in capitulo generali vocem habebunt, statuitur, quod procuratores provinciales cuiuscumque provinciae Disalceatorum in electione vicarii generalis habent vocem activam, sicut diffinitores capituli generalis:

Procuratoribus provincialibus vocalitas asserta.

Discalceati
nequeunt se ne-
godio redem-
ptionis immi-
scere.

§ 12. Item, quod ministerium redemptionis solum spectet religiosi Calceatis, et quod patres recollecti non se intromittant in recipiendis legatis a christifidelibus relictis ad dictum effectum, nec possint petere in suis monasteriis nec extra pro redimendis captivis, nec habere cippos, nec capsas, nec aliquid aliud pro elemosynâ petendâ hac de causâ, quia totum hoc debet mandari curae et sollicitudini patrum Calceatorum dumtaxat, sicut usque nunc fuit in consuetudine. Et ad tollendos scrupulos, et sedandas conscientias, statuitur, quod nomine partium fiat instantia SS. D. N. quatenus dignetur declarare, religiosos recollectionis liberos et deobligatos esse ab executione quarti voti, et similiter praedictarum partium nomine eidem Sanctissimo supplicetur, quatenus etiam dignetur communicare et concedere recollectioni omnia indulta et privilegia quae hucusque in favorem religionis Calceatorum a Sede Apostolicâ emanarunt, et imposterum emanabunt, etiam illa, quae intuitu redemptionis eidem religioni sunt concessa, taliter quod talis extensio dumtaxat fiat quantum ad fructus spirituales, nullum reservando, et non quantum ad ius administrandi dictam redemptionem et percipiendi fructus, elemosynas et alia ad eam quomodolibet spectantia, nam quantum ad hoc exclusi et privati in perpetuum manebunt:

Debent tamen
reliquas Consti-
tutiones aposto-
licas servare.

§ 13. Item, quod omnia decreta et Bullae apostolicae in favorem recollectionis concessa adimpleantur de verbo ad verbum, dummodo in toto vel in parte non contraveniant his praesentibus capitulis:

Vicarius ge-
neralis his de-
bet stare capi-
tulis.

§ 14. Item, quod vicarius generalis recollectionis a Suâ Sanctitate electus, statim quod fuerit a notario publico requisitus cum Brevi apostolico, teneatur exercere suum officium, primitus et ante omnia iurando adimplere in omnibus haec capitula et quodcumque illorum, et con-

trarium faciendo, gratia Sanctissimi sit et intelligatur nullius valoris:

§ 15. Item, quod concordia debeat tam a religiosi Calceatis, quam Discalceatis in suis primis capitulis generalibus respective ratificari, et quod si quaelibet ex partibus huic concordiae contravenerit, in toto vel in parte, vel illam non ratificaverit, videatur amittere ius quod habebat contra aliam: et similiter incurrere in poenam viginti mille ducatorum applicandorum alterae parti:

Haec concor-
dia a partibus
ratificanda.

§ 16. Item, quod ab utrâque parte unanimiter supplicetur Suae Sanctitati, ut dignetur approbare et confirmare hanc concordiam per viam Motusproprii, vel alio meliori modo sibi beneviso, ut in totum finis imponatur litibus inter dictos religiosos pendentibus: Item, quod superscripta capitula et conventiones, ad maius robur et vim illorum, a procuratoribus generalibus Calceatorum et Discalceatorum praedictae religionis suis nominibus subscribi et firmari debeant.

Supplicandum
Papae ut eam
confirmet.

§ 17. Nos, inviolabili capitulorum huiusmodi observantiae, felicitique dictae congregationis regimini atque gubernio, quantum cum Deo possumus, consulere, necnon eiusdem congregationis fratres specialibus favoribus et gratiis prosequi volentes, eorumque singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censes; motu proprio et ex certâ scientiâ nostris, praeinserta capitula huiusmodi, citra tamen dispensationem super quarto voto huiusmodi, apostolicâ auctoritate, tenore praesentium, approbamus et confirmamus, illisque inviolabilis apostolicae firmitatis robur adii-

Urbanus con-
firmat praefata
capitula.

Reservatio
quarti voti.

cimus, ac omnes et singulos tam iuris quam facti defectus, si qui desuper quomodolibet intervenerint, supplemus.

Decretum Ir-
ritans.

§ 18. Decernentes, eadem praeinserta capitula necnon praesentes litteras valida, firma et efficacia existere et fore, suosque plenarios et integros effectus sortiri et obtinere, et ab omnibus, ad quos spectat et in futurum quomodolibet spectabit, firmiter et inviolabiliter observari; sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quocumque, quavis auctoritate, scienter vel ignoranter, contigerit attentari.

Exequutores
deputat.

§ 19. Quocirca venerabilibus fratribus Ioanni Baptistae patriarchae Antiocheno moderno et pro tempore existenti nostro et Sedis Apostolicae in regnis Hispaniarum nuncio, et archiepiscopis et episcopis, in quorum dioecesi monasteria, domus et alia dictorum fratrum Discalceatorum loca regularia erecta et instituta sunt, et pro tempore erigi et institui contigerit, per praesentes committimus et mandamus, quatenus ipsi, vel duo, aut unus eorum, per se, vel alium, seu alios, praesentes litteras et in eis contenta quaecumque, ubi et quando opus fuerit, ac quoties pro parte eorumdem fratrum Discalceatorum fuerint requisiti, solemniter publicantes, eisque in praemissis efficacia defensionis praesidio assistentes, faciant auctoritate nostrâ fratres Discalceatos praedictos praemissorum commodo et effectum pacifice frui et gaudere, non permittentes illos desuper a quoquam quomodolibet molestari vel perturbari.

Contravenien-
tiam poenae.

§ 20. Contradictores quoslibet et rebelles per sententias, censuras et poenas ecclesiasticas, aliaque opportuna iuris et facti remedia, appellatione postpositâ, compescendo, invocato etiam ad hoc, si opus fuerit auxilio brachii secularis. Non ob-

stantibus felicis recordationis Bonifacii Papae VIII praedecessoris nostri de unâ, et in concilio generali editâ de duabus dietis, dummodo ultra tres dietas aliquis auctoritate praesentium ad iudicium non trahatur, aliisque constitutionibus et ordinationibus apostolicis, (etiam iuramento, confirmatione apostolicâ vel quavis firmitate roboratis) statutis et consuetudinibus, privilegiis quoque, indultis et litteris apostolicis, in contrarium praemissorum quomodolibet concessis, confirmatis et innovatis.

§ 21. Quibus omnibus et singulis, eorum omnium tenores praesentibus pro plene et sufficienter expressis et ad verbum insertis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, viii iulii MDCXXVII, pontificatus nostri anno IV.

Dat. die 8 iulii 1627, pontif. anno IV.

CCLI.

Committitur collectori spoliolum in regno Portugalliae, ut officiales camerae Ulyssiponensis absolvat a censuris in quas incurrerant ob exacta ab ecclesiasticis nonnulla vectigalia ad derivandam aquam in Urbem, in alios vero usus impensa.

Venerabili fratri Laurentio episcopo Hieracensi, moderno et pro tempore existenti iurium et spoliolum camerae apostolicae in Portugalliae et Algarbiorum regnis collectori generali,

Urbanus Papa VIII.

Venerabilis frater,
salutem et apostolicam benedictionem.

§ 1. Exponi nobis nuper fecerunt dilecti filii praesidens et officiales camerae

Officium
camerae Ulyssiponensis praesidis.

1 Ex Regest. in Secret. Brev.

civitatis Ulixbonensis, quod ipsi, provide considerantes, civitatem praedictam, quae numero admodum populo referta existit, aquarum dulcium et fontium penuriâ non mediocriter laborare, et aquam ad eandem civitatem nonnisi e locis ab eâ multum distantibus derivari posse; communitalis vero et hominum eiusdem civitatis facultates gravibus expensis attritas esse, ac gravioribus propterea subeundis minime suppetere; habitis prius desuper variis tractatibus, cum expensas huiusmodi nullâ aliâ faciliore ratione, ac minori communitalis et hominum praedictorum incommodo fieri posse iudicarent, gabellam unius regalis monetae illarum partium, valoris autem unius quateni circiter monetae romanae, super qualibet librâ carnis, necnon dimidii regalis huiusmodi super qualibet vini, quod in cauponis venditur, mensurâ *foglietta* vulgo nuncupatâ, per carnes et vinum ecentes, tam ecclesiasticos quam seculares, persolvendam imposuerunt, impositamque nonnullorum annorum spatio exegerunt, et ex eiusdem gabellae pecuniis certam aquae quantitatem, sed non eam, quae sublevandis communitalis, civitatis et hominum praedictorum necessitatibus satis esset, in eandem civitatem derivari curarunt. Unde, cum pecunias, quae ex continuatâ dictae gabellae exactione provenerant, in residuae atque necessariae aquae derivationem erogare decrevissent; aliâ vero ex parte animo revolverent clarae memoriae Philippum III Hispaniarum regem catholicum, qui de anno mdcxix iter in Portugalliae regnum pro felici ipsius statu, gubernio, atque regimine suscepit, pro defensione fidei catholicae, necnon obedientiae erga Romanam Ecclesiam in omnibus regnis atque ditionibus suis conservatione, adeo magnos sumptus fecisse, ut non solum ordinarios et extraordinarios regnorum suorum, sed etiam patri-

monii sui regalis redditus, omniaque illorum aeraria fere assumpsisset; insuper diversas nationes religionis catholicae inimicas non solum omnia dicti regni maria infesta reddidisse, multos christifideles in miserabilem servitutem abducere, et pro earum redemptione ingentem pecuniarum vim e dictâ civitate extrahi, verum etiam susceptâ a multis annis citra in Indias orientales navigatione, ingentique navium multitudine comparatâ, nonnullas arces et propugnacula in diversis Indiarum praedictarum partibus occupasse sive construxisse et animum ad alia occupanda adiacere, neque eas tot classes et arma, tam in eisdem Indiarum, quam regni praedicti partibus, cum immensis etiam patrimonii charissimi in Christo filii nostri Philippi IV, Hispaniarum regis catholici, impensis ad hunc finem instructa debellare potuisse; immo illas praevaluisse praesertim post occupatum a Persis earundem nationum auxilio suffultis propugnaculum Ormusii, ita ut, nisi de aliquâ subventionem eidem Philippo IV regi provideretur, evidentissimum periculum adesset, ne cetera eiusdem Philippi IV regis propugnacula et loca ibi existentia amitterentur; his et aliis similibus urgentibus causis fidei catholicae defensionem et propagationem concernentibus permoti, unum ducentorum et octuaginta millium Philippo III, et aliud ducentorum millium scutorum monetae dicti regni servitia sive donativa nuncupata Philippo IV regibus praedictis, tam ex pecuniis dictae gabellae, quam ex quorundam censuum *iuros* vulgo nuncupatorum super fructibus dictae gabellae per eosdem praesidentem et officiales venditione conflata obtulerunt et concesserunt, censuras et poenas ecclesiasticas per sacros canones, et conciliorum generalium necnon Bullae in die Coene Domini legi solitae dispositionem, contra gabellas a personis eccle-

cimus, ac omnes et singulos tam iuris quam facti defectus, si qui desuper quomodolibet intervenerint, supplemus.

Decretum Ir-
ritans.

§ 18. Decernentes, eadem praeinserta capitula necnon praesentes litteras valida, firma et efficacia existere et fore, suosque plenarios et integros effectus sortiri et obtinere, et ab omnibus, ad quos spectat et in futurum quomodolibet spectabit, firmiter et inviolabiliter observari; sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quocumque, quavis auctoritate, scienter vel ignoranter, contigerit attentari.

Exequutores
deputat.

§ 19. Quocirca venerabilibus fratribus Ioanni Baptistae patriarchae Antiocheno moderno et pro tempore existenti nostro et Sedis Apostolicae in regnis Hispaniarum nuncio, et archiepiscopis et episcopis, in quorum dioecesi monasteria, domus et alia dictorum fratrum Discalceatorum loca regularia erecta et instituta sunt, et pro tempore erigi et institui contigerit, per praesentes committimus et mandamus, quatenus ipsi, vel duo, aut unus eorum, per se, vel alium, seu alios, praesentes litteras et in eis contenta quaecumque, ubi et quando opus fuerit, ac quoties pro parte eorumdem fratrum Discalceatorum fuerint requisiti, solemniter publicantes, eisque in praemissis efficacia defensionis praesidio assistentes, faciant auctoritate nostrâ fratres Discalceatos praedictos praemissorum commodo et effectum pacifice frui et gaudere, non permittentes illos desuper a quoquam quomodolibet molestari vel perturbari.

Contravenien-
tiam poenae.

§ 20. Contradictores quoslibet et rebelles per sententias, censuras et poenas ecclesiasticas, aliaque opportuna iuris et facti remedia, appellatione postpositâ, compescendo, invocato etiam ad hoc, si opus fuerit auxilio brachii secularis. Non ob-

stantibus felicis recordationis Bonifacii Papae VIII praedecessoris nostri de unâ, et in concilio generali editâ de duabus dietis, dummodo ultra tres dietas aliquis auctoritate praesentium ad iudicium non trahatur, aliisque constitutionibus et ordinationibus apostolicis, (etiam iuramento, confirmatione apostolicâ vel quavis firmitate roboratis) statutis et consuetudinibus, privilegiis quoque, indultis et litteris apostolicis, in contrarium praemissorum quomodolibet concessis, confirmatis et innovatis.

§ 21. Quibus omnibus et singulis, eorum omnium tenores praesentibus pro plene et sufficienter expressis et ad verbum insertis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, viii iulii MDCXXVII, pontificatus nostri anno IV.

Dat. die 8 iulii 1627, pontif. anno IV.

CCLI.

Committitur collectori spoliolum in regno Portugalliae, ut officiales camerae Ulyssiponensis absolvat a censuris in quas incurrerant ob exacta ab ecclesiasticis nonnulla vectigalia ad derivandam aquam in Urbem, in alios vero usus impensa.

Venerabili fratri Laurentio episcopo Hieracensi, moderno et pro tempore existenti iurium et spoliolum camerae apostolicae in Portugalliae et Algarbiorum regnis collectori generali,

Urbanus Papa VIII.

Venerabilis frater,
salutem et apostolicam benedictionem.

§ 1. Exponi nobis nuper fecerunt dilecti filii praesidens et officiales camerae

Officium
camerae Ulyssiponensis praesidis.

1 Ex Regest. in Secret. Brev.

civitatis Ulixbonensis, quod ipsi, provide considerantes, civitatem praedictam, quae numero admodum populo referta existit, aquarum dulcium et fontium penuria non mediocriter laborare, et aquam ad eandem civitatem nonnisi e locis ab ea multum distantibus derivari posse; communitalis vero et hominum eiusdem civitatis facultates gravibus expensis attritas esse, ac gravioribus propterea subeundis minime suppetere; habitis prius desuper variis tractatibus, cum expensas huiusmodi nullâ aliâ faciliore ratione, ac minori communitalis et hominum praedictorum incommodo fieri posse iudicarent, gabellam unius regalis monetae illarum partium, valoris autem unius quateni circiter monetae romanae, super qualibet librâ carnis, necnon dimidii regalis huiusmodi super qualibet vini, quod in cauponis venditur, mensurâ *foglietta* vulgo nuncupatâ, per carnes et vinum euentes, tam ecclesiasticos quam seculares, persolvendam imposuerunt, impositamque nonnullorum annorum spatio exegerunt, et ex eiusdem gabellae pecuniis certam aquae quantitatem, sed non eam, quae sublevandis communitalis, civitatis et hominum praedictorum necessitatibus satis esset, in eandem civitatem derivari curarunt. Unde, cum pecunias, quae ex continuatâ dictae gabellae exactione provenerant, in residuae atque necessariae aquae derivationem erogare decrevissent; aliâ vero ex parte animo revolverent clarae memoriae Philippum III Hispaniarum regem catholicum, qui de anno mdcxix iter in Portugalliae regnum pro felici ipsius statu, gubernio, atque regimine suscepit, pro defensione fidei catholicae, necnon obedientiae erga Romanam Ecclesiam in omnibus regnis atque ditionibus suis conservatione, adeo magnos sumptus fecisse, ut non solum ordinarios et extraordinarios regnorum suorum, sed etiam patri-

monii sui regalis redditus, omniaque illorum aeraria fere assumpsisset; insuper diversas nationes religionis catholicae inimicas non solum omnia dicti regni maria infesta reddidisse, multos christifideles in miserabilem servitutem abducere, et pro earum redemptione ingentem pecuniarum vim e dictâ civitate extrahi, verum etiam susceptâ a multis annis citra in Indias orientales navigatione, ingentique navium multitudine comparatâ, nonnullas arces et propugnacula in diversis Indiarum praedictarum partibus occupasse sive construxisse et animum ad alia occupanda adiacere, neque eas tot classes et arma, tam in eisdem Indiarum, quam regni praedicti partibus, cum immensis etiam patrimonii charissimi in Christo filii nostri Philippi IV, Hispaniarum regis catholici, impensis ad hunc finem instructa debellare potuisse; immo illas praevaluisse praesertim post occupatum a Persis earundem nationum auxilio suffultis propugnaculum Ormusii, ita ut, nisi de aliquâ subventionem eidem Philippo IV regi provideretur, evidentissimum periculum adesset, ne cetera eiusdem Philippi IV regis propugnacula et loca ibi existentia amitterentur; his et aliis similibus urgentibus causis fidei catholicae defensionem et propagationem concernentibus permoti, unum ducentorum et octuaginta millium Philippo III, et aliud ducentorum millium scutorum monetae dicti regni servitia sive donativa nuncupata Philippo IV regibus praedictis, tam ex pecuniis dictae gabellae, quam ex quorundam censuum *iuros* vulgo nuncupatorum super fructibus dictae gabellae per eosdem praesidentem et officiales venditione conflata obtulerunt et concesserunt, censuras et poenas ecclesiasticas per sacros canones, et conciliorum generalium necnon Bullae in die Coene Domini legi solitae dispositionem, contra gabellas a personis eccle-

siasticis quoquo modo exigentes inflictas damnabiliter incurrendo.

Commissio, de
qua in rubrica.

§ 2. Cum autem, sicut eadem expositio subiungebat, aquae praedictae in dictam civitatem derivatio non modo laicorum sed etiam ecclesiasticorum usibus inseruiat, ac propterea praesidens ac officiales praedicti nobis humiliter supplicari fecerint, ut sibi de absolutionis beneficio in praemissis opportune providere de benignitate apostolicâ dignaremur: nos igitur, praesidentis et officialium praedictorum conscientiarum quieti, quantum cum Domino possumus, benigne consulere, illosque specialibus favoribus et gratiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodati existunt, ad effectum praesentium dumtaxat consequendum, harum serie absolventes et absolutos fore censentes, supplicationibus illorum nomine nobis super hoc humiliter porrectis inclinati, fraternitati tuae per praesentes committimus et mandamus, ut praesidentem et officiales praedictos, et quoscumque alios, si hoc a te humiliter petierint, impositâ illis et eorum cuilibet arbitrio tuo poenitentia salutari, et aliis iniunctis iniungendis, et dummodo a similibus de cetero abstineant, a quibusvis excommunicationis, suspensionis et interdicti, aliisque ecclesiasticis sententiis, censuris et poenis, per eos et eorum quemlibet praemissorum occasione usque ad diem publicationis praesentium quomodolibet incursis, auctoritate nostrâ absolvas et totaliter liberes, illisque dictas poenas ac pecunias ad quamcumque summam ascendentis, ab ecclesiasticis ex dictâ gabella per eosdem praesidentem et officiales et alios praedictos quomodolibet exactas, gratiose remittas et condones, eosque in

pristinum, et eum, in quo, antequam praemissa emanarent, quomodolibet erant, statum restituas, reponas et plenarie reintegres, sive ad eiusdem praesidentis supplicationem, sive¹ officialium et aliorum praedictorum tibi faciendam, facultatem huiusmodi, vicesque tuas in praemissis quibusvis confessariis idoneis ubilibet existentibus et ab Ordinariis locorum approbatis, modo et formâ similibus, communices et subdeleges.

§ 3. Non obstantibus apostolicis, ac in universalibus, provincialibusque conciliis editis generalibus vel specialibus constitutionibus et ordinationibus, ceterisque contrariis quibuscumque.

Obstantium
derogatio.

Datum Romae, apud S. Mariam Maiorem, sub annulo Piscatoris, die XIV iulii MDCXXVII, pontificatus nostri anno IV.

Dat. die 14 iulii 1627, pontif. an. IV.

CCLII.

Commissio eidem collectori permittendi impositionem vectigalis etiam ecclesiasticis super aquâ dulci Ulyssiponem inducenda².

Venerabili fratri Laurentio episcopo Hieracensi moderno et pro tempore existenti iurium et spoliolum camerae apostolicae debitorum in Portugalliae et Algarbiorum regnis collectori generali,

Urbanus Papa VIII.

Venerabilis frater,
salutem et apostolicam benedictionem.

§ 1. Hodie pro parte dilectorum filiorum praesidentis et officialium camerae civitatis Ulyxbonensis nobis exposito, quod ipsi, provide considerantes, civitatem praedictam numero admodum populo referatam aquarum dulcium et fontium penuria non mediocriter laborare, et aquam ad eandem civitatem nonnisi e locis ab eâ

Ea refert,
quae in praecedenti constitutione sancita sunt.

¹ Aptius lege nomine pro sive, ut infra pagina 572 a (R. T.).

² Ex Regest. in Secret. Brev.

multum distantibus derivari posse; communis vero et hominum eiusdem civitatis facultates gravibus expensis attritas esse, ac gravioribus propterea subeundis minime suppetere; habitis prius desuper variis tractatibus, cum expensas huiusmodi nullā aliā faciliiori ratione ac minori communis et hominum praedictorum incommodo fieri posse iudicarent, gabellam unius regalis monetae illarum partium, valoris autem unius quaterni circiter monetae romanae, super qualibet librā carnis, necnon dimidii regalis huiusmodi super qualibet vini, quod in cauponis venditur, mensurā *foglietta* vulgo nuncupatā, per carnes et vinum ementes, tam ecclesiasticos quam seculares, persolvendam imposuerunt, impositamque nonnullorum annorum spatio exegerunt, et ex eiusdem gabellae pecuniis certam aquae quantitatem, sed non eam quae sublevandis communis, civitatis et hominum praedictorum necessitatibus satis esset, in eandem civitatem derivari curarunt; unde, cum pecunias, quae ex continuatā dictae gabellae exactione provenerant, in residuae, atque necessariae aquae huiusmodi derivationem erogare decrevissent; aliā vero ex parte animo revolverent clarae memoriae Philippum III Hispaniarum regem catholicum, qui de anno mdcxix iter in Portugalliae regnum pro felici ipsius statu, gubernio, atque regimine suscepit, pro defensione fidei catholicae, necnon obedientiae erga Romanam Ecclesiam in omnibus regnis atque ditionibus suis conservatione, adeo magnos sumptus fecisse, ut non solum ordinarios et extraordinarios regnorum suorum, sed etiam patrimonii sui regalis redditus, omniaque illorum acerrima fere absumpsissent¹; insuper diversas nationes religionis catholicae inimicas non solum omnia dicti regni maria infesta reddidisse, multos christifideles in miserabili

lem servitutem adducere, et pro earum redemptione ingentem pecuniarum vim e dictā civitate extrahi, verum etiam susceptā a multis annis citra in Indias orientales navigatione, ingentique navium multitudine comparatā, nonnullas arces et propugnacula in diversis Indiarum praedictarum partibus occupasse, sive construxisse, et animum ad alia occupanda adiacere; neque eas tot classes et arma, tam in eisdem Indiarum, quam regni praedicti partibus, cum immensis etiam patrimonii charissimi in Christo filii nostri Philippi IV Hispaniarum regis catholici impensis ad hunc finem instructa debellare potuisse; immo illas praevaluisse, praesertim post occupatum a Persis earumdem nationum auxilio suffultis propugnaculum Ormutii, ita ut, nisi de aliquā subventione eidem Philippo IV regi provideretur, evidentissimum periculum adesset, ne cetera eiusdem Philippi IV regis propugnacula et loca ibi existentia amitterentur; his et aliis similibus urgentibus causis fidei catholicae defensionem et propagationem concernentibus permoti, unum ducentorum et octoginta millium Philippo III et aliud ducentorum millium scutorum monetae dicti regni servitia sive donativa nuncupata Philippo IV regibus praedictis, tam ex pecuniis dictae gabellae, quam ex quorundam censuum *iuros* vulgo nuncupatorum super fructibus dictae gabellae per eosdem praesidentes et officiales venditione conflata obtulerunt et concesserunt, censuras et poenas ecclesiasticas per sacros canones et conciliorum generalium necnon Bullae in die Coenae Domini legi solitae dispositionem contra gabellas a personis ecclesiasticis quoquo modo exigentes infestas damnabiliter incurrendo:

§ 2. Nos, praesidentis et officialium praedictorum supplicationibus nobis super hoc humiliter porrectis inclinati, fraternitati tuae per alias nostras in simili formā

¹ Ut supra pag. 569 b lege *absumpsisset* (R. T.).

Brevis expeditas litteras commisimus et et mandavimus, ut praesidentem et officiales praedictos et quoscumque alios, si hoc a te humiliter petiissent, imposita illis et eorum cuilibet arbitrio tuo poenitentia salutare et aliis iniunctis iniungendis, et dummodo a similibus de cetero abstinerent, a quibusvis excommunicationis, suspensionis et interdicti, aliisque ecclesiasticis sententiis, censuris et poenis, per eos et eorum quemlibet praemissorum occasione usque ad diem publicationis litterarum praedictarum quomodolibet incursis, auctoritate nostra solveres et totaliter liberares, illisque dictas poenas ac pecunias ad quamcumque summam ascendentes, ab ecclesiasticis ex dicta gabellâ per eosdem praesidentem et officiales, aliosque praedictos quomodolibet exactas, gratiose remitteres et condonares, eosque in pristinum et eum, in quo, antequam praemissa committerent, quomodolibet erant, statum restitueres, reponeres et plenarie reintegrares, sive ad eiusdem praesidentis supplicationem, nomine officialium et aliorum praedictorum tibi faciendam, facultatem huiusmodi, vicesque tuas in praemissis quibusvis confessariis idoneis ubilibet existentibus et ab Ordinariis locorum approbatis, modo et formâ similibus, communicares et subdelegares, et alias, prout in dictis litteris, quarum tenores praesentibus pro expressis haberi volumus, plenius continetur.

Commissio, de qua in rubrica.

§ 2. Cum autem, sicut praesidens et officiales praedicti nobis denuo exponi fecerunt, aqua in eandem civitatem hucusque derivata non eius est quantitatis, quae sublevandis communitatis et hominum praedictorum necessitatibus sufficiat, ipsius vero aquae derivatio non modo laicorum sed etiam ecclesiasticorum usus inserviat, et propterea, quod¹ non solum census praedictos extinguere, sed

¹ Potius legerem ut loco quod (R. T.).

etiam residuam aquae quantitatem ad sublevandas necessitates huiusmodi requisitas in eandem civitatem derivare valeant, gabellam praedictam modo et formâ praemissis de novo imponere, eamque ad effectus praedictos exigere posse desiderent, si nostra ad id sibi licentia suffragetur et facultas: nos, praesidentem et officiales praedictos amplioribus favoribus et gratiis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet inodatae existunt, ad effectum praesentium dumtaxat consequendum, harum serie absolventes et absolutas fore censentes, supplicationibus etiam eorum nomine nobis super hoc humiliter porrectis inclinati, tibi per praesentes committimus et mandamus, ut de praemissis te diligenter informes, et si per informationem eandem preces veritate niti repereris, super quo conscientiam tuam oneramus, praesidenti et officialibus praedictis, ut pro extinguendis censibus huiusmodi, ac residuae aquae praedictae quantitate in dictam civitatem derivandâ, gabellam praedictam de novo imponere, illamque etiam a personis ecclesiasticis tam regularibus quam secularibus, cuiuscumque status, gradus et conditionis existant, absque ullo conscientiae scrupulo, aut censurarum et poenarum ecclesiasticarum incursu, ut praefertur, exigere, pecuniasque, ex eadem gabellâ proventuras, in eorundem censuum extinctionem in primis et ante omnia, ac deinde, per tempus tibi benevisum dumtaxat, residuae aquae huiusmodi, ad sublevandas necessitates, ut praefertur, requisitae, derivationem, et non alios usus, convertere et erogare libere et licite valeant, licentiam et facultatem auctoritate nostra concedas.

Derogatio
contrariorum.

§ 3. Non obstantibus apostolicis, ac in universalibus, provincialibusque conciliis editis, generalibus vel specialibus, constitutionibus et ordinationibus, ceterisque contrariis quibuscumque.

Mandatum ne
pecuniae colligendae in alios
usus distrahan-
tur.

§ 4. Volumus autem, quod pecuniae, ab ecclesiasticis praedictis ratione dictae gabellae verisimiliter exigendae, penes personam fide et facultatibus idoneam, a praesidente et officialibus praedictis eligendam, et ab eodem collectore probandam, omnino deponantur, quodque persona sic electa de pecuniis huiusmodi, ad effectum eodem census extinguendi et praedictam residuae aquae quantitatem in dictam civitatem derivandi, numerando, praesidens vero et officiales de illas in alios usus non erogando sub poenâ nullitatis praesentis, necnon excommunicationis tam ab ipsâ personâ, quam ab aliis, qui pecunias huiusmodi in alios quam praedictos usus erogaverint, ipso facto incurrendae, solitum praestent in manibus tuis iuramentum.

Datum Romae, apud S. Mariam Maiorem, sub annulo Piscatoris, die xv iulii MDCXXVII, pontificatus nostri anno iv.

Dat. die 15 iulii 1627, pontif. anno iv.

CCLIII.

Revocatio reservationum pensionum perpetuarum super beneficiis ecclesiasticis ad collegiorum et piorum locorum favorem factarum et indultorum imponendi pensiones etiam temporales quibuscumque concessorum¹.

Causae huius
Constitutionis.

Sanctissimus D. N. Urbanus divinâ providentiâ Papa VIII, qui pridem, benefi-

¹ De pensionibus, ultra disposita a sacris canonibus et a Concilio Tridentino, scias a Pio V fuisse revocatas facultates transferendi pensiones quibuscumque militibus concessas, ut in sua Constit. xcxi, *Sacrosanctum*, tom. vii, pag. 709. Quomodo vero, et quando super ecclesiarum fructibus pensiones reservari possint definivit Leo X in Const. viii, *Supernae*, tom. v, pag. 604.

ciorum ecclesiasticorum conservationi et exonerationi consultum volens, uniones beneficiorum huiusmodi, praeterquam in certos casus factas, necnon facultates transferendi pensiones, quae effectum integraliter sortitae non essent, pro summâ quae medietatem veri valoris fructuum beneficiorum, super quibus pensiones huiusmodi impositae forent, excederent¹, specialibus desuper editis regulis revocavit, libertati eorumdem beneficiorum plenius prospicere et quod in antiquorum onerum moderatione praecavit, multo fortius in novorum impositione avertere cupiens:

§ 1. Quasumque reservationes pensionum perpetuarum super fructibus certis vel incertis quorumvis beneficiorum, non tamen iurispatronatus laicalis existentium, etiam in favorem quorumcumque collegiorum, capitulorum, universitatum, locorum et beneficiorum, etiam per sanctae Romanae Ecclesiae cardinales obtentorum, etiam apostolicâ auctoritate, non tamen pro fundatione, seu dotatione, augmento, vel conservatione collegiorum et aliorum piorum et religiosorum locorum, ad fidei catholicae defensionem et propagationem bonarumque artium cultum institutorum, factas, quae summâ necdum sortitae sunt effectum;

Revocatio facultatum reservationum pensionum perpetuarum.

§ 2. Necnon omnes et quasumque facultates, indulta et privilegia imponendi quasumque pensiones etiam temporales super quibusvis beneficiis, non tamen iurispatronatus laicalis existentibus, seu ad pensiones, iam antea apostolicâ auctoritate desuper forsitan non tamen certis personis reservatas, personas sibi benevisas nominandi, etiamsi ad nominationem huiusmodi iam forsitan sit processum (quatenus tamen per notarii desuper rogati et duorum testium attestationem non constet de reali et integrali solutione alicuius termini singularum pensionum huiusmodi

Necnon indultorum imponendi pensiones etiam temporales.

¹ Aptius lege *excederet* (R. T.).

specialiter et expresse in eam causam ante publicationem praesentium facta) quibusvis personis, etiam abbatiali, episcopali, archiepiscopali, patriarchali, vel aliâ quavis dignitate, etiam cardinalatus honore fulgentibus, quovis intuitu et consideratione, etiam motu proprio et ex certâ scientiâ, ac potestatis plenitudine, ac etiam quod in eis, quod illa sub revocationibus et contrariis dispositionibus per Romanos Pontifices pro tempore existentes comprehendendi non posse aut debere concessum foret, et aliâs cum quibusvis aliis etiam derogatoriis derogatoriis et insolitis clausulis, necnon irritantibus et aliis decretis, quorum tenores, perinde ac si de verbo ad verbum insererentur et exprimerentur, haberi voluit pro expressis, vel aliâs quovis modo et ex quavis causâ per quoscumque Romanos Pontifices praedecessores suos hactenus concessa, revocavit, cassavit et annullavit, ac viribus et effectum evacuavit.

Clauſula ſublatâ.

§ 3. Decernens sic in praemissis per quoscumque iudices ordinarios et delegatos, etiam causarum palatii apostolici auditores, ipsosquemet cardinales, sublata eis et eorum cuilibet quavis aliter iudicandi et interpretandi facultate et auctoritate, iudicari et definiri debere, necnon irritum et inane quidquid secus super praemissis per quoscumque, etiam praetextu facultatum, indultorum et privilegiorum praedictorum, scienter vel ignoranter contigerit attentari.

Contrarium derogatio.

§ 4. Facultatibus, indultis et privilegiis, aliisque praemissis, necnon regulâ de iure quaesito non tollendo, statuto, ordinatione et declaratione Suae Sanctitatis in crastinum eius assumptionis ad summi apostolatus apicem editis, et in cancellariâ apostolicâ sub die XXI mensis octobris anni millesimi sexcentissimi vigesimi tertii publicatis, quodque dicti sanctae Romanae Ecclesiae cardinales in constitutionibus et

regulis per Sanctitatem Suam post priorum suarum constitutionum et regularum editionem et publicationem faciendis non includantur, nisi illae eorumdem cardinalium favorem concernant, vel ipsae constitutiones et regulae edendae de ipsorum cardinalium vel maioris partis eorum consilio editae fuerint, aliisque regulis, constitutionibus et ordinationibus apostolicis, ceterisque contrariis quibuscumque, nequaquam obstantibus.

Pl. publicetur et describatur. M.

Papae subscriptio.

Publicata xx iulii, hora decimaquarta in cancellariâ apostolicâ MDCXXVII.

A. reg.

Lecta et publicata fuit supradicta Constitutio Romae in cancellariâ apostolicâ, anno Incarnationis Dominicae MDCXXVII, die vero martis xx iulii, et registrata fuit in quinterno cancellariae apostolicae, pontificatus SS. D. N. anno IV.

Publicatio.

MARCUS ANTONIUS ASCENTIUS PROCUSTOS.

CCLIV.

*Erectio collegii Urbani
de Propagandâ Fide¹.*

**Urbanus Episcopus,
servus servorum Dei,
ad perpetuam rei memoriam.**

Immortalis Dei Filius nostram mortalitatem induere volens, ut tenebras infidelitatis atque insipientiae umbras deiceret, quae hominum animas oppleverant, veluti sol fulgentissimus est exortus et verae fidei igniculos ubique terrarum per Apostolos, ceterosque evangelii praecones, tamquam per nitidissima sydera diffundere curavit. Quoniam vero, vel quaedam supersunt regiones, quae, ut penitus locorum intercapedine dissitae, vel barbarâ feritate dissociatae, lumen adhuc divinae legis ac fidei minime exceperunt, aut nonnullae

Prooemium.

¹ Ex Regest. in Secret. Brev.

reperiuntur, quibus olim quidem sacrosancti Evangelii splendor affulsit, sed vel haereticae labis tenebris iterum obvolutae, vel infidelium, paganorumque impiorum catholicae fidei desertorum colluvione obrutae, vel, si quae paucae in fide permanserunt, desertae a pastoribus in atrâ perfidiae vel ignorantiae nocte versantur, atque delitescunt: idcirco nobis, qui licet immerito divini atque increati solis speciem visibilem in terris referimus, onus incumbit, ut ministri idonei eligantur, qui ad illas gentes caecitate spirituali captas profecti vitae probae ac morum fulgore micantes, doctrinae evangelicae, zelo animarum ardore flagrant, veluti candelabra super montium iugis sita, tenebras tam infidelitatis quam haereseos pro viribus dissolvant atque dissipent.

Ioannes Baptista Vives palatium pro erigendo collegio donat.

§ 1. Cum itaque, sicut nobis innotuit, dilectus filius magister Ioannes Baptista Vives presbyter Valentinus citerioris Hispaniae, in utrâque signaturâ nostrâ referendarius, praelatusque domesticus, ac familiaris et continuus commensalis noster, ac dilectae in Christo filiae nobilis mulieris Isabellae Clarae Eugeniae Infantis Hispaniarum ac Belgicarum provinciarum principissae et gubernatricis apud nos Sedemque Apostolicam ordinarius residens legatus, zelo domus Dei, animarumque salutis, ac propagationis et tuitionis sanctae fidei catholicae, aliisque piis rationibus et devotione ductus, palatium quoddam in plateâ Sanctissimae Trinitatis montis Pincii nuncupatae de Urbe, sub regione Columnae, intra sua notissima latera, plateamque praedictam, ac vias publicas situm, aliàs *delli Farratini* nuncupatum, quod ad praesens inhabitat, unâ cum suis membris, arêâ, cortile, stabulis, remissis, usibus, commoditatibus, adiacentiis et pertinentiis universis, ad effectum in illo, illiusque situ collegium seu seminarium unum apostolicum sacerdotum seu clericorum secula-

rium, qui saltem ad sacros ordines maiores, seu eorum ad minus aliquem, infra annum a die eorum in illo receptionis computandum, omnino promoveri debeant et teneantur, ex omni gente et natione desumendorum, et per nos, Romanosque Pontifices successores nostros pro tempore existentes ad fidem praedictam in toto orbe terrarum, universisque illius partibus propagandam, dilatandam et tuendam, perpetuis futuris temporibus, et quousque electorum numerus completus, unusque pastor et unum Christi ovile facta fuerint, duraturum, sub regulis, legibus, statutis, constitutionibus et ordinationibus nobis et successoribus nostris benevisis edendis et stabiliendis, erigendi, instituendi et creandi, et pro illius dote, seu dotis nomine, alumnorumque in dictum collegium seu seminarium pro tempore introducendorum sustentatione, viginti tria fidei, et triginta sancti Bonaventurae, ac quinquaginta salis respective nuncupata loca montium de Urbe, unâ cum eorum omnibus et singulis fructibus ac proventibus, insimul ad quingenta sexaginta quinque, vel circiter, scuta monetae Romanae, ad rationem decem iuliorum pro singulo sento huiusmodi: annuatim ascendentia, ac censum annuum aliorum centum quadraginta scutorum similium (aliàs ad commodum quondam Diomedis Mussi Cremonensis pro sorte principali duorum millium scutorum similis monetae super bonis quondam Ioannis Francisci Ugolini per acta dilecti filii Rinaldi Buratti curiae causarum camerae nostrae apostolicae notarii sub die vigesima nonâ aprilis anni Domini millesimi sexcentissimi vigesimi quarti ad rationem septem pro centenario et anno constitutum, ac postmodum ad opus dicti Ioannis Baptistae per acta dilecti etiam filii Laurentii Bonincontri curiae Capitoli notarii sub die septimâ augusti eiusdem anni venditum et cessum, ac ad praesens per di-

Dotem pro alumnorum sustentatione constituit

lectos filios natos et haeredes dicti quondam Ioannis Francisci solvi solutum), et denique reliqua omnia sua bona mobilia et immobilia, praesentia et futura, pecuniarum summas, actiones et credita, iuraque et alia quorumvis montium loca, quae tempore sui obitus habebit et possidebit, seu ad eum quomodolibet spectare et pertinere dignoscentur, in hac nostrâ Urbe et illius districtu dumtaxat existentia (exceptis tamen tribus millibus scutis similis monetae Romanae, ad eandem rationem iuliorum decem pro singulo scuto huiusmodi, ex promptioribus suis bonis mobilibus depromendis, per eum aliâs in animae suae refrigerium hospitali et ecclesiae B. Mariae de Monte Serrato nuncupatae, etiam de Urbe, donatione causâ mortis, sub die primâ mensis decembris anni eiusdem Domini millesimi sexcentissimi vigesimi quinti, per acta dilecti filii Iacobi Morer clerici coniugati Elnensis dioecesis, in archivio Romanae Curiae descripti notarii, legalis; necnon, quoad vixerit, dicti palatii, cum praefatis suis membris, adiacentiis et pertinentiis, usu et habitatione, ac praefatorum et aliorum quorumcumque locorum montium, censusque praedicti, et reliquorum omnium, tam mobilium quam immobilium, praesentium et futurorum, quovis nomine nuncupatorum, bonorum suorum usufructu, et de scutis centum auri in auro ad beneplacitum suum testamentaliter disponendi facultate sibi reservatis, expensâque funeralium et exequiarum suarum, iuxta status sui exigentiam et qualitatem, demptâ) nobis, et successoribus nostris canonice intrantibus (cum conditione tamen, quod si collegium seu seminarium huiusmodi in dicto palatio, suisque membris et pertinentiis, cum applicatione dictorum bonorum pro illius dote et alumnorum in eo introducendorum sustentatione assignatorum, vitâ nostrâ durante non fundaverimus, erexeri-

Reservatio
usufructus sua
vitâ durante.

mus vel instituerimus, infrascripta donatio successorî nostro immediate sequenti, sub eâdem conditione, et eo etiam in his deficiente, aliis Romanis Pontificibus successoribus nostris, ut praefertur, canonice intrantibus in infinitum, donec et quousque intentio et pia voluntas dicti Ioannis Baptistae modo praemisso suum plenum sortiatur effectum, et non aliâs, nec alio modo, facta esse censeatur) donatione spontaneâ et irrevocabili, quae dicitur inter vivos fieri, per acta dilecti filii Chrisantis Roscioli Fulginatensis, similiter curiae caesarum camerae nostrae apostolicae notarii, sub die primâ mensis iunii anni eiusdem Domini MDCXXVI dederit, donaverit, cesserit et transtulerit; et pro observatione statutorum Urbis, circa insinuationes similium donationum faciendas editorum, sponte, omnique meliori modo quo potuit et debuit, dilectum filium substitutum dilecti filii commissarii generalis camerae nostrae praedictae ad specialiter et expresse donationem, cessionem et translationem praedictas coram quovis ordinario vel alio Romanae Curiae iudice, et coram quibus opus esset, suo nomine insinuandas, significandas et notificandas procuratorem suum fecerit et constituerit;

§ 2. Nobisque praeterea, tenore dicti instrumenti, quatenus donationem, cessionem et translationem huiusmodi, pro illarum maiori subsistentiâ et perpetuâ roboris firmitate, de apostolicae potestatis plenitudine confirmare et approbare, omnesque tam formales et substantiales, quam alios quosvis tam iuris quam facti defectus, qui quomodolibet in iisdem intervernerint, de eiusdem potestatis plenitudine supplere et tollere vellemus et dignamur, instantes supplicaverit, prout in instrumento desuper per dictum Chrisantem notarium rogato plenius continetur; postmodum vero dilectus filius Ioannes Altovitus, supradicti commissarii generalis sub-

Instal, ut praedicta a Pontifice confirmantur.

stitutus, sicut accepimus, facultate procuratoriâ huiusmodi utens, coram dilecto filio Stephano Vaio praedictae curiae Capitolinae primo collateralis nuncupato, Romanaeque Curiae ordinario, et ad interponenda decreta in contractibus voluntariae iurisdictionis a nobis specialiter deputato iudice, donationem, cessionem et translationem praedictas originaliter exhibuerit, insinuaverit et significaverit, illasque ad plenam et veram dicti iudicis notitiam, iuxta statutorum praedictorum formam et tenorem, deduxerit, et tandem illas per dictum iudicem pro tribunali sedentem, causâ cognitâ, admitti, et pro insinuatâ haberi, et in actis publicis dilecti filii Ioannis Baptistae de Octavianis dictae curiae Capitolinae notarii, iuxta formam dictorum statutorum, registrari, auctoritatemque et decretum per dictum iudicem desuper quomodolibet necessaria opportune interponi, sub die sextâ eiusdem mensis iunii obtinuerit:

Praedicta omnia confirmat Urbanus.

§ 3. Nos igitur, qui catholicae religionis incrementum, haeresumque extirpationem non solum sinceris desideramus affectibus, sed ad universarum gentium et animarum salutem procurandam, ac fidem catholicam in universum mundum propagandam, tuendamque debitores nos esse fatemur, ac propterea laudabili desiderio et piaevoluntati dicti Ioannis Baptistae, conditionique in dictae donationis instrumento quoad appositae satisfacere cupientes, ipsumque Ioannem Baptistam a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatus existit, ad effectum praesentium dumtaxat consequendum, harum serie absolventes et absolutum fore censentes, ac palatii praedicti, singulorumque locorum et membrorum suorum situationes, confinia, qualitates,

vocabula et denominationes, ac donationis et desuper confecti instrumenti, illiusque insinuationis, decreti, assignationis, aliorumque superius relatorum instrumentorum totos tenores, etiam veriores, ac datae¹, praesentibus pro expressis habentes; motu proprio, non ad eiusdem Ioannis Baptistae, vel alterius pro eo nobis desuper oblatae petitionis instantiam, sed ex mera scientiâ et deliberatione nostris, ac de apostolicae potestatis plenitudine, donationem, cessionem et translationem huiusmodi, omniaque in instrumento desuper, ut praefertur, celebrato contenta acceptantes, illaque grata et rata habentes, eâdem apostolicâ auctoritate, tenore praesentium, perpetuo approbamus et confirmamus, illisque perpetuae et inviolabilis apostolicae firmitatis robur adiciamus, ac omnes et singulos, tam iuris quam facti, aliosque etiam substantiales defectus, si qui desuper forsân intervenerint, eisdem auctoritate et tenore supplemus.

§ 4. Et insuper ad maiorem omnipotentis Dei gloriam et fidei catholicae incrementum unum in palatio praedicto, suisque membris et adiacentiis collegium pontificium, seu seminarium apostolicum, sub invocatione sanctorum Petri et Pauli apostolorum Pastorale Urbanum nuncupandum, pro propagandâ ac tuendâ catholicâ et apostolicâ fide;

Collegium Urbanum nuncupandum deservit.

§ 5. In quo sacerdotes, seu clerici, dumtaxat seculares, qui ad sacros et maiores ordines, seu saltem eorum aliquem, intra annum ad minus, a die eorum in huiusmodi collegio seu seminario receptionis computandum, promoveri omnino debeant et teneantur, ex omni natione et gente recipi, ac bonis moribus, verâque pietate et sanctâ doctrinâ, ac aliis catholico homine dignis virtutibus, ad effectum dictam fidem catholicam apostolicamque in partibus infidelium, in quibus aliqui ortho-

Alumnorum qualitates et nomina designat.

¹ Aptius legerem *datas* vel *data* (R. T.).

doxae fidei cultores remanserunt, tuendi et conservandi, necnon eandem fidem in iisdemet partibus, quando recepta fuerit, totoque terrarum orbe propagandi et dilatandi, instrui, et pro dictae fidei tuitione, incremento, dilatazione et propagatione vitae periculum et martyrium, si opus fuerit, subire omnino debeant, perpetuis futuris temporibus, et quousque electorum numerus completus, unusque pastor et unum Christi ovile facta fuerint, duraturum, auctoritate et tenore praemissis, etiam perpetuo erigimus et instituimus.

Confirmat
quoque dolem
a Ioanne Baptista
Vives constitutam.

§ 6. Illique sic erecto et instituto, pro eius dote et commodâ illius oeconomorum, rectoris, magistrorum, praeceptorum et alumnorum in eo pro tempore existentium sustentatione, viginti tria praedictae fidei, ac alia triginta S. Bonaventurae, ac, quinquaginta salis respective nuncupata loca montium praedicta, una cum eorum fructibus et proventibus, ad quingenta sexaginta quinque, vel circiter, scula monetae Romanae, ad rationem praedictam pro singulo scuto huiusmodi, annuatim, ut etiam accepimus, ascendunt, et praeterea censum annuum dictorum centum et quadraginta scutorum similium, ut praefertur, sorte principali duorum millium scutorum similis monetae super bonis dicti Ioannis Francisci Ugolini, ad rationem septem pro centenariio et anno, dicto Ioanni Baptistae debitum, et per dilectos filios eius natos et haeredes ad praesens solvi solitum; et deinde reliqua omnia dicti Ioannis Baptistae bona mobilia et immobilia praesentia et futura, iuraque, actiones et pecuniarum summas, ac credita, dictorumque et quorumvis aliorum montium loca et iura, quae dictus Ioannes Baptista tempore sui obitus habebit et possidebit, seu ad eum quomodolibet spectare et pertinere dignoscuntur, in Urbe praedicta et in illius districtu dumtaxat consistentia (tribus tamen mil-

libus scutis similibus monetae praedictae Romanae hospitali et ecclesiae B. Mariae de Monteserrato de Urbe ex promptioribus suis mobilibus desumendis, ut praefertur, per eum in refrigerium animae suae donatis, demptis et exceptis, necnon palatii praedicti cum omnibus suis membris et pertinentiis, quoad dictus Ioannes Baptista vixerit, usu et habitatione, dictorumque et aliorum quorumcumque locorum montium, ac census praedicti, reliquorumque omnium aliorum, tam mobilium quam immobilium, praesentium et futurorum, quovis nomine nuncupatorum, bonorum suorum usufructu, ac de scutis centum auri in auro ad beneplacitum suum testamentaliter disponendi facultate sibi reservatis, expensisque funeralium et exequiarum suarum demptis) auctoritate et tenore praemissis similiter perpetuo assignamus, concedimus, appropriamus et incorporamus.

§ 7. Et ut dicti collegii seu seminarii de propagandâ ac tuendâ fidei conservationi, bonoque regimini et gubernio consulamus, tres canonicos actu praebendatos ex tribus ecclesiis patriarchalibus Urbis, illarumque capitulo, videlicet ex Lateranensi unum, et Principis apostolorum alterum, ac S. Mariae Maioris nuncupatae reliquum, singulos nempe ex singulis patriarchalibus ecclesiis huiusmodi, quoad personaliter tamen apud easdem patriarchales ecclesias resederint, et in illis actu praebendati fuerint, et non amplius, nostro et successorum nostrorum Romanorum Pontificum pro tempore existentium arbitrio eligendos et desumendos, prout pro hac primâ vice Iulium Zampolinum Spoletanum Lateranensis¹, ac magistrum Marcum Aurelium Maraldum Cesenatensem, in utrâque signaturâ nostrâ referendarium, Principis apostolorum, ac Pompeium de Angelis Romanum S. Mariae Maioris

Deputat tres
canonicos trium
patriarchalium
in administra-
tores.

¹ Edit. Main. habet *Lateranensem* (R. T.).

praedictae respective patriarchalium ecclesiarum canonicos actu praebendatos, et personaliter apud eas residentes, dilectos filios, in administratores, directores, gubernatores et oeconomos dicti collegii seu seminarii (ita quod iis, seu uno¹ ex iis, canonice et praebendam in dictis patriarchalibus ecclesiis ex quavis causâ obtinere cessantibus, statim alius ex capitulo dictae patriarchalis ecclesiae, in qua ultimo loco defecit, canonicus etiam actu praebendatus in eius locum sub eadem limitatione per nos et successores nostros duntaxat subrogetur) auctoritate et tenore huiusmodi pariter perpetuo constituimus et deputamus.

Itaque concedit facultatem deputandi rectores et officiales, illosque amovendi.

Statuta concedendi et illa immulandi.

§ 8. Illisque sic constitutis et deputatis rectorem, praeceptores, magistros, officiales, oeconomos et alias personas in dicto collegio seu seminario deputandi, illosque amovendi, et alios in eorum locum sufficiendi, ac statuta, ordinationes et decreta quaecumque, licita tamen et honesta, sacrisque canonibus, apostolicisque constitutionibus minime adversantia vel repugnantia, faciendi et edendi, ac illa, quoties pro rerum et temporum qualitate, seu aliâs, expedire videbitur, immutandi, corrigendi, moderandi, reformandi, interpretandi, ac etiam alia ex integro condendi, ita ut ubi editâ, immutata, correctâ, moderata, reformata et condita fuerint, eo ipso apostolicâ auctoritate confirmata et approbata censeantur, plenam et liberam facultatem et omnimodam auctoritatem iidem perpetuo concedimus et elargimur.

Collegium erimit a iurisdictione quorumcumque tribunalium Urbis, ac Ordinarium locorum.

§ 9. Ac insuper collegium seu seminarium huiusmodi, illiusque oeconomos, rectorem, magistros, praeceptores et alumnos pro tempore existentes, illorumque domesticos, officiales et ministros, ac ipsius collegii seu seminarii bona mobilia et immobilia, praesentia et futura cuiuscumque qualitatis et quantitatis existentia, et ubique locorum consistentia, ab omni iuris-

¹ Edit. Main. habet unum (n. r.).

dictione, dominio, superioritate et potestate pro tempore existentium dilectorum filiorum vicarii, senatoris, conservatorum et reformationum, ac rectoris studii generalis dictae Urbis, ac Ordinarium locorum, aliorumque iudicum et officialium quorumcumque, tam in ipsâ Urbe quam extra eam, et ubicumque constitutorum.

§ 10. Et praeterea dictum collegium seu seminarium, illiusque alumnos et scholares, personasque in eo commorantes, ab omnibus et singulis portarum, molendinorum farinae, trium pro centenariis, ac quatuor iuliorum pro quolibet vegete vini solvi solitorum, aliisque datis, pedagiis, vectigalibus, angariis, ac terrae marisque gabellis, dolanis, bolletinis et quibusvis aliis oneribus ordinariis et extraordinariis hactenus quomodolibet impositis, et imponendis etiam, ad instar exemptionis dilectorum filiorum camerae apostolicae, etiam ratione Ripae, Ripettae, dolanarum terrae, etiam grasciae nuncupatae Urbis praedictae, ac carniui, vini, frumentorum, pannorum lini, lanae, serici, librorum, chartarum et quorumcumque aliarum rerum ad humanum victum et vestitum necessariarum apostolicâ auctoritate et tenore praedictis eximimus et liberamus, ac sub beati Petri et dictae Sedis atque nostrâ protectione suscipimus, nobisque et eidem Sedi immediate subiicimus.

Etiam solutio-
ne quarumvis
gabellarum ad
usulas clericorum
cameras
apostolicas.

§ 11. Ipsi quoque collegio seu seminario, rectori, scholaribus, praeceptoribus, magistris, oeconomis, officialibus, ministris et personis, ut quibuscumque privilegiis, exemptionibus, libertatibus, facultatibus, gratiis et indultis, quibus studium generale dictae Urbis, et alia Germanicae, Anglicae et Graecae nationum collegia in ipsâ Urbe a praedecessoribus nostris instituta, illorumque rectores, scholares, praeceptores, magistri, oeconomi, officiales, ministri et personae quovis modo utantur, possint et gaudent, ac uti, po-

Concedit quoque privilegia, gratias, ac indulta alius collegiis et seminaris concessa

liri et gaudere possunt et poterunt quomodolibet in futurum, non solum ad eorum instar, sed aequè principaliter et pariformiter in omnibus et per omnia uti, potiri et gaudere valeant, dictâ auctoritate pariter perpetuo de speciali gratiâ indulgemus: districtius inhibentes, ne quis, quavis auctoritate suffultus, collegium seu seminarium huiusmodi, illiusque rectorem, scholares, magistros, praeceptores, oeconomos, officiales et ministros praedictos, seu eorum aliquem, in praemissis quovis modo molestat aut molestari permittat.

Clausulae pro
praesentium lit-
terarum auctori-
tate.

§ 12. Ac decernentes, praedicta omnia ac singula, ac easdem praesentes, nullo umquam tempore, sive ex eo quod causae, propter quas haec omnia facta sunt, coram pro tempore existente dictae Urbis vicario, vel quocumque alio exactore verificatae et approbatae, ac quicumque interesse habentes ad id vocati non fuerint, sive aliâs ex quibuscumque causis, de subreptionis, vel obreptionis aut nullitatis vitio, seu intentionis nostrae, vel quocumque alio defectu notari, impugnari, retractari, seu etiam revocari, suspendi, restringi, limitari, aut ius vel controversiam vocari, seu ad terminos iuris reduci posse; sicque per quoscumque iudices ordinarios et delegatos, quavis auctoritate fungentes, etiam causarum palatii apostolici auditores, ac S. R. E. cardinales, sublata eis et eorum cuilibet, quavis aliter iudicandi et interpretandi facultate et auctoritate, ubique iudicari et definiri debere; irritum quoque et inane quidquid secus super his, a quoquam, quavis auctoritate, scienter vel ignoranter, contigerit attentari.

Exequutores
designantur.

§ 13. Quocirca, venerabili fratri episcopo Ostiensi, ac praedicto nostro in Urbe eiusque districtu vicario, necnon dilecto filio causarum curiae camerae apostolicae generali auditori, motu simili mandamus, quatenus ipsi, vel duo, aut unus eorum, per se, vel alium, seu alios, praesentes litteras

et in eis contenta quaecumque, ubi et quando opus fuerit, ac quoties pro parte rectoris, scholarium, magistrorum, praeceptorum, oeconomorum, officialium et ministrorum praedictorum, seu alicuius eorum, fuerint requisiti, solemniter publicantes, illisque efficacis defensionis praesidio assistentes, faciant auctoritate nostrâ easdem praesentes, et in eis contenta huiusmodi, ab omnibus, ad quos spectat et pro tempore spectabit, firmiter et inviolabiliter observari, ac rectorem, scholares, magistros, praeceptores, oeconomos, officiales et ministros praedictos, eorumque singulos, illis pacifice frui et gaudere, non permittentes eos desuper per quoscumque directe vel indirecte, quovis quaesito colore vel ingenio, quomodolibet indebite molestari; contradictores quoslibet et rebelles per censuras et poenas ecclesiasticas, aliaque opportuna iuris et facti remedia, appellatione postpositâ, compescendo, ac censuras et poenas ipsas, servatâ formâ Concilii Tridentini, etiam iteratis vicibus aggravando; invocato etiam ad hoc, si opus fuerit, auxilio brachii secularis.

Clausula de-
rogatoria am-
plissima.

§ 14. Non obstantibus praemissis, ac constitutionibus et ordinationibus apostolicis, ac Urbis, locorum et camerae huiusmodi (iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, illis ac vicario, senatori, conservatoribus, reformatoribus, Ordinariis, aliisque iudicibus et officialibus, ac camerario, praesidentibus et clericis praedictis, ac quibusvis doheneriis, commissariis et aliis personis ad exactionem pedagiorum et aliorum onerum huiusmodi pro tempore deputatis, ac populo Romano, et quorumcumque locorum communitatibus, universitatibus et hominibus, sub quibuscumque tenoribus et formis, et cum quibusvis etiam derogatoriis derogatoriis, etiam effica-

ciq[ue]ribus, insolitis clausulis, necnon irritantibus et aliis decretis, in genere vel in specie, etiam motu, scientiâ et potestatis plenitudine similibus, ac aliâs etiam iteratis vicibus in contrarium quomodolibet concessis, approbatis et innovalis; quibus omnibus, etiamsi¹ aliâs pro illorum sufficienti derogatione de illis, eorumque totis tenoribus, specialis, specifica, expressa et individua, ac de verbo ad verbum, non autem per clausulas generales idem importantes, mentio seu quaevis alia expressio habenda aut aliqua alia exquisita forma ad hoc servanda foret, tenores huiusmodi, ac si de verbo ad verbum, nihil penitus omisso, et formâ in illis traditâ observata, inserti forent, eisdem praesentibus pro plene et sufficienter expressis habentes, illis aliâs in suo robore permansuris, hac vice dumtaxat specialiter et expresse harum serie derogamus, contrariis quibuscumque; aut si quibusvis communiter aut divisim ab eâdem sit Sede indultum, quod interdicti, suspendi vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

Clausulae
poenales.

§ 15. Nulli ergo omnino hominum liceat hanc paginam nostrae absolutionis, acceptationis, approbationis, confirmationis, adiectionis, suppletionis, erectionis, institutionis, assignationis, appropriationis, incorporationis, constitutionis, deputationis, concessionis, elargitionis, susceptionis, subiectionis, indulti, inhibitionis, decreti, mandati et derogationis infringere vel ei ausu temerario contraire. Si quis autem hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursurum.

Datum Romae, apud S. Mariam Maiorem, anno Incarnationis Dominicae MDCXXVII, kalendis augusti, pontificatus nostri anno IV.

Dat. die 1 augusti 1627, pontif. anno IV.

1 Edit. Main. legit *etiam* (n. T.).

Instructio particularis circa conficiendos processus inquisitionis in qualitates eorum, qui promovendi sunt ad regimina cathedralium, aut aliarum superiorum ecclesiarum, vel monasteriorum, ut in dictis processibus conficiendis serventur sacri canones, Concilium Tridentinum, et constitutio Gregorii Papae XIV¹ super formâ huiusmodi processuum conficiendorum².

Circa personas ad quas spectat dictos processus conficere.

Si processus inquisitionis conficiendus sit extra Romanam curiam, hoc munus spectat ad legatos Sedis Apostolicae, vel ad nuncios provinciarum in locis in quibus commorantur: si non adsint legati, neque nuncii, spectat ad Ordinarios personarum promovendarum; et ipsis deficientibus, ad Ordinarios viciniore; qui ordo gradatim servandus est, nec quisquam debet sibi hoc munus arrogare praeter ordinem supradictum, nisi Romano Pontifici per speciale mandatum alicui alteri illud demandare placuerit; quo casu apparere debet de mandato speciali in principio processus.

Si aliquis ex praelatis, ad quem ordine supradicto spectat processum conficere, consanguinitate vel affinitate, usque ad tertium gradum inclusive, promovendum contingat, ille excludatur ab hoc munere: quod eo casu deferatur ad illum qui proxime sequitur, servato eodem ordine et gradu.

Si quis etiam sit legitime impeditus, ut per se ipsum processum conficere non

1 Nempe Constit. XVII Gregorii XIV quae incipit: *Onus Apostolicae* quam vide tom. IX, pag. 419.

2 Haec instructio publicata fuit anno MDCXXVII, sed quo mense non constat. Itaque cum editore Romano hic eam ponimus in confinio inter annum IV et V (R. T.).

possit, et ea adimplere, quae continentur in § inferius scripto, qui incipit: *Quicumque confecturus est*, ea cura transferatur eodem ordine et gradu ad alium praelatum viciniorem praelato impedito.

Si processus sit conficiendus in Romanâ curiâ, videndum est, an ecclesia, vel monasterium, cui est providendum, sit ad nominationem vel praesentationem imperatoris, vel alicuius regis, aut principis: quo casu munus conficiendi processum in curiâ spectat ad cardinalem, qui apud Pontificem et Sedem Apostolicam est protector illius provinciae, in qua sita est ecclesia vel monasterium.

Quod si ecclesia vel monasterium non sit ad nominationem aut praesentationem, ut praemittitur, processus conficiendus erit per cardinalem a Romano Pontifice deligendum, qui de huiusmodi deputatione curabit aliquid apparere, vel saltem vigore suae assertionis aliquid narrari a notario in principio processus.

Quando contingat processum confici debere de qualitatibus archiepiscopi vel episcopi, extra Romanam curiam degentis, qui ab unâ ad alteram ecclesiam sit transferendus, hoc munus, deficiente legato, vel nuntio apostolico illius provinciae vel regni, ubi sita est ecclesia, a qua aliquis transferendus erit, spectat ad metropolitanum, si persona transferenda est episcopus, si vero est metropolitanus, spectat ad episcopum suum suffraganeum antiquiorem residentem.

Si praelatus inquirens ob locorum distantiam non posset commode per se ipsum testes examinare super aliquo articulo, ut puta, super legitimis natalibus, aetate, aut aliquo eiusmodi, licebit ei partem illam alteri personae in dignitate ecclesiasticâ constitutae subdelegare, non autem universam inquisitionem.

Quoad processus conficiendos pro habendâ informatione status ecclesiarum vel

monasteriorum, quibus providendum erit, hoc etiam conficere debeant iidem praelati, qui processum de qualitatibus promovendorum confecturi sunt. Si vero contingat in aliâ provinciâ vel regno esse ecclesiam et in aliâ promovendum, tunc praelatus inquirens poterit subdelegare episcopo qui erit vicinior ipsi ecclesiae vel monasterio munus conficiendi processum super statu dictae ecclesiae vel monasterii.

Quomodo conficiendi sint processus, ut dici possint et videantur confecti per viam inquisitionis.

Quicumque confecturus est processum inquisitionis in qualitates promovendi, etiamsi sit legatus, non per suos vicarios, auditores, vel alios ministros, sed per se ipsum id munus exercere debet, licet possit ab huiusmodi personis, vel aliis viris peritis adiuvari; haec autem in specie servanda sunt:

Non recipiantur testes a promovendo vel pro parte suâ inducti, neque articuli ab ipso vel nomine suo producti, sed praelatus inquirens interrogatoria, seu articulos per se ipsum formatos, habeat et super eis examinet testes, quos de rebus inquirendis sincerum et fidele testimonium datuos esse existimet. Ipse ex officio suo secreto vocari mandet et secreto examinet, ipsemet recipiat in manibus suis singulorum testium iuramentum, quod ab episcopis praestetur tacto pectore, a ceteris vero inferioribus, cuiuscumque qualitatis sint, tactis sacris scripturis: et ita respective referat notarius processum scripturus, qui etiam asserat testem fuisse ex officio vocatum et examinatum a praelato inquirente. Insuper praelatus ipse testes interroget super unoquoque articulo: ipsorum autem testium dictâ unâ cum reliquis hoc negotium tangentibus scribat aliquis notarius publicus, qui debeat etiam tam dicta testium, quam scripturas

et documenta producenda, ut inferius dicetur, in processum et in publicum instrumentum reducere. Articuli autem et interrogatoria inferius describentur.

Circa qualitates testium vocandorum et examinandorum quoad personam promovendi.

Testes sint viri graves, pii, prudentes, docti, et qui de qualitatibus promovendorum rectum iudicium ferre valeant, sincerumque ac fidele testimonium verisimiliter sint daturi: praesertim vero huiusmodi qualitates esse debent in testibus, qui interrogandi erunt de fide catholica, vitâ, moribus, doctrinâ et aptitudine promovendi ad regendam ecclesiam. Scire enim debent ipsi testes, quae requirantur in eo, qui recturus est ecclesiam catholicam, ad hoc ut sit idoneus ad alios docendos, aptus ad illam gubernandam, et dignus qui ad eam promoveatur.

Non sunt recipiendi in testes cognati, vel nimium familiares, aut inimici, sive aemuli personae promovendae.

In investigandis testium qualitatibus adhibenda est diligentia per praelatum inquirentem, ut cognoscere possit, quam sint erga promovendum affecti, exindeque conicere, utrum ex affectu, an ex veritate testimonium dicant.

Si aliquando praelato inquirenti ita expedire videbitur, testibus ad memoriam reducet vim iuramenti et gravitatem per iurii, admonebitque ipsos reos futuros apud Deum eorum omnium, quorum, vel committendo vel omittendo, rei erunt qui promovebuntur, si, vel falsa narrando, vel reticendo vera, causa erunt, ut homines indigni vel minus idonei ecclesiis praeficiantur.

Quomodo praelatus inquirens procedere possit per viam inquisitionis, quando non habet notitiam personae promovendae.

Si contingat, praelatum inquirentem non habere sufficientem notitiam personae

promovendae, ad hoc ut possit deligere et vocare testes ex officio, absque scientiâ ipsius promovendi, et secreto, poterit curare, ut ipsemet promovendus, vel aliquis alius, det ei schedulam, in qua sint ordine descripta nomen dicti promovendi, cognomen, patria, aetas, parentes, ordo, gradus, professio, functio, si quam is forte exerceat, loca in quibus theologiae vel iuri canonico operam dederit, aut longo tempore versatus fuerit, amici et familiares, aliaeve personae, quae tam ipsum quam parentes eius intime norint.

Cum autem huiusmodi schedula petenda sit tantummodo ad habendam quandam extraiudicalem notitiam eorum, quae praelatum inquirentem scire oportet pro inquisitione faciendâ, non debeat ipsa schedula inseri processui, neque de eâ aliqua mentio in dicto processu fieri, sed ad partem servari, donec inquisitio perficiatur, et, eâ perfectâ, poterit lacerari, si praelato videbitur.

Interrogatoria, quae necessaria sunt ad inquirendum omnes qualitates, quae in promovendis requiruntur.

1. An testis cognoscat promovendum, quomodo, a quo tempore citra, an sit ipsius conanguineus, cognatus, affinis, nimium familiaris, aemulus vel odiosus?

2. An sciat in qua civitate vel loco et dioecesi promovendus sit natus, et quae sit causa scientiae?

3. An sciat ipsum natum esse ex legitimo matrimonio, atque honestis et catholicis parentibus, et quae sit causa scientiae?

4. An sciat cuius aetatis sit, praesertim, an expleverit annum trigesimum, et quae sit causa scientiae?

5. An sciat eum esse in sacris ordinibus constitutum, quibus, a quo tempore citra, praesertim an ante sex menses, et quae sit causa scientiae?

6. An sciat eum esse in ecclesiasticis

functionibus et in exercitio ordinum susceptorum diu versatum, in susceptione sacramentorum frequentem et devotum, et quae sit causa scientiae?

7. An sciat eum semper catholice vixisse, et in fidei puritate permansisse, et quae sit causa scientiae?

8. An sciat eum praeditum esse innocentia vitae, bonisque moribus, et an sit bonae conversationis et famae, et quae sit causa scientiae?

9. An sciat eum esse virum gravem, prudentem et usu rerum praestantem, et quae sit causa scientiae?

10. An sciat eum aliquo gradu in iure canonico vel in sacra theologia insignitum esse, quibus in locis, quanto tempore, et quo fructu ipsi theologiae vel iuri canonico operam dederit, et an vere eam doctrinam polleat, quae in episcopo requiritur, ad hoc ut possit alios docere, et quae sit causa scientiae?

11. An sciat eum aliquo munere aliquando functum esse, vel circa curam animarum, aut regimen alterius ecclesiae se exercuisse, et quomodo in eis se gesserit, tam quoad doctrinam, quam quoad prudentiam, integritatem et mores, et quae sit causa scientiae?

12. An sciat eum aliquando publicum aliquod scandalum dedisse circa fidem, mores, sive doctrinam, vel aliquo corporis aut animi vitio, aliove canonico impedimento teneri, quominus possit ad ecclesiam cathedralem promoveri, et quae sit causa scientiae?

13. An eum idoneum existimet ad bene regendam ecclesiam cathedralem et praesertim eam, ad quam ipse est promovendus, an dignum, qui ad illam promoveatur, et an ipsius promotionem eidem ecclesiae utilem et proficuum futuram esse censeat, et quare ita existimet.

Depositiones testium seriatim et per extensum scribantur: neque praecise af-

firmationes, seu negationes tantummodo admittantur.

Quae requiruntur ad perfectam inquisitionem praeter ea quae ex testibus habentur.

Quoad sacros ordines, petendae sunt a promovendo, et processui inserendae originales bullae vel litterae testimoniales collationum ipsorum ordinum, vel saltem earum exemplaria in forma authentica, praesertim si testes in sufficienti numero non deposuerint, se non modo vidisse eum cantantem epistolam et evangelium, vel celebrantem, sed etiam legisse dictas bullas, vel litteras testimoniales, vel interfuisse collationibus ordinum ei collatorum.

Quoad gradum, similiter inserendum est processui privilegium originale, vel eius exemplar in authentica forma.

Si praelato inquirenti, vel promovendo videbitur, processui etiam adiungantur aliqua brevia, litterae patentes, vel aliae scripturae, aut publica documenta, quibus maior, aut melior probatio habeatur de natalibus et functionibus promovendi, vel aliud eiusmodi: praesertim si testes circa ea sufficienter et plene non deposuerint, recipiantur et adiungantur.

Si forte promovendus nullum habet gradum in sacra theologia vel in iure canonico, necesse est, ut praeter probationem aliunde habendam circa eius doctrinam, iuxta praeinsertum decimum interrogatorium, pro parte promovendi exhibeatur publicum alicuius academiae testimonium, quo idoneus esse declaratur ad alios docendos, quae populum christianum scire oportet. Persona promovendi enuntietur hac nota, videlicet, si sit praelatus, admodum R. P., si vero non sit, R. N. N.: promovendus numquam vocetur electus, neque ipse se talem vel nomet vel scribat, nisi ubi praecesserit electio capituli aut conventus.

Quid servandum quoad probationem doctrinae quando promovendi orti sunt in provinciis in quibus non sunt universitates studiorum, neque consuetum est suscipi gradum aliquem.

In huiusmodi locis et personis sufficet, si testimonio virorum gravium, et sacrae theologiae vel iuris canonici peritorum, constet, promovendos eâ scientiâ theologiae vel canonum vere pollere, ut idonei sint ad ea docenda, quae populum christianum scire oportet, ac muneris sibi iniungendi necessitati valeant satisfacere: ideo formandum erit interrogatorium ad hunc sensum, iuxta quod, si testes deposuerint se de scientiâ promovendorum certos redditos esse ex eo quod praedictos promovendos specimen suae doctrinae publice vel privatim dedisse cognoverint, hoc modo sufficiens causa scientiae dici poterit: aliâs non plene probabunt doctrinam ad mentem supradictae constitutionis Gregorii decimi quarti.

Quid servandum, si promovendus sit Regularis.

Omnia, quae servari debent in promovendo ad ecclesiam chathedralem, si sit secularis, servanda etiam sunt, si sit regularis.

Sed quia regulares non solent ut plurimum suscipere insignia doctoratus in universitatibus studiorum, necesse est, iuxta decretum Concilii Tridentini, ut promovendus regularis a suis superioribus regularibus testimonium habeat sufficientis doctrinae, et quod sit aptus ad alios docendos; nomine autem superiorum intelligendi sunt dumtaxat, qui nullum sui Ordinis superiorem agnoscunt, sive ii cuiusvis Ordinis abbates, magistri, ministri, aut praepositi generales, vel quarumlibet congregationum praesidentes, sive definitores, aut visitatores, capitulum generale repraesentantes, sive alio quocumque vocabulo nuncupentur; et, in eorum absentia, ipso-

rum vicarii, seu commissarii generales, vel in Romanâ curiâ procuratores generales Ordinum aut congregationum succedunt.

Animadvertendum tamen, quod praeter suprascriptum superiorum testimonium, est etiam aliunde inquirendum in huiusmodi regularium doctrinam, quemadmodum dictum est de seculari, qui habet suae doctrinae testimonium a publicâ aliquâ academiâ.

Quid servandum in translatione alicuius episcopi ad alteram ecclesiam.

Servanda est eadem forma inquirendi ex officio, quae superius dicta est.

Si episcopus transferendus promotus fuit post publicationem Concilii Tridentini, et constat in processu, tunc temporis confecto, plene probata esse omnia requisita, sufficet inquirere, et testes examinare super infrascriptis articulis: si vero non constet de huiusmodi probatione in totum vel in partem, expediens erit testes examinare super omnibus articulis superius descriptis, vel saltem super illis, de quorum probatione non constiterit; et praeterea super articulis sequentibus erunt utroque casu omnino examinandi testes, et de contentis in eis facienda inquisitio ex officio, videlicet:

1. An testis cognoscat episcopum transferendum, quomodo, a quo tempore citra, an sit ipsius consanguineus, cognatus, affinis, nimium familiaris, inimicus, aemulus, vel odiosus?

2. An sciat ipsum consecrationis munus suscepisse, et quae sit causa scientiae?

3. An sciat per quot annos fuerit episcopus illius ecclesiae, et quae sit causa scientiae?

4. An sciat eum in suâ ecclesiâ et dioecesi assidue resedisse?

5. An sciat eum diligenter, et saepe dictam¹ suam ecclesiam et dioecesim vi-

¹ Nescio an potius legend. *saepe dictam* (R. T.).

sitasse, opportune omnibus necessitatibus occurrisse et providisse, eiusque decreta et mandata debitae executioni demandari curasse, et quae sit causa scientiae?

6. An sciat eum saepe solemniter celebrasse, ordinationes iuxta necessitatum exigentiam habuisse, confirmationis sacramentum ministrasse, ceteraque pontificalia exercuisse, et quae sit causa scientiae?

7. An sciat eum pietatis, charitatis et prudentiae in gubernando specimen dedisse, ac verbo et exemplo profecisse, et quae sit causa scientiae?

8. An sciat eum prudenter ubilibet, et diligenter se gessisse in defendendis, conservandis, et augendis iurisdictionibus spirituali et temporali, iuribus, ac bonis omnibus suae ecclesiae, et quae sit causa scientiae?

9. An sciat vere eam doctrinam ipsum ad praesens polleere, quae in episcopo requiritur, ad hoc ut possit alios docere, et quae sit causa scientiae?

10. An dignum eum existimet, qui transferatur ad ecclesiam N., et an censeat eius translationem fore ipsi ecclesiae N. utilem et proficuum, et quare ita existimet et censeat?

Quid servandum circa inquisitionem faciendam in qualitates eorum, qui in consistorio promovendi sunt vel confirmandi ad dignitates abbatiales et prioratus et regimina monasteriorum, vel alias Regularium praefecturas.

Eadem omnia servanda sunt, quae dictum est servari debere in promovendis ad ecclesias cathedrales, praesertim quando praeter curam et regimen monachorum annexa est monasterio iurdictio spiritualis vel temporalis in populum.

Ideo super eiusdem interrogatorii examinandi sunt testes, mutatis tamen mutandis, respectu ecclesiae cathedralis et respectu monasterii, vel dignitatis regularis.

Addatur interrogatorium circa professionem Ordinis, et tempus a quo eam emisit: circa vero aetatem sufficiat interrogare et scire cuius aetatis sit, non restringendo se ad trigesimum annum expletum; postea enim videbitur, an in huiusmodi promovendo sit aetas legitima respectu dignitatis, ad quam promoveri debet.

Quoad doctrinam, cum promovendi ad huiusmodi dignitates regulares non sint per concilia generalia adstricti ad gradum doctoratus, sive licentiae, vel ad publicae academiae testimonium, et nihilominus aequum sit, ut eam doctrinam polleant, qua onus sibi imponendum sustinere valeant; praelati inquirentes studiose ac diligenter inquirere debebunt super doctrinam eiusmodi personarum iuxta modum et formam superius notatam, ut Romanus Pontifex, habita informatione, quaenam sit promovendi doctrina iudicare possit, an sit talis, qualem dignitas illa exigit et requirit.

Circa fidei professionem emittendam a promovendis tam ad ecclesias cathedrales quam ad dignitates regulares.

Fidei professio debet emitti in manibus praelati, ad quem inquisitio (servato ordine superius dicto) pertinet, a quo si promovendus longe distet, poterit idem praelatus subdelegare receptionem dictae professionis Ordinario, cui promovendus vicinior erit.

Praelatus recipiet professionem fidei a promovendo, praesente notario publico, ac testibus, ipse autem promovendus eam emittet genibus flexis ante praelatum, et in fine tangendo ambabus manibus sacrosancta Evangelia et spondendo, vovendo ac iurando, prout in forma, ea deosculabitur.

Profitens duobus in locis, in quibus nomen et cognomen suum exprimendum erit, ea dumtaxat sua propria manu adscribet.

Praelatus propriae etiam manus subscriptione in fine exemplaris dictae professionis testabitur, eam a se receptam fuisse sub hac formâ: Ego N. fidei professionem iuxta suprascriptam formam a R. P. D. N. in manibus meis ad verbum emissam recepi, et ita testor manu propria.

Demum notarius, qui praesens fuit, publico instrumento in calce eiusdem exemplaris, immediate post subscriptionem praelati inquirentis, extenso, fidem faciet de praedictae professionis emissionem ac receptionem praesentibus testibus, quorum nomina et cognomina exprimet.

Maxime curandum est, ut exemplaria professionis fidei transmittantur absque mendis, ne levibus quidem, cum nec in minimis liceat immutare formam a Sede Apostolicâ praescriptam, nimisque non modo notarii scribentis sed etiam praecepit praelati inquirentis incuria circa hoc notetur in sacro consistorio, quando in eo sit relatio processus, et mendorum in professione fidei repertorum, cum necesse sit ea etiam nominatim referre: ideo expediens erit, ad tollendam occasionem errorum provenientium ex incuria scribentis, ut ubique imprimantur exemplaria, iuxta formam Romae impressam, et maxima diligentia adhibeatur, ne mendose imprimantur. Cum vero transmittenda sunt instrumenta professionis fidei, haec ipsa subscribantur a profitente, et a praelato inquirente, et in eisdem notarius extendat instrumentum, prout dictum est.

**Interrogatoria pro habendâ informatione
Status Ecclesiae.**

1. An testis sciat in qua provinciâ sita sit civitas N.; cuius situs, qualitatis et magnitudinis sit; quot conflatur domibus, et a quot christifidelibus inhabitetur; cuius dominio in temporalibus subiaceat; et quae sit causa scientiae?

2. An sciat in illâ civitate esse ecclesiam cathedralem, vel metropolitanam, sub qua invocatione, cuius structurae et qualitatis, an aliqua reparatione indigeat, et quae sit causa scientiae?

3. Si est ecclesia archiepiscopalis, an sciat, quot episcopos suffraganeos habeat, et qui sint; si est episcopalis, an sciat cui archiepiscopo sit suffraganea; et quae sit causa scientiae?

4. Quot et quales sint in dictâ ecclesiâ dignitates et canonicatus et alia beneficia ecclesiastica, quis sit numerus omnium presbyterorum et clericorum inibi in divinis inservientium, quae sit dignitas maior post pontificalem, quales sint redditus dignitatum, canonicatum et aliorum beneficiorum, et an adsint praebenda theologalis et poenitentiaria, et quae sit causa scientiae?

5. An in eâ cura animarum exerceatur, per quem, an sit in eâ fons baptismalis, et quae sit causa scientiae?

6. An habeat sacrarium sufficienter instructum sacra suppellectili, ceterisque rebus ad divinum cultum, et etiam ad pontificalia exercenda necessariis, chorum, organum, campanile cum campanis, et coemeterium, et quae sit causa scientiae?

7. An sint in eâ corpora, vel aliquae insignes reliquiae sanctorum, quomodo asserventur, et quae sit causa scientiae?

8. An habeat domum pro archiepiscopi vel episcopi habitatione, ubi, et qualem, quantum distet ab ecclesiâ, et an reparatione indigeat, et quae sit causa scientiae?

9. An sciat verum valorem reddituum mensae archiepiscopalis, vel episcopalis, ad quam summam annuatim ascendat, in quibus consistant, an sint aliqua pensione onerati, ad cuius vel quorum favorem dicta pensio sit reservata, et quae sit causa scientiae?

10. Quot existant in illâ civitate ecclesiae parochiales, et an unaquaeque habeat

fontem baptismalem, quot item in illa existant collegiatae, quot monasteria virorum et mulierum, quot confraternitates et hospitalia, et an ibi sit mons Pietatis, et quae sit causa scientiae?

11. Quantum sit ampla dioecesis, quot et quae loca complectatur, et quae sit causa scientiae?

12. An in ea erectum sit seminarium: quot in eo pueri alantur, et quae sit causa scientiae?

13. An ipsa ecclesia vacet, quomodo, a quo tempore citra, et quae sit causa scientiae?

De statu ecclesiarum, quae sunt in partibus infidelium, quantum fieri poterit, diligens examen instituatur, neque admittantur tituli in provinciali non descripti, vel qui in scripturis sacri collegii non reperiuntur.

Interrogatoria pro habenda informatione status alicuius monasterii.

1. In qua provincia et dioecesi sit monasterium, et quae sit causa scientiae?

2. Cuius ordinis sit, et quae sit causa scientiae?

3. Quis sit numerus monachorum, et quis eos tamquam caput regere consueverit, et quae sit causa scientiae?

4. Sub qua invocatione sit ecclesia ipsius monasterii, cuius structurae et qualitatis, an indigeat reparatione, et quae sit causa scientiae?

5. Qui sint redditus mensae abbatialis, vel prioralis, qui redditus mensae conventualis, et quae sit causa scientiae?

6. An monasterium habeat aliquam iurisdictionem temporalem, aut spirituales, quam et in quos, et quae sit causa scientiae?

7. An habeat curam animarum, per quem haec exerceatur, et quae sit causa scientiae?

8. An vacet, quomodo et a quo tempore citra, et quae sit causa scientiae?

Quid agendum perfectae inquisitione.

Cum totum examen, seu inquisitio de personam promovendam et informatio de statu ecclesiae, seu monasterii, perfectae fuerint, notarius eas, una cum scripturis et documentis publicis et authenticis ac professione fidei, instrumentum publicum rediget.

Si processus inquisitionis confectus fuerit extra Romanam Curiam, praelatus, qui eam confecerit, ad Pontificem clausum et obsignatum transmittet, si ecclesia vel monasteria non sint ad nominationem vel praesentationem imperatoris vel alicuius regis; si vero de huiusmodi nominatione vel praesentatione, transmittet processum ad cardinalem illius regni vel provinciae protectorem, in qua est ecclesia, vel monasterium providendum.

Ipsae autem praelatus, vel per litteras separatas, simul tamen cum processu mittendas, vel per subscriptionem huiusmodi processus, significabit, quanta fides testibus examinatis, eorumque dictis et scripturis productis, suo iudicio habenda sit, simul etiam quid de promovendo ipse sentiat.

Processus sic formatus et transmissus primum a cardinale, cui illum in consistorio referendi munus incumbet, deinde a tribus cardinalibus prioribus ordinum¹ subscribetur: et postea fiet relatio in consistorio.

Cardinalis relator monere debet promovendum, si praesens in curia sit, ut, iuxta concilium Lateranense novissime celebratum, omnes cardinales vel maiorem partem collegii adeat, antequam ecclesia vel monasterium proponatur, ut quae a referente collegia sunt audituri, oculata fide, quantum ad personam ipsius promovendi attinet, cognoscere possint.

¹ Nescio annon legendum potius foret *priorum ordinum* (R. T.).

CCLVI.

*Facultas episcopo Caesenatensi, Status Urbini gubernatori, auctoritate et nomine sanctae Sedis prohibendi quibusvis subditis Sedis Apostolicae ecclesiasticis et secularibus, etiam principibus, ne, eveniente obitu ducis Urbini, populos ad arma convocare, militum copias cogere, etc. audeant*¹.

Venerabili fratri
Laurentio episcopo Cesenatensi,
Urbanus Papa VIII.

Venerabilis frater,
salutem et apostolicam benedictionem.

Exordium.

Creditum humilitati nostrae, nullo licet meritorum suffragio, per abundantiam divinae gratiae apostolatus officium postulat, ut, licet communi totius gregis Domini saluti sollicitis studiis iugiter invigilemus, peculiari tamen populorum nostro et S. R. E. temporali dominio subiectorum securitati et quieti studio incumbamus; aequum reputantes et rationi consonum, ut haec sancta Sedes, quae universos fideles sublevare solet, hos potissimum in suam tutelam specialiter receptos ab omni iniuria vindicet, illaesosque tueatur et defendat.

Franciscus Maria Urbini dux episcopum Caesenatensem illum ducatus gubernatorem deputat.

§ 1. Cum itaque² aliàs dilectus filius nobilis vir Franciscus Maria Urbini dux, provide considerans, ducatum Urbini, necnon civitates Senogallensem et Pisauensem ac S. Leonis cum terrâ et arce Maioli, totumque statum Montisferetranum, aliaque dominia, civitates, oppida, castra, terras, arces, propugnacula, seu fortalitia, et loca quaecumque, etiam speciali notâ et expressione digna, in et sub Statu dicti ducatus Urbini ad praesens quomodolibet comprehensa, eius antecessoribus dudum a Romanis Pontificibus praedecessoribus

nostris in feudum data et concessa, seu aliàs per eum quomodolibet possessa, per obitum suum sine liberis et descendantibus masculis legitimis et naturalibus, ob lineam finitam, cum omnibus eorum territoriis, districtibus, iurisdictionibus, membris, iuribus, etiam prohibendi, ac pertinentiis universis (excepto Castro Podii Hibernorum et aliis bonis non feudalibus, neque iurisdictionibus, relaxatis et reservatis Francisco Maria duci praedicto, eiusque haeredibus et successoribus, in instrumento concordiae sub die xxx aprilis MDCXXIV celebrato) aperta, ac ad nos et Romanam Ecclesiam, Sedemque et Cameram Apostolicam reversura et devoluta iri, ac pertinere; se vero propectae aetatis iam existere, necnon mensurabiles dies suos, humanamque vitam in imagine pertranseuntem sibi ob oculos proponens, ut, curis, aliisque impedimentis secularibus solutus, de substantiâ suâ, quae apud Deum est, tutius adipiscendâ, solidiori meditationum, aliorumque piorum operum exercitio cogitare valeret, tẽ generalem, quoad ipse vixerit, ducatus et aliorum dominiorum praedictorum gubernatorem ad electionem nostram deputaverit:

§ 2. Nos, ne³, si quid humanitus eidem Francisco Mariae duci contingat, nihil, quod ad muneris nostri partes pro nostro et Sedis praedictae ditionis temporalis populorum securitate et quiete spectat, praetermittere volentes, motu proprio et ex certâ scientiâ, ac maturâ deliberatione nostris, deque apostolicae potestatis plenitudine, tibi, tuisque et aliis quibuscumque quacumque dignitate ecclesiasticâ sive etiam laicali fungentibus in gubernio seu administratione Status et domini huiusmodi successoribus, siye aliis eandem Sedem in eis repraesentantibus, ex nunc prout postquam dictus Franciscus Maria

Urbanus prohibet, quominus, eveniente ducis obitu, quicquam arma cogat, milites scribat, etc.

¹ Ex Regest. in Secret. Brevium.

² Vide alias de hoc ducatu constitutiones, supra, pag. 179, 268, et alibi, huius voluminis (R.T.).

³ 7 Partic. ne redundat; vide supra locum parall. pag. 268 b (R. T.).

dux viam universae carnis ingressus fuerit, universis et singulis archiepiscopis, episcopis et aliis locorum Ordinariis sub interdicti ingressus ecclesiae, ac suspensionis a divinis, et tam iis, quam quibusvis ducibus, principibus, marchionibus, comitibus, baronibus et domicellis, necnon vicariis, feudatariis, magistratibus, communitatibus, universitatibus, officialibusque et ministris, ac aliis personis, etiam ecclesiasticis, secularibus et regularibus, demumque universis et singulis subditis nostris immediatis et mediatis, cuiuscumque status, conditionis, praepotentiae et dignitatis, etiam de necessitate exprimendae existentibus, in virtute sanctae obedientiae, ac sub indignationis nostrae, necnon excommunicationis latae sententiae et rebellionis, necnon confiscationis omnium bonorum, et ultimi supplicii poenis, per contrafacientes eo ipso, absque ullâ declaratione, incurrendis, ne, casu aperitionis seu devolutionis praedictarum per obitum ipsius Francisci Mariae ducis seu aliâs quomodocumque et quandocumque eveniente seu succedente, ipsi, seu eorum aliquis per se, vel alium, seu alios, directe vel indirecte, quovis quaesito colore, ingenio, vel praetextu, aut ex quavis causâ, etiam quantumvis piâ, rationabili, privilegiatâ et iustâ, militum copias cogere, comparare vel ducere, neve populos, vel sigillatim singulares personas, publice aut privatim, palam vel occulte ad arma convocare, conclamare, concitare, neque armorum manus, coetus, conventus, seu illicitas et tumultuosas collectas, sive calcatas, vel adunatas facere, vel simul congregare, aut milites, vel collectas huiusmodi in propriis, seu aliis domibus, seu locis recipere, habere, vel retinere, aut aliquid huiusmodi moliri, vel machinari:

§ 3. Ipsis vero particularibus personis, ut praefertur, vel aliâs quomodolibet qualificatis, ne collectis militum huiusmodi,

tam armatis, quam inermibus, sive convocationibus, conclamationibus, aut conventibus, coetibus et tumultibus huiusmodi intervenire, aut praemissis auxilium, consilium, vel favorem quovis modo et ex quacumque causâ praestare, absque expressâ licentiâ tuâ, audeant seu praesumant, sive illorum aliquis audeat vel praesumat, sed in quavis illorum praetensione ad te recursum habeant, seu habeat, auctoritate et nomine nostris districtè prohibendi et interdici;

§ 4. Omnes vero et singulos supra expressos, et quaslibet alias singulares personas, etiam ecclesiasticas, tam seculares quam quorumvis Ordinum et militiarum etiam S. Ioannis Hierosolymitani regulares, si quae earum, aut aliquis illorum, mandatis, iussis et monitionibus tuis huiusmodi obtemperare recusaverint, aut illis quoquo modo contradixerint, vel se se opposuerint, tamquam nostris et apostolicis mandatis, iussis et monitionibus parere recusantes, illisque contradicentes ac se opposcentes, nostros et S. R. E. ac Sedis Apostolicae rebelles declarandi et publicandi, ac contra illos summarie, simpliciter et de plano, sine strepitu et figurâ iudicii, manu regiâ, nullo iuris ordine servato, nec aliquo formato processu, more militari et iure belli, ad privationem officiorum, feudorum et bonorum quorumcumque, etiam allodialium, per eos in quibuscumque locis possessorum, seu quovis modo obtentorum respective, omni et quacumque appellatione et recursu postpositis, procedendi, ac, ubi iustitia ita exegerit, et ordo dictaverit rationis, seu cum ita expedire iudicaveris, eosdem contradictores et rebelles quacumque pecuniariâ vel corporali, ac etiam ultimi supplicii, poenâ affici faciendi, ac generaliter omnia et singula in praemissis, et circa ea necessaria et quomodolibet opportuna, etiamsi talia sint vel fuerint, quae sub generali verbo-

eiusdem episcopi licentiâ.

Facultas eisdem conceditur inobedientes puniendi.

Ant quisquam huiusmodi tutoris convocationibus sine

rum significatione non venirent, sed specialibus indigerent vocabulis, specialemque, expressam et individuum requirerent mentionem, faciendi, dicendi, gerendi et exequendi, plenam, liberam et amplam facultatem et auctoritatem, tenore praesentium concedimus et impartimur.

Ab hoc decreto excipiuntur commissarii ad ducatus possessionem capiendam a sancta Sede deputati.

§ 5. Sub prohibitionem autem et interdictum per te vigore praesentium faciendis et publicandis, nolumus comprehendere, nec comprehensos ullo modo censerem, armorum gubernatores, arcium praefectos, sive castellanos et militiarum capitaneos, nec alios, qui, pro capiendâ civitatum, arcium, fortalitorum, terrarum, castrorum, palatiorum dominii totius Status huiusmodi, ac bonorum feudalium sive iurisdictionalium Sedis et camerae praedictarum possessione, ac eorum contra omnes et quoscunque, qui illa invadere praesumerent, defensione, unâ cum militibus suae curae commissis, tua, seu aliorum a nobis auctoritatem et facultatem ad id habentium, iussa et mandata in eventus huiusmodi, eâ, qua decet, promptitudine exequi debent et tenentur.

Contraria tolluntur.

§ 6. Non obstantibus praemissis, nec non omnibus illis, quae in praedictis litteris voluimus non obstat, ceterisque contrariis quibuscunque.

Transumptis danda fides.

§ 7. Volumus autem, ut praesentium transumptis, seu exemplis, etiam impressis, manu alicuius notarii publici subscriptis, et sigillo personae in dignitate ecclesiasticâ constitutae munitis, eadem prorsus fides in iudicio et extra, ubique locorum, habeatur, quae praesentibus haberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die XIV augusti MDCXXVII, pontificatus nostri anno V.

Dat. die 14 augusti 1627, pontif. anno V.

CCLVII.

Confirmatur decretum Congregationis Concilii super matrimoniis, quae inter trasferentes domicilium contrahuntur¹.

Urbanus Papa VIII,
ad futuram rei memoriam.

§ 1. Exponi nobis nuper fecit venerabilis frater archiepiscopus Coloniensis, quod, habito nuper per eum ad venerabiles fratres nostros S. R. E. cardinales sacri Concilii Tridentini interpretes recursu super infrascriptis dubiis, videlicet:

Dubia ab archiepiscopo Coloniensi proposita.

Primo: An incolae tam masculi quam feminae loci, in quo Concilium Tridentinum in puncto matrimonii est promulgatum et acceptatum, transeuntes per locum in quo dictum Concilium non est promulgatum, retinentes idem domicilium, valide possint in isto loco matrimonium sine parcho et testibus contrahere?

Secundo: Quid, si eo praedicti incolae tam masculi quam feminae solo animo sine parcho et testibus contrahendi se transferant, habitationem non mutant?

Tertio: Quid, si iidem incolae tam masculi quam feminae eo transferant habitationem, illo solo animo, ut absque parcho et testibus contrahant?

§ 2. Iidem cardinales, ad primum et secundum, non esse legitimum matrimonium inter sic se transferentes et transeuntes cum fraude; ad tertium vero dubiorum huiusmodi, si domicilium vere transferant, matrimonium esse validum responderunt et resolverunt, prout in decreto desuper emanato plenius continetur.

Solutio Congregationis Concilii.

§ 3. Cum autem, sicut eadem expositio subiungebat, dictus archiepiscopus responsum, seu dubiorum praedictorum resolutionem huiusmodi, pro illius subsistentiâ et validitate firmioribus; apostolicae nostrae confirmationis robore communiri summopere desideret:

Petitur Pontificia auctoritate confirmari.

¹ Ex Regest. in Secret. Brav.

Confirmatur.

§ 4. Nos, eundem archiepiscopum specialibus favoribus et gratiis prosequi volentes, supplicationibus illius nomine nobis super hoc humiliter porrectis inclinati, responsum, seu dubiorum praedictorum resolutionem huiusmodi, auctoritate apostolicâ, tenore praesentium, approbamus et confirmamus, illisque inviolabilis apostolicae firmitatis robur adiicimus.

Clausulae.

§ 5. Decernentes, illud, seu illam, necnon praesentes litteras, valida, firma et efficacia existere et fore, suosque plenarios et integros effectus sortiri et obtinere; sicque, et iuxta illa, per quoscumque iudices ordinarios et delegatos, etiam causarum palatii apostolici auditores, iudicari ac definiri debere; ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Derogatio contrariorum.

§ 6. Non obstantibus constitutionibus et ordinationibus apostolicis, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die xiv augusti MDCXXVII, pontificatus nostri anno v.

Dat. die 14 augusti 1627, pontif. anno v.

CCLVIII.

Iubilaeum christifidelibus in Aethiopiae imperio commorantibus¹.

Urbanus Papa VIII,
ad futuram rei memoriam.

Prooemium.

Pastoralis officii nobis divinâ providentiâ commissi res exigit, ut de salute Dominici gregis solliciti ad eos christifideles mentis nostrae aciem et paternae charitatis affectum praecipue dirigamus, quos, in partibus ab hac Sanctâ Sede remotissimis constitutos, spiritualibus commodis et gratiis carere cognoscimus.

Aethiopiae iubilaeum conceditur.

§ 1. Hinc est quod nos, attendentes, christifideles in Aethiopiae ac aliis locis

¹ Ex Regest. in Secret. Brev.

carissimi in Christo filii nostri sulthani Sagued Aethiopiae imperatoris dominio subiectis commorantes, ob maximam ab almâ Urbe nostrâ distantiam, aliaque legitima impedimenta, ad eandem Urbem pro percipiendis spiritualibus anni iubilaei proxime praeteriti fructibus accedere non potuisse, et proinde, super eorum statu in intimis animi et misericordiae visceribus commoti, eos speciali indulgentiarum ac iubilaei munere consolari volentes, supplicationibus quoque dicti sulthani imperatoris nomine nobis super hoc humiliter porrectis inclinati, de omnipotentis Dei misericordiâ ac beatorum Petri et Pauli apostolorum eius auctoritate confisi, omnibus et singulis utriusque sexus illarum partium christifidelibus vere poenitentibus et confessis, ac sacrâ communione refectis, quod, unam seu plures ecclesiam seu ecclesias vel loca pia per venerabilem fratrem patriarcham Aethiopiae deputanda per quindecim dies continuos vel interpolatos (quos pro personis infirmis, senibus, praegnantibus, virginibus, viduis et aliis quovis alio legitimo impedimento detentis, ac capitulis, congregationibus, tam secularium quam regularium, sodalitatibus, universitatibus ac confraternitatibus, ecclesiam seu ecclesias vel cappellas aut loca pia huiusmodi processionaliter visitantes¹, atque ob alias causas, prout eidem patriarchae videbitur, ad minorem numerum illius arbitrio reduci posse volumus) devote ac reverenter visitando respective, et ibi quinquies orationem dominicam et toties salutationem angelicam pro peccatorum suorum remissione², ac pro pace inter principes christianos conservandâ, et haeresum extirpatione, ac sanctae Matris Ecclesiae exaltatione pie ad Deum orando, plenariam eiusdem anni iubilaei omnium peccatorum suorum in-

Qui praescripta hic opera adimpleverint.

¹ Videtur legendum *visitantibus* (R. T.).

² Videtur deesse *recitando* (R. T.).

dulgentiam et remissionem semel tantum consequantur, perinde ac si quatuor ecclesias dictae almae Urbis pro consequendo iubilaeo huiusmodi statutis ad id diebus personaliter visitassent, et alia ad hoc requisita adimplevissent.

Christifidelibus facultas conceditur eligendi confessionarium, etc.

§ 2. Et ad hunc effectum, illis, ut confessorios, quos idem patriarcha iubilaei huiusmodi causâ in statutis ecclesiis respective deputaverit, sibi eligere valeant, presbyteros seculares, vel cuiusvis Ordinis regulares, qui, confessionibus illorum diligenter auditis, eos ac eorum quemlibet a quibusvis peccatis, criminibus, excessibus et delictis, etiam Sedi Apostolicae reservatis, ac in litteris, quae in die Coenae Domini legi consueverunt, contentis, necnon censuris et poenis ecclesiasticis, ad effectum ipsius iubilaei consequendum tantum, iniunctâ eis poenitentia salutaris, absolvere possint;

Iubilaeum consequi illi etiam possunt, qui illud Romae suae consequuntur.

§ 4. Necnon et ut illi, qui Romam forsitan venerunt, ac iubilaeum ipsum quovis modo consequuti sunt, denuo etiam illud iuxta tenorem praesentium consequi valeant, concedimus.

Aliae facultates patriarchae concessae.

§ 5. Praeterea eidem patriarchae, ut cuiusvis Ordinis monialibus, et orphanorum, aliarumque mulierum in communi viventium congregationibus, ad iubilaeum ipsum intra monasterium domosve suas consequendum, conditiones, modum et tempus praescribere, et denique in praemissis omnibus et singulis illius arbitrio facere, ordinare, providere, et quaecumque sibi visa remedia opportuna adhibere possit, prout animarum saluti expedire iudicaverit, facultatem tribuimus et impartimur. Praesentibus ad tres menses tantum a die illarum publicationis computandos tantum valituris.

Transumptis danda fides.

§ 6. Volumus autem, quod praesentium transumptis, etiam impressis, manu alicuius notarii publici subscriptis, et sigillo

1 Edit. Main. legit *adhiberi* (n. r.).

personae in dignitate ecclesiastica constitutae munitis, eadem prorsus fides in iudicio et extra ubique adhibeatur, quae ipsis originalibus litteris adhiberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die xxxi augusti mdcxxvii, pontificatus nostri anno v.

Dat. die 31 augusti 1627, pontif. anno v.

CCLIX.

Indultum celebrandi missam et recitandi officium die v february de viginti tribus Martyribus, ex Ordine fratrum Minorum S. Francisci de Observantia provinciae Discalceatorum S. Gregorii Philippinarum et Iaponiae, pro fratribus dicti Ordinis ubique existentibus, et pro aliis quibuscumque Manilensis dioecesis tantum¹.

Urbanus Papa VIII,
ad perpetuam rei memoriam.

Salvatoris et Domini nostri Iesu Christi, qui milites suos inclytos, quorum mors pretiosa in conspectu eius, immortalitatis coronâ donat in caelis, vices quamquam immeriti gerentes in terris, pia christifidelium praesertim catholicorum regum vota, per quae eorundem sanctorum militum veneratio promovetur, et laudatur Dominus in sanctis suis, ad exauditionis gratiam libenter admittimus favoribusque et gratis prosequimur opportunis.

Exordium.

§ 1. Cum itaque, sicut dilectus filius Petrus Baptista, procurator fratrum Ordinis Minorum S. Francisci de Observantia Discalceatorum nuncupatorum provinciae S. Gregorii Philippinarum et Iaponiae, nobis nuper exponi fecit, venerabiles fra-

Supplicatum fuit Pontifici pro facultate, de qua in rubrica.

1 Isti Beati fuerunt martyrio coronati unâ cum tribus aliis e Societate Iesu de quibus etiam celebrari missam posse idem concessit Pontifex in Const. seq.

tres nostri S. R. E. cardinales sacris ritibus praepositi in causâ canonizationis vigintitrium Martyrum, videlicet, Petri Baptistae et sociorum eius ex dicto Ordine, quorum nempe sex professi, ceteri vero laici et familiares coadiutores eorumdem sex professorum erant, quique omnes pro Christi nomine in oppido civitate nuncupato Nangasa qui extra muros in regno Iaponiae cruci affixi et transverberati fuerunt, in sacro Rotae auditorio, et deinde de mandato nostro ab eisdem cardinalibus, referente dilecto filio nostro Tiberio tituli S. Priscæ presbytero cardinali Muto nuncupato, discussâ, censuerint constare de martyrio et miraculis, ideoque ad actualem illorum canonizationem quando-cumque deveniri posse; superiores vero dicti Ordinis, pro eo, quem erga eosdem Martyres gerunt, devotionis affectu, officium et missam de illis (donec ad solemnem eorum canonizationem, pro qua non solum dictus Petrus eorumdem fratrum nomine, verum etiam charissimus in Christo filius noster Philippus rex catholicus, ac charissima in Christo filia nostra Isabella regina catholica Hispaniarum, necnon universa civitas Manilensis et Chinen-sis, seu Machanensis, alique nobis per eorum litteras ad nos transmissas humiliter supplicarunt, deveniatur) ut infra recitari posse plurimum desiderent:

Qui modo eam
concedit.

§ 2. Nos, piis eorumdem superiorum votis huiusmodi, quantum cum Domino possumus, annuere, illosque specialibus favoribus et gratiis prosequi volentes, eorumque singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censentes, supplicationibus

dicti Petri et eorumdem superiorum nomine nobis humiliter porrectis inclinati, de eorumdem cardinalium consilio, ut de eisdem Martyribus, tam ab omnibus dicti Ordinis S. Francisci religionis ubique existentibus, quam etiam aliis ecclesiasticis et secularibus personis Manilensis diocesis dumtaxat, ubi praecipue dictorum Martyrum pro Christi fide labores valde profecerunt, officium et missa de comuni plurimorum Martyrum die eorum natali, videlicet die quintâ februarii, recitari et celebrari respective libere et licite possit et valeat, apostolicâ auctoritate, tenore praesentium licentiam et facultatem concedimus et impartimur.

§ 3. Non obstantibus constitutionibus et ordinationibus apostolicis, ceterisque contrariis quibuscumque.

Contraria re-
movendo.

§ 4. Volumus autem, quod praesentium transumptis, etiam impressis, manu alicuius notarii publici subscriptis, et sigillo alicuius personae in dignitate ecclesiasticâ constitutae munitis, eadem prorsus fides ubique adhibeatur, quae eisdem praesentibus adhiberetur, si forent exhibitae vel ostensae.

Transumptis-
que credi man-
dando.

Datum Romae, apud S. Mariam Maiorem, sub annulo Piscatoris, die xiv septembris MDCXXVII, pontificatus nostri anno v.

Dat. die 14 septembris 1627, pontif. anno v.

CCLX.

Indultum celebrandi missam et recitandi officium de tribus Martyribus Paulo Michi, Ioanne de Goto, et Didaco Quizai e Societate Iesu quotannis die quintâ februarii pro omnibus dictae Societatis religionis¹.

¹ Hoc indultum ad omnes sacerdotes, tam seculares quam regulares, ad ecclesias huius Societatis confluentes extendit sacra Rituum Congregatio, ut in decreto mox subsequente quod Urbanus VIII approbavit.

**Urbanus Papa VIII,
ad perpetuam rei memoriam.**

Prooemium.

Salvatoris et Domini nostri Iesu Christi, qui milites suos inclytos, quorum mors pretiosa est in conspectu eius, immortalitatis coronam donat in caelis, vices quamquam immeriti gerentes in terris, pia christifidelium praesertim catholicorum regum vota, per quae eorundem sanctorum militum veneratio promovetur, et laudatur Dominus in sanctis suis, ad exauditionis gratiam libenter admittimus, favoribusque et gratiis prosequimur opportunis.

Supplicatio
facta Pontifici
pro huiusmodi
indulto.

§ 1. Cum itaque, sicut dilecti filii praepositus generalis et presbyteri Societatis Iesu nobis nuper exponi fecerunt, venerabiles fratres nostri S. R. E. cardinales sacris ritibus praepositi in causam canonizationis trium martyrum, videlicet, Pauli Michi, ac Ioannis de Goto, et Didaci Qui-zai ex dicta Societate, qui pro Christi nomine in oppido civitate nuncupato Nangasa, qui extra muros in regno Iaponiae cruci affixi et transverberati fuerunt, in sacro Rotae auditorio, et deinde de mandato nostro ab eisdem cardinalibus, referente dilecto filio nostro Tiberio tituli S. Prisciae presbytero cardinali Muto nuncupato, discussa, censuerint constare de martyrio et miraculis, ideoque ad actua-lem illorum canonizationem quandocumque deveniri posse; praepositus vero et presbyteri praedicti, pro eo, quem erga ipsos sanctos Martyres gerunt, devotionis affectu, officium et missam de illis (donec ad solemnem eorum canonizationem, pro qua non solum iidem praepositus et presbyteri, verum etiam charissimus in Christo filius noster Philippus rex catholicus, ac charissima in Christo filia nostra Isabella regina catholica Hispaniarum, nec non universa civitas Manilensis et Chinensis, seu Machanensis, alique nobis per eorum litteras ad nos transmissas humi-

liter supplicarunt) deveniatur, ut infra recitari posse plurimum desiderent:

§ 2. Nos, piis ipsorum praepositi et presbyterorum votis, quantum cum Domino possumus, annuere, illosque specialibus favoribus et gratiis prosequi volentes, eorumque singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censentes, supplicationibus praepositi ac presbyterorum praedictorum nomine nobis super hoc humiliter porrectis inclinati, de eorundem cardinalium consilio, ut de eisdem Martyribus ab omnibus dictae Societatis religiosis ubique existentibus officium et missa de communi plurimorum Martyrum die eorum natali, videlicet die quinta februarii, recitari et celebrari respective libere possit et valeat, apostolicam auctoritatem, tenore praesentium licentiam et facultatem concedimus et impartimur.

Concessio, de
qua in rubrica.

§ 3. Non obstantibus constitutionibus et ordinationibus apostolicis, ceterisque contrariis quibuscumque.

Derogatio
contrariorum.

§ 4. Volumus autem, ut praesentium transumptis, etiam impressis, manu alicuius notarii publici subscriptis, et sigillo alicuius personae in dignitate ecclesiastica constitutae munitis, eadem prorsus fides ubique adhibeatur, quae ipsis praesentibus adhiberetur, si forent exhibitae vel ostensae.

Transumptorum
fides.

Datum Romae, apud S. Mariam Maiorem, sub annulo Piscatoris, die xv septembris MDCXXVII, pontificatus nostri anno v.

Dat. die 15 septembris 1627, pontif. anno v.

Sequitur decretum sacrae rituum Congregationis, quo praedictum indultum

extenditur ad omnes sacerdotes tam seculares quam regulares ad ecclesias dicti Societatis confluentes.

Cum alias sub die III iulii MDCXXVII sacra rituum Congregatio, annuente Sanctissimo, concesserit, ut de tribus sanctis Martyribus e Societate Iesu, Paulo Michi, Ioanne de Goto, et Didaco Quizai in Iaponia pro Christi fide cruci affixis, officium ac missa de communi plurium Martyrum ipsa die eorum martyrii, nempe quinta februarii, ab omnibus presbyteris eiusdem Societatis, ubique existentibus, recitari et celebrari posset; instante generali patrum Societatis Iesu, indultum praedictum ad omnes sacerdotes, tam seculares quam regulares, ad eorum ecclesias confluentes, extendi posse eadem sacra Congregatio censuit. Facto verbo cum Sanctissimo, Sanctissimus annuit die XXVI septembris MDCXXIX.

IOANNES BAPTISTA CARD. DETUS.

F. FULV. BENIGNUS, secretarius.

CCLXI.

Praefigitur terminus trium mensium ab istius Constitutionis publicatione partibus ad retractandum omnia contra constitutiones Sixti V, Clementis VIII et Pauli V super prohibitionem alienandi fortalitia et castra, aliaque bona iurisdictionalia in Statu Ecclesiastico existentia, absque Sedis Apostolicae licentia, et contra illarum declarationem et extensionem respective quoad castra diruta et alia in eis expressa a Sanctitate Sua emanatas, gesta, et notariis, etiam Sedis Apostolicae, etiam de numero participantium, ad instrumenta, de quibus sunt rogati, exhibendum, et in eorum margine casationes adnotandum; et insuper mandatur testibus, quatenus contractus

omnes, quibus interfuerint, intra similem terminum a die contractus, revelare et de eis notam dare debeant.

Urbanus Episcopus,
servus servorum Dei,
ad perpetuam rei memoriam.

Sedes Apostolica, pia mater, filiis poenas, quas illi per inobedientiam vel negligentiam incurrerunt, aliquando remittere et condonare consuevit, ad hoc ut illi, benignitatem experti, ad ea, quae sibi iniuncta sunt, fidelius peragenda incitentur, eos vero, qui clementiam suam agnoscere non curant, timore poenae perterrere non desistit.

§ 1. Nuper siquidem, per alias nostras, sub datum videlicet kalendis iunii, pontificatus nostri anno IV, confectas litteras, constitutiones per felicitis recordationis Sixtum V, Clementem VIII, ac Paulum etiam V, Romanos Pontifices praedecessores nostros, super prohibitionem fortalitia et castra, aliaque bona iurisdictionalia in Statu Ecclesiastico existentia, absque Sedis Apostolicae licentia alienandi editas confirmavimus et innovavimus, easque quoad castra diruta, tenutas et praedia etiam non iurisdictionalia in confinibus loci iurisdictionalis et bona in dicto Statu in confinio principum exterorum sita, illorumque locationes et censuum annuorum super praemissis om-

Exordium.

Refertur Constitutio ab ipso edita quam habes indicatam in nota ad rubricam.

1 Prohibitionem huiusmodi alienationum a Sixto V editam habes in ipsius Const. VII, *Sollicitudo*, tom. VIII, pag. 580. Et Clem. VIII declarationem et extensionem lege in eiusdem Constit. CCL, *Romanum* (in h. n. ed. CCLXI, tom. X, pag. 711); ac Pauli V innovationem in Const. CCLXXXI, *Pastorale* (in h. n. ed. CCCI, tom. XII, p. 413); ampliavit Urbanus VIII in Const. CCXXIV (in h. n. ed. CCXLV) *Decens*, ut supra pag. 547. Quia vero multae alienationes contra tenores dictarum Constitutionum factae fuerant, ne temporis progressu iurisdiclio aliqua usurpetur, seu fines iurisdictionales confundantur, erexit Congregationem de confinibus Status Ecclesiastici, Sedi Apostolicae mediate vel immediate subiecti, nuncupandam, ut in Const. seq., *Debitum*.

nibus impositarum¹ et impositorum venditiones extendi declaravimus et respective extendimus, prout in dictis litteris plenius continetur.

Partibus quae Constitutiones Clemens VIII, Sixti V et huius Pontificis contravenerunt praefigitur terminus trium mensium ad retractandum gesta contra ipsas Constitutiones et poenas exigi prohibetur dicto termino durante.

§ 2. Licet autem omnes et singuli, qui ad venditiones, alienationes, locationes, aliaque in singulis constitutionibus, ac etiam nostris litteris praedictis respective fieri prohibita, aut eorum aliquod, nullâ Sedis Apostolicae praecedente in scriptis, obtentâ licentiâ, vel illâ apud notarium in actu celebrationis contractus minime dimissâ, devenerint et seu exequutioni demandaverint, poenas omnes in constitutionibus et earum qualibet ac etiam in nostris litteris praedictis contentas eo ipso incurrerint et incurrisse censi debeant; nihilominus, ex nostrâ benignitate mitius agendo, motu proprio, non ad alicuius oblatae nobis desuper petitionis instantiam, sed ex merâ nostrâ scientiâ et deliberatione, ac de apostolicae potestatis plenitudine, omnibus et singulis, qui in praemissis, aut eorum aliquo hactenus contravenerint, terminum trium mensium, a die publicationis praesentium computandum, intra quem omnes et singuli, tam emptores, quam venditores, ceterique quomodolibet contravenientes, omnia et singula per eos gesta et inde sequuta quaecumque retractasse, et actu retrosimili in pristinum, prout ante sequutam aliquo modo contraventionem erant, reposuisse et restituuisse debeant, apostolicâ auctoritate praefigimus per praesentes, quo quidem termino durante poenas praedictas, tam ab ipsis contrahentibus, scilicet venditoribus, alienantibus et locatoribus, ac emptoribus, acquirentibus et conductoribus, quam a notariis exigi nolumus.

Quo elapso, tamquam contra non parentes, manu regiâ et exequutiva procedatur, et poena exigatur.

§ 3. Ipso autem termino elapso et praemissis non parito, tam camerae nostrae apostolicae commissarium, quam fisci

¹ Indubie legendum *impositiones pro impositarum*, ut infra pag. 600 (n. r.).

procuratorem generalem, dilectos filios, posse et debere eiusdem camerae nomine, et nemine vocato, ac manu regiâ et exequutiva, ac etiam de facto, citra vitium spoli, nullitatis et attentatorum, possessionem bonorum venditorum, alienatorum, vel locatorum capere, ad effectum retinendi et fructus illorum percipiendi ad utilitatem dictae camerae, ac respective possessionem suo tempore consignandi, iuxta constitutionum etstrarum litterarum praedictarum formam, personis in eisdem constitutionibus et nostris litteris designatis; necnon etiam desuper agere coram quocumque Romanae curiae seu Status nostri Ecclesiastici iudice pro effectuali et integrâ revocatione et repositione omnium et singulorum in pristinum, non obstante taciturnitate, negligentia, ac etiam contradictione ipsorummet contrahentium et cuiuslibet eorum, ita quod etiam illis seu altero eorum non instantibus, quinimo etiam invitis et contradicentibus, omnia, ut praefertur, etiam manu regiâ in pristinum quamprimum reponantur; et contravenientes, ac omnia et singula in pristinum infra dictum terminum trium mensium non reponentes, in poenas praedictas ipso iure, absque aliqua declaratione, etiamsi, quoad contrahentes et eorum quemlibet, pretia restituta, aut alia in recompensam soluta, tradita, vel in eis quomodolibet promissa adimpleta non fuerint, incurrisse et in illas incidisse.

§ 4. Notarios quoque, etiam Sedis Apostolicae nuncupatos, etiam de numero participantium, intra eundem trium mensium terminum, tam in exhibendo instrumento, quam etiam ulterius in adnotando in margine ipsorum instrumentorum cassationem, retractationem, restitutionem et repositionem in pristinum omnium contra constitutionum et litterarum praedictarum tenorem actorum, paruisse debere, aliâs privationis officiorum suorum et alias omnes poenas in eisdem constitutionibus et litteris inflictas

Notarii omnes instrumenta huiusmodi exhibeant et in margine cassationem adnotentur intra dictum terminum.

incurrisse, eâdem auctoritate decernimus et declaramus.

Testes, qui huiusmodi contractibus interfuerint, revelent contractus et notarios de illis rogatos infra terminum trium mensium.

§ 5. Et insuper, ne constitutiones et nostrae litterae praedictae ex occultis contractibus fraudari contingat, praecipimus et mandamus, quod omnes et singuli testes, qui in praedictis contractibus, scilicet venditionis, alienationis, locationis et aliis, ut praefertur, prohibitis, de cetero celebrandis adhibiti fuerint, infra terminum trium mensium a die cuiuslibet celebrati contractus computandorum, sub poenis nostro et pro tempore existentis Romani Pontificis arbitrio imponendis, contractus, quibus intervenerint, revelare, et de eis ac notariis de illis rogatis notam dare teneantur, etiamsi contractus ipsi in executionem iudicati, vel in vim subhastationis, aut aliâs quomodolibet celebrati extiterint.

Licentia et beneplacitum Sedis Apostolicae super praemiis, vel similibus concessa, seu concedenda, ad favorem Sedis et camerae apostolicae concessa intelligantur.

§ 6. Demum licentias et beneplacitum apostolicum, a Sede Apostolicâ in quorumcumque baronum et aliorum quomodolibet nuncupatorum montium erectione, seu censuum impositione, vel aliâs, quomodolibet concessa hactenus, et imposterum quovis tempore concedenda, ac etiam motu proprio et aliâs quomodolibet emanata hactenus et in futurum emananda, etiam quoad omnia in eisdem licentiis et beneplacito expressa et exprimenda, sine praedicti iudicio quorumcumque iurium camerae apostolicae, in quemcumque casum seu eventum cuiuscumque devolutionis seu caducitatis ex quocumque capite hactenus quomodolibet forsitan incurssae seu de cetero quomodolibet incurssae et purificatae seu purificandae, ad favorem Sedis et Camerae praedictarum in et super civitatibus, castris, oppidis, terris et locis iurisdictionalibus et non iurisdictionalibus, ac etiam bonis per praedictas constitutiones et nostras litteras qualificatis, nec aliâs, aliter, aut alio modo, intelligi debere aut posse harum serie similiter declaramus.

Clausulae.

§ 7. Sicque, et non aliter, in omnibus

et singulis praemissis per quoscumque iudices ordinarios, delegatos et commissarios, et etiam camerae praedictae clericos praesidentes, necnon causarum palatii apostolici auditores, ac S. R. E. cardinales, etiam camerarium, et de latere legatos, iudicari et definiri ac interpretari debere, sublata eis et eorum cuilibet quavis aliter iudicandi et interpretandi facultate et auctoritate¹, ac irritum et inane quicquid secus super his a quoquam, quavis auctoritate, scienter vel ignoranter, contigerit attentari, etiam decernimus.

§ 8. Iniungentes et mandantes in virtute sanctae obedientiae, ac sub poenâ indignationis nostrae, eisdem legatis, ac dilectis filiis prolegatis, gubernatoribus, etiam Urbis, ac iudicibus nunc et pro tempore in eâdem Urbe et toto Statu nostro praedicto existentibus, et cuilibet eorum, ut praesentes nostras et in eis contenta quaecumque in Urbe ac Statu praedictis ab omnibus et singulis, ad quos quomodolibet spectat et in futurum spectabit, perpetuo observari mandent et faciant, et pro omnium et singulorum praemissorum inviolabili observatione contra inobedientes et praemissis in aliquo contravenientes et alios, quos opus erit, omnibus iuris et facti mediis opportunis similiter manu regiâ et viâ executionis, ac omni et quacumque appellatione remota, procedant.

Præceptum observantiae huius Constitutionis.

§ 9. Non obstantibus nostrâ de non tollendo iure quaesito, ac aliis constitutionibus et ordinationibus apostolicis, ac omnibus illis, quae Sixtus et Clemens ac Paulus praedecessores praedicti in dictis constitutionibus, et nos in litteris nostris volumus non ob stare, ceterisque contrariis quibuscumque.

Derogatio contrariorum.

§ 10. Ut autem praesentes omnibus innotescant, volumus et apostolicâ aucto-

Forma et effectus publicationis.

¹ Verba iudicari et definiri debere inutiliter repetita delemus (R. T.).

ritate pariter decernimus, quod illae in valvis ecclesiae Lateranensis, et basilicae Principis apostolorum de Urbe, necnon in acie Campi Florae publicentur et affigantur, quae, postquam sic affixae et publicatae fuerint, quoscumque tam in Romana curia et Statu praedicto, quam extra eos existentes, perinde obligent et arcent, ac si unicuique eorum nominatim et personaliter intimatae fuissent;

Exemplorum
fides.

§ 11. Quodque earum exemplis, etiam impressis, manu notarii publici et sigillo alicuius personae in dignitate ecclesiasticae constitutae munitis, eadem prorsus fides adhibeatur, quae ipsismet praesentibus haberetur, si essent exhibitae vel ostensae.

Sanctio poe-
nalis.

§ 12. Nulli ergo omnino hominum liceat hanc paginam nostrae praefixionis, praecepti, declarationum, iniunctionis, mandatorum, voluntatis et decretorum infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei, ac beatorum Petri et Pauli apostolorum eius se noverit incursum.

Datum Romae, apud sanctam Mariam Maiorem, anno Incarnationis Dominicae MDCXXVII, v kalendas octobris, pontificatus nostri anno v.

Dat. die 27 septembris 1627, pontif. anno v.

Anno a nativitate D. N. Iesu Christi MDCXXVII, indictione x, pontificatus Sanctissimi in Christo Patris et D. N. D. Urbani divina providentia Papae VIII, anno eius v, die vero v mensis octobris, retroscriptae litterae apostolicae publicatae et affixae fuerunt ad valvas Principis apostolorum de Urbe, S. Ioannis Lateranensis et in acie Campi Florae per nos Paulum Bartoccium et Augustinum de Bollis apostolicos cursores.

MATTHIAS, magister.

CCLXII.

Erectio Congregationis super confinibus Status Sedi Apostolicae mediate vel immediate subiecti, cum deputatione illius praefecti et consultorum, et facultatibus eisdem concessis¹.

Urbanus episcopus
servus servorum Dei,
ad perpetuam rei memoriam.

Exordium.

Debitum pastoralis officii nobis, meritis licet imparibus, divina dispositione commissi, mentem nostram continua pulsant instantia, ut ad ea, quae nostrae et Sedis Apostolicae civitatum, oppidorum et locorum, aliorumque bonorum, confinium et terminorum manutentionem et conservationem, ac illorum incolarum, nostrorum et dictae Sedis subditorum, securitatem et tranquillitatem concernunt, etiam per novarum congregationum praemissis sedulo vigilantium erectionem procuranda, operam et operam, quantum nobis ex alto conceditur, efficaces impendamus, aliaque desuper disponamus, prout ad camerae nostrae et subditorum eorumdem utilitatem, et Status nostri Ecclesiastici tuitionem, conspicimus in Domino salubriter expedire.

§ 1. Nuper siquidem ex praemissis et certis aliis tunc expressis rationibus et causis adducti, ac Romanorum Pontificum praedecessorum nostrorum vestigiis inhaerentes, unam a felicitis recordationis Sixto V

Sixtus V, Clemens VIII et Paulus V adiderunt Constitutiones, citatas in nota ad rubricam quas iste Pontifex innovavit et exten-

¹ Sixtus V prohibuit alienari bona in forenses, et castra aliaque bona iurisdictionalia tam in forenses quam in subditos, absque Sedis Apostolicae licentia; quam prohibitionem innovarunt Clemens VIII et Paulus V, et pariter iste Pontifex eas confirmavit, declaravit et ampliavit (Vide notam ad rubricam, Const. praeced., pag. 597, ubi omnes praedictae constitutiones citatae sunt). Et cum multae alienationes contra praedictas constitutiones factae fuissent, praefixit partibus terminum ad eas revocandum absque poenarum incursum infictione ut in Constat. praeced. pag. 597. Quod cum parum profuisset hanc Congregationem erexit et instituit.

dit, ut in Con-
stitutione pari-
ter citata in
notâ ad rubri-
cam.

sub kalendis iulij pontificatus sui anno I, qua cavetur, ne bona in forenses, et castra aliaque iurisdictionalia tam in forenses quam in subditos absque Sedis Apostolicae licentiâ alienentur, ac aliam a pia memoriae Clemente VIII, sub pridie nonas iulij pontificatus sui anno X, praedictae Sixti innovatoriam ac extensivam, ac reliquam, perpetuo valituras constitutiones a recolendae memoriae Paulo etiam V, Romanis Pontificibus praedecessoribus nostris, sub XII kalendas decembris pontificatus sui anno XIII, respective datis editas¹, ac praedictas Sixti et Clementis praedecessorum etiam innovatoriam et declaratoriam non tantum apostolicâ auctoritate perpetuo approbavimus, confirmavimus et innovavimus, sed etiam ad castra diruta, tenutas, praedia etiam non iurisdictionalia in confinibus loci iurisdictionalis, et ad bona in nostro et sanctae Romanae Ecclesiae Statu ac confinio principum exterorum sita, illorumque locationes, ac censuum annuorum super praemissis impositiones, et impositorum venditiones, dictâ auctoritate etiam perpetuo extendimus et ampliavimus, prout in nostris desuper sub datum kalendis iunii pontificatus nostri anno IV.

Causae ere-
ctionis huius
Congregationis.

§ 2. Verum, quia, sicut nobis postea non sine gravi animi nostri moerore innotuit, variae impune contra constitutionum et litterarum praedictarum tenores factae fuerunt alienationes, et, nisi in praemissis aliquod opportunum remedium adhibeatur, periculum est, ne temporis progressu et varietate iurisdictionis aliqua usurpetur, et termini seu fines iurisdictionales confundantur, seu confusione et usurpationi huiusmodi occasio praebeatur:

Erectio Con-
gregationis de
confinibus Sta-
tus Ecclesiastici
Sedi Apostoli-
cae mediate et
immediate sub-
iecti nuncu-
panda.

§ 3. Nos, in praemissis, quantum cum Domino possumus, opportune providere volentes, ac constitutionum et litterarum huiusmodi, a quibus per praesentes recedere non intendimus, sed in earum pri-

¹ Edit. Main. legit *datas, editas* (R. T.).

maevo robore eas perpetuo remanere volumus, totos et integros tenores etiam veriores ac datas, perinde ac si de verbo ad verbum insererentur, praesentibus pro plene et sufficienter expressis habentes, motu proprio, non ad alicuius nobis desuper oblatae petitionis instantiam, sed ex certâ scientiâ, merâque deliberatione nostris, ac de apostolicae potestatis plenitudine, Congregationem de confinibus Status Ecclesiastici nobis et Sedi Apostolicae mediate vel immediate subiecti nuncupandam, quae uni¹ ex eiusdem sanctae Romanae Ecclesiae cardinalibus, qui praefectus, et aliis partim ex sacrâ consultâ Status huiusmodi partim ex camerâ apostolicâ praedictâ, necnon etiam aliquibus aliis insignibus a Romano Pontifice pro tempore existente seligendis viris, qui consultores dictae congregationis respective existant, constare debeat;

§ 4. Et apud quam, ac praefectum et consultores huiusmodi, omnes et singulas venditiones, permutationes, alienationes, et quascumque alias dispositiones contra vel praeter tenorem et formam dictarum constitutionum et litterarum factas ac faciendas, tam partibus instantibus, quam ex officio, cognoscendi, examinandi, ac, prout eis visum fuerit, in toto vel in parte cassandi, annullandi, aut nullas declarandi, moderandi, restringendi, revocandi, confirmandi et approbandi, aut de novo concedendi; dubitationes quascumque super eisdem constitutionibus et litteris, causis et occasione alienationum huiusmodi, ortas vel oriundas tollendi, declarandi et decidendi; necnon controversias et lites quascumque, sive inter nos, Sedem, cameram apostolicam et quascumque personas, tam seculares, quam ecclesiasticas, cuiuscumque dignitatis, gradus, ordinis, status, conditionis et praecminentiae, etiam de quibus specialis et individua mentio facienda fo-

Quae sint
causae ab ea
cognoscendae.

¹ Aptius legeretur *uno* (R. T.).

ret, et quascumque civitates, castra, oppida, universitates, collegia, monasteria et loca etiam pia et religiosa, regularia et secularia, etiam exempta, quovis nomine nuncupata, sive etiam inter easdem personas, civitates, collegia, monasteria et loca praedicta, motas seu movendas, ac omnes et singulas alias causas civiles et criminales et capitales ac mixtas audiendi, cognoscendi, et quoad criminales, dummodo sententiam sanguinis per se ipsos non ferant, absque alicuius irregularitatis incursu definiendi et decidendi; et confines quoscumque Status huiusmodi et singulorum illius civitatum, oppidorum, terrarum et quorumvis aliorum locorum invisiendi, declarandi, ponendi et amovendi; perturbantes, occultantes, amoventes, incidentes aut ponentes terminos, seu alias quomodolibet et qualitercumque in et super confinibus et terminis, et circa confinia, seu ab eis dependentia, annexa vel connexa delinquentes, aut aquas in vel prope confinia quomodolibet derivantes, aut ab eisdem amoventes, aut aedificium quovis nomine nuncupatum construentes, et quaecumque servitutem prope vel in confinibus imponentes, civiliter, et, dummodo sententiam sanguinis, ut praefertur, per se ipsos non ferant, criminaliter eorum arbitrio, omni et quacumque appellatione remotâ, puniendi; vel cuiuscumque personae sibi bene visae etiam in dignitate ecclesiasticâ non constitutae, quae tamen a praefecto et consultoribus huiusmodi ad id idonea iudicata fuerit, causas huiusmodi committendi¹, sive eam in toto vel in parte cum iisdem facultatibus subdelegandi; ac unum vel plures commissarios vel notarios ad capiendas informationes, conficiendosque processus, quando, quoties, ac cum quibus opus fuerit, et ad confines invisendos, illorumque plantas et descriptiones conficiendas, cum provisionibus, salariis,

atque expensis per praefectum et consultores praedictos declarandis, ac per locorum communitates, atque alios interesse habentes, vel etiam per nostram cameram arbitrio ipsorum praefecti et consultorum persolvendis, transmittendi et deputandi; ac personis quibuscumque in vel prope confinia Status praedicti habitantibus pro confinium huiusmodi defensione arma quaecumque (non tamen brevioris mensurae) deferendi simili arbitrio licentiam concedendi; necnon omnes et singulas causas, lites, controversias et quaestiones de et super confinibus, vel eorum annexis seu connexis, principaliter vel secundario, ut praefertur, motas et movendas a nostris sacrae consultae, boni regiminis, et aquarum, et aliis quibuscumque tribunalibus, iudicibus, praesidentibus, gubernatoribus etiam Urbis, necnon camerae apostolicae generali et sacri palatii apostolici causarum auditoribus, nostris etiam et dictae Sedis de latere legatis, tam ex officio quam ad partium instantiam reassumendi et evocandi, citandi et inhibendi, etiam sub censuris et poenis pari arbitrio imponendis, moderandis et applicandis, et illas sic reassumptas et avocatas, omnes, et quascumque alias praemissa quomodolibet concernentes, summarie, simpliciter et de plano, solâ facti veritate inspectâ, ac manu regiâ, et sine strepitu et figurâ iudicii, similiter quacumque appellatione remotâ cognoscendi, seu eisdem congregationibus, tribunalibus, legatis, iudicibus et aliis personis eidem congregationi bene visis remittendi et committendi cum iisdem facultatibus, etiam simili arbitrio; et respective, cum participatione tamen nostrâ, et non aliâ, ea omnia agendi et gerendi, quae super confinibus, territoriis et alienationibus, venditionibus, permutationibus, praemissisque omnibus et singulis et circa ea nos et Sedes Apostolica facere possemus, quaeque pro nostrorum subditorum quiete et

¹ Male edit. Main. legit *comittendas* (A. T.).

dicti Status conservatione necessaria solum dispositionibus minime comprehendi, sed quomodolibet opportuna per eos respective iudicabuntur, etiam privative ad congregationes, tribunalia, personas et iudices praedictos, et alios etiam quomodolibet qualificados, sive incidenter et sive principaliter agatur, plena, libera et absoluta potestas resideat, apostolicâ auctoritate praedictâ, earumdem tenore praesentium, similiter perpetuo erigimus et instituimus.

Deputatio
praefecti et con-
sultorum Con-
gregationis.

§ 5. Ac in congregationis sic erectae et institutae, pro eius felici regimine et administratione, dilectos filios nostrum¹ Martium S. Mariae Novae diaconum cardinalem, Ginetum nuncupatum, in² praefectum, Stephanum vero Duratium, nostrum et camerae apostolicae thesaurarium generalem, et Ioannem Beninum eiusdem camerae clericum, ac Franciscum Vitellium sacrae consultae praedictae praelatum, necnon etiam pro tempore existentem eiusdem consultae secretarium, ac Antonium Cerum nostri concistorii, camerae et fisci advocatum, et Caesarem Raccagnum eiusdem camerae apostolicae commissarium generalem, et Felicem Contelorum bibliothecae nostrae Vaticanae et illius, ac Ioannem Baptistam Confalonierum in theologia magistrum Arcis S. Angeli archiviorum custodes, Sedis Apostolicae notarios, in consultores, et eundem Felicem in secretarium, eisdem auctoritate et tenore constituimus et deputamus.

Clausulae
praeservativae.

§ 6. Decernentes praesentes litteras de subreptionis vel obreptionis seu nullitatis vitio, aut intentionis nostrae, vel quopiam alio defectu notari vel impugnari nunquam posse, sed illas semper et perpetuo validas et efficaces fore, suosque plenarios et integros effectus sortiri et obtinere, illasque sub quibusvis revocationibus, suspensionibus, derogationibus, aliisque contrariis, etiam totum tenorem continentibus,

¹ Aptius lege *nostros* (R. T.).

² Praep. in nos addimus (R. T.).

dispositionibus minime comprehendi, sed semper ab illis excipi; et quoties illas revocari vel limitari, aut suspendi, seu eis derogari contigerit, toties in pristinum statum restitutas, repositas et plenarie reintegratas, ac de novo concessas esse et fore;

§ 7. Sicque, et non aliâs, in praemis omnibus et singulis per quoscumque iudices ordinarios vel delegatos, quavis auctoritate fungentes, etiam causarum palatii apostolici auditores, ac eiusdem sanctae Romanae Ecclesiae cardinales, etiam de latere legatos et vicelegatos, dictaeque Sedis nuntios, sublata eis et eorum cuilibet quavis aliter iudicandi et interpretandi facultate et auctoritate, ubique et in quacumque instantiâ iudicari et definiri debere; irritum quoque et inane, quicquid secus super his a quoquam, quavis auctoritate, scienter vel ignoranter, contigerit attentari.

§ 8. Mandantes propterea praedictis, ac pro tempore existenti praefecto, necnon consultoribus dictae congregationis, et eorum singulis, ut praesentes nostras litteras observent et exequantur, ac faciant ab aliis, quantum in eis erit, omnibus opportunis iuris et facti remediis, firmiter et inviolabiliter observari.

§ 9. Non obstantibus, quatenus opus sit, nostrâ de iure quaesito non tollendo, ac similis memoriae Pii Papae IV etiam praedecessoris nostri de similibus seu aliis gratiis interesse camerae praedictae quomodolibet concernentibus in eadem camerâ registrandis et insinuandis, ita ut praesentes absque aliâ in eadem camerâ admissione et registratione validae sint, suumque debitum sortiantur effectum, aliisque apostolicis, etiam in provincialibus, synodalibus et universalibus conciliis editis, specialibus vel generalibus, constitutionibus et ordinationibus, ac camerae et consultae huiusmodi, aliarumque congregationum, seu tribunalium, si quae sint,

Clausula sub-
lata, praeco-
ptum observan-
tiae et execu-
tionis huius
Constitutionis.

Derogatio
contrariorum.

necnon Urbis, civitatum, terrarum, oppidorum, villarum et locorum quorumcumque (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, camerae, consultaeque, ac congregationibus, seu tribunalibus huiusmodi, etiam super iure similes causas, etiam privative quoad alios, cognoscendi et terminandi, ac communitatibus, universitatibus, baronibus et aliis quibusvis, etiam motu simili, etiam consistorialiter, aut aliâs in contrarium quomodolibet concessis, approbatis et innovatis; quibus omnibus, etiam si aliâs pro sufficienti illorum¹ derogatione, de illis, eorumque totis tenoribus specialis, specifica, expressa et individua, ac de verbo ad verbum, non autem per clausulas generales idem importantes, mentio seu quaevis alia expressio habenda aut aliqua alia exquisita forma ad hoc servanda foret, tenores huiusmodi, ac si de verbo ad verbum, nihil penitus omisso, et formâ in illis traditâ observatâ inserti forent, eisdem praesentibus etiam pro plene et sufficienter expressis habentes, illis in aliâs suo robore permansuris, hac vice dumtaxat specialiter et expresse harum serie derogamus, ceterisque contrariis quibuscumque.

Transumptio-
rum fides.

§ 19. Volumus autem, quod earumdem praesentium transumptis, etiam impressis, manu alicuius notarii dictae camerae apostolicae subscriptis, ac capitis, seu praefecti, vel alicuius ex modernis, et pro tempore existentibus consultoribus huiusmodi sigillo munitis, eadem prorsus, tam in iudicio, quam extra illud, in omnibus et per omnia fides adhibeatur, quae eisdem praesentibus adhiberetur, si forent exhibitae vel ostensae.

Sanctio poe-
nalis.

§ 11. Nulli ergo omnino hominum liceat hanc paginam nostrae erectionis, institutionis et constitutionis, deputationis,

¹ Edit. Main. h. illorum pro sufficienti (n.t.).

decreti, mandati, derogationis et voluntatis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursurum.

Datum Romae, apud sanctam Mariam Maiorem, anno Incarnationis Dominicae MDCXXVII, kalendis octobris, pontificatus nostri anno v.

Dat. die 1 octobris 1627, pontif. anno v.

CCLXIII.

Indultum recitandi officium et celebrandi missam de beatâ Ritâ de Cassiâ Ordinis Eremitarum S. Augustini pro universi Ordinis praedicti fratribus et monialibus, et pro aliis in totâ Spoletanâ diocesi.

Urbanus Papa VIII,
ad perpetuam rei memoriam.

In supremo apostolatus solio, meritis licet imparibus, divinâ dispositione constituti, ad ea, per quae servorum et ancillarum Christi honos et veneratio in terris promovetur, iuxta creditum nobis desuper apostolatus officium, libenter intendimus, piisque christifidelium, praesertim sanctimonialium, votis peculiarem erga illos cultum et venerationem respicientibus benigne annuimus, prout conspicimus in Domino salubriter expedire.

Exordium.

§ 1. Sane, nomine dilectarum in Christo filiarum priorissae et monialium monasterii beatæ Ritæ Ordinis S. Augustini de Cassia, Spoletanae diocesis, nobis nuper expositum fuit, quod ipsae, pro eo, quem erga dictam beatam Ritam de Cassiâ gerunt, devotionis affectu, officium et missam de eâ ut infra, recitari et celebrari posse summo opere desiderant. Quare nobis humiliter supplicari fecerunt, ut de opportunâ in praemissis licentiâ providere de benignitate apostolicâ dignaremur.

Supplicatio
facta Pontifici
pro facultate de
qua in rubrica.

Quam Pontifex concedit.

§ 2. Nos igitur piis priorissae et monialium praefatarum votis huiusmodi, quantum cum Domino possumus, votis annuere, illasque specialibus favoribus et gratiis prosequi volentes, et earum singulares personas a quibusvis excommunicationis, suspensionis, et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum, harum serie absolventes, et absolutas fore censentes, supplicationibus illarum nomine nobis super hoc humiliter porrectis inclinati, de venerabilium fratrum nostrorum sanctae Romanae Ecclesiae cardinalium sacris ritibus praepositorum consilio, ut de dictâ beatâ Rita in totâ dioecesi Spoletanâ, ac ab omnibus utriusque sexus dicti Ordinis religiosis ubique existentibus, officium et missa tamquam de communi nec Virginis nec Martyris, iuxta rubricas breviarii et missalis romani, ac breviarium ipsius Ordinis a Sede Apostolicâ approbatum, respective recitari et celebrari libere et licite possit et valeat, apostolicâ auctoritate, tenore praesentium, licentiam et facultatem impertimur.

Contraria remove.

§ 3. Non obstantibus constitutionibus et ordinationibus apostolicis, ceterisque contrariis quibuscumque.

Transumptis fidei mandari.

§ 4. Volumus autem, quod praesentium transumptis, etiam impressis, ac manu alicuius personae in dignitate ecclesiasticâ constitutae munitis, eadem prorsus fides ubique adhibeatur, quae ipsis praesentibus adhiberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die II octobris MDCXXVII, pontificatus nostri anno V.

Dat. die 1 octobris 1627, pontif. anno V.

1 Coniunct. et nos addimus (R. T.).

CCLXIV.

Facultas erigendi hospitium in partibus Africae pro sex religiosis congregationis B. Mariae de Mercede redemptionis captivorum Discalceatorum, seu recollectorum nuncupatorum¹.

Urbanus Episcopus
servus servorum Dei,
ad perpetuam rei memoriam.

Prooemium.

Inter cetera pietatis opera, quibus ex debito pastoralis officii nobis iniuncti adstricti sumus, illud praecipue in animo nostro incidit ardentius, ut personae Christi fidem colentes, et in captivitatem deductae, et sub potestate infidelium constitutae, a captivitate huiusmodi liberentur, et in pristinae libertatis gloriam deducantur, ac² interim spiritualiter consolentur: illos quoque specialis gratiae favore prosequimur, qui ad opus huiusmodi adiutrices et liberales manus extendunt.

Causae huius Constitutionis.

§ 1. Exhibita siquidem nobis nuper, pro parte dilectorum filiorum Iustini Antolines decani ecclesiae Granatensis, ac Didaci de S. Raymundo moderni Congregationis beatæ Mariae de Mercede Redemptionis captivorum Discalceatorum seu Recollectorum nuncupatorum procuratoris generalis, petitio continebat, quod ipse Iustinus, charitatis erga proximum fervore accensus, de bonis suis unum hospitium pro sex religiosis Congregationis huiusmodi pro nunc, et, Deo dante, etiam pro maiori ipsorum religiosorum numero in partibus Aricae, ad hoc ut ipsi religiosi iuxta laudabile eorum institutum christifideles inibi sub dirâ Turcarum servitute constitutos, quos possunt, ab illâ eximere queant, eosque in Domino consolentur, illisque ecclesiastica sacramenta administrent, ac

¹ De his fratribus vide in Const. CLXXIX (in h. n. ed. CXCVIII), In supremo, supra pag. 464.

² Legerem: ac, ut interim spiritualiter consolentur, illos quoque, etc. (R. T.).

eorum denique animarum saluti, meliori qua poterunt ratione, incumbere valeant, construi facere ac reddito annuo quingentorum saltem ducatorum monetae Hispaniarum dotare intendat, si infrascripta sibi per nos benigne concedantur.

Concessio, de qua in rubrica.

§ 2. Quare pro parte Iustini et Didaci praedictorum nobis fuit humiliter supplicatum, quatenus infrascriptis annuere de benignitate apostolicâ dignaremur.

Extenduntur privilegia Ordinis huic hospitio.

§ 3. Nos igitur, christifidelium in captivitate huiusmodi constitutorum libertati et spirituali consolationi, quantum cum Deo possumus, consulere cupientes, ac Iustinum et Didacum praedictos, ac eorum quemlibet, a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodati existunt, ad effectum praesentium dumtaxat consequendum, harum serie absolventes et absolutos fore censentes, huiusmodi supplicationibus inclinati, eisdem Iustino et Didaco, si et postquam ipse Iustinus redditum annuum quingentorum scutorum huiusmodi tutum et securum pro dicti hospitii fundatione vere et realiter assignaverit, et non antea, aliter, nec alio modo, ut gentilitia familiae dicti Iustini tamquam fundatoris et dotatoris ac patroni dicti hospitii super ipsius hospitii ianuis et portis, necnon lapidem in aliquo dicti hospitii pariete, cum inscriptione fundationis et seu dotationis per dictum Iustinum factae, apponere, necnon religiosi praedictae congregationis in eodem hospitio pro tempore degentibus, ut omnibus et singulis gratiis et indultis ac privilegiis, quibus cetera eiusdem Ordinis hospitia, illorumque religiosi quomodolibet utuntur, fruuntur, potiuntur et gaudent, ac uti, frui, potiri et gaudere possunt et poterunt quomodolibet in futurum, dummodo illa sint in usu, hactenusque non

revocata, nec sub aliquâ revocatione comprehensa, ac sacris canonibus, et Concilii Tridentini decretis, regularibusque dicti Ordinis institutis non adversentur, ac in erectione hospitii huiusmodi forma apostolicarum constitutionum, praesertim sollicitudinis Clementis VIII et Pauli V ac Gregorii XV Romanorum Pontificum praedecessorum nostrorum, ac nostrae, super novorum locorum regularium institutione editarum servetur, ex voto venerabilium fratrum nostrorum sanctae Romanae Ecclesiae cardinalium negotiis regularium praepositorum, uti, frui, potiri et gaudere possint et valeant, apostolicâ auctoritate, tenore praesentium, concedimus et indulgemus.

§ 4. Decernentes, praesentes litteras et in eis contenta quaecumque semper et perpetuo valida et efficacia esse et fore, ac dictae Congregationi et religiosi huiusmodi in omnibus et per omnia plenissime suffragari, ac irritum et inane quicquid secus super his a quoquam, quavis auctoritate, scienter vel ignoranter, contigerit attentari.

Decretum irritans.

§ 5. Non obstantibus constitutionibus et ordinationibus apostolicis, ceterisque contrariis quibuscumque.

Derogatio contrariorum.

§ 6. Nulli ergo omnino hominum liceat hanc paginam nostrae absolutionis, concessionis, indulti et decreti infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursurum.

Clausulae poenales.

Datum in arce Gandulphi, dioecesis Albanensis, anno Incarnationis Dominicae MDCXXVII, idibus octobris, pontificatus nostri anno v.

Dat. die 15 octobris 1627, pontif. anno v.

CCLXV.

*Ecclesiasticis regni Galliarum facultas
concedit subsidium regi praestandi pro
haereticorum profligatione.*

Urbanus Papa VIII,

Venerabilibus fratribus, primatibus, archiepi-
scopis et episcopis, ac dilectis filiis, abba-
tibus, prioribus, ceterisque ecclesiarum
secularium et regularium praelatis, capi-
tulis, collegiis et conventibus et personis
ecclesiasticis quibuscumque per regnum
Franciae constitutis, salutem et apostoli-
cam benedictionem.

Prooemium.

In supremâ militantis Ecclesiae speculâ,
nullo licet meritorum suffragio, immensâ
Dei et Domini nostri benignitate consti-
tuti, et intra mentis nostrae arcana at-
tentius considerantes, principes et pote-
states tepebrarum, adversus quos Ecclesia
sancta assidue colluctatur, ad eiusdem Ec-
clesiae perniciem et catholicae fidei exci-
dium incessanter vigilare, non possumus
totis visceribus non commoveri: et, licet
certam spem et fiduciam habeamus in Do-
mino Deo exercituum, qui sponsam suam
Ecclesiam sanctam sub omnipotentiae cly-
peo protegit, cogimur tamen ex creditâ
humilitati nostrae Dominici gregis curâ
in id omni cogitatione; omnique studio
incumbere, ut praecautiois nostrae mi-
nisterio non solum oves Christi adversus
rapacium luporum insidias communitae
reddant Domino abundanter fructus suos,
verum etiam charissimorum regum vota,
rationes exquirentium quibus nefarii ho-
stium ipsius fidei ausus reprimi et dissi-
pari valeant, propitium sortiantur effectum.

Adhibenti
regi in haere-
ticorum proflig-
atione,

§ 1. Cum itaque, sicut nostrâ in Domino
laetitiâ accepimus, charissimus in Christo
filius noster Ludovicus Francorum rex
christianissimus, non immemor quantum
ipsae divinae debeat bonitati quae eum
sedere fecit in solio patris sui et super
florentissimum Franciae regnum consti-

1 Ex Regest. in Secret. Brev.

tuit, apponens manus ad fortia, haereticos
sui regni, favente Domino, debellare, et
nefarios eorum conatus ac machinationes
reprimere fortiter coeperit, utque tam pia
et sanctae expeditioni de cetero facilius
vacare, et immensa expensarum onera sub-
eunda perferre, imminentesque ac urgen-
tissimas, nomine maiestatis suae nobis ex-
positas, in quas propterea regnum ipsum
redactum est, necessitates, tam ecclesiasti-
cis quam laicis communes, supportare va-
leat, subsidio unius millionis scutorum
maximopere indigeat; quia vero ad hoc
laicorum eorundem facultates minime sup-
petunt, ad vos, qui bona ecclesiastica in
eodem regno Dei benignitate et fidelium
beneficentiâ possidetis, confugere, subsi-
diumque huiusmodi a vobis, in praedictos
et non alios usus convertendum, si nostra
et huius sanctae Sedis licentiâ desuper suf-
fragetur, obtinere intendat:

§ 2. Nos, pro eâ pastoralis, quam uni-
versali Ecclesiae debemus, sollicitudine,
proque nostro praecipuo paternae erga
eundem Ludovicum regem regnumque
praedictum charitatis affectu, ei in tanto
rerum discrimine ac tam necessario tem-
pore nullatenus deesse volentes, immo tam
pium et christianissimo rege dignum pro-
positum ratum et gratum habentes, vos
paterne hortamur, quatenus, dicti Ludovici
regis et regni necessitatibus huiusmodi
compatientes, subsidium pecuniarum, pro
summâ quae a vobis seu vestris deputa-
tis, non tamen ultra praedictam summam,
declarata fuerit, in locis et terminis per
vos seu deputatos huiusmodi statuendis,
eidem Ludovico regi persolvendum, et per
eum in usus praedictos dumtaxat erogan-
dum iuxta sacrorum canonum dispositio-
nem, sicut gravitas causae postulat, pro
hac vice dumtaxat solvatis et contribuat.

Pontifex subsi-
dium ab eccle-
siasticis prae-
stari finit,

§ 3. Licet autem de vestra pietate, pru-
dentiâ et charitate erga patriam, ac zelo
fidei catholicae propagandae, nedum con-

Atque horta-
tur,

servandae, plurimum in Domino confidamus, tamen pro nostro pastoralis officii debito facere non potuimus, quin vobis, ut merito existimamus, sponte currentibus, litterarum nostrarum calcar adderemus, ut, sicut ex piis dicti Ludovici regis armis ad haereticorum extirpationem et ecclesiarum dicti regni non modicam commoditatem et utilitatem ex Dei beneficio secundos exitus speramus, ita libentius et cumulatius officio vestro satisfaciatis: praesertim¹ cum nobis rem tantae curae merito esse, et re ipsâ intelligere potestis, divinae retributionis spem vobis proponere supervacaneum ducimus, cum de Dei causâ defendendâ agatur, super cuius familiam ministri sumus constituti, ut demus illi in tempore tritici mensuram, audituri, si fideles et prudentes erimus, *intrate in gaudium Domini vestri*.

Necessariasque illud exigendi facultates elargiuntur.

§ 4. Ceterum, ut sublatis impedimentis quibuscumlibet ad eiusdem subsidii contributionem devenire valeatis, vobis seu vestris deputatis subsidium praedictum imponendi, petendi et exigendi tempus, locumque solutionis, ac modum et formam, quantitatemque praescribendi, quascumque personas ad ipsius subsidii exactionem constituendi et deputandi, quascumque promissiones et obligationes necessarias et opportunas, etiam iuramento vallatas, conficiendi, contradictores quoscumlibet et rebelles per sententias et poenas ecclesiasticas, aliaque opportuna iuris et facti remedia, omni et quacumque appellatione, recursu et reclamatione prorsus postpositis, compescendi et compellendi, ceteraque omnia et singula alia in praemissis, et circa ea necessaria et quomodolibet opportuna, etiamsi talia sint vel fuerint, quae magis specialem, specificam et expressam requirerent mentionem, faciendi, dicendi, gerendi et exequendi, apostolicâ auctoritate, tenore praesentium, plenam, liberam

¹ Sequens periodus non satis clara (R. T.).

et amplam facultatem et auctoritatem concedimus et impertimur.

§ 5. Non obstantibus apostolicis, ac in universalibus, provincialibusque et synodalibus conciliis editis, generalibus vel specialibus, constitutionibus et ordinationibus, ac ecclesiarum, monasteriorum, prioratuum et Ordinum quorumcumque, etiam iuramento, confirmatione apostolicâ vel quavis firmitate aliâ roboratis, statutis et consuetudinibus, privilegiis quoque, indultis et litteris apostolicis, in contrarium quomodolibet concessis, confirmatis et innovatis. Quibus omnibus et singulis, eorum omnium et singulorum tenores praesentibus pro plene et sufficienter expressis habentes, illis aliâs in suo robore permanentis, hac vice dumtaxat specialiter et expresse derogamus, ceterisque contrariis quibuscumque.

Contraria tollit.

§ 6. Volumus autem, quod, subsidio huiusmodi semel contributo et persoluto, praesentes nullae sint, neque exactioni amplius sit locus; quodque propterea bona stabilia ecclesiarum, monasteriorum et beneficiorum minime alienentur; et quod sub impositione et exactione subsidii huiusmodi ecclesiae cathedrales, quorum mille, ac curata, quorum redditus annui centum ducatorum auri de camerâ non excedunt, insuper Ordines Mendicantes, ac hospitalia hospitalitatem actu exercentia, fratresque milites hospitalis sancti Ioannis Hierosolymitani nullatenus comprehendantur, sed omnino excipiantur, prout illos et illa exceptos et excepta esse et fore decernimus.

Nonnullos a praestatione subsidii eximit.

§ 7. Praeterea, iuxta ordinationem a concilio Viennensi desuper editam, sacri calices, libri, et alia ornamenta ecclesiarum, beneficiorum et aliorum supradictorum, divino cultui dicata, ex causâ pignoris, vel aliâs, occasione solutionis summae huiusmodi, nullo modo capiantur, distrahantur vel occupentur;

In omni exactione canonicas leges habet servari.

Ac demum
transumptis a-
dem addit.

§ 7. Et pariter, quod praesentium transumptis, sigillo alicuius praelati ecclesiastici et publici notarii subscriptione munitis, eadem prorsus fides adhibeatur, in iudicio et extra illud, quae ipsis originalibus litteris adhiberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die v novembris MDCXXVII, pontificatus nostri anno v.

Dat. die 5 novembris 1627, pontif. anno v.

CCLXVI.

Societas monachorum sancti Benedicti Reformatorum provinciae Britannicae Congregationi S. Mauri eiusdem Ordinis in Galliâ erectae unitur¹.

Urbanus Papa VIII,
ad perpetuam rei memoriam.

Exord.

Ad militantis Ecclesiae regimen, nullis licet nobis suffragantibus meritis, divinâ dispositione erecti, illud prae ceteris curam² proposuimus, ut ecclesiasticorum et religiosorum Ordines quoslibet ad pristini cuiusque regularis eorum instituti normam, a qua non parum deflexerunt, quantum cum Domino possumus, reduceremus, ac propterea qui suâ sponte religionis et arctioris vitae zelo ducti pristinae regulae, quam suae religionis auctores susceperunt, observantiam amplecti et sectari desiderant, eosdem non solum in eorum proposito confovere, sed etiam opportunis favoribus et gratiis libenter prosequi solemus.

Causae faciendae unionis.

§ 1. Cum itaque, sicut accepimus, a viginti circiter annis nonnulli monachi Ordinis sancti Benedicti Congregationis Gallicanae, accedente superiorum suorum licentiâ, regulam eiusdem sancti Benedicti Congregationis Cassinensis dicti Ordinis adamussim

¹ Ex Regest. in Secret. Brev.

² Vel lege curae, vel illam pro illud (R. T.).

observare decreverint, et ad hunc effectum prioratum de Lehon, praedicti seu alterius Ordinis, Machloviensis dioecesis, sibi concedi obtinuerint, ac, divinâ favente clementiâ, in regulae et constitutionum huiusmodi observantiâ vitaeque sanctimoniâ adeo profecerint, ut ad eandem observantiam in plura dicti Ordinis provinciae Britanniae monachorum monasteria introducenda et stabilienda vocati fuerint, ut proinde unam monachorum huiusmodi societatem Britannicam nuncupatam de licentiâ et auctoritate dilectorum filiorum nostrorum Francisci S. Praxedis de Sourdis ac Francisci S. Callisti titularum presbyterorum cardinalium de la Rochefoucault nuncupatorum, uti commissariorum super monasteriis dicti Ordinis regni Franciae ab Apostolicâ Sede deputatorum, ac aliâs, canonice exerxerint et instituerint, in eâque superiores, visitatores et definitores ad instar dictae Congregationis Cassinensis absque ullâ a dictâ Congregatione Gallicanâ eiusque superiorum dependentiâ habeant:

§ 2. Nos, ut societas huiusmodi felicioribus in dies in sanctitate et iustitiâ coram Domino proficiat incrementis, quantum cum Domino possumus, providere volentes, de venerabilium fratrum nostrorum sanctae Romanae Ecclesiae cardinalium negotiis regularium praepositorum consilio, motu proprio et ex certâ scientiâ nostris, societatem monachorum sancti Benedicti in provinciâ Britannicâ Reformatorum huiusmodi, unâ cum illius monasteriis et personis professis, Congregationi sancti Mauri eiusdem Ordinis in Galliis apostolicâ auctoritate erectae, ita ut de cetero monasteria et personae tam societatis quam congregationis huiusmodi sint unum corpus, et unicam constituent congregationem sub titulo eiusdem sancti Mauri, dictâ auctoritate, tenore praesentium, perpetuo unimus et incorporamus.

Pontificium
indultum.

Exequutores
designati.

§ 3. Quocirca, ne quae¹ difficultas executionem unionis et incorporationis huiusmodi impediatur aut remoretur, dilectis filiis nostro² Petro sanctae Romanae Ecclesiae presbytero cardinali Berullo nuncupato, ac nostro et Apostolicae Sedis apud carissimum in Christo filium nostrum Ludovicum Francorum regem christianissimum nuncio, per praesentes iniungimus ac respective mandamus, ut coniunctim procedentes, consultis aliquibus patribus gravioribus ac rerum usu peritioribus tam eiusdem quam aliorum Ordinum sibi benevisis, conditiones in unione et incorporatione praedictis observandas praescribant, ac firment, easdemque unionem et incorporationem, unā cum eisdem conditionibus, auctoritate praedicta exequantur.

Clausulae.

§ 4. Decernentes, praesentes litteras validas, firmas et efficaces existere et fore, suosque plenarios et integros effectus sortiri et obtinere, ac societati et Congregationi S. Mauri huiusmodi in omnibus et per omnia plenissime suffragari; sique per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Obstantium
derogatio

§ 3. Non obstantibus constitutionibus et ordinationibus apostolicis, ac, quatenus opus sit, congregationum et ordinum praedictorum (etiam iuramento, confirmatione apostolica, vel quavis firmitate aliā roboratis) statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, approbatis, confirmatis et innovatis. Quibus omnibus et singulis, illorum tenores praesentibus pro plene et sufficienter expressis ac de verbo ad ver-

bum insertis habentes, illis aliās in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die vii novembris MDCXXVII, pontificatus nostri anno v.

Dat. die 8 novembris 1627, pontif. anno v.

CCLXVII.

Ratificatio actorum per Torquatum de Comitibus in restitutione tormentorum bellicorum et aliarum rerum, in fortalitiis Vallis Tellinae existentium, comiti Aloysio Trotto procuratori a gubernatore Mediolanensi nomine regis catholici deputato¹.

Urbanus Papa VIII,
ad futuram rei memoriam.

Cum, sicut nobis innotuit, dilectus filius nobilis vir Torquatus de Comitibus dux Guadagnoli, uti procurator noster², in restitutione per eum factā dilecto filio comiti Aloysio Trotto Campi, magistro peditum Italicorum charissimi in Christo filii nostri Philippi Hispaniarum regis catholici, uti procuratori a dilecto pariter filio nobili viro Gonzalez Fernandez de Corduba Status Mediolani gubernatore, etiam de mandato eiusdem Philippi regis, ad hoc constituto, tormentorum bellicorum, armorum, munitionum, victualium et aliarum rerum in propugnaculis sive fortalitiis Vallis Tellinae et Clavennae existentium, et quondam Horatio Ludovisio duci Fiani sub die vi iunii MDCXXIII, ac dilecto pariter filio Nicolao ex comitibus Guidibaldi marchioni Montisbelli sub die xii novembris eiusdem anni, in actu depositi in felicis recordationis Gregorii Papae XV, praedecessoris nostri, ac nostris manibus

Facti series.

¹ Potius lege qua (R. T.).

² Aptius legerem nostris (R. T.).

¹ Ex Regest. in Secret. Brev.

² Vide sup. pag. 424 et 483 (R. T.).

respective facti, consignatarum, restitutionem eandem a nobis ratam habitum iri promiserit, dummodo tamen idem Philippus rex restitutionem ipsam et instrumentum desuper, sub die xviii martii mdcxxvii celebratum, etiam ratum haberet:

Ratificatio, de qua in rubrica.

§ 2. Idcirco, praesupposito quod idem Philippus rex valide et sufficienter rata habuit omnia et singula acta et gesta per Gonzalez gubernatorem et comitem Aloysium praedictos, aliosque deputatos, ad nostrum et huius sanctae Sedis favorem, omne et totum id, quod a dicto Torquato duce, quoad restitutionem tormentorum bellicorum, armorum, munitionum, victualium, atque etiam quoad alia quaecumque promissa, reservata et expressa in instrumento seu instrumentis per eundem Torquatum ducem celebratis, ad quae nos in omnibus et per omnia referimus, actum et executioni demandatum fuit, apostolica auctoritate, tenore praesentium, approbamus, ratumque et gratum habemus ac confirmamus; nosque ratum, gratum et firmum semper habituros, nec iis nunc neque ullo umquam tempore contradicuros, promittimus.

Derogatio contrariorum.

§ 3. In contrarium facientibus non obstantibus quibuscumque.

Datum Romae, apud S. Mariam Maiorem, sub annulo Piscatoris, die x novembris mdcxxvii, pontificatus nostri anno v.

Dat. die 10 novembris 1627, pontif. anno v.

CCLXVIII.

Nonnullae indulgentiae pro exercitu regis Poloniae contra haereticos Prussiae profecturo¹.

Urbanus Papa VIII,
ad futuram rei memoriam.

Exordium.

De salute Dominici gregis curae nostrae divinitus commissi paternam charitate sol-

¹ Ex Regest. in Secret. Brevium.

liciti, ad eam procurandam caelestes Ecclesiae thesauros libenter erogamus.

§ 4. Cum itaque, sicut accepimus, charissimus in Christo filius noster Sigismundus Poloniae et Sveciae rex illustris validum militum exercitum contra haereticos Prussiae destinaverit, nos, cupientes, ut milites omnes dicti exercitus non solum corporalibus adversus visibiles, sed etiam spiritualibus armis adversus invisibiles humani generis hostes armati divinam opem in hoc seculo, et aeternam salutem in caelis facilius consequantur, supplicationibus dicti Sigismundi regis nomine nobis super hoc humiliter porrectis inclinati, omnibus et singulis militibus et aliis christifidelibus universis qui in dicto exercitu militaverint, aut operam et auxilium quovis modo praestiterint qui una hebdomada, postquam omnes simul convenerint, per cappellanium maiorem dicti exercitus designanda, quarta et sexta feriis ac sabbatho, vel saltem uno ex his diebus arbitrio confessarii ieiunaverint, et infra praedictam hebdomadam peccata sua confessi sequenti dominica sanctissimum Eucharistiae sacramentum sumpserint, et pro felici dictae expeditionis successu, christianorum principum concordia, haeresum extirpatione, ac sanctae fidei catholicae exaltatione pias ad Deum preces effuderint, plenissimam omnium peccatorum suorum indulgentiam, veniam et remissionem tenore praesentium misericorditer in Domino concedimus et largimur.

Militibus praescripta hic peragentibus indulgentia conceditur.

§ 2. Utque facilius indulgentiam huiusmodi consequi valeant, supradictis omnibus et singulis, ut confessorem idoneum ex approbatis ab Ordinario eligere valeant, qui, ipsorum confessionibus diligenter auditis, eos ab omnibus peccatis, excessibus et delictis, quantumcumque gravibus et enormibus, et censuris ecclesiasticis, a quibuscumque casibus, etiam nobis et

Facultas quoque datur confessarium eligendi, qui eos a casibus reservatis Sedi Apostolicae absolvat.

Apostolicae Sedi quomodolibet reservatis, etiam contentis in Bullâ die Coenae Domini legi solitâ, in foro conscientiae tantum, iniunctâ cuique illorum poenitentia salutari, absolvere, necnon eorum vota quaecumque (castitatis, et religionis votis dumtaxat exceptis) in alia pietatis opera commutare valeant, concedimus et indulgemus.

Quae ab aegrotis, etc., sint praesentanda.

§ 3. Si vero, qui aegroti, vulnerati, aut aliâs quocumque impedimento detenti, ut praefertur, ieiunare, aut etiam sanctissimum Eucharistiae sacramentum sumere nequiverint, ut presbyter confessarius, ut praefertur approbatus, quem elegerint, ieiunium in aliud pietatis opus commutare, aut in aliud proximum tamen tempus commodum differre valeat, pariter concedimus et indulgemus.

Aliae etiam conceduntur indulgentiae

§ 4. Praeterea eisdem omnibus et singulis supradictis ceteris quibusque vicibus, quibus vere contriti peccata sua confessi fuerint, et, si commode potuerint, sacrosanctum Eucharistiae sacramentum sumpserint, quinque annos et totidem quadragenas qualibet vice, quoties vero orationi mentali vel vocali vacaverint, aut quodcumque pietatis opus peregerint, toties quinquaginta dies de iniunctis eis seu aliâs quomodolibet debitis poenitentis in formâ Ecclesiae consuetâ relaxamus.

Ac praesertim in mortis articulo.

§ 5. In mortis vero articulo constitutis atque in praedictâ expeditione vel pugna seu praeliis morientibus, saltem contritis, plenariam omnium peccatorum suorum indulgentiam et remissionem misericorditer in Domino concedimus.

Potestas episcopis facta militibus benedicendi.

§ 6. Insuper ut quicumque antistes aut alia persona in dignitate ecclesiasticâ constituta exercitum praedictum, ac universos et singulos milites, ac christifideles ad hanc expeditionem profecturos, auctoritate nostrâ apostolicâ benedicere valeat facultatem impartimur.

§ 7. Non obstantibus constitutionibus et ordinationibus apostolicis, ceterisque contrariis quibuscumque. Contraria tolluntur.

Datum Romae, apud S. Mariam Maiorem, sub annulo Piscatoris, die xii novembris mdcxxvii, pontificatus nostri anno v.

Dat. die 12 novembris 1627, pontif. anno v.

CCLXIX.

*Subsidium decies centenorum millium scutorum clero Galliarum impositum regi persolvendum*¹.

Urbanus Papa VIII,
ad futuram rei memoriam.

Cum primum ad summi apostolatus apicem, licet immeriti, divinâ favente clementiâ assumpti fuimus, etsi nihil antiquius habuerimus quam ecclesiasticas personas, quas in visceribus gerimus charitatis, a quibusvis gravaminibus, sive impositionibus, immunes praeservare; nihilominus, dum solerti mentis nostrae indagine consideramus quantis fides catholica nefariorum hostium oppugnationibus atque insultibus in florentissimo Franciae regno conflictetur, quantisque propterea charissimus in Christo filius noster Ludovicus Francorum rex christianissimus expensarum oneribus hactenus gravatus fuerit et novis iugitur praegravetur, facere nullo modo possumus, quin, implorato divinae misericordiae praesidio, ad ecclesiasticarum personarum subsidia recurramus: nobis omnino persuadentes, illas, quae in communi periculo versantur, partem reddituum suorum ecclesiasticorum potius erogaturas, ut totum conservetur, quam, partem conservando, totum in discrimen adducatur.

Procedimus a calamitatibus regni Galliarum petiti.

§ 1. Cum itaque, sicut dictus Ludovicus rex nobis nuper exponi fecit, ipse, ut imminentibus ac urgentissimis necessitatibus sui regni, tam ecclesiasticis quam

Petito regis

¹ Ex Regest. in Secret. Brev.

laicis communibus, quibus ob fidei catholicae defensionem premitur, subvenire valeat, subsidio unius millionis scutorum maximopere indigeat, laicorum vero facultates, propter alia onera eis incumbentia, subsidio huiusmodi comparando minime suppetant:

Pontifex subsidium de quo in rubrica et ab ecclesiasticis praestari iubet.

§ 2. Nos, eidem Ludovico regi de aliquo subventionis auxilio ex ecclesiarum regni Franciae peculio, Christie Domini, cuius causa agitur, patrimonio providere volentes, supplicationibus eiusdem Ludovici regis nomine nobis super hoc humiliter porrectis inclinati, subsidium unius millionis cum dimidio francorum dictae monetae, a quarumcumque tam metropolitanae quam cathedralium primatibus, archiepiscopis, episcopis, necnon illarum ac collegiarum ecclesiarum praepositis, decanis, capitulis et canonicis, ac parochialium et aliarum ecclesiarum rectoribus, beneficiatis, ceterisque personis ecclesiasticis secularibus, quaecumque alia beneficia ecclesiastica quomodolibet nuncupata et qualitercumque qualificata in dicto regno consistentia, etiam ex quibuscumque concessionibus et dispensationibus apostolicis, vel aliis quomodolibet, obtinentibus (exceptis tamen ex cathedralibus illis quarum mille, et ex curatis iis quorum annui redditus summam centum ducatorum auri de camera non excedunt), necnon prioratibus, praeceptoris et ecclesiis fratrum hospitalis S. Ioannis Hierosolymitani, ac hospitalibus hospitalitatem actu exercentibus, ac etiam quorumcumque monasteriorum, domorum et prioratuum conventualium, Cisterciensis, S. Benedicti, S. Augustini, Cluniacensis, Fontis Ebrandi, Praemostratensis, Grandimontensis, Carthusiensis, Camaldulensis, Montis Oliveti, Vallis Umbrosae, Cruciferorum, S. Hieronymi, et aliorum quorumcumque Ordinum, non tamen Mendicantium, ac etiam Cas-

1 Heic forsitan deest partic. non (R. T.).

sinensis, S. Iustinae de Padua, S. Bernardi, Vallischolearum, Lateranensis, ac S. Salvatoris, aliarumque Congregationum tam virosum quam mulierum in regno praedicto similiter existentium, et similiter¹ abbatibus, prioribus, commendatariis, abbatissis, priorissis, et aliis quibuscumque quocumque nomine nuncupatis superioribus, cuiuscumque conditionis, status, gradus, ordinis et qualitatis existentibus, ac immunitatis, exemptionis, vel alio quocumque privilegio gaudentibus, iuxta taxam a venerabili fratre Francisco archiepiscopo Patracensi, episcopo Cerviensi, nostro et Sedis Apostolicae in dicto regno nuncio, ac personis ab illo, si ei videbitur, et a clero praedicto nominandis et deputandis, pro reddituum et proventuum quantitate faciendam ac modum et formam, tempus, locumque solutionis praescribenda, petendum et exigendum apostolica auctoritate, tenore praesentium, imponimus.

§ 3. Eidemque Ioanni Francisco archiepiscopo et nuncio ac clero praefato, quascumque personas ecclesiasticas ad exactionem subsidii huiusmodi pariter constituendi et deputandi, quodque ut pecuniae ex subsidii huiusmodi exactione provenientes personae a dicto clero regni praedicti similiter deputandae, per eam in praefatos et non alios usus erogandae, consignentur, mandandi et praecipendi, contradictores quoslibet et rebelles, ac sibi in praemissis non parentes, per sententias, censuras et poenas ecclesiasticas, aliaque opportuna iuris et facti remedia, omni et quacumque appellatione, recursu et reclamatione prorsus remotis et postpositis, compescendi et compellendi, aliaque in praemissis et circa ea necessaria et quomodolibet opportuna, etiamsi talia sint vel fuerint quae magis specialem, specificam et expressam requirerent mentionem, faciendi, dicendi, gerendi et exe-

Necessariasque ad id facultates deputatis concedit.

Haec excepti qui hic recensentur.

1 Verba et similiter praeter rem esse puto (R. T.).

quendi, plenam, liberam et amplam facultatem concedimus et impartimur.

Poenas praedictos deputatos impediuntibus infligit.

§ 4. Districtius inhibentes patriarchis, archiepiscopis, episcopis, praepositis, decanis, capitulis, canonicis, rectoribus, beneficiis, necnon abbatibus, prioribus, commendatariis, abbatissis, priorissis et superioribus, aliisque supradictis, sub excommunicationis maioris, a qua non nisi per summum Pontificem pro tempore existentem, praeterquam in mortis articulo constituti, absolvi possint, necnon privationis omnium et singulorum dignitatum, canonicatum et praebendarum, monasteriorum, officiorum, administrationum et aliorum beneficiorum ecclesiasticorum per eos obtentorum, inhabilitatisque ad illa et alia imposterum obtinenda, aliisque arbitrio nostro statuendis, moderandis et infligendis poenis, ne eundem Ioannem Franciscum archiepiscopum et nuncium, seu ab eo et clero praedicto deputandos, super praemissis omnibus et singulis, etiam vigore quorumcumque privilegiorum, indultorum, immunitatum, exemptionum et aliarum gratiarum eis vel eorum ecclesiis, ordinibus, monasteriis, domibus et prioratibus quomodolibet concessorum, confirmatorum, approbatorum et innovatorum, impedire, perturbare, molestare, vel inquietare audeant seu praesumant.

Clausulae.

§ 5. Decernentes, praesentes litteras validas, firmas et efficaces existere et fore, suosque plenarios et integros effectus sortiri et obtinere; sicque per quoscumque iudices ordinarios et delegatos, etiam causarum palatii apostolici auditores, ubique iudicari et definiri debere, ac irritum et inane, quidquid secus super his a quocumque, quavis auctoritate, scienter vel ignoranter, contigerit attentari.

Derogatio contrariorum.

§ 6. Non obstantibus felicitis recordationis Bonifacii Papae VIII praedecessoris nostri de unâ, et in concilio generali editâ

de duabus dietis, ac nostrâ de iure quacumque non tollendo, aliisque apostolicis, ac in universalibus, provincialibusque et synodalibus conciliis editis, generalibus vel specialibus, constitutionibus et ordinationibus, ac ecclesiarum, necnon Ordinum, congregationum, monasteriorum, domorum et prioratuum praedictorum (etiam iuramento, confirmatione apostolica, vel quavis firmitate aliâ roboratis) statutis et consuetudinibus, legibus etiam municipalibus et institutis, privilegiis quoque, indultis et litteris apostolicis, illis, eorumque ecclesiis, bonis et beneficiis, ac superioribus et personis, etiam per viam legis aut statuli perpetui, ac etiam iuramenti, seu stipulati contractus, ac aliâs, sub quibuscumque tenoribus et formis, ac cum quibusvis etiam derogatoriis derogatoriis, aliisque efficacioribus et insolitius clausulis, ac irritantibus et aliis decretis, in genere vel in specie, ac aliâs in contrarium praemissorum quomodolibet concessis, confirmatis et innovatis. Quibus omnibus, etiamsi pro illorum sufficiente derogatione de illis, eorumque totis tenoribus specialis, specifica, expressa et individua, ac de verbo ad verbum, non autem per clausulas generales idem importantes, mentio seu quâcvis alia expressio habenda aut aliqua alia exquisita forma ad hoc servanda foret, illorum omnium et singulorum tenores praesentibus pro plene et sufficienter expressis et ad verbum insertis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

§ 7. Volumus autem, quod dictâ summâ unius millionis cum dimidio francorum huiusmodi semel solutâ, praesens gratia nullatenus suffragetur, neque exactioni amplius locus sit; quodque etiam, iuxta ordinationem in concilio Viennensi super hoc editam, sacri calices, libri et alia or-

In exactione subsidii leges Concilii Viennensis servandas.

namenta ecclesiarum, beneficiorum et aliorum supradictorum, divino cultui dicata, ex causâ pignoris, vel aliâ occasione solutionis summae huiusmodi, nullatenus capiantur, distrahantur, vel occupentur, neque propterea bona stabilia ecclesiarum, monasteriorum, prioratuum et aliorum beneficiorum praedictorum ullo modo alienentur, exceptis tamen iis, quae dudum de licentiâ Sedis Apostolicae cum pacto seu facultate illa redimendi alienata reperiuntur, quae¹ si in eventum, in quem redimantur, illa, pro praesentibus necessitatibus sublevandis, iterum cum pacto et facultate redimendi similibus quibuscvis personis meliorem conditionem offerentibus alienari posse concedimus;

*Fides danda
transumptis.*

§ 8. Et pariter, quod praesentium transumptis, sigillo alicuius praelati ecclesiastici et publici notarii subscriptione munitis, eadem prorsus fides in iudicio adhibeatur et extra illud, quae ipsis originalibus litteris adhiberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die XII novembris MDCXXVII, pontificatus nostri anno V.

Dat. die 12 novembris 1627, pontif. anno V.

CCLXX.

Confirmatio et innovatio constitutionis Pii Papae V contra monetarios, eiusdemque ad quascumque personas ecclesiasticas, seculares ac cuiusque Ordinis, necnon etiam Militiarum, regulares².

Urbanus Episcopus,
servus servorum Dei,
ad perpetuam rei memoriam.

Prooemium.

In supremâ pastorali speculâ, meritis licet imparibus, a Domino constituti, ut

¹ Sequens syntaxis imperfecta (R. T.).

² Pii V Constitutionem, quae hîc innovatur ac extenditur, vide tom. VII, pag. 861, eiusque initium est *Cum nil magis*.

noxia ab eius grege arcentes eiusdem salutari regimini prospiciamus, non sine magno animi moerore videmus eo nostri temporis iniquitates esse progressas, ut iis, quibus onus incumberet pacem evangelizandi et charitate proximum prosequendi, suae vocationis immemores, a cupiditatum vortice abrepti, adulterinae monetae crimen perpetrare, sive perpetrantibus opem praestare, non erubescant, nec reformident. Quare praedecessorum nostrorum constitutiones desuper editas innovantes, extendentes et ampliantes, huiusmodi perditorum hominum, quos suae existimationis consideratio in officio non continet, condignâ poenarum severitate temerarios et nefarios ausus intendimus coërcere.

§ 1. Cum itaque felicitis recordationis Pius Papa V praedecessor, noster attendens, quod, licet monetarum aurearum tonsoribus de iure ultimi supplicii esset inflicta poena, argenteas tamen monetas tondentibus satis minor erat imposita, omnes eos, qui argenteas tonderent, ultimi supplicii, et eadem qua aurearum tonsores eâtenus puniti fuerant et de iure puniri debent, poenâ puniendos esse statuerit, prout in cedula Motusproprii manu eiusdem Pii praedecessoris subscriptâ plenius continetur:

§ 2. Nos, motu proprio, ac ex certâ scientiâ, merâque deliberatione nostris, ac de apostolicae potestatis plenitudine, hac nostrâ perpetuo valiturâ constitutione, statutum, voluntatem et mandatum Pii praedecessoris praefati, tenore praesentium, approbamus, confirmamus et innovamus;

§ 3. Ac ad omnes et singulas personas ecclesiasticas etiam quomodolibet exemptas, tam seculares quam cuiusvis Ordinis, congregationis, societatis et instituti, etiam de necessitate exprimendi, necnon militiarum quarumcumque, etiam hospitalis

*Pius V edit
dit Constitutio-
nes contra mo-
netarios indica-
tam in notâ ad
rubricam.*

*Eam Urbanus
approbat et in-
novat.*

*Et ad omnes
personas eccle-
siasticas in Ita-
lia ampliat.*

S. Ioannis Hierosolymitani, regulares non solum in Statu Ecclesiastico mediate vel immediate nobis et Sedi Apostolicae subiecto, sed etiam in omnibus et singulis provinciis, regnis, civitatibus, terris, oppidis, castris et locis in Italia dumtaxat existentibus, qui aureas vel argenteas monetas tondere, fabricare, colorare, vel alias adulterare, seu etiam quomodolibet adulteratas scienter erogare aut exponere praesumpserint, extendimus et ampliamus.

Reos, prae-
viâ degradatio-
ne, curiae secu-
lari tradi iubet.

§ 4. Volentes, ut culpabiles in praemissis reperti, praevis degradatio-
ne, curiae seculari puniendi tradantur.

Materiam seu
opem ad prae-
missa praestan-
tibus poenas
imponit.

§ 5. Pecunias vero sic, ut praefertur, adulteratas scienter detinentibus, seu de loco ad locum transferentibus, aut materiam, instrumenta, sive opem ad praemissa praestantibus, poenam triennium per decennium imponimus.

Iudices huius-
modi causarum
deputat.

§ 6. Et cognitionem causarum huiusmodi, quoad personas ecclesiasticas praefatas, tam seculares quam regulares, in provinciis nobis et Sedi praefatae subiectis, ad sanctae Romanae Ecclesiae cardinales in eisdem provinciis de latere legatos et prolegatos pro tempore existentes, in aliis vero omnibus et singulis provinciis, regnis, civitatibus, oppidis, castris et locis, tam sub nostrâ et dictae Sedis, quam cuiusvis alterius principis ditione, in Italia tantum, comprehensis, privative quoad omnes etiam superiores religiosorum, ipsisque superioribus penitus exclusis, ad Ordinarios locorum spectare etiam volumus, mandantes propterea venerabilibus fratribus nostris patriarchis, archiepiscopis et episcopis, singulis videlicet in suis civitatibus et dioecibus, et, quoad loca intra fines alicuius dioecesis non tamen de dioecesi existentia, ipsarum dioecesium, intra quarum fines eadem loca extiterint, quo vero ad ea quae extra fines alicuius dioecesis consistunt,

vicinioribus eorundem locorum Ordinariis, quatenus, ad instantiam cuiusvis fisci, vel etiam cuiusvis denunciatoris, causarum huiusmodi cognitiones suscipientes, praevis etiam avocatione a quibusvis aliis, in causis ipsis modo praemisso procedant omnibus iuris et facti remediis opportunis, invocato etiam ad hoc, si opus fuerit, brachii secularis auxilio.

Cognitionem
huiusmodi cau-
sarum im-
ponentibus po-
nas infligit.

§ 7. Inhibentes insuper tam decanis et capitulis ecclesiarum cathedralium, metropolitanarum et patriarchalium, necnon quorumvis Ordinum et locorum regularium, societatum et institutorum ac etiam hospitalis praefatorum superioribus, conventibus et fratribus, quantumvis exemptis, ne, sub privationis beneficiorum et officiorum per eos respective obtentorum, ac inhabilitatis ad alia in futurum obtinenda, vocisque activae et passivae, necnon excommunicationis latae sententiae eo ipso incurrendis poenis, legatos et prolegatos, ac Ordinarios locorum, ut praefertur procedentes, quoquomodo impedire, molestare, aut perturbare audeant, vel praesumant; ac etiam mandantes, ut, quoties ad id fuerint requisiti, religiosos ipsos, etiamsi superiores alicuius loci regularis actu fuerint, ipsis legatis, prolegatis et Ordinariis, vel aliis, quibus iidem legati, prolegati et Ordinarii mandaverint, consignent cum scripturis et actis, si quae facta fuisse reperiantur.

§ 8. Sicque, et non aliter, in praemissis per quoscumque iudices ordinarios, delegatos et commissarios, et etiam camerae praedictae clericos praesidentes, nec non causarum palatii apostolici et curiae eiusdem camerae generales auditores, ac sanctae Romanae Ecclesiae camerarium, et alios cardinales, etiam de latere legatos, necnon vicecamerarium, iudicari et definiri ac interpretari debere, sublata eis et eorum cuilibet quavis aliter iudicandi et interpretandi facultate et auctoritate,

Clauulae.

ac irritum et inane quidquid secus super his a quoquam, quavis auctoritate, scienter vel ignoranter, contigerit attentari, decernimus.

Obstantium
derogatio.

§ 9. Non obstantibus constitutionibus et ordinationibus apostolicis, necnon provinciarum, regnorum, civitatum, terrarum, oppidorum, locorum, ecclesiarum, monasteriorum, militiarum, hospitalium, etiam S. Ioannis, praefatorum, et aliorum religiosorum ac piorum locorum (etiam iuramento, confirmatione apostolica, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, eisdem provinciis, regnis, civitatibus, terris, oppidis, locis, ecclesiis, monasteriis, hospitalibus et militiis, etiam S. Ioannis, ut praefertur, et aliis religiosis et piis locis, universitatibus, capitulis, superioribus et personis in contrarium quomodolibet concessis, ac etiam pluries iteratis vicibus approbatis, confirmatis et innovatis. Quibus omnibus et singulis, etiam si de illis, eorumque totis tenoribus specialis, specifica, expressa, individua, ac de verbo ad verbum, non autem per clausulas generales idem importantes, mentio seu quaevis alia expressio habenda aut aliqua alia exquisita forma ad hoc servanda foret, eorum omnium tenores, ac si de verbo ad verbum insererentur, praesentibus pro expressis habentes, illis aliâs in suo robore permanens, ad effectum praesentium dumtaxat, specialiter et expresse derogamus, ceterisque contrariis quibuscumque.

Patificatio in
Urbe omnes in
Italia existentes
afficit.

§ 10. Volumus autem, quod praesentes in valvis ecclesiae Lateranensis et basilicae Principis apostolorum de Urbe, necnon cancellariae apostolicae, et in acie Campi Florae publicentur et affigantur, quae, postquam sic affixae et publicatae fuerint, post duos menses a die publicationis huiusmodi computandos, quoscumque tam in Statu nostro, quam extra eum ubique

locorum, in Italia tamen, existentes, perinde arctent et afficiant, ac si unicuique nominatim et personaliter intimatae fuissent;

Exemplorum
fides.

§ 11. Quodque earum exemplis, etiam impressis, manu notarii publici subscriptis, et sigillo alicuius personae in dignitate ecclesiastica constitutae munitis, eadem prorsus fides adhibeatur, quae iisdem praesentibus haberetur, si forent exhibitae vel ostensae.

Decretum
poenale.

§ 12. Nulli ergo omnino hominum liceat hanc paginam approbationis, confirmationis, innovationis, extensionis, ampliationis, impositionis, voluntatum, derogationis, mandatorum et decreti nostrorum infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursurum.

Datum Romae, apud S. Mariam Maiorem, anno Incarnationis Dominicae MDCXXVII, idibus novembris, pontificatus nostri anno v.

Dat. die 13 novembris 1627, pontif. anno v.

Anno a Nativitate Domini nostri Iesu Christi MDCXXVIII, indictione XI, die vero XXVIII mensis ianuarii, pontificatus Sanctissimi D. N. D. Urbani divinâ providentiâ Papae VIII, anno eius v, retrospectae litterae apostolicae affixae et publicatae fuerunt ad valvas basilicarum S. Ioannis Lateranensis, et Principis apostolorum de Urbe, cancellariae apostolicae, et in acie Campi Florae, dimissis ibidem praesentibus litteris per aliquod temporis spatium appensis, et deinde amotis, ut moris est, per nos Augustinum de Bolis Romanum et Brandimartem Latinum apostolicos cursores.

MARTIUS SPADA, magister.

CCLXXI.

Confirmatio decreti Congregationis sacrorum rituum super praecedentiâ confratrum Ordinis Ioannis Dei, ac fratrum Ordinum Mendicantium; et quarumcumque controversiarum super praemissis pendentium extinctio¹.

Urbanus Papa VIII,
ad perpetuam rei memoriam.

Proemium.

Commissi nobis, per abundantiam divinae gratiae, pastoralis officii debitum postulat, ut sacrarum religionum et congregationum, in Ecclesiâ Dei ad illius laudem et gloriam, pauperumque solamen, atque subsidium, pie sancteque institutarum, illarumque personarum paternam curam gerentes, in his praecipue mentis nostrae aciem assidue intendamus, per quae illarum paci et quieti, felicique statui consulitur, ut personae ipsae, sublati controversiarum materiis, in pacis amoenitate vota sua Domino reddant.

Facti series
et sanctae Con-
gregationis de-
cretum.

§ 1. Cum itaque, sicut dilectus filius Seraphinus Levisellus, procurator generalis Congregationis confratrum Ioannis Dei, nobis nuper exponi fecit, confratribus praedictis multis in locis a fratribus Ordinum Mendicantium nonnullae controversiae de et super praecedentiâ moverentur, ac, provide habito per ipsum eorundem confratrum nomine ad venerabiles fratres nostros S. Romanae Ecclesiae cardinales sacris ritibus praepositos recursum, iidem cardinales, referente dilecto filio nostro Tiberio tituli sanctae Priscæ presbytero cardinali Muto nuncupato, censuerint in eorundem confratrum favorem

¹ Praecedentias inter Ordines Mendicantium et Confraternitates Laicorum in processionibus declaravit Gregor. XIII in Const. CLII, *Exposcit*, tom. VIII, pag. 429. Et de religione Ioannis Dei vide plura in Pauli V Const. CLXXIII, *Romanus*, (in h. n. ed. CLXXVI, tom. XII, pag. 3), et huius Urbani VIII Const. LIX, *Sacrosanctum* (in. h. n. ed. LXVII, sup. pag. 169).

Bull. Rom. Vol. XIII.

78

litteras in formâ Brevis felicitis recordationis Gregorii Papae XIII praedecessoris nostri, sub die XV iulii MDLXXXIII super fratrum Mendicantium Ordinum huiusmodi praecedentiâ editas, servari debere, a tempore tamen quo dicti confratres declarati fuerunt religiosi, prout in decreto desuper emanato plenius dicitur contineri:

Quod confr-
matur.

§ 2. Nos, praemissis, quantum cum Domino possumus, obviam ire, paci quæ et quieti dictorum confratrum, semotis controversiarum incommodis, consulere, ipsosque confratres specialibus favoribus et gratiis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatas existunt, ad effectum praesentium duntaxat consequendum, harum serie absolventes et absolutas fore censentes, supplicationibus dicti Seraphini congregationis huiusmodi nomine nobis super hoc humiliter porrectis inclinati, decretum praedictum apostolicâ auctoritate, tenore praesentium, perpetuo approbamus et confirmamus, illique inviolabilis apostolicae firmitatis robur adiciamus, ac omnes et singulos tam iuris quam facti defectus, si qui desuper quomodolibet intervenerint, supplemus.

§ 3. Necnon omnes et quascunque controversiarum huiusmodi causas et molestias super praemissis et illarum occasione hactenus quomodolibet motas et pendentes, cum omnibus suis annexis et dependentibus, ad nos harum serie avocantes, illas penitus extinguimus, ac tam confratribus quam fratribus Mendicantibus praedictis, et quibusvis aliis interesse habentibus seu praetendentibus, perpetuum super praemissis silentium imponimus.

Super huius-
modi controver-
siis perpetuum
silentium impo-
nuntur.

§ 4. Districtius inhibentes quibusvis iudicibus et personis quavis auctoritate fun-

Cum inhibi-
tione, etc.

gentibus, ne fratres Mendicantes huiusmodi, seu alios pro eis, super praemissis ulterius audire, seu aliàs desuper se ingerere quoquomodo audeant seu praesumant, ac volentes, et eadem auctoritate decernentes et declarantes, quod confratres praedicti praecedentiam, iuxta dictarum litterarum ipsius Gregorii praecessoris decretique in eorum favorem emanati huiusmodi formam et continentiam, habeant, illaque perpetuo fruantur et gaudeant, irritumque et inane quidquid secus super his, a quoquam, quavis auctoritate, scienter vel ignoranter, attentatum forsitan est vel imposterum contigerit attentari.

Exequutores
huius Constitutionis designantur.

§ 5. Quocirca venerabilibus fratribus archiepiscopis et episcopis, aliisque locorum Ordinariis, in quorum dioecesibus congregationis huiusmodi hospitalia erecta reperiuntur, per praesentes committimus et mandamus, quatenus ipsi, vel duo, aut unus eorum, per se, vel alium, seu alios, praesentes litteras et in eis contenta quaecumque, ubi et quando opus fuerit, ac quoties pro parte fratrum praedictorum fuerint requisiti, solemniter publicantes, eisque in praemissis efficacia defensionis praesidio assistentes, faciant auctoritate nostrâ confratres praedictos praesentibus litteris, illarumque commodo et effectui adversus quoscumque perturbatores pacifice frui et gaudere, non permittentes illos desuper a quoquam, quavis auctoritate, quomodolibet indebite molestari; contradictores quoslibet et rebelles per censuras et poenas ecclesiasticas, aliaque opportuna iuris et facti remedia, appellatione postpositâ, compescendo, invocato etiam ad hoc, si opus fuerit, auxilio brachii secularis.

Confratres designantur.

§ 6. Non obstantibus constitutionibus et ordinationibus apostolicis, privilegiis quoque, indultis et litteris apostolicis, eisdem Mendicantium Ordinibus, illorumque

superioribus, et quibusvis aliis, sub quibuscumque tenoribus et formis, ac cum quibusvis etiam derogatoriis, aliisque efficacioribus et insolitis clausulis, necnon irritantibus et aliis decretis, in genere vel in specie, ac aliàs in contrarium praemissorum quomodolibet concessis, confirmatis et innovatis. Quibus omnibus et singulis, etiamsi pro illorum sufficienti derogatione de illis, eorumque totis tenoribus specialis, specifica, expressa et individua, ac de verbo ad verbum, non autem per clausulas generales idem importantes, mentio seu quaevis alia expressio habenda esset, illorumque tenores praesentibus pro plene et sufficienter expressis habentes, illis aliàs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Transumptis
fides adhibetur.

§ 7. Volumus autem quod praesentium transumptis, etiam impressis, manu alicuius notarii publici subscriptis, et sigillo alicuius personae in dignitate ecclesiasticae constitutae munitis, eadem prorsus fides ubique adhibeatur, quae ipsis praesentibus adhiberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die xxvi novembris MDCXXVII, pontificatus nostri anno v.

Dat. die 26 novembris 1627, pontif. anno v.

CCLXXII.

Liparensem Ecclesiam a iure metropolitico Messanensis eximit, et Sedi Apostolicae immediate subiicit¹.

Urbanus Episcopus,
servus servorum Dei,
ad perpetuam rei memoriam.

Romanus Pontifex, cuius principatum super omnes extulit Altissimus, cathedra-
lium ecclesiarum praesules interdum a

Exordium

¹ Ex Regest. in Secret. Brev.

metropolitica, cui suppositi sunt, subiectione segregandos, et Sedis Apostolicae patrocinio ac iuri titulari immediate subdit, quos erga dictam Sedem obsequia multipliciter commendant, et amplioribus meritis iuvare agnoscit, ac eorum contemplatione sui favoris praerogativam in successoribus, et illis subditos derivare libenter permittit, ut sub tranquillâ ipsius protectione vivere gaudeant, et aliorum animi servitiorum illi fideliter praestitorum gratiam gestiant promereri.

Refert electum prope a se
episcopum Liparensem

§ 1. Cum itaque nos hodie ecclesiae Liparensi, tunc per obitum bonae memoriae Alberti episcopi Liparensis, extra Romanam curiam defuncti, pastoris solatio destitutae, de personâ dilecti filii Iosephi electi Liparensis, ac familiaris et continui commensalis nostri, nobis et venerabilibus fratribus nostris sanctae Romanae Ecclesiae cardinalibus ob suorum exigentiam meritorum acceptâ, de fratribus eorumdem consilio, apostolicâ auctoritate providerimus, ipsumque illi in episcopum praefecerimus, et pastorem curam, regimen et administrationem ipsius ecclesiae Liparensis sibi in spiritualibus et temporalibus plenarie committendo, prout in nostris desuper expeditis litteris plenius continetur: nos, eundem Iosephum electum, eiusque gratorum familiaritatis et devotionis nobis et Apostolicae Sedi hactenus impensorum obsequiorum et meritorum intuitu, et illius in dictâ ecclesiâ Liparensi successores praesules seu administratores pro tempore existentes, ac ecclesiam ipsam et civitatem Liparensem aliquâ potiori praerogativâ prosequi volentes; ipsumque Iosephum electum a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatus existit, ad effectum praesentium dumtaxat consequendum, harum serie ab-

solventes, et absolutum fore censes; motu proprio, non ad ipsius Iosephi electi, seu alterius pro eo desuper oblatae petitionis instantiam, sed ex certâ scientiâ nostrâ, merâque deliberatione, ac de apostolicae potestatis plenitudine, habitâ prius super his cum eisdem fratribus deliberatione maturâ, de simili fratrum eorumdem consilio, ipsum Iosephum electum, eiusque in dictâ ecclesiâ Liparensi successores praesules seu administratores pro tempore existentes, ac ecclesiam ipsam Liparensem, et dilectos filios illius capitulum, canonicos, clericos, beneficiatos, et quosvis alios ministros, officiales et personas, ac episcopalis et capitularis Liparensis mensarum bona, res, iura quaecumque, cuiuscunque qualitatis et quantitatis existant, ac civitatem Liparensem praedictam, omniaque et singula oppida, loca, castra, terras, villasque, episcopo Liparensi pro tempore existenti in spiritualibus subiecta, si quae sint, eorumque ac singulorum ipsorum territoria, terminos, districtus, communitates, universitates, cives, incolas, habitatores, ecclesiarum rectores, vicarios, cappellanos, beneficiatos et alios inibi beneficia ecclesiastica quomodolibet nuncupata et qualificata obtinentes, necnon collegia, seminaria, hospitalia, confraternitates, consortia, prioratus, ac ecclesias, monasteria etiam monialium et domos regulares cuiuscunque Ordinis, aliaque tam secularia quam regularia et pia loca quaecumque, ab omni et quacumque nunc et pro tempore existentium Messanensis et quorumvis aliorum archiepiscoporum, patriarcharum et primatum, eorumque iudicium, officium, ministrorum, ac ipsorum ecclesiarum capitulorum, canonicorum et dignitates in eis obtinentium iurisdictione, correctione, visitatione, dominio, superioritate, potestate et universo iure metropolitico, ac solutione decimarum, si quae eis debitae sint, de cetero faciendâ (ita ut

Eumque, ac
successores a
iure metropolitico
Messanensis
archiepiscopi
extulit.

Ac Sedi Apo-
stolicae imme-
diate subdit.

archiepiscopus Messanensis, et alii praefati, in illos et illa aliquem visitationis, iurisdictionis ac superioritatis, vel iuris metropolitici actum exercere, aut aliquam sententiam, censuram et poenam promulgare, aut recognitionem superioritatis, vel decimarum huiusmodi praestationem ab eisdem petere aut pretendere nullatenus possint), apostolicâ auctoritate praedictâ, tenore praesentium, perpetuo penitus et omnino eximimus, et totaliter liberamus, illaque omnia et singula nobis et Sedi Apostolicae praedictae immediate etiam perpetuo, dictâ auctoritate, subiicimus et supponimus, ac sub beatorum Petri et Pauli apostolorum curâ et protectione recipimus. Decernentes Iosephum electum, et successores, necnon ecclesiam et civitatem Liparensem, ac omnia territoria et personas, aliaque praemissa, ex nunc de cetero perpetuis futuris temporibus ab archiepiscoporum, patriarcharum, primatum ac iudicum, officialium et ministrorum, aliorumque praedictorum iurisdictione, correctione, visitatione, dominio, superioritate, potestate, iure metropolitico et decimarum solutione huiusmodi libera et exempta, ac nobis et Sedi praedictae immediate subiecta, ac sub curâ et protectione huiusmodi recepta esse et fore, et quancumque visitationem, iurisdictionem aut superioritatem aliquam quomodolibet denotantia, et quascumque promulgationes, quas per archiepiscopum Messanensem et alios praedictos, vel eorum aliquem (quibus omnimodam haec deinceps faciendi, ac decimas huiusmodi exigendi aut petendi, undecumque et quomodocumque illis attributam, motu pari abrogamus auctoritatem), ac si qua¹ contra tenorem praesentium fieri contigerit, nulla, invalida, nulliusque roboris et momenti fore et esse, ac pro nullis et infectis haberi debere;

¹ Ille et sine p. praec. ed. Main. h. quae (R. T.).

§ 2. Easdemque praesentes semper et perpetuo validas et efficaces existere, neque ex eo quod archiepiscopi, patriarchae, primates, ac ministri, iudices et officiales praedicti, alique in praemissis ius forsitan habentes, aut habere praetendentes, vocati et auditi, et causae, propter quas praemissa a nobis emanarint, coram eisdem archiepiscopis, patriarchis, primatibus, seu aliis dictae Sedis delegatis, iustificatae et verificatae non fuerint, aut quavis aliâ de causâ, de subreptionis, vel obreptionis-vitio, aut intentionis nostrae, vel quopiam alio defectu notari, vel impugnari unquam posse; sicque, et non aliâs, per quoscumque iudices ordinarios vel delegatos, quacumque auctoritate fungentes, etiam causarum palatii apostolici auditores, ac S. R. E. cardinales, etiam de latere legatos et vicelegatos, dictaeque Sedis nuncios, sublatâ eis et eorum cuilibet quavis aliter iudicandi et interpretandi facultate et auctoritate, ubique iudicari et definiri debere, irritum quoque et inane quidquid secus super his a quoquam, quavis auctoritate, scienter vel ignoranter, contigerit attentari.

§ 3. Non obstantibus praemissis, ac nostrâ de iure quaesito non tollendo, aliisque constitutionibus et ordinationibus apostolicis, ac eorundem archiepiscoporum, patriarcharum, primatum, ecclesiarum (iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, illis ac archiepiscopis, patriarchis, primatibus et officialibus huiusmodi, aliisque personis, in contrarium forsitan quomodolibet concessis, approbatis et innovatis. Quibus omnibus, etiamsi aliâs pro illorum sufficienti derogatione de illis, eorumque totis tenoribus, specialis, specifica, expressa, ac individua, ac de verbo ad verbum, non autem per clausulas generales idem im-

Obstantia tolluntur.

portantes, mentio seu quaevis alia expressio habenda aut aliqua alia exquisita forma ad hoc servanda foret, tenores huiusmodi, ac si de verbo ad verbum, nihil penitus omisso, et formam in illis traditam observatam, inserti forent, praesentibus pro plene et sufficienter expressis habentes, illis alias in suo robore permansuris, hac vice dumtaxat, consilio et potestatis plenitudine paribus, specialiter et expresse derogamus, ceterisque contrariis quibuscumque.

Clausulae
poenales.

§ 4. Nulli ergo omnino hominum liceat hanc paginam nostrae absolutionis, exemptionis, liberationis, subiectionis, suppositionis, receptionis, abrogationis, decreti et derogationis infringere, vel ei ausu temerario contraire. Si quis autem secus hoc attentare praesumpserit, indignationem omnipotentis Dei et beatorum Petri et Pauli apostolorum eius se noverit incursurum.

Datum Romae, apud sanctum Petrum, anno Incarnationis Dominicae MDCXXVII, III kalendas decembris, pontificatus nostri anno v.

Dat. die 29 novembris 1627, pontif. anno v

CCLXXIII.

Nuntius Hispaniarum commissarius deputatur ad exigendam summam mille quingentorum scutorum, seu eius residuum, pro fabrica ecclesiae S. Ioannis Lateranensis ratione ampliacionis facultatum cruciatae impositam.

Venerabili fratri Ioanni Baptistae patriarchae Antiocheno, nostro et Apostolicae Sedis in regnis Hispaniarum nuncio,
Urbanus Papa VIII.

Venerabilis frater, salutem
et apostolicam benedictionem.

Recenset pro-
rogatum a se
cruciatae indul-

§ 1. Cum nos alias facultates sanctae cruciatae in regnis Hispaniarum, in lo-

1 Ex Regest. in Secret. Brev.

cis tunc expressis per Romanos Pontifices praedecessores nostros concessas, et saepius prorogatas, sub certis modo et forma tunc similiter expressis, aliqua ex parte ad quinquennium tunc proximum ampliaverimus, prout in nostris desuper in simili forma Brevis sub die XIV iunii MDCXXIV expeditis litteris, quarum tenores praesentibus pro plene et sufficienter expressis haberi volumus, plenius continetur; et quoniam Rodericus Gomez de Silva dux Pastranae, tunc charissimi in Christo filii nostri Philippi Hispaniarum regis catholici apud nos et Apostolicam Sedem orator, eiusdem Philippi regis nomine pollicitus fuerit, quod thesaurarii pecuniarum ex facultatibus huiusmodi proveniendarum summam mille quingentorum scutorum nobis, aut cui per nos ordinatum fuisset, in subventionem fabricae S. Ioannis Lateranensis de Urbe, quotannis, durante tempore concessionis facultatum praedictarum, persolverent:

§ 2. Nos, cupientes fabricam huiusmodi omni ope promovere, ac de tuis fide, integritate et diligentia plurimum in Domino confisi, te et pro tempore existentem nostrum et Apostolicae Sedis in dictis regnis nuntium, ad summam mille quingentorum scutorum huiusmodi, seu dictae summae residuum, debitis temporibus a praedictis thesaurariis, seu aliis personis pecunias praedictas solvere debentibus, per te, vel alium, seu alios loco tui, periculo tamen tuo, deputatos¹, petendum, exigendum, levandum et recuperandum, ac de exactis, levatis et recuperatis quietandum et absolvendum, nostrum et praedictae fabricae procuratorem et commissarium, auctoritate apostolica, tenore praesentium, facimus, constituimus et deputamus.

§ 3. Volentes, quod omnes et singulas pecuniarum summas, per te pro tempore sic exactas, ac prout illas in dies exigi

tunc sub lege,
ut pro scuta
quotannis pro
fabrica basili-
cae Lateranen-
sis persolvantur.

Exce. non
deputat. com-
miss. auctoritate
com.

Qui huius-
modi pecuniam
Romam mittat.

1 Erronee edit. Main. legit *deputatis* (R. T.).

contigerit, Romanam traicias, ac praefectis per nos deputandis, vel quibus iidem praefecti seu eorum maior pars ordinaverit, realiter et cum effectu persolvas, ac persolvi facias.

Rationem
habet, quidquid
ab eo gestum
fuerit.

§ 4. Nos enim, quidquid per te in praemissis actum, gestum, dictum et procuratum fuerit, gratum, ratum et firmum habebimus, teque de omni et toto eo, quod praefectis aut aliis pro tempore eorum mandato persolveris, aut persolvi feceris, ex nunc prout ex tunc auctoritate et tenore praedictis liberamus, quietum et absolvimus.

Obstantibus
denegat.

§ 5. Non obstantibus constitutionibus et ordinationibus apostolicis, ac ipsius fabricae (etiam iuramento, confirmatione apostolica, vel quavis firmitate alia roboratis) statutis et consuetudinibus, etiam certam formam in confectione quietantiarum requirentibus, ceterisque contrariis quibuscumque.

Datum Romae, apud S. Petrum, sub annulo Piscatoris, die xxiv decembris MDCXXVII, pontificatus nostri, anno v.

Dat. die 24 decembris 1627, pontif. anno v.

CCLXXIV.

Extensio indulti recitandi officium et celebrandi missam de beata Maria Magdalena de Pazzis in omnibus ecclesiis tam in diocesi Florentina quam in universa ditione temporali magni ducis Etruriae.

Urbanus Papa VIII,
ad perpetuam rei memoriam.

Refert, se ve-
nerabilem Ma-
riam Magdale-
nam beatorum
albo adnuen-
tasse.

§ 1. Alias, pro parte dilecti filii nobilis adolescentis Ferdinandi, Etruriae sibi subiectae magni ducis, ac dilectarum in Christo filiarum nobilium mulierum Mariae Magdalenae archiducissae Austriae et Christiernae a Lotharingia Etruriae similiter sibi subiectae magnarum ducissarum viduarum, necnon priorissae et monialium

monasterii sanctae Mariae Angelorum nuncupati in burgo sancti Fridiani civitatis Florentinae, nobis exposito, quod bonae memoriae ancilla Dei Maria Magdalena de Pazzis Florentina monialis multis et eximiiis virtutum et gratiarum ac miraculorum donis a Domino illustrata fuerat, et propterea pro parte dictorum exponendum nobis humiliter supplicato, ut, donec canonizationis honor dictae ancillae Dei Mariae Magdalenae ob eius excellentia merita ab Apostolica Sede decernatur, eadem ancilla Dei Maria Magdalena Beata nuncupari, atque officium et missa de ea recitari et celebrari posset: nos, re prius per venerabiles fratres nostros sanctae Romanae Ecclesiae cardinales sacris ritibus praepositos, quibus eam examinandum mandaveramus, mature discussa, de eorumdem cardinalium consilio, huiusmodi supplicationibus tunc inclinati, ut ipsa ancilla Dei Maria Magdalena Beata nuncupari, officiumque et missa de ea sub certis modo et forma tunc expressis recitari et celebrari respective posset et valeret, apostolica auctoritate concessimus et indulgimus¹.

§ 2. Subinde yero, supplicationibus dilectorum filiorum generalis, aliorumque superiorum et fratrum Ordinis B. Mariae de Monte Carmelo nobis humiliter porrectis pariter inclinati, de eorumdem cardinalium consilio, dictam beatam Mariam Magdalenam de Pazzis dicti Ordinis monialem, dum vixit, fuisse declaravimus, quodque in omnibus monasteriis, locis et ecclesiis dicti Ordinis in ipsius beatae Mariae Magdalenae obitus, seu alia subsequenti non impedita die, singulis annis ab omnibus utriusque sexus eiusdem Ordinis religiosiis officium et missa, et a confluentibus ad ecclesias dicti Ordinis, in alma Urbe nostra et in civitate Florentina existentes, missa dumtaxat de eadem beata

Ac declarasse,
eam monialem
fuisse Carmeli-
tam et in Ordi-
nis eius missam
de ea ce-
lebrari posse.

¹ Vide sup. pag. 456 (n. r.).



Mariâ Magdalena, tamquam de communi Virginis non Martyris, iuxta ipsius Ordinis breviarium a Sede Apostolicâ approbatum, ac rubricas breviarii et missalis romani, in futurum recitari pariter et celebrari posset, similiter concessimus et indulgimus¹, prout in diversis nostris in simili formâ Brevis expeditis litteris, quarum tenores praesentibus pro sufficienter expressis haberi volumus, plenius continetur.

Nunc extendit
praedictas Con-
stitutiones pro-
ut in rubrica.

§ 3. Nunc autem, Ferdinandi magni ducis ac priorissae et monialium praedictorum supplicationibus nobis denuo humiliter porrectis inclinati, de eorundem cardinalium consilio, quod in omnibus et quibuscumque ecclesiis, tam in dioecesi Florentinâ quam in universâ ditione temporali praefati Ferdinandi magni ducis existentibus, in ipsius beatæ Mariæ Magdalena obitus seu aliâ subsequenti non impeditâ die, singulis annis, et officium et missa de eadem beatâ Mariâ Magdalena, tamquam de communi Virginis non Martyris, ut praefertur, recitari et celebrari libere similiter et licite possit et valeat, dictâ auctoritate, tenore praesentium, concedimus pariter et indulgemus.

Contrariis
derogat.

§ 4. Non obstantibus omnibus illis, quae in dictis litteris volumus non obstare, ceterisque contrariis quibuscumque.

Transumptis
credi mandat.

§ 5. Volumus autem, quod praesentium transumptis, etiam impressis, manu alicuius notarii publici subscriptis, et sigillo personae alicuius in dignitate ecclesiasticâ constitutae munitis, eadem prorsus fides in iudicio et extra adhibeatur, quae ipsis praesentibus litteris originalibus adhiberetur, si forent exhibitae vel ostensae.

Datum Romae, apud S. Petrum, sub annulo Piscatoris, die XVIII Ianuarii MDCXXVIII, pontificatus nostri anno v.

Dat. die 18 Ianuarii 1628, pontif. anno v.

¹ Vide supra pag. 538 (R. T.).

CCLXXV.

Prohibitio transeundi ab Ordine fratrum Reformatorum beatæ Mariæ de Mercede Redemptionis captivorum ad fratres Calceatos eiusdem Ordinis, absque Römâni Pontificis expressâ licentiâ¹.

Urbanus Papa VIII,
ad perpetuam rei memoriam.

Iniuncti nobis apostolici muneris ratio postulat, ut religiosorum votis, qui, spreitis huius seculi vanitatibus, divini nupinis obsequiis sub suavi religionis iugo sese manciparunt, paternam curam gerentes, ea statuamus et decernamus, per quae prospero, felicitque eorum statui et directioni opportune consulatur, prout conspicimus in Domino salubriter expedire.

Exordium

§ 1. Cum itaque, sicut dilecti filii vicarius et prior generalis fratrum Ordinis B. Mariæ de Mercede Redemptionis captivorum Reformatorum nuncupatorum nobis nuper exponi fecerunt, nonnulli ex fratribus huiusmodi, aliquando nullis, aliquando vero levibus ex causis, nullâ tamen super hoc ab Apostolicâ Sede obtentâ licentiâ, ad fratres Ordinis Calceatos nuncupatos se transferre procuraverint, et in dies procurent, non sine regularis observantiae detrimento, ac fratrum tam Calceatorum quam Reformatorum praedictorum inquietudine:

Paras et
Constitutiones

§ 2. Nos, pro nostri pastoralis officii debito, praemissis, quantum nobis ex alto conceditur, obviam ire, prosperoque fratrum eorundem statui et quieti consulere volentes, supplicationibus vicarii et procuratoris generalium huiusmodi nobis

Prohibita
transitus de qua
in rubrica

¹ De fratribus B. Mariæ de Mercede et toto eorum statu vide in Const. XLII Gregorii IX, *Devotionis*, tom. III, pag. 485. Et privilegia eidem Ordini concessa novissime confirmavit iste Pontifex in Const. *Ex clementi* quam postea dabimus sub die 9 oct. 1628. Et demum *Discalceatos* a Calceatis separaverit Const. CCXXIX, *In Sede* (in h. n. ed. CCL, sup. pag. 565).

contigerit, Romanam traicias, ac praefectis per nos deputandis, vel quibus iidem praefecti seu eorum maior pars ordinaverit, realiter et cum effectu persolvas, ac persolvi facias.

Rationem
habet, quidquid
ab eo gestum
fuerit.

§ 4. Nos enim, quidquid per te in praemissis actum, gestum, dictum et procuratum fuerit, gratum, ratum et firmum habebimus, teque de omni et toto eo, quod praefectis aut aliis pro tempore eorum mandato persolveris, aut persolvi feceris, ex nunc prout ex tunc auctoritate et tenore praedictis liberamus, quietum et absolvimus.

Obstantibus
denegat.

§ 5. Non obstantibus constitutionibus et ordinationibus apostolicis, ac ipsius fabricae (etiam iuramento, confirmatione apostolica, vel quavis firmitate alia roboratis) statutis et consuetudinibus, etiam certam formam in confectione quietantiarum requirentibus, ceterisque contrariis quibuscumque.

Datum Romae, apud S. Petrum, sub annulo Piscatoris, die xxiv decembris MDCXXVII, pontificatus nostri, anno v.

Dat. die 24 decembris 1627, pontif. anno v.

CCLXXIV.

Extensio indulti recitandi officium et celebrandi missam de beata Maria Magdalena de Pazzis in omnibus ecclesiis tam in diocesi Florentina quam in universa ditione temporali magni ducis Etruriae.

Urbanus Papa VIII,
ad perpetuam rei memoriam.

Refert, se ve-
nerabilem Ma-
riam Magdale-
nam beatorum
albo adnuere
fasse.

§ 1. Alias, pro parte dilecti filii nobilis adolescentis Ferdinandi, Etruriae sibi subiectae magni ducis, ac dilectarum in Christo filiarum nobilium mulierum Mariae Magdalenae archiducissae Austriae et Christiernae a Lotharingia Etruriae similiter sibi subiectae magnarum ducissarum viduarum, necnon priorissae et monialium

monasterii sanctae Mariae Angelorum nuncupati in burgo sancti Fridiani civitatis Florentinae, nobis exposito, quod bonae memoriae ancilla Dei Maria Magdalena de Pazzis Florentina monialis multis et eximiiis virtutum et gratiarum ac miraculorum donis a Domino illustrata fuerat, et propterea pro parte dictorum exponendum nobis humiliter supplicato, ut, donec canonizationis honor dictae ancillae Dei Mariae Magdalenae ob eius excellentia merita ab Apostolica Sede decernatur, eadem ancilla Dei Maria Magdalena Beata nuncupari, atque officium et missa de ea recitari et celebrari posset: nos, re prius per venerabiles fratres nostros sanctae Romanae Ecclesiae cardinales sacris ritibus praepositos, quibus eam examinandum mandaveramus, mature discussa, de eorumdem cardinalium consilio, huiusmodi supplicationibus tunc inclinati, ut ipsa ancilla Dei Maria Magdalena Beata nuncupari, officiumque et missa de ea sub certis modo et forma tunc expressis recitari et celebrari respective posset et valeret, apostolica auctoritate concessimus et indulgimus¹.

§ 2. Subinde yero, supplicationibus dilectorum filiorum generalis, aliorumque superiorum et fratrum Ordinis B. Mariae de Monte Carmelo nobis humiliter porrectis pariter inclinati, de eorumdem cardinalium consilio, dictam beatam Mariam Magdalenam de Pazzis dicti Ordinis monialem, dum vixit, fuisse declaravimus, quodque in omnibus monasteriis, locis et ecclesiis dicti Ordinis in ipsius beatae Mariae Magdalenae obitus, seu alia subsequenti non impedita die, singulis annis ab omnibus utriusque sexus eiusdem Ordinis religiosiis officium et missa, et a confluentibus ad ecclesias dicti Ordinis, in alma Urbe nostra et in civitate Florentina existentes, missa dumtaxat de eadem beata

Ac declarasse,
eam monialem
fuisse Carmeli-
tam et in Ordini
is existens mis-
sam de ea ce-
lebrari posse.

¹ Vide sup. pag. 456 (n. r.).



Mariâ Magdalena, tamquam de communi Virginis non Martyris, iuxta ipsius Ordinis breviarium a Sede Apostolicâ approbatum, ac rubricas breviarî et missalis romani, in futurum recitari pariter et celebrari posset, similiter concessimus et indulgimus¹, prout in diversis nostris in simili formâ Brevis expeditis litteris, quarum tenores praesentibus pro sufficienter expressis haberi volumus, plenius continetur.

Nunc extendit
praedictas Con-
stitutiones pro-
ut in rubrica.

§ 3. Nunc autem, Ferdinandi magni ducis ac priorissae et monialium praedictorum supplicationibus nobis denuo humiliter porrectis inclinati, de eorundem cardinalium consilio, quod in omnibus et quibuscumque ecclesiis, tam in dioecesi Florentinâ quam in universâ ditione temporali praefati Ferdinandi magni ducis existentibus, in ipsius beatæ Mariæ Magdalena obitus seu aliâ subsequenti non impeditâ die, singulis annis, et officium et missa de eadem beatâ Mariâ Magdalena, tamquam de communi Virginis non Martyris, ut praefertur, recitari et celebrari libere similiter et licite possit et valeat, dictâ auctoritate, tenore praesentium, concedimus pariter et indulgemus.

Contrariis
derogat.

§ 4. Non obstantibus omnibus illis, quae in dictis litteris volumus non obstare, ceterisque contrariis quibuscumque.

Transumptis
credi mandat.

§ 5. Volumus autem, quod praesentium transumptis, etiam impressis, manu alicuius notarii publici subscriptis, et sigillo personae alicuius in dignitate ecclesiasticâ constitutae munitis, eadem prorsus fides in iudicio et extra adhibeatur, quae ipsis praesentibus litteris originalibus adhiberetur, si forent exhibitae vel ostensae.

Datum Romae, apud S. Petrum, sub annulo Piscatoris, die XVIII Ianuarii MDCXXVIII, pontificatus nostri anno v.

Dat. die 18 Ianuarii 1628, pontif. anno v.

¹ Vide supra pag. 538 (R. T.).

CCLXXV.

Prohibitio transeundi ab Ordine fratrum Reformatorum beatæ Mariæ de Mercede Redemptionis captivorum ad fratres Calceatos eiusdem Ordinis, absque Römâni Pontificis expressâ licentiâ¹.

Urbanus Papa VIII,
ad perpetuam rei memoriam.

Iniuncti nobis apostolici muneris ratio postulat, ut religiosorum votis, qui, spre- tis huius seculi vanitatibus, divini nupinis obsequiis sub suavi religionis iugo sese manciparunt, paternam curam gerentes, ea statuamus et decernamus, per quae prospero, felicitque eorum statui et directioni opportune consulatur, prout conspicimus in Domino salubriter expedire.

Exordium

§ 1. Cum itaque, sicut dilecti filii vicarius et prior generalis fratrum Ordinis B. Mariæ de Mercede Redemptionis captivorum Reformatorum nuncupatorum nobis nuper exponi fecerunt, nonnulli ex fratribus huiusmodi, aliquando nullis, aliquando vero levibus ex causis, nullâ tamen super hoc ab Apostolicâ Sede obtentâ licentiâ, ad fratres Ordinis Calceatos nuncupatos se transferre procuraverint, et in dies procurent, non sine regularis observantiae detrimento, ac fratrum tam Calceatorum quam Reformatorum praedictorum inquietudine:

Paras et
Constitutiones

§ 2. Nos, pro nostri pastoralis officii debito, praemissis, quantum nobis ex alto conceditur, obviam ire, prosperoque fratrum eorundem statui et quieti consulere volentes, supplicationibus vicarii et procuratoris generalium huiusmodi nobis

Prohibita
transitus de qua
in rubrica

¹ De fratribus B. Mariæ de Mercede et toto eorum statu vide in Const. XLII Gregorii IX, *Devotionis*, tom. III, pag. 485. Et privilegia eidem Ordini concessa novissime confirmavit iste Pontifex in Const. *Ex clementi* quam postea dabimus sub die 9 oct. 1628. Et demum *Discalceatos* a Calceatis separaverit Const. CCXXIX, *In Sede* (in h. n. ed. CCL, sup. pag. 565).

super hoc humiliter porrectis inclinati, quod de cetero perpetuis futuris temporibus nulli fratrum Reformatorum huiusmodi absque speciali nostra et Sedis Apostolicae licentiâ ad fratres Calceatos praedictos, quovis praetextu, aut ex quavis quantumvis iustâ, legitimâ et privilegiatâ causâ, sub apostasiae et infamiae perpetuae notâ, necnon excommunicationis ac privationis vocis activae et passivae poenis, ipso facto absque ullâ declaratione incurrendis, transire;

Prohibitio ne fratres Calceati huius Ordinis huiusmodi transeuntes recipiant.

§ 3. Minusque fratribus Calceatis praedictis, illorumque superioribus, eosdem fratres Reformatos sic, ut praefertur, de facto transeuntes, etiamsi novam professionem regularem emisserint, sub privationis suorum officiorum ac excommunicationis poenis huiusmodi etiam, ut praefertur, incurrendis, recipere vel retinere ullo modo liceat; sed fratres Reformati praedicti, qui secus fecerint, cum primum desuper moniti fuerint, nullâ morâ aut excusatione vel appellatione etiam ad nos seu Sedem Apostolicam interpositis, ad suam propriam congregationem redire, et suorum superiorum correctioni se submittere; fratres vero Calceati seu illorum superiores huiusmodi ipsos fratres Reformatos de facto transeuntes, ut praefertur, ipsorum Reformatorum superioribus, seu ab eis deputandis, statim absque iudicis ministerio tradere et consignare debeant et teneantur, apostolicâ auctoritate, tenore praesentium, declaramus.

Decretum irritans.

§ 4. Decernentes sic, et non aliter, per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quocumque, quavis auctoritate, scienter vel ignoranter, contigerit attentari.

Derogatio contrariorum.

§ 5. Non obstantibus constitutionibus et ordinationibus apostolicis, et, quatenus

opus sit, Ordinis huiusmodi (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, eorum omnium tenores praesentibus pro plene et sufficienter expressis habentes, illis aliâs in suo robore permansuris, hac vice dumtaxat, specialiter et expresse derogamus, ceterisque contrariis quibuscumque.

Intimationis effectus.

§ 6. Volumus autem, quod praesentes litterae, postquam in almâ Urbe nostrâ publicatae, ac fratrum tam Reformatorum quam Calceatorum huiusmodi procuratoribus intimatae fuerint, omnes et singulos, quos illae concernunt et concernent in futurum, perinde arceant et afficiant, ac si unicuique personaliter intimatae fuissent;

Transumptorum fides.

§ 7. Quodque praesentium transumptis, etiam impressis, manu alicuius notarii publici subscriptis, et sigillo alicuius personae in dignitate ecclesiasticâ constitutae munitis, eadem prorsus fides ubique adhibeatur, quae eisdem praesentibus adhibetur, si forent exhibitae vel ostensae.

Datum Romae, apud S. Petrum, sub anulo Piscatoris, die XIX ianuarii MDCXXVIII, pontificatus nostri anno V.

Dat. die 19 ianuarii 1628, pontif. anno V.

CCLXXVI.

*Statuta nonnulla pro reformatione monachorum Ordinis sancti Benedicti Congregationis sancti Mauri*¹.

Urbanus episcopus,
servus servorum Dei,
ad perpetuam rei memoriam.

In supereminenti apostolicae dignitatis speculâ, meritis licet imparibus, divinâ

Exordium.

¹ Ex Regest. in Secret. Brev.

disponente clementiâ constituti, ad universa orbis monasteria nostrae considerationis intuitum dirigentes, eorumque decori et venustati consulere satagentes, ad ea, per quae divinus in illis cultus augeatur, propensis studiis libenter intendimus, ac ea, quae pro illorum prospero et felici statu, personarumque in eis sub suavi religionis iugo Altissimo famulantium, provide ac religiose ordinata fuisse dicuntur, ut firmiora perpetuo et illibata persistent, libenter, cum a nobis petitur, apostolico munimine roboramus, ipsosque religiosos, ut eorum vota ad id facilius concurrant, spiritualibus muneribus, indulgentiis videlicet et peccatorum remissionibus confovemus, ac aliâs desuper disponimus, prout eorumdem religiosorum spiritualis devotio et christianissimorum regum vota exposcunt, et conspiciamus in Domino salubriter expedire.

Huius Congregationis erectionem refert.

§ 1. Dudum siquidem¹, felicitis recordationis Gregorio Papae XV praedecessori nostro, pro parte charissimi in Christo filii nostri, tunc sui, Ludovici Francorum et Navarrae regis christianissimi, ac dilectorum filiorum S.² Augustini prope et extra muros Lemovicensis, ac S. Iuliani de Nobiliaco³ Pictavensis dioecesis, et S. Faronis prope et extra muros Meldensis, necnon S. Petri de Gemeticis⁴ Rhotomagensis dioecesis, ac aliorum monasteriorum priorum et monachorum Ordinis sancti Benedicti, humiliter supplicato, quatenus in regno Franciae unam Congregationem eiusdem Ordinis sub titulo et invocatione seu denominatione S. Mauri ad instar Congregationis Cassinensis seu

S. Iustinae de Padua erigere, dictisque prioribus et monachis, ut ad eum effectum praedicta insimul congregare, ac omnia alia non reformata monasteria eiusdem Ordinis, quorum monachos antiquioris disciplinae regularis observantiam in semetipsis renasci facere amor excitaret, eis aggregare possent et valerent, concedere, aliâsque in praemissis opportune providere de benignitate apostolicâ dignaretur: dictus praedecessor, supplicationibus sibi, ut praefertur, porrectis tunc annuens, de voto tunc existentium S. R. E. cardinalium decretorum Concilii Tridentini interpretum, Congregationem S. Mauri huiusmodi erexit et instituit, cum facultatibus et indultis tunc expressis, ac aliâs, prout in litteris apostolicis, sub die xvii mensis maii anni Domini millesimi sexcentissimi vigesima primi pontificatus sui anno i desuper in formâ Brevis expeditis, plenius continetur.

§ 2. Cum autem, sicut exhibita nobis nuper pro parte dicti Ludovici regis ac dilectorum filiorum praesidentis, definitorum, visitorum, priorum et monachorum monasteriorum dicti Ordinis Congregationis S. Mauri huiusmodi petitio continebat, post huiusmodi erectionem, brevissimo inde temporis spatio, plures diversorum eiusdem Ordinis monasteriorum abbates et monachi, pio quodam desiderio saltem de bonis aliquibus successoribus in ipsis monasteriis providendi excitati, superiores et monachos congregationis reformatae huiusmodi continuis precibus requisiverint de ipsâ reformatione in non reformatos introducendâ, et numerus eorum, qui id postulent, ita in dies augeri dignoscatur, ut clare et evidenter concipiatur, omnia dicti Ordinis monasteria in regni praedicti provinciis existentia intra paucos ab hinc annos, Deo favente et Sede Apostolicâ annuente, iri penitus reformata; et, sicut eadem petitio subiungebat, etiamsi

Necessitatem quoque concessa et privilegia augendi.

¹ Vide Gregor. XV Const. x, in tom. xii, pagina 533. Vide etiam supra pag. 608 h. volum. Const. cclxvi, ipsius Urbani VIII (R. T.).

² Titulum S. addimus ex loco parall. cit. tom. xii (R. T.).

³ In loco parall. legitur *Nohaliaco* (R. T.).

⁴ Loc. cit. legitur *de Gemellis* (R. T.).

praedictus praedecessor, per dictas litteras suas erectionis huiusmodi, congregationem ipsam S. Mauri nonnullis praerogativis, utpote unionis officiorum claustralium mensis conventualibus monasteriorum eiusdem congregationis S. Mauri, et aliis gratiis, quarum favore congregatio ipsa S. Mauri palmites suos iam longe lateque extendere coepit, decoraverit, experientiam tamen compertum sit, quod ad perfectionem tanti operis (universalem scilicet Reformationem totius Ordinis huiusmodi in tam amplo regno stabiliendam) omnino necessarium videatur, gratias et praerogativas, dictae congregationi S. Mauri per eundem praedecessorem concessas, diversis aliis indultorum ac facultatum favoribus ampliari, et defectui multorum aliorum, quorum necessitas tempore erectionis praedictae minus praevisa fuit et sine quibus coeptum tam grande finem suum perfectum consequi non potest, suppleri;

§ 3. Propterea praesidens, definitores, visitatores et priores dictae congregationis S. Mauri praedicti, attendentes, reformationem praedictam in nonnullis monasteriis stabiliri ac perfectam observantiam inibi exerceri non posse, nisi prius omnia loca regularia eorundem monasteriorum in integrâ et liberâ possessione dictorum reformatum constituta, et totalis etiam dispositio temporalium reddituum mensarum conventualium pro victu et vestitu monachorum, prout et officiorum claustralium, eis affecta remaneant, et insuper ad subveniendum tot tantisque monasteriis, quae in dies eidem congregationi S. Mauri offeruntur, sibi magno superiorum numero opus esse, et diversarum gratiarum auxiliis illam indigere:

§ 4. Quare, tam ipsius Ludovici regis nomine per dilectum filium nobilem virum Philippum de Bethune, ipsius Ludovici regis apud nos et Sedem praedictam

oratore extraordinarium, quam pro parte praesidentis, definitorum, visitatorum, priorum et monachorum reformatum praefatorum, nobis fuit humiliter supplicatum, quatenus in praemissis opportune providere de simili benignitate dignaremur.

§ 5. Nos igitur, qui devotionis et piorum operum incrementum, ac divini cultus augmentum, et religionis propagationem, ac quorumlibet Ordinum et monasteriorum reformationem ubique promoveri sinceris optamus affectibus, praesidentem, definitores, visitatores, priores et monachos reformatos praedictos amplioribus favoribus et gratiis prosequi volentes, ipsosque, ac dictae congregationis S. Mauri singulares personas, a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodati existunt, ad effectum praesentium dumtaxat consequendum, harum serie absolventes et absolutos fore censentes, necnon litterarum praedecessoris praefati tenores praesentibus pro expressis habentes, posterioribus supplicationibus huiusmodi inclinati, ex voto venerabilium fratrum nostrorum eiusdem sanctae Romanae Ecclesiae cardinalium negotiis regularium praepositorum, superioribus et monachis dictae congregationis S. Mauri, quod¹ (ut omnis via religiosos non reformatos perpetuandi in monasteriis, in quibus reformati ipsi introducti fuerint, praeccludatur) illi cum abbâtibus et perpetuis commendatariis ac officialibus claustralibus, monachis, cappellanis seu beneficiatis regularibus non reformatis monasteriorum dicti Ordinis, seu prioratum conventualium et non conventualium, ac cappellaniarum et beneficiorum regu-

Urbanus monasteria omnia, eorumque redditus, etc., reformatis attribuit.

Ac praesertim ut bona non reformatum reformatis applicentur.

Quod a Galiae rege, archiepiscopus huiusmodi Congregationis superioribus efflagatur.

¹ Haec et postea semper intellige *concedimus et indulgemus quod possint et valeant*, quae verba sequuntur ad finem § 8 (R. T.).

larium ab illis dependentium, super titularum et functionum officiorum claustrarium, et tam illorum, quam temporalium reddituum mensarum conventualium huiusmodi, necnon iurisdictionum eorundem dimissione in favorem dictorum reformatorum, sub concessione et reservatione praestationis certae annuae summae pecuniarum, et quantitatis vini, frumenti et aliarum rerum ipsis, pro eorum portionibus monachalibus sive aliis debitis redditibus, per dictos reformatos danda¹, cum qua dicti non reformati, de speciali nostrâ licentiâ, in particularibus aedibus separatim et seorsim a communitate dictorum reformatorum, et extra loca regularia, eis, ut praefertur, relicta, intra tamen septa eorundem, seu aliorum eiusdem Ordinis monasteriorum, quousque diem suum claudant extremum, seu quousque bonis dictorum reformatorum vitae ac morum exemplis inducti reformationem congregationis S. Mauri huiusmodi amplecti velint, et viceversa ipsi monachi non reformati desuper cum eisdem reformatis valeant convenire, ita quod ex tunc dicti officiales claustrales, cappellani et beneficiati regulares non reformati redditus mensarum, ac officia, cappellanas et beneficia monasteriorum seu prioratum, ac aliorum regularium locorum ab ipsis monasteriis dependentium huiusmodi, redditus quidem mensarum et officiorum in favorem mensarum conventualium dictorum reformatorum, cappellanas vero, beneficia et prioratus huiusmodi in favorem particularium dictae congregationis S. Mauri monachorum cedere, et de non resignandis officiis cappellaniis et beneficiis, per eos obtentis, in aliorum quam reformatorum eorundem favorem promittere et ad id se obligare, dicti vero reformati officialibus claustralibus,

¹ Nisi potius legi debeat *dandae*, nempe *summae et quantitatis* praedictae (n. T.).

cappellanis et beneficiatis huiusmodi, partem aliquam, etiam maiorem, vel forte totalem, fructuum, reddituum et proveniunt officiorum, cappellaniarum et beneficiorum regularium praedictorum, vitâ dictorum non reformatorum durante dumtaxat, reservare et assignare possint;

§ 6. Et insuper eidem congregationi S. Mauri, seu illius capitulo generali, ut (attentâ penuriâ monachorum reformatorum nascentis congregationis huiusmodi, et quantitate locorum regularium, ad quae pro introducendâ in illis reformatione ipsi vocantur) eiusdem congregationis S. Mauri monachos, etiam prioratus aliquos ac officia claustralia et alia quaecumque quomodolibet nuncupata et qualificata beneficia regularia dicti seu Cluniacensis Ordinis obtinentes, a monasteriis, a quibus illa dependent (etiâsi teneantur, ratione fundationis illorum et provisionum sibi de illis apostolicâ seu ordinariâ auctoritate factarum¹, seu ex nunc in futurum faciendarum, ad residentiam in dictis monasteriis, seu aliis locis regularibus, a quibus, ut praefertur, dependentia fuerint), ad alia monasteria seu loca regularia dictae congregationi S. Mauri iam aggregata, seu in futurum aggreganda, pro functionibus, seu muneribus, ad quae ab eorum superioribus habiles et idonei visi fuerint, subeundis, ac aliâs, pro eorundem monasteriorum seu locorum regularium reformatorum necessitate, et novitiorum, aut aliarum in illis degentium personarum, tam in litterarum et scientiarum, quam disciplinae regularis dictae congregationis reformatae eruditione et instructione (supportatis interim per alios eiusdem congregationis S. Mauri monachos prioratum, cappellaniarum et beneficiorum praedictorum debitis et consuetis oneribus), ad tempus sibi benevisum transferre; priores quoque et novitiorum magi-

Pluraque pro huiusmodi reformationis faciliiori progressu statuit.

¹ Vocem *factarum* nos addimus (n. T.).

stros, ac alios quoscumque superiores monasteriorum, in quibus reformatio huiusmodi iam introducta est, seu introduceatur in futurum, etiamsi ipsi in dicta congregatione S. Mauri per tempus in illius constitutionibus et litteris praedictis praefixum non remanserint, ad¹ superioritates, munera, officiaque huiusmodi, dummodo alias ad id idonei reperti fuerint, canonice eligere; et eos, seu alios, seu etiam definitores ac visitatores, ad tempus tam citra quam ultra terminum in dictae congregationis constitutionibus et illius erectionis litteris praefixum, si ad id cogat necessitas et superiorum capacium penuria, quoad usque validior fiat dicta congregatio S. Mauri, et pro bono illius, ad arbitrium capituli generalis in suis superioritatibus, officiis et muneribus continuare; et monachos ad sacros ordines suscipiendos, non expectato tempore praefixo per easdem constitutiones et erectionis litteras, dummodo etiam alias aetate, moribus et doctrina ad id sint idonei, ac servatis servandis, transmittere; necnon statuta et constitutiones, prout necesse fuerit, condere, et iam condita et condenda, si id per capitulum generale dumtaxat legitime congregatum omnino necessarium videatur pro maiori Dei gloria et feliciori successu totius congregationis S. Mauri huiusmodi, moderari, immutare et abrogare; et inter alia², quod monachi eiusdem congregationis S. Mauri omnia beneficia dicti et Cluniacensis Ordinum, quamvis etiam a diversis monasteriis, in quibus congregatio reformata huiusmodi introducta non est, descendencia, seu officia claustralia, et quascumque pensiones, quae sive ante professionem regularem,

sive post illam obtinuerint, sive in futurum obtinebunt, in titulum quidem illa teneant, ita tamen, ut nullo modo in posterum de titulis ipsis, neque de fructibus eorum seu pensionum, possint in particulari disponere, sed omnimoda eorum dispositio penes superiores et officarios dictae congregationis S. Mauri, seu illius monasteriorum, ac in communem usum tantum remaneant, statuere;

§ 7. Et denique iisdem monachis reformatis, ac omnibus et singulis utriusque sexus christifidelibus, qui ecclesias monasteriorum congregationis S. Mauri huiusmodi in singulis diebus festivis sanctorum Benedicti et Mauri, necnon titularium seu patronorum ecclesiarum earundem, vere poenitentes, ac sacra communione refecti, visitaverint, piisque ad Deum preces pro sanctae Matris Ecclesiae exaltatione, haeresum extirpatione, et christianorum principum concordia effuderint, ut plenariam omnium peccatorum suorum indulgentiam consequi;

Indulgentiarum concessio.

§ 8. Eidem vero congregationi S. Mauri, ac illius monachis professis et nondum professis, commissis, famulis, officialibus, domesticis et aliis quibuscumque ab illa dependentibus, ac ei et illius monasteriis inservientibus, ut non solum omnibus et singulis tam dictae Cassinensis, seu S. Iustinae de Padua, Ss. Vitoni et Hydulphi congregationum, sed etiam aliarum omnium et quarumcumque, sive non Mendicantium, sive Mendicantium, et hospitalium, ac aliorum piorum locorum, privilegiis, facultatibus, libertatibus, immunitatibus, exemptionibus, indultis, indulgentiis et aliis quibusvis gratiis et praerogativis, eisdem congregationibus et Ordinibus aut militiis per nos et quoscumque Romanos Pontifices praedecessores nostros concessis, seu deinceps a Sede praedicta concedendis, non solum per participationem, communicationem, seu

Privilegiarum communicatio.

¹ Perperam, ut puto, et cum totius syntaxis iam satis implexae subversione, edit. Main. legit sed pro ad (n. r.).

² Subde verbum *statuere*, quod sequitur in fine paragrapho (n. r.).

illorum extensionem, sed perinde ac si illa omnia in specie eidem congregationi S. Mauri per nos concessa fuissent, uti, frui, potiri et gaudere libere et licite possint et valeant perpetuo, apostolicâ auctoritate, tenore praesentium, concedimus et indulgemus.

Pacta, conventiones, etc., canonice facta pro reformatione confirmat.

§ 9. Postremo conventiones tam super dictis portionibus monachalibus et dispositionibus locorum regularium, quam aliis supradictis omnibus, si quae iam inter superiores et monachos reformatos, sive illorum abbates aut perpetuos commendatarios, ut praefertur, canonice factae sint, ac alias, quas in futurum super similibus inter eosdem, in toto vel in parte, etiam canonice fieri contigerit; necnon dictorum monachorum reformatorum beneficiatorum, ut praefertur, translationes ad effectum supradictum factas, statuta quoque, illorumque moderationes, abrogationes seu immutationes, per dictum capitulum generale, ut praefertur, facienda, aliaque praemissa, ex tunc, prout ex tunc, et e contra, postquam facta fuerint, etiam unâ cum erectione eiusdem congregationis S. Mauri, ut praefertur, factâ, et in illâ contentis quibuscumque, praeterquam supradictis indultis, a nobis concessis, adversantibus, auctoritate apostolicâ et tenore similibus, etiam perpetuo approbamus et confirmamus, illisque perpetuae et inviolabilis apostolicae firmitatis robur adicimus; ac omnes et singulos, sive cogitatos, sive incogitatos, aut alios quoscumque tam iuris quam facti defectus, si qui desuper quomodolibet intervenerint in eisdem, supplemus; illaque tam per reformatos monachos quam non reformatos illorumque abbates et superiores nunc et pro tempore existentes huiusmodi observari et adimpleri debere, nec ab illis ullo unquam tempore resiliiri, minusque eos desuper a quoquam, quavis auctoritate,

1 Edit. Main. legit *et* (R. T.).

molestari, perturbari, inquietari, aut aliâs quomodolibet in iudicio vel extra impediri posse;

§ 10. Praesentes quoque litteras, nullo unquam tempore de subreptionis capite vel obreptionis, seu nullitatis vitio, aut intentionis nostrae vel quopiam alio defectu notari, impugnari, retractari, annullari, seu in ius vel controversiam revocari, aut infringi posse; sed semper, omni tempore, et adversus quascumque dispositiones et obstacula quaecumque, validas et efficaces existere, suosque plenarios et integros effectus sortiri et obtinere, ac ab omnibus et singulis observari debere, neque sub quibuscumque, similium vel dissimilium gratiarum revocationibus, suspensionibus, limitationibus, derogationibus et aliis quibuscumque dispositionibus, etiam per nos et successores nostros Romanos Pontifices pro tempore existentes, sub quibuscumque verborum tenoribus et formis, ac cum quibusvis clausulis et decretis, etiam derogatoriis derogatoriis, pro tempore quomodolibet¹, comprehendi vel confundi, sed ab illis semper et perpetuo excipi, et, quoties illae emanabunt, toties in pristinum et validissimum statum restitutas, repositas et plenarie reintegratas, ac de novo etiam, sub quacumque posteriori datâ quandocumque eligendâ, concessas esse et fore; sicque per quoscumque iudices, etiam causarum palatii apostolici auditores, ac eiusdem sanctae Romanae Ecclesiae cardinales, etiam de latere legatos et vicelegatos, dictaeque Sedis nuncios, iudicari et definiri debere, ac quidquid secus super his a quoquam, quavis auctoritate, scienter vel ignoranter, contigerit attentari, irritum et inane decernimus.

Clausulae.

§ 11. Quocirca dilectis filiis venerabilium fratrum nostrorum Parisiensis et Rothomagensis ac Burdigalensis archiepiscoporum officialibus per apostolica scri-

Exequiorum deputatio.

1 Subintellige *faciendis* aut *edendis* (R. T.).

pta mandamus, quatenus ipsi, vel duo, aut unus eorum, per se, vel alium, seu alios, easdem praesentes litteras, et in eis contenta quaecumque, ubi et quando opus fuerit, et quoties pro parte praesidentis, definitorum, visitorum, priorum et monachorum monasteriorum Ordinis et congregationis S. Mauri praedictorum, aut eorum successorum, aut cuiusvis eorum, fuerint requisiti, solemniter publicantes, eisdemque praesidenti, definitoribus, visitoribus, prioribus et monachis congregationis S. Mauri huiusmodi, ac eorum singulis, in praemissis efficacia defensionis praesidio assistentes, faciant auctoritate nostrâ easdem praesentes litteras et in eis contenta quaecumque ab omnibus, ad quos spectat et pro tempore quomodolibet spectabit, firmiter et inviolabiliter observari; non permittentes eisdem praesidentem, definitores, priores et monachos congregationis S. Mauri huiusmodi, ac eorum singulares personas desuper a quoquam quomodolibet indelibe molestari, impediri aut perturbari; contradictores quoslibet et rebelles per sententias, censuras et poenas ecclesiasticas, aliâque iuris et facti remedia, appellatione postpositâ, compescendo, ac legitimis super his habendis servatis processibus, sententias, censuras et poenas ipsas, etiam iteratis vicibus, servatâ tamen formâ concilii huiusmodi, aggravando, invocato etiam ad hoc, si opus fuerit, auxilio brachii secularis.

Derogatio
contrariorum.

§ 12. Non obstantibus piae memoriae Bonifacii Papae VIII, etiam praedecessoris nostri, qua caveatur, ne quis extra suam civitatem et dioecesim, nisi in certis expressis casibus, et in illis ultra unam dietam a fine suae dioecesis ad iudicium evocetur, seu ne iudices, a Sede praefatâ deputati, extra civitatem vel dioecesim, in qua deputati fuerint, contra quoscumque procedere praesumant, et in concilio ge-

nerali editâ de duabus dietis, dummodo ultra tres dietas aliquis vigore praesentium ad iudicium non trahatur, ac aliis constitutionibus et ordinationibus apostolicis, necnon sancti Benedicti et Cluniacensis Ordinum praefatorum (iuramento, confirmatione apostolicâ, vel quavis firmitate aliâ roboratis) statutis et consuetudinibus¹, illis illorumque monasteriis, abbatibus, superioribus et monachis, ac aliis personis, sub quibuscumque tenoribus et formis, ac cum quibusvis clausulis et decretis, in contrarium forsan quomodolibet concessis: quibus omnibus et singulis, etiamsi de illis, eorumque totis tenoribus specialis, specifica, expressa et individua, ac de verbo ad verbum, non autem per clausulas generales idem importantes, mentio seu quaevis alia expressio habenda aut aliqua alia exquisita forma ad hoc servanda foret, illis aliâs in suo robore permansuris, hac vice dumtaxat harum serie specialiter et expresse derogamus, ceterisque contrariis quibuscumque. Volumus autem quod resignationes prioratum et aliorum beneficiorum ecclesiasticorum (non tamen officiorum claustralium per monachos non reformatos obtentorum) quas in futurum ad favorem reformatorum fieri, ac pensiones quas super illorum fructibus reservari contigerit, a Sede praefatâ dumtaxat admitti et reservari debeant.

§ 13. Nulli ergo omnino hominum liceat hanc paginam nostrae absolutionis, concessionis, indulti, approbationis, confirmationis, adiectionis, suppletionis, decreti, mandati, derogationis et voluntatis infringere vel ei ausu temerario contraire. Si quis autem hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursurum.

Clausulae poenales.

¹ Heic deesse videntur verba privilegii quoque et indultis (n. 7.).

Datum Romae, apud S. Petrum, anno Incarnationis Dominicae MDCXXVIII, XII kalendas februarii, pontificatus nostri anno v.

Dat. die 21 ianuarii 1628, pontif. anno v.

CCLXXVII.

Extensio concessionis de beatâ Rita de Cassia Ordinis S. Augustini recitandi missam pro confluentibus ubique terrarum ad ecclesias praedicti Ordinis, et in totâ Spoletana dioecesi ad omnes ecclesias¹.

Urbanus Papa VIII,
ad perpetuam rei memoriam.

Praecedens concessio.

Nuper, pro parte dilectarum in Christo filiarum priorissae et monialium beatae Ritae de Cassia Ordinis sancti Augustini Spoletanae dioecesis nobis exposito, quod ipsae, pro eo, quem erga beatam Ritam gerebant, devotionis affectu, officium et missam de eâ recitari et celebrari posse desiderabant, nos, earum hac in parte supplicationibus inclinati, de venerabilium fratrum nostrorum sanctae Romanae Ecclesiae cardinalium sacris ritibus praepositorum consilio, ut de dictâ beatâ Rita in totâ dioecesi Spoletana, ac ab omnibus utriusque sexus dicti Ordinis religiosis ubique existentibus officium et missa tamquam de comuni nec Virginis nec Martyris, iuxta rubricas breviarii et missalis romani ac breviarium ipsius Ordinis a Sede Apostolicâ approbatum, respective recitari et celebrari libere et licite posset et valeret, apostolicâ auctoritate licentiam et facultatem impertiti sumus, prout in nostris de super in simili formâ Brevis expeditis litteris, quarum tenores praesentibus pro expressis haberi volumus, plenius continetur.

Extensio de qua in rubricâ.

§ 2. Nunc autem dilectorum filiorum prioris generalis et fratrum totius Ordinis

¹ Vide supra pag. 603 (R. T.).

mis huiusmodi, necnon priorissae et monialium praefatarum supplicationibus nobis denuo humiliter porrectis inclinati, de eorumdem cardinalium consilio, ut in die festivo de eadem beatâ Rita missa tamquam de communi nec Virginis nec Martyris, iuxta rubricas missalis romani huiusmodi, ab omnibus presbyteris secularibus ad omnes totius Ordinis praefati ac dioecesis Spoletanae ecclesias confluentibus, celebrari libere similiter et licite possit et valeat, eadem auctoritate tenore praesentium licentiam et facultatem impertimur.

§ 3. Non obstantibus constitutionibus et ordinationibus apostolicis, ceterisque contrariis quibuscumque.

Obstantium remolio.

§ 4. Volumus autem, quod praesentium transumptis, etiam impressis, manu alicuius notarii publici subscriptis, et sigillo personae in dignitate ecclesiasticâ constitutae munitis eadem prorsus ubique fides in iudicio et extra adhibeatur, quae ipsis praesentibus adhiberetur, si forent exhibitae vel ostensae.

Transumptus danda fides.

Datum Romae, apud S. Petrum, sub annulo Piscatoris, die IV februarii MDCXXVIII, pontificatus nostri anno v.

Dat. die 4 februarii 1628, pontif. anno v.

CCLXXVIII.

Confirmatio privilegiorum ac iurium ecclesiae et capituli S. Mariae ad Martyres super plateâ ante ipsam ecclesiam.

Urbanus Papa VIII,
ad perpetuam rei memoriam.

Romanus Pontifex, aequi bonique supremus assertor, inter gravissimas, multiplicesque apostolicae servitutis curas, in eam peculiari studio iugiter incumbit, ut ecclesiarum omnium, praesertim collegatarum insignium almae Urbis nostrae, iura, proprietates et dominia sarta tecta conserventur, et quae propterea a praedeces-

Prooemium.

soribus suis facta et decreta sunt, ut ab omnibus perpetuo inviolabiliter observentur, apostolicae confirmationis patrocinio corroborat, aliaque statuit, ordinat et disponit, prout personarum in eisdem ecclesiis Altissimo famulantium quieti, utilitatibusque et commodis conspicit in Domino salubriter expedire.

Recensentur
Sixti Papae V
haec super re
litterae.

§ 1. Alias siquidem a felicitis recordationis Sixto Papa V, praedecessore nostro, emanarunt litterae, tam sub plumbo, quam in simili forma Brevis, tenoris subsequentis, videlicet:

Sixtus Papa V,

ad perpetuam rei memoriam.

Nuper a nobis emanarunt litterae tenoris subsequentis, videlicet:

Sixtus episcopus, servus servorum Dei, ad perpetuam rei memoriam. Cunctarum orbis ecclesiarum regimini, auctore pacis annuente, praefecti, ecclesiarum ipsarum, praesertim collegiatarum insignium almae Urbis et personarum divinis inibi obsequiis adscriptarum statum feliciter dirigi, ac earum deinde quietem personarum confoveri cupientes, ea, quae illis per Romanos Pontifices praedecessores nostros concessa fuisse dicuntur, apostolico munimine roboramus, aliasque desuper disponimus, prout conspicimus in Domino salubriter expedire. Etsi dilecti filii archipresbyter et capitulum ecclesiae beatae Mariae Rotundae de dicta Urbe ab immemorabili tempore fuerint et sint domini et patroni totius plateae S. Mariae Rotundae nuncupatae ante ecclesiam praedictam existentis, et in pacifica hactenus possessione extiterint tenendi bancos, et illos locandi, ac pretium inde proveniens percipiendi, unde nemini, nec iudici, nec magistratui, aut superiori licuerit, nec liceat, archipresbyterum et capitulum praedictos in ipsa eorum possessione, minusque eorum locatarios, quominus banchis et platea praedictis libere uti possint, molestare,

aut ab ipsis locatariis praetextu dictae plateae aliquid exigere, petere vel recipere; imo soliti sint, tam in dicta platea, quam extra, et prope eam in viis publicis ab illa ad quinque cannas vel circiter distantibus, fructus, herbas, panem, pisces et alia tam comestibilia quam incomestibilia vendere volentibus licentiam desuper concedere, ac quoscumque, qui pro electione luti ac immunditiarum dictae plateae ratam solvere recusant, omnesque in huiusmodi platea ac locis vicinis dictis archipresbytero et capitulo subiectis vendentes (illis dumtaxat exceptis, qui in locis ordinariis et per eosdem archipresbyterum et capitulum deputatis de eorum licentia manent, aut illos in dominos recognoscunt), illos quoque habitantes, qui ante eorum apothecas bancos ultra debitum, seu tabulata et tabulas, super quibus res vendendae teneri et exhiberi solent, a pariete apothecae ultra quatuor palmos distantes habent, aut sub dictis banchis et tabulis barilia, tinas, sive, ut vulgo dicunt, tinozas, aliasque res tenent, ad solutionem et contributionem debitam cogere et compellere: nihilominus, sicut accepimus, nonnulli vicini, domos in circuitu eiusdem plateae possidentes et habitantes, nescitur quo iure, absque licentia dictorum archipresbyteri et capituli iuxta suos parietes et ante eos erigere praesumpserunt bancos ad usum macelli et pro vendendis piscibus, pro quibus etiam aliquid praedictis archipresbytero et capitulo solvere recusant, in grave eorum damnum et praeiudicium.

§ 2. Nos (qui, ne per varias quae pro

Quibus omnis
ius capituli super
plateam
competens con-
firmatum fuit.

1 An hic et postea recta lectio, iudicat lector scius; forsán legendum foret *iustitia postponetur*, aut simile (n. T.).

vimus nostrae intentionis esse, quod deinceps per quamcumque signaturam seu concessionem aut gratiam vel litteras apostolicas pro commissionibus seu mandatis aut declarationibus huiusmodi, etiamsi motu proprio et ex certâ scientiâ ac etiam ante motam litem a nobis emanarent, vel de mandato nostro faciendas, nulli ius sibi quaesitum quomodolibet tolleretur; quique ad indemnitate personarum ecclesiasticarum ac ecclesiarum ipsarum attendimus, et, ut bona, iurisdictiones, immunitates, privilegia et gratiae earundem potius augeantur, quam minuantur, diligenter procuramus) ipsorum archipresbyteri et capituli indemnitati in praemissis pro nostri pastoralis officii munere opportune providere volentes, ac archipresbyterum et capitulum praedictos a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodati existunt, ad effectum praesentium dumtaxat consequendum, harum serie absolventes et absolutos fore censentes, necnon singulorum concessionum, mandatorum et sententiarum infrascriptorum tenores ac datam, cum inde sequutis, praesentibus pro expressis habentes, motu simili, non ad ipsorum archipresbyteri et capituli vel aliorum pro eis nobis super hoc oblatae petitionis instantiam, sed ex merâ liberalitate ac simili scientiâ nostris, deque apostolicae potestatis plenitudine, omnia et singula privilegia, indulta, iurisdictiones, libertates, immunitates, exemptiones, facultates et gratias ecclesiae necnon archipresbytero et capitulo praedictis per quoscumque Romanos Pontifices praedecessores nostros hactenus et quomodocumque ac qualitercumque concessa, usum dictae plateae et sibi adiacentium locorum illorumque concessionem concernentia, in

quorum pacificâ possessione et usu hactenus extiterunt, necnon mandata et sententias de et super manutentione possessionis dictae plateae per quosvis palatii apostolici causarum auditores, sive eorum locumtenentes, aut alios quoslibet Romanae curiae iudices hactenus lata¹, emanata et relaxata, prout rite et recte gesta sunt, auctoritate apostolicâ, tenore praesentium, perpetuo confirmamus et approbamus, illisque perpetuae et inviolabilis apostolicae firmitatis robur adicimus, omnesque et singulos tam iuris quam facti et etiam solemnitatum quarumlibet quomodolibet omissarum defectus, si qui forsân intervenierunt in eisdem, supplemus, illaque omnia et singula etiam perpetuo valere et tenere, ac ab illis, ad quos nunc spectat et pro tempore spectabit, inviolabiliter perpetuo observari debere, nec ab illis ullo unquam tempore resilire posse, sed ad praemissorum omnium et singulorum observationem perpetuo obligatos fore et esse, ac ad id etiam censuris ecclesiasticis ac pecuniariis poenis cogi et compelli posse decernimus.

§ 3. Et nihilominus quamcumque litem, seu quascumque lites et causas ac controversias, super plateâ et adiacentibus locis antedictis, coram quocumque eiusdem curiae iudice ordinario vel extraordinario, in quibuscumque statu et terminis existant, etiamsi aliquae sententiae iam desuper quomodolibet latae extiterint, ad nos harum serie advocamus, illasque penitus extinguimus, necnon plateam praedictam ac loca sibi circumquaque adiacentia in viis publicis existentia et ab eâ per quinque cannas distantia huiusmodi, quorum omnium situationes, confines, qualitates, quantitates, vocabula et denominationes², etiam praesentibus haberi volu-

¹ Et quatenus
opus est, de no-
vo conceditur.

¹ Incongrue edit. Main. legit *latae emanata* (R. T.).

² Edit. Main. legit *dominationes* (R. T.).

mus pro expressis, etiamsi dictam plateam ullo unquam tempore per quas-cumque personas cuiuscumque gradus et conditionis existentes augeri, extendi et ampliari contigerit, etiam cum augmento ampliationis et extensionis huiusmodi, quantumcumque fuerit, quo adveniente etiam loca in viis publicis et ab eâ per quinque cannas distantia huiusmodi computari et comprehendere volumus, cum omnibus et singulis iuribus et pertinentiis suis, ac etiam omnibus et quibuscumque illorum fructibus, redditibus, proventibus, iuribus, obventionibus et emolumentis universis, ecclesiae, archipresbytero et capitulo praedictis dictâ apostolicâ auctoritate similiter perpetuo et irrevocabiliter donamus, concedimus et elargimur, ac omne illius et illorum ius et dominium, etiamsi ad nos et cameram apostolicam aut alios quoscumque particulares spectet, in ecclesiam et archipresbyterum et capitulum huiusmodi transferimus, eosque in nostrum et camerae ac particularium praedictorum quomodolibet locum et iura quoad haec ex nunc pariter perpetuo substituimus: ita ut liceat archipresbytero et capitulo praedictis plateae et adiacentium locorum sic specificatorum, ac iurium, obventionum et emolumentorum praedictorum, per se, vel alium, seu alios, possessionem per eos captam, ut praefertur, continuare, et, quatenus opus sit, de novo propriâ auctoritate libere apprehendere, illamque perpetuo retinere, necnon fructus, redditus et proventus ex eis provenientes percipere, exigere et levare, necnon in eorum ac dictae ecclesiae usus et utilitatem convertere, cuiusvis licentiâ desuper minimo requisitâ, ac ex nunc ecclesiae ac archipresbytero et capitulo huiusmodi in plateâ et adiacentibus locis praedictis plenum ius omnino acquisitum esse, illamque et illa cum iuribus, obventionibus et emolumentis praedictis ad ec-

clesiam necnon archipresbyterum et capitulum praedictos de iure spectare et pertinere, ipsisque lapides marmoreos loco bancorum pro maiori piscium venditorum¹ commoditate ac dictae plateae ornatu mensibus elapsis per eos in ipsâ plateâ erectos et appositos libere et impune erigere et apponere licuisse, eâdem auctoritate apostolicâ declaramus.

§ 4. Praeterea plateam, unâ cum augmento huiusmodi, si illud fieri quando-cumque contigerit, necnon loca adiacentia praenominata, ab omni iurisdictione et superioritate nunc et pro tempore existentium nostri et successorum nostrorum Romanorum Pontificum camerarii, ac dictae Urbis viarum magistrorum, ex nunc et in perpetuum (ita et taliter, quod dicti camerarius et magistri in et super plateâ ac locis circumvicinis praedictis, illorumque membris ac pertinentiis, nullam omnino habeant nec habere possint iurisdictionem et auctoritatem) eâdem auctoritate eximimus et liberamus; quodque de cetero nulli omnino (cuiuscumque gradus, status, ordinis et conditionis existant, etiam quovis privilegio sint suffulti) in plateâ praedictâ ac prope illam in viis publicis ab eâ per quinque cannas distantibus huiusmodi (etiam praetextu quod sint domini liberi et absoluti vel habitatores domorum circumcirca in dictâ plateâ existentium) in domorum praedictarum parietibus et ante eas aliquod genus bancorum seu tabularum vel tabularum, ad effectum quidpiam vendendi, aut venale prostituendi, de cetero erigere, nec erigi seu erectum tenere vel teneri facere, per se, vel alium, seu alios, absque expressâ et in scriptis obtentâ archipresbyteri et capituli praedictorum licentiâ, etiam perpetuo statuimus, sicque etiam districte praecipiendo inhibemus; ipsos

Cum exemptione a cuiuscumque iudicis iurisdictione.

¹ Aut venditionis aut vendendorum legendum pro venditorum (R. T.).

quoque archipresbyterum et capitulum super praemissis, eorumque circumstantiis universis, etiam per cameram praedictam, eiusque agentes vel commissarios, aut deputatos et viarum magistros huiusmodi, quavis auctoritate vel praetextu, quomodolibet molestari, perturbari, inquietari vel impediri non posse, neque debere; praesentesque litteras, etiam ex eo, quod eiusdem camerae agentes, vel magistri praedicti, aut quicumque alii interesse habentes vel praetendentes, aut putantes, ad hoc vocati non fuerint, vel quavis seu quibusvis aliis causis, de subreptionis vel obreptionis, seu nullitatis vitio, aut intentionis nostrae, vel quovis alio defectu notari, seu impugnari, aut alias quomodolibet infringi vel retractari, seu etiam revocari, suspendi, restringi, limitari, vel eis in aliquo derogari nullatenus umquam posse; sed illas semper et perpetuo validas et efficaces existere et fore, suosque plenarios effectus sortiri et obtinere, ac ab omnibus, quos illae concernunt et concernent quomodolibet in futurum, inviolabiliter perpetuo observari, sique in praemissis censi, ac ita per quoscumque iudices et commissarios, quavis auctoritate fungentes, etiam eiusdem camerae camerarium, praesidentes et clericos, ac etiam dicti palatii causarum auditores, eorumque locumtenentes, necnon S. R. E. cardinales, et etiam de latere legatos, eorumque vicelegatos (sublatâ eis et eorum cuilibet quavis aliter iudicandi et interpretandi facultate et auctoritate) iudicari et definiri debere, ac quidquid secus super his a quoquam, quavis auctoritate, scienter vel ignoranter, contigerit attentari, irritum et inane etiam decernimus.

§ 5. Mandantes propterea camerario, praesidenti et clericis praedictis, ac nostro, dictaeque camerae thesaurario et depositario etiam generalibus, nunc et pro tem-

pore existentibus, aliisque omnibus et singulis ad quos spectat et spectabit, ut praefertur, quatenus easdem praesentes, si et postquam pro parte archipresbyteri et capituli praedictorum pro tempore, quodcumque requisiti fuerint, recipiant et admittant, illasque ex nunc et deinceps ac in perpetuum attendant et inviolabiliter observent, et ab omnibus supra dictis observari mandent et faciant realiter et cum effectum.

§ 6. Non obstantibus prioribus decreto et declaratione nostris praedictis ac quorumcumque Romanorum Pontificum etiam praedecessorum nostrorum de rebus dictae camerae non alienandis neque distrahendis, ac quibusvis aliis constitutionibus et ordinationibus apostolicis, dictaeque camerae (iuramento, confirmatione apostolica, vel quavis firmitate alia roboratis) statutis et consuetudinibus, decretis et etiam novis reformationibus, privilegiis quoque, indultis et litteris apostolicis etiam camerae, necnon et camerario, praesidenti et clericis, ac magistris praedictis, necnon dilectis filiis populo Romano et domorum ipsius Urbis inquilinis ac dominis et quibusvis aliis personis, in genere vel in specie, sub quibuscumque tenoribus et formis, etiam motu, scientia et potestatis plenitudine similibus, ac etiam consistorialiter, ac alias, in contrarium quomodolibet etiam pluries et iteratis vicibus concessis, confirmatis et innovatis, ac in posterum concedendis, confirmandis et innovandis.

§ 7. Quibus omnibus, etiamsi pro illorum sufficienti derogatione de illis, eorumque totis tenoribus specialis, specifica, expressa et individua, non autem per clausulas generales idem importantes, mentio seu quaevis alia expressio habenda aut aliqua alia exquisita forma ad hoc servanda foret, illis aliis in suo robore permansuris, hac vice duntaxat, motu, scien-

lia et potestatis plenitudine paribus specialiter et expresse derogamus, et contrariis quibuscumque. Nulli ergo omnino hominum liceat hanc paginam nostram absolutionis, confirmationis, approbationis, adiectionis, suppletionis, avocationis, extinctionis, donationis, concessionis, elargitionis, translationis, substitutionis, subrogationis, declarationis, exemptionis, liberationis, statuti, inhibitionis, posteriorum decretorum, mandati et derogationis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei ac beatorum Petri et Pauli apostolorum eius se noverit incursurum.

Datum Romae, apud S. Petrum, anno Incarnationis Dominicae MDLXXVI, idibus novembris, pontificatus nostri anno II.

§ 8. Quia vero¹ in praeinsertis litteris, a nobis emanatis, mentis et intentionis nostrae non fuit, neque est, ecclesiae, archipresbytero, canonicis et capitulo ecclesiae B. Mariae Rotundae nuncupatae de Urbe, ad quorum favorem litterae ipsae emanarunt, quidquam de novo, et praesertim in praeiudicium cuiusvis tertii concedere, sed solum confirmare vetera eorum si qua et quaecumque eisdem, iuxta sacrorum canonum statuta et Romanorum Pontificum praedecessorum nostrorum aut aliarum personarum quarumcumque ad id auctoritatem habentium concessionem et indulta, aut ex iuris communis dispositione, seu quocumque alio legitimo titulo, iura competant, et non aliter, neque alio modo, et, si² forte litterae supradictae aliter continere videantur, id a nobis praeter et contra mentem et intentionem nostram accidit:

§ 9. Idcirco, ne cui ex dictis nostris litteris et contentis in eis quodvis damnum et praeiudicium illatum censeretur, neve quis aliter nostrae mentis et intentionis fuisse

et esse existimare et iudicare, sive interpretari possit, motu proprio et ex certa nostra scientia, ac de apostolicae potestatis plenitudine, tenore praesentium, in perpetuum declaramus et attestamus, volumus et decernimus, dictas litteras et contenta in illis, in quantum ultra veteres concessionem et indulta, aut titulos, seu alia iura huiusmodi quidquam de novo concessisse videamur, pro non editis haberi, concessionemque et indulta huiusmodi et omnia in illis contenta revocamus, annullamus et pro non factis haberi mandamus (eisdem litteris, cum omnibus in illis contentis, solum et dumtaxat quoad confirmationem veterum concessionum et indulgentiarum ac iurium, eisdem¹ ecclesiae, archipresbytero, canonicis et capitulo, iuxta sacrorum canonum statuta et supradictorum praedecessorum nostrorum, ut supra, aut alias concessionem et litteras, competentium, in suo robore et firmitate manentibus); et sic per quoscumque iudices ordinarios et delegatos, atque iustitiae ministros, quacumque dignitate, auctoritate et potestate pollentes, etiam sanctae Romanae Ecclesiae cardinales, etiam de latere legatos, praesentes et futuros, ac palatii nostri apostolici causarum auditores, interpretari, iudicari et definiri et exequi volumus, pariterque decernimus et mandamus, sublata eisdem et omnibus aliis, quibus opus fuerit, aliter interpretandi, iudicandi, definiendi et exequendi potestate et auctoritate, irritum quoque et inane quidquid in contrarium fieri et attentari contigerit. Non obstantibus eisdem praeinsertis nostris litteris, et inde sequutis, quae adversus hanc nostram declarationem, attestationem, voluntatem et decretum ecclesiae, archipresbytero, canonicis et capitulo supradictis suffragari quomodolibet forte possent, ac aliis con-

Declarat eius intentionem circa praedicta.

¹ Particulam vero addendum censuimus (R. T.).

² Edit. Main. legit *etsi* (R. T.).

¹ Edit. Main. legit *iurium eiusdem ecclesiae* (R. T.).

stitutionibus et ordinationibus apostolicis, ac statutis, privilegiis et litteris apostolicis quibusvis in contrarium forsitan concessis, confirmatis et innovatis. Quibus omnibus, quoad effectum praesentium, illis aliis in suo robore permansuris, specialiter, et expresse derogamus, ceterisque contrariis quibuscumque.

Datum Romae, apud S. Petrum, sub annulo Piscatoris, die xxvii maii MDLXXXVII, pontificatus nostri anno III.

Motiva huius confirmationis per Urbanum factae.

§ 10. Cum autem, sicut accepimus, licet archipresbyter, ac capitulum et canonici praedicti, ab immemorabili tempore, ac plurium sententiarum et rerum iudicialium, et tam recolendae memoriae Innocentii VIII, Sixti IV et Iulii II Romanorum Pontificum similiter praedecessorum nostrorum, quam praecursorum litterarum, necnon variarum inhibitionum et mandatorum diversis temporibus desuper emanatorum vigore, fuerint et sint ad praesens universae plateae praedictae domini et patroni, et, ab inde citra, se dictamque eorum ecclesiam manutenuerint in quasi possessione in universam plateam huiusmodi, etiam privative quoad omnes alios, etiam domorum eidem plateae adiacentium dominos, erigendi, tenendi et habendi bancos et tabulata ad effectum inibi fructus, herbas, pisces et alia comestibilia vendendi, dictosque bancos et tabulata personis sibi benevisis locandi, pensiones ex huiusmodi locationibus provenientes percipiendi, exigendi et levandi, ac in suos usus et utilitatem convertendi, et personis praedictis, similes bancos et tabulata in plateam huiusmodi erigendi, tenendi et habendi, licentiam concedendi, ceteraque omnia et singula alia ad liberum ipsius plateae dominium spectantia et pertinentia faciendi, dicendi, gerendi et exequendi, nihilominus de anno mdcii archipresbyter et canonici aliqui, ut creditur, extra capitulum et singulariter contrahentes, per

eorum assertam scripturam privatam, quae per Sedem Apostolicam non probatur confirmata, renunciaverunt et ab eorum ecclesiam abdicare tentarunt huiusmodi bancos et tabulata ad macella apponendi et alia iura in et super dictam plateam, archipresbytero et canonicis ac capitulo praedictis, ut praefertur, competentia, ad favorem magistrorum viarum Urbis; et de anno mdcxviii, seu alio veriori tempore, dilectus filius Adamus Melfius aromatarius cuiusdam domus eidem plateae adiacentis, et ad dilectum filium Crescentium de Crescentiis Romanum, ut asseritur, spectantis, inquilinus habitator (praetendens ante apothecam dictae domus in quodam situ angulari medio inter eandem apothecam et viam publicam super eadem plateam transeuntem, qua a domo regulari S. Mariae Magdalenae Clericorum regularium Ministrantium infirmis ad domum etiam regularem beatae Mariae super Minervam nuncupatam de eadem Urbe fratrum Ordinis Praedicatorum itur, sub praetextu, quod situs huiusmodi in eadem plateam non comprehendatur, sed locus privatus et de pertinentiis dictae domus existat, bancos huiusmodi erigere, habere et tenere posse) etiam forsitan de licentia magistrorum viarum Urbis, seu viarum praesidentis, duos bancos similes in eodem situ crexerit, illosque pro piscibus vendendis locaverit; habito autem per archipresbyterum ac capitulum et canonicos praedictos ad dilectum filium nostrum in alma Urbe praedictam vicarium in spiritualibus generalem recursu, banchi praedicti amoti, iique postea, praetextu cuiusdam sententiae, seu alias, a venerabili fratre Octaviano archiepiscopo ladrensi, tunc dilecti filii nostri S. R. E. camerarii auditore, emanatae, denuo appositi fuerint; introducta deinde per viam appellationis causam huiusmodi in cameram nostram apostolicam coram dilecto filio nostro Laelio Ss. Viti

et Modesti diacono cardinali Biscia nuncupato, tunc camerae¹, et deinde dilecto filio Octaviano Raggio eiusdem camerae clericis, ibique, sub die xxvi iunii mdcxxiv, citato praedicto Adamo, et iterum, sub eadem die xxvi iunii anni sequentis mdcxxvi, discusso an de bono iure ipsius ecclesiae constaret, citatis et auditis, tam praedicto Adamo, quam praedicto etiam tunc Crescentio, de bono dictae ecclesiae iure constare resolutum fuerit, dictique archipresbyter ac capitulum et canonici, vigore resolutionum huiusmodi, sub die primâ iulii eiusdem anni mdcxxvi mandatum de manutenendo in possessione, seu quasi, tenendi bancos in praedicto situ et plateâ praefatâ contra eosdem Crescentium et Adamum obtinuerint, et in illius exequutionem banchi praedicti, in angulo praedicto, ut praefertur, appositi, amoti et sublâti fuerint, verum dicti Crescentius et Adamus, mandatum de manutenendo illiusque exequutionem huiusmodi eludere volentes, ut in quadam parvâ apothecâ, ad eundem Crescentium, ut asseritur, pariter spectante, et situi praedicto contiguâ, dicti Adamus, seu Crescentii, vel aliorum vicinorum conductores se reciperent, ibique pisces venderent, procuraverint, quo factum fuit, ut archipresbyter ac capitulum et canonici praedicti, postquam spatio octo annorum litem huiusmodi sustinuerint, aliam tantundem, et forsân amplius duraturam, non sine gravi eorum ecclesiae dispendio, magnisque laboribus exortam litem, seque de cetero litibus huiusmodi prosequendis ob assidua expensarum onera iugiter subeunda gravatos fore prospiciant:

§ 11. Nos, archipresbyteri ac capituli et canonicorum praedictorum indemnitati, quantum nobis ex alto conceditur, consulere, ipsosque specialibus favoribus et gratiis prosequi volentes, et eorum singu-

¹ Subintellige clerico, uti mox sequitur (n. r.).

lares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censentes, necnon litterarum Innocentii VIII, Sixti IV et Iulii II praedecessorum nostrorum praedictorum, sententiarumque, rerum iudicatarum, inhibitionum praedictarum veriores et totos tenores, necnon litium et causarum praedictarum statum et merita, ac aliorum quorumcunque, si qui sint, collitigantium nomina et cognomina, qualitates et denominationes, aliâque hic de necessitate exprimenda, praesentibus pro plene et sufficienter expressis et ad verbum insertis habentes;

§ 12. Motu proprio, et ex certâ scientiâ ac maturâ deliberatione nostris, deque apostolicae potestatis plenitudine, praeinsertas primo loco Sixti V praedecessoris litteras, cum omnibus et singulis in eis contentis, tenore praesentium, perpetuo approbamus et confirmamus, illisque perpetuae et inviolabilis apostolicae firmitatis robur adiicimus, necnon causam et causas huiusmodi inter archipresbyterum ac capitulum et canonicos ex unâ, necnon Crescentium et Adamum praedictos, dilectosque filios Iulium Pocobellum, ac fratres domus SS. Trinitatis in Monte Pincio, ac confratres SS. Annunciatæ Confalonis nuncupatae et SS. Crucifixi confraternitatum de Urbe praedictâ, et alios ad causam et causas huiusmodi forsân admissos ex alterâ partibus, de et super praemissis motas pendentes et instructas, ut praefertur, a dictis et quibuscumque aliis iudicibus ordinariis et extraordinariis, commissariis et exactoribus, etiam S. R. E. cardinalibus, ac rotae et causarum curiae camerae apostolicae auditoribus, eorumque

Confirmatio
litterarum Six-
ti IV.

locumtenentibus, ad nos harum serie avocamus, illasque penitus et omnino suppressimus et extinguimus; necnon eisdem Crescentio et Adamo, aliisque praedictis, perpetuum desuper silentium imponimus.

§ 13. Insuper, pro maiori archipresbyteri ac capituli et canonicorum praedictorum cautela, iuraque iuribus addendo, plateam praedictam, nunc et pro tempore existentem, eidem ecclesiae, capitulo et canonicis concedimus et perpetuo donamus, relicto domorum seu apothecarum eisdem plateae adiacentium dominis vel inquilinis trium dumtaxat palmarum extra domos vel apothecas huiusmodi spatio, quoad usum tantum pro mercibus sive aliis rebus ipsorum dominorum seu inquilinorum tantum, quae tamen in ipsis domibus vel apothecis venduntur, et non alias, neque ad alium usum, nisi de licentia expressa ipsorum archipresbyteri, canonicorum et capituli in scriptis titulo locationis obtinenda.

§ 14. Ulterius domorum et apothecarum huiusmodi dominis, necnon magistris viarum, et aliis officialibus quocumque nomine nuncupatis, necnon eiusdem sanctae Romanae Ecclesiae camerario, ceterisque quibuscumque, ad quos nunc quomodolibet spectat, et perpetuo in futurum spectabit, ne archipresbyterum, canonicos ac capitulum huiusmodi super universae ipsius plateae dominio et facultatibus praedictis impedire, molestare, vel perturbare, aut in domibus et apothecis et aliis sitibus in plateae adiacentibus circumcirca infra centum¹ caninarum spatium, quoad pisces, tellinas, gambaros, vel squillas dumtaxat, nec etiam in eadem platea, et apothecis vicinis super dicta platea respondentibus, carnes cuiuscumque generis, vivas vel mortuas, etiam haedos et agnos et alias, nec fru-

¹ Nisi error sit; nam supra legebatur *quinque* (R. T.).

ctus cuiuscumque generis, olera et flores vendere, aut macellum vel lanienam habere, absque expressa archipresbyteri ac canonicorum et capituli praedictorum licentia, audeant seu praesumant, sub indignationis nostrae et successorum nostrorum, et aliis arbitrii nostri et successorum praedictorum poenis, et in dictis Sixti V praedecessoris litteris inflictis et comminatis, interdiciamus et prohibemus.

§ 15. Volumus quoque praedictos archipresbyterum, canonicos et capitulum ad refectionem selciatae, tam plateae usque ad parietes domorum et apothecarum adiacentium, quam viarum in praedicta platea respondentium, pro latitudine et longitudine dictae plateae tantum, teneri et perpetuo obligatos esse, ac ad illam faciendam cogi posse.

§ 16. Decernentes praesentes litteras nullo umquam tempore de subreptionis, vel obreptionis, seu nullitatis vitio, aut intentionis nostrae, vel alio quocumque defectu, etiam ex eo, quod causae, propter quas illae emanarunt, expressae et iustificatae, dictique Crescentius et Adamus, et alii quicumque in praemissis interesse habentes, vel habere praetendentes, ad hoc vocati et auditi non fuerint, vel alia quavis de causa quantumvis privilegiata, notari, impugnari, invalidari, retractari, rescindi, infringi, limitari, modificari, immutari, revocari, annullari, in ius vel controversiam revocari, ad terminos iuris reduci, aut adversus illas restitutionis in integrum, appellationis oris, aut quodcumque aliud gratiae vel iustitiae remedium impetrari, seu, etiam motu, scientia et potestatis plenitudine similibus, concedi, aut dictos Crescentium et Adamum, seu quempiam alium, sic impetrato vel concessio uti, seu se iuvare, in iudicio vel extra, nullatenus posse, neque ipsas praesentes sub quibuscumque similium vel dissimilium gratiarum revocationibus, sus-

*Debitum ir-
ritum.*

pensionibus, limitationibus, aut aliis contrariis dispositionibus pro tempore quomodolibet faciendis comprehendere, sed semper ab illis exceptas, et, quoties illae emanabunt, toties in pristinum, et eum, in quo antea quomodolibet erant, statum restitutas, repositas et plenarie reintegratas, ac de novo etiam sub posteriori datâ per dictos archipresbyterum, et canonicos et capitulum eligendâ concessas esse et fore, ac censeri, perpetuoque validas, firmas et efficaces existere et fore, dictisque archipresbytero ac capitulo et canonicis in omnibus et per omnia plenissime suffragari, et ab omnibus et singulis, ad quos spectat et in futurum spectabit, inviolabiliter observari; sicque per quoscumque iudices ordinarios et delegatos, etiam causarum palatii apostolici auditores, et sanctae Romanae Ecclesiae cardinales, et camerarium, et camerae nostrae praesidentes clericos, sublatâ eis et eorum cuilibet quavis aliter iudicandi et interpretandi facultate et auctoritate, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

§ 17. Quocirca dilectis filiis, nostro in dictâ Urbe vicario in spiritualibus, et causarum curiae dictae camerae apostolicae auditori generalibus, per praesentes committimus et mandamus, quatenus ipsi, vel alter eorum, per se, vel alium, seu alios, praesentes litteras, et in eis contenta quaecumque, ubi et quando opus fuerit, et quoties pro parte dictorum archipresbyteri ac capituli et canonicorum fuerint requisiti, solemniter publicantes, illisque in praemissis efficaciae defensionis praesidio assistentes, faciant auctoritate nostrâ eosdem archipresbyterum ac capitulum et canonicos praemissorum omnium et singulorum effectu pacifice frui

1 Edit. Main. habet *erigenda* (R. T.).

et gaudere; non permittentes eos desuper a quoquam, quavis auctoritate, quomodolibet indebite molestari; contradictores quoslibet et rebelles per sententias, censuras et poenas ecclesiasticas, aliaque opportuna iuris et facti remedia, appellatione postpositâ, compescendo, invocato etiam ad hoc, si opus fuerit, auxilio brachii secularis.

§ 18. Non obstantibus praemissis, necnon recolendae memoriae Symmachi, Pauli II, Pauli IV, Pii V et aliorum Romanorum Pontificum, etiam praedecessorum nostrorum, de rebus Ecclesiae et camerae praedictae non alienandis, ac, quatenus opus foret, regulâ nostrâ de iure quaesito non tollendo, aliisque quibusvis constitutionibus et ordinationibus apostolicis, necnon eiusdem camerae et almae Urbis praefatae, et aliis quibuscumque statutis et consuetudinibus, etiam iuramento, confirmatione apostolicâ, vel quavis firmitate aliâ roboratis, privilegiis quoque, indultis et litteris apostolicis, dictae Urbi, populo Romano, et quibusvis aliis personis, sub quibuscumque tenoribus et formis, ac cum quibusvis, etiam derogatoriis derogatoriis, aliisque efficacioribus et insolitis clausulis, ac irritantibus et aliis decretis, in contrarium praemissorum quomodolibet concessis, confirmatis et innovatis, necnon reliquis omnibus, quae in secundo praeinsertis Sixti praedecessoris litteris concessa sunt non obstat. Quibus omnibus, etiamsi pro illorum sufficienti derogatione de illis, et quocumque totis tenoribus specialis, specifica, expressa et individua, ac de verbo ad verbum, non autem per clausulas generales idem importantes, mentio seu quaevis alia expressio habenda aut aliqua alia exquisita forma ad hoc servanda foret, illorum tenores praesentibus pro plene et sufficienter expressis habentes, illis aliâs in suo robore permansuris, hac vice dumtaxat specialiter

Contrariis derogat.

et expresse derogamus, ceterisque contrariis quibuscumque.

Datum Romae, apud S. Petrum, sub annulo Piscatoris, die IX februarii MDCXXVIII, pontificatus nostri anno v.

Dat. die 9 februarii 1628, pontif. anno v.

CCLXXIX.

Deputatio exequutorum alternativae circa electionem provincialium, dignitatum, ac officiorum pro fratribus Ordinis Eremitarum S. Augustini provinciae Mechoacanae.

Venerabilibus fratribus, archiepiscopo Mexicano, ac episcopis Mechoacanis et Gualdaxarensibus in Indiis, seu dilectis filiis eorum officialibus,

Urbanus Papa VIII.

Venerabiles fratres, seu dilecti filii, salutem et apostolicam benedictionem.

Prooemium.

Aliàs a felicis recordationis Gregorio Papa XV praedecessore nostro emanarunt litterae tenoris subsequentis, videlicet:

*Gregorius Papa XV,
ad perpetuam rei memoriam.*

Ex iniuncto nobis desuper apostolicae servitutis officio, votis illis, per quae paci et quieti inter christifideles quoslibet, praesertim sub suavi religionis iugo Altissimo famulantes, opportune consulitur, libenter annuimus, eaque favoribus prosequimur opportunis.

Referuntur
causae huius
constitutionis.

§ 1. Cum itaque, sicut dilecti filii prior et procurator generales Ordinis fratrum Eremitarum sancti Augustini nobis nuper exponi fecerunt, aliàs ad Congregationem venerabilium fratrum nostrorum sanctae Romanae Ecclesiae cardinalium negotiis episcoporum et regularium praepositorum delatum fuerit, in provinciâ de Mechoacan in Indiis occidentalibus inter fratres dicti Ordinis super electione et distributione provincialatus, dignitatum, aliorumque officiorum Ordinis et provinciae huiusmo-

di diversas controversias exortas esse, maioresque verisimiliter exoriri posse: nos, discordias huiusmodi de medio tollere, ac pacem et quietem inter ipsos fratres confovere volentes, priore et procuratore generalibus dicti Ordinis super hoc auditis, de eorumdem cardinalium consilio, quod de cetero perpetuis futuris temporibus electiones provincialium, dignitatum et officiorum provinciae praedictae de Mechoacan fiant alternative ex qualibet partialitate, scilicet pro unâ ex fratribus, qui nati in Hispania, inibi, vel in Indiis habitum susceperunt, pro alterâ ex iis, qui in Indiis nati sunt, Criolique vulgariter nuncupantur, ita ut in quolibet capitulo a provincialatu usque ad ultimum officium praedicti Ordinis et provinciae dignitates et officia, quae distribuenda fuerint, alternatim iuxta dictas partialitates distribuuntur, quae alternativa in proximo capitulo post intimationem praesentium litterarum celebrando a partialitate Criolorum initium habeat.

Regula alter-
nativa.

§ 2. Quod si provincialem, vel aliquem officialem Ordinis et provinciae huiusmodi, non peracto suo officio, decedere contingat, tunc alius eiusdem partialitatis, cuius defunctus erat, in eius locum usque ad tunc proximum futurum capitulum subrogetur. Si vero post intimationem litterarum huiusmodi electiones provincialium, dignitatum et aliorum officiorum praefatorum aliter, quam ut praescribitur, fieri contigerit, nullae sint et inanes; praesentes vero litteras validas, firmas et efficaces*existere et fore, suosque plenarios et integros effectus sortiri et obtinere, ac irritum et inane, si secus super his a quoquam, quavis auctoritate, scienter vel ignoranter, contigerit attentari, apostolica auctoritate, tenore praesentium, decernimus. Non obstantibus constitutionibus et ordinationibus apostolicis, ac Ordinis et provinciae huiusmodi (etiam iuramento,

Ip-siusque ex-
tensio.

confirmatione apostolicâ, vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis eorum omnium tenores praesentibus pro plene et sufficienter expressis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque. Datum Romae, apud S. Petrum, sub annulo Piscatoris, die xxix novembris MDCXXI, pontificatus nostri anno I.

Exequutores
deputat Urbani.

§ 3. Nunc autem nos, litteras praeinsertas huiusmodi debitae exequutioni, ut par est, demandari volentes, vobis per praesentes committimus et mandamus, quatenus vos, vel duo, aut unus vestrum, praeinsertas litteras huiusmodi et in eis contenta quaecumque, ubi et quando opus fuerit, et quoties pro parte superiorum et fratrum Ordinis et provinciae huiusmodi fueritis requisiti, solemniter publicantes, eisque in praemissis efficacis defensionis praesidio assistentes, faciatis auctoritate nostrâ praeinsertas litteras et in eis contenta quaecumque ab omnibus, ad quos spectat et in futurum spectabit, inviolabiliter observari. Non permittentes illos desuper a quoquam, quavis auctoritate, quomodolibet impediri, molestari aut inquietari. Contradictores quoslibet et rebelles ac praemissis non parentes per censuras et poenas ecclesiasticas, aliaque opportuna iuris et facti remedia, appellatione postpositâ, compescendo, legimusque super his habendis servatis processibus, censuras et poenas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis.

Decretum irritans.

§ 4. Non obstantibus recolendae memoriae Bonifacii Papae VIII praedecessoris nostri de unâ, et in concilio generali editâ de duabus dietis, dummodo ultra tres die-

tas aliquis auctoritate praesentium ad iudicium non trahatur, necnon omnibus illis, quae in eisdem praeinsertis litteris concessa sunt non obstare, ceterisque contrariis quibuscumque.

§ 5. Volumus autem, quod praesentium transumptis, etiam impressis, manu alicuius notarii publici subscriptis, et sigillo alicuius personae in dignitate ecclesiasticâ constitutae munitis, eadem prorsus fides ubique adhibeatur, quae ipsis praesentibus adhiberetur, si forent exhibitae vel ostensae.

Transumptis
danda fides.

Datum Romae, apud S. Petrum, sub annulo Piscatoris, die ix februarii MDCXXVIII, pontificatus nostri anno V.

Dat. die 9 februarii 1628, pontif. anno V.

CCLXXX.

Confirmatio decreti sacrae Congregationis Concilii, quo declaratur constitutionem Gregorii XV de conservatoribus editam non afficere religionem Hierosolymitanam, nisi quoad iudices conservatores, eidemque militiae adhuc ius eiusmodi iudices conservatores eligendi competere.

Urbanus Papa VIII,
ad perpetuam rei memoriam.

Exponi nobis nuper fecerunt dilecti filii Antonius de Paula magnus magister et conventus hospitalis S. Ioannis Hierosolymitani, quod a venerabilibus fratribus nostris sanctae Romanae Ecclesiae cardinalibus sacri Concilii Tridentini interpretibus emanavit decretum tenoris subsequentis, videlicet:

VI februarii MDCXXVII.

Sacra Congregatio illustrissimorum cardinalium Concilii Tridentini interpretum censuit, constitutionem sanctae memoriae Gregorii XV de conservatoribus non afficere religionem Hierosolymitanam, nisi quoad iudices conservatores, eidemque re-

A Congregatione Concilii emanavit decretum ad favorem huius militiae, de quo in rubrica.

ligioni adhuc ius eiusmodi iudices conservatores eligendi competere.

Quod supplicarunt a Pontifici confirmari.

§ 2. Cum autem, sicut eadem expositio subiungebat, Antonius magnus magister et conventus praefati decretum huiusmodi pro illius validitate et subsistentia firmiori apostolicae nostrae confirmationis robore communiri plurimum desiderent, nobis propterea humiliter supplicari fecerunt, ut in praemissis opportune providere de benignitate apostolica dignaremur.

Prout modo approbat et confirmat.

§ 3. Nos igitur, Antonium magnum magistrum et conventum praefatos specialibus favoribus et gratiis prosequi volentes, et illorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censentes, huiusmodi supplicationibus inclinati, decretum praeinsertum, apostolica auctoritate, tenore praesentium, approbamus et confirmamus, illique inviolabilis apostolicae firmitatis robur adiicimus, ac omnes et singulos tam iuris quam facti defectus, si qui desuper quomodolibet intervenerint, supplemus.

Clausulas praeservativas ponit.

§ 4. Decernentes decretum huiusmodi necnon praeinsertas litteras semper valida, firma et efficacia existere et fore, suosque plenarios et integros effectus sortiri et obtinere, ac dicto hospitali necnon Antonio moderno et pro tempore existenti illius magno magistro et conventui plenissime suffragari.

Ita iudicari mandat.

§ 5. Sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane quidquid secus super his a quoquam, quavis auctoritate, scienter vel ignoranter, contigerit attentari.

§ 6. Non obstantibus praefati Gregorii praedecessoris, aliisque constitutionibus et ordinationibus apostolicis, ceterisque contrariis quibuscumque.

Contraria derogat.

§ 7. Volumus autem, quod praesentium transumptis, etiam impressis, et sigillo personae in dignitate ecclesiastica constitutae munitis, eadem prorsus ubique fides adhibeatur, quae ipsis praesentibus adhiberetur, si forent exhibitae vel ostensae.

Exemplis credi iubet.

Datum Romae, apud S. Petrum, sub anulo Piscatoris, die XVII februarii MDCXXVIII, pontificatus nostri anno V.

Dat. die 17 februarii 1628, pontif. anno V.

CCLXXXI.

Indultum clero regni Poloniae largiendi regi subsidium¹.

Venerabili fratri Antonio archiepiscopo Se-leuciensi, apud charissimum in Christo filium nostrum Sigismundum Poloniae et Svetiae regem illustrem nostro et Sedis Apostolicae nuncio,

Urbanus Papa VIII.

Venerabilis frater, salutem et apostolicam benedictionem.

Cum, sicut accepimus, dilecti filii clerus regni Poloniae, provide considerantes regnum ipsum gravibus ad praesens necessitatibus urgeri et imminetia illi pericula tam ecclesiasticis quam laicis communia, regni vero praedicti vires adeo exhaustas² esse, ut laicorum facultates sufficienti subsidio, quo eisdem necessitatibus subveniatur et periculis praedictis occurratur, comparando nequaquam suppetant, pro publicae salutis, patriaeque defensione, aliquam pecuniae summam subsidii nomine charissimo in Christo filio nostro Sigismundo Poloniae, Svetiae regi illustri, nostrae et Sedis Apostolicae ad id acce-

Exhaustas regni Poloniae aliquod subsidium regi tribuere cupiunt.

1 Deest pericopes et manu... notarii, etc. (R. T.).

2 Ex Regest. in Secret. Brev.

3 Edit. Main. legit exhausta (R. T.).

dente licentiâ et consensu, sponte conferre desiderant;

Quod permit-
tit Urbani.

§ 2. Nos, praedicti Sigismundi regis et dicti Poloniae regni necessitatibus huiusmodi consulere, periculisque praedictis, quantum nobis ex alto conceditur, occurrere volentes, tibi, venerabilibus fratribus archiepiscopis et episcopis, ac dilectis filiis abbatibus et aliis personis ecclesiasticis eiusdem regni, ut pro necessitatibus et periculis huiusmodi subsidium praedicto Sigismundo regi, sponte tamen, pro una vice et summâ, quae eis videbitur dumtaxat, tribuere; ipsi autem Sigismundo regi, eiusque ministris, quod subsidium huiusmodi petere et recipere absque conscientiae scrupulo ac censurarum et poenarum ecclesiasticarum incursu libere et licite possint, dummodo tamen subsidium huiusmodi in praedictos et non alios usus convertatur et erogetur, apostolicâ auctoritate indulgendi, ac licentiam concedendi, ipsosque archiepiscopos, episcopos, abbates et alias personas ecclesiasticas, ac earum singulas, quatenus dictam pecuniae summam absque Sedis praedictae licentiâ promiserint aut solverint, necnon eundem Sigismundum regem et suos ministros praedictos, si illam similiter absque licentiâ praedictâ iam receperint, ab omnibus et singulis censuris et poenis, propterea quomodolibet incursis, eâdem auctoritate absolvendi facultatem et auctoritatem, tenore praesentium, concedimus et imperimus.

Nuncio apostolico demandatur illis exactione.

§ 3. Tibique, ut ad exactionem praedicti subsidii per personas ecclesiasticas tantum et non alias procedere debeas, eâdem auctoritate committimus et mandamus; contradictores et solvere recusantes per censuras et poenas ecclesiasticas, aliaque iuris et facti remedia, eâdem auctoritate compescendo.

Derogatio contrariorum.

§ 4. Non ostantibus concilii Lateranensis, ac quibusvis constitutionibus et ordi-

nationibus apostolicis, necnon ecclesiarum, monasteriorum et beneficiorum huiusmodi (etiam iuramento, confirmatione apostolicâ vel quavis firmitate aliâ roboratis) statutis et consuetudinibus, privilegiis quoque, indultis et litteris apostolicis, et exemptionibus, immunitatibus, etiam in corpore iuris clausis quibusvis generaliter vel specialiter concessis, etiamsi de illis, eorumque totis tenoribus de verbo ad verbum mentio seu quaevis alia expressio habenda sit, et in eis caveatur expresse, quod per huiusmodi clausulas generales, etiam mentionem specialem importantes, eis derogatum esse non censeatur, aut derogari videatur, nisi certis modo et formâ in illis expressis plene observatis. Quibus omnibus, eorum tenores praesentibus pro expressis et ad verbum insertis habentes, illis aliâs in suo robore permansuris, ad praemissorum effectum, hac vice dumtaxat specialiter et expresse derogamus, ceterisque contrariis quibuscumque.

§ 4. Volumus autem, ut pauperes clerici, qui in redditibus non habent nisi victum necessarium, ad contribuendum minime compellantur.

Pauperes clerici a subsidio praestando exemptuntur.

§ 5. Praeterea volumus, praesentium transumptis, manu alicuius notarii publici subscriptis, et sigillo personae in dignitate ecclesiasticâ constitutae munitis, eandem prorsus fidem adhiberi, quae eisdem praesentibus adhiberetur, si forent exhibitae vel ostensae.

Transumptis credi iubet.

Datum Romae, apud S. Petrum, sub annulo Piscatoris, die xiiii februaryi mpcxxviii, pontificatus nostri anno v.

Dat. die 19 februaryi 1628, pontif. anno v.

CCLXXXII.

Extensio indulti recitandi officium et celebrandi missam de beato Felice de Cantalicio Ordinis Cappuccinorum in

eius festo ad omnes sacerdotes ad ecclesias eiusdem Ordinis confluentes¹.

Urbanus Papa VIII,
ad perpetuam rei memoriam.

Refert dispositionem aliarum constitutionum.

Aliàs, nomine dilectorum filiorum nobilium virorum Maximiliani Bavariae sacri Romani imperii principis electoris et Caroli Lotharingiae ducum respective, necnon Francisci a Lotharingia comitis Vademontanae, dilectarumque in Christo filiarum nobilis mulieris Elisabethae Bavariae ducissae et Catharinae etiam a Lotharingia monasterii Sedi Apostolicae immediate subiecti S. Petri de Romaricomonte Ordinis sancti Benedicti nullius seu Tullensis diocesis abbatissae, necnon etiam ministri generalis et fratrum Ordinis Minorum sancti Francisci Cappuccinorum nuncupatorum, nobis exposito, quod bonae memoriae Felix de Cantalicio, eiusdem Ordinis, dum vixit, professor, multis et eximiis virtutum, gratiarum et miraculorum donis a Domino illustratus fuerat, eaque propter exponentes praedicti nobis humiliter supplicari fecerant, ut, donec canonizationis honor dicto Felici de Cantalicio ab Apostolica Sede decerneretur, idem Felix de Cantalicio Beatus nuncupari, officiumque et missa de eo recitari et celebrari posset; nos, huiusmodi supplicationibus tunc inclinati, de venerabilium fratrum nostrorum S. R. E. cardinalium sacris ritibus praepositorum consilio, ut ipse bonae memoriae Felix de Cantalicio Beatus nuncupari, officiumque et missa de eo tamquam de communi Confessoris non Pontificis, iuxta rubricas missalis et breviarii romani, eo anno ab omnibus dicti Ordinis fratribus ubique existentibus, hic autem Romae etiam a sacerdotibus ad ecclesias eorumdem fratrum confluentibus, die eorum superioribus benevisâ, in posterum vero die dumtaxat sui obitus, in ecclesiis fratrum praefatorum, videlicet in Nanceii, ac praefato Romaricomontis, necnon Cantalicii oppidis ab eisdem fratribus tantum, Romae vero, ubi corpus eiusdem requiescit, etiam a sacerdotibus ad ecclesiam ipsorum fratrum confluentibus recitari et celebrari; et subinde, eiusdem Ordinis universis et singulis ubique existentibus, Romae autem dumtaxat etiam a sacerdotibus ad ecclesiam, ubi eiusdem beati Felicis corpus quiescit, confluentes, in die obdormitionis ipsius beati Felicis officium et missa de eo, ut praefertur, similiter recitari et celebrari respective posset et valeret, licentiam et facultatem concedimus et impertiti sumus, prout in diversis nostris in simili formâ Brevis expeditis litteris, quarum tenorem praesentibus pro expressis haberi volumus, plenius continetur¹.

bus, die eorum superioribus benevisâ, in posterum vero die dumtaxat sui obitus, in ecclesiis fratrum praefatorum, videlicet in Nanceii, ac praefato Romaricomontis, necnon Cantalicii oppidis ab eisdem fratribus tantum, Romae vero, ubi corpus eiusdem requiescit, etiam a sacerdotibus ad ecclesiam ipsorum fratrum confluentibus recitari et celebrari; et subinde, eiusdem Ordinis universis et singulis ubique existentibus, Romae autem dumtaxat etiam a sacerdotibus ad ecclesiam, ubi eiusdem beati Felicis corpus quiescit, confluentes, in die obdormitionis ipsius beati Felicis officium et missa de eo, ut praefertur, similiter recitari et celebrari respective posset et valeret, licentiam et facultatem concedimus et impertiti sumus, prout in diversis nostris in simili formâ Brevis expeditis litteris, quarum tenorem praesentibus pro expressis haberi volumus, plenius continetur¹.

§ 2. Nunc autem, dilecti filii Francisci Genuensis procuratoris generalis dicti Ordinis ac ministri generalis et fratrum praefatorum nomine nobis humiliter porrectis supplicationibus inclinati, de eorumdem cardinalium consilio, ut in die tantum festi eiusdem beati Felicis officium et missa de eo tamquam de communi Confessoris non Pontificis, ut praefertur, iuxta rubricas praedictas, etiam a sacerdotibus ad ecclesias eorumdem fratrum confluentibus recitari et celebrari respective libere similiter et licite valeat, licentiam et facultatem, apostolicâ auctoritate, tenore praesentium concedimus pariter et impertimur.

Nunc ad supplicationem horum fratrum extendit huiusmodi iudicium.

§ 3. Non obstantibus constitutionibus et ordinationibus apostolicis, ceterisque contrariis quibuscumque.

Contrarius derogat.

§ 4. Volumus autem, quod praesentium transumptis, etiam impressis, manu

Transumptis idem haberi mandat.

¹ Hunc Felicem de Cantalicio beatificavit hic idem Pontifex Const. CXLIX, *In Specula* (in. h. n. ed. CLXII, sup. pag. 371).

¹ Quas vide sup. loc. cit. et iterum pag. 453 (R. T.).

alicuius notarii publici subscriptis, et sigillo personae in dignitate ecclesiastica constitutae munitis, eadem prorsus fides adhibeatur, quae eisdem praesentibus adhiberetur, si forent exhibitae vel ostensae.

Datum Romae, apud S. Petrum, sub annulo Piscatoris, die xv martii MDCXXVIII, pontificatus nostri anno v.

Dat. die 15 martii 1628, pontif. anno v.

CCLXXXIII.

Ampliatio constitutionis Clementis VIII contra non promotos ad sacri presbyteratus ordinem, sacramentales confessiones audientes, aut missam celebrantes, curiae seculari, praevidi degradatione, tradendos editae, nec aetate minori xxv annis excusentur, dummodo xx aetatis annum compleverint.

Urbanus Papa VIII,
ad perpetuam rei memoriam.

Proemium.

Apostolatus officium, cui, meritis licet imparibus, disponente Deo praesidemus, a nobis postulat, ut, quantum nobis ex alto conceditur, delinquendi fiduciam compe-
scamus in iis praesertim, quorum eo sacrilega processit audacia, ut se beneficio minoris aetatis, spretis apostolicis constitutionibus, confoveat in delictis, quorum statutis poenis se idcirco iactant minime subiacere.

Reconsol
Clementis Pa-
pae VIII litte-
rae.

§ 1. Alias siquidem a felicitis recordationis Clemente Papa VIII praedecessore nostro emanarunt litterae tenoris subsequents, videlicet:

Clemens Papa VIII ad perpetuam rei memoriam. Etsi alias felicitis recordationis Paulus Papa IV, etc. (*Omittitur residuum quia ista constitutio est supra loco cit. in nota ad rubricam.*

Quo praetextu

§ 2. Cum, sicut accepimus, nonnulli

1 Clement. VIII Constitutionem editam contra hos nefarios homines, quae incipit *Etsi alias*, habes in tom. x, pag. 750, num. CCLXXII.

privilegio minoris aetatis nimis temere confisi et legum indulgentia freti poenas a dicti Clementis praedecessoris constitutione in huiusmodi delinquentes statutas parvipendere praesumant:

minoris aetatis cum nonnulli abuterentur;

§ 3. Nos, detestantes, et quantum in nobis est, cohibere volentes impiam et nefariam horum temeritatem, qui atrocissimo hoc scelere catholicam veritatem, quae solos presbyteros dictorum sacramentorum ministros esse docuit, facto impugnant, negotio huiusmodi in congregatione venerabilium fratrum nostrorum sanctae Romanae Ecclesiae cardinalium, generalium inquisitorum coram nobis habita mature discusso, inhaerentes constitutioni praedictae, aliisque decretis per felicitis recordationis Paulum IV et Sixtum V Romanos Pontifices praedecessores nostros contra similia perpetrantes editis, eaque etiam ad effectum praedictum maturam deliberatione, deque apostolicae potestatis plenitudine, ampliantes et extendentes, hac nostra perpetuo valitura constitutione statuimus et decernimus, ut de cetero perpetuis futuris temporibus, qui imposterum ad sacrum presbyteratus ordinem non promotus missam celebrare aut sacramentalem confessionem audire praesumpserit, aetate minori annis vigintiquinque non excusetur, quominus eidem Clementis constitutioni subiiciatur, dummodo vigesimum suae aetatis annum compleverit.

Urbanus eam extendit ad minores xxv annis.

§ 4. Ipseque non promotus sic delinquens, nulla habita consideratione praefatae minoris aetatis, sive laicus sive clericus secularis, aut cuiusvis Ordinis, congregationis, societatis, etiam de necessitate exprimendae, regularis, aut cuiusvis alterius instituti, etiam quantumvis exempti et privilegiati, nobisque et Apostolicae Sedi immediate subiecti, necnon militiarum quarumcumque, etiam sancti Ioannis Hierosolymitani fuerit, tradatur curiae seculari poenis debitis plectendus.

Et curiae seculari puniendos tradi iubet.

Clausulas ap-
ponit.

§ 5. Sicque et non aliter per quoscumque sanctae inquisitionis iudices et inquisitores, etiam generales, S. R. E. cardinales et locorum Ordinarios (sublatâ eis et eorum cuilibet quavis aliter iudicandi et interpretandi facultate et auctoritate) iudicari et definiri debere; ac irritum et inane, si secus super his a quoquam, quavis auctoritate, scienter vel ignoranter, contigerit attentari, decernimus. Quocirca omnibus et singulis, ad quos spectat et pro tempore quomodolibet spectabit, in virtute sanctae obedientiae districte praecipiendo mandamus, quatenus statutum, decretum et constitutionem hanc nostram inviolabiliter observent et observari faciant.

Contraria tollit.

§ 6. Non obstantibus constitutionibus et ordinationibus apostolicis, ac in conciliis, etiam generalibus, editis, etiam in corpore iuris clausis, necnon legibus, statutis, decretis, consuetudinibus et privilegiis, ad favorem minorum vigintiquinque annis quomodolibet et ubicumque locorum editis, ac aliâs in ipsorum favorem facientibus, apostolicâ etiam confirmatione, ac iuramento, et seu quavis firmitate aliâ roboratis. Quibus omnibus et singulis, illorum tenores praesentibus pro sufficienter expressis et ad verbum insertis habentes, specialiter et expresse derogamus, ceterisque contrariis quibuscumque.

Hanc Constitutionem publi-
cari mandat.

§ 7. Volumus autem harum litterarum publicationem et affixionem fieri iuxta formam in praedictâ Clementis constitutione praescriptam, easque publicatas et affixas omnes intra Urbem et extra tam citra quam ultra montes et mare post tempus in ipsâ Clementis constitutione praefixum arctare et afficere, ac si cuilibet personaliter intimatae fuissent.

Et transumptis fidem addit.

§ 8. Mandamus pariter, ut earundem transumptis, etiam impressis, manuque publici notarii subscriptis, et sigillo officii sanctae romanae inquisitionis vel alicuius

personae in dignitate ecclesiastica constitutae munitis, eadem, quae praesentibus hisce adhiberetur fides, adhibeatur.

Datum Romae, apud S. Petrum, sub anulo Piscatoris, die XXIII martii MDCXXVIII, pontificatus nostri anno v.

Dat. die 23 martii 1628, pontif. anno v.

Anno a nativitate Domini nostri Iesu Christi MDCXXVIII, indictione XI, die vero x septembris, pontificatus Sanctissimi in Christo Patris et Domini nostri Domini Urbani divinâ providentiâ Papae VIII, anno eius vi¹, retrospectae litterae apostolicae affixae et publicatae fuerunt ad valvas basilicarum S. Ioannis Lateranensis et Principis Apostolorum de Urbe, et in acie campi Florae, dimissis praesentibus, litteris per aliquantulum temporis spatium, ut moris est, affixis, ac deinde amotis, postea earundem exempla etiam impressa et affixa relictâ fuerunt per nos Franciscum Pignoccatum et Camillum Fundatum, Sanctissimi Domini nostri Papae cursores.

BRANDIMARTES LATINUS SS. D. N. Papae
Cursor, pro Mag. DD. Curs.

CCLXXXIV.

Confirmatio et innovatio regulae cancellariae, decreti camerae apostolicae, et constitutionum Iulii quoad fructus beneficiorum ecclesiasticorum inexactos².

Urbanus Papa VIII,
ad perpetuam rei memoriam.

Eternus rerum Conditor, cuius iudicia abyssus multa, sacrosanctum apostolicae servitutis officium nobis ad hoc, licet immeritis, demandare voluit, ut, speculatores domus Israel, quae est Ecclesia sua sancta,

Exordium.

¹ Vide an legendum sit v (R. T.).

² Hanc Iulii III Constitutionem habes tom. vi, pag. 417, num. vii, Cum sicut accepimus.

ab eo constituti, inter ceteras eiusdem servitutis curas, boni patrisfamilias exemplo, provideamus, ut non modo ecclesiarum omnium et personarum eis in divinis deservientium indemnitati iugiter consulatur, verum etiam camerae nostrae apostolicae iura sarta tectaue omni sollicitudine praeservantur, et unicuique, quod suum est, aequa lance tribuatur: ea vero nobis ut, sublati impedimentis quibuslibet, facilius succedere valeant, Romanorum Pontificum praedecessorum nostrorum constitutiones desuper editas et libenter innovamus, et, si qua¹ super illis, ac etiam a nobis ea de re emanatis regulis, sive litteris apostolicis, dubia oriri noscuntur, opportuna declarationis ministerio removemus, ut etiam hac ratione nostram eidem Ecclesiae sanctae operam, quantum nobis ex alto conceditur, non inutilem faciamus.

Reconsent re-
vocatas a se
fuisse facultates
disponendi de
fructibus bene-
ficiorum ultra
annuum.

§ 1. Alias siquidem, per regulas cancellariae apostolicae per nos in crastinum assumptionis nostrae ad summi apostolatus apicem editas, omnia et singula facultates et indulta, in ea parte in qua necdum vere et realiter suum erant sortita effectum, per quoscumque Romanos Pontifices praedecessores nostros ad favorem quarumcumque personarum concessa, quibus eis vel eorum singulis ullo modo et ex quavis causa vel praetextu permittebatur fructus certos vel incertos, iura, obventiones et emolumenta quaecumque quorumlibet beneficiorum per eos obtentorum anticipatis solutionibus ultra unum annum elocare et arrendare, ac ad firmam vel annuam responsionem concedere, seu eos, et ea ad favorem quarumcumque personarum obligare vel hypothecare, in solutum dare, aut de eis quomodolibet et ex quavis causa disponere pro tempore ad vitam beneficiorum, et ad tempus quo beneficia huiusmodi obtinuissent minime restricta,

1 Edit. Main. legit quae (R. T.).

nec coarctata, inter alia revocavimus, cassavimus et annullavimus;

§ 2. Ac deinde, per nostras sub plumbo, sub datum Romae apud S. Mariam Maiorem, anno Incarnationis Dominicae MDCXXIV, XI⁴ kalendas novembris, pontificatus nostri anno II expeditas litteras² (licet, post generalem gratiarum et indultorum in praedictum camerae et Sedis Apostolicae per eosdem praedecessores nostros quomodolibet concessorum revocationem, facultates testandi, et ab intestato succedendi, quibusvis etiam per nos concessas, exceperimus),

Facultatem
vero testandi
excepisse.

§ 3. Nihilominus mentis et intentionis nostrae fuisse et esse declaravimus, praedictae regulae cancellariae super revocatione indultorum superviventiae, ut praefertur per nos editae, nullatenus per easdem litteras nostras praedictare, quinimo eandem regulam, quoad omnia in illa comprehensa, ac omnes et quascumque personas, quavis dignitate etiam cardinalatus fulgentes, confirmavimus, et, quatenus opus esset, innovavimus et extendimus, ac alias prout in dictis litteris, quarum tenores praesentibus pro expressis haberi volumus, plenius continetur.

Sine tamen
praedictio re-
gulae cancella-
riae contra su-
pervivencias.

§ 4. Cum autem, sicut accepimus, pro interesse successorum in beneficiis ecclesiasticis, et seu respectivae camerae nostrae, a nonnullis in dubium revocari contigisset, an regula nostra praedicta facultates ab eisdem praedecessoribus nostris quomodolibet concessas et emanatas testandi, quoad ecclesiarum et beneficiorum fructus inexactos, revocaret, in eadem plena camera nostra apostolica sub die XIII ianuarii MDCXXV resolutum fuit, facultates testandi, in ea parte in qua conceditur facultas disponendi de fructibus non exactis, per praedictam regulam nostram esse revocatas, et super resolutione huiusmodi

Quam etiam
fructus inexactos
comprehendere declaratum fuit.

1 Legendum XII (R. T.).

2 Quas vide sup. p. 222, § 24, p. 230 (R. T.).

decretum camerale emanaverit, eiusdem decreti observantiâ et exequutione etiam subsequutis, pariter ex eo quod in facultatibus testandi, et de bonis disponendi, ac ab intestato succedendi, per nos ab inde citra concessis, expressa constitutionum etiam declaratoriarum felicitis recordationis Iulii Papae III etiam praedecessoris nostri super fructibus inexactis aliâs in favorem ecclesiarum et beneficiorum, ac in eis successorum, et respective camerae nostrae apostolicae editarum derogatio, cum diversis et praegnantibus clausulis, etiam derogatarum derogatoriis, apposita fuit, a nonnullis praetendatur, regulae et constitutioni nostrae huiusmodi, resolutionique et decreto cameralibus praedictis sufficienter derogatum, ac proinde successoribus in beneficiis et ecclesiis et respective camerae praedictis, quoad fructus inexactos huiusmodi, praecudicium illatum fuisse :

Et huiusmodi declarationem confirmat Pontifex.

§ 5. Nos, omnem in praemissis dubitandi seu haesitandi materiam e medio tollere, et tam ecclesiarum et beneficiorum, in eisque successorum, ac etiam respective camerae praedictorum indemnitati consulere volentes, necnon quarumcumque litterarum apostolicarum tam in formâ Brevis quam sub plumbio super facultatibus testandi, disponendi et ab intestato succedendi, et aliâs quomodolibet expeditarum, ac quarumcumque aliarum concessionum et gratiarum desuper quomodolibet factarum veriores et totos tenores, necnon alia quaecumque etiam hic forsân de necessitate exprimenda, praesentibus pro plene et sufficienter expressis et ad verbum insertis habentes, motu proprio et ex certâ scientiâ ac maturâ deliberatione nostris, deque apostolicae potestatis plenitudine, hac nostrâ perpetuo valiturâ constitutione, easdem nostras cancellariae apostolicae regulam et constitutionem, praedictamque resolutionem cameralem, ac decretum de-

super emanatum huiusmodi, necnon ipsas dicti Iulii praedecessoris constitutiones in favorem ecclesiarum et beneficiorum, in eisque successorum, ac camerae apostolicae respective super fructibus inexactis huiusmodi editas, et de iis quomodolibet disponentes, tenore praesentium perpetuo approbamus, illasque et earum quamlibet, quoad fructus inexactos huiusmodi, in favorem ecclesiarum et beneficiorum, in eisque successorum, et respective camerae nostrae apostolicae praedictae innovamus.

§ 6. Insuper motu, scientiâ et potestatis plenitudine paribus declaramus, et in verbo Romani Pontificis attestamur, mentis et intentionis nostrae numquam fuisse nec esse, minusque de cetero fore, per quamcumque concessionem, indultum seu facultatem testandi et disponendi, ac ab intestato succedendi, vel transmittendi, etiam motu, scientiâ et potestatis plenitudine similibus, ac etiam consistorialiter, et per modum indulti, seu legis generalis, vel aliâs quomodolibet a nobis emanatam, praedictis regulae et constitutioni nostris, necnon resolutioni et decreto cameralibus, illorumque observantiae, minusque constitutionibus dicti Iulii praedecessoris huiusmodi, quoad dictos fructus inexactos, etiamsi affictus et emolumenta quaecumque inexacta huiusmodi deberentur ratione fructuum recollectorum et in horreo reconditorum ac etiam consumptorum, derogare, nec aliquod eis praecudicium ullo modo inferre, quinimo easdem nostras regulam et constitutionem, decretumque et resolutionem camerae praedictae, ac dicti Iulii praedecessoris constitutiones, per nos, ut praefertur, approbatas, confirmatas et respective innovatas, de cetero perpetuis futuris temporibus, quoad fructus quarumcumque ecclesiarum et beneficiorum quomodolibet qualificatorum, et quorumque nomine nuncupatorum inexactos huiusmodi, inviolabiliter observari, ac omni-

Eamque servari omnino praecipit.

modae exequutioni demandari debere, etiamsi in praedictis indultis, licentiis seu facultatibus testandi, vel aliàs quomodolibet disponendi, et ab intestato transmittendi vel succedendi, hactenus etiam per nos concessis, et de cetero etiam per successores nostros Romanos Pontifices, etiam motu, scientiâ et potestatis plenitudine similibus, vel aliàs quomodolibet concedendis, clausula praedictae regulae nostrae revocatoriae praeservativa sive quodvis aliud decretum, sub quacumque verborum formâ et expressione conceptum, de eâdem regulâ praeservandâ apposita et appositum respective non fuerit.

Atque in omnibus indultis exceptam intelligi.

§ 7. Omnes vero et singulas licentias, indulta et facultates testandi, et aliàs quomodolibet disponendi vel ab intestato transmittendi et succedendi, tam a Romanis Pontificibus praedecessoribus nostris et a nobis hactenus quomodolibet concessas et emanatas, quàm in futurum etiam a successoribus nostris praedictis, etiam motu, scientiâ et potestatis plenitudine paribus, concedendas et emanandas in favorem quorumcumque personarum etiam speciali et individuâ mentione et expressione dignarum, cuiuscumque qualitatibus, status, gradus et conditionis sint vel fuerint, et quacumque dignitate etiam cardinalatus fulgeant, censendas, habendas et intelligendas esse, censerique, haberi et intelligi debere, perinde ac si in eis et quacumque illarum parte apposita esset clausula omnium et singulorum iurium praedictorum dictae camerae apostolicae, ac respective ecclesiarum et beneficiorum, in eisque successorum, praeservativa, verbis infrascriptis, sive aequipollentibus, concepta, videlicet: *salvis semper, et in suo robore permanentibus praedictis regulâ et constitutionibus, resolutioneque et decreto camerâli super ipsius regulae, declaratione die XIII ianuarii MDCXXV emanatis quibus omnibus nullo modo intendimus derogare.*

§ 8. Praeterea etiam decernimus, nunquam de cetero in quibuscumque concessionibus et dispositionibus, indultis, facultatibus et gratiis, etiam motu, scientiâ et potestatis plenitudine paribus, etiam *quorum tenores*, etc., et quascumque alias clausulas, etiam derogatarum derogatorias habentibus, ac etiam per viam legis vel indulti generalis, etiam consistorialiter, et aliàs quomodolibet, sub quibuscumque tenoribus et formis, per nos et quoscumque successores nostros huiusmodi concedendis, seu a nobis vel illis emanandis, numquam praemissis omnibus et singulis censi in aliquo praeiudicatum nec derogatum, nisi in eorum quolibet fuerit expresse et dispositive, non autem per clausulas generales idem importantes, et seu eventualiter, praesenti nostrae constitutioni derogatum;

Nec sub generalibus clausulis derogatoriis comprehendendi.

§ 9. Praesentes vero litteras, omniaque et singula in eis contenta quaecumque, etiam ex eo quod in praemissis seu eorum aliquo interesse habentes seu habere quomodolibet praetendentes eis nullatenus consenserint, nec ad ea vocati et auditi, minusque causae, propter quas eadem praesentes emanarint, adductae, verificateae seu aliàs iustificatae fuerint, nullo unquam tempore de subreptionis vel obreptionis, nullitatis seu invaliditatis vitio, aut intentionis nostrae, vel alio quopiam defectu, etiam quantumvis magno, inexcogitato et substantiali, sive etiam ex eo, quod in facultatibus testandi, ac aliàs de rebus et bonis disponendi, quibusvis etiam sanctae Romanae Ecclesiae cardinalibus a Sede Apostolicâ vel aliàs quomodolibet ex quacumque causâ etiam favorabili, publicâ et piâ, etiam ratione consanguinitatis vel affinitatis inter concedentem et privilegialum existentis, ac aliàs quovis modo etiam consistorialiter concessis, caveatur expresse, quod illis (uti intuitu et in remunerationem laborum et onerum quorumcumque

Clausulae praeservativae.

vel ratione legationum, aliorumque officiorum, etiam Romanae curiae, et dignitatum quarumlibet, etiam speciali notâ et expressione dignarum, ac aliâs ex titulo et causâ mere onerosis, et aliâs quovis modo attributis) nullatenus vel nonnisi sub certis modo et formâ tunc expressis derogari valeat, ac in praemissis seu eorum aliquo solemnitates, et quaevis alia servanda et adimplenda, servata et adimpleta non fuerint, aut ex quovis alio capite, a iure vel facto, seu statuto et consuetudine aliquâ) resultante seu etiam enormis, enormissimae et totalis laesionis, etiam quoad quoscumque ipsorum privilegiatorum creditores, etiam quantumlibet privilegiatos, aut quocumque alio colore et titulo etiam in corpore iuris clauso, seu occasione vel causâ etiam quantumvis iustâ, rationabili et privilegiatâ, etiam tali, quae ad effectum validitatis praemissorum necessario exprimenda foret, aut quod de voluntate nostrâ huiusmodi, ac aliis superius expressis seu relatîs, nihil ullibi appareret seu aliter probari posset, notari, impugnari, invalidari, retractari, in ius vel controversiam revocari, aut ad terminos iuris reduci, vel adversus illas restitutionis in integrum, apositionis oris, reductionis ad viam et terminos iuris, aut aliud quodcumque iuris, gratiae vel iustitiae remedium impetrari, seu etiam motu, scientiâ et potestatis plenitudine similibus concedi, aut sic impetrato vel concessio quempiam uti, seu se iuvare in iudicio vel extra posse, neque ipsas praesentes sub quibusvis similium vel dissimilium gratiarum revocationibus, suspensionibus, limitationibus aut aliis contrariis dispositionibus pro tempore quomodolibet faciendis comprehendi, sed semper ab illis exceptas, perpetuoque validas et firmas et efficaces existere et fore, suosque plenarios et integros effectus sortiri et obtinere, et ab omnibus et singulis, ad

quos spectat et quomodolibet spectabit in futurum, inviolabiliter observari;

§ 10. Sicque et non aliter in praemissis omnibus et singulis per quoscumque iudices ordinarios et delegatos, etiam causarum palatii apostolici auditores, et sanctae Romanae Ecclesiae cardinales, ac camerarium et thesaurarium camerae, necnon praesidentes et clericos camerae nostrae apostolicae, in quavis causâ et instantiâ, sublata eis et eorum cuilibet quavis aliter iudicandi et interpretandi facultate et auctoritate, iudicari et definiri debere, irritumque et inane, quicquid secus super his a quoquam, quavis auctoritate, scienter vel ignoranter, contigerit attentari.

§ 11. Non obstantibus, quatenus opus sit, nostrâ de iure quaesito non tollendo aliisque cancellariae apostolicae regulis, necnon quibusvis constitutionibus et ordinationibus apostolicis, ac litteris facultatum testandi, aliâsque de rebus et bonis disponendi, per quoscumque Romanos Pontifices praedecessores nostros, ac etiam nos, quibusvis personis etiam S. R. E. cardinalibus, sub quibuscumque tenoribus et formis, ac cum quibusvis etiam derogationum derogatoriis, etiam motu proprio et de apostolicae potestatis plenitudine, etiam in remunerationem laborum et damnum passorum, ac ratione officiorum et dignitatum, necnon ex titulo et causâ mere onerosis, et aliâs cum quibusvis efficacioribus clausulis et decretis, privilegiis quoque, indultis, aliisque litteris apostolicis in contrarium, ut praemittitur, et aliâs quomodolibet concessis, confirmatis et innovatis; quibus omnibus et singulis, etiamsi pro sufficienti eorum derogatione de illis, eorumque totis tenoribus specialis, specifica, expressa et individua, non autem per clausulas generales idem importantes, mentio seu quaevis alia expressio habenda aut aliqua alia exquisita forma ad hoc servanda foret, tenores huiusmodi,

Derogatio
contrariarum.

ac si specificè et sigillatim expressi et inserti forent, praesentibus pro plene et sufficienter expressis et ad verbum insertis habentes, ad effectum omnium et singulorum praemissorum, specialiter et expresse derogamus, ceterisque contrariis quibuscumque.

^A Praesentium
publicatio.

§ 12. Ut autem praesentium litterarum notitia ad omnes deveniat, volumus, quod illae, sive earum exempla, ad valvas basilicarum S. Ioannis Lateranensis, ac Principis apostolorum de Urbe et in acie Campi Florae affixae omnes ita arcent et afficiant, perinde ac si unicuique personaliter intimatae fuissent;

Et transumpta.

§ 13. Quodque earundem praesentium transumptis, etiam impressis, manu alicuius notarii publici subscriptis, et sigillo alicuius personae in dignitate ecclesiastica constitutae munitis, eadem prorsus fides in iudicio et extra adhibeatur, quae ipsis praesentibus adhiberetur, si forent exhibitae vel ostensae.

Datum Romae, apud S. Petrum, sub annulo Piscatoris, die v aprilis MDCXXVIII, pontificatus nostri anno v.

Dat. die 5 aprilis 1628, pontif. anno v.

Anno a Nativitate Domini nostri Iesu Christi MDCXXVIII, inditione XI, die vero X mensis iulii, pontificatus Sanctissimi in Christo Patris et Domini nostri D. Urbani divini providentiâ Papae VIII, anno eius v, supradictae litterae apostolicae, seu constitutiones, affixae et publicatae fuerunt ad valvas basilicarum S. Ioannis Lateranensis et Principis apostolorum de Urbe, et in acie Campi Florae, dimissis ibidem praesentibus litteris per aliquantulum temporis spatium, ut moris est, affixis, et deinde amotis; postea earundem exempla etiam impressa et affixa¹, ut moris est, per nos Franciscum Pignoccatum et Camillum Fun-

¹ Subintellige fuerunt (R. T.).

datum, Sanctissimi Domini Papae cursores.

BRANDIMARTES LATINUS
pro D. Mag. DD. cursorum.

CCLXXXV.

De electione priorum provincialium ac celebratione capitulorum provincialium necnon de modo regendi et gubernandi provincias fratrum Discalceatorum Ordinis Eremitarum sancti Augustini Congregationis Italiae¹.

Urbanus Papa VIII,
ad futuram rei memoriam.

Aliàs, pro parte dilecti filii Basilii a Sanctissima Trinitate vicarii generalis Congregationis fratrum Ordinis Eremitarum S. Augustini Discalceatorum nuncupatorum Italiae, nobis exposito, quod Congregatio ipsa quamplures domos regulares per universam Italiam habebat, ita ut solus per seipsum commode eas regere et gubernare nequiret, proindeque earundem domorum utilitati maxime consultum iri existimabat, si eadem congregatio in provincias, ut infra, divideretur; nos, supplicationibus eiusdem Basilii nobis super hoc humiliter porrectis inclinati, Congregationem praedictam in quatuor provincias, videlicet Romanam, Neapolitanam, Ianuensem et Siciliae apostolicâ auctoritate perpetuo divisimus et separavimus, necnon pro eâ primâ vice usque ad proxime futuri capituli generalis eiusdem Congregationis celebrationem tantum, et non ultra, in Romanae Victorium ab Epiphania, in Neapolitanae Simeonem a Cruce, in Ianuensis Valerianum a S. Augustino, ac in Siciliae provinciarum huiusmodi provinciales Ioan-

Refert Congregationis Italiae a se divisam in quatuor provincias, a quatuor regendas provincialibus.

¹ Vide de his fratribus in Const. CCX Clementis VIII, *Decet* (in h. n. ed. CCXX, tom. X, p. 548); et in Constit. XLIX Gregorii XV, *Pastoralis* (in h. n. ed. L, tom. XII, pag. 652).

nem Baptistam a S. Francisco de Paula, Ordinis et Congregationis huiusmodi professores, dilectos filios, sub uno ipsius Congregationis vicario generali, ac cum privilegiis, gratiis, indultis, facultatibus, iurisdictione et auctoritate, sub certis modo et formâ tunc expressis, dictâ auctoritate creavimus, constituimus et deputavimus, et aliâs prout in nostris desuper in simili forma Brevis expeditis litteris, quarum tenores praesentibus pro expressis haberi volumus, plenius continetur¹.

Sed cum nihil adhuc de eorum electione, gubernio, etc. sit statutum;

§ 2. Cum autem nulla in litteris nostris praedictis de modo novos priores provinciales eligendi, capitula provincialia celebrandi, provinciasque ipsas regendi et gubernandi, minusque in eorumdem fratrum constitutionibus ab hac Sanctâ Sede confirmatis, mentio fiat; capitulum vero generale eorumdem fratrum in domo regulari eiusdem Congregationis civitatis Neapolitanae dominicâ quartâ post proximum festum paschalis Resurrectionis Domini celebrandum sit:

Decernit haec statui in proximo Capitulo generali et ad Sanctam Sedem deferri ad confirmationem obtinendam.

§ 3. Nos, felici eiusdem Congregationis, illiusque fratrum regimini atque gubernio, quantum cum Domino possumus, consulere, eosdemque fratres specialibus favoribus et gratiis prosequi volentes, eorumque singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censes, supplicationibus eorum nomine nobis super hoc humiliter porrectis inclinati, quod omnes ipsius Congregationis vocales pro hac vice dumtaxat in capitulo generali praedicto priorem generalem et alios officiales generales, sicut hactenus

in eadem Congregatione usque in praesentem diem fieri consuevit, tam constitutionum eiusdem Congregationis, quam declarationum, sive decretorum, a praeteritis capitulis generalibus emanatorum vigore, eligere libere et licite possint, apostolicâ auctoritate, tenore praesentium licentiam concedimus et impartimur, ita tamen, ut, congregatis in unum pro celebratione ipsius capituli generalis vocalibus praedictis, antequam ad quamlibet electionem deveniatur, per viam constitutionum proponatur, discutiatur et terminetur modus expediens et opportunus, qui de cetero in capitulorum generalium et provincialium celebratione, prioris generalis et provincialium electione, servari omnino debeat, quas quidem constitutiones ad nos et hanc Sanctam Sedem deinde transmitti volumus, ut quid circa illarum confirmationem statuendum fuerit, maturâ consultatione adhibitâ, deliberare valeamus.

§ 4. Praeterea (ut stante temporis huiusmodi angustia, capitulum generale praedictum ad Dei laudem, ipsiusque Congregationis utilitatem feliciter celebretur) quod, electis in dicto capitulo generali praedictae congregationis officialibus generalibus ipsiusque capituli generalis, in iis, quae ad capitula provincialia quomodolibet pertinerint, nullatenus se ingerat, sed, totali celebratione absolutâ, vocales uniuscuiusque provinciae noviter electi, ac etiam ii, quorum officia tunc temporis cessaverint, immediate in eadem domo regulari et pro hac vice dumtaxat seorsim et separatim ab aliis se congregare, suaeque capitula provincialia celebrare, praesidentes, definitores provinciae, provinciales, priores, aliosque officiales solitos eligere libere similiter et licite possint et valeant, ita ut vocales unius provinciae in officialium quorumcumque alterius provinciae electione nullatenus interveniant, nec votum ferant, seu aliâs se immisceant,

Et nullo pro-
vinciales, abos-
que eligi pro-
vinciarum capi-
tules velat.

¹ Quas vide supra pag. 479 h. tomi (A. T.).

auctoritate et tenore praedictis facultatem impartimur.

Clausula. § 5. Decernentes, praesentes litteras validas, firmas et efficaces existere et fore, suosque plenarios et integros effectus sortiri et obtinere, ac ab omnibus, ad quos quomodolibet spectat, et spectabit in futurum, inviolabiliter observari et adimpleri debere;

§ 6. Sicque et non aliter per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Derogatio contrariorum.

§ 7. Non obstantibus constitutionibus et ordinationibus apostolicis, ac, quatenus opus sit, Ordinis et Congregationis huiusmodi, etiam iuramento, confirmatione apostolica, vel quavis firmitate alia roboratis, statutis et consuetudinibus, privilegiis quoque, indultis et litteris apostolicis, in contrarium praemissorum quomodolibet concessis, confirmatis et innovatis. Quibus omnibus et singulis, eorum tenores praesentibus pro plene et sufficienter expressis habentes, illis alias in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Transumptis danda fides.

§ 8. Volumus autem, ut praesentium transumptis, etiam impressis, manu alicuius notarii publici subscriptis, et sigillo personae in dignitate ecclesiastica constitutae munitis, eadem prorsus fides in iudicio et extra adhibeatur, quae praesentibus adhiberetur, si forent exhibitae vel ostensae.

Datum Romae, apud S. Petrum, sub annulo Piscatoris, die viii aprilis MDCXXVIII, pontificatus nostri anno v.

Dat. die 8 aprilis 1628, pontif. anno v.

CCLXXXVI.

Indictio universalis iubilaei ad agendas gratias et divinam opem in imminentibus Ecclesiae necessitatibus implorandam¹.

Urbanus Papa VIII,

Universis christifidelibus praesentes litteras inspecturis, salutem et apostolicam benedictionem.

Exordium.

Quod ab initio pontificatus nostri precibus et votis expetivimus, Pater misericordiarum Deus, animi nostri pios affectus respiciens, orthodoxae fidei hostes non solum repressit, sed eorum vires altrivit adeo, ut in portu tranquillitatis conquiescere posse videremur. Inimicus tamen humani generis, qui in agro dominico solitus est superseminare zizania, satagit auram vertere in procellam, et interturbare tam felices progressus nititur. Quamobrem praeterita beneficia ab Altissimo obtenta requirunt, ut maiores, quas possumus, gratias ei agamus, et grati animi significationem publicam exhibeamus, et insimul, divinae maiestatis suae thronum adeuntes, pro sanctae Ecclesiae hostium conversione, eiusdemque Ecclesiae exaltatione, et inter principes catholicos pace summopere deprecemur. Peccata igitur, quae obicem gratiae Dei interponunt, ieiunio, fletu, orationibus et eleemosynis redimamus, ut qui sperantes in se infirmari non patitur, ulterius magnificet nobiscum facere misericordiam, et convertamur ad illum in toto corde nostro. Hoc autem ut fructuosius et maiori cum spiritus ardore peragatur, ex veteri Ecclesiae Romanae om-

¹ Vide in Const. CCLXXIII Pauli V, *Ecce* (in h. n. ed. CCXII, tom. XII, pag. 392); et scito quod anno sequenti validioribus armorum ingruentibus motibus et magis periculosus adversitatibus Urbanus pro pace inter principes a Deo facilius impetranda aliam concessit indulgentiam plenariam, ut in Constitutione die i martii an. seq. quam suo loco dabimus.

nium matris et magistrae more, in praesentibus necessitatibus, eiusdem Ecclesiae thesauros, quorum dispensatores a Domino constituti sumus, proferre et largissime erogare decrevimus.

Romae degentibus et praescripta hic peragentibus onera Pontifex indulgentiam plenariam elargitur.

§ 1. Itaque, ex parte omnipotentis Dei Patris et Filii et Spiritus sancti, omnes et singulos utiusque sexus christifideles, tam in almâ Urbe nostrâ, quam alibi ubicumque locorum constitutos, apostolicâ auctoritate paterne, enixeque requirimus, monemus, et in Domino adhortamur ad infrascripta devote peragendum et adimplendum, ac ad Deum salvatorem nostrum orandum, ut per viscera misericordiae suae fidem catholicam protegere ab hostium conatibus, et insidiis defendere, haeresim extirpare, principibus christianis pacem et veram concordiam donare, ac praecipue praesentibus Ecclesiae necessitatibus subvenire dignetur. Nos enim de omnipotentis Dei misericordiâ ac beatorum Petri et Pauli apostolorum eius auctoritate confisi, ex illâ ligandi atque solvendi potestate, quam nobis Dominus, meritis minime suffragantibus, contulit, universis et singulis christifidelibus in alma Urbe praefatâ degentibus, qui solemni processioni, quam a basilicâ Principis apostolorum in Vaticano ad ecclesiam archiepiscopalis nostri S. Spiritus in Saxia nuncupati de Urbe, feriâ iv proximae hebdomadae Passionis, unâ cum venerabilibus fratribus nostris sanctae Romanae Ecclesiae cardinalibus, christianorumque regum et principum apud nos et Apostolicam Sedem oratoribus, omnibusque praelatis et proceribus, universoque clero et populo agemus, interfuerint, aut qui praedictâ vel illam sequenti hebdomadâ eandem basilicam et ecclesiam saltem semel visitaverint, ibique devote, ut supra, Deum oraverint, ac feriâ iv et vi, ac sabbato eiusdem vel sequentis hebdomadae ieiunaverint, et peccata sua

confessi fuerint, atque in primo die dominico vel secundo, seu saltem alio dictarum hebdomadarum die, sanctissimum Eucharistiae sacramentum reverenter sumperint, et eleemosynas ad libitum, prout charitas singulis suggesserit, fecerint;

§ 2. Ceteris vero omnibus et singulis fidelibus extra Urbem existentibus in quibusvis civitatibus, terris et locis, qui processioni ab Ordinariis locorum, vel eorum vicariis, seu officialibus, vel de eorum mandato, et, ipsis deficientibus, per eos, qui ibi curam animarum exercent, primâ vel secundâ hebdomadâ, postquam ad eorum notitiam hac nostrae litterae devenierint, indicendae et agendae interfuerint, vel ecclesiam seu ecclesias per eosdem designandas saltem semel visitaverint, ibique ut supra Deum oraverint, ac feriâ quartâ, sextâ et sabbato alterius ex duabus hebdomadis ab eisdem deputandis ieiunaverint, pariterque peccata sua confessi ac sanctissimâ communione relecti fuerint, et eleemosynas similiter pro arbitrio suo fecerint, plenissimam omnium peccatorum suorum indulgentiam et remissionem, sicut in anno iubilaei visitantibus certas ecclesias intra et extra Urbem concedi consuevit, tenore praesentium concedimus et elargimur.

In aliis etiam civitatibus commorantibus.

§ 3. Navigantes vero, aut iter agentes, ut cum primum ad sua sese domicilia receperint, suprascriptis omnibus peractis, ut supra, eandem indulgentiam consequi possint et valeant;

Navigantibus, etc.

§ 4. Regularibus autem personis utriusque sexus, in claustris perpetuo degentibus, necnon aliis quibuscumque, tam laicis quam religiosis, secularibus seu regularibus, in carcere aut in captivitate existentibus, vel aliquâ corporis infirmitate, seu alio quocumque impedimento detentis, qui supra expressa, vel eorum aliqua praestare nequiverint, ut confessarius, quem ut infra elegerint, praedicta omnia

Regularibus, captivis, etc.

et singula, vel eorum aliqua, in alia pietatis opera commutare, vel in aliud proximum tempus prorogare possit, eaque iniungere, quae ipsi poenitentes efficere poterunt, pariter concedimus et indulgemus.

Confessario-
rum facultates
absolvendi a
casibus reser-
vatis.

§ 5. Cupientes autem, omnes christifideles participes fieri huius pretiosissimi thesauri, universis et singulis utriusque sexus, tam laicis quam ecclesiasticis, secularibus et regularibus cuiusvis Ordinis, congregationis et instituti licentiam, concedimus et facultatem damus, ut sibi ad hunc effectum eligere possint quemcumque presbyterum confessarium, tam secularem quam cuiusvis Ordinis regularem, ex approbatis a locorum Ordinariis, qui eos ab omnibus excommunicationis, suspensionis, et aliis ecclesiasticis sententiis et censuris, a iure vel ab homine, quavis causa latis, seu inflictis, necnon ab omnibus peccatis, excessibus, criminibus, et delictis, quantumvis gravibus et enormibus, etiam locorum Ordinariis, sive nobis et Sedi Apostolicae, etiam in litteris die Coenae Domini legi solitis contentis, et aliis per quascumque Romanorum Pontificum praedecessorum nostrorum constitutiones, quarum tenores praesentibus haberi volumus pro expressis, quomodo- cumque reservatis, in foro conscientiae et hac vice tantum, absolvere et liberare valeant.

Et vota com-
mutandi.

§ 6. Et insuper vota quaecumque (religionis, et castitatis exceptis) in alia pia et salutaria opera commutare, iniuncta tamen eis et eorum cuilibet in supradictis omnibus casibus poenitentia salutari, aliisque eiusdem confessarii arbitrio ingiungendis.

Praesentes pu-
blicandas et e-
xequutioni man-
dandas.

§ 7. Quapropter, tenore praesentium, in virtute sanctae obedientiae, districte praecipimus atque mandamus omnibus et quibuscumque venerabilibus fratribus patriarchis, archiepiscopis, episcopis et aliis

ecclesiarum praelatis, ac quibuscumque Ordinariis locorum, eorumque vicariis et officialibus, vel, iis deficientibus, illis, qui curam animarum exercent, ut, cum praesentium litterarum transumpta aut exempla etiam impressa acceperint, illa statim absque ulla mora, retardatione, vel impedimento per suas ecclesias et dioeceses, provincias, civitates, oppida, terras et loca, publicent et publicari faciant, et cleris ac populis sibi subiectis solemnes processiones, et supplicationes indicent et celebrent, ecclesiamque, seu ecclesias visitandas designent.

§ 8. Non intendimus autem per praesentes super aliqua irregularitate publica vel occulta, nota, defectu, incapacitate, seu inhabilitate quoquomodo contracta dispensare, vel aliquam facultatem tribuere dispensandi seu habilitandi et in pristinum statum restituendi etiam in foro conscientiae; neque etiam iis, qui a nobis et Apostolica Sede, vel ab aliquo praelato, seu iudice ecclesiastico excommunicati, suspensi, interdicti, seu alias in sententias et censuras incidisse declarati, vel publice denunciati fuerint, nisi infra tempus celebrationis huiusmodi iubilaei satisfecerint, aut cum partibus concordaverint, ullo modo suffragari posse aut debere.

Quibus non
suffragentur.

§ 9. Non obstantibus constitutionibus et ordinationibus apostolicis, praesertim quibus facultas absolvendi in certis tunc expressis casibus ita Romano Pontifici pro tempore existenti reservatur, ut nec etiam similes vel dissimiles iubilaei, indulgentiarum ac facultatum huiusmodi concessionibus, nisi de illis expressa mentio aut specialis derogatio fiat, cuiquam suffragari queant, necnon regula nostra de non concedendis indulgentiis ad instar, ac quorumcumque Ordinum et Congregationum, sive institutorum regularium, iuramento, confirmatione apostolica, vel alia quavis firmitate roboratis, statutis et consuetudi-

Contraria tol-
luntur.

nibus, privilegiis quoque, indultis et litteris apostolicis eisdem Ordinibus et congregationibus atque institutis quomodolibet concessis, confirmatis et innovatis: quibus omnibus et singulis, etiamsi de illis eorumque totis tenoribus, specialis, specifica et individua, non autem per clausulas generales idem importantes, mentio seu quaevis alia expressa habenda vel quaevis alia exquisita forma ad hoc servanda foret, illorum tenores praesentibus pro sufficienter expressis, ac formam eorum traditam pro servatâ habentes, hac vice specialiter et nominatim et expresse, ad effectum praesentium, derogamus, ceterisque contrariis quibuscumque.

Transumptio-
rum fides.

§ 10. Ut autem praesentes nostrae, quae ad singula loca deferri non possunt, ad omnium notitiam facilius deveniant, volumus, ut earundem praesentium transumptis vel exemplis, etiam impressis, manu alicuius notarii publici subscriptis, et sigillo personae in dignitate ecclesiastica constitutae munitis, ubique locorum et gentium eadem prorsus fides adhibeatur, quae adhiberetur ipsis litteris, si forent exhibitae vel ostensae.

Datum Romae, apud S. Petrum, sub annulo Piscatoris, die viii aprilis mdcxxviii, pontificatus nostri anno v.

Dat. die 8 aprilis 1628, pontif. anno v.

CCLXXXVII.

Erectio unius cathedrae eloquentiae, sive rhetoricae, in publico Urbis gymnasio, pro uno ipsius rhetoricae lectore et professore, cum annuae provisionis assignatione, necnon privilegiorum et indultorum, quibus alii dicti gymnasii cathedratici gaudent, communicatione, eiusdemque concessio Augustino Mascardo¹.

¹ Studium generale in Urbe cum privilegiis pro doctoribus et scholaribus instituit Bonifacius VIII ut ex Const. xx, *In supremæ*, tom. iv,

Bull. Rom. — Vol. XIII.

Urbanus Papa VIII, ad perpetuam rei memoriam.

Militantis Ecclesiae regimini ab eo, a quo omnis sapientia est, et cum quo illa semper fuit et est ante aevum, nullo licet meritorum suffragio praepositi, et attente considerantes, inter ceteras liberales doctrinas et disciplinas, quibus inventus in publico almae Urbis nostrae gymnasio instruitur et eruditur, ut hominis decus est ingenium, sic ingenii lumen esse eloquentiam, quodque rhetorica docet et iusta persuadere et horum contraria fugere, operae pretium nos facturos existimavimus, si in eodem gymnasio una eloquentiae sive rhetoricae cathedra provisionis nostrae ministerio erigatur et instituitur, eique sic erectae et institutae, de tali persona provideatur, cuius insignis doctrina et eruditio, non modo industria, studio, labore et diligentia, verum etiam singulari in Deum pietate comprobetur.

Prooemium.

§ 1. Motu itaque proprio et ex certa scientia ac matura deliberatione nostris unam in praefato gymnasio eloquentiae sive rhetoricae cathedram, pro uno ipsius eloquentiae sive rhetoricae lectore et professore, cum omnibus et singulis privilegiis, gratis et indultis, etiam speciali notâ et expressione dignis, et quibus aliarum scientiarum sive disciplinarum in dicto gymnasio cathedratici professores de iure, usu, statuto, consuetudine, aut ex concessione apostolica vel aliâ quomodolibet utuntur, potiuntur et gaudent, ac uti, potiri et gaudere possunt et poterunt quomodolibet in futurum,

Erectio cathedrae rhetoricae de qua in rubrica.

§ 2. Necnon provisione annua scutorum quingentorum monetae ex eâ octingentorum scutorum similibus, quam venerabilis frater Iulius archiepiscopus Thessalonicensis, uti iuris civilis in eodem gymnasio

Provisionis annuae scutorum n. assignatio.

pag. 166. Cui consonat alia Leonis X Const. iv, *Dum suavissimos*, tom. v, pag. 568.

¹ Praep. in nos addimus (n. r.).

olim professor et iubilatus ex concessione apostolicâ percipit, postquam tamen per obitum ipsius Iulii archiepiscopi seu aliâs ex eius personâ quomodolibet cessaverit, desumendâ et persolvendâ, apostolicâ auctoritate, tenore praesentium, erigimus et instituimus.

Augustini Mascardi in dictae cathedrae rhetoricae lectoris deputatio.

§ 3. Insuper dilecti filii Augustini Mascardi, clerici Lunensis Sarzanensis, cubicularii ac familiaris continui commensalis nostri, eximiae doctrinae et spectatae multarum litterarum scientiae atque eruditionis, aliarumque insignium virtutum, sinceræ erga nos et hanc sanctam Sedem fidei et devotioni coniunctarum, rationem habentes, motu, scientiâ et deliberatione similibus, cathedram eloquentiae sive rhetoricae per nos, ut praefertur, erectam et institutam, sive onus scientiam huiusmodi in dicto gymnasio publice legendi, docendi et profitendi, eidem Augustino, quoad vixerit, cum omnibus et singulis honoribus, oneribus, privilegiis, gratiis, indultis, ac provisione annuâ quingentorum scutorum huiusmodi, illi modo et formâ praemissis persolvendâ, auctoritate et tenore praefatis concedimus, assignamus et demandamus, eumque eloquentiae sive rhetoricae in dicto gymnasio professorem, quoad vixerit, cum honoribus, oneribus et provisione praefatis, facimus, constituimus et deputamus.

Exequutionem praedictarum mandatum.

§ 4. Mandantes propterea omnibus et singulis, ad quos spectat, in virtute sanctae obedientiae, ac sub indignationis, aliisque arbitrii nostri poenis, ut eundem Augustinum ad cathedram eloquentiae sive rhetoricae praefatam, onusque scientiam huiusmodi profitendi, illiusque liberum exercitium, iuxta tenorem praesentium, recipiant et admittant, eique de provisione annuâ quingentorum scutorum huiusmodi, postquam illa octingentorum scutorum similium cessaverit, ut praefertur, suis congruis temporibus respondeant, ac re-

sponderi curent et faciant realiter et cum effectu.

§ 5. Non obstantibus constitutionibus et ordinationibus apostolicis, ac gymnasii, et Urbis praefatorum, etiam iuramento, confirmatione apostolicâ, vel quavis firmitate aliâ roboratis, statutis et consuetudinibus, ceterisque contrariis quibuscumque.

Contrariorum abrogatio.

Datum Romae, apud S. Petrum, sub annulo Piscatoris, die viii aprilis mdcxxviii, pontificatus nostri anno v.

Dat. die 8 aprilis 1628, pontif. anno v.

CCLXXXVIII.

Revocatio decreti editi in capitulo fratrum Ioannis Dei, quo conceditur cuilibet sacerdoti dicti Ordinis, ut duas missas singulis hebdomadis celebrare, et de earum eleemosynis ad sui libitum disponere possent: ac prohibitio, ne dicti sacerdotes exercent officia et dignitates, quae in eadem Congregatione exerceri solent¹.

Urbanus Papa VIII,
ad perpetuam rei memoriam.

Circumspecta Romani Pontificis providentia, ea interdum, quae in personarum regularium capitulis sancita sunt, ipsâ subinde rerum experientiâ suadente, praesertim cum felici personarum sub suavi religionis iugo Altissimo famulantium statui, regularisque observantiae incremento opportune consulitur, atque inconvenientibus obviam itur, alterat, immutat, in hisque sollicitudinibus et providentiae suae studium favorabiliter interponit, prout conspiciat in Domino salubriter expedire.

Exordium.

§ 1. Cum itaque, sicut accepimus, in quodam capitulo fratrum Congregationis Ioannis Dei sub regulâ sancti Augustini ordinatum fuerit, ut quilibet eiusdem con-

Refertur capituli generalis decretum de quo in rubrica.

¹ De isto Ordine, eiusque materiis, vide Constitut. CCLXVII Pauli V, Romanus (in h. n. ed. CCLXXVI, tom. XII, pag. 379).

gregationis sacerdos duas missas ad suum libitum singulis hebdomadis celebrare, eleemosynamque sibi propterea datam percipere, et de eâ in suos usus disponere valeat, ordinatio autem praedicta non parum eidem congregationi obesse dignoscatur:

Eius revocatio.

§ 2. Nos, prospero, felicique ipsius congregationis regimini, quantum cum Domino possumus, consulere volentes, motu proprio et ex certâ scientiâ ac maturâ deliberatione nostris, ordinationem praedictam, ac, prout illam concernunt, omnia et singula in scripturis desuper confectis contenta, apostolicâ auctoritate, tenore praesentium, perpetuo revocamus, cassamus, abrogamus et annullamus, viribusque et effectum prorsus evacuamus.

Sacerdotes ab officio arceantur.

§ 3. Insuper volumus, ac auctoritate et tenore praedictis statuimus, quod eiusdem congregationis sacerdotes praelaturas in dictâ congregatione nullo modo obtinere possint.

Nemo ante decem annos a professione saceris intromittendus.

§ 4. Et illi duo pro qualibet regulari domo ex fratribus dictae congregationis, qui pro sacramentorum ecclesiasticorum administratione ad sacros etiam presbyteratus ordines, vigore litterarum felicitis recordationis Pauli Papae V praedecessoris nostri desuper emanatarum, promovendi sunt, ad eosdem ordines de cetero promoveri nullatenus valeant, nisi prius decem annos professionis in eadem congregatione peregerint, et ab examinatribus synodalibus, non solum ad ordines praedictos, verum etiam ad sacras confessiones audiendas examinati et idonei reperti fuerint, et necessarias super hoc patientes litteras ab eisdem examinatribus obtinuerint.

Et solum pro necessitate administrandi sacramenta.

§ 5. Ac demum, quod nullus de cetero ad sacros ordines in dictâ congregatione promoveatur, nisi pro necessitate administrandi sacramenta ecclesiastica infirmis et religiosis, ac de confratris maioris et

definitorum dictae congregationis consensu ad praedictum effectum dumtaxat praestando.

§ 6. Decernentes praesentes litteras ac omnia et singula in eis contenta valida et firma et efficacia existere et fore, suosque plenarios et integros effectus sortiri et obtinere, ac ab omnibus, quos illa concernunt, inviolabiliter observari;

Clausulae praeservativae.

§ 7. Sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Clausula substituta.

§ 8. Non obstantibus praemissis, ac constitutionibus et ordinationibus apostolicis, necnon dictae congregationis, etiam iuramento, confirmatione apostolicâ, vel quavis firmitate aliâ roboratis, statutis et consuetudinibus, privilegiis quoque, indultis et litteris apostolicis, eidem congregationi, illiusque superioribus et fratribus, ac aliis in contrarium praemissorum quomodolibet concessis, confirmatis et innovatis. Quibus omnibus et singulis, illorum omnium tenores praesentibus pro plene et sufficienter expressis habentes, illis aliis in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Contrariorum remotio.

Datum Romae, apud S. Petrum, sub anulo Piscatoris, die xviii aprilis mdcxxviii, pontificatus nostri anno v.

Dat. die 18 aprilis 1628, pontif. anno v.

CCLXXXIX.

De electione praefecti generalis, consulentum et arbitri Congregationis Clericorum Regularium Ministrantium infirmis¹.

¹ Huius Congregationis materiam lege ad Constit. xxxv Sixti V, Ex omnibus, tom. viii, p. 669;

Urbanus Papa VIII.
ad perpetuam rei memoriam.

Exordium.

Romanus Pontifex, e sublimi militantis ecclesiae speculâ universi gregis Dominici curae iugiter invigilans, praecipuas apostolicae sollicitudinis partes iis impendere consuevit, ut qui, abiectis vanitatibus, huic temporali vitae renuntiaverunt, charitatemque sectantes et spiritualia aemulantes, non solum sibi, sed etiam proximo ad salutem prodesse satagunt, per ordinate, provideque constitutam superiorum electionem feliciter regantur et gubernentur, sublatisque contentionibus quibuscumque, reddant Domino vota sua, ambulentque in innocentia vitae, ac sanctitate et iustitia coram ipso.

Numerus provinciarum et officiorum in Capitulo generali obsequendum.

§ 1. Cum itaque, sicut accepimus, Congregatio dilectorum filiorum Clericorum Regularium Congregationis Ministrantium infirmis, in quinque provincias, videlicet Romanam et Hetruriae insimul, Siculam, Neapolitanam, Bononiensem et Mediolanensem divisa existat, et in capitulo generali ipsius Congregationis praeter generalem illius praefectum, quatuor consultores, duo scilicet presbyteri et duo laici, unusque arbiter, qui in sacro presbyteratus ordine constitutus esse debeat, eligi consueverint:

Praefectus generalis ex quo provincia et quo ordine de cetero eligendus.

§ 2. Nos, felici atque prospero clericorum praefectorum regimini atque gubernio quantum nobis ex alto conceditur prospicere volentes, metu proprio, non ad alicuius nobis super hoc oblatae petitionis instantiam, sed ex certa scientia ac matura deliberatione nostris, deque apostolicae potestatis plenitudine, quod de cetero perpetuis futuris temporibus, succedente muneris praefecti generalis dictae Congregationis vacatione, Siciliae primo, ac subinde Mediolanensis, deinde vero Bononiensis, postea Napolitanae, demumque Romanae et Hetruriae provinciarum eius- et etiam in huius Pontificis Const. xxvii, *Sacro-sanctae*, sup. pag. 104.

dem Congregationis professores ad munus praefecti generalis ordine huiusmodi successivo servato, dummodo tamen ad illius functionem sive exercitium habiles et idonei in ea provincia, cui id obtigerit, reperiantur, et sic deinceps alternis vicibus,

§ 3. Quodque in proximo futuro capitulo generali ipsius Congregationis, e Mediolanensi et Bononiensi duo laici, e Neapolitanâ vero et Siciliae duo presbyteri in consultores, necnon arbiter pro hac primâ vice rursus e Mediolanensi provinciis huiusmodi, in futurum vero ex aliis provinciis per turnum alternis vicibus, atque ordine successivo, ut praefertur, eligantur et assumantur, eligique et assumi debeant, ita tamen, ut e duabus illis provinciis, ex quibus in uno capitulo generali duo presbyteri in consultores assumpti fuerint, in alio subsequenti nonnisi duo laici ad officium consultorum huiusmodi eligi valeant, neque consultores et arbiter eius sint provinciae, ex qua praefectus generalis eligi contigerit, servato semper in omnibus praemissis ordine alternativae, tenore praesentium statuimus et ordinamus.

Consultores et arbiter ex quibus provinciis eligendi.

§ 4. Decernentes praesentes litteras validas, firmas ac efficaces existere et fore, suosque plenarios et integros effectus sortiri et obtinere, ac ab omnibus, ad quos spectat et in futurum quomodolibet spectabit, inviolabiliter observari.

Decretum praeservativum.

§ 5. Sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane quicquid secus super his a quoquam, quavis auctoritate, scienter vel ignoranter, contigerit attentari.

Decretum irritans.

§ 6. Non obstantibus constitutionibus et ordinationibus apostolicis, necnon dictae Congregationis, etiam iuramento, confirmatione apostolicâ, vel quavis firmitate aliâ roboratis, statutis et consuetudinibus,

Deregatio contrariorum.

privilegiis quoque, indultis et litteris apostolicis, eidem Congregationi illiusque superioribus et personis, sub quibuscumque tenoribus et formis, ac cum quibusvis clausulis et decretis, in contrarium quomodolibet concessis, confirmatis et innovatis. Quibus omnibus et singulis, illorum tenores praesentibus pro plene et sufficienter expressis habentes, illis aliis in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Transumptio-
rum fides.

§ 7. Volumus autem, ut praesentium transumptis, etiam impressis, ac manu alicuius notarii publici subscriptis, et sigillo alicuius personae in dignitate ecclesiastica constitutae munitis, eadem prorsus fides ubique adhibeatur, quae ipsis praesentibus adhiberetur, si forent exhibitae vel ostensae.

Datum Romae, apud S. Mariam Maiorem, sub annulo Piscatoris, die XXIX aprilis MDCXXVIII, pontificatus nostri anno v.

Dat. die 29 aprilis 1628, pontif. anno v.

CCXC.

De electione definitorum Congregationis Cassinensis, aliis sanctae Iustinae de Padua, Ordinis sancti Benedicti, ac de eorundem vacatione ab officio; necnon de auctoritate dietae circa dispositiones abbatum, eorumque mutationes, ac eorum, qui decanatus munere digni sunt, electionem¹.

Urbanus Papa VIII,
ad perpetuam rei memoriam

Exordium.

Commissi nobis per abundantiam divinae gratiae pastoralis officii debitum po-

¹ Huius Congregationis materiam vide in Constitut. II, Iulii II, *Super cathedram*, tom. V, pag. 400. Emanavit postea decretum a sacra Rituum Congregatione super usu baldachini et ministrorum et aliarum caeremoniarum ad favorem abbatum ipsius Congregationis, relatum et confirmatum ab Urbano VIII ut infra.

stulat, ut, sacrarum religionum in Ecclesia Dei militantium felici statui et directioni sedulo intendentes, ea statuamus et decernamus, quae prospero illarum regimini et gubernio conspiciamus in Domino salubriter expedire.

Exponi siquidem nobis nuper fecerunt dilecti filii abbates monasteriorum Ordinis S. Benedicti Congregationis Cassinensis, aliis sanctae Iustinae de Padua, quod ipsi aliis de anno proxime praeterito in civitate Perusinae capitulariter congregati, considerantes damna, seu inconvenientia, quae in dicta congregatione ob nimiam et fere absolutam auctoritatem et potestatem, qua ipsius congregationis definitorium sua perpetuitate fretum ac dieta utebantur, eatenus exorta erant, proindeque illis de aliquo opportuno remedio providere cupientes, ad nos et Apostolicam Sedem desuper recursum habere decreverunt. Quare nobis humiliter supplicari fecerunt, quatenus super praemissis opportune providere de benignitate apostolica dignaremur.

Causae huius
Constitutionis.

§ 1. Nos, damnis et inconvenientibus huiusmodi, quantum cum Domino possumus, obviam ire, ac abbates praefatos specialibus favoribus et gratiis prosequi volentes, eorumque singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censes, huiusmodi supplicationibus inclinati, quod de cetero perpetuis futuris temporibus definitorium eiusdem Congregationis non sit nec esse possit perpetuum, sed quoad omnes definidores vacabile (ita quod ipsorum definitorum officium sit annale, et vigore cuiuscumque confirmationis ultra bien-

De electione,
duratione et vacatione definitorum de cetero.

nium non duret, et qui de praesenti definitores existunt, si tempore proximi capituli generalis eiusdem congregationis, quod, ut asserunt, praesenti anno in civitate Parmensi celebrandum est, eorum et seu cuiuslibet ipsorum definitorum officium spatio biennii tunc praecedentis duraverit, eorum officium, per biennium, ut praefertur, obtentum, eo ipso vacet et vacare censeatur, iidemque definitores biennales ad officium definitoris huiusmodi denuo eligi vel assumi nequeant, nisi postquam per aliud biennium ab eodem officio cessaverint);

§ 2. Quodque etiam in dietâ dictae congregationis nullus abbas deponi possit, sed id capitulo generali eiusdem congregationis omnino relinquatur; et casu, quo aliqua urgens necessitas provisione indigens occurrat, tunc cognita primum causâ, reoque audito, ad suspensionem administrationis dumtaxat deveniri possit, ac loco praelati sic suspensi alius deputetur praelatus, qui tamen ex illis non sit, qui dietam, ex qua iudicium fieri contigerit, ingrediuntur; demum quod in dietâ ullus abbas in poenam absque cognitione causae mutari, seu decreta in capitulo generali facta annullari, aut decani sub quovis praetextu creari nullatenus possint;

§ 3. Praedictaque omnia et singula perpetuo (sub nullitatis gestorum, excommunicationis latae sententiae, privationis vocis activae et passivae, ac officiorum per eos obtentorum, perpetuaeque inhabilitatis ad illa in posterum obtinenda poenis eo ipso incurrendis)

§ 4. Sicque et non aliter in praemissis omnibus et singulis in praedictâ Congregatione perpetuo observari, et ita per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter,

contigerit attentari, apostolicâ auctoritate, tenore praesentium, statuimus, decernimus et declaramus.

§ 5. Quocirca dilectis filiis nostro Ludovico tituli S. Laurentii in Damaso presbytero cardinali Ludovisio nuncupato, moderno et pro tempore existenti Ordinis et Congregationis huiusmodi apud nos et Apostolicam Sedem protectori, ac causarum curiae camerae apostolicae generali auditori, per praesentes committimus et mandamus, quatenus ipsi, vel duo, aut unus eorum, per se, vel alium, seu alios, praesentes litteras et in eis contenta quaecumque, ubi et quando opus fuerit, ac quoties pro parte nunc et pro tempore existentium Ordinis et congregationis huiusmodi superiorum aut alicuius eorum nomine dictae Congregationis, fuerint requisiti, sollemniter publicantes, eisque in praemissis efficacis defensionis praesidio assistentes, faciant eas et ea auctoritate nostrâ ab omnibus inviolabiliter observari; contradictores quoslibet et rebelles per censuras ecclesiasticas et poenas etiam pecuniarias, eorum arbitrio imponendas, moderandas et applicandas, aliaque opportuna iuris et facti remedia, appellatione postposita, compescendo, legitimisque super his habendis servatis processibus, censuras et poenas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis.

§ 6. Non obstantibus felicitis recordationis Bonifacii Papae VIII praedecessoris nostri de unâ, et in concilio generali editâ de duabus dietis, aliisque constitutionibus et ordinationibus apostolicis, necnon Ordinis et Congregationis huiusmodi, etiam iuramento, confirmatione apostolicâ, vel quavis firmitate aliâ roboratis, statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus

Deputatio
exequutorum.

Derogatio
contrariorum.

De auctori-
tate dietae cir-
ca dispositiones
abbatum, ac do-
canorum ele-
ctiones.

Contrafacien-
tium poena.

Clausula sub-
iudâ.

et singulis, illorum tenores praesentibus pro sufficienter expressis habentes, illis aliàs in suo robore permansuris, hac vice dumtaxat specialiter et expresse derogamus, ceterisque contrariis quibuscumque: aut si aliquibus communiter vel divisim ab eadem sit Sede indultum, quod interdicti, suspendi vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem.

Datum Romae, apud S. Mariam Maiorem, sub annulo Piscatoris, die IV maii MDCXXVIII, pontificatus nostri anno V.

Dat. die 4 maii 1628, pontif. anno V.

CCXCI.

Confirmatio constitutionum Urbanarum fratrum Minorum Conventualium Ordinis S. Francisci in capitulo generali dicti Ordinis anno MDCXXV celebrato pro feliciore ipsius Ordinis progressu editarum, ac de mandato Urbani VIII examinarum, cum annullatione quarumcumque aliarum constitutionum praedictis repugnantium¹.

Urbanus Papa VIII,
ad perpetuam rei memoriam.

Prooemium. Militantis Ecclesiae regimini, meritis licet imparibus, per abundantiam divinae gratiae praepositi, inter gravissimas multiplicesque apostolicae servitutis curas, in

¹ Ista Constitutiones Urbanae sunt impressae Romae anno MDCXXVIII, quas hic imprimere denuo otiosum esset. Fratribus huius Ordinis, eorumque superioribus ambitum prohibuit Paulus V ut in Constitut. CCXCVIII (CCCXIX) *Admonemur*, tom. XII, pag. 451. Et pro dicti Ordinis studentibus collegium in insula Melevisana erexit idem Paulus in Const. CCCXI (CCCXXII) *In supereminenti*, ibidem, pag. 477. Et aliud in civitate Pragae instituit postea Gregorius in Const. LIII (LIV) *In supereminenti*, ibid. pag. 682. Vide etiam Honor. III, Constit. LXVII, *Solei*, tom. III, pag. 394.

eam peculiari studio iugiter incumbimus, ut qui, abiectis vanitatibus, huic temporali vitae renuntiarunt, charitatemque sectantes et spiritualia aemulantes, divini numinis obsequiis se manciparunt, sub provide atque ordinate editis statutis feliciter regantur atque gubernentur.

§ 1. Exponi siquidem nobis nuper fecit dilectus filius Felix Francischinus de Cassia, minister generalis fratrum Ordinis minorum S. Francisci Conventualium nuncupatorum, quod in proxime praeterito ipsius Ordinis capitulo generali de anno MDCXXV celebrato pro feliciore ipsius Ordinis eiusque fratrum progressu ac disciplinae regularis observantiā novae ipsius Ordinis constitutiones Urbanae nuncupatae in unum volumen compilatae fuerunt.

In Capitulo generali horum fratrum de anno MDCXXV celebrato, ipsius Ordinis constitutiones Urbanae nuncupatae, compilatae fuerunt, et in unum volumen redactae.

§ 2. Cum autem, sicut eadem expositio subiungebat, pro maiori earundem constitutionum validitate atque observantiā, dictus Felix plurimum cupiat, illas apostolicae confirmationis patrocinio communiti, et aliàs per nos, ut infra, provideri:

Illasque ut confirmaret supplicavit Pontifex.

§ 3. Nos, qui constitutiones ipsas per dilectum filium Iacobum Crescentium monasterii abbatiā nuncupatae S. Euthitii, S. Benedicti seu alterius Ordinis, Spoletanum, dictorum commendatarium, diligenter examinari et revideri iussimus, piis dicti Felicis votis, quantum cum Domino possumus, annuere, illumque specialibus favoribus et gratiis prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causā latis, si quibus quomodolibet innodatus existat, ad effectum praesentium dumtaxat consequendum, harum serie absolventes et absolutum fore censes, huiusmodi supplicationibus inclinati, constitutiones huiusmodi in unum volumen compilatas, sic de mandato nostro examinatas et revisas ut praefertur, apostolicā auctoritate,

Qui eas, ut hic revisas et examinatas, approbat et confirmat, si quibus intervenient defectus suppleat.

tenore praesentium, perpetuo approbamus et confirmamus, illisque inviolabilis apostolicae firmitatis robur adicimus, ac omnes et singulos tam iuris quam facti defectus, si qui desuper quomodolibet intervenerint, supplemus.

Præcedentes constitutiones his contrarias tollit.

§ 4. Omnes vero et singulas alias dicti Ordinis constitutiones in antea factas, etiam auctoritate apostolicâ roboratas, in iis, quae presentibus repugnant, et quae annis proxime praeteritis pro reformatione fratrum dicti Ordinis regni Poloniae factae fuerunt, revocamus, cassamus et annullamus, viribusque et effectu evacuamus.

Claquias.

§ 5. Decernentes constitutiones huiusmodi compilatas ac de mandato nostro examinatas et revisas ut praefertur, ab omnibus et singulis dicti Ordinis fratribus, ceterisque personis, sub poenis in illis contentis, inviolabiliter observari debere;

§ 6. Sicque et non aliter per quoscunque iudices ordinarios et delegatos, etiam causarum palatii apostolici auditores, ubique iudicari et definiri debere, ac irritum et inane quidquid secus super his a quocunque, quavis auctoritate, scienter vel ignoranter contigerit attentari.

Obstantium derogatio.

§ 7. Non obstantibus constitutionibus et ordinationibus apostolicis, ac dicti Ordinis, etiam iuramento, confirmatione apostolicâ, vel quavis firmitate aliâ roboratis, statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, eorum omnium tenores praesentibus pro plene et sufficienter expressis habentes, illis aliâs in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Fides danda transumptis.

§ 8. Volumus autem, quod praesentium transumptis, etiam impressis, manu alicuius

notarii publici subscriptis, et sigillo alicuius personae in dignitate ecclesiasticâ constitutae munitis, eadem prorsus fides ubique adhibeatur, quae ipsis praesentibus adhiberetur, si forent exhibitae vel ostensae.

Datum in arce Gandulphi Albanensis dioecesis, sub annulo Piscatoris, die xv maii MDCXXVIII, pontificatus nostri anno v.

Dat. die 15 maii 1628, pontif. anno v.

CCXCII.

Concessio ecclesiae S. Laurentii in Fonte, in regione Montium Urbis sitae, confraternitati Aulicorum, ad pia opera per eius confratres in ipsa exercenda¹.

Urbanus Papa VIII,
ad perpetuam rei memoriam.

§ 1. Aliâs a nobis emanarunt litterae tenoris subsequenter, videlicet:

Urbanus Papa VIII, ad perpetuam rei memoriam. Pastoris aeterni, etc. (*Omittitur residuum supra legendum*, pag. 226).

§ 2. Subinde vero, postquam de anno proxime praeterito (cupientes providere, ut ecclesia S. Laurentii in Fonte nuncupata in regione Montium de Urbe, antiquitate, aliisque pluribus nominibus venerabilis, debilis non careret obsequiis, praeviâ revocatione, quatenus opus esset, concessionis ecclesiae praefatae aliâs de anno tunc praeterito fratribus Ruthenis per nos factae) ecclesiam praefatam S. Laurentii, simul cum omnibus suis iuribus, bonis, redditibus, proventibus et emolumentis, supradictae confraternitati ad utendum in perpetuum, prout de similibus ecclesiis laicorum confraternitates seu congregationes ad sacros et pietatis usus destinatae uti consueverunt (ita tamen et non aliâs, ut ipsa confraternitas ecclesiam S. Lau-

Racenset praecedentem Constitutionem.

Factamque a se erectae Confraternitati concessionem ecclesiae sancti Laurentii in Fonte.

¹ Confraternitatis institutionem require supra pag. 236 (R. T.).

rentii praefatam in necessariis reparare et manutenere, sacrâque et sufficienti suppellectili providere, missamque, dominicis ac festis diebus saltem, in eâ celebrari facere teneretur, et quod ecclesiam praefatam S. Laurentii etiam ad pios usus aliis concedere non valeret, et cum decreto, quod si quandocumque contingeret confraternitatem praefatam dissolvi, reparationes et melioramenta facta et ad quamcumque summam ascendentia eidem ecclesiae cessisse et cedere sine aliquâ refectione intelligerentur) concesseramus,

Ortam postmodum controversiam inter confratres et monasterium sancti Petri ad Vincula.

§ 3. Per nos accepto, quod, occasione concessionis ecclesiae huiusmodi, inter dictam confraternitatem ex unâ et dilectos filios priorem et canonicos regulares monasterii S. Petri ad Vincula de Urbe congregationis S. Salvatoris Ordinis S. Augustini ex alterâ partibus orta fuerat controversia, cum nimirum prior et canonici praefati praetenderent dictam ecclesiam S. Laurentii a centum et amplius annis ecclesiae eorum monasterii huiusmodi apostolicâ auctoritate unitam fuisse, ob idque concessionem praefatam viribus non subsistere, et redditus seu canonem domus annexae dictae ecclesiae S. Laurentii singulis annis solvi solitum per quondam Prudentiam Agazinam et haeredes quondam sancti Mazzi, pecnon dilectum in Christo filium Mitium de Gradibus, ecclesiae dicti monasterii debere¹;

Qua sublata per pontificium decretum;

§ 4. Nos concessionem ecclesiae S. Laurentii huiusmodi, per nos ut supra factam, suum plenarium effectum sortiri debere, et² canonem praefatum dictae ecclesiae S. Laurentii fore et esse solvendum, decrevimus, appositis³ pro parte prioris et canonicorum praefatorum minime obstantibus.

1 Videretur legendum *deberi* (R. T.).

2 Coniunct. *et* nos addimus (R. T.).

3 Videtur legendum *oppositis*, aut *exceptionibus appositis* (R. T.).

§ 5. Voluimus tamen quod dicta confraternitas singulis annis a die concessionis in recognitionem directi iuris solveret ecclesiae dicti monasterii libras quinque cerae albae die festo eiusdem S. Laurentii;

§ 6. Quodque, si contingeret praedictam confraternitatem dissolvi, seu a praedictâ ecclesiâ S. Laurentii recedere, iura ecclesiae dicti monasterii de et super ecclesiâ S. Laurentii huiusmodi illaesa et ilibata remanerent, perinde ac si concessio eiusdem ecclesiae S. Laurentii, per nos ut praefertur facta, non emanasset¹.

§ 7. Cum autem, sicut pro parte dilectorum filiorum officialium et confratrum confraternitatis praedictae nobis nuper expositum fuit, ipsi plurimum cupiant concessionem dictae ecclesiae; ac decretum desuper emanatum, aliaque praemissa, apostolicae nostrae confirmationis robore communiri, ac aliâs sibi per nos, ut infra, indulgeri:

Praedicta omnia, petentibus confratribus;

§ 8. Nos, officiales et confratres praefatos specialibus favoribus et gratis prosequi volentes, eorumque singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causâ latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censes, supplicationibus eorum nomine nobis super hoc humiliter porrectis inclinati, concessionem ecclesiae S. Laurentii huiusmodi, necnon decretum a nobis desuper emanatum praedictum, aliaque praemissa cum omnibus in eis contentis et inde sequentis, apostolicâ auctoritate, tenore praesentium, perpetuo approbamus et confirmamus, illisque inviolabilis apostolicae firmitatis robur adiciamus, ac omnes et singulos tam iuris quam facti defectus, si qui de-

Urbanus Pontifex confirmat.

1 Praedicta constit. deesse videtur (R. T.).

super quomodolibet intervenerint, supplemus.

Et confraternitatem ab ecclesia sancti Nicolai ad ecclesiam S. Laurentii transferi.

§ 9. Praeterea eandem confraternitatem, cum omnibus et singulis indulgentiis ac peccatorum remissionibus et poenitentiarum relaxationibus illi per nos, ut supra, concessis, a praedicta ecclesia sancti Nicolai ad ecclesiam S. Laurentii huiusmodi, necnon indulgentiam septem annorum et totidem quadragenarum in Conceptionis Beatae Mariae Virginis et sancti Antonii festis diebus per nos similiter concessam, ad eiusdem S. Laurentii et S. Hippolyti festos dies (ita ut dictae confraternitatis confratres praemissa in ipsis festis diebus, ad quos translatio, ut infra, fiet, adimplentes eandem indulgentiam prorsus consequantur) auctoritate et tenore praefatis transferimus.

Clausulae.

§ 10. Decernentes praemissa omnia et singula necnon praesentes litteras et in eis contenta quaecumque valida, firma et efficacia existere et fore, suosque plenarios et integros effectus sortiri et oblinere, ac eidem confraternitati in omnibus et per omnia plenissime suffragari.

§ 11. Sicque per quoscumque iudices ordinarios et delegatos, etiam causarum palatii apostolici auditores, indicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Deroga in contrariis.

§ 12. Non obstantibus praemissis, ac constitutionibus et ordinationibus apostolicis, necnon, quatenus opus sit, monasterii et congregationis huiusmodi (etiam iuramento, confirmatione apostolica, vel quavis firmitate alia roboratis) statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, eorum omnium tenores praesentibus pro plene et sufficienter expressis

habentes, illis aliis in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die XIV iunii MDCXXVIII, pontificatus nostri anno v.

Dat. die 14 iunii 1628, pontif. anno v.

CCXCIII.

Super prohibitionem, ne sacerdotes Ordinis S. Ioannis officia habeant, sequitur declaratio, quae nominibus officiorum et dignitatum intelligenda sint, ac poenarum inflictio eligentibus ac electis, contra formam huius constitutionis.

Urbanus Papa VIII,
ad perpetuam rei memoriam.

§ 1. Alias (felicitis recordationis Paulo Papae V praedecessori nostro pro parte tunc existentis vicarii generalis et confratrum Congregationis Ioannis Dei exposito, quod omnes domus regulares Congregationis praedictae magna incommoda et damna patiebantur ex eo, quod quadam constitutione pia memoriae Clementis Papae VIII, etiam praedecessoris nostri, sub datum die nona septembris millesimo quingentesimo nonagesimosexto, pontificatus sui anno v, inter alia, confratribus dictae Congregationis ascensus ad sacros Ordines interdictus erat; siquidem presbyteros seculares, qui pauperum in domibus praedictis exceptorum confessiones audirent, sacramenta ministrarent et agonizantium animas omnipotenti Dei commendarent, habere valde dispendiosum, et, quod deterius erat, dicti presbyteri seculares, post celebratum ab eis sacrosanctum missae sacrificium, a praedictis domibus regularibus pro maiori parte diei et tota nocte aberant, in maximum animarum dictorum pauperum praeiudicium) idem

Paulus V induxit ut in quolibet domo regulari huius Congregationis unus confrater ad sacros ordines promoveri posset.

Paulus praedecessor, eorum hac in parte supplicationibus inclinatus, quod in qualibet domo dictae Congregationis unus confrater dumtaxat, arbitrio tunc et pro temporibus existentis eiusdem Congregationis apud Sedem Apostolicam protectoris, ad omnes etiam sacros et presbyteratus ordines promoveri posset, sub certis modo et formâ tunc expressis, concessit et indulsit;

Et sic promotus officiorum dictae Congregationis administrationem interdixit.

§ 2. Utque sic promoti nullum officium, munus, aut administrationem in dictâ Congregatione gerere vel exercere valerent, sed missis celebrandis et sacramentis ministrandis tantummodo vacare deberent, statuit.

Subinde vero ista Pontifex statuit sacerdotibus in dicta Congregatione praelaturas nullatenus obtinere posse.

§ 3. Subinde vero nos, prospero felici-que dictae Congregationis regimini, quantum cum Domino possumus, consulere volentes, motu proprio et ex certâ scientiâ ac maturâ deliberatione nostris, inter alia volumus, ac etiam statuimus, quod eisdem Congregationis sacerdotes praelaturas in dictâ Congregatione nullo modo obtinere possent, et aliâs, prout in dicti Pauli praedecessoris, ac nostris in simili formâ Brevis expeditis litteris, quarum tenores praesentibus pro sufficienter expressis haberi volumus, plenius continetur¹.

Modo, ex causis hic expressis.

§ 4. Cum autem, sicut accepimus, nonnulli dictae Congregationis superiores et sacerdotes, praedictas litteras contra verum illarum sensum et dispositionem interpretari non verentes, confratris maioris, procuratoris generalis, consiliarii provincialis, vicarii generalis, prioris ac secretarii generalis dignitates et officia dictae Congregationis, si ad ea assumantur, absque ullo conscientiae scrupulo se recipere et obtinere posse praetendant:

Declarat dignitates ad quas omnino inhabiles esse debent.

§ 5. Nos, in praemissis opportuna declarationis ministerio, quantum cum Domino possumus, providere volentes, de venerabilium fratrum nostrorum sanctae Roma-

nae Ecclesiae cardinalium, negotiis regularium praepositorum, consilio, motu, scientiâ et deliberatione similibus, confratres sacerdotes Congregationis huiusmodi ex formâ litterarum praedictarum ad praenominatas dignitates et officia obtinenda inhabiles esse, apostolicâ auctoritate, tenore praesentium, decernimus et declaramus.

§ 6. Necnon eisdem confratribus sacerdotibus, earundem tenore praesentium, interdicimus et prohibemus, ne ad dignitates et officia huiusmodi patiantur se eligi vel assumi, aut in eis se immiscere quomodo, superioribus vero ne illorum quemquam eligere vel assumere audeant seu praesumant, alioquin superiores sic eligentes vel assumentes omnibus officiis et dignitatibus obtentis, voceque activâ et passivâ eo ipso privati censeantur: confratres vero sacerdotes huiusmodi, ut praepositur, electi vel assumpti, a suorum ordinum executione perpetuo suspensi remaneant.

Electis quoque, ac eligentibus contra formam huius Constitutionis penas apponit.

§ 7. Decernentes sic et non aliter in praemissis per quoscunque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quoquam, quavis auctoritate, scienter vel ignoranter, contigerit attentari.

Aliter infruendi facultatem tollit.

§ 8. Non obstantibus omnibus illis, quae in dictis litteris concessa sunt non obstare, ceterisque contrariis quibuscumque.

Quibuscumque non obstantibus.

§ 9. Volumus autem, quod praesentium transumptis, etiam impressis, manu alicuius notarii publici subscriptis, et sigillo personae in dignitate ecclesiasticâ constitutae munitis, eadem prorsus fides adhibeatur, quae praesentibus adhiberetur, si forent exhibitae vel ostensae.

Transumptis fidei dari mandatur.

Datum Romae, apud S. Mariam Maiorem, sub annulo Piscatoris, die xvii iulii mdcxxviii, pontificatus nostri anno v.

Dat. die 17 iunii 1628, pontif. an. v.

¹ Vide sup. pag. 658 (R. T.).

CCXCIV.

Nova erectio Seminarii apostolici Cariatensis, cum assignatione aedificiorum et possessionum¹.

Urbanus Papa VIII.
ad perpetuam rei memoriam.

Revensetur
prima huius se-
minarii erectio.

§ 1. Aliàs, pro parte bonae memoriae Mauriti episcopi Cariatensis, tunc in humanis agentis, nobis exposito, quod ipse, quo presbyterorum ad curae animarum exercitium idoneorum penuriae in sua dioecesi vigenti subveniret, unum clericorum seminarium in terra Verzini dictae dioecesis, quae, ut asserebat, a turcarum incursionibus ipsamet civitate Cariatensi securior² erat, fabrica ad id decenti et congrua propriis suis sumptibus constructa, iuxta Concilii Tridentini decreta erexerat et instituerat, terrasque seu possessiones, quarum redditus et proventus annui ad summam ducentorum ducatorum monetae regni Neapolitani facile ascendebant, per eum emptas, dicto seminario perpetuo donaverat, prout in publicis desuper confectis scripturis plenius dicebatur contineri, nos, dicti Mauriti episcopi supplicationibus³ eam in parte tunc inclinati, de venerabilium fratrum nostrorum S. R. E. cardinalium negotiis propagandae fidei praepositorum consilio, erectionem et institutionem seminarii praedicti in dicta terra, iuxta decreta eiusdem Concilii, ac donationem seu donationem praedictas, apostolicam auctoritate approbavimus et confirmavimus, aliaque tunc expressa fecimus et decrevimus, prout in nostris desuper in simili forma Brevis sub die XXI octobris MDCXXIV expeditis litteris, quarum tenores praesentibus pro sufficienter expressis haberi volumus, plenius continetur².

Et Pontificia
confirmatio.

Cum autem
bona ei ab epi-
scopo data sub

§ 2. Quoniam vero aedificia seminarii huiusmodi, ac possessiones illi pro eius

dote per dictum Mauritium episcopum assignatae, propter reservationem ususfructus, quam idem Mauritius episcopus fecisse asseritur, iuxta constitutiones¹ felices recordationis Pii Papae V praedecessoris nostri desuper editas, in spolio cadere, et propterea ad cameram apostolicam pertinere videbantur:

§ 3. Idcirco nos, in praemissis, quantum cum Domino possumus, opportune providere volentes, ac piam dicti Mauriti episcopi dispositionem dioecesi Cariatensi utilem et necessariam, dictique Concilii decretis consonam, approbantes, de eorundem cardinalium consilio, in terram praedictam unum clericorum seminarium apostolicam auctoritate, tenore praesentium, perpetuo de novo erigimus et instituimus, illique sic erecto et instituto aedificia et possessiones, illi pro eius dote per dictum Mauritium episcopum, ut praefertur, assignatas, rursus attribuimus, ac, quatenus opus sit, titulo donationis, quae fieri dicitur inter vivos, irrevocabiler donamus.

Urbanus item illud erigit, etque praedicta bona donat.

§ 4. Propterea venerabili fratri moderno episcopo Cariatensi, eiusque in ecclesia Cariatensi successoribus in perpetuum, ne aedificia, aut possessiones, et redditus huiusmodi, seminario praedicto per dictum Mauritium episcopum, ac per nos, ut praefertur, de novo concessa, donata et attributa, in toto vel in parte quantumvis minimam, dismembrare, alienare, oppignorare, aut de illis quemlibet contractum seminario huiusmodi praeiudiciale facere audeant seu praesumant, auctoritate et tenore praedictis prohibemus.

Dempla successoribus episcopis quacumque ea alienandi, etc., auctoritate.

§ 5. Decernentes, seminarium huiusmodi, per nos apostolicam auctoritate sic, ut supra, erectum et institutum, robur et subsistentiam, non a prima dicti Mauriti episcopi fundatione et erectione, sed a

Clausulae.

¹ Ex Regest. in Secret. Brev.

² Quas vide supra pag. 233 (R. T.).

¹ Edit. Main. habet constitutionem, et postea editas (R. T.).

noviter per praesentes a nobis factis erectione et institutione praedictis (ita ut deinceps seminarium huiusmodi apostolicum et non dioecesanum dici et nuncupari debeat) sortiri et obtinere; presentes vero litteras de subreptionis vel obreptionis, seu nullitatis vitio, aut intentionis nostrae vel alio quopiam defectu notari, infringi, retractari, in ius vel controversiam vocari, ad terminos iuris reduci, aut adversus illas quodcumque iuris, gratiae vel facti remedium impetrari nunquam posse, sed illas et in eis contenta quaecumque semper et perpetuo valida, firma et efficacia existere et fore, suosque plenarios et integros effectus sortiri et obtinere, ac eidem seminario in omnibus et per omnia plenissime suffragari; sicque, et non aliter, in praemissis per quoscumque iudices ordinarios et delegatos, etiam causarum palatii apostolici auditores, sublata eis, et eorum cuilibet, quavis aliter iudicandi et interpretandi facultate et auctoritate, iudicari ac definiri debere, ac irritum et inane si secus super his a quoquam, quavis auctoritate, scienter vel ignoranter, contigerit attentari.

Obstantia tolluntur.

§ 6. Non obstantibus praemissis, ac praedicta Pii praedecessoris huiusmodi, quae incipit *Romani Pontificis*, necnon pie memoriae Pii Papae IV etiam praedecessoris nostri de gratiis interesse camerae apostolicae quomodolibet concernentibus in eadem camera infra certum tunc expressum tempus praesentandis et registrandis, ac quibusvis aliis constitutionibus et ordinationibus apostolicis, necnon dictae camerae, et quibuscumque aliis, etiam iuramento, confirmatione apostolica, vel quavis firmitate alia roboratis, statutis et consuetudinibus, privilegiis quoque, indultis et litteris apostolicis, sub quibuscumque tenoribus et formis, ac cum quibusvis, etiam derogatoriis derogatoriis, aliisque efficacioribus et insolitis clausulis,

necnon irritantibus et aliis decretis, in genere vel in specie, ac alias in contrarium praemissorum quomodolibet concessis, confirmatis et innovatis. Quibus omnibus et singulis, etiamsi pro sufficienti illorum derogatione de illis, eorumque totis tenoribus specialis, specifica, expressa et individua, ac de verbo ad verbum, non autem per clausulas generales idem importantes, mentio aut quaevis alia expressio habenda aut aliqua alia exquisita forma ad hoc servanda foret, illorum omnium et singulorum tenores praesentibus pro plene et sufficienter expressis et ad verbum insertis habentes, illis alias in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die xiii iulii MDCXXVIII, pontificatus nostri anno v.

Dat. die 13 iulii 1628, pontif. anno v.

CCXCV.

Approbatio et confirmatio nonnullarum constitutionum pro tutiori fratrum Dissalceatorum Reformatorum Ordinis S. Augustini Congregationis Galliae gubernio editarum¹.

Urbanus Papa VIII,
ad perpetuam rei memoriam.

Prooemium.

Ex iniuncti nobis apostolici muneris debito sacrarum religionum in Ecclesia Dei pie sancteque institutarum prosperum statum, felicemque directionem sinceris desiderantes affectibus, his quae propterea provide facta fuisse dicuntur, ut firma perpetuo et illibata persistant, libenter cum a nobis petitur, apostolici muniminis adiicimus firmitatem, aliasque

¹ Istorum fratrum materiam habes in Constitut. ccx (ccxx), *Decet*, Clementis VIII, tom. x, pag. 548, licet ibi non loquatur de hac Congregatione Galliae.

desuper eiusdem muneris partes interponimus, prout conspiciamus in Domino salubriter expedire.

Ob negotias
difficultates or-
tas inter prio-
rem generalem
Ordinis sancti
Augustini et fra-
tres Discalcea-
tos Congrega-
tionis Galliae
eiusdem Ordinis,
de consensu
dicti prioris ge-
neralis et assi-
stentium multa
fuerunt conces-
sa et provisae,
prout inferius.

§ 1. Exponi siquidem nobis nuper fecerunt dilecti filii prior generalis totius Ordinis Eremitarum S. Augustini, necnon fratres Reformati Discalceati nuncupati eiusdem Ordinis congregationis Galliae, quod, cum inter ipsum priorem generalem ac fratres reformatos huiusmodi nonnullae difficultates circa eiusdem congregationis regimen ortae fuissent, tandem, post longam et maturam negotii huiusmodi discussionem, dictus prior generalis, felici ac prospero ipsius congregationis regimini, ac strictioris, quam ipsi fratres profitentur, observantiae conservationi et augmento consulere volens, de assensu et consensu dilectorum filiorum prioris generalis et assistantium dicti ordinis nonnulla concessit et providit tenoris subsequenti, videlicet:

De vicario
generali ipsius
Congregationis.

§ 2. Quod congregatio gubernetur per vicarium generalem (sicut nunc et semper gubernata fuit) in capitulo congregationis eligendum, qui a priore generali Ordinis pro tempore existente absque aliqua contradictione confirmetur cum omnibus actis in eodem capitulo, dummodo nihil in praedictum auctoritatis dicti reverendissimi prioris generalis contineant, qui vicarius generalis semper sit eligendus de corpore eiusdem congregationis, qui eandem vitae austeritatem profiteatur.

De novorum
locorum accep-
tationibus, seu
foundationibus.

§ 3. Et quod praedictus vicarius generalis cum definitores monasteria et ecclesias oblatas acceptare, novas fundare possint, etiam monasteria Ordinis Eremitarum S. Augustini, quae non actu a religione possidentur, et quae possidentur, non poterunt nisi de consensu reverendissimi patris generalis, ita tamen, ut in foundationibus et erectionibus huiusmodi servetur forma edita in constitutionibus et decretis apostolicis.

§ 4. Eligatur unus ex eadem congregatione a priore generali in praesidentem capituli, quod si non mittantur litterae praesidentiae, sit ipso facto praesidens primus definitor capituli praecedentis, iuxta constitutiones dictae congregationis.

De praesi-
dente capituli.

§ 5. Quod nullus praedictae congregationis frater professus in aliquam provinciam vel congregationem, tam praedictam, quam cuiusvis alterius Ordinis et instituti (Carthusianis exceptis), absque Sedis Apostolicae licentia transire possit, et qui aliter transierit, ad congregationem redire per censuras ecclesiasticas et alio meliori modo a vicario generali compelli possit.

De transitu ad
aliam provin-
ciam, Congre-
gationem, vel
Ordinem.

§ 6. Et quod nullus in praedicta congregatione laicus vel conversus ad statum clericorum, etiam durante tempore novitatus, transire possit, aut ordines sacros suscipere, iuxta formam decreti Clementis VIII.

De laicis con-
gregationis.

§ 7. Quod si quis frater dictae congregationis propter aliquem excessum vel culpam iuxta illorum constitutiones punitus fuerit per superiores congregationis, a priore generali in detrimentum disciplinae reformationis et observantiae absolvi non possit. Et si quis discolus et incorrigibilis apostata, vel alia legitima causa, servato decreto D. N. Urbani Papae VIII, a congregatione fuerit expulsus, per priorem generalem, contradicente vicario generali congregationis, ad illam remitti non possit, nisi constituto de gravamine.

De discolis et
incorrigibilibus
apostatis.

§ 8. Prior generalis per se vel per alium eiusdem Congregationis fratres visitare et corrigere poterit, iuxta tamen disciplinam et constitutiones congregationis, quibus derogare non poterit, qui prior generalis in visitatione huiusmodi primum definitorem congregationis assumat; et quod, tam in visitatione quam extra, fratres de loco ad locum non mittat, sed, si quis mittendus fuerit, vicario generali significet, ad quem vicarium generalem litteras

De auctorita-
te prioris gene-
ralis visitandi
fratres Congre-
gationis.

obedientiales pro loci mutatione dare pertineat. Et quod si quid aliter factum fuerit, aut tentatum contra praemissa, inane et irritum esse decernatur.

De fratribus
Romam aliquo
sub praetextu
venientibus.

§ 9. Et quod, ad omnem vagandi occasionem tollendam, nullus frater congregationis Romam petere possit, etiam sub praetextu litterarum a priore generali obtentorum, nisi consentiente vicario generali congregationis, et ab ipso benedictione accepta.

Hic Pontifex
praemissa omnia
praeinserta et
acceptata approbat,
aliquo confirmat cum
supplemento defectuum.

§ 10. Cum autem, sicut eadem expositio subiungebat, omnia et singula praemissa, post maturam discussionem, tam ab ipso priore generali, quam fratribus reformatis huiusmodi, per modum concordiae provisa et acceptata fuerint, ipseque prior generalis plurimum cupiat eadem praemissa, quo firmiter subsistant, exactiusque observentur, apostolicae nostrae confirmationis robore communiri: nos, priorem generalem et fratres praedictos specialibus favoribus, et gratis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a iure vel ab homine, quavis occasione vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes et absolutas fore censentes, supplicationibus eorum nomine nobis super hoc humiliter porrectis inclinati, de venerabilium fratrum nostrorum sanctae Romanae Ecclesiae cardinalium negotiis regularium praepositorum consilio, praemissa per dictum priorem generalem ut supra concessa, seu ordinata, et per ipsos fratres reformatos, ut petitur, cum omnibus inde sequutis, apostolica auctoritate, tenore praesentium, perpetuo approbamus et confirmamus, illisque inviolabilis apostolicae firmitatis robur adiicimus, ac omnes et singulos, tam iuris quam facti defectus, si qui de-

super quomodolibet intervenerint, supplemus.

§ 11. Praeterea ne quis in Gallia habitum in materia et forma similem, ita ut ex praedictis fratribus Discalceatis existimari possit, nisi praedictae congregationis membrum actualiter existat, gestare, sive nomen Discalceatorum Reformatorum S. Augustini sibi arrogare, aut praedictam congregationem esse Ordinis Eremitarum S. Augustini verbo vel scripto temere negare audeat seu praesumat, sub excommunicationis poenam interdicimus et prohibemus.

Cum prohibitione sub excommunicationis poena habitum similem deferendi in Gallia, aut eorumdem nomen sibi arrogandi.

§ 12. Et ut vitae asperitas et observantia puritatis regulae sancti Augustini et peculiarium congregationis praedictae constitutionum absque ullo impedimento serventur, volumus, quod desuper nullatenus a superioribus dicti Ordinis dispensari possit, sed semper fixa et firma remaneat stricta regularis observantia.

Neque praedictae Congregationis Constitutionibus derogandi vel super eis dispensandi.

§ 13. Decernentes praesentes litteras de subreptionis vel obreptionis seu nullitatis vitio, aut intentionis nostrae vel alio quocumque defectu notari, impugnari, redargui, aut in ius vel controversiam vocari, aut aliter quomodolibet infringi vel retardari, suspendi, limitari vel molestari, aut aliter in contrarium disponi, statui vel ordinari numquam posse; sed illas et in eis contenta quaecumque semper et perpetuo valida, firma et efficacia existere et fore, suosque plenarios et integros effectus sortiri et obtinere, ac ab omnibus, ad quos spectat et in futurum quomodolibet spectabit, inviolabiliter observari;

Clausula Praeservativa.

§ 14. Et ita per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane, si secus super his a quocumque, quavis auctoritate, scienter vel ignoranter, contigerit attentari. Rogamus quoque et hortamur

Clausula subditi.

attente charissimum in Christo filium nostrum Ludovicum Francorum regem christianissimum, quatenus congregationem fratrum Discalceatorum Reformatorum huiusmodi, pro sua in Deum pietate, ac in nos et hanc sanctam Sedem observantia, habens propensius commendatam, illam benigno favore et gratia prosequatur.

Exequutorum
deputatio.

§ 15. Quocirca venerabilibus fratribus archiepiscopis, episcopis, ac aliis locorum Ordinariis dicti regni per praesentes committimus et mandamus, quatenus ipsi, vel duo, aut unus eorum, per se, vel alium, seu alios, praesentes litteras et in eis contenta quaecumque, ubi et quando opus fuerit, ac quoties pro parte fratrum Discalceatorum huiusmodi fuerint requisiti, solemniter publicantes, eisque in praemissis efficacis defensionis praesidio assistentes, faciant auctoritate nostra praemissa omnia ab omnibus, ad quos spectat et in futurum spectabit, firmiter observari; non permittentes illos desuper a quocumque quavis auctoritate quomodolibet indebite molestari; contradictores quoslibet et rebelles per censuras et poenas ecclesiasticas, aliaque opportuna iuris et facti remedia, appellatione postposita, compescendo, invocato etiam ad hoc, si opus fuerit, auxilio brachii secularis.

Derogatio
contrariorum.

§ 16. Non obstantibus constitutionibus et ordinationibus apostolicis, ac Ordinibus et congregationis huiusmodi, etiam iuramento, confirmatione apostolica, vel quavis firmitate alia roboratis, statutis et consuetudinibus, privilegiis quoque, indultis et litteris apostolicis, eidem Ordini et congregationi, illorumque superioribus et personis, sub quibuscumque sententiis et formis, ac cum quibuscumque etiam derogatoriis derogatoriis, aliisque efficacioribus et insolitis clausulis, necnon irritantibus et aliis decretis, in genere vel in specie, ac aliis in contrarium praemissorum quomodolibet concessis, confirmatis

et innovatis. Quibus omnibus, eorum tenores praesentibus pro expressis habentes, illis aliter in suo robore permansuris, hac vice dumtaxat specialiter et expresse derogamus, ceterisque contrariis quibuscumque.

§ 17. Volumus autem, ut praesentium transumptis, etiam impressis, manu notarii publici subscriptis, et sigillo alicuius personae in dignitate ecclesiastica constitutae munitis, eadem prorsus fides ubique adhibeatur, quae ipsis praesentibus adhiberetur, si forent exhibitae vel ostensae.

Fides transumptorum.

Datum Romae, apud S. Mariam Maiorem, sub annulo Piscatoris, die XXI iulii MDCXXVIII, pontificatus nostri anno v.

Dat. die 21 iulii 1628, pontif. anno v.

CCXCVI.

Ordinationes et leges servandae in electione magni magistri hospitalis sancti Ioannis Hierosolymitani¹.

Urbanus Papa VIII,
ad futuram rei memoriam.

In specula militantis Ecclesiae, nullo meritorum suffragio, sed per abundantiam divinae gratiae constituti, inter cetera, quibus iuxta creditum humilitati nostrae apostolatus officium iugiter angimur, illa nos maxime sollicitos reddunt, ut eorum, qui ad primaria in militiis regularibus munia assumendi sunt, electiones certis legibus celebrentur, et, omni perturbatione semota, feliciter perficiantur.

Exordium.

§ 1. Quare certam legem et formam in electione magni magistri hospitalis san-

Certam legem praescribere volens ista

¹ Huius hospitalis materiam vide in Const. xv, Anastasii IV, *Christianae*, tom. II, pag. 618. Et etiam huius Pontif. Constit. XLV (in h. ed. LI), *Universalis*, sup. pag. 134, qua confirmavit omnia privilegia ei quomodolibet concessa. Et in alia pariter Constitutione *Exponi*, hic supra pagina 642.

Pontifex in electione magni magistri prohibet ne locumtenens a quocumque electus in actus gratiam concernentes se intromittat, sed quae ad iustitiam tantum pertinent exerceat. Et alia statuit, ut infra.

eti Ioannis Hierosolymitani celebranda praescribere volentes, motu proprio et ex certa scientia ac matura deliberatione nostris, deque apostolicae potestatis plenitudine, hac nostra perpetuo valitura constitutione prohibemus et interdiciamus, ne de cetero ullus locumtenens, a pro tempore existente dicti hospitalis magno magistro, vel, sede magistrali vacante, a consilio status, seu completo, iuxta formam statutorum seu stabilimentorum dicti hospitalis, auctoritate apostolica confirmatorum, deputatus vel electus, cum quovis fratre milite dicti hospitalis, seu alia quavis persona ad habitum fratrum dicti hospitalis admitti petente, super cuiuscumque generis impedimento vel defectu, etiam in vim quorumcumque privilegiorum seu facultatum eadem auctoritate concessorum seu confirmatorum, dispensare, aut alias gratias quovis praetextu facere, minusque litteras apostolicas magno magistro praedefuncto directas exequutioni demandare, aut alios quosvis actus gratiam concernentes, sub poena privationis vocis activae et passivae eo ipso incurrenda, facere audeat vel praesumat; volentes, et expresse praecipientes, ut ipse locumtenens ea solum, quae ad meram iustitiam pertinent, exercere valeat; alioquin omnia et singula, per eum contra praesentium tenorem quomodolibet gesta, irrita et inania, nulliusque roboris et momenti existant; sicque dispensati et alii quicumque exequutionis litterarum praedictarum, necnon gratiarum, eis sic, ut praefertur, a locumtenente huiusmodi factarum, usu et effectum careant, et alias in eodem statu, in quo antea erant, non secus, ac si cum eis super suis impedimentis vel defectibus dispensatum, gratiaeque eis concessae, ac litterae apostolicae huiusmodi exequutioni demandatae non fuissent, remaneant.

De pecuniis aerario communi debitae sede

§ 2. Occurrente autem sedis magistralis vacatione, tres eiusdem hospitalis fratres

milites, fide et facultatibus idonei, per locumtenentes et consilium praefatos deputentur, ut in ipsorum sic deputatorum manibus pecuniae per debitores communis aerarii, vacatione praefata durante, in numerata pecunia realiter et cum effectum solvantur et numerentur. Solventes vero solutionum huiusmodi quietantias ab ipsis deputatis reportent; qui quidem deputati statim, sequuta magni magistri electione, pecuniarum per eos receptarum et exactarum rationem reddere, pecuniasque ipsas magno magistro, canonice electo, seu thesaurario, vel aliis ministris, ad quos de iure et ex forma statutorum seu stabilimentorum huiusmodi spectabit, consignare et restituere teneantur, aliterque factae solutiones nullatenus solventibus suffragentur, quin adhuc communis aerarii, ad effectum non ferendi suffragium, debitores censeantur.

§ 3. Praeterea, ne ullus dicti hospitalis frater, sive miles, sive cappellanus, sive armorum serviens, et extra limites natus cum quo super defectu limitum dispensatum sit, nullusque frater cappellanus, actu sacerdos non existens, minusque nullus frater serviens, qui ex mera gratia, nullis factis probationibus, receptus fuerit, in electione magni magistri, aut in quovis alio actu illam concernente, etiam cuiusvis privilegii a Sede Apostolica obtenti, vel consuetudinis etiam immemorabilis¹, aut quovis alio praetextu, ingenio vel colore, votum vel suffragium ferre, nec etiam passivum habere, seu in ea quomodolibet se intromittere vel immiscere audeat vel praesumat, aut privilegio vel consuetudine huiusmodi, sive² quibusvis aliis gratiis, sibi specialiter, etiam auctoritate apostolica, desuper concessis, uti possit aut valeat; exceptis tamen venerabili fratri episcopo

Militia nati extra limites non se ingerant in electione magni magistri, nec ferant suffragium, ex epistola episcopi Melavitano, priore consuetudinis ecclesiae, ac fratribus magno crucis.

¹ Male, ut puto, edit. Main. legit consuetudinibus, etiam immemorabilibus (R. T.).

² Perperam eadem legit sine (R. T.).

Melevitano, et dilecto filio priore ecclesiae conventualis eiusdem hospitalis nunc et pro tempore existentibus, necnon quovis alio magnae crucis fratre, quos, licet receptos extra limites, ad suffragium ferendum habiles declaramus, eosque in hac prohibitionis parte, nullatenus comprehendere intendimus, sed eiusdem episcopi, necnon etiam linguae germanicae iura, privilegia et praerogativas, si quae illis aliàs competunt, praeservamus.

Catalogus
vocalium iuxta
hanc Constitutio-
nem conficietur,
ac terminus
praefigatur ad
hoc, ut, si quis
voluerit, contra
aliquem excipere
possit, quo
elapso non au-
diatur.

§ 4. Insuper statuimus, ut ipse locumtenens, unā cum consilio supradicto, quamprimum eorum fratrum, qui iuxta formam praesentis nostrae constitutionis suffragium laturi sunt, notā sive catalogum, cum eorum nominibus, cognominibus, patriis et denominationibus, necnon tempore susceptionis habitus, ac residentiae et caravanarum per eorum quemlibet factarum, confici, illamque in locis publicis, solitis et consuetis, ad hoc, ut si quis se gravatum senserit, aut contra aliquem excipere voluerit, intra terminum, ab eisdem praefigendum, in actis cancellarii seu vicecancellarii, aut cuiusvis alterius ad hoc deputandi, exhibere, et iura sua deducere possit et valeat, affigi curent; quo termino elapso, et nihil opposito, opponere volentes amplius non audiantur.

Locumtenens
et consilium,
sede magistrali
vacante, causas
summarie co-
gnoscant et de-
cidant.

§ 5. Ipsi vero locumtenens et consilium ipsas et quascumque alias controversias, quas, sede magistrali vacante, oriri contigerit, donec ad magni magistri consummatam electionem devenitum fuerit, privative quoad alios quoscumque, summarie, simpliciter et de plano, absque strepitu et figurā iudicii, etiam manu regiā, iuxta tamen eorum statuta, stabilimenta et consuetudines huiusmodi, omni et quacumque appellatione, in integrum restitutione, et aliis quibuscumque exequutionem retardare valentibus, remotis, decidere et terminare etiam possint et valeant.

Modus e

§ 6. Conventus vero et omnes fratres

die et hora solitis in ecclesiā dicti hospitalis congregentur, et missā celebratā, hymnoque *Veni Creator Spiritus* decantato, singuli fratres, ius suffragii vigore praesentium habentes, ad cappellam unicuique linguae, ad id in eadem ecclesiā destinatam seu destinandam, exceptis tamen fratribus illius linguae, ex qua dictus locumtenens extiterit, qui in corpore ecclesiae S. Ioannis remaneant, accedant, ibique praevio iuramento, per eorum singulos altā et intelligibili voce, iuxta formam in statutis seu stabilimentis huiusmodi praescriptam, et de praesenti observandam, deque eligendo eum quem secundum Deum iudicaverint expedire, praestando (quod quidem in omnibus aliis electionibus, vigore earumdem praesentium faciendis, per omnes et singulos suffragium laturos praestari et renovari volumus), non unum, ut antea consueverant, sed tres fratres milites ex unaquaque lingua capaces, ac iuxta praesentium necnon statutorum seu stabilimentorum praefactorum formam qualificados, in electores eligant, ita ut posterum non octo tantum fratres milites, qui in electores deputabantur, sed viginquatuor eligantur; ipsaque trium fratrum cuiuscumque linguae electio per secretas schedulas modo et formā sequentibus fiat; videlicet, quod omnes schedulae, vel impressae, vel unā et eadem manū tantum conscriptae sint, cum expressione eorum omnium quae in similibus electionum schedulis exprimi solent praeter nomina et cognomina seu denominationes eligentium et eligendorum, illaeque super mensā in cappellis et ecclesiā huiusmodi respective apponi, singulique eligentes seorsim et separatim, aliis inde remotis, ad ipsam mensam accedere, et ipsimet in unā proprium nomen seu cognomen aut denominationem, in alterā vero schedulae partibus, illius quem eligere voluerint nomen seu cognomen aut denominationem, pro-

forma eligendi
magnum magi-
strum.

priâ manu, alioquin suffragium sit nullum, scribere debeant. Liceat tamen iis, quibus consilium et locumtenens praefati ex aliqua infirmitatis vel alterius iustae et rationabilis impotentiae causâ id concesserint, nomina, cognomina seu denominationes praefata per alium, ab ipsismet locumtenente et consilio deputandum, describi facere. Quilibet vero eligentium huiusmodi ad mensam praefatam accedens, nominibus seu cognominibus aut denominationibus praefatis in suâ schedulâ, ut praefertur, conscriptis, illam complicit et involvat ad effectum ut a nemine legi possit, eamque sic complicatam et involutam summis digitis elevans, et circumstantibus palam et publice, ad hoc ut unicam esse omnibus pateat, demonstrans, in urnam seu vas in mensâ ad hunc effectum appositum immittat. Quo facto, tres antiquiores, seu magis antiani, tanquam scrutatores palam et publice, omnibus videntibus et audientibus, eligentes et schedulas in urnam seu vas immittas numerent, et ubi pauciores seu plures schedulae numero eligentium repertae fuerint, illico comburantur, et ad novum scrutinium toties deveniatur, donec schedularum numerus eligentium numero coaequetur, illique respondeat, ipsaque trium huiusmodi fratrum militum pro unaquaque lingua electio fiat; illique electi censeantur, qui maiorem suffragiorum numerum respectu minoris habuerint, dummodo singuli quartam saltem suffragiorum partem assequantur. Si vero nemo, sive duo, aut unus dumtaxat ex tribus eligendis hanc quartam suffragiorum partem reportaverit, scrutinium toties renovetur, quoad aliorum qui quartam partem non reportaverint, donec trium numerus cum dictâ saltem quartâ parte compleatur. Qui vero, ut praefertur, electus fuerit a suffragio ferendo pro aliis duobus arceatur, statimque atque electus fuerit, ab ipsâ cappellâ recedat, et ad

locum opportunum se conferat. Quod si locumtenens in dictorum trium numerum eligatur, statim alius locumtenens deputetur, seu magis antianus ipsius consilii inibi existens locumtenentis loco praesideat, prout praedicto consilio expedire videbitur. Quia vero prioratus et aliae dignitates anglicanae linguae magno magistro hospitalis huiusmodi, donec illud regnum ad gremium S. R. E. redierit, apostolicâ auctoritate unitae¹ reperiuntur, unaquaeque lingua successive alium eligat, et ex septem sic electis, viginti et unus supradicti per secreta pillularum suffragia, pro maiori numero eligentium respectu minoris, tres diversarum nationum, Gallicae, videlicet, Hispanicae, Italicae et Germanicae eligant, qui tres ut praefertur electi linguam anglicam repraesentent, illiusque vice et nomine, in electione huiusmodi tantum, suffragium ferant. His peractis, ipsi viginti quatuor, ut praefertur, electi ad locum conclavis se conferant, in quo etiam electio magni magistri, non alibi facienda erit, ibique praesidentem electionis per pillulas secretas, iuxta antiquam dicti hospitalis consuetudinem, hactenus observatam, eligant, qui sic electus, loco dicti locumtenentis, cum prohibitionibus supradictis gratias et alia supradicta non faciendi, praesideat, et ea, quae praesidentes electionis de iure et privilegio, usu vel consuetudine facere et gerere possunt seu debent, gerat et faciat, et subiinde ad electionem triumviratus, nempe unius militis, unius cappellani et unius armorum servientis, fratrum, qui sint diversarum linguarum, iuxta formam scrutinii pillularum superius descripti, usque ad perfectam electionem huiusmodi procedant, ipsâque electione celebratâ, ipsi tres sic electi in conclavi praedicto ad quartam electionem, diversae tamen linguae, unanimis deveniant; si autem intra

¹ Vel unita; ed. Main. h. unite (n. r.).

unius horae spatium concordēs non fuerint, tunc eo casu singuli alium fratrem militem eorum cuilibet benevisum, qui non sit ex eorum linguis, nominent, nominationeque huiusmodi ad viginti quatuor electores relatā, ipsi ad secretum pillularum, pro electione unius ex dictis tribus nominatis scrutinium deveniant, in quo ille, qui maiorem suffragiorum numerum respectu minoris numeri reportabit, pro quarto electus sit et esse censeatur. Quartus autem sic electus ad conclave accedat, et cum aliis tribus ad quinti; quintus vero similiter electus, cum aliis quatuor ad sexti electionem procedat per maiorem suffragiorum numerum; sicque successive, usque ad sextidecimi electionem, videlicet duorum ex unaquaque lingua, iuxta eorum praeceminentias et praerogativas hactenus observatas, quibus praeiudicium inferre non intendimus, deveniatur. Occurrente autem in omnibus electionibus praedictis suffragiorum paritate, magis antianus, et in antianitatis aequalitate, is qui diuturniorem residentiam in conventu, et in residentiae paritate, is qui plures caravanas fecerit, aliis praefatur, electusque sit et esse censeatur. Completā tandem sexdecim praefatorum electione, ipsi sexdecim sic electi (odio, amore et aliis quibuscumque humanis affectibus posthabitis, solumque Deum, illiusque religionis decus ac propagationem prae oculis habentes) ad electionem magni magistri, quem capacem, et pro tanti Ordinis dignitate et utilitate idoneum iudicaverint, iuxta stabilimenta praefata deveniant.

Electionem
si contra hanc
formam sit ir-
ritat et annullat.

§ 7. Quod si electio magni magistri aliter quam in conclavi, et praeviā electione trium fratrum militum uniuscuiusque linguae non receptorum ex gratiā limitum, modo et formā praemissis tam respectu scrutinii et suffragiorum quam linguae anglicanae facienda, et non electo prius uno fratre milite, uno fratre cappel-

lano et alio fratre serviente armorum, ut supra qualificatis, qui usque ad electionem decimisexti, duorum videlicet pro qualibet lingua, iuxta tenorem praesentium procedant, et a sexdecim electis huiusmodi, demumque de alio quam uno ex fratribus militibus, ex eadem limitum gratiā nequaquam receptis, celebrata fuerit, nulla et irrita sit eo ipso, nullumque sortiatur effectum. Quae omnia inviolabiliter observari debere, declaramus.

§ 8. Mandantes propterea dilectis filiis dicti hospitalis magno magistro ac locumtenenti et consilio, omnibusque aliis fratribus, ad quos spectat et pro tempore spectabit, ut praesentes litteras in cancellariā dicti hospitalis recipiant et admittant ac registrent, recipique et admitti ac registrari curent et faciant.

Praesentes
litteras in can-
cellaria dicti
hospitalis reci-
pi registrarique
mandat.

§ 9. Ac decernentes praesentes litteras et in eis contenta quaecumque, etiam ex eo quod ipsius hospitalis magnus magister, conventus et fratres ad praemissa vocati et auditi non fuerint, aut aliā quacumque causā, quantumvis legitimā apparente, de subreptionis vel obreptionis, seu nullitatis vitio, aut intentionis nostrae, vel alio quocumque defectu notari, impugnari, invalidari, infringi, aut in ius vel controversiam revocari, aut ad terminos iuris reduci non posse, sed illa semper et perpetuo valida, firma et efficacia existere et fore, suosque plenarios et integros effectus sortiri et obtinere, ac ab omnibus et singulis eiusdem hospitalis fratribus, ad quos spectat et pro tempore spectabit, inviolabiliter observari;

Clausulae
praeservativae.

§ 10. Sicque per quoscumque iudices ordinarios et delegatos, etiam causarum palatii apostolici auditores, ac S. R. E. cardinales, etiam de latere legatos, sublatā eis, et eorum cuilibet, quavis aliter iudicandi et interpretandi facultate et auctoritate, iudicari et definiri debere, ac irritum et inane, si secus super his a quoquam,

Clausula sub-
latā.

quavis auctoritate, scienter vel ignoranter, contigerit attentari.

Clausulae derogatoriae.

§ 11. Non obstantibus quibusvis constitutionibus et ordinationibus apostolicis, necnon dicti hospitalis (etiam iuramento, confirmatione apostolicâ, vel quavis firmitate aliâ roboratis) statutis et consuetudinibus, etiam immemorabilibus, stabilimentis, usibus et naturis, ac ordinationibus capitularibus, privilegiis quoque, indultis et litteris apostolicis, eidem hospitali, illiusque magno magistro, conventui et fratribus, ac quibusvis aliis personis, etiam particularibus, necnon dispensationibus super quibusvis defectibus, ac sub quibuscumque tenoribus ac formis, et cum quibusvis derogatoriis derogatoriis, aliisque efficacioribus et insolitis clausulis, ac irritantibus et aliis decretis, in genere vel in specie, etiam motu, scientiâ et potestatis plenitudine similibus, ac aliâs in contrarium quomodolibet concessis, confirmatis et innovatis, quas ad effectum praemissorum nemini suffragari posse decernimus. Quibus omnibus et singulis, etiamsi pro illorum sufficienti derogatione de illis, eorumque totis tenoribus specialis, specifica, expressa et individua, ac de verbo ad verbum, non autem per clausulas generales idem importantes, mentio, seu quaevis alia expressio habenda, aut aliqua alia exquisita forma ad hoc servanda foret, illorum omnium tenores praesentibus pro plene et sufficienter expressis habentes, ad effectum praesentium tantum, illis aliâs in suo robore permansuris, motu, scientiâ, deliberatione, ac potestatis plenitudine paribus specialiter et expresse derogamus, ac derogatum esse volumus, ceterisque contrariis quibuscumque.

Publicatio in Urbe et in insula Meleventana omnes obligat.

§ 12. Ut autem praesentium ignorantia allegari aut praetendi nullo modo possit, volumus praesentes seu earum transumptum ad valvas ecclesiae S. Ioannis Lateranensis et basilicae Principis apostolo-

rum necnon in acie campi Florae de Urbe, more solito, deinde per haereticae pravitatis inquisitorem in insulâ Meleventanâ residentem, seu ab eo deputandum, in conventu praefato publicari atque affigi, ipsasque praesentes, sic publicatas, omnes et singulos, ad quos spectat et spectabit quomodolibet in futurum, illico arctare, afficere et obligare, perinde ac si unicuique personaliter intimatae et praesentatae fuissent;

§ 13. Quodque earum transumptis, etiam impressis, manu alicuius notarii publici subscriptis, et sigillo magni magistri, aut alicuius dicti hospitalis magnae crucis, aut alterius personae in dignitate ecclesiasticâ constitutae munitis, eadem prorsus fides in iudicio et extra adhibeatur, quae ipsis praesentibus adhiberetur, si forent exhibitae vel ostensae.

Transumptis vult exhiberi fidem

Datum Romae, apud S. Mariam Maiorem, sub annulo Piscatoris, die xxx iulii MDCXXVIII, pontificatus nostri anno v.

Dat. die 30 iulii 1628, pontif. anno v

CCXCVII.

Confirmatio unionis Congregationis presbyterorum Oratorii B. Mariae¹ Gratiarum in provinciâ Provinciae Congregationi Oratorii D. N. Iesu Christi in regno Franciae².

Urbanus Papa VIII,
ad futuram rei memoriam.

§ 1. Exponi nobis nuper fecerunt presbyteri Congregationis Oratorii loci Beatae Mariae Gratiarum Foroiubensis diocesis in provinciâ Provinciae, quod congregatio praedicta ad instar congregationis Oratorii Beatae Mariae in Vallicella de Urbe a felicitis recordationis Clémentis Papa VIII

Congregatio beatae Mariae Gratiarum instituta fuit ad instar Congregationis Vallicellanae.

¹ Perperam edit. Main. in rubricâ legit *bonae memoriae* (R. T.).

² Ex Regest. in Secret. Brev.

praedecessore nostro erecta et instituta fuit.

Ac deinceps se
univit Congrega-
tionem Oratorii
Domini nostri
Iesu Christi.

§ 2. Postmodum vero primodictae congregationis presbyteri, animadvertentes, ob exiguum presbyterorum primodictae congregationis numerum, eandem primodictam congregationem manuteneri et pia peregrinorum, e diversis partibus ad ecclesiam primodictae congregationis magno numero confluentium, devotioni satisfieri non posse, de anno MDCXV a dilecto filio nostro Petro S. R. E. presbytero cardinali Berullo nuncupato, tunc in minoribus constituto et Congregationis Oratorii Domini Nostri Iesu Christi in regno Franciae canonice institutae praeposito generali, petierunt se uti membrum et domum ultimodictae congregationis huiusmodi eidem ultimodictae congregationi huiusmodi uniri, annecti et incorporari, ita tamen, ut eorum domus esset et censeretur secunda totius ultimodictae congregationis huiusmodi, omnibusque privilegiis, gratiis, facultatibus et indulgentiis eidem ultimodictae congregationi ab hac Sancta Sede concessis frueretur et gauderet. Unde dictus Petrus cardinalis, pio⁴ presbyterorum praedictorum desiderio satisfacere desiderans, eandem congregationem Beatae Mariae Gratiarum praedictae Congregationi Oratorii Franciae, reservato nostro et Sedis Apostolicae beneplacito, univit, annexuit et incorporavit.

Quam unio-
nem petitur apo-
stolica auctori-
tate validari.

§ 3. Cum autem, sicut eadem expositio subiungebat, presbyteri praedicti plurimum cupiant, unionem, annexionem et incorporationem praedictas, pro illarum validitate et subsistentia, apostolicae nostrae confirmationis robore communiri:

Confirmatur.

§ 4. Nos, eosdem presbyteros specialibus favoribus et gratiis prosequi volentes, et eorum singulares personas a quibusvis excommunicationis, suspensionis et interdicti, aliisque ecclesiasticis sententiis, cen-

1 Perperam ed. Main. legit pro (R. T.).

suris et poenis, a iure vel ab homine, quavis occasione vel causa latis, si quibus quomodolibet innodatae existant, ad effectum praesentium dumtaxat consequendum, harum serie absolventes et absolutas fore censentes, supplicationibus illorum nomine nobis super hoc humiliter porrectis inclinati, unionem, annexionem et incorporationem Congregationis Oratorii Beatae Mariae Gratiarum eidem Congregationi Oratorii Domini Nostri Iesu Christi, cum omnibus privilegiis, gratiis, facultatibus et indulgentiis huiusmodi, per dictum Petrum cardinalem, ut praefertur, factas, dummodo tamen privilegia, facultates, gratiae et indulta huiusmodi sint in usu et non sint revocata, neque sub aliquibus revocationibus comprehensa, sacrisque canonibus et Concilii Tridentini decretis ac constitutionibus apostolicis non adversentur, apostolica auctoritate, tenore praesentium, approbamus et confirmamus, illisque inviolabilis apostolicae firmitatis robur adiicimus, ac omnes et singulos tam iuris quam facti defectus, si qui desuper quomodolibet intervenerint, supplemus.

Clausulae.

§ 5. Decernentes unionem, annexionem et incorporationem huiusmodi necnon praesentes litteras semper validas, firmas, et efficaces existere et fore, suosque plenarios et integros effectus sortiri et obtinere, ac dictae congregationis Oratorii Beatae Mariae Gratiarum in omnibus et per omnia plenissime suffragari; sicque per quoscumque iudices ordinarios et delegatos, etiam causarum palatii apostolici auditores, iudicari et definiri debere, ac irritum et inane si secus super his a quoquam, quavis auctoritate, scienter vel ignoranter, contigerit attentari.

Obstantium
derogatio.

§ 6. Non obstantibus constitutionibus et ordinationibus apostolicis, necnon congregationum praedictarum, etiam iuramento, confirmatione apostolica, vel quavis firmitate alia roboratis, statutis et consue-

tudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis, illorum tenores praesentibus pro plene et sufficienter expressis et ad verbum insertis habentes, illis alias in suo robore per-

mansuris, hac vice dumtaxat specialiter et expresse derogamus, ceterisque contrariis quibuscumque.

Datum Romae, apud S. Mariam Maiorem, sub annulo Piscatoris, die III augusti MDCXXVIII, pontificatus nostri anno V.

Dat. die 3 augusti 1628, pontif. anno V.

INDEX

NOMINUM ET RERUM PRÆCIPUARUM.

NUMERUS PAGINAM INDICAT; *a* PRIMAM COLUMNAM; *b* SECUNDAM DESIGNAT.

A

- Abbatissis (de) ecclesia collegiata S. Ioannis Vicensis dioecesis 102 *b*; illius ordinarius non est archipresbyter sed episcopus, *ibid.*
- Adolphus comes ab Althan Militiae Christianae studet instituendae, 114 *b* et *seq.*
- Ægidius Camart corrector generalis Ordinis Minimorum, 156 *b.*
- Ærarius sanctorum in Arce S. Angeli a Sixto PP. V institutus 408 *b*; claves illius quo diligentius custodiantur statuta decreta leguntur, 409 *a.*
- Æthiopibus Christianis iubilaeum concessum, 392 *b* *seq.*
- Alexander episcopus Campaniensis Sedis Apostolicae apud Helvetios nuncius, 101 *a.*
- Alexander episcopus Lucanus, 466 *a*; Ei commissum, ut ministros reipublicae Lucensis absolvat a censuris, in quas incurrerant ob exactum ab ecclesiasticis vectigal, 466 *b*; et clero concedat facultatem conveniendi cum antianis reipublicae super executione et solutione nonnullorum vectigalium 467 *b.*
- Aloysius de las Infantas et Saavedra, 103 *b*; petit confirmari decretum de privilegio fori clericorum, 104 *a.*
- Aloysius Trottus magister peditum Italicorum exercitus Hispanici, 609 *b.* Fortalitia Vallis Tellinae a Torquato de Comitibus Papae delegato Hispaniarum regis nomine recipit, *ibid.*
- Alphonsus Manzanedo sacrae Rotae auditor, 24 *a.*
- Anconitani, 328 *b.* Is duas tertias partes pecuniarum ex maleficiis, muletisque provenientium concessit Paulus Papa V. *ibid.* Quod ab Urbano VIII confirmatur, 331 *a.*
- Andreae (S.) de Frattis conventus Minimorum S. Francisci de Paula Romae, 53 *a* et *seq.*

- Andreas du Val doctor Parisiensis assistens Rolandi archiepiscopi Bituricensis praesidis capituli generalis Tertiariorum Reformatorum in Gallia, 512 *a* et *seq.*
- Andreas (Ven.) de Avellino Beatorum numero adscriptus, 331 *b* et *seq.*
- Anglica congregatio Nigrorum nuncupatorum Ordinis S. Benedicti, 478 *b*. Declaratur eam esse veram congregationem, *ibid.*
- Annatae, quindennia et alia iura solvenda camerae apostolicae, 161 *b* et *seq.*
- Annonae copia quomodo procuranda, 294 *a* et *seq.*
- Antonii (S.) de Padua collegium fratrum Minorum Conventualium Pragae institutum confirmatur, 867 *b*.
- Antonii (S.) de sancto Antonio hospitale Viennense, 386 *b*; eximitur ab Ordinariorum iurisdictione, *ibid.* Nuncius Apostolicus in regno Neapolis deputatur perpetuus praeceptoriae huius Ordinis extra portam Capuanam sitae conservator, 503 *b*.
- Antonius cardinalis Atrebatensis, 438 *a*.
- Antonius cardinalis Barberinus, Urbani VIII frater germanus, statuta pro archivio Urbano efformat, 389 *a*. Delegatur ad Urbini ducatus capiendam possessionem cum facultatibus opportunis, 499 *b* et *seq.* Aliae facultates hanc ad rem eidem concessae, 564 *a*. A ratione reddenda eximitur, 500 *b*.
- Antonius de Monte cardinalis Papiensis in Umbria de latere legatus, 375 *b*. Statuta nonnulla edit pro universitate Perusina, *ibid.*
- Antonius de Paula magnus magister hospitalis S. Ioannis Hierosolymitani, 642 *b*.
- Antonius Mascarenhas commissarius generalis Cruciatæ in regno Portugalliae, 462 *b*. Nonnihil attentat contra auctoritatem S. Sedis, *ibid.* Suspectus de erroneis propositionibus in praeiudicium auctoritatis Sedis Apostolicae, 464 *a*.
- Apostatae et electi ab Ordinibus regularibus, quomodo tractandi, 202 *b* et *seq.*
- Arborensis episcopus admonetur a Pontifice ut seminarium in sua dioecesi instituat, 199 *a* et *b*.
- Archidiaconus visitans dioecesim nomine episcopi non lucratur distributiones quotidianas, sed solummodo fructus praebendae, 420 *a*.
- Archivium generale Romae institutum, 387 *b* et *seq.* Urbanumque appellatum, 388 *b*. Eius conservatoris munus et privilegia, 390 *a*.
- Archivium sacri collegii cardinalium in Urbe instituitur, 402 *a* et *seq.*
- Argentiniensis et Passaviensis ecclesiae administratori interdicitur quominus feuda ecclesiarum locet haereticis, 79 *b*.
- Asconae seminarium Comensis dioecesis archiepiscopo Mediolanensi tamquam administratori subiectum, 123 *b*, 124 *a*.
- Atrebatensi episcopo iurdictio super capitulum ad formam Concilii Tridentini tribuitur, 75 *b*; necnon cognitio causarum criminalium clericorum suae dioecesis, 108 *a*.
- Atrebatensis ecclesia, 75 *b*. Episcopo attributa iurdictio in capitulum ad formam Concilii Tridentini, *ibid.* Necnon cognitio causarum criminalium clericorum suae dioecesis, 108, *a*. *Plura Congregationis Concilii decreta super aliis materiis iurisdictionalibus. Vide ibid.*
- Augustinus cardinalis Veronensis edit libellum de *laetitia christiana* quem *Philippum* inscribit, 18 *b*.

Augustinus Mascardus rhetoricae professor in publico Urbis gymnasio, 658 *a*.
Aulicorum confraternitas Romae instituta, 236 *b*, *vide* Confraternitas.
Avis (de) militia S. Benedicti, *vide* Militiae.

B

Baronius (card.) Caesar, *vide* Caesar.
Bellorum tumultus per Europam, 305 *b*; ipsorum occasione publicae preces iudicuntur, 306 *a*.
Benedicti (S.) de Avis militia, *vide* Militiae.
Benedictinis mandatur, ut missali ac breviario a Paulo V approbatis utantur, 435 *b*.
Berlingerus episcopus Ariminensis, 268 *a*. A Francisco Urbini duce ducatus gubernator deputatur, *ibid*. Ei committitur ab Urbano VIII ut eveniente ducis obitu, ducatus possessionem Sedis Apostolicae nomine capiat, 268 *b*. Iuramentumque fidelitatis recipiat, 269 *a*.
Bernardus (S.), 385 *b*. Eius festum celebrari de praecepto in dominiis Reipublicae Genuensis statuit Urbanus VIII, *ibid*.
Bibliothecae fratrum Praedicatorum, 448 *b*; vetitum ne ex iis libri extrahantur, *ibid*. Similis prohibitio pro bibliotheca Genuensi Minimorum S. Francisci de Paula, 283 *a*.
Boëmia regni calamitates, 551 *a*. Collegium Pragae erectum pro adolescentibus Germanis, 551 *b*.
Bonaventurae (S.) Collegium fratrum Minorum Conventualium Pragae institutum confirmatur sub nomine S. Antonii de Padua, 367 *b*.
Bononiae ecclesiastici tum seculares tum regulares ad onera et vectigalia publica concurrere debent, 154 *a* et *b*; excipiuntur milites S. Ioannis Hierosolymitani, 154 *a* et 155 *a*.
Bononiensi legato ius assertum super arma suae provinciae, 189 *a*.
Bononiensis commenda hospitalis S. Ioannis Hierosolymitani erigitur in baiulivatum, prioratum nuncupandum, 92 *b*. et *seq*.
Bormii comitatus, Vallis Tellinae et oppidi Chiavennae propugnacula in manibus Sedis Apostolicae titulo depositi consignata, 424 *a*, 483 *b*; deinde regi catholico restituta, 609 *b*.
Brittonoriensis Ecclesia, 524 *a*, nonnulla castra ei asserta, *ibid*.
Bulgarorum adolescentes sex per eleemosynarium secretum Pontificis in Urbe sustentabantur, 544 *a*; admittuntur in collegio Illyricorum Laureti, *ibid*.
Bulla Cruciatæ, *vide* Cruciatæ.
Bulla in Coena Domini, 530 *b* et *seq*. Facultas absolvendi a casibus in illa reservatis non cadit in suspensione facultatum occasione anni sancti, 328 *a*.
Bursfeldensis Congregationis Ordinis S. Benedicti seminarium Coloniae institutum, 485 *a* et *seq*.

C

- Caeremoniale in electione Romani Pontificis servandum, statutum a Gregorio XV confirmatur ab Urbano VIII 429 a.
- Caesar cardinalis Baronius, 15 a; S. Philippo auctore *Annales ecclesiasticos* scribendos suscipit *ibid.*; ab ipso ab infirmitate sanatur, 18 a.
- Calabri, pro ipsis collegium in Urbe instituitur, 54 a.
- Calaguritanus episcopus revocet ea quae gessit contra clerum ipsius dioecesis, 266 a.
- Calaritanæ et Turritanæ, seu Sassarensis, civitatum dissidia et odia 285 a; ad ea tollenda Paulus V cavet ne beneficia unius civitatis darentur oriundis ex altera 285 b; discordiæ maiores inde exortæ 288 a; Urbanus VIII litteras Pauli V revocat 289 a.
- Calatrava (de) militia 434 b; venditio cuiusdam villæ praeceptoriam seu commendam huius militiae spectantis rescinditur, 435 a.
- Camaldulensium Congregatio, 508 b. Statuta pro satisfactione onerum missarum in ecclesia sancti Gregorii de Urbe, *ibid.* Prior huiusce monasterii censetur procurator generalis totius Congregationis, 510 a.
- Camera apostolica, 222 b. Gratiae omnes, exemptionesque in eius praeiudicium concessas revocavit Urbanus VIII, 223 a et seq.
- Camillus Perinus primus archivii Urbani conservator, 390 a.
- Cancellariae Apostolicae regulae, 152 b et seq.
- Canonici regulares S. Crucis in regno Portugalliae *vide* Congregatio.
- Canonici regulares S. Salvatoris in Lotharingia *vide* Congregatio.
- Canonicus archidiaconus ab episcopo pro visitanda dioecesis electus fructus suae percipere praebendae potest, amissis tamen distributionibus quotidianis, 420 a.
- Capitula ecclesiarum quibus praesunt cardinales non possunt praetendere ullum ius ad indultum ipsis cardinalibus concessum conferendi beneficia ecclesiastica reservata, 490 a.
- Cardinales, 402 b. Duos clericos pro custodiendis pertinentibus ad eos scripturis praeficiunt, *ibid.*, deinde clerici Itali officium instituerunt, 404 b. Archivium sacri collegii cardinalium institutum ab Urbano VIII in palatio Vaticano, 405 b et seq.
- Cardinales fruuntur indulto conferendi beneficia S. Sedi affecta illarum ecclesiarum, quibus praesunt, 489 b et seq. Huiusmodi indulto uti possunt solum ratione ecclesiarum quibus praesunt, vel quarum regimini ultimo loco cesserunt, 490 b et seq., exceptis ecclesiis quibusdam quarum ius retinent cumulative cum aliis quibus praesunt vel quas ultimo dimiserint, 491 a. Capitula ecclesiarum quibus praesunt cardinales non possunt sede vacante ius praetendere ad indultum huiusmodi, 490 a.
- Cariatense seminarium erectum, 233 b.
- Carmelitae moniales Discalceatae regni Franciae, 85 b. Litterae Gregorii XV circa ipsas confirmantur ad Urbano VIII, *ibid.* Ipsarum causa contra episcopum Leonensem defenditur, 362 b.

- Carolus archidux Austriae ecclesiarum Brixienſis et Wratislaviensis, dum vixit, administrator, 492 a; collegium Societatis Iesu in oppido Nissae cum universitate studii generalis erigit, 492 a.
- Carolus Barberinus Urbani VIII frater germanus, 140 a; pontificiarum copiarum gubernator generalis et arcium Perusinae et Anconitanae praefectus, 141 b. Item, 424 a et 483 b.
- Carolus Emmanuel cardinalis Pius, 404 b.
- Carolus Gonzaga dux Nivernensis postulat pro S. Philippi Nerii canonizatione, 11 b; Militiam Christianam instituendam curat, 114 b et seq. Illi data facultas directores illius militiae eligendi usque ad capitulum generale, 117 a.
- Carolus Lotharingiae dux, 453 b et 645 a.
- Carolus (S.) Borromaeus prae veneratione genua flectit ante Philippum Nereum, illiusque osculatur manus, 18 b.
- Castrum Podii Hibernorum excipitur a devolutione ducatus Urbini ad Sedem Apostolicam, 180 a, et 181 b, 268 a et *alibi*.
- Casus reservati Sedi Apostolicae et in Bulla Coenae Domini, 327 b. Facultas absolventi ab illis non censetur suspensa in anno iubilaei, 328 a.
- Castellae et Legionis regnorum ecclesiastici super solutione decimae a Romano Pontifice concessae Philippo IV Hispaniarum regi catholico concordiam cum ipso rege ineunt, 343 b et seq.; quam confirmat Urbanus VIII, 349 a et seq.
- Cathaloniae principatus, 383 b. Abusus immunitatis ecclesiasticae ibi corriguntur, *ibid*.
- Catharina a Lotharingia abbatissa monasterii de Romaricomonte, 453 b, et 645 a.
- Catharina Caroli Gonzagae ducis uxor postulat pro S. Philippi Nerii canonizatione, 12 b.
- Cathecumenorum ecclesia et domus in Urbe, 477 a. Deputati ad eius regimen possunt notarios cogere ad aperienda et ostendenda testamenta, 477 b.
- Cathedrales ecclesiae, quinam servandi processus inquisitionis in eos qui ad illas promovendi sunt, 581 b et seq.
- Celebratio missarum, plura de hac re decreta leguntur, 336-342.
- Ceritaniae et Rossillionis comitatus, 383 b; abusus immunitatis ecclesiasticae corriguntur, 384 a et seq.
- Chiavennae oppidi, comitatus Bormii, et Vallis Tellinae propugnacula in manibus Sedis Apostolicae reposita, 424 a; 483 b; et a Sede Apostolica regi catholico restituta, 609 b.
- Christiana Cosmi II mater magni Hetruriae ducis postulat pro S. Philippi Nerii canonizatione, 42 a.
- Christierna a Lotharingia magnae Hetruriae ducissa, 456 b et 539 a.
- Clara (B.) de Monte Falchio, 193 a. Fratribus Ordinis Eremitarum S. Augustini concessum indultum de ea missam celebrandi et recitandi officium, *ibid*.
- Claudius Guillain presbyter Societatis Iesu assistens archiepiscopi Bituricensis praesidis capituli generalis Tertiariarum Reformatarum in Gallia, 512 b.
- Claves aerarii sanctoris *vide* Aerarius sanctior.
- Clericus, quamvis servitio peculiaris ecclesiae non sit addictus, fori privilegio gaudet, dummodo incedat in habitu et tonsura, 104 a. Sine Ordinarii sui litteris dimissorialibus promotus suspensionis poenam incurrit, 264 b.

- Collegium Hibernorum in oppido Lovanii erectum, 266 *b*.
- Collegium Illyricorum Laureti institutum, 341 *b*. Ex quibus provinciis ac dioecesisibus alumni sint seligendi, 342 *a*. Eorum privilegia, 343 *b* et *seq*. Illius regimen committitur presbyteris Societatis Iesu, 344 *a*.
- Collegium pro Calabria in Urbe instituitur, 34 *a*.
- Coloniensis universitas, 171 *b*. Eius rector gaudet indulto praesentandi ad canonicatus ecclesiarum illius civitatis in mensibus Sedi Apostolicae reservatis, *ibid*. Lectores vero sic praesentati possunt per substitutos servitio ecclesiae satisfacere, 176 *a*. Canonicatus autem nonnisi in manibus Papae possunt resignari, 176 *b*.
- Coloniensis civitas, 483 *a*. Seminarium pro monachis Ordinis S. Benedicti congregationis Bursfeldensis in ea erectum, *ibid*.
- Commenda Bononiensis hospitalis S. Ioannis Hierosolymitani erigitur in baiulivatum prioratum nuncupandum 92 *b* et *seq*.
- Clemens PP. IV prohibuit quominus quis extra suam dioecesim absque Ordinarii sui dimissorialibus sacris initiaretur, 264 *a*, quam constitutionem innovat Urbanus VIII, 264 *b*.
- Clementis PP. VIII decreta pro regularium reformatione innovantur et declarantur, 202 *b* et *seq*.
- Coenae Domini Bulla, 330 *b* et *seq*. Facultas absolvendi a casibus in illa reservatis non suspenditur anno iubilaei, 328 *a*.
- Communione Hierarchiae plenitudinis aetatis Iesu Christi confraternitas in Hungaria instituta, 319 *b*. In archiconfraternitatem erigitur, *ibid*. Indulgentiae confratribus concessae, 320 *a*.
- Communione Paschalis praecepto non satisfacit qui communionem non sumit in sua parochia, 499 *a*.
- Conclavistarum privilegia, 1 *b* et *seq*. Nomina eorum qui inservierunt conclavi in quo electus fuit Urbanus PP. VIII, 7 *b* et *seq*.
- Confessarius ab episcopo approbatus potest a successore examinari, 498, *b*.
- Confraternitas Aulicorum apud ecclesiam S. Nicolai ad Caesarinos de Urbe instituta, 236 *b*. Gratiae spirituales, temporalesque ei concessae, 237 *a* et *b*. Transferitur ad ecclesiam S. Laurentii in Fonte, 664 *b* et *seq*.
- Confraternitas Musicorum Romae in ecclesia Congregationis clericorum regularium S. Pauli Decollati erecta, 243 *a*. Eius statuta confirmantur, 243 *b*. Quaedam istorum declaratio et revocatio, 307 *b* et *seq*.
- Congregatio Caelestinorum iisdem fruitur privilegiis, quae ceteris monachorum congregationibus, ac praesertim Cassinensi concessa sunt, 194 et *seq*. Abbas generalis functiones omnes facere potest, quas ceteri faciunt abbates, et in suae Congregationis ecclesiis pontificalia potest exercere, 196 *b*. Constitutiones pro huius Congregationis regimine editae confirmantur, 471 *a* et *b*.
- Congregatio Canonicorum Regularium S. Crucis regni Portugalliae, 368 *b*. Bulla cruciatae quoad facultatem sibi eligendi confessarium ipsis non favet, 369 *a*.
- Congregatio Canonicorum Regularium S. Salvatoris in Lotharingia, 401 *a*. Reformatur, *ibid*.
- Congregatio Cassinensis sanctae Iustinae de Padua, 661 *a*. Definidores quomodo

- sint eligendi et quoto tempore officium gerere debeant, 661 *b*. Diota quale ius habeat super abbates, 662 *a*.
- Congregatio Clericorum Regularium Ministrantium Infirmis, 105 *a*. Professi, antequam ad sacros ordines promoveantur, ex domorum redditibus, in quibus a superiore generali collocantur, debent sustentari, 105 *b*. Congregatio Clericorum regularium ministrantium infirmis in quinque provincias divisa, 660 *a*. Praefectus generalis et consultores quomodo sint eligendi, *ibid.*
- Congregatio Clericorum Regularium Minorum in duas dividitur provincias, 522 *b*.
- Congregatio Clericorum Regularium Theatinorum, 332 *a*. Eius presbyteris concessum indultum missam de B. Andrea Avellino celebrandi, et recitandi de eo officium, *ibid.* *b*.
- Congregatio fratrum Ioannis Dei, 142 *b*. Nihil solvendum esse episcopis pro ratione exhibenda bonorum, eleemosynarum, etc. decrevit S. Congregatio Concilli anno mdcxxiv, 143 *a*. Privilegia omnia eidem confirmantur, 169 et *seq.* Presbyteri non possunt missarum eleemosynas accipere, aut ad Ordinis dignitates promoveri, 324 *a*; Nonnisi post decimum ab emissa professione annum, praevisque tantum examinatorum litteris testimonialibus sacris ordinibus initiari possunt, 325 *a* et 659 *a*. Decisio controversiae supra praecedentia inter confratres Ioannis Dei et fratres Ordinum Mendicantium, 617 *a* et *b*. Presbyteris quae officia committi queant, 659 *a*.
- Congregatio Monachorum Ordinis S. Benedicti Helvetiorum ab Ordinariis iurisdictione exempta, 138 *a*.
- Congregatio Oratorii Aquensis in Provincia, unitur congregationi Oratorii Parisiensi 461 *b*.
- Congregatio Oratorii Parisiis erecta, 46 *a*. Ei unitur monasterium B. Mariae de Castellariis Ordinis Cisterciensis, *ibid.* Et communicantur privilegia Congregationi Romanae concessa, 273 *b*. Eidem unitur Congregatio Oratorii Aquensis, 461 *b*.
- Congregatio super confinibus Status Ecclesiastici ab Urbano VIII instituta, 600 *a*. Causae ab ea cognoscendae, 600 *b*.
- Congregatio (S.) Concilii decernit clericos, qui incedunt in habitu et tonsura gaudere privilegio fori, licet servitio peculiaris ecclesiae non sint addicti, 104 *a*. Decreta ipsius pro reformatione Regularium, *vide* 207 *a* et *seqq.* Decreta etiam super celebratione missarum, earumque oneribus satisfaciendis, *vide* 336 *b* et *seqq.* Sequuntur dubia et declarationes edita super decretis eiusdem congregationis de celebratione missarum, 340 *seqq.* Decernit sede episcopali vacante duos vicarios capitulares eligi non posse, 363 *b*. Declarat episcopum posse in regulares, qui curam animarum secularium exercent in sua diocesi, eadem auctoritate uti qua in parochos seculares quoad ea quae dictam curam concernunt, 458 *a*, eosque compellere censuris et poenis a quibus absolvi non possunt a suis superioribus 458 *b*; et regulares etiam in Indiis subesse visitationi et correctioni episcopi in his quae ad dictam curam pertinent 537 *b*. Ipsius decreta circa matrimonium contrahentes et domicilium mutantes, 591 *b*.
- Conradus (S.) Tertii Ordinis S. Francisci, 370 *a*.
- Conventus novi non erigendi sine licentia Ordinarii, 200 *a*; et licentiae contrariae revocantur, *ibid.*

Cosmus II magnus Etruriae dux postulat pro causa canonizationis S. Philippi Neri, 11 *b*.

Cremonensis clerus cum nonnullis emphyteutis concordiam init super solutione livellorum ecclesiasticorum, 474 *b*.

Cretensis archiepiscopus deputatur visitator totius insulae Cretae, 82 *b*; et iterum, 140 *b*.

Cruciatae privilegia in Hispaniis ad ecclesiasticos extenduntur, 163 *b*. Commissario data facultas litteras apostolicas cruciatae typis publicandi, 257 *a*.

Cruciatae indulgentiae non comprehenduntur in suspensione indulgentiarum occasione anni iubilaei, 221 *a* et *seq*. Cruciatae redditus in Hispania colligendi deputantur fabricae basilicae Principis Apostolorum, 283 *b*.

Crucis (S.) canonicorum regularium congregatio *vide* Congregatio.

D

Dapiferorum conclavis privilegia, 86 *b* et *seqq*.

Dataria Apostolica, 526 *b*. officium praefecti computorum suppressum, *ibid.* officiumque simplicis pecuniarum receptoris substitutum, 528 *b*.

Didacus episcopus Iaponensis, 525 *a*; Ei commissa facultas procedendi contra regulares non parentes nonnullis decretis sacrae Congregationis de Propaganda Fide, 525 *b*.

Didacus Quizai (ven.) unus e tribus Martyribus Societatis Iesu in regno Iaponiae passis pro Christo, 595 *a*.

Dimissoriae Ordinarii necessariae ut quis extra dioecesim suam sacris ordinibus initietur, 264 *a* et *b*.

Diomedes Varesius Marchiae Anconitanae gubernator, 182 *a*, et 295 *a*, 296 *b*, et 358 *a*. Ei data potestas quoscumque cogendi ad frumentorum exhibendam notam, bannitosque absolvendi, dummodo a patrati delicti loco abstineant, 297 *a*. Datum illi in mandatis de possessione capienda ducatus Urbini nomine Sedis Apostolicae, 358 *a*.

Dionysius Crispoltus universitatis Perusinae lector, 377 *b*.

Dominicus cardinalis Gymnasius, 404 *b*.

E

Eborensis archiepiscopus, 99 *a*; controversias habet cum militibus S. Iacobi et sancti Benedicti de Avis, 99 *b*; quomodo componendae, *ibid.* et *seq*. Facultas data regi catholico nominandi iudices ad has causas cognoscendas, 459 *b*; de quibus archiepiscopus possit tres recusare ut suspectos, 460 *a*.

Eborensis capituli et ecclesiae dignitas et nobilitas, 299 *a*; statuta de probationibus ab admittendis ad dignitates faciendis super sanguinis puritate, 300 *a* et *a* et 301 *seq*.

- Ecclesiae** praecepto in Paschate non satisfacit, qui in sua parochia communionem non sumit, 848 *b* et *seq.*
- Ecclesiae** vacatio in translationibus episcopi ab ea die computari debet, qua ille ab eius vinculo in consistorio absolvitur, 304 *b.*
- Ecclesiarum** bona alienari vel locari ultra triennium non possunt, 101 *b* et 379 *a* et *b*; in feudum vel emphyteusim dari, vel ultra triennium locari, vel locationes prorogari non possunt sine licentiâ Sedis Apostolicae, 380 *a* et *b.*
- Ecclesiastici** in Helvetia compellendi ad observantiam Constitutionis Pauli II de bonis ecclesiarum non alienandis sive locandis, 101 *a* et *seq.*
- Ecclesiastici** in Hispania compelli possunt ad testificandum in causis nobilitatis et puritatis sanguinis, 124 *b.*
- Electio** Romani Pontificis quomodo peragenda, 429 *a* et *b.*
- Eleemosynae** missarum *vide* Missarum. Eleemosynae recepta pro missae celebratione debet integra tradi celebranti missam, 337 *a.*
- Elisabeth** (S.) Portugalliae regina Tertium Ordinem S. Francisci professa, 454 *b.*
- Elisabetha** Bavariae ducissa, 453 *b* et 645 *a.*
- Episcopus** in regulares, qui curam exercent animarum secularium, potest, quoad ea quae dictam curam concernunt et sacramentorum administrationem, ut eadem auctoritate qua in parochos seculares, 458 *a*; illis prohibere ne taxam excedant emolumentorum praescriptam ab episcopo, *ibid.*; eos compellere poenis et censuris a quibus absolvi non possunt a suis superioribus, 458 *b*; et regulares etiam in Indiis subsunt iurisdictioni, visitationi et correctioni episcopi in his tamen quae ad dictam curam pertinent, 537 *b.* Confessarios a suo praedecessore approbatos potest iterum examinare, 498 *b.*
- Episcopi** Indiarum Occidentalium fruuntur privilegio conferendi gradus doctorales, certis servatis legibus, 516 *a.*
- Eugenius**, dum vixit, archiepiscopus Dublinensis 266 *b*, erigendum curavit collegium Hibernorum in oppido Lovanii Mechliniensis dioecesis *ibid.*
- Eystetensis** ecclesia, 186 *a.* Clero indicitur ad annum decima solvenda episcopo occasione motuum bellicorum in Germania, *ibid.* et *seq.*
- Exemptorum** privilegia circa curam animarum, et administrationem sacramentorum ac monialium monasteria et praedicationem verbi Dei, 292 *a*; quaedam de iis litterae Gregorii XV in regnis Portugalliae suspenduntur ab Urbano VIII *ibid.*

F

- Fabritius** Verospius causarum palatii apostolici auditor, 181 *b.* Civitatis Perusinae et provinciae Umbriae gubernator 358 *a.* Illi mandatum de possessione capienda ducatus Urbini nomine Sedis Apostolicae *ibid.*
- Farfense** monasterium, 50 *b.* Sixtus V castra ad illud spectantia, quoad temporale dominium, camerae apostolicae univit, 51 *a.* Eaque sub constitutione Pii V de non alienandis comprehendi voluit, 51 *b.* Urbanus gubernatorem ei a se electum praeficit, 52 *a.*

Felix (Ven.) a Cantalicio, Ordinis Minorum Cappuccinorum, Beatorum numero adscriptus, 372 a.

Ferdinandus episcopus olim Pharaonensis, 317 b, 319 b. Illi conceditur ad quinquennium facultas absolvendi neophytos relapsos provinciarum transmarinarum regni Portugalliae, 318 a *seqq.*

Ferdinandus I magnus Hetruriae dux postulat pro canonizatione S. Philippi Neri, 11 b; instat pro beatificatione venerabilis Mariae Magdalenae de Pazzis, 456 b et 539 a.

Ferdinandus rex in imperatorem electus, 367 a. Collegium S. Bonaventurae fratrum Minorum Conventualium Pragense dotavit, et confirmari petit ab Urbano VIII *ibid.*

Ferdinandus Mantuae dux Militiam Christianam origi curat, 114 b.

Franciscus a Lotharingia comes Vademontanus, 372 a et 645 b.

Franciscus Borgia, venerabilis servus Dei, Beatorum albo adscriptus, 256 a. Indultumque concessum presbyteris S. I. missam de eo celebrandi, recitandique officium, *ibid.* et p. 368 a.

Franciscus cardinalis Barberinus Urbani VIII ex fratre germano nepos, 306 a; Sedis Apostolicae legatus ad pacem inter christianos principes conciliandam, 306 a et b; legatus a latere ad regem Hispaniarum, 307 a et b; in sui legatione etiam Portugalliae regnum includitur, 307 b; ipsi plures conferuntur, facultates, *ibid.* et *seq.* Sedis Apostolicae in Galliam de latere legatus, 511 a.

Franciscus cardinalis Boncompagnus processus super sanctitate ven. Francisci Borgiae refert, 256 a.

Franciscus cardinalis de la Rochefaucault, 86 a et 362 a. Ei commissa cura monialium Carmelitarum Discalceatarum regni Franciae, 86 a; et ipsarum causa contra episcopum Leonensem, 362 b.

Franciscus Maria cardinalis a Monte, 404 b.

Franciscus Maria de Ruvere, Urbini dux, arcium illius ducatus praefectis mandat, ut iuramentum fidelitatis Romano Pontifici et camerae apostolicae praestent, 179 a; iuribus Sedis Apostolicae super illo ducatu consultit, 589 a et b.

Franciscus Ubaldus, sacrae Rotae auditor, deputatur in praesidentem et iudicem probationum equitum Militiae Christianae, 222 a.

Franciscus (B.) Xaverius, vir sanctus et Indiarum apostolus, 26 a. Ignatio Loiolae socius adiungitur, *ibid.*; quae praecesserunt canonizationi ipsius, 33 a et *seq.* Nativitas et studia, necnon virtutes et merita illius recensentur, 34 a, 36 a; socius factus Ignatio Loiolae 34 a; ad Indias Orientales mittitur, 36 a et *seq.*; miracula quibus praedicationem confirmavit enarrantur, 36 b, 40 a; mors et depositio, 40 a; miracula post mortem 41 a et *seq.*; canonizatio, 43 b et *seq.*

Fridericus cardinalis Borromaeus archiepiscopus Mediolanensis, 84 b; ipsi committitur ut inhibeat alumnos seminarii ad habitum regularem admitti, *ibid.*

Fridericus comes palatinus Rheni Ludovico Lotharingiae duci oppidum de Lizheim vendit, 167 a.

Furnenses et Martiniani habiles redduntur et declarantur ad dignitates in capitulo Iprensi obtinendas, 446 b.

G

- Gabriel archiepiscopus Mithilenarum Sedis Apostolicae delegatus ad Graecos Liburni commorantes, 298 *b*.
- Gabriel Paleottus, 18 *b*; librum scribit *De bono senectutis* in quo B. Philippum Nerium commendat.
- Gaspar cardinalis Borgia instat pro canonizatione ven. Francisci Borgia S. I., 255 *b* et *seq.*; et iterum, 368 *a*. Ordinis B. Mariae de Mercede Redemptionis captivorum protector est, 565 *a*.
- Gaspar Diaz Campomanes procurator generalis congregationis fratrum Ioannis Dei, 124 *b*.
- Genuensibus concessum indultum celebrandi festum sancti Bernardi de praecepto, 385 *b*.
- Genuensis bibliotheca Minimorum sancti Francisci de Paula, 283 *a*; ne libri extrahantur ex illa, *ibid*.
- Georgii (S.) in Alga Venetiarum Congregatio, 311 *b* et 313 *a*.
- Germanicae nationis laudes, 551 *a* et 556 *b*. Germanorum adolescentium collegium Pragae erectum, 551 *b* et *seq.* Item Viennae Austriae institutum, 557 *a* et *seq.*
- Graecorum collegium, 245 *b*. Constitutiones pro eo ab Urbano Papa VIII editae, *ibid*. De rectore, eiusque officio, *ibid*. Cardinalium protectorum quae sint munia, 246 *a*. De admittendorum ad collegium qualitatibus, *ibid*. Qualis alumnorum numerus esse debeat, 247 *b*. De iuramento ab eis praestando, *ibid*. Episcopus graeci ritus pro sacris ordinibus iis conferendis deputatur, 249 *b*.
- Gregorii (S.) de Urbe ecclesia et monasterium Ordinis Camaldulensis, 508 *b*. Statuta pro satisfactione onerum missarum, *ibid*. Prior illius monasterii est etiam procurator generalis ipsius congregationis, 510 *a*.
- Gregorius Papa XIII Graecorum collegium Romae fundat, 245 *b*. Et collegium Pragense pro Germanis, 551 *b*. Item Viennense, 557 *a*.
- Gregorius Papa XV. in album Sanctorum referre decreverat B. Philippum Nerium, 11 *b*; illum statuit canonizandum, 13 *b*; moritur ante bullarum expeditionem, 21 *a*; item B. Ignatium Loiola statuerat canonizandum, 23 *a*; et B. Franciscum Xaverium, 43 *b* et *seq.* Ipsius constitutiones de electione Romani Pontificis et de caeremoniali servando confirmantur ab Urbano VIII, 429 *a* et *b*. Fortalitia Vallis Tellinae, aliaque loca, depositi nomine recipit, 425 *a* et 483 *b*.
- Gundisalvus archiepiscopus Limanus, 498 *b*; potest examinare iterum confessarios approbatos a suo praedecessore, *ibid*.
- Gymnasium publicum Romanum, 657 *b*. Rhetoricae cathedra in eo instituta, *ibid*.

H

- Heidelbergae universitas studii erecta, 167 *b*.
- Helvetiorum receptio ad habitum militiae S. Ioannis Hierosolymitani regulatur, 505 *b*

- et *seq.* Collegium Helvetiorum Mediolani erectum, 469 *a.* Eiusque designati protectores, 469 *b.*
- Henricus IV. Francorum rex christianissimus, 24 *a.*; instat pro canonizatione S. Ignatii Loiolae, *ibid.*
- Henricus Lotharingiae dux oppidum de Lizheim a Friderico comite Palatino Rheni emit, 167 *a.* Et huiusmodi emptionem pontificia auctoritate petit confirmari, 167 *b.*
- Hermannus Ortemberg episcopus Atrebatensis, 75 *b.* *Vide* Atrebatensis.
- Hibernorum collegium in oppido Lovanii erectum, 266 *b.*
- Hieronymus M. Lambardus universitatis Perusinae lector, 378 *b.*
- Hieronymus Vidonus camerae apostolicae clericus et Romandiola praeses, 181 *b.*
- Theaurarius generalis, 422 *a.*; protector montis salis instituitur, 423 *b.*
- Hierusalem et loca sancta, 282 *a.*; eleemosyna pro iis locis commendatur, 282 *b.*
- Hippolytus cardinalis Aldobrandinus Ordinis Minimorum protector, 259 *b.*
- Hispaniarum episcopi ecclesiasticos compellere possunt ad testificandum in causis nobilitatis et puritatis sanguinis, 124 *b.*
- Hispaniarum rex et eius ministri a censuris absolvuntur ob vectigal exactum ab ecclesiasticis, 134 *a.* Iterum, 365 *b.*
- Horatius Ludovisius Fiani dux, 609 *b.* Fortalitia Vallis Tellinae et Chiavennae nomine S. Sedis depositi loco recipit, *ibid.*
- Hospitale Sancti Antonii de Sancto Antonio Viennensi, 386 *b.* Eximitur ab Ordinariorum iurisdictione, iis exceptis quae respiciunt curam animarum et sacramentorum administrationem, *ibid.*
- Hospitali S. Ioannis Hierosolymitani, 134 *b.*; illi multa privilegia concessa, 136 *a* et *b.*; omnia confirmat Urbanus VIII, 136 *a.*; milites huius militiae eximuntur a vectigalibus solvendis Bononiae, 154 *a.*, 155 *a.*; priori et militibus prioratus Alemanniae praecipitur ne bona et privilegia dicti prioratus laedi permittant, 160 *b* et *seq.*; *vide* Ioannis (S.) Hierosolymitani militia.

I

Iacobi (S.) militia *vide* Militiae.

- Iacobus (Vén.) de Marchia Beatorum albo adscribitur, 192 *b.* Officiumque et missam de eo a fratribus Ordinis Minorum sancti Francisci celebrari permittitur, *ibid* et 234 *b* et *seq.*
- Iesuatis fratribus S. Hieronymi indultum conceditur circa habitum, 242 *a* et *seq.*
- Ignatius Loiola, 23 *a.*; quae praeceperunt canonizationi ipsius, 23 *b* et *seq.*; eius ortus, 25 *b.*; piis motus lectionibus se Deo addicit, *ibid.* Romam, Venetias, Hierosolymam petit, 26 *a.*; studia litteraria, 26 *a.*; cum sociis sibi adscitis se vovet Romano Pontifici, *ibid.* Instituit Societatem Iesu, 26 *b.*; moritur, *ibid.* Eius virtutes, 27 *a* et *seq.*; splendida divinitus facies, 28 *a.*; miracula, 28 *b* et *seq.*; canonizatio, 30 *b* et *seq.*
- Illyricorum collegium Laureti institutum *vide* Collegium.
- Imagines eorum, qui nondum a Sede Apostolica sunt canonizati, cum radiis proponi cavit Urbanus VIII constitutione cxxx, 309 *a* et *seq.*

- Immunitas et libertas ecclesiastica defenditur, 334 et *seq.* Quidam abusus ex immunitate ecclesiastica in locis Hispaniae provenientes tolluntur, 384 *b.*
- Indiarum occidentalium parochis vetitum, quominus maiorem eleemosynam ab his exigant qui in ecclesiis Ordinis fratrum Minorum de Observantia sepeliuntur, 417 et *seq.* Episcopi fruuntur indulto conferendi gradus et lauream doctoralem, certis servatis legibus, 294 *a.* In qualibet ecclesia supprimuntur unus canonicatus et una praebenda, quae primo vacaverint, illiusque fructus applicantur Officio Inquisitionis, 526 *a* et *b.*
- Inquisitionis officium, 526 *a.* Illi applicantur fructus unius canonicatus et praebendae qui primo vacaverint in qualibet ecclesia Indiarum Occidentalium.
- Ioannes Adrianopolitanus archiepiscopus, 181 *b.* Marchiae Anconitane gubernator, 182 *a*; praeses Romandiolae et exarcatus Ravennae, 294 *a*; facultates illi commissae pro annonae copia, 294 *b.* et circa bannitos, 295 *b* et *seq.*
- Ioannes Baptista Laurus sacerdos, collegii cardinalium secretarius, 405 *b.*
- Ioannes Baptista Nari subrogatur loco Torquati de Comitibus locumtenentis generalis militiarum Vallis Tellinae in eventum recuperationis comitatus Bormli, 426 *a* et *seq.*
- Ioannes Baptista Pallottus Camerae Apostolicae spoliolum collector in regno Portugalliae, 292 *a*, 334 *a* et 462 *a* et *b*; ipsi committitur inquisitio contra commissarium cruciatum in regno Portugalliae suspectum de erroneis propositionibus contra Sedem Apostolicam, 464 *a.*
- Ioannes Baptista Pamphilius sacrae Rotae auditor, 24 *a.*
- Ioannes Baptista Vives suas aedes, bonaque sua pro erigendo collegio de Propaganda Fide dono dat, 575 *a* et *b.*
- Ioannes de Goto (ven.) unus e tribus Martyribus Societatis Iesu in regno Iaponiae pro Christo cruci affixis et transverberatis, 595 *a.*
- Ioannes Lusitaniae rex processus fieri curat pro canonizatione ven. Francisci Xavierii, 42 *a.*
- Ioannes Pizzulus fratres Ordinis Minimorum conventus S. Andreae de Frattis haeredes instituit, iniuncto onere collegium pro Calabria erigendi, 54 *b.* 285 *b.* Ipse emit palatium in regione Montium, et dictis fratribus donat ad usum dicti collegii, 54 *b.*
- Ioannettinus cardinalis ab Auria Siciliae prorox, 240 *a.*
- Ioannis Dei congregatio, *vide* Congregatio.
- Ioannis (S.) evangelistae congregatio in Portugallia 311 *b*; forma statuitur electionis rectorum illius, *ibid.*, itemque, 313 *b* *seqq.*
- Ioannis (S.) Hierosolymitani militia, 495 *a.* Obtinentes dignitates linguae anglicae suffragium in electione magni magistri non habent, nisi fuerint ex Anglia oriundi, 495 *b.* Helvetii admitti possunt in lingua Alemaniae, dummodo nonnullis praediti sint qualitatibus, 505 *b* et *seq.* Haec militia ius habet iudices sibi conservatores eligendi, 643 *a.* Quae methodus in magni magistri electione servanda sit, 672 *b* *seq.* *Vide* Hospitale S. Ioannis Hierosolymitani.
- Iosephus a Mello Eborensis archiepiscopus, 299 *a.* Statuta nonnulla de probationibus faciendis ab admittendis ad dignitates capituli, *ibid.* et 300 *seq.*
- Iprensis ecclesia in episcopatum a Paulo IV erecta, 437 *a* *seq.* Eique pars Morinensis

- diocesis addicta, 439 *a*. Dos episcopo assignata, 441 *a seq.* Martiniani ac Furnenses habiles declarantur ad dignitates in capitulo obtinendas, 446 *b*.
- Isabella, regina catholica Hispaniarum, postulat pro canonizatione vigintrium Martyrum ex Ordine fratrum Minorum S. Francisci de Observantia Discalceatorum provinciae Philippinarum et Iaponiae, 594 *a*; itemque pro canonizatione trium Martyrum e Societate Iesu, 595 *a*.
- Italia, regio pacis et religionis arx, facta campus seditionum 305 *b*.
- Itali clerici officium pro conservatione scripturarum et processuum ad sacrum collegium pertinentium 404 *b*, supprimitur ab Urbano VIII et unitur officio secretarii eiusdem collegii, 405 *a*.
- Itamaraca provincia ecclesiae sancti Salvatoris restituta, 184 *a*.
- Iubilaeum Tiniensibus concessum, 293 *a et b*. Parisiensibus anno MDCXXVI, 332 *b et seq.* Aethiopibus, 592 *b et seq.*
- Iubilaeum universale pro anno MDCXXV indictum, 143 *b*. Iterum pro anno MDCXXVIII, 654 *b et seq.*
- Iudex reum, accusatum alicuius furti, de aliis etiam potest interrogare, 473 *b et seq.*
- Iulianus archiepiscopus Pisanus, 298 *b*. Curet ut archiepiscopus Mithilenarum recipiatur a Graecis Liburni commorantibus, *ibid.*
- Iulius Papa II statuit ne rex Siciliae eligeretur in regem Romanorum, aut Theutoniae, aut dominum Lombardiae, aut Thusciae, vel in illarum regionum regimen se intromitteret, 112 *a et b*.

L

- Laurentii (S.) in Fonte in regione montium ecclesia, 664 *b*. Aulicorum confraternitati concessa, *ibid.* et *seq.*
- Laurentii (S.) in Lucina ecclesia deputatur loco ecclesiae S. Laurentii extra muros pro lucranda indulgentia iubilaei 281, *a et seq.*
- Laurentius cardinalis Magalottus, 503 *b*.
- Laurentius episcopus Cesenatensis, 589 *a*. Status Urbini gubernator, *ibid.*
- Lauretana (S.) domus, 393 *a*. Onus notariorum legata ei relicta significandi, *ibid.* Collegium Illycorum Laureti erectum et sacrae domus proventibus sustentandum, 541 *b*.
- Leo X concessit celebrari missam cum officio de B. Margarita de Cortona, 81 *a*.
- Leodiensis ecclesia, 449 *a*. Capitulo illius ecclesiae a Sixto V concessum indultum eligendi ad praeposituras et abbatias, *ibid.* et *seq.* Confirmat Urbanus VIII, 451 *a*; et declarando extendit, 451 *b*.
- Leonensis episcopus nonnulla attentat contra litteras pontificias pro monialibus Carmelitae Discalceatis regni Franciae, 362 *b*; et mandatis ac censuris parere recusat, *ibid.*
- Leopoldus archidux Austriae, ecclesiarum Argentinensis et Passaviensis administrator, 79 *b*. Ei interdictum, quominus feuda, ad easdem ecclesias pertinentia, haereticis vel de fide catholica male sentientibus locet, *ibid.*; petit

- ab Urbano VIII confirmari erectionem et dotationem collegii Societatis Iesu cum universitate in oppido Nissae, 492 *b*.
- Leonis (S.) civitas cum ducatu Urbini devolvitur ad Sedem Apostolicam, 179 *b* et 181 *b*.
- Libri in Urbe sine licentia cardinalis vicarii et magistri sacri palatii, extra Urbem sine Ordinariorum licentia non imprimendi, 371 *b*.
- Liburni commorantur Graeci quibus praeficitur archiepiscopus Mitlennarum, 298 *b*.
- Limanae ecclesiae, sede vacante, non potuerunt duo vicarii generales eligi, 363 *b* et *seq.*
- Liparensis ecclesia a iure metropolitico Messanensis eximitur, 619 *b*. Ac Sedi Apostolicae immediate subiicitur, 620 *a*.
- Lizheim oppidum ab Henrico Lotharingiae duce emitur, 167 *a*.
- Lovaniense collegium pro Hibernis erectum, 266 *b*. Eius constitutiones confirmatae, 273 *a*.
- Lucanae reipublicae ministri absolvuntur a censuris in quas incurrerant ob exactum vectigal ab ecclesiasticis, 466 *a* et *b*; ipsis data facultas conveniendi cum clero super vectigalium exactione, 467 *b*.
- Lucas Antonius Virilli commissarius pontificius deputatur ad recipiendum fidelitatis iuramentum a praefectis arcium ducatus Urbini, 179 *a*. Facultas eidem conceditur notarios creandi in ducatu Urbini, 192 *a*.
- Lucas archiepiscopus Cretensis, 82 *b*. Ei delegata visitatio ecclesiarum totius regni Cretae, *ibid.* Eidem facultates extenduntur ad insulas Zacynthi, Cephaloniae et Corcyrae, 140 *b*.
- Lucas Castellinus Ordinis Praedicatorum procurator generalis, 448 *a*.
- Ludovicus cardinalis Ludovisius Cassinensium protector, 662 *b*.
- Ludovicus cardinalis de la Valleje, 86 *a*. Deputatur super reformatione monasterii Carmelitanarum Discalceatarum in regno Franciae, 362 *a*; et in earum causa contra episcopum Leonensem, 362 *b*.
- Ludovicus Cencius universitatis Perusinae lector 377 *b*.
- Ludovicus de Meranvillier abbas monasterii B. Mariae de Castellariis Ordinis Cisterciensis, 46 *a*.
- Ludovicus rex Francorum postulat pro canonizatione S. Philippi Neri, 11 *b*.
- Ludovicus Scottus in universitate Perusina lector, 376 *b*.
- Lutherus, monstrum teterrimum; veterem religionem in septem trionum partibus corrumpit, 23 *b*.

M

- Maioli terra et arx cum ducatu Urbini devolvitur ad Ecclesiam Romanam, 179 *b* et 181 *a*.
- Malacca in India Orientali urbs celeberrima, 40 *b*.
- Manilensis archiepiscopus, 457 *b*; plura dubia proponit sacrae Concilii Congregationi circa capita *De Regularibus*, *ibid.*; episcopus potest in regulares curam animarum secularium exercentes eadem auctoritate uti, quoad ea quae dictam

causam concernunt, qua in parochos seculares, ipsis praescribere taxam emolumentorum, et compellere poenis et censuris a quibus non possunt absolvi a suis superioribus, 458 *a* et *b*.

Manilensis dioecesis in Indiis Philippinis, 537 *b*; regulares exercentes curam animarum subsint iurisdictioni archiepiscopi in iis quae ad dietam curam pertinent, *ibid*.

Maphaeus cardinalis Barberinus in Romanum Pontificem eligitur, 1 *a*. Vide Urbanus VIII.

Maranhã provinciam ecclesiae S. Salvatoris restituit Urbanus VIII, 184 *b*.

Marchiae Anconitanae gubernatori data facultas capiendi possessionem ducatus Urbini eveniente casu devolutionis illius ad Sedem Apostolicam, 296 *b*, et aliae quoad annonam, bannitos, etc., 297 *a*; quae sint facultates ipsius ad annonam curandam, *ibid*.

Marcellus Sacchetti depositarius montis salis ab Urbano VIII erecti, qui de solvendo fructus cuilibet montistae se obligare debeat, 423 *b*.

Marcellus card. Lantes, 404 *b*.

Margarita coniux Philippi III regis catholici preces offert pro canonizatione S. Ignatii Loiolae, 23 *b*.

Margarita (B.) de Cortona monialis Tertii Ordinis S. Francisci, 80 *b*. Indultum celebrandi de ea missam et recitandi officium in toto Ordine S. Francisci, 81 *a*.

Maria coniux Maximiliani II regis Romanorum supplicat pro cultu B. Ignatii Loiolae, 23 *b*.

Maria Ludovici regis Francorum mater instat pro canonizatione S. Philippi Nerii, 11 *b*.

Maria Magdalena Austriae archiducissa, 456 *b* et 539 *a*.

Maria Magdalena (B.) de Pazzis Ordinem Carmelitarum professa, 539 *a*. Indultum recitandi de ea officium, 539 *b*.

Maria Magdalena, monialis, soror B. Francisci Xaverii, vocationem fratris praesensit et adiuvit, 34 *b*.

Maria Magdalena (Ven.) de Pazzis Beatarum albo adscripta, 457 *a*.

Mariae (B.) de Castellariis (Monasterium) Ordinis Cisterciensis, 46 *a*; unitur Congregationi Oratorii Parisiensis, 46 *a*.

Mariae (B.) Theutonicorum militia, 95 *b*; illi privilegia competunt hospitali S. Ioannis Hierosolymitani concessa *ibid*.

Mariae (S.) ad Martires de Urbe ecclesia, 632 *a*. Quale ius habeat super platea circa eam posita, *ibid*.

Mariae (S.) Transtyberim ecclesia deputatur loco ecclesiae S. Pauli pro indulgentia anni sancti, 279 *b* et *seq*.

Mariae (S.) de Populo ecclesia designatur loco ecclesiae S. Sebastiani pro septem Urbis ecclesias visitantibus anno iubilaei, 281 *a seq*.

Maronitarum collegium in Monte Libano erectum, 358 *a*. Constitutiones ab alumnis servandae, 360 *a seq*.

Martiniani ac Furnenses habiles redduntur et declarantur ad dignitates in capitulo Iprensi obtinendas 446 *b*.

Martyres (ven.) viginti tres ex Ordine fratrum Minorum S. Francisci de Obser-

- vantia Discalceatorum provinciae S. Gregorii Philippinarum et Iaponiae, Beati declarantur, 594 *a* et *b* *seq.*
- Martyres (ven.) tres, in regno Iaponiae pro Christo passis, e Societate Iesu, Beati declarantur, 595 *a* et *b.*
- Matrimonia eorum qui domicilium transferunt quo pacto contrahi debeant, 591 *b.*
- Maximilianus Bavariae dux, 453 *b* et 645 *a.* Instat pro beatificatione venerabilis Felicis a Catalicio, *ibid.*
- Maximilianus utriusque Bavariae dux postulat pro canonizatione S. Philippi Nerii, 11 *b.*
- Mediolanensis ducatus munitiones, 149 *a*; pro iis impositio ecclesiasticis indicitur, 149 *b* et *seq.*
- Mediolani nonnulla erecta clericorum seminaria, 84 *b.* Alumnis vetitum regularem emittere professionem, *ibid.* Ibi erectum collegium Helvetiorum et Rhetiorum, 469 *a.*
- Michael Adolphus comes de Althann confraternitatem *Communione hierarchiae plenitudinis aetatis Iesu Christi* pro redemptione christifidelium captivorum promovenda erigit 519 *b.*
- Militia B. Mariae Theutonicorum, 95 *b.* Ei communicantur privilegia omnia militiae S. Ioannis Hierosolymitani a summis pontificibus concessa, 96 *a.*
- Militia Christiana sub titulo Conceptionis Beatae Mariae Virginis ab Urbano VIII erecta, 115 *a.* De militum numero, habitu, novitiatu et votis, 115 *b.* Sedi Apostolicae immediate subiicitur, 116 *a.* Milites ecclesiasticas pensiones possunt obtinere, 116 *b.* Quas indulgentias lucrentur, 117 *b.* Milites Gallicanae et Belgicae nationis pensiones habere possunt usque ad quingentos ducatos, 118 *b.* Nemini tamen licet habitum et crucem assertae cuiusdam militiae sub eodem titulo erectae et a Sede Apostolica non approbatae deferre, 119 *b.* Auditor causarum camerae apostolicae iudex deputatur probationum, quae a militibus fieri debent, 222 *a.* Magno magistro concessa facultas eos adscribendi, qui per biennium Sedi Apostolicae inservierint, 238 *b* et *seq.* Data facultas nuncio apostolico inferioris Germaniae habitum huius militiae tribus personis concedere, 272 *b.* Prorogatio capituli generalis ipsius ad annum propter ingruentia bella, 322 *a.* Militiae huius statuta confirmata, 325 *a* et *seq.*
- Militiae S. Iacobi et S. Benedicti de Avis, 99 *b*; lites componant cum archiepiscopo Elborensi, *ibid.* et *seq.*
- Missarum reductio a sola Apostolica Sede fieri potest, 336 *a* et *b.* Celebrari autem debent ad rationem attributae eleemosynae, *ibid.* Earum oneri neque per collectas neque per orationes sit satis, *ibid.* Onera perpetua non recipienda sine legitimi superioris licentia, 337 *b.* Eleemosyna pro missae celebratione suscepta integra debet tradi celebranti missam, 337 *a.*
- Monetarii, etiamsi ecclesiastici sint, poenis a constitutione Pii Papae V statutis coercendi, 614 *b* et *seq.*
- Monialium reformatarum Ordinis S. Benedicti in Galliis, 323 *a*; quibus ipsarum cura competat, *ibid.*
- Monialium consensus, sine quo mulieres seculares non possunt ingredi ipsarum monasteria, debet dari expresse, capitulariter, et per secreta suffragia, 236 *a.* Mu-

- heres non recipiantur in monasteriis monialium, nisi monasticum habitum induere velint, 521 *b*.
 Mons vacabilis super salis vectigal ab Urbano VIII erectus, 421 *b*. Privilegia et exemptiones montistis concessa, 422 *b*.
 Montisferetrani Status cum ducatu Urbini devolvitur ad Sedem Apostolicam, 179 *b*; 181 *b*.
 Montis Marciani affictus 297 *a*; super illam constituitur gubernator Marchiae Anconitanae, *ibid*.
 Musicorum confraternitas *vide* Confraternitas.

N

- Neophyti relapsi provinciarum transmarinarum regni Portugalliae admittantur ad absolutionem, ne desperent, 318 *seq*.
 Nicolai (S.) ad Caesarinos ecclesia, 236 *b*. Ibi instituta Aulicorum confraternitas, *ibid*.
 Nicolaus ex comitibus Guidobalnei marchio Montisbelli, 609 *b*, Propugnacula vallium Tellinae et Chiavennae nomine S. Sedis depositi loco recipit, *ibid*.
 Nigrorum congregatio Anglica Ordinis S. Benedicti 478 *b*; declaratur eam esse veram congregationem, *ibid*.
 Nissae collegium Societatis Iesu et studiorum universitas a Carolo Austriaco erecta, 492 *a*.

O

- Octavius archiepiscopus Tarsensis, 523 *b* praeses Romandiolae, *ibid*. Ei commissa cognitio causarum super devolutione nonnullorum castrorum ad mensam episcopalem Brittonoriensem spectantium, 524 *a seq*.
 Odoardus Tibaldescus sacri collegii cardinalium notarius, 403 *b*.
 Officia vacabilia Romanae curiae, 105 *b*; facultates de illis disponendi revocantur, *ibid*.
 Ordines regulares. Decreta multa pro reformatione regularium, 202 *b et seq*.
 Ordines sacri nemini dentur extra dioecesim sine Ordinariorum dimissorialibus, 264 *a et b*.
 Ordo Benedictinorum, 455 *a*. Monachis mandatur, ut missali et breviario a Paulo Papa V approbato utantur, 455 *b*.
 Ordo Camaldulensium, 508 *b*. Quas leges servari oporteat pro satisfactione onerum missarum in ecclesia S. Gregorii de Urbe, *ibid*. Prior autem huiusce monasterii totius Ordinis procurator generalis censetur, 510 *a*.
 Ordo Cappuccinorum, 326 *b*. Provinciales episcopis obedientiam praestare non tenentur pro iis fratribus qui ad sacros ordines promoventur, *ibid*. Indultum de celebranda missa et recitando officio de B. Conrado Tertii Ordinis S. Francisci 370 *a et b*; et de B. Felice a Cantalicio, 372 *a*. Indultum huiusmodi extenditur ad omnes fratres Cappuccinos ubique existentes et ad sacerdotes ad ipsorum ecclesias confluentes, 454 *a*; et 645 *b*.

- Ordo Cappuccinorum a vera S. Francisci regula promanat, 362 *a* et *b*.
Ordo Carthusiensium, 517 *a*. Ditiore monasteria pecunias pauperioribus ad censum debent dare, *ibid*.
Ordo Cassinensis, 484 *b*. Congregatio Bursfeldensis, ac seminarium in universitate Coloniensi erectum, 485 *a*. Regulae monachis huiusce seminarii servandae, *ibid*. Confirmantur ab Urbano VIII, 489 *a*.
Ordo Eremitarum S. Augustini. Fratribus huius Ordinis Urbanus VIII indultum concedit missam celebrandi et recitandi officium de B. Clara de Monte Falchio, 193 *a*. Magistri privilegiis suis gaudere non possint, nisi ab examinatore Ordinis fuerint examinati, 320 *b*. Vota vero ex gratia in capitulis provincialibus concessa nulla sunt, 321 *a*.
Ordo fratrum Eremitarum S. Augustini Calceatorum, 504 *a*. Assistentes ultramontani prioris generalis peracto officio omnibus privilegiis privantur, 504 *b*, et suas ad provincias redire debent, 505 *a*. Toti ordini concessum indultum missam celebrandi de B. Rita de Cassia, 604 *a*. Alternativa in electione provincialium provinciae Mechoacanae servanda, 641 *b*.
Ordo fratrum Eremitarum S. Augustini Discalceatorum, 479 *b*. Congregatio Italiae in quatuor dividitur provincias, *ibid*. Vicarius generalis totius congregationis potestatem habet alium omnimoda sua iurisdictione delegandi, 480 *b* et *seq*. Constitutiones apostolica auctoritate confirmatae, 484 *a*. Novae constitutiones non faciendae, *ibid*. Congregatio definitorialis supprimitur, 481 *b*. Auctoritas vicarii generalis in definitores, *ibid*.
Ordo fratrum Minorum Conventualium, 367 *a*. Ipsorum collegium S. Bonaventurae Pragae erectum, *ibid*. Confirmatur ab Urbano VIII sub nominum S. Antonii de Padua, 367 *b*. Decreto pro ipsorum reformatione in regno Poloniae, 354 *b*; ea confirmat Urbanus VIII, 354 *a* et *b*. Congregationem Reformatorum Conventualium supprimit Urbanus VIII, 432 *b* et ipsis Reformatis concedit transitum ad Cappuccinos seu de Observantia, 453 *a*; domum Neapolitanam excipit, *ibid*; domus Romanae bona addicit camerae apostolicae, 433 *b*. Anno mdcxxv novae constitutiones pro eius regimine editae, 663 *b*.
Ordo fratrum Praedicatorum 366 *a*. Capitulum generale quolibet sexennio celebrandum, *ibid*. Libros, vel manuscripta ex Ordinis huius bibliothecis extrahi vetitum sub poena excommunicationis, 448 *b*.
Ordo Minimorum S. Francisci de Paula, 54 *a*. Haereditas conventui S. Andreae de Fractis a Ioanne Pizzullo relicta ad conventum et collegium eiusdem Ordinis in regione Montium transfertur, 55 *a*. Statuta nonnulla pro Ordinis regimine, et praesertim de Vicarii generalis electione edita confirmat Urbanus Papa VIII, 156 *b* et *seq*. Renovat quoque privilegia huic Ordini suis a praedecessoribus concessa, 177 *b*. In dicto conventu in regione Montium erecto officia tam oneris quam honoris a solis fratribus provinciae Calabriae debent exerceri, 260 *b*. Fratres Ordinis legata cum perpetuo onere missarum possunt recipere, 276 *b*. Ne ex biblioteca Genuensi illius Ordinis quomodolibet extrabantur libri, 283 *a*.
Ordo Minorum S. Francisci de Observantia, 282 *a*; fratres huius Ordinis in civitate Hierusalem molestiis urgentur, *ibid*; pro ipsis eleemosynae commendantur.

282 *b*. Parochis Indiarum Occidentalium vetitum quominus maiorem eleemosynam exigant ab iis qui in ecclesiis fratrum Minorum de Observantia sepe-
liuntur, 417 *b* et *seq.* Eis concessum indultum missam celebrandi de viginti
tribus Martyribus Iaponiae ex illorum Ordine, 594 *a*.

Ordo Minorum S. Francisci. Fratribus et monialibus huius Ordinis indultum con-
ceditur missam celebrandi et recitandi officium de B. Margarita de Cortona,
80 *b*. Fratres strictioris observantiae calepodia gestare debent, 98 *a* et 140 *a*.
Et Recollecti Galliae capucium rotundum, ac latiore mozzettam, *ibid.* Reformati
totius Ordinis generali ministro subiecti esse debent, 122 *a* et *b*. Constitutiones
nonnullae ab eis observandae, *ibid.* Provincias Reformatorum regni Siciliae
dividendas iubet Gregorius XV, 151 *b*; et divisio huiusmodi declaratur et
moderatur ab Urbano VIII, 153 *a*. Fratribus huius Ordinis missam celebrandi
et officium recitandi de B. Iacobo de Marchia indultum concessit Urbanus VIII,
192 *b* et 234 *b* et *seq.* Custodia Reformatorum Discalceatorum Bavariae in
provinciam erecta, 290 *a*; cui conferuntur omnia privilegia provinciis Hispaniarum concessa, 290 *b*; Fratres in Indiis Occidentalibus a quocumque episcopo
extra tempora, et non servatis interstitiis, ad sacros ordines possunt promo-
veri, 351 *a* et *seq.* Indultum recitandi officium de S. Conrado, 370 *b*. Gratiae
omnes fratribus concessae, et quae observantiae regulae adversantur, sunt
irritae, 373 *b*. Alio pedum operimento praeter calepodia et sandalia uti ne-
queunt, *ibid.* Statuta edita in capitulo generali romano, anno mdcxxv, 394 *a*.
Barchinonensia seu Segobiensia, 410 *a* et *seq.* Eleemosynae missarum intra
claustra non recipiendae, 411 *a*. Parochiae non suscipiendae, 411 *b*. Bona
immobilia, census, et annua legata abdicanda, 412 *b* et *seq.* Dominium per
instrumentum publicum in aliis non transferendum, 415 *a*. Proprietas fratrum
particularium omnino tollenda, 415 *b*. De transitu patrum de Familia ad Re-
formatos, 416 *a* et *seq.*

Ordo S. Benedicti Congregationis Anglicae, 482 *a*. Statuta nonnulla super praesidis
auctoritate, missionariorumque munere *ibid.* Congregationi S. Mauri in Gallia
unitur, 608 *a*. Nonnulla statuta pro huiusmodi Congregatione edita, 625 *a* et *seq.*

Ordo Sanctissimae Trinitatis Redemptionis captivorum, 190 *b*. Reformatis huius Or-
dinis nonnisi ad Carthusianos patet transitus, *ibid.* Ad solum definitorium spectat
deputatio religiosorum, qui redemptionem facere debent; bona vero hanc ad
rem data aliis religiosis tradi vetitum, 352 *a* et *b*. Ipsi conceditur ut in
Africa et aliis Turcarum partibus possint celebrare missam super altare por-
tatili ante auroram, et absolvere fideles a casibus reservatis et indulgentias
elargiri, 428 *a*. Ipsi confirmantur privilegia, 465 *a*.

Ordo B. Mariae de Mercede Redemptionis captivorum, 383 *a*. Indultum celebrandi
missam et recitandi officium de S. Raymundo Nonnato, *ibid.* Calceati a Dis-
calceatis seiunguntur, 565 *a*. Discalceati negotio redemptionis se nequeunt
immiscere, *ibid.* Datur tamen eis facultas hospitium pro nonnullis fratribus in
Africa erigendi, 604 *b*. Ad Calceatos tamen absque Romani Pontificis expressa
licentia transire non possunt, 623 *b* et *seq.*

Ordo Tertii Ordinis de Poenitentia Congregationis Galliae, 510 *b*. Quid praestandum
sit, ut vota a fratribus et monialibus emissa valida censeantur, *ibid.*

P

- Pacensis ecclesia S. Marci, 518 *b*; sublatus abusus ferocem taurum in ecclesiam immittendi in pervigilio ac festo die S. Marci, *ibid.*
- Palatii sacri apostolici magister, 371 *b*. Romae libri non imprimendi, nec alio deferendi, ut imprimantur, sine eius licentia, *ibid.*
- Parisiensibus concessum iubilaeum anno mdcxxvi, p. 332 *b* et *seq.*
- Parochi Indiarum Occidentalium ne maiorem eleemosynam exigant ab his qui in ecclesiis fratrum Minorum de Observantia sepeliuntur, 417 *b* et *seq.*
- Paschali praecepto non satisfacit qui communionem non sumit in sua parochia, 499 *a*.
- Passaviensis ecclesia *vide* Argentinensis.
- Patrimonii titulus ad sacras ordinationes necessarius, 264 *b*.
- Pauli PP. II Constitutio *Ambitiosae* de non alienandis bonis ecclesiasticis confirmatur, 101 *b* et *seq.*
- Paulus Aemilius archiepiscopus Urbinatensis, 358 *a*. Datum illi in mandatis de possessione capienda ducatus Urbini nomine Sedis Apostolicae, *ibid.*
- Paulus Michi (ven.) unus e tribus Martyribus Societate Iesu cruci affixi pro Christo in regno Iaponiae, 595 *a*.
- Paulus V committit inquirere pro canonizatione beati Philippi Nerii, 12 *d*; et illum Beatorum albo adscribit, 12 *b*; item Ignatium Loiolam 24 *a*. Caverat ne beneficia civitatis Calaritanæ in Sardinia conferrentur oriundis ex urbe Turritana et vicissim, 285 *a* et *seq.* Huiusmodi litteras revocat Urbanus VIII, 288 *b* et *seq.*
- Pensiones super ecclesias transferendi facultas moderatur, 107 *a*.
- Pernambucensis et Peraiba provinciae ecclesiae S. Salvatoris restituntur, 184 *a* et *b*.
- Perusina studiorum universitas, 374 *a*. Statuta pro eius regimine edita, *ibid.* et *seq.* Ab Urbano VIII confirmantur, 378 *b*.
- Pestis in Siciliae regno saeviebat anno iubilaei mdcxxv, 280 *a*, 281 *a*.
- Petrus Berulle praepositus generalis Congregationis Oratorii Parisiensis 274 *a* et 401 *b*. Presbyter cardinalis S. R. E. et nuncius S. Sedis in Gallia, 609 *a*.
- Petrus Baptista (ven.) primus e viginti tribus Martyribus ex Ordine fratrum Minorum S. Francisci de Observantia in regno Iaponiae cruci affixis pro Christo, 594 *a*.
- Philibertus a Sabaudia prorox Siciliae, 83 *b*.
- Philippus episcopus Nannetensis 323 *b*. Ipsi committitur cura monialium reformatarum Ordinis S. Benedicti in Galliis *ibid.*
- Philippus II rex catholicus instat pro canonizatione B. Ignatii Loiolae, 23 *b*.
- Philippus III Hispaniarum rex catholicus causam promovet canonizationis B. Ignatii Loiolae, 23 *b*; instanter postulat pro canonizatione S. Francisci Xaverii, 42 *a* et *b*; instat pro canonizatione venerabilis Francisci Borgiae S. I., 256 *a*.
- Philippus IV regnum Siciliae ei a Gregorio XV conceditur, 112 *a*. Indulgetur etiam ab Urbano VIII ut ducatum Mediolanensem possit retinere, 112 *b*. A censuris absolvitur ob exactum ab ecclesiasticis quoddam in oppido Matrili vec-

ugal, 134 *a*. Modum praescribit inquirendi de nobilitate et puritate sanguinis, 365 *b*. A censuris absolvitur ob vectigal ab ecclesiasticis exactum ultra sexennium a Paulo V praescriptum, 398 *b*. Incolae regni Castellae subsidium duodecim millionum ei offerunt, 182 *b seq.* Illi data facultas concessa subsidium ab ecclesiasticis regni Sardiniae accipiendi, 493 *a*. Eadem facultas quoad ecclesiasticos regni Valentiae, 497 *a*.

Philippus Nerius (B.), 11 *a*. Quae praecesserunt canonizationi ipsius, 11 *b et seq.* Eius ortus 13 *b*; iuventus, 14 *a*; mercaturam exercet, *ibid.*; studia et pietas, *ibid.*; mirabilis palpitatio cordis et costarum fractura, *ibid.*; Indias adeundi desiderio flagrat, 14 *b*; auctor est cardinali Baronio ut *Annales ecclesiasticos* scribat, 15 *a*; Congregationem Oratorii fundat, *ibid.* Eius virtutes et dona, 15 *b et seq.* Extases, 17 *a*; visiones et prophetia, 17 *b*; miracula, 18 *a*; mortuos suscitatur, 18 *b*; summa veneratione habitus, *ibid.*; eius mors, 19 *a*; et miracula post mortem, 19 *a et seq.* Canonizatio, 21 *a*. Ignatii Loiolae et S. Caroli Borromaei splendidam faciem vidit, 28 *a*.

Pisaurensis civitas cum Senogalliensi et ducatu Urbini devolvitur ad cameram apostolicam, 179 *b*; 181 *a*.

Pizzullus *vide* Ioannes.

Placentia civitas provinciae Bononiensis, 80 *a*; ibi nundinae cambiorum habebantur pro mercatoribus Florentiae, Mediolani, Venetiarum et Bononiae, *ibid.*

Poloniae regi data facultas procedendi contra ecclesiasticos rebelles et conspiratores, etiam episcopos, 198 *a*.

Portiunculae indulgentia anni iubilaei non revocatur, 190 *a*.

Pragense collegium S. Bonaventurae Minorum Conventualium, 367 *a*; confirmatur sub novo titulo S. Antonii de Padua, 367 *b*.

Pragense collegium, pro Germanis adolescentibus alendis, a Gregorio PP. XIII erectum, 551 *b*. Qualis alumnorum numerus esse deberet, *ibid.* Nunc Urbanus VIII illud de novo erigit pro viginti alumnis, 552 *a*. Presbyteris Societatis Iesu commissum, 552 *b*. Alumnorum quae sint privilegia, 553 *b et seq.*

Privilegia conclavistarum, 1 *b et seq.*

Processus inquisitionis servandi in eos qui promovendi sunt ad cathedrales ecclesias, 581 *b et seq.*

Promovendi ad cathedrales, quinam processus adhibendi in eos, 581 *b et seq.*

Propaganda (de) Fide Collegium Urbanum nuncupatum, 575 *b et seq.*

R

Raymundus (Sanctus) Nonnatus Ordinis B. Mariae de Mercede Redemptionis captivorum Discalceatorum, 383 *a*. Fratribus huius Ordinis indultum concessum de eo missam celebrandi ac recitandi officium, *ibid.*

Regulares novos conventus aut monasteria nonnisi de Ordinariorum licentia, et servata forma constitutionis Clementis Papae VIII erigere possunt, 200 *a*. Apostatae et fugitivi ab Ordinariis locorum coercendi, 202 *b et seq.* Incurribiles nonnisi praevio processu eiici debent, *ibid.* Eiecti vero subsunt Ordina-

- riis, 203 *b*. Et ab ordinum exercitio suspensi remanent, *ibid.* Novitii ad habitum et regularem professionem non admittendi nisi in conventibus designandis, 205 *b* et 206 *a* et *seq.* Decreta pro reformatione regularium a Sacra Congregatione Concilii edita, 207 et *seq.* Quibus conditionibus novi conventus recipi queant, 339 *a*. Curam animarum exercentes in iis quae ad dictam curam et sacramentorum administrationem pertinent, iurisdictioni, visitationi et correctioni episcopi dioecesani subsunt, 458 *a* et *b*; etiam in Indiis, 537 *b*; episcopus potest in eos eadem auctoritate uti, quod dictam curam, qua potest in parochos seculares, eosque compellere censuris et poenis, a quibus absolvi non possunt a suis superioribus, 458 *b*.
- Reus, qui aliquod furtum confessus est, de aliis etiam, quorum non fuerit accusatus, potest a iudice interrogari, 473 *b* et *seq.*
- Rhetorum collegium Mediolani erectum, 469 *a*. Eique dati protectores, 469 *b*.
- Ripolensis monasterii monachi tenentur quotidie officium B. M. V. et defunctorum legere, 515 *b*.
- Rita (B.) de Cassia, 603 *b*. Indultum celebrandi de ea missam, *ibid.*
- Rituum Congregatio, 12 *a*; illi committitur inquirendi in causa canonizationis B. Philippi Neri, *ibid.*; et B. Ignatii Loiolae, 24 *a*.
- Rodericus Gomez de Sylva Hispaniarum regis apud Sedem Apostolicam orator 621 *b*.
- Rolandus archiepiscopus Bituricensis, 511 *a*; patriarcha et primas Aquitaniae, 512 *b*; deputatur praeses capituli generalis Tertii Ordinis S. Francisci de Poenitentia in Gallia, 511 et 512 *a*; ipsius decreta, 512 *b* et *seq.* Confirmantur a Pontifice, 513 *a*.
- Romandiola praesidi data potestas omnia loca visitandi, cogendique omnes ad frumentorum notam exhibendam, 294 *a*. Bannitosque absolvendi, dummodo a patrati criminis abstineant loco, 295 *b*. Datum illi in mandatis de possessione cupienda ducatus Urbini nomine Sedis Apostolicae, 356 *a* et *seq.*
- Romani Pontificis electio quomodo peragenda, 429 *a* et *b*.
- Rossilionis et Ceritaniae comitatus, 383 *b*; abusus immunitatis ecclesiasticae corriguntur, 384 *a*.
- Ruthenorum metropolita singulis quadrienniis provinciale concilium celebrare debet, 297 *b* et 298 *a*.

S

- Salis vectigal auxit Urbanus VIII, 421 *a*; et supra redditibus ipsius montem non vacabilem erigit, 421 *b*.
- Salvatoris (S.) in Brasilia ecclesiae provincias de Pernambuco, Peraiba, Itamaraca, et de Maranhão sustulerat Paulus Papa V, 184 *a*. Eas eidem ecclesiae restituit Urbanus, 184 *b*; et ecclesiam S. Salvatoris indemnem a Pauli litteris reddit, 185 *a*.
- Sanctimoniales quomodo lucrari possint indulgentiam anni sancti iubilaei, 278 *b*.
- Sanctius Cicatellus praefectus generalis Congregationis Clericorum Regularium Ministrantium infirmis, 105 *a*.

S

- Sardiniae ecclesiasticis indultum conceditur subsidium regi persolvendi, 493 *a* et *seq.*
 Sassarenensis seu Turritanæ civitatis adversus Calaritanos odia *vide* Calaritanæ.
 Scipio cardinalis Burghesius abbatiæ S. Gregorii de Urbe abbas commendatarius, 510 *a.*
 Senatus populusque Romanus pro S. Philippi Nerii canonizatione, 11 *b.*
 Senogalliensis civitas cum ducatu Urbini devolvitur ad Sedem Apostolicam, 179 *a* et *b*, 181 *a.*
 Septimius Eugenius universitatis Perusinae lector, 377 *b.*
 Seraphinus Levisellus procurator generalis Congregationis FF. Ioannis Dei, 617 *a.*
 Siciliæ regnum, 83 *b.* Paulus V cavit, quominus boves aliaque pecora ad arandum apta mactarentur, *ibid.* Quod decretum postea confirmavit Urbanus VIII, 84 *a.* Ecclesiasticis permissum Philippo IV Regi quoddam præbere subsidium, 240 *a.* Pestifera contagio saeviens anno iubilæi mdcxxv, 280 *a*, 281 *a.*
 Sigismundus III Poloniae Rex, 198 *a.* Illi data facultas procedendi contra ecclesiasticos rebelles, etiam episcopos et archiepiscopos, *ibid.*; bellum contra hæreticos Prussiae parat, 610 *b.*
 Societas Iesu collegium Nissæ cum studiorum universitate erectum, 492 *a.* Datur illi regendum collegium Illyricorum Laureti, 544 *b.*; et collegium Pragense pro adolescentibus Germanis, 552 *b.*, nec non Viennense, 557 *b* et *seq.* Presbyteris Societatis concessum indultum celebrandi missam de tribus Martyribus Iaponiæ, 595 *a* et *b.*

T

- Theutoniarum (B. Mariæ) militiæ 95 *b.*; illi asserta privilegia, *ibid.*
 Tiberius cardinalis Mutus tituli S. Priscæ, 617 *a.*
 Tiniensibus concessum indultum indulgentias anni iubilæi ipsa in Tiniensi insula lucrandi, 293 *a* et *b.*
 Torquatus de Comitibus delegatur ad fortalitia ac propugnacula Vallis Tellinae S. Sedis nomine recipienda, 425 *a* et 483 *b.* Eadem propugnacula Aloysio Trotto pro rege catholico restituit, 609 *b.*
 Turritanæ, seu Sassarenensis, et Calaritanæ civitatum dissidia, *vide* Calaritanæ.

U

- Urbanus Papa VIII, 1 *a.* Conclavistis privilegia elargitur, 1 *b* et *seq.* Beatum Philippum Nerium inter Sanctos relatum fuisse declarat, 21 *b.*; Beatum quoque Ignatium Loyolam, 31 *b.* Beatum Franciscum Xaverium, 44 *b.* Unit monasterium B. Mariæ de Castellariis domui Congregationis Oratorii Parisiensis, 46 *a* et *seq.*

Pii Papae V Constitutionem de locis Sanctae Romanae Ecclesiae non alienandis confirmat, 49 *b* et *seq.* Monasterium Farsense in gubernium erigit sub regimine gubernatoris a Romano Pontifice electi, 52 *a.* Cancellariae apostolicae regulas edit, 57 *a* et *seq.* Orationem quadraginta horarum ad divinum auxilium initio pontificatus implorandum indicit, 73 *b* et *seq.* Militiam christianam erigit, 115 *a* et *seq.* Visitationem ecclesiarum omnium, monasteriorum et locorum piorum Urbis indicit, 125 *b* et *seq.* Visitoribusque necessarias concedit facultates, 127 *b* et *seq.* Iubilaeum universale in Urbe Roma indicit pro anno mdcxxv, 143 *b* et *seq.* Cum indulgentiarum omnium suspensione, 147 *a.* Commissarios ad recipiendum iuramentum fidelitatis a praefectis arcium ducatus Urbini delegat, 179 *a.* Inventariumque armorum et tormentorum fieri mandat, 179 *b.* Et ab officialibus eiusdem ducatus iuramentum recipi fidelitatis, 180 *a* et *b.* Legato Bononiensi ius super illius provinciae arma asserit, 189 *a.* Venerabilem Iacobum de Marchia Ordinis Minorum S. Francisci Beatorum catalogo adscribit, 192 *b.* Ordiniq. Eremitarum S. Augustini indultum elargitur celebrandi missam et officium celebrandi de beata Clara de Monte Falchio, 193 *a.* Sigismundum III Poloniae regem, eiusque natos contra regni eiusdem ecclesiasticorum molimina tuetur, 198 *a.* Constitutiones edit pro collegio Graecorum de Urbe, 245 *b.* Franciscum Borgiam S. I. inter Beatos refert, 256 *a.* Berlingerio Ariminensi episcopo dat in mandatis, ut eveniente Francisci Mariae Urbini ducis obitu ducatus possessionem Sedis Apostolicae nomine capiat, et fidelitatis iuramentum recipiat, 268 *a* *seq.* Patriarchas, ceterosque episcopos monet, ut populos sibi creditos admoneant de effundendis ad Deum precibus ad pacem inter christianos principes conciliandam, 305 *a.* Et Franciscum cardinalem Barberinum ad eosdem principes delegat, 306 *a* et *b.* Prohibet, quominus imagines eorum, qui nondum a Sede Apostolica sunt canonizati, cum radiis proponantur, aut votivae tabellae eorum sepulchro affigantur, 309 *a.* Venerabilem servum Dei Felicem a Cantalicio inter Beatos refert, 372 *a.* Archivium generale in Urbe instituit, 387 *b* et *seq.* Montem Salis erigit, 421 *b.* Poenitentiarium in Basilica Vaticana pro lingua graeca instituit, 476 *b.* Torquatum de Comitibus delegat, ut nomine S. Sedis fortalitia et propugnacula Vallis Tellinae recipiat, 425 *a* et 483 *b.* Potestatem facit quoddam regi subsidium persolvendi ecclesiasticis Sardiniae, 493 *a.* Atque etiam regni Valentiae 497 *a* et *b.* Antonium cardinalem Barberinum deputat ad ducatus Urbini possessionem capiendam, 499 *b* et *seq.* Indiarum praesulibus leges praescribit gradus doctoratus conferendi, 516 *a.* Abusum immittendi ferocem taurum in ecclesiam Pacensem die festo S. Marci abolet, 518 *b.* Suppresso praefecti computorum datariae apostolicae officio aliud simplicis pecuniarum receptoris sufficit, 528 *b.* Ven. Mariam Magdalenam de Pazzis Beatorum albo adscribit, 539 *b.* Illyricorum collegium Laureti instituit, 541 *b* et *seq.* Atque etiam Pragense pro Germanis, 551 *b.* Viennense, 57 *a* et *seq.* Erigit collegium de Propaganda Fide, 575 *seq.* Modum servandum praescribit in processibus inquisitionis in qualitates promovendorum ad cathedrales ecclesias, 581 *b* et *seq.* Sigismundo III, Poloniae regi ac militibus cum eo contra haereticos Prussiae profecturis indulgentiam impertitur, 610 *b.* Pii V constitutiones contra mone-

tarios innovat, 95 a. Et ad ecclesiasticos quoque extendit, 614 b et seq. Constitutionem Clementis VIII contra non promotos ad presbyteratus ordinem, qui sacra operantur vel confessiones audiunt, editam ampliat, 654 a. Iubilaeum universale pro anno mdcxxviii indicit, 654 b. In Urbis gymnasio rhetoricae cathedram instituit, 646 a et seq.

Urbanum collegium de propaganda fide nuncupatum erigitur, 575 b. A Ioanne Baptista Vives dotatum, *ibid.* Eius privilegia, 759 et seq.
 Urbini ducatus ad Cameram Apostolicam devolvendus, 181 b. Romandiolae praesidi datum in mandatis de eius possessione capienda, 356 a et seq. Cum facultatibus ad id necessariis et opportunis, 357 a et seq. Eadem facultas etiam aliis cumulative concessa, 358 a.

V

Valentiae ecclesiasticis permissum subsidium Philippo regi subministrandi, 497 a et b. Vallis Tellinae, comitatus Bormii, et oppidi Chiavennae fortalitia fuere in manibus Sedis Apostolicae titulo depositi consignata, 424 a et 483 b; et a Sede Apostolica regi catholico restituta, 609 b.

Valtellina, 205 b; in ea imminet magna bellorum pericula, *ibid.*

Vaticana Basilica, 476 b. Poenitentiarius pro lingua graeca in ea institutus, *ibid.*

Venayssinus comitatus, 120 b. Eius incolis concessa a Paulo V privilegia, *ibid.* Confirmat Urbanus VIII, *ibid.*

Verzini oppidum, 233 a; ibi seminarium pro Cariatensi diocesi erectum, *ibid.*

Vicensi episcopo adiudicata iurisdictio super collegiatam ecclesiam S. Ioannis de Abbatissis, 102 b.

Viennense in Austria collegium a Gregorio PP. XIII institutum, et restitutum ab Urbano VIII, 557 a. Eius cura presbyteris Societatis Iesu demandata, 557 b et seq. Modus in admittendis alumnis servandus, 558 b. Eorumdem privilegia, 559 a.

Vilnensis ecclesia, 420 a; statuitur archidiaconum visitantem dioecesim nomine episcopi non lucrari distributiones quotidianas, *ibid.*

Vladislaus regis Poloniae filius ense et pileo ab Urbano VIII donatus, 278 a.

Wratislaviensis episcopus, 491 b. Delegatur ab Urbano VIII ad confirmationem faciendam collegii Societatis Iesu cum universitate studiorum in oppido Nissae erecti, 492 b.

INDEX INITIALIS.

A

Ab illa die, qua divinae placuit, 526.
 Accepimus nuper, fraternitatem, 199.
 Accepto, quod sanctae Romanae, 489.
 Ad apostolatum nostrum, non sine, 464.
 Ad audientiam apostolatus nostri, 334.
 Ad audientiam nostram non sine, 198.
 Ad aures nostras non sine gravi, 101.
 Ad militantis Ecclesiae regimen, 608.
 Admonet nos cura pastoralis, 402.
 Ad Romani Pontificis providentiam, 428.
 Ad uberes et suaves fructus, 479.
 Ad uberes et suaves fructus, 522.
 Aeternus rerum Conditor, 73.
 Aeternus rerum Conditor, 647.
 Aliàs a fel. record. Clemente PP. VIII, 311.
 Aliàs a fel. record. Gregorio PP. XIII, 153.
 Aliàs a felicis record. Gregorio XV, 138.
 Aliàs a fel. record. Gregorio PP. XV, 151.
 Aliàs a fel. record. Gregorio PP. XV, 189.
 Aliàs a fel. record. Gregorio PP. XV, 292.

Aliàs a fel. record. Gregorio PP. XV, 367.
 Aliàs a fel. record. Gregorio, PP. XV, 641.
 Aliàs a felicis record. Paulo PP. V, 83.
 Aliàs a felicis record. Paulo, PP. V, 120.
 Aliàs a felicis record. Paulo PP. V, 328.
 Aliàs a felicis record. Paulo PP. V, 478.
 Aliàs a felicis record. Paulo PP. V, 482.
 Aliàs a nobis emanarunt litterae, 368.
 Aliàs a nobis emanarunt litterae, 434.
 Aliàs a nobis emanarunt litterae, 514.
 Aliàs a nobis emanarunt litterae, 664.
 Aliàs de tuâ prudentiâ, 140.
 Aliàs fel. record. Clemens PP. VIII, 102.
 Aliàs felicis record. Paulo PP. V, 417.
 Aliàs felicis record. Paulo PP. V, 482.
 Aliàs felicis record. Paulo PP. V, 516.
 Aliàs felicis record. Paulo PP. V, 666.
 Aliàs felicis record. Pius PP. V, 161.
 Aliàs felicis record. Pius PP. V, 165.
 Aliàs nomine dilectorum filiorum, 645.
 Aliàs per fel. record. Paulum PP. V, 364.
 Aliàs per nostras in simili formâ, 362.

Alias piae memoriae Paulo PP. V, 171.
 Alias, pro parte bonae memoriae, 668.
 Alias, pro parte dilecti filii Basilii, 652.
 Alias, pro parte dilecti filii nobilis, 622.
 Alias, supplicationibus dilectorum, 325.
 Annonae copiae, 294.
 Apostolatus officium, cui, meritis 646.
 Apostolatus officium, nullo licet, 385.
 Apostolicam decet benignitatem, 275.
 Apostolici muneris sollicitudo, 366.

C

Caelestis aquae flumen, 80.
 Circumspecta in omnibus Romani, 1.
 Circumspecta Romani Pontificis, 324.
 Circumspecta Romani Pontificis, 658.
 Circumspecta Sedis Apostolicae, 167.
 Clerum Lodiensem ob eius, 449.
 Commissi nobis per abundantiam, 617.
 Conservationi et mantentioni, 283.
 Conservationi et mantentioni, 503.
 Commissi nobis per abundantiam, 190.
 Commissi nobis per abundantiam, 661.
 Considerantes ducatum Urbini, 181.
 Creditum humilitati nostrae, 356.
 Creditum humilitati nostrae, 589.
 Cum alias fel. record. Paulus PP. V, 283.
 Cum dilectus filius nobilis vir, 179.
 Cum dilectus filius nobilis vir, 179.
 Cum dilectus filius nobilis vir, 268.
 Cum in pastoralis visitatione, 130.
 Cum nos alias facultates, 621.
 Cum nos nuper ad regimen, 298.
 Cum nos nuper in monte Libano, 359.
 Cum nos nuper Militiam Christianam, 238.
 Cum nos hodie motu proprio, 295.
 Cum nos hodie motu proprio, 296.
 Cum nos nuper occasione, 327.
 Cum nos nuper supplicationibus, 222.
 Cum nos nuper te ad charissimum, 307.
 Cum nuper iubilaei celebrationem, 147.
 Cum nuper ob sacri iubilaei, 189.
 Cum primum ad summi apostolatus, 611.
 Cum saepe contingat, 336.

Cum, sicut accepimus, dilecti filii, 643.
 Cum, sicut accepimus, diversorum, 84.
 Cum, sicut accepimus, nuper, 108.
 Cum, sicut accepimus, nuper, 109.
 Cum, sicut accepimus, nuper, 110.
 Cum, sicut accepimus, nuper, 110.
 Cum, sicut accepimus, nuper, 110.
 Cum, sicut accepimus, nuper, 111.
 Cum, sicut accepimus, quamplures, 508.
 Cum, sicut dilectus filius Aloysius, 103.
 Cum, sicut dilectus filius Ioannes, 454.
 Cum, sicut dilectus filius Lucas, 448.
 Cum, sicut dilectus filius modernus, 515.
 Cum, sicut charissimus in Christo, 124.
 Cum, sicut dilectus filius commiss. 351.
 Cum, sicut dilectus filius procurator 427.
 Cum, sicut nobis innotuit, 609.
 Cum, sicut nobis nuper exponi, 498.
 Cum, sicut nobis nuper exponi, 518.
 Cum; sicut non sine gravi, 462.
 Cum, sicut pro parte dilectorum, 273.
 Cupientes in hac nostra pastoralis, 126.
 Cupientes prospero felicitate, 123.

D

Debitum pastoralis officii nobis, 599.
 Decens et aequum esse censemus, 547.
 Decet Romanum Pontificem, 75.
 Decet Romanum Pontificem, 85.
 Decet Romanum Pontificem, 95.
 Decet Romanum Pontificem, 220.
 Decet Romanum Pontificem, 473.
 Decet Romanum Pontificem, 505.
 De salute dominici gregis, 610.
 Divinae misericordiae 315.
 Dominici gregis cura, 352.
 Domini nostri Iesu Christi, 193.
 Domini nostri Iesu Christi, 370.

E

Ex debito apostolicae servitutis, 510.
 Ex debito pastoralis officii nostri, 46.
 Ex illo die quo mirabilia, 148.

Eximius maiestatis tuae orthodoxae, 493.
 Eximius maiestatis tuae orthodoxae, 496.
 Ex iniuncti nobis apostolici muneris, 669.
 Ex iniuncti nobis desuper, 393.
 Ex iniuncto nobis desuper, 53.
 Ex iniuncto nobis desuper, 80.
 Ex iniuncto nobis desuper, 461.
 Exponi nobis nuper fecerunt, 386.
 Exponi nobis nuper fecerunt, 420.
 Exponi nobis nuper fecerunt, 466.
 Exponi nobis nuper fecerunt, 467.
 Exponi nobis nuper fecerunt, 568.
 Exponi nobis nuper fecerunt, 642.
 Exponi nobis nuper fecerunt, 677.
 Exponi nobis nuper fecisti, 240.
 Exponi nobis nuper fecit charissimus, 182.
 Exponi nobis nuper fecit dilectus, 142.
 Exponi nobis nuper fecit, 233.
 Exponi nobis nuper fecit, 363.
 Exponi nobis nuper fecit, 383.
 Exponi nobis nuper fecit, 457.
 Exponi nobis nuper fecit venerabilis, 537.
 Exponi nobis nuper fecit venerabilis, 591.
 Expositum nobis nuper fuit, 523.

F

Felici ac prospero monasterii, 509.

H

Hodie pro parte dilectorum filiorum, 570.
 Humanae salutis auctor, 379.
 Humanarum rerum ea est incerta, 507.

I

Immortales christianae fortitudinis, 277.
 Immortalis Dei Filius nostram, 574.
 Imperscrutabilis divinarum iudiciorum, 114.
 In cathedra Principis apostolorum, 455.
 In iis praecipuae sollicitudinis, 517.
 Iniuncti nobis apostolici muneris, 177.
 Iniuncti nobis apostolici muneris, 409.
 Iniuncti nobis apostolici muneris, 477.

Iniuncti nobis apostolici muneris, 623.
 In Sede Principis apostolorum, 192.
 In Sede Principis apostolorum, 255.
 In Sede Principis apostolorum, 331.
 In Sede Principis apostolorum, 456.
 In Sede Principis apostolorum, 565.
 In specula militantis Ecclesiae, 82.
 In specula militantis Ecclesiae, 372.
 In specula militantis Ecclesiae, 672.
 In superemin. apostol. dignitatis, 624.
 In supereminenti Sedis Apostolicae, 266.
 In supereminenti Sedis Apostolicae, 358.
 In supereminenti Sedis Apostolicae, 374.
 In supereminenti Sedis Apostolicae, 491.
 In supremâ militantis Ecclesiae, 606.
 In supremâ pastoralis speculâ, 614.
 In supremo apostolatus solio, 97.
 In supremo apostolatus solio, 393.
 In supremo apostolatus solio, 400.
 In supremo apostolatus solio, 538.
 In supremo apostolatus solio, 603.
 In supremo apostolicae dignitatis, 464.
 In supremo militantis Ecclesiae, 50.
 Inter cetera cordis nostris 257.
 Inter cetera pietatis opera, 604.

L

Licet nullus episcoporum, 490.

M

Militantem Ecclesiam, quae, 125.
 Militanti Ecclesiae, licet immeriti, 469.
 Militantis Ecclesiae regimini, 92.
 Militantis Ecclesiae regimini, 186.
 Militantis Ecclesiae regimini, 657.
 Militantis Ecclesiae regimini, 663.
 Muneri nostro apostolico incumbit, 495.

N

Nobis nuper pro parte dilectorum, 304.
 Nomine dilecti filii, 326.
 Nuper accepimus, quod licet, 265.

Nuper a nobis emanarunt litterae, 256.
 Nuper, cum causa inter dilectos, 139.
 Nuper, nomine dilectorum filiorum, 453.
 Nuper pro parte charissimi, 234.
 Nuper pro parte dilectorum, 631.
 Nuper supplicationibus dilectorum, 118.
 Nuper supplicationibus dilectorum, 119.
 Nuper supplicationibus dilectorum, 272.

O

Officii nostri est pastoralia munera, 128.
 Omnes gentes plaudite manibus, 143.
 Onerosa pastoralis officii cura, 99.
 Onerosa pastoralis officii cura, 242.
 Onerosa pastoralis officii cura, 459.
 Orthodoxae fidei conservandae, 398.
 Orthodoxae fidei religionisque, 321.

P

Pastoralis officii nobis divina, 592.
 Pastoralis officii nobis divinitus, 472.
 Pastoralis officii nobis licet, 521.
 Pastoralis officii nobis, meritis, 387.
 Pastoralis officii nostri cura, 79.
 Pastoralis R. Pontificis vigilantia, 530.
 Pastoris aeterni, qui pro gregis, 236.
 Pastoris aeterni, qui pro gregis, 519.
 Paterna dominici gregis cura, 279.
 Paterna dominici gregis cura, 281.
 Pietatis et christianae charitatis, 243.
 Pontificia sollicitudo, 278.
 Praeclara praedecessorum tuorum, 111.
 Pro nostro munere, 343.

Q

Quae ad restituendos in pristinum, 354.
 Quamvis ab initio nostri pontificatus, 421.
 Quod ab initio pontificatus nostri, 654.
 Quoniam divinae bonitati visum est, 551.
 Quoniam divinae bonitati visum est, 556.
 Quoniam in prosequendo munere, 127.

R

Rationi congruit, 11.
 Rationi congruit, 23.

Rationi congruit, 33.
 Rerum, quae nobis cordi sunt, 132.
 Romani Pontifices qui Ordinis, 160.
 Romani Pontificis circumspecta, 368.
 Romanus Pontifex, ad quem, 86.
 Romanus Pontifex, aequi bonique, 436.
 Romanus Pontifex, aequi bonique, 504.
 Romanus Pontifex, aequi bonique, 527.
 Romanus Pontifex, aequi bonique, 631.
 Romanus Pontifex a Salvatore, 183.
 Romanus Pontifex a Salvatore, 284.
 Romanus Pontifex, cui Salvator, 200.
 Romanus Pontifex, cuius principatum, 618.
 Romanus Pontifex e sublimi, 660.
 Romanus Pontifex, in quo, 121.
 Romanus Pontifex in sacrâ, 320.
 Romanus Pontifex, quem Salvator, 432.
 Romanus Pontifex, quem Salvator, 540.

S

Sacra Congregatio cardinalium, 202.
 Sacrosanctae Romanae Ecclesiae, 105.
 Sacrosancti apostolatus ministerium, 49.
 Sacrosancti apostolatus ministerium, 193.
 Sacrosanctum apostolatus minister., 235.
 Sacrosanctum apostolatus minister., 273.
 Sacrosanctum apostolatus minister., 289.
 Sacrosanctum apostolatus minister., 322.
 Sacrosanctum apostolatus minister., 373.
 Sacrosanctum apostolatus officium, 169.
 Sacrosanctum apostolatus officium, 297.
 Sacrosanctum apostolatus officium, 299.
 Sacrosanctum apostolatus officium, 471.
 Sacrosanctum apostolatus officium, 484.
 Salvatoris et Domini nostri, 282.
 Salvatoris et Domini nostri, 382.
 Salvatoris et Domini nostri, 474.
 Salvatoris et Domini nostri, 562.
 Salvatoris et Domini nostri, 593.
 Salvatoris et Domini nostri, 595.
 Salvator noster Dominus Iesus, 292.
 Salvator noster Dominus Iesus, 332.
 Sanctissimus Dominus noster, 371.
 Sanctissimus Dominus noster Urbanus, 573.

Sanctissimus D. N. D. Urbanus, 106.
Sanctissimus D. N. sollicitus, 309.
Sanctissimus in Christo Pater, 57.
Secretis aeternae providentiae, 263.
Sedes Apostolica, pia mater, 317.
Sedes Apostolica, pia mater, 596.
Singulares atque eximiae virtutes, 499.
Singularia multiplicum virtutum, 141.
Singularia atque eximia maiestatis, 133.
Singularibus tuae in nos, 424.
Singularibus tuae in nos, 426.
Singularis tuae in nos, 483.
Si processus inquisitionis, 581.
Spectata diu, 563.
Spirituali christifidelium, 476.
Superni benignitas Conditoris, 222.

T

Tonitrua ultionis Omnipotentis, 305.

U

Universalis Ecclesiae regimini, 134.
Universalis Ecclesiae regimini, 245.
Ut decreta alias sub die, 525.
Ut ea quae pro personarum, 186.
Ut in prosequendo visitationis, 133.
Ut penuriae notariorum, 192.

Z

Zelo domus Dei nos commovente, 541.



INDEX RUBRICARUM

CONSTITUTIONUM

URBANI PP. VIII

AB ANNO PRIMO SACRI EIUS PRINCIPATUS

AD TOTUM QUINTUM.

- | | |
|--|---|
| <p>I. Privilegia et indulta concessa conclavistis, qui inservierunt praecedenti conclavi, pag. 1.</p> <p>II. Canonizatio Beati Philippi Nerii Congregationis Oratorii fundatoris, 11.</p> <p>III. Canonizatio beati Ignatii Loiolae Societatis Iesu fundatoris, 23.</p> <p>IV. Canonizatio Beati Francisci Xaverii e Societate Iesu, 33.</p> <p>V. Officiali curiae ecclesiasticae Xanctonensis committitur unio monasterii B. Mariae de Castellariis Ordinis Cisterciensis eiusdem Xanctonensis dioecesis domui Parisiensi Congregationis Oratorii, 46.</p> <p>VI. Confirmatio constitutionis Pii V et eius successorum de non alienandis et infeudandis civitatibus, terris et locis sanctae Romanae Ecclesiae, 49.</p> <p>VII. Castra ad monasterium Farsense alias spectantia et camerae apostolicae quoad temporale dominium addicta,</p> | <p>regimini gubernatoris a Romano Pontifice eligendi sublecluntur, 30.</p> <p>VIII. Confirmatio translationis haereditatis Ioannis Pizzulli e conventu S. Andreae de Frattis de Urbe Ordinis Minimorum S. Francisci de Paula ad conventum et collegium eiusdem Ordinis in regione Montium, 33.</p> <p>IX. Regulae, ordinationes et constitutiones cancellariae apostolicae, 57.</p> <p>X. Indictio orationis Quadraginta Horarum ad divinum auxilium initio pontificatus pro salutaris Catholicae Ecclesiae regimine implorandum, 73.</p> <p>XI. Confirmatio decretorum sacrae Congregationis Concilii, quibus, cassatis capituli Atrebatensis assertis privilegiis, competens episcopo asseritur iurisdictio ad formam Concilii Tridentini, 75.</p> <p>XII. Ecclesiarum Argentinensis et Passaviensis administratori interdicitur,</p> |
|--|---|

- quominus feuda, ad easdem ecclesias pertinentia, haereticis, seu de fide catholica male sentientibus, locet, 79.
- XIII. Confirmatio capitulorum pro mercatoribus nationum Florentinae, Mediolanensis, Venetae et Bononiensis in civitate Placentiae, 80.
- XIV. Extensio indulti recitandi officium et missam celebrandi de beata Margarita de Cortona, moniali Tertii Ordinis sancti Francisci, pro omnibus tam viris quam mulieribus dicti Ordinis ubique existentibus, 80.
- XV. Deputatio archiepiscopi Cretensis in visitatorem totius regni Cretae, 82.
- XVI. Confirmatio litterarum Pauli V super carnibus in regno Siciliae mactandis, 83.
- XVII. Friderico cardinali Borromaeo archiepiscopo Mediolanensi committitur PP. Iesuitis, Barnabitis et Cappucinis inhibeat, ne alumnos seminariorum Mediolanensium ad habitum regularem admittant, 84.
- XVIII. Confirmatio litterarum Gregorii XV super regimine monialium Carmelitarum Discalceatarum regni Franciae, 85.
- XIX. Privilegia, indulta, gratiae et exemptiones pro dapiferis, qui Pontifici, ceterisque S. R. E. cardinalibus in conclavi inservierunt, 86.
- XX. Erectio commendae Bononiensis hospitalis S. Ioannis Hierosolymitani in baiulivatum piorum nuncupandum, 92.
- XXI. Confirmatio litterarum Gregorii XV de privilegiis Militiae beatae Mariae Theutonicorum concessis per Sedem Apostolicam, 93.
- XXII. Definitiones et declarationes super reassumptione calepodiorum, depositione solearum, et delatione capucii rotundi, largiorisque mozzetae, ac protensi mantelli, a fratribus Minoribus Ordinis S. Francisci strictioris Observantiae deferendi, 97.
- XXIII. Collectori generali spoliiorum camerae apostolicae in regnis Portugalliae committitur, ut archiepiscopo Elborensi et militibus militiarum S. Iacobi et S. Benedicti de Avis terminum viginti dierum praefigat ad arbitros constituendos, qui controversias omnes inter eos vertentes definiant, 99.
- XXIV. Mandatum nuncio apostolico apud Helvetios de compellendo ecclesiasticos ad observantiam Constitutionis Pauli Papae II, quae incipit *Ambitiosae*, de bonis ecclesiarum non alienandis sive locandis, 101.
- XXV. Declarat Ordinarium collegiatae sancti Ioannis de Abbatissis, Vicentinae dioecesis, non esse archipresbyterum praefatae ecclesiae, sed episcopum Vicentinum, 102.
- XXVI. Confirmatio decreti Congregationis Concilii, quo declaratur clericos qui incedunt in habitu et tonsura, quamvis servitio peculiaris ecclesiae non sint ab episcopo addicti, gaudere privilegio fori iuxta Concilium Tridentinum cap. vi, sess. xxiii, 103.
- XXVII. Professi in Congregatione Clericorum Regularium Ministrantium infirmis in domibus novitiatum, vel aliis distinctis domibus, donec ad sacros ordines promoveantur, ex illarum redditibus vivere possunt, 104.
- XXVIII. Revocatio facultatum disponendi de officiis vacabilibus Romanae curiae, eorumque pretio, et moderatio indulgitorum transferendi pensiones, 106.
- XXIX. Confirmatio decreti Congregationis Concilii, quo statuitur cognitionem causarum criminalium clericorum civitatis et dioecesis Atrebatensis ad solum episcopum spectare, 108.

- XXX. Confirmatio alterius decreti eiusdem Congregationis, quo declaratur, facultatem approbandi confessarios ad confessiones audiendas, atque licentiam concedendi regularibus, qui in ecclesiis non suorum Ordinum sacras conciones sunt habituri, necnon benedictionem iis, qui in suorum Ordinum ecclesiis praedicare voluerint, soli episcopo competere in dioecesi Atrebatensi, 109.
- XXXI. Confirmatio alterius decreti, quo statuitur capitulum vel decanum Atrebatensem non posse sibi casus reservare, nec a casibus ab episcopo reservatis absolvere, nec litteras dimissoriales concedere, 110.
- XXXII. Confirmatio decreti, sive declarationis eiusdem Congregationis, quo statuitur, indulgentias, tam in cathedrali Atrebatensi, quam extra eam in totâ dioecesi, ab episcopo, adhibitis duobus de capitulo, esse publicandas, 110.
- XXXIII. Confirmatio alterius decreti, quo statuitur convocationem synodi Atrebatensis, et concursum parochialium ecclesiarum, etiamsi de iurepatronatus capituli fuerint, instituere, ad solum episcopum pertinere, 110.
- XXXIV. Confirmatio alterius decreti Congregationis, quo declaratur capitulum Atrebatense non posse exercere nundinas, mercatus, ac strepitus iudiciorum profanorum in dictâ ecclesiâ, ac eius coemeteriis, 111.
- XXXV. Philippo IV Hispaniarum regi indultum conceditur retinendi ducatum Mediolanensem cum regno Siciliae, 111.
- XXXVI. Erectio Militiae Christianae sub titulo Conceptionis B. Mariae Virginis Immaculae et regulâ S. Francisci, cum privilegiorum, exemptionum et indultorum concessione, 114.
- XXXVII. Indultum militibus Militiae Christianae nationum Gallicae et Belgicae obtinendi pensiones usque ad summam quingentorum ducatorum auri de camerâ, 118.
- XXXVIII. Prohibitio, ne quis habitum et crucem assertae cuiusdam militiae christianae ab Apostolicâ Sede non approbatae deferat, 119.
- XXXIX. Confirmatio litterarum Pauli V pro universitate et hominibus comitatus Venayssini, 120.
- XL. Confirmatio et innovatio constitutionum Gregorii XIII, Clementis VIII et Pauli V super bono regimine fratrum Reformatorum Strictioris Observantiae Ordinis S. Francisci editarum, nonnullis aliis additis decretis, 121.
- XLI. Archiepiscopus Mediolanensis deputatur administrator perpetuus seminarii Asconae, Comensis dioecesis, 123.
- XLII. Facultas episcopis Hispaniarum compellendi ecclesiasticos seculares et regulares ad testificandum in causis nobilitatis et puritatis sanguinis, 124.
- XLIII. Indictio visitationis omnium ecclesiarum, monasteriorum et locorum piorum almae Urbis, necnon orationis Quadraginta Horarum, cum indulgentiarum elargitione, pro rectâ dictae visitationis directione, 125.
- XLIV. Sequitur mandatum visitandi in parochialibus ecclesiis infirmos, eisque eleemosynam elargiendi, 126.
- XLV. Sequitur facultas cognoscendi causas quascumque etiam criminales absque irregularitatis incursu, 127.
- XLVI. Sequitur indultum visitoribus exercendi ubique pontificalia, 128.
- XLVII. Sequitur aliarum facultatum concessio, dictis visitoribus pro felici visitationis progressu, 129.

- XLVIII.** Deputatio secretarii praedictae visitationis, 132.
- XLIX.** Facultas visitatoribus advocandi ad se quascumque causas occasione dictae visitationis in aliis tribunalibus et coram aliis iudicibus antea coeptas, vel instructas, ac in statu in quo reperiuntur, 132.
- L.** Hispaniarum rex eiusque ministri a censuris absolvuntur, in quas incurrerant ob exactum quoddam vectigal ab ecclesiasticis in oppido Matriti absque Sedis Apostolicae licentiâ, 133.
- LI.** Confirmatio privilegiorum, exemptionum et aliarum gratiarum hospitali sancti Ioannis Hierosolymitani concessorum, 134.
- LII.** Confirmatio litterarum Gregorii XV, quibus congregatio monachorum Ordinis S. Benedicti Helvetiorum ab Ordinariorum iurisdictione eximitur, 137.
- LIII.** Declaratio Constitutionis xxii superius positae de habitu fratrum Minorum, 139.
- LIV.** Extensio facultatis archiepiscopo Cretensi concessae visitandi insulam Cretae, 140.
- LV.** Prorogatio duorum mensium favore Caroli Barberini, pontificiarum militiarum, arciumque Perusinae et Anconitanae praefecti, eiusque locatenentium, ad iuramentum in manibus cardinalis sanctae Romanae Ecclesiae camerarii praestandum, et inventarium dictarum arcium faciendum, 141.
- LVI.** Confirmatio decreti Congregationis Concilii, quo statuitur nihil prorsus esse solvendum episcopis, aut eorum officialibus, pro exhibendâ ratione honorum, eleemosynarum, testamentorum et legatorum a fratribus Congregationis Ioannis Dei, 142.
- LVII.** Indictio iubilaei universalis pro anno mdcxxv, ac suspensio quarumcumque aliarum indulgentiarum dicto anno durante, 143.
- LVIII.** Sequitur suspensio aliarum indulgentiarum hoc anno sancto durante, 147.
- LIX.** Super solutione centum quinquaginta millium scutorum pro munitione civitatis Mediolanensis, 148.
- LX.** Moderatio litterarum Gregorii XV super divisione provinciarum fratrum Minorum de Observantiâ sancti Francisci Reformatorum regni Siciliae, 151.
- LXI.** Confirmatio litterarum Gregorii XIII et Clementis VIII quibus declaratur per onera ecclesiasticis secularibus et regularibus Bononiensibus imposita nullum praeiudicium privilegiis et exemptionibus hospitali S. Ioannis Hierosolymitani aliâs concessis inferri, 153.
- LXII.** Approbatio statutorum in capitulo generali fratrum Minimorum S. Francisci de Paula editorum circa ea quae agenda sunt in casu mortis generalis totius Ordinis, 156.
- LXIII.** Praeceptum priori et fratribus militibus prioratus Alemanniae hospitalis sancti Ioannis Hierosolymitani ne bona et privilegia dicti prioratus laedi permittant, 160.
- LXIV.** Confirmatio et renovatio constitutionum Pii V et Sixti V super solutione communium, annatarum et quindenniorum, ac indicatione unionum, 161.
- LXV.** Extensio indultorum cruciatæ ad ecclesiasticos seculares et regulares regnorum Hispaniarum, 165.
- LXVI.** Confirmatio emptionis oppidi de Lizheim, ad Fridericum comitem palatinum Rheni spectantis, factae ab Henrico Lotharingiae duce, causâ

- propagandae in eo religionis catholicae, 166.
- LXVII. Confirmatio privilegiorum Congregationis Ioannis Dei sub regulâ S. Augustini, et communicatio indultorum Ordinibus Mendicantium, et praesertim Congregationi Clericorum regularium Ministrantium infirmis, eorumque locis et personis concessorum et concedendorum, 168.
- LXVIII. Prorogatio, seu nova concessio indulti iuris nominandi ad canonicatus et praebendas ecclesiarum Coloniensium rectori universitatis Coloniensis, adiectis tamen nonnullis legibus per nominatos servandis, 171.
- LXIX. Confirmatio privilegiorum Ordini fratrum Minorum S. Francisci de Paula concessorum, 177.
- LXX. Lucas Antonius Virili commissarius apostolicus deputatur, ut intersit actis a Francisco Maria de Rovere Urbini duce faciendis litterisque scribendis ab ipso, ad fidelitatis iuramentum ab arcium sui domini praefectis et gubernatoribus locorum Romano Pontifici et reverendae camerae apostolicae praestandum necessariis, 179.
- LXXI. Sequitur facultas eisdem apostolicis commissariis recipiendi fidelitatis iuramentum a gubernatoribus, aliisque officialibus Status Urbini sanctae Sedi Apostolicae praestandum, 179.
- LXXII. Devoluto ad cameram apostolicam Urbini ducatu, mandatur nonnullis delegatis, curent eos in fortalitia et arces eiusdem ducatus admitti, qui ab haeredibus defuncti ducis Francisci Mariae de Rovere ad inventarium tormentorum, armorum, ceterarumque rerum conficiendum designabuntur, 181.
- Idem sequenti anno negotium commissum legitur exarcatus Ravennae praesidi, et provinciae Marchiae gubernatori, altero quidem Brevi eiusdem exempli, cuius summam tantummodo referendum esse consuevimus, 182.
- LXXIII. Confirmatur decretum regis Hispaniarum circa modum inquirendi de nobilitate et puritate sanguinis, 182.
- LXXIV. Revocatis Pauli V litteris, quibus provincias de Peraiba, Itamaraca, Riogrande, et Maranham provinciae de Pernambuco univerat, eadem provinciae ecclesiae S. Salvatoris restituantur, 183.
- LXXV. Impositio decimae pro episcopo Eystetensi in totâ eius dioecesi, 185.
- LXXVI. Translatum generalibus armorum Ferrariae ius super militiâ Bononiensi legato Bononiensi asseritur, 189.
- LXXVII. Declaratio, quod indulgentia Portiunculae hoc anno sancto non revocatur, 189.
- LXXVIII. Ne fratres reformati Discalceati Sanctissimae Trinitatis Redemptionis captivorum Hispaniae post emissam professionem, sub quovis praetextu, transeant ad alios quoscunque Ordines, etiam fratrum Minorum S. Francisci de Paula, excepto Carthusianorum Ordine, 190.
- LXXIX. Facultas Lucae Antonio Virili commissario apostolico in dominiis ducis Urbini creandi notarios, 191.
- LXXX. Beatificatio venerabilis Servi Dei Iacobi de Marchia, Ordinis fratrum Minorum sancti Francisci de Observantia, unâ cum concessione celebrandi de eo missam et officium de communi Confessorum non Pontificum in ecclesiâ dicti Ordinis, ubi corpus eius requiescit, 192.
- LXXXI. Indultum recitandi officium et celebrandi missam de beata Clara de Monte Falchio Ordinis Eremitarum sancti Augustini, pro Ordinis praedicti fratribus et monialibus, 192.

LXXXII. Congregationi monachorum Caestelinorum Ordinis S. Benedicti communicantur gratiae et privilegia omnia Congregationi Cassinensi, aliisque monachorum congregationibus concessa et concedenda, 193.

Additur facultas iam a Paulo V concessa abbati generali eiusdem Congregationis eas faciendi functiones, quas alii abbates exempti facere consueverunt, habituque praelatorum regularium, et in monasteriis sui Ordinis pontificalibus indumentis utendi, ac missas solemniter celebrandi, etc., 196.

LXXXIII. Facultas nuncio Poloniae procedendi contra ecclesiasticos, ac etiam contra episcopos et archiepiscopos, qui in regem Poloniae vel eius natos conspiraverunt, 198.

LXXXIV. Adhortatio ad archiepiscopum Arborensem de erigendo seminario, residendo, atque ecclesiâ reparandâ, 199.

LXXXV. Revocatio quarumcumque licentiarum a praedecessoribus Pontificibus loca regularia erigendi, non servatâ formâ constitutionis Clementis VIII et decretorum Sedis Apostolicae, concessarum, quae nondum effectum suum sortitae sunt, ac prohibitio illa de cetero erigendi absque licentiâ Ordinariorum, 199.

LXXXVI. De regularibus apostatis et electis, ac de innovatione, declaratione, et observantiâ generalium decretorum, quae Clemens VIII pro regularium reformatione, novitiorumque receptione edidit, 202.

Subsequuntur supradicta decreta generalia Clementis Papae VIII, 205.

Decretum primum de novitiis ad habitum regularem et professionem non admittendis, nisi in conventibus designandis, 205.

Decretum secundum renovationis et ampliationis decreti praedicti, 206.

Decreta alia pro reformatione regularium, tam monachorum, quam Mendicantium cuiuscumque Ordinis et instituti, 207.

Aliud decretum de licentiâ obtinendâ a fratribus Romam venientibus, 211.

Aliud decretum super casuum reservatione ab omnibus regularium Superioribus observandum, 212.

Aliud decretum de formulâ concedendi facultatem pro novitiis ad regularem habitum recipiendis in monasteriis et locis designatis, 213.

Aliud decretum super formâ recipiendi novitios regularium ad habitum et professionem, 214.

Aliud decretum de institutionibus super receptione et educatione novitiorum religiosorum in monasteriis et conventibus designatis vel designandis Clementis eiusdem iussu editum, 215.

LXXXVII. Declaratur indulgentias cruciatæ regnorum Hispaniarum non comprehendi in suspensione indulgentiarum occasione anni iubilaei MDCXXV, 220.

LXXXVIII. Deputatio Francisci Ubaldi sacrae rotae auditoris in praesidentem et iudicem probationum equitum religionis Militiae Christianae, 222.

LXXXIX. Revocatio concessionum diversorum officiorum, ac privilegiorum, exemptionum, gratiarum et indultorum, in praeiudicium Sedis et Camerae Apostolicae emanatarum, 222.

XC. Confirmatio erectionis seminarii in dioecesi Cariatensi in oppido Verzini, 233.

XCI. Extensio concessionis recitandi officium et celebrandi missam B. Iacobi de Marchiae Ordinis fratrum Minorum S. Francisci ad omnes fratres

- eiusdem Ordinis ubique existentes, 234.
- XCII. Declaratio, quod consensus monialium, sine quo mulieres seculares licentis monasteria ingrediendi uti non possunt, expresse, capitulariter et per secreta suffragia de cetero haberi debeat, 235.
- XCIII. Institutio confraternitatis Aulicorum Urbis in ecclesia S. Nicolai ad Caesarinos sub invocatione confraternitatis Urbanae, 236.
- XCIV. Magno magistro Militiae Christianae facultas conceditur militiae adscribendi eos qui per biennium Sedi Apostolicae inservierint, 238.
- XCV. Ecclesiasticis regni Siciliae permittitur, ut quoddam subsidium regi praebere queant, 239.
- XCVI. Indultum fratribus Iesuatis sancti Hieronymi Ordinis S. Augustini, quod abiecto caputio albi coloris aliud coloris eorum habitus, eaque forma, qua ceteri Mendicantes utuntur, deinceps gestare valeant, 242.
- XCVII. Confirmatio confraternitatis Musicorum sub Visitationis Beatae Mariae, S. Gregorii Papae, ac Sanctae Caeciliae titulo, antea in ecclesia Congregationis Clericorum regularium sancti Pauli Decollati de Urbe institutae, cum indultorum ac indulgentiarum concessione, 243.
- XCVIII. Confirmatio constitutionum in collegio Graecorum de Urbe servandarum, 245.
- XCIX. Beatificatio venerabilis Servi Dei Francisci Borgia Societatis Iesu, cum indulto recitationis officii ac missae celebrationis, 255.
- C. Facultas commissario cruciatae regnorum Hispaniarum publicandi etiam typis litteras apostolicas super indultis eiusdem cruciatae emanatas, 256.
- CI. Cavetur, quominus officia tam oneris quam honoris in collegio sancti Francisci de Paula in regione Montium de Urbe pro fratribus Ordinis Minimorum provinciae Calabriae erecto, ab aliis quam ab eiusdem provinciae fratribus exercentur, 257.
- CII. Contra male ad sacros vel minores ordines seu clericalem characterem ordinantes et male ordinatos, 263.
- CIII. Praeceptum episcopo Calaguritano et Calceatensi ut ea revocet, quae contra clerum ipsius dioecesis gessit non obstante inhibitione auditoris camerae apostolicae, 265.
- CIV. Erectio collegii Hibernorum in oppido Lovanii Mechliniensis dioecesis, 266.
- CV. Commissio Berlingerio, episcopo olim Ariminensi, generali totius ducatus, Urbini quoad dux vixerit ab ipso deputato gubernatori, ut, eveniente eiusdem ducis obitu, possessionem illius ducatus, civitatum et dominiorum nomine sanctae Sedis et Camerae Apostolicae apprehendat, 268.
- CVI. Facultas nuncio apostolico inferioris Germaniae exhibendi habitum Militiae Christianae tribus personis per consilium eiusdem militiae nominandis, 272.
- CVII. Confirmantur constitutiones editae pro collegio Hibernorum Lovanii erecto, 273.
- CVIII. Congregationi Oratorii D. N. I. C. Parisiis erectae communicantur privilegia, Congregationi Oratorii a beato Philippo Romae institutae a Romanis Pontificibus concessa, 273.
- CIX. Indultum fratribus Ordinis Minimorum S. Francisci de Paula accipiendi legata cum perpetuo onere missarum et suffragiorum, 275.
- CX. Uladislaus, regis Poloniae filius, ense et pileo donatur, 277.

- CXI.** Praescribitur, quo pacto sanctimonialis, alique impediti, indulgentias anni sancti lucrari possint, 278.
- CXII.** Deputatio ecclesiae S. Mariae Trans-tyberim loco ecclesiae S. Pauli extra Urbem, stante suspicione pestis, unâ cum concessione (cumulative tamen) omnium indulgentiarum ac spiritualium gratiarum dictae ecclesiae S. Pauli concessarum pro praesenti anno sancto, 279.
- CXIII.** Deputatio ecclesiarum sanctae Mariae de Populo, sanctae Mariae Trans-tyberim, ac S. Laurentii in Lucina de Urbe, loco ecclesiarum S. Sebastiani, S. Pauli et S. Laurentii extra muros, pro septem Urbis eiusdem ecclesias visitantibus, 280.
- CXIV.** Monentur locorum Ordinarii, ut christifideles per concionarios hortentur ad succurrendum indigentis sacrorum locorum Hierusalem, 282.
- CXV.** Iubet sub poenâ excommunicationis et privationis vocis activae et passivae, ne ex bibliothecâ Genuensi Ordinis Minimorum extrahantur quomodolibet libri, 282.
- CXVI.** Nuncius apostolicus apud Hispaniae regem collector deputatur pecuniarum ex redditibus cruciatæ fabricae basilicae Principis Apostolorum solvendarum, 283.
- CXVII.** Revocatio litterarum Pauli V, quibus cavetur, quominus beneficia civitatis Calaritanæ ex Turritanâ urbe originariis, et vice versâ conferantur, 284.
- CXVIII.** Erectio custodiæ Bavariae fratrum Ordinis Minorum S. Francisci de Observantia Reformatorum in provinciam Reformatorum Discalceatorum Bavariae nuncupandam, cum communicatione omnium gratiarum spiritualium et temporalium provinciis Hispaniarum concessarum, ac

nonnullis aliis ordinationibus pro bono huius provinciae regimine, 289.

- CXIX.** Commissio collectori Portugalliae ut curet in regnis Portugalliae et Algarbiorum supersederi ab executione litterarum Gregorii XV de exemptorum privilegiis circa curam animarum et administrationem sacramentorum, monialium monasteria, et praedicationem verbi Dei, 292.
- CXX.** Indultum Tiniensibus consequendi indulgentiam anni iubilaei in ipsa Tiniensi insulâ, 292.
- CXXI.** Facultates provinciae Romandiolae praesidi concessae ad annonam in eâdem provinciâ procurandam, 294.
- CXXII.** Facultas eidem Romandiolae et exarcatus Ravennae praesidi hannitos absolvendi, etiamsi parti laesae non satisfecerint, dummodo abstineant a loco patrati delicti, 295.
- CXXIII.** Concessio similium facultatum Marchiae Anconitanae gubernatori quoad afflictum Montis Marciiani, 296.
- CXXIV.** Mandat metropolitae Russiae ut synodum provincialem singulis quadrienniis celebret, 297.
- CXXV.** Pisano archiepiscopo committit, ut curet archiepiscopum Mithilenarum a Graecis Liburni commorantibus recipi atque audiri, 298.
- CXXVI.** Confirmatio quorundam statutorum ecclesiae metropolitanae Eborensis de probationibus super puritate sanguinis ab iis faciendis, qui ad dignitates, aliaque beneficia eiusdem ecclesiae promoventur, 298.
- CXXVII.** Ex voto Congregationis Concilii declaratur in translationibus episcoporum ecclesiae vacationem ab eâ die esse computandam, quâ episcopus ab eius vinculo absolvitur in consistorio, 304.
- CXXVIII.** Adhortatio ad patriarchas, archiepiscopos et episcopos, ut ipsi et

- christifideles omnes bonis operibus muniti, Deum pro pace et concordia inter christianos principes inducenda et christiani populi incolumitate assequenda efficacibus precibus exorent, 305.
- CXXIX.** Declaratio, quod regnum Portugalliae in legatione Hispaniarum comprehendatur, 307.
- CXXX.** Prohibet, quominus imagines nondum a Sede Apostolica canonizatorum vel beatificatorum cum radiis, splendoribus et laureolis proponantur, vel tabellae et luminaria ad eorum sepulchra apponantur, etc., 308.
- Sequitur declaratio praeinsertae prohibitionis, 310.
- CXXXI.** Confirmatio litterarum Clementis VIII de forma servanda in electione generalis, praesidentis, etc., Congregationis S. Ioannis Evangelistae in Portugallia, 311.
- CXXXII.** Indulgentia plenaria Deum precantibus pro praesentibus Ecclesiae necessitatibus, 315.
- CXXXIII.** Inquisitori Portugalliae facultas conceditur ad quinquennium absolventi neophytos relapsos provinciarum et insularum transmarinarum regi Portugalliae subiectarum, 317.
- Sequitur declaratio, quod quinquennium currere incipiat a die publicationis praelatarum litterarum apostolicarum, 319.
- CXXXIV.** Quod fratres Ordinis Eremitarum S. Augustini in Hispania et Indiis, ad doctoratus seu magisterii in sacra theologia gradus promovendi, ab examinatribus in capitulo generali a priore generali deputandis examinentur, ut magistralibus exemptionibus et dignitate gaudere possint, 320.
- CXXXV.** Prorogatio proximi capituli generalis Militiae Christianae ad annum, 321.
- CXXXVI.** Nannetensi episcopo committitur cura monialium reformatarum Ordinis S. Benedicti in Galliis, 322.
- CXXXVII.** Statuitur presbyteros Congregationis Ioannis Dei non posse missarum eleemosynam percipere, nec ad praelaturas promoveri, praevisque tantum examinatorum litteris testimonialibus ad sacros ordines esse promovendos, 324.
- CXXXVIII.** Confirmatio statutorum Militiae Christianae sub titulo Conceptionis B. Mariae Virginis institutae, 325.
- CXXXIX.** Confirmatio decreti sacrae Congregationis Concilii Tridentini de obedientia pro fratribus Ordinis Capuccinorum provinciae Flandriae, qui ad sacros ordines promoventur, episcopis a provinciali non praestanda, 326.
- CXL.** Declarat facultates absolventi ab haeresi et casibus Sedi Apostolicae reservatis et in Bulla Coenae Domini particularibus personis ultramontes per S. S. seu sanctum Officium concessas non comprehendi sub generali suspensione occasione anni sancti, 327.
- CXLI.** Confirmatio litterarum Pauli Papae V quibus communitati Anconitanae duae tertiae partes pecuniarum ex maleficiis, mulctisque provenientium conceduntur, 328.
- CXLII.** Beatificatio venerabilis servi Dei Andreae de Avellino Clericorum Congregationis regularium Theatinorum, cum concessione clericis dictae Congregationis ubique existentibus quotannis in die illius obitus missam et officium de communi Confessorum non Pontificum celebrandi, 331.
- CXLIII.** Iubilaeum pro omnibus utriusque sexus christifidelibus in civitate et

diocesi Parisiensi commorantibus
anno MDCXXVI, 332.

CXLIV. Irritatio decretorum per nonnullos iudices regni Portugalliae contra libertatem et immunitatem ecclesiasticam, ac collectoris eiusque officialium iurisdictionem, latorum, 334.

CXLV. Decreta sacrae Congregationis Concilii de celebratione missarum, ac de prohibitionē illas moderandi, seu reducendi, absque Sedis Apostolicae licentiā, necnon de earumdem oneribus perpetuis suscipiendis, et de religiosorum numero ultra redditus, et consuetas eleemosynas locorum regularium non habendo, 336.

Sequuntur dubia ac declarationes aliquot sacrae Congregationis Concilii SS. D. N. Urbani Papae VIII auctoritate editae super decretis eiusdem Congregationis de celebratione missarum, 340.

Subsequuntur declarationes seu responsiones ad supradicta dubia, 342.

CXLVI. Confirmatur concordia inita inter capitula aliosque ecclesiasticos regnorum Castellae et Legionis super solutione decimae a nonnullis Pontificibus Philippo IV Hispaniarum regi concessae ac prorogatae, 343.

CXLVII. Indultum pro fratribus sancti Francisci de Observantiā in partibus Iodiarum Occidentalium existentibus, quod de suorum superiorum licentiā a quocumque catholico antistite, de consensu Dioecesani, ad omnes etiam presbyteratus ordines extra tempora et non servatis interstitiis promoveri possint, 351.

CXLVIII. Confirmatio decreti capituli generalis fratrum Ordinis SS. Trinitatis Redemptionis captivorum, quo statuitur, ad solum definitorium spectare nominationem religiosorum ad faciendam redemptionem: cavetur

autem, ne bona, ad hunc effectum donata, aliis religiosis, quam, ut praefertur, nominatis tradantur, 352.

CXLIX. Confirmatio nonnullorum decretorum pro reformatione fratrum Ordinis Minorum Conventualium in regno Poloniae, 354.

CL. Mandatum praesidi Romandiolae de capiendā possessione ducatus Urbini, eveniente ducis obitu, cum facultatibus necessariis et opportunis, 355.

CLI. Erectio collegii nationis Maronitarum in Monte Libano, 358.

CLII. Confirmatio constitutionum collegii Maronitarum in monte Libano erecti, 359.

CLIII. Commissio cardinalibus de la Rochefaucault et de la Vallette in causā monialium Carmelitarum Discalceatorum regni Franciae vertente inter subdelegatum apostolicum et episcopum Leonensem, 362.

CLIV. Confirmatio decreti Congregationis Concilii, quo declaratur eligi non potuisse a capitulo duos vicarios ecclesiae Limanae, illius Sede archiepiscopali vacante, 363.

CLV. Absolutio regis catholici, eiusque ministrorum a censuris, in quas incurrerant ob exactum quoddam vectigal ab ecclesiasticis ultra sexennium a Paulo V concessum, 364.

CLVI. Quod capitulum generale Ordinis Praedicatorum imposterum quolibet sexennio celebrari debeat, 366.

CLVII. Confirmatio erectionis collegii S. Bonaventurae fratrum Minorum Conventualium Pragensis per Gregorium XV factae, mutato tamen nomine sancti Bonaventurae in nomen S. Antonii de Padua, 367.

CLVIII. Indultum, quod servus Dei Franciscus Borgia, olim dux Gandiae et deinde religiosus professus, ac tertius praepositus generalis Societatis

- Iesu, Beatus nuncupari, et in die eius obitus missa celebrari et officium de communi Confessorum non Pontificum in ecclesiis et domibus regularibus dictae Societatis recitari possit, 368.
- CLIX. Declaratur Bullam cruciatae et facultatem eligendi confessarium non suffragari canonicis regularibus Congregationis S. Crucis regni Portugalliae, qui in hac subiecti esse debent dispositioni suorum praelatorum, etc., 368.
- CLX. Indultum pro Ordine fratrum Minorum officium de sancto Conrado, Tertii Ordinis S. Francisci professore, in die suae festivitatis recitandi sub ritu semiduplici, et de communi unius Confessoris non Pontificis, 370.
- CLXI. Prohibitio ne degentes in Statu Ecclesiastico mediate vel immediate Sedi Apostolicae subiecto libros ab eis ubicumque compositos de quacumque materia tractantes, absque cardinalis vicarii et magistri sacri palatii in Urbe, et extra eam absque Ordinarii et inquisitoris loci licentia alio deferant, aut imprimendos transmittant, 371.
- CLXII. Beatificatio servi Dei Felicis de Cantalicio Ordinis fratrum Minorum S. Francisci Cappuccinorum, ac indultum, quod de eo missa celebrari ac officium recitari possit a fratribus dicti Ordinis in Nancei, Romaricomontis, et Cantalicii oppidis existentibus, et Romae ab omnibus ad ecclesiam ipsius Ordinis, ubi corpus eiusdem requiescit, confluentibus, 371.
- CLXIII. Abrogatio omnium indulgarum, gratiarum, seu declarationum, quae observantiae regulae S. Francisci quomodolibet contrariae sunt, 373.
- CLXIV. Confirmatio nonnullorum statutorum pro studii generalis civitatis Perusinae directione, 374.
- CLXV. De bonis iurisdictionalibus ad ecclesias et loca pia spectantibus in feudum vel emphyteusim non dandis, neque ultra triennium locandis aut concessionibus huiusmodi renovandis sive prorogandis, 379.
- CLXVI. Indultum, quod fratres Discalceati B. Mariae de Mercede Redemptionis captivorum officium et missam de communi Confessoris non Pontificis recitare possint de S. Raymundo, dicti Ordinis, dum vixit, professore et procuratore generali, ac S. R. E. cardinali, in die suae festivitatis, 382.
- CLXVII. Quod in principatu Cathaloniae ac comitatu Rossilionis et Ceritaniae servetur constitutio Gregorii XIV super immunitate ecclesiarum, 383.
- CLXVIII. Indultum ac decretum, ut festum sancti Bernardi servetur de praecepto in dominiis Reipublicae Genuensis, ac in regno Corsicae, 385.
- CLXIX. Exemptio ab Ordinariorum iurisdictione hospitali S. Antonii de S. Antonio Viennensi a nonnullis Romanis Pontificibus concessa confirmatur, iis exceptis, quae respiciunt curam animarum et sacramentorum administrationem, 386.
- CLXX. Institutio archivii generalis in Urbe, 387.
- CLXXI. Confirmatio litterarum Pii Papae V pro sacra domo Lauretana super notificandis legatis in favorem ipsius domus factis, 392.
- CLXXII. Approbatio statutorum pro Ordine fratrum Minorum de Observantia editorum in capitulo generali Romae die xvii mai mdcxxv celebrato, 393.
- CLXXIII. Super subsidio duodecim millio-

num ab incolis regni Castellae regi catholico persolvendo, 398.

CLXXIV. Confirmatio reformationis canonicorum regularium Congregationis S. Salvatoris in Lotharingia, 400.

CLXXV. Institutio archivii sacri collegii sanctae Romanae Ecclesiae cardinalium in palatio Vaticano, in quo conservari debeant scripturae, et alia acta ad ipsum collegium quomodo libet pertinentia, necnon processus super qualitatibus promovendorum ad cathedrales ecclesias et monasteria consistorialia coram dictis cardinalibus formati. Ac unio officii secretariatus congregationis cardinalium super provisionibus consistorialibus deputatorum officio clerici Itali dicti sacri collegii secretarii, 402.

Sequitur decretum Romae in palatio apostolico Quirinali feria II, die xxii iunii mdcxxvi, in consistorio secreto editum de clavibus aerarii sanctioris, eiusque scriniorum ac portarum fidelius posthac custodiendis, 408.

CLXXVI. Confirmatio statutorum Barchinonensium Ordinis fratrum Minorum de Observantia pro ultramontanâ familiâ, novissime Segobiae recognitorum et approbatorum, dummodo sacris canonibus, Concilio Tridentino, constitutionibus apostolicis, ac regularibus ipsius Ordinis institutis non adversentur, 409.

Sequuntur ordinationes factae in generali congregatione, 410.

Decreta sacrae Congregationis a SS. D. N. pro cismontana familia consultationibus praepositae, quae lecta fuere in generali Ordinis congregatione, 412.

Subsequuntur alia decreta sacrae Congregationis a SS. D. N. pro cismontana familia consultationibus praepositae,

quae pariter in generali Ordinis congregatione lecta fuere, 416.

CLXXVII. Confirmatio Constitutionis Pauli V circa eleemosynam, quam rectores ecclesiarum parochialium Indiarum occidentalium et orientalium habere possunt ab his, qui in ecclesiis domorum utriusque sexus praefati Ordinis S. Francisci de Observantia sepeliuntur, aut pro eorum animâ missas celebrandas reliquerint, cum deputatione haereticae pravitatis inquisitorum pro eiusmodi constitutionis executione, 417.

CLXXVIII. Confirmatio decreti Congregationis concilii quo statuitur, ut archidiacono ecclesiae Vlnensis visitanti dioecesim nomine episcopi non debeantur, nec condonentur distributiones quotidianae, 419.

CLXXIX. Erectio Montis non vacabilis salis, cum annuo reddito scutorum sex pro quolibet loco et amplissimis privilegiis, 421.

CLXXX. Deputatio Torquati de Comitibus in praefectum generalem armorum, necnon tormentorum bellicorum, et militum quos pro recuperatione fortalitiarum et aliorum locorum Vallis Tellinae comitatus Bormii conscribi contigerit, cum facultate recipiendi fortalitia, loca et arma in depositum nomine Sedis Apostolicae, 424.

CLXXXI. Sequitur subrogatio Ioannis Baptistae Nari in locum Torquati de Comitibus locumtenentis generalis militiarum, armorum et propugnaculorum Vallis Tellinae in eventum recuperationis comitatus Bormii, 426.

CLXXXII. Quod fratres Reformati Discalceati Ordinis Sanctissimae Trinitatis Redemptionis captivorum Hispaniae in Africa et aliis Turcarum partibus possint celebrare super altare por-

- tatili et antequam illucescat dies, ac etiam absolvere fideles a casibus reservatis, necnon eisdem indulgentias impartiri, 427.
- CLXXXIII. Confirmatio et approbatio constitutionis Gregorii XV de electione Romani Pontificis, ac caeremonialis continentis illius ritus, 428.
- CLXXXIV. Suppressio Congregationis fratrum Reformatorum Ordinis Minorum S. Francisci Conventualium, 431.
- CLXXXV. Confirmatio sententiae super rescissione contractus venditionis cuiusdam villae ad praeceptoriam seu commendam militiae de Calatrava spectantis, 434.
- CLXXXVI. Martiniani ac Furnenses Iprensis ecclesiae canonici aequae ac Morinenses nuncupati habiles redduntur ad dignitates in eadem Iprensi ecclesiâ obtinendas, 436.
- CLXXXVII. Contra extrahentes seu permittentes ut extrahantur libri ac etiam manuscripta a bibliothecis fratrum Ordinis Praedicatorum, 448.
- CLXXXVIII. Confirmatio indulti, a Sixto Papa V capitulo cathedralis ecclesiae Leodiensis concessi, eligendi ad praepositoras et abbatias tum eiusdem capituli, tum etiam collegiatarum illius civitatis et dioecesis, cum concessione alterius indulti quoad resignationes faciendas, 449.
- CLXXXIX. Extensio indulti recitandi officium de beato Felice de Cantalicio ad omnes fratres Ordinis fratrum Minorum sancti Francisci Cappuccinorum ubique existentes, 453.
- CXC. Declaratio, quod sancta Elisabetha regina Portugalliae Tertium Ordinem S. Francisci expresse fuerit professa, 454.
- CXCI. Praecipitur omnibus monachis Ordinis S. Benedicti, ut breviario et missali a Paulo Papa V approbatis utantur, 455.
- CXCII. Beatificatio venerabilis Servae Dei Mariae Magdalenae de Pazzis, cum facultate celebrandi missam et officium de eâ Romae et Florentiae, 456.
- CXCIII. Confirmatio resolutionis quorundam dubiorum circa xi, xvii, necnon xxii capita sess. xxv *De Regularibus* Concilii Tridentini per sacram Congregationem factae pro archiepiscopo Manilensi in Indiis, 457.
- CXCIV. Facultas regi catholico nominandi iudices ad cognoscendas causas inter archiepiscopum Elborensem et militias S. Iacobi et S. Benedicti de Avis vertentes, ipsi autem archiepiscopo tres ex nominatis iudicibus recusandi, 459.
- CXCV. Confirmatio unionis Congregationis Oratorii Aquensis in Provinciâ Congregationi Oratorii Domini nostri Iesu Christi in regno Franciae, 461.
- CXCVI. Avocatio quarumcumque causarum inter collectorem generalem spoliolum et commissarium cruciatae in regnis Portugalliae et Algarbiorum, 462.
- CXCVII. Sequitur mandatum eidem collectori spoliolum de capiendâ iuridicâ informatione super nonnullis erroneis propositionibus praedicti commissarii cruciatae circa facultatem licentias concedendi missam celebrandi in privatis domorum oratoriis, 464.
- CXCVIII. Confirmatio privilegiorum Ordinis Beatae Mariae de Mercede Redemptionis captivorum Recollectorum nuncupatorum, 464.
- CXCIX. Commissio Lucano episcopo ministris illius reipublicae absolvendi a censuris, in quas incurrerant, ob exactum quoddam ab ecclesiasticis vectigal ultra concessionem Sedis Apostolicae, 466.

- CC. Facultas clero reipublicae Lucanae concordandi cum Republicâ super exactione et solutione nonnullorum vectigalium, 467.
- CCI. Deputatio episcoporum Laudensis et Comensis, ac poenitentiaril ecclesiae Mediolanensis, in protectores collegii Helvetiorum et Rhetiorum eiusdem civitatis, 469.
- CCII. Confirmatio constitutionum pro monachorum congregationis Caelestinorum Ordinis S. Benedicti gubernio emendatarum atque editarum, 471.
- CCIII. Revocat omnia et singula privilegia, immunitates et exemptiones quorumcumque Ordinum, congregationum et institutorum religiosi in regnis Hispaniarum existentibus tam per Apostolicam Sedem illiusque in dicti regnis nuntios quam eorum superiores concessa, ac prohibet, illa de cetero absque Apostolicae Sedis licentiâ concedi, 472.
- CCIV. Tribunalium Urbis iudicibus facultatem elargitur reos, qui aliquod confessi fuerint furtum, de aliis etiam, de quibus accusati non sunt, in genere interrogandi, 473.
- CCV. Confirmatio concordiae inter eorum et civitatem Cremonensem initae circa solutionem livellorum ecclesiasticorum, 474.
- CCVI. Deputatio poenitentiarii in basilicâ Principis apostolorum pro linguâ graecâ, 476.
- CCVII. Facultas deputatis ad regimen domus cathecumenorum et ecclesiae S. Mariae in Montibus de Urbe cogendi notarios ad aperienda et ostendenda testamenta iuxta privilegium fabricae S. Petri, 477.
- CCVIII. Declarat litteras Pauli V, super erectione seu renovatione Congregationis Anglicae Ordinis Nigrorum S. Benedicti, loqui de verâ Congregatione, 478.
- CCIX. Dividit Congregationem fratrum Eremitarum Discalceatorum Italiae Ordinis S. Augustini in quatuor provincias, videlicet Romanam, Neapolitanam, Genuensem, Siculam, et instituit quatuor provinciales pro earum gubernio usque ad celebrationem futuri capituli generalis ipsius Congregationis, 479.
- Sequitur declaratio sacrae Congregationis apostolicae visitationis super facultate quam habere dubitabatur vicarius generalis istorum fratrum eo absente subrogandi alium suo loco cum omnimodâ potestate et iurisdictione, quam ipse vicarius generalis praesens habet, 480.
- Subsequuntur decreta generalia pro totâ Congregatione fratrum Discalceatorum S. Augustini Italiae, facta in visitatione, die xxi iunii anni mdcxxvii, 481.
- CCX. Confirmantur nonnulla statuta pro Congregationibus Anglicae et Hispanicae Ordinis sancti Benedicti edita, 482.
- CCXI. Mandatum Torquato de Comitibus, ut, eveniente traditione fortalitorum, propugnaculorum et aliorum locorum Vallis Tellinae, illa recipiat nomine Sedis Apostolicae, 483.
- CCXII. Confirmatio erectionis seminarii in civitate Coloniensi pro monachis S. Benedicti Congregationis Bursfeldensis, et illius constitutionum, 484.
- CCXIII. Declaratio, quod capitula ecclesiarum cathedralium, quibus S. R. E. cardinales praesunt, ex indultis conferendi beneficia ecclesiastica reservata vel affecta eisdem cardinalibus concessis, nullum ius praetendere possunt, 489.
- CCXIV. Declaratio, quod S. R. E. car-

- dinales ecclesiarum praesules indulto conferendi beneficia ecclesiastica, ratione ecclesiarum, quibus praesunt, vel quarum regimini ultimo loco cesserunt, dumtaxat uti possint, 490.
- CCXV. Commissio episcopo Wratislaviensi apostolicâ confirmandi auctoritate foundationem et erectionem collegii Societatis Iesu in oppido Nissae, cum universitate studii generalis, 491.
- CCXVI. Indultum ecclesiasticis regni Sardiniae, ut possint subsidium quadringenta millium scutorum, unâ cum subditis eiusdem regni, regi catholico persolvere, 493.
- CCXVII. Confirmatio et innovatio Constitutionis Clementis VIII, qua vult dignitates Linguae Anglicae obtinentes, votum in electione magni magistri hospitalis S. Ioannis Hierosolymitani non habere, nisi fuerint ex Anglia oriundi, 494.
- CCXVIII. Indultum ecclesiasticis regni Valentiae, ut cum laicis subsidium regi tribuere queant in summâ unius millionis et octuaginta millium scutorum, 496.
- CCXIX. Declarat confessarios quoscumque per archiepiscopum Limanum approbatos, per archiepiscopum successorem iterum examinari posse; populum vero in Paschate praecepto Ecclesiae non satisfacere, nisi sacram Communionem in propriis parochiis sumat, 498.
- CCXX. Facultas cardinali S. Honuphrii capiendi possessionem ducatus Urbini in casu devolutionis eiusdem, 499.
- CCXXI. Nuncius apostolicus in regno Neapolis pro tempore existens deputatur conservator praeceptoriae S. Antonii de S. Antonio extra portam Capuanam, 503.
- CCXXII. Revocatio omnium gratiarum exemptionum, indultorum, ac privilegiorum quomodolibet concessorum assistentibus ultramontanis prioris generalis Ordinis Eremitarum S. Augustini absolutis ab eorum officio, quo peracto, ad suas provincias redire tenentur, 504.
- CCXXIII. Confirmatio cuiusdam decreti magni magistri et consilii hospitalis S. Ioannis Hierosolymitani super receptione Helvetiorum ad habitum militiae, 505.
- CCXXIV. Pro confraternitate Musicorum in ecclesiâ clericorum regularium S. Pauli Decollati de Urbe aliâ institutâ, revocatio prohibitionis, de qua in § vi, ac indulti, de quo in § vii constitutionis confirmatoriae ipsius, 507.
- CCXXV. Nonnullae ordinationes pro missis in ecclesiâ sancti Gregorii de Urbe celebrandis, et recipiendis elemosynis, 508.
- CCXXVI. Prior praedicti monasterii S. Gregorii Congregationis Camaldulensium censetur etiam procurator generalis ipsius Congregationis, 509.
- CCXXVII. Confirmantur duo decreta super validitate professionum a fratribus et monialibus Tertii Ordinis S. Francisci de Poenitentia congregationis Galliae emissarum, lata a praeside et assistentibus capituli generalis eiusdem congregationis a Francisco cardinali Barberino Apostolicae Sedis in Galliam legato deputatis, 510.
- CCXXVIII. Quod personae, per regem catholicum ad beneficia eius iurispatronatus praesentandae, teneantur in actu praesentationis cavere de solvendo fructus unius mensis eidem regi concessos, 514.
- CCXXIX. Declarat monachos monasterii Ripolensis, Ordinis S. Benedicti, teneri ad recitandum officium B. Mariae

- Virginis et Defunctorum quotidie, iuxta veterem consuetudinem, 515.
- CCXXX. De modo conferendi gradus doctoratus per archiepiscopos et episcopos Indiarum occidentalium, 515.
- CCXXXI. Statuitur, quod ditiora monasteria Ordinis Carthusiensis pauperioribus monasteriis pecunias ad censum concedere, et ad id per capitulum et priorem generalem cogi possint, 517.
- CCXXXII. Statuit tollendum esse abusum immittendi ferocem taurum in ecclesiam S. Marci Pacensem in vigiliâ et festo ipsius Sancti, ac mandat episcopo, ut curet huiusmodi abusum radicitus aboleri, 518.
- CCXXXIII. Confraternitas sub titulo *Communione hierarchiae plenitudinis aetatis Iesu Christi* erigitur in archiconfraternitatem, et confratribus nonnullae conceduntur indulgentiae, 519.
- CCXXXIV. Mandatur archiepiscopis et episcopis Indiarum, ut prohibeant recipi mulieres in monasteriis monialium, nisi monasticum habitum induere velint, 521.
- CCXXXV. Divisio Congregationis Clericorum regularium Minorum nuncupatorum in duas provincias, cum nonnullis statutis, 522.
- CCXXXVI. Commissio archiepiscopo Tarsensi, provinciae Romandiolaë praesidi, cognoscendi causas super devolutione nonnullorum castrorum ad mensam episcopalem Brittonoriensem spectantium, 523.
- CCXXXVII. Facultas episcopo Iaponensi procedendi contra regulares non parentes nonnullis decretis sacrae Congregationis de Propagandâ Fide, 525.
- CCXXXVIII. Suppressio unius canonicatus et praebendae in qualibet, tam ex metropolitaneis, quam aliis cathedralibus et collegiatis ecclesiis Indiarum, qui primo vacaverint, et applicatio fructuum Officio Inquisitionis, 526.
- CCXXXIX. Suppressio officii perpetui praefecti computorum datariae apostolicae, et reductio ad officium amovibile receptoris pecuniarum, 527.
- CCXL. Litterae, quae in die Coenae Domini singulis annis solent publicari, 530.
- CCXLI. Confirmatio decreti Congregationis Concilii, quo declaratur regulares exercentes curam animarum in dioecesi Manilensi subesse iurisdictioni archiepiscopi in his quae ac dictam curam pertinent, 537.
- CCXLII. Declaratio, quod beata Maria Magdalena de Pazzis Florentina, dum vixit, Ordinis B. Mariae de Monte Carmelo monialis extitit, 538.
- CCXLIII. Extinctio assertae cuiusdam Congregationis sancti Pauli primi eremitae in regno Galliae, 540.
- CCXLIV. Nova erectio collegii Illyrici in civitate Lauretana pro adolescentibus ex Illyricis provinciis sumptibus domus Lauretanae educandis, cum privilegiorum et indulgentiarum elargitione, 541.
- CCXLV. Confirmatio et innovatio constitutionum Sixti V, Clementis VIII et Pauli V super prohibitione alienandi fortalitia et castra, aliaque bona iurisdictionalia in Statu Ecclesiastico existentia, absque Sedis Apostolicae licentiâ. Earumque declaratio et extensio respective quoad castra diruta, tenutas et praedia etiam non iurisdictionalia in confinibus loci iurisdictionalis, etsi bona in dicto Statu in confinio principum exteriorum sint, illorumque locationes et censuum annuorum super praemissis omnibus impositiones, et impositorum venditiones, 547.
- CCXLVI. Nova erectio collegii in civitate

Pragensi regni Boëmiæ pro adolescentibus Germanicæ nationis; ac reddituum attributio, indultorumque concessio et communicatio, 551.

CCXLVII. Nova institutio collegii in civitate Viennæ Austriæ pro scholaribus Germanicæ nationis, cum proventuum assignatione et communicatione privilegiorum, 556.

CCXLVIII. Declaratio, quod fratres Capuccini sunt vere fratres Minores Ordinis S. Francisci, ac ex illius verâ et nunquam interruptâ lineâ descendunt, sub illius regulâ militant et militarunt, 561.

CCXLIX. Facultas Antonio cardinali Barberino, in casu devolutionis Status Urbini, inspiciendi et retinendi scripturas ad Sedem Apostolicam pertinentes, ac declarandi infra duos menses, quam tormentorum bellicorum et aliorum quorumvis armorum nec non salis quantitatem pro eâdem Sede vcluerit, 563.

CCL. Confirmatio nonnullorum capitulorum, quæ inita sunt inter fratres Ordinis beatæ Mariæ de Mercede Redemptionis captivorum, occasione separationis Discalceatorum a Calceatis, 565.

CCLI. Committitur collectori spoliolum in regno Portugalliae, ut officiales camerae Ulyssipponensis absolvat a censuris in quas incurrerant ob exacta ab ecclesiasticis nonnulla vectigalia ad derivandam aquam in urbem, in alios vero usus impensa, 568.

CCLII. Commissio eidem collectori permittendi impositionem vectigalis etiam ecclesiasticis super aquâ dulci Ulyssiponem inducendâ, 570.

CCLIII. Revocatio reservationum pensionum perpetuarum super beneficiis ecclesiasticis ad collegiorum et piorum locorum favorem factarum et

indultorum imponendi pensiones etiam temporales quibusvis concessorum, 573.

CCLIV. Erectio collegii Urbani de Propaganda Fide, 574.

CCLV. Instructio particularis circa conficiendos processus inquisitionis in qualitates eorum, qui promovendi sunt ad regimina cathedralium, aut aliarum superiorum ecclesiarum, vel monasteriorum, ut in dictis processibus conficiendis servantur sacri canones, Concilium Tridentinum, et constitutio Gregorii Papæ XIV super formâ huiusmodi processuum conficiendorum, 581.

CCLVI. Facultas episcopo Cesenatensi, Status Urbini gubernatori, auctoritate et nomine sanctæ Sedis prohibendi quibusvis subditis Sedis Apostolicæ ecclesiasticis et secularibus, etiam principibus, ne, eveniente obitu ducis Urbini, populos ad arma convocare, militum copias cogere, etc., audeant, 589.

CCLVII. Confirmatur decretum Congregationis Concilii super matrimoniis, quæ inter transferentes domicilium contrahuntur, 591.

CCLVIII. Iubilæum christifidelibus in Æthiopiæ imperio commorantibus, 592.

CCLIX. Indultum celebrandi missam et recitandi officium die v february de vigintitribus Martyribus ex Ordine fratrum Minorum sancti Francisci de Observantiâ provinciæ Discalceatorum sancti Gregorii Philippinarum et Japoniæ, pro fratribus dicti Ordinis ubique existentibus, et pro aliis quibuscumque Manilensis diocesis tantum, 593.

CCLX. Indultum celebrandi missam et recitandi officium de tribus Martyribus Paulo Michi, Ioanne de Goto, et Didaco Quizai, e Societate Iesu,

quotannis die quintâ februarii pro omnibus dictae Societatis religios, 594.

Sequitur decretum sacrae rituum Congregationis, quo praedictum indultum extenditur ad omnes sacerdotes tam seculares quam regulares ad ecclesias dictae Societatis confluentes, 595.

CCLXI. Praefigitur terminus trium mensium ab istius Constitutionis publicatione partibus ad retractandum omnia contra constitutiones Sixti V, Clementis VIII et Pauli V super prohibitionem alienandi fortalitia et castra, aliaque bona iurisdictionalia in Statu Ecclesiastico existentia, absque Sedis Apostolicae licentiâ, et contra illarum declarationem et extensionem respective quoad castra diruta et alia in eis expressa a Sanctitate Sua emanatas, gesta, et notariis etiam Sedis Apostolicae, etiam de numero participantium, ad instrumenta, de quibus sunt rogati, exhibendum, et in eorum margine cassationes adnotandum; et insuper mandatur testibus, quatenus contractus omnes, quibus interfuerint, intra similem terminum a die contractus, revelare et de eis notam dare debeant, 596.

CCLXII. Erectio Congregationis super confinibus Status Sedis Apostolicae mediate vel immediate subiecti, cum deputatione illius praefecti et consultorum, et facultatibus eisdem concessis, 599.

CCLXIII. Indultum recitandi officium et celebrandi missam de beata Rita de Cassia Ordinis Eremitarum S. Augustini pro universi Ordinis praedicti fratribus et monialibus, et pro aliis in tota Spoletana dioecesi, 603.

CCLXIV. Facultas erigendi hospitium in

partibus Africae pro sex religiosi Congregationis B. Mariae de Mercede Redemptionis captivorum Disalceatorum seu Recollectorum nuncupatorum, 604.

CCLXV. Ecclesiasticis regni Galliarum facultas concedit subsidium regi praestandi pro haereticorum profligatione, 606.

CCLXVI. Societas monachorum S. Benedicti Reformatorum provinciae Britannicae Congregationi sancti Mauri eiusdem Ordinis in Gallia erectae unitur, 608.

CCLXVII. Ratificatio actorum per Torquatum de Comitibus in restitutione tormentorum bellicorum et aliarum rerum in fortalitiis Vallis Tellinae existentium comiti Aloysio Trotto procuratori a gubernatori Mediolanensi nomine regis catholici deputato, 609.

CCLXVIII. Nonnullae indulgentiae pro exercitu regis Poloniae contra haereticos Prussiae profecturo, 610.

CCLXIX. Subsidium decies centenorum millium scutorum clero Galliarum imponitur regi persolvendum, 611.

CCLXX. Confirmatio et innovatio constitutionis Pii Papae V contra monetarios, eiusdemque ad quascumque personas ecclesiasticas, seculares ac cuiusque Ordinis necnon etiam Militiarum regulares, 614.

CCLXXI. Confirmatio decreti Congregationis sacrorum rituum super praecedentiâ confratrum Ordinis Ioannis Dei, ac fratrum Ordinum mendicantium; et quarumcumque controversiarum super praemissis pendens extinctio, 617.

CCLXXII. Liparensem ecclesiam a iure metropolitico Messanensis eximit, et Sedi Apostolicae immediate subicit, 618.

- CCLXXXIII.** Nuntius Hispaniarum commissarius deputatur ad exigendam summam mille quingentorum scutorum, seu eius residuum, pro fabrica ecclesiae S. Ioannis Lateranensis ratione ampliationis facultatum cruciatiae impositam, 621.
- CCLXXXIV.** Extensio indulti recitandi officium et celebrandi missam de beata Maria Magdalena de Pazzis in omnibus ecclesiis iam in dioecesi Florentina quam in universâ ditione temporali magni ducis Etruriae, 622.
- CCLXXXV.** Prohibitio transeundi ab Ordine fratrum Reformatorum B. M. de Mercede Redemptionis captivorum, ad fratres Calceatos eiusdem Ordinis, absque Romani Pontificis expressâ licentiâ, 623.
- CCLXXXVI.** Statuta nonnulla pro reformatione monachorum Ordinis sancti Benedicti Congregationis S. Mauri, 624.
- CCLXXXVII.** Extensio concessionis de beata Rita de Cassia Ordinis S. Augustini recitandi missam pro confluentibus ubique terrarum ad ecclesias praedicti Ordinis, et in tota Spoletana dioecesi ad omnes ecclesias, 631.
- CCLXXXVIII.** Confirmatio privilegiorum ac iurium ecclesiae et capituli S. Mariae ad Martyres super plateâ ante ipsam ecclesiam, 631.
- CCLXXXIX.** Deputatio exequutorum alternativae circa electionem provincialium, dignitatum ac officiorum fratribus Ordinis Eremitarum sancti Augustini provinciae Mechoacanae, 641.
- CCLXXX.** Confirmatio decreti sacrae Congregationis Concilii, quo declaratur constitutionem Gregorii XV de conservatoribus editam non afficere religionem Hierosolymitanam, nisi quoad iudices conservatores, eidemque militiae adhuc ius eiusmodi iudices conservatores eligendi competere, 642.
- CCLXXXI.** Indultum clero regni Poloniae elargiendi regi subsidium, 643.
- CCLXXXII.** Extensio indulti recitandi officium et celebrandi missam de beato Felice de Cantalicio Ordinis Cappuccinorum in eius festo ad omnes sacerdotes ad ecclesias eiusdem Ordinis confluentes, 644.
- CCLXXXIII.** Ampliatio Constitutionis Clementis VIII contra non promotos ad sacri presbyteratus ordinem, sacramentales confessiones audientes, aut missam celebrantes, curiae seculari, præviâ degradatione, tradendos, editae, nec aetate minori xxv annis excusentur, dummodo xx aetatis annum compleverint, 646.
- CCLXXXIV.** Confirmatio et innovatio regulae cancellariae, decreti camerae apostolicae, et constitutionum Iulii quoad fructus beneficiorum ecclesiasticorum inexactos, 647.
- CCLXXXV.** De electione priorum provincialium ac celebratione capitulorum provincialium necnon de modo regendi et gubernandi provincias fratrum Discalceatorum Ordinis Eremitarum S. Augustini Congregationis Italiae, 652.
- CCLXXXVI.** Indictio universalis iubilaei ad agendas gratias et divinam opem in imminentibus Ecclesiae necessitatibus implorandam, 654.
- CCLXXXVII.** Erectio unius cathedrae eloquentiae, sive rhetoricae, in publico Urbis gymnasio, pro uno ipsius rhetoricae lectore et professore, cum annuae provisionis assignatione, necnon privilegiorum et indultorum, quibus alii dicti gymnastii cathedratici gaudent, communicatione, eiusdemque concessio Augustino Mascardo, 657.
- CCLXXXVIII.** Revocatio decreti editi in capitulo fratrum Ioannis Dei, quo

conceditur cuilibet sacerdoti dicti Ordinis, ut duas missas singulis hebdomadis celebrare, et de earum elemosynis ad sui libitum disponere possent; ac prohibitio, ne dicti sacerdotes exerceant officia et dignitates, quae in eadem Congregatione exerceri solent, 658.

CCLXXXIX. De electione praefecti generalis, consultorum et arbitri Congregationis Clericorum Regularium ministrantium infirmis, 659.

CCXC. De electione definitorum Congregationis Cassinensis, alias sanctae Iustinae de Padua, Ordinis sancti Benedicti, ac de eorumdem vacatione ab officio; necnon de auctoritate dietae circa dispositiones abbatum, eorumque mutationes, ac eorum, qui decanatus munere digni sunt, electionem, 661.

CCXCI. Confirmatio constitutionum Urbanarum fratrum Minorum Conventualium Ordinis S. Francisci in capitulo generali dicti Ordinis anno mcccxxv celebrato pro feliciiori ipsius Ordinis progressu editarum, ac de mandato Urbani VIII examinatarum, cum annullatione quarumcumque aliarum constitutionum praedictis repugnantium, 663.

CCXCII. Concessio ecclesiae S. Laurentii in Ponte, in regione Montium sitae, confraternitati Aulicorum, ad pia opera per eius confratres in ipsa exercenda, 664.

CCXCIII. Super prohibitione, ne sacerdotes Ordinis S. Ioannis officia habeant, sequitur declaratio, quae nominibus officiorum et dignitatum intelligenda sint, ac poenarum inflictio eligentibus ac electis contra formam huius constitutionis.

CCXCIV. Nova erectio seminarii apostolici Cariatensis, cum assignatione aedificiorum et possessionum, 668.

CCXCV. Approbatio et confirmatio nonnullarum constitutionum pro tutiori fratrum Discalceatorum Reformatorum Ordinis S. Augustini Congregationis Galliae gubernio editarum, 669.

CCXCVI. Ordinationes et leges servandae in electione magni magistri hospitalis sancti Ioannis Hierosolymitani, 672.

CCXCVII. Confirmatio unionis Congregationis Presbyterorum Oratorii B. Mariae gratiarum in provinciâ Provinciae Congregationi Oratorii D. N. Iesu Christi, 677.

FINIS TOMI DECIMITERTII.

V. ex delegatione D. D. Archiepiscopi Taur.

P. CLODOVAEUS A COSTIOLIS Ord. Min.

ERRATA-CORRIGE

HUIUS NOSTRAE EDITIONIS.

IN TEXTU.

<i>Pag.</i>			<i>Legs</i>	
71 a	linea 5 ult.	legati	—	ligati
158 a	» 3-4	natione et provinciâ	—	natione, et provincia.
189 a	» 17 ult.	Gregorius	—	Gregorio
250 b	» 15 ult.	quae	—	quae ^t
268 a	» 17	Senogalliensis et Pissau-	—	Senogalliensem et Pissaurensem
		rensis	—	
287 b	» 2 ult.	Calaguritanum (A)	—	Calaritanum (1)
292 a	» 10	Dalloto (B)	—	Pallotto (2)
434 b	» 6 ult.	recepti (C)	—	recipi
459 b	» 3 seq.	Elborensem (D)	—	Eborensem (3)
504 a	» 17	martii	—	octobris
550 b	» 9 ult.	iulii	—	iunii
594 a	» 9	Nangasa qui	—	Nangasaqui
595 a	» 23-24	Nangasa, qui	—	Nangasaqui
595 b	» 1	supplicarunt) deveniatur	—	supplicarunt, deveniatur)
619 b	» 2 ult.	si qua	—	si quae

IN NOTIS.

<i>Pag.</i>			<i>Legs</i>	
114 a	» 1 ult.	Inscrutabili	—	Imperscrutabili
170 a	» 1 ult.	qua	—	quae
330 b	» 1 ult.	provenientium	—	provenientia
452 a	» 1 ult.	non intellige	—	non intelligo
512 b	» 1 ult.	meto	—	moto
516 b	» 3 ult.	alias	—	alias
544 b	» 1 ult.	et illas	—	ut illas
585 b	» 1 ult.	saepe dictam	—	super dictam

- (A) Ex edit. Main. Tom. v, Parte v, pag. 304 b linea 31
 (B) Ex edit. Main. id. id. » 307 a » 22 ult.
 (C) Ex edit. Main. id. id. » 401 b » 7
 (D) Ex edit. Main. id. id. » 416 a » seq.

- (1) Sic puto esse corrigendum, nam Calaguris in Hispania est.
 (2) Sic puto esse legendum ut pag. 334 et alibi.
 (3) Sic puto emendandum, nam Ebora civitas est in regno Portugalliae, Elbora nullibi esse puto.